

SC.21.Pl.5.



MAS 1890

P. PELLIZZARII
TRACTATIO
DE MONIALIBUS.

1. The first part of the paper is devoted to a general discussion of the problem of the existence of solutions of the system of equations

$$\frac{dx}{dt} = P(x, y, z), \quad \frac{dy}{dt} = Q(x, y, z), \quad \frac{dz}{dt} = R(x, y, z),$$

where P, Q, R are continuous functions of x, y, z in a certain domain D of the space (x, y, z) .

TRACTATIO DE MONIALIBUS

IN QUA REFERUNTUR

OMNES FERE QUÆSTIONES

De Receptione , Novitiatu , Dote , Renunciatione bonorum ,
Professione , Velo , Consecratione , Votis Religiosis ; Clausura ,
Obligationibus , Prohibitionibus , Pœnis , Privilegiis , ac
Gubernatione , quoad earum Prælatos , Abbatissas ,
& Confessarios ordinarios , ac extraordinarios :



AUCTORE

FRANCISCO PELLIZZARIO

PLACENTINO SOCIETATIS JESU.

Editio novissima , aucta , & correctæ

AD JUXTA ANIMADVERSIONES

SACRÆ INDICIS CONGREGATIONIS

A JOANNE FRANCISCO MONTANI

EJUSDEM SOCIETATIS THEOLOGO

CUM APPENDICE CONSTITUTIONUM

SS. D. N. BENEDICTI PP. XIV.

AD EAM MATERIAM PERTINENTIAM.



ROMÆ MDCCLV.

EX TYPOGRAPHIA GENEROSI SALOMONI.

SUPERIORUM FACULTATE.

111

REVERENDISSIMO PATRI
IGNATIO VICECOMITI
PRÆPOSITO GENERALI SOCIETATIS JESU

GENEROSUS SALOMONI
FELICITATEM.



ETSI libera solent esse judicia,
eorum, qui Opera quæ vul-
ganda susceperunt, præstantissimi Viri alicu-
jus nomini inscribunt; tamen hoc Francisci
Pellizzarii Opus *de Monialibus*, ut Tibi,
REVERENDISSIME PATER, nuncuparem, non
tam

tam arbitrio meo factum est , quam necessitate quadam , qua , ne aliud statuerem , omnino prohibebar . Nam & Auctor doctissimus , qui illud jamdiu elucubrav^{it} , recensque alius Theologus , qui illud restituit , ex illa sunt Religiosa Familia , cui Tu summa , omnium consensione electus qui præsideres , eam nunc singulari Integritatis , Justitiæ , & Prudentiæ fama gubernas ; & quo ita restitueretur , consilium fuit unius ex Decessoribus Tuis in suprema ista Societatis Præfectura , qui hoc illi ipsi , cujus nunc opera factum prodit , faciendum commisit . Accedit , Societatem , cui præes , in Virginibus istis , qui se Monasteriis incluserunt , vitamque suscep^{erunt} Deo² devotam¹ , regendis , informandisque ad pietatem , adeo esse felicem , ut , quoniam perpetuo non potest , ut per intervalla faciat , expetatur ab omnibus ; atque etiam commendatissima sit sanctissimæ Virginis Mariæ Magdalenæ de Pazzis egregio , & singulari præconio . Non ergo facere aliud poteram , nisi ut in ejus nomine appareret , cui tam multis , justissimisque de causis omnino debebatur . Quamquam , si libera optio fuisset , non video , quem potissimum mihi ,

mihi , aut Operi huic Patronum adlectum , conciliatumque mallet . Equidem sic existimo , eum esse debere hujusmodi , qui & eximia scientia præditus dijudicare de Opere ipso possit , & auctoritatè illud sua , si necesse sit , defendere , atque tueri . Jam vero , quantum Tu utraque laude floreas , testantur munera tibi commissa , quæ fuerunt hujusmodi , ut vel litteraria in Braydensi Collegio , id est in maximo Mediolanensi , florentissimo omnium optimarum Artium , & Scientiarum Athenæo , obtineres omnia , cum esses ibidem Philosophiæ , & Theologiæ Professor , divinarum litterarum Interpres , ac demum generalis Studiorum Præfectus constitutus ; vel quæ ad regendos alios pertinent præclarissima , præstantissimaque , Præfecturam nimirum Domus Professæ Mediolanensis , Provinciæ totius , Italiæ , ac demum Societatis universæ consequeris . Quem ergo mihi , quem Operi huic Patronum præoptarem ? nisi quem summa tantarum , sive omnium potius præclarissimarum rerum scientia peritissimum æstimatorem faceret ; collecta vero summis Societatis suæ muneribus , & nunc in supremo imperio auctoritas idoneum

neum redderet , qui me , & conatus in hoc Opere edendo meos tueretur : non enim dicam Opus ipsum , quasi vero videar ei diffidere , quod fatis cum Auctor suus , tum communis omnium utilitas commendavit . Cum ergo & necessitas quædam ad hoc Tibi dedicandum adduxerit , & mea etiam sponte , si liceret , Tibi essem consecraturus ; restat , ut in eo quidem Societati Tuæ , quæ tam eximia Opera protulit , profertque assidue , gratuler ; pro altero vero tuum mihi , REVERENDISSIME PATER , patrocinium deprecam : quod si obtinuero , fatis magnum me vel impensarum mearum , vel curæ fructum tulisse putabo .

LECTO.



LECTORI BENEVOLO.



RODIT iterum in lucem ; Lector benevole ,
P. Francisci Pellizzarii de Monialibus tracta-
tio , non eadem omnino , quæ aliàs fuerat
multorum typis vulgata . Sincerum , ac vehem-
ens studium reddendi minus difficilem vi-
tam Religiosam Sacris Deo Virginibus , & hominis fa-
cilitas quædam , Scriptorem ceteroqui bonum in opinio-
nes interdum plus æquo benignas , tamquam in syre-
num scopulos abripuerunt . Ob has autem , quamquam
non exiguam de reliquo visus est utilitatem Sanctimo-
nialium Cœtibus , eorumque Moderatoribus contulisse ,
adeo tamen sapientum virorum animadversionem non
effugit , ut etiam postmodum fuerit in proscriptorum
librorum Indice publicatus . Quoniam vero , cum illa
quoque sententiarum nimis libere procurentium admix-
tione , plurima erant & scitu necessaria , & sapienter ex-
plicata , non abs re visum fuit Tractatum eundem e te-
nebris ad aspiciendam iterum lucem sine ullo legentium
periculo revocare . Quod ut securius facerem , Sacræ
b Con-

Congregationis censuram impetravi , ut possim loca , quæ correctione digna judicata fuerant , emendare . At qua illa ratione emendata sunt ? Poterant fortasse rescribi loca universa fideliter , & immutata , adjecta infra , ubi res postuleret , opportuna singulis correctione : poterant etiam ea , quæ minus probarentur expungi ; sic ut eodem in honore esset opus , atque statuar antiquiores , brachiis , aut capite ob vetustatem temporis decurtatæ . Utrumque tamen a proposito alienum : Cavendum quippe fuit , ne aut licentius opinantes , magis doctrinæ prioris lenocinio , quam ipsius castigatione detinerentur , aut propter frequentiora intervalla perpetuitas orationi debita , contextusque deficeret , neve aliquid ad plenam materiæ totius cognitionem desideraretur . Commodè igitur me facturum putavi , si partes omnes ad absolutionem suam , perfectionemque deducerem , non eam profecto , quam sibi Auctor statuit , dum scripsit , sed quam in præsentia mallet , si adhuc vitam inter nos ageret , secundisque , ut ajunt , curis lucubrationes recognosceret suas . Transegi proinde rem totam hoc ferme pacto , ut quæ male affecta essent quoquo modo sanarem , versaque in contrariam partem sententia , opportunam adjungerem , ubi necesse esset , palinodiam . Neque propterea parum æquus Pellizzario dicar , perinde ac si in alienam picturam audacter manus injecerim . Enimvero quid aliud hoc fuit , nisi tabulam minus bene antea constitutam in bono lumine collocare ? Quid aliud , nisi nævos illi detergere , quamobrem in eam deinceps possent intuentium oculi obtutum sine ulla suspicione defigere . Quidquid certe præstiti , id unice studui , ut non solum amicorum consiliis , sed illorum etiam obse-

obsequeretur auctoritati , qui id jubere poterant , suumque desiderium significaverant , ut Pellizzarii lectio esset in posterum ad omnium usum accomodata . Tu interim , humanissime Lector , qualicumque hac industria nostra frui , & diu vive .



IGNATIUS VICECOMES

Præpositus Generalis Societatis JESU .

CUM librum , cui titulus : *Traſtatio de Monialibus* , in qua reſolvuntur omnes fere *Quæſtiones de Receptione* , *Novitiatu* , *Dote* , *Renunciatione bonorum* , *Professione* , *Velo* , *Conſecratione* , *Votis Religioſis* , *Claufura* , *Obligationibus* , *Prohibitionibus* , *Pænis* , *Privilegiis* , ac *Gubernatione* , quoad earum *Prælatos* , *Abbatiffas* , & *Confefſarios ordinarios* , ac *extraordinarios* . Auctore *Franciſco Pellizzario Placentino Soc. Jeſu* . Editio noviffima , aucta , & correctæ juxta animadverſiones *Sacrae Indicis Congregationis a Joanne Franciſco Montani ejusdem Societatis Theologo* . Cum *Appendice Conſtitutionum SS. D. N. BENEDICTI XIV.* ad eam materiam pertinentium , aliquot ejusdem Societatis Theologi recognoverint , & in lucem edi poſſe probaverint , facultatem facimus , ut typis mandetur , ſi iis ad quos pertinet ita videbitur : cujus rei gratia has literas manu noſtra ſubſcriptas , & ſigillo noſtro munitas dedimus . Romæ 5. Decembris 1754.

Ignatius Vicecomes .

IMPRÆ.

IMPRIMATUR,

Si videbitur Reverendissimo Patri Magistro
Sacri Palatii Apostolici.

*F. M. de Rubeis Patriarcha
Constantinop. Vicefg.*

EX commissione Reverendissimi Patris Sac. Apost. Palatii Magistri legi Tractatum *De Monialibus* R. P. Francisci Pellizarii ex Societate Jesu Theologi; ac diligenter a me examinatum, ita correctum, & expurgatum reperi, ut nihil in eo deprehenderim, quod vel sanæ Theologiæ principiis, vel Ecclesiasticæ disciplinæ regulis sit contrarium. Laudandus vero doctissimus ejusdem sacræ Societatis Theologus, a quo manus admota, Opus expulitum, egregia, eaque necessaria additamenta sunt apposita. Quam ob rem nil prorsus ob stare, immo & æquum esse censeo, ut possit iterum typis evulgari.

Datum ex Cœnobio S. Mariæ de Araceli die 25. Julii 1753.

*Fr. Cherubinus a Roma S. Theologiæ
Lector Jubilatus, ejusdemque Cœnobii Guardianus.*

A Maximis viris splendidis laudibus celebratam , & publico exceptam plausu amplissimam Traſtationem *de Monialibus* a Cl. Theologiæ Moralis Lectore Francisco Pellizario Societatis Jeſu Presbytero olim exaratam , & pluries exinde recuſam ; nunc autem ab altero ejusdem inclitæ Societatis eximio Theologo a mendis , quæ irreperſerant , expurgatam , pluribus in locis egregiis auctam additionibus , illustratam , & numeris vere omnibus abſolutam , ſedula , qua par erat , attentione luſtravi , mandatis obſequens Reverendiſſimi Patris Sacri Palatii Apoſtolicæ Magiſtri , & ſumma voluptate relegi , itidemque ſuſpexi : non modo nihil in ea ſtigmate cenſorio notandum reperi , ſed oppido commendandam , & dignam plane , quam ſerio læſtitent omnes Monialium Prælati , & Confeſſarii , ut hinc in cunctis , quæ ad earumdem regimen , & directionem ſpectant , probe , & ſcite inſtructi , graviſſimo ſuo muneri , & oneri faciant ſatis : Ea propter æquum cenſeo , ut præclarum Opus publici fiat juris ; nam ut præmonuit Auguſtinus ad Bonifacium de correct. Donatiſt. *Cogunt multas invenire medicinas multorum experimenta morborum* .

Romæ ex Collegio S. Mariæ de Victoria die 14. Maii 1753.

*Fr. Aloyſius Maria a Jeſu Carm. Exalc.
Sac. Congreg. SS. Reliquiarum , &
Indulgentiarum Conſulor, ac Sac. Rom.
Inquiſit. Qualiſicator .*

IMPRIMATUR.

Fr. Vincentius Elena Ordinis Prædicatorum ,
Magiſter Socius Rm̃i Patris Sacri Palatii
Apoſtolicæ Magiſtri .

INDEX

INDEX CAPITUM.

CAPUT I.

D	<i>E statu Religioso Monialium in genere.</i>	Pag. 1
II.	<i>De Novitiatu Monialium, aliisque ipsi annexis.</i>	6
	Sectio I. <i>De Receptione Monialium ad Novitiatum.</i>	6
	Sectio II. <i>De Novitiatu Monialium, & aliis ei annexis.</i>	19
	Sectio III. <i>De Bonorum renuntiatione a Monialibus facienda ante religiosam Professionem.</i>	27
III.	<i>De Religiosa Professione Monialium.</i>	32
	Sectio I. <i>De Professione religiosa Monialium, & circumstantiis ipsi annexis.</i>	32
	Sectio II. <i>De Dote solvenda ante Monialium Professionem.</i>	45
	Sectio III. <i>De Velo Professionis, necnon de Benedictione, seu Consecratione Monialium.</i>	57
IV.	<i>De Votis Paupertatis, Castitatis, & Obedientiæ, ad quæ tenentur Moniales vi Professionis.</i>	64
	Sectio I. <i>De Voto Paupertatis, ad quam tenentur Moniales.</i>	64
	Sectio II. <i>De Voto Castitatis, ad quam tenentur Moniales.</i>	88
	Sectio III. <i>De Voto Obedientiæ, ad quam tenentur Moniales.</i>	94
V.	<i>De obligatione Clausuræ, ad quam tenentur Moniales.</i>	107
	Sectio I. <i>De Clausura Monialium in genere.</i>	107
	Sectio II. <i>De observantia Clausuræ Monialium quoad non exeundum e septis proprii Monasterii.</i>	115
	Sectio III. <i>De observantia Clausuræ Monialium quoad non admittendas personas extraneas intra Monasterium.</i>	136
	Sectio IV. <i>De observantia Clausuræ Monialium quoad ingressum Puellarum in Monasterio ad tempus educandarum.</i>	173
	Sectio V. <i>De observantia Clausuræ Monialium quoad accessum extraneorum ad ipsas Moniales.</i>	181
VI.	<i>De variis obligationibus, ad quas tenentur Moniales ratione status Religiosi.</i>	193
VII.	<i>De Prohibitionibus jure communi latis contra Moniales.</i>	222
VIII.	<i>De Pœnis jure communi latis contra Moniales.</i>	235
	<i>De Excommunicationibus latis contra Moniales.</i>	238
		De

<i>De suspensionibus latis contra Moniales.</i>	246
<i>De Interdictis jure communi latis contra Moniales.</i>	248
<i>De irregularitatibus, quæ jure communi cadere possunt in Moniales.</i>	249
<i>De variis aliis pœnis, quas jure communi possunt Moniales incurrere.</i>	251
IX. <i>De Privilegiis, quæ Monialibus competunt sive per se, sive per viam communicationis.</i>	256
X. <i>De Gubernatione Monialium.</i>	290
<i>Sectio I. De gubernatione Monialium quoad Ordinarium loci, aut Prælutum Regularem Ordinis.</i>	290
<i>Subsectio I. De potestate Ordinarii in omnes Moniales sive exemptas, sive non exemptas.</i>	291
<i>Subsectio II. De potestate Ordinarii, aut Prælati Regularis in Moniales ipsis respectivè subjectas.</i>	303
<i>Subsectio III. De Canonica Monialium Visitatione.</i>	314
<i>Sectio II. De Gubernatione Monialium quoad subjectionem erga propriam Abbatissam.</i>	319
<i>Subsectio I. De Canonica Electione Abbatissæ.</i>	320
<i>Subsectio II. De potestate Abbatissæ in Moniales subditas.</i>	331
<i>Sectio III., Subsectio I. De Confessario Monialium ordinario.</i>	343
<i>Subsectio II. De Confessario Monialium extraordinario.</i>	395
<i>Subsectio III. Referuntur varia, ac utilia monita, quibus Moniales dirigantur ad profectum spirituales per Confessarium tam ordinarium, quam extraordinarium.</i>	412

APPENDIX

Constitutionum SS. D. N. BENEDICTI PP. XIV. ad Moniales per-
tinentium. 481



TRACTATIO DE MONIALIBUS.

RATIO DICENDORUM.



AD complementum Manualis Regularium, quod a nobis conscriptum est, & primo editum fuit Venetiis; par erat, ut præsentem institueremus Tractationem de Monialibus: cum præter ea, quæ in dicto Manuali a nobis explicantur, tam de statu religioso in communi, quam in particulari, & sunt communia Religiosis utriusque sexus; plurima de Monialibus in specie occurrant, quæ maximam habent difficultatem, & aliàs non possunt resolvi ex doctrinis generalibus, ut quotidiana ostendit experientia. Tractationem dividemus in decem capita, in quorum 1. agemus de statu religioso Monialium in genere: in 2. de earum receptione ad Novitiatum, ipso Novitiatu, ac bonorum renunciatione: in 3. de Professione religiosa, dote solvenda Monasterio, velo professionis, ac consecratione: in 4. de Votis substantialibus religionis: in 5. de Claustrum, ad quam tenentur: in 6. de aliis earum obligationibus: in 7. de Prohibitionibus: in 8. de Pœnis: in 9. de Privilegiis: in 10. de earum gubernatione.

CAPUT I.

De statu Religioso Monialium
in genere.

1. **U**Nde deducatur nomen Monialis.
2. Qualis origo Monialium.
3. Qualis Monialium institutio ab initio.
4. In quo consistat essentia status Religiosi illarum.
5. Debent militare sub certa aliqua regula.
6. Qualis varietas, & distinctio inter Moniales.
7. Aliquo modo distinguuntur in Clericales, & Laicales.
8. Moniales Choris transferri possunt ad

statum Monialium Conversarum;
& e contra.

9. Moniales Tertiariæ quæ votum Castitatis earum nequit commutari a potente commutare votum Castitatis.
10. Moniales communiter profitentur vitam contemplativam.
11. Quo tempore status Monialium fuerit primo approbatus.
12. Clausura non est de essentia Monialium.
13. Status Monialium decorus Ecclesiæ, & utilis ipsis Monialibus.
14. Puellæ allici possunt ad statum Religiosum Monialium.
15. Dari potest Ordo Monialium, quæ sine Religiosæ sine Professione solemniter.

A Quæres

Quæres 1. Unde deducatur nomen
Monialis, seu Monachæ.

1. Resp. **D**educi a verbo *monium* quod est in solitudine vivere; unde & deductum est nomen Monachi. Notat autem *Tambur. de jur. Abbatif. disp. 7. qu. 1. n. 1.* Moniales aliis item nominibus vocari a Scriptoribus sacris; nimirum Sanctimoniales, Nonnas, Nonnones, Nunnas, Nunnales, Deo consecratas, seu dicatas, velatas Christi sponsas, Dominicas, Castimoniales, sacræ perpetuæ continentiæ seclatrices.

Quæres 2. Qualis fuerit origo status Religiosi Monialium.

2. Resp. Eas, proprie loquendo, in lege Evangelica traxisse originem ex Institutioribus Religionum, quorum saltem aliqui simul cum Regula Religiosorum virorum instituerunt etiam Monialium regulam, ut notat *Suarez tom. 4. de relig. tr. 9. l. 1. c. 10. num. 11.* de SS. Pachomio, Basilio, Augustino, Dominico, Francisco; addens, quod licet de aliis Ordinibus, tam Monachorum, quam Mendicantium non ita certo constet, quo tempore cœperint habere Monasteria fœminarum sibi subiecta, aut suam regulam profectientia; probabile tamen est in iis incœpisse simul Monasteria virorum, ac fœminarum. Quin etiam in ipsa lege veteri status religiosus Monialium fuit adumbratus, cùm in mulieribus ad ostium tabernaculi excubantibus *Exod. 38.*, tùm in virginibus extra templi Salomonici loca degentibus in illius conclavibus, Deumque assidue colentibus, 2. *Machab. 3.*, tùm in Juditha, quæ cum esset vidua, modesta veste induta, suumque corpus cilicio, ac inedia affligens in precatorio suæ domus tabernaculo cum puellis suis (quas virgines fuisse probabile est) clausa morabatur, Deumque timens, sacris precibus, & rerum divinarum meditationi vacabat, tùm in Anna vidua, sanctitate, ac vaticinandi dono illustrissima, & a Cyrillo Hierosol. *Cathech. 10.* nomine Monialis religiosissimæ vocata, quæ in templi conclavibus cum virginibus, ac viduis Deo inservientibus secundum aliquos habitavit, id colligens ex *Luc. 2.*: tum maxi-

me in B. V. M., quæ tertio ætatis anno fuit in templo præsentata; ibique Deo serviens toto mentis affectu, usque ad annos nobiles mansit cum aliis virginibus ibi degentibus, omnium virtutum forma effecta.

3. Notat autem *Suarez num. 3.* incertum esse, qualis fuerit institutio, ac professio hujusmodi virginum Deo dicatarum ab initio, etiam in lege Evangelica; num scilicet ex se adtrinxerint omnibus votis substantialibus religionis; an solo voto castitatis (sicut modo sit a multis); num servarent talem statum in Monasteriis, vel in privatis domibus; quem habitum deferrent; & qua vivendi forma uterentur: dicitque probabile esse varios fuisse modos talis status, & quidem non solum in diversis temporibus, aut locis, sed etiam in eisdem; sicuti nunc de factis sunt in Ecclesia.

Quæres 3. In quo consistat essentia status religiosi Monialium.

4. Resp. Consistere in tribus votis substantialibus religionis, pauperatis scilicet, castitatis, ac obedientiæ; patetque ex eo, quod status religiosus est unus, ac idem tam in viris religiosis, quam in Monialibus, quantum patitur conditio sexus illarum. Cum ergo status religiosus consistat in tribus votis substantialibus religionis, in iis consistet & status religiosus Monialium. Verum tamen est ad essentiam hujus, aut illius Ordinis spectare etiam quodlibet aliud votum, quod juxta leges proprii Instituti solemniter emittatur: idque tam respectu Monialium, quam virorum regularium.

Quæres 4. An sit de substantia status religiosi Monialium, ut amplectantur aliquam ex Regulis approbatis a Sede Apostolica; vel certe ratio, & modus vivendi, quem illæ observant in hac, aut illa Congregatione, specialiter approbetur a Papa.

5. Resp. Esse, & consequenter alterum ex his necessario requiri: ita *Suar. supra num. 10.* hinc inferens, quod, si quis velit erigere Monasterium Monialium, & non sub aliqua regula approbata (nisi ratio vivendi in eo servanda specialiter approbetur a Papa) tale Monasterium erit quidem Congregatio honesta mulierum, non tamen

vera

vera Religio, seu religiosa professio, juxta *cap. un. de relig. dom. in 6.* cum noiat ibi per *Jo. Andr. & Panorm. 1. par. conf. conf. 55.* Probatur autem responsio, quia quod statutum est in *c. ult. de rel. dom., & c. unic. eod. titul. in 6.*, ut nulla religio instituitur, nisi sub regula approbata a Sede Apostolica, servari debet etiam in Monasteriis Monialium; priusque fuerat statutum ab *Innoc. II. in c. perniciosum 18. q. 2.*, ubi statuit abolendam esse detestabilem consuetudinem quarundam Mulierum, quæ licet non profiteantur regulam aliquam approbatam, nihilo minus Sanctimoniales vocari volunt; sique in *c. indemnitatib. 5. supradicta de elect. in 6.* in hoc sensu videtur supponi Moniales, quæ vere sunt religiosæ, debere vivere sub aliqua religione approbata: siquidem nulla extat regula a Sede Apostolica pro solis Monialibus, vel pro illis principaliter approbata, ideoque necesse est, ut profiteantur secundum aliquam ex regulis approbatis Religiosorum, sive postea sint subiectæ ipsis Monachis, sive Episcopis: sicut enim Monachi erant subiecti Episcopis, non obstante professione suæ regulæ, ita & nunc esse possunt Monasteria Monialium; sic *Suar. supra n. 9.*, & cum illo *Tamb. supra d. 13. q. 1. n. 3. & 4.*

Quæres 5. *An, & qualis varietas, ac distinctio reperitur in Monialibus.*

6. *Resp.* Quod, quamvis in illis non habeat locum distinctio religionis in religionem Laicorum & Clericorum; cum hoc posterius membrum in ipsis reperiri non possit; id tamen non facit, quin aliqua varietas inveniri possit in Monialium Institutis cum aliqua proportionem ad religionem virorum. Nam aliquæ proprie sunt Ordinis Monachalis, utpote profitentes regulam S. Benedicti sub proprio nomine, & accomodato habitu: aliæ sunt Ordinis Mendicantis, quæ profitentur regulam alicujus ex Ordinibus Mendicantibus: aliæ sunt veluti Canonici, quæ vivunt sub regula Sancti Augustini, & fortasse peculiari modo imitantur assistentiam in Choro, & curam circa obsequium, & ministrantia divina: aliæ denique sunt Ordinis mi-

litaris, quæ degunt sub regula alicujus Ordinis militaris cum insignibus, & habitu illius, (etsi alias finis Ordinis militaris videatur omnino repugnare sexui femineo) unde notandum est, ad hoc, ut Moniales possint dici hujus, aut illius Ordinis, non esse opus, quod in omnibus assimilari possint viris dicti Ordinis; sed sufficere, quod profiteantur regulam illius, ac obedientiam, utantur ejus habitu ac insignibus, imitentur ejus mores, seu constitutiones: quod bene advertit *Suar. sup. n. 8.*

7. Addo, quod, licet inter Moniales non adsit distinctio Laicalium, & Clericalium (sicut paulo ante diximus) talis tamen distinctio inter eas reperitur æquivalenter, quatenus aliquæ illarum admittuntur tanquam Choristæ (nimirum ut vacent Choro) & recipiunt in professione velum nigrum: aliæ admittuntur solum ut vacent ministeriis temporalibus Monasterii, & communiter vocantur Conversæ, quas proinde possemus vocare simpliciter Laicas, ad differentiam Monialium, quæ vacant Choro, & dicuntur Choristæ. Quod autem diximus Moniales Choristas in professione velum nigrum recipere, audio non procedere universaliter quoad Moniales tertii Ordinis Minorum Sancti Francisci: siquidem harum aliquæ hodie recipiunt velum nigrum, aliæ album, aliæ utrumque, ut ad me refert *P. Bordonus* dicti Ordinis olim Provincialis.

Utrum vero Monialis addita Choro transferri possit ad statum Monialium Conversarum (ut vocant) & e contra.

8. *Resp.* Possè; nisi quoad translationem Monialis Conversæ ad statum Monialium Choro additarum obstat decretum Sac. Congregationis jussu Clementis VIII. editum 19. Maji 1603. super receptione, & educatione Novitiarum, quod ita habet: *Sed qui ad Conversarum habitum recepti fuerint, ad Clericorum statum transire, etiam durante tempore probationis, non possint.* Ratio assertionis est, quod per talem translationem non variatur status substantialis religionis, sed solum acciden-

cidentaliter : cum Moniales Laicæ, seu Conversæ, & Moniales vacantes Choro adstringantur iisdem votis substantialibus, inimo & iisdem obligationibus, excepta obligatione recitandi horas canonicas, ad quam tenentur Moniales vacantes Choro. Quæ exceptio procederet etiam de Moniali Chorista, quæ forte transferretur ad statum Conversarum, ut bene advertit Sanchez l.6. mor. c. 7. n. 80. monens hinc sequi, Prælatum regularem posse Religiosum eximere ab onere recitandi divinum officium, non directe, & per se, sed per accidens, removendo religiosum subditum a statu religiosorum Choro vacantium.

9. Præterea inter Moniales enumerantur etiam Tertiariæ, quarum alix emittunt tria vota substantialia religionis sub proprio Prælato, ac propria regula, & vivunt in congregatione, suntque vere, ac proprie religiosæ: alix vero vivunt extra congregationem in suis domibus, & non faciunt tria vota essentialia; & hæ non sunt vere religiosæ; ideoque non gaudent privilegiis Monialium, nisi eo modo, quo dicemus cap. 9. sub finem. Illud autem hic obiter moneo, votum castitatis simplex, quod emittunt Tertiariæ non posse commutari ab habente privilegium commutandi votum simplex castitatis, idque ob doctrinam Suarez to. 4. de relig. n. 8 l. 2. cap. 12. num. 4. nimirum vota status, quæ scilicet sunt ex vi peculiaris alicujus Instituti, non cadere sub generali facultate commutandi similia vota, juxta regulam juris: *Non cadunt sub generali concessione, qua specialem rationem habent, & difficultatem*; ideoque verisimiliter in specie non concederentur: constat autem votum Castitatis, quod faciunt Tertiariæ, esse votum status; quippe quod sit ex speciali Instituto Ordinis Tertiarii. Quod item procedit de quocumque voto alio, quod fiat in aliquo Ordine a Monialibus Tertiariis ex peculiari ipsarum Instituto.

Quæres 6. *Quod genus vitæ profiteantur Moniales, activæ, an contemplativæ, aut mixtæ.*

10. Resp. Regulariter profiteri vitam

contemplativam, ac monasticam; ideoque fere omnes Moniales in proprio gradu Monachorum contineri (unde fortasse communiter vocantur Monachæ), ita Suarez in terminis to. 4. tract. 9. lib. 1. cap. 10. n. 7; & patet, quia certum est vitam mixtam ex contemplatione, & actione spirituali versantem in ministeriis erga proximos, non habere locum in religionibus fœminarum: cum fœminæ non solum sint incapaces Ordinum, sed etiam docendi munus ipsis denegetur, juxta 1. Cor. 14., ubi dicitur: *Mulieri docere non permitto, & merito*; siquidem (ut ingeniose adnotavit Chrysost. in Cathec. ibi) *semel docuit, & cuncta pervertit*: si quid vero actionis participat, ordinarie solum est quoad laborem manuum, quæ operatio etiam propriis Monachis viris, & præsertim contemplativis communis fuit, & est moraliter necessaria hominibus aliqua corporis exercitatione indigentibus: præterquam quod aliud actionis genus consistens in usu operum misericordix corporalis, est minus accommodatum religioni fœminarum, sicque regulariter minus decet illud assumi ab iis, ut proprium finem: licet aliqui dicta opera commode exerceri possint a fœminis, juxta illud 1. Cor. 5. *Vidua eligatur in operibus bonis testimonium habens* & infra: *Si hospitio recepit, si Sanctorum pedes lavit &c.* obstat quippe obligatio clausuræ, per quam Moniales prohibentur exire extra claustrum ad exercenda dicta opera: quod tamen esset omnino necessarium. Si ergo vita, quam Moniales profitentur, non potest esse activa, neque mixta; sequitur necessario illam esse contemplativam, ut jam nos diximus.

Quæres 7. *Quo tempore in Ecclesia primo inductus, & legitime approbatus fuerit status religiosus Monialium.*

11. Resp. Quod cum idem sit judicium de origine, & antiquitate religionum Monialium tam in generali, quam in particulari, quod de religionibus virorum, proportionem servata, ut innuimus qm. 2. consequenter suslinendum est religiosum statum Monialium exortum fuisse simul cum statu religioso virorum; sicque eodem

tempore

tempore fuisse utrumque institutum, & approbatum: simulque cum singulis fere Monachorum Authoribus, Virginum etiam Conventus incœpisse, ut ostendit *Suarez* n. 21. de SS. Pachomio, Basilio, Augustino, Dominico, & Francisco: addens verisimile esse, quod idem etiam in aliis religionibus servatum sit, & quidem ita, ut sub eodem Ordine virorum varia Monialium Instituta processerint, ut videre est in religione Fratrum Minorum, cui præter religionem S. Claræ subijcitur item religio Conceptionis diversam regulam præstans.

Quæres 8. An sit de intrinseca ratione status religiosi Monialium, quod ea teneantur ad specialem clausuram, sive proprio voto promissam, sive jure positivo inductam.

12. *Resp.* Non esse, quamvis alias observantia clausuræ sit convenientissima statui religioso fœminarum, maxime profectui in communi, seu conventuali vita; prout nunc est in usu Ecclesiæ, veritatem hanc satis confirmante: idque ex naturali conditione, ac fragilitate sexus fœminei: ita *Suarez* tom. 4. de relig. tract. 8. lib. 1. cap. 8. n. 1. aliique communiter; & probatur, quia ex una parte tria vota substantialia religionis sufficiunt ad statum religiosum constituendum, tam quoad fœminas, quam quoad viros: sicque olim solebant sacræ virgines in propriis domibus religionem profiteri, ut constat ex Canon. 33. Concilii III. Carthaginensis, ex alia parte nulla lege Ecclesiastica determinatum est de ratione intrinseca status religiosi Monialium esse clausuram; & consequenter non est inducta obligatio clausuræ, tanquam de ratione essentiali dicti status: præterquamquod absque lege, aut voto clausuræ servari potest etiam a Monialibus castitas, & regula religiosa, seu modus vivendi secundum consilia Evangelica; sicque dicendum est eam non esse necessariam ad statum religiosum Monialium.

Quæres 9. Quantum deceat status religiosus Monialium in Ecclesia, quantumque expediat ad bonum spirituale ipsarum.

13. *Resp.* Et maxime decere in Eccle-

sia, & maxime expedire ad bonum spirituale ipsarum Monialium: decere quidem, eo quod Ecclesia sic habet plura agmina fidelium utriusque sexus, Deo quam studiosissime famulantium die ac nocte, ejusque cultui specialiter dicatorum, quod utique cedit in magnum Dei honorem, ac Ecclesiæ decus; expedire vero ad bonum spirituale ipsarum Monialium, eo quod sic sexus fœmineus ex se valde fragilis, atque inconstans, per susceptionem status religiosi, ac emissionem trium votorum substantialium religionis, mirifice roboratur, ac confirmatur ad Christianarum virtutum acquisitionem, vitorum extirpationem, ac bonorum operum impletionem; quo pacto e Monialium Cœnobiis processerunt innumera fœminæ vitæ sanctimoniam insignes, immo & egregiis miraculis conspicuæ: præterquamquod Moniales in Ecclesia maxime conferunt etiam ad bonum spirituale proximorum, quatenus in eorum Monasteriis educari solent puellæ, quæ ibi Christianis moribus imbutæ, filios, quos postea nuptæ procreant, pie erudiunt, & in timore Dei, ejusque mandatorum observantia sollicite enutriunt: cum teste *Tullio* orat. 2. in *Verrem*, nullum munus Reipublicæ afferre majus, meliusve possumus, quam si docemus, atque erudimus juventutem.

Quæres 10. An liceat, immo expediat allicere puellas ad statum religiosum Monialium.

14. *Resp.* Licere, immo & quam maxime expedire, si agnoscat eas esse præditas illis dotibus, quæ ad statum religiosum requiruntur: sic enim utiliter geritur negotium spirituale ipsarum; dum alliciuntur ad percipienda bona, quæ ex statu religioso consequuntur, & mox hic breviter referentur. Monialis quippe Dei servitio dicata evitat innumeras occasiones delinquendi, quæ sunt in sæculo; commodius, ac facilius deservit Deo, ejusque mandata observat; uberiorem recipit gratiam ad exercendos actus virtutis; in bonis operibus majus acquirit meritum etiam ex vi ipsius status; vivit tranquilli-
us, & moritur confidentius; eximit se
ab

ab ærumnis, quibus communiter subsunt feminæ conjugatæ, dum a viris improbis sævissime tractantur, ut vilissima mancipia, & sæpissime habent, unde graviter doleant, sive ex morte proprii viri, aut filiorum, sive ex dispendiis rei familiaris, sive ex pravis moribus filii, aut filiz, sive ex aliis calamitatibus, quæ domesticis creberrime obveniunt: voluntarie, ac meritorie amplectitur statum vitæ cœlibis, quem multæ filiz magnorum Principum coguntur suscipere, eo quod illis non se offerat sponsus illarum conditioni, ac statui proportionatus: innumera denique, & singularia bona, quæ ex statu religioso proveniunt, acquirit.

Quæres 11. An possit dari Ordo Monialium, in quo nulla fiat Professio sollemnis, aut certe non fiat, nisi post plures annos Probationis, emissis interim tribus votis substantialibus Religionis simplicibus, sicque cum libertate, ut Religio posset eas dimittere.

15. *Resp.* Posse dari, non tamen expedire ratione sexus muliebri, quem uti-

que minus deceret posse dimittere Religionem post dicta vota simplicia emissâ: idque ex multis rationibus, quæ considerantur facile occurrunt. Probatur responsio, quia potest dari talis Religio virorum, ut bene ostendit *Suar. 10.4. de relig. tract. 10 lib. 3. cap. 3. n. 3. & seqq.*; imo datur de facto in Societate Jesu; non est autem major ratio, cur dari possit talis Religio respectu virorum, & non respectu mulierum; cum substantia status religiosi sit una, ac eadem in utrisque. Confirmatur, quia datur in Ecclesia Ordo Monialium profitentium Castitatem solum conjugalem, (cujusmodi sunt Moniales aliquorum Ordinum Militarium) & tamen hæc sunt veræ Religiosæ, & tales dici possunt simpliciter, ut docet *Suarez sup. tr. 9. lib. 1. cap. 4. n. 9. ex Navarro, & aliis*. Quod si dari possunt, & dantur tales Moniales, quæ tamen sunt veræ Religiosæ; poterunt dari & Moniales, quæ sint veræ Religiosæ, etsi non faciant professionem sollemnem, sed solum faciant vota simplicia.

CAPUT II.

De Novitiatu Monialium, aliisque ipsi annexis.



IN præsentî capite agendum nobis est de Novitiatu Monialium: & cum ad ipsum prærequiratur legitima receptio, soleatque subsequi bonorum temporalium renunciatio facienda ante professionem, de his etiam hic differemus: Caput dividemus in tres Sectiones, in quarum 1. agemus de Receptione Monialium ad Novitiatum: in 2. de ipso Novitiatu: in 3. de bonorum renunciatione facienda ante religiosam professionem.

SECTIO I:

De Receptione Monialium ad Novitiatum.

1. **Q**uid sit recipere ad Novitiatum.
2. Qualis esse debeat ista receptio.
3. Debet fieri suffragiis secretis: digna non potest libere excludi: & ut excludatur indigna debet constare de indignitate.

4. Eam non præcedit exploratio voluntatis juxta plures DD., quod alii negant.
5. Dato, quod talis exploratio semel fieri debeat, expedit illam fieri ante professionem, quod alii negant. Talis exploratio facienda diligenter; & in ea sunt variz interrogationes.
6. Non datur expectativa loci primo vacaturi.

7. Monia-

7. *Moniales non possunt recipi ultra numerum taxatum, seclusa consuetudine.*
8. *Quæ dos solvenda pro Moniali supernumeraria.*
9. *An auxiliis redditibus Monasterii possit augeri numerus Monialium.*
10. *Quot Converse recipi possunt in unoquoque Monasterio.*
11. *Puella Capitulariter admissa ad Novitiatum potest excludi, & e contra: & si nimis differat ingressum, interdum eget nova admissione.*
12. *Qualis debeat esse puella recipienda.*
13. *Recipi possunt viduæ ad statum religiosum.*
14. *Item fæminæ illicite corruptæ.*
15. *Item & conjugatæ maxime matrimonio solum ratio: immo & consummato, si invita cogatur consummare in priori bimestri: & quidem cogens peccat (etsi alii id negent) idque etsi sit elapsus bimestre, velique sponsa statim ingredi religionem.*
16. *Item & hermaphrodita sed non omnes.*
17. *Quæ ætas puellæ recipiendæ.*
18. *Quid de hoc statuerit Sacra Congregatio.*
19. *Puellæ infantes possunt recipi a Monialibus postea recipiendæ ad religionem.*
20. *Parentes qualiter offerre possint puellas ad religionem.*
21. *Plerumque expedit recipi puellas minoris ætatis.*
22. *Quot Sorores carnales recipi possint in eodem Monasterio.*
23. *Puella mox recipienda ad religionem extrahenda a Conventu, in quo educatur.*
24. *Qualiter ea interim se debeat gerere in sæculo.*
25. *Expedit puellam recipi in Monasterio, in quo educatur.*
26. *Excommunicantur impediētes puellam ab ingressu religionis.*
27. *Quid intelligat Concilium nomine Veli, aut emissionis Voti.*
28. *Ista excommunicatio non est reservata.*

29. *Excommunicantur cogentes fæminam ingredi religionem.*
30. *Quæ coactio hic requiratur.*
31. *Quæ actiones sufficiant ad incurrendam istam excommunicationem.*
32. *Quæ præsentia sufficiat.*
33. *In aliquibus casibus potest fæmina compelli ad ingressum religionis.*
34. *Consensus Abbatissæ non petitur ad receptionem ultra consensum Conventus.*
35. *Prælatus Monasterii eo contradicente, non recipit puellam ad religionem.*

Quæres 1. *Quid intelligatur hic nomine receptionis.*

1. *Resp.* Quod cum probatio novitiatu inchoari non solet in religionibus, nisi Novitius prius legitime fuerit admissus ad religionem modo inferius explicando; hic nomine receptionis intelligimus admissionem illam, per quam Monialis legitime recipitur ad probationem novitiatu, ad effectum scilicet, ut Monialis probeat religionem, & religio ipsam.

Quæres 2. *Qualis debeat esse ista receptio, ut sit legitima.*

2. *Resp.* Debet fieri capitulariter, & quidem una cum consensu proprii Prælati, nimirum Episcopi, aut ejus Vicarii generalis, si Moniales, quarum interest, non sint exemptæ; aut Prælati regularis, si sint exemptæ: ita Suarez tom. 4. de relig. tr. 9. lib. 1. cap. 11. num. 1. dicens communem usum juri, ac rationi consentaneum esse, ut potestas recipiendi Novitias inter Moniales sit in Conventu ipsarum Monialium, simul tamen requiri licentiam, seu consensum Prælati, probat; quia talis receptio, prout est ad communem vitam, ac societatem cum Monialibus, æquum est, ut ipsæ voluntarie in eam consentiant; quatenus vero dicta receptio est actus jurisdictionis, oportet, ut Prælatus, apud quem est propria jurisdictio, concurrat. Cum Suar. sentit Miranda qu. 8. de Monial. art. 1. dicens hanc conclusionem esse certissimam de j. re communi, & in omnium Monialium Monasteriis quarumcumque reli-

8 DE RECEPTIONE MONIALIUM AD NOVITIATUM

religionem receptionem Novitiarum pertinere ad proprios Prælatos; assertque ad id speciale indultum a Nicolao V. concessum Fratribus Minoribus, & relatum a Casarubio in *comp. priv. v. Abbatissa* §. 8. his verbis: *Idem Nicolaus V. statuit (& quidem per Bullam) quod Abbatisse, nec simul omnes Moniales possint aliquam ad religionem, vel professionem recipere, nisi de Provincialis, aut Visitatoris expressa licentia.* Idem sentit & *Peyr. in form. litt. M. cap. 6. num. 1.* monens, præfatam concessionem Nicolai V. cum sit favorabilis, extendi ad alias omnes religiones.

Quæres 3. *An talis receptio debeat fieri suffragiis secretis, & in quo numero.*

3. Resp. Videri expedire, ut fiat suffragiis secretis (quamvis jure communi non constet, id esse simpliciter necessarium) iisque excedentibus majorem partem Capituli, sicut declaravit Sacra Congreg. Episcoporum ann. 1603. teste *Gavanto in Manual. Episcop. v. Moniales §. receptio Monialium num. 30.* Ratio autem responsionis est, quod sic liberior est consensio Monialium, quam si receptio fiat votis publicis: sicque verificatur receptionem fieri a Capitulo juxta regulam generalem, qua dicitur fieri a Capitulo, quid quid sit a majori parte Capituli: & hæc de jure communi; nam in Diocesi Mediolanensi teste *Gavanto sup. num. 28. & 29.* fuit per Concilium Provinciale IV. statutum, ut dicta suffragia determinate dentur tacita, etiam in Monasteriis Regularium curæ subiectis, & quod concurrant saltem duæ partes suffragiorum, quamquam cum tale jus sit proprium Provinciæ Mediolanensis, extra illam non obliget. Unum porro hic monco ex notatis in nostro *tract. de Novitiatu cap. 2. n. 28.*, quod, licet, concurrentibus omnibus requisitis tam ex parte puellæ recipiendæ ad novitiatum, quam ex parte religionis, ut receptio fiat convenienter, ac utiliter; tenentur Moniales sub mortali illam admittere, & quidem tum ex charitate in religionem, ac proximum, tum ex officio: nihilominus si concurrat justa causa illam repellendi, repelli potest sine culpa: ut

si Conventus non possit sine gravi onere alere novam religiosam: aut aliæ plures puellæ æque dignæ petant admitti, & omnes simul recipi non possint; aut denique res sit dubia, vel utrinque probabilis, an expediat recipi puellam illam: tunc enim ea potest non admitti: & quidem eò facilius, quod magis id cedit in bonum Conventus, ut notat *Suar. tom. 3. de relig. lib. 5. cap. 10. n. 28.*

Ad hoc autem, ut puella excludatur tanquam indigna, requiritur moralis certitudo de indignitate illius: sicque Moniales in tali evento de moribus puellæ peccantis ingressum capere debent informationes judicio prudentis viri competentes: in quibus sumendis, sicut puella, teste *Suar. to. 4. de relig. tract. 10. lib. 2. cap. 3. n. 5.* interrogata tenetur aperire proprios defectus etiam graviore, & cum aliquali suæ famæ præjudicio (quamvis in tali casu nulla, aut levissima infamatio sequi possit) sic etiam quicumque interrogantur de moribus puellæ, licite possunt aperire similes defectus illius sive naturales, sive morales, licet graves, ac infamatorios: idque ex doctrina *Less. 2. de just. cap. 11. num. 59.*, quam hic omitto brevitatibus causa.

Quæres 4. *An sit necesse, quod ante talem receptionem præcedat exploratio voluntatis puellæ, quæ debet recipi, & quando.*

4. Resp. Quod, quamvis de rigore juris talis exploratio præcedere debeat, ex decreto *Concil. Trident. sess. 25. de Regul. cap. 17.* quod sic habet: *Libertati professionis Virginum Deo dicandarum professiæ S. Synodus, statuit, atque decrevit; ut, si puella, quæ habitum regularem suscipere voluerit, major duodecim annis sit, non ante eum suscipiatur, nec postea ipsa, vel alia professionem emittat, quam exploraverit Episcopus, vel, eo absente, vel impedito, ejus Vicarius, aut aliquis eorum sumptibus ab eis deputatus virginis voluntatem diligenter, an coacta, an seducta sit; an sciat quid agat; & si voluntas ejus pia, ac libera cognita fuerit, habueritque conditiones requisitas juxta Monasterii, & Ordinis*

dinis regulam, necnon Monasterium fuerit idoneum, libere ei profiteri liceat: Aliqui tamen Miranda sup. a. 4., Tambur. de jur. Abbatiss. d. 4. qn. 2. n. 4. Sanchez l. 5. moral. cap. 4. n. 84. Rodriq. 10. 3. qn. 12. art. 2. Peyrin. sup. n. 2. Lezana 10. 1. cap. 2. 3. n. 12., & Diana p. 3. tract. 2. resol. 47. docent. decretum illud Concilii usu, ac consuetudine receptum fuisse, ut unica puellæ admittendæ ad religionem exploratio præmittatur, quacumque ætate sit, nimirum quando emissura est professionem: alii vero cum Barbossa alleg. 100. n. 4. & Rinent, voluntatem puellæ explorandam esse non solum quando emissura est professionem, sed etiam quando est susceptura habitum religionis, asserentes ad id declarationem factam a Sac. Congregatione. Propterea hæc in re videndum est quis usus, ac praxis iniquaque in Dialecticis, eaque omnino servanda est: siquidem consuetudo habet vim legis.

5. Dato autem, quod præfata exploratio semel tantum fieri debeat; existimat Miranda consultius esse, eam fieri potius ante probationem, quam ante professionem: idque esset conformius menti Concilii, dictam explorationem præscribentis: siquidem per explorationem factam tempore professionis non ita bene judicari potest, num Novitia sponte, & plena voluntate eligat profiteri; an coacta, aut seducta, aut certe ex verecundia deserendi habitum religiosum, vel ex metu parentum, vel ex Monialium ipsarum suasionibus, ac precibus importunis inducitur: unde fit, ut non paucæ Moniales fere involuntariæ profiteantur, sique postea, sin minus toto vitæ tempore, saltem per multos annos inquiete vivant, regularis vitæ observantiam maxime averfantes. Alii vero existimant, longe consultius fore dictam explorationem fieri tempore professionis, cum tunc Novitia experta fuerit asperitatem vitæ religiosæ, sique majori cum maturitate, ac prudentia possit deliberare: quod maxime procedit de Monialibus proficientibus vitam ætatiorem: ut de Capuccinis.

Certe talis exploratio (quocumque demum tempore fiat) facienda est ab Or-

dinariis, non cursim, & crassa Minerva, sed summo studio, ac diligentia, sicut indicatur in citato Decreto Concilii Tridentini per verbum *diligenter*: Cum hinc potissimum pendat, & bona existimatio status Monialium, & pax Monasteriorum, & quies Monialis proficientis, ejusque professus spiritualis; sicut e contra, si Novitia invita, aut ægre profiteatur, non solum vivit ipsa inquietas, sed etiam inquietat socias, molestat Superiorissimam, facessit negotium Prælato, perturbat Monasterium, tempus inutiliter infumit, Deumque identidem non leviter offendit.

Exploratio autem hæc in eo consistit, ut puella interrogetur de nomine, patria, parentibus, ac ætate: num sciat legere, scribere, canere &c. quot, & qui sint fidei articuli, quæ præcepta Decalogi, ac Ecclesiæ: quid intendat per susceptionem status religiosi: an sponte, & ex Dei spiritu, vel ex parentum, Monialium, aut alterius cujusvis personæ consilio, ac suasionem: a quo tempore senserit se vocatam ad religionem: an a pueritia avocum ad pietatem, ac ad religionem habuerit propensum: num corpore, ac mente sit sana, vel occultum aliquem defectum habeat, & quem, & a quo tempore: an sciat, & bene intelligat tria vota Religionis, sitque parata abdicare a se dominium rerum omnium temporalium per votum paupertatis, vivereque in communi, si vita communis inducatur: abstinere ab omni delectatione carnis, voto castitatis repugnante; suamque voluntatem omnino subficere voluntati suorum superiorum per votum Obedientiæ: an sit parata Crucem Domini ferre, abnegare se ipsam, & sequi Christum, juxta ipsius Christi consilium. In his, inquam, interrogationibus, & in aliis similibus, quas Spiritus Sanctus suggeret juxta conditionem puellæ explorandæ, consistit præfata exploratio.

Quæres 5. *An Moniales possint dare puellæ, petenti ingressum religionis, expectativam loci primò vacaturi per mortem Monialis, decedentis intra numerum legitime præfixum.*

6. Resp. Non posse ex decreto Sacre
B Con-

Congreg. Concilii, quod refert *Quaranta in Bullar. pag. 462.* his verbis: *Eadem Sacra Congregatio districte prohibet, ne loca Monialium intra numerum decedentium pro tempore vacatura cuiquam puella ad habitum regularem recipiende concedantur, neque promittantur, nisi secuta vera, & reali illorum vacatione; atque ita demum, & non antea de eis disponi, ac in Monialis demortuæ locum, promissionem, aut receptionem in Capitulo, seu quovis alio modo fieri jubet; si quid vero contra a quoquam fieri contigerit, irritum & inane, ac nullius roboris, & momenti fore, & esse decrevit; ac nihilominus Abbatissas, Priorissas, & alios quoscumque Monasteriorum Superiores, qui cuiusvis puellæ receptioni, vel admissioni, aut locorum vacaturorum promissioni, seu concessioni adversus præsentis decreti, dispositionem consulerint, privationis vocis activæ, & passivæ, aliisque arbitrio ejusdem Congregationis infligendis penis obstrictas, & obnoxias fore declarat.*

Quæres 6. An Moniales possint recipere in quocumque numero puellas petentes religionis ingressum, si aliis sint prædita requisitis dotibus.

7. *Resp.* Non posse, si in Monasterio extet jam numerus Monialium taxatus, juxta *cap. unic. §. sane de Statu Regul. in 6.*, & juxta decretum Concilii Trident. *sess. 25. cap. 3. de Regul.*, ac Constitutionem Pii V. circa *Pastoralis*, quibus statuitur, ut receptioni Monialium non fiat, nisi intra numerum præscriptum Monialium, quæ ex redditibus, aut consuetis eleemosynis sustentari possint commodè, quod expresse statuitur in citata Constitutione Pii V. *§. 6. Limita*; nisi puella, quæ petit ingressum, secum ferat dotem, ex qua commodè sustentari valeat; nam talis dos computari potest inter eleemosynas, aut redditus Monasterii, sique cessat ratio præsentis prohibitionis, ut bene notarunt *Suar. ubi sup. Nav. lib. de redd. Eccles. qu. 1. mon. 62. Lezana sup. num. 6., & alii.* Addo, quod quamvis in *cap. unico* superius relato (quod certe loquitur solum de Monialibus Ordinum non Mendicantium) irritetur profes-

sio Monialis contra dispositionem dicti capituli admittæ; talem tamen irritationem putat *Sanchez lib. 7. Moral. cap. 23. num. 4.* non esse in usu, sed videri consuetudine abrogatam; quod minus approbat *Castro Palaus tract. 16. d. 1. qu. 7. §. 6. n. 5.*, dicens sibi constare de tali consuetudine; unde censet quoad hoc inspiciendam esse regionum consuetudinem, eamque servandam.

8. Notat tamen *Lezana*, & bene, in tali casu non sufficere, quod solvatur dos ordinaria, sed duplum dotis solvendum esse, & Monialem sic receptam computandam esse tanquam supranumerariam (ut vocant) idque ex declaratione Sac. Congreg. facta 6. Septembris 1604., in qua additur, Moniales, quæ supra numerum præfixum in quocumque Monasterio recipiuntur, in locum Monialium morientium non subrogari; nec obstat, quin alix in locum eundem ex numero constituto demortuarum recipi eodem modo possint, quo in unoquoque Monasterio admitti possunt intra numerum; quinimo præfatas Moniales sic supra numerum receptas semper quoad hoc manere s. prænumerarias; esto in cæteris nihil differant ab aliis, & iis sint pares in omnibus.

Majus dubium est, quod movet *Portell. de dub. reg. v. Monial. in addit. n. 1.*, utrum taxato numero Monialium recipiendarum in aliquo Monasterio, possint duæ, aut tres recipi intra dictum numerum, si contingat redditus annuus ita crescere, ut etiam illæ possint ex iis commodè sustentari absque dispendio Monasterii.

9. Respondet *Portellus ubi supra* posse, probatque ex *cap. cum M. Ferrariensis de Confl.*, ubi Innoc. III. decernit, quod si aliquod Capitulum habet numerum taxatum tot Canonicorum, ut ultra non possit crescere, & hoc per Papam confirmatum sit, si postea redditus temporales ita crescant, ut duo, vel tres Canonici ulterius commodè sustentari possint, hi etiam poterunt recipi, ac superaddi, non obstante statuto illo per Papam confirmato; cum alias nostro in casu par ratio militare videatur, ideoque locum habere possit & eadem

eadem juris dispositio : sic *Portellus*, qui tamen postea in *addit. n. 18.* citatis pro hac sua sententia affirmante *Reginaldo*, *Navarro*, & *Snarez*, eam non parum moderatur, ac limitat dicens, quod, licet Provincialis, qui in casu proposito sceminam cum duplicata dote reciperet, iudicio ipsius non esset condemnandus, nec censendus incurrisse pœnas latas contra recipientes ultra numerum taxatum nisi tamen ipse esset Prelatus, præfatam sceminam non reciperet absque legitima licentia, ob expressam prohibitionem factam &c. Quin etiam in *addit. ad additionem num. 1.* absolute ait; Nunc dico, ne omnino id fiat cum tali dote, absque expressa licentia Pape, quia sic usus postea invalit; addens immediate post: Si vero aliquis in hoc facto vellet se excusare, posset pro se adducere eap. cum *M. Ferrariensis de Const.* Ex quibus illud certo inferri potest, in hoc spectandam, ac servandam esse uniuscuiusque regionis, ac Diœcesis consuetudinem, cum consuetudo habeat vim legis, & sit legis optima interpret; sique censeo explicandos esse Doctores allegatos a Portello.

„ *Nota.* Plures extare declarationes Sac. Congreg. Episcop. & Regul.,
 „ relatas a *Nicolesio in Flosculis*, verbo
 „ *numerus*, quibus cavetur, ne Episcopi
 „ numerum taxatum Monialium augeant
 „ sine licentia ejusdem Sac. Congregationis;
 „ licet contingat redditus annuos
 „ Monasterii ita auctos esse, ut sine illius
 „ incommodo maior possit earumdem
 „ numerus sustentari. Ita in Brundusina
 „ die 12. Martii 1602., in Lauretana
 „ 27. Julii 1604., & 23. Julii 1649. Non
 „ solet autem Sacra Congregatio hanc
 „ licentiam concedere, nisi Monasterii red-
 „ ditus adeo creverint, ut quotannis ul-
 „ tra triginta aureos annuos quid super-
 „ sit, ut in Rhegiensi 29. Novembris 1600.
 „ 10. Illud etiam hic moneo obiter ex
 „ *Moscovio de majest. milit. Eccles. lib. 1. par. 4.*
 „ *cap. 4.* Clementem VIII. statuisse, ne in uno-
 „ quoque Monialium Monasterio numerus
 „ Monialium, quas vocant Conversas, ter-
 „ tiam partem excedat, & quidem merito,

ne aliàs Monialibus additis Choro omni-
 no subtrahatur materia se exercendi in vi-
 lioribus ministeriis, & consequenter va-
 candi abnegationi sui ipsius.

Quæres 7. An puella semel, ac iterum capitulariter exclusa ab admissione in religionem; coactio iterum Capitulo, admitti possit: & e contra possit capitulariter excludi jam per Capitulum admissa.

11. Resp. Possit: & quidem quod exclusa possit admitti postea, constat, quia nullum extat jus prohibens, aut irritans talem admissionem; quin potius occurrere possunt de novo rationes, quibus id suadeatur: quod vero admissa possit excludi, probatur tum ex modo dictis, tum quia quod dicitur in *capit. nulli licere de elect. in 6.* post publicationem scrutini non esse locum variationi, procedit solum in electione, per quam publicato scrutinio, acquisitum est jus ei, qui est electus, quod certe non militat in casu nostro, in quo agitur de contractu faciendo inter Novitium, ac religionem, in quo nullum jus acquiritur Novitio ex eo, quod capitulariter concluditur, petentem admittendum esse in Religionem. Ita *Peregrin. p. 2. Constit. c. 5. litt. R. §. 11. & 12.*

An autem puella capitulariter admissa ad religionem, si diutius differat ingressum, ingredi possit absque nova admissione capitulari.

Resp. Videri non posse, si sponte distulit ingressum, & probabiliter timeri possit contigisse aliquid novi, vel manifestatum fuisse aliquid antiquum, quod cognitum retraxisset Capitulum ab ea admittenda; Et ratio est, quod sic Capitulum non censetur persistere in priori voluntate admitrendi puellam, sique opus est, ut iterum præmissis de jure præmittendis, statuat, an debeat illam iterummittere necne: Quanta autem debeat esse ista dilatio, relinquendum est iudicio viri prudentis, consideratis omnibus circumstantiis.

Quæres 8. Quæ conditiones requirantur in puellis admittendis ad religionem.

12. Resp. Requirit, ut non sint scandalosæ, non petulantæ, non excommuni-

12 DE RECEPTIONE MONIALIUM AD NOVITIATUM

catæ, non hæreticæ, aut schismaticæ, non flagitiosæ, ut probat *Majol. de irreg. l. 1. c. 29. n. 50.*; immo ut sint irreprehensibiles, ut decet sponsas Christi, & immunes a quocumque defectu, qui aliis virginibus intra Monasterium degentibus obesse possit, sive ratione mali exempli, sive ex imitatione delicti, sive quovis alio modo: idque juxta *cap. 1. de stat. Reg. in 6. ita Tambur. sup. q. 3. num. 1.* addens *num. 2.* item cavendum esse, ne in quovis Monialium genere sit aliqua contagiosa, morbosa, dæmoniaca, aut furiosa; surdas vero, cæcas, claudas, mutas, & gibbosas nullo jure impediri, quin recipi possint ad religionem, præsertim, si in iis spectetur major religio.

Monco hic obiter, motum proprium Sixti V. editum anno 1587. de non admitendis ad religionem personis ære alieno gravatis, aut obnoxiiis reddendis rationibus, non militare in monialibus: sic enim ipsemet Sixtus declaravit in alio motu proprio, edito in prioris declarationem *5. Ceterum*: unde fit, ut in casu, quo mulier ære alieno gravata, aut ratiociniis obligata vellet ingredi religionem, posset admitti, si alias potest de jure communi.

Quæres 9. An possint recipi ad religionem fœmina viduæ, stando in jure communi.

13. Resp. Possè, & constat ex usu Ecclesiæ antiquissimo, quem probat *Suarez tom. 4. de relig. tract. 9. lib. 1. cap. 11. n. 2. tum ex cap. vidua 20. qu. 1.* ubi de vidua dicitur, quod si velit religionem proficisci, admitti potest, & debet, recepto habitu religioni conveniente; ita *Suarez loc. cit., Lexana tom. 1. cap. 25. num. 9., Tambur. sup. d. 6. qu. 3. num. 7., & alii*, quamvis aliqui minus conveniat viduam admittere ad habitum Monachalem virginum, sicut teste *Gavanto in man. Episcop. v. Monial. receptio num. 7.* declaravit Sacra Congreg. Episcoporum. 29. Januar. 1585. Ut proinde in præsentia Sacra Congregatio non det fœminæ viduæ indultum suscipiendi statum Monialium, nisi cum his conditionibus: nimirum, ut solvat dotem ordinariam, si suscipienda sit intra nume-

rum præfixum, aut duplicatam, si supra numerum: & quidem servatis iis, quæ in licentiis supranumerariarum ab eadem Sacra Congregatione præscribuntur: item, ut non possit eligi in Abbatissam, aut Superiorissam ullius Monasterii sine speciali licentia Sedis Apostolicæ.

Quæres 10. An, attento jure communi, possint recipi ad religionem fœmina illicite corruptæ, post penitentiam peractam, etiam in consortium Virginum.

14. Resp. Possè, nisi id in specie prohibeatur per proprias Monasterii Constitutiones: siquidem in jure communi nulla lex extat, quæ tales Mulieres excludant a consortio virginum: unde, qui dicunt fœminas hac macula, aut nota laborantes non debere recipi in conventu virginum, dicendi sunt loqui secundum decentiam, & convenientem honestatem, non secundum incapacitatem, aut absolutam prohibitionem; sicut bene notavit *Suarez sup.* hinc inferens, quod, si lapsus talis fœminæ fuerit publicus, ac infamis, esto postea convertatur, non est admittenda in consortium virginum; ideoque pro hujusmodi fœminis reperta est peculiaris religio, quam vocant mulierum penitentiarum, seu S. Mariz Magdalenzæ, seu Conservatorium Convertitarum: si autem lapsus sit occultus, & non genuerit infamiam, nihil impedit, per se, moraliter loquendo, immo licet interdum lapsus esset publicus, si semel tantum ex fragilitate contigisset, cohonestari, & compensari posset tot circumstantiis personæ, generis, ac emendationis, ut talis persona conveniret admitteri posset: ita *Suarez, & cum illo Lexana, & Tambur. in locis supra citatis.*

Quæres 11. An jure communi possint admitti in Monasteria virginum mulieres conjugatæ, quæ forte de consensu proprii viri petant admitti, servatis aliis servandis.

15. Resp. Possè, cum jure communi id specialiter non prohibeatur; non decere tamen ob varias rationes, quæ facile occurrunt consideranti, & maxime ob declarationem Sacræ Congregationis relatam *qu. 9.*, quæ in fœminis conjugatis utique militat, & quidem a fortiori.

Conce-

Concedo tamen puellam, quæ matrimonium contraxit, sed non consummavit, posse intra primum bimestre ingredi religionem; idque ex jure Ecclesiastico ab Apostolorum temporibus instituto, ut colligitur ex c. ex publico de convers. conjugat., quod jus procederet etiam in casu, quo sponsa invita coyeretur consummare matrimonium, ut late probat Sanchez l.2. de Matrim. d.23. num.6., moxens num.7. per accidens posse feminam in proposito casu impediri a religionis ingressu: videlicet ratione proles ex ea copula secuta, quæ sine matris ope non posset commodè educari.

Quod si hac occasione querās, an Maritus sine culpa mortali possit propriam sponsam cognoscere invitam in primo bimestri, si ea non cogitet de ingrediendi religione.

Respondet, Diana p.9. traſt.8. ref.18. ex Texeda, Castro Palao, Conincho, & Perez, non peccare, & probat, tum quia a tempore initii matrimonii vir jus habet in corpus suæ uxoris; adeoque non peccat utendo illo per vim; cum nemo peccat utendo re propria, ac jure suo, et si alteri sequatur injuria: tum quia jura concedentia bimestre ad deliberandum de meliori statu, non important præceptum, ut Conjuges per bimestre abstineant a copula, sed solum iis permittunt, ut intra illud possint abstinere ad deliberandum de meliori statu; sic vir in isto casu nullum violat præceptum; tum quia in cap. ex publico de convers. conjugat., ubi solum, & non alibi, conceditur illud bimestre, non suspenditur obligatio reddendi debitum, nisi iis, qui agunt de ingressu religionis, sique non si stragatur sponsæ in præsentī casu privilegium dictæ suspensionis. At dissentiunt Glossa, Sylveſter, Rosella, Armilla, Sanchez, & Poncius relati ab ipso Diana, qui addit ex Perez, fieri injuriam sponsæ volenti statim ingredi religionem, si post elapsum bimestre invita cogatur consummare matrimonium; siquidem, quantumvis temporis elapsum sit ab initio matrimonio, modo non sit consummatum (sive jure, sive injuria id contigerit) uter-

que conjux habet jus ingrediendi religionem: ita Diana, & bene, præterquamquod ait, consummato matrimonio per injuriam, conjugem innocentem non retinere jus ingrediendi religionem: quod ego negavi paulo ante, & iterum nego.

Quæres 12. An Hermaphroditi possint recipi in religione Monialium, & quando.

16. Resp. Posse, si in iis judicio Medicorum, aut peritarum, ac honestarum matronarum prævaleat sexus femineus; posse inquam, valide, non item licite, uti late ostendimus in traſt. de profess. cap.2. qu.12.; interim consulantur Tambur. sup. d.6. q.7., & Portell. de dub. regul. v. professio hermaphroditi, ubi fuse, ac docte differens de præſenti controversia expresse docet, professionem puellæ, habentis sexum femineum tantum ab initio Novitiatuſ usque ad tempus professionis inclusive, esse validam, ac omnino subsistere; non obſtante, quod postea erumpat in sexum masculinum; quamquam in tali casu probabile sit obligationem talis professionis prorsus evanescere, ut dicemus cap.3. num.32., & expresse docet Diana p.5. resol.49. aliis citatis.

Quæres 13. An possint admitti ad religionem puella etiam infra annum ætatis duodecimum.

17. Resp. Videri satis probabile, quod possint, si attendatur solum decretum Concil. Trident. relatum sess.25. de Regul. c.17. his verbis: Sancta Synodus statuit, atque decrevit, ut, si puella, quæ statum regularem suscipere voluerit, major duodecim annis sit, non ante eum suscipiat, nec postea ipsa, vel alia professionem emitat, quam exploraverit Episcopus &c. & ratio est, quod in isto cap. nihil decernitur de ætate puellæ admittendæ ad religionem (ut constat ex titulo ipsius capituli, qui est de exploranda voluntate virginis, quæ Deo sacrat.) sed de examine voluntatis præmittendo, quando puella ingrediens fuerit major duodecim annis; sique textus loquitur sub conditione, dum ait; si major duodecim annis fuerit: constat autem, quod conditio nil ponit in esse. Quin etiam (quod amplius est) citatus textus vide-

14 DE RECEPTIONE MONIALIUM AD NOVITIATUM

videtur supponere puellam minorem duodecim annis posse recipi ad habitum religionis, alioqui non loqueretur sub ea conditione, si major duodecim annis fuerit: neque diceret: nec postea ipsa, vel alia professionem emittat, quam exploraverit Episcopus virginis voluntatem; sicque dictio alia diversitatem importat, & facit hunc sensum; nec ipsa, quæ major duodecim annis est ingressa, nec alia minor ea ætate profiteatur ante dictam voluntatis explorationem: nam ad nullam aliam puellam referri potest ea dictio alia, cum omnes puellæ majores duodecim annis comprehensæ sint in præcedenti particula ipsa; ita in terminis Sanchez l.4. mor. cap.18. n.34., Suarez to.3. de relig. lib.5. cap.1. num.9., Miranda qu.8. de Monial. art.2., Portell. de dub. reg. v. clausura Monial. 5. cujus ætatis puella &c. num.1., alique relati a Diana p.3. tr.2. resol.47., inter quos Michael Medina, (qui interfuit promulgationi dicti decreti, & studiosissime attendit ad suffragia omnium, ac singulorum Episcoporum, qui in illud concurrerunt) dicit nihil alienius a mente Concilii Trident. excogitari posse, quam quod Concilium in præfati decreto intenderit prohibere, ne puella minor duodecim annis recipiatur ad habitum religionis, sicuti docent Rodrig., Azor., & Nald. allegati a Diana ubi supra.

18. Dixi sub initium responsionis, si attendatur solum decretum Concilii Tridentini, ut inuenerem, quod, si declaratio Sacræ Congregationis Concilii, quæ in contrarium adducitur a Vecchio in praxi novit. D.2. d.6. num.16. est legitima, authentica, & in usu (uti de facto est in aliquibus Diocæsis) ea omnino servari debet, sicque non haberet locum doctrina hic tradita, quæ (ut dixi) niritur solum verbis Concilii, & abstrahit a quacumque declaratione: Declaratio autem Sac. Congregat. hic adducta est talis: *Sacra Congregatio rescripsit, aliquam puellam non debere admitti ante duodecimum annum ad habitum suscipiendum, cujus causa requiritur voluntatis puellæ exploratio; non est autem voluntas Congregationis, neque Con-*

cilii, ut ante illam ætatem puella admittatur, unde Lezana sup. n.11. in hoc, ait, caute procedendum esse.

„ Nota, quod ex Decreto S. Congreg. Episcop. edito 23. Maii 1659., „ & relato apud Monacelli formul. par.1. „ ad formul.7. num.3. tit.11. sine facultate „ sedis Apostolicæ nulla nunc puella po- „ test admitti ad habitum, nisi compleve- „ rit ætatem quindecim annorum.

19. Quod vero addit Sanchez n.18. ex cap. addidisti 20. q.1. parentes posse offerre puellas monasteriis pro futura vita monastica, etiam in ætate infantie (quæ in puella est infra quinque annos) probabiliter videtur posse in aliquo valde extraordinario casu, admitti, non obitante motu proprio Pii V., & Gregorii XIII. interdicente ingressum clausuræ etiam puellis impuberibus, & stylo Sac. Congreg., modo regulariter requirentis, ut puella admittenda ad educationem intra Monasterium Monialium jam expleverit septimum annum; siquidem, ut colligitur ex Sanchez sup. num.34. Motus ille proprius, & stylus Sac. Congreg. allegati non extenduntur ad casum, in quo puella impubes ingreditur clausuram causa religionis suscipiendæ (sicut in casu nostro) sed quando ingreditur solum causa educationis. Quin potius puto, puellam in proposito eventu posse ingredi Monasterium absque licentia Sacræ Congregationis (quæ tamen requireretur, si ingressura esset solius educationis causa) quo modo sine præfata licentiâ ingredi posset quæcumque alia puella jam pubes ad recipiendum habitum religionis: non enim adest major ratio de una, quam de alia.

20. Addit Sanchez num.9., & cum eo Portell. sup. num.8. ita parentibus competere jus offerendi puellas monasteriis ad effectum, ut postea suscipiant statum religiosum, quod puellæ sic oblatæ non possunt resilire, nisi post annum completum pubertatis; eo autem completo liberum ipsæ est vel perseverare in Monasterio, vel redire ad sæculum, donec faciant professionem tacitam, aut expressam.

21. Utrum autem expediat, quod puellæ

læ ætatis adeo tenellæ ingredientur monasteria Monialium, ut sic tanto magis, & facilius alliciantur ad suscipiendum statum religiosum: possent asserri rationes pro parte tam affirmante, quam negante: certe Miranda supra affirmantem probat, tum quia alioqui non tot puellæ amplecterentur statum religiosum, brevique temporis spatio Monialium status tolleretur: tum quia experientia docet puellas monasteria ingredientiæ in tenella illa ætate uberioribus postea fructus facere in Dei servitio, minusque affici ad bona præsentis vitæ: idque iuxta illud Lyrici Poetæ. *Quo si mel est imbuta recens servabit odorem testæ diu*.

Quæres 15. An plures sorores recipi possint in unum ac idem Monasterium Monialium, & quo modo.

21. *Resp.* Non posse recipi, nisi duas, seclusa dispensatione Sacræ Congregationis, ideoque si tertia soror velit ingredi, ibique profiteri, debere secum deferre duplum dotis; necnon suffragio carere in Capitulo, quousque altera ex duabus sororibus primis decesserit e vita: idque ex decreto Sacræ Congregationis edito 26. Augusti 1616., & adducto a Gavanto in *man. Episcop. v. monial. novitiarum alimentarium. 8.*, per quod idem statutum est in casu, quod quarta soror modo dicto velit in eodem Monasterio recipi ad habitum religionis, teneri solvere triplum dotis, & modo supradicto carere suffragio in Capitulo. Quod utique pie, ac prudenter statutum est ad tollendas dissensiones, ac factiones, quæ alias non minus quam frequenter excitari possent in Monialium monasteriis, si in unum, ac idem Monasterium possent libere recipi sorores in quocumque numero. Quin etiam stylus Curiz habet, ut tertia, aut quarta soror non recipiantur in idem monasterium, absque speciali licentia Sacræ Congregationis Episcoporum, ac Regularium.

Quæres 16. An, & qualiter expediat, quod puella degenet in Monasterio educationis causa, inde ad aliquot tempus extrahatur, casu quo velit apprehendere statum religiosum, ibique fieri Monialis.

23. *Resp.* Quod quamvis adduci possint rationes in utramque partem (quarum non pauca occurrere poterunt consideranti) absolute tamen loquendo, videtur expedire, ut puella in casu proposito extrahatur e Monasterio, antequam ibi admittatur ad habitum religiosum. Moveor, quod sic melius consulitur libertati puellæ admittendæ; quippe quæ manens intra Monasterium minus audebit denegare consensum Monialibus, sive consanguineis, sive affinibus, sive amicis ejus ingressum enixe ab ea effragitantibus, & forte etiam importune procurantibus, idque vel ex metu reverentiali erga dictas Moniales, vel ex verecundia qua suffunditur in deficienti do a promissione ipsius facta de suscipiendo statu religioso, vel ex alio simili motivo non parum obstant e ejus libertati, quæ tamen summa requiritur in electione status. Nec obstat, quod per talem egressum e Monasterio puella aliâ ingressura religionem exponitur periculo amittendi vocationem religiosam, sive ex suasionem parentum, aut consanguineorum, sive ex dæmonis suggestionem, sive ex illecebrâ deliciarum, ac luxus, quæ ex occasione egressus abundantius ei conceduntur; si quidem hic effectus est accidentalis dicto egressui, debetque imputari puellæ interiorius minus affectu statui religioso, aut improbitati illorum, qui eam modo dicto seducunt, ac subornant præterquam quod minus malum est eas hac ratione recedere a proposito vitæ Monachalis amplectendæ, quam illas invitas, & quasi coactas apprehendere, sicut vivere in perpetua animi molestia, ac inquietudine: constat autem, quod ex duobus malis semper minus est eligendum: ut proinde pie, ac sapienter statutum sit in Concilio Provinciali Mediolanensi I. quod quæcumque puella admittatur ad educationem intra Monasterium, ubi voluerit fieri Monialis, antequam examinetur ab Ordinario ad effectum illam recipiendi, redeat ad suos, ibique maneat saltem per mensem.

24. Verum tamen est, quod puellæ modo dicto egressæ, dum interim commorantur in domo paterna ad maturius deliberan-

16 DE RECEPTIONE MONIALIUM AD NOVITIATUM

berandum, num ipsæ debeant suscipere statum religiosum, necne: non deberent interim liberius vacare præsentis vitæ oblectationibus, tempus terendo in vanis conversationibus, choreis, ac ludis, intercessendo comediis, ambitiosius se ornando, per urbem sive curru, sive pedibus discurrendo; cum potius eo tempore deberent se omni studio disponere ad statum religiosum majori cum fructu suscipiendum, sibi, & Deo studiosius vacantes, frequentius orantes, piorum librorum lectioni insistentes, crebrius consistentes, ac communicantes, vitamque solitariam traducientes: ne aliis statum religiosum suscipientes transcant ab extremo ad extremum, sibi que magis difficilem, ac gravem reddant regularem observantiam, paulo post amplectendam.

Quæres 17. *An expediat, quod puella suscipiant habitum religiosum in eo Monasterio, in quo degunt causa educationis.*

25. *Resp.* Videtur primo aspectu non expedire, tum quia sic incertum magis est, unde vocentur ad religionem, num a Deo, an a Moniali, cujus educationi commissæ sunt, aut ab aliqua alia, quæ forte ex motivis temporalibus illas ad vitam religiosam induxerunt, sicque magis dubitari potest de perseverantia: tum quia nimia familiaritas parit contemptum; ideoque puella manens in Monasterio, cum identidem videat aliquas Moniales desicere in hæc, aut illa regulari observantia, præstantiam status religiosi longe minoris æstimat, quam par esset, & ad ipsum accedit minori cum affectu, ac desiderio proficiscendi in illo, cum ab assuetis non fiat passio; tum quia omnia nova placent, & ipsa rerum novitas majores sui amores excitat, magisque impellit ad agendum; sicut e contra minus afficimur ad ea, quibus assuescimus: unde puella assueta vivere inter Moniales, minori animi alacritate inter ipsas amplectitur statum Monachalem, minusque ferventer in eo se exercet ad religiosam perfectionem acquirendam.

„ Allatis tamen rationibus non obstantibus, approbandum esse censeo, ut „ in eodem Monasterio puellæ suscipiant

„ habitum, in quo educationis causa de-
„ gunt: hanc enim morem approbat Sa-
„ cra Congregatio in decreto relato a
„ Barbosa de officio Episcopi alleg. 102.
„ n. 64., de quo iterum infra dicemus
„ cap. 5. sess. 4. n. 82., ubi statuit, puellæ,
„ quæ complevit in Monasterio vigesi-
„ mum quintum annum ætatis, conti-
„ tuendum esse ab Episcopo terminum
„ vel ad egrediendum ex illo, vel ad ha-
„ bitum Monialis suscipiendum, & præ-
„ terea quia per explorationem volunta-
„ tis puellæ faciendam ab Episcopo juxta
„ supradicta, & alia media opportuna,
„ potest tolli incertitudo vocationis, et si
„ quem contemptum vitæ religiosæ ani-
„ mo forte concepit puella ex nimia fa-
„ miliaritate cum Monialibus, atque ex
„ defectibus observatis in aliquibus ea-
„ rum, hoc præjudicium poterit facile
„ emendari, tum fervore divinæ gratiæ,
„ & vocationis ad illud Monasterium,
„ tum aliarum Monialium ad perfectio-
„ nem incumbendum exemplo. Accedit
„ ad hæc, quod puella experta jam
„ modum vivendi alicujus Monasterii, &
„ assueta regulari observantiæ, quæ in eo
„ viget, majori cum facilitate, & animi
„ quiete certa erit de sua vocatione, &
„ constans in observantia regulari. Et de-
„ mum vera esse hæc omnia praxis ipsa
„ quotidiana confirmat, quæ a videmus sæ-
„ pissime puellas habitum suscipere in eo-
„ dem Monasterio, in quo fuerunt edu-
„ catæ, nec propterea reddi vitæ religio-
„ sæ minus affectas, & regularum minus
„ observantes.

Quæres 18. *An parentes puellæ admittendæ ad religionem, vel alii possint impedire, quin ea recipiatur, & sub qua pænâ id prohibeatur.*

26. *Resp.* Non posse, & si impediunt, incurrere excommunicationem maiorem ipso facto latam in Concilio Tridentino sess. 25. cap. 18. de regul. his verbis: Simili quoque anathemati subjicit eos, qui sanctam virginum, vel aliarum mulierum voluntatem veli accipiendi, vel voti emitendi quoquo modo sine justa causa impediri: ita in terminis Suarez tom. 3. de relig.

relig. lib. 5. cap. 9. n. 11. Willuc. tract. 14. num. 90. & Bonac. de Censur. in partic. d. 2. q. 2. p. 3. num. 3. id inde probantes, quod non potest femina profiteri in religione, nisi prius habitum suscipiat; sicque impediens susceptionem habitus, consequenter impedit etiam voluntatem veli accipiendi, ac professionem religiosam emittendi: idque juxta regulam: *Qui vult antecedens, vult etiam consequens, quod ipsi est annexum.* Dissentit tamen Sanchez *lib. 4. mor. cap. 4. n. 5.*, putans probabilius esse, non incurrī in isto casu præfatam excommunicationem, ea ductus ratione, quod decretum poenale (quale est hoc) non debet ampliari, illud extendendo ad remotum professionis obstaculum, cujusmodi est in præfati eventu impedire susceptionem habitus religiosi: cum alioqui textus loquatur solum de impediēte voluntatem veli suscipiendi, id est faciendi professionem religiosam. Præterquam quod Concilium in citato decreto superius loquens de cogentibus, volensque comprehendere cogentes ad ingressum, aut professionem, utrumque expressit verbis satis claris, & his repetiit.

27. Notant porro citati Doctores in allegato textu, nomine Veli, aut emissionis Voti intelligi professionem religiosam; sive fiat per Veli susceptionem, sive absque Veli susceptione cum tribus Votis substantialibus religionis; hincque inferunt, non subijci huic excommunicationi illum, qui injuste impedit feminam, ne faciat votum ingrediendi Monasterium, aut assumendi habitum religiosum, cum hoc sit nimis remote, ac indirecte impedire professionem, adeoque non comprehendatur sub præfato decreto, quod cum sit odiosum, non debet ampliari, sed restringi. Ita Bonac. *supra num. 4.* addens *num. 6.* subiacere dictæ excommunicationi illum, qui dolose retrahit feminam a religione: quod tamen negant Suarez *to. 3. de relig. lib. 5. c. 9. num. 14.*, & Castro *Palaio tract. 15. d. 1. p. 9. num. 11.*, eo quod dolo impediens, proprie non impedit voluntatem proficiendi: cum ad hoc requiratur, ut voluntas immutata perseverans,

impediatur ab ejus executione, & dolo impediatur solum, ne sit voluntas.

28. Incurrunt autem istam excommunicationem (quæ tamen non est reservata) quicumque impediunt feminam, ne religionem assumat, aut professionem faciat: nam textus loquitur indistincte, ac indefinitè: ubi vero sus non distinguit, nec nos distinguere debemus: intellige, dummodo impediatur injuste, cum textus loquatur de impediētibz sine justa causa, quod in specie notavit Sanchez *supra num. 10.*, & cum eo Bonacina *num. 9.*

Quæres 19. An possit cogi femina ad ingrediendum religionem, & sub qua poena id prohibeatur.

29. Resp. Non posse cogi, cum id expresse prohibeatur sub poena excommunicationis majoris ipso facto incurrendæ, non tamen reservatæ, quæ fuit lata in Concilio Tridentino supra his verbis: *Anathemati S. Synodus subijcit omnes, & singulas personas ejuscumque qualitatis, vel conditionis fuerint, tam Clericos, quam Laicos, saculares, vel regulares, aut etiam qualibet dignitate fulgentes, si quomodo-cumque coegerint aliquam virginem, vel viduam, aut aliam quamcumque mulierem invitam, præterquam in casibus in jure expressis, ad ingrediendum Monasterium, vel ad suscipiendum habitum ejuscumque religionis, vel ad emittendam professionem: quique consilium, auxilium, vel favorem dederint: quique scientes eam non sponte ingredi Monasterium, aut habitum suscipere, aut professionem emittere, quovomodo ei abui vel præsentiam, vel consensum, vel auctoritatem interposuerint.*

30. Circa cujus textus intelligentiam notandum est, quod, cum cogere idem sit, ac per vim, aut metum gravem inducere, huic excommunicationi non subjacent, neque ii, qui cogunt per metum leviorem, non cadentem in constantem virum (cum ista lex tamquam poenalis stricte intelligi debeat, ideoque explicanda sit solum de illo metu, de quo in jure habetur ratio, cujusmodi utique non est metus levis, *l. nec timorem ff. de eo, quod metus causa*) neque ii, qui jussu incutiunt metu

C

tum

tum gravem, cum sic non interveniat injuriola coactio; neque ii, qui inducunt precibus importunis, cum sic non inferatur ulla vis, modo non adsint minæ; neque ii, qui ingressum religionis suadent injecto metu privationis alicujus boni, ad quod aliqui femina non habet jus, cum hoc non sit inferre vim, vel metum, sed denegare id, quod libere potest tradi, ac denegari: ita Bonacin. *supra* part. 2. n. 1. 2. 3. 4. & 5., monens num. 6. ad incurrendam istam pœnam non sufficere, quod quis cogat feminam ad ingrediendum Monasterium quoquo modo (v. g. in educationem) sed requiri, ut cogatur ingredi in ordine ad assumendum statum religiosum; (sed de hoc infra, cum de educatione puellarum) unde ista coactio debet fieri in ordine ad habitum religionis suscipiendum per modum novitii, aut ad faciendam professionem religiosam, idque disjunctive, cum textus utatur clausula disjunctiva *vel*, ut bene advertit idem Bonacina.

31. Cæterum actiones, quæ sub ista excommunicatione prohibentur, sunt non solum cogere (ad quod requiritur, ut revera sequatur effectus sub ea pœna prohibitus), sed etiam dare auxilium, consilium, aut favorem ad ingrediendum Monasterium, modo supradicto, aut ad suscipiendum habitum, aut ad profitendum in religione; immo & quoquo modo interponere propriam præsentiam, consensum, aut auctoritatem ad præfatos actus, modo id fiat scienter ab illo, qui novit feminam invitam ingredi Monasterium, aut suscipere habitum, aut emitte professionem, & modo dicto sequatur effectus, juxta ea, quæ tradunt DD. cum Bonacina de Cens. in comm. d. 1. qu. 1. p. 6. n. 2.

32. Monet attem Sanchez n. 21., & bene, quod licet in textu dicatur, *quoquo modo huic actui præsentiam interposuerint*; non ideo intelligendum id esse de eo, qui obiter aspicit, (cum non dicatur quis suam præsentiam interponere, nisi quando ex proposito adsit) sicut nec de eo, qui alia ex causa esset præfatus (v. g. ad comitandum suum dominum, ad audiendam Missam in eo loco, in quo fit profes-

sio) immo nec de eo, qui assisteret animo impediendi illam professionem involuntariam, utpote advocatus in testem violentiæ tunc illatæ.

33. Quod vero dicit textus: *præterquam in casibus in jure expressis*, indicat dari aliquos casus, in quibus juxta jus Canonicum femina potest cogi ad ingrediendum religionem; nimirum 1. si femina publice, ac privatim fecit votum religionis, de quo constat. 2. Si femina post duos menses conjugata renuat consummare matrimonium ad deliberandum de religione. 3. Si post quinquennium dicat professionem suam fuisse nullam. 4. Si damnata sit in pœnam delicti ad carcerem perpetuum, & ipsi detur optio, aut suscipiendi statum religiosum, aut manendi in perpetuo carcere, ita Portell. de dub. reg. v. Monial. num. 7.

Quæres 20. An Moniales possint admittere ad habitum religionis, ejusque probationem puellam ingressum religionis petentem, etiamsi ipsarum Abbatissæ, seu Priorissæ renuat consentire in talem receptionem.

34. Resp. Possë, dummodo in talem receptionem consentiat proprius Prælatus Monasterii, eo modo, quo diximus qu. 3. Colligitur ex Suar. tom. 4. de relig. tract. 9. lib. 10. cap. 11. num. 1. dicente, communem usum juri, & rationi consentaneum esse, ut potestas recipiendi aliquam in Monialem sit in ipso Co conventu Monialium, simul tamen requiratur Prælati licentia, seu consensus. Ubi noto, quod, cum Suarez nullam hic faciat mentionem de Abbatissæ, signum est, illam venire sub nomine Conventus, ejusque consensum in præfati casu non requiri, nisi eo modo, quo requiritur consensus cujuscumque alterius Monialis degentis in Monasterio: unde fit, ut, sicut renuente hac, vel illa Moniali nihilominus valida fieri potest receptio, si interveniat debitus numerus suffragiorum; sic & valida receptio sit, etiamsi contradicat Abbatissæ, dummodo alijs non desit necessarius numerus suffragiorum: rationem hujus assertionis innuit Suar. dum loc. cit. subdit: *Quatenus receptio est aliquo modo actus jurisdictionis, oportet, ut Prælatus, apud quem*

quem est propria jurisdictione, concurrat, quasi dicat, quod cum Abbatissa Monialium sit incapax jurisdictionis propriè dictæ, consequenter etiam est incapax faciendi actum recipiendi ad religionem, sicque nec potest, nec debet ad illum concurrere, ut Abbatissa, sed solum, ut Monialis talis Monasterii.

Quod si quæres: An Prælati Monasterii Monialium, sive regularis respectu Monialium exemptarum, sive non Regularis (qualis est Episcopus quoad Moniales non exemptas) possit invitis Monialibus alicujus Monasterii recipere aliquam in Monialem dicti Monasterii.

35. Respondet Miranda tom. 1. man. qu. 15. art. 1. ex Lappo, Calderino, Jo. Monacho, Card. a Turrecremata, & Archidiacono. non posse, & si reciperet, Moniales posse ab eo appellare, reclamando contra talem receptionem: probat ex capitulo Ecclesiæ Vulterrana de electis, ubi ait Papa, Canonicos quosdam nullam fecisse injuriam proprio Episcopo, nolendo recipere quosdam Canonicos ab ipso Episcopo solo creatos: idque inde probat, quod illorum creatio pertineret etiam ad Capitulum; qui enim utitur jure suo, nulli facit injuriam: quæ ratio utique facit etiam ad probationem præsentis casus, si bene ei adaptetur, sicut revera potest adaptari; unde sic habet Miranda: Creatio Monialium adeo pertinet ad Abbatisam, & Conventum Monialium simul, quod Episcopus, etiam si sit ipsarum Superior, non potest per se, nec ullus alius Prælati, etiam Generalis recipere, & creare Moniales sine Conventu; neque recipere Abbatissa, aut conventui, ut, ipsis invitis, aliquam Monialem recipiant; Sed de hoc capit. seq. qu. 25., ubi constabit hanc responsionem pati aliquam limitationem.

SECTIO II.

De Novitiatu Monialium,
& aliis ei annexis.

36. **A**dmisso puella ad habitum Religiosum non facienda statim post receptionem.
37. Puella recipienda ad habitum deduci debet sine pompa ad Conventum.

38. Cur tondantur capilli Novitiæ ad habitum receptæ.
39. Cur immutetur ei nomen, & imponatur nomen alicujus Sanctæ.
40. Ea confirmanda priusquam recipiatur ad habitum.
41. Quæ expensæ permitti debeant occasione recipiendi ad habitum.
42. Qualis esse debeat habitatio Monialium novitiarum.
43. Qualis eorum instructio.
44. Ex quibus bonis ea ali debeant.
45. A quo ætatis anno incipere debeat annus probationis.
46. Novitiæ probatio durat per annum integrum: valide profitetur, qui partem novitiatus facit, ut Laica, & partem, ut Chorista.
47. Indicatur, qualiter annus novitiatus debeat esse continuus, & completus.
48. Ostenditur, qualis debeat esse ista continuatio.
49. Probatio de rigore non fit in habitu regulari, nec intra Conventum.
50. A quo tempore annus probationis formaliter incipiat. Novitiatus juxta aliquos peragi potest in habitu seculari, sicque inchoatur in Societate Jesu.
51. Qualiter interrumpatur annus probationis.
52. Sine causa non protrahitur; at non interrumpitur per transitum ad alium Conventum.
53. Puella recipienda ad habitum, recipitur libere intra Clausuram.
54. Si post habitus receptionem fugiat, iterum libere recipitur.
55. Ei resiliendi a religione, omnia restituenda.

Quæres 1. Quantum temporis debeat interponi inter receptionem puellæ monachandæ, ejusque actualem admissionem ad novitiatum.

36. Resp. **V**ideri satis rationabile, ac pium id, quod hac de re fuit statutum in Concilio Provinciali Mediolanensi 1., nimirum quod post sex menses a receptione detur puellæ receptæ Regularis habitus, nisi citius, aut tardius

id præstandum esse judicaverit Episcopus, aut Monialis Superior, idque, ut puella recepta tanto majus, & maturius delibaret, num sibi expediat assumptio status Religiosi, habeatque in bonis, unde turrim Religiosæ perfectionis, quam est inceptura ædificare, & consummare possit; alias enim de ea non immerito dici posset: *Capit ædificare, & non potuit consummare*. Certe antequam puella cum sponso sibi oblati contrahat sponsalia (quæ tamen etiam contracta in multis casibus rescindi possunt) multas petit informationes, multorum consilia exquirat, dotes sponso attentius meditatur, quæcumque ipsi proponuntur accuratius perpendit, omnem denique adhibet diligentiam, ne in re tanti momenti erret, ac decipiatur: quod si cum tanta maturitate contrahuntur sponsalia cum sponso terreno, eo quod sit proxima præparatio ad vinculum insolubile matrimonii; an non pari cum maturitate, immo etiam majori procedendum erit in assumptione status Religiosi, consummanda per vinculum Religiosæ professionis omnino indissolubile?

Quæres 2. *An expediat, quod puella monachanda cum pompa, & magno comitatu deducatur ad Monasterium eo die, quo assumptura est habitum Regularem, & admitti debet ad probationem novitatus.*

37. *Resp.* Non expedire, ideoque sancte, ac laudabiliter statutum fuisse in Concilio Provinciali Mediolanensi, quod puella deducatur mane, nulla pompa, & sola introducatur in Ecclesiam, ubi Missa audita, & sumpta Communione, vestiatur a Superiore, vel Confessario, addito sermone: Et ratio est, quod, cum status Religiosus sit status pœnitentiæ, non deest ad illum accedere cum pompa, vano fastu, & ambizioso apparatu, sed cum humilitate, modestia, ac omnimodo præsentis vitæ bonorum contemptu; sic enim Zacharias Jerosolymorum Antistes videas Heraclium Imperatorem, ut erat auro, & gemmis ornatus, non posse ulterius progredi in deferenda Christi Domini Crucis a Persis recuperata, & quò magis progredi conabatur, eò magis retineri, non sine

magna ipsius Heraclii, & aliorum admiratione, dixit ei: *Vide Imperator, ne isto triumphali ornatu in Cruce ferenda parum Jesu Christi paupertatem, & humilitatem imitare: Præter quam quod puella, quæ tanto cum fastu ducitur ad Monasterium, inde exponitur periculo satis probabili, ne illecta vanitatibus hujus sæculi respiciat retro, saltem affectu, sique postea vitam degat inquietam. Quamquam non ideo damnanda sit consuetudo, quæ multis in locis quoad hoc viget in contrarium, si ex piis finibus cohonefsetur.*

Quæres 3. *Cur puella ad habitum Monachalem admissa tondeantur capilli.*

38. *Resp.* Tonderi multis de causis; & quidem primò, eo quod Moniales teneantur deferre tonsuram capillorum inferius, usque ad aures, sicut ex *Panormo* notavit Sylv. v. *Clericus 2. num. 2. & alii*. Secundò ad indicandum in Religione rescanda esse vitia, & inordinatos carnis affectus in capillis significatos. 3., ut sic significent se esse paratas ad opprobrium Crucis sustinendum, & abrenunciare universis vanitatibus sæculi. 4., ut se eximant ab onere comendi capillos, & ornandi caput, sique ipsi subtrahatur occasio terendi tempus inutiliter. 5., ut assumentes statum pœnitentiæ statim incipiant se punire, in quo forte majori cum propensione deliquerunt, videlicet in ornando capite.

Quæres 4. *Cur soleat immutari nomen puellæ assumptæ ad habitum Religiosum, quæque debeat esse nomen de novo imponendum.*

39. *Resp.* Solere immutari, tum, ut hinc agnoscat se debere rennuciare omnibus, quæ in sæculo possidebat, etiam proprio nomini, memor illius, quod dixit olim Christus *Luc. 12. Qui non renunciat omnibus, quæ possidet, non potest meus esse discipulus*; tum quia sic debet mutare mores in melius, ut omnino fiat alia, sique nec de nomine agnoscat juxta illud *1. Reg. 10. mutaberis in vitrum alium*: tum quia assumptio status Religiosi a Sanctis Patribus comparatur baptismi, ideoque par est, ut, sicut baptizato imponitur nomen,

sic

sic & immutetur assumpto ad statum Religiosum : tum quia immutatio nominis in divinis scripturis fieri solet , quando quis eligitur ad munus aliquod valde dignum (quo modo fuit immutatum Abraham electo in Patriarcham credentium , & Petro Apostolo assumpto in Summum Pontificem, ac Christi Vicarium) ut vel hinc arguatur præstantia, ac dignitas status Religiosi, ad quem puella Monachanda assumitur : tum denique ut nomen impositum in baptismo, quod forte est prophanum, convertatur in sacrum, sicut etiam ex ipso nomine puella excitetur ad imitandas virtutes illius Sanctæ, cujus nomine donata est : unde sancte statutum est in Concilio Generali Mediolanen. I., ut Moniali assumptæ ad habitum Regularem imponatur nomen alicujus Sanctæ, non autem feminæ infidelis, aut aliud prophanum; cum nomen respondere debeat rei nominatæ, & non deceat misceri sacra prophanis. Ad quod faciunt quæ habet *Cathechismus Romanus* p. 2. cap. 2. num. 75. his verbis : *nomen, baptizato, impositum, quod quidem sumendum est ab aliquo, qui in Sanctorum numerum relatus est, ita enim facile fiet, ut quivis nominis similitudine ad virtutis, & Sanctitatis imitationem excitetur, ac præterea, quem imitari studeat, cum quoque precetur, & speret sibi Advocatum ad salutem tum animæ, tum corporis defendendum venturum esse; Siquidem, ut ait Casiodorus lib. 6. var. ep. 6. in nomine cognoscitur quid sit de moribus judicandum, quia nominis sui gravitate perfusus ornat attribus principatum (dixerim ego Monachatum) quomodo Calius Rodiginus lectionis. 1. 24. cap. 5. initio dicit, nomen esse rei organum, nec forte oblatum, sed naturæ congruum, ut quod res discernat, & indicet naturam.*

Quæres 5. An puellæ Monachandæ debeat conferri Sacramentum Confirmationis antequam recipiat ad habitum Regularem.

40. *Resp.* Debere, si id commodè fieri possit, & hoc ex decreto Concilii Provincialis Mediolanensis I., quod licet non obliget extra Provinciam Mediolanensem,

æquum tamen est, ut etiam alibi observetur : cum ipsa receptio dicti Sacramenti, maxime possit prodesse ad statum Religiosum majori cum fructu suscipiendum.

Quæres 6. Quales expensæ permitti possint, & debeant fieri a puella assumpta ad habitum Religiosum.

41. *Resp.* Non posse, nec debere permitti, nisi illas, quæ fuerint a proprio Episcopo præscriptæ, aut saltem toleratæ; sic namque refert *Campanil. rubr. 12. cap. 16. num. 13.* decisum fuisse, Episcopum debere præscribere expensas, & sumptus occasione habitus; & quidem merito, ne aliqui ex immoderato excessu talium expensarum retrahantur puellæ, earumque parentes a susceptione status Religiosi; & actus summus Religionis (qualis est assumptio Religiosi status) paulatim resolvatur in luxum, ac sæcularem vanitatem.

Quæres 7. Qualis debeat esse habitatio Monialium quandiu sunt in probatione novitiatus.

42. *Resp.* Ex Decreto Sac. Congregation. relato à *Gavanto in man. Episcop. v. Monialium receptio num. 39.* debere manere in loco separato : quod utique pie, ac prudenter statutum est, communiterque servatur non solum in Monasteriis Monialium, sed etiam virorum; & quidem merito, ut sic vitam magis solitariam ducentes mereantur audire vocem Sponsi Cælestis *Osæ. 2.* dicentis : *Ducam in solitudinem, & loquar ad cor ejus* : sicutque evitent intueri aliqua minus bona exempla, quæ forte præberentur ab aliqua Moniali, non sine gravi ipsarum novitarum dispendio spiritualis profectus; siquidem natura hominis corrupta magis propendit in malum, quam in bonum, & fortius trahitur malis exemplis, quam bonis : unde & Logici dicunt, conclusionem sequi debiliorem partem.

Quæres 8. Sub qua Magistrâ, & quo modo instrui debeant Moniales novitiæ, dum manent in probatione.

43. *Resp.* Debere instrui a Magistrâ, quæ illas magis doceat exemplo, quam verbo, easque instruat juxta normam præscri-

22. DE RECEPTIONE MONIALIUM AD NOVITIATUM

scriptam in regula, aut Constitutionibus propriis Ordinis: & quidem eo modo, quo in *tract. de novitiis. cap. 5. per tot.* ostendimus, & anno 816. in Concilio Aquifranensi *can. 23.* statutum est his verbis: Religio Ecclesiastica docet, ut puellæ, quæ in Monasteriis erudiuntur, cum omni pietatis affectu, & vigilantissima cura studio nutrantur: ne si lubrica ætatis annos, indisciplinata vivendo transegerint, aut vi x, aut nullatenus corrigi postea possint; quapropter præferantur eis in Sanctimonialibus sales magistra, quæ utique, & probabilis sint vitæ, & erga eas talem exhibeant curam, ut nequaquam huc, atque illic possint habere progressum, & aut desidia, aut lascivia vitio maculentur; quin potius sacris imbuantur disciplinis, quatenus his manipata vagandi oïo careant &c.

Quæres 9. Ex quibus bonis ali debeat Monialis novitia, num ex propriis, an ex bonis Monasterii.

44. Resp. Quod, quamvis melius esset illam ali ex bonis Monasterii, cum Monialis, etiam novitia, in multis Monasterio inferviat, & aliàs deceat vivere de altari eos, qui inferviant altari: nihilominus multis in locis permittitur, quod Monasteria Monialium exigant ordinaria alimenta Novitiæ manentis in probatione a consanguineis illius, ut satis aperte innuit etiam in Concilio Tridentino *sess. 25. c. 16. de regul.* his verbis: Sed neque ante professionem, excepto victu, & vestitu novitii, vel novitiæ illius temporis, quo in probatione est, quocumque prætextu a parentibus, vel propinquis, aut curatoribus ejus Monasterio aliquid ex bonis ejusdem tribuatur. Quin teste Gavanto *sup. v. Monialium novitiarum alimenta num. 2.* Sacra Congregatio Episcoporum 13. Septembris 1583. statuit, tempore novitiatus ultra dotem depositam præbenda esse Moniali novitiæ alimenta, idque forte ad sublevandam pauperum Monasteriorum indigentiam: ad quem finem etiam indutum est, ut Monasteriis Monialium regulariter solvatur dos competens, juxta consuetudinem loci, aut statutum proprii Ordinarii; unde, cum juxta dicenda inferius non

solvatur dos durante anno probationis, loco fructuum illius solvuntur necessaria alimenta, sicut jam diximus.

Quæres 10. A quo ætatis anno inchoari debeat annus probationis necessario præmittendus professioni, casu, quo puella recipiatur ad habitum regularem statim post pubertatem, nempe post annum 12.

45. Resp. Possit inchoari statim post receptionem, quamvis id non sit necessarium: cum professioni emissio necessario differri debeat usque ad annum 16. completum, ex decreto Concil. Trid. *sess. 25. de Regul. cap. 15.*, ita Miranda in *Man. tom. 1. qu. 22. art. 3.*, alique communiter; & patet ex dictis a Sanchez *lib. 5. Moral. cap. 4. num. 22.*

Quæres 11. An omnes, ac singula Moniales necessario debeant facere integrum annum novitiatus, antequam profiteantur.

46. Resp. Debere ex decreto Concilii Tridentini *sup. c. 15.*, ubi id expresse deciditur: exceptis tamen Monialibus (quas vocant Convertitas) de quibus notat Tamburin. *de jure Abbatiss. d. 7. q. 6. n. 5.*, eas posse profiteri statim, ac ingrediuntur Monasterium, adeoque non teneri præmittere annum probationis: idque ex concessione bullata, non revocata in Concilio Tridentino *sess. 25. de Regul. c. 18.*, ut colligitur ex verbis illis: Ab his tamen excipiuntur Mulieres, quæ Penitentes, aut Convertite appellantur, in quibus Constitutiones earum servantur; & constat ex declaratione Sac. Congreg. Cardinalium, quæ id fuit decisum. Quamquam (cum Tamburin. non adducat concessionem illam bullatam; immo nec dicat, a quo fuerit facta; & aliàs praxi plurium Diocesium habeat, quod dictæ Moniales sine licentia Papæ non profiteantur ante præmissum annum probationis) parum fundata videatur talis exceptio, ideoque rejicienda.

An autem valide profiteatur Novitia, quæ per aliquot menses fuit in novitiatu probata, ut Laica, & translata ad statum Monialium Choristarum, reliquum novitiatum in hoc statu peregit.

Respondet Diana p. 9. tr. 6. res. 12.

ex Tamburino, Legana, Sanctorio, Portello, & Bordonio valde profiteri, & probat, tum quia, ut Novitius valide profiteatur, sufficit illum per annum unum manere sub obedientia Prælati, nec est opus illum experiri omnes asperitates Religionis in specie; tum quia quod statuit *Clemens VIII. in decret. de Novit. recept.*, & *educat. §. Tempore*, ne recepti ad habitum Conventum ad Clericalem statum transseant, etiam durante tempore probationis: id fecit prohibendo factum, sed non irritando: nec abstulit Superiori facultatem transferendi ad altiore statum, sed negavit subdito, ne propria autoritate transire possit ad superiorem gradum, nisi prius vocetur, ut notavit *Diana* me citato ex *Sanctorio*, & *Bordonio*, addens ex *Peyrino*, & me item citato, declarationem Sac. Congreg., quæ in contrarium assertur, vel non esse veram, vel non esse usu receptam.

Quæres 12. An probationis annus, quem Moniales debent præmittere ante professionem, debeat esse continuus, immo & completus de momento in momentum.

47. Resp. Debere esse & continuum, & completum de momento in momentum, ideoque computandum esse ab hora diei, in qua Monialis recipit habitum, usque ad eandem horam ultimi diei ejusdem anni: ita *Miranda sup. art. 2. & 4.*, *Suarez tom. 3. de relig. l. 5. c. 15. n. 1. & 3.*, *Less. l. 2. cap. 41. n. 59.*, alique communiter; & patet quoad primam quidem partem ex dictis in nostro *trakt. de novitiatu c. 1. qn. 7.*: quoad secundam vero partem ex dictis ibidem *qn. 22.* Addo hic ex eodem *Suarez sup. cap. 14. num. 13.* decisum fuisse a Sac. Congreg. Cardinalium, novitiam Monialem, durante probationis anno, curandæ valetudinis causa a Monasterio egressam, & postea reversam, professionem emittere potuisse, ac si nunquam egressa fuisset: quod est dicere per hujusmodi egressum non censeri annum probationis non rationally interruptum; sicut innuit idem *Suarez num. 14. ex August.*, *Sylvestr.*, & *Navarro.*

An autem continuas probationis

debeat esse usque ad professionem intrinsece (ut sic dicam) vel sufficiat annum esse integrum, esto proxime non sequatur professio.

48. Resp. Sufficere, quod annus sit integer, non autem necessarium requiri, ut post annum completum immediate sequatur professio: ideoque si contingat Novitiam, expleto anno probationis, nolle profiteri, sed egredi e Monasterio, sed postea redire iterum, prior annus probationis sufficiet ad valide profitemdum, nisi forte conditio personæ egredientis, aut religionis, aliæque circumstantiæ interim essent adeo immutatae, ut iudicio prudentis non censeretur sufficienter exploratae difficultates religionis. Colligitur ex *Sylvo. v. Novitius n. 15.*, *Miranda sup. art. 4.*, & aliis: a quibus dissentit *Suarez supra cap. 15. n. 8.* dicens, hinc sequi posse nunc inchoari annum probationis anno ætatis decimoquarto, & finiri initio anni decimoquinti, & postea redire ad sæculum usque ad complementum ætatis sexdecim annorum, tuncque regredi ad Monasterium, & absque alia probatione profiteri: quod statim per se absurdum apparet. Probatur autem nostra responsio; tum quia sic annus probationis vere est integer, ac continuus; nec ullum jus extat, quod petat illum continuari cum professione, aut quod vetet fieri professionem, si inter illam, & novitiatum tempus aliquod vitæ secularis intercedat; tum quia per limitationem a nobis appositam sub initium hujus responsionis videtur sufficienter evitari absurdum allegatum a *Suarez*, ut consideranti facile constabit; tum quia in casu proposito Novitia vere experta est difficultates religionis, ad quod institutus est novitiatus.

„ Confirmatur responsio tradita ex
„ decreto Sac. Congregat. Concilii edito
„ die 12. Februarii 1598. Proposito enim
„ dubio in Sacra Congregatione: An No-
„ vitia, quæ post finitum annum proba-
„ tionis exivit e Monasterio sine licen-
„ tia Ordinarii, postea postea reversa,
„ admitti ad professionem sine nova pro-
„ batione: Sacra Congregatio censuit posse,
n. 16

„ nisi conditio Religionis, aut persona sit immutata, idque a Superioribus Monasterii diligenter esse discernendum.

Quæres 13. *An de essentia novitiatus sit, ut puella monachanda illum faciat induta habitu regulari, & quidem distinctio ab habitu Monialium professorum: necnon intra Monasterium.*

49. Resp. Quod, quamvis de rigore juris neutrum videri possit esse de essentia novitiatus, ut infra probabimus; communior tamen sententia (inquit Suarez *supra cit. c. 13. n. 3.*) est, de substantia novitiatus esse, ut fiat in habitu proprio Religionis, ad quam quis probatur; idque videtur supponi in *cap. statuimus de regul.*, ubi Papa statuit, ut habitus professorum sit aliquo modo distinctus ab habitu novitiorum, saltem in benedictione: & talis de facto est consuetudo omnium Religionum, quæ debet servari. Et quidem, quod delatio habitus regularis non sit de substantia novitiatus, in rigore loquendo, (saltem ita, ut deferri debeat toto anno probationis) constat tum ex dicendis *quæst. sequenti*, tum quia nullibi hoc præcipitur: tum quia, quod aliqui dicunt delationem habitus religiosi esse unam ex potissimis austeritatibus religionis, ad quas experientias ordinatur novitiatus; non probat sufficienter novitiatum non posse inchoari absque dicto habitu, sicut advertit Suarez, id inde sibi suadens, quod non est opus Novitium experiri per totum annum continuum singulas asperitates religionis. Quod vero habitus novitiorum non necessario debeat esse distinctus ab habitu professorum docet Suarez *sup. cap. 14. n. 10.*, & cum eo *Castro Palau tract. 16. d. 1. part. 12. §. 4. num. 4.* contra plures ab ipso *Castro Palau* relatos; probantque ex eo, quod ista distinctio habitus non est necessaria, ut Novitius experiat hanc asperitatem, cum teste *Sanchez l. 5. moral. c. 4. n. 28.* de ratione probationis sit solum, ut degat sub iugo obedientiæ; non ut distinguatur a secularibus, cum aliis modis distinguui possit: non denique, ut distinguatur a professis, cum in aliquibus Ordinibus nulla sit novitiorum, & professorum

in habitu distinctio. Quoad ultimam partem probatur assertio: tum quia degens extra Conventum de Prælati licentia censetur esse in Monasterio; tum quia esto clausura sit præcipua asperitas Monialium, non ideo tamen ea necessario est experientia (ut putat *Rodrigu. tom. 3. q. 15. art. 10.*, ideo a nobis dissentiens): non enim opus est, ut novitius experiat in specie omnes asperitates Religionis, ut jam dictum est; quæ de re consulantur dicta *qu. 12.* in ipsa responsi.

Addo ex *Sanchez l. 5. Moral. cap. 4. n. 28.* Monialem cum debita licentia facientem novitiatum extra Monasterium, valide illum facere: idque non obstante decreto Clementis VIII. de faciendi novitiatu solum in certis Conventibus designatis; quippe quod solum loquitur de novitiatu virorum religiosorum.

Quæres 14. *A quo tempore, formaliter, & præcise loquendo, incipiat annus novitiatus.*

50. Resp. Incipere ab eo puncto, in quo ex intentione Religionis, & ex consensu Novitii aliquis admittitur ad talem Religionem in statu novitiorum, & ut in ea probari incipiat; Suarez *sup. c. 13. num. 6.*, probatque ex eo, quod hic intervenit quidam velut contractus inter Religionem, & novitium, per quem conveniunt in sumendo experimento de se invicem in ordine ad talem finem, tali modo, & pro tali tempore: ergo ex eo puncto, in quo perficitur talis contractus ex mutuo consensu, & tempus designatum inchoatur, incipit annus probationis, & non aliter. *Miranda vero supr. quæst. 22. art. 3.*, *Barbofi. de offic. Episcop. alleg. 101. num. 14.*, & alii docent, probationis annum sive in viris, sive in fœminis, modo incipere a die sumptionis habitus, sive ab illo die, quo communem sequuntur aliorum Religiosorum vitam, & incipiunt experiri asperitates Religionis. Ubi notato, Suarium nullam mentionem facere de assumptione habitus religiosi, forte inhærendo illi doctrinæ, quam tradit *Abb. & Gregor. Lopez num. 2.*, nimirum non esse de substantia novitiatus, seu probationis,

tionis, ut fiat in habitu regulari, sed fieri posse etiam in habitu proprio, & quidem etiam post *Concil. Trident. sess. 25. cap. 15. de Reg.*, statuens, in quacunque Religione tam virorum, quam mulierum nullum ad professionem admitti debere, qui minori tempore, quam per annum post susceptum habitum in probatione steterit: siquidem per talia verba non videtur tolli quin, si in aliqua Religione extaret usus recipiendi ad verum novitiatum in habitu sæculari proprio, id fieri possit, sicut de facto fit in Societ. Jesu, in qua inchoatur novitatus in habitu proprio sæculari, nempe a tempore primæ probationis, quæ per quindecim, aut viginti dies regulariter solet fieri in proprio habitu sæculari.

Quæres 15. Qualiter censetur Monialis novitia interrompere annum probationis.

51. Resp. Censeri interrompere, si dimisso habitu religionis exeat e Monasterio animo deserendi Religionem: ita *Tamburinus sup. d. 4. q. 8. n. 4.*, ex Vecchio, & aliis, addens, quod si postea Novitius respiscat, & iterum admittatur ad Religionem, tunc inchoandus est novitatus ex integro, nihil ei suffragante residuo novitatus antea peracto; quod an sit verum, necne, constat ex dictis *qu. 12.*: probatur autem responsio ex eo, quod ea est propria interruptio status, qua cessat status assumptus: ex depositione autem habitus religiosi animo relinquendi vitam religiosam cessat status probationis, cum novitatus consistat in assumptione habitus animo experiendi vitam religiosam, ut notat *Suárez cap. 15. num. 5.*, dicens *num. 6.* Si quis dimisso Religionis habitu egressus est, eo ipso interrumpi annum probationis, etiamsi paulo post intra diem pœniteat; siquidem eo ipso amittit statum, quem habebat, & eget nova admissione, ut iterum possit esse Novitius.

52. Quamquam *Navarr. l. 3. conf. de regul. conf. 32. aliis 42.*, dicens triduanam interruptionem sufficere ad discontinuandum annum novitatus, tacite indicet minorem interruptionem non sufficere; quod non reprobatur *Less. lib. 2. cap. 41. n. 59.*, di-

cens, paucorum dierum interpolationem non impedire novitiatum, cum non sit moralis interruptio, nec impediatur, quin novitius experiatur Religionis asperitates, Religio Novitium. Immo subdit *Rodriguez to. 3. qu. 15. art. 8.* ex Julii II. privilegio concessio Minoribus, posse compleri novitiatum ex duplici parte interpolata, dictumque privilegium non fuisse revocatum in Concilio Tridentino; quod tamen tanquam probabile admittit *Castr. Pal. tract. 16. d. 1. p. 12. §. 2. n. 5.*, dum dicit oppositum (quod sustinet *Sanchez sup. cap. 4. num. 35.*) esse verius, id est probabilius.

Immo puto Novitiam ex causa transeuntem ab uno Conventu ad alium ejusdem Ordinis, ibi professionem emisissam, si transeat de licentia Prælati, non interrompere novitiatum; sicut nec interromperet Novitius, qui a Superiore mitteretur ad proseguendum novitiatum in Conventu alio ab eo, in quo per aliquot menses fuit in probatione: est enim par ratio de Novitia, ac de Novitio, ut patet. Colligitur ex doctrina data a *Sanchez l. 5. mor. cap. 4. n. 28.*, nimirum Novitium de licentia Abbatis extra Conventum commemorantem per unum, aut duos menses non interrompere novitiatum, quæ doctrina a fortiori procedit in casu nostro. Quem casum admitto etiam in eventu, quo Conventus, ad quem Novitia transit, esset in alia Civitate; idque ob rationem adductam, quæ hic etiam procedit: non item in eventu, quo Novitia transiret ad Monasterium alterius Ordinis militantis sub eadem regula; & hoc ob doctrinam traditam a *Sanchez sup. n. 12.*, quæ a fortiori procedit in præfenti casu. In casibus autem, in quibus diximus per transitum Novitiæ non interrumpi novitiatum, existimat *Sanchez n. 29.* requiri, ut illa transeat in habitu Ordinis, cum putet esse de substantia novitatus, ut peragatur in habitu illius Ordinis; quod cum alii apud ipsum *Sanchez loco modo cit.* negent, negabunt consequenter requiri in casibus propositis, quod Novitia transeat in habitu Ordinis: sed de hoc in tract. de Novitiatu.

D

Quæ-

26 DE RECEPTIONE MONIALIUM AD NOVITIATUM

Quæres 16. *An tempus probationis possit protrahi differendo professionem Moniali novitiæ, & qualiter.*

53. *Resp.* Miranda qu.8. de Monial. art.3. Sacram Congregationem Concilii statuisse, quod elapso tempore novitiatus, Moniales statim admittantur ad professionem, si inveniantur habiles: sin minus, e Monasterio ejiciantur: additque, si habiles sint, iis ab Ordinario præfigendum esse terminum quindecim, aut viginti dierum ad deliberandum, num velint profiteri necne: & si renuant profiteri, continuo remittendas esse ad parentes, aut consanguineos; idque juxta decretum Concil. Trident. sess.25. cap.16. de Regul., intellige, nisi addit justa causa differendi, juxta dicenda cap. seq. qu.7.

Quæres 17. *An puellæ possint recipi a Monialibus intra clausuram ad habitum Religionis suscipiendum absque licentiâ Papæ.*

54. *Resp.* Possè, dummodo id faciant de licentiâ proprii Ordinarii, ejusque Vicarii generalis. Ratio responsionis est: tum quia non apparet, ex quo jure ad id requirenda sit licentiâ Papæ, (cum tamen talis obligatio induci non debeat absque jure aliquo sufficienti) tum quia jure communi potest Episcopus dare facultatem ingrediendi clausuram Monialium in casibus necessitatis: talis autem est casus, de quo in præsentia loquimur: tum quia Doctores agentes de receptione puellarum ad habitum Religionis, nunquam dicunt ad id desiderari licentiâ Papæ, quod tamen non omiserunt, si ea requiretur.

Difficultas est, an Monialis novitia, quæ, dimisso habitu religioso, occulte recessit a Monasterio animo ad ipsum non amplius revertendi, possit iterum recipi in Monasterium sine licentiâ ipsius Ordinarii, si ea, penitentia ducta, velit redire, & habitum reassumere.

55. *Resp.* non possè, nisi forte petitio talis licentiæ caderet in notabilem in-

famiam præfatæ Monialis, pro qua evitanda cedit jus positivum; patetque, quia per talem recessum a Monasterio Monialis desinit esse novitia, juxta dicta qu.15., & perinde se habet, ac si nunquam fuisset novitia: constat autem, quod si nunquam fuisset novitia, non posset recipi intra clausuram sine licentiâ proprii Ordinarii. Secus si Monialis novitia, dimisso habitu regulari egrederetur e Monasterio intentione regrediendi ad illud post aliquot dies; tunc enim cum non interrumpatur novitiatus, juxta *Suar. tom.3. de relig. l.5. cap.15. num.6.*, & consequenter adhuc sit novitia Monasterii, poterit suo jure in illud iterum recipi proportionaliter, ut posset recipi Monialis professsa, quæ dimisso habitu religioso occulte egrederetur e Monasterio, & postea ad illud reverteretur. Dixi *sine licentiâ ipsius Ordinarii*, ut innuerem, quod si Monialis illa novitia in priori casu iterum admittatur ad habitum religionis cum debito consensu Monasterii; ea tunc utique posset iterum recipi intra Convenum de licentiâ solius Ordinarii; cum non sit major ratio, quod vi talis licentiæ potuerit recipi prima vice, & modo non possit.

Quæres 18. *Quenam reddi debeant Moniali novitiæ ante professionem resilienciâ a Religione.*

56. *Resp.* Debere restitui ea omnia, quæ ipsa dedit Monasterio in ipso ingressu Religionis, & quidem una cum fructibus, si qui collecti sunt, excepto tamen victu, ac vestitu: idque ex decreto Concil. Trid. sess.25. de Regul. cap.16., ubi id expresse statuitur; ita Zerola 1. p. praxis q. Moniales n.3., Peyrin. de R. S. 5. qu.1. cap.29., Tambur. supr. d.6. qu.4. num.5. aliquæ communiter, inter quos *Barbof. num.39.* notat ex declaratione Sac. Congreg. Moniali, & cuicumque alii Novitio recedenti a statu religioso non esse restituendum habitum regularem, sed ejus pretium.

SECTIO III.

De Bonorum renunciatione a Monialibus
facienda ante religiosam
Professionem.

57. **Q**uid statuerit Concilium Tridentinum de bonorum renunciatione.
58. *Quæ obligationes, donationes, ac renunciationes contineantur sub hoc decreto.*
59. *Sub eo non comprehenduntur puellæ degentes in educatione apud Moniales, immo nec admittæ ad Religionem, nondum tamen ingressæ.*
60. *Idque maxime si non renuncient intuitu religionis.*
61. *Sub eo comprehenduntur etiam Novitiæ majores 16. annis.*
62. *Renunciatio faciendæ de licentia Ordinarii, & quidem etiam, ut sit valida.*
63. *Qualiter faciendæ intra bimestre proximum professioni: & præsertim si Novitiæ ante ultimum bimestre novitatus incurrat morbum periculosum.*
64. *Dominium rei renunciata transfertur solum post professionem in renunciatarium.*
65. *Res tamen renunciata tradi potest, & debet renunciatario statim.*
66. *Idque, etsi renunciatio fiat in favorem Monasterii.*
67. *Renunciatio hereditatis Patris viventis facta extraneo, ut habeat effectum, non petit consensum, ac cessionem Monasterii.*
68. *Frustrum rei renunciata a die renunciationis usque ad professionem sunt renunciatis.*
69. *Renunciatio legitime facta non potest revocari ante professionem.*
70. *Limita, nisi Novitiæ testetur de bonis renunciatis.*
71. *Renunciatio non corrumpit per mortem renunciantis sententiam ante professionem, etsi alij id negent.*
72. *Corruit vero, si ea facta, Novitiæ recedat a Religione, & iterum re-*

deat, aut transeat ad alium Ordinem.

73. *Non firmatur per professionem invalidam.*

Quæres 1. Quid statuerit Concilium Trident. de hac renunciatione.

57. **R**esp. **P**rescripisse formam servandam in ea faciendâ, & quidem ita, ut aliter facta, sit eo ipso irrita, ut habetur expresse in Concil. Trident. sess. 25. de Regul. c. 16., ubi dicitur: *Nulla renunciatio, aut obligatio antea facta, etiam cum juramento, vel in favorem cuiuscunque causæ piæ valeat, nisi cum licentia Episcopi, sive ejus Vicarii, fiat intra duos menses proximos ante professionem; ac non alias intelligatur effectum suum sortiri, nisi secuta professione: aliter vero facta, etiamsi cum hujus favoris expressa renunciatione, etiam jurata, sit irrita, & nullius effectus: hæc Concilium; quæ clarius constabunt ex sequentibus.*

Quæres 2. Quæ renunciatio, obligatio, ac donatio comprehendatur sub hoc decreto.

58. **R**esp. Comprehendi omnem illam, quæ natura sua est irrevocabilis, & difficilem reddit egressum e religione: sicque sub eodem decreto non comprehenditur testamentum, donatio causa mortis, & donatio facta sub conditione, si perseveraverit in Religione, non contractus onerosus emptionis, venditionis, conductionis, aut locationis, in quibus tantumdem, quantum datur, recipitur; etiam ex talibus contractibus, moraliter loquendo, nihil deperditur, sicque non impediatur liber egressus e religione: non contractus societatis, ac ludi, quibus contrahens se exponit lucro, & damno ex æquo, sicque non minus minuitur patrimonium, nec difficilior efficitur egressus. E contra sub præfato decreto comprehenditur donatio, utpote patrimonium minuens notabiliter, ac obligans donantem donatario; item fidejussio, etiam pretio accepto, cum obligatio inde proveniens semper terminetur ad assicurandam majorem quantitatem, quam sit pretium acceptum, adeoque semper adsit periculum jacturæ, &

paupertatis; item & mutuum, juxta aliquos (& quidem etsi non detur sine sufficienti cautione, vel fidejussione) cum per illud transferatur dominium, ac usus rei mutuatae in mutuatarium, abique potestate revocandi, quousque adveniat tempus solutionis; quamvis teste *Rodrig. tom. 2. summ. cap. 7. num. ultimo* graves Doctores non audeant talem contractum condemnare, alias existimantes ab eo esse abstinendum: quia de re *Sanchez lib. 7. moral. c. 5. n. 15. 20. 31. 33., Castro Pal. tr. 16. d. 1. part. 17., Suarez to. 3. de Rel. l. 5. c. 9. n. 16., & c. 16. n. 11.*, alique apud ipsos, quibus adde *Barbosa de off. Episcop. alleg. 66.*

Quæres 3. An comprehendantur sub hoc decreto puella, quæ recipiuntur in Monasteriis Monialium educationis, & solius institutionis gratia, aut admittuntur ad Religionem, sed nondum receptæ ad habitum religionis, ac probationis?

59. Resp. Neutras comprehendendi, non puellas receptas in educationem, cum hæc non sint Novitiæ, nec de iis agat Concilium, ut constat ex tenore illius, & advertit *Sanchez supr. num. 5. ex Azorio*: non puellas admittas ad religionem, sed nondum receptas ad habitum, ac probationem: cum dictio *quoque*, quæ habetur in decreto sit copulativa, ac proinde sequentem dispositionem conjungat cum præcedentibus *l. tutores quoque ff. de pælis*: ideoque denotet ibi sermonem esse de renunciationibus Novitiorum, de quibus solis textus præcedens loquutus fuerat, non autem de iis, quæ fiunt ante ingressum Religionis: idque etsi fiant intuitu ipsius Religionis: præterquam quod non ideo vana, ac illusoria redditor dispositio præfati decreti, ex eo, quod ante ingressum possit Novitius renunciare sua bona, prout sibi placuerit; quia talis renunciatio est rara, & propterea a Concilio relicta dispositioni juris communis, intendente annullationem renunciationis, & donationis post habitum susceptum factæ, utpote frequentius contingentis ita *Garz. p. 11. de benef. c. 9. n. 15., Barbosa. supr. n. 17., Rodrig. to. 3. q. 16. art. 1., Sanchez n. 4., Castro Pal. n. 5., alique contra Molinam tract. 2. d. 139., Sæ*

v. religio n. 5., Lessius l. 2. cap. 41. n. 39. & 40., Azor. to. 1. lib. 13. cap. 9. qu. 2., & alios plures apud Sanchez n. 3., existimantes contineri ejusmodi renunciationem sub prædicto decreto Concilii, idque multis rationibus probantes.

60. Dixi, idque etsi fiant intuitu ipsius Religionis, ut indicarem, quod si quis non habens animum ingrediendi Religionem bonis renunciet, aut aliam quamcumque donationem faciat; de tali donatione, aut renunciatione sine dubio non loquitur Concilium, cum nullus respectus Religionis tunc temporis habeatur: ita Sanchez n. 2., addens, esse sibi omnino certum, quod si renunciatus habeat animum ingrediendi Religionem, si tamen non renunciet intuitu Religionis, talis renunciatio non comprehenditur sub decreto Concilii, quippe quod nolit auferre libertatem faciendi renunciationes, quæ fiunt independentes ab ingressu Religionis, utpote non obstantes libertati egressus tempore novitatus, cui voluit Concilium consulere in eo decreto.

An autem decreto illo comprehendantur solum Novitii 16. ann., vel etiam omnes talem ætatem excedentes.

61. Resp. Comprehendi etiam Novitios majores 16. annis, & probatur, tum quia ratio eadem militat ad irritandam renunciationem factam post 16. annos, ac antea: cum in omni renunciatione timeri possit fraus, ac metus parentum, & aliorum, quæ Concilium intendit evitare: tum quia verba illa, quæ habentur in allegato decreto: *nulla quoque renunciatio, solum conjungunt præsentem dispositionem cum præcedenti, ut loquatur de his, de quibus loquitur præcedens dispositio, nempe de Novitiis, ac Regularibus, non autem ita, ut statuatur omnes qualitates petitas ad professionem debere extare tempore renunciationis; alioqui renunciatio deberet fieri post annum 16. completum, & finito anno novitatus: quod sine dubio est contra dispositionem allegati decreti: ita alique penes Sanchez n. 7., Castro Pal. n. 5., alique ab ipsis relati contra Menoch. de arbit. lib. 2. casu 436. n. 8.*

Quæ-

Quæres 4. De cuius licentia fieri debeat renunciatio bonorum ad hoc, ut sit firma, & valida.

62. Resp. Dêbere fieri de licentia Episcopi, seu ejus Vicarii: idque, etsi Monialis renunciatis aliis sit exempta: nomine vero Episcopi venire etiam Episcopum electum, & confirmatum, licet nondum consecratum: item Abbates, aliosque Prælatos exemptos, jurisdictionem quasi Episcopalem habentes in sua Diœcesi: item Vicarium generalem non foraneum Episcopi, immo & Capituli, sede vacante: non item Archiepiscopum respectu Suffraganeorum, nisi in casu appellationis: ita *Barbosi alleg. 99. a. n. 3.*, *Castro Pal. sup. n. 10.*, aliique bene addentes, dictam licentiam non necessario quidem concedendam esse in scriptis, debere tamen præcedere, nec sufficere, quod sit petita, sed debere esse obtentam, cum requiratur ad valorem actus. Addit *Barbosi. n. 9.*, facultatem concedendi talem licentiam posse delegari alteri, cum ratione officii competat, ideoque sit ordinaria, & consequenter delegabilis: licentia tamen ipsa, ait *Barbosi. n. 10.* sufficere, quod sit tacita ex rati habitatione de presenti.

Quæres 5. Quo tempore fieri debeat talis renunciatio.

63. Resp. Quod cum Concilium petat illam fieri intra duos menses proximos professioni, clare indicat, eam posse fieri quolibet die illius ultimi bimestris: quamquam, si professio ultra annum novitatus ex causa differatur, non sit opus renunciationem fieri intra bimestre proximum Professioni, quo fieri poterat, ita *Sanchez sup. n. 81. & 82.*, *Castro Palao sup. n. 9.*, *Barbosi. n. 11.*, aliique, inter quos *Castro Palao* credit in casu, quo Novitius ex dispensatione Papæ profiteretur ante 16. annum expletum, & ante finitum novitatus annum, posse illum renunciare intra bimestre ante professionem: non quod dispensatio ætatis, & novitatus extendatur ad renunciationem; sed quod data ea dispensatione sine ulla alia potest Novitius renunciare intra bimestre proximum professioni; siquidem Concilium petit so-

lum, ut renunciatio fiat intra bimestre proximum professioni, sive professio post annum differatur, sive ex privilegio anteponatur: id tamen negat *Sanchez*, & *Barbosi*, & quidem probabilius: addit *Sanchez n. 81.* dictum bimestre debere computari de momento in momentum; quod negant *Zecchi*, & *Zerola* ab eo relati.

An autem Novitii incidenti in morbum periculosum immediate post primum quadrimestre probationis possit renunciare bonis de licentia Ordinarii.

Resp. Videri posse, si ex Pii V. concessionem, referenda hic *cap. 9. qu. 11.* est emissura professionem; idque ob modo dicta: secus, si non est emissura professionem; nam tunc urget decretum Concilii, prohibens, ne renunciatio fiat ante bimestre proximum professionis, idest ante decimum mensem probationis expletum; & aliàs non apparet, quo titulo Novitii eximi debeat a præfato decreto: verum tamen est, Novitiam in isto casu posse libere disponere de suis bonis per viam testamenti, aut donationis causa mortis, ut constat ex dictis *qu. 2.*

Quæres 6. Ex quo tempore dominium rei renunciata transferatur in renunciatarium.

64. Resp. Non transferri, nisi secuta professione valida: nam Concilium expresse dicit, ut renunciatio non intelligatur effectum suum sortiri, nisi secuta professione, quod non verificaretur, si antecederet ad professionem dominium rei renunciata transferretur in renunciatarium, licet revocabiliter, ita *Sanchez num. 62.*, *Castro Pal. num. 13.*

Quæres 7. An facta renunciatione, bona tradi debeant renunciatario ante professionem, & is ea statim capere possit.

65. Resp. Debere tradi; juxta *Castro Pal. n. 15.*, posteq̃ue renunciatarium ea capere ante professionem, idque, etsi renunciatio fieret in favorem Conventus: ratio est, quod jure antiquo id fieri poterat quolibet tempore novitatus, eo quod valida esset renunciatio. Concilium autem non immutavit, sed approbavit valorem renunciationis factæ intra bimestre proximum

sum

munum professioni, & de licentia Episcopi; ergo ex vi illius tradi debent, & possunt bona renunciatori: id tamen negat Sanchez n. 53., eo quod Concilium prohibeat, irritet, & annullat omnes donationes ex bonis Novitii factas ante professionem, ne sic impediatur liber egressus illius e Religione (sicut videtur impediri, concessa hac doctrina Castrici Palai) cum aliis ipsemet Sanchez concedat num. 11., renunciantem bonis in Soc. Jesu favore illius, posse ea statim tradere, ut advertit idem Castrus Palaus dicens, ipsum debuisse dicere idem etiam in presenti casu; cum ratio, quam Sanchez affert pro Societate (quod scilicet Concilium Novitii Societatis liberam permittendo bonorum renunciationem; & traditionem hanc, quæ est quid minus, permittit;) militet etiam in nostro casu, ut considerari facile constabit.

66. Dixi, idque etsi renunciatio fieret in favorem Conventus, ut inuenerem, quod quando Concilium in citato decreto prohibet donationes ex bonis Novitii, factas ante bimestre proximum professioni, non loquitur de iis, quæ fiunt de licentia Ordinarii intra dictum bimestre, & consequenter nec prohibet illarum traditionem, ut recte notavit Castrus Palaus n. 15., monens n. 16., quod, etsi detur, nasci eandem difficultatem ex tali traditione bonorum, ac ex renunciatione facta absque licentia Ordinarii; non ideo sequitur, dictam traditionem fuisse prohibitam in Concilio; sed potuisse, ac debuisse prohiberi; quamquam negari possit in nostro casu eandem nasci difficultatem, sicut de facto negat Castrus Palaus ubi supra.

Quod si quæras, an, ad hoc ut renunciatio hereditatis paterna a Novitio facta, patre adhuc vivente, in favorem aliqujus extranei, a Monasterio distincti, habeat effectum, præter solemnitatem in Concilio præscriptam, requiratur consensus Monasterii, ejusque cessio.

67. Resp. Videri probabiliter non requiri: & ratio est, quod Novitius in presenti casu renuncians hereditatem, seipsum privat jure succedendi, illudque trans-

fert in renunciatarium, qui proinde ex hoc jure acquisito succedit, ideoque non eget cessione, aut consensu Monasterii: cum ipsum Monasterium jds succedendi non habeat, nisi quatenus repræsentat Religiosum habentem dictum jus: unde sicut Religiosus, etsi esset sui juris, nullum jus haberet succedendi, utpote per renunciationem a se abdicatum: nec ullum jus habebit Monasterium, siquæ superflua esset ejus cessio; ita Sanchez supr. cap. 6. n. 2., & Castrus Pal. n. 18. ex Covar., Guttier., Baza, Gama, & alii, monentes, quod cum opposita sententia, quæ est plurimum, ac gravium DD., sit probabilis, ad vitandas lites, convenientissimum est, ut Monasterium faciat dictam cessionem: quippe eam facere potest sine præscripta solemnitate juris in alienatione rei ecclesiasticæ, cum sit hereditatis non delatæ, seu deferendæ.

Quæres 8. Ad quem spectent fructus rei frugifera renunciatæ, ex ea collecti tempore intermedio a die renunciationis, usque ad professionem.

68. Resp. Spectare ad ipsum renunciantem, adeoque renunciatarium non lucrari, nisi solos fructus a tempore professionis perceptos: ita Sanchez supra cap. 5. n. 63.; & probat, quia tunc solum impletur conditio apposita renunciationi (quam n. 62. ostendit de mente Concilii esse suspensivam, non autem resolutivam, siquæ nihil ponere in esse) & tunc solum incipit esse dominus rei renunciatiæ; constat autem rem quamlibet fructificare suo Domino.

Quæres 9. An renunciatio hæc semel facta legitime possit revocari a Novitio perseverante in Religione, antequam profiteatur.

69. Resp. Videri certum eam non posse modo dicto revocari; & probatur, tum quia, si libere revocari posset, ut quid ad obligationem adeo levem, ac infirmam requirerentur tam graves circumstantiæ, sicut licentia Ordinarii, & certi temporis determinatio, cum quolibet tempore Novitiatus, absque licentia Episcopi fieri possit renunciatio, donatio, ac obligatio revocabilis? tum quia conditio apposita renunciationi ex intentione Concilii suspendit quidem effectum donationis, non item ejus

ejus valore, ac firmitate conditionalem ob jus donatario acquistum: ita Sanchez *supr.* n. 58. & cum eo Castro *Pal.* n. 12.

70. Concedit tamen Sanchez *supr.* n. 58. hujusmodi renunciationem posse revocari a Novitio, testando, ut habeat eventum revocationis, casu, quo Novitius moriatur ante professionem: Cum enim in eo eventu cesset valor prioris renunciationis, perinde est, ac si non fuisset facta; quare Novitius de iis bonis aliter potest disponere in eventu mortis, secutus ante professionem. Immo addit Sanchez, talem dispositionem non indigere solemnitate præscripta in citato decreto Concilii Tridentini, cum sit ultima voluntas, & Novitius non possit se obligare irrevocabiliter, ita ut, non secuta professione per mortem, aut alio modo, non possit variare; siquidem Concilium statuit, nullam obligationem Novitii vim habere, nisi secuta professione.

Quæres 10. An corrumpat renuntiatio, si contingat Novitium renunciantem mori ante professionem.

71. Resp. Non corrumpere, sed manere omnino firmam: & ratio est, quod quamvis in decreto Concilii Trident. relato dicatur, renunciationem factam a Novitio non alias intelligi fortiri suum effectum, nisi secuta professione; cum tamen finis Concilii sit consulere libertati egressus Novitiorum, conditio, nisi secuta professione, idem videtur impedire, ac si diceret, nisi perseverante Novitio in Religione: ex eo enim, quod post mortem Novitii non sint reddenda bona illius hæredibus, non impeditur libertas egressus; unde, eum ille permanferit in Religione, præfata renuntiatio fortiri videtur suum effectum; maxime cum tacens, moriendo ipsam renunciationem confirmare consuevit: ita Sanchez n. 48., & post illum Castus Palanus *supr.* p. 16. n. 2., qui tamen putat contrariam opinionem esse satis probabilem.

Quæres 11. An renuntiatio corrumpat casu, quo Novitius, ea facta, recedat a Religione, & postea ductus penitentia redeat.

72. Resp. Corrumpere, & quidem etsi recedat finito anno novitiatus; nec reviviscere, Novitio ad religionem redeunte: cum talis renuntiatio irrita reddatur per

illum egressum; & nullo jure cautum sit illam convalescere per reditum ad Religionem; quare, sicut inchoari debet novitiatus, sic inchoandum est tempus renunciationis, & solo bimestri ante professionem, finito anno probationis faciendam, fieri debet: ita Sanchez n. 48. addens, quod, si Novitius finito anno novitiatus egrediatur, indiget quidem nova renunciatione, cum prior illa, etsi legitimo tempore facta, corrumpat per egressum e Religione; eam tamen poterit facere statim, & non tenetur facere intra præfatum bimestre: idque, sive differatur professio, sive non; quod non concedit Castus Palanus *supra* p. 17. n. 9. dicens in tali casu & repetendum esse novitiatum (quod negat Sanchez) & renunciationem faciendam esse intra bimestre proximum professioni, ac si numquam renuntiatio facta fuisset.

Puto autem hanc responsionem a fortiori procedere in casu, quo Novitius post factam bonorum renunciationem transeat ad alium Ordinem, animo ibi perseverandi, idque ob rationem allatam in præcedenti responsione, quæ utique procedit in præfati casu, ut facile constabit consideranti; ubi autem habet locum ratio legis, ibi habet locum & ejus dispositio, *l. illud ff. ad l. Aquil., l. si postulerit §. 2. ff. ad leg. Jul. de adul., l. quidam numularios ff. de edendo.*

Quæres 12. An renuntiatio firmetur per professionem invalidam.

73. Resp. Non firmari; cum Concilium debeat intelligi non de præsumptione professionis, sed de vera professione; qualis utique non est professio invalida: ita Sanchez n. 56., & Castus Palanus n. 13. ad dentes dictam renunciationem firmari hoc ipso, quod ratificatur professio, dummodo renuntiatio fuerit valida ab initio, id est facta juxta formam præscriptam in Concilio Tridentino, nimirum ex licentia Ordinarii, ac in ea ætate, & eo tempore novitiatus elapso, ut Novitius profiteri possit intra bimestre; alioqui renuntiatio esset nulla (sicut & esset nulla, si fieret absque Ordinarii licentia) nec firmaretur ex ratificatione professionis, sed opus esset illam iterum facere. CA.

CAPUT III.

De Religiosa Professione Monialium.

Ceteri in hoc Capite de professione religiosa Monialium, non possumus non aliqua etiam tractare de solutione dotis, quæ solet exhiberi Monasterio ad alendam Monialem professuram, nec non de velo professionis, ac benedictione, seu consecratione Monialium: quippe quæ magnam habent connexionem cum ipsa professione; hinc Caput dividemus in tres sectiones, in quarum prima agemus de ipsa professione Monialium, suppositis tamen iis, quæ in tract. de Professione diximus cap. 1. per totum: in secunda differemus de solutione dotis; in tertia de Velo professionis, ac de Benedictione, seu Consecratione Monialium; siquæ totum Caput absolvemus.

SECTIO I.

De Professione religiosa Monialium,
& circumstantiis ipsi annexis.

1. **P**rofessio alia est expressa, alia tacita.
2. Voluntas Novitiæ professuræ exploranda ab Ordinario intra quindecim dies a monitione.
3. Talis exploratio non est de valore professionis: de ea faciendâ præmoneri potest Episcopus per aliquot dies ante, aut post tempus præscriptum: tuncque Episcopus potest prohibere ne fiat professio, non item determinare tempus illam faciendi.
4. Quorum consensus petatur ad professionem Novitiæ.
5. Abbatissa consensus qualiter requiratur.
6. Ea in hoc debet audire, & sequi consilium Conventus.
7. Professio Novitiæ admittitur proprie ab Abbatissa, & a Prælato Monialium, idque de Abbatissa præcipue procedit quoad Moniales Conversas.
8. Ætas annorum sexdecim requiritur ad valorem professionis.
9. Integer annus probationis est de essentia professionis, præterquam si sit in periculo mortis.
10. Ex causa differri potest professio, assignatur, unde sit præcedentia inter Moniales.
11. Aliqualis literatura petitur ad professionem Novitiæ Choro destinata.
12. Quæ expensæ permitti possint ex occasione professionis: indicatur quid sint propina vetita Monialibus.
13. Excommunicatur cogentes Novitiam profiteri.
14. Item impediens eam, ne profiteatur.
15. Monialis professæ transit ad ordinem strictiorem.
16. Non sufficit licentia proprii Prælati.
17. Quid de hoc statuerit Sacra Congregatio.
18. Videndum, an obtineat aliqua privilegia Religionum.
19. Ad talem transitum necessaria est facultas Sedis Apostolicæ.
20. Moniales non sunt ejiciendæ propter incorrigibilitatem.
21. Neque transferendæ ratione incorrigibilitatis de uno Monasterio ad aliud, inconsulta Sede Apostolica.
22. Possunt Episcopi reducere Moniales a Monasteriis extra mœnia intra ipsas Urbes.
23. Quare hæc facultas non sit ipsis sublatæ per Bullam S. Pii V.

Quæ.

Quæres 3. *Quot modis possint
Moniales profiteri.*

1. *Resp.* Quod cum juxta communem DD. sententiam duplex sit professio; alia expressa, & alia tacita: & non sit major ratio, cur hæc duæ species professionis admittantur inter viros regulares, & non inter Moniales; consequenter dicendum est, Moniales posse his duobus modis profiteri; nimirum expresse, & tacite, sicut in terminis docet *Tamburin. de jure Abbatif. d.9. quæst. 1.*

Quæres 2. *An, & qualiter explorari debeat voluntas Monialis novitiæ antequam emittat professionem religiosam.*

2. *Resp.* Debere explorari ab Ordinario ad cognoscendum, num spontaneæ, an coactæ, & seductæ se accingat ad proficendum; idque, ut sic consulatur libertati Novitiæ professuræ, & impediatur vis, quæ in hoc posset ei inferri a parentibus, aut aliis: patet ex *Concilio Trid. sess. 25. cap. 17. de Regul.*, ubi id expresse statuitur, sicut vidimus *cap. præced. sess. 1. qu. 4.* Unde, & idem Concilium præcipit loco citato, ut Præfecta Monasterii, in quo Novitia est professura per mensem ante diem professionis certiorare faciat Episcopum de tempore professionis, & hoc sub pœna suspensionis ab officio duratura ad arbitrium ipsiusmet Episcopi; quamquam, si is modo dicto certior factus intra dies 25. explorationem præfatam non perficiat, non debeat amplius se in hoc intromittere, cum sic decisum referant *Armendar. Gallet. & Campanil. relati a Barbosa de offic. Episcop. alleg. 100. n. 3.*, qui monent hujusmodi explorationem faciendam esse ab Episcopo, aut, ipso impedito, a Vicario generali non intra clausuram, sed extra fenestellam cancellorum, in collocatorio. Dixi, aut, ipso impedito, a Vicario generali, ut indicarem, quod notat idem *Barbosa n. 8.* dictam voluntatis explorationem non posse fieri a Vicario generali, nisi in casu, quo Episcopus sit impeditus, aut illum deleget ad tale munus: quod sine dubio potest facere Episcopus, cum id possit facere per quemcumque alium idoneum, ut advertit *Miranda qu. 8. de Monial. art. 4.*

Verum tamen est, quod si Episcopus omittat dictam explorationem; non ideo professio emissæ erit invalida, ut bene advertit, & probat *Sanchez lib. 5. moral. cap. 4. num. 84.*, & declaravit Sacra Congregatio penes *Barbos. supra n. 9.*, statuens contra virgines, a quibus non solum habitus regularis est susceptus, sed etiam facta professio, absque dicta exploratione, nihil per Ordinarium debere suscitari, sed sinendum esse, eas in statu suo remanere. Quamquam aliàs possit Episcopus non solum censuris, ac pœnis sibi bene visis prohibere Abbatissis, & Superioribus regularibus Monialium, ne puella professionem emittat, nisi prius explorata ipsius voluntate (quod fuisse decisum refert *Barbos. l. 1. de jure eccles. cap. 44. n. 10.*) (sed etiam punire contrafacientes tum pœnis a Concilio Tridentino statutis, tum etiam Ecclesiasticis censuris, & aliis juris remediis, non obstantibus quibuscumque privilegiis: quod notat idem *Barbos. de offic. Episcop. alleg. 100. n. 9.* quod cum ipse non probet, non est facile admittendum ob dicenda *cap. 8. qu. 3.* immo rejicitur expresse a *Sanctorio in Constit. Min. cap. 11. stat. 7. q. 1.* docente, Episcopum non posse punire Prælatum regularem, ipso inconsulto, consentientem professioni emittendæ, cum nullam in eum Jurisdictionem Concilium ei tribuat quoad hoc, sed totam obligationem imponat Præfectæ Monialium, ut constet ex dictis §. *præcedenti*, & quidem merito, cum Prælatum in majoribus occupetur; ideoque non debet cogi ad faciendam illam certiorationem.

An autem Præfecta Monialium in hoc satisfaciat, si dictam faciat certiorationem ante mensem, aut post.

Respondet *Sanctorius supra d. 3.* satisfacere, & probat, tum quia, secluso contemptu, plus, aut minus in hoc casu non infert gravem culpam; tum quia effectus prætextus a Concilio in hoc casu per anticipationem, aut postpositionem quindecim dierum sufficienter habetur, ut consideranti facile patebit.

Addit *Sanctorius s. p. d. 7.* Episcopum facta exploratione posse prohibere, ne
E Novi-

Novitia, cujus voluntas fuit explorata, faciat professionem, si reperiat illam esse indeliberatam, & minus libere profiteri; aliqui inutilis esset exploratio; & si contra inhibitionem Episcopi fiat professio, dicit *Sanctorius*, illam declarari debere nullam, cum facta sit contra voluntatem illius, qui eam potest impedire; & Concilium intenderit delegare Episcopo legitimæ Professionis cognitionem, ac impeditionem.

Monet item *Sanctorius d.5.* Episcopum, explorata voluntate Novitiæ exemptæ, ac completo novitiatu, non posse determinare tempus profitendi, aut e Monasterio exeundi; cum Concilium Episcopo solum tribuat facultatem explorandi voluntatem, & reliquum spectet ad Prælatum regularem, cui subest Novitia: nec obstat quædam Sacræ Congregationis declaratio, quæ in contrarium circumfertur; siquidem ea loquitur de Monialibus Episcopo subiectis, non autem de exemptis.

Quæres 3. De quorum consensu admitti debeat Monialis novitia ad religiosam professionem.

4. *Resp.* Debere admitti de consensu majoris partis Capituli Monialium, apud quas Novitia emissura est professionem: quod est dicere de consensu Monasterii: siquidem Monasterium dicitur facere, quod facit major pars Monialium in eo degentium, & hoc est ita verum, ut consensus Abbatisse Monasterii in tali admisione non requiratur formaliter, prout est Abbatisa, sed ut est pars Capituli, eo scilicet modo, quo requiritur consensus cujusbet alterius Monialis dicti Monasterii; sicque potest contingere, Novitiam admittendam esse ad professionem, omnino dissentiente, atque repugnante Abbatisa, etsi quatenus est caput Monasterii debeat consentire in professionem Novitiæ profitentis, uti dicemus infra *quæst. 2.7.* Patet ex praxi communi Monialium tam exemptarum, quam non exemptarum, saltem in hisce nostris regionibus; & suadet ex eo, quod, cum in admisione Monialis novitiæ ad professionem agatur de notabili commodo, ac utilitate Monaste-

rii, & interveniat veluti quidam contra-ctus utrinque obligatorius inter Novitiam profitentem, ac Monasterium, æquum est, ut, sicut ex parte Novitiæ requiritur consensus, sic & requiratur ex parte Monasterii, juxta *regulam 29. Turis in 6.*, quod *omnes tangit ab omnibus debet approbari.* Quæ doctrina ostendit ad validam admisionem professionis Novitiæ desiderari etiam consensum Prælati Monialium; sive is sit Ordinarius, loquendo de Monialibus immediate subiectis; sive Superior regularis loquendo de exemptis; idque maxime attenta concessione Nicolai V. quoad hoc per Bullam factam Minoribus, & relatum capite præcedenti num. 2. Præterquamquod receptio Novitiæ ad professionem, cum sit res gravissima, maxime tangens bonum Monasterii, par est, ut non fiat absque consensu illius, cujus prudentiæ commissæ est administratio ipsius Monasterii; unde & puto praxim Monialium communem esse, ut sine proprii Prælati facultate nullam recipiant Novitiam ad professionem.

5. Quod si DD. communiter dicunt; creationem Monialium (quæ utique sic per emissionem professionis) pertinere ad Abbatisam, & Conventum, id solum probat pertinere ad Abbatisam tanquam ad acceptantem, ut postea dicemus, non autem ita, ut consensus illius determinate requiratur per suffragii ipsius præstationem. Quo pacto *Tambur. sup. qu. 5. n. 4.*, alique ab eo relati dicunt, neque totum Conventum, repugnante Præfecta, neque Præfectam, repugnante majori parte Monialium, posse recipere Novitiam ad professionem. Quod tamen non facit, quin totus Conventus possit admittere ad professionem Novitiam, si Prælatus Monasterii dictam professionem admittat loco Præfectæ: cum, juxta dicta, consensus Præfectæ sit necessarius ad professionis admisionem non ratione suffragii, quod ferat cum aliis Monialibus, sed ut juridice recipiat professionem, quod in præsentī casu supplet Prælatus.

6. Unde quis bene inferet (quod notavit *Sanchez sup. n. 65. ex Rodriq. & aliis*)
Super-

Superiorem Monasterii in admittenda Novitia ad professionem teneri non solum audire consilium sui Conventus, sed etiam illud sequi, ob doctrinam *Bart. in l. 11. §. plures num. 7. de exer. aſt.* communiter receptam; nimirum, quod, quando requirendum est consilium ab alio tamquam a collega, & particeps officii (ut in præfenti casu) tunc consilium non solum requirendum est, sed etiam sequendum; quod est bene advertendum.

Quæres 4. Ad quem spectet acceptare professionem Monialis novitiæ profitentis.

7. *Resp.* Quod cum actus acceptandi professionem non sit proprie actus jurisdictionis, sed superioritatis pertinentis ad potestatem æconomicam, seu dominativam, quæ potest competere etiam femina; professio Monialis novitiæ poterit acceptari a Superioriſſa Monasterii, cum sit capax exercendi talem actum; & aliqui talis actus ipsi ex officio incumbat: quippe in quo agitur de notabili commodo, ac utilitate Monasterii, cui illa præstet; & onus procurandi bonum Monasterii incumbit immediato Superiori illius una cum majori parte Monasterii. Unde professio Monialis potest valde acceptari, tum ab ejus Abbatiſſa, tum ab ejus Prælato, sicut notavit *Sanchez n. 76.*, monens, professionem Monialium in Monasteriis Episcopo subjectis hoc tempore solere fieri coram ipso Episcopo, ejusve generali Vicario: sicut et contra in Monasteriis exemptis solet fieri coram proprio Prælato regulari, sive delegato, & hoc forte, ut tanto certior sit valor professionis, quæ emittitur: stante quod *Suarez loco sup. cit.*, & alii censent, consensum Prælati proprii non solum requiri ad valorem professionis, quam emittit Novitia Monialis, sed etiam, ut professio fiat in manibus illius, & ab ipso acceptetur, cum apud ipsum tantum sit propria Jurisdictio, ex c. *statutum* 20. q. 2., quasi vero acceptatio professionis sit actus jurisdictionis, cujus sit incapax femina (quod tamen paulo ante negavimus): patet autem responsio tum ex dictis, tum etiam ex c. *consuluit, qui Clerici, vel vocantes*, ubi deciditur, fœ-

minam quamdam, quæ dimisso habitu regulari nupserat, valide nupsisse, eo quod professio non fuerat in manu alicujus Episcopi, vel Abbatiſſæ: quod est supponere Abbatiſſæ potestatem extendi ad professionem valide acceptandam, ut notavit Bonacina. Quare cum Abbatiſſa Monasterii, & Prælatus illius, quoad acceptandam professionem Monialis Novitiæ, se habeant cumulative, adeoque inter illos dari possit velut præventio: servanda est in hoc consuetudo uniuscujusque Ordinis, Provinciæ, aut loci, quæ est varia.

Notat autem *Ciarlinus p. 2. contr. cap. 194. n. 34.* dato, quod Abbatiſſa non posset admittere professionem Novitiæ, posse adhuc acceptare professionem Novitiæ conversæ, cum ei non detur Velum, quod dare nequit Abbatiſſa, juxta c. *consuluit, qui Clericus, vel vocent.* Sicque cessant rationes, quod Abbatiſſa non possit recipere Professionem: sic ille.

Quæres 5. Cujus ætatis debeat esse Monialis Novitia, ad hoc, ut validam faciat professionem.

8. *Resp.* Debere esse annorum 16. completorum: idque ex decreto Concilii Tridentini sess. 25. de regul. cap. 15. id expresse statuentis his verbis: *In quacunque Religione tam virorum, quam mulierum professio non fiat ante 16. annum expletum: professio autem antea facta sit nulla, nullamque inducat obligationem ad alienius regula, vel Religionis, vel Ordinis observationem, aut alios quoscunque effectus: cum alias jure antiquo ad profitendum, in viro quidem sufficeret annus 14. completus, in femina vero annus 12. item completus, ut constat ex c. ad nostram c. significatum de Regul. Clem. eos. eodem tit., aliisque juribus.*

Quæres 6. An sit de essentia Religiosa professionis, ut ei præmittatur integer annus probationis.

9. *Resp.* Esse, stando præcise in jure communi; patetque ex dictis cap. præced. §. 2. q. 11. secus attempto indulto Pii V. facto per bullam Monialibus S. Dominici, per quod conceditur illis, ut possint profiteri solemniter, etiam nondum expleto

integrò anno novitiatus, si iudicio Medicorum ægrotent cum periculo mortis, moraliter certo; & jam expleverint annum ætatis 16. De hoc privilegio (quod non fuisse revocatum à Gregorio XIII., docet *Rodrig. to. 3. q. 15. artic. 16.*) participant non solum Moniales, sed etiam viri religiosi aliorum Ordinum, alias participantibus de privilegiis Ordinis S. Dominici: privilegium referemus, & paulo latius explicabimus infra *cap. 9. qu. 11.*

Addo hic non solum annum probationis debere esse completum de momento in momentum (ut ostendimus *cap. preced. sect. 2. qu. 12.*), sed etiam in anno bissextili illum duplicem diem debere computari pro uno; ut si Novitia inchoavit novitiatum 24. Februarii, non possit anno sequenti bissextili 24. Februarii priori profiteri, sed debeat expectare alterum 24. juxta *Sanchez lib. 5. mor. cap. 4. n. 4.*, aliique contra *Syle. Henric. & Ricc.*, quos refert, & sequitur *Barbos. alleg. 101. n. 10.*

Quæres 7. An, & quomodo Moniali Novitiæ protrahi possit tempus professionis, etiam post expletum annum integrum probationis.

10. *Resp.* Posse eo modo, quo diximus *cap. preced. sect. 2. qu. 16.* nimirum si interveniat iusta causa id faciendi: ut si Novitia nondum recte divinum Officium recitet, aut dotem non habeat paratam, aut non plene satisfecerit in probatione peracta, ita *Rodrig. tom. 3. q. 17. art. 10. Sanchez l. 5. mor. cap. 4. n. 21. Less. l. 2. c. 41. n. 59. Mirand. tom. 2. manual. qu. 25. art. 11.* alique communiter, quos refert & sequitur *Tambur. sup. qu. 7. n. 2* monens n. 8. supponi a Doctoribus (quorum aliquos allegat) ad protrahendum annum probationis exigi consentum Novitiæ; quippe qui toto tempore probationis potest libere recedere à Religione, nec potest in ea invidius detineri; patet autem responsio, tum ex dictis in *tract. de Novitiatu cap. 1. q. 24.* tum quia à jure antiquo non est recedendum, nisi quatenus ab eo receditur per jus novum expresse aliquid innovans per *l. preces C. de appellat.* at de jure antiquo ante Concilium Tridentinum ex iusta causa poterat differri professio Novitiæ ultra in-

tegrum annum probationis; & ipsum Concilium quoad hoc nihil innovavit (cum verba illius, quæ habentur *sess. 25. de Regul. cap. 16. finito tempore novitiatus Superiores, Novitios, quos habiles invenerint, ad proficiendum admittant, aut e Monasterio eos dejiciant*, loquantur solum de Novitiis, qui elapso probationis anno inveniuntur habiles, non vero de iis, qui tunc reputantur inhabiles ob aliquam causam amovibilem, speratur tamen probabiliter, quod brevi futuri sint habiles) ergo sicut ante Concilium differri poterat professio Novitiæ modo dicto, poterit & differri in præsentia, si iusta intervenierit causa.

Notat autem *Barbos. l. 1. de tripl. jure Eccles. c. 44. n. 56.* ex decreto Sac. Congregationis præcedentiam inter Moniales desumi debere à die professionis, non autem à die susceptionis habitus religiosi: si vero dux simul eodem instanti professionem emittant, eam puellam debere præcedere, quæ prius ad habitum, data item paritate professionis, in Capitulo fuerat admissa.

Quæres 8. An, & qualiter literatura requiratur ad hoc, ut Novitia Monialis admittatur ad professionem religiosam tanquam Chorista.

11. *Resp.* Requirit, ut saltem sciat legere: sic enim fuit decisum à Sac. Congregatione Cardinalium in una Girgen. 12. Januarii 1604., ita *Tambur. sup. n. 3. ex Barbos.* qui tamen intelligendi sunt loqui de Moniali deputanda ad Chorum, non autem de Conversa, ut patet.

Quæres 9. Quæ, & quales expensæ possint permitti, ut fiant à Moniali Novitia ex occasione professionis ab ipsa emittende.

12. *Resp.* Et declaratione Sac. Congregationis facta 5. Novembris 1616., & relata à Gavanto in *Manual. Episcop. v. Monialium professio n. 23.* posse permitti, ut faciant Sacrilitæ, aut Infirmariæ elemosynas ex longa Monasterii consuetudine hac occasione dari solitas; non item propinas, quæ alicubi solebant præstari Superioribus; neque quod fiant in Monialium foresteriis convivia alias confectari à consanguineis Novitiæ professuræ.

Quin

Quin etiam addit *Gavantus* n. 25. ab eadem Sacra Congregatione decisum fuisse, expensas occasione professionis emittendæ faciendas debere taxari ab Episcopo, ita ut, ablatis sumptibus superfluis, non concedantur nisi ii, qui sunt necessarii, & conformes modestiæ, ac parsimonix religiosæ.

Puto autem propinas (de quibus hic) fuisse donativa a Moniali ingrediente dari solita Abbatissis: *propino* enim apud Calpinum significat *poculum prægusto*, & deinde alteri tradit: *popinz* vero apud eundem significat tum culinam, tum cibos delicatiores: sicque in præallegato decreto forte fuit posita dictio *propino*, loco dictionis *popina*.

Quæres 10. *Quam penam incurrant, qui injuste cogunt Monialem Novitiam emitte- re professionem religiosam.*

13. *Resp.* Incurrere excommunicationem ipso jure latam in *Conc. Trid. sess. 25. de regul. c. 18.* & a nobis f. se explicatam *cap. prat. sect. 1. qu. 10.*; unde facile peti possunt, quæ ad præsentis responsionis probationem possunt conferre: sicque non est, cur ea hic iterum repetamus.

Quæres 11. *Quam penam incurrat, qui injuste impedit Monialem Novitiam, ne libere emitat professionem religiosam.*

14. *Resp.* Incurrere ipso facto excommunicationem majorem, item latam in *Concilio Tridentino loco citato*, & a nobis latius declaratam *cap. præced. sect. 1. q. 18.* ubi plura diximus, quæ multum possunt deservire in præsentia.

Quæres 12. *An Monialis vinculo professionis religiosæ ita adstringatur, ut non possit recedere a Monasterio, in quo profectetur, neque ad ingrediendam Religionem arctiorem.*

15. *Resp.* Non adstringi, adeoque Moniales professas in Ordine laxiori posse jure communi transire ad Ordinem perfectiorem, servatis tamen servandis; nimium conditionibus a nobis recensitis in *tractatu de Profess. c. 4. sect. 3. q. 5. §. quod si*, ibique in qq. sequentibus explicatis: ita *Suarez tom. 4. de relig. tract. 8. lib. 3. c. 10. n. 11.*, *Sanchez lib. 6. moral. cap. 7. num. 6.*, *Rodrigu. 10. 3. qu. 52. artic. 6.*, *Lezam. 10. 1.*

cap. 25. n. 41., *Bonac. qu. 2. de Claus. p. 9. §. 2. n. 41.*, aliique communiter, & patet tum ex dictis in *cit. tract. de profess.*, ubi *sup. qu. 7. §. de Moniali 6.*: tum quia rationes, quæ probant dictum transitum esse licitum viris religiosis, cum aliquali proportionem procedunt etiam quoad Moniales, ut colligitur *ex 20. qu. 4. cap. 1.*, & bene animadvertit *Rodrig. sup. ex Cardin., Abbat., & Natta* generaliter dicens, ea, quæ sunt disposita de viris religiosis proportionaliter censerî constituta, & de Monialibus.

„ Dixi cum aliquali proportionem: Mo-
„ niales enim sunt specialiter obligatæ ad
„ perseverandum in Monasterio, in quo
„ professionem emiserunt ratione clausu-
„ ræ perpetuæ, ad quam tenentur aliquæ
„ ex voto, & omnes ex præcepto Eccle-
„ siæ, & quæ tanto rigore servatur, ut
„ in hac ipsa materia, transitus scilicet
„ ab una Religione ad aliam, regulariter
„ numquam concedi consueverit a Sacra
„ Congregatione Monialibus facultas
„ transeundi, ut ex responsione Sacræ
„ Congregationis probat *Nicolius Incubr.*
„ *cap. lib. 3. tit. 31. n. 12.*

Difficultas est, de cujus licentia debeat fieri talis transitus, Abbatissæ tantum, an proprii Prælati, & Ordinarii (idque ratione clausuræ, ad quam Monialis speciali obligatione tenetur), vel utriusque?

16. Respondet *Bonacina sup. §. 3. dist. 1. n. 11.* ad talem transitum exigi licentiam Prælati, cui Monialis transitura subest (sive is sit Episcopus, sive Prælatus regularis) non autem sufficere licentiam Abbatissæ. Probat, tum quia Abbatissa proprie non est Prælata Monasterii; tum quia in concessione talis licentiæ judicandum est, num Monialis transitura ducatur bono spiritu ad talem transitum; quod judicium videtur excedere capacitatem formi- næ; tum quia iste transitus non potest fieri absque egressu clausuræ, ad quam Monialis strictissime tenetur; Abbatissa autem non potest dare facultatem exeundi e clausura: sic *Bonacina* citans pro se *Sanchez*, qui tamen expresse negat esse necessa-

cessarium, quod in præsentī casu Monialis obtineat a proprio Prælato licentiam transeundi, putans sufficere illam ab ipso peti, ea ductus ratione, quod Concilium Tridentinum, & alia jura prohibentia Monialibus egressum e clausura absque consensu Superioris in scriptis, non loquuntur in hoc casu, sed solum ad tollendam Monialibus materiam vagandi.

16. Sed dicendum est, quod neque sufficit licentia solum petita, ut vult Sanchez, neque licentia petita, & obtenta, ut vult Bonacina. Tria igitur circa hoc punctum nunc sunt certa.

17. Certum est 1., quod decretum Sacre Congregat. de mandato Urbani VIII. in decretis 21. Septembris 1624. editis de *Regularibus apostatis, & ejectis* (nimirum, ut de cætero nullus permittatur ad arctiorem religionem transire, nisi prius Superiori legitime consisterit eam religionem paratam esse illum recipere, qui licentiam petit, tuncque Regularis res se transferat ad arctiorem: quod, ut reipsa adimpleatur, idem Superior omni studio, ac diligentia invigilet.) a fortiori habet locum in Monialibus, ideoque debet omnino inviolabiliter servari.

18. Certum est 2., quod cum juxta dicta in *trakt. de prof. ss. cap. 4. sect. 3. qu. 6.* extent multa privilegia concedentia Religionibus, ne earum religiosi possint transire ad Ordinem, etiam arctiorem, absque licentia proprii Prælati petita, & obtenta; immo nec sine facultate Sedis Apostolicæ; & de distis privilegiis participant Moniales per viam communicationis; dicendum est, quod licet ex transire possint ad Religionem arctiorem, licentia petita a Superiore, & obtenta, stando in jure communi; secus est, attentis istis privilegiis, siquidem ea sint in usu apud ipsas Moniales: quod proinde in contingentia facti esset accuratius inquirendum.

19. Certum est 3. quod facultas, qua olim de jure communi pollebant Episcopi, vel Monasteriorum Superiores transferendi Moniales de uno ad aliud Monasterium strictioris observantiz, vel ad aliquis Monasterii funda-

tionem, seu Monialium instructionem; & reformationem, vel in aliis casibus a jure, seu Concilio Tridentino permisis, nunc est iisdem sublata, & fieri non potest, nisi speciali licentia Sedis Apostolicæ. Constat 1. ex Bulla S. Pii V., quæ incipit *Decorī*, edita calendis Februarii 1570., in qua statuitur *nulla occasione, aut prætenu* licitum esse Monialibus egredi de Monasterio, aut licentiam illis concedere ad exeundum, præterquam in casu magni incendii, vel infirmitatis lepræ, aut epidemiz. Constat 2. ex decreto Pauli V. publicato a Sacra Congregatione Episcoporum, & Regul. 22. Decembris 1617., & intimato omnibus Procuratoribus generalibus Ordinum, per quod decretum Moniales non possunt quacumque occasione transferri de Monasterio ad Monasterium sine speciali licentia Sedis Apostolicæ, toties quoties obtinenda, ut videre est apud Dian. 3. part. n. 2. resol. 99. & apud Nicol. in lucubrat. can. lib. 3. tit. 31. n. 12., & apud Fagnan. in c. *Recolentes de statu Monachor. n. 51.* Constat 3., quia sic pluries declaravit Sacra Congregatio Episcoporum, videlicet in litteris scriptis Nuncio Hispaniarum 8. Novembris 1594., in quibus nomine Epidemiz quemcumque morbum popularem contagiosum intelligendum esse respondit, ut refert Monacellus par. 2. tit. 15. adnot. ad formul. 15. n. 15. & in aliis litteris eidem Nuncio missis refertur Decretum ejusdem Sac. Congregationis 15. Januarii 1616., quod refert Monacell. par. 2. n. 13. in adnotat. ad formul. 5. n. 16., quod sic habet: *Siñius D. N. ejus in Hispaniarum Regnis Nuncio literas dari mandavit, ut omnes Archiepiscopos, aliosve Ordinarios inferiores, tam seculares, quam regulares Monasteria in eisdem Regnis habentes certiores, ut absque Sedis Apostolicæ auctoritate Monialibus e Monasteriis septis egrediendi licentias nullatenus concedant, minusque easdem de uno ad aliud Monasterium (tribus casibus in Bulla san. me. Pii V. nominatim expressis, exceptis)* trans-

„ *transferant*. Referunt demum alia ejusdem Sacre Congregationis decreta idem statuentia apud Nicol. loco cit. a n. 7. ad 12.

Quæres 13. *An Monialis professæ possit ejici e Monasterio propter incorrigibilitatem, & quidem inconsulta Sede Apostolica:*

20. „ *Resp.* Non posse, tum quia talis ejectio esset res nova, ac inusitata, ideoque afferret scandalum non vulgare, gravemque ansam Monialibus inquietis, & vitam claustralem averfantibus præberet se fingendi incorrigibiles, ut Monasterium desererent, siquæ ex delicto reportarent commodum, ut advertit Sanchez lib. 6. Moral. cap. 9. n. 6.; tum quia, ut idem dicit, praxis huc usque non recipit, Moniale expelli tamquam incorrigibilem, nec ullum invenit ipse Doctorem id dicentem, neque ex aliqua historia constat, aliquam ejectam esse; tum demum, quia ista ejectio reprobat, & prohibetur in pluribus declarationibus, & decretis Sacre Congregat. relatis a Nicolio sup. cit. n. 7., in quibus ad consulendum bono communi, statuitur, ut Moniales licet sint incorrigibiles omnino, nec illarum emendatio speretur, non propterea ejiciantur; sed in Monasterio carceribus includantur, & severe coerceantur, ne alius sint offendiculo.

Quæres 14. *An Monialis post professionem transferri possit ab uno ad aliud Monasterium, ut ibi melius corrigatur, & resipiscat.*

21. „ *Resp.* Non posse, inconsulta Sede Apostolica: Sic enim infertur clare ex supra allegata Bulla Pii V., & decreto Pauli V., & aliis declarationibus Sacre Congregationis ibi adductis, & aliis, quas allegat Nicolius loco supra citato n. 7., quibus ad declarationem Sacre Congregationis relata a Barbosa in Collect. Bullar. & Monialium translatio, sub his verbis: *Monialem nullam sibi subjektam ex uno Monasterio ad aliud transmittere possunt locorum Ordinarii, vel Superiores regla-*

„ *corrigibilitatis, aut criminis perpetrati.* Neque dicas cum Tambur. de jure Abbatiss. d. 21. qu. 3. n. 1. Urbanum IV., ut videre est apud Mirandam, approbasse hujusmodi translationem Monialis per speciale statutum, illudque non fuisse revocatum per Concil. Trid., nec per Bullam S. Pii V.: nam omnino falsum est, prædictum statutum non fuisse revocatum, ut ex pluribus declarationibus Sacre Congregationis fuisse probat Fagnan. in C. Reelolentes de statu Monachorum n. 49.

22. „ *Dices.* Per supracitat. Bullam Pii V. non est sublata Episcopo facultas illi tributa in Tridentino sess. 25. cap. 5. de Regul., reducendi scilicet Moniales a Monasteriis extra Urbes ad Monasteria intra mœnia, adeoque non erit per eandem Bullam sublata Episcopo facultas transferendi Moniales ab uno Monasterio ad aliud strictioris observantiz. *Resp.* Conc. Ant. cum Fagnano supra allegato n. 52., & nego sequelam.

23. „ Disparitas desumitur primo ex eo, quia reductio Monialium ad Monasteria intra mœnia proprie loquendo, non est translatio, ut asserit laudatus Fagnanus; unde Concilium cum non utatur verbo *transferantur*, sed verbo *reducantur*, per Extravag. S. Pii V., in qua est sublata Episcopis facultas transferendi Moniales de uno Monasterio ad aliud, non intelligitur sublata facultas reducendi intra mœnia Monasteria sita extra Urbes. Desumitur 2. ex speciali ratione, quam habuit Papa non corrigendi sua Bulla decretum Concilii. Reductio enim intra mœnia est necessaria ob publicum bonum Monasterii, ne scilicet Sandimoniales incustoditæ remaneant, & expositæ prædæ, & aliis periculis, quæ provenire possunt a malis hominibus; ideoque a Concilio non solum est permitta, sed etiam præcepta, si fieri possit. Transitus vero alicujus Monialis ad strictiorem regulam, est solum permixtus, accedente legitima facultate, & nulli Moniali præceptus, nisi quando propter demerita ad illum ad-

„ stringa-

„ stringatur. Non debuit ergo Papa re-
 „ vocare utramque facultatem, & ex eo,
 „ quod non revocaverit primam, non
 „ sequitur, quod non revocaverit secun-
 „ dam.

24. **P**rofectio facta ex metu non semper tenet.

25. Ex metu reverentiali interdum irritatur professio.

26. Professio facta ex errore, aut ignorantia, aut dolo, non tenet semper.

27. Item non tenet semper facta ex ira, vel alia animi perturbatione.

28. Non tenet professio facta sine intentione obligandi.

29. Tenet vero facta a reticente aliquod impedimentum, quo detecto, non fuisset admissa Monialis Novitia.

30. Tenet facta ab agrotante toto tempore probationis.

31. Item, quæ recipitur ab admittente ex metu gravi.

32. Non tenet professio hermaphroditi facta inter Moniales, si postea erumpat in virum, etsi antea esset valida; sicque non transit ad religionem virorum: si Religiosus professus dubitans de validitate sui baptismi rebaptizatur, debet prosterni iterum, aut ratificare professionem jam factam.

33. Tenet professio Novitiæ ab Ordinario in exploratione voluntatis reperta indignæ, ideoque prohibita admitti, sed non semper.

34. Tenet item professio admissa contra expressam proprii Prælati prohibitionem, sed non in omni casu.

35. Moniales non possunt cogi recipere Novitiam ad professionem, si sint invitæ rationabiliter; secus, si irrationabiliter.

36. Prælati Monialium in aliquo casu per se recipi professionem Novitiæ, contradicentibus ipsis, & Abbatissa.

37. Prælati, & Abbatissa cogi interdum possunt recipere professionem Novitiæ capitulariter admissæ a Monia-

libus: & e contra Moniales cogi nequeunt recipere ad professionem Novitiam cognitam indignam.

38. Moniales reclamare possunt contra nullitatem professionis.

Quæres 15. An, & quando teneat professio facta a Moniali ex metu.

24. **R**esp. Non tenere, si fiat ex metu cadente in constantem virum: qui scilicet sit de malo (iudicio viri prudentis) gravi, & qui respectu scemine sit rationabilis, idest fundatus in vero, ac probabili periculo idque non jure naturæ, ut bene probat Suarez tom. 3. de relig. l. 6. cap. 4. n. 8., sed jure Canonico; prout habet communis sensus Ecclesiæ; quo talis professio judicatur invalida (qui consensus teste Suarez n. 9. magni faciendus est in hac materia) & colligitur ex Concilio Tridentino sess. 25. cap. 15. de reg., ubi cum dicatur: *Quicumque regularis prætentat se per vim, & metum ingressum esse Religionem* &c. clare supponitur ex hoc capite invalidam reddi professionem; sicque proficenti conceditur jus reclamandi, servatis tamen servandis. Notant autem aliqui, quod, sicut, si quis non amplius moveatur ex metu gravi, quam alius ex levi: non videtur vi talis metus irritari professio: sic, si quis non minus moveatur interius ex objecto levi, quam vir constans ex gravi, professio in foro conscientie erit irrita, etsi in foro exteriori aliter iudicetur: at hoc non admittit Suarez n. 13., dicens, ejusmodi doctrinam tunc demum fortasse habituram aliquam probabilitatem, si verum esset metum naturæ suæ irritare professionem; quod tamen non admittit ipse Suarez, ut constat ex dictis.

25. Addo, metum reverentialem (qui includit non solum imperium paternum, cui ex reverentia non contradicatur, sed etiam coactionem aliquam, per quam puella non audet contradicere voluntati Patris) irritare professionem, si præcedant minæ, sive formales, sive etiam solum virtuales (ut sic loquar) quatenus scilicet puella habet causam, & indicia, ob quæ grave

grave aliquod malum sibi timeat a patre, si ei contradicat: quale malum esset, si ei auferretur spes nuptiarum, sive simpliciter, sive proprio statui conformium; si perpetuo detinenda esset domi, ita ut nunquam posset egredi; si ei denegaretur decens sustentatio, & debita dos; si crebrioribus verberibus afficeretur: si ei prohiberetur omnis conversatio; si cogeretur obire servitia abjectiora contra decentiam suæ conditionis, & alia id genus, ut notavit etiam Laym. l.4. tract. 5. num. 6., dicens, quod, licet metus reverentialis obpreces, aut imperium Prælati, aut consanguineorum plerumque sit insufficiens ad irritandam professionem, secus habet, si concurrant alia, quæ difficile repelli possunt: puta precum, aut imperii sæpius repetiti importunitas; frequentes blanditiæ, quibus resisti nequeat, gravis offensus, aut diu duratura indignatio, v. gr. consanguineorum, a quibus vita, aut fortuna puellæ dependet &c.

Quæres 16. *An, & quando teneat professio facta a Moniali ex errore, ignorantia, aut dolo.*

26. *Resp.* Non tenere, si error, ignorantia, ac dolus versentur circa substantialia Religionis (ut si Novitia profiteatur putans se non obligari in perpetuum, vel per professionem non privari dominio rerum, vel regulam sui Ordinis non esse adeo asperam, & quidem asperitate vires ejus moraliter excedente); non item si versentur circa accidentalia, cujusmodi sunt alia omnia, quæ vel sunt extrinsecæ, ut sunt motiva, seu causæ Religionis; vel, si sunt intrinsecæ, gradum illum non attingunt, ut sunt aliz observantiz Religionis. Ratio est, quod ignorantia, & error causant involuntarium, vel saltem non voluntarium, quia hoc ipso, quod objectum non est cognitum, non est volitum: ignorantia autem facit, ut objectum non sit cognitum, & consequenter facit, ut operans non consentiat, nec velit illud: professio autem non potest esse valida, absque consensu voluntatis, loquendo de substantialibus Religionis, quod non procedit, versante ignorantia circa accidentia, cum

sic non excludatur consensus substantialis; ita Suarez sup. cap. 5. n. 4. 5. & 6. addens n. 9. hac in re parum referre, sive error, aut ignorantia procedant ex injuriosa deceptione, sive ex quavis alia causa naturali, aut extrinseca: cum in tali casu impedimentum oriatur ex defectu consensus, qui impediri æque potest ex ignorantia, aut errore, ac ex injuriosa deceptione: quæ ratio probat item, parum referre, quod ignorantia sit probabilis, vel quod intercedat aliqua negligentia, modo ignorantia non sit affectata.

Quæres 17. *An, & quando teneat professio facta a Moniali ex ira, aliave animi perturbatione.*

27. *Resp.* Non tenere, si ira, aut alia passio sit tanta, ut rationis judicium obtenebret, ac impediat deliberationem requisitam ad peccandum, quæ non censetur adesse, nisi profectus præmeditetur passionem illam ad profitendum impellentem, & finem, quo ducitur; idque conferendo illud, de quo deliberat, cum ejus opposito: ad quod tamen non exigitur mora temporis, cum momento fieri possit; nec quod deliberatio tempore præcedat, sed solo ordine naturæ: colligitur ex Sanchez l. 4. mor. cap. 1. n. 2. & 3. patetque, cum sit contractus humanus, de cujus valore est libertas, ut tradunt Doctores communiter.

Quæres 18. *An teneat professio facta a Moniali sine intentione se obligandi.*

28. *Resp.* Non tenere, & probatur, tum quia omnis obligatio, quæ non provenit ex lege, oritur ex privata voluntate hominis; ergo ubi deest voluntas se obligandi, deficit obligatio: Tum quia obligatio promissionis confurgit ex lege privata, quam promittens sibi imponit; nulla autem lex obligat, nisi legislator intendat obligare. Colligitur ex Sanchez l. 1. de matr. d. 9. n. 4., & plurium DD., qui tamen tenentur concedere, sic profitentem in foro externo posse cogi ad servandam professionem, etsi non teneatur in conscientia, & secluso scandalo; ut recte advertit Caslr. Pal. tract. 16. d. 2. p. 4. n. 3.

Quæres 19. *An teneat professio facta a*
F Monia-

Moniali relicente aliquod impedimentum, quo manifestato, non fuisse admisso.

29. *Resp.* Tenere, & inde patet, quod cum tale impedimentum neque ex jure communi, neque ex speciali constitutione Ordinis (ut suppono) professionem irritet, ejus ignorantia non facit, quin libera sit ejus admissio. Cum dicta ignorantia versetur circa accidentalia, & professio annullatur solum ex ignorantia versante circa substantialia, ut constat ex dictis qu. 16. ita *Rodrig. tom. 3. p. 17. art. 9., Castus Palus sup. p. 2. §. 2. n. 3.,* & alii: quorum aliqui censent taliter profitentem posse expelli in poenam culpæ gravis in hoc commissæ: alii vero id negant, eo quod talis culpa non videatur adeo gravis, ut ob eam infligi possit expulsio a Religione, quæ est poena gravissima.

Quæres 20. An teneat professio facta a Novitia toto tempore approbationis agrotante: sique non experiente asperitatibus Religionis.

30. *Resp.* Tenere, & suadetur, quia ad Novitiatum valorem non requiritur experientia omnium asperitatum Religionis in specie, sed sufficit eas experiri in genere, vivendo sub obedientia toto anno Novitiatu: ut expresse docet *Sanchez l. 5. mor. cap. 4. n. 52. ex Navar., & Rodriguez:* Quæ ratio proportionaliter probat valide admitti ad professionem Novitiam, quæ ex morbo, aut senectute sit omnino impotens ad servanda regulæ præcepta: siquidem obligatio ad substantialia status Religiosi, quæ sunt tria vota essentialia, nullis eget viribus corporis, sed solo voluntatis affectu: alia vero præcepta regulæ non sunt substantialia Religionis, sed obligant, iusta causa non excusante, qualis esset morbus, aut gravis senectus.

Quæres 22. An teneat professio facta a Moniali, si ab admittente recipitur ex metu gravi cadente in constantem virum.

31. *Resp.* Videri tenere: & probatur, quia metus non annullat professionem jure naturali, sed positivo, ut ostendi qu. 15.: jus autem positivum non annullat professionem ob metum Prælato eam admittenti inessum, utpote rarum, aut

numquam contingentem, sed solum ob metum inessum profitentis sique hic solus metus irritat professionem, & non alius: nam in decretis non est facienda extensio de uno casu ad alium; maxime quando non procedit eadem ratio, & quando sumus in materia odiosa: ita *Suarez tom. 3. de Relig. lib. 6. cap. 4. n. 19.* alique contra *Lessium lib. 2. cap. 41. n. 61.* obiter contrarium sustinentem.

Quæres 22. An teneat professio facta inter Moniales ab hermaphrodito, etiam postquam erupit in virum.

32. *Resp.* Diana par. 5. tract. 14. resol. 49. ex Texeda, non tenere, & probat, quia hermaphroditus in casu proposito non emit professionem, nisi ut vera femina: nec Prælatus admisit ejus professionem sub alia ratione: constat autem valorem professionis pendere ex intentione tam profitentis, quam admittentis: præterquamquod in Hispania, teste ipso Diana, sic declaratum est in contingentia facti. Hoc tamen non facit, quin hermaphroditus valide possit profiteri in Conventu Monialium, si in ipso prævaleat sexus femineus: idque ob dicta *cap. præd. sess. 1. qu. 12.,* & quæ habet *Sanchez sup. n. 41.,* dicens tamen hermaphroditum non esse admitendum ad professionem, neque in Monasterio sexus in ipso prævalentis.

Quod si hermaphroditus in virum erumpente modo dicto evanescit vinculum Religiosæ professionis, sequitur illum non teneri transire ad Religionem virorum, sed posse manere in sæculo, ac inire matrimonium, ac si professionem non fecisset: patet, tum quia actus agenticum non extenduntur ultra intentionem illorum, *l. non omnis ff. si certum petatur:* tum quia vota non obligant, eorum materia postea notabiliter mutata, ut tradunt communiter DD. apud *Sanchez lib. 3. moral. cap. 18.,* quæ certe militat in casu nostro: ita *Diana supra contra Portell. de dub. regul. v. profess. hermaphroditi in addit. ad addit. n. 9.* mordicus sustinentem ejusmodi hermaphroditum in casu proposito debere ejici e Conventu Monialium, & teneri servare in sæculo vota essentialia professionis

Nonis eo modo, quo poterit. Cum *Diana* sentit *Theſaur. p.2. praxis v. Religioſi c.11.* citans pro ſe *Merlin.*, quanquam ſuſtinens ex *Andr. Laurent. l.2. hiſtor. anatom. q.8.*, & *Delvio l.1. diſquiſ. qu.22.* conſervationem ſexus ſeminei in maſculinum eſſe naturaliter impoſſibilem, ob rationem mox aſſerendam; conſequenter ſuſtineat probabile eſſe, profeſſionem factam ab hermaphrodito inter Moniales poſtea erumpente in virum irritam fuiſſe ab initio: quippe quæ revera eſt profeſſio viri inter Moniales, quæ ſine dubio non tenet: probant autem allegati DD. conſervationem ſexus ſeminei in maſculinum eſſe naturaliter impoſſibilem ex eo, quod genitalia maris, ac ſemineæ differunt forma, ſtructura, nervorum numero &c. ac proinde caſu quo hermaphroditus & ſexus ſemineo in ipſo prævalente erumpat in virum, id inde provenit, quod virilia, quæ ob defectum caloris, aut obſtaculum alicujus membranz intus latebant, poſtea aucto calore, aut ex conatu aliquo, ſive ex copula, eſtracta membrana, foras prodeunt. Ita *Theſaurus*, addens tamen Sacram Pœnitentiariam de tali caſu conſultam nihil decernere voluiſſe: quod eſt ſignum non eſſe improbabilem ſententiam illorum, qui docent profeſſionem in tali caſu ab initio fuiſſe validam.

Addo hic obiter ex *Carena tract. de mod. proced. in cauſa S. Officii tit. 5. l.2. n.49.* Religioſum profeſſum dubitantem de validitate ſui baptiſmi, ſi rebaptizetur ſub conditione, debere cogi ad iterum proſitendum, vel certe ad ratificandam profeſſionem jam factam: & ratio eſt, quod ex una parte ſtatus perfectionis (qualis eſt ſtatus Religioſus) ſupponit ſtatum ſalutis (quod ſcilicet per baptiſmum homo ſit incorporatus Eccleſiæ) ex alia parte in dubio melior eſt conditio poſſidentis, adeoque cum Religio ſit in poſſeſſione Religioſi hujus, vi profeſſionis emiſſæ, habet jus illum retinendi uſque dum plene conſtet illum non eſſe baptizatum, & conſequenter, ubi eſt modo dicto rebaptizatus, poſſeſt illum aſtringere, ut vel iterum pro-

ſiteatur, vel ratificet profeſſionem jam emiſſam.

Quæres 23. An Abbatiffa valide recipiat profeſſionem Novitiæ, ſi interveniat conſenſus ſui Conventus, ac Ordinarius in exploranda illius voluntate judicat eam eſſe indignam, ac nullo modo admittendam, ſicque expreſſe prohibeat Monialibus, ne eam admittant.

33. Reſp. Valide recipere; etſi illicitè, ſi Moniales illius Conventus ſint exemptæ ab Ordinario: vel certe, ſi ei ſubſunt, prohibitio illa fiat ſine decreto irritante, & iis verbis, quæ oſtendant ipſum nihilominus conſentire in talem admiſſionem. Moveor, tum quia de jure communi admiſſio ad profeſſionem non ſpectat ad Ordinarium, ſed ad Abbatiffam, & ad Capitulum, ut videre eſt apud *Tambur. ſup. d.6. qu.5. n.3.* & *Sanchez l.5. moral. cap.4. n.65.*, & 76.; tum quia exploratio voluntatis non eſt de valore profeſſionis, ut conſtat ex dictis hic *qu.2. §. verum tamen eſt*: & alioqui multa prohibentur, quæ facta tenent, dummodo prohibitioni non ſit annexum decretum irritans, ſicut revera non eſt annexum in præſenti caſu, ut patet ex *Concil. Trident. ſeſſ.25. de regul. cap.16.* Verum tamen eſt, quod ſi Ordinarius poſt explorationem, ſeu exploratam Novitiæ voluntatem conſtanter deponat illam eſſe ſeducſam, aut coactam, & non libere proſiteri, vel non habere conditiones neceſſarias ex regula Monafterii, tunc omnino audiendus eſſet, & alioqui profeſſio eſſet nulla, ſi depositio eſſet vera; & hoc, non quidem, quod Ordinarius contradiceret, ſed quod deeſſent libertas, & alia ſubſtantialia. Quod item procederet in caſu, quo Monafterium ſubſit Ordinario, & is prohibeat dictam admiſſionem cum decreto irritante, vel certe illis verbis, ut oſtendat ſe aliter in eam non conſentire; ſic enim deeſt conſenſus Prælati Monafterii, qui tamen requiritur ad valorem profeſſionis, ut oſtendemus *qu. ſequenti*: Sic enim ſenſerunt *ſy. de Lugo, Baldel., Sanctar. Nald.*, & alii viri docti a me per litteras conſulti.

Quæres 24. *An Abbatissa de consensu Monialium valide recipiat professionem Novitiae; si id ei expresse prohibeatur a proprio Prelato.*

34. Resp. Non recipere valide, si Prelatus jurisdictionem habeat in Monasterium (ut suppono) & ex causa rationabili prohibeat receptionem, sive cum decreto irritante, sive iis verbis, ut ostendat se aliter in eam non consentire: colligitur ex doctrina, quam tradit Sanchez lib. 3. moral. cap. 4. n. 71. aliis relatis, Prelatum scilicet superiorem posse in aliquo casu præcipere Prelato locali, ne quem recipiat ad professionem, idque cum decreto irritante; & si communi bono conventus expediret non admittere aliquam Monialem, posse Prelatum illarum suspendere potestatem admittendi tum ipsi Abbatissæ, tum Conventui, ita ut admissio esset irrita ex defectu potestatis in admittente: quæ duæ doctrinæ utique probant Abbatissam non posse, neque de consensu Conventus, valide recipere professionem Novitiæ contra expressam prohibitionem proprii Prelati, modo supradicto factam: cum sic potestas admittendi in Abbatissa, & Conventu jam sit suspensa, ideoque non possit exire in actum.

Quæres 25. *An Moniales cogi possint a proprio Prelato, ut invita Novitiam recipiant ad professionem.*

35. Resp. Videri non posse, si sint rationabiliter invitæ: ducor ex doctrina, quam tradit idem Sanchez supra n. 65. cum Lapo, Dominico, Franco, & aliis dicens, Episcopo jubente recipi Monialem ad professionem in Conventu sibi subdito, non recipiendam, contradicente majori parte Conventus, & si Episcopus compellere velit, posse appellari ad Superiorem; idque, ne alias injuste priventur jure sibi competente contra textum *Instit. de his qui sunt sui in fine*, cum similibus.

Dixi, si sint rationabiliter invitæ, ut indicarem, secus dicendum in casu, quo essent irrationabiliter invitæ, & constet de injustitia: idque ob dicta a Sanchez sup. n. 71. Episcopum videlicet, etiam nequeat

solus creare Moniales in Conventu subdito, at, si penuriam Monialium patiat; & Conventus monitus, assignato termino, nolit admittere, posse illum supplere Conventus consensum; quod est dicere, Prelatum Monialium posse eas cogere, ut recipiant aliquam Novitiam ad professionem, si eam sine ratione rejiciant: Confirmatur ex eo, quod Moniales in tali casu Novitiam rejicientes delinquant; certum est autem ejusmodi delictum, sicut & cætera subjacere correctioni Prelati, ne aliàs delicta maneant impunita: ita Nald. Baldell., Santarell., & alii a me per litteras consulti; contra quos sentit Jo. de Lugo item a me consultus, dicens, se non audere concedere id, quod concedunt illi Doctores, eo quod consensus Conventus in casu proposito videatur esse de substantia professionis, & consequenter omnino necessarius ad valorem illius: quod nos etiam concedimus, addentes, in casu proposito videri adesse dictum consensum hoc ipso, quod Prelatus illum supplet, juxta doctrinam Sanchez paulo ante traditam, quæ non apparet cur in casu præsentis admitti non possit, aut non debeat; præsertim, si Monialium injustitia facile probari possit in foro externo.

Quæres 26. *An Prelatus Monialium possit per se recipere professionem Novitiæ injuste rejectæ a Conventu, & Abbatissa, aliàs solita recipere professionem suarum Monialium.*

36. Resp. Videri posse, stante doctrina præcedenti qu. allata ex Sanchez, quamquam tunc in formula professionis nomen Prelati exprimendum esset loco nominis Abbatissæ, quod aliàs in ea solet exprimi: ita Nald., Baldell., Santarell.: aliique a me consulti, patetque ex dictis; si monuero Novitiam taliter profitentem nihilominus teneri ex voto obedire Abbatissæ: quippe quod obligat ad obediendum cuicumque legitimo Superiori, cuiusmodi est sine dubio etiam Abbatissa.

Quæres 27. *An Moniales possint cogere Prelatum, aut Abbatissam, ut recipiant professionem novitiæ ab ipsis capitulariter admissa; si aliàs illam renuant recipere.*

37. Resp.

37. *Resp.* Videri posse, (si constet illos injuste repugnare admissioni), & quidem recurrendo ad Prælatum superiorem; colligitur ex Sanchez *sup. num. 65.* dicente in casu simili licere appellare ad Superiorem: & contra non possunt Moniales cogi a Prælato, ut recipiant ad professionem Novitiam ab ipsis cognitam indignam; & si cogantur, ei possunt resistere recurrendo ad Superiorem Prælatum; alias cogentur facere contra conscientiam, quod est omnino inconveniens.

Quæres 28. *An, & qualiter Moniales possint reclamare contra nullitatem propria professionis vigore Concil. Trident. sess. 25. cap. 19. de Reg.*

38. *Resp.* Posse, cum Concilium dicat: *quicumque Regularis, & masculinum contineat, femininum, ut colligitur ex capit. si quis suadente v. si quis 17. qu. 4.* præsertim concurrente identitate rationis. Verum tamen est Moniales, ut licite utantur hoc indulto Concilii, debere tria servare; videlicet, ut non deponant habitum Religiosum ante reclamationem; ut deducant causas nullitatis professionis coram Ordinario, si sint ei immediate subiectæ, vel coram Ordinario, & Prælato regulari simul, si sint exemptæ; ut reclamant solum intra quinquennium computandum a die professionis. Quamquam si Moniales ex ignorantia nullitatis professionis, aut alio impedimento intra quinquennium non reclamant, possint reclamare etiam post quinquennium; ut notant *Rodrig. tom. 3. qu. 17. art. 16.*, & alii a nobis relati in *tractat. de profess. cap. 5. n. 43.*, ubi ex *Portello, & Barbosa* notavimus hodie, ut Religiosus admittatur in tali casu ad reclamandum, debere obtineri rescriptum a Papa, sicque praticari.

SECTIO II.

De Dote solvenda ante Monialium Professionem.

39. *Q*uid veniat nomine Dotis.

40. *Q*uo titulo dos recipienda ne receptio sit simoniaca.

41. Recipi potest etiam a Monasterio divite; idque ex consuetudine, quæ multum potest.

42. *Taxanda a Prælato Monialium de jure antiquo.*

43. *Modo taxatur a Sacra Congregatione.*

44. *Quanta esse debeat.*

45. *Non potest recipi major taxata, etsi detur major ad vitanda officia Conventus pro Moniali; ea interdum ad hæc cogitur.*

46. *Solvenda pro quacumque Moniali, sed non pro Conversa, & Chorista necessaria.*

47. *Traditur a patre.*

48. *Ex quibus bonis constitui possit.*

49. *In defectu patris, a quo tradi debeat.*

50. *Pater eam tradit filia, ipso invito, ingredienti religionem: datur minor, quam si ea nuberet.*

51. *Ea solvenda in professione, & non ante.*

52. *Apud quem deponenda usque ad emissionem professionis, & unde valor monetæ illius.*

53. *De bonis Monialis Novitia juxta aliquos interdum Conventus recipit.*

54. *Alii id negant, & probant.*

55. *Proponitur sententia Suarez.*

56. *Intuitu Novitiæ possunt alii dare Conventui de suis bonis.*

57. *Excommunicantur dantes; & recipientes de bonis Novitiæ ante professionem.*

58. *Ex amore Dei Novitia nequit dare Conventui de suis bonis ante professionem.*

59. *Conventus recipit aliquid supra sortem ob dilatatam dotis solutionem.*

60. *Dos solvenda in pecunia: etsi in aliquo casu oppositum non videatur improbabile.*

61. *De jure communi alienatur sine solemnitate dos ordinaria Monialium.*

62. *Interdum non recipitur quidquam supra sortem ob dilatatam dotis solutionem.*

63. *Quæ requirantur ad alienandam dotem prohibitam alienari.*

64. *Ea implicatur in Monasterii edificio.*

65. *Non item in solvendis debitis, aut in extinguendo censu; etsi alii dissentiant.*

66. *Item*

66. *Item in parandis alimentis necessariis, si brevi tantundem pecunie impliendum in bonis immobilibus speretur probabiliter.*
67. *Remissio debiti gravantis Monasterium non datur, nec recipitur loco dotis.*
68. *Indebite alienantes dotem puniuntur.*
69. *Translata Moniali ad alium Conventum, dos juxta aliquos etiam transfertur.*
70. *Idque maxime in aliquo casu.*
71. *Dos perpetuo acquiritur Monasterio.*
72. *Ea non soluta, Monialis adhuc alenda a Monasterio.*
73. *Non item, si dos a fisco rapiatur.*

Quæres 1. *Quid intelligatur hic nomine dotis.*

39. Resp. **Q**uod, sicut nomine dotis, quæ solet solvi marito, intelligitur id, quod datur a muliere proprio viro in sustentationem, juxta *l. si rem aestimatum ff. de jure dot.* (sive illud solvatur a patre mulieris, sive ab extraneo, ut in *§. accedit l. un. C. de rei ux. act.*), sic nomine dotis, quæ pro Moniali professura solvi confuevit Monasterio, in quo fit professio, intelligitur certa summa pecuniarum, taxata a legitimo Superiore, quæ dari solet Monasterio in sustentationem Monialis in eo proficientis; unde jura decreverunt, Patrem teneri conlittere congruam dotem non solum filiz nubenti, sed etiam Monasterium ingredienti: sicut communiter notant Canonistæ, & juris civilis Doctores.

Quæres 2. *An, & quo titulo recipi possit dos pro admissione Monialis ad professionem religiosam absque vitio simonia.*

40. Resp. Possit, & quidem etiam si Monasterium, cui dos solvitur, sit valde opulentum, ita *Miranda qu. 8. de Monial. art. 8., Laym. l. 4. tract. 10. cap. ult. n. 39., Tambur. de jure Abbatiss. d. 5. qu. 3. n. 3. Diana p. 3. tract. 2. resol. 79.* alique penes ipsos. Et quidem quod possit solvi dos, absque vitio simoniæ, probatur: tum quia, sicut in matrimonio carnali potest attendi ratio Sacramenti, & onus sustentandi conjugem, ac familiam, cujus intuitu exi-

gitur dos a puella; sic, & in matrimonio spirituali, nempe in professione religiosa, considerari potest status spiritualis, & onus alendi personam profitentem, quorum posterius est temporale, ac pretio æstimabile: sicut ergo in matrimonio carnali recipitur dos, immo & ex pacto exigitur, (licet pro Sacramento non possit recipi absque simonia) ita, & in præfenti casu, cum sit par ratio: tum quia Innocent. VIII. ad tollendum omnem scrupulum concessit Monialibus Ordinis Minorum (quippe quæ nesciunt discernere inter intentionem primariam, quæ causat simoniam, & secundariam, quæ excusat a labe simoniæ) ut in recipienda dote numquam incurrant simoniam, nisi in casu quo paciscantur de aliquo dando, vel solvendo pro ingressu, aut recipienti inhabiles ex ipse habendi aliquid. Quin etiam Clemens. VII. teste *Casarub. in comp. v. Moniales §. 31.* (qui etiam refert *num. 16. concessionem Innocent. VIII. modo citatam*) concessit præfatis Monialibus, quod nullam incurrerent simoniam ex pactionibus, ac conventionibus, quas faciunt in receptione intrantium Ordinem ipsarum, sive per dotibus recipiendarum pro congrua, ac sufficienti earum sustentatione.

41. Dixi, & quidem etiam si Monasterium, cui solvitur dos, sit valde opulentum; ut innuerem dotem in casu proposito posse recipi, sive Monasterium sit inops (quod omnes concedunt) sive sit opulentum, (quod negant aliqui cum *Rodrig. tom. 2. qu. 48. art. 2.*, qui tamen postea se retractavit in *addit. ad summ. tom. 3. cap. 144. num. 8.*), & ratio est, quod expedit Monasteria Monialium habere sufficientes redditus, ne aliqui ipsis præbeatur ansa vagandi, & communicandi cum secularibus; unde raro accidit, ut non habeant probabilem titulum exigendi moderatam dotem, præsertim existente de hoc diuturna consuetudine; idque, ut sic securiores sint de sufficientia reddituum, & præterea plures recipere possint Moniales, quam aliqui debent. Notat autem *Layman ubi supra*, consuetudinem diuturnam in hujusmodi rebus facilius co-

hone,

honestare, quam statutum; eo quod statutum, ut aliquid detur in ingressu religionis in prima sua origine exactionem quamdam contineat; consuetudo vero originem trahere potuerit voluntariam, ipsis scilicet ingredientibus in talem consuetudinem sponte consentientibus, sicque diuturni temporis progressu firmari.

Quæres 3. *Ad quem spectet dotem Monialium taxare.*

42. *Resp.* Quod sicut spectat ad Principes temporales taxare dotem solvendam pro puellis matrimonio carnali copulandis, id exigente bono communi, ut ostendit *Rodrig. sup. qu. 48. art. 3.*; sic & taxatio dotis solvendæ pro Monialibus spirituale matrimonium per professionem religiosam cum Christo contrahentibus dicenda est spectare ad Superiores ipsarum Monialium: qui quantitatem dictæ dotis debent definire juxta uniuscujusque Regni, Provinciæ, aut loci consuetudinem, valorem rerum concernentium vitæ, ac vestitus, & aliarum concurrentium circumstantiarum dispositionem; ita *Rodrig. loc. cit. Miranda sup. art. 8., Tambur. sup. qu. 4.,* & alii; inter quos Miranda notat, præfatos Superiores Monialium, insciis, immo & repugnantibus ipsis Monialibus, simpliciter loquendo, posse immutare taxam dotis, eam in aliquo casu diminuendo, si adsit justa causa id faciendi, & alioqui remaneat quantitas sufficiens ad decentem sustentationem Monialis cum tali dote diminuta recipiendæ: quamvis regulariter id non expedit; immo potius consultum sit id facere de consensu saltem majoris, ac sanioris partis Monialium Monasterii, nempe Discretarum, idque ad vitandas tricas, ac importunas Monialium querimonias. Probatur autem responso tum ex dictis, tum quia taxatio dotis est res maximi momenti, adeoque non videtur relinquenda arbitrio feminarum, quæ quantumvis in suo genere sint prudentes, semper tamen sunt femine, idest deficientes, imperfectæ, ac judicii minus sufficientis, (ut olim sapienter effata est quædam Domina non minus prudentia, quam generis nobilitate conspicua forte alludens

ad id quod dicit *Plutarchus libr. de tranquillit. animæ*: ubi inducit virum prudentem sic loquentem; *noveram mihi esse probam mulierem, sed mulierem*) tum quia supposito, ut certo, quod dos non possit recipi in pretium admissionis ad professionem religiosam, absque labe simoniæ, si ipsæ Moniales præfatam dotem taxare deberent, non raro exponerentur probabili periculo committendi simoniam, utpote minus bene scientes discernere inter pensionem dotis per modum pretii ingressus, & inter pensionem dotis per modum debitz sustentationis. Unde fit, ut taxatio dotis respectu Monialium subditarum Ordinario, aliis spectaret ad ipsum Ordinarium; respectu vero exemptatum ad Ordinarium, ac Prælatum regularem, saltem in multis locis.

Quod si quæras, ad quem Superiorem in præsentia spectet præfata taxatio dotis, num ad Ordinarium loci, etiam respectu Monialium exemptarum.

43. *Resp.* In præsentia id spectare ad Sacram Congregationem Episcoporum, & Regularium, sicque communiter modo observari, ut mihi testatus est Reverendissimus Bonafides Vicarius generalis Ferrariz.

Quæres 4. *Qualis dos solvi debeat pro unaquaque Moniali professura.*

44. *Resp.* Pro Moniali quidem admitenda ad professionem intra numerum præfixum debere solvi dotem ordinariam modo supradicto taxatam: pro supranumeraria vero, & tertia sorore recipienda duplicatam, nomine dotis duplicatæ intelligendo duplicatam summam illius pecuniæ, quæ ex statuto, seu consuetudine ibi solet recipi pro admissione Monialium intra numerum præscriptum, ita ut, si summa ordinaria sit scut. 200. aureorum, tunc solvantur saltem 400. aurei, & non minus; & hoc ex declaratione Sacre Congregationis facta 5. Septembr. 1604. quæ 26. August. 1616. (teste Gavanto in *Manual. Episcop. v. Monialium Novit. aliment. num. 8., & 9.*) item declaravit non solum pro tertia sorore Moniali in eodem Monasterio intra numerum designatum sol-

solvendam esse dotem duplicatam, sed etiam tripliatam pro quarta sorore petente admitti in idem Monasterium; & quidem etiam eum hoc, quod ista in Capitulo eareat suffragio, quousque altera ex duabus primis ejus fororibus moriatur. Statuit e contra eadem Sacra Congregatio die 30. Septembris, in dotibus recipiendis nullam differentiam admittendam esse inter puellas terrieras, quæ petunt admitti ad religionem, & inter advenas: quod notavit Tamburinus *supra qu. 7. n. 5. ex Gavanto*.

45. Addo ex *Tambur. supr. qu. 5. n. 4.* quod si Monasterium Monialium recipit pro ingressu Novitiæ dotem majorem ea, quæ de facto fuit taxata; tenetur restituere illam quoad excessum: & ratio est, quod juxta indulta Apostolica Monialibus non permittitur quidquam recipi ultra taxam præscriptam, nisi quod offertur liberaliter absque pacto expresso, aut tacito, seu præsumpto, cujusmodi utique non est, quod in tali casu solveretur nomine dotis ultra taxam præscriptam: si quidem talis excessus reputaretur simoniacus, ut advertit *Rodrig. supr. art. 6.*, inde probans excessum illum debere restitui, quod accepta simoniace non possunt retineri, sed debent restitui, sicut dictum est.

Quod si hac occasione quæras: An Monialis, quæ duplicatam dotem solvit Monasterio, ut se eximat ab obligatione exercendi consuetæ officia Conventus, & quidem ex pacto hac de re inito cum ipso Monasterio, possit nihilominus in aliquo casu cogi ab Abbatissa, ut exerceat tale aliquod officium.

Resp. Posse in casu urgentis necessitatis: & probatur, tum quia stante etiam dicto pacto, adhuc in Moniali viget obligatio obediendi in omnibus, quæ non sunt supra, aut contra Regulam, (cum habeat votum Obedientiæ); exercere autem ordinaria officia Conventus non est supra, nec contra regulam, ut patet: tum quia pactum illud initum a Moniali cum Monasterio id solum operatur, quod de lege (ut sic loquar) ordinaria, Monialis non oblige-

tur ad exercenda officia Conventus, non autem quod simpliciter, & absolute ad ea non possit adstringi, neque in casu urgentis necessitatis: quo modo *Sanchez lib. 7. Moral. cap. 8. num. 18. ex Rebello p. 2. lib. 1. qu. 7. sect. 1. num. 12.* docet, si Prælatum rem aliquam Monacho concedat ad usum, promittens fore, ut non revocet ex rationabili causa, adhuc posse revocare; eum Prælatum ex rationabili causa possit Religioso non servare promissam, sed revocare (ut loquitur *Rebello loco citato*); currit autem paritas in præsentī casu, ut consideranti facile constabit; siæque procedit regula juris: *Ubi militat eadem ratio, militat & eadem juris dispositio*: tum quia teste *Sanchez supr. c. ap. 17. num. 4.* relictum Monacho ea lege, ut ad eum pertineat, non autem ad Monasterium, nec possit Superior in id se intro-mittere, nec auferre, debet benigne interpretari ut nihil facti pertineat ad Monasterium, secus autem de jure: si ergo in nostro casu pactum initum a Moniali eum Monasterio benigne interpretandum est, ut intelligatur in casu ordinario, non item in extraordinario; qualis esset, si in Conventu non esset alia Monialis, quæ tunc hoc, vel illud officium exerceat; si ego in contingentiā facti interrogatus respondī, & responsionem approbarunt *Bordonus, & Zannettus*, viri doctissimi a me postea consulti: quam puto procedere, etiam in casu, quo officium Conventus exerceri deberet cum magnis expensis ipsiusmet Monialis, illas Monasterio nequaquam suppeditante: hoc enim ipso, quod bona omnia, quæ singulæ Moniales habent, sunt in dominio Monasterii, potest Monialis eogi ea in casu extraordinario expendere in exercitio officii ei a Superioribus impositi, etsi faciendū prædictum pactum eum Monasterio intenderit se a talibus expensis eximere.

Quod autem ad me referipit *P. Bordonus*, ejusmodi pactum esse turpe, utpote contrarium voto Obedientiæ, ac proinde haberi pro non adjecto *cap. fin. de condit.*, & esse nullius valoris, ac efficacis; immo & videri simoniacum, Monasterio ven-

dere

dente jus obedientiz, ex voto circa hoc, vel illud officium Conventus exercendum, sicque ab iis Monialem eximere vigore pecunie ad hunc effectum solutz; quæ utique est quid temporale, cum aliqui jus præcipiendi sit spirituale, utpote fundatum in voto religiosæ Obedientiz: hoc, inquam, quod dicit *Bordonus* mihi non probatur. Et quidem quod dictum pactum non sit turpe, si intelligatur eo modo, quo nos dicimus esse intelligendum, probatur, tum quia simile pactum inter Moniales passim fit in aliquibus locis, scientibus earum Prælati, & non contradicentibus, cum facile possent contradicere (quod est signum illud non esse turpe: alias illud non permetteretur); tum quia non apparet, in quo sita sit talis turpitudine, cum licite possimus medio licito procurare exemptionem ab hac, aut illa obligatione, & in casu proposito collatio pecunie non sit medium illicitum, utpote facta ad servandum Monasterium indemne, ut scilicet possit alere alias Moniales, quæ exerceant officia, a quibus eximitur Monialis conferens pecuniam; tum quia hoc pactum non videtur adversari voto Obedientiz; si Monialis sit simpliciter parata exercere officia Monasterii, occurrente casu urgentis necessitatis, & Superiorissa id ei præcipiente; siquidem Monasterium admittens pactum illud, cedit juri suo; quilibet autem potest cedere juri suo, cum volenti, & consentienti non fiat injuria. Quod vero tale pactum non sit simoniacum, probatur, quia pecunia in casu isto non datur ad emendum jus præcipiendi, quod utique est spirituale, sed ad emendam exemptionem ab obligatione exercendi officia Conventus, quæ obligatio cum sit quid temporale, & exemptio illius erit quid temporale, adeoque per pecuniam, quæ est bonum temporale, emitur jus quoddam temporale; nempe exemptio ab obligatione exercendi officia Conventus.

Quæst. 5. An Moniales, si velint, possint unanimitè admittere aliquam Novitiam ad professionem absque solutione dotis, aut certe cum solutione dotis minoris taxata.

46. Respondet *Tamburinus* qu. 7. n. 1. ex *Barbof.* Moniales quidem velatas non posse, nec debere admitti sive intra, sive extra numerum absque dote (adde tu, nec cum dote minori ea quæ est taxata, cum sit eadem ratio); pro Monialibus autem Conversis non semper spectandam esse dotem, sed interdum necessitatem Monasterii: quod est dicere hujusmodi Moniales admitti posse, etiam absque dote, si illarum opera necessaria sit usus Monasterii; idque ex declaratione Sacre Congregationis facta 20. Maji 1596. quæ fuit non minus necessaria, quam prudens; maxime ad coerendum nimiam facilitatem Monialium in recipiendis novis Monialibus, sicque consulendum bono temporali Monasteriorum, quæ inde paterentur non vulgare detrimentum. Quamquam minus mihi placeat, quod ait *Tamburinus*; putant enim aliqui, si contingat adolescentulam esse valde necessariam ad bonum Monasterii, (v. gr. ad pulsandum organum) posse illam sine dote admitti, etiam ut Choristam, cum respectu illius militet ratio intenta hic a Sacra Congregatione, sicque procedat regula Juristarum: ubi militat eadem ratio, militat & eadem juris dispositio: sic illi; ad videndum est, ne obstat Curiz stylus.

Quæst. 6. An, & ex quibus bonis tenetur pater constituere dotem taxatam filie ingredienti Religionem.

47. Resp. Teneri, & quidem etiam ex bonis alias strictissime vinculatis; quæ, sicut possunt distrahi pro dote descendenti a testatore ad contrahendum carnale matrimonium, sic, & possunt ad ingrediendum Religionem: cum favorabilior sit ingressus Religionis dote matrimonio temporale, juxta *Authent. de san. Eiss. Episcop. §. sed & hoc præsent.* collat. 9. ita *Sanchez l. 4. de matrim. d. 16. n. 7. ex Baldo, Felin., Everard., Acendano, & Menochio*, quos citat, & sequitur *Tamburinus* *supr. qu. 2. n. 3.*; patetque ex dictis, si solum probeatur patrem teneri sive jure obligationis, sive ex potestate Judicis, dotare filiam in quantitate necessaria ad debita alimenta si aliunde ei non suppetant: siqui-

siquidem alimenta, & dos in jure æquiparantur, valetque optime argumentum ab alimentis ad dotem: probatur autem ex l. qui liberos ff. de ritu nuptiar. & l. final. C. de dotis promiss. in quibus iuribus habetur expresse patrem teneri constituere dotem filiabus, quas in matrimonio collocat.

48. Dixi sub initium responsionis, & quidem etiam ex bonis alias strictissime vinculatissimè innumerem interdum posse distrahi bona arctissimo fideicommissio subiecta, in subsidium, ad effectum constituendi dotem Moniali pro spiritualibus nuptiis, si videlicet fideicommissum institutum sit ab uno ex ascendentibus hæredis gravati: non item, si a collateralis, aut omnino extraneo, sicut bene advertit ex communi DD. sententia nostra *Molina tract. 2. d. 643. n. 1.*, qui, etsi loquatur de dote tradenda pro nuptiis carnalibus; idem tamen concederet etiam in casu nostro: cum militet par ratio; immo causa spiritualium nuptiarum sit favorabilior; probat autem *Molina* istam doctrinam ex variis iuribus, quæ refert, indicans *n. 1.* dictam distractionem bonorum non permittere, si dos aliunde tradi possit ex bonis hæredis gravati. Quæ doctrina non videtur procedere quoad bona hæredum mariti, modo dicto vinculata, in ordine ad restituendam dotem uxori supersistiti: sicque ex præfatis bonis eis dos restitui non poterit. Moveor quia eadem ratio non militat in utroque casu, ne scilicet mulier descendens ex testatore vinculate bona sua maneat indotata, quod de pio affectu illius erga suam descendentem non debet præsumi: siquidem in isto casu mulier non est descendens præfati vinculantis bona, sicque non habet locum ratio prioris casus.

Quis vero teneatur in defectum patris constituere dotem Moniali.

49. Resp. Teneri illum qui de jure teneretur constituere illi dotem ad matrimonium carnale contrahendum: sive is sit mater, sive patruus, sive alius, prout tradunt DD. agentes de dote: est quippe par ratio de matrimonio spirituali, quod fit per ingressum Religionis, ac de carnali; immo

favorabilior est causa Religionis, ut jam dictum est.

Dubium esse posset, an pater teneatur dotare filiam ingredientem Religionem contra ipsius voluntatem.

50. Resp. Teneri, & probatur, tum quia filia nubens digno, absque patris consensu, & dotis promissione, debet dotari a Patre juxta communem sententiam, apud *Ripam lib. 1. n. 57.*, & 68. ff. soluto matrim.; ergo a fortiori dotanda erit, si ingrediatur Religionem, quantumvis invito patre: tum quia pater in hoc casu est irrationabiliter invitatus, cum filia eligendo statum Religiosum utiliter, pie, & sancte suum peragat negotium: non ergo ea debet de bono opere lapidari, amittendo jus dotis alias sibi debitæ; tum quia non desunt multi Doctores apud *Sanchez lib. 1. de matr. d. 34. n. 12.* asserentes, quod si Titio legentur ducenta, si uxorem duxerit; centum vero, si Religionem, ingrediatur: Titio ingredientem Religionem debentur ducenta, eo quod conditio annexa tali legato tamquam adversa Religionis sit invalida (quod tamen alii negant apud eundem *Sanchez n. 13.*, & probabilius iudicio ipsius) ergo multo magis solvenda est dos filię ingredientem Religionem contra voluntatem patris, cum ea sit debita ex iustitia, non autem ex sola liberalitate, a qua provenit dictum legatum.

Notat autem *Giovagnoni lib. 1. respons. 50. n. 48.* ex decisione Rotæ Romanæ 22. Junii 1602. coram Ludovico, puellam ingredientem Religionem non posse petere eandem dotem, quæ ei daretur in casu nuptiarum carnalium: adeoque Monasterium esse debere contentum dote secutorum 500. data juxta consuetudinem, nec posse petere supplementum, etsi alix filix in matrimonio carnali habuissent summam secutorum quatuordecim millium.

Quæres 7. Quo tempore solvi debeat dos pro Moniali ingrediente Religionem, num ante professionem sub initium Novitatus, an in ipsa professione, vel alio tempore.

51. Resp. Debere solvi in ipsa professione, non autem ante, cum id non solum prohibeatur in *Cancil. Trident. sess. 25. de regul.*

Regul. cap. 16. iis verbis: *Sed neque ante professionem, excepto viliu, & vestitu Novitii, vel Novitia illius temporis, quo in probatione est, quocumque prætenu a parentibus, vel propinquis, aut curatoribus ejus Monasterio aliquid ex bonis ejusdem tribuatur: ne hac occasione discedere nequeat, quod totum, vel majorem partem substantiæ suæ Monasterium possideat, nec facile, si discesserit, recuperare possit; sed etiam multo expressius a Sacra Congregatione Cardinalium, quæ, teste Suarez to. 4. de Relig. tract. 9. lib. 1. cap. 11. n. 4. declaravit neque dotem tribuendam esse Monasterio ante professionem, sed in deposito retinendam; quanquam, (subdit Suarez) si necessitas, vel aliqua major commoditas ipsiusmet Novitiæ intercederet, & judicium, ac licentia Episcopi interveniret, posset (ut opinor) dos recipi a Monasterio, data certa cautione, & securitate illam integre & sine difficultate restituendi, si Novitia velit abire; ita enim satisficit intentioni Concilii: sic ille, & non improbabili, saltem, quoad forum conscientiarum.*

52. Notat autem *Tamburinus sup. qu. 7. n. 3.* ex declaratione Sacre Congregationis facta 15. Maii 1594., dotem puellæ, quæ ingressura est Religionem, nullatenus debere relinqui penes consanguineos illius, sed antequam suscipiat habitum regularem, deponendam esse penes aliquem divitem campforem, vel certe, si non adsit campfor, apud aliquem mercatorem, aut alium virum fide, ac divitiis idoneum, qui se obliget ad eam actu solvendam quancumque Moniales illam petierint, & quidem absque ulla exceptione, ac difficultate.

„ Quod iterum declaravit Sacra Congregatio Episcop. & Regular. die 16. Junii 1615., sic rescribendo Collectori Lusitano: *Notales elemosynæ apud Monialium consanguineos, vel affines, nullatenus reliquantur, sed antequam puellæ habitum suscipiant, deponantur actua-liter apud Mercatorem, vel penes aliam personam fide, & facultatibus idoneam, ut statim professione missa in emptionem bonorum stabiliu Monasterii commodo convertantur, ut refert Sperellus part. 1. decis. 84. n. 61. .*

Addit *Lexana v. dos n. 3. ex Tamburino*, Sacram Congregationem declarasse in solutione dotis Monialium, & annuarum præstationum ipsi debitarum valorem monetæ debere attendi juxta tempus contractus.

Quæres 8. Anstante decreto Concilii Trident. relato qu. præced., possint Moniales ex bonis puellæ admittende ad Religionem, ante ejus professionem aliquid recipere saltem titulo mutui, aut commodati.

53. Respondet *Emmanuel Rodrig. t. 2. qu. 48. art. 5., Miranda sup. art. 9., Tambur. sup. qu. 5. n. 1., & alii* (a quibus non omnino dissentit *Sanchez lib. 7. cap. 5. n. 24.* dicens se non audere damnare illorum sententiam, & quidem non improbabili, Moniales posse aliquid modo dicto recipere ex bonis puellæ absque transgressione decreti Concilii Tridentini, si in tali receptione interveniant pignora, aut fidejussio sufficiens: idque inde probant, quod sic cessat finis prohibitionis Concilii, qui est, ne aliàs Novitia cogatur manere in Religione, etiam invita ob difficultatem recuperandi, quod ex suis bonis datum est Monasterio titulo mutui, aut commodati. Verum in praxi sequenda est opposita sententia, utpote favorabilior statui Religioso, conformior menti Concilii Trident. & communior Doctorum, nempe *Suarez to. 3. de relig. l. 5. cap. 9. n. 16. Sanchez loco citat., Velasco. de part. cap. 16. n. 32. 1* aliorumque apud *Tamburin.* inimirum Moniales non posse ex bonis puellæ recipiendæ ad Religionem quidquam recipere, neque titulo mutui, aut commodati, neque alio quovis titulo, seu quocumque prætenu, ut loquitur Concilium, quod proinde (dicit *Suarez*) per verbum *tribuendi* intellexisse credendum est quancumque actualem traditionem bonorum Novitiæ, per quam in potestatem, usum, administrationem, aut etiam dominium Religionis deveniant, non obstante quacumque obligatione ea reddendi, si Novitiæ habitum dimittat.

54. Probatur autem hæc posterior sententia, tum ex verbis illis quibus utitur Concilium in decreto: *quocumque prætenu*

tu : & infra : *ne hoc nullo modo fiat* : quæ satis clare videntur excludere etiam titulum mutui, ac commodati : tum quia esto verbum *tributur* sumptum secundum rigorem verborum importet actum diversum a datione facta per modum mutui, aut commodati ; & aliàs lex odiosa, (cuiusmodi est decretum illud Concilii) debeat coarctari ad rigorem verborum ; nihilominus tale decretum non videtur posse explicari ; ita ut non comprehendat mutuum, & commodatum abque eo, quod magna fraus committatur contra dictum decretum, juxta *l. non dubium C. de leg.*, ubi dicitur : *Non dubium est in legem committere eum, qui verba legis amplexus, contra legis nititur voluntatem* : cum tamen aliàs satis aperte constet mentem Concilii esse excludere quancumque dationem etiam per modum mutui, & commodati, stante quod non minus ex his, quam ex alia largitione aliquo modo impeditur libertas Novitii ; cum etiam dato pignore, aut præstita fidejussione, possit Novitius retardari a libero recessu Religionis, siue ex timore non molestandi fidejussorem, exigendo fidejussorem datam ; siue ex metu offendendi Religiosos Monasterii, repetendo pignus ab illis depositum : unde & ipsi parentes Novitii non audebunt compellere Religionem ad solvendum : sed in gratiam Novitii connivebunt.

55. *Nonnulla quidem*, (inquit Suarez supra) *verisimilitudo esse possit, si in casu proposito bona mutuo darentur Monasterio, restituenda ante tempus professionis, ut v. g. ad 4. vel 6. menses ; tunc enim non solum in particulari casu, sed etiam per se, & ex vi talis actionis cessare videtur finis Concilii, nec videtur illa esse largitio simpliciter etiam juxta subiectam materiam ; quia non concedunt talia bona sub ea tantum conditione, nisi Novitius retrocedat ; sed ut restituantur ante professionem, etiam si ipse perseveret. Sed nihilominus* (subdit Suarez) *existimo talem mutationem esse alienam ab intentione Concilii, & non carere scrupulo, quia saltem retardare potest Novitiam, ne ante solutum a Religione debitum Religionem dimittat ; etiamsi id desi-*

deret : item quia post acceptum tale mutuum facile est Religioni solutionem differre spe retinendi Novitium : & e converso difficile erit parentibus Religionem compellere, ut solvat, sed potius in gratiam Novitii connivebunt. Sic Suarez : ita concludens ; quapropter ab omni actione hujusmodi, vel specie illius abstinendum est.

56. Concedit Suarez (& a fortiori admittunt Sanchez supra n. 23. alii qui sentiunt cum Rodrig.) non agere contra decretum istud Concilii parentes, propinquos, & amicos Novitii, vel Novitiz, si de suis propriis bonis aliquid tribuere velint Monasterio in gratiam Novitii, ad effectum, ut is benevolentius tractetur, aut suspiciatur ; nam textus expresse dicit de bonis ejus (idest Novitii) tuncque non habet locum ratio Concilii, cum per hoc non minuatur libertas Novitii, quatenus ea bona ad ipsum non pertinent, neque ea ipse potest, aut debet recuperare, sicque ei non redditur difficilior egressus e Religione, si voluerit redire ad sæculum. Quamquam hæc doctrina non videatur admitenda omnino absolute, sed cum limitatione, quam apponit Sanchez ubi sup. nimirum, dummodo parentes ea bona non dent Monasterio in dotem Novitiz, eo quod alioqui computanda essent in legitimam ipsius Novitiz, quod sine dubio ex communibus accidentibus regulariter præsumi poterit ; nisi parentes protestentur, ea bona se dare omnino ex propriis, aut non dare in dotem filiz, nec computare in legitimam filii : quare ex doctrina Suarez potest inferri, parentibus fore semper licitum modo dicto dare bona Monasterio, quoties non habent bona propria filiorum ; cum in dubio censeri debeant ita contrahere, ut non delinquant, nec censentur de legitimis filiorum quidquam disponere.

57. Illud demum hic monent Sanchez n. 26. Suarez loc. cit. Tambur. sup. n. 4. Peyrin. de R. S. qu. 1. cap. 29., & alii, quod cum excommunicatio, quæ fertur in Concil. Tridentin., ubi sup. contra dantes ex bonis Novitii aliquid Monasterio, excepto victu, ac vestitu ante professionem, & contra id recipientes, feratur sub his verbis :

verbis: *sub anathematis pena*, quæ arguunt excommunicationem non latæ sententiæ (sicut censent *Velas.*, & *Rodrig.* allegati a *Sanchez*) sed ferendam; proinde dicendum est in præfenti casu non incurrere excommunicationem ipso facto, sed tantum per sententiam iudicis: quod non esset, si Concilium dixisset *sub anathematis pena ipso facto incurrenda*: aut aliud verbum æquivalens addidisset, ut tradunt DD. communiter suo loco.

58. Addit *Peyrin. sup.* (& quidem meo iudicio non parum probabiliter) Novitium si sit sui juris, & non habeat parentes, non posse in ingressu Religionis præter victum, ac vestitum donare quidquam Monasterio ex amore Dei, unde retrahi possit ab egressu libero Religionis: siquidem id expresse interdicitur in citato decreto Concilii Tridentini iis verbis: *ne quocumque prætextu aliquid Monasterio tribuatur*; sicut, & ibi interdicitur, ne Novitius in ingressu Religionis donet seipsum, & omnia sua bona Monasterio, ut olim fiebat; idque ex quadam declaratione Sacre Congregationis, quam dicit *Peyrin.* de hoc in specie fuisse factam.

„ Hæc tamen *Peyrini* doctrina, sicut,
 „ & declaratio Sacre Congregationis,
 „ quam allegat, non adeo rigoroſe; &
 „ stricte sunt intelligenda, quasi vetitum
 „ sit in Monialium receptione, aut tem-
 „ pore professionis aliquid dare, vel re-
 „ cipere Sacristiæ; sive Infirmariæ Mona-
 „ sterii applicandum; Extat enim de hoc
 „ declaratio Sac. Congreg. Episcop. in una
 „ Ulyssiponen. 5. Novemb. 1616. ex Papæ
 „ oraculo facta, apud *Monacell. part. 1.*
 „ titul. XI. in adnot. ad Formul. 7. n. 9. te-
 „ noris sequentis. *SSmus D. N. censuit*
 „ *eleemosynas, quæ per pactum Sacristiis,*
 „ *& Infirmariis Monasteriorum Monialium*
 „ *dari solent, non comprehendendi in decreto,*
 „ *quo propinarum solutio per Moniales*
 „ *dum ad habitum, vel ad Professionem*
 „ *admittuntur fieri solita, interdicitur.*

Quæres 8. An Monasterium possit exigere, ac recipere aliquid supra sortem dotis ratione damni emergentis, aut lucri cessantis ipsi provenientis ex dilatione ipsius dotis solvenda pro Novitia professura.

59. Resp. Posse exigere, ac recipere damnum emergens, quod revera ex dilatione dotis ipsi proveniat, proportionatum tamen ipsi damno, & nullo modo excedens (& quidem etiam expresse pacificendo de solutione dicti damni) non item lucrum cessans: ita *Rodrig. sup. art. 7. Mirand. art. 10. Tambur. qu. 6.* alique, & probatur ex eo, quod conventio solvendi damnum emergens admittitur in omnibus contractibus, & ab omnibus approbatur, ut licita, habetque locum in omnibus personis cujuscumque status, & conditionis sint; cum omnes jure possint se servare indemnes, dummodo in evitando damno non excedatur metæ juris divini, naturalis, aut etiam humani, e contra conventio solvendi lucrum cessans non est adeo generalis, sed permittitur solum mercatoribus, atque negotiatoribus (idque cum certis conditionibus, quas Doctores assignant proprio loco): unde cum Monialibus, & viris Religiosis jure ecclesiastico sit interdictum negotiari (ut ostendimus infra cap. 9. qu. 26. n. 31.) ii non possunt neque pacifici, neque recipere quidquam ratione lucri cessantis, cum ipsis vere non cesset ullum lucrum, saltem licitum: quo pacto in cap. fraternitas 12. qu. 2. dicitur, *Abst.* ut Ecclesia eum augmento recipiat, quod de terrenis rebus videtur amittere, & luera damnis querat. Quæ doctrina fundatur in cap. salubriter de usuris: ubi Innoc. III. decidit, Generum ad fructus possessionem, quæ sibi a socero pro numerata dote pignore obligatæ sunt, computandos in sortem principalem non esse compellendum, cum frequenter dotis fructus non sufficiant ad onera matrimonii supportanda; unde arguunt DD. communiter apud Covar. lib. 3. var. cap. 1. n. 3. maritum cum promissione dotis posse pacifici de certa quantitate sibi quotannis solvenda ultra sortem, dum non fuerit soluta dos: constat autem licere philosophari a matrimonio carnali ad spirituale quod fit per ingressum Religionis: loquendo de iis, in quibus inter ipsa concurrit paritas rationis, ut defecto concurrat in isto casu.

Quæres 9. In quibus bonis debeat solvi dos pro Moniali professura.

60. Resp.

60. *Resp.* Debere solvi in ære, seu pecunia, non autem in bonis stabilibus, qualia sunt domus, agri, census, & alia similia: idque ex declaratione Sacre Congregationis, quam refert *Gavanto. in Man. Episcop. v. Monialium alimenta num. 6., & Tambur. sup. qu. 7. num. 2.*, & quidem jure optimo cum pecunia præsens sit pluris æstimabilis, ac utilior, possitque commodius deservire occurrentibus Monasterii necessitatibus. Quamquam doctissimus Magister putet, quod cum Sacre Congregationis nitatur præsumptione fraudis, quod stabilia nimio pretio valentur a dantibus dotem, si vere cesset fraus, cessabit & dispositio Decreti, saltem pro foro conscientie, & maxime, si id fiat de consensu Prælati Monialium, ex Epicheja mentem Sacre Congregationis sic interpretantis.

Quæres 10. An, & quomodo possit alienari dos tradi solita Monasterio pro puella novitia admittenda ad professionem, stando in jure communi.

61. *Respond.* *Tambur. sup. num. 6. ex Gavanto, & Aldano Sacram Cardinalium Congregationem 6. Junii 1615. declarasse dotes Monialium, etiam Conversarum, ut vocant, intra præfixum numerum existentium emissæ ab eis professione, posse expendi in usus communes Monasterii necessarios; Monialium vero supernumerariorum dotes post illarum professionem, debere implicari in emptione bonorum stabilium fructiferorum; & hoc ut ex fructibus inde provenientibus ex sustentari valeant absque dispendio Monasterii.*

En verba Sacre Congreg. relata a Sperello decis. 84. num. 62. Eleemosynæ doctales, si sint Monialium, vel Conversarum intra numerum existentium, emissæ ab eis professione, expendi possunt in usus communes necessarios Monasterii, supernumerariorum autem dotes post eandem professionem omnino in emptionem bonorum stabilium Monasterii commodò convertantur. Verum in aliquibus locis usus est in contrarium: & quidem etiam ex statuto Prælatorum præcipit dotes Monialium, etiam receptarum intra numerum præscriptum implicari in em-

ptione bonorum stabilium: quod innuit *Rodriq. sup.* dicens tamen id raro executioni mandari pnnQualiter ac rigorose, eo quod Monasteria adstringantur præfixas dotes implicare in solvendis debitis, & comparandis necessariis ad sustentationem Monialium; inde se excusantes, quod necessitas non habet legem *l. unic. ff. de off. proconsul.*, & necessitatis causa multa sunt permittenda, quæ alias non permetterentur: *cap. si quis propter de furt.*, mihi certe constat in aliquibus locis id non permitti, & merito, cum in argumentum trahi non debeant, quæ propter necessitatem aliquando concessa sint, *regul. 78. de reg. jur. in 6.*

62. Unum etiam hic obiter moneo, quod item advertit *Rodriq. sup.* in casu scilicet in quo dos Monialis implicatur in solvendis debitis, sive contractis, sive contrahendis, statim ac recepta est, non posse tunc recipi quidquam titulo damni emergentis (quod *qu. 9.* diximus absolute loquendo, non esse illicitum): & ratio est, quia in tali eventu nullum vere emergit damnum, quod habeat modo dicto resciri, sique cessat ratio recipiendi aliquid supra sortem principalem dotis debitæ Monasterio.

Quæres 11. An possit sine debita solemnitate alienari dos, quæ traditur Monasterio pro Moniali admittenda supra numerum taxatum.

63. *Respond.* Non posse, si aliàs supponamus eam cadere sub prohibitionem non alienandi bona Ecclesiastica: quomodo vere cadit, stante decreto Sacre Congregationis superius allato: ita *Lezana tom. 2. cap. 19. num. 57. ex Bonacina, & patet*, quia dos Monialis supranumerariæ consistit in pecunia destinata ad emptionem rei fructiferæ immobilis: constat autem ex variis iuribus pecuniam taliter destinatam non posse alienari absque debita solemnitate: ex alia parte hoc ipso, quod pecunia data in dotem Moniali implicatur in emenda re immobili fructifera, expenditur ad usum illum, ad quem est destinata, sique cessat finis prohibitionis, cum ea detur, ut de fructibus illius Monialis admittenda sustentari valeat.

Diffi-

Difficultas est, an dicta pecunia implicari possit in edificando Monasterio, aut emenda domo contigua ipsi Monasterio ad eam inhabitandam.

64. *Resp.* Videri posse, & quidem sine licentia Sacre Congregationis, colligitur ex *Peyrino in Formul. litt. B. cap. 11. num. 2.* quatenus docet summam pecuniarum implicandam in annuis redditibus posse expendi tam in fabricanda domo, quam in ea emenda (intellige, si Monasterium illa indiget) patetque ex eo, quod domus est ex natura sua fructifera, dicique potest de facto fructificare; quatenus liberat Monasterium a solvendo pretio locationis domus, quam alioqui cogere tur conducere.

Major difficultas est; an dicta Dos Monialium, inconsulta Sacra Congregat. possit implicari in dissolvendis debitis quotannis solventibus interesse, aut etiam in extinguendo annuo censu.

65. *Resp.* Quod, licet aliqui recentiores docti, scilicet Curiz stylo (qui forte obstat) affirmantem sententiam in utroque casu amplectantur, ut probabilem; quia tamen valde dubito, ne obstat stylus Curiz, & alias versamur in re ad forum contentiosum facile deducibili; saltem ad vitandos rumores, actricas, contraria sententia videtur sustinenda; probant autem recentiores illi dotem Monialium posse implicari in dissolvendis debitis solventibus interesse, ex eo, quod sicut onerare Monasterium dictis debitis est alienare; sic illud exonerare tali onere est acquirere; cum contrarium eadem sit disciplina; sicque videtur impleri mens legis prohibentis alienationem. Quod vero præfata dos expendi possit in extinguendo censu annuo, docet expresse *Peyrinus* loco supracitato, adducens pro se *Trimarctum*, & posset probari ex ratione paulo ante allata. Dixi in dissolvendis debitis solventibus interesse, ut indicarem secus dicendum de debitis non solventibus interesse; in his enim solventibus non potest infumi dos Monialis; cum ea extinguere non sit acquirere, sicut nec ea contrahere est alienare; præterquamquod sic aperiretur via alienandi

bona Ecclesiastica sine solemnitate, & faciendi fraudem contra legem prohibitionis alienandi: cum hujusmodi debita fieri possint sine solemnitate; & dato, quod liceret alienare absque debita solemnitate ad ea extinguenda, passum fieri possent alienationes bonorum Ecclesiasticorum ad illa dissolvenda, idque cum magno dispendio Monasteriorum, quorum bono Summi Pontifices intenderunt consulere, prohibendo alienationem bonorum Ecclesiasticorum; ita docti Neoterici a me consulti, & satis probaliter.

Dubitari hic etiam potest; An Moniales censeantur indebite alienare, si pecuniam traditam in dotem alienus Monialis infumant in emendis necessariis ad vitum, ac vestitum Monasterii, eo quod in præsentia non habeant occasionem paratam illam implicandi, & alioqui sint moraliter certæ se tantundem pecuniæ habituras statim, ac occurrerit commoditas illam expendendi in emptione bonorum immobilium.

66. *Resp.* Probabile videri, quod in tali casu non censeantur alienare; & ratio est, quod pecunia computatur inter bona, quæ recipiunt functionem; sicque non repugnat summam pecuniariam substitvere loco alterius summæ obligatæ, nec in hoc proprie intervenit alienatio, maxime cum tali casu salvetur finis intentus a Superiore in prohibenda alienatione bonorum Ecclesiasticorum, qui est consulere indemnitati Monasteriorum, & in præsentem eventum habetur quatenus loco pecuniæ obligatæ, quæ modo dicto distrahitur, substituitur alia non obligata (ut suppono) sicque fit debita compensatio; ita Magistri valde docti consulti.

Utrum vero Moniales possint admittere ad professionem Novitiam, cui datur in dotem non pecunia effectiva, sed remissio cujusdam debiti pecuniarii correspondentis quantitati dotis taxatæ, & solvendi a Monasterio parentibus Novitiæ modo dictæ admittendæ.

67. *esp.* Quod, quamvis speculative videri possit probabilis pars affirmans, cum sic dos solvatur in ære, & quæ implicari possit in emptione bonorum stabilium;

lium; practice tamen amplectenda est pars negans, eo quod moraliter impossibile sit, Moniales de facto deventuras ad statum, ut possint implicare summam illam pecuniam assignatam in dotem, ut docet experientia.

Quæres 12. *An Moniales alienantes dotem Novitiæ ad professionem recipiendâ incurrant penas latas contra alienantes bona Ecclesiastica sine debita solemnitate.*

68. *Resp.* Incurrere, sed hoc infra cap. 7. qu. 24. & cap. 8. quæst. 18.

Quæres 13. *An translata Moniali de uno Monasterio ad aliud, debeat transferri etiam dos tradita priori Monasterio.*

69. *Resp.* Aliquos cum Socino, Baldo, Tapia, & Manuel adduct. a Sanchez lib. 7. mor. cap. 32. num. 12. sustinere dotem in tali casu debere transferri; & probant, tum quia l. si is qui ff. de jur. dot. dicitur ibi dos esse debere, ubi onera matrimonii sunt: tum quia dos datur accessorie ad personam, & sub tertia conditione, dum Monialis in eo Monasterio perseveret; ideoque cum per legitimum transitum ad aliam religionem prior professio dissolvatur, ea reddenda erit, sicut & redditur dos tradita viro ob carnale matrimonium, si hoc legitime dissolvatur. Oppositum tamen videtur sustinendum, & de facto sustinent Sanchez ubi supr. Rodriguez tom. 2. qu. 79. art. 2. Navar. com. 4. de Reg. num. 24. Bonacin. qu. 2. de claus. qu. 9. §. 4. diff. 2. n. 6. Tambur. supr. D. 2. 1. quæst. 7. num. 2., aliique penes ipsum: nimirum dotem traditam Monasterio, ad quod Monialis professâ legitime transeat: idque si posterius Monasterium sit ejusdem, sive diversi Ordinis: probant, tum quia dos non fuit data sub conditione: si Monialis in eo Monasterio manserit, sed solum sub conditione: si professio sequatur; unde, hac secuta, dos perpetuo manet illius Monasterii: tum quia posterius Monasterium spontanee admittens talem Monialem (ut suppono) debet sibi imputare hoc incommodum, quod teneatur illam alere sine dote: tum quia diversa est ratio de dote, quæ solvitur pro matrimonio carnali: hæc enim dissoluto matrimonio per mor-

tem viri, aut mulieris restitui debet; eo quod pertineat ad virum solum pro tempore matrimonii (intellige, nisi aliter disponant peculiaria statuta locorum) at, dissoluta professione per mortem Monialis, non restituitur dos parentibus illius, cum ejus dominium perpetuo transferretur in Monasterium, in quo emissâ fuit professio. Tum demum quia sic declaravit Sac. Congregat. prout refert Suarez tom. 4. de Relig. v. 8. lib. 3. c. 14. n. 16. & sic etiam determinavit in una Neapolitana, ut testatur Card. de Luca de regul. disp. 39., dicens, hanc esse praxim & stylum Sacræ Congregationis, & in una Hispanen. 23. Januarii 1699., ut videre est apud Monacell. p. 1. tit. 11. in adnot. ad formul. 7. num. 12.

70. Ratio fundamentalis est, quia, ut advertit Cardin. de Luca loco sup. citato num. 6. Dos non solvitur propter admissionem ad Monasterium, vel professionem, cum id saperet simoniam, sed datur in recompensationem alimentorum, & aliorum onerum temporalium, quæ Monasterium in se suscipit pro sustentatione Monialis. Est proinde dotis solutio reciproca quidam contractus emissionis futuræ incertæ aleæ æqualiter se habentis ad commodum, vel incommodum; potest enim Monialis diu vivere, & quidem adeo infirma valetudine, ut magnum afferat Monasterio incommodum, & potest cito mori, magno cum Monasterii lucro. Propterea valida professione sequuta, nulla datur probabilis ratio ad repetendam dotem, ne quidem in casu quo secundum Monasterium cogatur ad recipiendam Monialem transeuntem; tunc enim juxta praxim hodiernam teste eodem Cardin. de Luca n. 7., & Sperel. infra citando primum Monasterium solum tenetur subsidiarie (quando alio modo ob pauperatatem transeuntium Monialium illis consuli non potest) ejusdem suppeditare moderata alimenta, juxta ea, quæ docet Card. de Luca de dot. discurs. 167. & Sperel. par. 2. decis. 136. n. 48. solum posset oriri du-

„ bium

biū super hoc, in casu, quo prius
 „ Monasterium infet pro translatione suæ
 „ Monialis ad aliud Monasterium, ea vel
 „ invita, vel solum permittente; sed tunc
 „ sicut erit necessaria Sacre Congrega-
 „ tionis licentia, sic ad eandem pertinebit
 „ determinare, spectatis omnibus, an dos
 „ sit restituenda, vel sola alimenta præ-
 „ standa, vel alio modo providendum se-
 „ cundo Monasterio.

Quæres 14. *An dos, quæ datur Monaste-
 rio pro Moniali admittenda, moriente ipsa
 Moniali, maneat apud Monasterium, aut
 certe reddi debeat relictiis ascendentibus,
 vel descendentibus.*

72. *Resp.* Manere perpetuo apud Mo-
 nasterium; idque ex consuetudine legiti-
 me inducta, quæ est optima legum inter-
 pres: non enim alia ratio huius assignari
 potest, ut advertit Sanchez *sup. cap. 9. n. 23.*
 ostendens id non posse oriri ex eo, quod
 Monasterio traditur dos in pretium alimen-
 torum, quæ Monasterium debet suppedi-
 tare Moniali; siquidem etiam in matrimo-
 nio carnali dos constituitur, & traditur vi-
 ro ob onus, quod habet alendi uxorem,
 & ad alia onera matrimonii sustentanda,
*l. pro oneribus C. de jure dot. & tamen solu-
 tuto matrimonio, dos non manet perpetuo
 apud virum, ut jam dictum est; quam-
 quam Clarinus part. 2. contro. cap. 194.
 n. 39. me citato, dicat optimam rationem
 huius assertionis esse posse, quod Mona-
 sterium stat loco filii; adeoque sicut filius
 est hæres matris, eique succedit in dote,
 sic Monasterium succedit in dote Monialis
 defunctæ.*

Quæres 15. *An Monasterium teneatur
 alere, ac retinere Monialem, si hujus paren-
 tes, aut alii non solvant dotem promissam,
 & conventam.*

72. *Resp.* Teneri, esto possit alimen-
 ta Monialis exigere a parentibus illius, im-
 plorato Judicis officio: ita Rodriq. tom. 2.
 quæst. 48. art. 8. ex Navarro dicens, quod li-
 cet in judicio denegentur præfata alimen-
 ta, non ideo potest Monialis ejicere Mo-
 nasterio: quippe quæ cum sit membrum Mo-
 nasterii, jus habet, ut ex bonis illius,
 etiam ipsa sustentetur; unde non currit pa-

ritas, quod, sicut vir non teneatur recipere
 uxorem, illamque alere, donec dos ei
 solvatur; immo & eam receptam potest
 expellere (prout post alios annotavit Pa-
 normis. in capit. per vestr. de donat. inter
 vir., & uxor. n. 4.), sic & Monasterium
 possit ejicere Monialem, quæ non solvit
 dotem, cum non deceat Monialem dege-
 re extra clausuram; & alias æquum sit mi-
 nistrantem ad altare vivere de altari, cum
 sit dignus operarius mercede sua.

*An autem Monasterium teneatur alere
 Monialem, cujus dos fuerit rapta a Fisco ob
 delictum ipsius Monialis (v. gr. ob hæresim).*

73. Respondet Fagundez lib. 5. decal.
 cap. 13. n. 24. aliis pluribus citatis, non te-
 neri, si Monialis sit extra Monasterium, &
 Monasterium nolit eam iterum recipere;
 probatque tum ex *l. pro oneribus C. de ju-
 re dot., & l. dotis fructuum ff. eodem;* tum
 quia non apparet, quo jure Monasterium
 teneatur illam alere: non enim tenetur
 ratione dotis, cum jam fuerit rapta a Fis-
 co, ut supponimus: non ratione servitii,
 ac obsequii præstiti Monasterio, cum non
 admittatur, & Monasterium vere non te-
 neatur illam admittere, ut item suppo-
 nimus.

SECTIO III.

De Velo Professionis, necnon de
 Benedictione, seu Consecratione
 Monialium.

74. *Q*uotuplex sit Velum Monialium:
 75. *At quid detur.*
 76. *Quid genus veli modo sit in usu.*
 77. *Quæ requirantur ad recipiendum ve-
 lum Consecrationis juxta jus com-
 mune: & quæ ætas requiratur in
 Moniali consecranda.*
 78. *Famina occulte corrupta, simpliciter
 loquendo, potest consecrari.*
 79. *An, & quando possit, ac debeat reji-
 ci a Consecratione.*
 80. *Non consecratur famina per vim cor-
 rupta, & si alii id limitent: Episcopus
 juxta aliquos non dispensat
 cum corrupta, ut consecretur: etsi
 corruptio sit occulta.*
 81. *Consecratur, quæ contraxit, sed non
 consummavit matrimonium.*

58 DE CONSECRATIONE MONIALIUM

82. Item polluta per voluntariam feminis effusionem clauſtro manente integro.
 83. Item que ante annos diſcretionis commiſſiſſi turpia.
 84. Non item cognita in amentia, aut ebrietate, aut ſomno.
 85. Conſecratur ea, cui ex cauſa ſanitatſ ſiaſſum eſt clauſtrum.
 86. Item cognita a viro proſterè, aut ſodomiticè a ſemina, eſi non ſemper.
 87. Item polluta in ſomno.
 88. Conſecratur nondum confirmata.
 89. Conſecratio Monialium qualiter fiat.
 90. Non reiteratur.
 91. Cujuſ ſit conſecrare Moniales ſolemniter.
 92. Non ſit conſecratio, niſi ſtatſ temporibus i fieri autem poteſt in Eccleſia exteriori Monialium, niſi obſet. conſuetudo.
 93. Per illam conſertur gratia, & remittuntur venialia ex opere operantiſ, non ex opere operato.
 94. Velum Conſecrationiſ auſertur in pœnam.
 95. Immo, & ipſa Moniales poſſunt ad tempuſ eo ſe priuare.
- Quæres 1. Quid hic ſignificetur nomine Veli profeſſionis.

74. Reſp. **Q**uod, cum teſte Suarez to. 4. de relig. traſt. 9. l. 1. cap. 11. n. 5. in Monialibus attendi poſſit uſuſ multipliciſ veli; nimirum probationiſ (quod aliſ vocant receptioniſ) profeſſionis, conſecrationiſ, prælationiſ, & continentix: per velum Profeſſionis hic intelligitur velum, quod in actu profeſſionis Religioſæ imponi ſolet capiti Monialiſ proſitentiſ cuſcuſque ætatiſ, æ conditioniſ: velum Probationiſ eſt, quod datur a principio Novitiæ, & ſolet eſſe album: velum profeſſionis eſt, quod datur in actu profeſſionis Religioſæ cuiſcumque ſeminaſ proſitentiſ, ſive ea ſit virgo, ſive vidua: Velum Conſecrationiſ eſt, quod olim dabatur Moniali poſt annuſ 25. ætatiſ juxta c. placuit cauſa 10. qu. 1., & quidem illi ſoli, quæ eſſet virgo, & haberet propoſituſ ſervandi virginitatē (ſed de hoc infra):

Velum Ordinationiſ eſt, quo Monialiſ ordinanda in Diaconiſſam alias decorabatur 40. ætatiſ anno, juxta c. Diaconiſſam 27. qu. 1., idque ut poſſet inchoare horat in choro, & legere homiliaſ (quod aliſ Monialibuſ non erat permiſſuſ): velum Prælationiſ eſt, quod anno ætatiſ 60. dabatur Abbatiffiſ, juxta cap. juvenulaſ 20. qu. 1., tamquam in præmiuſ antiquæ profeſſionis, & converſationiſ laudabiliſ, ac diuturnæ, rerumque Monafterialiū peritiæ. Velum Continentiæ eſt, quod viduiſ ſoluſ imponitur, ultra velum ipſiſ datum in profeſſione, ex cap. vidua 27. qu. 1. ita Miranda qu. 7. de Monial. art. 8., Rodriq. tom. 1. qu. 64. art. 1., Portel. de dub. reg. v. velum Monialium n. 1., Tambur. de jure Abbatiffiſ. d. 27. qu. 2., & aliſ, inter quos Majoluſ l. 1. de irregul. cap. 29., addit aliam ſpeciē veli, quod vocat pœnitentiæ, & datur Monialibuſ, quat vocant Converſitatiſ.

Quæres 2. Ad quid detur velum Moniali facienti profeſſionē Religioſam, & quale ſit hoc velum.

75. Reſp. Dari, tum ut Monialiſ proſitentiſ agnoſcat ſe vi Religioſæ profeſſionis aſſuſi in veram Chriſti ſponſam: ſiquidem apud veteret Sponſa, quando tradebatur viro, ſolebat velare caput: ſicque idem eſt viro tradi, ac nubere, ideſt velare caput: tum ut obſervet conſiliū Apoſtoli 1. Corint. 11., dicentiſ: *Omnis autem mulier orant, aut prophetant non velato capite, deturpat caput ſuū: tum ut ſic indieet ſe abrenunciare mundo, ac omnibuſ pompis ejus, proſuſ negligendo ornatuſ capitiſ, cui ſemina� alioqui ſolent adeo inſilire: tum ut oſtendat ſe per Religioſam profeſſionē apprehendere ſtatū pœnitentiæ ſignificatæ in velo nigro; quale ſolet eſſe, quod imponitur Moniali proſitentiſ: quamvis aliqui putent olim fuiſſe purpurei coloris, id colligentiſ ex S. Hieronymo epiſt. 8. ad Demetriadem: quod non admittit Suarez tom. 4. de relig. traſt. 9. l. 1. cap. 11. n. 5.*

Quæres 3. An modo ſint in uſu hæ omneſ ſpeciēſ veli Monachaliſ, & quæ?

76. Reſp. Non eſſe omneſ, cum jam abie-

abierint in desuetudinem velum Prælationis, & velum Ordinationis (ut notavit *Suar. n. 15.*) immo & velum Continentiæ: de velo autem Consecrationis (de quo hic aliqua dicenda sunt) refert *Barbosi. lib. 1. de jure Ecclesiæ. cap. 44. n. 21.* Sacram Congregationem 5. Decembris 1597. declarasse, quod licet non sit in usu, sicuti tamen est in uso, potest, ac debet concedi; non tamen Monialibus Ordinum Mendicantium, ut eadem Sacra Congregatio declaravit 30. Septembris 1616.

Quæres 4. Que requirantur in Moniali, ut licite possit recipere velum Consecrationis.

77. *Resp.* Requirit, ut sit virgo, ut expleverit 25. annum, ut non sit ex Ordine Mendicantium, ut sit professa in Ordine approbato: & quidem, quod debeat esse virgo, habetur in c. *devotis* 20. q. 1., ubi *Gelasius* Papa ait: *Viduas velare Pontificum nullus attentet; necnon in Concilio Triburiensi cap. 25., & Rotomagensi can. 9.* relatis a *Suarez sup. n. 6.* addente, hujusmodi decreta non debere sic intelligi, ut nullum velum viduis imponi possit, ac si essent incapaces Religiosæ professionis (quod est falsum, & repugnat aliis decretis) sed debere intelligi de velo Consecrationis. Quod vero debeat explevisse 25. ætatis annum, habetur clare in Pontificali, rubrica de *Consecrat. virginum*, & decidit Sacra Congregatio apud *Tambur. sup. q. 3.* (quidquid alii dicant apud eundem: *Tamburinum* putantes de universali consuetudine Moniales posse consecrari ante 25. ætatis annum). Quod denique debeat esse ex Ordine non Mendicantium, constat ex dictis q. *preced.*: solum moneo, quod spectat ad ætatem Monialis consecrandæ, magnam in Ecclesia extitisse varietatem; nam in Concilio Romano sub *Sylvestro cap. 10.* significatur, non esse faciendam virginem usque ad ætatem annorum 27. in quibus probet suam castitatem: *S. Gregor. l. 3. ep. 11.* sexagenariam voluit esse virginem consecrandam in *Concilio Carthagin. 3. can. 4.* aliisque Conciliis, relatis a *Tamburino*, solum postulat ætas 15. annorum, sicut & in cap. *placuit*

20. *quæst. 1.* quod sic habet: *Placuit, ut ante 25. annum ætatis neque Diaconi ordinentur, nec virgines consecrentur.*

Quæres 5. An femina occulte corrupta, cum a parte rei non sit virgo, possit nihilominus recipere velum Consecrationis.

78. *Resp.* Quod licet aliquicum *S. Thoma in 4. d. 38. qu. 1. art. 5.* ad 5. absolute sustineant partem negantem, ea ducti ratione, quod propter vitandum scandalum non debent Ecclesiæ Sacramenta, vel Sacramentalia variari: alii tamen probabiliter putant partem affirmantem, & quidem etiam in casu, quo talis Monialis petat consecrari, nullam habens necessitatem hujusmodi consecrationis ad vitandum periculum infamiæ: probant, quia jura non imponunt hoc impedimentum tamquam poenam, aut irregularitatem ipso jure incurrendam, sed præcipiunt Prælatis, ne consecrent feminam corruptam, sicque quando res est occulta, non tenetur femina se abstinere, sed potest in exteriori foro se gerere, sicut in communi opinione habetur: ita *Suarez* in terminis *supr. n. 11.* idemque plane supponunt *S. Thom. loc. cit.* alique DD., qui asserunt dictam feminam in proposito casu posse consecrari, mutato nomine virginittatis in nomen castitatis; quod tamen notat *Suarez n. 8.*, non esse necessarium ad vitandum mendacium, quod committeretur in tali forma consecrationis: illud enim mendacium, non est formale mendacium, sed potius materialis dissimulatio, aut occultatio, facta ex justa causa ad vitandam infamiam proximi; illudque ipsum, quod fieret, haberet suum usum proprium licitum, ac bonum, & posset habere significationem veram, nimirum sanctificationis, & oblationis illius personæ, quæ ad divinum cultum, ac perpetuam continentiam ex tunc Deo dicaretur; alia vero falsa significatio, quæ ab aliis concipi solet, non esset intenta, ideoque nullum in tali casu apparet mendacium.

Difficultas est, an Prælatus, ad quem accedit præfata Monialis occulte corrupta, ut recipiat velum Consecrationis, possit, & debeat illam repellere, si notitiam habeat

lapsus, vel certe teneatur illam consecrare.

79. *Resp.* Cum distinctione: vel Prælati notitiam illam habet ex confessione Sacramentali, & sic nec potest, nec tenetur dictam Monialem repellere; cum id non fieri possit absque violatione sigilli confessionis: vel habet eam notitiam extra Sacramentum per secretam revelationem Monialis, & sic non tenetur repellere, cum jus commune non obliget ad iudicandum de re adeo occulta, sive ad operandum ex scientia adeo privata, ac occulta, præsertim cum periculo scandalis; possit tamen se subtrahere ab illa consecranda, se excusando ab illo munere, vel alio colore, Monialem præfatam non recipiendo ad professionem (quod est illud non teneri eam consecrare per se loquendo, & ex lege iustitiæ, modo id non cedat in infamiam Monialis, aut præjudicium boni spiritualis illius): vel denique Prælati eam notitiam habet aliunde, & quidem moraliter certam, & sic, cum res non sit adeo occulta, possit Prælati dictam Monialem non consecrare, semper tamen consulendo illius famæ, quantum fieri potest: *Suarez sup. n. 10.*

Quæres 6. *An Monialis, quæ per violentiam, & sine sua culpa fuit corrupta, sit capax veli Consecrationis.*

80. *Resp.* Non esse; ita *S. Thom. sup. ad 4.*, aliique communiter cum eo, & probatur tum ex *S. August. lib. de bono conjugali cap. 18.* qui dicit: *Etiā si violenta corruptio virginis baptismum antecedit; non potest etiā post baptismum inter virgines consecrari*: tum quia in consecratione virginum non attenditur, an culpa præcesserit, sed an subsistat virginitas etiam corporalis, seu materialis, quæ sic per ipsam consecrationem significatur, speciali honore afficitur, ac representat integritatem Ecclesiæ triumphantis, ut ait *Glossa in cap. acutius d. 26.* tum quia amissio virginitatis, etiam materialis, importat veluti quandam irregularitatem, quæ licet contrahatur sine peccato, impedit talem consecrationem. Cum *S. Thom.* sentiunt alii plures relati a *Thesauro de panis part. 2. v.*

Monialis cap. 3. addente Less. lib. 4. cap. 2. n. 15. Fillicium tract. 30. n. 21., & 25. id melius limitare, ut procedat, si violata consentit in actum, vel si violatio est publica: quia tunc pro foro externo præsumitur in actum consensisse; alias, si violatio sit occulta, poterit violata tuta conscientia recipere consecrationem: idque ex *S. Thom. 2. 2. quæst. 15. art. 3.* dicente virginitatem non amitti per materialem virginalis veli fractionem, seu reservationem alio casu contingentem, si voluntas interrim abstinere a delectatione venerea.

Addit *Thesaurus sup.* se non putare verum, quod dicunt *Sylv.*, *Navar.*, & alii, Episcopum scilicet posse dispensare cum Moniali corrupta, ut accipiat velum virginitatis in casu occulto, ratione scandalis; & probat, quia Episcopus nequit alterare formam, aut materiam Sacramentalium, quæ ab Ecclesia, seu Papa instituta sunt: ut ostendit idem *Theaur. v. ritus cap. 1.*

Quæres 7. *An Monialis recipere possit velum Consecrationis, si ingrediatur religionem post contractum matrimonium ratum, non tamen consummatum.*

81. *Resp.* Possit, & patet, quia, esto illa dici possit vidua, & viduæ consecrari nequeant, *cap. vidua 20. q. 1.*, illa tamen cum sit ita vidua, ut vere sit virgo, non comprehenditur sub dicto jure, quippe quod loquitur de viduis corruptis, & quæ non sunt amplius virgines: ita *Tamburin. sup. d. 27. qu. 3.* pro se adducens *c. Valentino d. 34.*, & *c. debitum de bigamia.*

Quæres 8. *An possit consecrari Monialis, quæ per voluntariam seminis effusionem polluta est, integro tamen remanente clauistro.*

82. *Resp.* Videri probabile, quod possit; & probatur; tum quia Ecclesia ad recipiendum velum Consecrationis solum requirit integritatem carnis, sicque in Romano Pontificali, ubi agitur de ista consecratione, non dicitur, Monialem debere interrogari de aliqua contaminatione, sed de vita, conscientia, ac integritate: in præsentem autem casu salvatur integritas carnis; tum quia talis Monialis licet non sit virgo coram Deo, neque habitura sit

aur o-

aureolam; apud homines tamen virgo censetur in foro externo, hoc ipso quod virginalis claustrum servat illæsum, & (ut loquitur *Cajet. v. virginum consecratio*) est virgo non virtute, sed statu; quod utique sufficit ad hoc, ut sit capax veli Consecrationis: ita *Lessius lib. 4. c. 2. n. 120.*, & *v. consecratio n. 6. Sylv. v. consecratio virginum n. 2.* alique, quos refert *Tambur. sup. quæst. 4.*, addens, Monialem in casu proposito posse consecrari, etiam si modo dicto fuerit polluta, etiam accedente contactu externo. Quod certe non admitterent Doctores citati ab eodem Tamburino sustinente cum *S. Thoma supra*, Monialem rejiciendam esse a consecratione, si ex vehementi cogitatione, concurrente calore naturali, voluntarie semen effunderet: idque, etsi carnis integritas in ea servaretur illæsa, & claustrum pudoris integrum: qua de re *Navarr. lib. 3. de reg. cons. 4.*

Quæres 9. An possit consecrari Monialis, quæ ante annos discretionis commisit aliquem actum turpem contra castitatem.

83. Respondet Tambur. loco cit. sup. ex Rosella. v. virginitas, & Lessio n. 121. posse consecrari, probatque ex eo, quod cum præ defectu ætatis non insit puellæ potestas seminandi, ea per nullum actum turpem amittere potest corporis integritatem, sicque adhuc remanet virgo modo superius explicato; dicit tamen *Lessius*, contrarium forte verius esse, si in puella adsit usus rationis perfectus; quod etiam alii putant esse satis probabile.

Quæres 10. An possit consecrari puella, quæ in somno, amentia, aut ebrietate fuit carnaliter cognita.

84. Resp. Non posse, & patet ex dictis qu. 6.

Quæres 11. An possit conferri velum Consecrationis Moniali, cui juxta Medicinæ artem ad sanitatem tuendam fuit fractum claustrum virginalis.

85. Respondet Tambur. sup. ex S. Thoma, & Majolo posse; probatque, quia si nullum illatū est præjudicium virginitati, ac proinde non adest ratio, cur ipsi denegetur velum Consecrationis, quod dari solet in præmium virginitatis: siquidem

fractio claustris virginalis, quæ hic intervenit, non opponitur integritati corporis, quam diximus supra requiri ad consecrationem: hæc enim consistit in eo, quod claustrum virginalis non frangatur per actum libidinosum.

Quæres 12. An possit consecrari Monialis, quæ vel fuit carnaliter cognita a viro in vase præpostero, vel sodomitice a femina.

*86. Resp. Posse: & probatur ex eo quod, quamvis juxta modo dicenda per tales actus obscænos probabile sit amitti virginitatem, etsi per accidens (v. gr. ob debilitatem naturæ, aut ratione morbi) non sequatur pollutio, integrum tamen manet claustrum Monialis, sicque ea est capax consecrationis; cum ad illam requiratur, & sufficiat sola claustris integritas, ut ostendimus qu. 8. Et quidem, quod præfati actus obscæni, etiam seclusa pollutione, sufficiant ad amittendam virginitatem, patet, quia ad hoc sufficit, ut ii ordinentur ad pollutionem, & ex se sint apti ad illam efficiendam in tali ætate: cuius advertit *Lessius loc. sup. citat. ex Rosell. v. virg., & Cajetan. in summa v. eod.*, dicens, non videri dubium, quin per sodomiam deperdatur illa carnis puritas, quam postulat virginitas, etiam si fortasse non adsit pollutio; quia actus ille ob eam causam fit, & est ex se sufficiens ad hoc in tali ætate. Responsio tamen hæc non procedit in casu, quo Monialis sodomitice cognita fuisset ab alia femina medio aliquo instrumento, sive ligneo, sive vitreo in vase naturali, ita ut claustrum fuisset fractum: tunc enim Monialis sic cognita non posset consecrari, utpote carens integritate carnis, quam diximus requiri ad consecrationem: quod idem procederet in casu, quo Monialis in vase naturali fuisset cognita ab alia femina, habente nimphium magnum in vulva, idest carunculam quandam sic excrescentem, ut erigatur ad modum virgæ virilis, sicque excitet ad coitum, reddatque feminam potentem ad deflorandam aliam feminam, etiam nullo adhibito instrumento, ut notavit *Decian. lib. 8. crimin. cap. 7. n. 28.*, addens *Aegyptios omni**

nibus

nibus virginibus dictam carunculum præcidere solitos, ne, ea excrecente, illis postea præberetur occasio abutendi aliis fœminis. Immo addo, assertionem procedere etiam in casu, quo Monialis, se ipsa, medio aliquo instrumento, aut digitis sibi claustrum integritatis violasset, cum sit eadem ratio, ut patet.

Quæres 13. *An consecrari possit Monialis, quæ in somno passa est pollutionem.*

87. *Resp.* Possè, siue pollutio fuerit involuntaria, siue voluntaria, saltem in causa procurata, scilicet in vigiliatio est, quod juxta dicta *quæ præcedenti*, ad hoc, ut Monialis licite possit consecrari, sufficit, illam retinere carnis suæ integritatem; hæc autem retinetur quandiu claustrum fœminæ manet integrum; quod utique verificatur in præsentī casu, ut suppono, etsi alias per talem pollutionem deperdatur virginitas modo superius explicato.

Quæres 14. *An Monialis possit solemniter consecrari, etsi nondum receperit Sacramentum Confirmationis.*

88. *Resp.* Possè; cum nullum extet jus, quo prohibeatur dari velum Consecrationis Moniali nondum confirmatæ: sicut notavit *Tambur. supra quæ. 3. n. 2.*, monens tamen Episcopos, regulariter debere curare, ut confirmentur virgines, priusquam solemniter consecrentur; si enim omnis fidelis debet confirmari, ut plene Christianus inveniatur, *omnes de consecrat. d. 5.*; a fortiori debent id facere, quæ debent desponsari, & consecrari Sponso Christo.

Quæres 15. *Qualiter fiat consecratio Monialium.*

89. *Resp.* Fieri cum quibusdam benedictionibus, ac caeremoniis, quæ habentur in Pontificali Romano, & late proponuntur a *Tambur. ubi sup. quæ. 26.* per totam.

Quæres 16. *An solemnis consecratio Monialium possit reiterari.*

90. *Resp.* Non possè: ita *Miranda quæ. 7. de Monial. art. 7.*; & probatur, tum quia Abbates semel benedicti, si postea eligantur ad aliam Abbatiam, non debent iterum benedici, ex *Rodrig. tom. 1. quæ. 12. artic. 3. Azor. tom. 1. lib. 2. cap. 20. quæ. 4.* & aliis re-

latis a *Tamburino sup. quæ. 8.*; tum quia conjuges, si semel acceperunt benedictionem nuptialem, non solent iterum benedici *cap. 3. de secund. nupt.*; ergo a simili nec debet iterari virginum consecratio.

Quæres 17. *Ad quem spectet solemnis consecratio Monialium.*

91. *Resp.* Jure communi spectare ad solum Episcopum, eumque consecratum: ita *Suarez sup. n. 12.*, alique relati a *Tambur. quæ. 5. n. 1.* & probatur tum ex c. *devotis. 20. quæ. 1.*, quod solet ad hoc communiter allegari: tum quia in aliis decretis, in quibus fit mentio Ministrī hujus consecrationis, solus Episcopus nominatur: tum quia in Romano Pontificali idem supponitur in titulo hujus consecrationis: tum quia hujusmodi consecratio est spiritualis quædam desponsio cum Christo, per quam representatur desponsatio ipsius Christi cum Ecclesia quoad illius incorruptionem; ideoque decet solum Episcopum, cui cura Ecclesiæ committitur, virgines desponsare velando, non sibi, sed Christo, quasi sponsi paranympum. Unde fit, ut quavis ista consecratio per Papam committi possit simplici Præbytero, non tamen censetur commissā per solam jurisdictionem Episcopalem; cum ea sit ætus ordinis, & non tantum jurisdictionis, ac proinde neque Episcopo solum electo, & confirmato competat, & multo minus Provincialibus Religionum, aut aliis similibus Prælatibus inferioribus, habentibus jurisdictionem Episcopalem, nisi speciali privilegio Pontificio id eis concessum sit. Quo modo *Tambur. n. 8.* refert Generalem Ordinis tam Vallumbrosani, quam Camaldulensis solere a tempore immemorabili consecrare Moniales sibi subditas, id ipsum approbantibus Sede Apostolica, & Sac. Congreg. Rituum; cujus declarationem de hoc factam sub die 1. Julii 1601. adducit *Tambur.* his verbis: *Moniales consecrare, si spectet ex privilegio ad Superiores regulares, debent servari in earum consecratione omnes caeremonie, quæ in consecratione virginum ab Episcopo faciendæ præscribuntur.*

Quæres 18. *Quo tempore, & loco fieri debeat consecratio Monialium.*

92. *Resp.*

92. *Resp.* Quod quidem spectat ad tempus, non debere fieri, nisi temporibus a jure statutis, ut habetur in *c. devotis* saepius citato, *c. virgines* 20 q. 1., ubi prohibentur virgines consecrari, nisi in Epiphania Domini, aut in Albis Paschalis (id est intra hebdomadam Paschæ Resurrectionis), ut Gloss. exponit, licet alia littera habeat in Sabbato Paschæ) vel etiam in natalitiis Apostolorum; quamquam in Concilio Lateranensi, prout habetur in *c. 1. de temp. Ordin.* concessum sit, ut omnibus diebus Dominicis liceat consecrare Virgines, & hoc ipsum consuetudo extenderit etiam ad alias solemnes festivitates, ut notavit *Turrecrem. in cit. c. devotis qu. 4.*; unde in hoc consulenda, & servanda est consuetudo. Quod autem spectat ad locum, in quo fieri debeat Monialium consecratio, Sacra Congreg. Rituum 27. Julii 1627. decrevit, illam fieri posse in Ecclesia exteriori, referente *Tambur. qu. 6.*, qui tamen addit, in aliquibus locis ex justis, ac rationabilibus causis, ex scripto ejusdem Sacræ Congregationis inductum fuisse, quod Monialis consecranda nequaquam egrediatur à Clausura, sed consecratur in Ecclesia interiori a Prælato existente ad fenestellas. Quod autem diximus, consecrationem Monialium non posse fieri, nisi sit ituris temporibus, intelligendum est, seclusa necessitate, ac imminente aliqua infirmitate mortali, quo casu posset fieri consecratio quocumque die, ut bene advertit *Suarez n. 13. ex cap. virgines* 20. q. 1. .

Quæres 19. *An consecratio Monialium conferat gratiam, remittatque peccata venialia, & quomodo.*

93. *Resp.* Conferre gratiam, & remittere peccata venialia, non quidem ex

opere operato (aliàs enim consecratio esset Sacramentum, quod est falsum) sed ex opere operantis, sicut evenit in quocumque bono opere operantis; ita *Suarez supra num. 14.*, monens, quod licet concurrente ista consecratione una cum solempni professione Monialis (quod potest fieri) dicta consecratio vi professionis, tamquam nobilissimi actus participet aliquam majorem vim obtinendi gratiam, aut remissionem pœnarum; si tamen consecratio fiat separatim, eo quod detur virgini jam professe, non est tanta ratio, aut fundamentum alicujus extraordinarii effectus: cum in tali actu non insit tanta excellentia perfectionis; & sola significatio non sufficiat, cum non sit Sacramentum.

Quæres 20. *An Monialis possit privari usu vel Professionis in pœnam alicujus delicti commissi saltem ad tempus.*

94. *Resp.* Posse, patetque tum ex praxi Prælatorum, qui interdum imponunt Monialibus talem pœnam; tum quia id nullo jure constat esse prohibitum, ideoque præsumi potest concessum.

Utrum vero ipsæ Moniales possint saltem pro certo tempore se privare usu vel Professionis, aut Consecrationis, sive ad sui humilitatem, sive ad alium effectum, etiam minus necessarium.

95. *Resp.* Posse, dummodo interveniat licentia Superiorum, saltem tacita, ac interpretativa: & patet, tum quia nulum extat jus in contrarium, quod ego sciam; tum quia id servat praxis Monialium, quæ interdum solent deponere velum Professionis ad repræsentandas varias personas in scena, & quidem scientibus, ac tacentibus Prælatis.



64 DE VOTO PAUPERTATIS MONIALIUM CAPUT IV.

*De Votis Paupertatis, Castitatis, & Obedientiæ ad quæ tenentur
Moniales vi Professionis.*



Uniam Moniales vi professionis Religiosæ, quam emittunt principaliter obligantur ad tria vota substantialia Religionis, nimirum Paupertatis, Castitatis, ac Obedientiæ: par est, ut, explicatis in præcedenti Cap. iis, quæ pertinent ad professionem Religiosam, agamus in præsentī Cap. de ipsismet Votis. Caput dividemus in tres Sectiones, in quarum 1. agamus de Voto Paupertatis; in 2. de Voto Castitatis; in 3. de Voto Obedientiæ, sicque totum Caput expediemus.

SECTIO I.

*De Voto Paupertatis ad quam
tenentur Moniales.*

1. **Q**Uæ paupertas sit accommodatio-
statui Monialium.
2. Ad quid obliget Votum Paupertatis.
3. Moniales possunt retinere annuos redditus, sed non excedentes.
4. Quid de hoc statuerit Concilium Tridentinum.
5. Moniales de rigore juris debet servare vitam communem.
6. Non tamen consuetudine ex iustis causis tolerata.
7. Vita communis utilissima Religiosis, & suadetur Monialibus.
8. Et adstringi possunt ad eam amplatendam, si aliis necessaria illis suppedientur: & interdum etiam relucantes.
9. Non possunt habere quidquam ad usum irrevocabilem.
10. Non potest licite auferri, quod iis legitime concessum est.
11. Et quidem nec a Successore concedentis: item recipiunt ea lege, ut illa sola ea utantur; sed non debet id permitti.
12. Acquirunt de novo cum licentia Superioris.
13. Conventus, in cuius favorem bona renunciantur, obligari potest ad eam pensionem ipsi solvendam.
14. De licentia Prælati relinquatur Moniali legatum non auferibile.
15. Moniales succedunt ab intestato.
16. Qualiter subsistat legatum relictum Moniali pro se, ac sua familia.
17. Moniales prohibentur habere superflua.
18. Non possunt expendere in usibus illicitis peculium absolutus concessum: quod alii negant.
19. De Prælatis licentia faciunt moderatas elemosynas, ac donationes.
20. Absque licentia dant suam pitantiam; etsi alii id negant, & melius.
21. Si sint officiales Conventus, non dant de ejus bonis elemosynas sine licentia.
22. Item non dispensant ejus bona pro arbitrio.
23. Moniales in morte non disponunt de bonis proprio usui permisis.
24. Non testantur de bonis antea reservatis ad talem finem.
25. Nec de bonis alicujus extranei, nisi eligendo pauperes.
26. Non revocant testamentum antea factum, illud tamen declarant.
27. Faciunt recamaturam amico, sed cum certis conditionibus.
28. Ampliatur assertio.
29. Non occultant Superiori bona aliàs concessa, ex timore, ne auferantur.
30. Ad nutum Prælatis abdicant bona concessa.
31. Immo & ad nutum Ordinarii, si non sint exemptæ.
32. Non remittant pensionem annuam sibi debitam, & quidem nec Moniali

Con-

Conventus: at remittunt pretium fornicationis concessa licet promissum.

33. *Qualiter curare possint dari tertio pecuniam ipsis oblata.*
 34. *Licentia expendendi ad unum usum licitum, non semper extenditur ad alium.*

Quæres 1. Quæ ratio Paupertatis censeri debeat magis expediri ad bonum spirituale Monialium.

1. *Resp.* Quod licet aliquibus Religionibus virorum sit magis expediens Paupertas non solum privans dominio bonorum in particulari, sed etiam in communi, & ea de facto servetur in aliquibus Ordinibus eum singulari ædificatione totius Ecclesiæ, Monialibus tamen non videtur expedire talis modus Paupertatis, eo quod illarum honestas, & Clausura non possit tam integrè, & perfectè servari, nisi a Monasterio habeant necessaria ad vitæ sustentationem: Unde factum est, ut, cum Religione S. Claræ sub observantia talis Paupertatis instituta in principio, paulò post Innocentius IV. in ea dispensaverit, permittendo potius quam præcipiendo, ut non servaretur: quin etiam postea Urbanus IV. omnino servari voluit regulam absque tali paupertate. Pius vero V. suo motu proprio, qui incipit *circa pastoralis* (& est 8. in ordine) & Gregor. XIII. in sua Constitut. 13., in ordine, cujus initium est *Deo sacris*, omnibus modis providere studuerunt, ut Monialium Monasteria habeant unde sustententur, ita ut, si eleemosynis egeant, ex potius Prælatorum providentia habeantur, quam ipsarum Monialium sollicitudine, ac postulatione. Quare, cum hoc ipsum, experientia teste, sit difficillimum, & quicumque alius modus mendicitatis Monialium statui sit periculosus; ideo concludit Suarez tom. 4. de Relig. tract. 9. lib. 1. cap. 12. num. 2. simpliciter consultus esse Monasteriis Monialium, quod habeant communes redditus, quam quod Paupertatem in

communi profiteantur, ita Suar. loc. citi Laim. lib. 4. tractat. 10. cap. ult. num. 39. Lexana tom. 1. cap. 25. num. 7. & alii, inter quos notat Suar., quod, cum Concil. Trid. sess. 25. de regul. cap. 3. solum Fratres Capuccinos, ac Observantia excipit a generali concessione possidendi bona stabilia fructifera in communi, quantum est ex vi dicti Concilii, Moniales Capuccinae possunt gaudere præfata concessione, & consequenter habere in communi bona stabilia: immo, si vellent renunciare dictæ concessioni, non possent id facere absque approbatione Papæ, cum post moderationem illam Urbani V. non inveniantur modus ille Paupertatis a Sede Apostolica approbatus pro feminis, quod tamen esset necessarium ad eum licite servandum: qua de re consulatur, quæ habet Tambur. de iure Abbatiss. D. 8. q. 9.

Quæres 2. Ad quid obliget Votum Religiosa Paupertatis.

2. *Resp.* Obligare ad hoc, ut Religiosus vi illius teneatur a se abdicare quorumcumque bonorum pretio æstimabilem sive mobilium, sive immobilium proprietatem, id est liberam, ac independentem de iis disponendi facultatem, sequi in perpetuum reddat incapacem; ita ut omnia dispositio, ac distractio bonorum dictorum, facta sine Prælati consensu, sit & illicita & invalida. Colligitur ex eap. ne dicatis aliquid proprium 12. qu. 1. cap. Monachi cap. super quamdam, & cap. cum ad Monasterium de statu Monachi: quæ iura satis aperte indicat per votum Religiosæ Paupertatis interdici Religiosis non solum dominium quarumcumque rerum pretio æstimabilem, sed etiam usum proprietarium illarum, ut bene advertit Suarez tom. 3. de Relig. lib. 8. cap. 15. n. 1.

Quæres 3. An Moniales, non obstante voto Paupertatis, retinere possint annuos redditus ex bonis parentum assignatos, & quales.

3. *Resp.* Possè, modo sint moderati; idque ex consuetudine inducta permittentibus Prælatibus ipsarum Monialium; eo quod illarum Monasteria non habeant suf-

scientes redditus, qui his necessaria ad vitam, ac vestitum tempore sanitatis, aut infirmitatis suppedientur; & aliis iis non suppetat tempus, ut suo labore manuum possint supplere talem defectum; cum hoc tamen, ut usus talium reddituum sit dependens a Superiore, & serventur, quæ hac de re disponuntur a Concilio Trident. sess. 25. cap. 2. de regul. ita Miranda qu. 9. de Monial. art. 1. Azor. tom. 1. l. 12. c. 9. qu. 2. Barbosa. de offic. Episc. alleg. 103. n. 3. Tambur. in sup. qu. 6. & alii.

Dixi sub initium responsionis, modo sunt moderati, ut inuenerem, absque concessione Sedis Apostolicæ non posse Moniales detinere annuos proventus excedentes statum, ac conditionem regularem: idque ex vi Concilii Trident., quod cum vetet concedi Regularibus mobilia superflua, prohibet item ne eis concedatur peculium superfluum, sique eorum Prælati nequeunt iis concedere redditus immoderatos. Etsi moderatio, quæ in præsentî materia attenditur, admittere possit aliquam latitudinem iuxta statum, gradum, ac conditionem Monialium, prout indicabimus infra cap. 4. qu. 10.

4. Quando autem in Concil. Tridentin. loc. cit. dicitur: *Nec deinceps liceat Superioribus bona stabilia alicui Regulari concedere, etiam ad usum fructum, usum, administrationem, vel commendam*; intendit Concilium ibi solum prohibere, ne Regulares habeant redditus, ut proprios, ac irrevocabiles per Prælatos, ac sine horum licentia distrahendos, ut exponit Barbosa; non autem quod Regulares nullo modo habeant annuos redditus, sicut bene advertit, & probat Sanchez l. 7. mor. cap. 22. num. 11. ex Navarr. Sa Rodrique. Grassi. & alii.

Quæres 4. An Moniales vi voti teneantur observare vitam communem in victu vestitu, & aliis spectantibus ad corporis sustentationem.

5. Resp. De rigore juris teneri, nimirum ex Decreto Concil. Trident. supra citato, quod sic habet: *Nemini Regularium tam virorum, quam mulierum li-*

ceat bona immobilia cujuscumque qualitatis fuerint, etiam quovis modo ab eis acquisita, tamquam propria, aut etiam nomine Conventus possidere, vel tenere: sed statim ea Superiori tradantur, Conventuique incorporentur: Ubi notat Miranda tom. 1. manu. qu. 28. art. 8., quod, cum Concilium prohibeat Regularibus, ne dicta bona possideant, etiam nomine Conventus, & paulò post subdat, *ea Superiori tradantur, Conventuique incorporentur*; ne dicatur sibi contradicere, ejus verba interpretari debent eo modo, quod nos præced. illa explicavimus.

6. Dixi de rigore juris, quia damnare non audeo consuetudinem tolerantiam a Pontificibus, Ordinariis, ac Prælatibus Regularibus scientibus, & consentientibus ad evitanda majora mala; idque etiam postquam Clemens VIII. dictum jus Concilii innovavit in decretis pro reformatione Regularium, & confirmavit Urban. VIII. in Decreto de apostatis, & ejusdem.

7. Expediret quidem quam maxime, ut in Monasteriis Monialium servaretur vita communis in victu, vestitu, lectionibus, & aliis a Superiore distributis pro uniuscujusque Monialis necessitate, sique singularum Monialium peculium (quod vocant usum annuum) communi massæ annuorum reddituum Monasterii incorporaretur; expediret, inquam, & multis ex capitibus: 1. quia sic singulis Monialibus convenientius posset providi de necessariis, etiam iis, quæ modo nullum habentes peculium ob inopiam consanguineorum esurire coguntur, dum alix pingui peculo donatæ abundant juxta illud 1. Corint. 11. *Alius quidem esurit, alius autem ebrius est*: 2. quia hac ratione auferretur occasio fovendi munusculis, aut largitionibus amicitias, etiam personarum secularium, & forte interdum minus bonas, immo etiam valde perniciosas bono ipsarum spirituali: 3. quia sic tollerentur innumeræ distractiones, quibus distinentur in parandis, & conservandis rebus sibi necessariis; siquidem ubi thesaurus noster est, ibi & cor nostrum erit: 4. quia hoc

paçto

paſſo vitam minus inquietam ducerent, Deo, & ſibi vacantes, totam ſui, ac rerum ſuarum curam ipſi committentes: 5. quia ſic melius inter Moniales ſervarentur humilitas, & mutua charitas, cum alijs carentes peculio deſpiciantur ab habentibus, quæ proinde etiam intumeſcunt, & tamquam ditiores ambiunt præferri cæteris, & præ alijs honorari: 6. quia ſic accuratius vacarent exercitijs vitæ ſpiritualis, frequentius aſſiſterent choro, & tanta anxietate non inhiarent lucris capendis, ſicut adſtringuntur inhiare, dum vident minus ſufficienter provideri proprijs neceſſitatibus ex bonis communibus Monafterii. In quorum confirmationem faciunt, quæ habentur in Conſtitutionibus Auguſtiniſanorum cap. 40. his verbis: *Ex particulari vita Fratrum Conventus confunditur, & Fratres rapere, & furari coguntur, & ad communem utilitatem, in qua Ordinis ſtatus, & ſalus animarum & pax, & tranquillitas corporum conſiſtit, redduntur tepidi, & ad murmuracionem, & detractionem, a quibus conſuſio Ordinis, & perditio animarum dependet, ſunt omni hora parati, & prompti.*

Utinam ergo Moniales, alique Religioſi bene agnoſcerent, quanta ſit felicitas nihil habere, & omnia poſſidere juxta illud Apoſtoli 1. Cor. 6. *Nihil habentes, & omnia poſſidentes.* Utinam intelligerent, quam bonum, & jucundum ſit habitare in unum, vivere de communi menſa, indui ex eodem veſtiario, omnem temporalium rerum ſollicitudinem abjeciſſe, prout Chriſtus ipſe adhortatur: *Matth. 6. Nolite ſolliciti eſſe dicentes, quid manducabimus, aut quid bibemus, aut quo operiemur? ſcit enim Pater veſter, quia hiſ omnibus indigetis: utinam a ſe omnino ablegarent meum, ac tuum, frigidum illud verbum, & quidquid eſt malorum in vitam noſtram invectens, innumeraque gignens bella, ſicut loquitur Jo. Chryſoſtom. Oration. de S. Philogonoſ utinam ſæpius excogitarent, quantum ſit bonum, eſſe omnino liberum a moleſtia comparandi neceſſaria ad vitæ præſentis ſuſtentationem, ſequæ totum committere divinæ providentiæ.*

Difficultas eſt, an Moniales adſtringi poſſint ad amplectendam vitam communem: caſu quo Tralati velint de novo illam inducere.

8. *Reſpond.* Videri poſſe: & colligitur ex Sanchez l. 7. mor. cap. 19. num. 27. aſſerente cum S. Antonino, ac Sylveſtro, quod ſicut Prælatus Regularium non eſt in bono ſtatu, ſi in quantum poteſt abſque gravi ſcandalo, non nititur Religioſos in communi vivere, ac ſuperſtuos uſus vitare; ſic nec ſunt in bono ſtatu ſubditi reſiſtentes, non quod nequeant ſufficienter vivere; ſed quod velint abandare, & liberius diſponere: hoc enim adverſatur voto Paupertatis. Quæ aſſertio confirmari poteſt ex doctrina, quam tradunt plures DD. apud eundem Sanchez ſupr. l. 6. cap. 2. num. 26. nullam ſcilicet conſuetudinem valere contra regulam, prout includit tria vota ſubſtantialia Religionis; ideoque, ſi ea reformetur per legitimam poteſtatem, teneri eam ſervare etiam Religioſos antea profeſſos: quæ utique procedunt in præſenti caſu de Monialibus; ſicque cogi poterunt amplecti vitam communem, ſi alijs communibus bonis ſuppeditetur decens ſuſtentatio.

Unde quis bene inferat, quod ſi major pars Monialium alicujus Conventus ultro ſe offerat ad amplectendam vitam communem alias valde relaxatam, reliquæ Moniales etiam invitæ a proprio Prælato ad hoc idem poſſunt adſtringi, ſi ex bonis communibus Conventus neceſſaria ſuſtentatio Monialibus vere poſſit ſuppeditari. Colligitur clare ex Sanchez lib. 7. mor. cap. 22. n. 15. dicente cum Navarra. Rodriq. & Leſſio eſſe contra Paupertatis votum, ſi Religioſus Superiorem, volenti concedum ſibi peculium revocare, reſiſtat, aut paratus non ſit a ſe ad ejus nutum abdicare: cum tunc ſit proprietas, quando, renuente Superiore, Religioſus vult aliquid retinere: etſi ſubdat, bene hoc limitandum, modo aliunde Religioſo ſatis provideatur: iis enim Superiore jubente, non tenetur dimittere, niſi conſlet alia ratione ex communi penu ei proſpectum fore: ita Sanchez addens, quod ſi a Superiore legitimo alia

certa ratio instituitur, per quam juxta formam vitæ communis necessitatibus Religiosorum satis consulatur, non esset eis integrum huic reformationi resistere, etsi priorem vivendi formam in ingressu invenissent: probat *n. 14.* ex eo, quod si Superior ex abrupto præciperet hanc reformationem, antequam institueret officia, & instrumenta vitæ communi necessaria, non opportune præciperet, & posset Religiosus appellare, adjecta causa excessus modi debiti reformationis. Quæ omnia præsentem probant illationem, si addidero, quod sicut Prælatus Monialium posset modo supradicto cogere omnes Moniales, præsertim præfati Conventus ad amplectendam vitam communem, quantum vis repugnantes (ut probat *Sanchez cit. n. 14.*) a fortiori, concurrente majori parte illarum in vitam communem, poterit ad id adstringere reliquas Moniales, quæ in hoc sunt renitentes; cum æquum sit, ut minor pars majori se accomodet, maxime in re adeo justa, ac rationabili.

Quæres 5. *An Moniales de licentia suorum Superiorum possint retinere aliquid ad usum irrevocabilem.*

9. *Rsp.* Non posse, & quidem neque de licentia ipsiusmet Papæ, nisi is intendat, Monialem per talem concessionem absolvere a voto Paupertatis: ita *Sanchez lib. 7. mor. cap. 17. n. 28. ex Silv.; Navarr.; Rosell., & aliis*, patetque ex eo, quod talis usus esset proprietarius, & consequenter omnino contrarius voto Paupertatis, in quo solus Papa potest dispensare; & certe quod talis usus esset proprietarius, constat ex ipsa natura voti Paupertatis Religiosæ, quæ jure communi reddit voventem inhabilem ad acquirendum cuiuscumque rei dominium, illudque transferendum in alium; ut bene notavit *Sanchez l. 5. mor. cap. 1. n. 9.*, & tradunt communiter DD.

At difficultas est, an Superior possit pro libito auferre Moniali id, quod ei concessit promittens, se non revocaturum.

10. *Rsp.* Non posse licite auferre, quævis ablatio foret valida; & ratio est, quod, cum Prælatus obligetur Religioso

subdito naturaliter ex sua promissione: in præfati casu tenetur servare promissionem factam Moniali, & si non servet, rem concessam auferendo sine justa causa, peccat tanquam fidei datæ reus, poteritque Monialis reclamare coram alio Superiore, allegando revocationem injuste factam, ita *Navarr. l. 3. cons. de Regul. cons. 20. n. 13., & cum eo Sanchez l. 7. moral. cap. 17. n. 31. & 33. addens n. 34.* non esse universaliter verum, quod ait *Surdus de aliment. tit. 8. privil. 79. n. 5.* Superiorem scilicet regularem posse pro libito auferre Monacho, quod semel illi permissum; id enim dicit *Sanchez* solum esse verum, quando nulla intercessit promissio non revocanda, sed mera licentia concessio; aut certe quando aliunde consideretur necessitati Religiosi juxta moderationem statui Religiosi debitum.

11. Ex hoc ego puto esse verum, etiam respectu Prælati successoris, istum velle non posse absque justa causa revocare rem concessam a suo Prædecessore; & ratio est, quod Prælatus successor tenetur stare contractibus Prædecessoris, & quidem illo eodem genere obligationis, quo tenetur Prædecessor: unde, cum in præfati casu Prædecessor teneatur stare promissioni solum ex fidelitate, sic & successor solum ex fidelitate tenebitur; & sicut Prædecessor valide potuisset revocare, quamvis illicite, sic & successor valide revocabit, sed illicite: valide inquam, eo quod Religiosus non habeat, neque velle, neque nolle, sicque ei nullum jus competat.

Notat autem *Thomas a Jesu part. 3. de statu Monach. cap. 6. n. 3.* quod licet in rigore non sit contra Paupertatis votum accipere ab extraneis librum, aut aliam fupellestem, ea conditione, ut nullus alius ex Religiosis Monasterii iis utatur; hic tamen abusus non debet permitti in Religionibus reformatis, & consequenter neque inter Moniales, utpote maxime præjudicialis vitæ communi, & maximam præbens ansam peccati.

Quæres 6. *An Moniales, stante voto solemnī Paupertatis religioso, quod emittunt, possint de novo acquirere bona temporalia.*

poralis tam licite, quam valide; & quo modo.

12. *Resp.* Possē, & licite, & valide, si acquirant de Superioris licentia saltem tacita ac interpretativa (quamquam non acquirant sibi, sed Monasterio juxta illud: *Quidquid acquirit Monachus, acquirit Monasterio*) secus si sine licentia: tunc enim acquirunt illicite, sed valide: est communis Doctorum, & patet ex iis, quæ habet *Suarez* to. 3. de relig. l. 8. c. 11.

Quæres 7. An Monialis Novitia in renunciatione bonorum fieri solita ante Religiosam professionem, relinquens bona Monasterio possit illud obligare ad sibi solvendam certam pensionem annuam.

13. *Resp.* Possē, & quidem ita, ut Monasterium teneatur ex justitia eiolvere dictam pensionem: ita *Peyrin.* de R. S. q. 2. cap. 2. §. 1. ex *Ledesma* de statu relig. in commun. cap. 4. d. 14. & cum illis *Tambur.* supra qu. 8. patetque tum quia Monialis præfata in acta renunciandi est domina suorum bonorum, adeoque potest de iis libere disponere, ea relinquendo, cui maluerit, sive absolute, sive cum onore aliquo annexo: constat autem, quod hæres tenetur ex justitia implere onera sibi juncta: tum quia, si Monialis in casu proposito obligasset Monasterium ad pensionem illam solvendam alicui extraneo, Monasterium utique ex justitia tenebiturolvere. Ergo & ex justitia tenebiturolvere ipsimet Moniali: cum in utroque casu par ratio procedat. Verum tamen est, quod Monialis dicta pensione non potest independentem a consensu Superioris uti, sicut dictum est, & bene notavit *Peyrin.* ubi supra.

Quæres 8. An Monialis, attento voto Paupertatis, possit acceptare legatum ex conditione ipsi relictum, ut casu, quo Superior Monialis renuat illam frui dicto legato, hoc ipso legatum transferatur ad alium, & amittatur a Monasterio, idque in pœnam.

14. *Resp.* Possē, dummodo id faciat de licentia Superioris: ita *Molina* to. 1. d. 140. *Tamburin.* supra qu. 5. *Sanchez* supra cap. 17. n. 16., alique contra alios relatos a *Sanchez* n. 15., sustinentes tale legatum per-

tinere ad Monasterium, rejecta illa conditione tanquam turpi: & patet, quia talis conditio admitti potest tanquam licita, utpote adjuncta actui licito, qualis est quod Superior consentiat, Monialem frui commoditate legati, relicto ejus dominio penes Monasterium, sicque non apparet, cur dicta conditio debeat rejici tanquam turpis. Immo *Sanchez* n. 21. existimat probabilius esse, præfatum legatum non amitti in casu quo Superior Moniali auferat fructus perceptos, non autem contradicat ei respectu fructuum deinceps acquirendorum: cum enim hæ conditiones sint odiosæ, utpote tendentes ad perfectam Religiosæ Paupertatis diminutionem, ac restringendam Prælatorum facultatem in res possessas a Religiosis subditis, non debent ampliari, sed restringi; sicque conditio illa appositæ debet intelligi de fructibus in posterum percipiendis, non item de jam perceptis. Excipe, nisi forte Superior in fraudem voluntatis testatoris velit permittere Moniali acquisitionem, ut semper, & statim ac res acquisita est, eam illi auferat: tunc quippe per indirectum contraveniret voluntati testatoris, sicque amitteretur legatum, secus si semel, aut iterum id fieret.

Quæres 9. An Monialis, non obstante voto solemnî Paupertatis, possit succedere ab intestato in aliquam hereditatem, aut eam recipere aliquod legatum ipsi ex testamento relictum, & quo modo.

15. *Resp.* Possē, si Ordo illius sit capax hereditatis, aut legati, ea tamen lege, ac conditione, ut hereditas, & legatum acquirantur Monasterio juxta regulam generalem desumptam ex l. placet ff. de acquirend. hered.: quidquid acquirit Monachus, acquirit Monasterio. ita *Sanchez* supra cap. 25. n. 1., & cap. 26. n. 3. alique penes ipsum, & patet ex l. fin. §. hoc etiam c. de Episcopis, & Clericis.

16. Hoc unum moneo ex *Sanchez* supra n. 3. legatum annuum relictum Moniali pro se, & pro una famula, deberi Monasterio quoad partem Monialis, non item quoad partem famulæ; siquidem Monasterium non permittat famulas, quamquam, si adit usus concedendi singulis quinque bloma-

Monialibus unam famulam; tunc ex eo legato deberetur pro famula pars stipendii respondens huic Monialicum Sanchez sentit *Rodrig. tom. 3. qu. 16. art. 5.* addens, non esse improbable debere Monasterio aliquid ex præfato legato pro famulis toti Monasterio inservientibus, necessariis ad onera Monialium sublevanda: at hoc non admittit Sanchez, eo quod legans in casu proposito non intendat providere famulis Monasterii communibus, sed præcise hujus Monialis in particulari.

Quæres 10. *An Moniales vi voti Paupertatis prohibeantur retinere bona superflua, etiam de licentia proprii Superioris.*

17. Resp. Quod cum juxta dicta *qu. 2.* peculium concessum Moniali regulariter debeat esse moderatum *Concil. Tridentin. sess. 25. cap. 2. de Regul.* interdicente mobilia superflua concedi Regularibus, nedum peculium rei stabilis superfluum; consequenter dicendum est, Moniales de licentia proprii Superioris non posse retinere superflua bona, scilicet ipsis minime necessaria, habita ratione Religionis, Monasterii status, muneris, nobilitatis, gradus, & aliarum similium circumstantiarum hic, & nunc non concurrentium in dictis Monialibus; sicut bene adnotavit Sanchez *supr. cap. 22. n. 17.* assignans *n. 18.* aliquos modos, quibus excusari possint Religiosi retinentes superflua, & monens, quod si dicti Religiosi sint in bona fide, nec de hoc rogent Confessarium, nec speretur fore, ut admonitio profit, potest Confessarius tacere, ac ipsos absolvere, dummodo dicta bona non expendant sine licentia, aut in malos usus.

Quæres 11. *An Monialis habens ex legitima Superioris licentia peculium expendendum in quovis usus, implicare illud possit etiam in usus inutilibus, immo, & illicitis, ac malis.*

18. Resp. Non posse, & si taliter expendat, teneri ad restitutionem: colligitur ex Sanchez *supr. cap. 19. n. 81. Clavi Regia l. 11. c. 12. n. 16.* aliisque relatis a *Peyrino de R. S. qu. 2. cap. 2. §. 7.*, & patet, quia S. periculis regularis est administrator bonorum Religionis, non autem dominus, sic-

que ea non potest distribuere, nisi in usus honestos, & conformes Religionis.

Oppositum tamen admittit *Jo. de Lu-go d. 3. de just. n. 142.*; non esse improbabile nimirum, quod quando Prælati dat subito plenam, & liberam facultatem expendendi aliquid pro suo arbitrio, non censetur limitasse suam intencionem solum ad usus honestos, ac pios, sed potius abstinuisse, quantum erat ex parte sua, totum impedimentum, ut usus ille non esset contra votum Paupertatis, ob defectum licentiz; ideoque recipientem ab illo non teneri quidquam restituere, citat pro se Bannem, Lopes, Rebellum, Salas, Sayrum, & Dianam; probatque, quia in aliis materiis licentia generaliter concessa non intelligitur limitari ad solos usus aliunde non turpes, nec illicitos sed in iis etiam tollit malitiam, quam possit habere ex defectu talis licentiz, remanente in iis turpitudine ex alio titulo: idem ergo dicendum est in casu nostro.

Quæres 12. *An Moniales ex bonis ipsarum usus permixtis possint facere elemosynas, & donationes, & quas.*

19. Resp. Posse; dummodo sint moderatæ, & sicut ex licentia superioris saltem tacita, quæ maxime potest colligi ex usu uniuscujusque Monasterii: siquidem, quod vallem sit a Religiosis subditis etiam timoratis, scientibus, & consentientibus Prælati censetur fieri de ipsorum licentia saltem tacita, seu interpretativa, si possint commodè impedire; ita *Tambur. supr. d. 9. qu. 3. n. 13.*, aliique penes ipsum; inter quos *Diana p. 1. tr. 6. c. 19.* ex Bejja, Cenedo, & Valero putat hanc responsionem maxime habere locum in casu, quo Monialis, seu alius Religiosus parcius vivendo sibi non pauca subtrahant, alias ipsorum usus concessa a Prælati, animo ea elargiendi sive pauperibus, sive amicis, aut consanguineis: & ratio est, quod sic nullum dampnum inferitur Monasterio, com potius id cedat in præjudicium ipsiusmet religiosi largientis, sibi subtrahentis ea, quæ alias licite, ac decenter posset usurpare.

An autem Monialis sine licentia Superioris

vioris elargiri possit suam rationem, seu pietantiam absque violatione voti Paupertatis.

20. Respondet Diana supra resol. 28. ex Sylv. Arag. S. Anton. Turretrem., & aliis posse; & probat, quia in rebus, quæ unico actu consumuntur, non potest fecerint usus a dominio; sicque cui confertur unum, consequenter confertur & aliud; ut colligitur ex Extravag. Jo. 22. ad conditorem §. quod autem de verbor. signif. Contrarium sustinent alii cum Salonio 22. to. 1. qu. 61. tract. de dominio qu. 1. art. 2. concl. 1. coroll. 3., afferentes nullum Religiosum posse ex iis, quæ ipsi conceduntur ad suos usus, aliquid erogare absque particulari licentia proprii Superioris, idque etsi parciissime vivat ad talem effectum; ut scilicet sibi subtrahat ea, quæ aliis donare intendit: cujus rei illam afferunt rationem, quod Religiosus non potest esse dominus alicujus rei; immo nec usufructuarius, sed solum usufructus; usufructus tamen solum habet usum rei pro se, nec potest eum cedere alteri, cum hoc sit proprium domini, & usufructuarii. Et hanc sententiam posteriorem puto in praxi sequendam esse, nisi in proprio Monasterio extet consuetudo in contrarium, eaque a Superioribus scientibus, & volentibus tolerata, sicque probabiliter præsumi possit adesse tacita ipsorum licentia; in quo casu constat, opinionem Dianæ esse probabilem, & tutam in conscientia, quem proinde existimo non dissentire a nobis; cum in fine resolutionis citatæ dicat: *Limitatur, nisi Prælatus ex causa rationabili ad vitandum excessum, & abusum Religiosorum, vel propter paupertatem Monasterii circa tales largitiones, præceptum, vel censuras in contrarium imposuisset.*

Quæres 23. *An Moniales, quæ sunt Cellerariae, seu Syndicae Monasterii, possint ex bonis communibus Monasterii facere aliquas elemosinas pauperibus, aut etiam aliquæ elargiri amicis, ac benefactoribus ipsius Monasterii sine licentia Superiorum.*

21. Resp. Non posse nisi juxta ipsorum commissionem, aut saltem juxta tacitam illorum licentiam hic, & nunc probabiliter præsumptam: ita in terminis

Tambur. sup. n. 16. ex S. Thom. 2. 2. qu. 32. art. 8., aliisque Doctoribus, addens n. 13., Secus dicendum de Superioribus Monasteriorum, qui cum habeant legitimam administrationem bonorum sui Monasterii, & conveniens administratio non solum permittat, sed exigat dictas elargitiones; utique & possunt & debent facere tales elargitiones, moderatas tamen juxta vires facultatum Monasterii.

Quæres 14. *An Moniales, quarum interest distributio bonorum Monasterii ex officio, possint ex illis largius distribuere amicis Monialibus, quam aliis, animo iis gratificandi, & quidem propria auctoritate.*

22. Resp. Non posse, & patet ex Suarez to. 3. de relig. lib. 8. cap. 15. n. 9. 10. si hic advertero dictas Moniales Monasterii Officiales non posse ex bonis Monasterii sibi metipsis aliquid amplius assumere, eam possint dare aliis, aut certe probabiliter sibi persuadere possint libenter permitti a Superiore; & ratio est, quod præfatæ Moniales sunt meræ administratrices bonorum Monasterii: administrator autem non debet administrare bona commissæ, nisi juxta rationabilem voluntatem Domini qui in casu nostro est Superior Monasterii, & ipsum Monasterium.

Quæres 15. *An, & quomodo possint Moniales in morte disponere de propriis bonis, ea relinquendo huic, aut illi.*

23. Resp. Quod, cum Religiosus non habeat nisi merum usum illorum bonorum, quæ ipsius usibus permittuntur, & usus finiat in usufructu: consequenter non potest Monialis disponere de bonis ipsi concessis ante mortem; nisi forte rogando Superiorem, ut velit ratam habere dispositionem illam, eamque postea exequi in quo casu Superior teneretur naturaliter, & in foro conscientie servare promissionem, ut recte notavit Sanchez l. b. 7. moral. cap. 8. n. 18. excipiens tamen casum, in quo promissio distribuendi esset circa alterum Religiosum sibi etiam subditum: sicut enim tunc Superiorem datam posset illi auferre, ita & posset non dare; quod est bene notandum.

Huc

Huc facit, quod Sacra Congregat. 16. Jan. 1604., & 10. April. 1615. declaravit, facultatem disponendi de propriis cellis post mortem nulli Monialium concedendam, sed eas dum vacaverint, arbitrio Superiorum aliis Monialibus in Ordine senioribus distribuendas: ita *Barbosa l. 1. jur. Ecclesiastic. cap. 44. n. 59.*

Quæres 16. An Monialis possit testari, si forte tempore professionis aliqua bona sibi reservavit cum potestate testandi de illis.

24. *Resp.* Non posse, neque ex permissione proprii Superioris, ita *Sanchez n. 19.*, dicens, quod licet Religiosus ex Abbatis permissione revocabili possit sibi servare aliquam quantitatem ad suos usus, vel ut de ea tempore vitæ disponat: at nequit, ut de ea testetur, quia disponere in vita potest ex Abbatis licentia, non item testari; quod est contra *Gasconem Authent. ingressi num. 37. C. de sacros. Eccl.*, fulminent, Monachum sibi reservantem tempore professionis aliqua bona cum potestate testandi de illis, non posse id facere, nisi ex permissione Abbatis revocabili, quandocumque velit. Ratio præsentis responsionis est, quod testamentum est jus, & facultas, qua Testator explicat suam voluntatem post obitum suum exequendam; quod interdixit Jus Ecclesiasticum, tanquam sapiens naturam dominii; at non interdixit donationes modicas in vita ex Superioris licentia; id enim posse fieri, est valde necessarium convictui humano.

Majus dubium est, An Monialis possit testari ex licentia sui Superioris de rebus, qua nec sunt Monasterii, nec ipsius Monialis, si accedat consensus illorum, quorum sunt propria.

25. *Resp.* Quod, quamvis prima facie in isto casu solum exerceri videatur munus procuratoris, aut executoris alienæ voluntatis, quod fieri potest a Religioso ex licentia Superioris; revera tamen dicendum est, neque in hoc eventu Monialem, aut quemcumque alium Religiosum posse testari: patet, tum quia exequi, & procurare innituntur personæ alterius,

ejusque nomine sunt: at in præsentis casu testamentum fieret proprio nomine, & esset proprium personæ testantis, perinde, ac si secularis proprium conficeret testamentum disponens de aliqua re aliena ex consensu domini; tum quia aliqui Religiosus, consentiente Prælato, posset testari de rebus Monasterii ad opera pia, sicut posset Prælatus illas impendere aut dare facultatem impendenti inter viros: ita *Navarr. Comm. 2. de Regul. n. 57.*, & cum eo *Sanchez sup. n. 6.*, addens, quod licet hujusmodi testamentum non valeret, tamen posset, consensum præstans, cogi ad implenda relicta in tali testamento, non quidem, ut debita, ex ultima voluntate Monachi, quæ fuit inefficax, sed ex quadam executione mandati concedentis præstatam facultatem testandi ei, qui aliis est incapax. Concedit præterea *Sanchez n. 8.* ex *Paciano*, posse aliquid reliqui Monacho cum facultate disponendi de eo inter consanguineos tempore mortis, non per modum testamenti alicujus solemnis, sed per electionem personarum, ad quas pertinere debeat, quod ita relicti fuerit.

Quæres 17. An Monialis possit revocare, aut saltem declarare testamentum a se factum ante Religiosam professionem.

26. *Resp.* Non posse revocare, cum eadem potestas exigatur in dissolvendo actu, quæ in eo constituendo; ideoque testamentum solum possit revocari ab eo, qui potest illud condere: posse tamen illud declarare, si ob obscuritatem egeat interpretatione voluntatis illius; cum declarans nihil de novo faciat, sed jam factum aperiat: ita *Sanchez sup. cap. 11. n. 15.*, & 16. aliique penes ipsum: qui addit n. 20. non valere potestatem revocandi testamentum a Religioso sibi reservatam ante professionem.

Quæres 18. An, & quomodo Monialis absque violatione voti Paupertatis possint facere amico, aut consanguineo insignem aliquam vulgo recamaturam, aut aliud opus artificiosum, magno pretio aestimabile.

27. *Resp.* Posse, si id faciat de licentia Superioris, & amicus, aut consanguineus,

neus, pro quibus Monialis elaboratura est, subministrat materiam, & alia necessaria ad conficiendum tale opus: secus, si id faciat absque licentia Superioris, aut opus artificiosum conficiat expensis Monasterii; tunc enim neque sine licentia Superioris potest illud opus fieri, neque cum licentia, si expensæ illæ sint adeo excedentes, ut Superioris potestas non extendatur ad illarum permissionem: ita *Tambur. sup. d.9. qu.3. ex Bonacin. & Scortia*, quos cum Valero refert, & sequitur *Diana part.1. tract.6. resol.6.* patetque ex eo, quod in priori casu non agitur de alienanda re, quæ jam sit Monasterii, sed tantum de non acquirendo, & quidem de consensu Prælati, qui utique licite potest ab eo præstari, si iusta interveniat causa, ut tradunt communiter Doctores apud *Sanchez lib.6. de Matr. d.4. n.13. & 14;* in posteriori vero casu agitur de alienanda re, quæ est Monasterii, utpote facta expensis illius; adeoque non potest alienari sine licentia Prælati. Nec dissentit *Jo. de Lugo d.3. de iust. num. 149.* inde probans priorem partem huius responsionis, quod Religiosus sine præiudicio Paupertatis potest alteri inservire, eique gratis operam suam præstare: sicque tu poteris uti opera Monialis ad faciendam recamaturam, quæ consequenter non acquireretur Moniali, sed tibi, cui Monialis quasi operarius gratuitus laborat.

28. Et hæc responsio procedit, siue Monialis, de qua agitur hic, degat in Monasterio, in quo vigeat præceptum, aut consuetudo, ut Moniales operas suas, & lucra inde percepta conferant in bonum commune Conventus; cum sic Monasterio indebite subtrahatur lucrum ipsi competens modo dicto: siue degat in Monasterio concedente Monialibus, ut pro se laborent, & sibi metipsis lucentur; sic enim adhuc Monialis in casu proposito faciens amico recamaturam sine licentia, subtrahit Monasterio operam suam, quæ est pretio æstimabilis, & per professionem una cum persona Monialis translata est in jus Monasterii, ipsiunque defraudat lucro aliàs debito illi recamaturæ, quod utique

ad ipsum spectat iuxta vulgarem regulam: *Quidquid acquirit Monachus, acquirit Monasterio.*

Quæres 19. An Monialis peccet contra votum Paupertatis, si res acquisitas cum legitima Superioris licentia postea occultet, siue eidem Superiori, siue alteri v.g. Prælato Canonice visitanti Monasterium.

29. Resp. Peccare, si occultet, eo quod timeat illas, aut illarum aliquam sibi auferri, si inveniantur a Prælato; sic quippe vult contra Superioris voluntatem res illas possidere; & arguit animum proprietarium, quatenus sic res dictas occultando impedit, ne auferantur, cum tamen aliàs debeat esse parata eas a se abdicare, quandocumque Superior maluerit: quam animi præparationem sine dubio habere non potest, dum illas modo dicto occultat, ac celat. Secus si res præfatas occultet, non quia credat fore, ut ex auferantur a Superiore, si ab eo reperiantur, sed solum ne patiatur confusionem, ac vercundiam, Superiore eas reperto, aut etiam ab illo non reprehendatur; interim parata res illas tradere Superiori, si forte eas petat; nam sic non retinet quidquam, invito Superiore saltem quoad substantiam, & solum intendit evitare confusionem illam, seu reprehensionem, quam timet inde sibi eventuram: ita *Sanchez 7. moral. cap. 19. n.60. & 61.*, plurimis aliis relatis, quos citat, & sequitur etiam *Tambur. sup. qu.3. num.6.* patetque abunde ex dictis.

Addo ex *Jo. de Lugo sup. num. 156.*; non peccare contra votum Paupertatis Monialem, quæ habens rem aliquam de licentia proprii Prælati, illam occultat, ne videatur ab Abbatisa, sicque ipsa curet illam ei auferri per dictum Prælatum; & ratio est, quod Abbatisa in tali casu se habet, sicut Monialis privata, quæ non potest revocare facultatem Prælati ac proinde sicut Monialis potest rem illam occultare Monialibus inferioribus, ne insilient apud Prælatum ut illam auferat; sic & eam potest occultare Abbatisæ ob dictum finem: si quidem Monialis rem illam habet independentem ab Abbatisa, & in ac-

ceptione, & in retentione, dependenter tamen a Prælato: sicque dici non potest eam continere independentem a consensu Prælati, dum illam ei non occultat, sed ipsum relinquit cum tota libertate ad auferendum: quod forte non eveniret (subdit Jo. de Lugo) si Prælatus inferior, aut Officialis ei subordinatus jussu Prælati superioris visitaret cubiculum &c. quod bene notandum.

Quæres 20. *An, & qualiter Monialis ex voto Paupertatis teneatur esse parata relinquere ad nutum Prælati, aut Abbatisse ea, quæ habet de ipsorum licentia.*

30. Resp. Teneri, & consequenter non posse resistere Superiori volenti ea auferre, si sint superflua, & alioqui sufficienter ejus necessitatibus aliunde provideatur: ita Lessius lib.2. cap.4. n. 31., & Rodriguez tom.3. qu.29. art.12. Navarr. l.3. de restitut. cap.1. p.3. n.160. & 162., Sanchez sup. cap.22. n.15., Tambur. sup. d.8. qu.2., aliique apud ipsum; & constat ex dictis qu. præced., si advertero ex Peyrin. de R. S. qu.2. cap.2. Religiosum non teneri se privare rebus aliis sibi legitime concessis, si Superior eas velit auferre, ut sibi retineat: vel certe illi soli auferat, non aliis Religiosis ejusdem Monasterii, & quidem sine justa causa peculiariter tangente Religiosum, cui res illæ auferuntur: quæ doctrina, etsi speculative videri possit in aliquo casu probabilis, eo quod Superior non censeatur auferre, ut Superior; præticè tamen raro continget eam posse sustineri, cum subditus possit dubitare ignotam sibi esse causam, ob quam Prælatus illas res auferat, & in dubio præsumendum sit pro Superiore.

Quod si quis querat, an Monialis teneatur a se abdicare res suas, si Ordinarius loci attentet illas auferre.

31. Resp. Teneri, si ejus Monasterium sit immediate subiectum Ordinario; secus, si Monasterium sit exemptum; & ratio est, quod Religiosus vi voti Paupertatis tenetur solum esse paratus relinquere res suas ad voluntatem proprii Superioris, ut constat ex dictis; in priori autem casu respectu Monialis Ordinarius

est Superior; non item in posteriori: ergo.

Quæres 21. *An Monialis absque transgressione voti Paupertatis possit parentibus, aut aliis, inscio, ac invito Superiore, remittere ex causa portionem annuorum reddituum, sibi debitam ex pacto iustitia.*

32. Resp. Non posse: & probatur; tum quia talis remissio est species alienationis, omnis autem alienatio interdicta est Religiosis per votum Paupertatis: tum quia præfati redditus sunt Monasterii, juxta illud: *Quid quid acquirit Monachus, acquirit Monasterio*: & remissio illa est quædam donatio: constat autem Religiosum non posse sine licentia donare de bonis Monasterii, quantumvis ipsius usui concessis, ut constat ex infra dicendis.

Quæ doctrina procederet etiam in casu quo Monialis remitteret alii Moniali ejusdem Conventus suam aliquam pecuniam ei mutuam; & ratio est, quod, quamvis facta tali remissione dominium pecuniarum remissæ maneat apud Monasterium, Monialis tamen sic remittens sibi usurpat usum illius independentem a Superiore; ideoque exercet actum dominii repugnantem voto Paupertatis, si remissionem illam faciat sine Superioris licentia, sin minus expressa saltem tacita, seu rationabiliter præsumpta.

Puto tamen non esse improbabile, quod Monialis ex pretio convento sui corporis usuram faciens, post factum sine violatione Paupertatis, possit propria auctoritate remittere dictum pretium: cum teste Diana p.2. tradi. 16. resol.40. v. his tamen: probabile sit pretium fornicationis non deberi femini, etsi promissum fuerit: unde, si Moniali in præfati casu non debetur pretium fornicationis, poterit ipsa illud remittere, quasi declaratione, stante præfata probabilitate: cum sic pretium non acquisitum sit Monasterio hoc ipso, quod non est debitum.

Quæres 22. *An delinquant contra votum Paupertatis Moniales si absque licentia pecuniam sibi oblatam curent dari alii tertio.*

33. Resp. Delinquere, si expresse, aut

aut tacite acceptent oblatam pecuniam, & postea curent eam dari illi tertio; secus, si nullo modo illam acceptent, & ratio est, quod in priori casu, posita acceptatione Monialis vere dicitur donare mittendo donum per eum, qui dedit pecuniam, sique censetur donare pecuniam Conventus: quippe quæ hoc ipso quod fuit acceptata a Moniali, transit in jus ipsius Conventus: in posteriori autem casu, cum nulla sit Monialis acceptatio, nihil ipsa donat, sed solum intercedit ut alius donet; quæ intercessio utique non adversatur voto Paupertatis, quamvis esse possit contra regulam, aut obedientiam intercessionem prohibentes: ita *Suarez tom. 3. de Relig. l. 8. cap. 11. n. 45. Sanchez sup. cap. 19. num. 74. alique plurimi apud Dianam p. 1. tract. 6. resol. 8. contra Sorbum in comp. privil. in expos. Bulla Clement. VIII. de Largit. Mun. oppositum sustinentem.*

Quæres 23. An Monialis habens facultatem expendendi summam aliquam notabilem in usu aliquo licito determinato, illam possit expendere in alio usu licito, & quidem infio Superiore.

34. *Resp.* Non posse absque expressa, aut saltem præsumpta Superioris licentia; ita *Tambur. sup. d. 9. qu. 3. n. 19. ex Peyrin. sup.*, & ante illos *Sanchez num. 68. cum Mendosa*; patetque, quia hoc ipso quod licentia obtenta non extenditur, neque præsumptiva ad illum usum, perinde est, ac si summa illa expenderetur sine licentia: quod utique esset contra votum Paupertatis. Idque puto esse verum etsi dicta summa expendatur in usum longe meliorem (dummodo non adsit licentia Superioris, saltem præsumptiva, ut dixi) & hoc ob doctrinam, quam in re non dissimili tradit *Sanchez lib. 4. Moral. cap. 40. n. 4.* homini scilicet non semper satisfieri solvendo rem meliorem ea, quæ debetur, utpote respicienti suam pecuniariam utilitatem, & interdum etiam voluntatem; cum Deus semper malit, quod aperte est melius: ut patet in voto: sicque potest contingere Superiorem dantem licentiam distrahendi aliquam pecu-

niam in usu licito, simpliciter nolle eam expendi in alio usu, licet longe meliori.

35. *Sine licentia non acquirunt Moniales rem pretio estimabilem.*
36. *Qualis licentia ad hoc requiratur.*
37. *Non sunt proprietarie, si absque licentia recipiunt non sibi, sed Conventui.*
38. *Libere recipiunt ab extraneis alias danda a Conventu.*
39. *Necessaria item sibi recipiunt ex bonis communibus; si injuste negantur.*
40. *Comestibilia ex bonis Conventus interdum usurpant sine mortali, sicut, & alia, quæ usu non consumuntur, sed non semper; item ex communibus bonis surripiunt, ut compensent.*
41. *Qualiter peccent usurpando sibi ex loco communi aliquid ad proprium usum.*
42. *Sine licentia non recipiunt ad usum rem, ejus dominio penes dantem relicto.*
43. *Curant deponi pecunias apud tertium, ut iis postea utantur de consensu Superioris.*
44. *Petunt aliqua ab alio, animo tamen ea non acceptandi sine dicto consensu.*
45. *Accipiunt interdum sine licentia Superioris immediati aliqua, animo non utendi iis sine licentia Prælati mediati, & quidem brevi obtinenda.*
46. *Accipiunt sub conditione, si Superior det licentiam.*
47. *Peccant interdum, si minima paulatim accipientes indebite deveniant ad quantitatem notabilem.*
48. *Sine licentia non distrabunt bona Conventus, aut data ad usum proprium.*
49. *Licentia distrahendi data a priori Abbatissa juvat, etsi præsens Abbatissa illam nullo modo concederet.*
50. *Idque etsi Monialis habens talem licentiam statuisset ea non uti.*
51. *Moniales nequeunt sibi invicem commodare, aut mutare sibi concessa.*

52. Item nequeunt recipere ab extraneis mutuum, aut commodatum.
53. Non permutat concessa ad suum usum sine licentia, saltem præsumpta.
54. Non peccant contra Paupertatem, si absque causa recusent oblata.
55. Sine licentia recipiunt pecuniam distribuendam pauperibus per ipsas eligendis.
56. Non peccant contra Paupertatem recipiendo in depositum. alienam pecuniam.
57. Licentia dandi extenditur ad accipiendum; Immo & ad vendendum; non tamen semper concessa ad dandam rem aliquam, aut uni, extenditur ad aliam rem dandam &c.
58. Deputata, ad aliquod officium eo ipso ab amicis recipere possunt pecuniam necessariam.
59. A pluribus Superioribus petunt facultatem recipiendo, ut sic colligant maiorem summam.
60. Unde colligenda violatio Paupertatis & ejus gravitas.
61. Violantes votum Paupertatis non incurrunt penas ante sententiam.
62. Quæ licentia excuset a violatione voti Paupertatis.
63. Licentia tacita, quæ dicatur.
64. Sufficit ea, quæ dicitur præsumpta.
65. Unde colligatur licentia præsumpta.
66. Licentia debita, sed negata non semper excusat.
67. Abbatissa dat licentiam accipiendi, retinendi, ac distribuendi.
68. Cujus Superioris sit dare Monialibus præfatam licentiam.
69. Qualiter episcopa excuset a vitio proprietatis.
70. Si rem aliquam accipiant, aut distrahant ex episcopa, non semper id postea aperiunt Superiori.
71. Qualiter consuetudo excuset a vitio proprietatis.
72. Accepta a Monialibus indebite, per se loquendo, non possunt retineri.
73. Secus si a seculari data sunt ad illum finem, ut scilicet Monialis eas insumat in usu illicito: sic non resti-

tuit, qui refundit tantundem a Moniali, a qua indebite accepit.

74. Qualiter teneantur Moniales restituere si indebite distrahant bona Conventus.
75. Rem sine licentia acceptam interdum restitunt danti, sed non semper.

Quæres 24. An, & qualiter Moniales ex voto Paupertatis prohibeantur acquirere pecunias, & alia pretio æstimabilia.

35. Resp. Prohiberi, nisi id faciant ex legitima licentia proprii Superioris modo inferius explicandos. & probatur, tum ex cap. cum ad Monasterium de statu Monach.; ubi id tatis aperte insinuat, ut advertit Suar. to. 3. de Relig. l. 8. cap. 11. n. 1., tum quia contraclare bona temporalia proprio nomine, & auctoritate ad ea possidenda, ac retinenda de se est actus domini, ac proprietatis: tum quia vovens Paupertatem, sicut vovet non habere, sic & vovet non accipere aliquo modo, cum accipere ordinatur ad habendum. ergo maxime vovet non accipere aliquo modo, ac tali modo, id est sine licentia. Quod si quæras, qualis licentia ad talem effectum requiratur.

36. Resp. Requiritur licentiam expressam Superioris, si Monialis procedere velit optime, ac sincere (id quippe petit religiosa regula, & conveniens ac ordinatus modus procedendi) & alias licentia commode peti possit; si vero commode peti nequeat, sufficere licentiam præsumptam, seu interpretativam; ut si Superior absit, vel sit occupatus, & urgeat necessitas, aut moralis commoditas accipiendi, tunc enim si Monialis probabiliter credat Abbatissam daturam fuisse licentiam, si posset conveniri, sine culpa proprietatis accipi potest; quamquam, ut rectius procedatur, oporteat acceptionem fieri cum habitudine ad ordinatam retentionem, ac dispensationem, cum intentione scilicet non nisi illam rem Abbatissæ, quando occurrerit commoditas, ut sic eam expresse ratam habeat acceptionem, vel irriter, si voluerit, maxime cum eo modo sit necessaria expressa licentia ad retinendum, quo est ad reci-

pien-

piendum; ac proinde, si ea non præcessit acceptationem ob impedimentum, eo ablato, postea peti debeat saltem ob retentionem: intellige, si res accepta jam non sit usu consumpta; tunc enim cessaret necessitas petendi dictam licentiam, per se loquendo, & ratione paupertatis, cum ad rem omnino præteritam, & quæ in futurum non perdet, impertinens sit licentia, aut consensus Superioris, ut patet.

Quæres 25. An Moniales libere possint accipere saltem ad communes usus Monasterii, non autem ad proprium usum.

37. *Resp.* Suarez non posse, & si accipiant, peccare non solum contra obedientiam, sed etiam contra Paupertatem, utpote nomine proprio, ac propria auctoritate accipientes, si id faciant absque licentia, ut supponitur: quamvis si res statim tradatur communitati, eaque intentione accipiat, acceptio regulariter excusetur a culpa mortali, non tam ex parvitate materiæ, quam ex præsumpta voluntate Superioris, cui displicet quidem modus, non item ipsa acceptio quoad substantiam: quæ conjectura videtur moraliter sufficiens, quando aliquid in particulari non occurrit, quod vehementem conjecturam faciat in contrarium, aut nisi ex consuetudine aliud constet: ubi autem moraliter constaret, aut valde probabiliter præsumeretur non esse voluntatem Superioris, ut aliquid accipiat, etiam, ut tradatur Conventui, non apparet unde talis acceptio excusari possit a mortali: ita *Suarez n. 30. à cuius sententia non immerito recedit Sanchez lib. 7. mor. cap. 19. n. 15.* dicens, absolute religiosum, qui accipit sine licentia, non ut sibi appropriet, sed ut tradat Monasterio, non esse proprietarium; cum voto Paupertatis solum rogerit nil sibi acquirere, aut appropriare sine Prælati licentia, & in presenti casu nil sibi acquirat, sed solum Monasterio, ut supponitur.

Quæres 26. An Moniales sine licentia possint accipere ab extraneis ea, de quibus alias ipsi providendum esset ex bonis Monasterii.

38. *Resp.* Posse (saltem quod spectat

ad peccatum mortale proprietatis) modo rem acceptam non retineant cum majori proprietate, aut reservatione, quam similem tenerent, si a conventu illam accepissent: & ratio est, quod in tali casu perinde est rem acceptam ad suum usum tenere, ac eam deputare usui communi: eum communis usus talium rerum non aliter sit communitatis, nisi quatenus divisus est per singulas personas, ita ut apud nullum sit res similis tanquam propria, quippe quæ semper auferri potest a Superiore: præterquamquod Religiosi habent a Superiore licentiam tacitam, aut expressam, ut tali re in communi utantur; (v. gr. veste), ac proinde, quod illam generalem facultatem applicant ad hanc rem particularem proprio arbitrio, & sine Superioris voluntate, aut non est proprietas, cum semper servetur respectus ad aliquam voluntatem Superioris, & ad usum communem, aut certe est levis, ac insufficientis ad peccatum mortale, ita *Suarez sup. n. 28.* monens, secus dicendum in casu, quo sine licentia recipiatur res aliqua extraordinaria ad proprium usum peculiarem, ac extraordinarium, ut pretiosa imago &c.

Quæres 27. An Moniales sine licentia ex bonis communibus Monasterii capere possint sibi necessaria, si ea ipsi a Priorissa denegentur.

39. *Resp.* Posse, si ea injuste denegentur, cum sic facultas utendi bonis communibus Monasterii devolvatur ad Religiosum subditum; quippe, qui hoc ipso, quod præsentem habet Superiorem abutentem sua potestate, censetur esse quoad illud quasi sine Superiore; non item si ea iuste denegentur, eo quod conventus egestate laboret, ideoque vere non possit consulere omnibus necessitatibus Religiosorum: sic enim cessat ratio illata, cum in tali casu licentia non sit debita: ita *Sanchez sup. n. 54.*, aliisque citatis.

40. Addit *Suarez sup. n. 41* quod, quamvis usurpatio comestibilium, ac poculentorum facta ex bonis communibus Monasterii ad proprium usum actualem, (ut ita dicam), & transitorium, regulariter non sit peccatum mortale, nisi dam-

nificac-

nificatio Conventus esset nimia, ac in re extraordinaria, & pretiosiori: siquidem Religiosi quoad usum talium rerum tractantur, ut filii, & inter parentem, ac filium similis actio non reputatur gravis: si tamen præfatæ res in magna quantitate accipiantur, & occulte retentæ paulatim consumantur, talis acceptio posset esse gravis culpa, etsi ad id discernendum in particulari magna prudentia opus sit. De aliis autem rebus, quæ statim usu non consumuntur, subdit Suarez, quod si non accipiantur, ut occulte, & tanquam propriæ possideantur, sed solum ad usum publicum, ac expositum arbitrio Superioris, sicut retinentur aliæ res; ordinarie in tali acceptione adest solum culpa venialis, nisi interveniant peculiares circumstantiæ inducentes deformitatem graviorem; ut si id fiat frequenter, & quasi ex animo deliberato applicandi eo modo res Conventus, ad suum usum, vel, si alii inde priventur usu talis rei cum magno incommodo.

Dixi sub initium hujus §. ad proprium usum: ut indicarem, quod notat Sanchez lib. 7. moral. cap. 21. n. 31. ex Lessio lib. 2. de just. cap. 12. n. 48. nimirum furta modica esculentorum a Religiosis facta de bonis Conventus ad ea donanda alteri, aut vendenda, censeri moraliter continuari in unum furtum grave, quando pervenitur ad quantitatem notabilem, & adfuit intentio ea continuandi usque ad quantitatem ejusmodi: & ratio est, quod idem docet Lessius supra de similibus furtis famulorum, & quoad ea nulla præsumitur intervenire voluntas Superiorum, resque ipsæ, quæ surripiuntur modo dicto, non cedunt in usum Religiosorum, ad quos sunt destinatæ: Non dissentit Diana p. 1. tract. 6. resol. 34. & 35., alios pro se allegans.

An autem Monialis, quæ cogitur exercere aliquod officium Conventus, requirens magnas expensas, non obstante, quod Superiori sua expenderit impotentiam quoad hoc, possit ex bonis communibus Monasterii compensare expensas factas, aut faciendas in exercitio præfati officii.

41. Resp. Posse, si ex proprio peculio vere non possit sustinere illas expen-

sas: sic enim locum habet compensatio rationabilis: cum impossibile non sit obligatio: ff. de reg. jur. l. impossibile, & necessitas non habet legem: l. an. ff. de offic. consu., multaque necessitatis causa permittantur, quæ alias non permetterentur, c. si quis propter de furt. secus, si Monialis aliunde possit æque bene sibi consulere quoad dictas expensas (v. gr. ex proprio peculio); nam tunc de talibus bonis censetur sic dispositum a Superioribus: & aliqui per coactionem ad dicta bona expendenda non fuit violata iustitia, aut fidelitas, ut esse possit locus licitæ compensationis: quod non procederet, si Monialis iis bonis egeret ad suos usus necessarios, quibus aliter nequit consulere.

Cæterum, quod ait Azorius tom. 1. lib. 12. cap. 12. qu. 3. non peccare contra votum Paupertatis Religiosum, qui ex communi bibliotheca, aut communi loco aliquid usurpat ad suum usum temporalem: peccare vero, si usurpet ad usum perpetuum: negat Sanchez sup. cap. 19. n. 57., cum in utroque eventu absque Superioris licentia usurpetur usus rei pretio æstimabilis; & solum addit in hac differentia, quod facilius præsumitur licentia ad usum temporalem, & tunc interveniat materiæ parvitas excusans a mortali, non item a veniali.

Quæres 28. An Moniales sine licentia possint recipere aliqua ad proprium usum, relicto dominio penes dantem.

42. Resp. Non posse: cum per talem receptionem acquiratur usus rei acceptæ, qui est pretio æstimabilis, ideoque prohibetur acquiri a religioso sine debita licentia, ut constat ex dictis qu. 2., & inde suadet, quod parum referret Religiosum non habere rem propriam quoad dominium, si posset pro suo arbitrio de communibus bonis disponere: ita Sanchez supra n. 49., addens secus dicendum, si Religiosus ex licentia Superioris usum rei accipiat, relicto dominio apud dantem: idque, etsi Religiosus consulto hoc faciat, ne res accepta sibi auferatur a Præfato, aliique Religioso detur, vel applicetur communitati: si enim vere dominium maneat

neat omnino penes dantem, Religiosus nihil sibi usurpat tanquam proprium, sed solum usum, huncque ex licentia Superioris; quod sine dubio nullam importat speciem proprietatis contra Religiosam Paupertatem.

43. Quin etiam addit Sanchez n. 50. & bene, non facere contra votum Paupertatis Religiosum, qui sine licentia Prælati ab aliquo petit, ut pecunias deponat apud aliquem, non habens voluntatem acquirendi ullum jus in illas, & totum illud relinquens apud dantem cum libera facultate illas repetendi, solumque intendens habere opportune pecunias, ex quibus, cum indigerit, de licentia Superioris accipiat necessarium, non aliter accepturus; & hoc licet deponens pecunias intendat transferre dominium in Religiosum: cum talis translatio fieri nequeat sine acceptatione Religiosi, quæ in præsentī casu non adest. Quia doctrina procedit item in eventū, quo Religiosus dictas pecunias servaret apud se in depositum eodem profectis modo, quo erant apud amicum: siquidem illas non haberet aliter, quam si essent apud externum depositarium; & aliqui non pugnat cum voto Paupertatis esse depositarium rei alienæ.

44. Sic non facit contra votum Paupertatis Religiosus, qui aliquid petit ab alio, sed cum intentione illud non accipiendi absque licentia, hac ratione intendens explorare voluntatem dantis, ne frustra licentiam postulet; vel quia facilius eam obtinebit (quamvis id esse possit contra regulam); & ratio est, quod tunc vere nihil accipitur sine licentia: ita Sanchez n. 52. limitans tamen assertionem, nisi probabiliter credatur fore, ut Prælati simpliciter negaret facultatem rem illam accipiendi, si nosset illam antea petitam fuisse, & solum concedit, eo quod putet eam sponte oblatam: tunc quippe ea licentia esset involuntaria, utpote dolo extorta, & consequenter invalida.

Quæres 29. An Moniales sine licentia accipere possint aliquam rem animo non utendi illa sine licentia Prælati mediati, a quo brevi sperant illam obtinere, non audentes interim illam petere a Prælato immediato, aut ab Abbatisa.

45. Resp. Possē, si modo supradicto præfatæ rei dominium apud dantem relinquatur una cum administratione, tali re non usuræ, nisi post obtentam legitimam facultatem, eamque interim detinentes quasi in deposito: patetque ex dictis *quæ præcedenti*, ubi etiam indicavimus talem modum accipiendi posse esse contra regulam, quæ forte ipsum veteret: non item, si rem illam sine licentia tacita, aut expressa recipiant, retentur ad breve tempus: tunc enim acceptio non fiet sine culpa veniali contra Paupertatem Religiosam, cum ei aliquo modo adverteretur, etsi leviter, quo pacto S. Bonaventur. in *Spec. discipl. ad Novit. p. 1. cap. 4.* ait, talem receptionem non esse tutam, ut notavit Sanchez num. 51., ita Diana part. 1. tra. 6. resol. 42. ex ipso Sanchez, & Fausto contra Jo. de la Cruce.

Quæres 30. An Moniales recipere possint aliquid sub conditione, si Superior concesserit licentiam.

46. Resp. Possē, si adsit animus rem acceptam restituendi casu, quo negetur licentia, & nullum sit periculum eam tunc reddendi: colligitur ex Sanchez n. 69., & patet, quia conditio nihil ponit in esse, & acceptio ista non est absoluta, sed conditionalis: quæ ratio ostendit posse Religiosum item aliquid alienare sub dicta conditione, ut in terminis docet Sanchez loco cit., & post illum Jo. de Lugo d. 3. de justit. n. 161.

Quæres 31. An Moniales peccent mortaliter contra Paupertatem, si absque licentia Abbatisa minima recipiant, aut expendant, aut usurpent ex bonis Conventus, aut aliunde, & tandem perveniant ad notabilem quantitatem.

47. Resp. Peccare, si minima illa sint pecuniæ: & hoc, licet numquam habuerint animum plus, quam illud minimum recipiendi; secus, si sint commestibilia: idque, etsi intendant continuare dicta furtiva minima: & ratio est, quod in priori casu Superior est rationabiliter invitatus; non item in posteriori, ut facile constabit consideranti: ita Diana *supr. resol. 35.*, aliis citatis, inter quos bene notat Sanchez *supr.*

sup. cap. 21. n. 33. multo majorem quantitatem horum concubilibus peti, ut eorum usurpatio sit mortalis, quam in aliis rebus, eamque arbitrio viri prudentis esse taxandam, attenta rerum ipsarum qualitate, & aliis circumstantiis; sicque addit Sanchez n. 35. in casu quo Religiosus minima esculenta accipiat ab externis, majorem quantitatem exigi, ut acceptio fiat mortalis; siquidem hoc cedit in bonum Conventus, quatenus ille Religiosus tanto minus ex bonis illius infumet.

Quæres 32. An Moniales percent contra votum Paupertatis, si ex bonis Conventus, aut etiam ad proprium usum concessis sine debita licentia alienent, donando, aut aliter ea distrabendo.

48. *Resp.* Peccare, cum sic usurpent rem independentem a voluntate Superioris, & consequenter de ea disponant, ut domini: cum revera habeant solum facti usum, & usufructus nec ipsum rei usum, ne dum dominium possit alii concedere; ita DD. communiter apud Sanchez *supra cap. 19. n. 64.*

Difficultas modo est; An Monialis, quæ ab Abbatisa obtinuit licentiam rem aliquam alienandi, ea amota ab officio, adhuc possit illam alienare vigore præfate licentiæ, si certo credat modernam Abbatisam non concessuram talem licentiam, si nosset.

49. *Resp.* Posse; & probatur, quia concessio dictæ licentiæ est gratia facta: gratia autem facta non spirat per mortem concedentis, nec per ejus amotionem ab officio: ex alia parte ea dispositio habitualis modernæ Abbatisæ eam de facto non revocat, cum intus retentum nihil operetur: ideoque etiam modo durat, ac durabit usque dum actu revocetur a moderna Abbatisa, aut ab alio Superiore competente. Quæ ratio ostendit idem dicendum esse in casu, quo Monialis similem licentiam habuisset a præfata Abbatisa, & nosset illam omnino velle dictam licentiam revocare, sive quia omnes aliàs similes licentias de facto revocavit, sive quia ea id significavit Moniali amicæ, sive quia enidam ex Monialibus Discretis præ-

cepit, ut præfatum revocationem Moniali licentiam habenti juridice intimet, quæ tamen non dum illam inimavit: quoad enim dicta revocatio non intimatur juridice, durat licentia; ut in simili docet Sanchez l. 3. de Matr. d. 30. num. 12., & d. 36. num. 9.

Dices, quid si Monialis, obtenta illa licentia, jam mutaverat consilium, & statuerat rem illam amplius non alienare: potest ne nihilominus eam libere alienare?

50. *Resp.* Posse: & inde suadetur, quod sicut teste Sanchez lib. 8. de Matr. d. 32. n. 6. duo consanguinei post obtentam dispensationem simul contrahendi, si alter, aut uterque aliis nuptiis copulatur, vidui postea effecti, vi prioris dispensationis, possunt jungi inter se matrimonio: cum semel ablatum sit impedimentum, nec obstat tacita illa renunciatio per transitum ad alias nuptias inducta, quippe quæ non fuit acceptata a concedente: sic in nostro casu per concessionem licentiæ sublatum est impedimentum oblians, ne Monialis rem illam alienare posset; nec potest dici revixisse ob renunciationem illam licentiæ tacite factam in ea mutatione consilii, cum talis renunciatio vere non fuerit acceptata a concedente, ut suppono: quare par ratio procedit in utroque casu.

Quæres 33. An Moniales sine licentia possint sibi invicem mutare, aut commodare res proprias concessas ususibus.

51. *Resp.* Non posse, quanvis aliàs sæpe excusentur a mortali ob parvitatem materiæ: quatenus (inquit Laiman lib. 4. tract. 5. cap. 7. num. 4.) et si liber v. gr. valeat 10. ducatis, quem sibi, ut proprium vendicare mortale esset, usus tamen libri non perpetuus, sed temporalis (qui conceditur per contractum commodati) non æstimatur tanti, ut sit materia peccati mortalis: præterquam quod in rebus parvis, & crebro occurrentibus præsumi potest adesse tacitam Superioris licentiam, saltem ad breve tempus, ut notat Sanchez lib. 7. Mor. cap. 19. n. 55., addens non fore mortale Religioso sic commodare res ad proprium usum destinatas, si ille sit securus

curus de earum restitutione, ac conservatione, ita citati Doctores, a quibus non dissentit *Suarez* 10.3. de Relig. l.8. cap.15. n.4. & *Diana* *supr.* *resol.* 37., dicens ex Layman & Fagundez, Religiosos posse invicem dare tunicam, caligas, calceos, & etiam cucullam ad usum: dummodo dans provisos sufficienter remaneat, & omnino voto Paupertatis servato. Probatur autem assertio quoad primam partem ex eo, quod Religiosus rerum ipsius usus concessarum est merus usufructus, ideoque non potest propria auctoritate concedere alteri usum illarum, & multo minus dominium: quorum hoc transfertur in alium per mutuum, & ille per commodatum: quæ ratio a fortiori probat, Religiosum sine debita licentia non posse modo explicato mutuare, aut commodare personis extraneis res ipsi concessas, & multo minus bona communia Monasterii, cum quoad dictas personas & ejusmodi bona præsumi rationabiliter possit Superior magis invitus, ut consideranti facile constabit.

Quæres 34. *An Moniales sine licentia possint recipere mutuum, ac commodatum etiam a personis extraneis.*

52. *Resp.* Quod cum per mutuum, transferatur dominium rei mutuatæ in mutuatarium, & per commodatum usus rei commodatæ in commodatarium: & alioqui per votum Paupertatis sit prohibita acquisitio cujuscumque dominii, aut usus rei pretio æstimabilis, facta independenter a voluntate Superioris, ut constat ex supradictis; hinc sequitur, Moniales sine legitima licentia non posse recipere mutuum, aut commodatum, maxime ab externis: quamvis facilius excusari possint a culpa mortali, quoad commodatum (cum quoad illud facilius præsumi possit tacita licentia Superioris, quam quoad mutuum), & in ipso mutuo ad peccandum mortaliter requiritur major quantitas, quam si hæc dono acciperetur; cum revera juxta moralem æstimationem minus sit id, quod accipitur, ut recte advertit *Suarez* *supr.* cap. 11. num. 44. ex quo colligitur magna ex parte præsens responsio.

Quæres 35. *An Moniales sine licentia possint permutare res propriis usibus concessas etiam cum externis.*

53. *Resp.* Quod, quamvis Lopez, & Rodriguez relati a Sanchez num. 65. sustineant partem affirmativam, si ex tali permutatione magna factura non proveniat Conventui; id probantes, tum quod adsit interpretativa licentia Superioris, tum quod talis commutatio non est proprie distractio, aut consumptio, cum æqualia recipiantur pro commutatis; quia tamen actus commutandi est actus dominii, qui recte potest exerceri solum ab habente dominium, aut legitimam rei administrationem: propterea si res, quæ commutatur sit magni pretii, commutatio videtur esse mortalis, ita Sanchez loco citato, & cum eo Laym., ubi *supr.*, addens Religiosum sic commutantem sæpe excusari a mortali, eo quod sæpe præsumi possit Superiorem non esse invitum, ut quæ Religioso concessa sunt ad suum usum (v. gr. brevium, aut vestem) cum aliis commutet, quæ sibi magis accommodata videntur, præsertim si permutatio fiat cum domesticis, immo etiam cum externis, si quæ recipiuntur, sint similia, aut æqualia: præterquam quod interdum, etsi Superior sit invitus quoad modum, quia talia sunt absque ejus licentia, non est tamen invitus quoad rem ipsam; sicque commutatio non est mortalis, licet repugnet Paupertatis perfectioni, & aliquando præbeat animum gravius delinquendi contra votum, quæ de re *Diana* *part.* 1. *tract.* 6. *resol.* 38., citans alios.

Quæres 36. *An Moniales peccent contra votum Paupertatis, si absque licentia Abbatissa recusent res sibi donatas, & quidem sine causa.*

54. *Resp.* Non peccare: cum Religiosus ex voto Paupertatis non teneatur acquirere, sed solum alienare: peccare tamen contra charitatem, cum sine justa causa impediant bonum Conventus, cui res illa donata ipsis acceptantibus fuisset acquisita: non secus ac peccat in Proximi charitatem, qui rogat volentem legare alicui, ne leget, rogatque, nulla justa causa

causa ductus: ita Sanchez *supr. num. 75.*, & cum illo *Fagundes lib. 7. in Decalog. cap. 7. num. 5.* monens causam iustam recufandi dona oblata posse in proposito casu reputari, ne Superiores putent Religiosum habere nimiam familiaritatem cum externis, aut ut non manceat obligatus ad rem donatam remunerandam &c.

Quæres 37. *An Moniales peccent contra votum, si absque debita licentia accipiant pecuniam ab ipsis libere distribuendam cuiusque pauperi maluerint, nomine tamen ejus, qui dedit.*

55. *Resp.* Videri non peccare: & probatur, quia votum Religiosæ Paupertatis solum obligat Religiosum, ne infcio Superiore acceptet dominium, aut usum proprietarium alicujus rei: in nostro autem casu non acceptat dominium, aut usum proprietarium pecuniæ datæ, cum ea detineat, ac distribuat nomine dantis; ergo: ita Sanchez *sup. cap. 30. n. 4.*, aliique doctissimi viri ab eo consulti, quos sequitur Diana *supra resol. 29.* una cum Fauslo contra plures alios ab ipso Diana relatos, oppositum sustinentes, ex eo, quod Religiosus in isto casu sibi usurpat jus aliquod pretio æstimabile, nempe administrandi istam pecuniam, & quidem independentem a Superiore; quod tamen nos negamus, cum illa sola possessio, & administratio pecuniæ independens a Superiore sit proprietaria, quæ exercetur nomine proprio.

Quæres 38. *An Moniales delinquant contra votum Paupertatis, si autoritate propria recipiant in depositum pecunias alienas.*

56. *Resp.* Non delinquere ob rationem *quæ præced.* datam, quæ item procedit in præfenti casu, peccare tamen aliunde, si absque consensu saltem tacito, ac præsumpto Prælati depositum grave accipiant, idque ob contractum initum, ac obligationem propria autoritate susceptam: quamvis aliàs Monasterium non teneatur de deposito culpa Religiosi depositarii amisso, aut deteriorato, tamen si suscepto ex licentia Superioris: siquidem licentia solum facit, ut licite Religiosus

recipiat depositum, non item, ut Prælati, aut Conventus inde obligentur: quod procedit etiam in eventum, quo ipsemet Prælati accipiat depositum sine Monasterii consensu; tunc enim Monasterium non tenetur in eo, cum in illud non consenserit: ita *Molin. tract. 2. d. 525. Sanchez lib. 6. mor. ca. 14. num. 27. Castr. Pal. tract. 16. d. 4. part. 13. §. 4. n. 3.*, monens Religiosum depositarium, cuius culpa amittitur, aut deterioratur depositum, teneri solvere, si aliquando sit solvendo; ut si habeat peculium suæ dispositioni relictum, ex quo sine gravi incommodo solvere possit.

Quæres 39. *An Monialis recipiens aliquid ab alia Moniali ejusdem Conventus habente licentiam dandi, egeat nova licentia ad recipiendum.*

57. Respondet Sanchez *lib. 7. mor. cap. 19. num. 71.* egere, nisi ex conjecturis probabiliter colligatur oppositum: & probatur, quia per votum Paupertatis impediuntur Religiosi non solum, ut non dent propria autoritate, sed etiam ut non accipiant sine debita licentia, sicque concessio licentiæ est ablatio talis impedimenti; cum ergo ista impedimenta sint diversa, & Superior possit de facto auferre unum, alio non ablato, (cetsi simpliciter possit auferre utrumque) consequenter auferens impedimentum ex parte dantis non censetur auferre etiam ex parte accipientis, nisi se declaret. Oppositum sustinet *Jo. de Lugo d. 3. de justit. n. 164.* ex sententia R. admodum P. N. Vittelleschi; nimirum, quod, licet stando in rigore juris, duplex licentia requiratur in casu proposito, de facto tamen ea videtur esse mens Superioris, ut data subditi licentia dandi, aut accipiendi, alii, ejusdem Prælati subditi, possint ab eo accipere aut ei dare, dummodo nihil in fraudem fiat: qualis fraus interveniret, si quis, mediante eo, qui dictam licentiam haberet dandi, & accipiendi, vellet dona sua transmittere ad alios, sic enim casus non censeretur comprehensus in ea generali intentione Superioris: idem sentit Diana a me consultus.

E con-

E contra putat Jo. de Lygo loco citat. n. 59. Religiosum habentem a Prælati licentiam dandi, aut accipiendi, vigore illius regulariter posse absque alia facultate vendere, ac emere; probatque, quia licentia dandi, & accipiendi non requiritur in Religioso, nisi, ut possit acquirere & transferre dominium, in quibus ille pendet a voluntate Prælati: quod autem emptio, ac venditio addunt peculiare, non videtur necessarium petere novam licentiam; si enim ablatum est impedimentum abdicandi dominium pretii, & acquirendi dominium rei, jam votum Paupertatis non obstat, quo minus fiat contractus emptio-nis, ac venditionis; totum autem impedimentum est per licentiam dandi, & accipiendi sublatum; sicque non requireretur alia licentia ad dictos contractus: Sic Jo. de Lygo monens tamen n. 160. se hic loqui de Religioso habente facultatem dandi, & accipiendi: qui enim solum haberet facultatem dandi, non posset vendere, cum venditio contineat acquisitionem pretii, quæ acquisitio non est datio, sed acceptio: monet item licentiam dandi, & accipiendi præfatam ex intentione Prælati non extendi ad emptionem, & venditionem talem, quæ esset negotiatio, ut haberet speciem negotiationis; cum in his appareat specialis turpitudine, aut indecentia, quæ non adest in simplici datione, & acceptione.

Addo violare votum Paupertatis Monialem, quæ habens licentiam dandi rem aliquam, aut uni, dat aliam, aut alteri, cui dandi fecit Abbatissam non daturam suis facultatem, ita Barcus in speculo cap. 6., & patet, quia licentia data non extenditur ad hos alios casus, sicque Monialis censetur dare sine licentia.

Quæres 40. An Moniales hoc ipso, quod deputantur ad officium Monasterii exigens multas, & graves expensas, ab ipsis faciendas, sine licentia ab amicis, & consanguineis recipere possint pecunias ad talem effectum.

58. Resp. Videri posse ex tacita, & interpretativa voluntate Superioris deputantis ad tale officium moveor ex doctrina, quam in simili casu tradit Sae-

rez tom. 3. de relig. lib. 8. cap. 11. n. 7. Superiorem scilicet Jantem Religioso facultatem ad peregrinandum, & non prohibentem aliquid recipere, virtualiter censeri dare facultatem ad recipienda ea, quæ alias prudenter, & cum decentia religiosa recipi possunt; facultas enim una intelligitur implicite contineri in alia: quæ doctrina utique potest adaptari ad præsentem casum, & si applicetur, probabit intentum. Quamquam alias Superiores Monialium deberent coercere nimiam licentiam, quæ in aliquibus Monasteriis quoad hoc reperitur, iis omnino interdicens expensas non necessarias, ac nimis excedentes, quæ utinam non ordinentur ad luxum, ac factum inanem.

Quæres 41. An Moniales delinquant contra votum Paupertatis, si indigentes majori summa pecunia, quam concederetur ab uno tantum ex suis Superioribus, recipiunt illam modo de licentia Abbatissæ, modo cum facultate proprii Prælati, usque dum perveniant ad summam ab ipsis intentam.

59. Resp. Non delinquere, cum sic acceptio non fiat sine licentia legitimi Superioris; & Monialis modo dicto eam petens a pluribus Superioribus non posset dici facere fraudem, sed utatur jure suo, iis cumulative concurrentibus, quoad facultatem concedendi dictam licentiam: quæ ratio inde etiam confirmari potest, quod Sanchez lib. 8. de Matrim. d. 23. n. 1., aliis citatis, probabile putat indigentem dispensari in pluribus impedimentis matrimonii, posse petere, & obtinere dispensationem super uno illorum, & postea super alio, idque, etsi in priori petitione eonfessio omittat proponere posterius impedimentum: innuitque satis aperte, ligatum voto castitatis, si velit ducere consanguineam, posse prius petere ab Episcopo dispensationem voti (si is possit dispensare) postea dispensationem consanguinitatis a Papa: quæ faciunt ad nostrum casum, maxime cum concessio licentiæ ad accipiendum, juxta quæst. 34., sit veluti ablatio impedimenti obstantis, ne Religiosus libere possit accipere.

Quæres 42. *Quale peccatum faciant Moniales violando votum religioſæ Paupertatis.*

60. Reſp. Committere peccatum mortale, ſi quantitas rei indebite uſurpatæ, alienatæ ſit gravis: talem autem gravitatem juxta *Mirand. tom. 1. Manual. qu. 28. art. 17.* determinandam eſſe in particulari pro temporum, locorum, Religioſorum, perſonarum, & aliarum circumſtantiarum, hic, & nunc concurrentium varietate: ſupponendo tamen in præſenti materia diſſerendum eſſe de Religioſis, ac de filiis, itaut eorum furta dicenda ſint æquiparari furtis filiorum; ſicut notat *Fagundez ſup. cap. 5. n. 1.* hinc inferens *num. 2.* quantitatem ſufficientem ad peccatum mortale eſſe ſummam quinque argenteorum: *Diana reſol. 36. ex Sanchez, & Jo. de la Cruz* putant ſummam 4. argenteorum ad talem eſſectum ſufficere: quod non admittunt neque *Cenedo*, neque *Petrus de Ledefma* apud ipſum *Dianam*, ſuſtinentes Religioſum ſurripientem 8., aut 9. regales ex bonis communibus Conventus, aut Religioſi particularis non peccare mortaliter: neque *Rodrig. in ſumm. tom. 4. cap. 118. n. 27., & 29.* putans Religioſum tunc committere furtum mortale, quando pervenit ad ſummam 2. aureorum: quod licet *Diana* dicat ſibi non placere, ait tamen admitti tum a *Soto*, tum ab *Aragono*. Verum in materia paupertatis Religioſæ, ſicut abſtinendum eſt a doctrinis nimis laxis, ne inducatur relaxatio regularis diſciplinæ; ſic, & cavendum a nimis rigidis, ne Religioſorum conſcientiæ illaqueentur, ut notat *Suarez ſupr. n. 40.*

Notat autem *Jo. de Lugo ſupr. n. 62.* contra *Sanchez*, non peccare contra votum Paupertatis Religioſum, qui dat alteri Religioſo non habenti licentiam accipiendi: probatque ex eo, quod ſicut habens votum caſtitatis non peccat contra ſuum votum, quando eſt cauſa, quod quis eum alia fornicetur, eum votum ſolum obliget votivum, ut ipſe ſit caſtus, non autem, ut alii ſint caſti: ſic meum votum Paupertatis me ſolum obligat, ut ego ſim

pauper, non autem, quod procurem, ut alii ſint pauperes: unde ſit, ut, licet in caſu propoſito contrahi poſſit malitia ſeandali, quatenus Religioſus cooperator peccato alterius contra ſuum votum, non tamen peccet contra ſuum votum Paupertatis.

Quæres 43. *Quas penas incurrant Moniales violantes votum Religioſæ Paupertatis.*

61. Reſp. Incurrere eas, quas afferimus infra *cap. 8. qu. 36.* i moneo hic ex *Caſtro Palao ſup. d. 3. part. 24. n. 4.* dictas penas incurrī ſolum poſt ſ. iudicis ſententiam, & a Religioſis retinentibus proprium; non item ab iis, quæ ſine debita facultate aliquid alienant, aut accipiunt, etſi alias delinquant contra votum Paupertatis.

Quæres 44. *Quæ licentia excuſet a violatione voti Paupertatis.*

62. Reſp. Excuſare licentiam, quæ ſit voluntaria, ac juſta: ſive ſit expreſſa, ſive tacita, ſeu præſumpta, ac interpretativa, ut notant communiter Doctores: & ratio eſt, quod, poſita tali licentia, Religioſus non operatur nomine proprio, ſed alieno, nempe Superioris; ea autem non erit voluntaria, ſi ſit ex metu, coactione, dolo, vel fraude, cujuſmodi eſſet etiam illa, quæ extorqueretur tacitis iis, quibus declaratis, licentia ſolet denegari, vel falſo expreſſis iis, vi quorum licentia conceditur, alias deneganda, hæc enim actum reddunt ſimpliciter involuntarium. Præterea licentia debet eſſe juſta, ideſt conſeſſa ſine injuſtitia; ſicque Religioſus ſurripiciens aliena eum licentia Prælati violat votum Paupertatis, non quia utitur alienis præciſe, ſed quia utitur ſine licentia legitima: quod procedit etiam de Religioſo ex licentia Prælati expendente in uſibus illicitis, cum talis licentia dari ab eo non poſſit, ac proinde ſit nulla, utpote data a non habente poteſtatem, ut notat *Sanchez lib. 7. mor. cap. 19. n. 31.*, id tamen intelligendo juxta dicta in hoc *cap. n. 18.*

63. Tacita autem dicitur illa licentia; quæ virtute continetur in alia expreſſa, ut in

ut in casu proposito *quæst.* 35; item si consuetudine inductum sit, Religiosum posse aliqua recipere, retinere, aut expendere; & Superior consuetudinem non revocet, cum facile possit; item, si Superiore confcio, nec prohibente, cum facile possit, aliquid recipiat, retineat, aut expendat Religiosus; cum in tali dissimulatione virtualiter contineatur quædam approbativa voluntas, ut patet.

64. Addo, excusari Religiosum a vitio proprietatis, si det, aut recipiat de licentia Superioris solum præsumpta, præsumens scilicet ipsum daturum esse licentiam, si peteretur, sed Religiosus omittit petere ex erubescencia, aliove respectu humano: cum ad vitandam proprietatem sufficiat Religiosum operari nixum voluntati Superioris saltem futuræ, quo pacto ad vitandum furtum sufficit ea præsumptio de voluntate domini, ut constat ex *l. inter omnes §. restit. ff. de furtis*. Quamvis aliàs in tali receptione, ac bonorum dispositione fere semper venialiter peccetur, eo quod Superior cum commodè adiri possit, ægre ferat modum illum accipiendi, ac disponendi de rebus clandestinum: ita *Navarr. tom. 2. de regul. n. 20. Suarez sup. cap. 11. n. 11. Sanchez lib. 7. mor. cap. 19. n. 13;* & cum iis *Castro Pal. par. 23. n. 8.*, & 9. docens ex Nav., Less., Mendoza, Suarez, & Sanchez in præsentia materia sufficere probabilem cognitionem præsumptæ voluntatis Superioris, non autem requiri certam; cum sic operans moraliter certus sit de voluntate Prælati, nec exponatur morali periculo operandi sine licentia, tamen si physico periculo exponatur, quod parum refert.

65. Cæterum voluntas præsumptiva Superioris ex multis capitibus colligi potest; & maxime si consistet experientia ipsum solere libenter concedere aliis talem licentiam, nec notabiliter ægre ferre, ut non petatur; item si scias illum esse Superioris affectum in te, ut libenter tibi daret, si id ab eo peteres, aut nosse, te eo indigere, aut desiderare.

66. Rursus licentia debita, sed negata non semper excusat Religiosum a vitio

proprietatis, sed solum quando Superior negat ea, ad quæ Religiosus habet jus a Religione (cujusmodi sunt necessaria ad victum, & vestitum juxta receptum morem Ordinis) & insuper negat licentiam ea recipiendi ab externis; tunc enim licentia censetur concedi ipso jure a Religione, utpote injuste negata a Superiore.

An autem Abbatissa possit Monialibus subditis concedere licentiam accipiendi, retinendi, ac distribuendi, & in qua quantitate.

67. *Resp.* Possè, cum ipsa vere habeat administrationem Conventus, eique promittatur obedientia; ut inter alios notavit *Laym. sup. n. 15.* ex Sanchez, assertionem bene limitans, nisi consuetudine, aut constitutione Religionis talis potestas restricta sit. Quantitas autem, si aliunde non taxetur sive statuto, sive consuetudine, definiri debet arbitrio prudentis, considerata occasione, seu necessitate, facultate Conventus & aliis circumstantiis, sicut in simili advertit *Suarez cap. 15. n. 13.* Quamquam, quod spectat ad dandam licentiam accipiendi, Monialium Superioribus restringenda non videtur facultas, cum ex ipsa acceptione Monasterium ditescat, nec appareat ratio, cur dicta facultas restringi debeat, ut consideranti facile constabit.

68. Quando ergo in materia paupertatis quærimus, an Moniales de licentia Superioris possint facere hoc, aut illud, nomine Superioris intelligimus tum propriam ipsarum Superiorissimam, tum illarum Prælatum, sive sæcularem, si sint immediate subiectæ Sedi Apostolicæ, aut Ordinario loci; sive regularem, si sint exemptæ; quod est bene notandum.

Quæres 45. Qualiter epicheja excuset a vitio proprietatis.

69. *Resp.* Excusare, si duo concurrant; nimirum, quod res urgeat, & quod superior absit, vel certe non ita præsto adiri possit: ita *Less. l. 2. cap. 41. n. 79. Lopez lib. 2. de contr. cap. 40.* alique, quos sequitur *Fagnan. sup. cap. 5. n. 20.* monens epichejam in eo consistere, quod subditus rationabiliter præsumit & judicat, Superior-

periolem hic, & nunc concessurum talem licentiam; quo modo epycheja coincidit cum licentia præsupta.

70. Constat autem, quod sicut, quando tota ratio accipiendi, aut alienandi ex epycheja fuit, non fuisse præsensem Prælatum, aut non potuisse commode adiri ob aliquod impedimentum, tenetur Religiosus rem totam aperire Superiori: sic e contra ad id non tenetur, si ratio accipiendi, aut alienandi fuit, quia Religiosus probabiliter creditur Prælatum sibi facile concessurum licentiam, si peteret, juxta dicta *qu. præcedent. §. cæterum*: idque, & si res extet apud se in consumpta: ita *Fagundez sup. n. 22. ex Sanchez, Navarr., Mendoza, & Graphio*.

Quæres 46. Qualiter consuetudo excuset a vitio proprietatis.

71. *Resp.* Quod licet multi DD. asserant consuetudinem communem dandi, & accipiendi aliquid in Religione absque licentia non excusare a vitio proprietatis, eo quod voti obligatio sit de jure naturali, contra quod non prævalet consuetudo; si tamen vidente, & non contradicente Superiore, vigeat consuetudo dandi, & accipiendi, aut expendendi in usus licitos non petita expressa licentia, valebit talis consuetudo, & excusabit a vitio proprietatis; cum sic interveniant licentia tacita, & voluntas Superioris, explicata per eam consuetudinem receptam, sicque nil capiat, renitente Superiore, aut contra votum: ita aliis citatis *Sanchez lib. 7. moral. cap. 19. n. 7. quem sequitur Fagundez sup. n. 12.*, addens *n. 13. eandem consuetudinem, quæ excusat ab acceptione, excusare etiam a retentione, ac expensione*; cum præcipuum signum proprietatis sit possidere, seu detinere aliquid absque legitima Superioris licentia. Quare & Moniales, & viri Religiosi attendere debent, in quibus rebus, & quousque in proprio Monasterio, ac Ordine extet facultas generalis, & consuetudo circa danda, & accipienda; id enim sufficit, ut excusentur a vitio proprietatis, ac violatione voti: modo distractio bonorum non fiat ad usus inhonestos, ac illicitos: in quo casu uti-

que non excusaret consuetudo, cum nec excuset licentia expressa Superioris, si forte daretur, utpote illegitima, & invalida, quantumvis daretur de consensu totius Monasterii, ut recte advertit *Fagundez n. 33. idque juxta dicta hic n. 18.*

Quæres 47. An recipiens a Monialibus in quantitate notabili absque licentia possit rem acceptam retinere, vel debeat restituere.

72. *Resp.* Per se loquendo, teneri restituere rem sic acceptam, utpote datam ab uno, qui dare non poterat, & contra voluntatem nedum Monasterii, sub cuius dominio est res accepta. Sed præcipue eorum, qui jus habent, atque legitimum in Monasterii bona dominium. Hinc hac nostra etiam auctoritate BENEDICTUS XIV. Constitutiones innovans Clementis VIII. aliorumque Romanorum Pontificum, quæ munerum largitiones iteratò gravissimis pœnis vetantur, in Constitutione quæ incipit *Pastor Bonus* Idibus Aprilis 1744. vulgata §. 26. sic habet: *Accipientes munera a Regularibus, exceptis rerum medicinalium, seu devotionis muneribus ultra valorem decem fentorum monetæ contra præscriptum a Prædecessoribus nostris Clemente VIII. ac Urbano VIII. in suis Constitutionibus 13. Kal. Julii 1594, ac 16. Kal. Novembris 1640. respectivè editis, non absolvantur, nisi facta restitutione, vel si eam de presenti nequeant adimplere, cum obligatione eandem quamprimum poterunt faciendi. Qui vero infra prædictum valorem ejusmodi munera acceperint, eos injuncta arbitrio ipsius Confessarii elemosina, quæ in Beneficium Religionis, seu Conventus una de jure faciendæ esset restitutio, si caute fieri possit, erogetur, absolvere, seu absolvi mandare possit.* Hæc BENEDICTUS XIV., qui insuper in sua Instructione directæ Pœnitentiariis Urbis pro anno Jubilæi 1750. easus parte secunda enumerans, a quibus vigore Bullæ Jubilæi pœnitentes a laudatis Pœnitentiariis absolvi minime valeant; nonnullos in particulari recenset, generatim vero eos omnes amplecti decernit, qui in nuperrima emanata Constitutione *Pastor bonus* comprehenduntur, a quibus ab-

solven-

solvendis Majorem ipsum Pœnitentiarium facultate destitui declarat; omnesque subinde Pœnitentiariorum eadem in sua Instructione §.26. n.39. ad præfatam mandat Constitutionem: per se ergo omnino qui recipit a Regularibus munera, grave committit peccatum, & tenetur restituere. Quamquam *Castr. Pal. tract.16. d.3. p.23. n.5.* ex Rebello dicat, per accidens frequenter indebite recipientem a Religioso excusari a restitutione, eo quod, facta alienatione, præsumi potest Religionem consentire, ne sibi restituatur taliter res accepta: quod ea facere potest, ne alias honor illius, ac sibi Religiosi periclitetur. Unde *Fagundes sup. c.6. n.36.* hæc habet: *Ex uno tamen principio forte poterimus excusare illos, qui rem bona fide a Religioso acceperunt, & jam apud illos non extat, sed consumpta est: ex eo scilicet, quod bona fide acceperint, & melior sit conditio possidentis; quare hoc animadvertant Confessarii, ne conscientis hominum injiciant se: nolos: nam si pœnitentes bona fide possident, & bona fide acceperint, dissimulari poterit, maxime si res jam non extet, & hoc juxta aliquos, mihi tamen omnino contrarium videtur:* Sic ille.

73. Addit *Sanchez sup. n.15.* quod si sæcularis daret aliquid Monacho non sibi retinendum, nec ad libitum consumendum, sed dandum fœminæ, cum qua ipse Monachus fornicaretur, si is de facto illud tradat fœminæ; hæc non tenetur restituere, cum illud censetur accepisse non a Monacho, sed ab illo sæculari, Monacho in ea datione se habente solum, ut executore: nec appareat ullus titulus, ex quo illud dici debeat acquisitum Monasterio.

Addo ego, quod si recipiens a Moniali indebite dante, tantundem rei refundat, quantum accipit (& quidem in re utili) videtur liberari ab onere restituendis quippe qui etsi non habeat expressam intentionem compensandi damnum sua causa illatum Monasterio, habet tamen virtuale, quæ sufficit cum lex absolute præcipiat actum, non autem, quod fiat tali intentione, & alias teste *Sanchez num.100. sup.*, possit talis restitutio fieri

Religioso danti, nisi timeatur illum vane, & contra Prælati voluntatem iterum consumpturum esse, in quo casu facienda esset Monasterio: nobiscum sentit *Diana p.5. tract.13. resol.94. v. At negativam.*

Quæres 48. *An, & quomodo Moniales distrabentes bona, sive sibi concessa ad usum, sive communia Conventus teneantur restituere.*

74. *Resp.* Teneri, sin minus restitutione proprie dicta, (quæ non fit, nisi ex propriis bonis) saltem restitutione improprie dicta, nempe abdicando a se usum proprii peculii, si quod habent, & eo minus egent pro rebus necessariis: & ratio est, quod Monialis in casu proposito non excusatur a restitutione, nisi ex impotentia; impotentia autem non excusat, nisi eo modo, quo est: unde, cum in hoc casu non addit impotentia absoluta, (stante quod Monialis potest modo dicto restituere) eam absolute non excusabit ab onere restituendi, sed solum in eo, quod non teneatur restituere ex bonis simpliciter propriis. Colligitur ex *P. Navarro lib.3. de restit. cap.1. num.198.*, quem sequuntur *Fagundes l.7. in decal. cap.5. n.35.*, & alii; quorum aliqui addunt, Religiosum obligatum restituere Monasterio, si non habeat peculium, ex quo restituat modo supradicto, teneri vel magis laborare, vel sibi ex concessis aliqua minus necessaria subtrahere, vel aliunde ab amicis, aut consanguineis procurare bona, ex quibus dehitam faciat restitutionem: sed hæc duriora sunt, ideoque magis consulenda, quam præcipienda: unde *Alphonf. de Leone de offic. & pot. conf. recoll.11. n.192.* ait, Religiosum, si non habeat redditus, in casu proposito non teneri ad quidquam, nisi quod inducat eum, cui dedit, ut restituat; quæ sunt bene notanda, quia facient ad praxim præterquam quod *Rosella v. Monachus n.7.*, *Armilla ibi n.12.*, *Tabiena ibi n.11.*, & *Sylv. v. Religio 8. qu.3.* negant Religiosum absque licentia Superioris aliquid dantem, aut dispensantem teneri ad restitutionem: cum restitutio fieri debeat ex proprio, & Religiosus nihil proprii habeat.

Quæres

Quæres 49. *An Monialis rem acceptam sine licentia Superioris debeat tradere Monasterio, vel certe reddere ei, qui dedit.*

75. Resp. Debere tradere Monasterio, si donatio ex parte dantis facta fuit cum absoluta voluntate donandi. Ita in terminis *Suarez supra cap. 11. n. 35.*, probatur ex eo, quod, cum donatio hæc cedat in bonum religionis, quantumcumque ea contradicat acceptioni, postquam tamen facta est, semper censetur illam acceptare, quatenus potest sibi prodesse, & non obesse: sicque res donata censetur acquiri ipsi religioni, juxta regulam communem juris: *Quidquid acquirit Religiosus, acquirit religioni: c. Statuimus 18. q. 1.*; præterquam quod dici potest, donationem esse ipso jure validam, & acceptatam: qualibet autem res tradi debet suo domino, ut patet. Secus dicendum esset, si dans non habet voluntatem absolutam donandi, sed solum sub conditione expressa, aut tacita, quod res data cedat in proprium usum, ac dominium Monialis, cui datur, & ab ea possideatur independentem a Superiore: tunc enim Monialis debet rem acceptam restituere danti; quippe qui illius dominium numquam a se abdicavit, (idque ex defectu sufficientis voluntatis, conditione illa apposita, impediens translationem domini), & alias quolibet res debetur suo domino.

SECTIO II.

De Voto Castitatis, ad quam tenentur Moniales.

76. **A**d quam Castitatem teneantur Moniales.
77. *Ad quid obligentur ex voto Religiosa Castitatis.*
78. *Ejus violatio sub qua pena ipsis vetita.*
79. *Violator Monialis quibus penis pleatur.*
80. *Violatio Monialis est mixti fori.*
81. *Jure Ecclesiastico quomodo prohibentur Moniales nubere.*
82. *Qualis sit violatio Monialis quoad malitiam.*

83. Quibus in casibus contingat violatio voti Castitatis: ea non includit malitias, quas violans ignorat, aut non advertit; siquam tamen taliter ignoratam confiteatur, bene confessus est: violatio item voti annexa peccato luxuria potest seorsim aperiri in confessione, si inculpate sit omissa. Culpa habita cum muliere dormiente est Reptus; Bestialitas vero, si cum mortua.

84. Custodia Clausura summe confert ad observantiam Castitatis Monialium: idque ex variis capitibus, qua recensentur.

85. Qualiter procurata in Ecclesia.

86. Fuga conversationis secularium/utiles Castitati.

87. Moniales debent abstinere ab ornamentis superfluis.

88. Debent amovere occasiones peccandi, etiam minimas.

Quæres 1. *Ad quam Castitatem teneantur Moniales vi hujus voti.*

76. Resp. **Q**uod, cum Castitas dupliciter considerari possit; nimirum, vel, ut importat perpetuam abstinentiam ab omnibus voluptatibus carnis tam licitis, quam illicitis, & dicitur Virginalis; vel ut respicit Viduas, aliasque feminas non virgines, & dicitur simpliciter Castitas: votum Castitatis, quod faciunt Moniales, obligat illas ad virginitatem quidem, si tunc sint virgines; ad castitatem vero simpliciter dictam, si tunc non sint virgines: ita in terminis *Tambur. de jure Abbatis. d. 10. q. 1. num. 3.*, & patet, quia votum Castitatis importat abstinentiam cujuscumque delectationis veneræ, sive licitæ, sive illicitæ, ut jam dictum est; ergo & importat obligationem conservandi virginitatem, si vovens illam habeat, cum ea non possit deperdi, nisi per delectationem aliquam veneræ, quæ ei omnino est prohibita vi talis voti: ex alia parte votum Castitatis, quod facit femina non virgo, nequit obligare ad virginitatem servandam, cum virgi-

virginitas semel amissa non possit recuperari, juxta communem DD. sententiam cum *S. Thoma 2. 2. qu. 152. art. 3. ad 3.*, alias obligaret ad impossibile, cum tamen impossibile non sit obligatio.

Quæres 2. *Ad quid obligentur Moniales vi voti Castitatis.*

77. *Resp.* Obligari ad perpetuo abstinendum ab omni actu venereo tam interno, quam externo, castitati contrario, & consequenter a morosa, & voluntaria delectatione de actu turpi; esto illa sit absque desiderio, immo cum proposito non committendi talem actum exteriorem; ita *Suarez tom. 3. de relig. lib. 9. cap. 2. n. 2.* & patet ex ipsa natura virtutis castitatis simpliciter dictæ, ut constabit eam bene consideranti.

Quæres 3. *Sub qua pœna prohibeantur Moniales violare votum Castitatis.*

78. *Resp.* Prohiberi sub pœna, quod si se violari permittant, perpetuo carceri mancipentur; idque ex *cap. impudicas 27. qu. 1.* & quidem merito, cum teste *Alexandr. ab Alex. lib. 5. dier. gen. cap. 12.*, Virgines Vestales, quæ antiquitus diis falsis virginitatem vovebant, ex jure scripto, in casu, quo permetterent se violari virgis caderentur, & postea vivæ in terram deciderentur in pœnam tanti sceleris commissi.

79. Notat autem *Tambur. supra d. 11. qu. 2.* abutentem Moniali contra castitatem, jure quidem pontificio in foro contentioso puniri pœna depositionis ab Ordine, & amissionis beneficiorum, si sit Clericus, debereque includi perpetuo in Monasterio ad agendam pœnitentiam; si vero sit laicus, debere excommunicari, *c. si qua Monachar. 27. qu. 1.*; jure autem civili puniri pœna mortis, *Authent. de Sanctiss. Episcopi. §. penult.* bonaque ejus, si vis, aut raptus in tali sacrilegio interveniet, debere applicari Monasterio, in quo debebat Monialis modo dicto violata; idque juxta *l. raptores §. bona autem. c. de Episc. & Cleric.*, quod notavit *Farin. delict. carn. qu. 146. §. sacrilegium n. 10.*, & cum eo *Tambur. n. 6.*, addens *qu. 3. n. 3.*, Moniales in proposito casu mitius puniri, quam ma-

res sacrilegii complices, eo quod ipsi tanta culpa non insit, sicut maribus: qui eas inclusas attentarunt, illarumque pudicitiam sollicitarunt: præterquam quod Moniales, cum non raro invitæ includantur Monasteriis, & addicantur statui Religioso contra dispositionem Sacrorum Canonum, in foro externo, si minus in totum, saltem ex parte videntur posse excusari, si ex fragilitate interdum delinquant.

Cæterum sacrilegium commissum cum Moniali est mixti fori, adeoque æque principaliter de illo contra laicum cognoscere potest Juxex secularis, atque Ecclesiasticus, ita ut inter eos sit locus præventioni, juxta *c. proposuisti de foro comp. c. falicis de panis in 6.*, & *c. cum sit generale de judic.*, ita *Farinac. in pract. crimin. quest. 8. n. 132.*, *Gutier in pract. l. 3. qu. 1. n. 13.*, aliique DD. fere communiter teste *Tambur. sup. qu. 5. n. 1.* contra Baldum, & Navarrum apud eundem *Tambur. n. 2.* sustinentes cognitionem dicti delicti principaliter, & privative pertinere ad Ecclesiam, etiam contra laicos.

Quæres 4. *An, qualiter, & quo jure Moniales vi voti sollemnis Castitatis prohibeantur contrahere matrimonium.*

80. *Resp.* Prohiberi ita ut jure solum Ecclesiastico invalide contrahant: ut plurimis citatis ostendit *Sanchez l. 7. de matr. d. 26. n. 2.*, & quidem ita ut non solum illicite, sed etiam invalide contrahant, si forte attentent contrahere: est de fide, cum sit definita in pluribus Conciliis, & præsertim in *Trident. sess. 24. de matrim. can. 9.* communisque DD. & quidem, cum Religiosi, relicto statu imperfectiori, transcant ad perfectiorem, magna deliberatione præmissa, & annua probatione, ac publice populo inspectante se Deo per vota consecraverint, æquum erat, ut Ecclesia saltem provideret eos non posse postea valide matrimonium contrahere, ne alias daretur ansa descendendi ad statum imperfectiorem, & ex priori fide violata scandala multa, & gravia identidem pullularent.

81. Notat porro *Lezana tom. 1. cap. 25. n. 15. ex Tolet. l. 1. cap. 39.* eos qui scienter

ter contrahunt matrimonium cum Monialibus, & Moniales ipsas contrahentes incurere excommunicationem latam in *Clem. 1. de Confang., & affinit.* additque ex eodem *Toledo lib. 7. cap. 15.*, eum, qui Monialem recipit in uxorem, in pœnam tanti sacrilegii prohiberi contrahere cum quacunque alia: idque ex *26 qu. 1. can.* si ergo.

Quæres 5. *An violatio voti Castitatis respectu Monialis, ut sit importet plures malitias in confessione necessario exprimendas.*

82. *Resp.* Non importare, nisi malitiam sacrilegii, ideoque Glossam (dum ait) in *cap. Virginibus 27. qu. 1.*, eum qui copulam habet carnalem cum Moniali, illaqueari tribus criminibus; nempe Sacrilegio (quod nos etiam admittimus) adulterio spirituali (quatenus violat Sponsam Christi), & incestu (cum Monialis sit Sponsa Dei, qui est Pater noster, & consequenter confanguinea nostra, cum omnes sinus filii Dei) sano modo intelligendam: nimirum violationem Monialis præter malitiam sacrilegii, quæ necessario exprimi debet in confessione, involvere alias duas rationes, quæ aliquo modo aggravant delictum, dicique possunt veluti circumstantiæ aggravantes; hinc tamen non sequitur eas importare diversa crimina simpliciter dicta, & consequenter necessario exprimenda in confessione: cum probabile sit circumstantias aggravantes intra eandem speciem non esse necessario distincte confitendas, ut suo loco tradunt Doctores. Et certe, quod violatio Monialis importet malitiam Sacrilegii, constat, quia Monialis vi Religiosæ Professionis est persona Deo sacra, qui autem peccat contra personam sacram, committit sacrilegium, ut colligitur *c. impudicus, c. Virginibus, & c. si qua Monacharum 27. qu. 1.*

Concedo tamen, quod si Monialis violans Castitatem cum Sacerdote invincibiliter ignoret, aut non advertat per votum Castitatis a se, & a complice emissum, duplicem induci rationem sa-

crilegii actui luxuriæ a se commissio; non tenetur talem circumstantiam confiteri, quam aliàs confiteri deberet, teste *Less. l. 4. de just. cap. 3. n. 84.*, eum, data hypothese, violario Castitatis per accidens annexam non habeat duplicem illam rationem sacrilegii: & hoc ob doctrinam traditam a *Sanchez l. 1. mor. cap. 16. n. 10.*, illum scilicet, qui carnaliter cognoscit feminam, quam nescit non esse suam, ignorat tamen invincibiliter esse ipsius confanguineam (cum vere sit confanguinea) esse reum fornicationis, non item incestus: cum malitia incestus non possit ei imputari ad culpam, utpote incognita, adeoque involuntaria. Quæ doctrina bene notanda est a Confessariis, tamquam favorabilis rudioribus pœnitentibus: cum enim ille ex ruditate ingenii, aut detectu scientiæ, vel etiam advertentiæ in peccatis luxuriæ, plerumque apprehendant solum rationem generalem peccati contra Castitatem, nullo modo advertendo malitiam adulterii, incestus, sacrilegii &c. non tenentur postea confiteri has tales malitias (etsi post factum illas advertant), sed sufficit eos confiteri se peccasse contra Castitatem, seu peccato Luxuriæ.

* Accedit, quod si Monialis fornecetur cum viro Conjugato invincibiliter non advertens se ex parte complices committere adulterium; & tamen dicat in confessione se committere adulterium (quod vere non commisit, dato, quod in actu peccandi non adverterit hanc talem malitiam) si postea doctior facta cognoscat copulam a se habitam cum viro conjugato non habuisse malitiam adulterii formalis, sed solum materialis, ideoque non culpabilis, non tenetur in alia confessione manifestare: cum sufficienter confessus sit suum peccatum, nempe simplicem fornicationem, (loquendo de malitia surgente ex parte complices) hoc ipso, quod confessus est se adulterium commississe; quod continet in se totam malitiam fornicationis simplicis, superaddendo illi aliam malitiam oppositam iustitiæ, per quam constituitur in esse adulterii: sicque non est opus illam confiteri

steri se commississe fornicationem; cum confiteri adulterium implicite confessi sit & fornicationem.

Adde ex Card. de Lugo d. 16. de Pœnit. num. 640., & aliis ab ipso relatis num. 645., quod si adstrictus voto Castitatis fornicetur, & in confessione dicat se fornicatum fuisse, omiſſa inculpate circumstantia voti sufficit illum postea confiteri se violasse votum in re gravi: & ratio est, quod violatio voti secundum se habet suam malitiam ultimo completam, & in specie atoma independentem a malitia opposita Castitati; ideoque malitia violationis voti sufficienter potest explicari, non explicata malitia, quæ adversatur Castitati.

Quæres 6. In quibus casibus Moniales violent votum Castitatis.

83. Resp. Violare, si quem ex actibus sequentibus exerceant: & quidem 1. si deliberate capiant delectationem morosam de rebus veneris: si propriam pollutionem procurent, aut de ea aliunde secuta turpiter delectentur: si munusculis, literis, aut nunciis turpes foveant amicitias, sive cum aliis Monialibus, sive cum personis laicis: si ex malo fine obscænis habeant sermones, aut ex aliis audiant, librosve turpes, & amatorios legant: si retineant obscænas imagines, vel etiam proprii amasii imaginem: si aspiciant objecta impudica, & valde provocantia ad libidinem, vel se inspiciendas exhibeant iis, a quibus sciunt se turpiter amari: si lasciva canant, aut etiam indifferentia animo excitandi audientes ad turpem sui amorem: si a somno excitatæ delectentur de somnis obscænis noctu habitis: si turpes habeant conversationes, sive cum aliis Monialibus, sive cum secularibus: si carnaliter delectentur osculis, amplexibus, & aliis tactibus obscænis: si indebite se ornent ad malum finem si voluntarie se detineant in occasione proxima violandi votum Castitatis: in his, inquam, omnibus casibus violatur votum Castitatis a Monialibus.

Unum hic obiter monco, amicissimum P. Dianam p. 9. tract. 9. resol. 2. vi-

deri minus sufficienter impugnasse, quod dico tract. 4. cap. 3. num. 70. copulam scilicet habitam cum femina dormiente, iam ante somnum non consentiente habere malitiam Raptus formalis: impugnatur enim, tum quia in hoc casu non videtur intervenire injuria, ac violentia, quæ supponitur ad raptum; cum absit fraus, & ea ipsa injuria, quæ fit feminae, ei non sit nota, utpote concubitus non sentienti ratione somni, quò est consopita: tum quia aliqui sequeretur cum, qui haberet talem copulam, incurrere pœnas a Sacris Canonibus latas contra Raptores, attenta doctrina Less. lib. 4. cap. 3. num. 66. extendentis pœnas Raptorum ad illos, qui non traducunt feminam de uno loco ad alium ad illam violandam. Neutra autem harum rationum videtur probare intentum: non prior, cum injuria sit juris alieni violatio, quæ adest in præſenti casu hoc ipso, quod quis abutitur corpore mulieris sine ejus consensu: nec tollitur ex eo, quod femina non sentiat concubitus, ut patet: præterquam quod hic non deest vis, seu violentia; cum vis dicatur rei majoris impetus, qui repelli non potest, l. 1., & 2. ff. quod vi, metusve cau. si. quod in nostro casu verificatur, ut consideranti facile constabit: non posterior ratio probat intentum, cum copula, de qua hic, habeat formalem malitiam raptus solum per participationem, non autem in toto suo rigore, quod tamen requiritur ad incurrendas pœnas: quippe quæ non debent ampliari, sed restringi.

Addo item minus sufficienter improbari ab eodem P. Diana supr. resol. 2., quod dico tract. 4. cap. 3. n. 70., copulam videlicet habitam cum muliere mortua includere malitiam bestialitatis: ex eo enim impugnatur hanc assertionem, quod bestialitas sit concubitus cum re animata non ejusdem speciei, ac est homo; & copula habitam cum muliere mortua non sit concubitus cum re animata, ut patet, idque juxta communem sensum DD. modo dicto deficientium bestialitatis: quasi vero S. Thomas 2. 2. qu. 145. art. 11. in Cor-

por. Cajetan. ibi, Tabien., & Armilla v. bestialitas; Ang. v. Luxuria; Azor. p. 3. l. 3. cap. 22. Layman l. 3. sect. 4. n. 14. Bonacin. de Matrim. qu. 4. part. 12. n. 1. Gefuald. de Bonon. tom. 2. tract. 11. cap. 1. num. 34. Binsfeld part. 2. cap. 8. §. 9. Encbir., & alii bestialitatem non definiunt, quod sit conjunctio carnalis cum re alterius speciei, non exprimentes quod ea res sit vivens, aut animata, sicut vult P. Diana. Unde infero, quod cum tot graves Doctores definiant bestialitatem eo modo, quo ego defini vi; non video, cur talis definitio non debeat admitti, ut probabilis: hac autem admissa, ut probabili, admitti debet, ut probabilis doctrina a me data, quam impugnatur P. Diana: cujus doctrinam ego item admitto ut probabilem.

Quæres 7. Unde Clausura adeo conferat ad votum Castitatis.

84. Resp. Conferre 1. quia per eam vitantur multa, & gravia pericula violandi illam: 2. quia per illam Moniales facilius retrahuntur ab excessibus, in quos aliàs facile ruerent: 3. quia liberior conversatio iis auferret sanctam simplicitatem, ac osium aperiret carnis suggestionibus: 4. quia pulchritudo neglecta solet efficacius allicere, & communiter nitimur in vetitum, juxta illud Proverb. 9. Aqua furtiva dulciores sunt; quæ cum locum habeant in Monialibus, facile apparet, quam acriter irritari potest impudentia hominum scelerum, si ex frequentius paterent illorum aspectibus, iisque concederetur libere confabulari cum illis, diutius conversari, & ad illarum familiaritatem admitti: quæ sine dubio evenirent non raro, si Moniales non adstringerentur lege Clausuræ: ut vel hinc patet, quod in præsentia, esto Moniales teneantur manere perpetuo intra Clausuram, nihilominus interdum non desunt homines adeo impudentes, ut aliàs habentes copiam explendi propriam libidinem cum feminis secularibus, sacrilege audeant accedere ad Monasteria Monialium animo alliciendi aliquam illarum minus cautam ad turpissimos actus, & ad

violandam fidem Christo ipsarum Sponsæ datam in Religiosa Professione: ex his ergo capitibus, & aliis similibus, quæ facile occurrere poterunt consideranti, sequitur observantiam Clausuræ summo opere conferre ad servandam Castitatem, ideoque jure optimo fuisse præscriptam Monialibus.

85. Hinc Summi Pontifices semper quam maxime invigilarunt circa cultodiam Clausuræ Monialium, multisque mediis curarunt eam integram, ac inviolatam servare; modo ferendo excommunicationem latæ sententiæ, reservatam Papæ, cum aliis pœnis contra Moniales egredientes & Clausuram, nec non contra alios iis in hoc faventes, licentiam indebite concedentes, comitantes, aut recipientes (quod fecit Pius V. anno 1569.) modo servantes Sedi Apostolicæ violationem Clausuræ Monialium ob malum finem contra Castitatem (quod præstitit Clemens VIII. anno 1602.) modo prohibendo Monialibus, ne admittant intra Clausuram proprii Monasterii quamcumque personam, cujuscumque generis, conditionis, aut sexus (quod factum est in c. periculoso superius citato, & in Concil. Trident. sess. 25. de Regul. cap. 5.) modo interdicens quibuscumque personis tam Ecclesiasticis, quam Sæcularibus, ne sine debita facultate accedant ad Monasteria Monialium (quod fuit statutum in citato c. periculoso, & innovatum a Pio V. in Bulla, quæ incipit Circa Pastoralis Officii): modo præcipiendo, ne femine aliàs habentes facultatem ingrediendi Monasteria Monialium a Sede Apostolica, id faciant sine consensu ipsarum Monialium, præstando capitulariter, & per secreta suffragia (quod præscripsit Urban. VIII. anno 1624.) modo commitendo Ordinariis locorum, ut procedant contra Regulares delinquentes circa personas degentes intra septa Monasteriorum Monialium, & quidem quoad omnia delicta etiam non notoria, nec cum scandalo populi (quod statuit Gregor. XV. in Bulla, quæ incipit Insuperabili Dei providentia): modo alia similia statuendo, quæ

quæ ad servandam Clausuræ custodiam non parum prodesse poterant, & cap. sequ. proponuntur.

Quæres 8. *Quantum conducere possit ad servandum votum Castitatis, ut Moniales quam maxime abstineant a conversationibus Sæcularium.*

86. *Resp.* Ita conducere, ut sit valde difficile Castitatem servari illibatam, si addit frequentia conversationum Sæcularium: quomodo *S. Bernard. serm. 40. in Cant.*, sic Religiosum alloquitur. *Sede solitarius, ut turtur, nil tibi cum turbis, nil cum multitudo cæterorum: etiam ipsum obliviscere populum, & domum patris tui, & concupiscet Rex decorem tuum.* Cujus rei ea est ratio, quod in conversatione sæcularium interveniunt, & colloquia interdum minus bona (corrumpunt autem bonos mores colloquia prava) & aspectus minus cauti (cum tamen mors intret per fenestras), & alia id genus, quæ paulatim ignem accendunt concupiscentiæ, & virtutem ipsam Castitatis manifesto exponunt periculo. Ut proinde merito Sacra Congregat. ad tollendam quæcumque occasionem sæcularium conversationum præceperit tum ne sub prætextu docendi sonum Cymbalorum, aut alterius instrumenti, aut musicam, vel cantum, permittatur accessus ad crates Monialium, *Lezana tom. 1. cap. 25. n. 36. ex Gavanto*; tum ut rota, seu fenestrella ex qua Moniales exponunt sacras vestes ad usum sacrificii Missæ duplici clave obferetur, quarum altera sit penes Abbatissam, altera apud Confessarium, *Nald. v. Monialis num. 10.*; tum ut clavis fenestellæ, ex qua Moniales sacram sumunt Communionem perpetuo maneat apud Confessarium, *Gav. in man. v. Monialium Eccles. n. 7.* tum ne Regulares de mandato Superioris accedentes ad Moniales causa concionandi, aut celebrandi Missam, ullo quæsito colore, Sorores, aut quamlibet aliam personam intra Clausuram degentes alloqui possint, *Bonacina qu. 3. de Claus. p. 4. n. 3.*

Quæres 9. *Quo modo Moniales ad ser-*

vandum votum Castitatis teneantur abstinere a superfluis ornamentis.

87. *Resp.* Teneri abstinere tum quoad vestes, quas induunt, ne scilicet sint ex materia pretiosiori, vanæ, ac excitantes ad libidinem, sed modestæ, decentes, ac conformes paupertati, quam profitentur; sicut enim asperior cardo facit pannum leniorem, inquit *S. Bernard. ep. ad Gulielm.* sic asper habitus carnem facit castiorem: tum quoad ornatum capitis, ne videlicet comam nutriant, sic habetur in *Clem. attendens de statu Monach.* his verbis: *Aspiratores autem hujusmodi sollicitudinis studium diligenter impendant, ut Moniales ipsæ, quarum nonnullas dolentes audimus in subscriptis excedere, pannis sericis variorum foderaturis, sandaliis, comatis, & cornutis crinibus, virgatis capuculis non utantur.* Qua de re *Tambur. sup. d. 10. qu. 2. num. 16., & 17. monens ex Navarr. cap. 23. num. 18.* quod, si Monialis novitatem inducat in se ornanda, & sic ornata se ostendat sæcularibus, qui inde graviter provocentur ad libidinem, non videtur excusari a peccato mortali; secus, si ex levitate, ac vanitate muliebri absque prava intentione.

Quæres 10. *Quam sollicite, ac studiose debeant Moniales declinare quæcumque minimam occasionem delinquendi contra Castitatem.*

88. *Resp.* Quod cum juxta communem SS. Patrum sententiam conservatio Castitatis maxime pendeat ex fuga occasionum: quo pacto *S. August. lib. de honestat. mulier. cap. 2.* ait: *Nec tibi querecundum sit fugere, si castitatis palmam desideras obtinere:* ad hoc, ut Moniales votum Castitatis exactius observent, in eo maxime debent insistere, quod quæcumque minimam occasionem ejus observationi adversantem omni diligentia, ac studio declinent. Sic Clemens VIII. teste *Gavanto. sup. in addit. manual. v. Monialium clausura n. 10.* prohibuit, ne catelli admittantur intra Monialium Monasteria: sic in Concilio Romano sub Innocentio III. *cap. 27.* cautum est, ne Moniales unâ cum Canon-

nicis,

niciis, & Monachis convenient in Ecclesia, & in Choro ad psallendum, ut habetur in *c. perniciosum* 25. *qu. 2.* sic in *Nicana Synodo* 2. *c. 20.* prohibita fuerunt Monasteria duplicia, in quibus sub eodem tecto habitarent Monachi, & Moniales: sic *Conc. Trident. sess. 15. de regul. c. 5.* prohibet, ne hodie Monialium Monasteria construantur extra Civitates; & hortatur, ut ea, quæ sunt extra mœnia, in Civitatem, aut oppidum revocentur: sic Sacra Congregatio anno 1584 censuit Monasteria Monialium non esse erigenda, nisi in locis muro munitis, ut refert *Tambur. supr. d. 34. q. 2. num. 3.* sic eadem Sacra Congregatio anno 1590. teste *Bonacin. supr.* interdixit Regularibus deputatis in Confessariis Monialium, ne in ædibus Monasterii, seu domus, vel Monasterio, seu domui Monialium, aut sororum contiguas pernoctent, aut alios pernoctare faciant, vel alios secum retineant, neve extra tempora generalium confessionum (quibus soli tantum Confessario refectionem diurnam accipere vix permittitur, & tunc demum videlicet cum sua habitatio, aut virorum domus, vel Monasterium, in quo degit, a Monialium, seu sororum Monasterio, vel domo nimium distat, nisi tamen, & eo casu contrarium specialiter constitutum sit) ibi nullo modo comedant, reficiant, aut cibum sumant; idque sub penis privationis officii, ac vocis activæ, & passivæ ipso facto incurrendis, aliisque ejusdem Congregationis arbitrio. Sic Gregorius XIII. apud *Bonacin. supr. p. 2. n. 5.* sub pœna excommunicationis ipsos facti incurrendæ prohibuit quibusdam Regularibus, ne scriberent, literas Monialibus sui Ordinis (quamquam talis prohibitio non extendatur ad Religiosos aliorum Ordinum, cum fuerit limitata, sicut notavit idem *Bonacin.*, & ante illum *Navar. conf. 19. de sent. excom.* Sic Gregor. XIII. anno 1582. decrevit, ne illi, quibus cura est Monialium, ingrediantur clausuram, nisi in casibus necessariis, & tunc cum paucis, senioribus, ac Religiosis, idest devotis viris. Sic denique Concilia, Summi Pontifices, Sacræ Cardinalium Congregatio-

nes, Ordinarii locorum, ac Prælati regulares plura alia, & valde salubria statuta juxta præsentium temporum necessitatem ediderunt ad effectum, ut Monialibus auferretur omnis occasio delinquendi contra Castitatem, quantumvis valde remota, parva, & ex se non multum æstimabilis, idque, ut hinc Moniales ipsæ intelligerent, quanta diligentia, ac studio debeant evitare quancumque minimam occasionem violandi votum Castitatis, memores illius consilii quod traditur *Eccles. 21. Quasi a felle colubri fuge peccatum*: & illius, quod habetur *1. cor. 6. Fugite fornicationem*.

89. Multa alia, quæ hic quæri possent de Castitate Monialium, proponuntur, & explicantur in nostro *Tract. de votis cap. 3. per totum*: ideoque ea in præsentia consulto omittimus.

SECTIO III.

De Voto Obedientiæ, ad quam tenentur Moniales.

90. **M**oniales vovent Obedientiæ Abbatisse, aut proprio Prælato juxta consuetudinem.
91. Ad quid obligentur ex voto Obedientiæ.
92. Votum Obedientiæ Religiosa ex genere suo obligat sub mortali, non item ex usu Religionum.
93. Moniales, quibus teneantur obedire vi voti.
94. Vi illius tenentur obedire Papæ.
95. Item Ordinario si non sint exemptæ.
96. Qualiter subjaceant ei, quoad clausuram, quantumvis exemptæ sint.
97. Papæ, ac Ordinario parent solum in iis, quæ sunt juxta regulum.
98. Parent Prælato regulari, si sint exemptæ.
99. Item Abbatisse, seu Priorissæ.
100. Et quidem interdum sub mortali; etiam secluso præcepto formali.
101. Non item Vicariæ, seu Priorissæ Monasterii parent ex voto Obedientiæ.
102. Neque Vicariis ad earum gubernationem deputatis.
103. Exemptæ potius obediunt Prælato regulari, quam Ordinario.

104. In aliquibus parent potius Ordinario, quam Abbatisſa.
105. Ex voto Obedientiæ parent in iis omnibus, quæ ſunt juxta regulam.
106. Illis imponi nequeunt ab Abbatisſa præcepta Spiritualia, ita ut teneantur ea implere.
107. Gravius obligant præcepta Spiritualia, quam temporalia.
108. In quo caſu Moniales teneantur parere præcepto Spirituali Abbatisſa.
109. Abbatisſa non præcipit in virtute Obedientiæ.
110. Solvitur obſectio in contrarium.
111. Si tamen ſic præcipias, ei parendum ſub mortali.
112. Imponit ſolum præcepta temporalia concernentia civilem gubernationem.
113. Qualiter Moniales peccent mortaliter non parendo Abbatisſæ, ſi non præcipit in virtute Obedientiæ.
114. Ea non facit leges perpetuas.
115. Solum cogit ad regularem obſervantiam in ordine ab bonum politicum Conventus.
116. Non præcipit ea omnia, quæ præcipit Prælatus regularis.
117. Moniales non parent in iis, quæ ſunt contra regulam, niſi in certo caſu.
118. Prælatus imponit Monialibus novas aſſeritatis in aliquo caſu.
119. Ea parent interdum cum periculo vite.
120. In re levi aliquando tenentur obedire ſub mortali.
121. Et e contra interdum in re gravi tenentur parere ſolum ſub veniali.
122. Qualiter teneantur obedire præcipienti indiſſerentia.
123. Ex voto Obedientiæ non poſſunt cogi ad nubendum.
124. Ex diſto voto non tenentur implere quæcumque continentur in regula.
125. Violatio regule non obligantis ad peccatum poſſe eſſe ætius virtutis.
126. Taliſ violatio raro contingit ſine aliqua culpa.
127. Violans talem regulam ſubjicitur pena.
128. Violans jejunium in regula præſcriptum ſub mortali, & præceptum ab Eccleſia duo facit peccata.
129. Moniales qualiter poſſint ſe obligare contrahendo ſine licentia Superioris, & qualiter contrahendo cum licentia.
130. Contractus a Religioſo factus de licentia Prælati nequit irritari.
131. Prælatus irritat contractum factum a Moniali de licentia Abbatisſæ iniſſe data.
132. In dubio obediendum, ſed non ſemper, nec in omnibus caſibus, quorum ali qui referuntur.

Quæres 1. Cui, proprie loquendo, faciunt Moniales votum Obedientiæ.

90. Reſp. **Q**uod cum juxta diſta hic cap. 3. ſect. 1. quæ. 4. Moniales emittere poſſint Religioſam profeſſionem in manibus ſive Abbatisſæ, ſive proprii Prælati reſpectivè (ſervata tamen in hoc conſuetudine uniſcujuſque Ordinis, aut loci, quæ poſſeſt eſſe variæ; cum Prælatus, & Abbatisſa quoad hoc dici poſſint concurrere cumulative, ideoque detur quaſi locus præventioni) conſequenter dicendum eſt, Moniales emittere votum Obedientiæ ſive Prælato proprio, ſive propriæ Abbatisſæ, prout profeſſionem emittunt in manibus hujus, aut illius: neque vero ex eo, quod Moniales votum Obedientiæ emittant Abbatisſæ, ſequitur iſtam poſſe iis præcipere in virtute ſanctæ Obedientiæ, ut bene notavit Sanchez lib. 6. Moral. cap. 1. num. 21, & nos ipſi oſtendimus inferius quæ. 14.

Quæres 2. Ad quid obligentur Moniales vi voti Obedientiæ.

91. Reſp. Obligari ad obediendum legitimo Superiori, ſive immediato, ſive mediato, in iis, quæ ſunt juxta regulam, exequendo ea, quæ ipſis debite præcipiuntur: non quidem per Obedientiam formalem (nimirum implendo præcepta Superioris, prout ſunt præcepta) ſed per Obedientiam materiale tantum, videlicet ea quacumque ratione exequendo: ita Sanchez ſup. n. 6., & patet, quia aliqui Monia-

Moniales tenerentur parere præceptis Superioris sub ratione, quod præcepta sunt: & hoc autem nemo dicet.

Quæres 3. *An votum Obedientiæ obliget Moniales sub peccato mortali, & quando.*

92. Resp. Quod, quamvis ex genere suo obliget sub mortali, & usu communi Religionum receptum sit, ut, si Superior solum simplici verbo præcipiat, quantumvis materia præcepta sit gravis, non censetur velle obligare sub mortali, quantum est ex suo præcepto positivo, ac voto Obedientiæ, nisi forte in virtute sanctæ Obedientiæ, aut alia æquivalenti forma indicet se intendere obligare in præfenti materia, quantum potest, ut advertit *Suarez tom. 3. de relig. lib. 10. c. 4. n. 11.* id tamen fallit quoad Moniales, & hoc ob dicenda *qu. 15. & 16.*

Quæres 4. *Quibus Superioribus teneantur Moniales parere ex vi voti Obedientiæ.*

93. Resp. Teneri parere in iis omnibus, quibus per tale votum se subijciunt, sive immediatis, sive mediatis, sive Regularibus, sive non Regularibus; videlicet Papæ, Ordinario (modo tamen inferioris explicando) Prælati regularibus (si iis immediate subijciantur) & propriæ Abbatis: & communis DD., & constabit ex dicendis in quætionibus sequentibus.

Quæres 5. *Quomodo Moniales teneantur parere Papæ vi voti Obedientiæ.*

94. Resp. Teneri parere, non quidem in omnibus, quæ ipse quomodocumque præcipit, sed solum in iis, quæ præcipit, tanquam specialis Prælati religionum, in iis exigendo Obedientiam sibi debitam ex promissione voti Obedientiæ, & quæ sunt juxta propriam regulam; ita *Sanchez supra num. 8.*, & probatur ex eo, quod cum ipse sit caput omnium Prælatorum regularium, & ab eo pendeat eorum jurisdictio, decet obligationem illis ex voto acquisitam ei efficacius acquiri.

Quæres 6. *Qualiter teneantur parere Ordinario loci vi voti Obedientiæ.*

95. Resp. Distinguendo, vel ex im-

mediate subijciuntur Episcopo; & sic tenentur ei obedire eo modo, quo tenerentur parere Prælati Regulari, si illi immediate subijcerentur, utpote exemptæ ab Ordinario loci; cum Episcopus respectu illarum sit ipsarum Prælatorum Prælatorum Regularium, & aliàs votum Obedientiæ obliget ad parendum, cuicumque proprio Prælati: vel ex sunt exemptæ ab Ordinario, & sic non tenentur obedire illi ex voto Obedientiæ; cum ex ipsi non subdantur tamquam proprio Prælati, sed tantum Prælati sui Ordinis; ideoque cesset ratio obediendi illi ex obligatione voti, nisi quoad observantiam Clausuræ a concilio Tridentino *sess. 25. de Regul. cap. 5.* Ordinariis commissæ, etiam quoad Monasteria exempta, modo infra explicando.

96. Dixi, nisi quoad observantiam Clausuræ: ut innuerem, quod cum teste *Suarez supra cap. 11. num. 18.* votum Obedientiæ obliget ad parendum etiam illi, cui a proprio Prælati delegatur facultas præcipiendi; & ex alia parte de factum jam competat Episcopis tamquam Sedis Apostolicæ delegatis cura Clausuræ Monialium, aliàs exemptarum, dicendum est, Moniales, etiam exemptas teneri obedire Ordinario præcipienti in materia concernente Clausuram, non solum ex virtute generalis Obedientiæ, sed ex ipso voto Obedientiæ, quod emittunt: ita docti viri consulti.

97. Quod autem diximus quæ præced. de Papa, Moniales scilicet non teneri ei parere ex voto Obedientiæ, nisi in iis, quæ sunt juxta propriam regulam, & quando præcipit tanquam specialis Prælati Religionum, (quod non facit semper) a fortiori dicendum est de Ordinariis, quoad Moniales ipsis immediate subiectas; sique illas non peccare contra votum Obedientiæ, si transgrediantur leges generales quas illi faciunt pro tota Diocesi; par siquidem ratio militat in utroque casu.

Quæres 7. *Quo pacto Moniales teneantur parere Prælati Regularibus sui Ordinis ex voto Obedientiæ.*

98. *Resp.* Teneri, si sint exemptæ ab Ordinario, & quidem eo pacto, quo tenentur viri Religiosi ejusdem Ordinis, cum votum Obedientiæ, quod emittunt Moniales, sit ejusdem rationis, ac votum quod faciunt Religiosi ejusdem Ordinis; sicque inducat eandem obligationem: scilicet, si Moniales sint immediate subiectæ Ordinariis locorum; hæ enim ex voto Obedientiæ tenentur parere Ordinario, non propriis Prælati Regularibus, ob rationem allatam *qu. 6.*

Quæres 8. Quomodo Moniales teneantur ex Obedientiæ voto parere Abbatiſſæ, seu Prioriſſæ Monasterii.

99. *Resp.* Quod, cum Moniales per Obedientiæ votum voveant parere Abbatiſſæ juxta potestatem, cujus ipsa est capax; & potestas, cujus est capax Abbatiſſa ratione sexus, sit potestas non spiritalis, sed domestica, ac civilis (quam habet materfamilias in filios, & magistratus civilis in cives) consequenter Moniales debent ei præcipienti parere, etsi non possit præcipere in virtute sanctæ Obedientiæ (quod ostendimus *qu. 14.*) & quidem sub peccato mortali; si constet illam præcipere animo taliter obligandi, & aliâs qualiter rei, & materiæ præceptæ hic, & nunc, judicio prudentis viri censetur gravis; ita *Sotus in 4. d. 20. qu. 1. art. 4. Sanchez suprà. n. 17., & 18. Tambur. de jure Abbat. d. 12. qu. 4.* aliique penes ipsum; & probatur ex eo, quod quamvis sexui femineo, utpote non ita prudenti, non deceret communicari ab Ecclesia potestate in spiritualem, necessarium tamen erat ad bonum regimen Monialium degentium in Monasteriis, ei committi aliquam gubernandi potestatem, cum Moniales immediate, & proxime regi non possint per viros ob periculum cohabitationis cum feminis, & ex alia parte necessario indigent dirigi per aliquam potestatem proximam, & immediatam; ad hoc autem præstandum non requiritur absolute potestas spiritalis (cujus est incapax femina jure Ecclesiastico) sed sufficit potestas civilis, ac domestica: sicque Mo-

niales vi hujus tenebuntur obedire Abbatiſſæ præcipienti juxta limites talis potestatis, modo infra explicando.

100. Nobiscum sentit *Sanchez tom. 4. de Relig. tract. 9. l. 1. cap. 12. num. 9.*, dicens, quod cum Moniales promittant Obedientiam Abbatiſſæ, seu Prioriſſæ (ut constat ex formulis profitendi) si Abbatiſſa ita præcipiat, ut fidem datam exigat, obligabit in conscientia: vel (si modus loquendi magis placet) votum ipsum Obedientiæ obligabit, posita tali jussione, quæ est quasi applicatio materiæ voti, in quo eadem est ratio potestatis, & obligationis in femina, quæ in viro: hæc ille, quæ magis etiam constabunt ex infra dicendis. Unde fit, doctrinam illam, quam communiter tradunt DD. (videlicet votum Religiosæ Obedientiæ non obligare sub mortali Religiosos, etiam data gravitate rei præceptæ, nisi in casu, quo Superior participat in virtute sanctæ Obedientiæ, aut sub alia forma æquivalenti: idque ex usu Religionum) doctrinam, inquam, illam non procedere quoad Moniales respectu propriæ Superioriſſæ; cum hæc non possit imponere formalia præcepta Obedientiæ, sicque respectu ipsius cesset ratio dictæ doctrinæ: quare quotiescumque Superioriſſa Monialium præcipit ipsis aliquid grave, verbis judicio prudentis viri indicantibus illam intendere obligare sub mortali, Moniales eo ipso sub mortali tenentur ei parere.

Quæres 9. An Moniales ex voto Obedientiæ teneantur parere Vicariæ, seu Subprioriſſæ Monasterii.

101. *Resp.* Nonteneri quidem ex voto, cum Vicaria Monasterii non sit Prælati Monialium, cui sit votum Obedientiæ; teneri tamen obedire ex potestate civili, ac politica, quæ utique competit dictæ Vicariæ (cum & ipsa sit Superioriſſa Monasterii, quamvis subordinata Abbatiſſæ), & juxta superius dicta f. fit, ut Moniales obligentur ad obediendum sub peccato etiam mortali, si res præcepta sit ex objecto gravis, & modus illam præ-

N

cipien-

epiendi iudicet intentionem præcipientis esse, obligare sub culpa gravi: ita docti Neoterici a me consulti.

Quæres 10. An Moniales vi voti Obedientiæ teneantur parere iis, qui interdum ipsi deputantur in Vicarios.

102. Resp. Non teneri, regulariter, cum illi revera non sint Prælati Monialium, & consequenter cesset obligatio illis obediendi: ita in terminis *Miranda tom.2. Manual. qu.21. art.2.*, & cum eo *Lezana tom.1. cap.35. num.2.*, qui tamen intelligi debent de iis Vicariis, qui præcise sunt Vicarii, non autem simul Priores, aut Guardiani, & quidem etiam Delegati ad tale munus Vicarii a Provincialibus vel Generali: sicut in specie advertit idem *Miranda*; his enim utique tenentur obedire ex voto.

Quæres 11. Cui Moniales debeant potius obedire, Ordinario loci, an proprio Prælato Regulari, vel e contra.

103. Resp. Cum distinctione, vel loquimur de Monialibus exemptis; & hæc potius debent obedire Prælato Regulari, quam Ordinario, exceptis iis, in quibus ipsæ subjiunguntur Ordinario, qualis est in primis observantia Clausuræ; si quidem posita exemptione, quoad alia non subduntur Ordinario, & consequenter nec tenentur illi obedire: vel loquimur de Monialibus immediate subiectis Ordinario, & hæc simpliciter debent ipsi obedire in omnibus, non autem Prælato Regulari, utpote quæ revera nullo modo subjiunguntur illius jurisdictioni: colligitur ex *Sanchez l.6. moral. cap.1. n.13.*

Utrum vero Moniales debeant potius obedire Ordinario, quam Abbatiſſæ, vel e contra.

104. Resp. Juxta distinctionem datam *qu. præced.* debere potius obedire Ordinario, quam Abbatiſſæ, si ex immediate subiaceant ipsi Ordinario: obedire, inquam, & quidem non solum in iis, quæ spectant ad Ecclesiasticam disciplinam, ac criminum punitionem, sed etiam in iis, quæ concernunt regularem observantiam: Colligitur ex *Sanchez loco sup. allegat.*,

& probatur, quia Ordinarius vere est Prælatus talium Monialium, exque ipsi subsunt una cum Abbatiſſa, non minus quam subsunt Prælato Regulari Moniales exemptæ, una cum sua Abbatiſſa: sicut ergo hæc debent potius parere Prælato Regulari, quam Abbatiſſæ etiam quoad Regulares observantias; ita & Moniales subiectæ Ordinario, ei debent potius obedire, quam Abbatiſſæ, etiam quoad Regularem observantiam.

Quæres 12. In quibus teneantur Moniales parere ex voto Obedientiæ.

105. Resp. Teneri parere in omnibus iis, quæ sunt juxta regulam proprii Ordinis, & sunt proportionata proprio ipsarum sexui: idque etſi solum indirecte, aut implicite in ipsa regula contineantur, quod advertit *S. Thomas 2. 2. quæst. 104. art.1.*, & concedunt etiam alii Doctores apud *Caſtr. Pal. tract. 16. d. 4. par. 4. num. 4.*

Quæres 13. An vi voti Obedientiæ, quod emittitur Abbatiſſæ, possit ipsa imponere Monialibus præcepta spiritualia, idest in ordine ad finem spirituales, eaque teneantur illa implere sub peccato.

106. Resp. Non posse, nisi forte Prælatus ipse Monialium illis præcipiat, ut obediant Abbatiſſæ jubenti hanc, vel illam rem concernentem finem spirituales, & quidem in materia gravi: ita *Rodrigu. tom.1. qu.15. art.1. Solus in 4. d.20. q.1. art. 4.*, alique, quos refert ac sequitur *Sanchez n.19.*, & probatur, quia Abbatiſſæ non competit nisi sola gubernatio domestica, & politica, instar potestatis civilis, & matris familias: hujusmodi autem potestas solum extenditur ad imponenda præcepta temporalia, ordinata ad bonum temporale, ac politicum, nempe ad tranquillam reipublicæ, & domus gubernationem: ergo & idem dicendum est de Abbatiſſa, cum de ea sit par ratio, ut patet.

107. Ex quo bene infert Sanchez num.30., quod, quamvis Prælato Regulari præcipientis suis Religiosis, ut quotidie audirent Missam ex eodem fine, q. o Eccle-

Ecclesia præcipit Fidelibus auditionem Miſſæ, & quidem animo obligandi ſub mortali peccato, mortaliter peccarent Religioſi vel unico die Miſſam omittentes; ſecus eſſet, ſi Abbatiffa ſuis Monialibus hoc idem præciperet ſub peccato (quod poſſet facere) tunc enim Monialis ſemel omittens Miſſam non peccaret mortaliter. Et ratio diverſitas eſt ex ratione diverſi finis intenti a Prælato Regulari, & Abbatiffa in dicto præcepto, ex quo ſine gravitas materiæ penſari debet ad obligationem ſub mortali, aut veniali peccato: ſiquidem finis intentus a Prælato eſt ſpiritualis (nempe ſpiritualis proſectus Religioſorum) finis vero intentus ab Abbatiffa eſt temporalis (ideſt bona gubernatio, & pax Monasterii): conſtat autem, quod omiſſio uniſ Miſſæ eſt materia gravis reſpectu finis ſpiritualis, non item reſpectu finis temporalis.

108. Dixi ſub initium reſponſionis, *niſi forte Prælatus Monialium illis præcipiat, ut obediant Abbatiffæ &c.*, ut innuerem Moniales in tali caſu teneri ſub mortali obedire præcepto ſpirituali impoſito ab Abbatiffa, quia tale præceptum ſic obligans non oriretur ab Abbatiffa, ſed a Prælato; ſicque Abbatiffa ſolum eſſet velut conditio determinans illud Prælati præceptum, ut ſine qua illud non obligaret. Quo modo, ſi in regula Religionis extaret præceptum obligans ſub mortali ad obediendum Abbatiffæ, in aliquo caſu eſſet mortale ei non obedire, etiamſi materia præcepti ab illa facti eſſet ſpiritualis: idque non præciſe ob Abbatiffæ præceptum, ſed ob præceptum regulæ, quod determinaretur per præceptum Abbatiffæ, ut per conditionem ſine qua non: ita Sanchez num. 25. addens num. 26. præſtatam vim obligandi in caſu propoſito non tribui præceptis Abbatiffæ ex eo ſolum, quod ea confirmentur a Provinciali; nam innovatio, vel confirmatio nullum jus novum tribuit, ſed antiquum conſervat, ut tradit Gloſſ. in c. cum dilecti, v. non videmus de conſ. utili, & cap. quia v. forma de conſeſ. prob.

Quæres 14. *An Abbatiffa, ſtante voto Obedientiæ, quod ei faciunt Moniales, poſſit eis præcipere in virtute Spiritus Sancti, aut in virtute ſanctæ Obedientiæ, & facere præcepta formalia obligantia ſub mortali.*

109. Reſp. Non poſſe, & ſi, taliter præcipiat, non tenere factum: quævis Rodriqu., Salas, Azor., Cornejo, Lexana, & Nald. relati a Diana p. 5. tract. 9. reſol. 16. oppoſitum ſuſtineant: ita Val. tom. 4. d. 7. qu. 16. part. 3., Sylv. v. Abbatiffa num. 1., Sanchez ſupr. num. 21., Portel. de dub. regul. v. Abbatiffa n. 1., Baldell. l. 5. d. 6. num. 1., alique tum apud ipſum, tum apud Dianam reſol. cit., & probatur, quia ex Eccleſiæ uſu præcepta prædicta imponere pertinet ad ſolos Prælatos Eccleſiaſticos ſpirituali poteſtate præditos: unde conſtat Principes, & alios Superiores ſæculares nunquam ſic præcipere: præter quam quod præſata præcepta non poſſunt imponi, niſi ab habente poteſtatem ſpiritualem; hæc autem non poteſt competere ſceminæ, cum ad eam requiratur ſtatus Clericalis, & aliqua ſpiritualis eminentia gradus, quæ ſignificatur, ac efficitur per Sacramentum Ordinis, aut ſaltem per primam tonſuram, cuſus tamen ſtatus, & gradus Clericalis ſceminæ eſt incapax, utpote ex ipſa qualitate ſexus habens ſtatum ſubjectionis, ut notant communiter DD.

A nobis cum ſupra citatis Doctorebus diſſentit Sanctior in Conſ. Minor. cap. 11. ſtat. 7. ex Mirand. de Monial. qu. 6. art. 4. Concl. 3., & probat ex eo, quod præcipere in virtute ſanctæ Obedientiæ non ſpectat ad Ordinem, aut poteſtatem ſpiritualem, dependentem ab Ordine; & aliàs ſceminæ ſimpliciter dici nequit incapax rerum ſpiritualium: cum de facto recipiat gratiam, characterem Baptiſmi, & habitus infuſos, qui ſunt res ſpirituales; nec poſſit assignari, cur ſit incapax ejuſmodi rerum ſpiritualium, & non poſſit eſſe capax iuriſdictionis ſpiritualis, & correctivæ, ſiquidem par ratio militat de utriſque: nec obſtat cap. novæ de penit., & remiſſi, cum ibi ſolum deſerpa-

tur de potestate clavium, benedictione, & lectione ex potestate clavium dependente; & aliqui iurisdictionis præceptiva non sit usus clavium, utpote competens etiam Laicis in ordine Minorum munere Guardiani fungentibus: præterquam quod durum est, quod Moniales in manu Abbatisæ vovent Obsequentiam, & non sit, qui votum Obsequentiam ab illis immediate possit exigere; stante quod Episcopus, aut Prælatus, quibus respectivo subsunt Moniales, non sunt immediate Superiores earum, sed solum superintendunt ad directionem, ac emendationem eorum, quæ Moniales per se facere non possunt: ita Sanchez.

110. Nec obstat dictis, quod Moniales votum Obsequentiam emittunt Abbatisæ, sicque ipsa videtur posse exigere Obsequentiam virtute talis voti debitam: quod est præcipere in virtute Obsequentiam; nam votum obediendi alteri intelligitur prout moris est obtemperare; nempe si Laico fiat: sicut obsequentiam deberi potest Laico, qui nequit facere spirituale præceptum: quod omnino evenit in casu nostro, in quo cum Moniales vovent Abbatisæ obsequentiam juxta potestatem, cujus ipsa est capax (quæ est instar potestatis domesticæ & civilis) consequens est, quod ipsa non possit imponere Monialibus subditis præceptum spirituale; quale est, quod sit in virtute sanctæ Obsequentiam, aut sub alia simili forma: ita Sanchez supra num. 11.

111. Advertendum tamen est hic unum ex eodem Sanchez supra cap. 4. num. 45., quod si Abbatisa præcipiat Moniali subditi in virtute sanctæ Obsequentiam aliquid ita grave, ut merito posset illud præcipere sub peccato mortali, Monialis revera sub mortali teneretur illud implere, & ratio est, quod utens forma illa præcipiendi, etsi excedat ipsius potestatem, adeoque usus illius sit ineptus, satis explicat suam mentem esse velle illo suo præcepto obligare secundum totam suam potestatem, & eo modo quo Superiores habentes iurisdictionem spiritualem intendunt præcipere, dum utuntur simili

forma præcipiendi: cum Sanchez sentit Tambur. *supr. qu. 5. n. 4.* monens num. 6. se non negare, quin Abbatisa possit præcipere in virtute Obsequentiam sibi debitæ ea ratione, qua Principes sæculares possunt præcipere in virtute Obsequentiam, seu (quod in idem recidit) sub pœna Obsequentiam sibi debitæ a subditis, quatenus talibus: in quo casu utique Monialis peccaret mortaliter non obediendo, si alias res præcepta esset gravis ex objecto.

Quæres 15. An Abbatisa possit imponere Monialibus subditis præcepta obligantia ad peccatum mortale.

112. Resp. Quod, cum Abbatisa erga Moniales subditas competat potestas civilis, ac domesticæ, non minus quam competat matrisfamilias erga filios, ut jam vidimus: sicut matrisfamilias potest ex sua potestate injungere filiis præcepta obligantia etiam sub mortali pro gravitate rei præceptæ: sic & Abbatisa similia præcepta imponere poterit Monialibus subditis; itaut, si hæc illa non impleant, mortaliter peccent: non secus ac peccant mortaliter filii non exequendo præcepta matrisfamilias spectantia ad domesticam gubernationem, dummodo interveniat materis gravitas, ac intentio obligandi ad illa sub mortali: est communis DD. apud Tambur. *sub qu. 4. n. 2.*, qui pro se adducit Sanchez asserentem absolute, nolle obedire Abbatisæ, esse peccatum mortale, quia tenentur Moniales ei obedire in spectantibus ad gubernationem domesticam, sicut filii suis parentibus.

113. Unde quis bene inferat, quod; quamvis juxta dicta possit Abbatisa præcipere Monialibus in virtute sanctæ Obsequentiam; si tamen ex detrectent illi obedire in materia gravi pertinente ad domesticam gubernationem, possunt interdum peccare mortaliter contra votum; non secus ac contra votum simplex Obsequentiam peccaret ille, qui, emissio voto obediendi Confessario, postea renueret exequi illius præcepta; siquidem etiam Moniales emittunt votum obediendi Abbatisæ, ut jam vidimus. Quare, ad hoc, ut quis dicatur transgredi votum Obsequentiam,

tiz, non requiritur, quod recuset exequi præcepta facta in virtute sanctæ Obedientię, aut sub alia simili forma, sed sufficit, quod simpliciter omittat obedire ei, cui emisit votum Obedientię: cum præceptum factum in virtute sanctæ Obedientię solum deferriat ad indicandam gravitatem obligationis, quæ tamen aliter potest declarari etiam ab eo, qui est incapax jurisdictionis spiritualis, & consequenter ab Abbatiſſa: & si declararetur, Monialis tenebatur obedire ex obligatione voti, quod est bene advertendum.

Addo ex *Card. de Lugo d. 23. de just. n. 52.*; quod si in Regulis, ac Constitutionibus alicujus Ordinis dicatur non obligari subditum sub mortali, nisi interveniat præceptum: per hoc fit quidem, quod Religiosus subditus non tenetur sub mortali facere id, quod jubetur; non tamen fit, quod ille Superiori præcipienti sine expresso Obedientię præcepto possit ei non parere, dicendo -- *nolo parere* -- certum enim est, eum obligari etiam sine ejusmodi præcepto sub mortali ad non contemnendum graviter Superiorem, aut Obedientiam: cum alioqui verba ista -- *nolo parere* -- contineant gravissimum contemptum, ac irreverentiam contra Superiorem, ut Superior est, & consequenter contra ejus dignitatem, ut advertit idem *Cardinalis sup. n. 49.*, monens *n. 53.*, quod licet sub appellatione generica inobedientię non veniret ita proprie illa, qua Religiosus Superiori præcipienti sine expresso præcepto dicit -- *nolo parere*: tamen in reservatione, qua in Religione reservetur peccatum inobedientię expressè, qua quis dicit se nolle parere videtur comprehendere: cum sic non dicatur reservari inobedientia mortalis, sed inobedientia illa, qua quis dicit se nolle parere, quasi diceret illam, quæ constituitur in ratione inobedientię per pertinaciam, & contemptum, qua quis dicit -- *nolo parere*.

Quæres 16. *An Abbatiſſa vi voti Obedientię, quod ipsi emittunt Moniales subditi, possit facere leges perpetuas per se obligantes ad mortale, saltem de consensu ipsarum Monialium.*

114. *Resp.* De lege ordinaria non posse: ita in terminis *Suarez cap. 21. sup. n. 8.* dicens non posse Abbatiſſam, nec totum Monialium conventum propriam legem condere, vel præceptum ferre, per quod constituitur actus in propria specie virtutis specialis: na hoc est proprium potestatis jurisdictionis, quæ non potest competere Abbatiſſæ, nec toti conventui Moniali: misit enim vovens parere consilium alicujus, non ideo illi daret potestatem, aut jurisdictionem vere, ac proprie præcipiendi; sed relinquendo illum in sola potestate dandi consilium, ipse se solum obligaret ex voto ad acceptanda, & sequenda illius consilia: sic neque ex eo, quod Moniales voveant Obedientiam Abbatiſſæ, possunt illi tribuere veram jurisdictionem spirituales ad condendas veras leges Ecclesiasticas, aut ad præcipiendum in virtute sanctæ Obedientię, sed solum se obligant ad parendum ei ex virtute Religionis, quando illa præceperit ex sua potestate temporali, & domesticæ: quod bene notavit *Baldell. sup. n. 10.*, addens *n. 11.* ex plurimum DD. sententia, probabilissimum esse, saltem de potentia absoluta, delegari jurisdictionem ecclesiasticam ad ferendas leges per se obligantes ad mortale, & ad præcipiendum directe in virtute sanctæ Obedientię: cum præsertim oppositum non sit positive de jure Divino, neque talis potestas spectet ad Ordinem, cui mulier est incapax, & alias cum muliere sancta, & sapiente dispensari possit, ut in Ecclesia publice doceat: ut de facto fuit dispensatum cum S. Catherina Senensis, quæ non semel dicitur habuisse sermonem ad Papam, & ad Cardinales.

Quæres 17. *An, & quomodo Abbatiſſa possit cogere Moniales subditi ad servandas regulas Ordinis, & quidem vi voti Obedientię.*

115. *Resp.* Posse, non tamen in ordine ad progressum spiritualem Monialium, & profectum in virtutibus, ac perfectionem (quomodo potest cogere Prælatum regularis) sed solum in ordine ad bonum politicum Communitatis, ut pacifice, & sine scandalis, ac perturbationi-

hæ

bus observetur, & ut recta sit gubernatio: is quippe est finis præceptorum potestatis civilis, ac domesticæ, quæ competit Abbatissæ: cum aliqui profectus spiritualis subditorum sit finis præceptorum potestatis spiritualis, cujus est incapax femina: ita Sanchez *supr.* n. 30.

Quæres 18. *An Abbatissa ex voto Obedientia ei emissio possit præcipere Monialibus ea omnia, quæ potest Prælati regularis præcipere suis Religiosis.*

116. Resp. Non posse, & quidem etiam loquendo de iis, quæ congruere possunt sexui femineo: ita Sanchez in terminis *supra*, & probatur, quia Abbatissa est executrix regularum, & solum potest imponere ea præcepta, quæ sunt necessaria, ut Monasterium quiete, & absque scandalis, ac perturbationibus gubernetur; at Prælati regularis potest præcipere ea omnia, quæ ad majorem profectum spirituales subditorum conducunt, dummodo non sint præter, nec *supra* regulam, sed ad illam directe, aut indirecte pertineant.

Quæres 19. *An, & quando Moniales ex voto Obedientia teneantur parere in iis, quæ aperte ipsis præcipiuntur contra regulam.*

117. Resp. Non teneri, nisi taliter præcipiens habeat legitimam facultatem, & causam dispensandi super regula, contra quam præcipitur: ita Miranda *tom. 1. Man. qu. 26. art. 8.*, Lessi *lib. 2. cap. 41. n. 74.*, Suarez *tom. 3. de relig. lib. 10. cap. 11. n. 7.*, alique cum Cajetano 2. 2. *qu. 104. art. 5.*, dicente Religiosum non teneri obedire Prælato contra regulam præcipienti, nisi in eo casu, in quo ipse potest in regula dispensare. Ratio responsionis est, quod ex una parte actus præceptus contra regulam, etsi simpliciter non sit malus (dato quod regula non obliget ad peccatum) in tali tamen statu est impeditivus majoris boni, adeoque non potest esse materia voti Obedientiæ: ex alia parte dato quod Prælati sic præcipiens possit dispensare in regula, actus modo dicto præceptus contra illam non est formaliter contrarius, sed solum materialiter, ut bene ad-

vertit Suarez *ubi supra*; sicque potest dici juxta regulam, quatenus telle Cæstr. *Pal. tract. 16. d. 4. p. 4. n. 4.*, ea omnia dicuntur esse juxta regulam, quæ in ea continentur, sive expresse, sive tacite, ut moraliter necessaria ad observantiam regulæ: quale esse potest interdum id, quod modo dicto præcipitur contra regulam.

Quæres 20. *An Prælati Monialium ex voto Obedientia possint illis imponere novas austeritates in regula non præscriptas.*

118. Resp. Posse, tum in justam penam violationis regulæ, aut alterius delicti commissi; tum in casu, quo nova austeritas injungatur in cautelam ad præcavendum recidivum in aliquod peccatum: ita Sanchez *lib. 6. Moral. cap. 2. num. 25.*, Lessi *lib. 2. cap. 41. n. 75.*, & alii: patetque ex dicendis *cap. seq. n. 3.*, si monero ex relatis Doctoribus non posse Monialibus imponi novas austeritates præcisæ ad exercitium virtutis, si ex sint omnino extra regulam secundum se, & in sua integra observantia sumptam, & ad eam non sint necessariæ, nec per se conducentes.

Quæres 21. *An Moniales teneantur implere præcepta Superiorum, etiam cum periculo vitæ, saltem ex voto Obedientia.*

119. Resp. Quod quamvis lex humana ordinarie non obliget cum periculo mortis, mutilationis, gravis infamiae, aut bonorum magnæ læturiæ, ut tradunt DD. communiter apud Layman. *lib. 1. tract. 5. cap. 14. num. 5.*, & sumitur ex *cap. consilium de observant. jejuniis*, ubi dicitur: cum non subiaceat legi necessitas: absolute tamen potest contingere casus, quod Monialis teneatur parere Superiori etiam cum periculo vitæ, ut si jubeatur inservire Monialibus peste infectis in temporaliibus, curam illarum gerendo, iisque cibaria, ac necessaria medicamenta præbendo: & ratio est, quia ad conservationem, & bonum regimen Monasterii spectat, quod Moniales mutua sibi obsequia exhibeant, mutuoque succurrant in necessariis: quando autem ratio boni communis, & conservatio boni status religiosi id exigit, tenetur Religiosus obedire etiam cum periculo

riculo vitæ: quo pacto etiam secularis iustus a Principe ire ad pugnandum, debet parere cum probabilissimo vitæ periculo: ita *Rodrigu. tom. 3. qu. 3. art. 3.*, *Sanchez lib. 6. Mor. cap. 2. n. 56.*, *Castro. Pal. tr. 16. d. 4. p. 4. n. 7.* & alii, qui tamen bene notant, Religiosum in casu proposito non teneri obedire, si tamen tenui corporis valetudine utatur, ut eum longe majori periculo contagionis, quam alii, id munus obeat; aut sit vir insignis conditionis, cuius vita sit valde utilis communi bono religionis: eum enim talis religiosus imprudenter exponatur ejusmodi periculo, & (ut suppono) adsint alii Religiosi, per quos absque tanto proprio, & boni communis discrimine possit ei malo succurri, non tenetur hic obedire. Nec obstat, quod Religiosus tenetur parere ex voto; licet enim hæc obligatio non sit proprie ex lege humana, sed ex voto; quatenus tamen per voluntatem humanam, & suo modo præceptivam applicatur, de ea quoad hanc partem procedit assertio proposita.

Quæres 22. *An Moniales teneantur parere sub mortali in præcepto facto a Superiore de re levi, si is intendat obligare sub mortali.*

120. Resp. Teneri, si res, quæ præcipitur, aut prohibetur, secundum se quidem sit levis, relata vero ad pacem communitatis religiosæ, disciplinam regularem, bonam famam servandam, & scandalum cavendum sit gravis, & tantæ obligationis capax; siquomodo in religionibus interdum ponuntur præcepta obedientiæ, & sub excommunicatione de rebus minimis, quæ vere obligant: cum inter Religiosos frequentius occurrere possit ob altiorum finem perfectionis ab ipsis intentæ, ut res in specie levis, in tali statu, & in ordine ad finem ei consentaneum jure gravis censetur: ut proinde immerito *Alphonf. a Castro l. 1. de leg. penal. cap. 5. docum. 2.* reprehendat religiosos Prælatos res leves (puta silentium, tardum accessum ad chorum) præcipientes, aut prohibentes sub pœna excommunicationis, vel alio modo gravem obligationem indicantes: ita *Laym. sup. n. 3.*, *Suarez l. 3. de leg.*

cap. 25., *Salas d. 10. de leg. sect. 6.*, & alii qui tamen oppositum sultinent in casu, quo res præcepta, aut prohibita absolute sit levis: idque ob varias rationes, quas assert *Suarez sup. n. 2.*, maximeque ex eo, quod neque lex naturalis, aut divina obligat sub mortali in re levi; ergo multo minus id potest facere lex humana: licet lex esset in destructionem, scandalum, & occasionem ruinæ.

121. E contra si Superior velit, potest suis subditis religiosis præcipere, aut prohibere grave aliquid solum sub culpa levi, cum obligatio legis, aut præcepti humani sit effectus moralis, qui non potest fieri absque consensu voluntatis humanæ: & alias voluntas præcipientis in præteritum casu possit quidem, si velit, inducere obligationem gravem, de facto tamen non inducat quippe quæ non operatur, nisi quod vult, juxta *l. non omnis ff. si cert. petat. Añus agentium non transcendunt intentionem eorum*: ita *Suarez sup. cap. 17. n. 6.* ex communi sensu *DD. Laym. sup. n. 2.*, & alii contra *Vasquez*, *Bellarminum*, & *Bartholomæum Medinam*, apud ipsum *Layman*, sultinentes, non esse in potestate legislatoris obligare sub culpa levi, si materia, quæ præcipitur, sit gravis.

Quæres 23. *An Moniales ex voto Obedientiæ teneantur parere Superiori præcipienti indifferentia.*

122. Resp. Quod, cum ab homine præcipi possint solum res honestæ (sub honestis tamen comprehendendo omnes actus non malos, qui possunt esse utiles ad finem honestum, etsi sint ex objecto indifferentes, ut bene notavit *Suarez to. 3. de relig. l. 10. c. 8. n. 2.*) siquidem constitit Superiorem præcipere Moniali indifferentia vane, inutiliter, & sine bono fine, ea non tenetur in his obedire; secus si ea præcipiat ex bono fine, v. g. ad illam exercendam in virtute Obedientiæ: ita *Layman. l. 4. tract. 5. n. 5.*, & ante illum *Suarez ubi supra*, monens quidquid non apparet satis turpe, honestum reputandum esse, si a Superiore præcipiatur: quia in diibis melior est conditio Superioris, & ratio petit, ut pro eo præsumatur.

Quod

Quod si hoc occasione quæras, an dari possit casus, in quo Monialis ex voto Obediendi cogi possit ad contrahendum Matrimonium.

123. Respondet *Suarez supra cap. 10. n. 1.*, quod, etsi fingatur casus, in quo Papa ob urgentem Ecclesiæ necessitatem, licite, & valide posset Religioso (& consequenter etiam Moniali) præcipere transitum ad statum sæcularem, (v.g. contrahendo Matrimonium) non ideo posset illud præcipere ex voto Obediendi, sed solum ex potestate supremæ jurisdictionis, quam habet: Obediencia quippe religiosa non habet pro materia talem transitum, sed potius quantum est ex se, ei repugnat: nec pertinet ad perfectionem status religiosi peculiaris obligatio ex voto obediendi Papæ præcipienti statum matrimonialem, cum illud non sit bonum supererogationis, sed necessitatis, per se non spectans ad perfectionem, sed potius quantum est ex se, illam impediens; ideoque toleretur in casu proposito ob necessitatem, cui sufficienter succurritur per obligationem præcepti sine voti adjectione: quare negandum est absolute posse dari ullum casum, in quo Monialis ex voto Obediendi cogi possit ad contrahendum Matrimonium.

Quæres 24. An Moniales ex voto Obediendi teneantur servare omnia contenta in regula: itaut qualibet violatio illius sit culpa sive mortalis, sive venialis.

124. *Resp.* Non teneri, sed solum eo modo, quo ea continentur in regula: nempe si continentur tamquam præcepta obligantia sub mortali, teneri sub mortali: si solum, ut obligantia sub veniali, teneri sub veniali: si solum, ut consilia sub nulla culpa obligantia, sub nulla culpa teneri: idque, etsi Religiosus in professione promittat, ac voveat servare regulam, aut obedientiam secundum regulam: & ratio est, quod Religiosus promittens servare regulam, aut Obediendam juxta regulam, non promittit singula in particulari, & collective, sed solum componere mores juxta præscriptum regulæ, seu obedire juxta regulam; ergo eo modo in-

telligitur obligari, quo regula præscribit; & obligat: alias religiosus status esset periculosissimus, ac expositus multis occasionibus delinquendi, cum in regulis Ordinum plura minutiora præscribantur, quæ facillimum est violari: ita *Sanchez Supr. c. 4. n. 1. ex Henrico, Ang. Sylv. & Vasquez docens n. 2.* id procedere, etsi vovens observare regulam intenderit se obligare sub mortali, aut veniali ad singula contenta in regulis, ex errore putans ita exigere professionem sui Ordinis; in re enim solum intendit profiteri id, quod ejus Ordinis professio petebat, & major obligatio est involuntaria, utpote orta ex errore, ideoque non tenet.

125. Ex quibus inferre possumus, quod sicut Religiosus violans jejunium sub mortali præscriptum in regula, non minus peccat contra Obediendi votum, quam si actuale præceptum Prælati violaret, quandoquidem regula in proposito casu non est minus præceptiva, quam vox Superioris: sic et contra Religiosus violans regulam ad nullum peccatum obligantem ex bono fine: (ut si extrâ tempus loquatur cum socio ad sublevandam ejus tristitiam) facit opus virtutis, etsi materialiter operetur contra regulam, ut notat *Sanchez n. 14.*, & cum eo *Layman n. 8.*, addens Religiosum in tali casu debere poenam subire, si irjungatur a Prælato; quippe quæ etiam ob defectum non culpabilem coram Deo inferri potest ad regularem disciplinam magis, ac magis conservandam.

126. Notant autem *Sanchez & Layman loc. cit.*, *Suarez tom. 4. de relig. tract. 8. l. 1. cap. 3. n. 12.*, & *Cast. Pal. Supr. p. 3. n. 3. ex S. Thom. 2. 2. qu. 186. art. 9.* quod, quamvis transgredi regulas, aut constitutiones ad nullum peccatum obligantes, nulla sit culpa, ea sola ratione, quod est transgressio regulæ: at potest ibi adesse culpa ex malo fine, quo movetur transgrediens; sicque si regulariter peccabit venialiter, tum quia non bono fine ducitur, sed ex ociositate, torpore, aut libidine: tum quia occasionem præbet labefaciendi disciplinam religiosam: quod est bene notandum.

127. Cæterum pœna, quam paulo ante diximus teneri subire Religiosum, qui violat regulam non obligantem ad peccatum, non est proprie pœna, sed potius quædam pœnalitas: quippe quæ imponitur ob culpam non moralem, sed regularem. Immo notat *Suarez tom. 3. de relig. lib. 10. cap. 7. n. 16.* Religiosum in tali casu obligari posse in conscientia, & ex voto Obedientiæ, alias gubernatio esset inefficax, & regula a mero consilio non differret; non tamen ex vi regulæ, aliàs falsum esset, regulam illius Ordinis absolute non obligare ad culpam, cum subire pœnam ob violationem regulæ sit quædam regula, & quidem obligans sub culpa, ut supponunt Adversarii.

Quæres 25. An Monialis violans v.g. jejunium sub mortali præscriptum in regula, & item præceptum ab Ecclesiâ, committat duplex peccatum.

128. *Resp.* Committere unicum: & probatur, quia peccata multiplicantur, & distinguuntur specie per ordinem ad diversas virtutes oppositas malitiis actuum humanorum, ut tradunt DD. communiter ex *S. Thoma 1. 2. qu. 72. 1.* at jejunium in regula Monialis præscribitur sub motivo temperantiæ, & sub eodem motivo præcipitur ab Ecclesiâ: ergo Monialis illud violans unicum facit peccatum: ita in terminis *Bordonus resol. 18. n. 13.*

Quæres 26. An Moniales stante voto Obedientiæ absque Superioris licentia valide possint contrahere, & hinc obligari saltem naturaliter.

129. *Resp.* Possê, si contrahant de propriis actionibus personalibus, & Superior postea non contradicat: Et ratio est, quod sic nulla res resistit, & ratio, quæ ostendit Religiosum teneri votis a se emissis absque licentia Prælati, dum ab eo non irritantur, probat illum teneri etiam promissione factâ homini, dum Superior illam non cassat. Secus si contrahant de re spectante ad materiam voti paupertatis: sic enim neque naturaliter obligantur, cum obligatio hic proveniens sit iniqua, & adversetur voto Paupertatis

tis: quippe quod obligat Religiosum, ut sicut non potest sine consensu Superioris dare, aut recipere, sic nec possit absque dicto consensu se obligare ad dandum. aut recipiendum, quod sit per contractum: ita *Castro Pal. tract. 16. d. 3. p. 15. n. 3. ex Navarr. tom. 2. de regul. n. 42.* contra plures alios ab ipso Castro Palao allegatos, sustinentes, Religiosum contrahentem sine licentia Superioris non obligari neque naturaliter, neque civiliter, quod probabile putat etiam *Sanchez lib. 7. Moral. cap. 31. n. 37.*, dum ait, contrariam sententiam esse probabiliorē.

Quod si Moniales de licentia Superioris contrahant, etiam de materia concernente votum paupertatis, tunc utique obligantur & naturaliter, & civiliter; cum sic nihil ad firmitatem talis contractus petitem desit, & voluntas Religiosi pendeat ex arbitrio Superioris: ita *Sanchez n. 40.*, aliis citatis.

An autem Superior, qui dictam licentiam concessit, aut ejus successor, aut alius eo Superior possit talem contractum postea irritare.

130. Respondet *Sanchez n. 41.* contra Arragonam, non posse (quamvis Religiosus subditus, ob renitentiam Superioris injustam non implens contractum possit excusari a culpa, interim manens obligatus rescire damnum, quod forte intulerit alteri contrahenti injuste, si aliàs sit solvendo) ratio autem responsionis est, quod, cum ex tali contractu oriatur obligatio naturalis, ac civilis, non potest Superior auferre tertio jus inde ei acquisitum: præterquam quod Prælatus successor tenetur stare contractui prædecessoris, ut citatis juribus, ac Doctoribus docet *Rodrig. tom. 3. qu. 26. resol. 1.*, & cum eo *Sanchez n. 41.*, docens *n. 39.* posse Prælatum etiam sine causa irritare contractum sine ejus licentia initum a Religioso sibi subdito: quod negat *Rebellus*.

131. Verum tamen est, quod si Abbatissa det Moniali subditæ licentiam expendendi summam notabilem pecunie in re jure prohibita a Prælato Monasterii, & Monia-

Monialis de facto illam expenderit in aliquo contractu; potest Praelatus irritare talem contractum, cum ipse sit Superior etiam Abbatissae, adeoque possit, & debeat corrigere delictum Abbatissae, si quod ab ea committitur, & alias doctrina §. *praecedenti* tradita intelligi debeat de legitima licentia (sicut innuit Sanchez n. 40., dum ait, quod si ex legitima Superioris licentia Religiosus contractum ineat), qualis utique est licentia data ab Abbatissa in casu praesenti. Unde patet bene me olim respondisse, Ordinarium quemdam Monialium licite, & valide potuisse irritare contractum emptionis planetarum pretiosarum de licentia Abbatissae factum a Moniali sacrista de more aliarum sacristarum; cum ipse Monialibus expresse prohibuisset, ne in obcundis officiis Conventus expenderent ex propriis pecuniis, sed solum ex communibus Monasterii; quod non procederet, si Monialis emisset planetam illam, non ut Sacrista, sed ut Monialis privata per modum elemosinae factae Conventui.

Quaeritur 27. An Moniales teneantur obedire in dubio, num in tali casu obediendum sit.

132. Resp. Teneri, si dubium sit ex parte rei praecipitae, an sit licita, sic enim possessio stat pro Superiore (ut ostendit Sanchez l. 6. Mor. cap. 3. n. 3.), & in dubio melior est conditio possidentis. Secus, si dubium sit de potestate Superioris, an sit legitimus necne: tunc enim Superior non dicitur esse in possessione superioritatis erga subditos; & sic possessio stat pro libertate subditi: ita Sanchez *supra* cit., monens subditum Religiosum habentem opinionem probabilem se hic, & nunc non teneri obedire, posse non obedire, etsi credat opinionem oppositam esse probabiliorē. Bresserus tamen l. 4. de cons. cap. 15. n. 159. docet, in dubio parendum esse Superiori regulari, etiam foeminae; cum communis fidelium sensus sit, Religiosos teneri magis obedire suis Praelatis, quam saeculares suis; & quidem tam extensive, quam intensive: quippe qui se plenius tradunt suis Praelatis regendos,

ac dirigendos, praesertim in dubiis; & Superiores eo fine a Deo recipiunt pecuniariam gratiam.

Consentit Fragos. par. 2. lib. 11. d. 4. §. 9. n. 15. ex pluribus aliis citatis, monens n. 17. ex Petro Ledesma, & Rodriq., secus dicendum in casu, quo Religiosus subditus dubitat, an res praecipitae sit licita: & scit ipsum Superiorem dubitare, an praecipiat rem licitam: tunc enim non potest, nec tenetur parere, cum nec Superior tunc petat obedientiam sibi debitam: quomodo, dubitante utroque conjugē de valore matrimonii, neuter potest alteri petenti reddere debitum, Sanchez l. 2. de Matrim. d. 41. n. 55.

Addit Fragos. n. 19. ex Sayro in Clavi Regia cap. 12. n. 4., quod si sit diversitas opinionum, an Superior possit hoc, aut illud jubere, & an subditus teneatur parere: tunc subditus adhaerens opinioni contrariae potest parere, sed non tenetur; cum non detur obligatio parendi in inferiore, nisi quando datur in Superiore: jus praecipendi: quod non procedit, si sit diversitas opinionum, an id, quod praecipitur ex se liceat nec ne: sic enim Superior habet jus praecipendi, & subditus tenetur obedire.

Concedit tamen Fragos. num. 17., si subditus in re valde difficili praecipitae dubitet, an ea sit licita, aut supra potestatem Superioris: posse illum non exequi statim rem praecipitae, sed supersedere, donec constet de iustitia Superioris praecipientis rem adeo austeram, & quasi impatibilem: ita Fragos., addens n. 18. ex Sayro *sup.* n. 2., Sylvest. v. conscientia qu. ult., & aliis subditum probabiliter opinantem rem sibi praecipitae esse illicitam, teneri adhuc obedire, non solum, quia Superior est in possessione imperandi, sed quia magna esset confusio in Religione, & Communitate, si agi posset vi opinionis probabilis contra Obedientiam, & Superiores praecipientes; siquidem datur occasio spoliandi Superiorem possessione imperandi: praeterquam quod opinans aliquid esse malum, non habet eviden-

evidentem certitudinem mali, cum de natura opinionis sit, ut non sit assensus undequaque certus, ac evidens, sed cum formidine apposti; sicque quamdiu opinans non est omnino certus, tenetur obedire Superiori quippe qui est in possessione præcipiendi ea omnia, de quibus non constat evidenter esse mala, aut extra limites suæ potestatis,

Quod demum aliqui dicunt cum Sylv.

v. *Obedientia quæ. existente dubio*, subditos posse consulere virum peritum de iustitia rei præceptæ, si commode possunt, adnuitit *Fragos. n. 16.*, ut valde probabile, dicens tamen ex *Navarr. Val. & Cab.* oppositum esse probabilius, eo quod subditi sit non investigare, sit ne licita res præcepta necne; sed rem præceptam exequi, quando eis non constat præceptum esse malum.

CAPUT V.

De obligatione Clausuræ, ad quam tenentur Moniales.

Explicanda nobis est in præfenti Capite obligatio Clausuræ, quæ ultra Vota Religiosa substantialia est potissima inter Monialium obligationes, & ab aliquibus Monialibus sub expresso Voto promittitur. Et quidem cum Clausura Monialium spectari possit tam in genere, quam in specie, Caput dividemus in quinque Sectiones: in quarum prima agemus de Clausura Monialium in genere. In secunda: de egressu illarum e Clausura. In tertia: de ingressu extraneorum in Clausuram. In quarta: de receptione Puellarum intra Clausuram causa educationis. In quinta: de accessu quorumcumque exteriorum ad Monasteria Monialium.

SECTIO I.

De Clausura Monialium in genere.

1. **Q**uid sit Clausura Monialium.
2. Quibus iuribus indita.
3. Quomodo induci poterit de novo.
4. Non est iuris naturalis, sed positivi Ecclesiastici. Moniales S. Clare volunt Clausuram: quod illi negant.
5. Ad quem finem indita.
6. Episcopi est procurare ejus observantiam, etiam quoad Moniales exemptas.
- Lex interpretans in dubio intelligenda juxta illam, quæ interpretatur.
7. Quibus remediis debeat procurari.
8. Ad ejus custodiam juvat Magistratus laici.
9. Et quidem etiam non viso processu iudicis Ecclesiastici.
10. Ordinario commissa videtur custodia Clausuræ tum materialis, tum formalis.

11. Quam potestatem habeat Ordinarius contra delinquentes circa Clausuram.
12. Qualiter custodiri debeat Clausura.
13. Obligatio illius afficit omnes Moniales.
14. Quid si Monialis habeat facultatem degendi extra Conventum.
15. Ab ea eximuntur Moniales conversæ, ubi est consuetudo.
16. Clausura non obligat in omni eventu.
17. Monialis illam violans subest variis penis.
18. Quot, & quibus modis violari possit clausura.
19. An in ejus violatione detur parvitas materiæ.
20. Ejus violatio reservatur, si sit ad malum finem.
21. Solus Papa dispensat super lege Clausuræ.
22. Contra illam præscribi potest.

Quæres 1. Quid intelligatur hic nomine Clausura.

1. Resp. **I**ntelligi spatium illud, quod continetur intra januam. Conventus temper clausam, seu, (quod idem est) intelligitur locus ille, qui continetur, Clausa Monasterii Janua, ad quem externi nequeunt accedere, & extra quem Moniales non possunt egredi, patet ex Constitutione Gregor. XIII. edita anno 1572., quæ ait: *Nec ibidem licere Monialibus etiam Tertiariis, egredi e Janua Monasterii, quæ est pro Clausura Monasterii ipsius, etiam ad claudendam aliam ulteriorem januam, quæ patere solet aditus ad rotam, vel ad crates, seu ad loca colloquiis destinata, vel ad pulvandam ipsam januam Clausuræ: quæ loca cum saltem pro causis prædictis patere soleant secularibus, extra Clausuram censerî debeant, etiam pro tempore clausæ sunt.*

Quæres 2. Quibus iuribus inducta sit Clausura Monialium.

2. Resp. Primo fuisse sub præcepto inductam a Bonifacio VIII. in cap. periculoso, de stat. regul. in 6. relato cap. præced. sess. 2. qu. 6., & eum ea non esset recepta, fuisse instaurata, ac innovata a Concilio Trid. sess. 25. cap. 5. de Regul. his verbis: *Bonifacii VIII. constitutionem, quæ incipit periculoso renovans S. Synodus universis Episcopis sub obsecratione divini iudicii, & interminatione maledictionis aeternæ præcipit, ut in omnibus Monasteriis sibi subiectis ordinaria, in aliis vero Sedis Apostolica auctoritate Clausuram sanctimonialium, ubi violata fuerit, diligenter restitui, & ubi inviolata est conservari maxime procurent; inobedientes atque contradictores per censuras Ecclesiasticas, aliasque penas, quacunque appellatione postposita, compescant.* Quo etiam postea Pius V. præfatus Constitut. Bonifac. VIII., & relatum Decretum Concil. Trident. confirmavit per specialem Bullam, quæ incipit *Circa pastoralis*; quam Gregor. XIII. confirmavit per aliam Bullam, cujus initium est *Deo sacræ*.

Quæres 3. Quomodo potuerit induci obligatio Clausuræ etiam quoad Moniales, quæ antea professionem Religiosam emiserant.

3. Resp. Potuisse induci: tum quia assumens aliquem statum, virtualiter se obligat ad ea omnia, quæ expediunt, aut decent in tali statu, ut constat ex titulis de vit., & hon. Cleric., & de cohabit. Cler., & mul., & ne Clerici, Vel Monachi cum similibus: Clausura autem Monialium est moraliter necessaria ad paritatem status, quem illæ profitentur, & quidem non solum ad observandam castitatem, sed etiam ad tollenda multa impedimenta perfectionis Religiosæ, ideoque potuit iuste præcipi legitima potestate: tum quia, posito voto Obedientiæ, quod faciunt Religiosi, potest Prælati præcipere illis aliquam austeritatem non contentam expresse in regula, si ad observanda ea, quæ continentur in regula, & præsertim si ad vota substantialia in sua integritate conservanda sit moraliter necessaria, vel ita utilis, ut aliter Religio difficile possit contineri; talis porro est Clausura respectu Monialium; ergo: ita Suar. to. 4. de Relig. tract. 8. l. 1. cap. 8. num. 8., Sanchez l. 6. mor. cap. 2. n. 42., Mirand. qu. 1. de monial. art. 2., Rodriq. tom. 1. qu. 44. art. 1., alique apud ipsos.

4. Ex quibus constat Clausuram Monialium inductam fuisse, non jure naturali, aut divino, sed humano positivo Ecclesiastico; siquidem jus naturale semper est idem, cum tamen Clausura Monialium olim non esset in usu; jus item divinum, si quod extaret circa dictam Clausuram, colligendum esset, sive ex sacris scripturis, sive ex traditione aliqua divina; quæ certe nullibi reperiuntur, ideoque necessario fatendum est, Clausuram Monialium esse solum de jure humano: ita Bonacina de Clausur. qu. 1. p. 3., alique communiter, & constat ex iuribus allegatis quæst. præced.

Quod autem nos dicimus in tract. 4. cap. 5. num. 14. Moniales S. Claræ teneri ad Clausuram ex voto, quod ex specialiter emittunt, negat Bordonus part. 2. resol.

resol. 93. num. 6., non obitante, quod ex hac forma profitendi utantur. Ego Soror N. N. voveo, & promitto Deo, & B. Mariae Virgini, & Beata Clara, & omnibus Sanctis, & tibi, mater, toto tempore vite meae servare formam vite sororum pauperum S. Clarae traditam &c. vivendo etiam in obedientia, sine proprio, & in Castitate, servando Clausuram per Ordinis Constitutiones ordinatam: suamque probat sententiam ex eo, quod non quid quid exprimitur in forma professionis, obligat sub voto; sed solum respectu Castitatis, Paupertatis, ac Obedientiae, nisi verba ipsa id expriment, (quod ipse Bordonus probat resol. 93. num. 6., & 10., & alioqui verba illa, quae adhibentur in forma Professionis Monialium S. Clarae, servando Clausuram per Ordinis Constitutiones ordinatam, posita in obliquo, referri videntur non ad dictionem Voveo, sed ad Constitutiones Ordinis, quarum obligationem Professio non alterat; ideoque non supponit eas debere observari sub voto, sed relinquit eas sub simplici praecepto: sic Bordonus, nec improbabiler, nisi communis sensus voventium, & recepta consuetudo per tot saecula oppositum suaderet: quo modo Doctores communiter dicunt Moniales S. Clarae teneri ad Clausuram sub voto.

Quæres 4. Ad quem finem inducitur fuit Monialium Clausura.

5. Resp. Fuisse inductam principaliter ad tollenda pericula honestatis violandæ, & auferendas Monialibus occasiones infringendi votum Castitatis, quæ, data libertate vagandi, & conversandi cum viris secularibus, non raro periclitaretur. Ad quod faciunt, quæ habet: Dionys. Caribuf. in Dial. de reform. Monial. art. 3. his verbis. Fœmina sunt specialiter, & naturaliter multum instabiles, fragiles, molles, ac debiles ratione: ideo periculosissimum esse Monialibus inter viros apparere, ipsosque inspicere, alloqui, audire: nec aliqua lingua potest exprimere quanta peccata, & scandala orta sint, atque assidue creantur ex hoc, quod Moniales claustra sua egrediuntur, & perso-

nas visitant seculares, viros quoque permittunt ingredi sua claustra: utinam tumentes uteri, & argumenta currentia super terram non demonstrarent hoc ipsum.

Quæres 5. Ad quem spectet ex officio adstringere Moniales ad observantiam Clausuræ regularis.

6. Resp. „ Spectare ad Episcopos; „ quoad Moniales quidem ipsis immediate subiectas ex potestate Ordinaria; „ Delegata vero erga subiectas Sedi Apostolicæ, & etiam erga exemptas subditas Prælati Regularibus. Fundatur hæc responsio in Concil. Trident. sess. 25. de Regul. cap. 5., ubi Episcopis præcipitur, ut in omnibus Monasteriis sibi subiectis Ordinaria; in aliis vero Sedis Apostolicæ auctoritate Clausuram Sanctionum Monialium, ubi violata fuerit, diligenter servant, & ubi innovata est, conservari maxime procurent. Confirmatur ex verbis, quæ S. Pius V. adhibet in sua Bulla Circa pastoralis 8. videlicet: Mandantes propterea in virtute sanctæ Obedientiæ sub oblatione divini iudicii, & interminatione maledictionis æternæ, universis venerabilibus Fratribus Patriarchis &c. quatenus in Monasteriis Monialium sibi ordinario iure subiectis suis; in his vero quæ ad Romanam vel immediate, vel mediate spectant Ecclesiam Sedis Apostolicæ auctoritate, una cum Superioribus eorumdem Monasteriorum Clausuram, ut præmittitur, quam primum poterit, servari procurent: Non obstat, quod graves aliqui DD. Sanchez lib. 6. in Decal. cap. 15. num. 21., Rodriquez tom. 1. qq. Regul. qu. 47. art. 10., Bonacin., & alii, quorum loca allegat Sperellus part. 1. Decis. 97. a. n. 15., sequenti Navarrum de regul. comment. 4. sub num. 60. doceant, in prædictis Decretis Concilii scilicet Tridentini, & S. Pii V., nullo modo committi Episcopis, ut Clausuram fieri, & conservari curent quoad Monasteria Monialium subiecta Prælati Regularibus, eo fundamento innixi, videlicet, quod Decretum Concilii, & S. Pii V. Con-

stitutum.

„stitutio solum sint renovativa, inter-
 „pretativa, & confirmativa Constitu-
 „tionis Bonifacii VIII., quæ habetur in
 „C. periculoso de statu Regularium in 6.,
 „ubi §. ultimo, solis præfatis Regulari-
 „bus committitur cura Clausuræ circa
 „Monasteria sibi subiecta; unde sunt in-
 „telligenda conformiter ad dictam Con-
 „stitutionem Bonifacii VIII., Constitu-
 „tio enim ad aliam roborandam edita,
 „juxta terminos legis roboratæ est in-
 „telligenda, & lex interpretans recipit
 „omnes extensiones, ac limitationes,
 „quas lex interpretata recipiebat; id-
 „que etiam si nova lex declarans loqua-
 „tur strictius, ut multis probant præ-
 „fati DD. Ista, inquam, ratio allata in
 „contrarium non obstat; tum quia lex
 „roborans, seu interpretans intelligi-
 „tur quidem secundum terminos robo-
 „ratæ, vel interpretatæ Constitutionis
 „in dubio; secus vero quando apparet,
 „Legislatorem voluisse Constitutionem
 „ampliare; ut revera apparet ex modo
 „loquendi generali adhibito in Decreto
 „cit. Trident., & Constitutione Pii V.;
 „tum quia indubitatum de hac Episcopo-
 „rum autoritate, a praxi etiam stabili-
 „ta, fidem faciunt quamplures declara-
 „tiones Sacre Congregationis, quæ vi-
 „deri possunt apud allegatum *Sperellum*,
 „apud *Lezana* in novissima editione
 „*part. 1. summa cap. 24. a n. 65.*, apud
 „*Monacelli par. 1. tit. 1. in adnot. ad for-
 „mul. 3. n. 8.*, & apud *Pignatell. tom. 6.
 „consult. 85.* Ex istis dua seligo, quarum
 „primam refert idem *Sperellus num. 27.*
 „fuisse factam ad sui instantiam, cum ex
 „speciali mandato Card. Estensis, cujus
 „erat Vicarius generalis visitare vellet
 „Clausuram ejusdem Monasterii Mo-
 „nialium Regularibus subiecti in Civi-
 „tate Regiensis, & est tenoris sequentis:
 „*Sacra Congregatio Cardinalium Concilii
 „Trident. interpretum ad utrumque du-
 „bium respondit, non solum Episcopo,
 „sed etiam generali ejus Vicario ad hoc
 „speciale mandatum habenti, licere pro
 „Clausura visitatione ingredi septa Mona-
 „steriorum Regularibus subsectorum; ta-*

„met si nulla rationabilis violatæ Clau-
 „suræ suspicio irrepserit, & acriter re-
 „prehendit Rodericum, quod de hac re
 „tam audacter loquutus fuerit: 2. refer-
 „tur a *Lezana ex Barbosa in Collect. DD.
 „ad cap. 5. sess. 25. num. 13.* edita his ver-
 „bis: *Sacra Congregatio Concilii censuit
 „Episcopum Combricensem uti Sedis
 „Apostolicæ Delegatum potuisse quoad
 „Clausuram Monasterium Monialium Con-
 „ventus de cellas Ordinis Cisterciensis Re-
 „gularibus ejusdem Ordinis subiectum
 „visitare, etiam assumpto secum Vicario
 „generali, & Confessario earumdem Mo-
 „nialium; Monialesque ipsas in iis, quæ
 „ad eandem Clausuram pertinent, exami-
 „ni subiacere, remotis etiam suspicione
 „violatæ Clausuræ, ac quacumque Supe-
 „riorum Regularium negligentia, ipsisque
 „inconsultis, atque irrequisitis.*

7. Addit *Concil. Trident. loco citato*,
 quod si opus sit ad cogendas Moniales ad
 Clausuram auxilio brachii secularis, adhuc
 invocandum est, atque a brachio seculari
 præstandum: atque: *Quod auxilium,
 ut præbeatur, omnes Christianos Principes
 hortatur S. Synodus, & sub excommuni-
 cationis pœna ipso facto incurrenda omni-
 bus Magistratibus secularibus injungit*:
 Unde insert *Sanchez n. 22.* Principes abs-
 que justa causa dictum auxilium denegantes,
 attento præfate hoc Decreto
 Concil. Trident. non peccare: peccare
 tamen Magistratus seculares, cum de
 utrisque loquatur Concilium diverso mo-
 do; nimirum priores solum exhortando
 (quod non importat præceptum *c. quis
 quis 14. qu. 1.*) posteriores vero sub pœ-
 na excommunicationis latæ sententiæ ju-
 bendo præstare dictum auxilium: quam-
 quam Principes in proposito casu denegantes
 auxilium peccarent ex altero ca-
 pite, eo quod deficerent notabiliter in
 proprio officio, juxta notata *cap. 1. de
 offic. Ordin., & c. omnes principes de ma-
 jor. et obedient. & cap. duo, & cap.
 si Imperator d. 96.*

Quod si quæras, quid significetur in
 citato Decreto Trident. per illa verba,
 omnibus Magistratibus secularibus.

8. Resp.

8. *Resp.* Significari personas publicas seculares, quæ non proprio jure jus dicunt; sed jure alterius Superioris, a quo dependent (quicumque demum ii sint, sive magni, sive medii, sive infimi), & quidem omnes, cum dictio omnibus sit universalis, adeoque nullum Magistratum secularem excludat *l. Julian.*, & *l. sexto-rib. ff. de legat. 3.*, & *l. hoc articulo ff. de hered. instit.*: ita Bonacin. *supr. p. 2. n. 4.* addens *num. 5.*, Ecclesiasticos etiam venire hic nomine Magistratum, si secularem jurisdictionem exerceant titulo potestatis secularis: ut si a Principe seculari constituantur Præsides, aut Consilarii alicujus Magistratus, a quo Civitas, aut Provincia gubernetur: Concilium enim non respexit præcise ad circumstantiam personæ, sed ad qualitatem muneris, ac officii, a quo Magistratus nomen desumitur.

Utrum vero Sæculares Principes, ac Magistratus teneantur Judici Ecclesiastico imploranti brachium seculare ipsorum opem ferre, etiam non viso processu, ac sententia Judicis Ecclesiastici.

9. *Resp.* Teneri, & probatur, tum quia facultas cognoscendi de justitia causæ competit Superiori: Magistratus autem secularis in causis Ecclesiasticis non est Superior, ut patet; tum quia seculares hic non adsciscuntur, ut Judices, sed ut executores Ordinationis factæ ab Ecclesiastico Judice; ac officium executoris non est causam agnoscere, sed exequi, quoties non constat de ejus injustitia; tum quia in dubio, præsertim in facto Principis, non præsumitur delictum, *l. merito ff. pro socio*; ergo seculares vocati ad ferendam opem Judici Ecclesiastico inique agunt negligendo auxilium ferre, eo, quod nondum cognita sit justitia causæ, & nondum examinati actus processus, utpote præsumentes delictum in facto Judici Ecclesiastico: ita *Marta de jurisdic. part. 1. qu. 51.*, *Alciat. cap. 1. de Offic. Ordin.*, aliique apud Bonacin. *de centur. in partic. d. 1. qu. 20. §. 3. num. 2.* contra alios ab eodem allegatos: qui bene monet *qu. 1. de Clausur. part. 7. num. 6.*, excom-

municationem, de qua agimus hoc loco, non esse reservatam Papæ: cum in Concilio, ubi fertur, nulla sit mentio de reservatione.

Quæres 6. An cura custodia Clausuræ Monialium commissæ Episcopis in Concilio Tridentino intelligatur de Clausura solum materialiter sumpta, (prout scilicet importat spatium, quod intra januam Monasterii semper Clausum continetur) vel etiam de Clausura formaliter (ut sic loquar) sumpta, (quatenus videlicet comprehendit etiam ingressum extraneorum intra Clausuram, egressum &c. ipsarum Monialium ab illa, & accessum aliorum ad ipsas Moniales causa eas inviscendi, & alloquendi).

10. *Resp.* *Barbosa allegat. 192. de offic. Episcop. n. 11.* ad auctoritatem Episcoporum in custodienda Monialium Clausura pertinere, ut impendant tum accessum ad ipsas Moniales, & colloquia cum eisdem, tum ingressum extraneorum intra septa Monasterii, tum egressum earumdem Monialium e Monasteriis: quod est dicere, curam commissam Episcopis de custodia Clausuræ Monialium non esse solum de Clausura materialiter sumpta, sed etiam de ea formaliter sumpta: idque ex Decreto Concil. Trident. superius adducto: ita *Barbosa*, aliique docti Recentiores a me consulti: attenta praxi Episcoporum multis in locis prohibitionum sub censuris Ecclesiasticis accessum ad Moniales sine legitima ipsorum licentia, & quidem etiam exemptas: quod non facerent, si non præsumerent Monasteria Monialium, etiam aliàs exemptarum, ipsis subijci quoad custodiam Clausuræ tum materialiter, tum formaliter sumptæ: siquidem locus exemptus æquiparatur territorio posito extra Diocesim.

11. „Nec potest nunc ullo probabili
„fundamento hæc potestas Episcopis de-
„negari; nam certe Gregorius XV. in
„sua Constit. *Inferntabilis Dei providen-*
„*tia* edita 1622., dat Ordinariis loco-
„rum potestatem puniendi, & coercen-
„di tam Regulares, quam Sæculares de-
„lin-

linguentes circa personas intra septa degentes, aut circa Clausuram, vel circa bonorum administrationem Monasteriorum Monialium, etiam Regularibus subiectarum; & concedit, ut tanquam Sedis Apostolicæ delegati id facere valeant, quoties, & quando opus fuerit. Et præterea id multoties declaravit Sac. Congregat., ut videre est apud supracitat. Pignattell., & Nicolium in floscul. v. Monialis num. 28., & in lucubrat. Canon. lib. 3. tit. 2. 3. inter quæ decreta legitur unum editum a Sacra Congregatione Episcoporum, & Regularium 24. Augusti 1594. per hæc verba: *Sacra Congregatio censuit, quod Moniales Regularibus licet subiectas alloqui nemo possit absque licentia Episcopi, vel ejus Deputati.* Et alterum approbatum ab Urbano VIII., & refertur etiam in Bullario post Constitution. 18. Gregor. XV., quo Sacra Congregatio Concil. censuit Episcopum Diocesanae tamquam Sedis Apostolicæ Delegatum coercere, & punire posse, se Regulares accedentes sine licentia ad Monasteria Monialium Regularibus subiectarum, ut legitur in Bullario post Constitutionem Gregorii XV.

Quæres 7. Qualiter custodiri debeat Monialium Clausura per Ordinarios locorum, & alios Superiores.

12. Resp. Debere custodiri, itaut sit circumseptæ, & munita altis mœniis, ac excelsis undique parietibus, ne e vicinorum ædibus, quicumque illi sint, Monasteria inspiciantur; præsertim si iis immincant Fratrum, aut Præbyterorum ædes; quo casu curandum esset, ut parietes altius attollerentur. Quod si contingat muros clausuræ confringi, & Monasterii redditus non sufficere ad illorum reparationem, tunc ii fidelium elemosynis restitui debent; & si ex sint minus sufficientes, ad hoc ipsum cogi possunt, ac debent Monialium consanguinei: ita Barboza sup. n. 10. ex Mosconio, & cum his Tamburin. supra qu. 1. n. 9. & 10., monens in defectu consanguineorum recurrendum esse ad illum, ex cujus auctoritate, & voluntate fuit

constructum Monasterium: sicut enim consanguinei Monialium, durante vinculo consanguinitatis, tenentur eas conservare in debita honestate, ut colligitur ex c. si quis dereliquerit 30. dist., sic & iis quoad hoc succedit Fundator Monasterii; quippe qui potuit, & debuit prævidere hujusmodi necessitates futuras: sic citati DD., & bene: si addas, id etiam spectare ad proprium Episcopum, si redditus Episcopatus id ei permittant, aut aliunde possit consulere præsentī Monialium necessitati: cum ipse ex officio teneatur restituere clausuram Monialium, eamve conservare, suoque exemplo quam maxime possit alios excitare ad subveniendum tantæ Monialium necessitati; ne alioqui ipsi dicatur: *Qui alios docet, te ipsum non docet?* Ut autem locorum Ordinarii non errent in conservanda Monialium clausura, tum materiali, tum formali, multum juvari poterunt, si præ manibus habeant decreta tum generalia, tum particularia edita a Sacra Congreg. Episcoporum, & Regular., & a Sac. Congreg. Concilii, quæ referuntur a Pignattello tom. 6. consult. 85., & præsertim a num. 78.

Quæres 8. An obligatio clausuræ astringat omnes Moniales.

13. Resp. Adstringere omnes, & singulas Moniales cujuscumque Ordinis, etiam Militaris, quæ religiosam professionem emittunt, & vivunt in congregatione: ita Sanchez sup. n. 10., Miranda sup. qu. 1. art. 3., Bonacin. par. 2. n. 1., alique communiter: & probatur, tum quia Concilium Tridentinum sess. 25. de regul. c. 22. statuit omnia, & singula contenta in superioribus decretis servari in omnibus Cœnobiis, ac Monasteriis quarumcumque Sancti monialium, etiam si illæ sub gubernio Militiarum, etiam Hierosolymitanæ vivant, & quocumque nomine appellentur, sub quacumque regula, vel institutionibus: unum autem ex præfatis decretis ea sessione factis est de Clausura Monialium: tum quia Pius V. in sua Bulla Circa pastoralis, ait, *cujuscumque Ordinis, vel Militiarum, etiam si Hierosolymitana sint, quæ*

quæ dictio -- etiam -- in utroque decreto posita significat a fortiori comprehendere Moniales aliorum Ordinum Militarium.

14. Dixi in responsione, & vivant in congregatione; ut innuerem, quod, si quæ femina hodie licite proficeretur ea conditione, ut in domo propria maneret; prout permittitur *cap. fin. qui Clerici, vel vocent.* ea non teneretur ad clausuram; siquidem iura loquuntur de Monialibus viventibus in congregatione (ut aperte constat ex *Constit. Pii V.*) & cum sint odiosa, non debent ampliari, sed restringi: ita *Graff. 1. part. decis. lib. 4. cap. 23. n. 17.*, *Mirand. sup. art. 4.*, *Bonacin. n. 5.*, alique, inter quos recte notavit *Navar. com. 4. de Regul. n. 53.*, privilegia olim concessa Monialibus professis quoad exemptionem a Clausura, modo non suffragari, utpote revocata in *Concil. Trident. supra*, & *Pii V. Constitutione*.

15. Excipiendæ tamen sunt Moniales conversæ, quæ ex ejusdem *Pii V.* confessione in Monasteriis ad suam sustentationem indigentibus fidelium elemosynis per dictas Moniales colligendis, possunt degere extra Clausuram ad effectum queritandi elemosynam, dummodo sint ætatis annorum 40., degant in domo contigua Monasterio, non ingrediantur Clausuram Monialium, nisi in casibus expressis per suas Constitutiones; ac de suis domibus non exeant ad colligendas elemosynas, nisi de licentia Ordinarii. Quamquam *Gregorius XIII.* in sua Constitutione *Deo sacris*, cupiens hanc exceptionem auferri, injungit Ordinariis, ut quæcumque ratione cognoverint, posse convenienter Conventum Moniales sustentari, absque dictæ elemosynarum collectione, eisdem Conversas sub eadem Clausura cum aliis Monialibus reducant, neque amplius permittant illas exire e suis Monasteriis.

Quæres 9. An obligatio Clausuræ adstringat Moniales in quocumque eventu, & consequenter etiam cum gravi periculo vitæ.

16. Resp. Quod cum observantia Clausuræ possit afficere, & de facto affi-

ciat Moniales secundum duplicem respectum, nimirum ne ipsæ egrediantur e proprio Monasterio, & ne admittant intra illud personas extraneas adque debitam licentia; quoad utrumque respectum dari possunt plures casus, in quibus cessat obligatio Clausuræ, ut aperte constabit ex dicendis in duabus sequentibus sectionibus: in quarum priori proponemus casus concernentes Clausuram sub priori respectu; in posteriori vero casus versantes circa Clausuram sub posteriori respectu. Hic unum solum adverto, quod cum necessitas non habeat legem, *l. unic. ff. de off. proconsul.*, & lex humana ordinarie non obliget cum tanto subditorum dispendio, ut probat *Laym. l. 1. tract. 4. cap. 14. n. 5.* ex communi DD. sententia; utique & lex Clausuræ non obligat Moniales, neque cum gravi periculo vitæ (eo tamen modo, quo explicabimus *sect. seq. qu. 8.*) neque cum alio gravi damno, sicut notavit *Sanchez l. 6. Moral. cap. 15. n. 6.* ex *Dominico Franco*, *Sylv.*, *Rodrigu.*, & aliis.

Quæres 10. Sub quibus panis teneantur Moniales servare Clausuram.

17. Resp. Teneri servare sub pœna excommunicationis majoris latæ sententiæ Papæ reservatæ, necnon privationis officiorum, dignitatum, & administrationum, & inhabilitatis ad illas, siue ipsæ Moniales sine debita facultate egrediantur e Monasterio, siue alios ingredi faciant, aut permittant; idque quoad Moniales egredientes ex *Bulla Pii V. declaratoria*, quæ est 8. in ordine, de qua *sect. seq. qu. 3.*, quo vero ad ingredi facientes, aut permittentes ex *Bulla Gregorii XIII.*, in ordine 28., eo tamen modo, quo dicemus hic *sect. 3. qu. 3.*

Quæres 11. Quot, & quibus modis contingere possit obligationem Clausuræ violari a Monialibus.

18. Resp. Violari posse iis duobus modis, quos recensuimus *qu. præced.*, videlicet indebitè egrediendo e proprio Monasterio, vel extraneos ingredi faciendo, aut permittendo intra Clausuram Monasterii: quod bene advertit *Portell. de P. dub.*

dub. regul. v. Clausura Monialium in addit. num. 1.

An autem violatio Clausuræ Monialium excusari possit a culpa mortali ratione parvitatis materiæ.

Respondet Nald. v. Clausura n. 2. ex Grassi de casu reserv. cap. 3. num. 45., quos adducit, & non reprobat Diana part. 3. tract. 2. resol. 52., posse excusari; adeoque Monialem ambobus pedibus se transferentem extra januam, terminos Clausuræ terminantem ad unum, vel duos palmos, non peccare mortaliter, si statim regreditur: idem sentit & Merolla relatus a Tambur. sup. d. 19. qu. 4., qui tamen oppositum sentit cum Bonacin. sup. p. 4. n. 2., & aliis, alioqui concedens parvitatem materiæ in præsentī casu posse admitti, si Monialis toto corpore non egreditur e Clausura, sed majori parte corporis manens intra septa Monasterii, pede, aut pedibus exeat: sic quippe non videtur consummari tota transgressio violationis Clausuræ in eo consistens, quod Monialis egrediatur e terminis definitæ clausuræ, quod utique verificatur, si ea longe recedat a dictis terminis, siue tantum ad duos pedes, mox regressura: quæ est ratio, cur citati Doctores sustineant in violatione Clausuræ non debere admitti parvitatem materiæ.

„ Horum sententia negans parvitatem materiæ in egressu totius corporis e terminis Clausuræ, sine dubio est amplectenda, tum ob rationem supradictam, tum quia licet egressus a Clausura per duos palmos tantum videatur esse materia parva, si materialiter consideretur, formaliter tamen sumptus, prout est oppositus præceptis Clausuræ, gravem habet oppositionem cum lege, cum sit plenus, perfectus, & consummatus egressus, & maxime periculosus, si non prohibeatur sub gravi obligatione. Ita autem docent præter allegatos DD. Sanchez lib. 6. in Decal. c. 16. n. 70., Thom. del Bene de Immunit. Eccles. c. 19. dub. 13., Lezana in summ. tom. 2. vers. Clausura n. 7.

Quæres 12. An violatio Clausuræ Mo-

nialium sit reservata, etiam seclusa reservatione poenarum, quas incurrunt illius transgressores.

20. Resp. Esse, si fiat ad malum finem contra castitatem: & hoc ex decreto Clementis VIII. edito 1601., in quo ultra casus contentos in Bulla Cænz abstinuit Regularibus alias quoad hoc privilegiatis facultatem absolvendi ab aliis quinque casibus, inter quos enumeratur violatio Clausuræ Monialium ob malum finem.

„ Dicendum autem hujusmodi reservatione comprehendi etiam ipsas Moniales; licet enim per illud verbum „ Monialium videantur expressæ solum per modum termini, & ut se habentes „ mere passive ad dictam violationem, tamen comprehenduntur in illo verbo „ Violatio Clausuræ — i in eo enim „ veniunt omnes violentes Clausuram; „ & tam sunt violentes illi, qui illicite „ ingrediuntur, quam qui illicite egrediuntur. Dixi seclusa reservatione poenarum; Nam Moniales violentes Clausuram per egressum perfectum, & completum, etiam id non faciant ad malum finem, incurrunt, ut videbimus „ sequenti sectione, excommunicationem Papæ reservatam, & alias poenas.

Quæres 13. Quis dispensare possit cum Monialibus super obligatione Clausuræ, ut licite possint egredi ex illa, & alios admittere intra illam.

21. Resp. Posse dispensare Papam absolute, & simpliciter loquendo: & inde patet, quod obligatio Clausuræ est juris humani, adeoque subicitur Papæ potestati: in casibus vero gravissimæ necessitatis non patientis dilationem, in quibus non potest commode adiri Papa, posse dispensare Ordinarium loci, siue ex se solo, si Monialis dispensanda non sit exempta, siue de consensu etiam Prælati regularis, si Monialis sit immediate subiecta Prælati Ordinis; idque ex Concil. Trident. sess. 25. cap. 5., & ex Constitutione Pii V. relata qu. 10., prout notat Lezana tom. 1. c. 25. n. 21., addens tamen in Hispania videri usu receptum, ut pro licito egressu Monialium regularibus subiectarum in casibus

bus permiffis nequaquam requiratur consensus Ordinarii: quod utique potest admitti, si constet dictam consuetudinem fuisse legitime inductam, juxta doctrinam generalem, quam tradunt DD. de præscriptione.

Quæres 14. An Moniales per contrariam consuetudinem possint derogare decretis indicientibus Clausuram.

22. *Resp.* Quod, cum obligatio Clausuræ Monialium sit de jure humano, ut dictum est *qu. 3.*, & jus quodcumque humanum, simpliciter loquendo, possit abrogari; sequitur etiam Moniales posse alicubi derogare præfatæ obligationis ita in terminis Sanchez lib. 6. Moral. c. 15. n. 4., ex Azor. tom. 1. lib. 13. cap. 8. qu. 1., aliique Doctores recentiores consulti: & putato, satis probabiliter, quidquid in contrarium sentiat Lamas relatus ab eodem Sanchez, sustinens contra obligationem Clausuræ nullam posse prævalere consuetudinem, aut statutum, utpote tacite comprehensam in voto tanquam necessariam ad castitatis promissæ observantiam; quod alii communiter negant, & nos etiam negamus, alioqui concedentes præsentem responsionem non procedere, quoad illas Moniales, quæ sub expresso voto se obligant ad Clausuram.

„ Est autem advertendum non habere locum traditam responsionem circa consuetudinem potentem abrogare decreta indicientia Clausuram, nisi dicta contraria consuetudo sit legitime præscripta, hoc est, nisi concurrant omnia ea, quæ desiderantur, ad hoc, ut consuetudo legem vincat, inter quæ illud est præcipuum, ut consuetudo introducta fuerit sciente, & patiente Principe, qui potest in his jus condere, ut cum communi docet Fagnanus in cap. *Vtrum autem de cognat. spiritual. n. 17.*
 „ & 18.

SECTIO II.

De Observantia Clausuræ Monialium quoad non exeundum e septis proprii Monasterii.

23. **E**gressus è Clausura vetitus Monialibus ex multiplici jure.
24. Si fiat indebite, interdum plures continet malitias, at non semper.
25. Monialis sic egrediens subditur excommunicationi reservata Papa.
26. Incurrit etiam alias penas, quæ item incurruntur a cooperantibus.
27. Dicitur excommunicatio incurritur ante sententiam, non item alia pena.
28. Quis absolvat a præfatis penis.
29. Quæ causa requiratur, & sufficiat, ut Moniales licentiarum possint ad egressum.
30. Quale incendium sufficiat ad licitum egressum.
31. Qualis casus Lepre.
32. Qualis casus Epidemici: quid sit Epidemia.
33. Juxta aliquos licentiarum potest Monialis ad egressum ob morbum ei soli nocivum.
34. Alii communius negant contra Suarez, & juxta praxim.
35. Concedi potest egressus in casibus similibus.
36. In his tamen casibus semper requiritur licentia Prælati, nisi sit periculum in mora.
37. Cujus Prælati requiratur licentia.
38. Hac debet esse specialis, & expressa.
39. Item in scriptis, etiam pro foro conscientie: quod alii negant.
40. An sit semper opus, quod sit in effectum obtenta.
41. Illicitus est egressus factus ex licentia injusta inferioris Papa.
42. Sic tamen egrediens Monialis non incurrit penas; immo nec peccat juxta aliquos, si licentiam obtineat a Papa.
43. Licentia egrediendi, & dispensatio ad egressum inter se differunt.
44. Egrediens sine licentia in casu necessario,

rio, id interdum significat Præ-
lato.

45. *Egressus permittitur Monialibus in casu belli, inundationis, ac ruinae Conventus.*
46. *Non ut ea eligantur in Abbatissam alterius Conventus, aut ad aliud officium.*
47. *Nisi cum licentia Sedis Apostolicæ.*
48. *An Monialis sic egrediens redit postea ad suum Conventum.*
49. *An ad fundandum novum Conventum, aut reformandum alium jam fundatum egreditur de licentia Sedis Apostolicæ.*
50. *Consulto Papa Moniales egrediuntur ad habitandum novum Conventum.*
51. *Talis autem egressus faciendus in auro.*
52. *Permittitur egressus Monialium causa correctionis.*
53. *Servatis tamen servandis.*
54. *Monialis professæ transiens ad Ordinem strictiorem repetit probationem, ac professionem.*
55. *Egrediens cum licentia aliquantulum divertit licite.*
56. *Si indebite divergat, paucis latius contra violantes Clausuram non subest.*

Quæres 1. *Quibus juribus interdictum sit Monialibus egredi e Clausura proprii Monasterii.*

23. Resp. **Q**uod, quamvis in antiquis Canonibus multa extent huiusmodi Clausuræ præcepta (ut in Canon. 33. Concilii III. Carthaginiensis. can. 46. Trullano, qui attribuitur VI. Synodo, & canon. 65. Concilii Cabilon. II.) ea tamen nullibi erat absolute iuncta, sed dependenter fere a legitima facultate Abbatissæ: sicque paulo major, ac rigidior Clausura imponebatur foeminis, quam viris. Primo Bonifacius VIII. in cap. un. de stat. regul. in 6. illam absolute præcipit Monialibus, nulla relicta facultate egrediendi quacumque ratione, aut causa, excepto tantum casu, in quo Moniale tanto, & tali morbo evidenter laborare constaret, ut non posset cum aliis absque gravi pe-

riculo, seu scandalo commorari: quæ exceptio utique firmat regulam in contrarium. Cum autem tale decretum Bonifacii VIII. non fuisset usu receptum, vel certe per contrariam consuetudinem antiquatum (ut indicat Concil. Trident. sess. 25. cap. 5. de regul., & Auctores passim testantur) a dicto Concilio fuit innovatum his verbis: *Nemini Sanctimonialium liceat post professionem exire e Monasterio, etiam per breve tempus quocumque prætextu, nisi ex aliqua legitima causa ab Episcopo approbata, indultis, & privilegiis quibuscumque non obstantibus; nec non approbatum, ac confirmatum a Pio V. in sua Constit. 8. in ordine, in qua explicat, quæ loca comprehendantur sub clausura Monialium: cum Pius V. in citata Constit. 8. latius declarasset decretum Bonifacii VIII. & Concil. Trident. superius allegatum, expressis in declaratione dictæ Bullæ casibus, in quibus Moniales possunt licitari ad exeundum e Clausura, & latis variis pœnis adversus violantes ipsam Clausuram, de quibus ultra.*

Quæres 2. *Qualiter peccet Monialis indebite egrediendo e proprio Monasterio, & quot peccata committat.*

24. Resp. Peccare mortaliter: committere vero unum tantum peccatum, idque inobedientiæ contra præceptum Ecclesiæ Monialibus Clausuram indicentis, si solo præcepto Ecclesiastico teneantur ad Clausuram: non autem etiam ex voto, sicut de factis aliquæ Moniales tenentur, quæ proinde exeuntes e Clausura sine debita facultate, duo peccata committunt, necessario exprimenda in confessione: unum scilicet contra præceptum Ecclesiæ, (quod est peccatum inobedientiæ) & alterum contra votum, quod est sacrilegium. Et ratio est, quod, cum præceptum Clausuræ impositum Monialibus sit de re gravissima, ejus violatio ex genere suo non potest non esse mortalis: ex alia parte in uno, ac eodem actu multiplicantur malitiæ specie diversæ, quando actus opponitur diversis specie virtutibus, ac perfectionibus: unde fit, quod si Clausura præscriberetur tum ab Ecclesiâ, tum a regula,

non

non ideo ejus violatio duplicem contine-
ret malitiam; cum sic opponeretur ei-
dem virtuti, ac perfectioni, nimirum
Obedientiz.

Qua occasione obiter moneo, asser-
tionem a me positam *tract. 4. cap. 5. n. 2.*
esse juxta mentem Rodriquez ibi citati,
non autem juxta mentem meam; ut col-
ligitur ex s. sequenti, ubi sustinens incer-
casus exceptos ab Urbano IV. comprehen-
di Epidemiam, etsi ab eo non exprima-
tur, tacite infero Moniales S. Claræ,
non obstante voto Clausuræ, quod faci-
ciunt, posse in casu Epidimie egredi e
Clausura, si id sit necessarium ad vitan-
dum contagium, quod utique est contra
Rodriquez.

Quæres 3. *Sub quibus pœnis prohibean-
tur Moniales egredi e Clausura proprii Mo-
nasterii.*

25. *Resp.* Prohiberi sub pœna excom-
municationis majoris ipso facto incurren-
dæ, eaque reservata Papæ: patet ex
Pii V. Constit. 8. superius adducta, quæ
sic habet: *Aliter autem egredientes, seu
licentiam exeundi quomodocumque con-
cedentes, necnon comitantes, ac illarum recep-
tatrices personas, siue Laicas, aut Sacu-
lares, vel Ecclesiasticas, consanguineas,
vel non, excommunicationis latæ senten-
tiæ vinculo, statim eo ipso absque aliqua
declaratione subiacere, a quo præterquam
a Romano Pontifice, nisi in mortis articu-
lo, absolvi nequeant.* Et insuper tam-
egressas, quam præsidentes, & alios Su-
periores præditos eis licentiam hujusmodi
concedentes, dignitatibus, officiis, & ad-
ministrationibus per eas, & eos tunc ob-
tentis privamus, & illas, & illos ad ob-
tenta, & alia in posterum obtinenda inha-
biles (supple) decernimus.

26. Ubi notandum vi illius Constitu-
tionis, Moniales indebite egredientes e
proprio Monasterio non solum incurrere
excommunicationem majorem ipso facto
absque aliqua declaratione, eamque Papæ
reservatam, sed etiam remanere privatis
dignitatibus, officiis, & administratio-
nibus, quæ habent tunc temporis, immo,
& inhabiles ad obtenta, & alia in poste-

rum obtinenda: quin etiam talibus pœnis
subjacent non Moniales tantum modo di-
cto Clausuram violantes, sed etiam Epis-
copi (cum de his expressa mentio fiat in
citata Constitut. Pii V.) Prælatique Re-
gulares, si fortasse sine iusta causa illis
dent licentiam exeundi e Monasterio; nec
non ii, qui Moniales injuste egressas co-
mitantur, aut recipiunt, si suo comitatu
aut receptione cooperentur egressui Mo-
nialium ipsarum, aut sint in causa, quod
non redeant ad Monasterium, sicut de-
bent, quod bene advertit Bonacina *qu. 1.
de Claus. par. 4. n. 4. & 5.* hinc inferens
cum Rodriq., Sanchez, & Lamas non
incurrere dictas pœnas illum, qui causa
urbanitatis, amicitie, honoris, aut con-
sanguinitatis Monialium illicite egressam
comitaretur, aut reciperet, dummodo
ejus delicto re vera non cooperetur; qua
de re Sanchez *lib. 6. Moral. cap. 14. n. 72.*

*Difficultas est: utrum præfata pœna
incurrantur ante sententiam judicis decla-
rativam, sin minus pœna, saltem delicti.*

27. *Resp.* Excommunicationem qui-
dem incurri ante omnem sententiam Ju-
dicis, etiam declarativam delicti, (quod
omnes concedunt) alias vero pœnas pro-
babile esse non incurri, nisi post senten-
tiam criminis declaratoriam, latam a Ju-
dice, qua scilicet declaretur juridice, Mo-
niale violasse Clausuram, egrediendo
e Monasterio absque legitima facultate;
idque non solum ob doctrinam, quam
tradit Sanchez *supr. num. 65. ex Navarr.
Molin., & Sosa:* sed etiam, quia Clau-
sula illa: *absque aliqua declaratione*, in
relata Constitutione Pii V. ex tenore tex-
tus videtur referri solum ad excommuni-
cationem non item ad alias pœnas; sicut
& vi textus reservatio solum afficit ex-
communicationem, non autem reliquas
pœnas: cum sic habeat: *Excommunicationis
majoris latæ sententiæ vinculo statim eo
ipso, absque aliqua declaratione subiacere:
a quo præterquam a Romano Pontifice,
nisi in mortis articulo absolvi nequeant; &
insuper tam egressas, (idest Moniales)
quam præsidentes, & alios Superiores præ-
ditos eis licentiam hujusmodi concedentes,*
digni-

dignitatibus, officiis, & administrationibus per eas, & per eos tunc obtentis privamus, & illas, illosque ad obtenta, & ad alia in posterum obtinenda, inhabiles decernimus. Ubi non Clausulam illam, absque aliqua declaratione, & illam aliam, præterquam a Romano Pontifice, nisi in mortis articulo absolvi nequeant: solum apponi; ubi agitur de excommunicatione, non item postea, ubi agitur de aliis pœnis, quod est signum, Pium V. in dicta Constitutione noluisse cum tanto rigore obligare ad reliquas pœnas, atque obligat ad excommunicationem: si enim pari rigore voluisset obligare ad utrumque, id potuisset exprimere, & expressisset, juxta illud: si voluisset expressisset: quod maxime locum habet in odiosis, quæ non debent ampliari, sed restringi.

Quod si quaras, qui possit absolvere a præfatis pœnis.

28. *Resp.* Non posse absolvere nisi Papam solum, aut alium habentem ab eo facultatem: cum excommunicatio sit reservata Papæ, & doctrina generalis sit, inferiorem Papam non posse regulariter dispensare in pœnis ab ipso latis post secutam Judicis sententiam.

„ Hoc autem verum est, non solum pro casu, quo violatio Clausuræ a Moniali commissa, fuerit publica, sed etiam pro casu, quo ea fuerit occulta; ita enim declaravit Sacra Congregat. teste Fagnano c. *Dilectus de tempor. ordinat. a num. 31.*; Nam cum dubitasset Archiepiscopus Florentinus, an vigore Concil. Triden. cap. 6. sess. 24. posset absolvere quamdam Monialem, quæ occulte, & ad malum finem fregerat Clausuram, non obstante Bulla Pii V., quæ videtur habere locum in casu publico; quæstio proposita fuit in Sacra Congregatione, & variatum est sententiis: Ex decem Cardinalibus, tres existimaverunt Bullam intelligentem esse etiam in occultis, quia illa loquitur generaliter, quia solum excipit casum articuli mortis: quia jam declaratum est, prohibitionem absol- vendi factam in Bulla Cænx habere lo-

„ cum etiam in occultis: & demum, quia per Bullam S. Pii V. utpote confectam post Concilium, censetur fuisse Concilio derogatum: Alii quatuor Cardinales dixerunt, eam Bullam, non habere locum in casibus occultis. Reliqui tres censuerunt consulendum esse Pontificem, qui dedit quidem facultatem Archiepiscopo absolvendi prædictam Monialem, sed declaravit Bullam Pii V. habere locum etiam in occultis. Hinc Sacra Congregatio postea interrogata in terminis generalibus: An si Monialis alicujus Monasterii jurisdictioni Regularium subiecti occulte laverit Clausuram, possit a tali peccato in foro conscientie virtute supradicti decreti absolvi ab Episcopo, cui tanquam delegato in iis, quæ ad Clausuram pertinent, autoritas tribuitur in Tridentino cap. 5. sess. 25. de regul., Sacra Congregat., stante Bulla S. Pii respondit *Non posse.*

Quæres 4. *An, & ex qua causa Moniales licentiarum possint ad egressum & Monasterio, non obstante obligatione Clausuræ.*

29. *Resp.* Ex vi quidem Constitut. Bonifacii VIII. citatæ in capit. *periculoso de stat. Regul. in 6.*, posse tantum in uno casu ibi excepto, nimirum quando Monialis evidenter laborat tanto, ac tali morbo, ut non possit cum aliis commorari absque periculo, aut scandalo: ex vi vero Constitutionis Pii V. relatæ q. præced. posse exire in tribus casibus ab ipso ibi expressis: videlicet ex incendio, ex morbo lepræ, & ex infirmitate epidemice; immo & in aliis casibus similibus, aut urgentioribus, qui censentur comprehendi in tribus allatis, juxta dicenda qu. 8. Quare Moniales nequeunt licentiarum ad egressum, nisi ex causa valde gravi, ac urgenti: ex simili relatis in cap. *periculoso*, & in Constit. Pii V.

Quæres 5. *Quando nam casus incendii sufficiat, ut Monialis licite possit exire & Monasterio.*

30. *Resp.* Non sufficere, nisi quando incendium est adeo magnum, ut Moniales

les sint morituræ, si non exeant: quamquam, ut omnes Moniales in tali eventu exire possint, opus sit, ut omnium vita periclitetur, nisi omnes exeant: Unde si contingat non imminere periculum omnium sed aliquarum tantum, eo quod una pars Monasterii incendatur, & in alia non sit periculum; tunc ex solum exire possunt, quæ aliter mortem evitare non possunt: ut si singamus, eas habitare in parte, quæ incenditur, & non posse transire ad aliam, nisi per ignem: idemque erit de una tantum Moniali, si casus ad hoc restringatur, ut illa sola incendio periclitetur, ita *Suarez tom. 4. de Rel. tradi. 8. lib. 1. cap. 9. num. 11.*, hinc inferens casum incendii in præsentī eventu non respicere communitatem, ut communitas est, sed omnes personas ejus, ut singulas, & sufficere in unaquaque, si illam solum tangat.

Quæres 6. Quando casus Lepre sit sufficiens ad hoc, ut Monialis licite egredi possit e Monasterio.

31. Resp. Tunc solum esse sufficientem, quando, Moniali tali modo infecta non egrediente, omnes aliz Moniales evidenti periculo infectionis exponerentur: unde, si cesset tale periculum, eo quod, Monasterium sit valde capax, ibique adsit commoditas medendi ei morbo absque periculo contagionis aliarum Monialium; tunc Monialis sic infecta non potest exire, cum cesset periculum, ratione cujus præcisè licitus erat exitus, ut aperte colligitur ex capite periculoso, innovato per Concilium Trident., & Pii V. Constitut. fere hoc ipsum exprimentibus iis verbis, quod non possit cum aliis absque gravi periculo commorari: Ut proinde dicat *Sanchez num. 32.* ad hoc, ut Superiores iustam licentiam exitus concedant, non debere esse contentos sola probatione morbi, sed præterea probandam esse incommoditatem Monasterii ad medendum sine periculo infectionis aliarum Monialium; quod etiam indicat *Tambur. sup. d. 20. qu. 1. num. 4.*, dicens, ad hoc, ut Monialis ex lepræ morbo licite possit exire e Monasterio, hujusmodi infirmitatem

debere esse talem, ut homo secularis ea infectus extraheretur e propria domo, & ad vitandum infectionis periculum duceretur ad locum segregatum, vulgo nuncupatum *Lazaretto*.

Quæres 7. Quid intelligatur hic nomine Epidemia, ob quam Moniali eo morbo infecta, concedi potest, ut exeat e Monasterio.

32. Resp. Intelligi non solum Epidemiam, quæ est vera pestis, sed etiam Epidemiam simplicem, morbum scilicet communem adeo contagiosum, ut ab uno facile diffundatur ad alios cum ipso communicantes, si tamen non obstat declaratio quædam Sacræ Congregationis facta anno 1609., & relata a *Diana par. 2. traff. 15. resol. 23.*; nimirum in Constitutione Pii V. nomine Epidemiz venire solum veram, ac realem pestilentiam. Ita *Suarez supra n. 3.*, *Sanchez n. 35.*, *Rodriguez sup. q. 49. art. 3.*, *Miranda qu. 3. de Monial. art. 5.*, *Portell. de dub. regul. v. Clausura n. 18.*, alique, quos citat, & sequitur *Tambur. n. 6.*, dicens, hujusmodi casum sic communiter explicari a Doctoribus, & probatur, tum quia intentio Pii V. in excipiendo isto casu, quæ est consulere indemnitati Communitatis religiosæ, æque militat in morbis istis contagiosis, qui possunt inficere totum Monasterium, aut majorem illius partem: ubi autem procedit eadem ratio, procedit & eadem juris dispositio: tum quia verosimilius est nomen epidemiz hic sumi, non rigorose pro illa, quæ pestis dicitur, & sic per contagium communicatur, ut majorem partem hominum, quos inficit, occidat, sed ut latius dicitur de quocumque morbo communi contagioso modo supradicto: Ut enim Pii V. Constitutio sit odiosa, ac restrictiva quoad hanc partem, ejus verba interpretari debent in mitiori significatione propria: unde cum juxta usum Medicorum vox Epidemiz absolute dicta significet quemcumque morbum contagiosum, secundum hanc significationem debet hic sumi: quæ rationes faciunt istam sententiam satis probabilem; præferim cum non constet authenticè de declaratione illa

ne illa Sacræ Congregationis superius allegata, ex Diana, sicut notavit ipsemet Diana, & innuit etiam Lezana tom. 1. cap. 25. n. 10., dum nostram amplexus sententiam subdit: *Licet oppositum in praxi omnino sequendum sit, si authenticè constet de quadam declaratione Sac. Congr. in contrarium.*

„ Addo ex declaratione Sac. Congregationis, quam supra retuli cap. 3. sess. 1. n. 19. ex Monacell. part. 2. adnotat. ad formul. 15. tit. 15. potius constare verum esse nostram propositionem.

Utrum vero dari possit Moniali licentia exeundi e Monasterio in casu, quo calaret morbo ipsi soli nocivo, & tali, ut moraliter sit certum, non posse sufficienter curari, nisi exeundo e Monasterio (v. gr. eundo ad balnea.)

33. *Resp.* Quod, quamvis Azorius, Navarræ, Grassi, Zipzius, Bonacin., & alii relati a Diana supra sustineant, Moniali in tali casu posse concedi facultatem exeundi e Monasterio; idque admittat etiam Diana p. 5. tract. 3. resol. 137., & non improbabiliter, seculæ praxi, quæ viget in contrarium; absolute tamen dicendum videtur in isto casu non debere, nec posse concedi Moniali, ut exeat e Monasterio; ita Sanchez n. 39., Barbosa de offic. Episcop. alleg. 102. n. 30., Gutier. l. 1. canon. 99. c. 14., Zerola part. 1. praxis v. *Moniales qu.* 16., aliique penes Dianam, ubi supra; & probatur, tum quia sententia Azorii, & illorum aliorum cedit in magnum detrimentum Clausuræ statutz in commune bonum religionis, stante, quod morbi periculosi sunt frequentissimi, aviditateque Monialium exeundi e Monasterio est maxima, sique facile attraherent Medicos ad iudicandum egressum, vitando periculo mortis, esse ipsis necessarium, & ita passim concederetur facultas egrediendi: tum quia in citato cap. periculoso (cujus observantia maximopere commendatur in Concil. Trident. sess. 25. de regul. cap. 5., & in Constitut. Pii V. sæpius relata) ob solam rationem communis boni Monialium permittebatur egressus, ut constet ex iis verbis: *nisi forte tanto, &*

tali morbo evidenter earum aliquam laborare constaret, quod non posset, cum aliis absque gravi periculo, seu scandalo commorari. Ergo casus respiciens solam Monialis utilitatem privatam non præbet causam sufficientem egrediendi tum quia, esto Doctores, juxta inferius dicenda concedant, quacumque dictione exceptiva adjecta, non excludi casus similes, aut urgentiores: fatentur tamen universi, excludi casus dissimiles, aut minus urgentes, quia alioqui dictio exceptiva esset inutilis; constat autem, quod præsens casus est valde dissimilis, ac longe minus urgens, quam tres expressi in Constitut. Pii V., ut facile patebit consideranti.

34. Dissentit Suarez n. 9. dicens, se non posse discedere a pia sententia Navarri sustinentis in casu proposito concedi posse Moniali licentiam exeundi e Monasterio, probatque tum quia leges huiusmodi non obligant ad sui observationem cum gravi periculo mortis, nisi ubi honor fidei, aut Religionis, vel magna necessitas boni communis intercedit: nihil autem horum in præsentis intervenit, tum quia lex humana debet esse tolerabilis, adeoque non potest obligare cum gravi periculo mortis, nisi ex causa proportionata, qualis non est; nisi necessitas communis boni temporalis, aut spiritualis: tum quia id videtur satis aperte colligi ex quadam declaratione Sacræ Congregationis, quam idem Suarez n. 11. refert his verbis: *Curande valetudinis causa ad balnea Monialem exire posse Sedes Apostolica concessit, dum tamen esset cum honesto comitatu personarum, quem Ordinarius dandum censuerit, atque tam eundo, quam redeundo nullum ad locum extra viam rectam diverteret, neque diutius maneat apud ipsa balnea, quam ad curandam infirmitatem necesse fuerit.* Verum, quia praxis communiter est in contrarium, saltem in his nostris regionibus, non videtur recedendum a nostrâ sententia, esto opposita speculative censi possit probabilis; præsertim cum dici possit præfatam declarationem Sacræ Congregationis non fuisse generalem, sed potius fuisse dispensationem cum ali-

qua

Qua Moniali in particulari, ideoque non facere jus; maxime cum non constet eam fuisse authenticam: cum Suarez sentit Castro Pal. tract. 16. d. 4. p. 9. n. 15.

Quæres 8: An prædicti tres casus excepti in citata constitutione Pii V. possint extendi ad alios similes, aut etiam urgentiores.

35. Resp. Possit; & probatur, tum quia dictio taxativa non excludit casus similes, & in quibus militat eadem ratio, aut urgentior: sicut ex multis ostendit Everard. in suis topicis legalibus loco a natura distinctionum taxativarum n. 4., ut colligitur ex variis juribus, quæ adducit Sanchez n. 37., tum quia Clemens VIII. in sua Constit. incip. *Religiosæ Congregationes*, ad puritatem paupertatis magis conservandam prohibuit munera a Religiosis dari, præterquam quod in casibus ibi exceptis: & tamen Sanchez supra cum Sosa putat præfatos casus extendi ad similes, in quibus militat eadem, vel major ratio: tum quia in novella Constitut. Justiniani collat. 4. sub titulo de nuptiis §. Sed etsi quis, dicitur solis Clericis promotis ad Ordines minores Lectoris, & Cantoris integrum esse uxorem ducere: & nihilominus id etiam licitum esse iis, qui initiati sunt aliis duobus Ordinibus minoribus: quinam autem sint casus, qui extendi possunt ad eos, qui recensentur in motu proprio Pii V. constabit ex quætionibus inferius proponendis, ac solvendis.

„ Interim ad præcavendum periculum errandi in admittenda hac aliorum morborum similitudine cum morbis expressis a S. Pio V., aliquas super hoc adjungo Sacræ Congregationis responsiones. Prima est: Episcopus transtulit ad alium Monasterium quamdam Monialem, quæ evaserat furibunda, & Sacra Congregatio respondit non potuisse Episcopum hoc facere, iussitque eidem, ut Monialem ad primum Monasterium reduci curaret, & vinculis coerceri, si opus fuisset. Secunda est: Monasterium de Xixena situm erat in loco paludoso, & insalubri; unde propter periculosas infirmitates, quas

„ Moniales contrahebant, dubitatum fuit, an comprehenderentur in Bulla S. Pii V. de Clausura Monialium, & Sac. Congregatio censuit comprehendere. Tertia est: Monialis quædam obtenta facultate ex eundi e Monasterio curandi causa morbum Epidemix, post sex menses ab egressu, supplicavit in Sac. Congregatione prorogari sibi terminum ad proseguendam curationem. Sacra Congregatio respondit, Oratricem, si vere laborabat morbo epidemix, non indigere dispensatione Apostolica: est enim casus exceptus in Constitutione Pii V. At vero si infirmitas tenebat ad epidemiam, ut dicebatur in licentia Moniali per superiorem concessa, non potuisse talem licentiam concedi, & eum qui concessit, incidisse in excommunicationem. Refert has responsiones Fagnanus in c. *Recolentes de statu Monach.* a. n. 49. Adde quartam Sacræ Congregationis declarationem, quam assertit de Alexandris in suo Confessorio Monialium cap. 7. §. 9. qu. 2., quæ sic habet: *Nomine epidemix eam tantum epidemiam intelligere, quæ est vera, & realis pestis, itant ob alias infirmitates huic aliquo pacto consimiles, sed tamen benigniores, etiam si epidemia nomine nuncupentur, nullo modo Monialibus proferri ex Monasterio exire liceat.* In hac autem responsione notandum, quod non dicit absolute similes, sed aliquo pacto consimiles.

Quæres 9. An occurrente aliquo casu, in quo juxta dicta licitus est egressus Monialium e Monasterio: ea propria auctoritate possint egredi, vel certe requiratur legitima licentia Superioris.

36. Resp. Requiritur licentiam Superioris, idque ex decreto Concilii Tridentini sess. 25. de regul. cap. 5., ubi dicitur: *Nemini sanctimonialium liceat post professionem exire a Monasterio, etiam ad breve tempus, quocumque prætextu, nisi ex aliqua legitima causa ab Episcopo approbanda;* sed etiam ex Constitutione Pii V. superius citata, quæ incipit: *Decori;* & sic habet: *Qua tamen infirmitas præter alios*

alios Ordinum Superiores, quibus cura Monasteriorum incumbere, etiam per Episcopum, seu alium loci Ordinarium, etiam si prædicta Monasteria ab Episcoporum, & Ordinariorum jurisdictione exempta esse repellantur, cognita, & expresse in scriptis approbata sint: est communis DD., inter quos *Portel. sup. n. 20.* bene advertit, quod quamvis in casibus allegatis a Pio V. expectanda est licentia ad egrediendum, si Superior adsit: secus est, si Superior absit, & periculum sit in mora, aut eam injuste denegat, & certo constat de injustitia.

At dices, cujus Superioris licentia requiritur, ut Monialis in aliquo dictorum casuum licite egrediatur.

37. *Resp.* In Monasteriis quidem subiectis Episcopo requiri, & sufficere licentiam solius Episcopi, aut Ordinarii loci, cum ipse respectu illorum sit & Episcopus, & Prælatus Religionis: in Monasteriis vero exemptis præter licentiam Episcopi, seu Ordinarii loci requiri etiam licentiam Prælati regularis proprii, Provincialis scilicet, aut Generalis, juxta uniuscujusque Ordinis Institutum. Patet tum ex Concilio Tridentino loco citato, quod, quamvis non requiratur expresse licentiam Prælati regularis, respectu Monasteriorum exemptorum, illam tamen non excludit, sed potius supponit, ut jure communi necessariam, utpote semper loquens secundum jus, quando illud non immutat: tum ex Constitut. Pii V. *6. præcedenti* allegata, in qua id totum satis expresse deducitur, & deciditur: ita *Suarez sup. n. 13.*, *Barbos. n. 28.*, *Sanchez sup. n. 24.*, & *seqq.*, alique apud ipsos: qui recte monent, non immerito Pium V. in citata Constitutione dicere, *per Episcopum, seu alium loci Ordinarium*, ut innuat hujusmodi licentiam posse concedi non solum ab Episcopo proprie dicto, qui scilicet habeat ultra jurisdictionem Episcopalem, etiam potestatem Ordinis Episcopalis, sed etiam a quocumque habente jurisdictionem Episcopalem, qualis est Vicarius generalis Episcopi, immo & Vicarius generalis Capituli, sede vacante: qui

utique veniunt nomine Ordinarii loci, ut in specie adnotavit *Barbosa ubi supra* ex Lamas, & Sanchez rejiciens, quod ait *Rodriguez supra art. 6.*, Monialem scilicet exemptam in adductis casibus posse absque ullo scrupulo recedere e Monasterio cum sola licentia Prælati regularis, Generalis, aut Provincialis, & non requiri ullam approbationem Episcopi secularis, stante quod Prælatus regularis est etiam ipse Ordinarium talis Monasterii, sicque de illo possunt intelligi allegata verba Pii V. *per Episcopum, seu alium loci Ordinarium*; cum tamen secundum communem loquendum modum Prælatus regularis numquam dicatur loci Ordinarium, esto sit Ordinarium proprii Monasterii.

Quod si quæras, an licentia egrediendi e Monasterio in casibus permixtis concedenda Monialibus, debeat esse specialis, ac expressa: idque ita, ut alias licentia sit eo ipso irrita, ac nulla.

38. *Resp.* Attenta Constitutione Pii V. debere esse, & specialem, & expressam; cum id ibi satis aperte explicetur iis verbis, & expresse in scriptis approbata (id est causa egrediendi e Monasterio) hoc enim ipso, quod talis causa debet expresse approbari ad dandam dictam licentiam, licentia non potest non esse specialis, utpote data hic & nunc in casu particulari, & quidem in scriptis, cum id disertis verbis exprimitur: quæ doctrina procedit tum in causis exitus expressis in dicta Constitutione Pii V., tum in aliis quibuscumque, ut notavit *Sanchez supra n. 29.*

An autem, ut talis licentia sit valida, debeat necessario esse in scriptis, ita ut non valeat si concedatur verbo tenus.

39. *Resp.* Videri probabilius, quod necessario debeat esse in scriptis, etiam quoad forum conscientie; ita *Bonacina qu. 1. de claus. p. 8. n. 5.*, & *Tambur. sup. qu. 6. n. 1.* ex Sanchez, Miranda, ac Viñorcello, alique communiter: & probatur; tum quia id satis clare significatur in citata Bulla Pii V. iis verbis: *aliter autem, quam, ut præfertur, egredientes excommunicationis lata sententie vinculo flactim eo ipso absque aliqua declaratione subja-*

hjacere &c. tum quia ubi lege, contractus requirit scripturam, ea deficiente, irritus est contractus, *l. contractus 16. c. de fide Instrum.*, ergo & idem dicendum est in casu nostro; tum quia jure cautum est, ut talis licentia detur in scriptis, non solum, ut possit exhiberi, si petatur, sed ut maturius, ac rarius concedatur (quæ enim scripto tradi debent, maturiori consilio solent examinari, & rarius concedi) non ergo solemnitas scripturæ censi debet levis, sed valde substantialis. Oppositum tamen sentiunt Homobon., & Belloch., quos refert, & non rejicit *Diana part. 3. tract. 2. resol. 129.* ex Innocent., Abb., & Felino docentes, quod, quamvis licentia ad ingrediendum septa Monasterii Monialium ex decreto Concil. Trident. in scriptis obtenta requiratur, id intelligitur quoad forum exterius: nam in interiori foro animæ, in quo attenditur veritas, sufficit, quod interveniat consensus jure naturali requisitus, qualis est etiam, qui ore tenus conceditur: est autem eadem ratio de licentia requisita ad licitum egressum Monialium e Monasterio, ut patet.

Quæres 10. An occurrente causa legitima egrediendi e Monasterio possit Monialis exire absque licentia Superioris, si proposita causa egressus petat licentiam, & non obtineat.

40. Resp. Quod cum ad licitum egressum Monialis requiratur approbatio causæ, & licentia exeundi: & hæc possant separari, quatenus potest ad aliquem pertinere approbatio causæ (quæ consistit in judicio de sufficientia illius) absque eo, quod possit dare licentiam: siquidem Monialis sit exempta, & Episcopus nolit approbare causam ab ea propositam ad exeundum; Prælati vero regularis proprius eam approbet, ac det licentiam exeundi, consilio evidenter de injustitia Episcopi: videtur Monialem posse exire, cum sic ratio Religionis propriæ illam non obliget, & alias lex positiva in tali casu videatur non obligare: quippe quæ revera impletur, esto desit exterior solemnitas (quamvis forte in foro externo aliud præsumeretur.) Si vero e contra Episco-

pus approbet causam, & Prælati regularis renuat dare licentiam, tunc, moraliter loquendo, non debet Monialis exire; cum sic obstat Constitutio Pii V. intrinseca obligatio religionis obedientiæ, & præterea tunc vix possit vitare grave scandalum, & periculum apostasiæ, vel certe species cum infamia religionis: Quod si Monialis egressura e Monasterio sit subiecta Episcopo; tunc, si ipse non approbet causam egrediendi propositam, adeoque etiam neget licentiam exeundi propositam, nullo modo potest Monialis exire: cum ex una parte obstat dispositio Concilii Tridentini, ac Pii V. Constitutio, & ex alia per modum defensionis, ac justæ excusationis id fieri nequeat sine magno scandalo, & in casu potius fido, quam morali: ita *Snarez supr. c. 9. n. 16.*, monens juxta dispositionem Concilii Tridentini, & Constitut. Pii V. approbationem causæ exeundi quoad Monasteria exempta pertinere ad Episcopum, & sic Concilium nihil aliud dixisse, nisi causam ab Episcopo approbandam: licentiam autem proprii Superioris esse necessariam ex vi religionis status.

Quæres 11. An Monialis tuta conscientia exire possit e Monasterio, si a legitimo Superiore detur licentia exeundi sine justa causa.

41. Resp. Non posse, si ei constet in conscientia justam causam egrediendi non subesse, & licentiam fuisse concessam ex favore, vel alia ratione iniqua: ita *Snarez n. 14.*, & probat, quia talis licentia re ipsa est nulla, & id non latet Monialem; siquidem Pius V. in sua illa Constit. dicit: *Aliter autem, quam, ut præfertur, egredientes: prædictum autem fuerat, ut Moniales sine legitima causa, & probata non exeant.*

42. Concedo tamen, quod si Papa sine justa causa daret hujusmodi licentiam, posset Monialis exire absque eo quod incurreret pœnas latas contra violantes clausuram: immo ne venialiter quidem peccaret, juxta plures Doctores, sustinentes utentem dispensatione valide data a Superiore sine causa non peccare, nec venialiter,

liter, ut mox videbimus: esto Papa taliter dispensans peccaret saltem venialiter, ut tradunt plures Doctores penes *Sanchez lib. 8. de matrim. d. 18. n. 6.* Ratio responsionis est, quod cum obligatio clausuræ sit de jure humano (ut jam probavimus) potest Papa in ea valide dispensare, etiam sine causa, ut innumeris Doctoribus citatiserudite probat *Sanchez disput. modo citata n. 3.* contra plurimos alios ab eodem relatos *n. 2.* quorum opinionem dicit *Castro Pal. tom. 3. d. 6. pag. 8. §. 1. n. 2.* non posse defendi, ut probabilem: alioqui fuisset *n. 8.* ex communi Canonistarum probabile esse, utentem dispensatione valida, sed illicita, utpote data sine causa, non peccare, nec venialiter: quod tamen negant plures alii Doctores: aliqui quidem sustinentes in tali casu peccare mortaliter, alii vero solum venialiter: quod putat *Sanchez n. 7.* esse probabilius.

43. Unum hic obiter moneo ex *Suarez sup. n. 13.* in presenti materia distinguui facultatem, seu licentiam exeundi e Monasterio a dispensatione, quod, cum prohibitio non exeundi sit prohibitio non exeundi sine legitima facultate; concessio talis facultatis non est dispensatio in lege clausuræ, sed potius est pars materię ipsius legis; dispensatio autem proprie tunc contingit, quando præfata facultas datur sine iusta causa, quod est bene notandum.

Quæres 12. *An, & quando Monialis exurgenti necessitate exiens e Monasterio sine licentia teneatur postea id significare Superiori, cujus intererat approbare causam exitus, & dare facultatem exeundi.*

44. *Resp.* Teneri: si potest quando degit extra Monasterium, ita *Bonacini sup. pag. 8. n. 6.* ex *Sanchez, & Zecchio*, quos sequitur *Tamburin. sup. quest. 5. num. 4.*, & patet, quia cognitio causæ exitus e Monasterio spectat ad Superiorem, fierique potest, ut causa, quæ Monialibus videbatur legitima, non approbetur a Superiore, & consequenter Monialis teneatur redire ad Monasterium; hoc autem præstari sequitur, nisi Monialis modo dicto significet causam sui egressus. Secus, si cessante causa egressus, Monialis jam rediit ad

Monasterium; tunc quippe non est opus, ut manifestet Superiori causam sui exitus, cum sic cesset finis talis manifestationis, Moniali non amplius indigente Superioris approbatione, ac facultate. Addit autem *Sanchez supra cap. 15. n. 70.* contra *Zecchium*, Monialem in priori casu non significantem Superiori causam sui exitus non incurrere penas latas contra Moniales indebite exeuntes: probatque ex eo, quod tales pænæ sunt latæ contra Moniales injuste exeuntes; tales vero non sunt Moniales in presenti casu egredientes, cum talis casus per epichejam censetur exceptus ratione necessitatis carentis lege.

Quæres 13. *An Moniales habeant iustam causam exeundi in casu belli imminenti, aut inundationis, aut ruinæ totius Monasterii.*

45. *Resp.* Habere; ita *Suarez sup. cap. 9. n. 4.* *Tambur. de jur. Abbatiss. d. 20. qu. 2. n. 2.*, & 3. alique apud ipsum; inter quos *Peyrin tom. 2. de privileg. Constitut. B. Pii V. n. 25.*, ait, subesse Monialibus iustam causam exeundi, imminente casu belli: siue intentetur ab hæreticis, aliisve infidelibus, siue a Catholicis: siquidem in omnes militares regulariter cadit illud: *Nulla fides pietasque viris, qui castra sequuntur: & de militibus communiter verificatur, quod Jocus, & ludus sunt in militia domus diripere, familias spoliare, virgines rapere, solidas urbes, atque oppida incendere: hæc sunt militum decora; profuisse nemini, nocuisse quæplurimis, nullo respectu, aut recordatione præsidentis Mundo Dei.* Ratio autem responsionis est, quod in istis casibus agitur de communi bono totius Monasterii; & cum habeant similitudinem magnam cum casu incendii expressi in motu proprio Pii V., censetur etiam ipsi per epichejam, ac æquiparationem excepti: dummodo alias serventur servanda, prout diximus *quest. 8.*

Quæres 14. *An iusta sit egressio Monialis ad hoc, ut eligatur Abbatissa alterius Monasterii ejusdem sui Ordinis, ac habitus, vel Magistra Novitiarum, vel Præfata janua, seu rose.*

46. *Resp.* Esse: dummodo id fiat cum debita

debita licentia : ita *Miranda supra artic. 2. Sanchez n. 54., Bonacina pag. 9. n. 50., Barbosa. de offic. Episcop. alleg. 102. n. 25.* alii- que communiter ; & probant , quia iste casus est similis exceptis in motu proprio Pii V., cum in eo agatur de bono communi totius Religionis , non autem particulari hujus , aut illius Monialis , sicque *Concilium Trident. sess. 25. cap. 7. de Regul.* cum *cap. 5.* valde commendasset clausuram , concedit exitum in casu , quo in proprio Monasterio non reperitur Monialis prædita dotibus requisitis ad munus Abbatissæ.

47. Dixi, *nammodo id fiat cum debita licentia* , ut innuerem , quod licet ad exitum Monialis in casu proposito non videatur peti consensus Sedis Apostolicæ : id tamen fallit attenda declaratione Congregationis Cardinalium allata a *Suarez n. 5.* quæ ita habet : *Monialis non potest transire de uno ad aliud Monasterium, etiam de consensu Episcopi, sine licentia Sedis Apostolicæ, etsi translatio fiat ad aliud ejusdem Ordinis.*

„ Et attentis sequentibus aliis declarationibus , quas refert *Fagnanus in c. Recolentes de statu Monachorum n. 51.* Prima est : Generalis totius Ordinis S. Augustini dubitavit in Sacra Congregatione, an post bullam S. Pii V. de egressu Monialium , licitum sit de uno Monasterio ad aliud Monialem transferre ad hoc , ut in eo fungatur munere Abbatissæ : Sacra Congregatio dixit pro decisione hujus dubii recurrendum esse ad Sanctissimum , & Papa censuit Bullam corrigere decretum *Trident. c. 7. sess. 25. de Regular.* & per eam esse sublatam facultatem Episcopo concessam ex *cit. cap. Trident.* ; ideoque sine speciali licentia Sedis Apostolicæ non licet nunc extrahere Monialem de suo Monasterio ad hoc , ut fungatur munere Abbatissæ in alio. Secunda est illa , quam supra retuli *cap. 3. sess. 1. n. 19.* per quam ex decreto Pauli V. Sacra Congregatio 22. Decembris 1617. declaravit , non posse Moniales transferri de Monasterio ad Monasterium sine speciali licentia Sedis Apostolicæ toties quoties obtinenda , neque ra-

„ tione Prioratus, vel alterius officii , quibuscumque in contrarium non obstantibus .

48. Notat hic *Sanchez n. 46. Miranda supra Tambur. n. 8. , Rodriqu. tom. 1. q. 49. art. 5. , & alii* , Monialem in casu proposito translatam ad aliud Monasterium , expleto suo munere , ac officio , posse de utriusque Monasterii consensu redire ad proprium Monasterium ; quantumvis sociæ ipsi adjunctæ in translatione renuat redire : sicut & e contra , renuente Moniali principali , possit reverti etiam sociæ . Sed hoc regulandum est, & decidendum , juxta terminos licentiæ a Sede Apostolica circa translationem concessæ .

Quæres 15. *An, & quomodo exire possit Monialis ad fundandum novum Monasterium, aut etiam ad aliud reformandum jam fundatum .*

49. Resp. Possè modo id fiat de consensu Sedis Apostolicæ : idque ex decreto Sacræ Congregationis, quæ teste *Zer. p. 2. Praxis v. Monialis d. 8. & 12.* decedit, non licere hunc exitum causa reformationis , aut novæ foundationis , aut correctionis ; sed in his omnibus casibus sedem Apostolicam esse consulendam : ita *Navarrus l. 3. consil. de Regular. cons. 48. n. 7. , Rodriquez sup. Sanchez n. 47. , Tamburini n. 7. , & alii* apud ipsos . Et constat etiam ex aliis Sacræ Congreg. decretis supra allegatis .

Quæres 16. *An casu , quo totum aliquod Monasterium Monialium transferri debeat in aliud Monasterium de novo constructum , talis translatio fieri possit inconsulata Sede Apostolica .*

50. Resp. „ Nunc non posse, quia obstat in contrarium usus , & praxis Sacræ Congr. quæ, ut cum aliis docet *R. P. D. Cajetanus de Alexandris in Confessario Monial. cap. 7. §. 9. qu. 11.* consuevit expresse has licentias concedere . Ubi notandum primo cum *Gutierrez lib. 1. quæst. practicarum cap. 14.* dari posse hujusmodi licentias ex quacumque causa rationabili , ob quam concedi posset alicui Moniali transitus de uno Monasterio ad aliud .

„ Notandum secundo, extare quamdam

dam declarationem Sacræ Congregationis, editam 17. Julii 1615., quam refert Barboſa in Collect. v. Monialium translatio, his verbis: *Moniales translati non possunt in Monasteria noviter erecta, nisi eadem Monasteria auctoritate Apostolica extructa fuisse prius consisterit: ipsaque prævia visitatione, earumdem Monialium capacia, eisque accommodata, atque ita absoluta reperta fuerint, ut camentariis, aliisque fabris nulla adificationis causa in ipsa postea ingrediendi necessitas relinquatur.* Ubi observo, quod cum auctoritas Sedis Apostolicæ solum requiratur ad construenda nova Monialium Monasteria: hoc ipso, quod ea intervenit in eorum constructione, ea non videtur necessaria ad faciendam postea Monialium translationem; cum in tali eventu ea expressè hic non requiratur, & alias procedit regula juris: *Qui concedit unum, concedit & medium necessarium ad illud;* cuiusmodi est translatio Monialium ad inhabitandum Monasterium de novo constructum auctoritate Apostolica.

51. Cæterum in casu, quo facienda est talis translatio, fieri debet in auroa; & quidem ita, ut Moniales conscripi possint a paucis, & assententur a personis gravioribus, honestis, ac consanguineis proximioribus: idque ex Decreto Sacræ Congregationis adducto a Barboſa ubi supra.

Quæres 17. *An, & quo modo Monialis possit dimitti e proprio Monasterio ad hoc, ut in alio Monasterio melius corrigatur, aut puniatur.*

52. Resp. Posse eo modo, quo diximus cap. 3. sect. 1. qu. 14.

Quæres 18. *An, & quomodo, non obstante obligatione Clausuræ, possint Moniales dimitti e Monasterio ratione incorrigibilitatis.*

53. Resp. Non posse dimitti, nisi eo modo, quo diximus supr. cap. 3. sect. 1. qu. 13., ubi late egimus de hac re.

Quæres 19. *An Moniales, etiam stante lege Clausuræ, possint a proprio Monasterio transire ad Ordinem arctiorem.*

54. Resp. Posse, eo tamen modo, quo ostendimus supra cit. sect. 1. qu. 12. Adde hic solum Monialem in tali casu teneri facere novum novitiatum, & novam professionem: de novitiatu patet, quia annus probationis institutus est ad effectum, ut religio probeat novitium, & novitius religionem, cap. ad apostolicam de regular. in nostro autem casu neuter probavit alterum, sicque peragendus est novus novitiatu, juxta Concil. Trid. sess. 25. cap. 16. de regul., non distinguens ingredienti religionem a sæculo, & eos, qui ingrediuntur ab alia religione. De professione vero probatur, quia Monialis transiens ad alium Ordinem, debet in eo se obligare: hoc autem fit per professionem, quæ est contractus quidam reciprocus, per quem profitens se obligat religioni, & religio profitenti, pro: & Decodante, fusiùs ostendimus in tract. de novitiatu.

Quæres 20. *An Monialis ex legitima facultate exiens e suo Monasterio (v. g. ad fundandum aliquod Monasterium) violat legem Clausuræ, si ea occasione alio diverſat causa invifendi aliquam Cognatam, aut viſitandi devotam aliquam imaginem.*

55. Resp. Quod cum præceptum Clausuræ debeat moraliter intelligi, non ita rigoroſe obligat Monialem, ut in proposito casu non possit aliquantulum divertere a recto itinere, aut peracto negotio, ad quod conceditur exitus immorari extra Monasterium pro aliquo brevi tempore: idque, etſi deviet a recta via octo, aut novem leucis (quod in specie notat Sanchez sup. cap. 15. n. 61.) sic Bonacina sup. p. 9. n. 21. monens ex eodem Sanchez per tempus breve posse intelligi spatium unius, aut duplicis diei: Nald. v. Clausura n. 5., Miranda sup. qu. 2. art. 20., Barboſa de offic. Episcop. alleg. 102. n. 58., Sorbus in comp. v. ingredi Monast. Monial. s. 34. aliique, & patet, tum ex ratione adducta sub initium responſionis: tum quia illa deviatio, seu mora morali modo non videtur cedere in fraudem Clausuræ: tum quia, quod dicitur in motu proprio Pii V. *Sed nec in prædictis casibus extra illa Monasteria,*

via, nisi ad necessarium tempus, stare licet; non est interpretandum secundum regulas metaphysicas, sed morali modo, ut jam dixi: sicque solum indicat, seclusa parvitate materiæ, Monialem legitime egressam teneri sub peccato mortali redire, absoluto negotio, ad quod concessus est exitus, & non posse diutius commorari extra Clausuram ultra tempus revera necessarium; quod citati Doctores non negant, cum Monialem excusent a peccato mortali in præsentia casu solum ex parvitate materiæ: quæ maxime debet admitti in præceptis Ecclesiæ, cuius iugum suave est, & onus leve: nobiscum sentit Castr. Pal. tract. 16. d. 4. p. 9. n. 19. ex Rodrigu. tom. 1. p. 47. art. 11.

56. Quin etiam notat Sanchez n. 70., quod si Monialis legitime egressa e Monasterio ita divertat a recta via, ad quam tendit, aut ultra tempus necessarium immoretur tam diuturno tempore, ut iudicio prudentis censeatur peccare mortaliter, non adeo incurrit pœnas latas contra Moniales violantes Clausuram; quippe quæ non generaliter latæ sunt contra violantes Clausuram, sed stricte contra Moniales illicite egredientes: sicque non debent extendi ad illas, quæ licite egressæ sunt (id est cum legitima licentia) sed post egressum illicite divertunt alio, aut diutius morantur extra Monasterium, quam ferat necessitas: nam pœnæ non debent ampliari, se restringi, ut patet: dissentit Castr. Pal. tract. 16. dist. 4. pag. 9. num. 21.

Unde inferri potest, & bene, Moniales conversas deputatas ad quærendas elemosynas pro Monasterio non peccare contra Clausuram, si occasione quæstionis inviseant suos consanguineos, & amicos: siquidem ex non subiciuntur obligationi Clausuræ, ut constat ex dictis hic num. 15., quamquam possit contingere illas aliunde peccare, si præfata visitatio Consanguineorum, aut alia similis diversio ipsis sub mortali sit aliunde prohibita; v. g. ex Constitutionibus, aut præcepto Superioris.

57. Violat Clausuram Monialis transiens ad aliud Monasterium contiguum: duplex peccatum facit, & duplicem censuram incurrit.
58. Item si fugiat e carcere, cui perpetuo iuste damnata est.
59. Item si ea suggeret ad vitandam mortem, aut mutilationem.
60. Secus si ad cavendam mortem sibi intentatam ab invasore.
61. Non exit ad edendum satum illicite conceptum, sicque consulendum suæ famæ.
62. Non egreditur ad vocandum Medicum aut Confessarium.
63. Egreditur ad præstandum juramentum fidelitatis debitum ex fendo Conventus.
64. Non item ut graviter vexata ab Abbatissa adeat Prælatum.
65. Non ut subveniat gravi indigentia parentum.
66. Non, ut subveniat Nepotibus.
67. An egreditur, si sit energumena, ut exorcizetur.
68. An ad reclamandum coram Ordinario contra nullitatem professionis.
69. Violat Clausuram exiens ad spatium, quod interjacet inter ostium Clausuræ, & januam patentem secularibus.
70. Quid si joco impulsæ transgrediatur ostium Clausuræ.
71. Violat, si in limine ostii Clausuræ ludat ludo navis.
72. Et si ponens se in rota, eam volvat ad partem patentem secularibus.
73. Si toto corpore consistat in liminari ostii Clausuræ.
74. Si ascendat supra tellum Conventus, & consistat intra partem respicientem ipsum Conventum, aut Ecclesiæ interioriorem.
75. Violat, si a tellio Conventus prætergrediatur ad tellum porticus exterius annexæ ipsi Conventui, factæ præcise in commodum externorum.
76. Item, si insideat muro Conventus virili more quasi equitans.

77. Vio-

77. Violat, si e fenestra toto corpore se suspendat viam publicam versus.
78. Item, si consistat super ramo arboris sita intra Clausuram omnino prominente extra illam.
79. Item, si magica arte feratur per aerem intra ambitum Clausuræ.
80. Violat, si prævius se in somnis egressuram id non impediat.
81. Item, si ascendens equum ferociorem vi feratur extra Clausuram, hoc prævisio.
82. Secus, si legitime degens in domo privata extra eam libere exeat.
- Limita, nisi jussu Superioris ibi degat cum obligatione Clausuræ.
83. Non violat, si licentiata ad egressum exeat etiam ad malum finem.

Quæres 21. An Monialis censetur violare Clausuram, si recedat a proprio Monasterio in aliud Monasterium Monialium immediate contiguum, sive ejusdem sui Ordinis, sive alterius; idque gratia recreationis &c.

57. Resp. Violare & probatur ex eo, quod Monialis non tenetur ad Clausuram in communi, sed ad Clausuram proprii Monasterii; sicque, esto in casu proposito transeat de Clausura ad Clausuram, itaut non possit vere dici, quod in tali transitu ullo tempore sit extra Clausuram: hoc ipso tamen, quod totaliter recedit a proprio Monasterio (intra cujus ambitum continetur ejus Clausura) eo ipso violat Clausuram, & incurrit pœnas latas contra Moniales violantes Clausuram: quæ ratio utique probat intentum, sive Monasterium, in quod Monialis ingreditur, sit ejusdem sui Ordinis, sive alterius: cum Monialis eodem modo non teneatur ad Clausuram in communi sui Ordinis, sed ad illam, quæ est propria sui Monasterii, in quo est professæ: sic respondi in facti contingentia: nec obstat, quod docet Sanchez *supr. cap. 16. n. 10. v. secundus casus*; nam ibi non supponitur violatio Clausuræ ex parte termini a quo, sicut supponitur in casu, qui hic contrahitur.

Addo, quod, cum Moniali prohibeatur non solum egressus e propria Clausura, sed etiam ingressus in alienam; & hæc prohibitiones sint duæ numero diversæ: Monialis in tali proposito casu duo peccata committet in confessione necessario exprimenda, duplicemque incurrit excommunicationem juxta doctrinam Bonacii. d. 1. de censur. in commun. qu. 1. p. 5. n. 2. tot scilicet incurri centuras, quot sunt moraliter, & formaliter actus commissi contra præceptum. Sic ego respondi, & responsioni postea subscripserunt Pollacchus, Baldell., Stephanus a S. Gregor., alique viri docti a me consulti: a quibus dissentit Bordonus item a me consultus, putans in isto casu unicam incurri excommunicationem: eo quod Bulla Pii V. præfice afficiat excommunicatione Moniales illicite egredientes, nulla mentione facta alterius loci, ad quem contingat accessus; & aliis, regulariter loquendo, Moniales egredi non soleant ad ingrediendum aliud Monasterium, sed ad libere vagandum: proinde non fuerit opus sub lege Clausuræ comprehendere casum hunc adeo extraordinarium: cum lex ad ea, quæ raro accidunt non aptetur: l. non ad ea ff. de legibus, sic Bordonus alioqui concedens, Monialem, si ingrediatur conventum virorum Religiosorum subiacere excommunicationi lata contra mulieres ingredientes claustra Regularium ex Pii V. Bulla, quæ incipit: *Regularium personarum*, junctæ ejusdem alia Constitut. *Decet Romanum*; idque, etsi jus interdicens fœminis ingressum in claustra Regularium utatur verbo *Mulier*; cujus significatio videtur restringi ad fœminas laicas: Monialis enim vere est mulier, & est exposita periculis non minus, quam quælibet fœmina secularis.

Quæres 22. An Monialis violet Clausuram, adcoque subjiçatur pœnis latis contra Clausuram, si damnata in pœnam delicti commissi ad perpetuum carcerem intra proprium Monasterium, ab eo occulte recedat.

58. Resp. Violare & probatur a fortiori ex eo, quod docent Navar. *comm. 4. de regul. n. 64.*, Rodriq. *tom. 2. qu. 22. art. 6.*

art. 6., Sanchez *supr.* c. 8. n. 13., & alii, virum scilicet religiosum condemnatum perpetuo carceri non posse licite fugere: cum frequentissima, & longe probabilior sententia Doctorum habeat, nulli perpetuis carceribus damnato licitum esse fugere, nedum Religioso, qui alias non potest exire e Monasterio absque Superioris licentia, lege Clausuræ ipsum ad id adstringente, ut ostendimus alibi: cum tamen lex Clausuræ strictius obliget Moniales, quam viros religiosos, ut patet.

Verum tamen est, quod sicut citati Doctores apud Sanchez n. 14. concedunt virum Religiosum perpetuo carceri condemnatum a Superiore, posse inde fugere, si aut iniusta sit condemnatio, aut iniustus sit modus illam exequendi (ut si cuos carceris ei iniuste denegat cibum, vestitum, aut ignem ad vitæ sustentationem necessarium): idem proportionaliter concedendum videtur etiam de Moniali damnata perpetuo carceri, illam videlicet posse fugere, si constat vel sententiam esse iniustam, vel iniustum modum illam exequendi; nemo enim tenetur parere huiusmodi sententiæ, nec lex Clausuræ censenda est obligare in talibus circumstantiis.

Dubium gravius est: An Monialis possit licite fugere, si iuste ipsi imponenda sit pena mortis, aut mutilationis.

59. Respondeo dicendum non posse quia Monialibus nullo modo competit in hoc casu Jus naturale ad fugiendum causa conservandi vitam: Nam contra illud prævalet Jus Divinum fundatum semper in voto Obedientiæ, & aliquando etiam in voto speciali servandi Clausuram: Nam per votum Obedientiæ intendunt se obligare ad obediendum omnibus iustis præceptis Superiorum, inter quæ enumerandum certe est præceptum Clausuræ impositum a Bonifacio VIII., a Concilio Tridentino, & a S. Pio V., & per votum Clausuræ intendunt se abdicare, & privare Jure exeundi extra claustra extra casus permisos. Ita ex Suarez, & aliis Baldellus tract. de Lege disput. 44. n. 18.

Quæres 23. *An Monialis licite possit*

egredi e proprio Monasterio, si ibi invasa ab hoste non possit vitare mortem nisi inde fugiendo.

60. Resp. Posse: & probatur tum ex dictis *supra* sect. 1. n. 11., & ex ratione allata *quæ præced.*; tum quia esto concedamus non posse dari facultatem exeundi; quantumvis Medici Judicent juxta regulas medicinarum id esse simpliciter necessarium ad conservandam vitam Monialis ægotantis (qua de re diximus *quæ 7.*); id tamen non procedit in præsentis casu, quo periculum mortis violentæ est certissimum, & provenit a principio extrinseco: cum e contra periculum mortis proveniens ex morbo intrinseco non vitetur egressu, sed Monialem ipsum comitetur: præterquam quod Monialis in præsentis casu duplicem habet causam egrediendi, nimirum, ut impediatur peccatum aggressoris ipsi mortem inferentis, & ut vitam propriam tuatur; quarum causarum solum ista posterior subest in ægritudine naturali; sic Tamburin. *supr.* d. 10. qu. 3. num. 2., & ante illum Sanchez *supr.* d. 15. n. 39.

Quæres 24. *An peccet contra præceptum Clausuræ Monialis, quæ ex illicita copula gerens uterum occulte exit e Monasterio ad satum edendum, ut sic consulat propria fama, ac bona existimationi status religiosi.*

61. Respondet Tamburin. *supr.* d. 19. quæst. 4. §. ad 12. ex Victorello, Monialem in tali casu incurrere excommunicationem, & consequenter peccare, ita coherentem ad supradicta n. 59. afferendum puto.

Quæres 25. *An Monialis licite possit exire ad vocandum Medicum, aut Confessarium pro alia Moniali Monasterii ex repentino morbo adducta ad extremum vitæ, si non possit alius reperiri, qui eos advocet.*

62. Resp. Talem casum in praxi vix posse contingere, & propterea non esse recedendum a sententia communi negativa propter rationes *supra* adductas n. 59., quæ multum urgent in præsentis casu, in quo alias aperiretur via innumeris scandalis, & absurdis contra Clausuram Monialium.

R

Quæ-

Quæres 26. *An Monialis fungens officio Abbatisſæ, quæ ratione feudi tenetur præſtare juramentum fidelitatis Domino ſeculari, poſſit ad talem effectum exire de licentia Superioris, ſi, tali juramento non præſtito, amittendum ſit feudum cum notabili damno Monaſterii.*

63. Reſp. Poſſe, modo exeat cum honeſta ſocietate, & præſtito juramento, ſtatim revertatur ad proprium Monaſterium. Patet reſponſio; tum quia hic agitur de bono communi Monialium; cum fieri poſſit, ut neglecto illo juramento Monaſterium amittat illud feudum, eo quod præſtatum juramentum fieri nequeat per Procuratorem. Pius autem V. in ſua Conſtitutione indicens Monialibus Clauſuram extra tres caſus ibi exceptos, quemcumque egreſſum e Monaſterio prohibuit, præterquam in caſibus ſimilibus tribus exceptis, juxta dicta n. 35., in quibus commune bonum Conventus petat egreſſum; tum quia in ipſo cap. periculoſo ſæpius allegato q. 2. verum id expreſſe conceditur, nec fuit revocatum quoad præſens punctum: ita Sanchez lib. 6. Moral. c. 15. n. 51., Bonacin. ſup. p. 9. n. 9., Tamburin. ſup. d. 20. qu. 2. n. 5., & Barboſ. l. 1. de jure Eccleſ. cap. 44. n. 79., qui bene notant Abbatiſſam teneri quidem in iſto caſu petere a Superiore licentiam exeundi; ſi tamen is eam injuſte denegat, & conſtet evidenter de injuſtitia negationis, poſſe nihilominus exire, cum Superior teneatur dare talem licentiam, eaque injuſte negata, cenſeatur exire auctoritate ipſiusmet juris. Dixi, & conſtet evidenter de injuſtitia negationis; quia in dubio, & ubi res non eſt certa, judicium Superioris ſequendum eſt, quippe cujus eſt cauſas egreſſus diſcutere, & approbare, ſicut optime advertit Sanchez.

Quæres 27. *An Monialis dici poſſit delinquere contra Clauſuram, ſi graviter vexata ab Abbatiſſa, & quidem injuſte, ſæpius accerſito Epifcopo, aut Superiore, ſed fruſtra, tandem exeat e Monaſterio ad effectum illos conveniendi, ut ipſis coram aperiatis injuriis ſibi illatas, & ab iis opportunum obtineat remedium.*

64. Reſp. Monialem in tali caſu delinquere contra Clauſuram, niſi forte aliàs immincat grave periculum vitæ; ita in terminis Tambur. ſup. d. 19. qu. 4. ſ. id. 8. cum Viſtorello, & patet, quia talis caſus non concernit bonum commune totius Monaſterii, nec eſt expreſſus in Bulla Pii V., immo multum differt ab iis, qui ibi exprimiuntur; ſicque non apparet, quo titulo reputari debeat ſufficiens ad legitime exeundum e Monaſterio.

Quæres 28. *An Monialis exire poſſit licite ad ſublevandam neceſſitatem ſuorum parentum graviter indigentium.*

65. Reſp. Non poſſe; & probatur, tum ex ratione allata qu. præced., tum quia, eſto demus viros religioſos poſſe de licentia ſuorum Superiorum egredi e Monaſterio ad ſublevandam ſuorum parentum indigentiam, id tamen non videtur concedendum quoad Moniales: quippe quæ ſtrictius tenentur ad obſervantiam Clauſuræ, & ratione ſexus, ac ſtatus minus opportune poſſent conſulere neceſſitati ſuorum parentum, etiamſi ad talem effectum egrederentur; præterquam quod ex Monialium egreſſu, plura, & graviora timeri poſſunt inconvenientia, quam ex egreſſu virorum, ad quæ viranda nullo modo permitti debet, Moniales exire e Monaſterio, ut commodius ſuccurrere poſſint indigentibus ſuorum parentum; excepto tamen caſu extremæ neceſſitatis illorum, in quo ſine dubio eæ poſſent, & deberent exire, ut oſtendimus in tract. de profeſſ. cap. 2. qu. 22., prius ſemper obſervata, regulariter loquendo, Superioris, ad quem dare ſpectabit, facultate, ut colligitur ex reſponſione Sarr. Con. greg. Epifcop., & Regul. in una Narbonenſi 14. Novembris 1698. apud Monacell. par. 2. tit. 16. form. 10. n. 21.

Quæres 29. *An Monialis habeat juſtam cauſam exeundi, ut curam gerat ſuorum Nepotum omnibus aliis propinquis deſtitutorum.*

66. Reſp. Non habere, & patet ex dictis qu. præced.

Quæres 30. *An Monialis Evergumena licite poſſit licentiarum ad exeundum e Mo-*

Monasterio, ut possit extra illud exorcizari.

67. *Resp.* Possē; ex decreto Sacre Congregationis Concilii, quod refert *Barbosa in collectan. v. Monialium Clausura circa egressum*, his verbis: *Monialis nulla energumena intra Monasterii septa a quocumque Presbytero seculari, vel regulari, etiam Confessario exorcizetur, sed ad Ecclesiam exteriorem ejusdem Monasterii, obtenta prius a Sacra Congregatione licentia, ea de causa deducatur, vel transferatur: in translatione autem hujusmodi, sicut & in actu exorcizationis honesta persona consanguinea, vel alie mulieres provecta etatis, ac probe conversationis energumenam comitentur; Exorcista sit ad actum hujusmodi ab Ordinario approbatus: exorcizatio minori quo poterit, fiat strepitus: Ecclesia janua eo usque occlusa remaneat, quousque exorcizatione completa ad Monasterium energumena reducat: ceterum tam in reditu, quam in accessu ad Ecclesiam, & Monasterium respective, recta, & sine diverticulo tendatur. Ita Sacra Congregatio.*
 „ Unde si hujusmodi licentia peti non possit, vel petita, non obtineatur, servandum erit responsum editum in Sacra Congregatione die 16. Julii 1585. super primo ex quinque dubiis propositis ab Illustrissimo Episcopo Coadjutore Pistoriensi; quod responsum ita se habet, ut videre est apud *Pignatellum to. 6. consult. 85. n. 156.* Exorcizetur per bonos, & peritos ad fenestram, vel intra Clausuram, si erit necesse.

Quæres 31. An casu, quo dubitetur de validitate professionis alicujus Monialis, ea possit exire, inconsulta Sede Apostolica, ad effectum, ut audiat ab Ordinario extra Monasterium, sicque liberius possit in hoc procedere.

68. *Resp.* Visum est olim mihi, quod posset, & probabam, tum ex declaratione Sacre Congregationis, quam *Marzilla ad sess. 25. cap. 17. de Regul.* refert his verbis: *Si Monialis, aut Novitia neget se esse professam, Ordinarius audire potest illam extra Monasterium: tum quia sic de facto observatur in praxi pro matrimonio car-*

nali, capit. Cum olim de sponsal.; cum tamen id potiori ratione faciendum sit in matrimonio spirituali, nempe in religiosa professione, quæ majorem potest libertatem; ita *Navar. lib. 2. consil. tit. de Confessis, & cum eo Portell. p. 1. respons. mor. cas. 9. n. 9.,* bene monens in tali casu non requiri licentiam Sedis Apostolicæ ad exeundum, cum prohibitio exeundi afficiat solum Moniales, quæ vere sunt professæ, non autem illas, quarum professio aut est nulla, aut valde dubia: præterquam quod Monialis in talicasu dicitur exire de licentia tacita Sedis Apostolicæ, hoc ipso, quod Congregatio Cardinalium nomine Papæ declaravit, Monialem in isto eventu posse interrogari extra Monasterium.

„ Visum est olim mihi, ut dixi: sed nunc „ mutata sententia, affirmo sola Episcopi autoritate id fieri non posse. Fundamentum desumo ex *Concilio Trident. sess. 25. cap. 19. de regul., & ex supra allegata Bulla S. Pii V.,* quæ incipit: *Decori;* nam cum ibi Concilium manifeste decernat, Regulares prætendentes professionem suam esse invalidam, debere deducere causas prætensæ nullitatis coram Superiore suo, & Ordinario, ex ibi per Sanctam Synodum statutis, praxis inducta est in hujusmodi judiciis servanda tamquam forma, teste *Card. de Luca in adnot. ad Sacrum Concil. Trident. diss. 41. n. 2.,* ut Regularis non audiat extra Monasterium. Unde cum inter casus, in quibus permittitur a S. Pio V. egressus Monialis de Monasterio, casus præsens non comprehendatur, & in aliis casibus sit per eundem Pontificem, ut supra dixi *cap. 3. sess. 1. n. 19.,* sublata Episcopis facultas permittendi Monialibus egressum de Clausura sine facultate Sedis Apostolicæ; sequitur, non posse in proposito casu Monialem audiri extra Monasterium, inconsulta Sede Apostolica. Neque obstant in contrarium primo declaratio Cardinalium allegata a *Marzilla lib. 1. cap. 12. super cap. 20. litt. G.* nam de illa non constat, & liber hujus Authoris in Indice Librorum prohibitorum

relatus est. Secundo paritas desumpta ex matrimonio carnali: illud enim non obligat adeo stricte Coniuges ad cohabitandum, sicut obligat ad Clausuram religiosa professio: & præterea aliquod est periculum incontinentiæ in Coniuge dubitante de valore sui Matrimonii, & nequeunte petere debitum; nullum autem periculum imminet, per se loquendo, Moniali reclamanti intra Monasterium adversus valorem suæ professionis.

Quæres 32. *An Monialis violet Clausuram si egrediatur ad spatium, quod est inter januam Monasterii clausuram, & aliam secularibus patentem, & quidem, dum hac exterius est clausa, ita ut a Monialibus ipsis aperiri nequeat.*

69. Resp. Violare, & constat ex Gregor. XIII. Bulla quæ incipit: *Deo sacræ*, & sic habet: *Nec itidem licere Monialibus, & Tertiariis egredi e janua Monasterii, quæ est pro Clausura ipsius Monasterii, etiam ad claudendum aliam ulteriorem januam, quæ patere solet aditus secularibus venientibus, vel ad rotam, vel ad crates, seu loca colloquii destinata, quæ vulgo parlatoria appellantur, vel ad pulsandum ipsam januam Clausuræ, quæ loca, eum saltem pro causis præfatis patere soleant secularibus, extra Clausuram censeri debent, etiam quo tempore clausa sunt.*

Quæres 33. *An violet Monialis Clausuram, quæ existens in ostio aperto Monasterii, per jocum compellitur a socia extra illud.*

70. Resp. Tamburin. de jure Abbatis. d. 19. qu. 4. §. ad 10., non violare, dummodo Monialis eo modo compulsæ perfecte non sit egressa: citatque pro sua sententia Portellum, & Naldum; addens idem dicendum etiam in casu, quo Monialis impulsu brachiorum, & per jocum invita compellatur extra septa Monasterii. Verum cum *sest. præced. qu. 11. §. an autem dixerimus in violatione Clausuræ non posse admitti parvitatem materiæ*, in præfenti casu solum excusanda videtur Monialis a peccato, si compulsæ statim regrediatur; quia hujusmodi violatio Clausuræ

non videtur formalis violatio, sed solum materialis, utpote involuntaria respectu Monialis compulsæ, ut suppono.

Quæres 34. *An Monialis violet Clausuram, si appenso fune ex limitari ostii Clausuræ Monasterii, eoque manibus apprehenso, se toto corpore a terra elevatam agitet motu reciproco, modo intra Clausuram, & modo extra, idque ad longum tempus: quod ludus multis in locis est satis usitatus apud adolescententes, & alicubi vocatur ludus navis.*

71. Resp. Violari: adeoque Monialem tali genere ludi se exercentem peccare mortaliter, & incurrere penas latas contra violantes Clausuram. Moveor, quod cum in materia violationis Clausuræ non attendatur mora temporis, sed exitus corporis per sui partes; & in præfenti casu quælibet agitatio, seu delatio Monialis ipsam Monialem defera extra ostium Clausuræ, videtur hic intervenire perfecta violatio Clausuræ, eaque gravis, ac proinde sufficiens ad peccatum mortale: præsertim cum ea censeri possit gravis, etiam ratione moræ, quatenus omnes ex delationes, ex quibus confurgit talis ludus, constituunt moram notabilem, utpote continuatæ in unum quid notabile virtute intentionis, cui ex subsunt, & per quam fiunt per modum unius actionis moralis: proportionatiter, ut multa furta parva coalescunt in unum magnum, si furans habet intentionem ea prosequendi usque dum perveniat ad quantitatem notabilem; quod bene advertit Sanehez l. 1. mor. cap. 4. n. 10.; ita de Lugo, Diana, alique docti viri a me consulti contra Naldum, Badellum, Sanctarellum, Bordonum, & Averfam it em a me consultos oppositum sustinentes.

Quæres 35. *An Monialis faciat contra legem Clausuram si ponens se in rota, eam volvat ad partem exteriorem, ad quam acceduntulares non tamen egrediendo e rota, sed semper manendo in ea.*

72. Resp. n. Facere, & aliunde etiam peccare ratione periculi, cui se exponit: Itæ cum Comitolo lib. 6. respons. moral. qu. 3. Portell. de dub. Regul. v.

Clausa

„ *Clausura* n.25. „ & *Giballino de Clausura* „ *disqu.* 1. cap.2. n.35. *contra Diana* par.3. „ n.2. *resol.* 52. „ *Tamburin. de jure Ab-* „ *batiss. disp.* 19. qu.4. *ad casum* 5. „ & alios. „ Ratio est quia ut advertit *Suarez tit.8.* „ *de Relig. lib.1. cap.10. n.8.* Finis præ- „ cipuus intentus a Summis Pontificibus, „ & Sacris Canonibus in statuenda Clau- „ sura Monialium est vitare, ne Moniales „ in iisdem receptaculis, seu locis pos- „ sint cum exteris convenire. Id evincunt „ verba Bonifacii VIII. in sua Constitu- „ tione, quæ incipit: *Periculosos* ubi ait: „ *Nullique aliquatenus ingressus pateat* „ *ad easdem*, scilicet Moniales; & decre- „ tum *Tridentini sessi.25. de regul. cap.5.* „ & Constitutio S. Pii V. quæ incipit *cir-* „ *ca pastoralis*, in quibus illa Bonifa- „ cii VIII. innovatur, & confirmatur, & su- „ pra allegata Constitutio Gregorii XIII. „ *Deo sacris*, in qua prohibet accessum „ quemcumque Monialibus ad illa loca, „ quæ patere solent externis, *etiam quo* „ *tempore clausa sunt*. Supposito autem „ hoc sine per leges Clausuræ intento „ claram mihi videtur non posse Monia- „ lem sine violatione Clausuræ se in rota „ circumvolvere ad partem exteriorem, „ ad quam accedunt sæculares, & idem di- „ cendum de externo, qui se in rota cir- „ cumvolveret ad interiorum partem, in „ qua sunt Moniales; facta enim circum- „ volutione dicta, Monialis licet de ro- „ ta non egressa esset in loco, in quo po- „ test esse sæcularis sine violatione Clau- „ suræ, & sæcularis licet de rota non „ egressus esset in loco, in quo sine vio- „ latione Clausuræ esse potest Monialis, „ adeoque uterque violaret Clausuram „ transgrediendo lineam diametralem du- „ ctam per centrum rotæ ad parietesque „ linea est veluti terminus, ultra quem „ non possunt egredi Moniales, & sæcu- „ lares non possunt ingredi. Præterea id „ fieret cum magno periculo, & scanda- „ lo, ut per se patet.

„ Quæres 36. *An Monialis delinquat con-* „ *tra Clausuram, si consistat in solo ostio in-* „ *tra clausura.*

73. *Resp.* „ Delinquere, si ita consi-

„ stat perpendiculariter in ipso ostio, seu „ limine, ut a tergo sibi relinqueret Mo- „ nasterii valvas: itaut valvis clausis, li- „ men extra remaneat. Ita ex *Barol. in* „ *l.1. ff. de Cloac.* „ & *Franch. decif.* 402. „ n.11. „ *Pignatell. tom.6. Consultat.* 85. „ n.275. „ & ante ipsum *Comitulus lib.6.* „ *respons. moral. qu.3. in fin.* „ & *Giballin.* „ *de Clausur. Sanctimonial. disqu.1. cap.2.* „ §.17. n.30. Ratio est, quia juxta supra al- „ legatam Constitutionem Gregorii XIII. „ omnis locus, in quo possunt esse sæcu- „ lares, est extra Clausuram, & tale est „ limen supradictum. Unde non habet hic „ locum *Glossa* ultima in c. *Cum Sanctam* „ *dist.2. de panit.*, dicens, eum, qui in „ porta est, esse partim intra, & partim „ extra, quia porta est partim intra, & „ partim extra.

„ Quæres 37. *An frangat Clausuram Mo-* „ *nialis, si ascendat supra tegulas tecti Mo-* „ *nasterii, & quando.*

74. „ *Resp.* Frangere; tum, si præ- „ tergrediatur ad alieni tecti partem, vel „ perambulet supra tectum Ecclesiæ exte- „ rioris, vel transeat ad tectum porticus „ exterioris ipsi Monasterio adnexæ, nul- „ laque habentis habitacula clausurata, & „ constructæ non ad usum Monialium, sed „ Civium illic deambulantium; tum etiam si „ consistat supra illam tecti partem, quæ „ Monasterium, & loca clausurata respicit, „ & ad illa pertinet. In probanda „ prima parte hujus responsionis non est „ difficultas; tunc enim violatur Clausu- „ ra, quando Monialis prætergreditur „ ambitum proprii Monasterii: At Mo- „ nialis dictis modis se transferens ad te- „ ctum alienum vel Ecclesiæ exterioris, „ vel porticus exterioris, prætergreditur „ ambitum Monasterii, ut inde constat, „ quod ambitus Monasterii comprehen- „ ditur parietibus ipsis Monasterii, ultra „ quos utique se extendunt præfata tecta. „ Unde & negandum est, illa se habere „ per modum unius cum Monasterio; si- „ quidem hoc ipso, quod sunt extra am- „ bitum Monasterii, non sunt pars Mona- „ sterii. Ita *Sanchez lib.6. Moral. cap.15.* „ n.7. „ & alii recentiores.

75. „ Sed

75. „ Sed difficultas esse potest in secunda parte traditæ responsionis, in qua dixi violari Clausuram a Moniali, etiam si consistat supra illam tecti partem, quæ Monasterium, & loca clausurata respicit, & ad illa pertinet; nam ut verifietur, Moniale non violare Clausuram, sufficit verificari illam esse intra Monasterium, aut saltem in Monasterio: Monialis autem existens supra tectum Monasterii, etsi non possit dici esse intra Monasterium, dicitur tamen esse in Monasterio: quo modo Christus Dominus, & Beati absolute dicuntur esse in Cælo Empyreo, licet sint solum in extrema superficie illius, ut recte advertit *S. Thomas 3. par. qu. 54. art. 4.1*. Unde habemus contrarios in hoc puncto *Sanches supra cit.*, *Lezana tom. 1. cap. 25. n. 18.*, *Tamburin. qu. 4. disp. 19. ad 4.*, & *Diana part. 5. to. 13. resol. 88.* Sed quoniam sententia, & praxis Sacræ Congregationis est in contrarium, ut refert *Pignatelli. to. 6. consult. 85. n. 275.*, ubi refert Sacr. Congreg. in Comensis 18. Septembris 1609., & in Lyeien. 16. Septembr. ejusdem anni, mandasse absolvi cum pœnitentiis salutaribus ad arbitrium quasdam Moniales, quæ bona fide ascenderant supra tectum Monasterii ad siccanda frumenta, vel pastillos sua arte elaboratos, specialem addendo prohibitionem, ne illæ deinde ascenderent ex quacumque causa; propterea nostra sententia omnino tenenda est, & sequenda. Ratio autem pro eadem confirmanda hæc esse potest. Muri ambientes Monasterium, & totum illud spatium, seu locum, qui janua clausa intra murorum ambitum continetur, in tantum sunt limites Clausuræ non solum materialiter, sed etiam formaliter, in quantum, ut ita dicam, fuleiuntur per Ecclesiæ præceptum prohibentis Monialibus præfixos limites prætergredi, ut per se patet. Unde si murus secundum aliquam sui partem cadat, & aperturam relinquat, nemo dubitat violari Clausuram a Moniali per illam exeunte, & a seculari per illam

ingrediente; & cum veritate dici potest, murum illum materialiter apertum, esse clausum formaliter per leges Clausuræ. Idem dicendum est in casu nostro: Licet ad tectum Monasterii pateat aditus, materialiter loquendo, tamen in sensu formali iste aditus est clausus per leges Clausuræ, quæ positæ de eretis supradictis Sacræ Congregationis ita sunt intelligendæ, ut egressum vetent Monialibus ad supradictas tecti partes. Unde Monialis egressa super tectum Monasterii, neque est intra Monasterium, neque est in Monasterio, formaliter loquendo, & prout requirunt leges Clausuræ, & sic corrumpit fundamentum contrariæ opinionis.

Quæres 38. *An faciat contra legem Clausuræ Monialis, si ascendat murum Monasterii, eique virili more quasi equitans insideat.*

76. „ Resp. Facere, & colligitur ex ratione adducta numero præcedenti.

Quæres 39. *An Monialis peccet contra Clausuram, si faciat se dimitti e fenestra respondente viæ publicæ patenti secularibus; ita tamen, ut non descendat totaliter, sed maneat suspensa in medio aere, pendens ex aliquo fune, idque ad multum tempus.*

77. Resp. Peccare, cum sic vere excedat terminos Clausuræ, & sit in loco, ad quem absque fractione Clausuræ per ingressum patere potest aditus personis secularibus media aliqua scala lignea parieti opposita: quæ utique arguunt violationem Clausuræ, ut constat ex dictis *qu. 32.1* ita docti recentiores a me consulti, & maxime Cardinalis de Lugo.

Quæres 40. *An violet Clausuram Monialis, si ascendens arborem postam in orto Monasterii præcedat ad ramum omnino prominentem extra inurum Clausuræ, ibique causa recreationis, aut ex alio fine diutius consistat.*

78. Resp. Violare, & patet ex dictis *qu. præcedentibus*, quæ item procedunt in prædicto casu, ut recte notarunt docti magistri a me consulti.

Quæres 41. *An faciat contra legem Clausuræ Monialis, si magicis artibus cures ferri*

ferri per aerem supra proprium Monasterium.

79. Resp. Facere, & constat ex dictis n.75.

Quæres 42. An peccet Monialis contra Clausuram, & incurrat penas jure statutas, si prævicens se inter somniandum exituram e Monasterio, non curet id impedire, tradendo v. gr. alteri Monasterii claves diligentius custodiendas, quas aliqui solet apud se noctu retinere.

80. Resp. Peccare, eo quod violatio Clausuræ ei censetur voluntaria indirecte, quatenus potest illam impedire tradendo alteri claves Monasterii, & debet, & sciens, ac volens intermittere, sique ei ad culpam imputatur violatio, utpote moraliter, ac interpretative voluntaria, sicut colligitur ex S. Thoma 1. 2. q. 6. art. 3.; immo & incurrare penas Ecclesiasticas juxta doctrinam, quam tradit Sanchez lib. 1. moral. cap. 16. n. 47. ex Vasquez 1. 2. q. 71. art. 5. d. 94. cap. 4. tanquam communem, & omnium sententia sustinendam: nimirum peccata ante ebrietatem, somnum, aut quando vitari poterant, prævisa, si in somno, aut ebrietate committantur, inducere irregularitatem, excommunicationem, ac restituendi obligationem, æque ac si in vigilia facta fuissent: quod tamen negaret Suarez consequenter ad illam doctrinam, quam tradit tom. 2. de relig. lib. 3. de jura. cap. 8. n. 6.

Quæres 43. An delinquit contra Clausuram Monialis, quæ ex levitate ascendens equum ferocitorem, quem sibi curavit adduci ad illum equestrandum in atrio Monasterii, vi abripiatur extra portam Clausuræ tunc apertam.

81. Resp. Delinquere: si id prævidit, & consequenter voluit saltem indirecte, ac interpretative; secus, si id non prævidit: patet responsio ex dictis quæst. præced. si monacho non videri improbabile, quod Monialis in isto casu evadat penas latas contra violantes Clausuram, idque ex doctrina, quam tradunt DD. communiter, teste Bonacina qu. 1. de censur. in com. p. 3. n. 7.; nimirum non incurri censuram Ecclesiasticam, nisi actio, contra quam est

lata, etiam externe sit talis, ut sit sufficiens ad peccatum mortale; ideoque percutientem leviter Clericum animo illum occidendi non incurere excommunicationem, eo quod percussio sit mortalis solum quoad actum interiore, non autem externe: siquidem etiam in præsentī casu violatio Clausuræ est quidem moralis ratione actus interni, per quem fuit prævisa, ac volita, ac non est talis ratione actus externi, quatenus, latente eo actu interno, externe censetur involuntaria, utpote facta ex violentia equi, per quam Monialis renitens fuit abrepta extra Clausuram: ita docti recentiores.

Quæres 44. An Monialis violet Clausuram, si juste, vel injuste egressa e Monasterio, & inclusa intra aliquam domum privatam, inde egrediatur huc, & illuc divagatur.

82. Resp. Non violare, ita Navarr. tom. 4. de regul. n. 44. not. 2. Sanchez lib. 6. moral. cap. 15. n. 9. Tambur. sup. 5. ad 8., aliique patetque, quia Moniales non tenentur ad Clausuram, nisi intra proprium Monasterium, domus autem illa privata non est Monasterium: unde cum obligatio Clausuræ sit odiosa, non debet extendi ad loca, quæ proprie non sunt Monasteria. Excipe, nisi fortasse Superior ex justa causa Moniali extra Monasterium aliquam domum privatam deputaret in habitationem, cum obligatione Clausuræ (sicut interdum fit ex auctoritate Papæ: & mihi constat factum fuisse cum quadam Moniali energumena hic Ferrariz ubi hæc scribo) tunc enim Monialis, etiam in tali domo privata teneretur servare Clausuram, cum ea ibi per legitimam potestatem, cujus est indicere Clausuram, fuerit præscripta.

Quæres 45. An Monialis peccet contra Clausuram, si habens legitimam facultatem exeundi ad aliquod opus honestum, exeat animo non solum efficiendi illud opus, sed etiam patrandi aliquod delictum, v. g. fornicandi.

83. Resp. Videtur non peccare, & probari potest a simili ex doctrina, quam tradit Sanchez supra cap. 16. n. 69. ex Zecola part. 1. praxis v. Monialis quæst. 3., videlicet

videlicet non peccare contra præceptum Clausuræ illum, qui ingrediens cum legitima licentia Monasterium aliquod Monialium corruptam habet intentionem v. gr. fornicandi cum Moniali, ibique de facto fornicatur: siquidem præceptum Clausuræ obligat tantum, ne quis sine debita facultate ingrediatur, quod utique in præfenti eventu impletur: militat autem par ratio in casu hic proposito, cum Monialis revera non exeat sine debita licentia (quod solum ei interdicitur ex præcepto Clausuræ) esto aliunde peccet ratione corruptæ illius intentionis. Sed probabilius dissentiet *Caslr. Palasus* tr. 16. d. 4. pag. 9. n. 21. ex *Lamas* in *method. curat.* in *append.* §. 10., & *Sanctorius* in *Constit. min. cap. 11. stat. 7. quest. 2.*, dicens se non videre quo modo non incurrat censuras Monialis, quæ sine causa moratur extra Clausuram, finito negotio, ad quod obtinuit licentiam exeundi; cum ab iis liberet sola causa egressus, non autem licentia, ut sic, quippe quæ data sine causa, est invalida; hincque inferens idem procedere de ingrediente cum licentia intra claustra Monialium, ibique fornicante, illum scilicet affici censuris; cum hic casus directe opponatur Clausuræ, & debeat censi formalissime inclusus in rigore legum, nec ad eum unquam Prælati somniaſſent concedere ingressum.

SECTIO III.

De Observantia Clausuræ Monialium
quoad non admittendas personas
extraneas intra Monasterium.

84. **V**iriis iuribus prohibetur extraneis ingredi Clausuram Monialium.
85. Iuribus iisdem prohibentur Moniales illos admittere, necnon facere, aut permittere eos ingredi, siue sint Abbatissa, siue aliæ præſint Clausuræ, siue sint Moniales private.
86. Sub variis panis veritus talis ingressus.
87. Quid veniat nomine Conventus in Bulla Gregorii XIII. Ubi gratia.
88. Quid sit facere, aut permittere ingredi.

89. Pæna lata contra facientes, aut permittores ingredi afficiunt Prælatos Monasteriorum.
90. Ad eas incurrendas petitur prætextus facultatum.
91. Bulla Gregorii XIII. afficit ingredientem ex licentia ab Episcopo obtentâ ante dictam Bullam.
92. In terminis dictæ Bullæ non incurrunt præfatas pænas ingredientem sine licentia: quod tamen alii negant.
93. Dictas pænas non incurrunt ingredientem prætextu facultatis invalidæ.
94. Item non incurrunt bona fide ingredientem prætextu facultatum.
95. Dictæ pæna incurruntur sine præsumptione, non item latæ a Paulo V.
96. Ex panis latis a Gregorio XIII. reservatur sola excommunicatio.
97. Ille non incurruntur a Monialibus comitantibus personam indebite ingressam.
98. Non a Monialibus privatis, si ingressus præbeant scalas, eos excipiant convivio, aut alia similia præſtent; modo ingressus fiat sine prætextu facultatum.
99. Revocatio facultatum facta a Paulo V. extenditur solum ad licentias continentes facultatem conversandi, & prandendi intra Clausuram.
100. Et viri, & femine prohibentur ingredi Clausuram Monialium.
101. Persona laica cooperantes ingressui illicito non subsunt præfatis panis.
102. Abbatissa comprehenditur sub illis verbis Bullæ Gregorii XIII. (necne Moniales sub eisdem panis illos aliter admittere præsumant).
103. Prohibitio ingrediendi Clausuram Monialium afficit omnes fideles utriusque sexus.
104. Sed non infantes usu rationis carentes, qui tamen non possunt admitti.
105. Ut pluries declaratum est a Sac. Cong.
106. Fatui, & amentes puberes recipi nequeunt intra Clausuram.

107. *Monialis legitime egressa non hospitatur intra Monasteria Monialium.*
108. *Puella recipienda ad habitum religiosum non ingrediuntur sine Ordinarvii licentia.*
109. *Non recipiuntur in educationem sine facultate Sacre Congregationis, ac Prælati Monialium recipientium.*
110. *Eadem facultas regulariter requiritur ad recipiendas fœminas conjugatas.*
111. *Prælati Monialium soli ingrediuntur in casibus necessariis.*
112. *Et si aliter ingrediuntur, subsunt excommunicationi.*
113. *Id iamen non procedit de Vicariis Episcoporum: quod impugnant alii, sed rejiciuntur.*
114. *Regulares Prælati incurrunt pœnas, quoties indebite ingrediuntur, etsi alii id negent non improbabiliter: item si ingressi expedito negotio statim non exeant.*

Quæres 1. *Quibus iuribus interdictum sit ingredi Monasteria Monialium absque debita facultate.*

84. Resp. **F**uisse interdictum absolute, & simpliciter, primo quidem a Bonifacio VIII. in cap. periculoso de statu regul. in 6., ubi dicitur: *Nulli aliquatenus inhonesta personæ, neque etiam honestæ, nisi rationabilis, & manifesta causa existat, ac de illius, ad quem pertineat, speciali licentia, ingressus, vel accessus pateat ad easdem: ubi notat Suarez tom. 4. de relig. tract. 8. lib. 1. cap. 10. n. 2., huiusmodi præceptum quoad personas esse universale, cum nomine personæ honestæ tam fœminæ, quam viri, & tam Laici, quam Clerici, vel Monachi, ac Episcopi, (addo ego, & Moniales in ordine ad Conventus extraneos) comprehendantur. Secundo hoc idem fuit interdictum, & clarius in Concilio Tridentino sess. 25. de regul. cap. 15., dum ait: *Ingressi autem septa Monasterii nemini liceat, cuiuscunque generis, aut conditionis, sexus, vel ætatis fuerint, sine Episcopi, vel Superioris licentia in scriptis obtenta sub excom-**

municationis pœna ipso facto incurrenda. Denique Gregorius XIII. hoc idem interdixit in sua Constitutione, quæ incipit: *Ubi gratia*, & sic habet: *Inhibentes eisdem* (idest hominibus) *qui illa obtinuerunt* (idest facultates ingrediendi Monasteria Monialium) *sub excommunicationis pœna ipso facto incurrenda, super qua a nemine, nisi a Romano Pontifice, præterquam in mortis articulo, absolutionis beneficium possit impetiri, ne ipsarum licentiarum prætextu, huiusmodi Monasteria quovis modo ingredi audeant: Abbatibus vero, necnon Abbatibus, Conventibus, ac aliis Monasteriorum utriusque sexus Superioribus, & personis quocumque nomine vocentur, districte præcipimus sub eadem excommunicationis pœna, necnon privationis dignitatum, beneficiorum, & officiorum suorum, ac inhabilitatis ad illa, & alia in posterum obtinenda, ne in Monasteria, domos, & loca sua quemquam prætextu huiusmodi licentiarum, & facultatum ingredi faciant, vel permittant: quin etiam sub eisdem pœnis ipso facto incurrendis prohibemus, atque interdiciamus omnibus, & quibuscunque personis Ecclesiasticis, & secularibus, ac etiam Ordinum quorumcumque, etiam Mendicantium Regularibus, ne prætextu licentiarum ab Episcopis, vel Superioribus, quibus illas concedendi in casibus necessariis tantum, ex decreto Concilii Tridentini tribuitur, ne Monasteria ipsa Monialium pro libito, sed necessitatibus urgentibus dumtaxat ingredi, aut Moniales sub eisdem pœnis illos admittere præsumant.* Pro cuius Constitutionis intelligentia advertere oportet, Gregorium XIII. in ea revocasse licentias, & facultates concessas quibuscunque, etiam Comitibus, Marchionibus, Ducibus, & aliis cuiuscunque status, & conditionis mulieribus ingrediendi Monasteria, domos, & loca Monialium, aut virorum; & quibuscunque viris, etiam ejusdem conditionis, & status ingrediendi Monasteria, domos, aut loca Monialium, licet a quocunque Pontifice, vel Legato, aut aliis concessa sint motu proprio, & ex certa scientia, & cum quibuscunque urgentissimis causis, &

licet iteratis vicibus renovata sint. Quin & Paulus V. 10. Julii 1612. similem edidit Constitutionem, in qua modo dicto revocavit omnes licentias ab ipso, & aliis Pontificibus concessis mulieribus cuiuscunque status, ac conditionis quoad ingrediendum Monasteria Monialium, aut conversandum cum ipsis; & præterea prohibuit Abbatissis, seu Priorissis, ac Superioribus, ne dictas mulieres introducere, seu admittere, vel admittas quoquo modo retinere audeant, seu præsumant: idque s. b. omnibus pœnis contentis in citata Bulla Gregorii XIII. prohibito ingressu d'Arum mulierum sub pœna excommunicationis majoris reservatæ Papæ.

Quæres 2. Quid proprie interdicitur Monialibus vi prohibitionis contentæ in citatis iuribus de non admittendis personis extraneis intra Clausuram.

85. *Resp.* Interdici, si quidem sunt Abbatissæ, aut aliter ipsis incumbat custodia Clausuræ, ne prætextu facultatum concessarum ante bullam Gregorii XIII. supra relata, extraneos ingredi faciant, aut permittant, (idque ex motu Gregorii XIII.): immo ne eos introducere, seu admittere, vel admittas quoquomodo retinere præsumant (& hoc ex Bulla Pauli V. modo relata). Si vero sint subditæ simplices, ne circa casus urgentis necessitatis admittere præsumant extraneos prætextu licentiarum obtentarum ab Episcopis, ac Superioribus ipsarum Monialium, idque ex citata Constitutione Gregorii XIII.

Quæres 3. Sub quibus pœnis prohibeantur ingressus personarum extranearum intra Monialium Monasteria.

86. *Resp.* Quod, cum talis prohibitio attendi possit tum respectu ipsorum ingredientium, (sive hi sint personæ privatæ, sive Prælati Monialium): tum respectu ipsarum met Monialium admittentium ingredientibus: si quidem ingredientibus sint personæ privatæ, & ingredientur prætextu facultatum a Papa, Legato, Episcopo, aut aliis obtentarum ante Constitutionem ipsiusmet Gregorii, incurrunt excommunicationem latam ab eodem Gre-

gorio, & reservatam Papæ, ut jam vidimus (quæ excommunicatio, licet non reservata, incurrunt item vi *Concilii Tridentini sess. 25. de regul. cap. 5.* ab iis, qui sine licentia in scriptis ingrediuntur, secluso quocumque prætextu facultatum): quin etiam, si dictæ personæ privatæ in casibus non necessariis ingrediuntur prætextu licentiarum obtentarum ab Episcopis, vel Superioribus, qui eas possunt dare, incurrunt non solum excommunicationem præfatam Papæ reservatam, sed etiam privationem dignitatum, beneficiorum, ac officiorum, & inhabilitatem ad illa, & alia in posterum obtinenda, latas in dicta Constitutione Gregorii XIII. non tamen reservatas, ut bene advertit Sanchez lib. 6. moral. cap. 16. n. 83. contra Confectum.

Quod si ingredientibus Monasteria Monialium sint Prælati seculares Monialium, & ingrediantur ultra casus necessarios, pro prima vice, qua ingrediuntur, incurrunt interdictum ab ingressu Ecclesiæ; pro secunda suspensionem a munere pontificali, & a divinis; pro tertia vice, ac deinceps excommunicationem ipso facto: Si autem sint Prælati regulares incurrunt excommunicationem, & simul privationem omnis officii, ac ministerii; idque ex alia Constitutione Gregorii XIII. edita 23. Decembris 1581. in qua tamen nulla fit mentio reservationis talium pœnarum.

Quod spectat ad Moniales indebite admittentes personam extraneam intra Clausuram, eæ incurrunt excommunicationem reservatam Papæ, una cum aliis pœnis relatis qu. 1. sive ingredi faciant, aut permittant exteros prætextu facultatum concessarum ante Bullam Gregorii XIII. revocatoriam simul similium facultatum, & sint Superiorissæ Monialium. (quod bene advertit Sanchez lib. 6. moral. cap. 16. n. 78. 79. & 87.): sive faciant, aut permittant ingredi intrantes prætextu licentiarum habitæ ab Episcopo, aut alio Superiore habentibus facultatem dandi talem licentiam solum ex causis necessariis, & ad hoc actione positiva concurrant (v. gr. invitando ad ingressum) sintque sive Moniales privatæ, sive Superiorissæ, sive ex officio

officio præfidentes Clausuræ (quod colligitur ex eodem Sanchez *supr.* n.93., & 91. *iuncto* n.90.) non item si solum concurrant actione negativa, idest non impediendo, cum possint tunc enim præfatas penas incurrunt tantum Abbatissæ, & illæ Moniales, quæ custodiæ Clausuræ præficiuntur, non autem Moniales privatæ, ut expresse notavit Sanchez *citato* n.39. colligitur assertio ex allegata Gregorii XIII. Bulla, quæ cum prohibeat duplex genus actionis cooperantis illicito ingressui Clausuræ, quarum una est ingredi facere, aut permittere prætextu facultatum concessarum ante Bullam Gregorii XIII. revocatoriam talium facultatum, & altera præsumere admittere prætextu licentiæ obtentæ ab Episcopo, aut alio potente illam dare in prohibitione prioris actionis loquitur Bulla solum de Superiorissis Monialium, ac de Conventibus, ut infra videbimus §. *utrum autem*, sicque Bulla quoad hanc partem illos solum afficit: in prohibitione vero posterioris actionis loquitur indefinite de Monialibus, ut constat ex illis verbis, *neve Moniales sub iisdem penis aliter admittere præsumant*; sicque comprehendit tam Superiorissas Monialium, ac Moniales præfatas Clausuræ, quam ipsas Moniales privatas: cum hac tamen differentia, quod Superiorissæ, ac Præfate Clausuræ comprehenduntur sub prohibitione, sive cooperentur ingressui positive, sive negative; siquidem admittere, quod hic prohibetur, idem est, ac cooperari ingressui, sive directe (idest exercendo actionem positivam) sive etiam indirecte (idest negative se habendo, cum ex officio teneantur impedire) sicut revera tenentur impedire & Superiorissæ Monialium, & præfate Clausuræ: Moniales vero privatæ comprehenduntur sub dicta prohibitione solum in casu quo positive cooperentur ingressui; negativa enim cooperatio dici non potest admissio, nisi respectu Monialis, quæ ex officio tenetur, potest impedire, & non impedit. Paulus denique V. sub iisdem penis prohibuit Superioribus, ac Superiorissis Monialium, ne ullam feminam prætextu licentiarum Apostolica-

rum audeant introducere, seu admittere, vel retinere intra Clausuram; intellige, ad conservandum, & ad sumendam refectonem cum ipsis Monialibus, ut dicemus qu.10. §. *quod si hic*.

Quod si quaras, quid intelligatur nomine Conventus in Bulla Gregorii XIII. relata qu.1. dum ait: Necnon Abbatibus, Conventibus &c.

87. *Resp.* Intelligi Religiosos cum Superiore in unum congregatos; ideoque penas ibi latas incurrere ab omnibus illis, qui inter eos modo dicto consenserunt in ingressum, aut certe non contradixerunt, cum commodè potuissent: sic enim dicitur Conventus delinquere: ita Sanchez n.85., & cum eo Bonacina n.17. *supr.* Immo addit Sanchez, quod si Superior non cogat Conventum, sed tractet solum cum suis Consultoribus de permittendo in gressu modo supradicto; tunc Superior quidem incurrat præfatas penas, cum in Constitutione Gregorii expressa mentio fiat de Superioribus; non item incurrant Consultores, cum tunc non veniant nomine Conventus, nec nomine Conventus suffragium tulerint. Quod etiam admittit Bonacina, addens tamen prædictos Consultores præfatis penis affici, quatenus sunt personæ permittentes ingressum, quem impedire poterant, & tenebantur: quod an sit verum, constat ex dicendis §. *sequ.*

Addo, quod, quando à Gregorio XIII. in præfata Bulla sub dictis penis prohibetur Superioribus utriusque sexus, ne in Monasteria faciant, aut permittant ingredi personas aliqui prohibitas prætextu facultatum; prohibitio hæc afficit Prælatos regulares solum in casu, quo feminas modo dicto ingredi faciant, aut permittant in Monasteria Religiosorum sibi subditorum; non item in eventu, quo, modo dicto faciant, aut permittant ingredi in Conventus Monialium ipsis subjectarum; ut recte notavit Sanchez *supr.* n.92.

Difficultas in modo est quis dicatur ingredi facere, aut permittere.

88. *Resp.* Juxta communem modum loquendi in præfata materia illum dici *facere ingredi*, qui sua actione positiva est

in causa, ut alter ingrediatur (v. gr. aperiendo januam, jubendo, aut consulendo ingressum) illum vero dici *permittere ingredi*, qui ingredientem non impedit, cum commodè possit, immo & teneatur ex officio: si enim sic non teneatur, non incurrit illas penas, esse non impediatur commodè valens impedire: ita *Rodriguez to. 1. qu. 47. art. 3.*, *Miranda qu. 2. de Monial. art. 12.*, *Sanchez sup. n. 84.*, & alii. Quamquam putem, quod, cum in hac parte textus solum sit sermo de Superiorissā Monialium; verba illa *ingredi facere, aut permittere* non extenduntur ad Præfectas Januæ, etsi alias ex officio præstint custodiæ Clausuræ, cum simus in materia odiosa, quæ restringi debet.

Utrum autem dictis pœnis subijciantur omnes, & singuli, qui viros, aut sœminas ingredi faciunt, vel permittunt in Monasteria Monialium.

89. *Resp.* Quod, cum pœnæ non debeant ampliari, sed restringi, quantum patitur proprietates verborum, sub quibus feruntur; probabile videtur hujusmodi pœnis subijci solos Superiores Monasteriorum utriusque sexus, non item alios Religiosos subditos: ita *Rodriguez, Miranda*, & *Sanchez loco citato*, *Barbosa de offic. Episcop. alleg. 102. n. 37.*, & alii contra *Bonacin. sup. n. 3.* ex Lamas oppositum sustinentem ex eo, quod *Gregorius XIII.* in illa sua Constitutione, ubi dixit: *Abbatissæ vero, necnon Abbatibus, Conventibus, ac aliis Monasteriorum utriusque sexus Superioribus*; statim subdit, & *personis quocumque nomine vocentur* sub quibus verbis videntur venire Religiosi utriusque sexus, etiam subditi: cum nomen personæ genericum sit, & comprehendat quas-cunque personas. Ducor, quod Moniales privatæ, ac simplices semper vocantur Moniales, nec gaudent variis nominibus; sicque de iis nequeunt verificari verba illa *quocumque nomine vocentur*; unde necessario debent intelligi de Superioribus Monialium, qui gaudent variis nominibus; quod bene advertit *Sanchez ubi supra*, monens n. 91., quod, licet in citata Constitutione *Gregorii XIII.* pœnæ latæ

contra præsumentes admittere intra Clausuram expresse ferantur contra Moniales (ut constat ex iis verbis, *neve Moniales sub iisdem pœnis aliter admitti præsumant*; & nomine *Monialis* regulariter non veniat *Abbatissa*: in præsentī tamen casu *Abbatissæ*, si externos præsumant admittere intra Clausuram, subsunt dictis pœnis, & hoc ob rationes allatas a *Sanchez*.

90. Illud certe bene advertit *Bonacina* loco citato, quod, cum in *Gregor. XIII.* Constitutione pœnæ dictæ ferantur contra ingredi facientes, aut permittentes, prætextu licentiarum, & facultatum; illas non incurrunt ii, qui sine tali prætextu dictum ingressum permittunt secus, si qui ingrediuntur simili prætextu, & hoc quantumvis admittentes protestentur se non admittere ex dicto prætextu; nam factum adversatur protestationi.

Adde, quod spectat ad Moniales mandantes, aut consulentes indebitum ingressum; siquidem ex illum mandent, aut consulant ipsi ingredientibus, incurrunt pœnas, cum sic cooperentur ingressui directe: non item, si non personis ingressis, sed aliis mandent, aut consulant; sic enim non incurrunt, cum in tali casu cooperentur ingressui solum indirecte: qui modus cooperandi solum Superiorissis, ac Præfectis Clausuræ citatis juribus vetatur juxta dicta.

Dubitat hic etiam Sanchez n. 76., an excommunicatio lata a Gregorio XIII. contra ingredientēs Monasteria Monialium prætextu facultatum usque tunc concessarum, comprehendat ingredientēs virtute licentiæ obtentæ ab Episcopo ante Constitut. illam Gregorii XIII.

91. *Resp.* Comprehendere, & satis clare videtur inde colligi, quod in priori parte dictæ Constitutionis sit sermo de licentiis quorumcumque Superiorum, ut constat ex illis verbis, *tam a Prædecessoribus nostris, quam etiam a Nobis, & a Sedis Apostolica Legatis, aut aliis*; dictio autem *aliis* indefinite posita, comprehendit quoscunque alios Superiores, qui possunt similis licentias concedere, & confuenter etiam Episcopos, alioqui esset *superi*

superflua : ita Sanchez, addens, non ob-
stare, quod Gregorius XIII. in citata Con-
stitutione excommunicat ingredientes ex
licitia Episcopis, aut alterius legitimi Su-
perioris, concessa ultra casus necessarios;
cum prius excommunicet ingredientes vir-
tute licentiarum, etiam concessarum in ca-
sibus necessariis. Id enim non involvit
ullam contradictionem, esto dicamus hic
Papam loqui de licentiis Episcoporum,
ac inferiorum Prælatorum; siquidem Papa
in hac priori parte illius suæ Constitutionis
loquitur de licentiis a quocumque us-
que tunc concessis ex quavis urgentissima
causa, easque omnes revocat, & adeo ex-
communicat illum, qui utitur iis jam re-
vocatis: in posteriori vero parte loquitur
de licentiis in posterum concedendis, illas-
que ibi non revocat; sique solum excom-
municat eos, qui illis utuntur extra ca-
sus necessarios; unde tollitur omnis con-
tradictio.

*Quæres 4. An incurrant pœnas conten-
tas in Constitutione Gregorii XIII. ii, qui
Monasteria Monialium ingrediuntur absque
ulla prorsus licentia, non autem prætextu
alicujus facultatis, quam habeant.*

92. *Resp.* Sanchez cum aliis infra di-
cendis non incurere, stando præcise in
motu proprio Gregorii XIII. sæpius ad-
ducto; & probatur, tum quia Pius V., &
Gregorius XIII. (qui sunt auctores dicta-
rum pœnarum) expresse loquuntur de iis
tantum, qui prætextu licentiarum ingre-
diuntur, aut admittunt: tum quia tales
pœnæ, cum sint gravissimæ, non debent
extendi ad casum in his non comprehen-
sum, etiam si alias sint in favorem animæ:
id enim facit quidem, quod decreta pœ-
nalia possint aliquantulum extendi, non
tamen sufficit, ut protrahantur ad casum
omnino diversum, ut recte notavit Sa-
nchez *supr.* n. 78; ita Sanchez n. 79. ex Sua-
rez, Zerola, Rodríguez, Sayro, & Phi-
liarco, addens n. 80. non subijci istis pœ-
nis illos, qui dictas facultates habent, si
vere prætextu illarum non ingrediuntur,
sed quasi illis prorsus carentes: sicut nec
subijciuntur illi, qui taliter ingredientibus
admittunt: Oppositum sument *Nov.*

cap. 27. num. 150. Coriolan. de cas. reserv.
*part. 2. cas. 3. n. 40. Beja 1. part. cas. 4. Azor-
ius 10. 1. lib. 13. cap. 8. qu. ult., & alii,*
quorum sententiam ait *Filline. tract. 29.*
n. 170. comprobari stylo Curiz, ac praxi
Sacrz Pœnitentiariæ; quod si est verum,
cum stylos Curiz faciat jus, horum senten-
tia amplectenda est: quamquam Bonacina
allegans hanc doctrinam Filiucii hoc ipso,
quod dicit illius sententiam esse tutiorem,
tacite indicet opinionem Sanchez esse tu-
tam, & consequenter minus sibi constare
de stylo Curiz.

*Quæres 5. An incurrat pœnas contentas
in motu proprio Gregorii XIII., qui ingre-
ditur Monasteria Monialium prætextu fa-
cultatis invalide a se obtentæ ob subreptionem,
aut alia de causa.*

93. *Resp.* Videri non incurere, esto
subijciatur excommunicationi latæ in Con-
cilio Tridentino, & relatz *qu. 1. moveor*,
quod Gregor. XIII. ibi loquitur de ingre-
dientibus prætextu facultatum, quas ipse
tunc revocat, ut constet ex illis verbis *ip-
sarum licentiarum prætextu*; sique vide-
tur supponere dictas facultates esse vali-
das, cum non possit irritari id, quod non
subsistit, juxta illud: *Non entis nulla sunt
qualitates*: ita in terminis Bonacina *supr.*
p. 5. n. 6. addens n. 7., quod sicut excom-
municatio ista Gregorii XIII. non afficit
ingredientem vi facultatis ab Episcopo
obtentæ post præfatum motum Grego-
rii XIII., cum eo irritentur solum facul-
tates jam obtentæ, non autem in futurum
obtinendæ: sic dictam excommunicationem
non incurreret qui tempore ingressus
fingeret se habere facultatem ingrediendi
obtentam post prædictum motum Grego-
rii XIII., quamvis in isto casu incurreretur
excommunicatio lata in Concilio Triden-
tino, utpote abstrahens a quovis prætextu
facultatum.

*Quæres 6. An ingrediens Monasteria Mo-
nialium prætextu facultatum, sed bona fi-
de putans id sibi esse licitum, subijciatur pœ-
nis contentis in motu proprio Gregorii XIII.*

94. *Resp.* Non subijci, & probatur:
quia dictæ pœnæ latæ sunt contra præsu-
mentes ingredi prætextu facultatum: con-
stat

stat autem, quod præsumptio supponit scientiam, aut saltem ignorantiam conjunctam cum ingenti temeritate: sic Bonacin. n. 8. hinc inferens, non solum bonam fidem, sed etiam ignorantiam vincibilem, crassam, ac supinam excusare a præfatis pœnis: quod etiam docet *Diana par. 3. tract. 6. resolut. 7.* aliis citatis: addit tamen Bonacin. & bene in casu proposito incurri excommunicationem latam in Concilio Tridentino, eo quod ibi absolute interdicitur ingressus sub pœna excommunicationis, abstrahendo a quacumque præsumptione.

Quæres 7. *An requiratur præsumptio ad hoc, ut Moniales incurrant pœnas latas in Bulla Gregorii XIII., contra facientes, aut permittentes ingredi Monasteria Monialium prætextu facultatum, & in motu proprio Pauli V. contra introducentes, seu admittentes intra Monialium Monasteria, aut admissas quoquo modo retinentes.*

95. Resp. Non requiri ad incurrendas pœnas contentas in Bulla Gregorii XIII. cum in ea nullum adhibeatur verbum importans præsumptionem; requiri vero ad contrahendas pœnas latas in motu proprio Pauli V., cum in eo adhibeantur verba audeant, seu præsumant, quæ important præsumptionem; ita expresse Bonacina supra par. 6. n. 19.

Quæres 8. *An pœna late in motu proprio Gregorii XIII. contra facientes, aut permittentes ingredi Monasteria Monialium reservetur Papæ.*

96. Resp. Reservari excommunicationem, non item alias pœnas, a quocumque demum incurrantur: & ratio est, quod Papa easdem infert pœnas facientibus, aut permittentibus ingredi, quas tulerat contra ingredientibus, ut colligitur ex illis verbis: *Abbatissis vero &c. præcipimus sub eadem excommunicationis pœna, nec non privationis dignitatum &c.* at contra ingredientibus lata erat excommunicatio reservata Papæ, aliis pœnis nemini reservatis; ergo idem erit, quoad facientes, seu permittentes ingredi: ita Sanchez supra n. 83. ex Confessio, Suarez, & Lamas.

Quæres 9. *An Moniales incurrant pœ-*

nas superius relatas, ac explicatas, si cum persona jam illicite ingressa in Monasterium diutius confabulentur, & ipsam comitentur.

97. Resp. Videri non incurres: idque sive ingressus fiat bona fide, sive mala, cum sit par ratio in utroque casu, ut constabit ratione mox adducenda. Probatur ergo assertio ex eo, quod Gregorius XIII. in sua Constitutione superius allegata utitur verbo *admittere*: verbum autem *admittere* simpliciter, & sine addito prolatum non significat approbare jam factum, ut bene advertit Sanchez lib. 6. moral. c. 16. n. 95. sique sub dicta Constitutione non comprehenditur Monialis, quæ non expellit personam jam ingressam, quantumvis indebite, sed solum illam, quæ cum possit, & teneatur resistere ingredientibus, non resistit: ita respondi in facti contingentia, & responsum postea approbaverunt viri docti valde e Societate Jesu a me consulti.

Quæres 10. *An Moniales subjiciantur præfatis pœnis tamquam positive cooperantes ingressui personæ extraneæ, si ad talem effectum deferant scalam ligneam, per quam illa descendat, si exhibeant scenicam representationem, si excipiant convivio, si suaves coram ea instituant cantus, si ei ostendant officinas, & habitacula Monasterii, aliaque id genus præstent.*

98. Resp. Non subjici, si sint Moniales privatæ, & iis constet personas illas extraneas ingredi, aut fuisse ingressas absque prætextu facultatum, sive ante Bullam Gregorii XIII. revocatoriam talium licentiarum obtentæ, sive post ab Episcopo, aut Superiore Monialium concessæ sint: secus si præstint Monasterio, aut Clausuræ, tunc enim incurrerent pœnas illas, cum in terminis Constitut. Gregorii XIII. prohibentis Abbatissis, ac aliis Monasteriorum utriusque sexus Superioribus, & personis quocumque nomine vocentur ne quemquam ingredi faciant, aut permittant, si ingrediens id faciat prætextu facultatis concessæ ante dictam Constitutionem Gregorii XIII., cum in terminis similis Constitutionis Pauli V. interdicentis Abbatissis, ac aliis Superioribus Monialium;

lium, ne personas habentes facultates ingrediendi pontificias audeant introducere, seu admittere, vel admissas quoquo modo retinere: unde cum ista Constitutio loquatur solum de personis habentibus pontificias facultates ingrediendi Monasteria Monialium, posset quis inferri Prælatos Monialium non subjacere dictis pœnis, si admittant, aut admissam retineant personam aliquam extraneam, nullam talem facultatem habentem; siquidem in pœnis stricta fieri debet interpretatio: patet autem responsio ex tenore Constitutionum citatarum, quæ proinde in contingentia facti legi debent attentius, perpensis singulis illarum verbis; sic enim constabit, quænam prohibeant Monialibus subditis, & quæ Superiorissis; & quando hæ, aut illæ incurrant pœnas in eis contentas ob admissionem, aut detentionem personæ extraneæ intra Monasterium.

Quod si hic obiter quæras; an Paulus V. in sua Constitutione superius relata simpliciter revocaverit fœminis omnes licentias ingrediendi Monasteria Monialium; an vero solum eas, in quibus continebatur facultas ibi conversandi, & sumendi cibum, sicut videtur colligi ex verbis illis: omnes, & singulas licentias ingrediendi Monasteria Monialium ubique locorum existentium, ac cum Monialibus conversandi, & refectionem sumendi corporalem.

99. Respondet Bonacina supra par. 5. n. 4. videri posse non improbabile, revocasse licentias solum in hoc posteriori sensu: probatque ex eo, quod Paulus V. in citata Constitutione utitur forma loquendi conjunctiva per dictiones *ac, &*: quæ ratio inde magis confirmatur, quod cum revocatio dictarum licentiarum sit odiosa, non debet ampliari ultra propriam verborum significationem, uti diximus *quæst. 4.* Nec obstat, quod idem Paulus V. in dicta Constitutione paulo post imponens excommunicationem, mentionem facit simpliciter de ingredientibus; nam mentionem facit de ingredientibus prætextu licentiarum ab ipso revocatarum, ut colligitur ex verbis illis, *prætextu licentiarum hujusmodi*, quæ relationem habent ad præ-

cedentia, nempe ad licentiam ingrediendi, conversandi, ac refectionem sumendi, de qua superius: ita Bonacina contra Cherubinum in suo Bullario ad citatam Constitutionem Pauli V., utens clausula disjunctiva *aut*, loco dictionum conjunctivarum.

Quæres 11. An prohibitio non admittendi personas extraneas intra Monasteria Monialium extendatur tam ad fœminas, quam ad viros, ideoque Moniales prohibeantur admittere utrosque eadem prorsus ratione.

100. Resp. Extenditur ratio est, quod, quamquam Gregorius XIII. in sua Bulla in genere masculino dicat: *ne in Monasteria sua quemquam prætextu hujusmodi licentiarum ingredi faciant*: & Paulus V. in sua Constitutione expresse loquatur solum de fœminis, ut maxime constet ex verbis illis: *Inhibentes mulieribus prædictis licentias hujusmodi habentibus, ne Monasteria prædicta prætextu licentiarum hujusmodi ingredi audeant*: revera tamen & Gregorius XIII. sub verbo illo *quemquam* comprehendit tam fœminas, quam masculos, utpote ex grammaticorum institutione, ac usu loquentium utrosque significante; & Paulus V. sub nomine fœminarum dicens est comprehendisse etiam masculos; (si qui tales licentias habebant) idque juxta communem illam doctrinam, quod lex odiosa, ac pœnalis extendi potest, & debet ad casum in ea non expressum, si ex negata extensione sequatur aliquid absurdum: ut de facto sequitur in præsentī casu, si dicamus Paulum V. intendisse solum comprehendere sub sua Constitutione fœminas, iisque solum vetare ingressum in Monasteria Monialium, non autem viros; de quibus tamen erat major ratio, quod comprehenderentur sub dicta prohibitione. Quin potius hic procedit, quod habetur *l. non dubium, C. de legibus*, in legem committere eum, qui verba legis amplexus, contra legis nititur voluntatem: & quidem merito, cum mens, & voluntas Legislatoris sit veluti spiritus, & anima legis; unde omnis vis obligandi per verba tamquam instrumentalia signa provenit: quomodo in *humana aures 22. qu. 5.* dicitur.

Non

Non debet aliquis verba considerare (intellige cum Layman, lib. 1. tract. 4. cap. 18. n. 4. nude, & simpliciter) sed intentionem, ac voluntatem: quia non debet intentio verbis deservire, sed verba intentioni.

Quæres 12. An prefatas penas incurrant viri, & feminaeculares, si positive cooperentur illicito ingressui intra Monialium Monasteria, etiam prætenu licentiarum de quibus supra.

101. Resp. Non incurrere, cum pœnæ non debeant extendi ultra casus expressos; & in iuribus, in quibus statuta sunt pœnæ contra violantes Clausuram Monialium, non fiat mentio de personis laicis modo dicto cooperantibus illicito alterius ingressui, ut facile constabit tenorem illorum legenti.

Quæres 13. An sub nomine Monialium comprehendantur etiam Abbatisse in iis verbis, quæ habentur in Bulla Gregorii XIII., neve Moniales sub iisdem pœnis illos aliter admittere præsumant.

102. Resp. Comprehendi, & probatur, tum quia cõto ibi non fiat expressa mentio Abbatisse, & in materia odiosa (qualis est hæc) nomine Monachi non veniat Abbas, nec nomine Monialis Abbatisse, ut tradunt communiter Doctores cap. final. de simonia; quando tamen materia concernit salutem animæ, aut est pariter proportionabilis Prælato, ac subditis, nomine Monachi, & Monialis veniunt Abbas, & Abbatisse, ut ostendit, aliis citatis Sanchez lib. 6. moral. cap. 16. n. 91. tum quia non est credibile Papam hic voluisse punire Moniales subditas, quibus non incumbit ex officio, & non Abbatisam, quæ magis delinquit, sicque procedit doctrina tradita qu. 11. sub finem: nobiscum sentit Caslr. Palao tract. 161. d. 4. part. 10. §. 4. n. 3.

Quæres 14. Quæ personæ ex iuribus superius adductis, ac explicatis prohibeantur ingredi Monasteria Monialium sine legitima facultate.

103. Resp. Prohiberi omnes, & singulos fideles utriusque sexus, cuiuscunque demum ætatis, status, conditionis, & gradus fuerint; idque ex iuribus relatis qu. 1., & maxime ex Concilio Trid. sess. 25.

de regul. cap. 5., quod sic habet: *Ingressi autem intra septa Monasterii nemini liceat, cuiuscunque generis, aut conditionis, sexus, vel ætatis fuerint sine Episcopi, aut Superioris licentia in scriptis obtenta: quamquam Sanchez supr. n. 3., alique probabiliter putent, tali decreto non comprehendendi Reges, Reginas, Imperatores, Imperatrices, & filios, & filias earum, ut videmus infra qu. 39.*

Quæres 15. An Moniales possint admitti intra septa Monasterii infantes, non obstantibus iuribus supra allegatis.

104. Resp. Dixi olim posse; si ii careant usu rationis, & ratio est, quod respectu horum cessat, saltem magna ex parte, finis huius prohibitionis, qui est evitare perturbationem Monasteriorum, ac incitamenta Monialium ad peccatum: præterquam quod cooperatio Monialium ad ingressum non est per se mala, sed solum supposita culpa ingredientibus: unde cum respectu dictorum infantium nulla sit culpa in ingressu, nec ulla aderit culpa ex parte Monialium admittentium, ut bene advertit Suarez tom. 4. de relig. tract. 8. l. 1. cap. 10. n. 2. id inde colligens, quod prohibitio non admittendi extraneos intra Monasterium afficit Moniales solum indirecte; ideoque cum ea directe non cadat in infantes, nec indirecte cadere poterit in ipsas: ita Azor. to. 1. l. 13. cap. 8. qu. 5. Henr. qu. 1. 4. de pœnit. cap. 5. n. 2. Riccius in prax. decis. 648. Mirand. qu. 2. de Monial. art. 1., alique penes Tamburin. de iure Abbatisse d. 21. qu. 4. n. 1., qui bene notant, quod, quando Concil. Trid. excludit omnes cuiuscunque ætatis, loquitur de habentibus usum rationis, & de iis, qui possunt movere Moniales ad peccandum.

105. „ Sed nunc, priori opinione relictâ tanquam improbabili, contrariam sententiam tenendam esse affirmo cum Comitolo lib. 6. respons. moral. qu. 19. n. 6., & Naldo v. Clausura n. 4., & Scorzia in Select. conf. theor. 366.; nam ut ipse Comitulus refert, Cardinalis S. Severinæ, dum Summi Pœnitentiarii munere fungeretur, litteris datis ad Peru-

„fz Episcopum, quas ipse Comitulus le-
 „git, scripsit, excommunicationis refer-
 „vatz Romano Pontifici laqueum non vi-
 „tare eas Moniales, quæ trimos, qua-
 „drimosque pueros, seu puellas intra
 „Monasterii septa recipiunt; & in Con-
 „ventu Parochorum coram Archiepisco-
 „po Bononiz Alphonso Paleotto, eod-
 „dem Comitolo audiente, dictum est, non
 „secus a Romano Pontifice ea de re fuis-
 „se responsum. Demum quia pluries de-
 „claratum est in Sacra Congregatione
 „incurrere in censuras violatz Clausuræ
 „introducetes in Monasteria Monialium
 „infantes cuiusvis sexus, vel ætatis, ut
 „in Tudertina 7. Aprilis 1579., in Nea-
 „politana 22. Martii 1580., in Taurinensi
 „10. Junii 1650., in Pistoriensi 24. Fe-
 „bruarii 1579., & S. Severi 8. Maii 1595.,
 „ut refert Pignatellus tom. 6. consult. 85.
 „num. 243.

Quæres 16. *An Moniales delinquant contra Clausuram, & incurrant penas statu-
 tæ, si intra Monasterium admittant fa-
 tuos, & amentes.*

106. Resp. Delinquere, & incurrere
 penas, idque sive habeant lucida inter-
 valla, adeoque peccare possint, sive sint
 perpetuo amentes, ac proinde sint inca-
 paces formalis peccati; ita Sanchez *supr.*
n. 8. ex Navarr., Rodriq., Zerola, &
Llamas, Suarez supra n. 5., Barbof. de off.
Episcop. alleg. 102. n. 32., Bonacin. supra
part. 1. n. 7. Et probatur, tum ex iis, quæ
 supra diximus de infantibus, tum quia in
 talibus amentibus, cuiuscumque generis
 sint, militat finis prohibitionis, quatenus
 si possint incitare ad peccandum, & præ-
 bere Monialibus occasionem peccandi, Mo-
 nasterium perturbant, turpiter jocantur,
 inhonesta loquuntur, aliaque agunt minus
 decencia honestatem religiosam: ubi au-
 tem militat eadem ratio, seu finis, militat
 & eadem juris dispositio. Nec obstat, quod
 perpetuo amentes, qui numquam usi sunt
 ratione, sint incapaces peccati, sique vi-
 deatur illos admitti posse a Monialibus
 absque peccato, cum ipsi revera non pec-
 cent ingrediendo; siquidem, adultus per
 se loquendo, est capax præcepti, & quod

in ætate per se sufficiente ad usum ratio-
 nis habeat ejus impedimentum per acci-
 dens eū; sique tale impedimentum excu-
 sat quidem personam a transgressione præ-
 cepti, non tamen excludit, quin præce-
 ptum cadat in ipsum; unde esto talis per-
 sona non peccet ingrediendo Monasteria
 Monialium, si admittatur, aut introducatur;
 peccant tamen alii, cum talis ingres-
 sus sit contra præceptum Clausuræ, &
 alioqui sit liber non quidem amenti, sed
 aliis illum admittentibus, aut introduc-
 entibus, qui proinde non excusantur a pec-
 cato, licet ille excusetur: ut si quis dor-
 miens introducat in Monasterium Mono-
 nialium, ipse sine dubio non peccat; &
 tamen peccat, qui illum introducit: quia
 in illo carentia culpæ est solum per
 excusationem, & non quia non sit materia
 præcepti, quæ tamen excusatio non habet
 locum in aliis, ut patet.

Quæres 17. *An, & in quibus casibus*
Monialis legitime egressa e proprio Mona-
sterio admitti possit intra alia Monasteria
Monialium, sive sui, sive alterius Ordinis.

107. Resp. Huic questioni respondet
 Sanchez infra citandus, cum distinctione:
 vel ista Monialis petit admitti intra Mo-
 nasterium ejusdem Ordinis, & habitus;
 & sic excipi potest absque alia licentia Su-
 perioris non solum causa hospitii, sed
 etiam in casu, quo illa degeret in aliqua
 domo privata ad recuperandam sanitatem,
 & vellet ingredi Monasterium gratia re-
 creationis v.g. sic enim Monialis non cen-
 setur extranea, cum sit ejusdem Ordinis,
 ac habitus, ideoque non cadit in illam pro-
 hibitio ingrediendi Monasteria Monialium,
 quæ comprehendit solum extraneos. Vel
 Monialis petit excipi in Monasterium di-
 versæ Ordinis, ac habitus; & sic, si itine-
 retur per loca, ubi non adest Monaste-
 rium sui Ordinis, posset recipi intra Mo-
 nasterium diversæ Ordinis (de licentia ta-
 men Superioris illius Monasterii, & non
 aliter) cum id requirat & religiosa chari-
 tas, quæ debet maxime vigere inter per-
 sonas religiosas, ac honestas ipsiusmet sta-
 tus Monialis; secus, si ibi sit solum causa
 recreationis, aut etiam ad inviscendum

Monialem consanguineam, vel itque ingredi Monasterium diversi Ordinis, ac habitus: tunc quippe non posset in illud excipi, neque de licentia Superioris illius, cum Monialis itinerans respectu talis Monasterii vere sit extranea, adeoque ex hac sola causa non posset in illud admitti, sicut nec posset admitti quæcumque alia persona extranea: ita Sanchez supra n. 10., & cum eo Peyer. tom. 2. priv. Conf. 6. Pii V. n. 28., & Tambur. supra d. 24. q. 15. contra Castrum Palaum tr. 16. d. 4. p. 10. §. 1. n. 4., & Llamas. in method. curat. in app. §. 11. „Sed nunc hæc doctrina P. Sanchez non habet amplius locum, ut enim refert Pignatellus supra cit. n. 156. interrogata Sacra Congregatio ab Episcopo Pistoriensis: An debeat permitti Moniales peregrinas occasione itineris hospitari intra Clausuram? xta solitum: Sacra Congregatio die 16. Julii 1585. respondit: Nulla hospitetur intra Clausuram.

Quæres 18. An puella possint absque alia licentia admitti intra Monasterium ad suscipiendum habitum Religiosum, & peregrandum Novitiatum.

108. Resp. Non posse absque licentia proprii Ordinarii; & ratio est, quod ad licite ingrediendum non sufficit iusta causa, sed requiritur debita Superioris licentia, sicut bene advertit Sanchez num. 74. Non puto tamen ad id desiderari licentiam Papæ, quod ob dicta cap. 2. sess. 2. quæst. 17., ubi etiam ostendimus, an, & quando Novitia exiens e Monasterio sine legitima facultate, possit absque alia licentia illud iterum ingredi. „Ubi notandum, requiri Episcopi licentiam etiam pro recipiendis puellis in Monasteria Regularibus subiecta: & ita declaravit Sacra Congregatio apud Pignatellum tom. 4. consil. 171. n. 4., & apud Monacell. in Formulæ. part. 1. tit. 11. formul. 11. adnot. 14., in Vicentina 30. Septembris 1596.

Quæres 19. An, & quo modo possint Moniales admitti intra Monasterium puellarum causa educationis.

109. Resp. Posse, eo modo, quo la-

te dicemus infra sess. 4. interim consulantur Sanchez supra n. 61., Bonacina supra qu. 4. p. 4. n. 15., Lezana tom. 1. c. 25. n. 39., & Tamburin. de jure Abbatis. d. 1. qu. 1. 2. 3.

Quæres 20. An possint admitti de licentia solius Ordinarii, aut Superioris Regularis intra Monasteria Monialium fœmina conjugata a propriis viris sibi graviter timentes ex adulterio commissio, aut alia causa gravi hic, & nunc emergente.

110. Resp. Videri non posse, nisi in casu valde raro, in quo non esset commodus recursus ad Papam, & esset grave periculum in mora. Ita Rodriq. n. 1. qu. 46. art. 10., Miranda sup. art. 7., Barbosa supra n. 66., Portell. de dub. regul. v. Clausur. Monial. in addit. n. 2., Sanchez n. 64., alique communiter; & probatur tum ex praxi, quæ modo viget, tum quia hic non agitur de communi utilitate Monasterii, in quo casu Ordinarius potest dare licentiam ingrediendi, juxta alibi dicta; tum quia de hoc extat specialis declaratio Sacræ Congregationis relata a Zerola p. 1. praxis v. Moniales qu. 12. his verbis: Sacra Congregatio censuit, mulieres, quæ sunt in discordia cum marito, & ejus scilicet timent, si extra culpam sunt, quamdiu iustam causam timendi habuerint, debere, si sunt in Monasteriis, tolerari: in posterum vero non debere recipi: si vero mulier aliqua venerit in suspensionem marito, qua timet, ne ab eo aliqua vis ei inferatur, debet permitti, ut possit ingredi Monasterium Monialium, si modo Constitutiones Monasterii non repugnent. & accedat consensus Superiorum, Abbatis, & Monialium; quamquam Azorius supra qu. 4. dicat, eandem Congregationem declarasse, posse recipi intra Clausuram Monialium viduam bonæ famæ, cupientem honestatis causa degere in Monasterio; immo & fœminam de adulterio suspectam apud virum suum, ideoque sibi certo timentem de periculo vitæ: quæ declaratio ad minus probat nostram responsionem, quatenus admittit in aliquo casu valde raro posse mulierem conjugatam de licentia solius Ordinarii recipi intra Clausuram, cujusmodi casus utique proce-

procederet tempore belli, de quacumque femina, sive nupta, sive innupta ad consulendum earum pudicitiz alijs periclitanti.

Confirmatur assertio quoad hanc ultimam partem, tum ex doctrina, quam admittit Sanchez lib. 6. n. 60., posse scilicet in aliquo casu concedi ingressum intra Clausuram Monialium ad deponendas ibi pecunias, si non sit alius locus tutus ad eas deponendas, charitas suadeat depositum illud admittere, & alijs per Moniales ipsum commode non possit intromitti; (quæ doctrina utique potest a fortiori admitti in præsentī casu, in quo supponitur aliter non posse consuli feminarum pudicitiz, moraliter loquendo) tum quia non videtur probabile, quod Papa in casu tantæ necessitatis velit restringere Episcopis facultatem concedendi ingressum in Clausuram Monialium, iis competentem ex Concil. Trident. sess. 25. de regul. c. 5. his verbis: *Dare autem tantum Episcopus, vel Superior licentiam debet in casibus necessariis*: quæ verba cum sint generalia, non videntur absolute restringenda ad solam necessitatem Monasterii, aut Monialium, quin interdum possunt extendi ad alicujus extranei necessitatem; siquidem lex generaliter loquens generaliter debet intelligi dicendum est ergo Episcopi facultatem extendi ad concedendum ingressum in præsentī casu, maxime stante doctrina, quam tradunt multi Doctores apud Dianam p. 5. tract. 14. resol. 18. posse scilicet Episcopum in casu magnæ necessitatis dispensare etiam super impedimento dirimente matrimonium; quippe qui, etsi in lege Pontificia, aut Conciliari regulariter nequeat dispensare, potest tamen in casu urgentis necessitatis, si aditus non pateat ad Papam, sicut notat Sanchez lib. 2. de Matrim. d. 40. n. 3. ex 15. Doctores ab eo relatis; quæ doctrina facilius potest admitti in casu nostro, in quo licentia petitur solum ad licite ingrediendum, quam in casu proposito a Sanchez, in quo dispensatio requiritur ad validandum matrimonium. Præterquam quod necessitatis causa multa permittuntur, quæ alijs

non permetterentur, cap. Si quis propter de fur., sique in præsentī casu, in quo difficilis est accessus ad Papam, & est periculum in mora, ex Epicheja, ac interpretativa voluntate Papæ videtur concedenda Episcopo facultas dandi licentiam ad ingrediendum Clausuram Monialium, maxime attentis declarationibus Sac. Congregationis factis in casibus non dissimilibus, & a nobis modo relatis hic ex Azorio: quippe quæ sufficienter indicant, quæ mens Sac. Congregationis in hac re præsumi possit, & debeat; attenda juris regula, quod ubi militat eadem ratio, militat ejusdem juris dispositio, quāquam in his, & similibus inspicie debet stylus Curiz, & observari, si de eo constet.

Quæres 21. An, & quando Episcopi, & alij Superiores Monialium possint ingredi Monasteria sibi respective subdita.

111. Resp. Non posse, nisi in casibus necessariis, & si aliter ingrediantur, incurere pœnas relatas qu. 3., patet ex Constitutione Gregorii XIII. die 23. Decembris 1581. edita, quæ sic habet: *Haurum tenore auctoritate Apostolica declaramus, Prælatos omnes tam seculares, quam regulares, quibus cura, & regimen Monasteriorum Monialium quovis modo incumbit, facultate sibi ex officio attributa ingrediendi Monasteria prædicta, ita demum uti posse, si id faciant in casibus necessariis, & a paucis, iisque senioribus religiosis personis comitati*. Ubi notat Suarez sup. n. 23. hinc satis aperte declarari præfatos Episcopos, & Prælatos comprehendī generali prohibitionē Concilii Tridentini, ut non possint ingredi Monasteria Monialium subditarum, nisi in casibus necessariis; ac proinde illos, casu quo ingrediantur, censeri dare sibi ipsi licentiam, ac veluti se ipsos dispensare in lege generali; sique eandem, seu proportionatam causam ad id requiri: quod certe satis clare explicuit ipsum Concilium, dum sess. 25. de regul. c. 7. præcipit, ut is, qui electioni Abbatissæ præest Episcopus, seu Superior, Clausuram Monasterii non ingrediat, sed ante cancellarum fenestellam vota singularum audiat, vel accipiat: si quis enim

ingressus videri poterat habere rationem aliquam, maxime is talis videtur; & tamen quia non habet necessitatem, deciditur in eo non licere ingressum.

Ad addendum hic restrictam fuisse facultatem Superiorum Regularium ingrediendi in Monasteria Monialium sibi subjeclarum ab Alexandro VII. Constitutione 153., quæ incipit *Felici*, cujus tenor in ordine ad punctum præsens hic est: *Præsentibus perpetuo valituris, sancimus, ut in posterum intra fines Italia, & Insularum adjacentium Generalibus, Provincialibus, Abbatibus, & quibuscumque aliis Superioribus Regularibus, quibus alioqui cura, & regimen Monasteriorum Sanctimonialium, quovis modo incumbit, intra septa eorumdem Monasteriorum, nullatenus ingredi liceat, nisi ex causa visitationis localis, & hoc semel tantum in anno, in quo unus ex memoratis Superioribus visitaverit, alius Superior a visitatione hujusmodi se omnino absteineat. Quod si ob Clausuram, quæ a Sancta Tridentina Synodo, etiam in Monasteriis exemptis, curæ, & vigilantie Episcopi in primis committitur, aut ob aliam urgentem, ac necessariam causam, oportuerit Superiorem regularem eodem anno pluries ingredi septa Monasterii, tunc non aliter ingrediatur, quam cum præsentia Episcopi Diocesani, vel alterius personæ Ecclesiasticæ secularis boni exempli, ac matura ætatis ab Episcopo ad hoc specialiter deputatæ. Visitet autem Superior regularis interiorem Clausuram per se ipsum, non autem per alium, etiamsi fuerit legitime impeditus, quo casu deferatur visitatio in aliud tempus, quo cessaverit impedimentum, & visitationem celerrime, & unica die, debita tamen cum diligentia, absolvat; nec ante ortum solis eam incipiat, nec post occasum protrahat, neque ipse Visitator, neque ejus socii ullam sumant in Monasterio revisionem. Porro si visitet Generalis, possit secum habere duos socios sui Ordinis: si alius a Generali, unum tantum, exclusis omnibus aliis, etiam ratione officii; qui*

quidem socii assumantur exemplares, & matura ætatis, & in actu visitationis a Visitatore nunquam separentur, sed eum aspicere, & ab ipso aspicere semper possint. Ac præterea Visitatori assistant quatuor Moniales ex senioribus Monasterii, quæ similiter, Visitatione durante, numquam separentur a Visitatore, & sociis.

112. Quod autem spectat ad pœnas, quas incurrunt Episcopi, & Prælati regulares ingrediendo in casu non necessario, recte notat Bonacina *supr. p. 5. n. 12.*, eos non affici excommunicatione, si ingredientes in casu necessario intrent soli, aut secum ducendo personas non religiosas (ideest minus pias, & christianis moribus imbutas, ut explicat Tambur. *sup. d. 24. qu. 10. n. 4. ex Viâorello*) nec senes; & ratio est, quod dicta excommunicatio statuitur solum contra ingredientes in casibus non necessariis, non autem contra ingredientes absque debito comitatu, ut constat ex tenore textus, quod etiam prius notat Sanchez l. 6. *moral. cap. 16. n. 100.*, addens n. 98. præfatam excommunicationem non esse reservatam, cum in citata Constitutione Gregorii XIII. nulla mentio fiat reservationis, & aliàs reservatio induci non debeat sine ratione.

Sed etiam hæc doctrina, in quantum procedit de Prælati regularibus moderari debet, & intelligi ad normam supracitatæ Constitutionis Alexandri VII., ubi sic statuitur: *Si quis vero prædictorum Regularium aliquid contra præsentium tenorem facere, vel moliri præsumperit, aut adimplere neglexerit, ipso facto panam excommunicationis, omniumque officiorum privationis, quæ obstat, ac perpetua inhabilitatis ad illa, vel alia in posterum obtinenda, vocisque activa, & passiva absque alia declaratione incurrat.*

113. Addit Sanchez n. 99., quod, cum Gregorius in relatâ Constitutione statuens pœnas contra Prælatos seculares ingredientes in casu non necessario, solum mernerit Prælatorum dignitatem pontificalem habentium, & quorumcumque Prælatorum Regularium (cum alioqui omnibus Prælati interdicit talem ingressum):

Vica-

Vicarii Episcoporum, & Prælati sæculares habentes jurisdictionem quasi episcopalem ingredientibus Monasteria Monialium sibi subdita præter casus necessitatis, nullis pœnis subduntur: quippe quæ non debent ampliari ultra casus necessitatis in jure expressos juxta regulam: *Odia restringi oportet*. „ Et idem sentit Bonacina de *Claus.* „ *Monial. qu. 4. pun. 5. vers. Ex dictis patet*, & *Ventrigl. in prax. p. 1. annot. 5.* „ §. 1. n. 46., & *Pignatell. to. 6. consult. 85.* „ n. 264., Dissentit *Céspedes d. 335. n. 3.*, dicens id sibi non placere, nec *Pasqualigo* a se viva voce consulto, eo quod absurdum videatur: at nullum tale absurdum assert, cum vere deberet asserre, ne videatur id gratis supponere: ideoque quæ facilitate dicit hanc nostram doctrinam videri absurdam, eadem & rejicitur. Immo nec ullum absurdum assert *Pasqualigo ipse p. 2. q. 159. ex proposito meam hanc doctrinam impugnans, quod non possit facile dissolvi.*

Et quidem, quod sententia *Pasqualigo* non possit desumi ex ipsa Constitutione Gregorii XIII. ; nempe ex iis verbis: *Prælatos omnes tam sæculares, quam Regulares, quibus cura, & regimen Monasteriorum Monialium quovis modo incumbit: quæ sunt universalis, ideoque comprehendunt etiam Vicarios, aliosque Prælatos Monialium inferiores Episcopo, ut patet ex dictione omnium, quæ omnes comprehendit, & nullum excludit: l. Julianus testamentum de legat. 3. & ex dictione quovis modo, quæ comprehendit etiam quæ alias non comprehenderentur, Decius consultat. 486. n. 3., Menoch. de recuper. possess. remed. 6. n. 16., & consult. 550. n. 10. Quod, inquam sententia *Pasqualigo* non desumatur ex præfata Constitutione, probatur, quia in periodo continente verba allegata non recensentur pœnæ latæ contra Prælatos Monialium indebite Clausuram ingredientibus, sed in sequenti periodo, in qua fit mentio solum de Episcopis ac Prælati Regularibus Monialium, non autem de Vicariis &c. ut constat ex iis verbis: *Quo circa universos, & singulos Episcopali, seu majori, ac etiam Cardinalatus dignitate præ-**

*ditos, nec non quorumvis Ordinum Abbates, Priores, Ministros, & alios quoscumque Superiores Regulares, serio monemus, ut facultate ejusmodi, quæ eam habent, præterquam in casibus, ut præfertur, necessariis neuntquam utantur: quod si contra fecerint, eadem auctoritate Apostolica statuimus, atque decernimus, qui Pontificalis dignitatis fuerint, eos prima vice, quæ contra fecerint, ingressu Ecclesiæ interdictos: pro secunda a munere Pontificali, & a divinis suspensos, ac deinceps ipso facto absque alia declaratione excommunicatos existere: Regulares vero omni officio, ac ministerio privatos excommunicationi similiter subjacere: Cum ergo in priori periodo solum proponatur prohibitio ingrediendi Clausuram Monialium, præterquam in casibus necessariis, non autem pœnæ sub quibus sit ea prohibitio, & fiat mentio de Prælati Monialium inferioribus Episcopo; & contra vero in posteriori periodo hic relato proponantur dictæ pœnæ nulla mentione facta de Prælati Monialium inferioribus Episcopis dicendum est hos quidem comprehendere sub prohibitione, non autem sub pœnis; cum simus in materia pœnali, quæ ampliari non potest, neque debet ultra casus expressos; & a diversis non fiat illatio; Clausulaque posita in uno paragrapho, aut versiculo non refertur ad alium paragraphum, aut versiculum, ut notavit *Glossa e. unie. v. sic scilicet de postulat. Prælat. in 6., & Sanchez l. 2. de matr. d. 11. n. 3.* Et hoc fecit Gregorius, cum ex causis sibi bene visis, quæ nos latent; siue quia respectu legis latoris nonnumquam procedit, quod notat *Glossa Institut. de usu s. furtiva quoque v. nam furtivarum: Sic volo, sic jubeo, stat pro ratione voluntas*; siue quia Prælati Monialium inferiores Episcopo, ac Vicarii Episcoporum (quos diximus non comprehendere sub pœnis latis contra Prælatos Monialium extra casus necessarios ingredientibus Clausuram earum) ab hoc excessu facilius retrahi poterant, etiam absque timore dictarum pœnarum illi quidem, eo quod se agnoscentes Episcopis inferiores, & dignitate, & potestate, non*

fità facile sibi arrogassent potestatem ingrediendi, sive quod plerumque in eorum territorio non sunt Monialium cœnobîa, saltem iis subiecta: hi vero, eo quod assistentia Episcopi proprii, cuius sunt Vicarii, sufficere poterat ad eos retinendos, ne in casu vetito Monialium Monasteria ingrederentur.

Quod si dicas cum *Pasqualigo* n. 10. extensionem legis attendendam esse ex verbis dispositivis, (cujusmodi sunt, quæ extant in priori periodo relata) non autem ex hortatoriis qualia sunt (quæ habentur in posteriori periodo) ut constet ex his *serio monemus*, non ideo infringitur nostra assertio, cum verbum moneo, & similia interdum sumantur pro verbis præceptivis, (ut ostendo *traët. 5. Manual. cap. 2. n. 29.*) sicque negari possunt, verba posterioris periodi esse hortatoria, non autem dispositiva, ut censet *Pasqualigo*.

Neque ex nostra assertione sequitur, quod supponit *Pasqualigo* n. 10., atque esse monstruosum, nempe Episcopum non posse libere ingredi septa Monialium, & posse Abbatem exemptum, ac Vicarium Episcopi in ejus absentia: nos enim solum dicimus hos non subesse pœnis, si in casu non permisso ingrediantur, quibus subesset Episcopus si ingrederetur; cum quo utique stat, quod neque ingredi possint extra casus necessarios: hæc autem duo sunt diversa, adeoque ex unius negatione non inferitur negatio alterius.

Non obstat, quod finis præsentis prohibitionis æque militet in Vicariis Monialium, ac in Episcopis, ubi ut finis habet locum, locum habeat & dispositio legis, cum debeat attendi mens, ac finis legis, *l. scire leges ff. de leg.*, nam id præcedit, si legis lator se sufficienter explicet: alioqui contra illum facit *regula 57. de reg. jur. in 6. Contra eum, qui legem dicere potuit apertius, interpretatio est facienda: & quod mens in animo retenta nihil operatur l. si repetendi c. de condit. ob causam datam l. si majores c. de transact.*

Quod denique subdit *Pasqualigo* n. 11. nomine Episcopi venire Prælatos habentes jurisdictionem quasi Episcopalem ad-

mitto in favorabilibus, non item in pœnalibus. Et certe, quomodo de Vicario Episcopi verificari possunt verba illa Constitutionis Gregorii XIII. superius relata: *Qui pontificalis dignitatis fuerint: & illa a munere pontificali: constat autem, ubi non habent locum verba legis, nec habere dispositionem, l. illud ff. ad leg. Aquil. l. si postulerit §. 2. ff. ad leg. Jul. de adult. l. illud c. de Sacros. Eccl., & quod lex non dicit, nec nos dicere debere, nec esse præsumendum, l. dissentientis c. de repud. c. illa ne Sede vacante.*

Dubium paulo gravius est, an Prælati Regulares ingrediendi cœnobîa Monialium subditarum citra casus necessarios, incurrant pœnas statutas non solum tertia vice (uti solum incurrunt Episcopi) an etiam prima, ac secunda vice; & ratio dubitandi est, quod Constitutio Gregorii XIII. loquens de Prælati pontificali dignitate insignitis, statuit pro prima vice, & secunda vice diversas pœnas, & pro ulterioribus etiam excommunicationem; statimque subiungit pœnas pro Prælati Regularibus, unde Llamas relatus a Sanchez n. 102. ex adjunctis putat dictas pœnas intelligi pro præfatis quando tertio, & alterius ingrediuntur citra casus necessarios.

314. Resp. Sanchez loc. cit. Prælatos Regulares dictas pœnas incurrere quacunque vice modo dicto ingrediuntur: probatque, quia Papa non meminit primi, ac secundi ingressus Prælatorum regularium, sicut fecit loquens de Episcopis, sed absolute imponit pœnam excommunicationis, ac privationis officii, & ministerii contra Prælatos regulares in casu non necessario ingredienti Monasteria Monialium, quod est signum ipsius intentionem esse, quod si dictas pœnas omnes incurrant toties quoties indebite ingrediuntur. Dissentit Bonacina sup., & cum eo Tamburinus supra qu. 11. asserentes ex Llamas, & non improbabiler, Prælatos regulares subijci dictis pœnis solum pro tertia vice, ac sequentibus; sique probabiler sustineri posse, illos prima vice, qua ingrediuntur, esse interdictos ab ingressu Ecclesiæ, & pro secunda suspensos a Divinis, & pro tertia

tertia, ac deinceps affici excommunicatione: ducuntur, quod in pœnis, mitior pars eligi debet, sicque servatur proportio inter pœnas indicatas Episcopis, ac Prælati regularibus.

„ Sed quidquid sit de modo incur-
„ rendi pœnas latas a Gregorio, certum
„ est, intra fines Italiz, & Insularum adja-
„ centium, Prælatos regulares incurrere
„ excommunicationem statutam ab Alex-
„ andro VII., quotiescumque ingressi fue-
„ rint Clausuram contra formam præscri-
„ ptam in supra citat. Constitutione, quæ
„ incipit *Felici*.

Addo Prælatum Monialium sive sæ-
cularem, sive regularem ex iusta causa in-
gredientem Monasterium Monialium sub-
ditum, expedito negotio, ad quod in-
greditur, non posse libere vagari, sed te-
neri egredi, æque ac teneretur quilibet
alius de ejus licentia ingrediens. Ducor,
quod lex Clausuræ afficit etiam Prælatos
Monialium, ideoque sicut cessante causa,
cessat licentia data aliis ad ingrediendum,
sic & cessat respectu Prælati facultas ma-
nendi intra Clausuram; cum par ratio mi-
litet in utrisque: ita Pollacchus, Bordo-
nus, Baldell., Stephanus a S. Gregorio,
aliique docti viri a me consulti: inter quos
P. Baldellus mihi testatus est extare in con-
firmationem hujus responsionis quandam
Sacraz Congregat. declarationem.

115. **C**onfessarii Monialium ingrediun-
tur in variis casibus, immo &
quicumque alius Sacerdos in casu
necessitatis inopinato.
116. Medicus licite intrat in casibus neces-
sariis; item Obstetrix.
117. Item Pharmacopola, ut doceat Mo-
niales componere medicinam.
118. Item Barbitorum in casu necessario.
119. Medicus non ingreditur solum, ut co-
gnoscat, quæ Moniales debeant dis-
pensari super quadagesimali ob-
servantia, extraordinarius non in-
greditur libere, Medicus sine licen-
tia speciali non ingreditur ad se-
cundam Monialem mortuam ex mor-
bo incognito.

120. *Æconomi, Syndici, & Factores in-
grediuntur solum urgente necessi-
tate.*
121. *Ingreditur Notarius ad excipiendum
testamentum Novitia agrotantis.*
122. *Ingrediuntur Operarii in casibus ne-
cessariis cum debita tamen licentia.*
123. *Item Bajuli ad deferendas res extra-
neorum, sed non semper.*
124. *Deficiente Deputato ad ferenda ope-
ra, non libere sufficitur alius.*
125. *Rustici si plures associant currus triti-
co onustos, omnes ingrediuntur ad
deferendum triticum.*
126. *Non delinquit Deputatus ad ferenda
opera intra Clausuram, si singulis
vicibus minora onera ferat, ut sic
pluries ingreditur.*
127. *Pictor licentiatur ad ingressum, ut
pingat scenam jam factam intra
Clausuram.*
128. *Quomodo licentiatur Mulier laica in
servitium tum Conventus, tum Mo-
nialis singularis: & ex causa mu-
tatur vi prioris licentie.*
129. *Recipiuntur admittenda inter Con-
versas etiam ad aliquot menses,
priusquam admittantur ad habi-
tum.*
130. *Femina laica ingressa modo dicto in
servitium libere recedit.*
131. *Famuli ingrediuntur ad servitia, quæ
aque bene fieri nequeunt a Monia-
libus.*
132. *Moniales nequeunt recipere reum ad
securitatem, etsi ipse alias possit
ingredi.*
133. *Reus ipse ingressus inde potest expelli.*
134. *Debet tamen poni in loco tuto.*
135. *Femina de licentia Papæ ingrediun-
tur ad prandendum, & conversan-
dum.*
136. *Sed associata a faminis tribus gravi-
bus, ac nobilibus, & non aliter.*
137. *Quæ semel electæ variari nequeunt,
quod alii limitant.*
138. *Hæ semper associant faminam privi-
legiatam usque ad egressum.*
139. *Explicantur verba Indulti Papalis
(tribus vicibus in totum, non au-
tem*

tem eorum singula quolibet anno) idque sive in Brevis nominentur quatuor Monasteria (quod sit interdum) sive nominentur duo solum.

140. Ad talem ingressum petitur consensus capitularis Monialium, & licentia Prælati.
141. Licentia ad ingressum modo dicto non visitat cellas Monialium.
142. Potest eligere ad ingressum diem, qua in Conventu sit comedia.
143. Consensus capitularis Monialium debet esse majoris partis illarum semel dandus, ac simul quoad faminam privilegiatam, & tres Matrōnas.
144. Licentia non ingreditur iterum, si ingressa ex accidenti frustretur ex parte suo sine: secus si statim cogatur exire: si hoc anno semel intret annuum ex Monasteriis, cum possit ingredi ter quolibet anno, non ideo quinquies intrabit anno sequenti.

Quæres 22. An, & in quibus casibus possint Confessarii Monialium ingredi Monasteria Monialium sibi commissa.

115. Resp. **P**osse ingredi in iis casibus, quos referemus infra cap. 10. scilicet 3. subf. 1., & 2., ubi hac de re satis differemus ex proposito. Solum hic moneo ex Mancino præf. 4. p. 1. d. 8. pro se citante Rodriquo, & Sorbum, quod si contingat simplicem Sacerdotem non deputatum ad Monialium confessiones, secus aliquod Monasterium transeuntem vocari ad audiendam Confessionem alicujus Monialis ex casu inopinato existentis in periculo mortis, potest, & tenetur ingredi Monasterium, etiam sine licentia Superioris; siquidem censeretur id facere de licentia interpretativa non solum Ordinarii, ac Superioris, sed etiam ipsius Papæ, qui non præsumuntur extendere obligationem Clausuræ ad talem casum: sicut nec præsumuntur extendi ad casum incendii, ruinæ Monasterii, violentiæ illatæ, & similia, in quibus constat licitum esse ingredi Monasteria Mo-

nialium absque ulla licentia; quæ omnia concedit etiam Sanchez supra num. 34. ex Nav., & Grassi, dicens, non desiderari licentiam neque in scriptis, neque ore tenus, quandocumque, ea expectata, grave periculum adest in mora: quamvis alioqui dicat n. 37. in similibus casibus exigi licentiam Abbatissæ, quæ poterit eam concedere ex præsupposita voluntate Prælati: sed de hoc infra.

Quæres 23. An, & quando Medici, Chirurghi, Barbitonfores, & similes ingredi possint Monasteria Monialium ad effluum medendi ipsis Monialibus, prout hic, & nunc exigat ratio morbi occurrentis.

116. Resp. Posse in casibus necessariis cum debita tamen licentia, ut inferius dicemus, & servatis aliis servandis: est communis DD. apud Sanchez n. 43. inter quos Bonacin. supr. cap. 4. n. 4. notat, probabiliter dici posse, Medicum posse accersiri ad lectum Monialis dubitantis de sua valetudine, ad ictum pulsus explorandum, esto ipsa posset sine magno salutis damno accedere ad januam: idque licet id faciat ex sola erubescencia. Quod admittit etiam Tamburin. d. 24. qu. 6. n. 2. ex Sorbo, non posse Medicum habere socium, aut alios Medicos, nisi morbus Monialis sit valde gravis: idem advertit Barbosa de offic. Episc. alleg. 102. n. 52., monens Medicum debere associari a duobus, vel tribus Monialibus antiquioribus: addensque n. 53. ex Miranda, ad hoc, ut Medicus ingredi possit, non requiri necessarium, ut sit Doctor, aut graduatus, cum Medicus dicatur a medendo, & non a dignitate, ut tradit Bartol. in L. sciendum ff. de delictis.

Moneo hic obiter, quod, si fœmina prægnans de licentia Superioris ingrediat Clausuram, tempore partus ingredi poterit Obstetrix ad illam juvandam in partu: ita in terminis Port. de dub. regul. v. Claus. Monial. n. 18. ex Collectore & cum his Monachus instruit. Monial. p. 5., patetque ex eo, quod in tali casu necessarius est ingressus obstetricis, ut facile constabit consideranti: ad talem tamen ingressum requiratur licentia Prælati: quod dicendum est supponi a citatis Doctoribus, licet expresso

preſſe id non aſſerant : cum Portello ſentit *Tamburin. ubi ſupr. queſt. 1. n. 5.*

117. *Reſp.* De Pharmacopola norant Sanchez, Bonacin., & Tamburinus locis citatis, eum quidem poſſe ingredi Monasterium Monialium, ut ipſas inſtruat ad componenda pharmaca, cum in hoc adſit juſta cauſa neceſſaria; non item ad præbendam medicinam Moniali infirmæ, cum hoc a Monialibus æque bene præſtari poſſit, ideoque quoad hoc non ſit neceſſarius ejus ingreſſus.

118. *Addit Barbos. n. 54.* ex Sorbo, quod, ſicut Barbitonſor ingreſſurus ad minuendum Sanguinem Moniali ægrotanti, debet ingredi aſſociatus eo modo, quo diximus de Medico, & ſolum poſtquam Medicus judicavit minuendum eſſe Sanguinem; ſic, ſi quæ Monialis conſuevit ſe aliquoties minuere ad præcavendum morbum, tunc debet intervenire conſenſus, & conſilium tam præſectæ, quam diſcretarum Monasterii.

Quod ſi obiter quæras, an Medicus ſub initium Quadrageſimæ poſſit ingredi ad cognoscendum, qua Moniales poſſint, & debeant diſpenſari ſuper jeſtuno, & eſu ciborum quadrageſimalium.

119. *Reſp.* Quod, cum talis cognitio haberi poſſit a Medico exiſtente extra Clauſuram, non videtur poſſe ingredi præciſe ad talem eſſectum : cum ſic ceſſet ratio ingrediendi, quæ eſt neceſſitas urgens, rationabilis, & manifeſta, ut inferius dicemus agentes de licentia ad ingrediendum.

Addo ego, quod ſi Moniales habeant Medicum ordinarium, & alium extraordinarium; loco ordinarii non poſſunt pro arbitrio vocare extraordinarium, cum is concedatur ſolum in defectum Medici ordinarii, aut in caſu, quo, morbo Monialis ingraveſcente, habendum ſit Collegium, & utriuſque Medici neceſſaria ſit viſitatio, aliàs Medicus extraordinarius idem eſſet ac ordinarius : & cum licentia ingrediendi data extraordinario ſit limitata, non poteſt ſi vi illius ingredi illimitate, & in quocumque caſu, ut notat *Barbus in Speculo Monial. cap. 8.*

An autem Medicus ſine licentia ſpeciali ingredi poſſit ad ſecundam Monialem ex morbo incognito mortuam, ut cognoscat genus diſtincti morbi, & ex qua cauſa mortua ſit Monialis.

119. *Reſp.* Non poſſe, ſecluſa bona fide, ac inadvertentia, & probatur, tum quia licentia generalis ingrediendi ad curandas Moniales infirmas non extenditur ad hunc caſum, utpote longe diverſum, juxta juris regulam : *A diverſis non ſit illatio*; tum quia ad ingreſſum Clauſuræ Monialium requiritur urgens neceſſitas, ac utilitas ſe tenens ex parte ipſarum Monialium; in iſto autem caſu non apparet talis neceſſitas urgens, & utilitas, quæ ex dicto ingreſſu poſſet provenire, nec tangit Moniales, ſed Medicum, qui ex ſeſtione Monialis mortuæ fiat peritior, ac magis inſtructus; tum quia finis, qui poteſt intendi in tali ingreſſu, ſolum dat cauſam juſtam petendi a legitimo Superiore licentiam ingrediendi, at non facit ingreſſum eo ipſo licitum, ut patet : ſic ego reſpondi in contingentia facti, & reſponſio fuit approbata a viris doctiſſimis, qui idem lenſerunt.

Quæres 24. An ņconomi, Syndici; aut Factores Monialium ingredi poſſint Monasterium, & quibus caſibus.

120. *Reſp.* Poſſe ingredi cum debita tamen licentia, quotieſcumque occurrit caſus urgentis neceſſitatis, cui aliter æque bene non poteſt conſuli : ut ſi in archivio quærenda ſint aliqua inſtrumenta Monasterii, aut conſtruendum ſit notabile aliquod ædificium, aut fabricæ conſtructæ timeatur imminere magna aliqua ruina, cui judicio peritorum occurrendum ſit ad illam evitandam, aut eveniat ſimilis alius caſus magnæ neceſſitatis. Colligitur ex Sanchez *ſupr. n. 55.*, & *Tambur. ſup. qu. 6. n. 4.* pro ſe citante Llamam patetque, tum quia olioqui minus ſufficienter eſſet conſultum bono Monialium, quod non debet præſumi de pia Matre Eccleſia : tum quia neceſſitas urgens Monasterii eſt ratio ſufficientis diſpenſandi in lege Clauſuræ, ut jam diximus.

Quæres 25. An Notarius poſſit ingredi Clauſu-

Clausuram Monialium, si contingat Novitiam, aut puellam ibi commorantem causa educationis graviter infirmari, velleque disponere de suis bonis per modum testamenti.

121. *Resp.* Possē, & quidem cum necessariis testibus, dummodo id faciant debita cum licentia; ita in terminis *Nald. v. Monialis n. 14.*, & probatur tom ex dictis *quæst. præced.*, tum quia sic expresse declaravit Sac. Congregatio anno 1585., ut testantur idem *Nald.*, & cum eo *Gav. in enchir. v. Monial. educat. n. 14.*, *Monacus in instr. Monial. p. 5.*

Quæres 26. An, & quando Operarii, seu artifices possint ingredi Monasteria Monialium ad exercenda opera sue artis.

122. *Resp.* Possē de legitimi Superioris licentia, & quidem ad exercenda omnia illa opera, quæ extra Monasterium nequeunt commodè fieri; idque ob rationes adductas *qu. 24.*, & alibi. Sic possunt ingredi fabricatores, hortulani, fabri lignarii, putearii, putatores, molitores, & similes artifices: sic possunt ingredi bajuli ad ferenda onera, quæ a Monialibus non possunt commodè gestari (quamquam sine speciali licentia, juxta *Tamburinum supra*, *Barchium*, & *Pollachum* ab eo relatos, non possent ad talem effectum ingredi aliquis alius loco bajuli; quod tamen non videtur ita certum, admitti doctrina tradenda hic *sect. 5. n. 207.*, & casu, quo in tenore licentiæ non exprimitur hic, aut ille bajulus) sic ingredi possunt rustici ad deferenda ea, quæ ferri nequeunt a Monialibus, si aliis ad id habeant debitam licentiam: Et contra non possunt ingredi Sutores, cum possint de calceorum mensura certiores fieri, sive ostenso eis calceo, sive declaratis punctis, quibus constat; immo nec Sartores, juxta communio rem DD. sententiam, quam sustinent *Miranda sup. art. 4.*, *Bonacin. n. 11.*, *Tambur. n. 9.*, & alii, ea ducti ratione, quod Sartor mensuram vestium capere possit vel ex aliis vestibus ejusdem Monialis, vel ex eadem Moniali existente prope januam Monasterii apertam; in quo dissentiunt *Navig. com. 4. de Reg. n. 59.*, & *Sanchez supra*

n. 43., putantes Sartorem habere justam causam ingrediendi ad vestes Monialium corpori dimetiendas, & panno forcipibus aptando: eo quod ista non possint fieri æque bene extra Clausuram: quæ opinio non videtur improbabilis, si talis sit Clausuræ usus, sciente, & consentiente Superiore.

Notat autem *Bonac. n. 8.*, quod, cum bajulis non permittatur ingressus in Monasterium, nisi ob utilitatem, seu necessitatem Monasterii modo aliud non suadeat jus naturale, aut divinum; hinc ii non possunt ingredi, ut pecuniam alicujus in arca reconditam, aut alias res magni ponderis in Monasterio deponant, nisi forte id cederet in bonum Monasterii; aut res illæ essent beneficioris alicujus insignis Monialium, cui sine gravi dispendio Monasterii dictarum rerum custodia non posset negari, aut charitas oppositum suadeat: unde in hoc standum est prudenti judicio Superioris: quod etiam advertit *Tambur. n. 8.*, addens *n. 9.* habentem licentiam ingrediendi pro uno servitio non posse ingredi ad præstandum aliud servitium, cum ad talem casum non extendatur licentia, ut suppono.

Sic *Barchus in speculo cap. 8.* putat, & bene, quod si Moniales prohibeantur recipere in custodiam pecuniam, aut alia bona externorum; & ex nihilominus faciant illa deferri intra Clausuram per bajulos, aliis generaliter licentiatos ad ferendas res Conventus intra ipsum, peccabunt contra Clausuram & Moniales bajulos admittentes, & ipsi bajuli prædictæ introducentes; immo, & incurrunt poenas latis contra violantes Clausuram tam bajuli, quam ipsæ Moniales (intellige si concurrant ea, quæ diximus supra *qu. 3.*, & maxime *n. 86.*): ratio est, quod licentia illa generalis ingrediendi concessa bajulis non extenditur ad præsentem casum: & hinc patet, quod Superior prohibens Monialibus, ne res externorum recipiant in custodiam, consequenter prohibet bajulis, ne dictas res deferant intra Clausuram. Constat autem, quod si ille ipsis expresse prohibuisset, tunc non possent eas introducere;

cere; ergo nec poterunt in presenti casu, cum taciti, ac expressi eadem sit virtus: quæ ratio probat non licere præfatis bajulis deferre intra Clausuram res externorum a Monialibus custodiendas, etiam sedula prohibitione, de qua hic; quamquam forte non ita facile convinci posset falsitatis, qui mallet sustinere licentiam generalem deferendi intra Monasterii Clausuram res Monialium, extendi ad res modo dicto ipsis committendas in custodiam, quatenus ex hac ratione formali dici possunt res Monialium; & versatur in materia favorabili, quæ debet ampliari, quo modo plures DD. apud Bonacin. d.3. de contrav. d.9. p. un. n. 23. putant furari res laicorum traditas Ecclesiæ in custodiam esse sacrilegium, eo quod tales res censentur res Ecclesiæ quod maxime admitendum esset, si talis custodia cederet in bonum etiam ipsarum Monialium, sicut cederet, si res illæ essent benefactorum Conventus &c.

Difficultas major est, an casu, quo Prælati generaliter indulgeat Monialibus, ut onera usibus Monasterii necessaria faciant deferri per bajulos intra Clausuram, vi talis licentia generalis ea ad effectum intentum possint semper uti opera ejusdem bajuli, vel certe debeant variare.

123. Respondet Barchus supra, & cum eo Monachus par. 5. instr. 1. Monial. debere variare, utendo opera modo unius, modo alterius bajuli; sed revera intentum minus efficaciter probat: quare oppositum mihi probatur, & inde suadet, quod beneficium Principis late interpretandum est, & ubi jus non distinguit, nec nos distinguere debemus: cum ergo licentia generalis, de qua hic, sit gratia Principis, & in ejus concessione non distinguatur, num Moniales debeant semper uti opera ejusdem bajuli, vel non, neque nos distinguere debemus, licentiam arctando eo modo, quo illam arctat Barchus. Nec obstat, quod in tenore licentiæ dicitur in numero plurali per bajulos; siquidem non est novum usurpari numerum pluralem pro singulari, ut Jacobi 5. *Infirmatur quis ex vobis, inducat Præbyte-*

ros, cum tamen ad ministrandam extremam Unctionem inducat unus tantum Sacerdos.

Dubitari hic posset, an casu, quo alicui artifice detur licentia ingrediendi cum suo famulo, sit etiam sine artifice ingredi possit ad exercendam suam artem, ibique solus commorari.

124. Respondet Barchus sup. non posse, nisi in eventu, quo artifex ex impedimento occurrente non posset ingredi, aut ingressus cogeretur exire; dummodo tamen non omnino deferat opus assumptum, aut non sit absuturus pro majori parte dici: hæc Barchus, sed mihi non placet, puto enim oppositum esse probabile, si aliter non constet de mente concedentis, aut aliud non suadeant occurrentes circumstantiæ. Moveor, quod tenor licentiæ in presenti casu datæ non facit hunc sensum, quod artifex, & famulus debeant simul ingredi, & simul commorari, (quo pacto infra qu. 30. dicimus feminam nobilem licentiatam ad ingressum Clausuræ cum comitatu aliquot Matronarum; unde & Barchus concedit in casu proposito, famulum posse in aliquo eventu ingredi, & commorari intra Clausuram etiam sine artifice; quod certe non potest concedi de femina nobili modo dicto licentiata ad ingressum, ut qu. cit. dicimus:) sed facit hunc sensum, quod artifex ille, & ejus famulus ingredi possunt ad exercendam suam artem: non secus ac dicens, Petrum cum Paulo esse domi, indicat & Petrum, & Paulum esse domi; cum ergo tenor concessionis possit facere hunc posteriorem sensum, cur eam restringit Barchus ad priorem sensum adeo rigidum, contra regulam juris, quod gratia Principis late debet interpretari?

Dices, quid si licentiatus ad ferenda onera intra Clausuram absit, aut agrotet, nec possit æque bene differri gestatio distorum onerum, eo quod v. gr. Coloni, qui currum ea desulerunt, volunt, & debent recedere; potest ne in tali casu absque speciali licentia Superioris substitui alius, qui tunc suppetias ferat gestando illa onera?

125. Resp. Videri non posse: cum ex
V 2 una

na parte sumus in materia valde zelosa, delicata, ac periculosa; & ex alia non videtur in proposito casu subesse iusta causa utendi Epicheja, maxime in re, ad quam jura requirunt licentiam specialem, & inscriptis: ita docti viri consulti: sicque respondi in facti contingentia.

Dubitari hic etiam potest, an casu, quo Coloni suis curribus frumentum, aut aliud simile onus deferant, possint singulorum ingredi ad gestanda dicta onera intra Monasterium: si duo v. gr. possint sufficere ad prestandum tale servitium, pluries ingrediendo.

126. *Resp.* Simpliciter loquendo, non videri id necessarium, nisi forte aliud ferat consuetudo, cui tanquam optimo legis interpreti omnino standum est; ideoque posse omnes colonos ingredi suis vicibus, ut sic tanto citius se expedire possint, & minor singulis imponatur labor, justitia distributiva id exigente: ita Magistri admodum docti a me consulti, & suffragatur praxis multorum locorum, Prælati scientibus, & consentientibus.

An autem censeri debeat delinquere contra Clausuram is, qui cum sit deputatus ad ferenda aliqua onera intra Monasterium, singulis vicibus minora onera sibi imponit, ut sic habeat occasionem pluries ingrediendi, cum alias posset sine suo gravi dispendio majora onera ferre.

127. *Resp.* Non videri delinquere; & ratio est, quod is vere ingreditur cum debita licentia; & aliis ex vi legis Clausuræ de rigore juris non tenetur sibi imponere onera tanti ponderis, quanti simpliciter posset ferre, ut sic tanto citius se expediat: in quo ergo sensu censendus est iste delinquere contra Clausuram? sic ego sentio, & ut puto, satis probabiliter.

Propnam modo casum, de quo olim in contingentia facti sui interrogatus. Quædam Moniales piam representationem scenicam factura, petierunt ab Ordinario licentiam admittendi intra Monasterium Pileorem, qui sibi scenam depingeret, jam constructam: dubitatum est, an hæc esset iusta causa concedendi ingressum dicto Pileori.

Resp. Quod, cum iusta causa concedendi ingressum intra Clausuram Monialium sit urgens necessitas, & hæc non debeat esse talis simpliciter, & absolute, sed moraliter, iudicio boni, ac prudentis viri, ut inter alios advertit *Miranda qu. 2. de Monial. art. 4.* in casu proposito videtur adesse iusta causa concedendi ingressum, dato, quod rationabiliter soleat concedi Monialibus, ut similes exhibeant representationes, sicut de facto communiter conceditur. Ducor, quod, quamvis bono Monialium non sit simpliciter necessaria exhibitio talium representationum; posita tamen consuetudine eas permitte, necessarium est, ut eis concedantur illa omnia, quæ ad talem effectum sunt necessaria, juxta illud: *Qui vult finem, debet velle & media ad finem, sine quibus id obtineri nequit*: at dato, quod scena intra Monasterium jam sit constructa (ut supponit casus), necessarius est Pileoris ingressus, ut eam ibi pingat: ergo adest iusta causa concedendi ingressum, iuxta, inquam, ex hypothesi facta: dico ex hypothesi, quia regulariter hujusmodi scenæ possunt per partes pingi extra Clausuram, antequam simul componentur: quod utique fieri potest æque bene extra Monasterium, & debet communiter sic observari: ita tunc respondi, & responsionem approbarunt viri satis docti postea a me consulti.

Quæres 27. An, & quomodo Prælati Monialium possint ipsas concedere, ut intra Clausuram admittant feminas seculares in obsequium, & famulatum proprii Monasterii.

128. *Resp.* „ Prælatos Monialium id „ concedere non posse sine speciali licen- „ tia Sacre Congreg., si sermo sit de mu- „ licibus secularibus admittendis ad ser- „ vitium commune totius Monasterii: ita „ enim pluries declaravit Sacra Congre- „ gatio, ut referunt *Gavantus in Enchy- „ ridio v. Monialium receptio n. 14.*, & „ *Nicolius in flosculis verb. Ancilla n. 2.*, „ addens Sedem etiam Apostolicam hanc „ licentiam regulariter denegare. Si ve- „ ro sit necessaria aliqua Ancilla secularis

„ PRO

pro servitio alicujus particularis Monialis, sive gravi senectute laborantis, sive affectu prava valetudine, sive juxta sui status exigentiam alicujus famulæ opera indigentis, cui commodè interservi nequeat per aliquam ex Monialibus Conversis, tunc etiam ad eam admittendam requiritur facultas Sacre Congregationis, quæ solet concedi, audita prius informatione Ordinarii, præsertim in Italia, ut constat ex aliis decretis Sacre Congregat. relatis ab eodem Nicolio n. 6., dummodo dicta Ancilla intra Clausuram admissa, eandem servet.

Addo, quod si Sacra Congregatio concedat nobili femine ingressum in Monasterium aliquod Monialium, ut ibi degat cum una famula, quæ sit virgo, ætate gravior; si primo electa ad talem effectum, ac ingressa Monasterium velit recedere, vi prioris licentiæ poterit ei substitui alia femina, quæ habeat easdem condiciones, modo licentia non fuerit limitata ad certam numero personam, sed data sit indeterminate: idque puto procedere, etsi mulier electa in famulam a fratre nobili dimittatur invita, eo quod minus bene impleat suum famulatum; & hoc toties, quoties femina nobilis iustam habeat causam faciendi dictam mutationem, secluso dolo quocumque. Ducor, quod talis præsumi potest esse mens Sacre Congregationis, sicque exigit æquitas; cum famulæ istæ mercenariæ non raro mutata voluntate resiliere soleant a priori famulatu, & id censeri possit advertisse Sacra Congregatio. Nec obstat, quod sermo simpliciter prolatus intelligitur de prima vice l. boves §. hoc sermone ff. de verb. signifi.; nam regula hæc fallit: Primo in dispositione, cujus causa non restringitur ad primum actum; Secundo ex verosimili mente disponentis; Tertio quando ex primo actu non est satisfactum menti disponentis, ut notat Tuschus concl. 499. litt. d. n. 30., 45., 46., quæ omnes limitationes videntur in præsentī casu militare.

129. De Monialibus certe Conversis jam admissis ait Nald. v. Monialis n. 14. eas posse recipi intra Clausuram ad interservien-

dum Monialibus pro majori earum probatione, & quidem ad duo, aut tres Menses, antequam recipiantur ad habitum regularem, sicque decisis fuisse a Sacra Congregatione; Sed requiritur licentia Sacre Congregationis juxta decreta relata a Nicolio in fustulis v. Conventus n. 11.

130. Quod autem dixi sub finem reservationis: dummodo servet Clausuram, non ita debet intelligi, ut cessante necessitate famulatus ipsarum, eæ non possint recedere (sine dubio enim possunt, sicut possunt & Novitiæ, & puellæ, quæ educantur in Monasterio) sed sensus est, quod quandiu volunt vacare obsequio Monialium, non possunt libere ingredi, & egredi, sed debent manere sub Clausura, & si exeant, absque nova licentia Superioris non possant iterum introduci.

Quæres 28. An, & quando famulus ordinarius Monasterii possit ingredi ad interserviendum Monialibus.

131. Resp. Non posse, nec debere ingredi, nisi in iis casibus, in quibus Moniales se ipsis non possunt commode præstare illud servitium (quod est dicere in casibus necessitatis moraliter urgentis) & si citra tales casus ingrediatur, delinquit contra Clausuram, & incurrit excommunicationem, quod bene debent advertere Moniales; quæ interdum sunt nimis faciles in admittendis propriis famulis, etiam ad ea obsequia, quæ Judicio prudentis possunt commode præstari a Monialibus Conversis, cum tamen etiam ipse in hoc peccet, & subiciantur penis superius explicatis, si non excusentur ratione inadvertentiæ, aut bonæ fidei, & alia concurrant, quæ diximus hic n. 86.

Quæres 29. An Moniales absque violatione Clausuræ possint admittere intra Monasteria malefactorem petentem ingredi ad evadendum periculum Judicis insequentis.

132. Resp. Non posse, quamvis aliqui malefactor in tali discrimine positus non peccaret ingrediendo, si ostium inveniret apertum; quippe cui præsens periculum aufert animum maturioris deliberationis, & jus tuendi vitam, aut vitandi grave corporis

corporis damnum censetur reddere licitum talem ingressum; ita in terminis Sanchez n. 59. Bonacina u. 14. Tamburin. sup. q. 7. alique, & patet, quia statum Monialium dedecet tueri malefactorem intra Clausuram proprii Monasterii.

An vero in casu proposito adsit justa causa concedendi iudicibus, & aliis viris licentiam ingrediendi ad expellendum malefactorem nolentem exire e Monasterio.

133. Resp. Adesse, cum non deceat virum commorari inter Moniales, & ex alia parte ipsis Monialibus non suppetant vires ad illum vi expellendum ita Sanchez Tambur., & Bonac. locis supra citatis; cum quibus sentit etiam Rodriguez tom. 1. quest. 47. art. 4., addens in tali eventu non esse opus recurrere ad Superiores longe absentes, cum sit periculum in mora; sed sufficere consensum Abbatis, atque discretarum.

134. Advertit tamen Tamburinus, & bene, quod si malefactor in casu proposito vere gaudeat immunitate Ecclesiæ, non potest subijci examini, neque detrudi in carcerem, cum removeatur a loco sacro, immuni; & id non fieri debeat cum præiudicio ipsius immunitatis. Unde patet, olim me bene respondi in casu, quo reus confugiat causa securitatis ad aliquam Ecclesiam Monialium, debere quidem inde removeri, etiam vi, si opus sit, ob rationem modo adductam; reponendum tamen esse in tuto loco, itaut gaudere possit etiam ibi privilegio immunitatis.

Quæres 30. An, & quomodo famina possint admitti intra Monasteria Monialium ad conversandum, immo etiam ad refectio-nem corporalem sumendam singulis annis pro certis vicibus.

135. Resp. Posse, de licentia tamen Papæ, & non alterius, quam ille non solet concedere, nisi cum certis limitationibus, ut videre est ex litteris similis concessionis, quæ sic habent: Tibi, quæ, ut asseris, Venerabilis Fratris nostri N. Cardinalis N. nuncupati consanguinea existis, ut a tribus Matronis, modesto, ac decenti habitu indutis; quas semel electas nec variare, nec mutare possis, nisi alicujus ea-

rum obitu eveniente, associata, & super veritate narratorum cognitione per Ordinarium loci adhibita, Sancti N., ac Sanctæ N., & Sancti N. Monialium Monasteria Civitatis N. tribus vicibus in totum, non autem eorum singula quolibet anno de earumdem Monialium capitulariter, & per secreta suffragia præstando, & illarum Superiorum consensu, non tamen Dominicis, seu aliis festis, aut vigiliarum diebus, neque Quadragesima, vel Adventus temporibus ingredi, ac cum eisdem Monialibus us conversari, & refectio-nem etiam sumere corporalem; dummodo tamen Monialium particularium cellas, præter eas, quarum causa Monasteria huiusmodi ingrederis, non visites, neque tu, minusque dicta Matrona inibi pernoctetis, libere, & licite possis, & valeas, Apostolica auctoritate tenore præsentium concedimus, & indulgemus; non obstantibus constitutionibus, & ordinationibus Apostolicis, ac dictorum Monasteriorum, & illorum Ordinum, etiam iuramento, confirmatione Apostolica, vel quavis firmitate alia roboratis, statutis, & consuetudinibus, ceterisque contrariis quibuscumque: præsentibus ad quinquennium tantum valituris.

136. Circa cujus concessionis intelligentiam, ac usum aliqua nobis hic breviter notanda sunt, & quidem primo nomine Matronarum venire feminas ætate, prudentia, ac pietate graves; immo & nobiles, si fieri possit: sic enim communis usu loquendi solet sumi nomen Matronæ, sicut præsumendum est sumi in præsentī concessionē, cum quilibet loquens censeri debeat usurpare verba juxta communem significationem.

Suppono autem comitatum dictarum trium Matronarum hic ita requiri, ut, si qua ex electis nolit, aut non possit die præscripta ingredi, femina privilegiata ingredi nequeat cum reliquis duabus; & ratio est, quod associatio trium Matronarum a Papa præscribitur in brevi, veluti ad custodiam feminæ privilegiatæ, & videtur spectare ad substantiam, ac solemnitatem rescripti, cujus forma non servata corruit concessio, cap. cum dilecta 22. de re-

script.

script. cap. si cui 23. de elect. in 6., poterit tamen eligi alia in sociam juxta dicendam §. *sequenti*, imo & debet ob rationem modo adductam, idque (stando in rigore juris) & absque consensu Ordinarii; quæ tamen requiri debet in ordine ad forum externum, ut sic consistere possit in tali foro, quæ matronæ electæ sint in socias a femina privilegiata. Dixi *stando in rigore juris*, ut indicarem ex tenore brevis ad electionem trium Matronarum vere non requiri interventum Ordinarii loci, cum id ibi non exprimitur, & alias versetur in materia odiosa, quæ non debet ampliari.

137. Noto secundo, hujusmodi Matronas, ubi semel electæ sunt, non posse mutari, neque variari, nisi ex secuta morte alicujus illarum; *mutari* autem est, iis pro semper exclusis, alias eligere ad ingrediturum; *variari* vero est pro una vice assumere in sociam aliquam, quæ non sit ex electis, spreta aliqua ex electis. Quamquam *Peyrin. in formul. litt. m. cap. 3. n. 4.* potest præfatam variationem non ita prohiberi, quia ea licite interdum possit fieri (ut si aliqua ex electis sit absens, aut ægrotata, aut non possit alias, vel etiam nolit associare licentiam ad ingrediturum) & probat, quia privilegium favorabile late interpretandum est; ideoque cum præfens concessio sit favorabilis, benigne potest interpretari, quod excludat solum mutationem, seu variationem sociarum voluntariam, non autem necessariam, per quam dicendum est potius loco alicujus ex sociis electis aliam supplere, quam illas mutari, seu variari; aliqui talis concessio facile redderetur inutilis, cum tamen tenor illius eam indicet esse perpetuam, & beneficium Principis deceat esse mansurum: ista doctrina videtur satis probabilis, modo in dicta mutatione non intercedat fraus, aut dolus.

Imo putant aliqui viri docti a me consulti, quod, si mulier aliqua cupit ingredi Monasterium aliquod Monialium tanquam socia, ideoque cupiens eligi in sociam a femina habente licentiam ingrediendi, & quidem loco alterius mulieris jam electæ in sociam, & adhuc viventis, curet, ut

femina ista electa libere eligat nolle pro ea vice associare, & hoc ad effectum, ut illa alia mulier loco ipsius substituitur in sociam, juxta doctrinam *Peyrini* supra traditam (quam probabilem censet *P. Baldellus* a me consultus in casu veræ necessitatis) electio videtur licita, & valida, nec potest reprehendi: probant, tum quia in tali casu verificatur, sociam electam non velle ingredi (ad quod parum videtur facere, quod ea nolit ingredi motu proprio, & ex se, aut ex instigatione feminae cupientis si bitui in sociam, dummodo libere eligat non velle ingredi), & consequenter adest justa causa faciendi præfatam substitutionem, aliis concessam tum quia mulier, quæ sic curat eligi in sociam, vere non potest dici facere fraudem; cum alioqui, simpliciter loquendo, eligi possit in sociam, & nullo jure prohibeatur indicare feminae jam electæ in sociam desiderium, quod habet ingrediturum; quantumvis prævideat ex tali notificatione, mulierem jam electam in sociam inductum iri ad nolendum tunc associare, ut ei gratificetur, quod est illam uti jure suo; non facit autem fraudem, qui utitur jure suo. Et hæc doctrina a fortiori procedit, etiam in sententia *P. Baldelli*, superius relata, in casu, quo mulier electa in sociam ingreditur religionem, ideoque non possit associare feminae privilegiam; cum in tali eventu concurrat casus veræ necessitatis, non autem meræ voluntatis; & verba illa Brevis Pontificii *quas semel electas nec variare, nec mutare possit, nisi alicujus earum obitu occurrentes*, benigne explicari possint, ita ut extendantur ad quemcumque alium casum similem: siquidem facultas ingrediturum Monasteria Monialium est beneficium, & gratia; beneficium autem Principis decet esse mansurum, & latam admittit interpretationem. Verum in his non recedendum a stylo Curie, qui proinde debet consuli, & servari.

138. Noto tertio, mentem concedentis esse, ut ejusmodi sociæ electæ contententur feminae licentiam non solum in ipso ingressu, sed etiam quamdiu illa com-
morat

moratur intra Monasterium, sicque ipsam associens, dum circumit Monasterium, ac invisit illius officinas, dum prandet, dum conversatur; nam concessionis tenor copulat verbum *associata cum ingredi, conversari cum Monialibus, & refectiorem etiam corporalem sumere*; præterquam quod finis præscribendi socias militat non solum in ingressu, sed etiam in ipsa commoratione: sicque procedit regula: *Ubi militat eadem ratio &c.*

139. Noto quarto, quod, dum dicitur in concessione, *de tribus Monasteriis, in quæ conceditur ingressus, tribus vicibus in totum, non autem eorum singula quolibet anno*: sensus est, quod vi talis concessionis non potest femina licentiata ingredi tribus vicibus quolibet dictorum trium Monasteriorum, sed tantum pro una vice quolibet illorum: idque juxta Bullam Pauli V. a nobis allatam supra c. 5. sect. 3. qu. 1.

Ex quorum verborum intelligentia puto, quod si in brevi concessionis nominentur quatuor Monasteria (quod interdum fit) & nihilominus in eo dicatur *tribus vicibus in totum &c.* in tali casu femina privilegiata quolibet anno ingredi poterit solum tria ex dictis Monasteriis, uno illorum omisso, juxta electionem ab ea libere faciendam. E contra si in brevi nominentur solum duo Monasteria (quod etiam fit) & tamen apponatur Clausula *tribus vicibus in totum &c.* tunc mulier privilegiata quolibet anno poterit bis ingredi unum ex nominatis Monasteriis semel tantum ingrediendo aliud Monasterium item nominatum: alias, si semel solum liceret ingredi quolibet anno quolibet dictorum duorum Monasteriorum, inutilis esset concessio trium vicium; cum aliqui actus semper explicari debeat potius, ut valeat, quam ut corruat, l. *quoties in actionibus ff. de rebus dubiis*.

At dissentit Bordonus, qui hac de re per litteras consultus ad me rescriptit in hæc verba: *Si nominentur in rescripto quatuor Monasteria, & Oratrix preces porrigit solum pro tribus, excludetur innominatum; si vero supplicavit pro quatuor, & rescriptum illa exprimit; uti potest gratia,*

non obstante Clausula tribus vicibus in totum &c. cum hoc vitium adscribi debeat scriptori, qui non advertit ad specialem gratiam factam, adeoque in reliquis adhibuit Clausulas generales, ac ordinarias. Probat, quia Princeps solet se accommodare præcibus sibi porrectis, l. *si preces ff. de leg. c. inter dilectos §. ceterum de fide instr.*: ubi Gloss. v. *petitioni*: cum ergo oratrix expresserit in petitione quatuor Monasteria, & obtinuerit, Clausula *tribus vicibus in totum* non obstat quo minus illa ingredi possit unumquodque ex illis quatuor Monasteriis, sicque Clausula *pro 3. vicibus* ex mente Papæ interpretari debet pro quatuor vicibus: & defectus attribuendus scribæ inadvertenter utenti stylo ordinario: e contra censet Bordonus, quod, si in concessione exprimentur solum duo Monasteria, & apponatur Clausula *pro tribus vicibus*; tunc oratrix semel tantum ingredi potest, cum certa detur regula non concedi duplicem ingressum; & gratia facta de duobus Monasteriis suum effectum sortitur, & valeat sic P. Bordonus mihi amicusissimus, & admodum doctus: at mecum senserunt quatuor viri doctissimi e Societate nostra.

Addo, quod licet seclusa Pauli V. Constitutione paulo ante relata verba illa *tribus vicibus in totum &c.* benigne possent explicari, ut vigore concessionis mulier privilegiata uno anno ingredi posset bis unum ex Monasteriis nominatis, & semel aliquod aliud item ex nominatis uno illorum omisso, cum in tali eventu verificetur unico anno non fieri ingressum tribus vicibus in aliquod ex nominatis Monasteriis, sed solum duabus vicibus, data tamen ea Constitutione admitti non potest, nec debet talis interpretatio.

140. Noto quinto, ultra consensum Monialium capitulariter præstandum per suffragia secreta requiri ad ingrediendum vigore istius concessionis etiam consensum Superioris Monasterii, in quod conceditur ingressus; nempe Ordinarii, si Monasterium non sit exemptum, aut subjectum Sedi Apostolicæ; vel Prælati regularis, si Monasterium sit exemptum.

141. Noto sexto: Per verba illa præsentis concessionis, dummodo tamen Monialium particularium cellas, præter eas, quarum causa Monasteria hujusmodi ingrederis, non visites, nequaquam prohiberi quo minus licentiatæ ad ingrediendum possint invisere officinas, & alia loca publica Monasterii; exceptio enim firmat regulam in contrarium, majorque adest ratio prohibendi visitationem particularium cellarum, quam locorum communium, ut patet: hæc tamen limitatio forte non est in usu.

142. Noto septimo: Hinc non improbabili posset inferri, licentiatam ad ingrediendum posse eligere ad ingressum diem illam, in qua Moniales illius Monasterii habituræ sunt spiritualem representationem in refectorio, aut alio loco publico: ducor, quod potest libere eligere illam diem, prout ipsi magis libuerit, dummodo non sit ex diebus in concessione prohibitis; ex alia parte potest accedere ad locum, in quo facienda est representatio, ibique libere commorari (ut suppono) quid ergo obstat, quin licite possit ingredi dicta die ad effectum interesse illi representationi? ita ego consului in contingentia facti, & approbaverunt viri sane docti.

143. Noto octavo: Quod cum ad talem ingressum requiratur, juxta dicta, consensus Monialium capitulariter datus; necesse est, ut major pars Monialium in talem ingressum consentiat: alioqui non diceretur Capitulum consentire, cum illud solum dicatur fieri a toto Conventu, quod sit a majori parte illius. „ Et addo, incur-
 „ rere excommunicationem mulieres ha-
 „ bentes privilegium ingrediendi Clausu-
 „ ram Monialium de consensu expresso
 „ earundem capitulariter præstando, si
 „ consensum prædictum a singulis seor-
 „ sim obtineant, & non capitulariter; ita,
 „ ut refert Bonacina de Clausura qu. 4.
 „ punct. 5. n. 8., declaravit Urbanus VIII.
 „ suo Brevis edito 27. Octobris 1624.,
 „ quod incipit: *Sacro sanctum Apostolatus*
 „ *ministerium*, de quo infra cap. 5. sect. 3.
 „ n. 172. qu. 46.

Censeo autem, consensum capitula-rem non esse præstandum a Monialibus quoad tres locas seorsim ab eo, qui præstat quoad feminam privilegiatam; nec requiri quoad utraque, ut præstetur toties quoties faciendus est ingressus, sed sufficit illum præstari ab initio simul, & semel: ratio est, quod sic verificantur verba brevis, & si Papa aliquid aliud intendisset, expressisset; præterquamquod talis est praxis, saltem in multis Diocesisibus, & alias simul sumus in materia odiosa, quæ sine sufficienti fundamento non debet ampliari.

144. Noto nono, quod, si contingat feminam vi talis concessionis ingrediendum Monasterium non posse illa die ibi sumere refectionem corporalem, sicut statuerat, eo quod ex repente accidenti fuerit domum revocata, ideoque non potuerit ibi diutius commorari; non propterea potest eodem anno iterum ingredi idem Monasterium ad prædandum, utpote alias frustrata sine concessionis sibi factæ ex illo accidenti emergente: moveor, quod cum tenor concessionis habeat, *ut ingredi, ac cum eisdem Monialibus conversari, & refectionem etiam corporalem sumere libere, & licite possint* ingressus is non videtur principaliter ordinatus ad corporalem communionem (ita ut persona licentiatæ in casu proposito dici possit frustrata suo fine, & concessio ipsa reddita inutilis) sicque non datur justa ratio præsumendi de mente concedentis, quod sit contentus eam iterum ingredi; præsertim cum simus in materia adeo zelosa. Secus dicendum, si femina privilegiata ex eventu inopinato statim, ac esset ingressa, cogeretur recedere; & hoc ex epicheja in eo fundata, quod verba intelliguntur cum effectu, qui in isto casu est conversatio cum Monialibus, quæ non est subsecuta.

Addo, quod si femina privilegiata hoc anno semel tantum ingrediatur unum ex Monasteriis concessis, cum possit ingredi ter quolibet anno, non ideo potest anno sequenti quinque ingredi, quasi in compensationem, juxta illud: *Quod differtur, non aufertur*, ff. de jure l. cum furiosus, & just. de sing. reper. fideic. relit.

§. itaque contra c. de inoffic. testam. l. sancimus §. fin. moveor, quod in brevi dicitur tribus vicibus in totum quolibet anno, quod utique non verificaretur in isto casu, si femina quinquies uno, ac eodem anno ingrederetur, & tamen causa limitata non potest producere, nisi effectum limitatum, l. age c. de transact., & causa determinata determinatum parit effectum, l. cum pater §. dulcissimis ff. de legat. 2.: Quæ ratio item probat, non posse feminam anticipare ingressum, ita ut hoc anno ingrediatur quinquies, animo ingrediendi anno sequenti solum una vice.

145. **A**d ingressum Clausura petitur licentia legitima.

146. Talis licentia datur ab Ordinario quoad Moniales non exemptas, & etiam quoad exemptas.

147. In casu, quo danda sit ab Ordinario, dari potest etiam ab ejus generali Vicario speciale mandatum ad id habente.

148. In eodem casu dari potest a Capitulo Sede vacante.

149. Quoad Moniales exemptas danda a Provinciali, non autem a Prelato locali, nisi ex commissione Provincialis, aut Generalis.

150. Requiritur ad ingressum Clausuræ consensus Abbatisse, seu Conventus.

151. Facultas dandi talem licentiam committitur soli Superiori Conventus in capite.

152. Abbatisa jure ordinario nequit dare talem licentiam, posset ex delegatione.

153. Si Papa Moniales aliquas subderet alicui soli Prelato locali, dicta licentia ab eo solo dari posset, & non a Generali, & Provinciali, quibus ea aliis subessent.

154. In Conventu aliquarum Monialium conceditur ingressus a solo Papa.

155. Licentia ad ingrediendum extra casus necessitatis dari potest a solo Papa.

156. Ingressus Clausuræ non conceditur siue causa rationabili manifeste, ac necessaria; non tamen necessitate logi-

ca, sed morali judicio viri prudentis; & quomodo talis necessitas attendi potest ex parte proximi graviter indigentis.

157. Causa quando dicitur manifesta, & qualiter influat in validitatem licentia.

158. Licentia ingrediendi debet item esse specialis, & in scriptis.

159. Extenditur ad socum.

160. Non finitur primo actu, nisi aliter colligatur de mente concedentis.

161. Data Medico, & aliis officialibus Conventus renovatur quovis trimestri: quod alii extendunt ad semestrem.

162. Qualiter ea debeat esse specialis.

163. Licentia generalis data iis omnibus, quos Abbatissa v. gr. judicaverit esse opus ingredi, etiam ipsa esse debet in scriptis.

164. In necessitate repentina, & gravi permittitur ingressus sine licentia, si Superior adiri nequeat, & periculum sit in mora.

165. Revocatio licentiarum facta a Gregorio XIII., & Paulo V. non ligat Imperatrices, Reginas, ac earum filias.

166. Ingressus finito negotio, ad quod conceditur, non nisi brevi ibi manet, si non sit usus contrarius: indicatur, quæ commoratio sit mortalis.

167. Non violant Clausuram ingredientibus cum licentia, etsi habeant malum finem.

168. Violat, qui se ponens in rota eam vertit ad partem interiorem Clausuræ.

169. Et ascendens murum Clausuræ utroque pede ei insidet Clausuram versus.

170. An qui se statuit in ipso ostio Clausuræ.

171. Licentia ingrediendi quoad numerum vicinam stricte explicatur, aliis late interpretanda, idque ex Pauli V. decreto.

172. Qualiter Moniales consentire debeant in in-

in ingressum ex Urbani VIII. decreto.

173. Hoc decretum obligat solum quoad ingressum famularum, (non tamen in casu, quo ingressura sit Imperatrix, aut alia mulier privilegiata) & in casu, quo fiat ingressus, sine necessitate.
174. Violatio Clausuræ Monialium specialiter reservatur Papæ, sed non semper.

Quæres 31. Quid requiratur ad hoc, ut, non obstante generali prohibitione non ingrediendi Monasteria Monialium, possit quis ea licite ingredi.

145. Resp. **R**equiri legitimam Superioris licentiam: idque ex Concil. Trid. sess. 25. de Regul. c. 5. ubi dicitur: Ingressi autem intra septa Monasterii nemini liceat cujuscumque generis, aut conditionis, sexus, vel ætatis fuerint, sine Episcopo, vel Superioris licentia in scriptis obtenta, sub excommunicationis pœna ipso facto incurrenda.

Quæres 32. Cujus sit concedere licentiam ingrediendi Monasteria Monialium tam exemptarum, quam non exemptarum.

146. Respondi olim sic distinguendo: vel loquimur de Monialibus immediate subiectis Episcopo, aut de iis, quæ subjiçuntur Sedi Apostolicæ; & concessio talis licentiæ spectat ad Episcopum, ejusque Vicarium generale, speciale mandatum ad hoc habentem: quoad illas quidem Moniales potestate ordinaria, quoad has vero delegata. Vel loquimur de Monialibus exemptis ab Ordinario, & subiectis Prælati regularibus, & quoad has concessio licentiæ spectat ad ipsos Prælatos regulares, non autem ad Episcopum, aut ejus Vicarium. Ita Navarr. comm. 4. de Regul. n. 60., Azor. tom. 1. lib. 13. c. 8. qu. 7., Rodriquo. tom. 1. qu. 46. art. 6., Sanchez lib. 6. mor. cap. 16. n. 13., Barbosa de offic. Episcop. alleg. 102. n. 40., aliique apud Tamburin. de jure Abbatiss. d. 13. qu. 1. n. 4., & probatur, tum ex declaratione Sacræ Congregationis, quam refert Tamburin. n. 6. his verbis: Sacra Congregatio Cardinalium

Concilii interpretum censuit, licentias ingrediendi intra septa Monialium ex vera tantum necessitate concedendas quoad Monasteria Regularibus subiecta pertinere tantum ad ipsos Superiores regulares. „ Nunc „ vero mutata sententia alicro, requiri „ etiam licentiam Episcopi pro licito in „ gressu in Monasteria quoque regulari „ bus subiecta. Primo, quia illius est da „ re licentiam ingrediendi Clausuram, „ cui est commissæ cura indicendi, & con „ servandi Clausuram, juxta illud: Per „ quas causas res nascitur, per easdem „ dissolvitur. Atqui commissæ est etiam „ Episcopo cura indicendi, & confer „ vandi Clausuram, etiam in Monasteria „ Monialium Regularibus subiecta, ut „ vidimus hoc capite sess. 1. n. 6. Ergo re „ quiritur etiam licentia Episcopi ad in „ grediendum Clausuram horum Mona „ steriorum. Secundo, quia Episcopi ma „ jorem notitiam habent qualitatis perso „ narum, & facilius punire possunt trans „ gressores, quam Superiores Regulari „ um, & ex hoc motivo, ut refert Pi „ gnatelli. tom. 6. consult. 85. n. 239., & „ segg. Sacra Congregatio die 24. Augu „ sti 1593. denunciari jussit omnibus Pro „ curatoribus Ordinum, & Congregatio „ num Regularium decretum fuisse in Sa „ cra Congregatione, ut in posterum nul „ la admittatur persona ad colloquen „ dum cum Monialibus, neque intra „ Clausuram Monasteriorum earumdem „ Regularibus subiectorum sine licentia „ in scriptis Ordinarii locorum, præter „ illam, quæ ad hunc finem obtinenda erit „ a Superioribus Regularibus, non ob „ stante quacumque lege, statuto, & con „ suetudine in contrarium, cum mandato, „ ut ipsi Procuratores de hoc decreto „ certos redderent Generales, & Provin „ ciales omnes, ut illud ubique sine ulla „ exceptione fervari facerent. Id ipsum „ pluries declaravit Sacra Congregatio „ & Episcoporum, & Concilii, ut vide „ re est apud Nicolium in fosculis v. Clau „ sura n. 17., licet adesset in contrarium „ declaratio Sacræ Congregationis Con „ cilio (illa fortasse, de qua supra men „

tionem fecimus eum Tamburino, & apud Pignatell. tom. 10. consult. 41., ubi inter alia refert decretum editum 13. Novembris 1610. sequentis tenoris: ut princeps intra ejusmodi septa nemini ingredi, nec alloqui liceat, nisi licentia concedenda in casibus necessariis, quæ Moniales respiciant, nedum a Superioribus Regularibus dictorum Monasteriorum, sed etiam a locorum ordinariis obtenta fuerint, non obstantibus quibuscumque contrariis legibus, statutis, & consuetudinibus immemorabilibus. Et addit aliud decretum ejusdem Sacræ Congregationis die 21. Maii 1630. approbatum ab Urbano VIII., quo caveatur, ut in illis locis, in quibus ex consuetudine licentiæ hujusmodi ab Episcopis tantum conceduntur, talis consuetudo observetur, & ipsorum Episcoporum tantummodo licentia sufficiat etiam privative quoad ipsos Regulares.

Hoc autem verum est, & habet locum etiam præcédendo a supradicto decreto approbato ab Urbano VIII., ut notat Bonacina in additionibus posthumis ad tom. 1. disput. de Claus. quest. 4. part. 2. n. 3. in iis locis, in quibus facultas non solum alloquendi Moniales, sed etiam ingrediendi Monasteria Monialium Regularibus subiecta concedi potest, & solet ab Episcopis privative ad Superiores Regulares: id enim licite fit, si fiat ex consuetudine post Concilium Tridentinum inducta, cum consuetudo tribuat jus, ut declaravit Sacra Congregatio Cardinalis sess. 25. cap. 5., ubi etiam explicat, an Episcopo aliqua facultas competat circa licentias a Prælati Regularibus concessas, circa ingressum in Monialium Monasteria sibi subiecta dato, quod Superioribus Regularibus competat jus concedendi dictas licentias privative ad Ordinarios: ait enim servandam esse consuetudinem, juxta quam Superiores Regulares solent concedere ejusmodi licentias: si tamen Episcopus aliqua ex causa expedire judicavit præfatas licentias a Regularibus concessas improbare, poterit aliquam particularem impedire, quoties probabiliter ita expedire judicaverit, quia

cura Clausuræ maxime spectat ad Episcopos.

147. Dixi in responsione ejusve Vicarium Generalem speciale mandatum ad id habentem, ut innuere nomine Episcopi hic venire etiam Vicarium generalem; cum Sacra Congregatio Cardinalium, teste Suarez to. 4. de Relig. tract. 8. lib. 1. cap. 10. num. 11. sic declaraverit, addens tamen, dummodo mandatum speciale ad hoc habeat ostendendo concessionem licentiæ ingrediendi Clausuram Monialium esse casum adeo specialem, ut reputari non debeat in generali concessione nisi exprimat.

148. Concedit tamen Suarez, & bene, nomine Episcopi hic venire, tum Capitulum Sede vacante, & consequenter Vicarium Capitularem, cum succedat in ordinaria jurisdictione Episcopali, & respectu Monasteriorum non exemptionum comprehendi possit etiam nomine Superioris: tum a fortiori Episcopum electum, & confirmatum, quamvis nondum consecratum, cum hujusmodi actus sit jurisdictionis Episcopalis quam ille potest exercere, cap. transmissam de electione in Abbatibus sæcularibus, aut similes Prælatos inferiores jurisdictionem Episcopalem habentes, si habeant aliqua Monialium Monasteria sibi subiecta.

Difficultas est quoad Monasteria immediate subiecta Regularibus, quis debeat intelligi nomine Superioris ad effectum concedendi licentiam ingrediendi; an scilicet Generalis, aut Provincialis, aut Prælati localis.

149. Resp. Suarez n. 13. stando in jure Concilii Tridentini sufficere licentiam Provincialis, quippe qui est quasi Episcopus, quoad jurisdictionem respectu suorum subditorum, non item Prælati localis; siquidem, cum Concilium sub disjunctione ponat Episcopum, & Superiorem, videtur cum proportionem loqui de Superiore habente locum Episcopi, quoad jurisdictionem, eum quoad hoc adesse æqualitatem rationis: constat autem Prælatum localem, simpliciter loquendo, non habere jurisdictionem Episcopalem: unde facultas concedendi præfata licentiam non pertinet

ad jo.

ad jurisdictionem ordinariam Prælati localis, saltem in Ordinibus Mendicantibus; quamquam si Provincialis, aut Generalis voluerit committere hujusmodi potestatem Prælato alicui locali, qui alias item sit immediatus Prælatus Ordinarius Monialium, possit id facere, etiam juxta mentem Concilii. Quod si ex vi regulæ alicujus Ordinis necessaria sit licentia Generalis, id non repugnat Concilio, cum Generalis tunc sit Superior quoad illum casum, & non alius, sicque de eo verificetur decretum Bonifacii VIII. statuentis ad ingrediendum Clausuram Monialium requiri licentiam specialem ejus, ad quem pertinent: in quo Concilium nihil innovavit. Quæ doctrina proportionaliter militaret etiam in casu, quo Constitutiones Reglarsdicham fac illatam restringerent ad Papam: cum per legem generalem non derogentur statuta particularia, quorum mentio non fit, præsertim, quando illorum rigor magis favet intentioni legis, & Concilium ipsum *supra cap. 22.* declarat se non intendere per superiora decreta relaxare illa ex parte arctiores regulas.

150. Cæterum notandum est, quod, quando dicimus ad ingrediendum Clausuram Monialium sufficere licentiam Episcopi, aut Superioris, non ideo excluditur consensus Abbatis, seu Monasterii; hic enim ex natura rei supponitur, & necessarius est, semperque sub intelligitur in facultate, quando non egreditur terminos facultatis; quamquam posset evenire talis casus, aut occasio, quod Prælatus posset non solum dare facultatem ingrediendi, sed etiam præcipere, etsi opus foret, etiam cogere Moniales, ut ingressum non impediant, quod pendet ex modo jurisdictionis, & causæ hic, & nunc occurrentis.

151. Addit *Suarez n. 54.* Prælatum Regularem non posse committere facultatem concedendi dictam licentiam alicui, qui non sit Superior Monasterii in capite, ut vocant; probatque ex eo, quod Concilium Trid. vult solos Superiores posse habere hujusmodi facultatem: tales autem simpliciter dicuntur ii, qui sunt in capite.

Utrum autem Abbatissa possit in aliquo casu dare talem licentiam.

152. *Resp.* Jure ordinario non posse, & probatur, tum quia is solum potest dare licentiam ingrediendi Clausuram, qui potest illam indicere: At Abbatissa non potest indicere Clausuram: ergo: tum quia Concilium expresse statuit talem licentiam debere concedi ab Episcopo, aut Superiore, & postea subdit, *neque ullus ullo modo possit, etiam vigore cujuscumque facultatis, vel indulti hactenus concessi, vel in posterum concedendi* (intellige, dare talem licentiam) sicque excludit Abbatissam: cum nomen masculini generis comprehendat etiam feminas, ut est vulgaris regulæ est communis DD. apud *Navarr. supra n. 59.*, qui addit *n. 60.* posse nihilominus Episcopus delegare Abbatissæ facultatem concedendi præfatam licentiam in casibus sæpius contingentibus, si id judicaverint expedire, & hoc ne Moniales cum magno suo incommodo cogantur passim recurrere ad Episcopos, quibus interdum non est ita facilis accessus: cum Navarro sentiant *Sanchez n. 23.*, *Rodrig. art. 2.*, *Bonacini qu. 4. de Clausura p. 2. n. 5.* *Tamburin. qu. 4. n. 4.*, & alii contra Suarez oppositum sustinentem, & ut puto, conformius ad praxim; quamvis alioqui opinio Navarri sit satis probabilis. Quin etiam notat *Barbosa n. 39. ex Rodrig. & Campanili*, quod, si Superior Monialium longe absit, potest præfata Monasterii in casibus repentinis concedere licentiam ingrediendi, idque ex Prælati ratihabitione fundat: in rationalitate casus occurrentis: quamvis alias, simpliciter loquendo, non sit necesse obtinere talem licentiam ab Abbatis, nisi eo modo, quo diximus *supra §. cæterum*, & advertit *Castro Pal. trakt. 16. d. 4. part. 10: §. 2. n. 8.*

153. Notant præterea *Sanchez n. 56.*, & *Rodrig. art. 5.*, quod si auctoritate Papæ monasterium aliquod Monialium subderetur alicui soli peculiari Prælato conventuali, non posset Generalis, aut Provincialis dare licentiam ingrediendi tale monasterium, cum revera nullam in illud habeant jurisdictionem: possant tamen in visita-

visitatione inquirere, num talis Prælatas ea potestate usus fuerit licite, illumque punire, si in hoc deliquisset: cum in hoc non exerceatur jurisdictio in monasterium illud, sed solum in religiosum ipsi subiectum: quæ ratio probat, idem dicendum esse, etiam de Episcopo respectu Clerici sæcularis, cui modo dicto monasterium aliquod Monialium subderetur.

154. Quo modo autem ad ingrediendum monasteria Monialium S. Claræ, ac Conceptionis non sufficiat sola licentia Episcopi, aut Superioris, sed requiratur licentia Papæ, & hoc idem locum habeat in Fratribus Minoribus, bene ostendunt *Miranda art. 3.*, *Rodriguez art. 3.* *Sanchez n. 20.* & alii, constatque ex dictis hac quæ. 5. difficultas est, sub finem.

155. Quod autem spectat ad licentiam ingrediendi Clausuram Monialium, sicut certum est, eam posse dari ab Episcopo in casibus necessariis, juxta dicenda infra n. 156., sic solus Papa extra casus necessarios illam dare potest, & debet: non autem ullus ipso inferior, nec Legatus de latere in sua Provincia, ut non semel ex Curia Romana in casu occurrenti rescriptum est a Secretario Sacræ Congregationis Episcoporum, & Regularium, ut ego met audiui a viro in dignitate constituto, ac fide dignissimo. Et ratio est, quod licentiam illam non potest dare Legatus de latere, neque de jure communi, neque ex Brevis Legationis, neque ut Ordinarius totius suæ Provinciæ: non de jure communi, cum tale jus non extet (quod ego sciam): non ex Brevis Legationis, cum, ut talis habeat solum illam potestatem, quam habet quilibet Episcopus in propria Diocesi, & alioqui licentiam talem dare non possit Episcopus in sua Diocesi extra casus necessarios: ex nullo autem alio capite dici potest, quod Legatus de Latere dare possit dictam licentiam, ut consideranti patebit: sique, me consulente, Eminentiſſimus quidam Legatus de Latere olim denegavit similem licentiam, alias paratus illam dare, si ejus potestas ad hoc se extendisset: & a viro fide digno intellexi, Legatum quemdam alium de Late-

re a Papa tunc regnante fuisse acriter redargutum, eo quod talem licentiam dedisset. Concedo tamen, quod sicut Episcopus in sua Diocesi potest dare dictam licentiam in casibus necessariis, sic de rigore juris eam dare potest & Legatus de Latere in sua Provincia, cum in ea sit Ordinarius, imo major quocumque Ordinario, ut colligitur ex cap. 2. de offic. Legat. in 6. & cap. si Abbatem de election. in 6., etsi fortè id non semper expedit, multa enim licent, quæ non expediunt.

Quæres 33. *Quæ & qualis causa requiratur ad ingressum licite concedendum intra septa Monialium.*

156. Resp. Quod cum in Concilio Tridentino sess. citat. c. 5. dicatur, nisi rationabilis, & manifesta causa existat, ac de illius, ad quem pertinuerit, speciali licentia: & infra, dare autem tantum Episcopus, vel Superior licentiam debet in casibus necessariis, ut quod Bonifac. VIII. in cap. periculoso de regul. in 6. vocat causam rationabilem, nisi rationabilis & manifesta causa existat, Concilium vocet necessariam, consequenter dicendum est causam, quæ requiritur ad licite ingrediendum, debere esse & necessariam, & manifestam: necessariam inquam, non necessitate Logica, aut Metaphysica (quam alii vocant absolutam) sed morali, regulanda arbitrio Prælati, eaque majori, ad hoc ut ingrediantur viri, quam ut intrent scemina, ita Sanchez supra n. 40. Rodriguez art. 4. Mirand. art. 4. Barbosa num. 48. Portel. de dub. regul. vers. clausur. monial. n. 4. alique communiter apud Tamburin. supra d. 24. qu. 1. n. 1., qui aliis pluribus citatis, recte ait tunc recenseri posse dare necessitatem moralem admittendi extraneos intra clausuram, quando aliquid in Monasterio fieri debet, quod per solas Moniales fieri nequit commode: sive talis necessitas sit ex parte monasterii, sive Monialium. Probatur autem responsio; tum quia præcepta Ecclesiæ benigne debent explicari, eorumque obligatio regulariter suspenditur ex morali necessitate hic, & nunc adveniente: tum quia in capite periculoso, non requiritur strictissima necessitas,

stas, sed causa rationabilis, quam supponit moralis necessitas: unde, cum Tridentinum in præsentī materia maxime inhæreat dicto textui, & Gregorius XIII. decreto Tridentini, sequitur ab ipsis ad ingressum clausuræ solum peti causam gravem, cui moraliter absque tali ingressu succurri non possit, quod est bene advertendum.

Porro, quod diximus, necessitatem sufficientem ad ingrediendum clausuram Monialium attendi debere, sive ex parte Monialium, sive ex parte ipsius Monasterii, non facit, quin etiam interdum attendi possit ex parte Proximi graviter indigentis, ut constat ex dictis supra n. 116. §. *moneo*, & confirmatur ex doctrina, quam tradit Sanchez lib. 6. moral. cap. 16. n. 60. videlicet in aliquo casu posse concedi facultatem ingrediendi clausuram Monialium causa deponendi pecuniam alicuius extranei intra illum, si attentis præsentibus circumstantiis, non sit alius locus tutus ad pecuniam deponendam; sicque charitas suadeat depositum illud debere admitti; & pondus pecuniæ sit tantum, ut commodè per Moniales nequeat intro-mitti: in quo casu constat, causam concedendi ingressum non esse necessitatem monasterii, aut Monialium, sed personæ extraneæ, ut patebit consideranti verba a Sanchez posita loco citato sub *siem*.

„ Ne tamen Episcopi in danda huius-
„ modi licentia errent, quid quid sit de
„ hac doctrina P. Sanchez, meminerint a
„ Sacra Congregatione expressè declaratum
„ fuisse, quod causa necessaria propter
„ quam permittitur Episcopis, & Superi-
„ ori dare licentiam ingressus, solum
„ intelligitur, quando necessitas militat a
„ parte monasterii, non autem solum a
„ parte externorum, qui intraturi sunt,
„ ut videre est apud Nicosium in *lucubr.*
„ canon. lib. 3. tit. 5. n. 5. & Pignattell.
„ tom. 6. consult. 85. n. 114.

157. Adde ex Bonacina, hic causam dici manifestam non solum quando ea est nota toti populo, sed etiam quando nota est soli Prælati, qui concessurus est licentiam: non enim idem est manifestum, &

publicum, in capite autem periculo so req. i-
ritur causa manifesta, non vero publica.
Quin addit Bonacina sup. p. 4. n. 3. ad hoc,
ut causa concedendi licentiam ingressus,
iudicetur sufficiens, non requiri, ut de ea
certo, ac evidenter constet; sed sufficere,
quod de ea constet probabiliter, aliàs aperiretur via infinitis scrupulis, & interdum
in cognoscenda certitudine causæ tantum
temporis insumeretur, ut existente peri-
culo in mora, jam inutilis esset ingressus
sini intento.

Monet autem Sanchez supra n. 90.,
quod sicut ingrediens clausuram Monia-
lium cum licentia legitima incurrit pœnas
latas a Gregorio XIII. in Constitut. *Vbi
gratia*, si tunc temporis non subsistat cau-
sa, ex qua licentia data fuerat (quod idem
clare significat Suarez d. 22. de *Censur.*
sess. 6. n. 14.) sic e contra præfatas pœnas
non incurrit, qui ingreditur cum licentia
data ex causa subsistente pro tempore in-
gressus, quæ vere non subsistebat pro
tempore, quo data fuit licentia. Priorem
partem huius assertionis probat Sanchez,
quia ex tenore allegatæ Constitutionis puni-
antur ingredientibus ex licentia, si absque
causa urgenti ingrediantur, nec dicit
textus, quando nulla fuit causa concessio-
nis: hic autem sit ingressus sine causa,
cum hæc cessaverit pro tempore ingressus;
posteriorem verò partem probat, quia in
tali casu ingressus verè non sit extra casus
urgentes, & alioqui citata Constitutio par-
um curat in his pœnis de valore licentiæ
(licentia enim hic data est irrita) sed solum
punit ingredientibus absque casu neces-
sitatis vi licentiæ suorum Superiorum. Ita
Sanchez addens, in hoc posteriori casu in-
currere excommunicationem latam a Concilio
Trident. *sess. 25. de regul. c. 5.*, & a nobis
superius explicatam; cum ingressus fiat
sine licentia, quippe quæ data fuit sine
causa pro tempore concessiois subsisten-
te, & fieri non potuit valida ex causa
postea superveniente.

Quæres 34. Qualis debeat esse licentia
ad hoc, ut ingressus clausuræ sit licitus, &
legitimus.

158. Resp. Quod cum Concilium Tri-
den-

dentin. supra loquens de tali licentia dicat, *sine Episcopi, vel Superioris licentia in scriptis obtenta*, communiter Doctores sustinent, ejusmodi licentiam debere esse specialem, & in scriptis, etiam quoad forum conscientiarum, idque ob dicta *fest. præced. qu. 9.* ubi etiam retulimus aliquos Doctores sustinentes solum pro foro externo requiri a Concilio, ut præfata licentia sit in scriptis, quorum opinio regulariter quidem non videtur deducenda in praxim; eo quod in foro externo sequens oppositam sententiam minus benignam posset procedere contra taliter ingredientem; absolute tamen in aliquo casu gravioris necessitatis, in quo commode haberi non posset scriptura, non auderem damnare peccati mortalis dictum ingredientem, cum opinio illum excusans a peccato non sit omnino improbabilis tam a principiis intrinsecis, quam extrinsecis, ut vidimus citata *qu. 9.*

Quæres 35. *An licentia concessa ad ingrediendum clausuram Monialium extendatur ad socium.*

159. *Resp.* Extendi, ideoque non esse opus, ut in ea exprimatür socius, quotiescumque persona ingrediens, aut finis, ad quem sit ingressus juxta decentiam status, aut conditionem rei requirunt socius: Colligitur aperte ex *Sanehez n. 46.* probaturque tum ex capite licet de privil. in 6., ubi deciditur, concessio alicui ingressu ad audienda divina tempore interdicti, censeri etiam concessum ingressum comitum decentium, ne alias privilegium sit inutile, ut advertit ibi *Glossa v. Non debent*: tum quia ipsemet Gregorius XIII. in sua Constitutione, quæ incipit *Dubiis, qua emergunt*, id non obscure indicat, dum jubet Prælati ingredientibus in casibus necessariis, ut comitati ingredientur: tum quia accessorium sequitur principale, adeoque concessio principali, præsumitur concessum etiam accessorium; constat autem, quod socius in præsentī casu habet rationem accessorii.

Quæres 36. *An, & quando licentia ingrediendi clausuram Monialium finiatur prima actu.*

160. *Resp.* Videri probabile non finire, nisi ex concurrentibus circumstantiis aliter colligatur de mente concedentis; & ratio est, quod licet privilegium in odiosis, litigiosis, ac penalibus finiatur unico actu, in favorabilibus tamen, aut parum onerosis fieri potest extensio ad iteratos actus, quoties privilegium conceditur absolute, nisi aliter conficiatur de intentione concedentis, juxta *l. placet ff. de liberis, & posthumis*: quæ ratio inde etiam confirmatur, quod modo, ex stylo Curie Romanæ, licentiæ ingrediendi clausuram Monialium solent limitari & quoad numerum vicium, & quoad socios, & quoad tempus, & quoad alias similes circumstantias, ut sic tollatur omnis ratio illas interpretandi cum majori amplitudine: ita Bonacina *qu. 3. de clausur. part. 5. n. 8.* ex Navarro, Nugno, Sayro, Regin., & aliis contra plures alios ab ipso Bonacina citatos, quos sequitur Tamburinus *supra d. 23. qu. 5. n. 5.* dicens ex Riccio sic de facto judicatum fuisse.

Quæres 37. *An, & qualiter debeat renovari licentia ingrediendi clausuram Monialium, qua conceditur Medicis, Chirurgis, Hortulanis, aliisque similibus operariis.*

161. *Resp.* Debere renovari singulis quibusque trimestribus, & hoc ex decreto Sac. Congregationis Regularium 27. Martii 1588. allegato apud Tamburinum *supra d. 24. qu. 6. n. 7.*, quamvis Reverendiss. Bonafides Vicarius Generalis Ecclesiæ Ferrariensis mihi testatus sit, se habere exemplar alterius declarationis ejusdem Sac. Congregationis, qua præcipitur solum, ut dicta licentia renovetur unoquoque semestri; sicque in Synodo Ferrariensi habita sub Etno Cardinale Magaloto *sic de San. Dimonialibus* statutum fuisse, ut licentiæ Medicorum, ac Operariorum quolibet semestri renoventur: ut proinde dicendum sit, hac in re standum esse consuetudini uniuscujusque Diocesis.

Quæres 38. *An licentia ingrediendi clausuram Monialium necessario debeat esse specialis, & in scriptis.*

162. *Resp.* Sufficere, quod sit generalis, idque non obstante, quod in cap. *peri-*

periculoso sæpius citato requiratur specialis licentia iis verbis: *sine speciali licentia*; siquidem teste Sanchez n.28. Doctores ibi nomine licentiz intelligunt, quod ea specialiter concedatur ad ingressum, non autem solum indirecte, & consequenter (quomodo Superior concedens facultatem fabricandi in Monasterio censetur conferre cæmentariis, & aliis operariis facultatem ingrediendi ipsum Monasterium, juxta regulam: *Concedens principale censetur concedere & accessoria*, sine quibus illud obtineri nequit: At ista facultas non efficit specialis in ordine ad ingressum, sed generalis, ideoque insufficientis) non autem intelligunt Doctores, quod dicta licentia debeat concedi toties quoties, & non generaliter (ad tres menses v. g.) vel quod non possit esse generalis, sive quoad Monasteria, sive quoad personas ingressuras: ut si concedatur alicui Medico generalis facultas ingrediendi omnia Monasteria Monialium existentia in aliqua Civitate: aut concedatur alicui Abbatisæ, ut possit intra Clausuram admittere omnes bajulos, medicos, fabros, & similes; hæc enim licentiz essent speciales quoad ingressum (quod solum requiritur in cap. *periculoso*) licet generales quoad personas singulares, & Monasteria particularia, sicut bene notavit Bonacina sup. p.3. n.1., & ante illum Sanchez ubi sup., cum quibus sentit Tamburin. qu.5. n.1., monens n.2. ingredientem non esse opus licentia scripta, sicut petit Concilium Tridentinum, si ingrediatur una cum ipso Episcopo, aut Superiore; sique decusum fuisse in Concilio Mediolanensi VI.: Et certe, quod licentia ingrediendi non debeat esse specialis in eo sensu, ut concedi debeat toties quoties, constat ex communi pravi Episcoporum, ac Superiorum, qui ad certum tempus solent concedere Medicis, Chirurgis, & aliis similibus licentiam generalem ingrediendi Monasteria Monialium, quotiescumque illorum opera fuerit ipsis necessaria.

Addo ad hoc, ut licentia ingrediendi Conventum Artifici cum sociis dici possit specialis, non requirit, ut socii proprio

nomine exprimantur: ducor, tum quia socii identidem mutantur, ideoque licentia crebro innovanda esset non sine tedio, ac molestia Superioris, si socii nominatum debent exprimi: tum quia sic habet praxis in pluribus Diocæsis, & maxime Ferrariæ, ubi Artifici principali in specie nominato licentia ingrediendi una cum sociis conceditur, apposta hac clausula: *quod si intra Clausuram a sociis aliquis excessus committatur, is imputetur ipsi Artifici*: idque, ut ille sit cautior in sociis suis tum eligendis, tum regendis: qui mos mihi plurimum probatur.

163. Qualiter autem talis licentia debeat esse in scriptis, constat ex dictis *sest. præced. n.39.* solum hic addo talem scripturam peti etiam in casu, quo Prælati licentiam generalem ingrediendi det omnibus iis, quos Abbatisa v. gr. ingredi opus esse judicaverit: cum ista concessio sit vera licentia ingrediendi, ut notat *Castro Palao tr.16. d.4. p.10. §.2. n.6.* non item in casu, quo Abbatisæ generaliter concedatur, ut possit dare licentiam ingrediendi quibuscumque in casu necessario; hæc enim concessio non est vere licentia ingrediendi, sicque non debet esse in scriptis.

Quæres 30. *An dari possint aliqui casus, in quibus possit quis ingredi Clausuram Monialium absque debita licentia Superioris.*

164. Resp. Possè in necessitatibus repentinis, & quidem gravibus, in quibus periculosa est mora, & accessus ad Superiorem est moraliter impossibilis: quavis in talibus casibus petenda sit licentia ab Abbatisa, sicut diximus qu.32. §. *cæterum*: ita Sanchez n.34. Rodríguez to.1. qu.46. art.2. Azorius tom.1. lib.13. cap.8. Bonacina sup. qu.4. part.3. n.2., alique; & patet tum ex dictis citata qu.32. §. *utrum* vero: tum quia necessitas caret lege: tum quia præcepta humana etiam Ecclesiæ non obligant cum tanto incommodo: tum quia impossibile non est obligatio: talia autem reputantur, quæ sunt valde difficilia.

Quæres 40. *An generalis revocatio licentiarum facta a Gregorio XIII. & Paulo V. quoad ingrediendum Monasteria Mo-*

nialium, afficiat etiam Imperatrices, Reginas, & filias illarum.

165. *Resp.* Videri non afficere; & ratio est, quod cum revocatio dicta licentiarum sit odiosa, non debet ampliari ultra rigorosam verborum significationem, sed potius restringi; itaut sit quam minimè onerosa: in bulla autem Gregorii XIII. quæ incipit: *Ubigratiæ* dicitur prohibitus ingressus in Monasteria Monialium quibuscumque personis etiam Comitissis, Marchionissis, Ducissis, nulla facta mentione de Imperatricibus, Reginis, & filiabus earum (quod item fit in motu proprio Pauli V. hac de re edito): quod est signum præfatis iuribus non comprehendi personas status longe altioris, utpote dignas speciali nota: unde & *Concilium Tridentinum sess. 25. de regul. c. 5.* nomine personarum cuiuscumque generis, & conditionis in præsentia materia utens eodem modo loquendi, non includit personas tantæ notæ (idque puto esse verum, etsi filix Imperatricum, & Reginarum sint nuptæ Principi inferiori) ita Sanchez lib. 6. moral. cap. 16. n. 3., Rodriguez tom. 1. qu. 48. art. 1. Bonacina qu. 4. de Claus. part. 1. n. 4. & alii contra alios oppositum sustinentes, & probabiliter, tunc Bonacina.

Quæres 41. *An & qualiter ingrediens Clausuram Monialium cum debita licentia ad peragendum ibi aliquod ministerium, eo absoluto possit ibi ad aliquod tempus commorari curiositatis gratia.*

166. *Resp.* Dixi olim posse, & quidem etiam sine peccato veniali contra Clausuram, si commoratio sit brevis, (cuiusmodi esset mora unius quadrantis horæ) juxta Tamburinum. *supr. quæst. 12. n. 2.* pro se allegantem Villalobum, & Dianam, idem sentientes: ratio responsionis erat, quod, quamvis ingrediens Clausuram Monialium cum debita facultate, de rigore juris exire debeat finito negotio, ad quod concessus fuit ingressus; usu tamen receptum est, ut præceptum Clausuræ non intelligatur cum tanto rigore.

„Nunc tamen responsio, & doctrina, na tradita non habet amplius locum; us enim contrarius invaluit, & licen-

tia, quæ conceditur ad ingrediendam Clausuram, semper datur cum limitatione, & conditione apposita, ut ingrediens ad aliquod ministerium, eo finito statim egrediatur de Monasterio, & nullatenus in eo immoretur ad colloquendum cum Monialibus, & sic solent fieri cum Medicis, & aliis operariis, a quibus etiam iuramentum exigitur de hac conditione inter alias servanda, ex præscripto Sacræ Congreg. Episcoporum, & Regularium, ut videre est apud Pignattell. tom. 6. *consult. 85. n. 78. 110.*, & 112. Notandum præterea, eum, qui intrat pro uno servitio, si postea vagetur per Monasterium, plusquam requirit ministerium, vel permittit licentia, ne in eadem in excommunicationem, sicut & Moniales id permittentes: Ita Sacra Congreg. in Assisienti 4. Augusti 1602., in Sulmonensi 4. Septembris, & in aliis responsionibus, quas refert Nicolius in *fofculis v. licentia n. 42.* „Unde uni-, versaliter loquendo non est verum, quod possunt viri timorati absque scrupulo occasione ingressus alicuius Monasterii Monialium circumire officinas illius, ita docuerunt Sanchez n. 69., Rodriguez *sup. qu. 47. art. 11.*, Miranda qu. 2. de Monial. art. 20., Bonacin. p. 4. n. 22., Peyrin. tom. 2. *privileg. Constit. 6. Pii V. n. 32.*, Diana part. 3. *tract. 2. resolut. 51.*, & alii.

Quæres 42. *An dici possit violare Clausuram, & subjacere penis indictis contra transgressores, is, qui legitimam habens licentiam ingrediendi Clausuram Monialium, ingreditur animo, & peragendi negotium ad quod fuit concessus ingressus, & simul fornicandi cum Moniali.*

167. *Resp.* Videri probabile, quod posset dici in isto casu neque violari Clausuram, neque incurri penas latas contra transgressores: colligitur ex Sanchez supra, & patet ex dictis *sess. præced. qu. 45.*

Quæres 42. *An possit dici ingressus Monasterium Monialium is, qui se ponens in rota a parte exteriori patente secularibus, postea facit se volui ad partem interiorem Clausuræ patentem solis Monialibus, & quidem deponens e rota ambos pedes, num-*

quærit

quam tamen recedens ab ipsa rota, usque dum ea iterum volvatur ad partem exteriorem.

168. *Resp.* Istum debere dici in tali casu ingreſſum, ita ut incurrat pœnas, idque ob dicta scđ. præced. qu. 35.

Quæres 43. *An violet Clausuram Monialium ingrediendo, qui per scalam ligneam ascendens ad parietem ipsius Clausuræ ipsi insidet, utroque pede deposito versus partem interiorem Clausuræ.*

169. *Resp.* Violare, juxta ea, quæ diximus scđ. præc. qu. 38.

Quæres 44. *An violet Clausuram ingrediendo, qui se statuit in ostio ipsiusmet Clausuræ.*

170. *Resp.* Non violare, docuit Naldus v. Clausuram n. 14. dicens, Clausuræ ostio consistentem, ibique delinquentem non dici delinquere in Clausurâ, cum partim sit intra, & partim extra; sed standum est iis, quæ dixi in simili casu scđ. præc. qu. 36.

Quæres 45. *Stricte ne, an late interpretari debeant licentia, & facultates ingrediendi Monasteria Monialium concessa a Papa.*

171. *Resp.* Quod quamvis stando in jure communi, debeant interpretari late, quantum patitur propria verborum significatio: Cum simus in materia favorabili, quæ debet ampliari, juxta regulam juris: *Favores oportet ampliari*: attenta tamen Constitutione Pauli V. edita 1. Septembris 1608., quæ incipit: *Facilestam*, eæ debent stricte explicari quoad numerum vicium, pro quibus dictus ingreſſus conceditur, ita ut habens vi unius talis licentia facultatem ingrediendi plura Monasteria Monialium pluribus vicibus, non possit ingredi pluribus vicibus singula dictorum plurium Monasteriorum, sed solum semel unumquodque illorum: unde, si cui concedatur facultas ingrediendi plura Monasteria Monialium pluribus vicibus, non possit ingredi pluribus vicibus singula dictorum plurium Monasteriorum, sed solum semel unumquodque illorum: unde, si cui concedatur facultas ingrediendi plura Monasteria tribus vicibus, vi talis

facultatis is non potest ingredi, nisi tria Monasteria, & consequenter unumquodque illorum trium semel tantum; idque, licet in concessione non apponeretur clausula in totum, seu in universa, non autem in eorum aliqua, vel singula; sic enim statuit Paulus V. in citata Constitutione his verbis: *Tenore præsentium statuimus, & ordinamus, quod nulla persona cujuscumque gradus, status, & conditionis, ac præminentia existat, etiam si Ducali, Marchionali, aut alia dignitate præfulgeat, vigore licentiarum plura Monasteria, domos, & loca Monialium pluribus vicibus ingredi, etiam absque clausula in totum, seu in universa, non autem in eorum aliqua, vel singula a nobis, vel prædecessoribus nostris Romanis Pontificibus, sub quovis tenore, vel forma, etiam motu proprio concessarum, & expeditarum, aut in posterum forsau concedendarum, & expediendarum, aliqua, vel singula Monasteria pluribus vicibus ingredi possit; sed licentia hujusmodi respectu universorum, non autem aliquorum, vel singulorum Monasteriorum suffragentur; ita ut cui bis in anno, seu amplius plura Monasteria ingredi conceditur, bis, vel amplius tantum universa, non autem eorum aliqua, vel singula ingredi liceat, etiam si prædicta Monasteria in diversis Civitatibus, terris, Diocesiis, & locis existant: iisdemque mulieribus aliter, quam, ut præfertur, easdem licentias interpretari, vel illis uti sub censuris, & penis a Concilio Tridentino, & Apostolicis Constitutionibus intra septa Monasteriorum Monialium absque licentia ingredientibus insidiis ipso facto incurrendis eadem auctoritate prohibemus.* Hæc Paulus V.; quæ ex dictis satis clare patent, si monuero, quod cum Paulus V. restrinxerit interpretationem præfatarum licentiarum solum quoad definiendum numerum vicium, pro quibus fieri potest ingreſſus vi dictarum licentiarum; & loquatur solum de licentiis obtentis a Papa ad præfatum ingreſſum: consequenter quoad alia particularia, ea etiam modo possunt, ac debent interpretari juxta regulas generales Doctorum de interpretatione legis favorabilis: & talis

restrictio non procedit quoad licentias obtentas ab inferioribus Papa.

Quæres 46. *An consensus, & qualis Monialium requiratur, ut femina habens legitimam licentiam ingrediendi aliquod Monasterium, possit licite ea uti, ac libere ingredi.*

172. *Resp.* Requiritur consensus Monialium Monasterii, in quo faciendus est ingressus, eumque capitulariter prælitum per secreta suffragia majoris partis illarum: & hoc ex Constitutione Urbani VIII. hac de re edita 27. Octobris 1624., quæ sic habet: *Motu proprio, & ex certa scientia nostra, harum serie decernimus, atque declaramus, consensum dictarum Monialium (in quarum Conventum ingrediendum est, vigore licentiæ Pontificiæ) de cætero per easdem Moniales capitulariter, & per secreta suffragia prælitum esse, & præstari debere: aliis licentiæ hujusmodi mulieribus, quibus concessæ fuerunt, nullatenus suffragentur, & quæ Sanctimonialium Monasteria vigore licentiarum prædictarum, absque consensu capitulariter prælitio, ingredi præsumpserint, sententias, censuras, & penas contra Clausuras Monasteriorum Monialium violantes inflittas se noverint incursumas. Dixi per secreta suffragia majoris partis illarum, ut indicarem, quod cum in citata Constitutione non determinetur expresse, num præfatus consensus præstari debeat ab omnibus, ac singulis Monialibus, an sufficiat eum præstari a majori parte Capituli: dicendum est, sufficere eum præstari a majori parte Monialium capitulariter congregatarum, juxta cap. 1. de his, quæ sunt a majori parte; hoc enim ipso, quod Papa de hoc nihil novi statuit, illud reliquit dispositioni juris communis, ut recte notavit Tamburin. supra d. 24. q. 19. num. 2.*

An vero dictus consensus majoris partis Monialium capitulariter, & per secreta suffragia prælitus requiratur vi præfate Constitutionis Urbani VIII. In casu, quo vir aliquis ingrediatur Monasteria Monialium de licentia Papæ, aut etiam in casibus, in quibus viri, aut femina de licentia Ordina-

narii, aut Superioris ingressuri sunt ratione urgentis necessitatis.

173. *Resp.* Quod cum in citata Constitutione sit mentio solum de licentiis concessis mulieribus a Papa (ut clare constat ex tenore textus), & aliqui versemur in materia odiosa, quæ non debet ampliari, sed restringi: dicendum est. consensum illum non requiri, neque in casu, quo vir aliquis esset ingressurus de licentia Papæ, cum ibi non sit sermo de licentiis, quæ conceduntur viris a Papa extra casus necessarios (forte quia vir, aut nunquam solent concedi; ideoque non erat, cur comprehenderentur lege generali complectente solum casus communiter contingentes) neque in casu, quo de licentia Ordinarii, aut Superioris vir aliquis, aut aliqua femina ingredi debeat ratione urgentis necessitatis, juxta juris communis concessionem; cum ibi tantum sit sermo de licentiis, quæ conceduntur a Papa, non autem de licentiis, quæ de jure communi dantur in casibus necessariis ab Ordinario, aut Superiore. Quin etiam puto, dictum consensum Monialium non requiri in eventum, quo ingressura sit, sive aliqua persona privilegiata, v. gr. Imperatrix, aut Regina, (ad quas diximus non extendi prohibitionem ingrediendi Clausuram Monialium) sive aliqua puella admittenda ad habitum Religiosum, & probationem Novitatus; sive femina aliqua conjugata, aut vidua de licentia Papæ ad commorandum ibi ex justa causa ad aliquod tempus. Ducor, quod vel in istis casibus nulla intervenit licentia Papæ (quæ tamen hic supponitur) vel, si intervenit, ea non videtur comprehendi citata Constitutione Urbani VIII.; quippe qui loquitur de licentiis, quæ solent perturbare pacem Monialium, ut colligitur ex verbis illius, quæ habentur in premio relatæ constitutionis; quæ Sanctimonialium quieti opportune consulitur: tales autem videntur esse solum ex licentiis, quæ a Papa conceduntur ad ingrediendum Monasteria Monialium absque causa, & ad aliquot horas v. gr. ad sumendum ibi prandium certo aliquo die, ad visitandam consanguineam,

ad videndam fabricam Monasterii &c. ita docti viri a me consulti.

Quæres 47. *An, & quando violatio Clausuræ Monialium sit reservata Papa quoad extraneos ingredientiæ.*

174. *Resp.* Esse, si fiat ad malum finem contra Castitatem, idque ex Decreto Sacræ Congregationis jussu Clementis VIII. edito 26. Novembris 1602. relato a *Quæres* in sua Bullaria v. *Casus reservati pag. mibi 199.* late explicando.

SECTIO IV.

De observantia Clausuræ Monialium quoad ingressum Puellarum in Monasterio ad tempus educandarum.

175. **A**liqua jura afferuntur, quibus videtur prohiberi talis educatio, vere tamen non extat talis prohibitio in presentia.
176. Quid de hoc statuerit Sacra Congregatio Cardinalium.
177. Talis receptio non permittitur omnibus Monasteriis Monialium.
178. Ad eam petitur consensus Monialium Capitularis, & per suffragia secreta.
179. Petitur & consensus Prælati Monialium: immo, si nimis differatur ingressus, requiritur novus consensus Monasterii.
180. Puella non recipiendæ, nisi in numero taxato.
181. Illis non conceditur ancilla.
182. Non debent esse minores 7. annis, nec majores 25.
183. De rigore non videtur opus, quod septennium completum sit, etsi obset praxis.
184. Ordinarius non dispensat, ut puella ultra annum vigesimum quintum maneat intra Clausuram.
185. Puellarum alimenta anticipate solvenda in pecunia quolibet semestri.
186. Ea habitant scorsim a Monialibus.
187. Non tenentur ad Clausuram, nisi quod egressa prohibentur reingredi

sine licentia, præterquam quod in casu aliquo extraordinario, qui proponitur.

188. Debent incedere vestitu modesto.
189. Non excommunicatur cogens puellam ingredi Clausuram in educationem.
190. Puella in Monasteriis exemptis degentes in educatione eximuntur ab Ordinario, quod tamen alii negant, *quæres*.
191. Subsunt reservationi casuum Ordinarii, si sint in Monasterio item exempto.
192. Tempore interdicii assistunt Divinis Officiis, servatis tamen servandis.
193. Possunt intra Clausuram testari de bonis, si cum periculo vite agrosent.

Quæres 1. *An, & quo jure intra Monialium monasteria recipi possint puella educationis causa.*

175. *Resp.* **Q**uod, quamvis in Concilio Aquilgranensi sub Leone III. c.4. can.3. expresse statuatur in Monialium monasteriis illas tantum virgines esse educandas, quæ in dictis monasteriis voluerint perseverare; & hoc idem sancitum sit in Concilio Aurelianensi V. sub Vigilio Papa, immo & in capit. periculofo de regul. in 6. iis verbis. Nullique aliquatenus inhonestæ personæ, vel etiam honestæ ingressus, vel accessus pateat ad easdem (idest ad Moniales) ut sic a publicis, & mundanis aspectibus separatæ omnino servire Deo valeant. Nihilominus dicendum est, puellas educationis causa posse admitti intra Monialium monasteria, dummodo id fiat cum debita licentia, & servatis servandis; idque non esse prohibitum neque a Concilio Trident. sess. 25. de regul. c.5. per ea verba. Ingressi autem intra septa monasterii nemini liceat cuiuscumque generis, aut conditionis, sexus, vel ætatis fieri, neque ullo alio jure ex iis, quæ refert Tamburinus de jure Abbatiss. d.1. p.1. n.1. allegans plures Doctores nobilium sentientes, & maxime Rodriguez t.1. qu.46. art.10. ostendens id non solum esse

licet.

licitum, immo & esse consulendum, tamquam valde utile & puellis ipsis, quæ educantur, & monasteriis, in quibus educantur; ex enim ibi sanctis moribus instituuntur, & inde ad religionem afficiuntur, & ad profitendum promoventur: quod si statum conjugalem assumant, majorem procul dubio virtutis, orationis, & misericordie operum curam habent, ac frequentius, & diligentius ad poenitentiam, & Eucharistiæ Sacramentum.

Ratio autem præsentis responsionis maxime nititur decreto Sacre Congregationis 31. Augusti 1575. edito, quod refert *Quarantia v. Monasteria Monialium* in hæc verba: *Nullo Concilii decreto prohibetur quominus puellæ in monasteriis Monialium educantur, si tamen eadem monasteria ante Concilium consueverint hujusmodi puellas recipere, sicque a Superioribus monasteriorum scriptam licentiam obtinuerint, atque Abbatissa, & reliquarum Monialium consensus accesserit: tum vero hæc ipsæ puellæ eo vestitu in monasteria intrinquantur, qui virginali pudori, ac modestiæ conveniat, nullamque secum famulam adducant, nec manere in eis possint, nisi usque ad ætatis suæ annum 25. atque in eis, dum erunt, eandem servent clausuræ legem, quam Moniales ipsæ, & si semel exierint, nullam habeant ad eam revertendi facultatem.* Ubi notandum hic proponi illas omnes conditiones, quæ necessariæ sunt ad recipiendas, ac retinendas puellas intra monialium monasteria, ut ibi educantur; at ex melius explicabuntur in seqq. qq.

Quæres 2. An de facto qualibet monasteria Monialium possint recipere Puellas ibi educandas.

177. *Resp.* Non posse quælibet, sed solum ea, quæ habent talem consuetudinem, nec aliunde id ipsis prohibetur: unde neque monasteria S. Clara, neque illa alia, quæ a principio, & a sua fundatione promiserunt clausuram, seu ad illam servandam voto, vel præcepto regulæ se obligarunt, possunt dictas puellas recipere (pro ut teste *Miranda qu. i. de Monial. art. 6.* sæpius declaravit Sacra Congrega-

tio.) neque Monasteria Convertitarum; cum id non sit in usu, immo etiam fuerit prohibitum a Sacra Congregatione 12. Martii 1619. apud *Gavantum in Mann. v. Monial. educ. art. n. 4.*

Quæres 3. Qualis consensus Superioris, Abbatissæ, ac Monialium requiratur ad hoc, ut puella intra clausuram recipi possint ad educationem.

178. *Resp.* *Longum est de consensu Monialium, ut detur capitulariter, & per suffragia secreta; ideoque non sufficere, quod Abbatissa in capitulo simpliciter proponat receptionem dictarum puellarum, sed requiri, ut præfatus consensus per occulta suffragia sigillatim, & capitulariter præstetur, iam ab Abbatissa, quam ab aliis Monialibus (intellige saltem a majori parte illarum, juxta c. 1. de his quæ sunt a majori parte) ita Barboza lib. 1. de jure Ecclesiast. c. 44. n. 54., & cum eo Tamburinus qu. 2. n. 5. præsentem probantes responsionem ex quadam declaratione Sacre Congregationis facta die 4. Januarii 1608. quibus accedit *Portell. de dub. regul. v. clausura §. cujus ætatis puellæ num. 12.**

179. „ Adde præter consensum Abbatissæ, & Monialium, & licentiam Superioris scriptam (qui superior quoad hoc punctum est Ordinarius respectu Monialium non exemptarum, aut Prælati Regularis respectu exemptarum) requiri etiam licentiam Sacre Congregationis Episcoporum, & Regularium; eamque obtentam præsentandam esse ei, cui directæ fuerit, nec non in præfixæ Cancellariæ registris recondendam; alias enim invalida redderetur: idque ex declaratione ejusdem Sacre Congregationis 27. Maii 1603. relata a *Gavanto supra n. 8.*

„ Dixi quoad hoc punctum, nam ut testatur Monacell. in formular. p. 1. Titul. XI. formula XI. num. 16. in Monasteriis subiectis regularibus, obtenta licentia Sacre Congregationis possunt recipi, & admitti Educandæ consensu Episcopi non requisito, cum sola licentia Superioris Regularis, ut declaravit

„ Sacra

„ Sacra Congregatio Episcoporum, &
 „ Regularium in Cremonen. Terræ Son-
 „ cini 1. Septembr. 1690. Si tamen Sacra
 „ Congregatio executionem prædictæ
 „ licentiæ Episcopis committat, ut
 „ aliquando solet; tunc erit necessarius
 „ consensus Episcoporum etiam pro Monaste-
 „ riis Regularibus subiectis.

Accedit, quod si puella, obtenta facultate ingrediendi monasterium causa educationis, nimis differat ingressum, non videtur posse ingredi sine novo consensu monasterii: si concurrant proportionaliter, quæ diximus in simili c. 2. n. 11. §. *an autem*: par enim ratio militat in utroque casu.

Quæres 4. In quo numero admitti possint puella intra monasteria Monialium ad educationem.

180. *Resp.* Non posse admitti, nisi in eo numero, qui unicuique monasterio fuerit deputatus, juxta decretum Sacræ Congregationis editum 27. Maii 1603. & relatum a Gavanto n. 7., quamvis alias nihil referat, quod in idem monasterium educandæ recipiantur duæ Sorores, aut etiam plures, ut advertit Tamburinus n. 6. ex Barbosa.

Quæres 5. An una cum puella admitenda ad educationem possit simul recipi aliqua sociæ, aut ancilla, quæ ei interserviat, si puella recipienda sit valde nobilis, ac dives.

181. *Resp.* Non posse absque facultate Sacræ Congregationis; quæ teste Tamburino n. 7. rogata, ut in hoc dispensaret cum quadam puella à familia Caracciola, respondit, non dari ancillam pro educandis: idque ex decreto ejusdem Sacræ Congregationis factò 12. Martii 1619. & relato à Barbosa supra n. 55.

Quæres 6. Cujus ætatis debeant esse puellæ, ut licite possint intra Monialium monasteria admitti ad educationem.

182. *Resp.* Non debere esse minorem 7. annis, nec majorem 25. ita Barbosa de Officio Episcop. allegat. 102. n. 64. aliis citatis, referens sic decisum fuisse à Sacra Congregatione, quæ teste eodem Barbosa n. 45. item statuit, quod ubi puella tra-

ditæ Monialibus in educationem explevit 25. annum, vel statim egrediat, vel si non egreditur, statim Episcopus ei constituat præfixum terminum sive ad exeundum e monasterio, sive ad religiosum habitum suscipiendum. Quamquam si ea in tali casu non statim egrediat, non ideo incurrat excommunicationem, commorando intra clausuram; sicut nec eam incurrunt Abbatisse monasteriorum, illas post dictum tempus retinentes: Et ratio est, quod talis excommunicatio ligat illicitè ingredientibus clausuram Monialium, aut detinentes illicitè ingressum: quorum nullum verificatur in præsentis casu.

Dubium esse potest, qualiter explicari debeat, quod diximus supra, puellam non posse admitti ad educationem intra Monialium clausuram, si minor sit septennio: num scilicet annus septimus debeat esse expletus de momento in momentum, vel solum moraliter: quo pacto puella dici possit 7. annorum, etsi illi decessant aliquot dies.

183. *Resp.* De rigore juris non videri necessarium, quod annus 7. sit expletus de momento in momentum, eo modo, quo ad valorem professionis Religiosæ requiritur, ut annus ætatis 16. sit completus de momento in momentum; siquidem finis, ob quem præscribitur ætas septennii completi ad ingrediendum monasteria Monialium causa educationis, non est ita gravis, ac est finis, ob quem ad valorem professionis requiritur, ut annus ætatis 16. sit completus; sique mirum non est, admitti parvitatem materis in ætate requisita ad ingrediendum causa educationis, & non admitti in ætate præscripta ad valorem religiosæ professionis: idque etiam ex interpretativo consensu Superioris utramque illam ætatem præscribentis. Dixi de rigore juris, quia praxis videtur esse in contrarium, saltem in multis locis: nimirum, quod Ordinarii non sinant puellas ingredi ad educationem intra monasteria Monialium, nisi post septennium expletum, quantumvis ante illam ætatem completam à Sacra Congregatione obtinuerint facultatem ingrediendi, sique jubeant illas differre ingressum, usque

que dum ætatem debitam septennii compleverint.

Dubium paulo majus esse posset, an Ordinarius loci, occurrente justa causa, ut puella commoretur ultra annum ætatis 25. completum intra Monasterium, possit cum ea in hoc dispensare: & ratio dubitandi est, quod hic agitur non de ingrediendo monasterium, ad quod concedendum requiritur major potestas, sed de permanendo post ingressum legitimum, ad quod utique requiritur longe minor potestas.

184. *Resp.* Ordinarium non posse in hoc dispensare, & ratio est, quod nullus inferior potest dispensare in lege Superioris; constat autem, quod Sacra Congregatio Episcoporum, quæ prohibet puellas intra clausuram commorari educationis causa ultra annum 25. ætatis completum, est Superior quocumque Ordinario, & quilibet Ordinarius respectu illius est inferior: ergo non poterit dispensare in dicta prohibitione. Quamquam negari non possit, in præsentis materia dari aliquam latitudinem, ideoque puellam degentem intra clausuram titulo educationis non teneat exire statim, ac explevit 25. ætatis annum, maxime attenta doctrina, quam tradit *N. d. v. verba n. 22. clausulam statim illico* & similem solere intelligi cum aliquo intervallo temporis, idque juxta subiectam materiam, & quidem interdum etiam trium mensium, immo & quatuor juxta qualitatem rei, de qua agitur; quæ doctrina a fortiori hic locum habet, stante, quod in decreto allato Sacræ Congregationis non extat, (quod ego sciam) particula *statim*, aut alia similis.

Quæ doctrina proportionaliter procedit in casu, quo femina aliqua ingrederetur Monasterium ad serviendum fœminæ alicui nobili ibi de licentia Papæ degenti, & femina hæc nobilis ibi moreretur; tunc enim mulier admissa ad ejus famulatum debet egredi & Clausura: quippe quæ ibi erat accessorie, & cessante principali, cessat accessorium: quamquam si mulier ex alia justa causa detinenda esset intra monasterium, posset ibi permanere, usque dum obtineatur licentia, quæ Romæ procuretur.

Quæres 7. Qualiter debeant ministrari alimenta puellis, quæ intra Monasteria Monialium educantur.

185. *Resp.* Debere solvi anticipare in quolibet semestri, & quidem in pecunia, nec permittendum esse, quod parentes earum ipsis transmittant victum dietæ; idque ex decreto Sacræ Congregationis facti 27. Maii 1603. & adducto a Gavanto supra n. 11. quin etiam notat Tamburinus n. 17. pro solutione dictorum alimentorum idoneam securitatem constituendam esse, & hoc, ut tanto cautius consulatur inde mnitati monasteriorum.

Quæres 8. In quo loco Monasterii habitare debeant puella recepta in educationem.

186. *Resp.* Debent habitare in loco separato tam a dormitorio Monialium, quam a loco, in quo ipsæ Moniales solent vacare operibus manuum: idque esse adeo necessarium, ut Monasteria non habentia loca propria destinata ad usum puellarum ibi educandarum, non possint hujusmodi puellas recipere in educationem ex decreto Sacræ Congregationis edito 16. Januarii 1615. quod refert *Barbosa lib. 1. de jure Eccles. c. 44. n. 53.*

Quæres 9. An, & quo modo puella admitti in educationem intra Monasteria Monialium teneantur servare clausuram.

187. *Resp.* Teneri, non quidem, quod sine debita licentia exeuntes incurrant excommunicationem latam contra Moniales violantes clausuram, (ut censet Tamburinus n. 14. ex Pollacco, dicens, præfatas puellas non incurrere dictam excommunicationem etiam si exeant animo non revertendi amplius) sed quod ubi semel exierint, non possint iterum recipi absque nova licentia Sacræ Congregationis, quam petere debent, exprimendo se aliàs extitisse causam educationis in eodem, aut alio monasterio; prout notant *Barbosa in collect. v. puella, & Tamburinus n. 15. monens*, quod ait *Rodriguez tom. 1. qu. 46. art. 10.* puellam e Monasterio exeuntem ad balnea causa valetudinis, posse iterum reverti in idem monasterium, si recta via a balneis redeat ad clausuram, non habere verum.

Verum, nisi in casu, quo de licentia Sacre Congregationis ea recedat e Monasterio ad dictum effectum. Et certe quod dictæ puellæ non teneantur servare clausuram ita ut exeuntes incurrant excommunicationem, inde suadet, quod neque Novitiæ tempore novitatus eo rigore adstringuntur lege clausuræ, ut tradunt Navar. Aprius, Zerola, Sanchez, & alii, quos citat, & sequitur *Tamburinus supra d. 18. qu. 6. n. 1.* id inde probantes, quod iura, quibus indicitur clausura, loquuntur solum de Monialibus tacite, aut expresse professis, quales utique non sunt Novitiæ, ut patet: quæ ratio sine dubio a fortiori intentum probat in puellis, quæ educantur intra Monasteria Monialium: unde non video, cur citati Doctores velint, illas subicere legi clausuræ instar Monialium: quod si ad id moventur ex verbis illis, quæ habentur in decreto Sacre Congregationis relato *qu. 1. atque in eis, dum erunt, eandem servent legem clausuræ, quam Moniales ipsæ*: constat ex dictis eos niti fundamento minus firmo; siquidem sensus illorum verborum esse potest, illas non posse exire de Clausura cum jure iterum revertendi ad illam: unde & subditur in decreto, *et si semel exierint, nullam habeant ad eam revertendi facultatem*: quod est, teneri aliquo modo lege clausuræ, non tamen eodem prorsus modo, quo tenentur Moniales. Ita Docti viri a me consulti, & patet tum ex dictis, tum ex doctrina, quam Doctores tradunt cum *Sd v. interpretatio num. 2.* nimirum, quod, ubi agitur de obligatione imponenda, stricta debet fieri interpretatio, *c. 1. de jure jurando in 6.*

Quod si hac occasione quæras: An Puella educationis causa jam admissa intra clausuram, si ex causa gravi, necessaria, ac urgenti, ita ut sit periculum in mora, exeat jussu Episcopi proprii, regressura eadem die ad monasterium, possit sine nova licentia Sacre Congregationis recipi iterum intra clausuram.

Resp. Videri posse: etsi in licentia ingredi clausuram causa educationis dari solita puellis apponatur clausula; & si

semel exierint, nullam habeant ad eam revertendi facultatem: posse, inquam, non de rigore juris, sed ex Epicheja, in presentibus circumstantiis prudenter concepta. Ducor, tum quia clausula illa pie potest explicari de egressu puellæ spontaneo, atque simpliciter voluntario, non autem de necessario, qualis est egressus, de quo hic agitur: tum quia lex respicit casus communiter contingentes, non extraordinarios, ac insolitos; ergo & prohibitio illa non redeundi intra clausuram sine nova licentia non extenditur ad præsentem casum, adeo extraordinarium: tum quia lex vetans alienationem bonorum Ecclesiasticorum intelligitur de alienatione voluntaria, non necessaria; ergo & prohibitio non ingrediendi iterum clausuram, facta puellis in casu proposito, debet intelligi de puellis voluntarie egredientibus, adeoque non procedit in casu, quo egressus sit necessarius: tum quia brevi abfuturus habetur pro præfenti, & Religiosus de licentia sui Prælati manens extra Conventum, reputatur esse in Conventu, hæc autem proportionaliter in nostro casu procedunt: tum quia necessitas facit licitum, quod alias non erat licitum: *cap. quod non est licitum de regul. jur.* & necessitas non habet legem *l. si quis propter C. de patrib.*, qui *fil. su. distrax.*: ita docti viri consulti, nec improbabiler, si non obstat stylus Curie. Quibus non parum favet declaratio Sacre Congregationis relata apud *Marfillam capit. de statu regul. tit. 12. c. 20. his verbis. Ex puella, cujus deliberatio in dubium revocatur, Ordinarius diligentissime querere debet, an Deo religiose inservire, atque inter Moniales, apud quas est, professionem emittere, aut nubere velit; & hoc fieri debet necessariis interrogationibus, & quid quid respondet, describi debet a publico Notario, presentibus idoneis testibus: qua quidem puella si ob aliquam causam probabilem videtur Ordinarius non esse examinanda in monasterio, examinari debet in Ecclesia ejus Monasterii, vel alio religioso loco, qui aptior, & commodior videbitur: puto autem nomine Ecclesiæ hic intelligi Ecclesiam exteriorem:*

Z

siqui-

siquidem de interiori Monialium Ecclesia inutilis f. iſſet hæc declaratio, cum nulla eſſet ratio dubitandi, quod illa exploratio non poſſet fieri de puella ad talem eſſe-ctum conveniente in interiorem Eccleſiam. Unde, & eadem Sacra Congregatio item declaravit, Ordinarii non debere explorare voluntatem puellæ, quæ habitum recipit in Monasterio, ad petitionem illius, qui vult in uxorem ducere, ſed expectandum tempus faciendæ profeſſionis: & tunc, ſi ſit ſuſpicio, quod inſigetur a Monialibus, pro ſuo Officio enim curare debere eam duci in exteriorem Eccleſiam Monasterii, vel in aliud locum propinquiorum, & commodiorum, prout magis convenire iudicabit, ubi voluntatem ejus exquirere poſſit: quod ſi nulla ſit ſuſpicio, & nullam aliam juſtam cauſam ſuſbeſte apparebit, tunc non in alio loco, quam ad crates ferreas Monasterii voluntatem puellæ explorandam eſſe. Ubi noto, quod cum Sacra Congregatio diſeritis verbis declaret ſe non ſolum indulgere, ſed præſcribere, ut puellæ voluntas in propoſitis caſibus poſſit explorari extra clauſuram, & conſequenter concedere, quod ea poſſit egredi e Monasterio, & poſt exploratam ejus voluntatem ad illud redire ſine nova licentia ipſius Sacræ Congregationis, utique habemus ſufficiens fundamentum exiſtimandi, ipſam Sacram Congregationem fore contentam, quod puella in educatione manens intra Monasterium, in caſu præſenti, aliique ſimilibus poſſit ex cauſa gravi, ac urgente, egredi e clauſura, &, peracto negotio, ad quod ſit egreſſus, redire paulo poſt ad illam ſine nova licentia ejusdem Sacræ Congregationis, idque ex epichejrationabiliter fundata in citatis declarationibus, & in eo, quod ſub generali prohibitione non veniunt quæ quis non eſſet verosiſimiliter in ſpecie prohibitorum, ſi in ſpecie peteretur, juxta regulam communem Juſtarum; quæ ſine dubio procedit in noſtro caſu, attentis præſentibus circumſtantiis, ut conſideranti patebit. Hæc tamen lubens, & volens ſubſidio ſtylo Curiz.

Quæres 10. Quali veſtitu incedere de-

beant puellæ commorantes in Monialium Monasteriis, cauſa educationis.

188. *Reſp.* Debere incedere veſtitu conveniente virginali ipſarum modeſtiæ, ac pudicitiz: ſic quippe præſcripſit Sacra Congregatio in decreto adducto *qu. 1.*, ut proinde S. Carolus in ſuis ſtatutis Synodalibus *lib. 6. c. 5. de puellis ſecularibus n. 4.* decrevit, ut dictæ puellæ nigri tantummodo, aut fuſci, vel albi coloris veſtes, non ſericas adhibeant, & nullo prætextu exquiſito utantur ornatu, nec cincinnatæ incedant, neque monilia, aut ejus generis inanes delicias ferant.

Quæres 11. An ſine periculo incurrendi excommunicationem latam in Concilio Tridentino ſeſſ. 25. cap. 18. puella cogi poſſint ad ingrediendum Monasteria Monialium educationis cauſa.

189. *Reſp.* Videri probabile, quod poſſint: modo talem ingreſſum directe, aut indirecte non ordinent ad habitum Religionis ſuſcipiendum; idque ſive puella nondum ad annos pubertatis pervenerit (quod eſt certum quoad parentes, aut tutores dictam vim inferentes, cum ſic utantur jure, quod habent in filiam pro illa ætate) ſive puella jam facta ſit pubes: cum Concilium loquatur ſolum de ingreſſu, qui per ſe ordinatur ad ſuſceptionem habitus religioſi, & aliàs talis ingreſſus non derogat libertati, quam Concilium intendit conſervare in puellis ad ſtatum religioſum admittendis, ut ex verbis illius conſtat: quamvis aliqui, regulariter loquendo, peccent parentes cogendo puellas ad ingrediendum Monasteria Monialium modo dicto, ſi ex jam ſint puberes; licet enim interdum excuſari poſſint, ſi habitatio illa ad tempus credatur moraliter neceſſaria ad decentiam, aut cuſtodiam puellæ: ſecluſa tamen tali neceſſitate, cum filia ætatis majoris in pertinentibus ad ſtatum animæ ſit ſui juris, non poſſet licite cogi a parente ad tam arctam cuſtodiam, ſeu Clauſuram, talemque vivendi modum, etiam temporarium: Ita *Svirez tom. 3. de relig. lib. 1. cap. 9. n. 4.*, addens puellam etiam in pubere non poſſe cogi ad ingrediendum Monasteria Monialium cauſa

causa educationis, ab eo, qui in ipsa non habet potestatem, & si cogatur, actionem esse injuriosam, ideoque malam. Dissentiant autem plurimi alii DD. relati a *Diana part. 2. tract. 15. resol. 56.*, quorum aliqui cum *Barbosa de offic. Episcop. alleg. 104. n. 5.*, *Zerola p. 2. praxi v. Moniales qu. 13.*, *Filliucc. tr. 14. n. 89.* sustinent, in casu proposito cogentes puellam puberem ad ingrediendum modo dicto incurrere excommunicationem, etiamsi non intendat illam ingredi ad habitum religionis fumen- dum, aut profitemdum, sed solum, ut ibi maneant cum habitu seculari, donec occurrat occasio nubendi; alii vero cum *Rodriguez tom. 2. summ. cap. 8. n. 9.*, *Portell. de dub. regul. v. Moniales in addit. n. 14.*, & *Sanchez lib. 4. moral. c. 4. n. 12.* asserunt, tunc solum incurri dictam excommunicationem, quando ingressus ille ordinaretur ad susceptionem status religiosi; quas omnes opiniones dicit *Diana* esse factis probabiles, ac tutas in praxi; notans ex *Portello*, ac *Villalobos* in presenti eventu non incurri excommunicationem, si ingressus procedat ex metu reverentiali puellæ in parentes, aut ex suasionem importuna, cum sic vere non intercedat coactio, quæ tamen præsupponitur ad contrahendam dictam excommunicationem.

Quæres 12. An puella manentes in educatione apud Moniales exemptas sub- jaceant excommunicationi proprii Ordinarii.

130. Resp. Quod, cum juxta dicta a *Layman. lib. 1. tract. 4. cap. 11. n. 5.* locus exemptus, & locus extra Diocesim æquiparatur ex *Glossa in Clement. 1. de foro compet.*, non omnino improbabiler posset quis asserere, dictas puellas non sub- jectas Ordinario, nisi in iis casibus, in quibus ei subjacent ipsæmet Moniales exem- ptæ; sic ut neque subjacerent in casu, quo illæ essent extra Diocesim: quamquam non desint, qui oppositum sustineant, & probabilius ex doctrina *Suarez d. 1. de cen- sur. sect. 4. n. 6.* dicentis, regulam illam (quod locus exemptus, & locus extra Diocesim æquiparantur) non esse veram ratione personarum, quo nodo exempta dicuntur Monasteria Regularium, sed ra-

tione loci, ut sic (quo modo exempta dicuntur aliqua loca, quæ sunt Papæ im- mediate subiecta): verum nostra sententia non est improbabilis, & colligitur ex *Regin. lib. 9. n. 154.*, *Nald. v. exemptio n. 5.*, *Peyrin. t. 1. privil. Constit. 2. Sixti IV. n. 9.*, & *Layman. loco sup. cit.*, dicente, se distin- ctionem illam Suarii apud alios non legisse.

Quæres 13. An disce puella quædiu commorantur in Monasteriis Monialium exemptarum subiaceant reservationi casuum facta ab Ordinario loci.

191. Resp. Differendo consequenter ad dicta *quæ præced.* videri posse probabile, quod non subiaceant; si enim non subjacerent casibus Ordinarii Ferrariensis v. g., si existerent extra Diocesim Ferrariensem: sic nec illis subiacerunt, si exis- tant in loco exempto, (cujusmodi est Monialium Monasterium exemptarum) si- quidem locus exemptus æquiparatur loco extra Diocesim.

„ Sed primo, etiam supposita supra dicta probabilitate, ea non potest uni-
„ versaliter admitti quoad omnes casus
„ ab Ordinario loci reservatos. Secundo
„ in questione presenti illa est omnino
„ dubia, & carens sufficienti fundamento.
„ Primo ea non potest universaliter ad-
„ mitti, sed est limitanda quoad casus re-
„ servatos, concernentes ipsam Clausu-
„ ram, quos Episcopus sibi reservasset,
„ comprehendendo ipsas puellas educan-
„ das; Sacra enim Congregatio in una
„ Viterbiensi 26. Junii 1627. apud *Nico-
„ lum lucubrati. lib. 3. tit. 1. n. 3.* declara-
„ vit, Episcopum ad Clausuram custo-
„ diendam in Monasteriis Regularibus sub-
„ jectis, posse excommunicationis latæ
„ sententiæ penam sibi reservatæ impo-
„ nere, circa aperitionem ostii Clausuræ
„ extra casus indigentæ, nec non circa
„ accessus, & colloquia cum Moniali bus;
„ dictamque excommunicationem ligare
„ etiam ipsas Moniales, si facta fuerit de
„ illis mentio. Secundo, ea, quam dixi
„ probabilitas, est in questione præ sente
„ omnino dubia, & carens sufficienti fun-
„ damento. Ratio est: Quamvis transmi-
„ tamus regulam illam: locus exemptus,
„ Z 2 & l. o.

„ & locus extra Diocesim equiparantur,
 „ esse intelligendum non solum de loco
 „ exempto ratione sui, sed etiam de lo-
 „ co exempto ratione tantum personarum;
 „ tamen indubitatum est, puellas
 „ educandas degentes in Monasteriis sub-
 „ jectis Regularibus non fieri ratione
 „ talis loci omnino exemptas a jurisdic-
 „ tione Episcopi: non enim contrahunt
 „ proprie in Monasterio domicilium quo
 „ ad effectum variandi jura pastoralia,
 „ & parochialia in ordine ad contrahen-
 „ dum matrimonium, & sepulturam, ut
 „ videre est apud Pignatell. tom. 7. con-
 „ sult. 63. n. 7. & seqq., apud Clericatum
 „ in decis. de Matrim. decis. 35. n. 15., &
 „ in discordias forenses par. 3. discord. 18.
 „ n. 5., & 6. Si ergo non sunt ratione lo-
 „ ci exempti omnino ipsæ exemptæ a ju-
 „ risdictione Episcopi, etiam dum degunt
 „ in tali loco; ad asserendum easdem,
 „ dum peccant in eodem loco, & conti-
 „ nentur in eodem loco Confessorio ap-
 „ probato ab Episcopo, & non habenti
 „ ab eodem jurisdictionem in reservata,
 „ non subjacere reservationi peccato-
 „ rum, requiritur aliquod aliud funda-
 „ mentum, præter hoc, quod est illas
 „ peccare, & confiteri sua peccata in lo-
 „ co exempto. Si enim præcisa exem-
 „ ptio loci, & permanentia puellarum in
 „ illo, non facit easdem esse universaliter
 „ exemptas a jurisdictione Episcopi, eas-
 „ dem præcisa exemptio loci, & commis-
 „ sio peccati, atque ejusdem confessio
 „ facta in eodem, non faciet esse specia-
 „ liter exemptas in hoc puncto a jurisdic-
 „ tione Episcopi illa peccata reservan-
 „ tis. Addo, puellas educandas non su-
 „ biacere reservationi factæ a Prælati-
 „ s regularibus pro ipsis Monialibus: cur
 „ ergo debent esse immunes a reserva-
 „ tione facta ab Ordinario loci?

Quæres 14. An puella commorantes
 in Monialium Monasteriis causa educatio-
 nis, possint tempore Interdicti, sive gene-
 ralis, sive particularis audire Missam, &
 alia Divina Officia, recipere Sacramenta,
 & donari Ecclesiastica sepultura, sine pom-
 pa tamen.

192. Resp. Videri posse, dummodo
 ex non sint excommunicatæ, aut interdi-
 ctæ, & alias serventur ea, quæ quoad hoc
 præscribuntur in cap. Alma mater; nimi-
 rum, ut prædicta fiant januis clausis, ex-
 communicatis, ac interdictis ejectis, &
 campanis non pulsatis. Colligo ex Sorbo
 in compend. privilegior. v. Interdictum 3.
 in annot. §. Quinto Tertiarii, ubi sic ait:
 Tertiarii, beata, famuli, familiares, do-
 mestici &c. Fratrum, & Monialium pos-
 sunt tempore interdicti, sive generalis, sive
 particularis Missam, ceteraque Divina Of-
 ficia audire, Ecclesiastica sepultura in no-
 stris Ecclesiis sine pompa tradi, ibique om-
 nia Sacramenta recipere: dummodo tamen
 nemo ex supradictis sit excommunicatus,
 vel interdictus &c. ac ceteris observatis
 limitationibus cap. Alma Mater. Et no-
 tandum, quod secundum jus commune, &
 Regularium privilegia familiares, & do-
 mestici dicuntur omnes, qui in eorum do-
 mibus vivunt, & per eos sustentantur,
 quamvis aliquo tempore pro alicujus ne-
 gotii causa fuerint absentes; & sic domi-
 cellæ, & servientes, alique in Monia-
 lium Monasteriis degentes, hoc privile-
 gio gaudent. Ubi noto verba illa: *alia-
 que in Monialium Monasteriis degentes*; pu-
 toque sub iis posse intelligi puellas com-
 morantes in Monasteriis causa educatio-
 nis: quippe quæ vivunt in domibus Mo-
 nialium, & per illas sustentantur (quam-
 vis sumptibus suppeditatis a parentibus
 ipsarum puellarum), sicque vocari pos-
 sunt familiares, ac domestici; maximo
 cum simus in materia favorabili concer-
 nente bonum spirituale animæ, quæ juxta
 regulas generales & potest, & debet am-
 pliari: ita Naldus, Baldellus, Bordonus,
 & alii a me consulti: sed de hoc iterum
 dicemus c. 9. qu. 18. §. Difficultas.

Quæres 15. An casu, quo aliqua ex
 dictis puellis agrotet cum periculo vite,
 possit de propriis bonis disporre per solem-
 ne testamentum.

193. Resp. Posse, ut scilicet. præc. qu. 25.
 diximus, posse de suis bonis disporre
 Monialem novitiam in periculo vite con-
 sultam: ita in terminis Tambur. supra

4.1. qu. 2. m. 19. ex Naldo v. Moniales n. 14. afferente ad id declarationem Sacre Congregationis factam anno 1595.

SECTIO V.

De observantia Clausuræ Monialium quoad accessum extraneorum ad ipsas Moniales.

194. **V**ariis iuribus prohibitus accessus ad Moniales, & quidem etiam Regularibus.
195. Qualis accessus prohibeatur in distis iuribus.
196. In iis prohibetur accessus tum simplex, tum frequens.
197. Frequens accessus iudicandus ex communi modo loquendi, & arbitrio prudentis viri.
198. Prohibitio accedendi ad Moniales afficit omnes fideles.
199. Obligat sub mortali ex genere suo.
200. Idque modo procedit etiam quoad Religiosos.
201. An levitas materia in hoc excusatur a mortali.
202. Accessus ad Moniales indebitus est iniurius Abbatisse Monasterii.
203. Prohibitio prefata sub variis penis est lata pro diversitate accedentium.
204. Regulares indebite accedentes iure communi Ordinarii censuris subiacent.
205. Quo capite excusatur indebitus accessus a distis penis.
206. Licentia accedendi ad Moniales exemptas datur vel a solo Ordinario, vel & simul a Prælo regulari iuxta consuetudinem: quoad non exemptas autem a solo Ordinario.
207. Regularibus datur ab Ordinario, ac Prælo regulari simul, si Monialis invidenda sit exempta: exponuntur varia forma licentie.
208. Requiritur licentia, ut accedatur ad Abbatissam, Novitias, & alias mulieres sæculares degentes intra Clausuram.
209. Parentes, & filii sine licentia acce-

dunt ad Filiam, & Matrem Moniales.

210. Hæc prohibitio afficit Episcopos, stando in rigore iuris, non item ex consuetudine.
211. Afficit peregrinos etiam in alieno territorio, cum sit de jure communi; etsi alii peregrini non subsint legibus locorum, per quæ transiunt.
212. Non afficit pauperes Mendicantes quoad petendam elemosynam a Monialibus.
213. Famuli sine licentia accedunt ad deferenda Monialibus dona.
214. Non violatur istam prohibitionem, qui Monialem alloquitur e domo vicina.
215. Sed qui loquitur per interpretem, aut per nutus.
216. Nec qui loquitur idiomate Monialis ignoto.
217. Nec qui audit Monialem loquentem, nihil ipse dicens: violatur vero, qui loquitur cum Moniali nihil respondente.
218. Non violatur, qui scribit litteras Moniali.
219. Violatur vero, qui eum licentia accedit ad unam Monialem, & loquitur cum alia.
220. Adiens Monialem exemptam non effugit penas latis a proprio Ordinario.
221. Prohibitio adveniendi Moniales non ligat impuberes.
222. Magistri canendi, aut pulsandi Cymbala ordinarie non sinuntur adire Moniales causa docendi.

Quæres 1. Quo jure extranei sive sæculares, sive regulares prohibeantur accedere ad Monialium Monasteria.

194. **R**esp. Prohiberi tum in cap. Monasteria de vita, & honest. Cler., ubi dicitur: Monasteria Sanctimonialium si quis Clericus sine manifesta, & rationabili causa frequentare præsumpserit, per Episcopum areatur, & si non destiterit, ab officio Ecclesiastico reddatur immunis; & si laici

laici excommunicationi subdantur, & a cetero fidelium sunt penitus alieni: tum in cap. periculofo de ftatu regular. in 6., quod ita habet. *Nequis abfq̃ue fp̃ciali facultate, & fine rationabili, & manifefla caufa ingrediatur, vel accedat ad Monafteria Monialium: tum in cap. definimus 18. q. 2., ubi in fp̃cie prohibetur talis accelfus iis verbis: Si contigerit Monachum aliquam fuam propinquam videre velle, in prefentia Abbatiſſæ huic confabuletur per modicæ, & compendioſa verba, & in brevi ab ea difcedat: tum denique in aliis iuribus relatis a Tamburino de iure Abbatiſ. d. 25. q. 1., & præſertim in decreto Sacræ Congregationis de mandato Sixti V. edito anno 1590. per quod mandatur: Nulli poſthac Religiofo ejuſdemque Ordinis, gradus, qualitatis, & dignitatis exiſtis (Superiore, cui Monafterii, ſeu domus cura incumbit, Viſitatoꝛe, vel Viſitatoribus, Confefſarioque ordinario, & extraordinario, eum ad tempus deputabitur, dumtaxat exceptis) licere abſque licentia expreſſa ejuſdem Sacræ Congreg. accedere ad Monafteria, ſeu domus quarumcumque Monialium, vel Sororum, ſive ſui, ſive alterius cujuſvis Ordinis ad colloquendum, ſive tractandum cum eis: quamvis eadem Sacra Congregatio non parum temperaverit rigorem dicti decreti juſſu Urbani VIII., ut indicabitur infra cap. 10. n. 20.*

Moneo hic, quod, cum in relatis verbis ſolum fit ſermo de Monialibus, & nomine Monialium non veniant neque Novitiæ (ſtando in odioſis) neque aliæ feminæ ſtantes intra Clauſuram vi præſatorum verborum, videri poſſet alicui ſolum Regularibus vetari accelfum ad Moniales profeſſas, non iteni ad illas alias feminas: Sed iſta opinio, & interpretatio prædicti decreti nullo modo poteſt admitti, ſiquidem in decreto Sixti hic relato immediate poſt verba allegata ſubditur: quod ſi aliquando mandato ſui Superioris aliquos Religioſos ad prædicandum verbum Dei, vel ad celebrandas Miſſas in ipſarum Monialium, ſeu Sororum Eccleſiis mitti contigerit, prohiberi, ne dicti Religioſi ulla

modo, aut quaſiſſo colore Moniales, Sorores, aut quamlibet aliam perſonam intra clauſura degentes alloqui poſſint: per hæc enim verba: aut quamlibet aliam perſonam &c. conſtat venire etiam Novitias, & alias feminas intra Clauſuram degentes: Non ſolum pro caſu, quo Regulares de mandato Superioris mittuntur ad Monafteria Monialium, ubi i conſonantur, aut celebrentur ſed univerſaliter pro omni caſu, quo ipſis ſit vetitum accedere ad Monafteria Monialium, ut ſit in priori parte decreti ejuſdem Sixti: licet enim ſtando in odioſis, nomine Monialium non veniant neque Novitiæ, neque aliæ feminæ intra Clauſuram degentes, tamen hoc fallit, & limitatur, quando in eodem decreto apponitur in fine aliqua Clauſula, quæ comprehendit etiam ipſas Novitias, & alias feminas intra Clauſuram degentes, & quæ ob identitatem rationis referre debet ad omnia præcedentia, ut docet Sanchez lib. 3. de Matrim. d. 7. n. 17., & dixi in manuali tract. 6. cap. 6. n. 21. In præſenti autem caſu, & quaſitione non modo eadem ratio militat pro priori parte decreti, ac pro poſteriori; ſed etiam major, ſtante quod, ut loco cit. dixi, plus eſt alloqui ex propoſito, quam ex occaſione, per accidens, & obiter; unde cum hoc ultimum prohibeatur expreſſe, quoad omnes degentes intra Clauſuram, a fortiori etiam illud cenſebitur ſub dicta prohibitionem comprehenſum, per relationem, ut patet. Præterea quid, quid ſit, an in priori parte decreti emanati ſub Sixto comprehendatur accelfus ad Novitias, & alias feminas intra Clauſuram degentes, indubitatum eſt, illum eſſe prohibitum per alia decreta Sacræ Congreg., quæ poſtea cdiſta ſunt, & infra allegabuntur.

Quæres 11. Quid hic intelligatur per accedere ad Monafteria Monialium.

195. Reſp. Intelligi aſiduum, non quidem ad Monafteria Monialium materialiter ſumpta, ſed ad ipſas Moniales cauſa illas viſitandi, aut colloquendi: ac proinde in ci-

in citatis juribus non prohiberi accessum ad earum Ecclesias, sed ad illarum colloquia, & aspectum, quod satis clare indicatur in cap. periculoso superius relato, dum ibi loco *Monasterii* dicitur ad *Moniales* his verbis: nulli pateat ingressus, vel accessus ad *Moniales*: quod est dicere ad *Monasteria Monialium formaliter sumpta*; ita *Suarez tom. 4. de religion. tract. 8. lib. 1. c. 10. n. 24. Sanchez lib. 6. moral. cap. 16. n. 112. Bonacin. qu. 3. de Clavfur. p. 1. n. 1.*, alique, qui consequenter docent, eum censeri accedere ad *Monasteria Monialium* contra iura id prohibentia, qui accedit ad Ecclesiam exteriorem *Monialium*, ibique ex fenestella communionis diutius loquitur, cum aliqua *Moniali*: cum hoc vere sit adire *Moniales* causa illas alloquendi, quod est prohibitum in citatis juribus: sed de hoc plura in alleg. tract. de prohib. c. 6. qu. 9.

„ Quod si quis accederet ad domum
 „ contiguum *Monasterio Monialium*, &
 „ colloqueretur cum iisdem, ex eo, quod
 „ non omnis prospectus ad illas esset omnino
 „ remoto, & impeditus, tunc posset
 „ dubitari an subiceretur poenis latis
 „ contra indebite accedentem ad *Moniales*,
 „ cum de tali accessu non loquatur
 „ lex vetans accessum ad *Moniales*, utpo-
 „ te loquens de accessu, qui fit communi-
 „ ter, & modo ordinario, non autem de
 „ hoc adeo extraordinario, ac insolito,
 „ lex non loquitur de communiter contin-
 „ gentibus &, si sit odiosa non debet ex-
 „ tendi ad casus in ea verosimiliter con-
 „ tentos: oppositum tamen dicendum vi-
 „ detur, cum *Diana p. 3. tract. 2. resol. 48. v. nota 7.* ubi pro se citat *Henric. lib. 13. cap. 26. n. 2.* probatque suam sententiam
 „ ex eo, quod in tali casu principaliter,
 „ & per se prohibetur locutio cum *Mo-
 „ niali*, accessus vero ad *Monialem* per
 „ accedens.

Quæres 3. Quotuplex accessus ad Moniales interdicitur in iuribus relatis qu. 1.

196. Resp. Duplicem accessum interdici in cap. quidem *Monasteria de vita, & honest. Cleric.* frequentem accessum, quem DD. vocant frequentationem adeundi Mo-

nasteria *Monialium*, idque in his verbis: *Monasteria Sanctimonialium si quisquam Clericus sine manifesta, & notabili causa frequentare presumpserit &c.* in aliis vero iuribus simplicem accessum, in quibus verbis accedere verificatur per unicum accessum, & non se habet, sicut frequentatio accedendi, quæ supponit accessum sæpius repetitum.

Quod si quæras quid intelligatur per frequentationem accedendi.

197. Resp. Non intelligi solum binum accessum, ut putant aliqui ex cit. cap. ita nos 25. qu. 1. generaliter asserentes binum actum sufficere ad inducendam frequentiam, cum actus geminus consuetudinem inducat, cap. 2. de Episc. audientia; sed potius id iudicandum esse ex communi usu loquendi, ac iudicio prudentis viri, quo modo *Navarr. comm. 4. de regul. n. 61. Rodriq. to. 1. q. 45. art. 2.*, *Sanchez n. 110. Bonacin. p. 2. n. 4.* alique arbitrantur, eum non posse dici frequentare *Monasteria Monialium*, qui *Moniales* alloqueretur duodecies tribus annis, aut semel unoquoque trimestri: secus si ter alloqueretur tribus diebus continuis; quin etiam *Sanchez n. 111.* addit, se credere, tunc demum censeri posse frequentiam in præsentia materia, quando quis semel singulis mensibus, aut ter tribus diebus continuis accederet ad *Moniales*: ut proinde *Suarez n. 25.* generaliter dicat, tunc posse dici frequentiam, quando intra breve tempus sæpius acceditur; non item, si inter unum, & alterum accessum longum tempus interponatur.

Quæres 4. Quæ persona prohibeatur accedere ad *Monialium Monasteria* vi iurium relatorum qu. 1.

198. Resp. Prohiberi omnes tam laicos, quam Clericos, ac Regulares, ut constat ex cap. periculoso, in quo generaliter dicitur: nequis absque speciali facultate, & sine rationabili, & manifesta causa ingrediatur, vel accedat ad *Monasteria Monialium*, cum alioquin cap. *Monasteria sup. relato* non comprehendantur Regulares, quippe quod loquitur tantum de Laicis, & Clericis, nomine quorum non veniunt

veniunt Regulares in odiosis, sicut bene advertit *Bonacin. n.3.* monens, dicto nomine non venire Episcopos, Prælatos, aut Canonicos Ecclesiæ Cathedralis, utpote dignos speciali nota, nisi forte verba textus sint adeo generalia, ut extendantur ad quoslibet, quod etiam notavit *Sanchez sup. c.15. n.74.*

Quæres 5. An accessus ad Moniales sit prohibitus sub peccato mortali, si fiat absque debita licentia, & causa legitima.

199. Resp. Esse, & quidem etiam seculis circumstantiis extrinsecis scandalum, pravæ intentionis, aut injuriæ, quæ sit Abbatissæ Monasterii, ad cuius Moniales acceditur sine ejus licentia, quod est contra jus Monasterii, ac ipsius Abbatissæ: ita *Rodriguez sup. art.4. Mirand. qu.4. de Monial. art.1., Bonacin. p.3. n.1.* & alii, a quibus non videtur dissentire *Suarez n.27.* cum dicat se non dubitare, quin decretum Bonifacii, (quod scilicet edidit de hac re, & continetur in cap. *periculofo*) ex suo genere inducat obligationem sub mortali: et hoc postea subjungat, *sita- men illud consuetudine derogatum est, assermare non possumus hoc esse peccatum mortale ex suo genere, quia nullum apparet aliud jus positivum, quo districte prohibeatur, seclusa frequentia, quàm satis graviter prohibet cap. Monasteria, quod non potest dici derogatum.* Ubi ego noto, quod cum *Suarez* non asserat tanquam certum cap. *periculofo* fuisse derogatum, & alii DD. de facto supponant non fuisse derogatum; non negare *Suarez* accessum ad Moniales vigore dicti capituli esse prohibitum sub peccato mortali, cum revera solum ostendat se dubitare, num illud fuerit derogatum nec ne; Dissentit tamen *Sanchez n.120.* ex Navarro dubitante, num indebite accedens ad Moniales peccet saltem venialiter, atque eum, qui frequentat Monasteria Monialium, non committere gravem culpam, nisi ab Episcopo monitus omittat desistere; quamvis subdat, quod sicut accessus sine causa, & absque licentia est venialis, sic frequentans Monasteria Monialium rarissime excusatur a mortali, attentis circumstantiis extrin-

secis, & præsertim scandalum, quod rarissime non inde confurget; sicut, & rarissime deficit finis aliquis turpis: Ratio nostræ responsionis est, quod de ratione legis est, ut in materia gravi obliget sub mortali, ut tradunt communiter DD. in materia de legibus: constat autem, quod lex prohibens accessum ad Moniales ex genere suo est de re gravi, ut colligitur ex gravitate finis in ea intenti: unde solent Ordinarii dictum accessum prohibere sub gravibus censuris ecclesiasticis ipso facto incurrendis: vel reponere inter easus ipsi reservatos; quæ utique fieri non possent, si dictus accessus non esset mortalis.

A *Sanchez* non dissentit *Rodriguez supra*, quatenus sustinens culpam accedentis ad Moniales sine licentia non esse majorem, quam culpa venialis ex materis exiguitate, & ex eo, quod talis accessus videtur insufficiens causa infligendi damnationem æternam, in fine articuli addit, aliam rationem esse de frequentantibus Monasteria Monialium sine manifesta causa, ac rationabili; dicitque peccatum (intellige mortale) nisi adsit hujus legis invincibilis ignorantia excusans a peccato: quomodo allegavimus supra ipsum *Rodriguez* pro nostra sententia; cum aliis expresse dicat, accessum ad Moniales sine licentia tantum, aut sine licentia, & causa simul peccatum esse, sed non plusquam veniale; & si utrumque deficiat requisitum, gravius peccatum esse veniale; levius autem, si alterum solum deficiat, vel licentia, vel causa rationabilis: cum *Rodriguez* sentiant *Sanctorius in Const. Minor. 11. stat.7. qu.1.* dicens, quod cum *Rodriguez* sit Doctor classicus in rebus Regularium, in aliquo casu f. c. fieri proferre poterit, & *Lezana to.1. c.25. n.26.* docens accessum indebitum ad Moniales esse peccatum veniale, amoto scandalo, & circumstantiis in malum qualificantibus. Monet autem *Rodriguez* non facere contra ipsum, quod in accessu ad Moniales non raro admiscetur vana, ac otiosa verba, adeoque videtur contineri in eo gravitas materis: nam id non procedit regulariter in ac-

in accessu raro, sed solum in frequenti; præterquam quod verba otiosa, ac inutilia non sunt de intrinseca ratione accessus, sed sunt quid diversum, ut patet.

200. Certe, quod spectat ad Regulares, num videlicet ipsi peccent mortaliter accedendo sine debita licentia ad Moniales nec ne: esto alias non desuerint, qui sententiam negantem sustinuerint, ea ducti ratione, quod decretum Sacre Congregationis relatum qu. 1. & de ipsis in specie editum sit pœnale, adeoque obliget solum ad pœnam, non ad culpam, ut notavit *Diana par. 1. tr. 10. resol. 22.* in præsentia tamen dicendum est in tali casu intervenire peccatum mortale, cum id expressis verbis declaravit Sacra Congregatio 1. Julii 1606., teste *Duard. l. 3. in Bull. Cene §. 3. qu. 2. n. 45.* Declaratio autem Sacre Congregationis sic habet: *Attentis narratis, ac dubio præfato mature discussis, & examinatis, censuit Sac. Congregatio, ac declaravit, Regulares accedentes ad Monasteria Monialium contra formam decreti, quo huiusmodi accessus per Sacram Congregationem prohibetur, ultra pœnam privationis officiorum, ac vocis activa, & passiva, incurrere etiam pœnam peccati mortalis.*

201. Ne autem Regularis aliquis fallatur, putans se excusatum iri ex parvitate materiæ, aut ex alia rationali causa, aut ex eo, quod ex bono sine accedat ad colloquendum cum Monialibus, tria hic subdo Sacre Congregationis decreta ad hoc concernentia. Primum est: Die 11. Maii 1669. Sacra Congregatio Eminentium S. R. E. Cardinalium Concilii Tridentini Interpretum, *habita notitia, quod nonnulli Regulares absque licentia crates Monasteriorum Monialium adire, & frequentare non dubitent, prætendentes non esse interdictum per breve tempus etiam usque ad quadrantes horæ cum dimidio, quod borologio arenario aliquando metiuntur, Moniales, aliasque personas in Clausura existentes alloqui, & hanc opinionem tamquam tutam affirmant, & forsan etiam scriptis evulgant, proprias*

graviter illaqueantes conscientias, & scandala consoventes, ad huiusmodi perniciosos errores eliminandos, opinionem prædictam improbandam, rejiciens, ac damnans, declaravit, Regulares cuiuscunque Ordinis, Militie, Societatis, Congregationis, & Instituti, etiam de quibus specialis mentio foret habenda, qui ad Monasteria Monialium quamvis ab Ordinarii Jurisdictione quomodolibet exempta, ac ipsi etiam Regularibus subiecta, vel alias speciali mentione digna, absque legitima facultate accedunt, colloquendo etiam per quodcumque modicum temporis spatium cum Monialibus, aut aliis intra Clausuram degentibus, peccare mortaliter, eosque sub excommunicationis, privationis vocis activa, & passiva, aliisque contra Regulares accedentes sine licentia ad Monasteria Monialium statutis pœnis posse ab Ordinario tamquam Sedis Apostolicæ delegato coerceri. Et die 7. Junii ejusdem anni facta relatione SSimo D. N., Sanctitas Sua præsentem declarationem approbavit, ac typis dari, ac servari iussit: Ita ex Pignatelli. tom. 6. consult. 85. n. 35., Mattheuee. in offic. Curie cap. 3., & Monacell. in formul. to. 1. in Append. Secundum decretum relatum apud citatos Auctores est: Et si Sacra Congregatio Eminentium S. R. E. Cardinalium Concilii Tridentini Interpretum sub die 11. Maii 1669. aperte declaraverit Regulares, qui ad Monasteria Monialium absque legitima facultate accedunt, colloquendo etiam per quodcumque modicum temporis spatium cum Monialibus, aut aliis intra Clausuram degentibus, peccare mortaliter, hancque declarationem SSimus D. approbaverit, ac typis dari, servarique iusserit; quia tamen nonnulli sunt, qui declarationem huiusmodi perperam interpretantes, verumque sensum subvertentes, varia confingendo sophismata, asserunt accedentes ad bonum finem non peccare mortaliter, & declarationem præfatam non obligare sub mortali contendunt, ad omnem tollendam dubietatem resolvendum primo: A 4

11 Regulares accedentes ad colloquendum cum Monialibus sine licentia Episcopi peccent mortaliter. Secundo: An peccent mortaliter stante dicta declaratione Sacra Congregationis Concilii cum approbatione SSm̃i. Die 26. Nov. 1672. Sacra Congregatio ad utrumque respondit affirmative, etiam si ex rationabili causa, quando non adest licentia. Tertium decretum, quod pariter reperitur apud eosdem supra allegatos est sequens. Editā vix lege, statim illam eludere malitia excogitat. Non ita pridem emanavit generale decretum arctissime prohibens colloquia Regularium cum Monialibus, quando jam super eo varia interpretationes confingi ceperunt, aliæque nunc Bergomi suboriuntur, pro quarum resolutione supplicant Confessarii Monialium querendo. Primo, An Regularibus missis ad crates Monialium promovere prædicationis obeundo, prohibitum sit sub peccato mortali censuris, & penis &c. immediate post cum ipsis Monialibus absque expressa licentia ad colloquenda immiscere sermones cum questionibus, vel dubiis spiritualibus, aut materiis ipsius concionis. Secundo, An talis prohibitio intelligatur tam de colloquutione cum aliquibus Monialibus, quam cum una tantum (omnibus tamen aliis audientibus) immediate post concionem. Die 21. Maii 1678. Sacra Congregatio Eñorum S. R. E. Cardinal. Concil. Trident. Interpretum ad utrumque respondit affirmative.

202. Quod vero innui in responsione, accedere ad Moniales sine legitima licentia cedere in injuriam Abbatissæ Monasterii, ad quod acceditur, advertit expressè Suarez sup., inde probans, quod etiam inter sæculares furtive accedere ad colloquendum cum virgine existente sub cura parentum, ex genere suo est gravis injuria; sique a fortiori erit in virgine sacra, maxime si accessus sit ad loquendum per loca inusitata, cum sic injuria sit major, & periculum scandali gravius.

Quæres 6. Sub quibus penis prohibetur accessus ad Moniales, stando in jure communi.

203. Resp. Distinguendo: vel loquimur de laicis personis, & hæc nullam pœnam incurrunt accedendo ad Moniales, si non adit frequentatio accedendi; nulla enim pœna reperitur jure communi lata contra laicos taliter accedentes; debent autem excommunicari ab Episcopo, si frequentent Monialium Monasteria, & ab eo moniti non desistant; idque ex cap. Monasteria, ubi dicitur: Si laici, excommunicationi subdantur, & a cœtu fidelium fiant prinitus alieni, quod est dicere, contra illos debere ferri excommunicationem, eosque declarandos esse excommunicatos. Vel loquimur de Clericis, & hi si frequentent Monasteria Monialium, ac moniti ab Episcopo non desistant, debent suspendi ab officio Ecclesiastico, idest ab usu ordinis, ac jurisdictionis, (& hoc ex citato cap. Monasteria) immo & excommunicari, ac deponi, si nolint corrigi, ut constat ex cap. Ut Clericorum, de vita, & honest. Cleric. 1. si vero interdum accedant, sed non ita, ut dici possint frequentare, nullam pœnam incurrunt, cum adversus talem accessum nulla pœna in jure communi statuta sit. Vel denique loquimur de Regularibus, & hi, sive frequentent Monasteria Monialium, sive etiam semel tantum accedant, incurrunt pœnam privationis officiorum, & vocis activæ, ac passivæ ipso facto incurrendam, juxta decretum Sacra Congregationis editum jussu Sixti V., & relatum quæ. 1., quippe quod loquitur simpliciter de accedentibus absque licentia Sedis Apostolicæ, non vero de frequentantibus.

An autem Regulares accedentes sine licentia ad Moniales incurrant censuras ab Ordinariis statutas contra accedentes ad Monasteria Monialium sine ipsorum licentia.

204. Resp. Incurrere, si non gaudeant privilegio relato a Sanchez lib. 7. de Matrim. d. 33. num. 23., quod non possint censurari ab Ordinario locorum; & ratio est, quod licet ii sint exempti, in casu tamen proposito possunt contra eos procedere Ordinarii, etiam censuris, cum in eo procedant tamquam Sedis Apostolicæ delegati, adeoque non suffragetur exemptio.

ptio; quod fallit, si gaudeant dicto privilegio, utpote Regulares privilegiatos, eximente etiam a potestate delegata quoad hoc generaliter concessa. Quod tamen non facit, quin Religiosi sine debita licentia alloquentes aliquam Monialem puniri possint ab Ordinario, juxta Gregorii XV. Constitutionem *Inferutabili*; immo & carcerari, tradendi ipsorum Prælati, qui tenentur eos punire, & hoc ipsum significare tum Sacræ Congregationi, tum Ordinario; idque ex ejusdem Sacræ Congregationis decreto, quod refert *Tambur. de jure Abbatiss. d. 2. §. qu. 4. n. 5.* Cum quo tamen stat, quod si Sacra Congregatio concedit Episcopo facultatem puniendi Regulares etiam censuris, tunc ille poterit ferre censuras contra eos, non obstanti privilegio *s. præced.* adducto ex *Sanchez*; cum sic Sacra Congregatio censetur derogare dicto privilegio: idque et si non derogat expresse, ac signate, quod indicat ipse *Sanchez. sup.* dicens, & hoc nisi expresse concedatur Episcopis, ut in iis casibus possint censuris latis contra exemptos procedere.

Quæres 7. An, & quibus ex capitibus excusari possint a culpa, & penis superius explicatis ii, qui accedunt ad Monialium Monasteria.

205. Resp. Possent excusari ex legitima consuetudine inducta in contrarium, per quam usu receptum sit, ut fæminæ, ac viri, præsertim laici, absque conscientia scrupulo accedant ad Moniales, cum consuetudo habeat vim legis, tum ex legitima licentia obtenta a Superiore competente, eaque data cum causa rationabili, ac manifestâ, prout statuitur in *cap. periculoso*, & *cap. Monasteria* superius citatis: quæ licentia non est opus, quod datur in scriptis, cum in jure id non requiratur, & de ratione privilegii non sit scriptura, nisi ipsa jura aliter decernant, & non finitur primo actu, si datur indefinite, & absque temporis præfinitione; idque ob dicta superius *fest. 3. qu. 35.*, ita *Bonacin. sup. p. 5. n. 4. & 8.* addens *n. 5.*, quod, licet in re præsentem non videatur sufficere licentia tacita, quæ conjicitur ex

taciturnitate Superioris potentis reclamare, & non reclamantis contra accedentes ad Monasteria Monialium sine expressâ ejus licentia; cum taciturnitas ut sic non sit sufficiens signum consensus præstiti, quatenus contingere potest, quod Superior iusta de causa taceat, & tamen non consentiat, juxta regulam juris, *qui tacet, neque consentire, neque dissentire videtur*: si tamen ex signis, & conjecturis apparet, Superiorem consentire in talem accessum, tutus erit in conscientia talis accessus, utpote factus ex licentia tacita, quod a fortiori admittunt *Sanchez supra n. 114.*, & *Rodrig. ubi sup.*, generaliter docentes, licentiam etiam tacitam sufficere, ut quis absque peccato accedere possit ad Moniales.

Quod si quæras, ad quem spectet dare hujusmodi licentiam accedendi ad Moniales tam exemptas, quam non exemptas.

206. Respondeo cum distinctione: vel Moniales, ad quas vult quis accedere, sunt immediate subjectæ Episcopo, & licentia debet dari ab ipso Episcopo, ejusque Vicario generaliquod est indubitatum apud omnes; vel Moniales sunt subjectæ Prælatis sive regularibus, sive secularibus, & licentia concedi potest, & debet vel a solo Episcopo, vel ab Episcopo simul, & Prælato proprio Monialium, prout fert consuetudo, ac usus uniuscujusque loci; in hoc enim statuit Sacra Congregatio, servandam esse locorum consuetudinem, ut bene advertit *Tambur. d. 26. qu. 2. n. 1.* ex *Barbosa*, & *Quaranta*, monens hujusmodi licentias in aliquibus locis solere concedi solum ab Episcopo, vel ab Episcopo, & Prælato Monialium simul. Vide ea, quæ diximus supra *n. 146.*

207. Quod autem spectat ad Regulares, ii non possunt accedere ad Moniales, juxta concessionem Urbani VIII., nisi ultra licentiam Ordinarii interveniat etiam consensus Prælati regularis, si Monialis, ad quem petunt accedere, sit exempta: idque colligo ex verbis illis, quæ sunt in decreto hac de re edito, *prædictaque licentia obtenta ab Ordinario, & ab alio, ad quem spectat eam concedere*:

A a 2

quæ

quæ utique intelliguntur de Præfato regulari.

Dubitari hic posset, an femina habens licentiam accedendi ad Moniales sub his terminis, con le sue donne, possit secum ducere mulierem aliquam extraneam, exclusa aliqua alia ex domesticis, quæ alias illam solet associare; idque ad gratificandum mulieri sic electa.

Resp. Videri posse, dummodo dicta extranea associet instar famulæ: & probatur: tum quia verba illa *con le sue donne*, commode possunt explicari non solum de mulieribus feminam dictam ordinarie comitantibus; sed etiam de muliebri comitatu proprio statui illius convenienti, quo modo sub eo comprehendi possunt etiam feminæ extraneæ: gratia autem Principis ampliari debet, quantum patitur verborum proprietates, tum quia ad præsentem casum facit doctrina, quam tradit Sanchez lib. 6. n. 49. dicens, posse excusari feminam, quæ ex sola curiositate videndi Monasterii Monialium illud cum debita licentia ingrederetur ad exercendum ministerium ipsius statui minus consonum, Monialibus tamen necessarium; quippe quod ab iis commode nequit exerceri, & de facto in eo occuparetur non minus quam famulæ, & aliæ viliores feminæ alias ad talem effectum ingressuræ: siquidem revera ingreditur ex causa necessaria, eamque exequitur ingressa instar famulæ, et si alioqui sit nobilis femina &c. quæ doctrina a fortiori probabilem facit præsentem responsionem, cum etiam in isto casu femina electa accedat ad Moniales instar famulæ, eique equiparetur: qui accessus utique est quid minus, quam ingressus clausuræ ut patet. Puto quidem, feminam sic licentiam ad accessum non posse in fraudem legis secum ducere plures feminas, sive domesticas, sive extraneas, quam ducere communiter solet profectura in alia loca; nam alias non videtur verificari verba illa *con le sue donne*; quæ intelligenda videtur solum de comitatu ejus ordinario.

Concedo tamen, quod si similis licentia concedatur feminæ, quæ ordina-

rie solet incedere sola, potest feminam aliquam nihilominus secum ducere; idque ex benigna interpretatione mentis Prælati licentiam dantis, & ex quadam æquitate, ac decencia.

Adde, quod si quis habeat licentiam invifendi aliquam Monialem semel pro quolibet mense: is non tenetur inter unam, & alteram visitationem interponere spatium unius mensis integri; sed potest v. g. invifere Monialem 17. Aprilis, & iterum die 1. Maji, dummodo in reliquo mense Maji iterum non invifat. Moveor ex eo, quod docet Sanchez lib. 8. de Matrim. d. 34. n. 36., videlicet, dispensatum a Sacra Penitentiaria cum onere confessionis mestrux in perpetuum faciendæ, satisfacere, et si ab ultima confessione plusquam mensis elabatur: ut si confessio præcedens facta sit 1. die Decembris, satisfaciet facta confessione ultima die Januarii: quocumque enim die Mensis fiat confessio, verificatur illam fuisse factam in eo mense: quæ ratio proportionaliter procedit in præfenti casu, cum invifens Monialem modo dicto semel tantum in quolibet mense vere dici possit invifere Monialem solum semel in quolibet mense, ideoque non excedere limites licentiæ ad hunc effectum obtentæ.

Quæres 8. An requiratur licentia, ut quis possit sine peccato accedere ad Abbatisfam Monasterii, nec non ad Novitias, puellas ibi commorantes in educatione, aut alias feminas ibi degentes causa securitatis.

108. „ *Resp.* Constare ex supradictis „ n. 194. quid dicendum sit de Novitiis, „ & aliis intra clausuram degentibus. „ Circa accessum vero ad colloquendum „ cum Abbatissis, seu Priorissis, censui „ olim cum Diana part. 3. tom. 2. resol. 48. „ & Tamburino de jure Abbatiss. d. 25. „ qu. 8. §. ad 5. licentiam non requiri. „ Ducebar eo fundamento, quod sicut „ nomine Monachorum non venit Abbas „ in odiosis (ut bene notavit glossa in „ cap. fin. de Simon. & Panorm. ibid. n. 2.) „ sic nomine Monialium non venit Abbatis- „ tissa. Sed eam quoque comprehendi di- „ cendum est sub nomine Monialium in „ prohibe

„ prohibitionem accessus ad Monasteria ea-
 „ rundem, ut docent *Grassius de Casibus re-*
 „ *servatis lib. 2. c. 5. n. 38.*, & alii Recen-
 „ tiores; nam in odiosis, quando ea ten-
 „ dunt in favorem animæ, venit Abbas
 „ appellatione Monachorum, per text. in
 „ c. 1. §. porro de statu Monialium, & Mo-
 „ nachorum lib. 6. & appellatione Monia-
 „ lium venit Abbatisa, ut sentit *Glossa in*
 „ *clement. Attendentes de statu Monacho-*
 „ *rum v. Moniales*, & *Grassius* loco citato,
 „ & *Bonaccina de Clausura Monialium*
 „ *qu. 4. punct. 6. n. 9.* qui allegans *Panorm.*
 „ *Clement. 2. num. 3. de procur. Sanchez*
 „ *lib. 6. c. 16. n. 91.*, Mandatum de privileg.
 „ ad instar gloss. 7. n. 28. dicit venire Ab-
 „ batissam sub nomine Monialium, pro
 „ omni casu, quo materia sit accommoda-
 „ ta, & proportionata Monialibus, &
 „ Abbatisis, ut contingit in casu præ-
 „ senti: & hoc quod dixi loquendo ge-
 „ neraliter, majori cum fundamento di-
 „ cendum est loquendo in specie de Re-
 „ gularibus, quibus cum prohibitione
 „ accedendi ad Moniales, intelligitur
 „ prohibitus accessus etiam ad Abbatisas:
 „ proposito enim dubio in Sacra Congre-
 „ gatione Concilii: *An Regulares ad Mo-*
 „ *nasteria accedentes, & cum Abbatisa*
 „ *loquentes, incurrant pœnas in decretis*
 „ *institutas, quas incurrunt Regulares, qui*
 „ *accedunt, & loquuntur cum aliis Monia-*
 „ *libus*: Sacra Congregatio respondit In-
 „ currere, ut ex lib. 19. decretorum p. 425.
 „ refert *Monacell. in formul. par. 2. tit. 15.*
 „ *formul. 15. n. 17. & Alexand. VII. in sua*
 „ *Constitut. edita 30. Martii 1658.* pro
 „ quiete Monialium Urbis Regularium cu-
 „ ræ subiectarum, incipit *Sacrofancti*
 „ *Apostolatus*, idem statuit per hæc verba
 „ & *Præterea interdiximus omnibus, &*
 „ *signatis prædictis sub eisdem pariter pœ-*
 „ *nis colloquia quacumque cum sanctimo-*
 „ *nialibus prædictorum Monasteriorum*
 „ *(comprehensis etiam Abbatisis, Prio-*
 „ *rissis, ac Officialibus)* extra altum con-
 „ fessionum, concionum aut visitationum
 „ hujusmodi, adjecta sub similibus pœnis
 „ expressa prohibitionem, ne quocumodo
 „ permittant, ut eorum socii, alique Re-

„ gulares tam professi, quam non Professii
 „ sub quovis pretextu cum Monialibus
 „ colloquantur.

Quæres 9. An parentes, & Filii indi-
 „ geant licentia, ut possint accedere ad Mo-
 „ niales, quæ sint ipsorum filie, aut matres.

209. Resp. Non indigere ex declara-
 „ tione Sacre Congregationis facta 15. Ja-
 „ nuarii 1616. & relata a Gavanto in manual.
 „ v. Monialium colloquio n. 7. his verbis,
 „ Patres, & Matres Monialium possunt eos
 „ alloqui sine licentia, non tamen in diebus
 „ prohibitis: item filii Monialium proprias
 „ Matres, quod declaravit eadem Sacra
 „ Congregatio 15. Martii 1619. teste eo-
 „ dem Gavanto n. 8. Quamquam hujusmodi
 „ declarationes non sunt ubique in usu, cum
 „ in variis locis neque parentes ad filias
 „ Moniales, neque alii ad Matres audeant
 „ accedere absque licentia Superioris com-
 „ petentis; siue quia ignorant jus ipsis quo
 „ ad hoc concessum siue quia Ordinarii præ-
 „ fatam declarationem iussis de causis ad
 „ praxim non deduxerunt. Certe si demus
 „ præfatas declarationes esse in usu, puto, ut
 „ illarum parentes ac filios item posse acce-
 „ dere ad proprias filias, & matres respec-
 „ tive quocumodo intra Monialium Mo-
 „ nasteria degentes, etiam si nullam ad id
 „ habeant licentiam, & alioqui ibi sit ge-
 „ neraliter prohibitus accessus ad quascumque
 „ mulieres intra clausuram commorantes:
 „ idque juxta regulam juris l. illud ff. ad leg.
 „ aquil. Vbi est eadem ratio, ibi idem jus
 „ statui debet.

Quæres 10. An Episcopi, alique Pra-
 „ lati extra Diocesim possint accedere ad Mo-
 „ niales sine licentia Ordinarii, aut Superio-
 „ ris illarum.

210. Resp. Non posse (nisi forte præ-
 „ sumatur adesse tacita licentia dicti Ordini-
 „arii, aut Superioris, quam qu. 7. diximus
 „ sufficere, ut quis accedere possit ad Mo-
 „ niales, & si indebite accedant, incurrere
 „ pœnas latis in Concilio Tridentino sess. 25.
 „ c. 25. de regul. utpote comprehensos in
 „ cap. periculo de regular. in 6. innovato
 „ per dictum Concilium: non tamen posse
 „ excommunicari ab Ordinario loci, in quo
 „ sit accessus: idque non obstante declara-
 „ tione

tionē Sacræ Congregationis relatā a *Tam-
bar. supra d. 25. qu. 2. num. 4.* his verbis:
*Petitum fuit ab Illustrissimis Patribus Con-
cilii Tridentini decreta interpretantibus de-
clarari, an Prior Ecclesiæ Collegiatæ S. Ni-
colai Barenfis, quamvis Episcopus, possit in-
stitutione jurisdictionis Archiepiscopalis in
casibus a Sacra Rota Romana auditoriore-
solutis, servatis servandis excommunicari;
& an eidem Priori permiffum sit ad Mona-
steria Monialium istius Civitatis accedere
absque Amplitudinis tuæ licentia, (nempe
Archiepiscopi Barenfis) & absque eo,
quod incurrat in censuras in edito desuper
publicato contentas. Sacra Congregatio li-
cet conferet Amplitudini tuæ licere D.
Priorem Barensem excommunicare ex au-
thoritate tuā ordinaria, illumque edito
contravenientem panis in eo contentis sub-
jacere; attamen tutius esse putavit, etiam
S. D. N. amnente, ut Amplitudo tuā tam-
quam Sedis Apostolicæ delegatā contra di-
ctum Priorem in casibus supra expressis ad
censuras, & penas respectivè procedat.
Hæc enim declaratio non probat, quem-
libet Ordinarium loci posse excommunicare
Episcopos extraneos indebite accedentes
ad Moniales ipsi subiectas; cum edita
sit in favorem Archiepiscopi Barenfis contra
Priorem Barensem Episcopum, seu
episcopali dignitate fulgentem, subditum
dicto Archiepiscopo; contra quem proinde
Sacra Congregatio declaravit, præfatum
Archiepiscopum jure suo potuisse
ferre excommunicationem, eo quod Episcopatus
dicti Prioris contineretur intra
Provinciam illius: quæ ratio non procedit
quo ad Episcopos extraneos, sicque in iis
non habet locum talis declaratio. Immo
Diana p. 3. tract. 2. resol. 48. ex *Graffio* dicit,
teste experientia, Episcopos absque
scrupulo loqui cum Monialibus sine licentia
Ordinarii, quibus ex subsint.*

Quæres 11. *An peregrini indigeant licentia Ordinarii loci ad hoc, ut licite possint accedere ad Moniales in locis, per quæ transeunt.*

211. Resp. Indigere: prohibitio enim juris communis est lex communis, & consequenter obligat fideles etiam exilentes

extra proprium territorium, sicque non suffragatur doctrina, quam tradunt *Sanchez lib. 3. de Matrim. d. 18. n. 6. Clau. Reg. l. 2. c. 4. n. 15. aliique apud Laym. lib. 1. tract. 4. c. 12. n. 4. & Dian. part. 1. tract. 10. resol. 15.* peregrinum non teneri servare leges locorum, in quibus obiter reperitur, dummodo non adsit periculum scandalī; cum talis doctrina procedat solum de consuetudinibus, ac legibus locorum particularium, non autem de communibus, prout supponunt citati Doctores. Secus dicendum, si prohibito accedendi ad Moniales supponeretur esse de jure particulari locorum, tunc quippe locum haberet doctrina modo indicata, quæ videri potest probabilis, maxime ex eo, quod jurisdictioni requiritur ad obligandum aliquem legibus: peregrini autem ob brevem hospitii moram (qualem hic supponimus) non subijciuntur jurisdictioni, seu non acquirunt forum, ut constat ex *l. hæres absens §. proinde ff. de judiciis*. Nec obstat, quod Ordinarius in causis concernentibus materiam Clausuræ Monialium procedit ut Sedis Apostolicæ delegatus; non enim hinc sequitur, peregrinos ei subijci in dictis causis, æque ac subijciuntur Sedi Apostolicæ, ideoque teneri servare edita Ordinarium prohibentia accessum ad Moniales, non secus ac si essent edita a Papa; si quidem talis delegatio ipsis facta est solum in ordine ad Moniales exemptas, ad hoc scilicet, ut non obstante privilegio exemptionis, possint procedere contra illas in causis concernentibus clausuram; non autem in ordine ad peregrinos earum Monasteria adeuntes indebite: sicque in terminis sentit nobiscum *Diana part. 3. tractat. 2. resol. 48.*

Quæres 12. *An pauperes visum sibi ostiatim emendicantes sine peculiari licentia possint accedere ad Moniales causa querendi elemosynam.*

212. Resp. De jure communi videri posse, & quidem ex tacita licentia Ordinarium, quæ rationabiliter præsumitur tum ex usu fere communi, tum quia talis accessus cum ex genere suo sit pro brevissimo tempore, non est comprehensus

in generali prohibitione accedendi ad Moniales; tum quia regulariter in hujusmodi accessu non militant rationes, ob quas inducenda est præfata prohibitio.

Quæres 13. *An famuli, & famula sine speciali licentia possint accedere ad Moniales, ut ipsi deferant aliqua munuscula.*

213. *Resp.* Possit pro foro conscientiz, & quidem etiam aliis non paterentur grave aliquod incommodum, non obediendo Dominis ipsos mittentibus. Decor, quia in tali casu facilius præsumi potest tacitus consensus Ordinariorum, qui non supponuntur velle obligare suis legibus cum tanto rigore; tum quia hic intervenit parvitas materiæ excusans a peccato: de minimis autem non curat prætor: tum quia famuli moraliter asstringuntur obedire suis Dominis, nec possunt sine damno proprio detrectare illorum iussa: qui autem iussu Judicis aliquid facit, non videtur dolo malo facere, quia parere necesse habet, ita Belloschius n. 178. & Grassi & Homobon., & Bonacina, nec improbabilius, quamvis forum externum, utpote nitens præsumptionibus, dictos famulos puniret, si absque licentia invenirentur accessisse ad Moniales: unde omnino censurandi sunt non accedere absque debita licentia, vel certe, ut in hoc caute se gerant.

Quæres 14. *An delinquit contra prohibitionem accedendi ad colloquendum cum Monialibus, qui de domo sua posita prope Monasterium Monialium, loquitur cum aliqua illarum.*

214. *Resp.* Non delinquere, Diana part. 3. titul. 2. resolut. 48., & cum eo Tamburinus supra quæst. 8. §. ad 1. citans pro se Henriquez: patetque ex eo, quod pœnæ debent interpretari strictè: ideoque si lata sint contra accedentes ad colloquendum cum Monialibus, non debent extendi ad eum, qui loquitur quidem cum Moniali; at non accedit ad ipsam, & consequenter non facit actum externe consummationis sub dictis pœnis prohibitum, prout requiritur ad incurendas pœnas dictas. Sed contrarium, puto tenendum esse cum Grassi. tom. 1.

„ *Consil. 22. de Excommunication. n. 23.* ratio est: quia cum ex pluribus Sacræ Congregat. decretis, Clausura ita debeat custodiri, ut a vicinis ædibus nullus pateat prospectus in Monasteria Monialium, ne quidem a fenestris turris campanariæ alicujus Ecclesiæ vicinæ; & omnino claudenda sit quælibet apertura, aut foramen, ex quibus detur commoditas ulla videndi, alloquendi &c. Moniales, dici debet esse admittendam in lege prohibente accessum ad colloquendum cum Monialibus extensionem illam, quam apud Suarez lib. 6. de legibus c. 3. Doctores vocant extensionem comprehensivam, per quam ex identitate rationis lex extenditur ad casum non comprehensum in verbis legis, si constituit rationem illam esse adæquatam, solamque animum legislatoris induxisse: quod ex materia, & circumstantiis, ac verbis legis inspicendum est, juxta ea, quæ cum communi Canonistarum, & Legistarum docet citatus Suarez a n. 16.

Quæres 15. *An modo dicto delinquit, qui accedit ad Monialem, sed cum ea loquitur solum per interpretem, aut tantum signis, aut nutibus.*

215. *Resp.* Diana supra & Tamburinus §. ad 4. expresse docent, non delinquere, si solum per interpretem loquitur, ea ducti ratione, quod loqui per interpretem non est proprie loqui, prout requiritur ad incurrendum pœnas contra loquentes, quippe quæ sunt strictæ interpretationis, ut paulo ante diximus: quæ ratio si valet in præfati casu, videri posset alicui valere etiam in casu, quo quis Monialem alloquitur signis, ac nutibus. Sed absolute dicendum est delinquere contra prohibitionem accedendi ad colloquendum cum Monialibus tam illum, qui accedit ad colloquendum signis tantum, ac nutibus, quam illum, qui accedit ad colloquendum per interpretem, aut interpositam personam, dirigendo suam locutionem ad Monialem præsentem, & audientem. Ratio est, quia per decreta, & jura interdicta accessum ad colloquendum cum Monialibus.

libus, duo copulative prohibentur, scilicet accessus ad Monasterium, & locutio ipsa; accessus prohibetur tanquam medium, locutio facta cum tali medio prohibetur tanquam finis: Unde facit contra prohibitionem primo quotiescumque aliquis accedit ad Monasterium, & loquitur per signa, & nutus, quia illi nutus facti coram Moniali, & directi ad manifestandum eidem sensus intentionis, nos, habent rationem veræ, & propriæ locutionis. Secundo quotiescumque aliquis accedit, & ita loquitur per interpretem, aut interpositam personam, ut dirigat suam locutionem ad Monialem præsentem, & audientem; nam etiam in isto casu accedit, & vere loquitur cum Moniali.

Quæres 15. *An modo supra dicto delinquat qui accedit ad Monialem, & cum ea loquitur idiomate, quod non intelligitur a Moniali.*

216. *Resp.* Videri non delinquere; & probatur ex doctrina, quam in simili tradit Sanchez l.1. moral. c.10. n.51. dicens legentem librum lingua sibi omnino ignota conscriptum, ac prohibitum non affici pœnis latis contra legentes libros prohibitos: est enim par ratio in utroque casu.

Quæres 17. *An modo dicto delinquat, qui accedit ad Monialem loquuturus cum illa, ipsa nihil respondente, vel certe illam loquentem solum auditurus, ipso nihil dicente.*

217. *Resp.* Diana supra, delinquere in priori casuum tunc revera loquatur cum Moniali (quod jure prohibetur) non item in posteriori: cum lex penaliter non debeat extendi, & alias prohibitio loquendi cum Moniali propriè non sit prohibitio audiendi Monialem: unde cum in hoc posteriori eventu accedens non loquatur, sed solum audiat Monialem loquentem, (quod jura non prohibent) non potest dici delinquere contra prohibitionem, quæ præcisè vetat loqui cum Moniali: ita Diana, & cum eo Tambur. supra §. ad 2.

Quæres 18. *An faciat contra prohibitionem accedendi ad Moniales causa colloquendi cum illis, qui ad ipsas scribit litteras.*

218. *Resp.* Non facere, & patet tum ex dictis qu. præcedenti, quæ hic applicari possunt proportionaliter: tum ex communi illa regula, quæ habetur l.1. §. *hec autem verba s. quod quisque juris, verba cum effectu intelligenda sunt*: quæ regula in præsentis casu non habet locum, stante quod scribere litteras non est idem ac loqui, sed quid omnino diversum, ut constat: ita Navarr. cons.16. de sentent. excomm., Sanchez l.6. moral. c.16. n.117., Rodriguez to.1. qu.45. art.3., aliique apud Tambur. §. ad 6.

Quæres 19. *An violet prohibitionem supradictam, qui accedens cum debita licentia ad unam Monialem, loquitur postea etiam cum aliis Monialibus, sive sponte accurrentibus, sive ab ipso vocatis.*

219. *Resp.* Violare, si alias dictæ Moniales juxta statuta, ac locorum consuetudines non debeant ex munere suo interesse colloctioni Monialis, ad quam is accedit cum licentia: sic enim præsumitur adesse tacita licentia Superioris ad loquendum cum Monialibus ex munere suo intercurrentibus, (cujusmodi sint auscultatrices (idque ex regula connexorum, de quibus idem est judicium, cap.translato de constitut.

Quæres 20. *An accedens ad Moniales exemptas incurrat penas latis ab Ordinario contra indebite accedentes ad Monasteria Monialium.*

220. *Resp.* Incurrere, quia, ut diximus hoc cap.5. sect.1. n.6., Monasteria exempta subduntur Episcopo, quoad Clausuram tanquam Sedis Apostolicæ delegato, ut constat ex rationibus, & declarationibus Sæcræ Congregat. loco citato allatis.

Quæres 21. *An dici possint transgressores præsentis prohibitionis pueri, ac puellæ, si ante decimumquartum annum completum sine licentia accedant ad Moniales causa colloquendi cum illis, & diutius colloquantur.*

221. *Resp.* Possè quidem esse transgressores in ordine ad incurrendum culpam, quia, ut patet, etiam ante annos pubertatis tenentur pueri legibus Ecclesiæ, sed possè probabiliter dici eos non esse reputan-

putandos transgressores in ordine ad effectum incurrendi censuras : & probatur, tum quia respectu illorum non concurrunt causæ, ex quibus solet induci dicta prohibitio, sique procedit doctrina, quod cessante sine legis cessat lex : tum quia Ecclesia non solet cogere quemquam suis censuris ante annos pubertatis, compatiens fragilitati illius ætatis ; constat autem, quod talis prohibitio solet fieri sub aliqua censura. *Tamburin. 5. ad 8. ex Bonac. Diana supra & alii contra Graff. tom. 1. conf. 22. de sentent. excommun. n. 9.* , cujus opinio magis est probabilior.

Quæres 22. An Ordinarii, ac Superiores Monialium possint permittere, ut Magistri canendi, aut pulsandi Cymbala, aliaque instrumenta musica possint accedere ad Moniales, ut eas doceant.

22. Resp. Non debere, immo nec posse, cum id expresse prohibuerit Sacra Congregatio Episcoporum 13. Septemb. 1583. teste Gavanto in manual. v. Monialium collocutio n. 4., qui hujusmodi prohibitionem refert his verbis : Non permittatur accessus ad Moniales sub pretextu docendi sonum Cymbalorum, aut alterius instrumenti, aut musicæ, cantumve ad crates,

CAPUT VI.

De variis obligationibus, ad quas tenentur Moniales ratione status Religiosi.

1. **M**oniales debent tendere ad perfectionem per media præscripta in regula.
2. Non tenentur tamen visitatus esse perfecta.
3. Implent hanc obligationem observando vota religiosa, ac præcepta.
4. Tenentur ad regulam eo genere obligationis, quo in ea præscribitur (non tenentur tamen statutis Ordinis, si subsint immediate Ordinario loci) sed non sub voto ad omnia in ea posita, etsi doceant regulam.
5. Quando peccant contra hanc obligationem statuendo non servare Regulam.
6. Peccant solum venialiter statuendo non servare Regulas obligantes ad veniale.
7. Interdum Moniales unius Conventus non obligantur ad legem generalem.
8. De jure communi tenentur solum ad confessionem annuam, &

communione Paschalem: nec ullo jure probatur oppositum.

9. Feria sexta Parasceve non communificant : nec in Missa in festo Nativitatis D. N. media nocte celebrari solita.
10. De jure communi non tenentur audire Missam frequentius, quam alii fideles : in ejus audientia, quæ sufficiat attentio, ac moralis presentia : ejus obligatio admittit levitatem materiæ, quæ varie assignatur : ea interdum præveniendi impletur audiendo mediam Missam ab uno, & mediam ab alio : audiens Missam potest recitare horas debitas ex præcepto, immo confiteri sacramentaliter, juxta aliquos.
11. Debent curare, si possunt, ut in suis templis dicatur Missa Conventualis.
12. Recitant horas in Choro ex consuetudine, non tamen singula Moniales tenentur ad id.
13. Quid statuerit Leo X. de hoc : Ab-

Bb batissa

- batiffa dispensat quoad tempus recitandi horas in Choro.
14. Recitare debent horas extra Chorum: nec id sine nota temeritatis potest negari, etsi aliqui id negent, non enim quidquid suffinent aliqui Doctores, censeri debet probabile.
 15. Laica tamen loco horarum tenentur solum ad certas preces: verum non sub mortali.
 16. Ex Indulto Clementis VII. Moniales Chorista, si sint imperitiores, possunt recitare Officium Monialium laicarum, & quidem non sub mortali: alia item talia indulta iis concessa.
 17. An satisficiat recitans horas sine ulla attentione interna: item recitans officium pro officio: non omnis omisso partis horarum est mortalis: & interrumpuntur sine culpa gravi; idque procedit de invertente ordinem earum: earum syncopatio non est semper mortalis: in dubio, an recitatae sint, non repetuntur: recitans cum alio satisfacit audiendo ab illo lectiones: recitanti certam orationem in fine horarum remittuntur defectus commissi in illis dicendis: omittens simul omnes horas unicum facit peccatum, sicut omittens Officium Defunctorum cum Officio de Oclava in die Defunctorum: recitans horas lingua vulgari peccat mortaliter, etsi alii id negent.
 18. Moniales exempta tenentur ad officia Sanctorum Ordinis: secus si subsint Ordinario: & si hæc possint ea recitare.
 19. Extra Chorum non tenentur ad officia Defunctorum dici solita pro benefactoribus, nec ad Li-
- tanias in Rogationibus, etsi non intersint processioni, quod alii negant.
20. Non peccant omittendo preces indicatas pro Benefactoribus.
 21. Tenentur ad habitum Religiosum, ac tonsuram: prohibentur induere habitum virorum.
 22. Tenentur ad Clausuram.
 23. Jure communi tenentur solum ad jejunandum in jejniis communibus omnibus facilibus.
 24. Ad jejunia Alventis regulariter non tenentur sub mortali.
 25. Quinquagenaria excusantur a jejniis Ecclesia, & Regula, sicut & ea, quæ vigesimum primum annum non expleverunt (quod alii negant) & hæc saltem dispensari possunt in jejniis Regulae sine magna difficultate: votens jejunare post sexagesimum annum tenetur jejunare, si votum sit ad totam vitam.
 26. Non tenentur ad jejunia Diacefis, in qua degunt.
 27. In die jejunii anticipant commessionem per boram cum dimidio ante meridiem: assignatur quantitas refectiuncula vespertina, eaque major vigilia Nativitatis D. N., etsi sumatur bora prandii: generaliter sumi potest refectiuncula bora prandii, dilato prandio ad vesperam: in dicta refectiuncula sumi potest jusculem parum excedens octo uncias: inserviturus mensæ in die jejunii aliquid edit, prandium postea profecturus: talis profectio est licita post longum tempus, idque in variis casibus, qui proponuntur: accumbens mensæ potest edere, etsi plicato linteolo proposuerit non edere, & hoc interdum, licet finitum sit pran-

fit prandium: quod a fortiori procedit, si prandium adhuc durat: jejuniis extra prandium aliquis cibi sumit, ne potus noceat: is vero modicus est, si sit infra unciam: in refectiuuncula nequit cibis coctis cum iusculo sumi in quantitate, in qua sumeretur crudus: nova sumpta per modum cibi, seclusa parvitate materia, violat jejunium.

28. *Observant festa, censuras, ac interdita Ordinarii loci.*
29. *Juxta aliquos in die festo faciunt reebamaturas.*
30. *Ad Processionem in diebus Rogationum non tenentur stricte.*
31. *Solvunt debita contracta, nisi excuset impotentia: at recipientes ab iis ad illicita interdum non tenentur restituere.*
32. *Tenentur corrumpere proximum, & maxime Superioris.*
33. *Possunt facere elemosynas sed non tenentur semper, & si sunt Superioris.*
34. *Sollicitate a Confessario ad turpia, tenentur eum denunciare.*

Quæres 1. An, & quomodo Moniales debeant tendere ad perfectionem Religiosam.

1. *Resp.* **D**ebere tendere: non quidem per omnia, & singula media, quæ possunt deservire ad talem effectum, sed solum per ea media, quæ ipsis præscribuntur in Regulis, seu Constitutionibus propriis Ordinis: est communis DD. cum S. Thoma 2. 2. q. 186. art. 2., & probatur ex eo, quod nec Deus, nec Ecclesia, nec finis status religiosi, nec ipsa vota religiosa aliquid amplius petunt, quam ut Religiosus ducat vitam regularem juxta proprium Institutum a Sede Apostolica approbatum: id autem sufficienter impletur, si Moniales tendant ad perfectionem religiosam per media præscripta in propria Regula, seu Constitutionibus.

2. Ubi notandum ex eodem S. Thoma qu. 184. art. 5. ad 2. Moniales ex vi sui status non teneri esse perfectas, sed solum curare exequi ea, quæ conferre possunt ad acquirendam perfectionem religiosam consistentem in dilectione Dei, ac proximi, & in eo, quod per consilia Evangelica, & præsertim per tria vota substantialia Religionis Religiosus vacet studio Christianarum virtutum, harum exercitio removendo ea omnia, quæ acquisitioni ipsius religiosæ perfectionis obitare possunt.

Quod si quæras, ad quid absolute teneatur Monialis, ut dici possit implere obligationem, quam habet tendendi ad perfectionem religiosam.

3. *Resp.* Teneri intendere servare sua Vota integre, prout in sua Regula sunt, & alia omnia præcepta proprii Ordinis ultra communia: ita Suarez tom. 4. de relig. tract. 8. lib. 1. cap. 4. n. 11., & patet, quia si id faciat Monialis, vere tendit ad perfectionem, cum sic velit servare statum, qui secundum se est in consilio tantum, & non sub præcepto (in quo consistit tendentia ad perfectionem) non enim Religiosus debet habere intentionem currendi ad perfectionem, sed solum tendendi ad illam, ut bene advertit Sylv. v. Religio 1. q. 3., quamvis alioqui teneatur retinere propositum utendi aliquo medio, quod non sit in præcepto, sicut jam indicavimus: unde infert idem Sylv., Religiosum non esse extra statum salutis, si unum retineat medium conducens ad perfectionem, aliàs in malo statu futurus, si omnia media ad finem perfectionis a se omnino abdicat: quod est bene notandum; sed de hoc latius in 1. tract. nostri Manual.

Quæres 2. An, & quo genere obligationis teneantur Moniales servare Regulam, seu Constitutiones, & Statuta proprii Ordinis.

4. *Resp.* Teneri, & quidem cum obligatione sive ad culpam mortalem, aut venialem, sive ad pœnam, prout illarum Auctores instituerunt: Regula enim religiosa non est proprie consilium, sed necessari-

B b 2

cessi-

cessitatem aliquam inducit operandi, per hoc participans de ratione legis, & differens a puro consilio: siquidem præter Regulam dantur alia multa, quæ fieri possunt a Religiosis ex consilio; cum tota perfectio non sit in sola regula, sicut recte notavit S. Benedictus c. ult. sue Regule: unde ad cognoscendam obligationem regulæ Monialium, inspicere debet ipsa Regula, & ex ejus tenore colligendum est, an obliget ad culpam sive mortalem, sive venialem, vel solum ad penam, & hanc sive determinate taxatam, sive commissam prudenti arbitrio Superioris. Ratio responsionis est, quod Moniales omnes profitentur Regulam, & promittunt Obedientiam juxta Regulam; unusquisque vero debet implere id, quod promittit, & quod competit statui, quem proficitur: ita Suarez sup. tr. 9. l. 1. c. 12. n. 11. monens, quod quamvis Statuta Religionis non obligent ad culpam, possunt Moniales per suos Prælatos cogi ad illorum observantiam, cuius ipsi peculiarem curam habere debent in visitationibus earumdem Monialium.

Unum hic ego monco (quod etiam noto in tract. de oblig. c. 3. q. 31.) nimirum Moniales, quæ subiectæ sunt immediate Ordinario, & non amplius subji-ciuntur regimini Prælati regularis, non teneri servare statuta, quæ postea fiant in ordine a Prælati regularibus: siquidem lex non potest ferri, nisi in subditos; Moniales autem non sunt subditi Prælati regularibus, si, quo tempore sunt illa statuta, sunt immediate subiectæ Ordinario: præterquam quod aliqui possint onerari statntis tam ab Ordinario, quam a Prælati regularibus, sique plus iusto gravari contra leges æquitatis.

Et hoc puro procedere etiam quoad Statuta edita in Ordine, quo tempore Moniales subiacebant ejus jurisdictioni: cum eadem ratio sit de his, ac de illis, quæ eduntur, postquam exemptæ sunt a potestate Ordinis. Moveor, tum ex ratione paulo ante allata quoad statuta futura, quæ intentum probat etiam quoad præterita, tum ex regula, quam tradit San-

chez lib. 7. de Matrim. d. 10. n. 10. ex Dominico, & Franco; nimirum, quod, quando duo sic se habent, ut unum sit mensura, & alterum res mensa, lex corrigens, vel limitans mensuram, censetur pariter corrigere, ac limitare rem mensam, si eadem ratio militet in utrisque: cum ergo respectu Monialium mensura obligationis ad observanda Statuta Ordinis sit subiectio ad ipsum Ordinem, & obligatio ad Statuta sit res mensa; eo ipso, quod tollitur subiectio ad Ordinem, quomodo vere tollitur, quando Moniales ab ejus potestate eximuntur, tolleretur & obligatio Statutorum etiam antea editorum; adeoque Moniales amplius non obligabuntur ad eorum observantiam: quod tamen non procedit de observantia Regulæ; ad ea enim tenentur Moniales, quantumvis eximantur a potestate Ordinis; quippe quæ hoc ipso, quod manent Religiosæ, debent servare aliquam Regulam, & cum adhuc sint Religiosæ prioris Ordinis, debent servare Regulam præfati Ordinis: quod non procedit de Statutis Ordinis, cum ad illorum observantiam non requiratur solum professio religiosa talis Ordinis, sed actualis subiectio ad illum.

Addo, Moniales voventes regulam S. Claræ, v. gr. (ut faciunt Cappuccinæ Ferrariæ sub his verbis: *Promitto Deo me toto vita meo tempore in perpetuum formam, & vitam pauperum Sororum Sanctæ Clare*) non peccare contra votum, quoties violant dictam regulam, sed solum, quando illam violant in materia votorum substantialium Religionis, vel alterius voti, quod forte emittant ex speciali instituto, continetur in regula: ita Peyr. de R. S. q. 1. cap. 5. §. noto primo ex S. Thom. 2. 2. q. 185. artic. 9. ad 1. aliisque, cum quibus sentit Bordonus c. 1. de profess. q. 48., & probatur, quia vovens regulam non vovet implere omnia, quæ continentur in regula, sed tantum vovet vitam regularem; quæ consistit in votis substantialibus religionis, alias religio, in qua vovetur, regula esset suis Religiosis in laqueum perditionis; quippe quæ plura continet mini-

ma; quæ ex humana fragilitate facillime solent violari.

5. Monet autem Suarez *supra tract. 8. lib. 1. cap. 4. n. 15.* quod, quamvis moraliter loquendo, non possit reperiri Religiosus adeo rectus in substantialibus, seu necessariis, ut illa ea servare statuatur; qui in reliquis sit ita remissus, ut intendat nullam omnino regulam servare, aut semper, & in omnibus transgredi (quod vix potest contingere absque contemptu); potest tamen facile inveniri Religiosus sic remissus, ut contentus necessariis, nolit esse sollicitus de aliis: adeoque statuatur non semper servare regulam, sed solum quando disciplina ipsa, ac ordo religiosus morali quadam necessitate compulerit, vel quando id fieri possit absque gravamine, ac difficultate: cum quo proposito constat talem Religiosum velle in aliquibus actibus, vel secundum regulam, vel ultra illam operari multa opera supererogationis, ac meliora facere, siquæ in tali intentione per se, & ex vi obiecti, nullum videtur committi peccatum, si regula ordinis ad nullum obliget peccatum. Quæ dicta esse volo, non ut Monialibus, aliisve Religiosis occasionem tribuam remisse vivendi, siquæ exponendi periculo peccandi, sed ne injiciam laqueum, inponendo periculum peccandi mortaliter, ubi vere non est: ut habet ipsemet Suarez.

Dicitur: quid si regula obliget ad culpam venialem tantum, qualiter peccabit Monialis proponendo frangere illam oblata occasione?

6. *Resp.* Secluso periculo gravioris lapsus, & contemptu, non peccaturam mortaliter, sed solum venialiter, peccato tamen graviori in genere culpæ venialis; sicut enim transgredi talem regulam est peccatum veniale, sic & erit id proponere, gravius tamen, quatenus in eo proposito major malitia ineluditur, quam in qualibet particulari transgressione: ita Suarez *n. 16.*, addens facile defendi posse, in dicto proposito non contineri tot malitias, quot sunt regulæ diversarum virtutum; sed unicam tantum contra generalem rationem obediendi legi: sicut enim obser-

vationes omnium regularum conveniunt in hac generali ratione, sic transgressio regulæ ut sic, præcise opponitur generali illi rationi, ideoque intentione voluntatis in eam præcise tendente, ex illa consurgit una specifica malitia, non autem multiplex: quæ de re *Castro Pal. tract. 16. d. 4. pag. 1. n. 4.*

Placet hic resolvere dubium olim propositum: An scilicet in casu, quo lex aliqua generalis fiat pro omnibus Monialibus unus Duceffis, si constet illam in aliquo Conventu Monialium non fuisse acceptatam a majori parte Monialium dicti Conventus, aut certe fuisse postea abrogatam, Monialibus aliorum Conventuum majori ex parte observantibus talem legem; an, inquam, ista lex obliget Moniales præfati Conventus.

7. „Antequam respondeam: Suppono primo, subditos, & consequenter Moniales alicujus Monasterii peccare, si absque sufficienti causa non acceptent legem a suo Principe, & legitimo Superiore promulgatam, ut clare constat ex *prop. 28.* damnata ab Alexandro VIII. „*Populus non peccat, etiamsi absque ulla causa non recipiat legem a Principe promulgatam.* Ratio hujus veritatis loquendo de Superiore Ecclesiastico clarissima est; nam Superior Ecclesiasticus non habet a subditis potestatem ad leges ferendas, & jurisdictionem, sed a Christo Domino vel immediate, & proxime, ut Romanus Pontifex; vel per Romanum Pontificem, ut Episcopi. Suppono secundo, quod licet populus, & subditi peccent non acceptando legem justam a Superiore latam; tamen si re ipsa non acceptant, & a majori parte Communitatis lex non observatur, tandem si hoc Superior toleret, & inobservantes non puniat post elapsum sufficiens tempus, lex desinit obligare, si ea sit pure humana. Ita docet communis sententia, & sumitur ex *cap. ultimo* de consuetudine. Dixi, si ea sit pure humana; nam si ea spectet ad res fidei, vel prohibeat aliquid tanquam contrarium legi divinx, aut naturali, tanquam prævum, & scan-

„ & scandalosum, aut reprobet aliquam
 „ consuetudinem tanquam irrationabi-
 „ lem, tunc, ut omnes docent, non ces-
 „ sat obligare ex eo, quod non sit usu re-
 „ cepta. Suppono tertio, quod si lex mo-
 „ do nuper dicto pure humana ab aliqua
 „ communitate non observatur, sciente
 „ Legislatore, ut ea desinat obligare,
 „ sufficit, quod major pars communita-
 „ tis fecerit tot actus contrarios, ex qui-
 „ bus prudenter colligi possit, Superio-
 „ rem, qui inobservantiam suæ legis co-
 „ gnoscit, & inobservantes non punit, ta-
 „ cite quodammodo per suum silentium
 „ legem revocasse. Si vero Superior igno-
 „ rat legis suæ inobservantiam, ejus ob-
 „ ligatio sine dubio cessat, postquam est
 „ elapsus decennium a legis promulga-
 „ tione, & præterea est probabile, & tu-
 „ tum in praxi tantum tempus sufficere,
 „ quantum ex legis inobservantia per actus
 „ contrarios possit arbitrio prudentum ju-
 „ dicari legem non esse amplius utilem
 „ populo, & ideo iuste præsumatur esse
 „ a Superiore revocatam. Ratio est, quia
 „ neque ex natura rei habemus funda-
 „ mentum sufficiens ad requirendum tem-
 „ pus decennii prædictum, ut cesset lex
 „ per positivum contrarium non usum,
 „ quando huic inobservantiæ, & non usui
 „ Superior non contradicit, quia illum
 „ ignorat. Ita *Suarez lib. 4. de legib. c. 16.*
 „ *n. 11.*, & *12.*, *Diana part. 1. tract. 10.*
 „ *resolut. 7. Castro Pal. multos alios alle-*
 „ *gans part. 1. tr. 3. d. 1. punct. 13.* His præ-
 „ missis, & suppositis respondeo quæstio-
 „ ni propositæ, dicendo, videri, non ob-
 „ ligare, si revera certo constet legem, de
 „ qua est quæstio, fuisse abrogatam, saltem
 „ per tacitum Superioris consensum, &
 „ inde suadet, quod, quando dicitur ac-
 „ ceptatio legis debere fieri a majori parte
 „ communitatis, id non intelligitur de com-
 „ munitate solum totali (v. gr. de toto ali-
 „ quo regno) sed etiam de communitate par-
 „ ticulari, & quidem, etsi non sit satis am-
 „ pla) quod est contra *Baldellum lib. 5. d. 18.*
 „ *n. 23.*, (requirentem in proposito casu, ut
 „ communitas sit satis ampla) qualis utique
 „ est etiam particularis Conventus Monia-

lium unius diœcesis, quod satis aperte in-
 dicat *Bonacins d. 1. de legib. qu. 1. par. ult.*
§. 3. n. 15., dicens, communitatem femi-
 narum posse sua consuetudine jus inducere:
 Cum ergo lex non obliget, postquam
 est per tacitum Superioris consensum ab-
 rogata, si Moniales unius conventus pro
 majori parte non acceptent legem aliquam
 generalem latam a Superiore pro omnibus
 Monialibus illius Diœcesis; ex tandem ad
 illam non obligantur, si juxta dicta pru-
 denter præsumi possit Superioris consen-
 sus, quamvis Moniales aliorum Conven-
 tuum communiter illam observent: utpo-
 te ab ipsis acceptatam, & postea non ab-
 rogatam: Colligitur responsio ex *Bonaci-
 na supra par. 4. n. 33.* pro se citante *Glof-
 sam, Navarrum, & Azorium, Salas, Va-*
lent. Reginald., & alios.

Quæres 3. *Ad quam Sacramentorum
 frequentiam teneantur Moniales ex vi juris
 communis.*

8. *Resp.* De rigore præcepti fundati
 in jure communi, & obligantis sub mor-
 tali probabile esse eas non teneri, nisi ad
 confessionem annuam, & communionem
 in Paschate, sicut tenentur alii fideles ex
 c. *Omnis utriusque sexus de penit.*, & re-
 miss. ; de consilio autem teneri ad confes-
 sionem, & communionem mensuram ex
 decreto *Concilii Trident. sess. 25. cap. 10. de
 Regular.*, ubi referens in margine *Clemen-*
tinam, ne in agro de statu Monach. (quæ
 juxta dicenda posset ingerere aliquam dif-
 ficultatem) sic habet: *Attendant diligen-*
ter Episcopi, & ceteri Superiores Monaste-
riorum sanctimonialium, ut in Constitutio-
nibus earum admoneantur sanctimoniales,
ut saltem singulis mensibus confessionem pec-
catorum faciant, & Sacrosanctam Eucha-
ristiam suscipiant, ut eo se salutari præsidio
mutuant ad omnes oppugnationes demonis
fortiter sustinendas. Quæ verba, si bene
 perpendantur, indicant, Concilium necque
 imponere præceptum Monialibus, ut sin-
 gulis mensibus confiteantur, & communi-
 cent, necque præcipere, ut illud impona-
 tur; sed solum admonere Episcopos, &
 Superiores ipsarum Monialium, ut in ea-
 rum constitutionibus illas moneant de di-
 & a

Et Sacramentorum frequentia: quod est illam proponere per modum consilii, non autem sub obligatione præcepti adtrin- gentis sub mortali, ut aperte colligitur ex verbo, *admoneantur*; ita contra *Navar- rum cap. 21. num. 59. & alios Miranda qu. 10. de Monial. artic. 1. Fagund. præc. 3. Eccles. lib. 1. cap. 6. n. 8., Reginald. l. 19. n. 73. & alii apud Tamburinum supra d. 16. qu. 6. num. 2.*

Nec obstat, quod in citata *Clement. 8. sane*, dicitur; *singulis mensibus tam in Monasteriis, quam extra, sublata occasione quacunque ad confessionem saltem semel accedant omnes, & singuli Monachi, & in prima dominica Mensis cujuslibet in Mona- steriis semper communicent* &c. quæ verba important non consilium, sed præceptum, nec videntur abrogata per Concil. Tri- dent. quod potius, ea allegando in mar- gine, indicat se illa approbare; (unde Cajetanus relatus a Miranda, putat Mo- niales teneri semel confiteri in Mense, etiam si habeant solum venialia, idque ad implend. præceptum dictæ Clementi- næ: *Sotus vero in 4. d. 18. qu. 1. artic. 3. rejiciens hanc opinionem tanquam nimis rigidam, docet, præceptum positum in præfata Clementina solum abbreviasse tempus confessionis pro Religiosis, sive Monachis, ita ut, sicut fideles omnes tenentur singulis annis confiteri, si habeant mortalia, sic & Monachi teneantur confi- teri singulis mensibus, si mortalia habeant*) Non obstat, inquam; primo quidem, quia citata Clementina loquitur de Monachis nigris, ideoque non debet extendi ad alios Religiosos, & multo minus ad Moniales, ut colligitur ex *Glossa ibi v. singuli*; se- cundo, quia esto detur, dictam Clemen- tinam extendi modo dicto, ea fuit mode- rata per *Concilium Trident. supra*, sicut constat ex verbo, *admoneantur*, quod adhibet, alioqui indicans se apponendo in margine dictam Clementinam, ad eam respectisse in conficiendo decreto a nobis relato in præfata responsione.

„ Dixi probabile esse eas non teneri
„ de rigore præcepti fundati in jure com-
„ muni: tum quia probabile etiam est,

„ quod teneantur singulis mensibus, ut
„ videre est apud *Clericatum de Eucharis-
„ tia d. 49. n. 14.* tum quia possunt esse
„ obligatæ vel ex præcepto peculiari sua-
„ rum Constitutionum, vel ex præcepto,
„ seu lege Episcopali, vel ratione scan-
„ dali, aut alio simili motivo ad frequen-
„ tiorum confessionem, & Communio-
„ nem.

*Quod si hic obiter quæras: An Mo-
niales possint communicare feria sexta pa-
rasceve, si occurrat justa causa, v. gr. fe-
stum Annunciationis B. Virginis.*

9. „ *Resp.* Arbitratus sum olim, illas
„ posse communicare, & probabam, tum
„ quia hoc est per se bonum, nec extat
„ prohibitio in contrarium; non ergo ap-
„ paret, unde debeat damnari, ac repro-
„ bari: tum quia, quod dicitur in *cap. Sab-
„ batho de Consecr. dist. 3.*, Sacramenta eo
„ die penitus non celebrari, manifeste in-
„ telligi debet de Sacrificio Missæ, non
„ autem de communione laica; cum ce-
„ lebrare Sacramenta proprie loquendo
„ non sit ministrare Eucharistiam populo,
„ sed ea n. conficere: ita *Sd v. Eucharist. n. 19. Suarez dist. 80. de Sacram. sect. 2. Fagundes præcept. 1. Eccles. l. 3. cap. 15. n. 16.* alique, quos citat, & sequitur
„ *Diana p. 6. n. 6. ref. 19.* addens ex Val-
„ quez, quemlibet ex causa, vel devo-
„ tione posse dicta feria sexta communi-
„ care, intellige, nisi subest periculum
„ scandali, quod sine dubio facile posset
„ caveri.

Addebam Moniales, si vellent, posse communicare in Missa dici solita media nocte in Nativitate Domini: idque ex do- ctрина, quam tradidit *Suarez d. 69. de Euchar. sect. 4. §. tandem inquiri potest. ex Angelo, ac Sylvestro, & sequuntur Laym. l. 5. tr. 4. c. 6. n. 19. Fagundes præcep. 3. Eccles. lib. 3. c. 7. n. 13.* & alii; nimirum servato jejunio, secluso scandalo, ac per se loquendo, posse hominem qualibet hora dici communicare; & si communio fre- quentius dari soleat usque ad meridiem, eo quod illud tempus sit opportunius: nulla enim est lex, quæ ad hoc obliget; nec consuetudo hactenus ita introducta est,

est, ut præceptum induxerit: quæ doctrina in eo fundatur, quod dies, intra quem licet communicare, computatur a media nocte in medium noctem. „ Nunc autem „ neutrum dici probabiliter potest, propter decreta Sacræ Congregat. quæ in „ contrarium emanarunt; siquidem Eucharistiam non esse ministrandam in die Pasceves, nisi infirmis, est Ecclesiæ consuetudo, eamque esse servandam declaravit Sacra Congregatio Rituum die 19. Februarii 1622. *apud Mendo in epitome, v. Eucharistia n.8. & apud Niconium in stoculis v. Eucharistia n.7.* eademque Sacra Congregatio die 20. Aprilis 1641., & 9. Augusti 1653. prohibuit administrari Fidelibus Eucharistiam in media nocte Nativitatis Domini Nostri Jesu Christi, *apud Monacell. in formulario to.2. tit.3. formul.3. a num.16.*

Quæres 4. *An Moniales teneantur audire Missam frequentius quam teneantur fideles.*

10. Resp. Quod, quamvis maxime debeat Moniales, alioque Religiosos quam frequentissime audire Missam ob maximum fructum spirituales inde provenientes, ut in specie notavit *S. Antonin. 3. p. tit. 19. c.7. §.2.* sicque communiter in regulis, seu Constitutionibus Religionum præscribi soleat quotidiana Missæ auditio, nihilominus, stando in jure communi, Moniales non tenentur frequentius audire Missam, quam teneantur alii fideles, nimirum in diebus Dominicis, ac festis ex præcepto, sive communibus toti Ecclesiæ, sive propriis uniuscujusque Diocesis, id est ab Ordinario inductis, idque tum *ex capit. Omnes fideles de consecrat. d.1.* sub quo utique comprehenduntur etiam Moniales, & alii Religiosi, cum etiam ipsi sint fideles.

Ex occasione autem obligationis audiendi Missam hic explicatam, placet modo proponere aliqua dubia practica de ipsa obligatione, quæ a Monialibus proponi possent suis Confessariis, ut si forte hi de iis interrogentur, prompte, ac bene respondere valeant.

Dico ergo primo: ad implendum præceptum Missæ non sufficere attentionem externam, nisi eo modo, quo infra *qu.7. §. moneo igitur 1.* diximus illam sufficere ad implendum præceptum horarum Canonicarum: *Diana p.1. tract.1. resol.2. ex Conincho, & Layman. Cardin. de Lugo d.22. n.29. alique ab ipso citati n.27.*

Dico secundo: ad satisfaciendum huic præcepto requiri moralem præsentiam in eo consistentem, ut assistens Missæ vel audiat, vel videat celebrantem, vel saltem societ alios videntes, aut audientes, surgendo, genuflectendo, ac pectus tundendo cum aliis, *Fagund. 1. præcep. Eccles. l.1. c.7. n.3. ex Sanchez, Ledesma, & Segura,* a quibus non dissentit *Cardinalis de Lugo supr. n.20.* hinc bene inferens *n.21.* posse impleri hoc præceptum audiendo Missam e fenestra propriæ domus, si audiens inde videat Sacerdotem in Ecclesia ex adverso celebrantem, & altare, in quo celebratur, non ita distet a fenestra, ut impediatur moralem præsentiam.

Dico tertio: Duriusculum videretur, si non obstitaret praxis fidelium in contrarium, damnare de mortali illum, qui interveniret Missæ ab offertorio (unde principium Missæ desumi debet teste *Isidoro*) usque ab benedictionem Sacerdotis *Laym. lib.4. tr.7. c.4. n.3. ex Amalario,* monens tamen, se nihil definire contra communem sententiam: ex Doctoribus enim plures apud *Fagundez c.6. num.2.* censent non peccare mortaliter illum, qui a principio Missæ omittit usque ad Evangelium exclusive; alii vero apud *Bonacinam d.4. de Sacrament. qu. ult. p.11. n.17.* fere sustinent non peccare mortaliter eum, qui accedit ad Missam post recitatum Evangelium, si reliquum Missæ audit usque ad Evangelium S. Joannis inclusive.

Dico quarto: Monialem, quæ prævidet fore, ut Missam audire non possit per ultimas tres horas ante meridiem (eo, quod v. g. corripietur febris quartana) si possit absque notabili incommodo prævenire auditionem Missæ, teneri prævenire sub mortali: cum præceptum Missæ quoad horam, in qua illa audienda est, non statuat

tuat tempus omnino limitatum, sed solum Missam ea die audiri, quacumque hora moraliter loquendo, id fieri potest: colligitur ex *Lessio lib. 4. c. 2. n. 55. Sanchez lib. 1. Moral. c. 12. n. 32.*

Dico quinto: juxta plures, & graves Doctores relatos a *Diana p. 2. tr. 17. resol. 18.* non videri improbabile Monialem satisfacere præcepto Missæ, si audiat mediam Missam ab uno Sacerdote, v. gr. post consecrationem usque ad finem, audiendo postea ab alio Sacerdote aliam Missam a principio usque ad consecrationem exclusive, cum sic audiat Missa integra, & ordo partium inter se non videatur esse de substantia præcepti: contraria tamen sententia in praxi amplectenda. Immo *Diana supra ex Molfesio, Hurtado, & S. Faustino*, putat impleri præceptum Missæ, si ea eodem tempore simul audiat a duobus Sacerdotibus, ab uno a principio Missæ usque ad consecrationem, & ab alio a consecratione usque ad finem: additque *p. 5. tr. 14. resol. 52. ex S. Faustino*, posse quem eodem tempore audire tres Missas ex triplici titulo diverso debitas v. g. ex voto, præcepto Ecclesiæ, ac penitentia imposita a Confessore.

„ Sed hæc opinio secundum id, quod
„ assertit, satis fieri posse præcepto Ec-
„ clesiæ de audiendo sacro, audiendo
„ simul plures ejus partes a diversis ce-
„ lebrantibus, reprobata est, & damnata
„ ab Innocentio XI. propos. 53. quæ sic
„ habet: *Satisfacit præcepto Ecclesiæ de*
„ *audiendo sacro, qui duas ejus partes*
„ *imo quatuor simul a diversis celebranti-*
„ *bus audit.* Ratio inter alias est, quia
„ Missa est aliquid successivum, unde
„ ejus partes non possunt sumi simul; &
„ præceptum de audienda Missa, est de
„ non audiendis pluribus ejus partibus
„ simul; & sic etiam opinio docens posse
„ quem eodem tempore audire tres Missas
„ ex triplici titulo diverso debitas, re-
„ stringenda est etiam ipsa ad casum, pro
„ quo non constat, cadere sub obliga-
„ tionem successivam auditionem illarum.

Dico sexto: Moniales tempore Missæ debent ex præcepto Ecclesiæ posse recitare

horas canonicas ex debito professionis recitandas, vel alias preces debitas ex voto, aut penitentia, cum in auditione Missæ, aut recitatione precum sufficiat attentioni mediocri, ideoque sufficienter eodem tempore attendi possit ad utramque: *Fagundez supra lib. 2. c. 7. n. 10.* pro se adducens alios novem Doctores, addensque *c. 9. n. 12.* implere præceptum Missæ illum, qui eo tempore constituitur Sacramentaliter, quod item probabile putant *Reginald. lib. 19. num. 14.*, & alii docti Recentiores non omnino dissentiente *Suarez d. 83. de Euchar. sect. 3.*, cum ibi dicat: *quidam putant, toto illo tempore (loquitur de Missa) necessariam esse attentionem ad ipsum Deum, vel orando, seu petendo, vel gratias agendo, vel etiam de peccatis dolendo, vel aliquid simile.*

Quæres 5. *An Moniales teneantur curare, ut in suis templis celebretur Missa Conventualis quotidie.*

11. Resp. Teneri, si commode possint, & non adsit impedimentum, quod obstat: & ratio est, quod in *cap. cum creatura de celebr. Missæ* 5. rubric. habetur, in Ecclesiis Collegialibus quotidie celebrandam esse Missam Conventualem, de festo, aut de feria juxta temporis convenientiam; Monasteria autem Monialium sunt Ecclesiæ Collegiatæ, ut ait rubrica in *cit. cap. cum creatura*, sicque comprehenduntur sub dispositione dicti juris: ita *Tamburinus supra dist. 15. qu. 6. n. 1.* ex Corduba, & Sylv., monens Capellanos Monialium debere dicere Missam de Sancto, de quo sit Officium ab ipsis Monialibus (ex Missali tamen Romano), non vero teneri eam applicare pro benefactoribus vivis, atque defunctis, esto Religiosi Ordines id habeant in usu: ut notatur etiam *Rodrig. tom. 3. qu. 6. art. 7.*, & *Portell. de dub. Regular. v. Missa n. 7.*

Quæres 6. *An, & quo jure Moniales teneantur recitare horas canonicas in Choro.*

12. Resp. Teneri, si sint ex deputatis ad Chorum, idque non ex ullo præcepto canonico, quod extet, sed solum ex peculiari instituto, ac consuetudine ubique recepta, ut colligitur ex *Clem. 1. de celebra-*

C c

brat. Miss. c. dolentes tit. eod. ita Miranda qu. 9. de Monial. art. 6., Lezana to. 1. c. 25. n. 13., Tamburinus sup. qu. 1. n. 2., & alii, patetque ex dictis, si advertero cum Suarez lib. 4. de hor. Canon. c. 10. num. 15. ex obligatione chori in toto corpore Monasterii existentem non sufficienter nasci obligationem chori in singulis Monialibus: hæ enim vi legis obligantis sub mortali non tenentur recitare Divinum Officium in choro, nisi speciali Constitutione id ipsis præcipiatur, unde Cajet. v. hor. c. canonicæ, ait, ubi contemptus deest, & propter meam absentiam non notabiliter læditur divini cultus officii, & Prælati dissimulant, non incurro mortale peccatum ex hoc, quod desum horis canonicis in Ecclesia mea, quia contra præceptum juris posuisti proprie non venio, nec notabile damnum infero divino cultui. Quod approbat etiam Tamburinus n. 3. his verbis: quando Superior non imponit speciale, aut personale præceptum, non est talis obligatio (videlicet frequentandi chorum) in singulis ex præcepto. Sed de hoc plura Suarez ubi sup. n. 7. 8. 9. 15. & 16.

• 13. Moneo solum ex Rodriguez to. 3. q. 6. art. 6. Leonem X. quoad obligationem persolvendi Divinum Officium in Choro decrevisse, etiam sanas Moniales S. Clara non teneri semper Officium huiusmodi in Choro persolvere, ac exonerando conscientiam ipsarum Monialium, discretioni Abbatissarum pro tempore existentium commississe, ut quoad, & quomodo, sive cum quibus sit hæc remissio, sive exemptio toleranda, solenter invigilent.

Accedit, quod cum Suarez sup. c. 15. m. 13. dicat, Prælatos posse ex iusta causa dispensare quoad tempus statutum recitandi horas in choro: sic occurrente iusta causa, idem præstare poterunt & Abbatissæ quoad Moniales sibi subditas; cum etiam ipsis occurrere possit casus taliter dispensandi, nec addit ratio eis negandi hanc potestatem.

Quæres 7. An, & quo jure Moniales veneantur ad quotidianam recitationem horarum canonicarum extra chorum faciendam, si non possint, aut nolint interesse Choro.

14. Resp. Teneri, si sint ex deputatis ad chorum, patetque tum ex communi sensu Doctorum, qui in moralibus maxime debet assilimari, (cum raro bene loquatur, qui contra omnes loquitur, ut ait Bald. cons. 112. l. 2.) tum ex antiquissimo usu omnium fere Monialium, & quidem inducto tanquam ex obligatione, iuxta regulas a DD. tradi solitas ad dignoscendum, quæ consuetudo ind. sit ex obligatione, & quæ ex devotione: tum quia talis obligatio est communis omnibus religiosis additis Choro; ergo & erit communis Monialibus vacantibus choro, cum etiam ipsæ vere sint religiose: ita Rodriguez tom. 1. qu. 42. art. 20. Miranda sup. Sotus l. 10. qu. 5. art. 3. Diana part. 3. tract. 2. resol. 96., alique communiter.

Nec refert, quod aliqui Doctores graves sustinent, Moniales non teneri extra chorum recitare horas canonicas: siquidem teste Suarez lib. 7. de leg. c. 8. n. 7. non videtur tutum in re morali discedere a receptissima sententia, præsertim si materia ex jure positivo pendat, (adde tu vel ex consuetudine): præterquam quod ut sententia aliqua dicatur præfæce probabilis, non sufficit multitudo Auditorum sine ratione, aut fundamento probabili, maxime in re, quæ multum potest urgere contra bonos mores, ut recte advertit idem Suarez lib. 2. de diebus festis. c. 14. n. 2. Ad quod faciunt, quæ habet Baldellus lib. 4. d. 11. n. 14. ex Sanchez, & Salonio, eos, scilicet, qui non sunt satis versati in materiis moralibus non posse tuta conscientia sequi id, quod invenerint antiquatum ex aliquo posteriori decreto, aut aliter sit factum improbabile. Quæ bene advertant ii, qui probabile putant quidquid inveniunt apud aliquem Doctorem, minus bene attendentes interdum occurrere multa falsa probabiliora veris.

15. Dixi sub initium responsionis, si sint destinata ad Chorum, quia de Monialibus, quas vocant Conversas, dicendum est, eas nequaquam teneri ad horas canonicas; quamvis alias teneantur recitare quotidie certas preces in regula præscriptas, aut certe legitima consuetudine inductas

(quas

(quas appellant officium laicarum) : Puto tamen , & mecum idem senserunt viri docti a me consulti , huiusmodi obligationem non esse sub peccato mortali , quomodo est obligatio recitandi horas Canonicas respectu Monialium choro addictarum : & ratio est , quod ista obligatio oritur ex consuetudine inducta tanquam obligatoria : illa vero provenit ex regula religionis , quæ communiter quoad hoc non obligat ad culpam , sed solum ad poenam : quæ ratio confirmari potest ex communi sensu ipsarummet Monialium qui est optimus legum interpretes .

16. Quin etiam Clemens VII. teste *Casarubio in comp. v. Moniales n. 30.* concessit vivæ voci oraculo Monialibus degentibus sub cura Fratrum Minorum deputatis ad chorum , ut , si quæ illarum ob imperitiam nesciant perfecte recitare Divinum Officium , iudicio Prælati , Confessarii , aut Abbatis , satisfacere possint obligationi recitandi horas Canonicas dicendo Officium Sororum Laicarum .

Pariter *Innoc. IV. per Bullam 10.* , dictis Monialibus indulgit , ut casu quo ex rationabili occasione recitare non possint horas Canonicas , satisfaciant recitando Officium Sororum Laicarum . Verba autem Bullæ sunt hæc : *Et quæ* , loquitur Papa de Monialibus Choristis , *occasione rationabili non possunt aliquando legendo dicere horas suas , liceat eis , sicut alie Sorores , dicere Pater noster* . Ubi noto , quod cum iuxta dicta superius , omnes Moniales Choristæ ex consuetudine teneantur recitare horas Canonicas ; hoc ipso , quod Papa declarat , Moniales Sanctæ Claræ satisfacere recitando Officium Sororum Laicarum , (etsi ex sint Choristæ) si ex rationabili occasione non possint recitare horas Canonicas : censetur dispensasse super præfata consuetudine , concessio ipsi ad id speciali privilegio relato in earum regula : quæ tota inseritur in dicta Bulla . Quod privilegium ut hic , & nunc suffragatur Monialibus , non petit licentiam , ac consensum Superioris (ut constat ex illis verbis , *liceat eis , sicut alie Sorores , dicere Pater noster* , nulla limitatione apposita ;

& suffragatur etiam in casu , quo horarum Canonicarum recitatio fieri posset sine valde gravi difficultate : ut colligitur ex illis verbis *occasione rationabili* , & suadet ex eo , quod dictum privilegium esset illusorium , si solum suffragaretur in eventu , quo illa rationabilis occasio est talis , & adeo gravis , ut ex se sufficiat ad excusandum ab onere recitandi horas Canonicas : tunc enim absque ullo privilegio non est opus supplere aliis precibus , siquæ præfatum privilegium concedens , ut tunc possint recitare Officium Sororum Laicarum , esset onerosum ; quod non est admittendum .

Videtur autem dictum privilegium suffragari etiam Monialibus aliorum Ordinum per viam generalis communicationis ; non enim apparet , cur dici debeat non comprehensum in illa , cum non constet de exceptione , nec probetur illud indigere speciali nota , ut communicatum censetur : quod si non est in usu , id forte provenit , quia Moniales illud ignorant , vel quia nesciunt , an habeant communicationem privilegiorum .

Addo , per verba illa , *rationabili occasione* , quæ sunt in dicto indulto , posse intelligi respectu Monialium hos casus ; nimirum , si Monialis sit scrupulosa circa Divini Officii recitationem : si minus expedit sciat legere ex breviario : si sit defatigata ex aliquo labore extraordinario : si præ manibus habeat extraordinariam aliquam occupationem , quæ illam angat , & similes .

Indultum autem Clement. VII. confert ad effectum , ut Monialis novitia , quæ sub finem novitatus reperit minus sufficienter instructa circa recitationem horarum Canonicarum , possit ad tempus dispensari modo dicto ad recitandum Officium Sororum Laicarum , usque dum scilicet sciat bene recitare horas Canonicas , & hoc ne ulterius ei de hac causa differatur religiosa professio . Ducor , quod ubi majus conceditur , etiam minus concessum esse videtur , *arg. c. ex p. 27. de decimis* ; ac proinde si Prælatum Monialium , sive secularis , sive regularis vi dicti in-

dulti potest modo dicto dispensare in perpetuum, a fortiori poterit dispensare etiam ad tempus, si iusta occurrat causa, qualis in præsentī casu revera occurrere videtur: ita in facti contingētia interrogat s̄ respondi, & responsio a viris doctissimis fuit postea approbata.

Monet autem *Tambur. n.13.* quod cum *Clemens VII.* concesserit per Bullam Clericis Regularibus, ut tempore gravis ægritudinis satisfacere possint obligationi Divini Officii, orationem Dominicam semel recitando in die, & septies salutationem Angelicam, hoc eodem privilegio uti possint, Moniales si communicent de privilegiis Mendicantium, uti vere communicant.

17. Cæterum, quia in praxi plura, & gravia dubia de recitatione horarum Canonicarum occurrere possunt Monialibus, ut earum Confessarii de iis rogati illa facile solvere possint aliqua hic breviter noto.

„ Monco igitur primo: gravissimos
 „ DD. relatos a *Sanchez lib.7. conf. c.2.*
 „ *dub.28. n.6.* & alios adductos a *Diana*
 „ *par.2. tract.13. ref.2.* docuisse, ad im-
 „ plendum præceptum Officii Divini suf-
 „ ficere attentionem externam: quæ in
 „ eo consistit, ut recitans tunc non se
 „ occupet in actu externo impossibili
 „ cum attentione orationis: sicque reci-
 „ tans, si in ipsa recitatione divagetur
 „ solum quoad actum internum, etsi con-
 „ sulto id faciat, non peccat mortaliter.
 „ Quidquid autem sit de probabili-
 „ tate huius doctrinæ, in ordine ad pra-
 „ xim communem, ea, ut mihi videtur,
 „ usui esse potest pro Monialibus scrupu-
 „ losis, & anxii de interna attentione in
 „ persolvendis horis: ipsa enim anxietas
 „ est argumentum sufficiens Directoribus
 „ earundem ad credendum, illas Offi-
 „ cium recitare cum sufficienti attentione
 „ interna.

„ Monco secundo: juxta 16. Do-
 „ ctiores magni nominis relatos a *Diana*
 „ *resol.3.*, recitantem Officium pro Offi-
 „ cio, etiam sine causa, & ex quadam
 „ accidia animi, ut facilius, ac brevius

„ Officium absolvat, peccare solum ve-
 „ nialiter, ut si dicatur Officium de San-
 „ cto loco Officii de feria; q̄ amvis *Diana*
 „ *part.5. tract.5. resol.26.* hanc doctrinam
 „ limitet, (& meo iudicio bene) nisi di-
 „ catur Officium Resurrectionis. Non
 „ enim censet posse admitti, quod ait *Ca-*
 „ *ramuel in reg. D. Benedicti d.139.*
 „ *n.1387.*, nimirum quærentem dedita
 „ opera Officium totius Breviarii brevif-
 „ simum, & illud recitantem, adimplere
 „ præceptum Divini Officii secundum sub-
 „ stantiam, & desicere quoad modum,
 „ ideoque peccare venialiter, non mor-
 „ taliter. Nomine autem Officii brevissi-
 „ mi totius Breviarii non potest non in-
 „ telligi Officium Resurrectionis, cum
 „ hoc sit Officium totius Breviarii brevif-
 „ simum, ut bene notavit *Diana par.7.*
 „ *tract.11. resol.7.* Fuisse autem prædi-
 „ ctam doctrinam sic limitandam constat
 „ indubitate ex propos. 34. inter dam-
 „ natas ab Alex. VII., quæ sic habet:
 „ *In die Palmarum recitans Officium Pa-*
 „ *schale satisfacit præcepto.* Quamquam
 „ *Caramuel inferius d.106. n.1438.* ob-
 „ servans P.Suarez fere omnibus diebus,
 „ octodecim horis studuisse, & dubitans,
 „ qualiter reliquis sex horis diei potuerit
 „ comedere, dormire, Missam celebra-
 „ re, & dicere horas canonicas: hoc ipso,
 „ quod ait, illum forte singulis diebus re-
 „ citasse Officium Resurrectionis, & id
 „ viros occupatissimos laudabiliter facere,
 „ sic aperte declarat, se existimare licitum
 „ esse loco Officii currentis recitare quo-
 „ tidie Officium Resurrectionis. Quod
 „ autem dicitur de Suarez, puto impro-
 „ babile, cum teste *Allegambe in Biblio-*
 „ *theca Scripturum Societ. v. Franciscus*
 „ *Suarez*, is quotidie oraret per duas
 „ horas cum dimidia, & interdum dice-
 „ ret, si ipsi necessitas imponeretur amit-
 „ tendi vel horam orationis solitam fieri
 „ quotidie a Religiosis Societatis, vel
 „ scientiam tot annorum labore acquisi-
 „ tam, æquiori laturum animo huius, quam
 „ illius amissionem: quomodo enim Sua-
 „ rez recitando quotidie Officium Re-
 „ surrectionis subtrahisset tempus oratio-
 „ ni

„ ni debita ex præcepto Ecclesiæ, qui
 „ quotidie per duas horas cum dimidia
 „ vacabat orationi, quam sine ullo pec-
 „ cato omittere poterat? malo igitur po-
 „ tius dubitare, num sit verum illum stu-
 „ dio vacasse quotidie 18. horis, quam
 „ suspicari illum loco Officii currentis
 „ quotidie Officium Resurrectionis re-
 „ citasse.

Moneo tertio: ex *Diana par. 2. tr. 12. resol. 4.*, pro se referente decem Doctores gravissimos, interruptentem Divini Officii recitationem, etiam sine causa, & per multum tempus, non teneri repetere recitata, nec peccare mortaliter (immo nec venialiter, si interruptio fiat ex causa) sed solum teneri supplere omissa; cum sic vere solvetur substantia recitationis Divini Officii.

Moneo quarto: recitantem Matutinum diei sequentis, antequam absolvat Officium diei præsentis, non peccare mortaliter, etsi id faciat sine causa; immo nec venialiter, si cum causa: ita *Diana resol. 15. ex Suarez, Vasquez, Regim., & Villalobos.*

Moneo quinto: recitantem horas Divinas syncopando non teneri repetere illas, nisi notabiliter sensim verborum corrumpat, quod raro accidere notat *Diana resol. 22.* citans pro hac doctrina *Filliucium, Asorium, atque Villalobum*, cum quibus sentit *Diana sup. d. 17. notans n. 3.* non oportere, Clericos nimis esse scrupulosos casu, quo putant se non integre pronunciasse, vel aliquantulum syncopasse, vel verba aliqua solo gutturo dixisse, nisi defectus sit valde notabilis.

Moneo sexto: ex *Sanchez d. 34.* pro se referente *Navarum, Sandoval, Angles, & aliquos juniores*, recitantem horas non teneri repetere, quod non meminit se dixisse, modo non recordetur se non dixisse, & conjecturam justam habeat credendi, quod dixerit: qualem videtur habere is, qui scit communiter se non errare in tali hora. Immo addit *Sanchez n. 4.* recitantem in hoc casu male facere, si repetat, cum det locum scrupulis, & si recordetur se incepisse Psal-

mum, lectionem, aut talem horam, & postea casu distractus invenit se in fine talis horæ, legendo ex libro, vel memoriter dicendo ea, in quibus communiter non solet errare, iuste potest credere se totum dixisse, & ultra progredi.

Moneo septimo: recitantem Divinum Officium cum alio privatim satisfacere, si lectiones omnes audiat a socio, nullam ipse dicens: ita *Diana sup. resol. 12. ex Villalobo, & conformiter praxi.*

Moneo octavo: ex Indulto Leonis X. Monialibus, & aliis horas Canonicas ex obligatione recitantibus remitti omnes defectus, & culpas ex humana fragilitate contractas in recitando, si post recitationem devote dicant hanc Orationem: *Sacrosanctæ, & Individuæ Trinitati, Crucifixi Domini nostri Jesu Christi humanitati, & Beatissimæ, ac gloriosissimæ Virginis Mariæ fecunditati, & integritati, ac omnium Sanctorum, Sanctarumque universitati, sit sempiterna laus, honor, virtus, & gloria, ab omni Creatura, nobisque remissio omnium peccatorum nunc, & semper, & per infinita secula seculorum. Amen.*

¶ *Beata viscera Mariæ Virginis, quæ portaverunt Aeterni Patris Filium.*

¶ *Et beata ubera, quæ lactaverunt Christum Dominum.*

Pater noster. Ave Maria.

Hanc autem Orationem placuit hic asserere, ut Confessarii Monialium omnino curent, ut post unamquamque recitationem Divini Officii ex assuefactione recitare, sique fruantur gratia a Leone X. vigore illius concessa: ad cujus gratiæ consecutionem puto requiri, quod dicta Oratio post Divini Officii recitationem dicatur, itaut prudentis viri iudicio Orationis præfatæ recitatio moraliter conjuncta reputetur cum recitatione Divini Officii; seu, (quod idem est) antequam recitans divertat ad actionem extraneam. Quod p. to non procedere in casu, quo quis velit obtinere simile beneficium ex concessione Gregorii XV. facta in Indulgentiis quinq; Sanctorum (ut vocant) recitando Psalmum *Laudate Dominum om-*

nes gentes : cum enim in concessione dicatur, recitantes Psalmum prædictum supplere omnes defectus inadvertenter (id est solum cum semiplena deliberatione, seu advertentia ad rationem mali, quæ importat defectum plenæ deliberationis) commissos in recitando Officio, celebranda Missa, aut in aliis operibus spiritualibus ea die peractis; ad consequendum hoc beneficium videtur sufficere, quod in fine diei dicatur præfatus Psalmus post recitatum Officium, celebratam Missam, & alia spiritualia opera facta: id namque suadet particula *ea die*, & quod sumus in materia favorabili animæ, quæ debet ampliari.

Notant autem *Bordonus t. 1. resol. 29. n. 27.*, ad obtinendam præfatam remissionem defectuum, requiri primo, quod ii defectus sint solum veniales, cum ea Oratio etiam ex voluntate Papæ non possit remittere culpam mortalem: Secundo, quod is, cui fieri debet remissio, non sit in mortali, cum non remittantur venialia, manentibus in mortalibus. Tertio, quod ille ad dictam remissionem se disponat saltem per actum attritionis sufficientem ad destruendum peccatum veniale; siquidem hæc Oratio remittit præfatos defectus quoad culpam, quatenus est sacramentalis: Sacramentalia autem non deleant venialia ex opere operato, cum non sint instituta a Christo; sed ex opere operantis, idque mediante actu contritionis excitato per sacramentalia, ut habet communis Doctorum sententia: unde hæc Oratio remittit defectus veniales commissos in recitatione horarum per modum cuiusdam sacramentalis, non autem Indulgentiæ, quæ nunquam remittit culpam, sed solum pœnam culpæ jam remissæ.

Addit *Bordonus n. 28.*, si hæc Oratio in Choro recitatur ab uno tantum (v. g. ab hebdomadario) in fine cuiuslibet horæ, sive etiam in fine omnium horarum unica vice, eam prodesse omnibus, qui in Choro recitant, ac si a singulis diceretur, cum favoribus animæ debeant ampliari, & favor præsentis concessionis nulli præju-

dicans multum profit privilegiato: putatque illam etsi facta sit vivæ vocis oraculo, durare etiam modo, cum ea solum vivæ vocis oracula sublata fuerint, quæ aliquo modo alteri præjudicare poterant, qualis non est concessio præsens.

Moneo nono: Monialem omittentem recitare omnes, aut plures horas ejusdem diei, unicum peccatum mortale committere, loquendo de omissione externa, cum violet unicum præceptum, quo unicum integrum Officium constans septem partibus integratur. Quod non procedit de omissione interna; siquidem actus interni multiplicantur cum morali interruptione; adeoque tot erunt peccata, quot repetitæ voluntates cum morali interruptione unam, aut plures horas omittendis immo non pauci Doctores probabiliter sultinent (etiam loquendo de omissione externa) tot esse peccata, quot horæ omittuntur; quod ab aliis probabilius negatur, & nos etiam negamus cum *Navarro, Vasquez, Suarez, Bonacina, & Garcia relatis a Castro Palao tr. 7. d. 2. par. 5. n. 1.*, cum quibus sentit *P. Tiberius in instrult. ordinand. qu. 89.*, addens ex communi Doctorum sententia omittentes horas teneri in confessione exprimere quot horas omiserint: quod tamen dicit *Diana par. 3. tr. 13. resol. 5.* debere negari ab iis, qui sultinent, in confessione circumstantias aggravantes non esse necessario exprimendas; siquæ juxta hos Doctores sufficit, omittentem plures horas dicere in Confessione: *Peccavi mortaliter in omissione Divini Officii.*

Addo hic obiter, (quod non reperi decusum ab ullo Doctore) omittentem Officium Defunctorum in die Commemorationis Defunctorum, & Officium de Octava omnium Sanctorum, videri non improbabile, quod faciat unicum peccatum, cum illa die hæc duo Officia videantur præcipi per modum unius, in quo mecum sentit *P. Zanettus*, addens de rigore contrarium esse sustinendum.

Addit *Diana par. 9. tr. 7. resol. 67.* obligatum ad horas Canonicas, si eas recitet lingua Italica, seu vulgari, satisfacere

ccre

cere præcepto recitandi, cum recitet omnia verba quoad substantiam: peccare tamen graviter, eo quod sine dispensatione mutet antiquum, & communem usum Ecclesiæ; quæ proinde in *Tridentino sess. 22. cap. 8. & can. 9.* decrevit, Missam non dici lingua vulgari; & in Indice librorum prohibitorum interdixit. Item Bibliorum lingua vulgari scriptorum: sic *Diana*, alioqui concedens horas posse sine ullo peccato dici lingua hebraica, aut græca, etiam sine causa, cum Sacre Scripturæ lingua hæbreæ, græca, ac latina semper habitæ sint, & Apostoli Evangelium his solum linguis scripserint, eisi habent donum linguarum. Unde *Sæd v. Horæ Canonice* n. 10. dicit, posse quem recitare horas linguæ, quæ velit uti, græcæ, vel hæbreæ. A *Diana* dissentiunt *Bonæ. de hor. canon. d. 1. qu. 3. par. 1. n. 15.*, & *Escobar. a Corro de hor. canon. qu. 4. s. 2. n. 5.*, sustinentes, Divinum Officium posse recitari quacumque lingua latina, vulgari, hæbreæ, græcæ, aut alia, cum id nil referat quoad substantiam præcepti consistentem in significatione verborum, quæ est eadem in quavis lingua: quæ de re *P. Baldellus tom. 2. l. 3. d. 21. n. 23.*

Quæres 8. *An Moniales possint, & teneantur recitare Officia propria Sancto- rum.*

18. Resp. Posse, & teneri, si immediate subiciantur Prælati proprii Ordinis; etenim sic & gaudent privilegiis concessis suo Ordini, inter quæ adeit facultas recitandi dicta Officia, & cum subiaceant jurisdictioni Ordinarii tenentur implere ea, quæ præscribuntur a Prælati illius; cuiusmodi est etiam recitatio illorum Officiorum: si vero exemptæ sint a potestate suorum Prælatorum regularium, & immediate subdantur Sedi Apostolicæ, aut Ordinario loci, tunc possunt quidem ea recitare, cum non deceat eas privari privilegiis sui Ordinis, non tamen tenentur, cum sic exemptæ sint a potestate sui Ordinis; ideoque non teneantur observare statuta, & consuetudines illius: ita docti recentiores a me consulti, a quibus videtur dissentire *Rodriguez sup. qu. 42.*

art. 21., dum ait, quod, cum Fratres Ordinis Minorum possint recitare Officia de Sanctis sui Ordinis ex privilegio ipsis concessio, & quilibet cedere possit iuri si o: ii poterunt privatim recitare de Sanctis occurrentibus in Calendario Romano, omisso Officio de Sancto sui Ordinis: quamquam cum dicat *privatim*, videtur indicare secus dicendum de publica recitatione Officii in Choro; cum sic renuncietur j. s. prout tangit Ordinem, & consequenter renunciatio illa cedat in præjudicium tertii, ideoque sit illicita.

Quæres 9. *An Moniales teneantur recitare extra Chorum Officia Defunctorum, quæ pro benefactoribus solent certis diebus recitari in Choro, si eæ tunc culpabiliter, aut inculpabiliter non accedant ad Chorum.*

19. Resp. Non teneri, & quidem etiam si dicta Officia recitari debeant ex obligatione iustitiæ (v. g. titulo legati ad hunc finem relicti): moveor, quod obligatio recitandi illa Officia non afficit singulas Moniales, ut singulas, sed ut faciunt corpus unum morale, quomodo *qu. 6.* diximus, obligationem recitandi horarum Canonicarum in Choro non afficere singulas Moniales ut singulas, sed prout constituunt unum corpus morale, quod vocamus Monasterium: sicut ergo obligatio illa recitandi horas in Choro cumulate impletur, licet aliquæ Moniales non intersint; ita & plene satisfiet obligationi recitandi illa officia, si de facto a Monialibus recitentur in choro, esse non omnes tunc intersint, cum sic vere dici possint recitata officia a Monasterio, & impleta mens benefactorum: quos suppono voluisse imponere obligationem dictorum officiorum Monialibus eodem prorsus modo, quo solent imponi Monasteriis virorum Religioforum: constat autem, quod si quis eorum non intersit choro, dum ibi talia officia recitantur, non ideo ea privatim recitat, nec ullum sibi facit de hoc scrupulum. Nec obstat, quod Moniales non recitantes horas in Choro tenentur eas recitare extra: siquidem lex ipsis præscribens recitationem horarum in choro ita illas obligat, ut si eas non recitent in choro, teneantur illas recitare ex-

tra, quod non evenit in præfenti casu, ut constat ex modo dictis. Quomodo ait *Suarez tom. 4. de relig. tract. 10. lib. 8. c. 2. n. 4.* Religiosos nostræ Societatis ex legitimo impedimento, aut ex facultate Superioris, non interefferunt recitationi Litaniarum, fieri solitæ a nostris in communi, non teneri postea per se dicere privatim: cum solum teneantur illas dicere cum Communitate, & alioqui ab hac obligatione simpliciter fuerint excusati. Immo addit *Suarez*, hoc procedere etiam in casu, quo ii contra obligationem obedientiæ omittant interesse dictæ recitationi; quamvis enim imperfecte egerint, tamen jam cessat materia illius obligationis, seu obedientiæ, nec tenentur aliam substituere loco illius: sicut non jejunans die præscripta ab Ecclesia, non tenetur jejunare alia die.

Addo non esse improbabile, Moniales in diebus rogationum minime teneri recitare Litanias privatim, etsi non intersint processioni: cum de facto id concedant *Diana p. 2. tract. 12. resolut. 42.* ex *Macigno*, *Valquez*, & *Molfesio*, alique docti recentiores generaliter de obligatis ad horas canonicas; nec appareat ulla ratio id negandi de Monialibus, ut patet: contraria tamen sententia est communis, & probabilior.

Quod si quaras, an Moniales peccent, si omittant recitare preces, quas interdum ab Abbatisa præscribuntur recitanda privatim pro benefactoribus, aut alia occurrenti necessitate.

20. *Resp.* Videri non peccare, cum impositio talium precum non solet transcendere obligationem simplicis regulæ, aut obedientiæ: sicut in simili notavit *Suarez tom. 4. de relig. tract. 9. lib. 8. c. 2. n. 4.*, loquens in specie de orationibus vocalibus, quæ in Soc. Jesu junguntur dicendæ pro Defunctis, aut Fundatoribus: quare nisi constet hujusmodi preces indices, sive ex obligatione justitiæ legitime imposita Monasterio, sive ex præcepto obligatorio, Moniales eas omittens non peccabit, saltem graviter.

Quæres 10. *An, & quomodo Moniales teneantur deferre habitum Religiosum, im-*

mo, & tonsuram ipsarum statui convenientem.

21. *Resp.* Teneri deferre & habitum, & tonsuram: Habitum quidem ex c. 1. *ne Clerici, vel Monachi in 6.*, ubi districtius inhibetur, *ne de cætero aliquis quancumque Religionem tacite, vel expresse professus in scholis, aut alibi temere habitum Religionis suæ dimittat: si quis autem horum temerarius violator extiterit, excommunicationis incurrat sententiam ipso facto.* Tonsuram vero ex *Clem. attendentes de statu Monachorum*, sicut ex *Glossa*, ac *Panormitano* advertit *Sylv. v. Clericus 2. n. 1.* dicens, quod etiam Moniales deferre debent tonsuram capillorum inferius usque ad aures: & quidem quod spectat ad obligationem deferendi habitum Religiosum, dicit *Suarez supra tract. 8. lib. 1. cap. 5. n. 18.* Religiosum exuere se, absque animo deferendi habitum, non esse peccatum, seclusa regula, vel extrinsecis circumstantiis; nam de spoliatione habitus Religiosi facta sine animo dimittendi habitum, nihil statutum est in jure communis; & caput secundum *ne Clerici, vel Monachi in 6.* non loquitur de spoliatione prædicta, sed de mutatione habitus, cum qua status relinquatur. Unde ex vi juris communis sola spoliatio non est prohibita, neque etiam ex natura rei, aut ratione voti, seu status Religiosi: quare quo ad hoc consuli debent regulæ cujuscumque Ordinis, & ex ipsis colligi debet qualitas præsentis obligationis. Certe *Diana p. 5. tract. 14. resolut. 72.* ex *Fabro*, & aliis docet, Religiosos ob æstum, aut ad dormiendum deponentes Religiosum habitum non peccare mortaliter, cum debitum, quod habent regulares utendi semper suo habitu, non sit necessitatis, sed honestatis: quæ ratio probat idem dicendum in casu, quo deponatur habitus ad alios similes effectus (v. gr. ad melius currendum, ad faciendam aliquam representationem ludicram) & procedit tam quoad Moniales, quam quoad viros Religiosos.

Accedit, quod si & demus cum *Suarez d. 23. de censur. sect. 4. n. 34.*, & aliis, quos refert, sed non sequitur *Sanchez l. 6. moral*

moral. cap. 8. n. 63. & 63. Religiosum retinentem habitum sui Ordinis, sed illum ita occultantem absque iusta causa, ut exterius nullo modo appareat, non incurritur præfatam excommunicationem: oppositum nihilominus dicendum videtur de Religioso, qui suum habitum plicatum gestaret sub brachio, alia veste extranea superindutus; cum in tali casu adsit non solum occultatio habitus, sed etiam dimissio, & quidem non solum moralis, sed etiam physica, ac temeraria (ut suppono) dans ansam vagandi, quæ requiruntur, & sufficiunt ad contrahendam dictam excommunicationem, nisi excuset materix parvitas: ut si habitus dimittatur ad dimidiam, aut etiam ad integram horam quod in specie notant plurimi DD. apud Sanchez num. 55., hoc idem num. 56. concedentem etiam in casu, quo dimissio fiat ex causa turpi, v. g. ad fornicandum.

Quæres 11. An, & quomodo teneantur Moniales servare Clausuram.

22. *Resp.* Teneri eo modo servare, quo ostendimus cap. præc. per tot.

Quæres 12. Ad qua jejunia teneantur Moniales de jure communi.

23. *Resp.* Teneri solum ad ea, ad quæ tenentur reliqui fideles, & non ad alia, cum in jure communi non reperiatur ultimum Jejunium peculiariter injectum Regularibus, nedum solis Monialibus; cum alioqui de Monachis in Clement. exivi de verb. signif. dicatur, Monachos propter jejunia, instituto Ordinis, & regulæ indicta, liberos non esse a jejniis ecclesiasticis, quæ Christiani observare debent. Dixi de jure communi, quia de jure particulari tenerentur Moniales servare jejunia præscripta in propria regula, & quidem sub mortali, si ea obliget ad culpam mortalem.

Solum esse posset difficultas, an Moniales jure communi teneantur servare Jejunium Adventus (ut vocant).

24. *Resp.* Quod cum Jejunium sacri Adventus (ut vocant) non obliget Religiosos, & Monachos de jure communi, sed apud eos manserit partim ex propriis institutis, partim ex usu, ac more, ut no-

tavit Azorius par. 1. lib. 7. cap. 27. quæ ex propria regula, aut consuetudine, vel statutis sui Ordinis possunt, & debent Moniales colligere, nam ipse teneantur sub mortali servare Jejunium Adventus, nec ne: nam de jure communi ex non tenentur sub peccato mortali ad Jejunia Adventus.

An autem Moniales quinquagenariæ eo ipso excusentur a jejniis tum communibus ecclesiasticis, tum præscriptis in regula proprii Ordinis.

25. *Resp.* Quod cum Sanchez lib. 7. de Matrim. d. 32. n. 17. consultis viris doctis dicat, se, dum aliud non apparuerit clarius convincens, tanquam probabilior rem eligere opinionem, quæ sustinet indiscriminatim de ætate viri, & femine ad excusandum a jejniis; loquendum esse, nec quidquam a ratione devium, aut alienum a probabilitate dicturum eum, qui feminas quinquagenarias excusaret a Jejunio (etsi tandem sic concludat: *Verumtamen licet prædicta ostendant, eam opinionem esse probabilem, speculative loquendo: at in praxi non censet esse tutam*), contra quam limitationem facit doctrina, quam ex Sancio refert, & non refutat Diana par. 2. tr. 13. resol. 12. Cum, inquam, Sanchez non improbabiliter asserat, feminas quinquagenarias excusari a jejniis communibus Ecclesiæ, probabiliter item dici potest, Moniales quinquagenarias excusari etiam a jejniis præscriptis in regula. Moveor ex doctrina, quam tradit idem Sanchez lib. 4. moral. cap. 11. n. 54., nimirum ætatem sexagenariam sicut excusat viros a præcepto jejunii, ita excusare a voto jejunii, cum talia vota non obligent aliter, quam præcepta ecclesiastica de iisdem rebus, (si tamen aliter non constet de intentione votantis) quod si hæc doctrina procedit de obligatione jejunii ex voto, a fortiori procedet de obligatione proveniente ex professione religiosa, seu ex regula: & si admittitur de viris, admitti debet & de feminis, cum sit par ratio de utroque. Colligitur hæc doctrina satis aperte ex Grassio quæ. decis. lib. 2. cap. 37. n. 42. pro se citante

D d Bartho-

Bartholom. Mediam lib. 1. instr. cap. 14. §. 10., aliisque doctis viris probabilis visa est, etsi, teste *Diana p. 1. tr. 9. resol. 16.* communiter a Doctoribus rejiciatur tamquam improbabilis. Colligitur item ex *Tamburino tom. 2. de jure Abbatis. d. 12. qu. 4. n. 4.*, *Pasqualig. de jejun. decis. 254.* & aliis relatis a *Sancio in select. d. 54. n. 3.*, sustentibus, Religiosos infra annum vigesimum primum non teneri ad jejunia regulæ, & a fortiori ex *Sancio sup. n. 8.*, *Rodriguez in Compend. resol. 75. num. 10.*, *Tambur. sup. qu. 5. n. 7.*, & *Pasqualig. ubi sup. decis. 59. n. 3.*, docentibus, Religiosos sexagenarios eo ipso eximi a jejuniis regulæ.

Consentiunt *Narbona*, *Zoësius*, *Machado*, *Medina*, *Trullench*, *Parisus*, *Alphonsus de Leone citati a Diana par. 9. tr. 7. ref. 73.*, & quidem a fortiori, cum in casu isto concedant sufficere annum sexagesimum inchoatum, eo quod in favorabilibus annis inchoatus habeatur pro completo, *l. quæ ætate, ff. de testam.*

Addit *Diana ex Escobar.* eum, qui vovit jejunare toto tempore vitæ suæ, post annum sexagesimum non teneri amplius jejunare, eo quod, cessante obligatione jejuniis, cesset & obligatio voti, senisque vitam ad laborem jejuniis terminetur in anno sexagesimo, dummodo (subdit *Diana ex Narbona*) votum non fuerit emissum post annum sexagesimum, sed antea; aliàs enim teneretur jejunare post annum sexagesimum, cum sic præsumatur voluisse ad hoc se obligare.

Doctrina autem supra data procedit etiam de Monialibus, quæ nondum expleverunt annum vigesimum primum: hæc enim, licet juxta communem Doctorum sententiam teneantur ad jejunia regulæ, aliàs exemptæ a jejuniis Ecclesiæ ordinariis: *Pasqualig. tamen decis. 254. de jejun.*, *Tamburin. supra*, alique relati a *Sancio sup. n. 3.* cum *Graffio*, & *Medina* superius allegatis, putant eas non teneri ad jejunia regulæ: idque ob rationem paulo ante adductam ex *Sanchez* pro sexagenariis, quæ æque militat pro ipsâ. Quin etiam monet *Pasqualig. n. 6.*, dato, quod

Religiosi ante vigesimum primum annum teneantur ad jejunia regulæ, posse Prælatum cum iis dispensare in præfatis jejuniis, & bene facere, si dispense; idque, etsi aliàs nequeat dispensare super Constitutionibus Ordinis; talis quippe facultas illi competit tamquam Ordinario, & aliis Ordinariis ex causa dispensare possunt super lege Pontificia jejuniis: sic ille.

Dubium majus est: An Moniales teneantur servare jejunia, quæ a populis loci, in quo ipsæ degunt, observantur ex voto, aut etiam inducuntur a proprio Ordinario.

26. *Resp.* Videri probabile non tene-ri, ob ea, quæ in simili dicimus in tract. de obligat. cap. 5. qu. 21.; idque maxime, si Moniales sint exemptæ ab Ordinario, cum sic non subjiçiantur ejus Jurisdictioni, quod requireretur ad hoc, ut tenerentur servare jejunia ab ipso indicta, vel approbata: quamquam, dato etiam, quod Moniales immediate subjiçiantur Ordinario, adhuc probabile sit, eas non teneri ad dicta jejunia, nisi lege sufficenter exprimantur: quippe quæ non veniunt nomine populi in odiosis, immo neque nomine Cleri, ut colligitur ex *Bonacin. d. 5. de censur. in comm. par. 1. n. 11.*

27. Addo, quod cum *Leo X.*, teste *Portello v. Jejunium num. 4.*, concesserit Minoribus, ut in die jejuniis possint prandere una hora ante horam consuetam: hinc quippe bene inferat *Diana par. 1. tr. 9. resol. 27.* posse Religiosos per horam cum dimidio ante meridiem prævenire prandium sine ullo peccato; hoc eodem privilegio uti poterunt Moniales, etiam non exemptæ, juxta dicenda cap. 9. qu. 1. & 2.

Quod autem spectat ad refectionem vespertinam sumi solitam in die jejuniis, moneo, quod cum *Fagundes præcept. 4. Eccles. lib. 1. cap. 4. n. 13.* ex mte *Suarez* concedat, sumi posse in ea octo uncias cibi (& has partim ex pane, partim ex fructibus, aut herbis) & alias *Diana par. 5. tr. 5. resol. 11.* ex *Turriano* probabiliter doceat, ad violationem mortalem jejuniis non sufficere quantitatem duarum uncia-
rum

rum cibi communis: consequenter fatendum est juxta hos Doctores, solum venialiter peccare illum, qui in refectiuncula jejunii ultra octo uncias cibi licite concessas sumeret alias duas uncias: immo nec venialiter, juxta *Pasqualigum tom. 2. de cis. 139. n. 6.*, quatenus ibi concedens jejunantem posse primo mane sumere duas uncias cibi, & semel bibere ad jejunium facilius tolerandum, posteaque hora statuta prandere, ac noctu sumere consuetam refectiunculam (etsi hoc fiat ex causa rationabili, etiam sine peccato veniali) consequenter videtur concessurus, fumentem præfatas duas uncias ultra ordinariam quantitatem serotinæ refectiunculæ non peccaturum, neque venialiter, si excessum illarum duarum unciarumumat ex causa rationabili, quæ utique potest occurrere. Probat autem *Pasqualigus*, parvitatem materis in re præsentis salvari in duabus uncis, ex eo, quod parvitas materis in fractione jejunii non debet attendi in ordine ad quantitatem prandii, aut cænx, sed in ordine ad violationem abstinentiæ per jejunium præscriptæ; ac proinde quantitas cibi, quæ talem abstinentiam non lædit notabiliter, erit parvitas materis: ex alia parte dicta violatio non debet attendi comparative respectu hujus, aut illius, sed prout est formaliter læsio abstinentiæ per jejunium præceptæ, quæ est abstinentia a pluribus commestionibus: sicque abstinentia hæc per pluralitatem commestionum lædi potest notabiliter, cum per eas destruat; secus si non interveniat pluralitas commestionum, cum sic notabiliter non lædatur dicta abstinentia. Unde fit, quod tota illa quantitas sit parvitas materis, quæ non sufficit ad instituendam commestionem: cum vero Ecclesiæ in jejuniis vetans pluralitatem commestionum loquatur de iis, quæ solent institui, & aliqui præter prandium, ac cænam soleant institui solum leves quædam commestiones, quæ veniunt nomine jentaculi, aut alio nomine; ideo parvitas materis in re præsentis debet habere talem terminum, ut neque faciat aliquam harum leviorum commestionum, at-

tendendo illam quantitatem, quæ magis universaliter sumi solet in iis: cum ergo ex, quando sunt moderatæ, important uncias sex circiter cibi, ideo duæ uncie censeri possunt materia levis, utpote non pertingentes ad medietatem talis commestionis, adeoque moraliter non sunt commestio, & consequenter non lædunt notabiliter abstinentiam a pluribus commestionibus, quæ præcipitur in jejuniis.

Quod vero dicit *P. Diana par. 9. tr. 6. resol. 15. ex Trullenko contra me tr. 5. cap. 5. n. 15.* se non damnaturum de peccato mortali eum, qui quantitatem cibi permissam in refectiuncula jejunii totam sumeret in pane, mihi non placet, tum ob dicta *num. 15. sup. cit.*, tum ex eo, quod quantitas, & qualitas præfatæ refectiunculæ maxime pendet ex consuetudine industria apud viros doctos, ac timoratos: non puto autem apud illos inducram esse consuetudinem, ut in dicta refectiuncula sumi possint octo uncie panis: immo puto, quod si ii viderent aliquem edere octo uncias panis in vespertina refectiuncula jejunii non leviter offenderetur, cum tanta panis quantitas videatur sufficere ad nutritionem non modicam, siquæ finis Ecclesiæ intentus magna ex parte frustratur; unde & viri laici non adeo scrupulosi forte non auderent prædicare ejusmodi doctrinam.

Accedit, quod in pervigilio Nativitatis Domini in refectiuncula vespertina sumi possunt sexdecim uncie cibi, juxta *Fagundes supra n. 19.*, *Dianam p. 1. tr. 9. resol. 35.*, & alios: idque etiam in easu, quo, occurrente Festo Nativitatis in feria secunda, jejunium vigiliæ præveniat in Sabbato, ut advertit *Sanchez lib. 5. consil. cap. 1. d. 26.*, addens, in vigilia Nativitatis sumi posse collationem duplo, & triplo majorem: quæ de re plura in nostro *tr. de obligat. regul. cap. 5. quæ 1.*; ubi ostendimus, etiam Religiosis, & consequenter Monialibus permittendum esse, ut in vigilia Nativitatis sumant refectiunculam paulo majore solita; quidquid contradicant *Villalob.*, & *Ledesma apud Dianam ubi supra.*

Addit *Pasqualigus supra decif. 103. n. 9.* quod licet *Sanchez supra n. 6.* putet diſtam reſectiunculam non poſſe ſumi adeo amplam, ſi ſumatur hora prandii, cum non dum inceperit Feſtum, & id non habeat conſuetudo: oppoſitum tamen tenendum eſt, cum hoc fit privilegium illius jejunii, cui hoc convenit, non quod feſtum inceperit, ſed quod ſit acceſſorium feſti; adeoque ſapiat latitiam feſti, etſi illud nondum inceperit; quod patet etiam ex modo celebrationis officii vigilæ.

Putat idem *Pasqualigus decif. 102. n. 5. ex Angles, Sanrio, & Ledefma* poſſe hora prandii in die jejunii vespertinam ſumi reſectiunculam, dilato prandio in vespere, idque ſine alia cauſa, quam ob commodum jejuntantis: & probat, quia lex jejunii exigit unicam comestionem, permiſſa reſectiuncula in ſubſidium naturæ, & intendit corporis macerationem mediante abſtinentia: quod totum ſalvatur in præſenti caſu, cum ſic habeatur ſinis jejunii, ſiat unica comestio cum ſolita reſectiuncula, & inter has ſolum mutetur ordo, qui eſt quid accidentale, ideoque non impedit, quin impleatur lex jejunii.

Addo, quod ſicut *Azorius, Reginaldus, & Bonacina relati a Diana part. 3. traſt. 9. reſol. 34., Boſſius citatus ab eodem Diana part. 5. traſt. 14. reſol. 14.*, non improbabiler docent in collatione ſerotina jejunii poſſe ſumi juſculum ex aqua, & pane, aut herbis, etiam ſecluſa ſpeciali indigentiaſic puto cum *Sanchez supra d. 24. n. 2.* Moniale, quæ v. gr. inſervire debet menſæ in die jejunii, poſſe ſumere aliquid cibi, etiam per modum ſuſtentationis; quippe quæ ex tunc cenſetur inchoare prandium, poſtea interrumpendum ex occaſione illius ſervitii, illud poſtea abſolutura: quo pacto plures illæ comestiones moraliter reputantur una; non ſecus ac evocatus a prandio in die jejunii ob aliquod negotium, poteſt, peracto negotio, redire ab abſolvendo prandium, etiam poſt duas horas, ut notant plures doctores apud *Dianam supra reſol. 32.* Immo *Pasqualigus supra decif. 121. n. 5.* putat poſſe rediri ad continuandum prandium poſt totum illud

tempus, quo perſeverat aliquid, ratione cujus comestio moraliter continuari cenſetur: (ut addit ſolent redeundi faltem virtualis, eo quod ſolita quantitas cibi ſumpta non ſit, vel ſuperſint in menſa ſercula deſtinata pro eo prandio &c.) ſic enim tempus interpoſitum non tollit continuationem morale unicæ comestionis; quin addit *Pasqualigus ex Sylvio* ſine mortali culpa poſſe interrumpi prandium per horam, etiam ſine cauſa, cum ſic jejunium non lædatur graviter.

Docet item *Pasqualigus n. 6.* cum doctis recentioribus conſultis contra *Ghetium* ſurgentem a menſa, comestione non completa, & negotiis ita diſtentum, ut in iis totum diem inſumat; poſſe inchoatam comestionem vespere complere, cum ea interruptio non ſit voluntaria, adeoque ſecunda comestio pars, & complementum primæ comestionis, quæ reliſta fuit imperfecta: hoc enim ipſo, quod conceditur comestio unica completa, ac ſufficiens intra meriedem, ac vespere, currit tempus, in quo licitum eſt edere, & proinde ſi comestio relinquitur imperfecta, ea ſemper compleri poteſt, ſi prius compleri non potuit, quandiu durat tempus præſinitum pro ea comestione: præterquam quod cibus prima vice ſumptus non eſt ſufficiens, ſicque jejunas excuſabitur a jejunio, ſi illud ſervare non poſſit.

Cenſet præterea *Pasqualig. decif. 123. ex Moſſeſio* poſſe, quem domi comedentem in die jejunii adire domum amici ad complendam comestionem cum eo, ſive invitetur ab eo, ſive non; imo, & ire ad emenda alia ſercula, poſtea domum redire, edere, cum tota hæc interpoſitio temporis cenſetur medium ordinatum ad complendam comestionem inchoatam, adeoque continuativum illius: idque interponendo totum illud tempus, quod inſumitur in via, & in præparando cibo, quem intendimus edere: ſiquidem totum hoc tempus eſt medium ordinatum ad complendam comestionem, ac proinde continuationem ponit ſtante intentione protrahendi comestionem ulterius: immo ſi interponatur aliquantulum temporis majus, eo quod eſt
neceſſe.

necessarium, parum curandum est, cum in moralibus parum pro nihilo reputetur.

Sic Sanchez lib.5. conf. cap.1. d.24. n.5. Ghetius v. jejuniū cap.1. n.4. Trulench. lib.3. decal. cap.2. dist.3. n.13., & alii sustinent jejunantem, qui plicato lintheolo, proposuit nihil ultra edere, posse sumere ex ferculis de novo appositis, cum adhuc perseveret idem prandium, cui ille accumbit; ideoque si mutato proposito, sumit de novis ferculis, moraliter loquendo, non instituit novam comestionem, sed aliquid super addat priori, ita ut additamentum faciat unam comestionem cum priori, perseverante unitate prandii communis. Consentit Pasqualigus decif.122. inferens, jejunantem in hoc casu a fortiori posse de novo edere ex ferculis antea appositis, quippe quæ sunt pars illius prandii, imo & illius ferculi, quod inservit prandio, sicque eorum comestio ne novo repetita sit pars ejusdem comestionis, ita ut censetur una comestio integra ex pluribus partibus.

Sic Molfissus, Filinec, Bonacin. & Ghetius apud Dianam p.1. tract.3. resol.32. contra plures alios relatos a Pasqualigo supra decif.125. n.1., docent jejunantem a mensa surgentem animo non amplius edendi, posse redire ad edendum, etsi prandium sit completum, si modicum tempus intercessit, & edat de iis, quæ prius fuerant apposita: sicut enim quæ edit sunt pars illius prandii, quod sumpsit, non autem novum prandium; sic eorum comestio est pars comestionis præcedentis, moraliter loquendo: quod non procederet, si novum insitueret prandium, sic enim esset nova refectio: ita Pasqualigus monens n.5. regulariter quartam partem horæ, & forte etiam tertiam non sufficere, ut desinere censetur jus redeundi ad continuandum prandium, nisi concurrentes circumstantiæ aliter suadeant: uti surgas a mensa iturus ad dormiendum, in quo casu statim censetur desinere dictum jus.

Sic Lessius l.4. cap.2. n.11., Layman lib.4. tr.8. cap.1. n.6., Diana supra, & alii sustinent, jejunantem, qui a mensa recedit animo non edendi amplius, posse

ad eam redire, & edere; si prandium adhuc duret: probant, quia cibus interruptum sumitur, ita ut plures partiales sumptiones unicam faciant comestionem, sicque unitas moralis comestionis itare potest cum interruptione sumptionis; ideoque debet desumi ex unitate convivii unde recedens a mensa, potest denuo accedere, durante eodem convivio, sine violatione jejunii, etsi proposuerit non amplius edere: cum enim edat de eodem prandio, censetur facere eandem comestionem.

An autem, & quomodo jejunnans si extra prandium, & refectiunculam velit bibere, possit sumere aliquid cibi, ne potius noceat, & quidem pluries eodem die.

Resp. Posse, dummodo id non fiat in fraudem jejunii; ita Sanchez supra dist.22. Laym. supra n.7. Azor. to.1. lib.7. cap.10. qu.7., alique plurimi, & probatur, quia hoc ipso, quod Ecclesia in die jejunii concedit potum per diem, censetur, & concedere necessaria, ne potius noceat, & consequenter aliquid cibi, quo modo dicunt communiter Doctores, talem cibum non vetari, eo quod sumatur per modum medicinx. Dixi dummodo id non fiat in fraudem jejunii: si enim bibas non ad sitim sedandam, sed ut possis sumere modicum illum cibum, & is pluries sumptus pertingat ad quantitatem sufficientem ad violandum jejuniū, vel non una tantum, aut altera vice, sed sæpius, ita ut tandem devenias ad prædictam quantitatem sufficientem, violas jejuniū; tunc autem censi potest abesse fraudem, quando vere moveris ad bibendum ex siti. Consentit Pasqualig. supra decif.119. notans n.6. modicum cibum, qui sumi potest, ne potius noceat, regulariter dici posse illum, qui est infra unciam, cum talis quantitas sit valde exigua, & sufficiat ne potius noceat: addensque n.6. modicum illum cibum sumi posse a bibente, etsi credat potum sine eo non nociturum, si mane bibat, cum stomachus sit vacuus, adeoque ei semper potius noceat: non item, si post prandium bibat, & certus sit se, attenta sua complexionem, non passu-

rum

rum nocumentum ex potu; quod non procedit, si probabiliter timet nocumentum, aut de hoc dubitet: cum tunc stet in possessione sui juris ad sumendum, quamquam cum materia sit parva, & potus solus stomacho non conferat, putat *Pasqualigus* nemini injiciendum scrupulum peccati gravis, si sumat exiguum hunc cibum.

Addit *Pasqualigus* *decis.* 13.6., uvam recentem posse sumi die jejunii, quoties libuerit, non secus ac sumi potest vinum, cum succus uvæ in sua substantia sit vinum, habeatque rationem potus, quippe qui exprimitur ex acinis, dum uva dentibus conteritur, & in ore acquirit rationem potabilis, sicque in stomachum transmittitur per modum potus. Sed mihi non placet hæc doctrina, & videtur adversari illi doctrinæ, quam idem *Pasqualigus* *decis.* 141. n.2. admittit, ut communem, videlicet ea, quæ habent rationem cibi, solvere jejunium, & si sumantur modo potabili, ut potus lactis: hinc inferens n.3. potionem cocholatæ frangere jejunium, etsi sumatur per modum potionis, eo quod illa ex natura sua sit cibus maxime nutritivus: ita ut unica ejus uncia sufficeret nutrit per horas 24. absque ulla corporis debilitatione: si quidem ex communi illa doctrina contra *Pasqualigum* argui potest: quæ habent rationem cibi, frangunt jejunium, etsi sumantur per modum potabilis; at uva, cujus succus solum in ore dentibus exprimitur e cortice, habet rationem cibi, & quidem maxime nutritivi, etsi detur tam sumi modo potabili; ergo illius sumptio frangit jejunium: dixi, *etsi detur illam sumi modo potabili*, quia secundum communem modum loquendi, ac moralem hominum estimationem non dicitur bibere, qui sumit uvam recentem, ejusque succum dentibus intra os exprimit, etsi dictum succum vere jam expressum, transmittat in stomachum, sed dicitur edere uvam, adeoque negari potest in hoc casu sumi uvam modo potabili; quo modo dicitur sumi, quando intra vas aliquod exprimitur succus uvæ, & sic expressus fuit: sic enim

dicitur sumi uva modo potabili, cum vere sit mistum, & habeat rationem potus: & tunc concedo per sumptionem uvæ recentis non violari jejunium Ecclesiasticum, cum talis sumptio sit potus, & potus non frangit jejunium Ecclesiasticum, ut omnes concedunt: & quidem, quod uva sit maxime nutritiva, patet experientia Rusticorum, qui in Autumno ex usu uvæ valde pingues apparent.

Quod si hac occasione quæras: *An prohibitus vesci carnibus ex lege jejunii, aut alio titulo prohibeatur adhibere clystima a puro carnis jusculo; aut emplasma a carne confusa, vel contrita apposita umbilico, non quidem ad medicinam, sed ad carnem in legis fraudem mulcendam, ejusque lasciviam fovendam, cum succus clysmate immixtus nutriat, & idem præstet emplastrum umbilico appositum vi caloris naturalis, & facultatis attractricis partibus insite aliquid per poros evugens, quod intromissum potest excoqui, & demum converti in sanguinem, unde fit nutritio, etsi exigua, sicut & exigua est materia, quæ attrahitur, & via per quam subit.*

Resp. Raynald. in *stylistica* mistico par.7. n.9. verius esse, quod in casu proposito vetitus est usus clysmatum, ac emplastri (concedens tamen n.11. quod spectat ad emplastrum materię paucitatem, quæ inde fugitur, valde tenuare peccatum, ita ut vix posset sufficere ad peccatum mortale) Assertionem probat, tum quia sic copiosa materia vetita apponi potest, maxime per iterationem, ac frequentationem, & potest contraveniri fini legis præscribentis ciborum delectum, cum inde possit incendii corporis lascivia, concalescens carne per tale nutrimentum: tum quia licet lex Ecclesiastica de ciborum delectu, spectato verborum cortice, vetet solum usum certorum ciborum, quem Doctores vocant manducationem; tamen spectato fine legis sub iis verbis æque vetatur omne nutrimentum ex materia vetita, sive ingeratur per os, sive alia via, ita ut usus clysmatis ac emplastri ex carnibus dici possit æquivalens comestio carnis: maxime cum Canonem solum mandent jejunium, &

Docto.

Doctores interpretantes legem jejunii de comestione (quippe per quam jejunium ordinarie solvitur) non excludunt , nec possunt excludere sumptionem cujusvis alterius æque concitantis petulantiam corporis , quam Ecclesia intendit frænare lege jejunii .

Verum mihi non probatur hæc doctrina , putoque sustinendam esse oppositam , quam ipsemet *Raynaud* : non negat esse probabilem , dum ait suum esse veriorum . Ducor : tum quia finis legis non cadit sub legem , quippe quæ dirigit quidem ad finem , sed non est de fine : ut ostendit *Avila d. 11. de leg. n. 37. s. Thom. & Caseran.* sique corruit primum fundamentum *Raynaud* ; tum quia ubi agitur de obligatione imponenda , stricta fieri debet interpretatio , *Id v. interpretatio 2. l. quid quid adstringenda ff. de verb. oblig.* ; adeoque lex prohibens comestionem carniū intelligenda est de comestione simpliciter dicta , non autem de æquivalenti ; cum tamen Doctores de jejunii obligatione loquentes dicant , eam solum cadere in manducationem , & is tantum dicatur manducare , qui ore haurit nutrimentum : tum quia , quod succus per clystma injectus , aut emplastro attractus nutriat est per accidens , nec a lege attenditur ; quomodo potus vini licet nutriat , non vetatur in jejunio de communi sententia Doctorum ; idque etsi sumatur in fraudem ad sedandam inediam , ac famem , ut docent *Pasqualigus de jejunio decis. 117. & 18.* Doctoribus relatis , alique viri graves ; & inde suadetur , quod Ecclesia non vetat potum , adeoque nec nutrimentum ex eo provenientem (sicut vetat nutritionem ex cibo capto , eo quod eibus sit vetitus) sique intendens nutritionem provenientem ex potu vini , non violat legem jejunii , cum eam intendat solum ut provenientem ex actu licito , idest ex potu vini : quod est signum , mentem Ecclesiæ præscribens delectum ciborum non spectare quemcumque usum rei idoneæ ad irritandam carnem (id quod constat fieri a vino largius hausto , ac puro) , sed solum spectasse curam carnis per esculentā ,

& incentiva libidinum præcise per manducationem admotā : tum quia in præsentī casu non procedit , quod q. i. facit in fraudem legis non minus delinquit , quam si legem directe violet , etsi salvis verbis legis ejus sensum circumveniat , *l. contra legem ff. de legib.* cum fiat , quod ea noluit fieri , licet , attento cortice verborum extimo , id non veterit : siquidem tunc solum fit in fraudem legis , quando ex tali facto provenit effectus vetitus a lege , adeoque ipsum factum vetitum conferetur , utpote causans effectum a lege vetitum (ut si pluries in die jejunii capias cibum in quantitate parva , de se non frangente jejunium : tunc enim fieret fraus legi jejunii , quatenus eslo quælibet e dictis comestionibus seorsim non auferat effectum a lege intentum , ob parvitatem materiæ , omnes tamen simul auferunt ; ideoque Ecclesia hoc ipso , quod intendit macerationem corporis per cibi subtractionem , item præsumitur vetare concursum plurium illarum comestionum parvarum in eodem die , tanquam causam obstantem effectui intento) : quod utique in præsentī casu non procedit , in quo cum non veteret potus in quavis quantitate ad sedandam sitim , nec veteratur effectus hinc causatus , idest nutritio , ac sedatio inediæ ; ac proinde licet potus adhibeatur in hunc finem , non sit fraus legi , cum non adhibeatur , ut impeditivus effectus intenti a lege : si enim impediret , esset vetitus etiam in ordine ad sedandam sitim (sicut est vetitus potus lactis etiam ad refrigerandum , ac extinguendam sitim , cum impediatur effectum intentum a lege jejunii) quare lex jejunii intendit solum vetare nutritionem provenientem ex cibo , & sedationem inediæ per modum cibi , quem solum prohibet , ac proinde , cum in isto casu intendatur solum sedatio inediæ per potum , non contravenitur menti Ecclesiæ indicentis jejunium .

Sicut ergo *Raynaud.* *supra n. 7.* concedit jejunium præscriptum ad Eucharisticam communionem non violari , ass. impto clysmate e carniū jusculo , aliove quovis succo , licet apto ad nutriendum (quod late

late probat *Raynaudus* n.3.) cum præscriptio dicti jejunii solum spectet reverentiam debitam Corpori Christi, & referatur ad cavendam prægravationem corporis: sic videtur dicendum, usum clysmatis e puro jusculo carniū, ac emplastri e carniūbus contusis non vetari per legem vetantem esum carniū, etsi hæc adhibeantur non in medicinam (quo pacto etiam *Raynaudus* n.14. nobiscum sentit, etsi morbus non sit tantus, ut possit excusare a jejuniō) sed ad curandam cuticulam, carniūque lasciviam fovendam; idque ob rationes superius allatas, ex quibus etiam destruantur fundamenta, quæ pro se assert *Raynaudus*.

Quod vero addit n.13. Carthusianum facere contra statutum prohibens carniū usum, etiam in mortis periculo, si in morbo periculoso utatur clysmate e carniū jusculo, aut emplastro e carniūbus contusis ad curandum morbum (cum id in simili casu concedat de quocumque alio ægroto, qui non sit Carthusianus) mihi non placet, sicut nec placet ratio, quam adducit pro sua sententia, dicens, Carthusiani longe aliam esse rationem, cum ille vi legis privatæ amoveat a se facultatem utendi talibus remediis ad cuiusvis morbi sublevationem, nec nisi omni alio cibo deficiente assumere possit præfata clysmata, aut emplastra ex pura carne, etsi paulo post subdat *Raynaud.* non esse quod Carthusiani scrupulo tangantur de paucis carniūbus, quæ in certis medicamentis adhibentur admixtæ aliis materiis, adeoque transmutantur, ut sicut carnis nomen abiciunt, sic, & pristinam carnis naturam exuere videantur: nam de minimis non curat prætor; & jus obligans ad carniū abstinentiam non censetur inductum cum extensione ad tales materias.

Mihi, inquam, non placet, quod loco citato addit *Raynaudus*, & facile videtur posse consutari ex verbis ipsiusmet statuti in ordine Carthusiano de abstinentia carniū, editi anno 1582., & a me relati *tract.5. cap.5. n.138.*, quod sic habet: *Omnem esum, & sumptionem carniū, & omnium quæcumque ex carniūbus*

quomodolibet constant, sive per modum cibi, sive per modum potionis, aut sorbitionis sumantur, a nostro proposito abjiciuntur; & infra: *Statuimus, ut quicumque Ordinis nostri professus hujus tam laudabilis institutionis transgressor extiterit, carnes videlicet comedendo, & alicui personæ Ordinis ministrando, vel ministrantibus consentiendo, vel non prohibendo, cum poterit prohibere &c.* Ubi noto, quod, cum statutum hoc non prohibeat quemcumque usum carniū, sed solum illarum, qui sit per modum cibi, aut potionis, aut sorbitionis, & sub his non comprehendantur assumptiones clysmatis, aut emplastri ex pura carne, non video, quo modo *Raynaudus* dicat, Carthusianum vi legis privatæ amovere a se facultatem utendi talibus remediis ad cuiusvis morbi sublevationem; cum sub relato statuto Ordinis Carthusiani non extet (quod ego sciam) ulla alia lex, quæ vetet usum præfatorum remedium, nec ab ipso *Raynaudo* asseratur, qui tamen debuisset illam asserre, si extaret: cum ergo Carthusianus nulla lege peculiari prohibeatur uti e clysmate, aut emplastro ex pura carne, & alias *Raynaudus* usum talium remedium concedat cuiuscumque alii in die jejunii, debet hoc idem concedere & Carthusiano, cum sit eadem ratio de ipso, ac de illis, & ubi militat eadem ratio, militare debeat item eadem juris dispositio.

Imo puto Carthusianum non facere contra statutum superius adductum, si clysmata, aut emplastrum ex pura carne assumere ad curandam cuticulam: cum vi dicti statuti solum prohibeatur uti carniūbus per modum cibi, aut potionis, aut sorbitionis, & sub his non contineatur assumptio clysmatis, aut emplastri ex pura carne; aliasque lex etiam favorabilis animæ, si sit obligatoria, & consequenter odiosa, non debeat ampliari ultra propriam verborum significationem, ut probat *Sanchez lib.10. de Matrim. d.4. n.3.*

Quæritur 13. An Moniales teneantur observare Fæsta præscripta ab Ordinario loci, nec non censuras, & interdicta ab eo lato.

28. Resp.

28. *Resp.* Teneri ex decreto *Concilii Tridentini sess. 25. de regul. c. 2.*, quod sic habet: *Censura, & interdicta, nedum a Sede Apostolica emanata, sed etiam ab Ordinariis promulgata mandantur Episcopo a Regularibus in eorum Ecclesiis publicentur, atque servantur.* Ubi notandum, quod licet in isto decreto non fiat mentio expressa de Monialibus, ex tamen in illo comprehenduntur sub nomine Regularium, quod est commune tam Monialibus, quam viris Religiosis.

An autem Moniales possint die festo exercere se in faciendis recamaturis ad vitandam otiositatem.

29. *Resp.* Azimillam, Azorium, Villalobum, Jo. de la Cruz, S. Marchantium, Sylvestrum, ac Ghilinum relatos a *Diana part. 6. trañ. 6. resol. 15.* sustinere partem affirmantem ob rationes adductas ab ipso Diana; quin nec omnino ab iis dissentit *Sanchez lib. 5. conf. c. 2 d. 18. n. 13.*, quatenus asserens opinionem contrariam esse veriorē, indicat sententiam horum doctorum non esse improbabilem. Certe si hæc doctrina admittatur de puellis (quomodo admittit citati DD.), & admitti poterit respectu Monialium, præsertim juniorum, quæ difficilius sciunt vitare otium. Quod autem dicunt præfati Doctores de recamaturis, admittent etiam de thecis ex serico confectis, cum cera sancta collo gestari solitis, aliisque similibus rebus devotionis, qua de re *Pasqualigus decis. 148.*

Quæres 14. An Moniales in diebus rogationum, ac Jubilei intra proprium Monasterium teneantur facere processiones ab Ecclesia præscriptas, & quo genere obligationis.

30. *Resp.* Quod quidem spectat ad Monialium communitatem, seu Conventum, id debere colligi ex communi ipsarum Monialium sententia, & conceptu: proportionaliter, ut dicit *Sanchez lib. 6. moral. c. 4. n. 27.* ad dignoscendam quantitatem obligationis hujus, aut illius regulæ multum conferre commune existimationem Religiosorum, communemque sensum, ac iudicium illorum, quibus incumbit regularum observatio, sic, aut sic illas

accipientium, ac intelligentium: puto autem Moniales existimare consuetudinem faciendi dictas processiones esse solum ex devotione, adeoque a toto Monasterio illas posse omitti absque peccato mortali; quod si ex hoc dubitent, id debent conijcere ex quatuor conjecturis relatis a *Bonacina dist. 1. de leg. qu. 1. part. ult. §. 3. n. 21.*; nimirum consuetudinem præsumi inductam tanquam obligatoriam, si Superior puniat, aut arguat aliter facientes, si populus graviter scandalizetur ob violationem dictæ consuetudinis, si materia & obligatio illius multum conferat ad bonum commune, si denique consuetudo sit majoris partis illius communitatis. Quod vero spectat ad præsentem obligationem respectu singularum Monialium, puto illam non esse majorem ea, qua hic qu. 6. diximus singulas Moniales teneri ad assistentiam chori, & consequenter non excedere culpam venialem.

Quæres 15. An, & quomodo Moniales teneantur solvere debita realia contracta, sive ante ingressum Religionis, sive post.

31. *Resp.* Distinguendo, vel debita sunt contracta ante professionem, & hæc debebant solvi a Moniali ante emissionem professionis, si erat solvendo, & si non solvit, peccavit quidem reddendo se impotentem ad solvendum; modo tamen excusatur ratione impotentia, quatenus per professionem facta est incapax acquirendi bona propria, ex quibus solvat, quod bene notavit *Sanchez lib. 4. moral. c. 19. n. 14.* addens, cum sit medium extraordinarium, ac difficile cogi acquirere bona in Religione ad solvendum creditoribus, Monialem in præfati casu non teneri manibus suis laborare ad acquirendum unde solvat xs alienum, nec Superiorem teneri ei dare licentiam sic laborandique ratio cum procedat etiam quoad petendam elemosynam a parentibus, aut consanguineis ad effectum satisfaciendi creditoribus, neque ad hoc ipsa tenebitur. Puto tamen, quod si Monialis habeat peculium ejus sibi concessum tenetur ex eo solvere debita: cum *Sanchez lib. 8. moral. c. 9. n. 38. ex Molin., ac Lessio* dicat, Religiosum teneri resarci-

re damnum iniuste illatum, cum restituendo fuerit, & quidem modo possibili; & alias Monialis sit restituendo eo ipso, quod habet peculium ejus usus permissum, ut patet: intellige, nisi id ei prohibeatur a Superiore, ut de facto prohiberi potest, teste Sanchez supra n. 113. ubi supponit, Superiorem non teneri concedere Religioso subito licentiam expendendi proprium peculium in solvendo ære alieno, & concessam posse auferre, cum peculium sit Monasterii, & Monasterium non teneatur illud expendere in resarciendo damno per suum Religiosum illato; qui proinde Religiosus eatenus tenebitur solvere creditoribus ex suo peculio, quatenus libera illius administratio ei permittitur. Quod autem dixi de peculo, procedit etiam de donatione, aut elemosyna factis Moniali, si hæc usus illius permittantur; nempe eas debere expendi a Moniali, in solvendis debitis, de his enim militat eadem ratio, ut patet. Vel debita contracta sunt a Moniali post professionem, & hæc ea tenetur solvere eo solum modo, quo diximus, illam post emissam professionem teneri solvere debita contracta ante illam, videlicet, implicando ad talem effectum peculium ipsi libere concessum, vel etiam donationem aliquam liberæ dispositioni illius relictam a Superiore, ita ut illam insumere possit in usus licitis, non autem laborando, aut procurando elemosynas &c. idque ob rationes supra allatas, quæ militent etiam in hoc casu. Nec obstat, quod Sanchez supra n. 38. ait, Religiosum teneri damnum culpabiliter illatum resarcire modo possibili, nam explicari debet, illum loqui de mediis ordinariis, non autem extraordinariis.

Au autem Monasterium teneatur solvere debita a Moniali contracta sive ante professionem, sive post.

Resp. Loquendo de debitis contractis ante professionem teneri Monasterium ea solvere ex bonis, quæ ratione Monialis ei obvenerunt, aut obvenient in futurum (non tamen supra vires dictorum bonorum) & ratio est, quod cum per professionem Religiosam non derogetur juri

creditorum, sicut Monialis tenebatur ante professionem ex bonis illis solvere creditoribus, sic tenetur Monasterium succedens in ea bona: quo pacto ait Sanchez l. 7. moralium c. 31. n. 4., regulam illam, quidquid acquirit Monachus, acquirit Monasterio: intelligi debere, nisi Religiosus ære alieno gravatus sit admissus ad professionem; tunc enim non Monasterio, sed creditoribus acquirit, quidquid arte, industria, donatione, aut hereditate comparat. Loquendo vero de debitis contractis post professionem, hæc solvi non debent a Monasterio, nisi ea contracta sunt ex legitima Superioris licentia, aut Monasterium inde sit factum locupletius; (tunc enim tenebitur quoad eam partem, ut advertit Sanchez n. 9.), & ratio est, quod personæ delictum non est convertendum in Ecclesiæ damnum, cap. si Episcopi 16. q. 6., quæ ratio item probat, Monasterium non teneri restituere mutuum pecuniarum a Religioso acceptum cum licentia Superioris, sed sine consensu capituli, si Superior non poterat dispendere de tanta summa sine dicto consensu, sique in concedenda ea licentia excessit limites fixæ potestatis; quod advertit etiam Sanchez n. 10.

Adde hic obiter ex Cardinali de Lugo d. 3. de just. n. 142. pro se citante Bannez, Rebullum, Lopez, Salas, Sayrum, & Dianam, recipientem a Moniali ad usus illicitos, non teneri summam acceptam restituere, si Monialis, quæ dedit, habeat facultatem plenam, ac liberam expendendi dictam summam pro libito; cum Prælati dans talem facultatem non censeatur limitasse illam ad usus honestos, sed potius abutuisse pro parte sua totum impedimentum, ut usus ille non esset contra votum paupertatis ex defectu licentiæ, etsi maneatur turpitudine ex alio capite. Quod si Monialis potuit dare dictam summam: ergo & ille alius potuit illam recipere, & potest eam retinere. Præter quam quod, ut notat idem Card. n. 143. etsi donatio illa ab initio fuisset nulla ob malum titulum, postea tamen Monialis, si alias habet licentiam dandi illam summam ad usus lici-

eos, mutato animo potest illam donare illi eidem personæ alio titulo honesto, v. g. quia pauper est, vel ex gratitudine: ad quam donationem licitam sufficientem habet licentiam. Nec obstat, quod Prælati est administrator bonorum Monasterii, ideoque non potest dare licentiam, & ad usus illicitos expendendi, cum id iure prohibeatur: id enim procedit, quando inde damnificatur monasterium, quod non militat regulariter in præsentis casu, in quo Monialis potest libere insumere illam summam, adeoque sine utilitate Monasterii, etsi de facto illam expendat ad usus illicitos.

Quæres 16. *An, & qualiter Moniales teneantur ad correctionem fratrum proximorum.*

32. *Resp.* Teneri: Cum præceptum hac de re latum a Christo *Matth. 18. Si peccaverit in te frater tuus, corripe eum*; afficiat omnes, & singulos fideles, & consequenter etiam Moniales, si quidem concurrant debitz circumstantiæ; nimirum, quod certo constet de peccato Proximi, & probabile credatur illum non respuisse, quod subsistat spes fructus ex correctione, quod non addit alius æque idoneus, qui correpturus credatur, & quod locus, tempus, aliæque similes circumstantiæ iudicio prudentis viri suadeant correctionem profuturam. Quæ circumstantiæ cum raro omnes concurrant, raro item evenit, quod præceptum correctionis obliget, præsertim homines vulgares, ac minoris auctoritatis, ut ait *Valentia 1.4.d.2. qu. 10. p. 2.* & confirmat *Granadus in 2.2. tract. 12. d. 1. Controv. 3. n. 6.*, monens, non facile credendum esse, timoratos præsertim viros peccare mortaliter ob omissionem correctionis fraternæ: cum præcepta caritatis non ita stricte obligent, adeoque omittemtem corripere ex quadam tepiditate, aut simili affectu, non autem ex intentione, aut proposito, nequaquam peccare mortaliter, nisi dampnum spirituale Proximi ex tali omissione proveniens esset tale, ut graviter imputaretur omittemti correctionem.

Obligatio autem correctionis frater-

næ est sub mortali, si delictum super quod ea debet cadere, sit grave, cum sic materia obligationis sit gravis, & finis in ea intentus sit gravissimus. Secus si materia correctionis sit peccatum veniale, tunc enim hæc obligatio non adstringit sub mortali, quidquid dicant aliqui apud *Castrum Palatum tract. 6. d. 3. p. 3. n. 1.* quorum doctrinam puto solum procedere de iis, qui habent curam aliorum, quales sunt Superiores Regularium utriusque sexus: hi enim teste *Sanchez lib. 1. moral. c. 6. n. 19.* peccant mortaliter, si permittant frequenter violari regulas Ordinis, obligantes solum ad veniale: quippe qui ex officio tenentur curare bonum progressum religionis, qui ex dicta permissione non mediocriter dampnum pateretur: quod docet etiam *Naldus v. Prælati n. 1.* monens, non esse mirum Superiores in isto casu peccare mortaliter, cum subditi in violatione regularum peccent solum venialiter; nam etiam cultos vineæ, si videns ingredientiæ vineam seorsum, ut singuli racemum unum, aut alium asportent, & non impediat, (cum ex officio teneatur impedire) mortaliter peccat ob dampnum notabile illatum vineæ, iis solum venialiter peccantibus: sic & evenit in casu nostro, ut consideranti constabit. Et hanc doctrinam bene debent Confessarii inculcare Superioribus Monialium, ut ex hinc excitentur ad regularum observantiam procurandam: etsi interdum Superioribus excusentur sive ob inadvertentiam, sive ex bona fide, sive quia non sperant fructum ex admonitione, immo timent majora mala inde eventura: quæ interdum erunt magnæ consolationis Superioribus timoratis, ideoque opportune iis suggerenda erant a Confessoribus.

Quæres 17. *An, & quo modo teneantur Moniales facere elemosynas ex proventibus Monasterii redundantibus.*

33. Quod quamvis *Sanchez, Emanuel, & Hieronymus Rodriguez, & Sotus apud Dianam p. 5. tract. 8. resol. 33.* doceant, sicut Episcopi tenentur arctissime præcepto elemosynæ, sic debent Monasteria Regularium, in quibus proventus redundant: & *Reginaldus lib. 4. n. 283.* dicat, Abbatem,

E c 2 tem,

tem, vel autoritate simili præditum in domo, & familia religiosa non modo posse facere eleemosynam, sed etiam teneri, quidquid superest ultra necessitates Monasterii, erogare in pias causas (respiciendo tamen necessitates Monasterii etiam futuras, quæ probabiliter possint occurrere) idque ex intentione fidelium, qui bona sua elargiti sunt Regularium Monasteriis, non ut ii divites efficerentur, cum profiteantur paupertatem, sed tantum, ut sustentarentur, & quæ super sunt in alios pauperes erogarent. Quamvis, inquam, Doctores sic differant circa præsentem questionem; mihi tamen magis placet, quod ait *Suarez tom. 4. de Relig. tract. 8. lib. 2. cap. 26. n. 13.* nimirum regulariter non esse necessarium, nec conveniens, Prælatos Regularium omnes superabundantes redditus dare in eleemosynam, etsi interdum possit esse laudabile, imo & aliquando præceptum: hoc enim pendet ex necessitatibus Proximorum hic, & nunc occurrentibus; nam si hæc sint extrema, non solum superflua, sed etiam aliqua ex necessariis dari debent, habita ratione aliorum, qui solent concurrere ad sublevandam talem necessitatem: si vero necessitas sit gravis, omnia superflua dari debent, nisi ex aliorum concursu minuatur necessitas: quod si necessitates sint communes, licet tunc aliquid dari debeat ex superfluis ob bonum exemplum, dare tamen omnia non est necessarium; immo nec in Prælato religioso esset consilium: sicque regulariter loquendo non est in ejus potestate id facere, cum melius sit, si commode potest, augere, ac perficere ipsum Monasterium, sive quo ad pertinentia ad cultum divinum, aut habitationem, sive quoad perpetuos redditus, quibus plures religiosi alii possint, quod cedit in majus Dei obsequium, quam abundans eleemosyna in communibus necessitatibus, ut advertit *Navarro comm. 3. de regul. n. 7.* ex quibus habent Confessarii Monialium quid respondere debeant Superioribus ipsos in specie interrogantibus de obligatione, quam habent faciendi eleemosynas ex bonis

communibus Monasterii, cui ex præ sunt.

Quod autem spectat ad Moniales particulares: hæc non tenentur facere eleemosynam, regulariter loquendo, cum nihil habeant proprii, ex quo illam faciant: & ex illis ipsis bonis, quæ iis conceduntur ad usum, sine licentia Superioris, saltem tacita, ac interpretativa donare non possint: possunt tamen eleemosynam facere in pluribus casibus relatis a *Sanchez lib. 7. moral. cap. 19. n. 69. usque ad 100. inclusive*, qui n. 95. expresse nobiscum sentit, probatque suam assertionem tum ex capitulo cum ad Monasterium de statu Monachi, & capitulo non dicatis l. 2. q. 1. tum quia religiosus non habet neque dominium, neque ullam bonorum administrationem, sed solum usum facti; ideoque si absque licentia faceret eleemosynam, peccaret contra votum paupertatis, utpote exercens actum domini. Monialis ergo, cui absque ulla restrictione concessa sunt aliqua bona ad usum suum, ac dispositionem, potest facere eleemosynas, & alias donationes religiosum statum decentes ex licentia saltem tacita Superioris, ut notavit *Sanchez supra n. 104. monens n. 106.*, quod quamvis Superior interdicat Religiosis subditis largiri eleemosynas, non videtur interdicere moderatas, sed tantum videtur velle, ne modum excedant: sicut de uxore, cui vir interdicat eleemosynas, asserunt communiter Doctores, quod notat etiam *Rodriguez to. 2. q. 57. art. 2.* addens, Superiorem expresse vetanti etiam eleemosynas moderatas obediendum esse a Religiosis subditis.

Porro ad cognoscendum, utrum eleemosyna faciendi hic & nunc a Moniali cenferi debeat moderata nec ne: habenda est ratio tum facultatum Monasterii, tum peculii concessi ad usum Monialis, tum operis pii, in quo implicanda est eleemosyna, tum necessitatis, cui per illam consulendum est, tum aliarum simili circumstantiarum, quæ hic, & nunc concurrunt; si enim Monasterium sit valde dives, Monialis habeat pingue peculium, opus pium credat in magnam Dei

hono,

honorem, immo in bonum non vulgare ipsiusmet Monasterii, tunc major elemosyna dari poterit a Moniali de licentia Superiorissæ, aut saltem Prælati Monasterii: ex quo patet in contingentia facti me bene respondisse, Moniales ejusdam Monasterii potuisse convenire inter se, ut ex pecuniis ipsarum usus permissis constituerent dotem cuidam puellæ inopi inter ipsas admittendæ ad Religionem, quæ maxime necessaria erat bono communi Monasterii. Dixi aut saltem Prælati Monasterii: ut indicarem, Moniales de licentia proprii Prælati posse majorem summam elargiri ex bonis ipsis concessis titulo elemosynæ, aut donationis, quam de licentia solius Superiorissæ Monasterii, cum quoad hoc major potestas supponatur in Prælato, cui subest etiam ipsa Superiorissæ, quam sit in Superiorissæ; quod pro praxi est bene advertendum, licet id non approbet Sanchez n. 42. dicens, quod si consuetudine, aut statuto Ordinis, aut præcepto Superioris mediati quoad hoc non sit restricta facultas immediati Superioris, non est cur ad certam summam arctetur, & ad majorem adiri debeat Provincialis, sed qualiscumque est Superior potest concedere licentiam ad quantitatem moderatam arbitrio prudentis viri elargiendam, id colligentis ex quantitate reddituum, ac necessitate pauperum: ita Sanchez ex Molina tom. 2. dist. 266. column. 2.

Quæres 18. An, & quo modo Moniales teneantur denunciare Confessarium sollicitantem ad turpia, si forte (quod Deus avertat) in Sacramento penitentiae id contingat.

34. Resp. Teneri, cum Gregor. XV. in sua Constit. Universi Dominici gregis, edita anno 1622. 30. Augusti, onus de-

nunciandi Confessarium sollicitantem ad turpia imponat personis modo dicto sollicitatis, quæcumque illa sit, & sub hac clausula generalissima comprehendantur etiam Moniales. Tenentur autem denunciare, sive sollicitatio fiat in actu Confessionis sacramentalis, sive ante, sive post immediate, vel etiam occasione præteritæ Confessionis, sive id fiat extra occasionem Confessionis, sed in confessionario, aut in loco quocumque, ubi confessiones sacramentales audiuntur, seu electo ad audiendas confessiones (siquidem Confessarius ibi simul et audire confessionem) sive id ad committenda turpia cum ipso sollicitante, sive cum aliis. Denunciatio autem hæc, etsi cumulative fieri possit tum Ordinario, tum Inquisitori, (quod spectat ad Moniales) regulariter videtur commodius fieri posse Ordinario, seu Vicario ejus generali, sub alio prætextu ad Monasterium accito, aut accedenti; sic enim suavior, & minus gravis fiet denunciatio, quam si ad talem effectum advocandus esset Inquisitor. Quod si Monialis induci nequeat ad faciendam hanc denunciationem per se ipsam, posset Ordinarius concedere Confessario, ad quem tunc accedit Monialis, ut ipse excipiat denunciationem per scripturam juratam ab ipsamet Moniali confecta, eamque Ordinario statim tradat; idque ex decreto Sacre Congregationis S. Officii Urbis de mandato Urbani VIII. die 27. Septembris 1624. edito, quod refert Nald. v. Confessio 41., addens, eandem Sacram Congregationem statuissæ, quod, si penitens sollicitata adhuc denunciare recuset, tunc ad Papam tota res deferri debet, ejusque responsum omnino implendum.



CAPUT VII.

De Prohibitionibus jure communi latis contra Moniales :

1. **P**rohibitiones jure communi facta Regularibus, aut Ecclesiasticis, afficiunt Moniales.
2. Moniales nequeunt confiteri cui-cumque Sacerdoti approbato.
3. Ubi Bulla Cruciatâ, aut alterius similis indulti non eligunt Confessarium.
4. Moniales in sua Ecclesia interiori non observant Eucharistiam.
5. Nec illis est collocanda in fenestrella, ex qua communicant.
6. Indultum Clementis VII. est abrogatum per Tridentinum.
7. In suis Templis non admittunt libere Sacerdotes ad celebrandum.
8. Earum Cappellani recitant Missam de festo, de quo ipsæ recitant Officiam.
9. Eæ non admittunt laicos ad canenda Officia in suis templis cantu simplici, aut figurato: immo & ipsis vetita cantus figuratus, & instrumenta ad sonum.
10. Non recipiunt laicos ad sepulturam in sua Ecclesia interiori, aut exteriori.
11. Ipsæ possunt sepeliri in sua Ecclesia exteriori, si adsit consuetudo.
12. Tangunt Calices, Corporalia, & Agnos Dei.
13. Non exeunt e propria Clausura.
14. Non recipiunt extraneos intra Clausuram.
15. Non admittunt Puellas in educationem, aut alias mulieres, nisi servatis servandis.
16. Non recipiunt faminam ad conversandum intra Clausuram sine certis conditionibus.
17. Non retinent Ancillas in Conventu absque certis conditionibus.
18. Earum Conventus non erigendi extra loca murata, & qua degunt extra loca murata, consultum est, ut reducantur intra loca murata.
19. Non erigunt novos Conventus absque certis conditionibus.
20. Non retinent ostium a propria Clausura ad Ecclesiam exteriorem.
21. Non habent singularem habitationem.
22. Qualibet Monialis debet dormire sola.
23. Non recipiunt Novitias, nisi juxta numerum taxatum, nec plures duabus Sororibus.
24. Recipiunt Conversas, non obstant Pii V. prohibitionem.
25. Non admittunt Novitiam ad professionem, nisi ejus voluntate prius explorata.
26. Non recipiunt feminas venientes profiteri, & servare Clausuram.
27. De bonis Novitia non accipiunt ante professionem.
28. Retinent peculium, etiam post Concilium Tridentinum.
29. Non alienant bona Conventus sine solemnitate, & quod non procedit de Bibliotheca librorum latinorum iis legata, vel alia re inuizisi nec accipiunt pecuniam ad cambium, aut mutuo, cum pacto solvendi: vasa item pretiosa oppi-

oppignorari non possunt, nisi urgente gravi necessitate: etsi in tali casu interdum requiratur specialis licentia Papæ, si solvendum sit interesse pecunie data pro pignore.

30. *Non faciunt donationes, nisi servatis servandis ex Clem. VIII. decreto.*
31. *Non exercent negotiationem.*
32. *Non appellant a proprio Prælato.*
33. *Immo nec ab Abbatisa proprie loquendo.*
34. *Non appellant neque ad Judices competentes, neque ad incompetentes.*
35. *Illis tamen non denegatur defensio naturalis, nec recursus ad Prælatum majorem.*
36. *Testificantur contra Moniales Conventus, etiam in criminalibus. immo & in causis criminalibus personarum laicarum.*
37. *Non fiunt Commatres per Baptismum, aut Confirmationem: sunt executrices testamentaria.*
38. *Non habitant in eodem Conventu cum Religiosis Ordinis.*
39. *Non accedunt ad loquendum cum externis sine licentia.*
40. *Non scribunt litteras, nec recipiunt sine debita licentia.*
41. *Non utuntur lineis: si tamen utantur, peccant solum venialiter.*
42. *De jure communi edunt carnes, cum jus earum abstinentiam solum consulat.*
43. *Non ntriant comam, nec vestiunt superbe.*
44. *Non prohibentur nisi larvis, & choreis intra Conventum, saltem sub mortali.*
45. *Non induunt habitum virorum ex occasione representationis, quam faciant.*
49. *Non eligunt Abbatisas perpetuas.*

47. *Terminus triennii Abbatisas includis primum diem: & si elapso triennio confirmarunt Abbatissum ex concessione Sacra Congregationis, non possunt sine nova licentia iterum eligere pro tertio triennio immediate sequenti.*

46. *Moniales non parant, nec vendunt cibos externis.*

49. *Non imprimunt libros sine debita approbatione, ac licentia.*

50. *Non erigunt Confraternitates in suis Templis.*

Quæres 1. *An prohibitiones jure communitate contra Religiosos, seu Regulares, aut Ecclesiasticos indebitè afficiant Moniales.*

1. Resp. **A**fficere; & inde probatur, quod lex generaliter loquens, generaliter debet intelligi, & sub masculino genere comprehenditur etiam femininum in materia, quæ æqualiter congruit viro, ac femina: ex alia parte secundum omnem proprietatem loquendi Moniales sunt, & dici possunt personæ religiosæ, regulares, ac ecclesiasticæ; sicque non apparet, quo titulo excipi possunt a prohibitionibus generaliter latis contra Religiosos, regulares, ac ecclesiasticos, loquendo de his, quæ pro ratione sexus, ac conditionis Monialium possunt cadere in ipsas.

Quæres 2. *An Moniales possint confiteri cuicumque Sacerdoti approbato generaliter ad confessiones in Diœcesi, in qua ipsa degunt.*

2. Resp. Non posse, etsi aliàs sint exemptæ a Prælati regularibus proprii Ordinis. Constat ex Bulla Gregorii XV. edita 5. Februarii 1622., quæ incipit: *Inscrutabili*, & sic habet: *Confessores vero sive regulares, sive seculares, quomodocumque exempti, tam ordinarii, quam extraordinarii ad confessiones Monialium etiam regularibus subjectarum audiendas nullatenus deputari valeant, nisi prius ab Episcopo Diœcesano idenci judicentur, & appro-*

approbationem, quæ gratis concedatur, obtineant. Quin etiam Sacra Congregatio Concilii de mandato Urbani VIII. declaravit, Confessarios extraordinarios semel deputatos ad audiendas Monialium confessiones pro una vice infra annum ad præscriptum Sacri Concilii Tridentini, non posse virtute dictæ approbationis pluries audire illarum confessiones, sed ab Episcopo toties esse approbando, quoties casus deputacionis contigerit: sed de hoc præla inferius, ubi de Confessario Monialium.

Quæres 3. An Moniales possint in virtute Bullæ Cruciatæ, aut alterius similis privilegii eligere Confessarium, & per eum absolvi ab omnibus reservatis, sicut possunt persone seculares.

3. Resp. Non posse, nisi indultum eligendi Confessarium, aut obtinendi absolutionem reservatorum contineat clausulam sufficientem derogantem prohibitioni, quam Clemens VIII. die 23. Novembris 1599. quoad hoc tulit contra Moniales per Bullam relata a Rodriquo in Bullario, nonam in ordine, his verbis: Concessionem S. Cruciatæ, & aliorum indultorum particularium, quantum ad articulum eligendi Confessorem, & absolvendi a casibus reservatis cum Fratribus, & Sororibus Monialibus Ordinis prædicti (idest B. Maria de Carmelo), ac aliorumcunque Ordinum, & Congregationum cujusvis Instituti Mendicantium, tam Provincia Hispaniæ, quam extra eam ubilibet locum minime habere, nec censeri, sed nostræ inventionis existere, quod iidem Fratres, & Moniales quantum ad Sacramentum Pœnitentiæ, seu Confessionis administrationem dispositioni suorum Prælatorum subiecti sint, Apostolica auctoritate, tenore præsentium perpetuo declaramus: eisdem tamen Prælati, ut in usu huiusmodi potestatis se cum subditis benignos, & faciles exhibeant, præcipimus.

Quæres 4. An Moniales possint detinere intra propriam Ecclesiam internam Venerabilem Eucharistiam.

4. Resp. Non posse, ex decreto Concilii Tridentini sess. 25. de Regul. cap. 20.

ubi dicitur: Quod vero Sanctissimum Christi Corpus intra Chorum, vel septa Monasterii, & non in publica Ecclesiâ conservetur, prohibet S. Synodus, non obstante quocunque Indulto, aut privilegio. Immo Barbosa in collect. v. Moniales, refert, Sacram Congregationem censuisse, clavam custodiæ Sanctissimæ Eucharistiæ non committi debere Monialibus, sed retinendam esse semper penes Sacerdotem, ad quem spectat illam ipsis administrare: quod item notavit Tambur. disp. 24. de iure Abbatiss. qu. 2. n. 5., addens, eandem Sac. Congregationem statuisse, sacras Reliquias non esse asservandas intra Ecclesiam internam, aut septa Monialium; quod tamen non videtur esse in usu, saltem in multis locis; eo quod forte vasa pretiosa, in quibus Reliquiæ repositæ sunt, extra Clausuram Monasterii minus tuto custodiri possunt.

5. „Advertit autem Quintanad. tr. 4. „singul. 3. n. 7., neque per unam, aut duas „horas, Eucharistiam collocandam esse „in fenestella, ex qua Moniales communiant, cum Sacra Congregatio expressè id prohibuerit, teste Bellarmino.

6. Addit Quintanad. n. 2., Indultum Clementis VII., quod Moniales sub obedientia Ministri generalis Fratrum Minorum existentes, possint in Ecclesia interiori in loco decenti habere Eucharistiam, sicut habent in exteriori, ut videri potest in comput. privil. Mendicantium v. Moniales §. 26. fuisse omnino abrogatum in Trident. supr. iis verbis: non obstante quocunque Indulto, aut privilegio, quamvis Rodriquez tom. 1. qu. 47. art. 4. putet, non contraveniri Concilio, si Eucharistia simul in Choro Monialium, & in Ecclesia exteriori conservetur: quod pluribus rejicit Quintan. n. 3. 4., & 5., nonens n. 3., teste Sotello, Sacram Congregationem declarasse, Eucharistiam non in Choro Monialium reservandam, sed in Choro exteriori, non obstante quacunque consuetudine contraria.

Quæres 5. An Moniales possint facere in propriis Ecclesiis celebrare Missas per quemcunque Sacerdotem.

7. Resp.

7. *Resp.* Non posse, idque ex Clementis VIII. Constitutione relata a Mossonio de majest. milit. Eccl. p. 1. lib. 4., in qua hæc habentur: Nulla Monialis, vel alia persona secularis audeat celebrare facere in Ecclesiis Monialium privatas Missas, præter eas, quæ a Capellanis deputatis celebrari solent, sine licentia Ordinarii. Cui Constitutioni conformis est praxis fere communis, a qua nullo modo videtur recedendum, cum sit valde rationabilis, & originem traxerit ex Constit. Pontificia.

Ubi notandum: Sac. Congregationem Concilii in una Placentina 9. Decembris 1651. censuisse per Episcopum fieri posse præceptum Regularibus, ne absque sua licentia accedant ad Ecclesias Monasteriorum Monialium pro celebrandis ibidem Missis, ut refert Nicolius in sfoctulis v. Missa n. 25. Præterea declarasse eandem Sacram Congregationem Concilii in Hieracensi Visitationis 26. Januarii 1692. in resp. ad 7. apud Monacell. tom. 1. formul. tit. 11. formul. 23. n. 4., Presbyteros seculares, qui advocantur pro celebratione Missarum in Ecclesiis Monialium, posse ab Episcopo prohiberi ne accedant, quamvis Moniales exemptæ sint, aut Regularibus sint subiectæ; nam hoc spectat ad custodiam Clausuræ. Denique in eadem Hieracensi in respons. ad 9. dixisse Sacram Congregationem sufficere, quod Cappellanus Monialium approbatur a Superiore Monasterii.

8. Addo hic obiter ex decreto Sacre Congreg. sub 20. Novembris 1628., Cappellanos Monialium posse Missam celebrare de Sancto, de quo ipsæ Moniales recitant Officium, sed cum Missali Romano de Communi, si de eo Sancto non extet propria Missa in Romano Missali; Moniales vero non posse quidquam mutare in Confiteor, neque posse in eo dicere, & tibi Mater, & vobis Sorores: cum hoc expresse fuerit prohibitum ab eadem Sacra Congreg. 18. Augusti 1629.

Quæres 6. An Moniales possint per seculares personas canere Divina Officia cantu simplici, aut figurato.

9. *Resp.* Non posse, attenta declaratione Sacre Congreg., quam refert Gavanti in manual. v. Monialium Ecclesiæ n. 12. sub his verbis: Ne permittatur in Ecclesiis Monialium cantus simplex, vel figuratus a personis secularibus; quamquam talis declaratio iustis de causis non sit in usu, saltem in multis locis; nisi quod talis cantus ibi non sit absque licentia Ordinarii. Quod autem statuit Clemens VIII. in Constitut. relata quæ præced. quod scilicet Monialibus prohibeantur cantus figurati, & instrumenta omnia ad sonum, organis tamen permittis in Ecclesia ipsarum exteriori; non est in usu in pluribus locis; quia Episcopi censuerunt, mentem Sacre Congregationis esse, in talibus circumstantiis obligare.

Quæres 7. An Moniales possint in propria Ecclesia interiori concedere sepulturam personis laicis.

10. *Resp.* Non posse, cum id prohibuerit Sacr. Congreg. 1. die Martii 1585. apud Tambur. supra d. 34. quæ 1. n. 2., declarans in Monialium sepulchris non debere tumulari corpora laicorum, etiam mulierum nobilium, quæ in propriis testamentis legatum relinquentes, mandaverint se sepeliri in sepultura Monialium. Ad quod idem facit declaratio Gregorii XIII., quam refert Portell. de dub. regular. v. sepultura n. 14., dicens, illum declarasse corpora vo lentium sepeliri in Monasterio Monialium debere sepeliri in Ecclesia exteriori, & non intra claustra: hinc indicando sine licentia Papæ non posse eligi sepulturam intra Clausuram Monialium, aut certe absque facultate alterius Superioris competentis. Ubi est advertendum, quod non obstante hac declaratione Gregorii XIII. (de qua, ut advertit Pignatelli. 10. 4. consult. 177. n. 3. non constat authenticè) non possunt in Ecclesia exteriori Monialium sepeliri, aut eligere sepulturam exteriori, cunctisvis sint conditionis, nisi ea Monialium Ecclesia habeat jus sepulture, vel ex privilegio, vel ex speciali indulgentia, ut ex pluribus Sacre

„ Congregationis responſionibus ſirmat
„ allegat & Pignatellus .

Quod ſi quaras : An Moniales poſſint ſepeliri in Eccleſia exteriori .

11. *Reſp.* Poſſe, ſi extet conſuetudo, qualis extat apud Moniales Congregationis Vallis Ambroſæ, teſte *Tamburino ſup. n. 5.*, quæ u. 1. in probationem præſentis reſponſionis aſſert quamdam declarationem Sac. Congregationis ſub 21. Septembris 1594. : non extat tamen talis conſuetudo, ſaltem communiter, ſicque Moniales regulariter debent ſepeliri in propria Eccleſia interiori .

Quæres 8. An Moniales poſſint abſque peccato tangere vaſa ſacra, Purificatoria, Corporalia, Agnos Dei benediſtos, ac reliquias Sanctorum .

12. *Reſpondet Sanchez l. 2. mor. c. 43. n. 27.*, quod cum *Sot. in 4. diſt. 13. quæ 2. art. 3. ad 3.*, & multi Neoterici ipſum ſequentes dicunt, feminas tangere Corporalia, & Calices abſque contemptu, aut nullam eſſe culpam, aut leviſſimam venialem : ea docti ratione, quod Canones id prohibentes loquuntur de conſilio : a fortiori tangere Agnos Dei non excedet culpam venialem ; immo nulla eſt culpa, eo quod uſ. obtinuerit, ut a laicis etiam feminis tangantur : hæc Sanchez, & non improbabiliter, quæ utique maiori aliqua ratione locum habere poſſunt in Monialibus, quæ vel exercent officium Sacriſtæ, vel ſe occupant in Agnis Dei artiſcioſe compingendis ex panno ſerico, aut alia ſimili materia, quamvis conſultius ſit, immo & conſulendum, ut abſtineant a ſupradictis tangendis ob reverentiam ipſis debitam : nobiſcum ſentit in terminis *Perſius l. 1. de præcip. Sacerdot. offic. c. 9. n. 56.*, & aliis relatis .

Quæres 9. Quomodo Moniales prohibeantur egredi & Clauſura proprii Monaſterii .

13. *Reſp.* Prohiberi eo modo, quo oſtendimus *cap. 5. ſect. 2. per tot.*

Quæres 10. Qualiter Moniales prohibeantur admittere perſonas extraneas intra Clauſuram ſui Monaſterii .

14. *Reſp.* Prohiberi, ſicut dictum eſt *cap. 2. ſect. 3. per tot.*

Quæres 11. Qua ratione prohibeantur recipere intra ſeptem Monaſterii puellas in educationem, aut etiam viduas, & alias feminas conjugatas, ut ibi ad multum tempus commorentur .

15. *Reſp.* Prohiberi ea ratione, qua docuimus *cap. 5.*, de puellis quidem *ſect. 4. per totum*, de aliis vero ſœminis *ſect. 3. quæſt. 20.*

Quæres 12. An, & quo pacto Moniales poſſint recipere intra Monaſterium ſæminam aliquam nobilem ad ſumendam ibi corporalem reſectiorem, & converſandum per plures horas cum ipſis Monialibus .

16. *Reſp.* Non poſſe, niſi eo pacto, quo late indicavimus *cap. 5. ſect. 3. quæ 20.*, ubi de præſenti difficultate ex proſeſſo egimus .

Quæres 13. Qualiter poſſint Moniales retinere intra Monaſterium ancillas ſaculares .

17. *Reſp.* Non poſſe, niſi eo modo, quo oſtendimus *cap. 5. ſect. 3. quæ 27.* Qui vult, conſulat *Barboſam de offic. Episcop. alleg. 102. n. 60.*

Quæres 14. An Moniales libere poſſint habitare etiam in locis muratis .

18. *Reſp.* Quod quamvis olim Monaſteria Monialium conſtruerentur in ſolitudinibus, ne ex frequentia externorum ad ipſas acceſſentium impediretur earum devotio, & Monaſtica quies turbaretur, juxta *cap. lumineſco 18. quæ 2.*, in præſentia tamen ex decreto *Concil. Trident. ſeſſ. 25. de regul. cap. 5.* ad conſulendum decori, ac pudicitie Virginitatis Chriſti monentur Episcopos, & alii Superiores Monialium, ut ex Monaſteriis extra mœnia Urbis, aut Oppidi conſtitutis, ſi ita videbitur expedire, eas reducant ad nova, vel antiqua Monaſteria intra Urbes, aut Oppida frequentia. Quin teſte *Barboſa l. 2. de jur. Eccleſ. c. 12. n. 10.* Sac. Congregatio ejuſdem Concilii 13. Septembris 1583. cenſuit, Monialium Monaſteria non eſſe erigenda, niſi Ordinariis locorum conſentientibus, niſque ſolum in locis, quæ muro muni-

munita sunt, & in quibus adest copia Sacerdotum, sive secularium, sive Regularium ad audiendas illarum confessiones, nisi forte Monasterium habeat: unde ex suis facultatibus sustentare valeat Confessarium aliunde ascitum.

Quæres 15. *An Moniales possint erigere nova Monasteria, prout maluerint, vel certe solum aliquibus servatis.*

19. *Resp.* Non posse, nisi habeant patrum redditum annuorum scutorum 300. qui sufficiat ad competentem sustentationem duodecim Monialium una cum lucro, quod ipsæ acquirant ex propria industria, & laboribus manuum suarum (sic enim explicanda videtur declaratio Sac. Congregationis, quam adducit Gavant. in man. v. Monialium Monast. n. 1. his verbis: *Notanda ne erigantur, quibus ad minus 300. scutorum redditus annuus non assignetur pro duodecim sustentandis*). Quin addit idem Gav. n. 3., dicta Monasteria non posse erigi absque speciali Indulto Sedis Apostolicæ ex decreto Sacre Congregationis edito 12. Aprilis 1615., quæ apud eundem Gavantum n. 5. die 13. Septembris 1583. statuerat, Monialium Monasteria non esse multiplicanda in iis locis, in quibus jam erecta laborant inopia, nec habent unde possint commode sustentari.

Quæres 16. *An Moniales possint habere ostium, per quod & propria Clausura pateat accessus ad Ecclesiam ipsarum exteriorem.*

20. *Resp.* Non posse ex Constitutione Gregorii XIII., quæ est in ordine 8., & §. 6. sic habet: *Declaramus præterea nullis Monialibus, etiam Tertiariis, licere habere ostium, per quod ex Monasterio introiri possit in ipsarum Monialium Ecclesiam exteriorem, in quam secularibus ad Missam, & Divina Officia patere solet accessus, sed omnino muro obstruendum.*

Quæres 17. *An Moniales possint habere singularem habitationem, in qua maneant, comedant, ac dormiant.*

21. *Resp.* Non posse, sed debere omnes habere communem Ecclesiam, refectorium, ac dormitorium; idque ex 18. quæ 2. cap. perniciosum: ubi sub pœna excommu-

nicationis prohibetur Monialibus, ne sibi faciant propria receptacula, & privata domicilia; sed tam in Ecclesia, quam in refectorio, atque dormitorio communiter sint, quamquam ista excommunicatio non sit latæ sententiæ, sed ferendæ, ut constet ex tenore verborum, quibus fertur, & non amplius videatur esse in usu.

22. Adde ex Constitutione Clementis VIII. adducta quæ 5., unamquamque Monialem debere solam dormire, ideoque tot cellas in unoquoque Monasterio faciendas esse, quot ibi degunt Moniales. Sic etiam Sacra Congregatio apud Zeram in praxi v. Moniales ad 11. statuit; puellas commorantes in Monasteriis Monialium causa educationis debere habere locum separatam a Monialibus pro earum dormitione, sicut & pro operibus.

Quæres 18. *An Moniales possint recipere ad habitum religionis in quocumque numero, & quidem etiam Sorores plusquam duas.*

23. *Resp.* Non posse recipere, nisi juxta numerum taxatum a Superioribus: sic quippe statutum est variis iuribus allatis cap. 2. sess. 1. quæ 6., quæ tamen non prohibent, quin possit recipi aliqua supernumeraria, dummodo concurrant ea, quæ ibidem indicavimus: non posse vero recipi Sorores plusquam duas, seclusa dispensatione Sacre Congregationis Episcoporum, & Regularium, quæ non solet concedi, nisi cum certis conditionibus, ut constat ex dictis citata sess. 1. quæ 15. „ Addo, „ extare decretum Sacre Congregationis „ Episcoporum, & Regularium, editum „ anno 1605. apud Monacell. par. 2. tit. 13. „ formul. 5. n. 5., ubi quinto loco sic statuitur: *Supra autem numerum nec Moniales velata, nec Conversæ recipiantur, nisi obtemperata Sacra Congreg. licentia.*

Quæres 19. *An Moniales possint recipere Conversas, etiam post Pii V. Constitutionem, quæ incipit: Circa pastoralis, & prohibet earum receptionem.*

24. Respondet Sanchez lib. 6. moral. c. 15. n. 59., quod, quamvis stando in rigore litterarum recipi non possint, cum receptio expresse prohibeatur a Pio V., quia

F f 2 tamen

tamen consuetudine receptum est, ut etiam modo Converse recipiantur in Conventibus Monialium; & quidem satis rationabiliter ob rationes adductas ab ipso Sanchez, potest talis consuetudo tuto servari, dummodo dictæ Converse legitimam faciant professionem: quæ de re consulantur quæ diximus supra cap. 2. n. 70.

Quæres 20. *An Moniales recipere possint ad Novitiatum puellas, priusquam illarum voluntas exploretur ab Ordinario.*

25. Resp. Non posse: & constat ex dictis cap. 2. sect. 1. qu. 4.

Quæres 21. *An possint admitti ad probationem religionis scæmina in Monasteriis vivere volentes absque professionis emissionem, ac observantia Clausura.*

26. Resp. Non posse, cum id expresse prohibuerit Pius V. in sua Constitutione Circa pastoralis, 8. in ordine, quæ 5. 4. sic habet: *Ceteris autem omnibus sic absque emissionem professionis, & Clausura vivere omnino volentibus interdiximus, & perpetuo prohibemus, ne in futurum ullam prorsus in suum Ordinem, Religionem, Congregationemve recipiant: quod si contra huiusmodi nostram prohibitionem, & decretum aliquas receperint, eas ad sic vivendum omnino inhabiles reddimus, ac illarum quaslibet professiones, & receptiones irritas facimus, & annullamus.*

Quæres 22. *An Moniales possint ex bonis Novitiæ aliqui recipere ante ejus professionem, & quid.*

27. Resp. Non posse recipere, nisi ea, quæ spectant ad ejus victum, ac vestitum: idque ex decreto Conc. Trid. supr. cap. 16. relato cap. 2. sect. 2. qu. 9. Quin etiam Clemens VIII. in Constitutione qu. 5. relata, prohibuit munera dari solita in ingressu Monialium, ac susceptione habitus, iussitque, quod sponte offertur a Consanguineis Novitiæ ingredientis asservari in communi, nullaque convivia fieri inter Moniales, & multo minus cum secularibus: ista tamen Constitutio non videtur esse in usu, saltem in multis locis, & maxime quoad convivia faciendâ inter Moniales, quæ, quamvis difficile possint omnino relegari, deberent saltem moderari quoad exuberantem excessum.

Quæres 23. *An Moniales possint retinere peculium, & quale.*

28. Resp. Quod quamvis usus peculii videatur prohibitus Regularibus, & consequenter etiam Monialibus ex decreto Concil. Tridentini supra cap. 2, usus tamen obtinuit, ut Moniales possint habere certos redditus annuos, moderatos tamen eo modo, quo diximus cap. 4. sect. 1. qu. 3.

Quæres 24. *An Moniales possint alienare bona Monasterii, & in specie dotes earum, quæ recipiuntur ad Religionem.*

29. Resp. Non posse nisi servata forma in jure præscripta: & quidem quoad bona Monasterii generaliter sumpta (loquor de immobilibus, aut mobilibus pretiosis, quæ servando servari possunt) constat ex Bulla Pauli II. edita hac de re 1. Martii 1468, quæ cum generaliter loquitur de omnibus personis Ecclesiasticis, ut patet ex illis verbis: *si quis autem contra hujus nostre prohibitionis seriem de bonis, & rebus eisdem quidpiam alienare præsumperit: utique sub ea comprehenduntur etiam Moniales, attentâ doctrina superius tradita, quod sub masculino continetur scæminum, quando in utroque procedit par ratio, ut in præsentî casu: quo vero ad dotes, constat ex dictis cap. 3. sect. 2. qu. 11.*

Addo, quod si Monialis ex mutuo recipiat mille aureos cum pacto solvendi quinquaginta quotannis ex annuis redditibus ipsi Moniali ad vitam concessis, & hoc, usque dum restituantur dicti mille, & ex titulo lucris cessantis; vere non dicitur alienare, nec incurrit penas latas contra alienantes bona Ecclesiastica, & ratio est, quod quando Sacra Congregatio prohibuit, ne Regulares recipiant mutuo pecunias, cum solutione lucris cessantis, vel damni emergentis; loquitur solum in casu, quo fundus, unde colligi debent annui redditus, obligetur, & ipse fundus sit Monasterii. Unde fit, ut, quamvis in casu proposito de licentia domini obligaretur fundus a consanguineo Monialis ei assignatus ad solutionem præfactorum reddituum; non ideo intervenire propriâ alienatio, nec incurrerentur penas latæ contra

tra alienantes bona Ecclesiastica. Ita Baldellus, Naldus, Bordonus, & alii docti viri a me consulti.

Concedit tamen *Portellus p.1. resp. mor. cas.7. n.5.* quod si alicui Conventui Monialium ex legato relinquatur Bibliotheca librorum latinorum, ea absque licentia Sedis Apostolicæ posset ab illis alienari, ejus pretio implicato in bonis fructiferis emendis; sicut in regno Portugallæ in facti contingentia decisum fuisse a Collectore Apostolico, & quidem non per modum dispensationis, sed per modum rationabilis declarationis in eo fundatæ, quod bibliotheca librorum latinorum est omnino inutilis Monialibus, ideoque cessat finis legis vetantis alienationem bonorum Ecclesiasticorum. Ita *Portellus*, addens eodem modo sine licentia Sedis Apostolicæ potuisse vendi quosdam pannos pretiosos Monasterio cui-dam Monialium relictos pro ornatu parietum, qui erant Conventui omnino inutiles, & ex vetustate jam corrumpi incipiebant.

Unum hic moneo ex decreto Sacre Congregationis, Moniales, & quoscumque alios Regulares prohiberi sub pœnis ex alio decreto inferius referendis recipere pecunias ad cambium, aut mutuo cum pacto solvendi lucrum cessans, aut damnum emergens: cum enim decretum loquatur generaliter de Regularibus, utique comprehendit etiam Moniales, ut patet ex dictis hic in responsione. Decretum autem jussu Urbani VIII. editum fuit 21. Maji 1626. *Eum post editum decretum de rebus Regularium non alienandis compertum sit Regulares, qui eodem decreto prohibentur censum imponere super bonis ad eorum Monasteria pertinentibus, loco censuum hujusmodi pecunias ad cambium, vel mutuo accipere cum solutione lucri cessantis, & damni emergentis: cumque ex hujusmodi contrahendo eludatur mens Sacre Congregationis, cui in primis in votis fuit consilium Regularium indemnitati, quæ ex impositione censuum hujusmodi plurimum laderetur, S. D. N. approbante, decrevit, ac declaravit hujusmodi contrarium esse*

contra mentem decreti ut supra editi, ideoque non licere Regularibus pecunias, ut proponitur, accipere, ac si acceperint, in ipsius decreti pœnas ipso facto incidere. Decretum vero, de quo loquitur præfatus decretum, editum fuit a Sacra Congregatione jussu Urbani VIII. die 7. Sept. 1624., continetque ultra pœnas contentas in Paulina, *Ambitiose*, privationem omnium officiorum obtentorum, vocisq; activæ, & passivæ, & perpetuam inhabilitatem ad illa in posterum obtinenda (& quidem ipso facto incurrendas absque alia declaratione, ac soli Papæ reservatas) declaratque ipso jure nullum, ac irritum quidquid contra hujusmodi prohibitionem actum fuerit.

Addo, Moniales non posse oppignorare mobilia pretiosa proprii Conventus, ut lampades, & candelabra, & alia vasa argentea sine facultate Sacre Congregationis: & probatur, tum quia oppignoratio teste *Quaranta vers. alienatio n.20.* est quædam alienatio (maxime si res tanti obligetur, ut difficile possit redimi, ideoque exponatur periculo probabili alienationis) ergo comprehenditur sub iuribus prohibentibus alienationem bonorum Ecclesiasticorum: tum quia prohibita alienatione a jure, prohibetur oppignoratio *l. fin. c. de rebus alien., & non alien.* idque ratione periculi, cui exponitur res oppignorata, ne omnino alienetur: ita *Diana p.5. tract.13. resol.6. ex Molina, Quaranta, Layman, Lexana, Bonacina, Castro Palao, Barbosa, Rodriguez, & Lessio*; qui tamen limitant assertionem, nisi urgeat summa necessitas, & sit periculum in mora: tunc enim oppignorari possunt vasa pretiosa, inconsulta Sacra Congregatione; eum lex non urgeat, quando de facto servari non potest *l.1. §. dies ff. quando appellandum sit*, & necessitas non habeat legem *l. un. ff. de offic. cons. sic Diana ex Peryno* addens oppignorationem in hoc posteriori casu fieri posse absque consensu Ordinarii, etsi facile haberi possit.

Quod si talis oppignoratio facienda sit super Monte ex gente quotannis interesse correspondens pecuniæ mutuæ pro

pro pignore depositis; tunc dato etiam, quod ea oppignoratio esset licita, requireretur Sedis Apostolicæ facultas ad illam faciendam ratione obligationis, quam subiturus est Conventus de solvendo præfato interesse: cum talis solutio sit Regularibus specialiter vetita ex decreto Urbani VIII. paulo ante relato, adeoque specialis licentia requiratur, ut suscipiatur talis obligatio.

Quæres 25. *An, & quando, seu quas donationes & largitiones munerum possint facere Moniales ex bonis proprio usui concessis.*

30. *Resp.* Non posse, nisi de licentia propriæ Superioris, & in casibus permissis in decretis *Sacræ Congregationis de largit. muner. edit.* Jussu Clementis VIII., & novissime confirmatis, ac innovatis ab Urbano VIII. prout ostendimus in *tract. de prohibis. cap. 9. per totum.* Addo hic, Prælatos Monialium ex Constitutione ejusdem Clementis VIII. relata qu. 3. teneri prohibere, ne ab illis fiant munera secularibus, nisi quæ charitatis causa judicaverit Præfatus de bonis communibus nomine & de licentia Conventus, & quod mellariis penitus abolitis tantummodo concedantur esculenta, & poculenta munita ab iis fieri, & modo, & forma, quibus in dicta Constitutione præscribitur.

Quæres 26. *An & quo pacto Monialibus prohibita sit negotiatio.*

31. *Resp.* Esse prohibitam eodem pacto, ac est prohibita viris Religiosis, idque ex cap. *secundum ne Cleric. vel Monac.* quod licet loquatur solum de Clericis, vel Monachis, nulla mentione facta de Monialibus, ut constat ex illis verbis: *Sub interminatione anathematis prohibemus ne Monachi, vel Clerici causa lucri negotientur* comprehendit tamen etiam Moniales, cum juxta sæpius dicta femininum comprehendatur sub masculino, etiam in pœniosis, ac pœnalibus, quando par ratio procedit: sed de hoc plura *Tractat. de prohibis. cap. 10.*

Quæres 27. *An, & qua ratione possunt Moniales appellare a correctione suorum Superiorum.*

32. *Resp.* Non posse, nisi in casu, quo evidenter constet, Moniali notabiliter inferri injuriam in fama, honore, aut vita a proprio Superiore, & hoc non solum ex cap. *ad nostram*, & cap. *reprehensibilis de appellat.* ubi generaliter interdicunt Religiosis, & per consequens etiam Monialibus (quæ utique comprehenduntur sub nomine Religiosorum juxta dicta quæ præced.) ne appellare præsumant a correctione suorum Superiorum ad Iudices extraneos, sed etiam ex concessione bullata Julii II., quam refert *Casarius in comp. v. appellare n. 3.* his verbis: *Nullus II. prohibuit sub excommunicationis pena Fratribus, & Sororibus Ordinis Prædicatorum, ne a mandatis, & ordinationibus Prælatorum dicti Ordinis appellare valeant. Iudicibus vero quarumcumque Curiarum sub præfata pena stricte inhiibuit, ne appellationes hujusmodi recipere, aut illas cognoscere quoquo modo præsumant: decernens irritum, & inane quidquid secus attentari contigerit.* Quæ concessio sine dubio est communis Monialibus etiam aliorum Ordinum, quippe quæ licet sit odiosa Monialibus in particulari, est tamen favorabilis toti communitati; ideoque dicenda est cadere sub generali communicatione privilegiorum, prout alibi advertimus.

An autem proprie dari possit appellatio a correctione, & mandatis Abbatissæ, quo modo potest dari a correctione, & mandatis Prælati Regularis in casibus permissis, & a nobis suo loco explicatis.

33. *Resp.* Non posse, cum Abbatissa sit incapax jurisdictionis propriæ dictæ, & alias in eo, a quo appellandum est, supponatur propria jurisdictio, ut vel hinc patet, quod aliqui licitum esset filiis familias appellare a matre familias, ejusque correctione, ac mandatis: quod est omnino inauditum, cum in familiam, cui ea præest, solum habeat potestatem dominativam, non autem veram, ac propriam jurisdictionem, quæ, ut diximus, præsupponitur in eo, a quo appellandum est: ita docti viri a me consulti.

34. Notat porro *Lezana to. 1. c. 9. n. 6.* non solum Religiosis, & consequen-

ter

ter etiam Monialibus interdictum esse appellare ad Judices non competentes, cuiusmodi sunt Magistratus seculares, ac Judices laici (de quibus loquuntur jura superius adducta, & alia non pauca, quæ referuntur a Doctoribus) sed etiam ad Judicem competentem: nimirum ad Sedem Apostolicam, Legatos, Nuncios, & Sacram Congregationem Regularium; quo modo Cisterciensibus, Canonicis Regularibus, ac Fratribus Minoribus sub pœna excommunicationis interdicta est appellatio etiam ad Sedem Apostolicam, intellige præter quam in casibus, in quibus DD. concedunt, licitum esse Religiosis appellare a correctione, ac mandatis suorum Superiorum, non obstantibus quibuscunque privilegiis in contrarium collatis.

35. Illud item bene notat *Suarez to. 4. de relig. tract. 8. l. 2. c. 11. n. 4.* ex eo, quod in pluribus eventibus appellatio denegatur Religiosis, non recte inferri, iis item denegari defensionem naturalem, siquidem illi tunc possunt recurrere ad Superiorem per simplicem querelam, vel per modum supplicationis, aut precum, & ab eo obtinere justitiam, aut gratiam, quod est remedium sufficiens, diversum ab appellatione. Ad quos autem possint Moniales licite appellare: quo ordine, in quibus casibus, quo modo, & similia, quæ hoc loco quæri possent, colligenda sunt ex dictis *tract. de prohib. c. 7. per totum* ubi ex professo egimus de appellatione.

Quod vero ait *Suarez to. 4. de Relig. tract. 8. l. 2. cap. 11. n. 7.* recursum ad Prælatum superiorem esse licitum, non solum quando inferior Prælatus excedit in pœna imponenda modum debitum, sed etiam si illa sit justa, & secundum regulam, dummodo materia sit talis, ut Prælatus altior juste possit gratiam, aut dispensationem concedere, & in hoc non contingat subreptio: quod, inquam, ait *Suarez loc. cit.* explicari potest de pœna quidem moderata, sed graviore, ne aliqui recursus nimis facilis ad Prælatum superiorem, justum disciplinæ Regularis rigorem labeficeret: quamvis dici posset non esse neces-

sariam ejusmodi explicationem: siquidem quod differtur non aufertur, & interdum etiam cum senore, si irratiabilis fiat recursus etiam pro petenda gratia, & non justitia: quod utique potest sufficere ad retrahendum Religiosum, ne sine justa causa, & ratione dictum recursum faciat, utpote hic & postea graviore pœna puniendus.

Quæres 28. *An & qualiter possint Moniales testificari in causis: sive civilibus, sive criminalibus.*

36. *Resp. Rodriguez to. 2. q. 11. art. 3.* quod quamvis de jure Canonico femina non possit esse testis idoneus in causis criminalibus, ut ostendit *Tiraquell. tract. de leg. connubial. l. 8. n. 43.* dicens, neminem de hoc dubitare præter Philippum Decium (quod idem putant aliqui apud *Marrantam de ordin. judic. p. 4. n. 43.* dicendum esse etiam de jure civili); nihilominus dicendum est Moniales posse testificari contra alias Moniales, etiam in criminalibus; cum mulieres laicæ etiam de jure canonico in criminalibus admittantur in testes, quodcumque aliter constare non potest de veritate, & delicto Monialium non nisi per alias Moniales probari possint, ut patet præterquam quod longe pejus, & magis contrarium est Canonibus Sanctorum PP., quod contra personas Religiosas admittantur Laici in testes. Hæc Rodriguez, addens non esse concedendum de Monialibus, quod ait Decius duarum mulierum testimonium non sufficere, ut quis possit juste condemnari: ex enim licet sint mulieres, tamen sunt Religiosæ, ac timentes Deum, sicque duæ illarum sufficienter probarent, si aliqui essent omni exceptione majores. Quæ doctrina magna ex parte ostendit Moniales posse admitti ad testificandum, etiam in causis criminalibus personarum secularium, si occurrat casus, in quo alias non possit constare de delicto: quamvis ad id non possint cogi, si agatur de condemnatione, quod bene advertit de viris Religiosis *Lezana supra c. 11. n. 24.* docens eos nec posse compelli ad testificandum in civilibus, nisi quando aliter haberi nequit veritas, idque ex

c. cum super 2. & c. dilectorum de test. cog.

Quæ-

Quæres 29. *An Moniales possint sibi facere commatres per Sacramentum Baptismi, & confirmationis.*

37. *Resp.* Non posse: & probatur ex c. *peruenit* cl. 1. d. 18. qu. 2., ubi id expresse prohibetur Religiosis: tum quia Commatres assumuntur in partem sollicitudinis infantis; quam impartiri non potest Monialis, cum non sit domina sui ipsius, sed subijciatur obedientiæ Superioris; ita in terminis Zerola v. *Monial.* §. ad 7.

Utrum vero Monialis esse possit executrix testamenti, & quidem de licentia solius Abbatisse.

Resp. Posse, & probatur, quia inter Regulares quilibet Superior ejusmodi licentiam concedere potest Religioso subdito, ut habet Sanchez l. 6. moral. c. 11. n. 15. & potestas, quam habet Abbatisa in Moniales subditas, est potestas debita quibusdam aliis Superioribus, ut habet idem Sanchez l. 6. moral. c. 1. n. 22. adeoque ipsi Abbatisse competet nomen Superioris: ergo & poterit dare præfatam licentiam: ex alia parte, nullum extat jus prohibens Moniali dictum munus executoris; cum nullum asseratur: nec obstat, quod potestas Abbatisse non est spiritualis, sed temporalis, ut notat idem Sanchez supra n. 17. & 19. Cum enim talis licentia spectet potius ad temporalitatem, quam ad spiritualitatem, seu finem spiritualem, juxta dicta citato n. 19. superioritas Abbatisse erit sufficiens ad dictam licentiam concedendam.

Quæres 30. *An Moniales cum Monachis sui Ordinis habitare possint in eodem Monasterio.*

38. *Resp.* Non posse, cum id in specie prohibeatur c. *diffinimus* c. in nullo 18. qu. 2., ubi dicitur: In nullo loco Monachos, & Monachas permittimus unum Monasterium habitare, sed nec qua duplicia vocant, & si quod tale est, Religiosus Episcopus mulieres Monasterium edificare cogat: si autem plurima sint talia Monasteria, separantur in aliis Monasteriis Monacham, & in aliis Monachas res autem, quas habent communes, secundum jura eis competentia distribuuntur.

Quæres 31. *An Moniales libere possint*

accedere ad collocatorium, ut loquantur, cum extraneis ad ipsas accedentibus.

39. Non posse: Cum juxta c. in decima 15. qu. 2. Monialis non debeat loqui sola cum aliquo, sed associata a duabus, vel tribus Sororibus, quas vocant Auscultatrices: ita ut rara sit accessio, & brevis locutio, quod etiam communiter solent Ordinarii præscribere in propriis edictis, sed minus communiter observatur; & quidem interdum cum gravi dispendio boni nominis Monialium, quæ, remotis arbitris, audent aliqua perpetrare, quæ non audent, si assistentes haberent auscultatrices: felix enim necessitas, quæ ad meliora compellit. Quam maxime ergo vigilent Prælati Monialium in observantia hujus adeo necessarij, ac utilis statuti, curentque, ut Moniales, præsertim juniores, solæ non accedant ad loquendum cum personis extraneis ad illas accedentibus. Audiant Moniales, quæ habet S. Bernardus episc. 114., eaque ad rem præsentem applicent. *Agnosco, filia, inquit, agnosco; utinam & tu mecum agnoscas serpentis virus, fraudolentidolum, versipellis astutiam: si sola ovicula umbras penetras, prada vis esse lupo: sed audi me filia, noli te separare a grege, ne quando rapiat, & non sit qui eripiat.*

Quæres 32. *An Moniales possint scribere literas, cuicumque maluerint, aut eas recipere a quocumque.*

40. *Resp.* Non posse, cum id in terminis prohibitum fuerit a Clemente VIII. in Bulla sæpius allegata his verbis: *Litteræ, seu Epistolæ nullo modo a Monialibus scribantur sine licentia Superiorum, nec recipiantur, nisi prius lectæ fuerint a Præfata Monasterii: quamquam talis prohibitio parum videatur esse in usu, cum tamen sit sancta, utilis, ac necessaria; ideoque in viridi observantia deberet manuteneri, aut certe restitui. Utinam Prælati Monialium curarent servari id, quod pie statuit Sanctus Carolus in Concilio Mediolan. I. sub his verbis: Ne scribant literas, nisi ad Superiorem, & Episcopum, sine licentia Præfata, neque ad se missas aperiant, nisi Præfata prius eas aperuerit, legeritque, sub pena scribenti, vel recipienti, ne per*
duos

Huos menses exeat e cella, & jejumet in sextis feriis in pane & aqua, si litera suspensionem criminis habent, eaque praterca privetur facultate loquendi cum exteris per sex menses, & velo; idcirco non habeant privatim atramentum, nec calamum.

Quæres 33. An Moniales uti possunt lineis.

41. Resp. Quod licet ex c. cum ad Monaster. de statu Monachor. prohibeatur Monachis, & consequenter Monialibus lineis uti, eum habitus Monachorum etiam interior debeat esse laneus, nihilominus Sylv. v. religio 7. n. 15., Grassi p. 1. decis. l. 3. c. 5. n. 69., & 70. Lezana supra c. 9. n. 21. Nald. v. Monial. n. 11., & alii docent regulariter loquendo, Moniales utendo lineis peccare solum venialiter; immo nec venialiter, si extet communis usus in contrarium, & a fortiori si id fiat ratione infirmitatis; siquidem (ut advertit Sylv. ex Archidiacono) hujusmodi prohibitio non est sub præcepto, ac proinde non obligat sub peccato; unde ait Nald. posse tolerari usum, ejus initii memoria non extat, ut contra regulas proprii Ordinis Moniales utantur linteaminibus, & subuculis, non laneis, non prætermittendo tamen, quæ sunt substantialia regulæ; intellige, stando præcise in jure communi: quod enim spectat ad jus peculiare uniuscujusque Ordinis, attendenda sunt specialia statuta, ac consuetudines singularum Religionum: quo pacto Lezana subdit ex Marchante, fratrem Minorem peccare mortaliter utendo lineis camisis, eo quod illis id in sua regula pie prohibeatur.

Quæres 34. An Moniales possint edere carnes.

42. Resp. Videri posse, secluso jure particulari proprii Ordinis, idque essio in citato c. cum ad Monasterium c. usum earum prohibetur Monachis, & per consequens etiam Monialibus, præterquam in infirmitate: nam juxta dicta qu. præcedenti talis prohibitio non fuit inducta jure communi tanquam obligatoria sub præcepto, ut bene advertit Sylv. ubi sup.

Quæres 35. An Moniales possint nutrire comam, ac superbe vestire.

43. Resp. Non posse cum iis id interdicitur in Clement. attendentes de statu Monachor., ubi dicitur: *Visitatores autem hujusmodi sollicitudinis studium diligenter impendant, ut Moniales ipse, quarum nonnullas dolentes audivimus in subscriptis excedere, pannis sericis, variorum foderaturis, sandalitiis, comatis, & cornutis crinibus staccatis, & virgatis caputiolis non utantur.* Circa quæ verba notat Tamburinus supra dist. 10. qu. 2. n. 17. quod quamvis Glossa dubitet, num hic simpliciter prohibeatur Monialibus habere comam, si eam honeste, ac occulte deferant, vel certe solum interdicatur fueata compositio erinium, sicut videtur colligi ex verbis *utantur comatis, & cornutis* (id est tortis) *crinibus*; vera tamen Glossa oppositum sentit, & fatetur usu receptum esse, ut Moniales potius deanteant, & deformato capite Deo vivant, potius quam crines poliendo humani generis hosti deserviant.

Quæres 36. An & qualis usus larvarum, ac chorearum sit prohibitus Monialibus.

44. Resp. Quod, quamvis DD. communiter dicant, Religiosos peccare mortaliter tum deferendo larvas, si id faciant extra Monasteria, & sine rationabili causa (ut recte advertit Baldel. l. 3. d. 32. n. 14. ex Armilla, Vbaldo, & Comitolo) tum choreas ducendo publicæ, & in præsentia sæcularium (sicut indicat idem Baldel. n. 16.) regulariter tamen eum Moniales soleant gestare larvas intra propria claustra pro honesta recreatione, & duere choreas secrete, & solum coram ipsis Monialibus, propterea dicendum videtur, illas posse facere utrumque sine peccato saltem mortali, eum sic cesset periculum scandalii, & interveniat parvitas materiæ excusans a peccato: colligitur ex Baldello pro se alios Doctores citante.

Quæres 37. An Moniales possint habitum mutare occasione alicujus representationis, quam faciant assumendo habitum virorum.

45. Resp. Non posse, si sit in usu prohibitio illis hac de re facta a Sacra Congreg. 27. Aprilis 1604. & relata a Barbo-

sa l. t. de jure Eccles. c. 44. n. 57. at ea non videtur esse in usu, saltem in multis locis, & quidem scientibus, ac plerumque non contradicentibus Prælati ipsarum Monialium; unde cum alias dimissio proprii habitus Religiosi, & susceptio alterius ad breve tempus, etiam per aliqua actione ludicra, teste *Suarez dist. 23. de censur. sect. 4. n. 29.* excusari possit a peccato: non peccabunt Moniales modo dicto assumendo habitum virorum, proprio dimisso.

Quæres 38. *An Moniales possint eligere Abbatissas ad vitam, quæ scilicet perpetuo durent in munere abbatissatus.*

46. *Resp.* Non posse, id prohibente Gregorio XIII. in bulla hac de re edita 1. Januarii 1583., quæ præcipitur Monialibus quorumcumque Ordinum in universa Italia, & præsertim in utriusque Sicilia regnis consistentibus, ut non eligant Abbatissam, nisi solum ad triennium, alias electio sit nulla. Quod tamen non facit, quin Abbatissa singulis annis mutari possint juxta declarationem Sac. Congregat. quam assertit *Tamburinus d. 30. qu. 1. n. 10.* addens n. 11., Abbatissas, absoluto triennio suæ præfecturæ, teneri illam renunciare: & tunc ei succedere in potestate Monialem professione antiquiorem, uti Vicariam (nisi aliter ferat consuetudo) & quidem usque ad electionem novæ Abbatissæ, quamquam præfata Constitutio Gregorii non obliget extra Italiam ac insulas adjacentes, ut constat ex tenore illius.

Addit *Naldus v. Abbatissa n. 5.* quod cum in citata Constit. dicatur *a die finis administrationis*, & hæc verba contineant favorem, terminus ille triennii includit primum diem; sicque Abbatissa poterit iterum eligi illo eodem die, quo antea desierat, recurrente triennio suæ electionis.

Majus dubium est, an in casu, quo Abbatissa post elapsum triennium præfecturæ ex indulto Sacræ Congregat. confirmetur ad aliud triennium immediate sequens, elapso hoc alio triennio possit a Monialibus jure proprio iterum eligi ad aliud triennium immediate sequens.

47. Dixi olim mihi videri non impro-

babile quod possit in rigore loquendo & probatur: tum quia alias favor converteretur in odium contra regulam juris 61. tum quia privilegium, & gratia Principis debet aliquid operari supra jus commune: ideoque cum Monialis spatium annorum novem bis eligi possit in Abbatissam de jure communi; non videtur dicendum hic tolli per concessionem Sac. Congreg., quatenus indulget, ut alio triennio intermedio eligatur. Ita in simili Diana, Naldus, Bordonus, & alii a me consulti contra Cardinalem de Lugo, Baldellum, Sanctarellum, & alios item a me consultos oppositum sustinentes.

„ Sed obstat huic sententiæ decretum Sac. Congreg. deputatæ ab Innocentio XII. pro causis Congreg. Cassinensium 26. Februarii 1694. in responsione ad quintum dubium apud *Monacell. in formul. par. 1. tit. 11. formul. 22. n. 12.* ex hac enim responsione habetur, quod Abbatissa confirmata pro secundo triennio ex gratia Sacræ Congreg., non potest iterum eligi ad tertium triennium sine nova dispensatione. Ratio est, quia, ut advertit *Pasqualigus in contrav. ad Franc. part. 1. n. 717.* officium Abbatissæ tale est, ut de jure eo expleto debeat subsequi vacatio. Hanc naturam, quam de jure habet hoc munus, non alterat concessio facta, ut expleto primo triennio illud non vacet pro secundo triennio. Unde expleto secundo triennio, nisi fiat nova concessio, debet subsequi vacatio ab officio. Neque ex hoc sequitur, quod favor convertatur in odium, & quod privilegium, & gratia Principis nihil operaretur supra jus commune: nam aliquod operaretur pro secundo triennio, & pro tertio triennio, ea non converteretur in odium: illa enim regula potissimum valet, quando gratia, seu privilegium concessum est a Principe motu proprio; confirmatio autem Abbatissæ pro secundo triennio solet concedi ad instantiam Monialium, quæ dum petunt illam, censentur petere secundum naturam, quam habet de jure officium Abbatissæ; scilicet,

„ licet,

„ licet, ut subsequatur vacatio pro trien-
 „ nio immediate sequenti .

Quæres 39. *An, & quomodo Moniales parare possint cibos, aut illos vendere externis.*

48. *Resp.* Non posse, exceptis rebus minimi momenti pro infirmis, parentibus, atque consanguineis; idque ex Sac. Cong. decreto, quod refert *Barbosa. l. 1. jur. Eccl. c. 44. n. 38.*

Quæres 40. *An dato, quod Monialis velit imprimere aliquem librum, ultra examinationem, & approbationem Ordinarii, debeat obtinere licentiam proprii Prælati regularis, cui subest, & libri approbationem factam in Ordine, juxta decretum Concil. Trid. sess. 4.*

49. *Resp.* Debere obtinere utrumque; & inde probatur, quod Concilium loquitur generaliter de Regularibus, dicens: *Esi Regulares fuerint, ultra examinationem, & approbationem hujusmodi (idest Ordinarii loci) licentiam quoque a suis Superioribus impetrare teneantur, recognitis per eos libris, juxta formam suarum ordinationum.* Constat autem ex dictis hic *qu. 1.*, Moniales subjacere prohibitionibus jure communi latis contra Regulares: præterquam quod finis prohibitionis hujus (qui est impedire, ne in libris, qui imprimuntur disseminentur errores contra fidem, aut bonos mores) maxime militat in Monialibus, quæ licet

interdum sint instructæ doctrina excedente ordinariam conditionem sexus mulieris, facilius tamen errare possunt, adeoque majori egent directione. Concedo quidem, quod si Monialis, quæ imprimit librum, sit exempta ab Ordine, cujus institutum proficitur; tunc non tenetur petere licentiam imprimendi librum a Prælato regulari Ordinis, cum is respectu dictæ Monialis non possit dici Prælatas illius (quod requirit Concilium) sed sufficit librum approbari ab Ordinario loci, cui Monialis subest, & de ejus licentia imprimi. Quod si Monialis imprimit librum, non servatis servandis, incurrit illas eadem pœnas, quas respective incurreret vir religiosus in tali casu; idque ob dicenda *cap. seq. qu. 1.*

Quæres 41. *An possint in Templis Monialium erigi Confraternitates laicorum.*

50. *Resp.* Non posse. Ita *Rota coram Coccino decisi. 472. n. 3. & 4., & Sac. Cong. Episcoporum. in una Barensi 6. Aprilis 1595. apud Ricciolum lib. 4. lucubrat. Ecclesiastic. c. 3. n. 4.* patetque, quia Monialibus interdicta est conversatio *cap. Provenis 18. q. 2.* quam tamen difficile evitarent, si Confraternitates in earum templis erigerentur. Sic apud præfatos Romanos, teste *Servio in 7. Æneid.* cum non posset senatus cogi, nisi in loco augurato, templum Virginum Vestalium non fuit consecratum, ne Senatus illuc accederet.

CAPUT VIII.

De Pœnis jure communi latis contra Moniales.

1. **M**oniales subsunt pœnis latis jure communi contra Regulares, aut Ecclesiasticos.
2. Proponitur, & solvitur objectio.
3. Subsunt pœnis latis in specie contra Religiosos Ordinis, si sint exemptæ.
4. Si sint exemptæ, non subsunt pœnis latis ab Ordinario.
5. Limita, nisi pœna feratur ab eo, ut Sedis Apostolica Delegato.

6. Quod tamen fallit, attentis privilegiis Regularium, quæ etiam competunt Monialibus.
7. Moniales sunt capaces suspensionis Ecclesiasticæ.
8. Non item irregularitatis proprie dictæ: sunt capaces degradationis aliquo modo.
9. Variis pœnarum generibus subjacent.

Quæres 1. *An Moniales subiaceant pœnis jure communi latis contra Regulares, seu Religiosos, aut Ecclesiasticos.*

1. *Resp.* **S** Ubiacere, si versentur circa materiam ipsis Monialibus proportionatam: & probatur, tum quia Mulieres ligantur statutis generalibus, ac indefinite latis æque ac masculi, nisi specialiter excipiantur: ut notant aliqui Doctores cum Baldo in l. ne passim C. de jur., & facti ignorant. Tum quia sub sex masculino semper intelligitur femininum præsertim in statutis factis per Prælatos, quæ sint proportionata masculis, ac feminis; sicut advertit Grassi. conf. 22. num. 2. & 4. de sentent. excomm. tum quia Menoch. de adipisc. possess. num. 61. & sequent. Tiraquell., & alii penes Sanchez l. 6. Moral. cap. 16. num. 89. ajunt, freq. entissimam sententiam esse in legum dispositione, etiam in materia odiosa, ac pœnali s. b. masculino claudi femininum: quod etiam admittit Bonacina quæst. 4. de Clausur. part. 6. n. 18. in simili: cum aliqui d. a. de censur. in particul. qu. 5. par. 7. n. 10 oppositum sentiat, dicens in materia pœnali censurarum strictam verborum interpretationem debere fieri, & non valere argumentum a minori ad majus, vel e contra, sed standum esse propriæ verborum significationi; ideoque Moniales non affici a pœna a Pio V. lata contra Clericos tam sæculares, quam regulares interefferentes agitationi taurorum, eo quod illæ non sint Clerici sæculares, aut regulares: quam opinionem sustinent alii Doctores, & non improbabilius; quamvis opposita sit communior, probabilior, & praxi conformior.

2. Neque ex eo, quod interdicto Clerico, non censetur interdicti regulares secundum probabilem sententiam, quam sequuntur Henricus, Sayrus, Ugol., & Avila apud Bonacina. d. 5. de Censuris in comm. part. 1. n. 11., sequitur, Moniales in pœnis non venire nomine Religiosorum, aut Ecclesiasticorum; siquidem, cum ipsæ vere, ac proprie sint personæ ecclesiasticæ, ac religiosæ, non apparet ex quo titulo excipi debeant a pœnis latis gene-

raliter contra personas religiosas, aut Ecclesiasticas.

Quæres 2. *An Moniales subijciantur pœnis latis contra Religiosos sui Ordinis, si-ve jure Pontificio, si-ve proprio ipsiusmet Ordinis.*

3. *Resp.* Subjici, si ex sint exemptæ ab Ordinarii jurisdictione, & immediate subijciantur Prælati regularibus: secus, si immediate subijciantur Sedi Apostolicæ, aut Ordinario loci, & sint exemptæ a Prælati regularibus. Ratio responsionis est, quod pœnæ non possunt ferri, nisi in subditos, utpote provenientes ex jurisdictione, quæ solum exercetur in subditos: & ex alia parte non debent extendi ultra personas in illis comprehensas, juxta propriam verborum significationem, cum sint odiosæ, & odia debeant restringi. Cum ergo Moniales immediate subjicantur Sedi Apostolicæ, aut Ordinario non sint amplius subditæ Prælati Ordinis; immo, nec censeantur esse ex Ordine quoad odia, ne aliàs nimis graventur, non subiacerunt pœnis latis contra Religiosos sui Ordinis, jure ipsius Ordinis: sicut e contra, si sint immediate subjicantur Prælati Ordinis, cum sic vere sint subditæ, & membra illius, subiacerunt dictis pœnis, si-ve jure proprio Ordinis, si-ve Pontificio latis.

Quæres 3. *An Moniales subijciantur pœnis, ac censuris latis ab Ordinario locorum.*

4. *Resp.* Non subjici, si sint exemptæ ab illorum jurisdictione (excepto tamen casu inferius apponendo) sic enim non sunt subditæ Ordinariis; ideoque non subsunt illorum pœnis, ac censuris, maxime attento privilegio, quod habent Regulares (& consequenter etiam Moniales per communicationem) ne possint excommunicari ab Episcopo (de quo suo loco); secus si immediate subsint jurisdictioni Ordinarii: tunc quippe sicut sunt subditæ, sic subijciuntur pœnis ab eo latis, si ex tenore verborum sufficienter constet, eas sub illis comprehendere; non enim apparet, cur ab illis ex excimi debeant, cum illæ generaliter ferantur, & sic procedant generales regulæ juris, lex gene-

gene.

generaliter loquens generaliter intelligenda, & ubi jus non distinguit, nec nos distinguere debemus.

5. Causa autem, in quo Moniales etiam exemptæ subiacuntur pœnis, ac censuris latis a Conciliis provincialibus, aut edictis Episcopalibus est, quando Ordinarii dictas pœnas ferunt tamquam Sedis Apostolicæ delegati, aut ex speciali facultate ipsi ad talem effectum commissa. Sacra Congregatio 29 Januarii 1633., teste *Barbosa in Collect. v. Moniales*, declaravit, Moniales regularibus subiectas loquentes cum regularibus etiam ejusdem Ordinis, licentiam legitimam non habentibus, incurrere pœnas, & censuras a Conciliis provincialibus, vel edictis Episcopalibus in similibus appostas; unde infert *Tamburrinus de jure Abbatiss. d. 25. qu. 8. §. ad 9.* a fortiori præfatis pœnis affici omnes alias Moniales Episcopis subiectas mediate, seu immediate, si contra ipsorum edicta loquantur cum Regularibus.

6. Quod autem dixi, Moniales etiam exemptas subiacere censuris latis ab Ordinario, si eas ferat tamquam Sedis Apostolicæ delegatus; non habet verum in sententia eorum, qui dicunt, Episcopos non posse ferre censuras contra Regulares, neque in casu, quo procedant ut delegati Sedis Apostolicæ, nisi id ipsi expresse concedatur: quod notat *Sanchez lib. 7. de Matrim. d. 33. n. 23.*, idque ex variis privilegiis Bullatis, a nobis relatis in *tract. de privil. c. 6. sect. 1. qu. 19.*, quæ sine dubio sunt communia etiam Monialibus; quale est illud, quod Paulus III. concessit Societati Jesu in sua Constitutione *Licet debitum*, relata in *Bullar. Societatis fol. 28.* qua de re Sanchez supra, ex dictis inferens posse stare, quod Episcopus jurisdictionem habeat in exemptis, & tamen eos ligare non possit censuris.

Quæres 4. An Moniales sint capaces suspensionis Ecclesiasticæ.

7. Resp. Esse: cum de facto in *Concil. Trident. sess. 25. de regul. c. 17.* contra Præfatas Monialium feratur suspensio ab officio, quamdiu Episcopo videbitur, si Episcopum certiore non faciant ante men-

sem de professione a Moniali Novitia facienda: quod est signum, Moniales non esse incapaces suspensionis Ecclesiasticæ; non quidem ejusdemque, sed illius, quæ juxta conditionem status, ac sexus illarum ipsi possit adaptari.

Quæres 5. An, & quomodo Moniales sint capaces alicujus irregularitatis inducæ, immo & degradationis.

8. Resp. Quod, cum juxta communem sensum Doctorum, irregularitas sit canonicum impedimentum ex facto, aut defectu proveniens, quod directe impedit susceptionem Ordinum Ecclesiasticorum, aut usum illorum ob divinam reverentiam; hoc ipso, quod femina est incapax ordinis, est & incapax irregularitatis proprie dictæ; *Suarez to. 4. de relig. tr. 9. lib. 1. c. 11. n. 7.* caute dixit, quod feminam violenter corruptam non posse recipere velum consecrationis est quasi quædam irregularitas, quæ licet sine peccato contrahatur, impedit talem consecrationem. Dixi tamen est & incapax irregularitatis proprie dictæ, ut innuerem feminam, & per consequens etiam Moniales posse affici irregularitate aliqua minus proprie dicta, qualis est illegitimitas natalium, bigamia, infamia juris, aut facti, & similes respectu prælationis acquirendæ inter Moniales; quas constat a Doctoribus recenseri inter species irregularitatis, & suo modo cadere etiam in Moniales.

Quod autem spectat ad degradationem, putat *Martinus Delrio l. 5. disquisit. sect. 16. §. De his ultimis*, eam posse cadere in Moniales, atque ad id videri sufficere, quod Moniali auferatur velum cum habitu monastico supremo, ac vestis laica ipsi injiciatur, nec non ab Ordine, cui se addixerat, ejecta, ac spoliata omni privilegio religioso, fortis laicæ effecta, delectaretur, sique Curie seculari tradatur: sic ille, addens tamen se praxim hujus eas nondum vidisse, sed suspicari, hanc esse, vel esse debere.

9. Et quidem, cum Moniales possint incurrere non solum excommunicationes, sed etiam suspensiones, interdicia, privationes officiorum, dignitatum, ac vo-

cæ

cis activæ, & passivæ, aliasque similes pœnas, etiam corporales; propterea, ut de illis omnibus, ac singulis constet clare, & distincte, eas sigillatim hic explicabimus sub suis propriis titulis. Nimirum Primo Excommunicationes, Secundo Suspensiones. Tercio Interdicta. Quarto Privationes officiorum, dignitatum. Quinto Varias alias pœnas, etiam corporales.

De Excommunicationibus latis
contra Moniales.

10. **M**oniales apostatantes a Religione excommunicantur. Iudicatur qualiter procedendum cum Moniali fugitiva per plures annos in habitu viri, ac redeunte ad pœnitentiam.
11. Item, si appellent ad iudices incompetentes, aut competentes in casu vetito.
12. At non subsunt excommunicationi Julii II., si appellant ab Ordinario, cui immediate subsunt.
13. Appellatio Regularibus vetita, sed non absolute.
14. Differunt jus commune & jus privilegii prohibens Regularibus appellationem.
15. Excommunicantur Moniales procurantes alienum abortum: item si proprium procurant.
16. Excommunicantur inducentes ad promittendam sepulturam apud ipsas.
17. Item dantes aliquid in receptione Novitiæ, aut recipientes, aut petentes.
18. Item impediennes proprium Prælatum, ne visitet: excommunicantur in Bulla Cœna (quod alii negant) Prælatus regularis, cum, Episcopo ingrediente ad vi-

standum Moniales dicto Prælato subiectas, ipso Episcopo invito, cum eo non ingreditur.

19. Impediennes in casu proposito incurruunt aliam excommunicationem non reservatam.
20. Excommunicantur cogentes famulam ad ingressum Religionis, aut ab ea retrahentes.
21. Excommunicantur Moniales, si temere dimittant habitum.
22. Item, si violent interdictum, vel cessationes a Divinis.
23. Item, si decimas indebite usurpent.
24. Item, si Professæ de facto ineant matrimonium; & sunt bigamæ.
25. Item, si sine licentia Papæ recipiant nova Monasteria, vel alienent recepta.
26. Pronuntiat, quæ Urbanus VIII. statuit de receptione novorum Conventuum.
27. Excommunicantur Moniales, si indebite alienent bona Conventus.
28. Item, si in electione non abstineant ab iis, qui gignere possunt discordias.
29. Item si faciant privata domicilia ad excipiendos hospites.
30. Incurruunt excommunicationem ferendam, si de bonis Novitiæ accipiant ante Professionem.
31. Item, si vacent Negotiationi.
32. Immo & tunc amittunt exemptionem a gabellis, quamdiu negotiantur.
33. Prohibitio negotiandi ligat Moniales, etsi in ea non exprimentur.
34. Excommunicantur Moniales percutientes Monialem quancumque, aut violantes Clausuram: Non item interessentes agitationi Taurorum.

Quæres 6. Quam excommunicationem incurrant Moniales apostatando a Religione.

10. Resp. Quod quamvis Religiosus apostatando a Religione non incurrat jure communi excommunicationem ratione apostasiæ præcise, cum talis excommunicatio non extet in jure, ut aliis citatis recte notavit Bonacina in *quæst. 2. de Claus. p. 12. §. 4. num. 1.* jure tamen proprio Religiosum in præsentia omnibus fere Ordinibus Religiosis, & consequenter etiam Monialibus competente, sive directe sive per privilegiorum participationem, hoc ipso, quod aliquis est apostata a Religione, incurrit excommunicationem ipso facto, eamque Papæ, aut Superiori Religiosis reservatam: sic per Bullam concessit Pius V. anno 1565. Soc. Jesu, quod, si quis ipsius Societatis, sive professus, sive Scholaris, sive Coadiutor post emissâ votâ secundum Societatis Constitutiones ab ea ad sæculum recesserit, etiam prætextu cujusvis indulti concessi, aut concedendi, absque expressâ sui Superioris licentia ad id ab eo specialiter obtenta; ipso facto sit excommunicatus, & absolvi nequeat, nisi a Romano Pontifice, aut Superiore Societatis; prout colligitur ex *Compend. Soc. v. apostata §. 1.* Ubi notandum, quod cum hæc concessio favorabilis sit toti Religioni, utique cadit sub communicatione privilegiorum, adeoque illa gaudent etiam Moniales juxta dicenda *cap. sequenti.* Nominem autem Superioris, cui conceditur facultas absolvendi a tali excommunicatione, puto venire etiam Prælatum localem, & non solum Generalem, aut Provincialem, cum Prælatus localis vere sit Superior, adeoque veniat nomine Superioris generaliter prolato: maxime in materia ita favorabili animæ, qualis Superior sine dubio esset Episcopus respectu Monialis non exemptæ, & Prælatus Regularis localis respectu Monialis exemptæ.

Q. uod si quæras, qualiter procedi debeat cum Moniali, quæ ex malo sine egressa e Monasterio cum amasi per plures annos vagatur sub habitu viri, & demum resipi-

scens accedit ad Confessarium Regularem intra ejus Conventum, eique in primis manifestans se revera esse faminam, illum consulit, quid debeat facere, ut animæ suæ salutem ponat in bono statu, & dignos fructus agat penitentia.

Resp. In isto casu curandum esse, ut Sacra Pœnitentia (ad quam iu hoc eventu recurri debet ad consulendum famæ Monialis) cum hac dispense, ut possit ad alium Conventum transire, siquidem non tenetur redire ad Monasterium, in quo antea professionem fecerat, ne suam manifestet turpitudinem, & se infamet; cum alias in præsentia credatur mortua, & sit moraliter certum ejus delictum omnino occultum mansurum esse interim vero potest Monialis degere extra clausuram reassumpto habitu honestæ feminae, & commendari probatæ alicui matronæ, apud quam vivat usque dum obtenta sit dispensatio, & alia de jure præstanda jam sint præstita: cum hoc tamen, ut præstata omnia efficiantur sine dispendio famæ Monialis, cui item procuranda erit dos tradenda posteriori Monasterio, in quod Monialis ingressura est.

An autem in casu proposito, ubi Confessarius agnovit esse revera faminam, quam sub ementito viri habitu credebatur virum, debeat illam dimittere e Monasterio in Ecclesiam, ibi cum ea diutius locuturus: idque ad servandam legem Clausuræ faminas excludentis e claustris virorum Religiosorum.

Resp. Debere, si id fieri possit sine dispendio famæ Monialis; & ratio est, quod lex Clausuræ excludit generaliter omnes feminas, & consequenter Monialem hanc, cum vere sit femina, licet errore credatur vir; nec apparet ex quo titulo respectu illius obligatio Clausuræ suspendatur. Ita in contingencia facti mihi propositi ego censui, siquæ antea fuit in simili eventu practicum.

Quæres 7. An, & qualem excommunicationem incurrant Moniales appellando in casu non permisso a correctione regulæ, & a mandatis suorum Superiorum.

11. Resp. Incurrere ipso facto excommunicationem

municationem, eamque Papæ reservatam, sive appellent ad Tribunalia (idque ex Bulla Clementis VIII. in ordine 110. prohibentis Carmelitis, ne ad tribunalia quovis prætextu, aut quæsito colore appellare, vel ad illa confugere, aut ea propterea quoquo modo adire audeant, vel præsumant, sub excommunicationis latæ sententiæ pœna, a qua non nisi a Romano Pontifice pro tempore existente, præterquam in mortis articulo absolvi possint, nec non privationis perpetuæ officiorum per eos obtentorum, ac inhabilitatis ad illa, & alia quæcumque dicti Ordinis Officia exercenda, ac vocis tam activæ, quam passivæ eo ipso absque alia declaratione incurrendis pœnis) sive appellent a Generali, aut Visitatoribus per ipsum deputatis ab eorum reformationibus, seu correctionibus ad quodcumque Tribunal, etiam Judicis competentis, etiam ad Sedem Apostolicam; præterquam in casu, quo appellatio fieret a generali Congregatione, & in casu denegatæ justitiæ aut pro notoria injuria; & hoc ex concessione facta Cisterciensibus relata in *comp. Soc. v. appellatio §. 2.* quæ extenditur solum ad casum, in quo appellatio fiat a Generali, aut Visitatoribus. Bulla vero Clementis VIII. uti possunt alii Ordines per communicationem, si velint.

12. Quod si Moniales immediate subjunctæ Ordinario appellent ab ipso Ordinario in casu non permisso ad tribunal Judicis competentis, posset quis dubitare an tunc incurrant excommunicationem, quam olim tulit Julius II. contra Fratres, & Sorores Ordinis Prædicatorum appellantes a mandatis, ac ordinationibus Prælatorum Ordinis, & refert *Casarub. in comp. v. appellare n. 3.* notans talem concessionem esse bullatam. Verum puto in tali casu non incurrî dictam excommunicationem, cum Ordinarius non sit vere Prælatum Ordinis, neque respectu Monialium ipsi immediate subditarum, esto sit earum Prælatum; & alias indultum loquatur de Prælatibus Ordinis: pœnæ autem non debent ampliari. Non nego tamen quin si qua extat excommunicatio lata contra Re-

ligiosos appellantes a proprio Prælatum, tunc Moniales subjunctæ Ordinario eam incurrant in casu, quo indebitè appellent; siquidem Ordinarius respectu talium Monialium vere est earum Prælatum; siquæ verificaretur illas appellare a proprio Prælatum; quod requireretur, & sufficeret ad contrahendam talem excommunicationem.

13. Moneo hic unum, privilegia concessa Regularibus quoad hoc, ut non appellent a suis Superioribus, non auferre illis jus appellandi, nisi in casu, quo nulum ipsis illatum sit gravamen, aut certe leve; adeoque si iis inferatur notabile ali-quod gravamen, posse appellare a Superiore illud inferente, non obstantibus præfatis privilegiis; alias talia privilegia essent iniqua, & foverent injusticiam, ut patet.

14. Addit autem *Sanchez lib. 7. mor. c. 8. n. 110.* & bene, illud esse discrimen inter jus commune, & jus privilegii interdicens Regularibus appellationem, quod jus commune illam non tollit, quando gravamen est dubium; privilegia vero eam tollunt, etiam in tali eventu; & solum concedunt, quando gravamen est manifestum, & magni momenti.

Quæres 8. An, & quo casu Moniales incurrant excommunicationem latam a Sixto V. contra procurantes abortum.

15. Resp. Incurrere semper, & in omni casu, in quo incurrunt omnes aliæ personæ, quæ exprimuntur in prima, & secunda parte Bullæ *Effrenatæ* editæ a Sixto V. in Bullario 87. videlicet omnes procurantes abortum per se, vel per alios, aut cooperantes ope, consilio, vel alia ratione, cujuscumque status, gradus, ordinis, conditionis existant, tam laici, quam Clerici, Sæculares, aut Regulares cujuscumque Ordinis, ac etiam mulieres ipsæ prægnantes, quæ scienter præmissa fecerint, etiam si Moniales professæ sint. Licet enim in secunda parte Constitutionis, in qua Pontifex penam excommunicationis statuit, & loquitur clare de Monialibus, non exprimat clare ipsam abortus procuracionem factam in se ipsa a Mo-

niali

niali prægnante; tamen hoc sufficienter exprimit illis verbis: *qui, vel quæ, vel uti principales, vel ut sociæ tale facinus perpetraverint*. In quibus verbis, ut *causa principales* ipse mulieres procurantes abortum in se ipsis comprehenduntur. Ita sententia communis apud *Diana par. 7. tract. 5. resol. 7. cum Dicastillo, Filliuccio, & Bonacina de censuris in partic. disput. 2. qu. 2. punct. 10. n. 12. & 13.*

Quæres 9. *Quam excommunicationem incurrant Moniales inducendo aliquem ad promittendam electionem sepulture apud ipsas.*

16. Resp. Incurrere excommunicationem ipso facto Papæ reservatam, & latam in Clement. *Cupientes de panis*; sub qua docet *Suarez d. 22. de censur. sect. 4. n. 26.* comprehendendi etiam Moniales, quippe quæ secundum omnem proprietatem loquendi veniunt nomine Religiosorum, de quibus expresse loquitur dicta Clementina; quæ autem conditiones requirantur ad contrahendam istam excommunicationem, recensentur a *Suarez sup. & Sayr. l. 3. de censur. cap. 29. n. 40.* aliisque, & a nobis exponuntur in *tract. de panis c. 2. sect. 6.*

Quæres 10. *Quam excommunicationem incurrant Moniales si directe, aut indirecte dare, petere, vel exigere quoquomodo præsumant in novitiarum receptione, sive ante, sive post, prandia, seu cœnas, pecunias, fœcilia, aut alia etiam ad usum primum deputata, aut deputanda.*

17. Resp. Eo ipso incurrrere excommunicationem Papæ reservatam, si dantes, aut recipientes sint personæ singulares; suspensionem vero ab omni actu, seu officio capitulari requirente jurisdictionem, & administrationem Ecclesiasticam (eamque reservatam, ut constat ex Extrav. *sane de Simon.* ubi hæc pœnæ inducuntur) si recipiens sit Collegium seu Convenerus. Constat enim ex dictis *qu. 1.* Moniales subiacere huic excommunicationi: quamquam ut huiusmodi censuræ incurrantur a Regularibus in propositis casibus requiratur, ut ex pacto prævio aliquid detur, aut recipiatur pro ingressu re-

ligionis, idest pro religiosa professione: sicuti advertit *Bonac. d. 2. de censur. in partic. qu. 3. p. 29. n. 11. ex Suarez, monens n. 12.* quod cum in textu bis repetatur verbum *presumunt*, ad contrahendas pœnas præfatas præsupponitur præsumptio, quæ de re qui plura vult, consulat *Bonacinam loco cit. per totum punctum.*

Quæres 11. *Quam excommunicationem contrahant Moniales si impediant primum Episcopum, aut Prælatum Regularem accedentem ad ipsarum visitationem, quo minus uti possint sua jurisdictione ordinaria.*

18. Resp. *Fusus lib. 2. de visitat. c. 32. n. 10.* Moniales in tali casu non solum posse excommunicari juxta cap. *dilecto de sent. excommuni. in 6.* sed de facto affici excommunicatione lata in Bulla Cœnæ, & consequenter reservata Papæ: idem sentit etiam *Ghilin. v. clausura n. 20. de Monialibus* sic dicens, *Recusantes visitari possunt excommunicari tamquam impediens jurisdictionem Episcopi*; imo excommunicantur in Bulla Cœnæ. Tenor autem Bullæ sic habet: *Nec non qui Archiepiscopos, Episcopos, aliosque Superiores, & inferiores Prælatos, & omnes alios quoscumque Judices Ecclesiasticos ordinarios, quomolibet hac de causa, directe, vel indirecte, carcerando, vel molestando, eorum agentes, procuratores, familiares, necnon consanguineos, & omnes impediunt, quominus sua jurisdictione Ecclesiastica contra quoscumque intantur, secundum quod Canonæ, & Sacræ Constitutiones Ecclesiasticæ, decreta Conciliorum Generalium, & præsertim Tridentini statuant &c. anathematizamus.* Ubi suppono tamquam certum sub nomine Prælatorum venire etiam Prælatos regulares respectu Monialium sibi respectu subditarum, quippe qui vere sunt Prælati ipsarum, & ordinariam habent jurisdictionem in illas. Sic citat Doctores, & non improbabiler, si canon præfatus Bullæ loqueretur de quibuscumque impediuntibus etiam auctoritate privata: cum tamen *Bonac. sup. d. 1. qu. 17. p. 1. n. 7. ex Navarr. Suarez, Gloss. Duar. Filiuc. & Alterio* contra aliquot

H h alios

alios probabiliter dicat, posse sustineri sub dicto canone comprehendi solum impediētes auctoritate publica, quippe qui continuari videtur cum præcedenti canone, in quo tantum est sermo de personis publicam auctoritatem laicam exercentibus,

19. Verum tamen est, quod, quamvis Moniales in casu proposito effugiant excommunicationem contentam in Bulla Cœnæ, si doctrinam hanc Bonacinæ tamquam probabiliorē sequamur (sicut sequi debemus, cum simus in materia pœnali, quæ non debet ampliari, sed restringi) non tamen effugient excommunicationem latam in c. attendentes de statu Monac. his verbis: *Si quis vero Visitatores ipsos* (idest Monialium) *in præmissis impedire præsumpserint, seu aliquo præmissorum, nisi moniti resipiscant, ipso facto excommunicationis sententiam se noverint incursum, privilegiis, statutis, & consuetudinibus quibuscumque in contrarium minime valituris*. Ex quibus constat, hanc excommunicationem esse quidem latæ sententiæ (ut colligitur ex clausula *ipso facto*) non tamen reservatam, cum in textu nulla fiat mentio reservationis: imo nec incurri, nisi impediētes visitationem Monialium prius legitime moneantur eo modo, quo explicabimus infra cap. 10. sect. 1. subf. 3. quæst. 12.

Quod si hæc occasione queratur, an Prælati Regularis possit ingredi cum Episcopo ingrediente ad visitandam clausuram Monialium dicto Prælati aliis subiectarum, veniente ipso Episcopo.

Resp. Non posse: & probatur: quia Ordinarius tamquam Sedis Apostolicæ delegatus habet jus visitandi clausuram Monialium aliis exemptarum, illudque illimitatum; sicque ad hunc effectum potest ingredi, quoties iudicaverit expedire: ex alia parte non apparet ex quo jure, aut titulo possit Prælati Regularis in tali casu etiam ipse ingredi cum Ordinario, quantumvis repugnante: ergo dicendum est, illum non posse ingredi cum Ordinario, si is repugnet (qui tamen posset illum, si vellet, admittere ut socium, at non te-

netur.) Præter quam quod Prælati Regularis ingrediens cum Episcopo ad visitandam clausuram Monialium ipsi Prælati subiectarum non conferret ad finem intentum in visitatione, sed potius illum posset impedire (ut consideranti facile patebit) adeoque credendum est id ei non permitti. Quod si Prælati Regularis cumulative concurrat cum Episcopo, quoad visitandam clausuram Monialium illi subiectarum; & ipse etiam iudicat esse necessariam visitationem clausuræ, quo tempore illam visitat Episcopus, non ideo jus habet ingrediendi cum Episcopo visitante, si is contradicat, sed solum potest illam postea visitare, & sic uti jure suo, quod utique non est ad visitandam clausuram una cum Episcopo, ut constat ex dictis. Ita interrogatus respondi; &, ut puto, bene; sicque censeo praticari.

Addo, quod si Prælati Regularis in tali casu, veniente Episcopo, ingrederetur incurreret excommunicationem, & alias pœnas latas contra Prælatos Monialium in casu non necessario clausuram ingredientes, & relatas cap. 5. qu. 3. cum sic vere ingrediatur in casu non necessario, ut constat ex supra dictis.

Quæres 12. *Quam excommunicationem incurrant Moniales cogendo familiam ad ingrediendum religionem, aut illam retrahendo ab illa.*

20. Resp. Incurrere excommunicationem ipso facto latam in Conc. Trid. sess. 25. de regul. c. 18. non tamen reservatam Papæ, ut advertimus cap. 2. sect. 1. qu. 19. ubi late ostendimus in quibus casibus, & per quas actiones incurratur præfens excommunicatio.

Quæres 13. *Cui excommunicationi subjaceant Moniales, si habitum religiosum dimittant, & qua requirantur ad illam incurrendam.*

21. Resp. Suffici excommunicationi latæ in cap. periculoso ne Clerici vel Monachi in 6. non tamen reservatæ: quamvis aliis ipso facto incurratur, si Monialis dimittens habitum sit professus; si habitus, qui dimittitur, sit proprius illius religionis; si dimissio sit temeraria (idest sine causa rationa-

tionabili) talisque, ut attentis presentibus circumstantiis, iudicio prudentis censetur apta ad vagandum. Colligitur ex *Sanch. l.6. Mor. c.8. n.38.* & patebit ex dictis in *tract. de penis c.2. sect.3. qu.3.* Moneo hic solum, quod, quamvis in Jure relato ad incurrendam istam excommunicationem videatur requiri, ut dimittatur habitus, & simul vacetur studio physice, aut legum sine Superioris licentia, ut colligitur ex verbis illis: *si quis horum temerarius violator extiterit, excommunicationis incurrat sententiam*, (quæ duo cum regulariter non possint simul cadere in Moniales, consequenter dicendum videtur in eas non posse cadere istam censuram) revera tamen communis DD. sententia, teste *Suarez sup. d.23. sect.4. n.26.* cum Glossa habet, ad incurrendam istam excommunicationem sufficere, quod religiosus temere dimittat habitum (quod utique cadere potest in Monialem) sicque verba illa: *Si quis horum violator temerarius extiterit*, sumi debent disjunctive, casu plurali adhibito pro singulari, sicque notavit *Bonac. sup. d.2. q.8. p.6. n.31.*

Quæres 14. *Qua excommunicatione afficiantur Moniales non servando interdictum, aut cessationem a divinis, alias observanda juxta Clem.1. de sent. excommunic. in 6.*

22. *Resp.* Affici excommunicatione contenta in dicta Clementina, & quidem ipso facto, non tamen reservata, cum de reservatione talis excommunicationis nullibi fiat mentio; & alioqui reservatio tamquam odiosa debeat quam maxime vitari: intellige, si interdictum sit generale, latum auctoritate Pontificia, & servetur ab Ecclesia matrice, seu parochiali, consistitque de hoc Monialibus; hæc enim omnes conditiones supponuntur in citata Clem. Quamvis *Avil. p.5. de censur. d.5. decis.3.* notet, Regulares violantes Interdictum, quod ipsis constet esse legitimum, affici penis latæ c. *fin. de excess. Prælat. c. auditor. c. Episc. de priv. in 6.* etsi illud non observetur a Matrice.

Quæres 15. *Qua excommunicatio jure communi imposita sit contra Moniales inde-*

bite sibi usurpantes decimas, earumve solutionem impediennes.

23. *Resp.* Impositam esse excommunicationem latam in Clem.1. de decimis, incurrendam quidem ipso facto (quamvis non statim, ut mox subjiciam) non tamen reservatam. Constat ex cit. Clem. in qua expresse habetur, istam excommunicationem non incurri statim ac religiosi fecerunt aliquam ex actionibus ibi prohibitis, sed solum post duos menses, si decimas usurparunt, & intra tale tempus non exhibent debitam satisfactionem; post unum vero mensem, si decimas prohibuerunt, aut non permiserunt solvi, & intra tale tempus post monitionem de hac re ipsis facta non satisfaciunt. Qua de re late *Bonac. sup. qu.8. p.12.* monens in specie etiam Moniales subijci presenti excommunicationi, si aliquam faciant ex actionibus sub ea prohibitis; quæ sunt appropriare sibi novalia, usurpare decimas, non permittere, aut etiam prohibere, ne solvantur: dixi non tamen reservatam expresse, ut innuerem eam virtualiter reservari hoc ipso, quod non potest tolli per absolutionem, nisi præstita debita satisfactio.

Quæres 16. *Quæ excommunicatio contrahatur a Monialibus post religiosam professionem matrimonium de facto contrahentibus.*

24. *Resp.* Contrahi excommunicationem ipso facto latam in Clem.1. de consang. & affi. non tamen reservatam: idque sive illud consumment, sive non: constat ex dictis in *tract. de penis ubi sup. qu.10.* & habetur expresse in cit. Clem. iis verbis: *Nec non Religiosos, & Moniales, ac Clericos in sacris Ordinibus constitutos matrimonia contrahentes refrænare metu penæ ab hujusmodi eorum temeritatis audacia cupientes, ipsos excommunicationis sententiæ ipso facto decernimus subiacere.*

Addo, Moniales matrimonium contrahentes fieri bigamas ex c. *quotquot 27. qu.1.* sicque Glossa, & Archidiaconus, ibi dicunt, illas eo ipso fieri inhabiles ad gradus, ad quos Moniales virgines assumuntur.

Quæres 17. *Qua excommunicatio statuta sit contra Moniales absque licentia Papæ nova Monasteria admittentes, aut jam recepta alienantes.*

25. *Resp.* Jure communi statutum esse excommunicationem, ipso quidem facto incurrendam, non tamen reservatam, quæ extat *cap. unic. de excess. Prælat. in 6.* quamquam ea incurratur solum a Monialibus Ordinum mendicantium; sicut dicemus in *tract. de penis infra qu. 12.* ubi agemus de hac re expresso, monentes, suppositis privilegiis postea concessis Regularibus, hujusmodi excommunicationem fuisse abolitam, quoad non recipienda nova loca sine licentia Papæ, sique amplius eam non contrahi, si absque dicta licentia Papæ nixi præfatis privilegiis nova loca recipiant.

26. Urbanus certe VIII. in sua Constitutione 25. in ordine, omnium Ordinum, etiam mendicantium Superioribus, exterisque personis, ad quos spectat, in virtute sanctæ obedientiæ, ac sub pœna privationis vocis activæ, & passivæ, nec non officiorum quorumcumque, ac inhabilitatis ad illa, & alia in futurum obtinenda, nec non etiam excommunicationis ipso facto incurrendis pœnis prohibet, ne licentiarum, seu facultatum ab ipso annullatarum, sive quovis alio pretexto, vel causa, etiam quantumvis privilegiata, nova Monasteria, ac alia loca regularia, nisi de expressa Ordinariorum licentia, ac servata in omnibus, & per omnia Sacrorum Canonum, & Concilii Tridentini, nec non Constitutionis Clementis VIII., quæ incipit *Quoniam ad justitiam*, ac decretorum de mandato ejusdem Clementis, nec non Gregorii XV. desuper editorum forma recipere, erigere, fundare, seu alias quomodolibet instituere, seu incepta finire, & absolvere audeant.

Quæres 18. *Quæ excommunicatio jure communi inducitur contra Moniales alienantes bona Monasterii prohibita alienari.*

27. *Resp.* Inductam fuisse excommunicationem eo ipso incurrendam, non tamen reservatam, ut constat ex Bulla Pauli II. *Ambitiosa*, in qua fertur talis ex-

communicatio his verbis: *Et tam qui alienant, quam is, qui alienatas res, & bona prædicta receperit, sententiam excommunicationis incurrat.* Certum est autem, quod cum illa excommunicatione lata sit contra quascumque personas Ecclesiasticas alienantes bona ecclesiastica prohibita alienari; & alios Moniales vere, ac proprie sint personæ ecclesiasticæ, etiam ipsæ si ea comprehenduntur, illamque incurrent, si de bonis immobilibus communibus Monasterii, aut etiam privato ipsius, ut uti concessis indebite alienent: sed de hoc plura Bonac. d. 2. de censur. in partic. qu. 4. p. 11.

Quæres 19. *Quam excommunicationem incurrant Moniales, si vocati ad dirigendas ipsas Moniales in electione, non abstineant ab iis, ex quibus oriri possunt discordiæ, aut orta enutrirî circa electiones.*

28. *Resp.* Ipso facto incurrere excommunicationem latam in c. *indemnitas* de elect. in 6., ut colligitur ex tenore textus, qui sic habet: *Postremo hi, quos ad dirigendas in hujusmodi electionibus Moniales, easdem deinceps contigerit evocari, ab his prorsus abstineant, quæ inter eas super faciendis ipsis electionibus oriri possint discordiæ, vel exorta nutrirî; aliàs eo ipso excommunicationis sententia se noverint subiacere.* Ubi notat Bonac. sup. qu. 2. p. 5. n. 4. dispositionem hujus juris procedere non solum in Prælatibus ex officio interessentibus dictis electionibus, sive id faciant ex potestate ordinaria, sive delegata (si quidem hi possunt dici vocati ad dirigendas Moniales in electionibus, prout supponitur in textu), sed in aliis omnibus tam viris, quam feminis, atque adeo in ipsis etiam Monialibus, quæ forte modo dicto evocentur ad dirigendas Moniales Conventus in aliqua electione: siquidem textus loquitur generaliter; lex autem generaliter loquens, generaliter debet intelligi.

Quæres 20. *Quæ excommunicatio jure communi inducitur contra Moniales propria sibi adificantes receptacula, & privata domicilia, in quibus sub hospitalitatis prætextu passim adversus Sacros Canones suscipiant hospites, & minus religiosos.*

29. *Resp.*

19. *Resp.* Inductam esse excommunicationem, non tamen latæ sententiæ, sed ferendæ, ut colligitur ex 18. *qu. 2. cap. Perniciosam*, ubi fertur ista excommunicatione sub his verbis: *Hoc tam inhonestum, detestandumque flagitium, ne ulterius fiat, omnimodis prohibemus, & sub pœna anathematis interdicimus.* Ubi notandum, sub præsentī censura non prohiberi præcise habitacula singularia Monialium, sed in ordine ad ibi non excipiendas personas minus honestas: forte, quia tunc non exatbat obligatio Clausuræ.

Quæres 21. *Sub qua excommunicatione prohibeantur Moniales aliquid recipere ex bonis Novitiæ, quam admittunt ad probationem, supra vultum, ac vestitum; & jubentur ei ante professionem abeanti restituere omnia, quæ sua erant.*

30. *Resp.* Et illud prohiberi, & hoc præcipi sub pœna excommunicationis ferendæ, ut constat ex Concilio Tridentino sess. 25. *de regul. c. 16.*, quod ita habet: *Quin potius præcipit S. Synodus sub anathematis pœna dantibus, & recipientibus, ne hoc ullo modo fiat, & ut abeuntibus ante professionem omnia restituantur, quæ sua erant; quia de re Peyrin. de R. S. qu. 1. c. 29. Lezana 10. 1. c. 24. n. 32., & Tambur. d. 6. de jure Abbatiss. qu. 4. n. 5., ibi monens ex Naldo, & Galletto, non solum reddenda esse omnia bona Novitiæ, si ea recedat a Monasterio, sed etiam in casu, quo illa moriatur, nisi forte, cum sit sui juris, aliter de dictis bonis disponat ante mortem.*

Quæres 22. *Quam incurrant excommunicationem Moniales, si vacent negotiatione jure communi prohibita personis Ecclesiasticis.*

31. *Resp.* Incurrere excommunicationem, non tamen ipso facto, sed per sententiam judicis: & hoc ex cap. *Secundum ne Cler., vel Mon.*, quod sic habet: *Secundum instituta Prædecessorum nostrorum sub interminatione anathematis prohibemus, ne Monachi, vel Clerici causa lucri negotientur; quamquam cum verbum negotiatio indicet frequentiam actuum, non possint Moniales, aliquæ Ecclesiastici dici subiacere præfatæ censuræ, si scilicet, aut iterum*

tantum negotientur, secluso scandalo, parvitate materiæ sic excusante. Imo Tabiena, Armill., Aragon., Salon., Médina, Molin., Rebell., & Less., quos citat Filliuc. *tract. 35. n. 25.*, & sequitur Savas *tract. de empt., & vend. 2. n. 8.* putant jure allegato, & similibus solum prohiberi negotiationem in propria persona; ideoque non incurri pœnas latas contra negotiantes, si Clericus, aut Religiosus negotietur per alios; cum sic cesset ratio prohibitionis, nempe distractio, ac periculum peccandi: quod tamen non admittit Filliuc. *n. 26.*, nisi interveniat iusta aliqua excusatio, paupertatis v. gr., aut necessitatis: cum etiam in negotiatione facta per alium intercedat aliqua indecentia ratione status, aliàs solum excusanda ex aliqua dictarum causarum.

32. Addunt DD., personas Ecclesiasticas, & consequenter Moniales, si vacent illicitæ negotiationi, amittere privilegium immunitatis ab oneribus in se, & in bonis propriis; exemptionem scilicet a tributis, & gabelis; idque ex cap. *fin. de vit., & honest. Cler.*: quod tamen non habet locum, nisi post trinam monitionem (ut bene advertit Sylv. v. *Clericus qu. 3.*) & solum quamdiu non desistitur a negotiatione; sicque privilegium dictæ immunitatis recuperatur statim, ac desistitur a negotiatione, prout bene colligunt DD. ex verbis illis, *dum iis se implicant*, quæ sunt in jure citato.

33. Neque ex eo, quod jura prohibentia negotiationem Ecclesiasticis solum loquuntur de Clericis, aut Monachis, non facta mentione de Monialibus, hæc excluduntur a dictis juribus; siquidem non est novum fœmininum includi sub masculino, etiam in odiosis, ac pœnalibus, sicut ostendimus *qu. 1.*, & multis aliis in locis.

Quæres 23. *An Moniales se invicem percutientes incurrant excommunicationem, & quam.*

34. *Resp.* Incurrere illam, quæ lata est in c. *Si quis suadente diabolo 17. qu. 4.*, cum Moniales in citato cap. veniant nomine Monachi, ut supponitur in cap. *de Monialibus de sentent. excommunic.*, idque sive

fin

sint professe, sive novitiæ, sive conver-
sæ, ut inter alios notat *Suarez d.22. de
censur. sect. 1. n.19.* Incurrunt autem hanc
excommunicationem Moniales, si per vim
aliquid eripiant e manibus alterius Monia-
lis: si injuriose illam detineant in loco ali-
quo clauso: si percutiant, aut violentiam
faciant rei adherenti ipsi (v. gr. laceran-
do vestem): si in eam projiciant lapidem,
librum, aut aliquid aliud: si illam impel-
lant: si venenum propinent, & venenum
operari incipiant: si eam injuriose insequan-
tur; sicque cogant, illam se præcipitem da-
re in locum aliquem profundum: si in eam
conspuant; aut lutum, vel aliquid aliud
sordidum projiciant: in his, inquam, cas-
ibus, & aliis similibus incurrunt excom-
municationem, si actus, quem exercent
adversus Monialem, sit violentus, inju-
riosus, ac extrinsece mortalis. Non item,
si in Monialem solum verba injuriosa ef-
fundant: si per metum, absque vi, aut
factu eam cogant exire ab aliquo loco:
si percutiant ad justam defensionem cum
debito moderamine, vel ad correctionem:
si ex bono zelo ab Ecclesia illam ejiciant,
eo quod alias perturbet: si percutiant ex
joco: in his enim, & aliis casibus non in-
currunt. Ita communiter DD., quorum
aliqui putant, Monialem se percipientem
injuriöse, affici hac excommunicatione: alii
negant, & non improbabilius, ut notat
*Bonacin. d.2. de censur. in comm. quest. 4.
par. 2. n.4. Q. a de re c. 10. n.303. §. un.*

Adde juxta Cajetanum v. *Excommuni-
catio c. 10.*, Monialem, quæ potione,
aut scissione venæ procurat proprium
abortum, non incurrere hanc excommuni-
cationem: eo quod talis injectio manus in
se ipsam comparatione sui non sit inju-
riosa, nec violenta, nec contumeliosa:
(siquidem volenti, & consentienti non
fit injuria) immo nec injuriosa statui *Eccle-
siastico*, subdit Cajetanus: quod tamen
negant alii DD.; ideoque sustinent pro-
babilius, Monialem in proposito casu af-
fici hac excommunicatione. Cum Cajeta-
no sentiunt Bellocchius, Capcavilla, Ma-
zuchellus, Avila, Bonac., & Alphons. de
Leone relati a Diana *par. 7. tr. 5. resol. 40.*

Quam autem excommunicationem
incurrant Moniales violando Clausuram,
constat ex *dis. cap. 5. qu. 10.* Utrum vero
subjaceat excommunicationi lata a Pio V.
contra interesse agitati taurorum,
aliqui affirmant, alii probabilius negant;
ut videre est penes *Bonac. d.2. de censuris
in partic. qu. 5. p. 7. n. 10.*

De suspensionibus latis contra Moniales.

35. **S**uspenduntur ab omni actu capi-
tulari, si ex pacto, & capitula-
riter aliquid recipiant pro Pro-
fessione: indicatur quid sint jo-
calia vetita Monialibus.
36. Suspenduntur ab officio ad arbi-
trium Ordinarii, si sint Abba-
tissa, & cum non promoveant
de professione facienda a No-
vitia.
37. Suspenduntur ab officio, si ad cer-
tum tempus bona Conventus al-
teri concedant, prædantes Mo-
nasterio.
38. Suspenduntur a receptione Reli-
giosarum in eodem Ordine, si
admittant ad professionem non-
dum finito anno probationis.
39. Ligat hæc suspensio etiam in casu,
quo Monialis transeat ad alium
Conventum ejusdem Ordinis;
non item, si ad Conventum al-
terius Religionis.

Quæres 24. An Moniales incurrant suspen-
sionem latam in Extrav. Sanc. de simon.
si in Novitarum receptione directe,
aut indirecte dent, petant, aut
recipiant prandia, cenæ, pecu-
nias, jocalia & similia,
sive ante, sive post.

35. **R**esp. **I**ncurrere: & patet, quia ex
primuntur, & aliàs habent jurisdictionem
petita n. ad accipiendam aliquam in Mo-
nialem (de qua acceptione ibi est sermo)
sive talis jurisdictio sit proprie talis, (quæ
non

non cadit in Moniales) sive solum improprie, sicut revera est de qua suspensione consulantur dicta superius in hoc ipso cap. quæst. 10.

Conseo autem nomine *jocalium* hic significari munera dari solita Monasterio a Moniali ingrediente religionem; cum jocalia proprie sint munera, quæ sponsalitate largitate Sponsi invicem sibi tradebant. Colligo id ex *Sanch. l. 6. de matr. d. 25. n. 11. d. 18. n. 4. 9. 11.*, Julio Claro *tr. de donat. v. Jocalia in Indice alphabetico*, Menoch. de arbitrar. judic. v. *Jocalia*, & in terminis ex *Ognate to. 2. de contr. d. 35. n. 1.*, ubi dicitur: *Quæ mittunt Sponsi Sponsibus suis gratis, & liberaliter ad eas ornandas, vel e contra (nam etiam Sponse largitate sponsalitia ornare solent Sponsos, licet non ita frequenter) sponsalitia largitæ appellatur, & a pluribus Doctoribus sponsalitia vocatur, ac si dicas donum inter Sponsos. Quin etiam jocalia nostrates vocant, a quo nomine parum corrupto vocabulo nostri etiam Joyas, hæc jocalia dicunt, quasi ludat, & jocetur recens nubentium fervor, quia gemme, & monilia, & torques, & inanes, & anuli, & universus mundus muliebris, quibus ludit, & delectatur recens Sponsorum amor, potius puerorum nanie, & jocus, quam seria, & solida bona sunt: hæc Ognate: sed de hoc consulatur Diana p. 8. tr. 7. resol. 29. v. Non posse, & v. Sequenti: Cum ergo Monialis ingrediens Monasterium desponsetur Christo, ad imitationem Sponsarum Monasterio tradere solebat sua jocalia, id est sua munera sponsalitia: quamvis postea iustis de causis prohibita fuerint Monialibus, ut constat ex citata Extravagante.*

Quæres 25. *Quam suspensionem contrahat Monialis Abbatissa, si ante mensem certiore non faciat Ordinarium loci de professione faciendâ a Novitia degente in suo Monasterio.*

36. Resp. Incurrere suspensionem ab officio ad arbitrium Episcopi, cuius intererat adinoneri, eamque latam in *Concil. Trid. sess. 25. de regul. c. 17.* his verbis: *Cujus professionis tempus ne Episcopus ignoret, teneatur præfata Monasterii eum ante*

mensẽ certiore facere: quod si præfata certiore Episcopum non fecerit, quamdiu Episcopo videbitur, ab officio suspensa sit; quod est dicere hujusmodi suspensionem esse reservatam ad arbitrium Episcopi. Verum tamen est, quod si Præfata Monasterii certo constaret, Episcopum optime recordari Novitiam post mensem professuram esse, tunc prædicta Præfata non teneretur illum de hoc monere; cum sic cesset finis legis, & alioqui nulla lex obliget ad actum inutilem.

Quæres 26. *Qua suspensione afficiantur Moniales, si præfates Monasterio alicui concedunt alicui jura, redditus, aut possessiones ipsius Monasterii ad vitam dantis, aut recipientis, vel ad aliud certum tempus.*

37. Resp. Affici suspensione lata in *Clem. 1. de reb. Eccl. non alien.*, quæ est suspensio ab officio (non tamen reservata) quamquam ea non incuratur, si dicta bona concedant ratione necessitatis, aut utilitatis ipsiusmet Monasterii: in quo casu debent expectare consensum sive Capituli, sive proprii Prælati. Colligitur ex citata *Clem.* quæ sic habet: *Ne quis Religiosus Monasterio, Prioratu, Ecclesiæ, seu administrationi cujusvis præfatis jura, redditus, aut possessiones ejusdem alicui ad vitam ejus, seu aliud certum tempus, pecunia etiam inde recepta, quovis modo concedat, nisi necessitas, aut utilitas Monasterii &c. hoc exposcat, Conventus sui, aut si Conventum non habeat, Prælati proprii assensu ad hoc nihilominus accedente: si quis autem contra hoc fecerit, penam suspensionis ab officio eo ipso incurrat, nec ex concessione ipsius recipienti jus aliquod acquiratur: Circa quem textum notat Bonac. *sup. d. 3. qu. 8. p. 7. n. 6.* quod cum loquatur generaliter, dicens ne quis Religiosus, & talis forma loquendi comprehendat omnes Religiosos tam mares, quam feminas; hujusmodi pœna extenditur ad religiosos utriusque sexus, & consequenter etiam ad Moniales: præsertim cum materia, quæ sub tali pœna prohibetur sit communis etiam Monialibus. Unde quis bene infert, quod cum ista suspensio dicitur suspendere ab officio; nomine officii non venit solum officium*

ficiam

ficiū ordinis, ac jurisdictionis proprie dictæ (quæ non possunt cadere in feminam) sed aliquid latius, prout scilicet etiam comprehendit munus Abbatis: alias vana, ac inutilis esset ista suspensio respectu sœminæ, in quam tamen, docet Bonac. eam posse cadere; cum aliqui censent hic nomine officii intelligi tam officium ordinis, quam jurisdictionis.

Quæres 27. *Quam suspensionem incurrant Moniales, si ad professionem admittant aliquam Novitiam, nondum expleto anno probationis.*

38. *Resp.* Incurrere suspensionem a receptione Religiosarum in eodem Ordine (non tamen reservatam) si Moniales sint ex Ordine Mendicantium; de his quippe tantum loquitur c. non solum de resul. in 6. ubi fertur ista suspensio his verbis: *Quod si forte contra hanc nostram prohibitionem quemquam recipere præsumpseritis, decernimus eum, qui taliter receptus fuerit, nullatenus vestro esse Ordini alligatum: vosque a receptione quorumlibet ad professionem ejusdem Ordinis fore ipso facto suspensos, & insuper pœnis subjiciendos, quæ fratribus ipsius Ordinis pro culpis instigi gravioribus consuevit.* Ita in terminis Bonac. p. 5. n. 13. contra alios oppositum sentientes apud Sylvestrum v. Religio 3. qn. 3. & patet ex ipso textu, si advertero hujusmodi suspensionem incurri ipso facto, ut aperte colligitur ex verbis illis ipso facto suspensos: non ligare tamen, nisi intra eundem Ordinem, ut constabit ex c. de i. s. sequenti. Notat autem Bonac. n. 14. hujusmodi suspensionem incurri non solum ab iis Religiosis, qui primo concurrunt ad aliquem recipiendum ad professionem, sed etiam ab iis, qui dant suum suffragium post præstitum numerum sufficientem suffragiorum, cum hi vere dicantur recipere: quod forte non admitterent Doctores relati a Diana p. 5. tr. 3. ref. 16. sustinentes concurrentem suo suffragio ad damnum alterius injuste illatum, postquam sufficiens numerus suffragiorum præstitus est, non teneri ad restitutionem, cum non possit dici concurrere ad præstatum damnum jam plene per alios illatum: par enim ratio procedit in nostro casu.

Quod si quæras, an dispositio illius juris procedat in casu, quo Monialis ex Monasterio proprii Ordinis legitima potestate transiret ad gubernandum aliud Monasterium, siue ejusdem, siue alterius Ordinis.

39. *Resp.* Distinguido; vel Monialis transit ad gubernandum aliud Monasterium ejusdem sui Ordinis, & sic puto præfata dispositio non procedet, cum tunc verificentur verba ipsius dispositionis, videlicet; vosque a receptione quorumlibet ad professionem ejusdem Ordinis fore ipso facto suspensos: Sicque subsistat dispositio. Vel transit ad gubernandum aliud Monasterium alterius Ordinis, & sic non procedit dicta dispositio: cum in tali casu non verificentur verba dispositionis modo adducta, & alioqui verseretur in materia personalis, quæ juxta communem doctorum sententiam a nobis sæpius repetitam non debet extendi ultra rigorosam verborum proprietatem.

De Interdictis jure communi latis contra Moniales.

40. **I**nterdicantur ab ingressu Ecclesie, si violent interdictum generale locale.
41. Item, si ad Divina Officia recipiant publice excommunicatos, ac interdictos.
42. Interdici debent, si renuant confiteri ad Confessionale positum in Ecclesia exteriori.

Quæres 28. *Quod, & quale interdictum incurrant Moniales violando interdictum generale locorum.*

40. *Resp.* **I**ncurrere interdictum ab ingressu Ecclesie latum in cap. Episcop. de privi. in 6. & durans usque dum præsentent debitam satisfactionem ei, cujus censura violata est; sic enim habet textus: *Qui vero contra præsumpserint, præter alias pœnas a jure statutas, ingressum Ecclesie sibi noverint interdictum, donec de transgressione hujusmodi ad arbitrium ejus, cujus senten-*

sententiam contempserunt, satisfecerint competerent: Incurrent autem Moniales tale interdictum ipso facto, si quam ex actionibus hic prohibitis faciant v. gr. faciendo ecclesiare in loco interdicto, aut admitendo excommunicatos publice, aut interdictos ad divina officia, quæ sunt actiones communes viris, ac feminis, & possunt cadere in Moniales, ut patet: quamvis ad incurrendum ejusmodi interdictum requiratur præsumptio: ut constet ex verbis illis *qui contra præsumpserint*. Et quidem quod Moniales subiaceant huic interdicto, inde suadet, quod textus generaliter loquitur de omnibus Religiosis, quantumcumque exemptis, adeoque comprehendit etiam Moniales, quæ vere, & proprie sunt, & dicuntur Religiosæ: & sic, si faciant aliquam ex actionibus hic prohibitis, ipsarum sexui, ac conditioni proportionatam, manebunt interdictæ ab ingressu propriæ Ecclesiæ interioris, sicque eam non poterunt ingredi ad audienda divina officia, immo neque ad faciendas privatas orationes iuxta aliquos Doctores (quorum opinionem fatetur Suar. d. 35. de censur. sect. 4. n. 23. de rigore juris esse probabilem): hos quippe effectus gignit interdictum ab ingressu Ecclesiæ.

Quæres 29. Quale Interdictum contrahant Moniales, si scienter admittant publice excommunicatos, aut interdictos ad Divina Officia.

41. *Resp.* Incurrere Interdictum ab ingressu Ecclesiæ statutum in c. Episcoporum de regul. in. 6. & explicatum qu. præced. ex quo proinde petenda sunt, quæ hic dici possent, & debent. Addo solum ex Bonac. sup. d. 9. qu. 2. p. 6. n. 5. admittere (prout hic sumitur) importare tum recipere ad aliqua ex supra dictis, tum non prohibere, cum possit, & debeat.

Quæres 30. Quale interdictum incurrant Moniales, si renuant confiteri Sacerdoti ad Confessionale collocatum in Ecclesia exteriori.

42. *Resp.* Incurrere Interdictum simpliciter dictum, non tamen ipso facto, sed ferendum; idque ex decreto Sacræ Con-

greg. referendo inferius c. 10. sect. 3. subf. 1. qu. 14. quod tamen videndum est an sit in usu.

De Irregularitatibus, quæ jure communi cadere possunt in Moniales.

43. *S* *Int illegitima, sunt incapaces Abbatissatus; quod alii negant probabiliter.*

44. *Saltem in hoc dispensari possunt a suo Prælato.*

45. *Si sint Viduæ, aut aliter corruptæ, eligi nequeunt in Abbatissis, etsi alii negent: dispensat. ad Monachatum intrant plura Monasteria.*

46. *Item, si sint bigamæ, eligi non possunt in Abbatissas.*

47. *Item, si sint infames.*

48. *Non item, si descendant ex genere maculato.*

Quæres 31. An Monialis illegitima sit irregularis quoad prælationes Religionis, & quomodo.

43. *Resp.* *Q*uod, quamvis probabilior, & conformior praxi sit pars affirmans, quam sustinent plures Canonistæ apud Tambur. sup. d. 28. qu. 11. n. 1. Suar. d. 50. de censur. sect. 5. n. 15. Clayr. l. 6. thesauri c. 11. n. 3. Laym. in qu. can. cult. qu. 229. Naldus v. Abbatissa n. 1. Sanchez l. 5. mor. c. 5. n. 19. Nav. conf. 2. de regul. n. 60., alique penes eundem Tamburinum sustinentes, seclusis Religionum privilegiis Monialem illegitimam non posse absque Apostolica dispensatione eligi in Abbatissam; eo quod Abbatissa quandam quasi prælationem obtineat inter Moniales, quam natalium defectus obscurat, nisi aliunde insignes dotes cohærent; probabilis tamen etiam videtur pars negans, quam sequuntur Miranda qu. 6. de Monial. art. 3. Rodriguez to. 1. qu. 13. art. 21. Portell. de dub. regul. v. Abbatissa n. 6. Lexana to. 1. c. 26. n. 6. alique absolute docentes Monialem illegitimam posse eligi in

I i Abba.

Abbatissam, etiam sine ulla dispensatione: probant autem tum ex quadam declaratione Sacre Congreg. relata a *Tambur. n.2.* per quam fuit decisum Moniales ex illegitimo toro genitas non comprehendendi in constitutione Sixti V. edita contra illegitimos, quominus eligi possint ad munus Abbatissæ, & alia Monasterii officia: tum quia in jure nullus extat canon, quo vetetur, ne femina illegitima eligi possit in Abbatissam; cum jura illegitimis solum interdicit habere officium cum jurisdictione ordinaria; cujusmodi utique non est officium Abbatissæ, cujus prælatio non est ordinaria, sed quasi ex commissione.

44. Dixi in priori parte hujus responsionis, *seclusis Religionum privilegiis*, ut indicarem, quod si Monialis illegitima indigeret dispensatione ad hoc ut eligi posset in Abbatissam, talis dispensatio ei posset concedi a proprio Prælatore: sed de hoc c. seq. qu. 17.

Quæres 32. *An Monialis vidua, aut aliter corrupta dici possit irregularis quoad prælationes Religionis, ita ut eligi possit in Abbatissam absque legitima dispensatione.*

45. Resp. Quod licet Sanchez loco supra citato n.22. putans ad officium Abbatissæ non requiri virginitatem, nisi ubi adesset usus impertiendi Abbatissis benedictionem, & consecrationem propriam virginum, censet Monialem viduam, aut aliter corruptam ex hoc solo capite non esse incapacem, ut eligatur in Abbatissam; & hoc idem sustineant Rodriguez apud Tamburinum *sup. qu. 12. n.4.* dicens huic sententiæ subscripsisse Suarez, dum viveret. *Palud. in 4. dist. 21. qu. 3. art. 3. n.60. & S. Antonin. 3. p. tit. 17. c. 22. §. 1.* ea ducti ratione, quod neque de jure divino, neque naturali, neque ecclesiastico est, ut Abbatissa debeat esse virgo: & dato quod extaret tale aliquod jus humanum, per contrarium usum jam fuisset abrogatum: in praxi tamen opposita sententia sustinenda est, utpote conformis praxi saltem in Italia; ubi ait Tamburinus se nunquam audivisse Monialem, quæ non esset virgo (intellige in communi estimatione) fuisse

se electam in Abbatissam: & quidem merito, cum indecens sit non virginem præfisse virginibus, & minus efficax futura sit adhortatio ad virginitatem, quæ fiat a non virgine, ut proinde non pauci Canonice relati a *Tamburino n.1.* nobiscum sentiant, & ipsamet Sacra Congregatio 15. Julii 1616. declaraverit, quod, si vidua monasticum habitum assumat, ad Abbatissæ, aut Priorissæ munus obeundum absque Sedis Apostolicæ dispensatione eligi non possit: cui etiam conformatur stylus Sacre Pœnitentiariæ, teste eodem Tamburino; dum absolutionem concessam Moniali ob corruptionem, illam limitat, ut non propterea ea eligi possit in Abbatissam vi talis absolutionis, & si eligatur, non possit consecrari, etsi corruptio sit occulta: intellige juxta dicta hic c.3. qu. 5. qui vult videat *Portellum sup. §. an Monialis, quæ fuit vidua n.1.*

Addo hic obiter, quod, si vidua juxta dicta c.2. n.13. a Sacra Congregatione dispensetur ad suscipiendum Monialium, si ingressa aliquod Monasterium ad talem effectum ibi non posset perseverare, vi dictæ dispensationis ingredi potest aliud: dummodo dispensatio non fuerit limitata ad certum Monasterium, & si sic esset limitata, & Novitia pertaxa status Religiosi recederet ab illo Monasterio, mutata voluntate posset iterum ad illud redire, ibique denuo suscipere habitum Religiosum. Et ratio est, quod privilegium favorabile, aut parum onerosum extenditur ad iteratos actus, quoties illud absolute conceditur, & aliter non colligitur de mente concedentis, duratque finis privilegii; ut bene advertit *Sanch. l.8. de matr. d.31. n.8.* aliis citatis remissive: hæc autem omnia militant in casu nostro, ut suppono.

Quæres 33. *An Monialis bigama hoc ipso sit irregularis quoad prælationes Religionis.*

46. Resp. Quod, cum juxta dicta quæ præced. communis praxis, saltem in Italia, habeat, ut Monialis corrupta non eligatur in Abbatissam: a fortiori non poterit eligi

eligi Monialis bigama (quomodocumque demum dicatur bigama) ita Sanchez *sup. n. 23. Majol. l. 1. de irreg. c. 29. n. 14.* alii- que, & patet ex dictis *qu. preced.* si adverte- ro Monialem matrimonium de facto con- trahentem fieri irregularem ex bigamia si- militudinaria .

Quæres 34. *An Monialis, qua est infam- is infamia sive juris, sive facti, sit irregu- laris quoad pralationes Religionis .*

47. *Resp.* Esse, ideoque non posse abs- que dispensatione eligi in Abbatisam . Ita *Vivald. n. 11. Majol. n. 12. Nav. n. 60. Le- tana n. 7. Tambur. qu. 15. n. 4.* aliique com- munitur, & probant tum ex *c. infames 6. qu. 1.* aliique juribus, in quibus statuitur infames non posse eligi ad honores, ac di- gnitates; tum quia non decet præfici vir- ginibus assumptis in Sponsas Christi for- minam infamem sive juris, sive facti infamia, idque etiam post emendationem; quam, si infamia esset solum facti, simpli- citer posset Monialis hoc modo infamis post emendationem eligi in Abbatisam ob ea, quæ tradunt DD. de infamia facti, & præsertim Bonac. d. 7. de censur. in gen. qu. 3. p. 1. n. 5.

Quæres 35. *An Monialis descendens ex maculato genere, v. gr. Judæorum, Sara- cenorum, &c. sit irregularis quoad prala- tiones Ordinis .*

48. *Resp.* Non esse, stando præcise in jure communi; nullum enim tale jus ex- tat, quod ego sciam .

De variis aliis pœnis, quas Jure communi possunt Moniales incurrere .

49. **P**rivantur voce ad biennium, si contra Concilium Tridenti- num delinquant circa pauper- tatem .

50. Si sint proprietarie, privantur Ec- clesiastica sepultura, & commu- nione Altaris .

51. Subsunt privationi vocis, & aliis pœnis, si dent expectativam Puel- la recipienda ad Religionem .

52. Privantur officiis, ac dignitatibus, si indebite alienent .

53. Item si donent contra Bullam Cle- mentis VIII., non tamen ante sententiam .

54. Si renuant profiteri, & servare Clausuram, nulliter recipiant ad Professionem .

55. Invalide recipient Conversas, si decretum id vetans non esset ab- rogatum .

56. Privantur jure eligendi Abbatis- sam ea vice, si illam indebito eligant .

57. Puniri possunt ab Ordinario Præ- lati regulares, si ipsum non præ- moncant de electione Abbatisa sibi subjecta .

58. Nulliter eligunt Abbatisam, ejus- que acta non tenent, si eligant ultra triennium .

49. Abbatisa valide non eligitur ul- tra triennium, nec ad beneplaci- tum Monialium .

60. Ea tamen, expleto triennio, eligi potest in Præsidentem Conven- tus usque ad novam electionem .

61. Dicta non procedunt de Abbatisis, quæ eliguntur per præsentatio- nem, ac institutionem .

62. Cadunt jure suo, si electa in Abba- tissas contra Monasterii consue- tudinem non curent benedici .

63. Perpetuo carcere includuntur, si Professæ consentiant se violari .

64. Puniantur, quæ sinunt se eligi in Abbatisas contra formam Con- cilio Tridentini .

65. Item, quæ in Choro non canunt hymnos jussu Urbani VIII. cor- rectos .

66. Item incorrigibiles .

Quæres 36. Quas pœnas incurrant Moniales, si delinquant contra dispositionem Concilii Tridentini in materia Religiosæ paupertatis.

49. *Resp.* **I**ncurrere privationem vocis activæ, & passivæ ad biennium latam in *Conc. Trid. sess. 25. de reg. c. 2.* sive retineant bona immobilia, aut mobilia tamquam propria, ac irrevocabilia (uti exposuimus *sup. c. 4. sect. 1. n. 1. ex Sanch.*) sive tanquam Superiorissæ concedant Monialibus subditis bona stabilia ad usum, aut usum fructum, aut administrationem, vel commendam: sive retineant superflua, habeantque suppellectilem mobilium repugnantem statui paupertatis: in his enim casibus incurritur dicta suspensio, quæ tamen non durat, nisi per biennium; sique peracto biennio, eo ipso absque alia absolutione cessat juxta communem DD. sententiam apud *Suar. d. 29. ee cens. sect. 1. n. 1.*

Quod si hac occasione quæras, quas alias pœnas incurrat Monialis proprietaria ultra privationem vocis activæ, & passivæ.

50. *Resp.* Incurrere etiam privationem Ecclesiasticæ sepulturæ, juxta *cap. Cum ad Monasterium de statu Monac. nec non privationem communionis Altaris c. Monachi eod. tit.* non item expulsionem e Monasterio, sicut statuitur in *c. Cum ad Monasterium superius citato*, quod correctum est per *c. fin. de Reg.* ubi habetur Religiosum aliis expellendum e Monasterio, debere deputari ergastulo Monasterii, ut ibi agat pœnitentiam: & quæ juris dispositio maxime convenit statui Monialium, ut patet.

Quæres 37. Quam pœnam incurrant Moniales, si præfecta Monasterio dent expectativam puellis admitendis in religionem ad loca vacatura contra prohibitionem Sacræ Congregationis.

51. *Resp.* Incurrere privationem vocis activæ, & passivæ ipso facto una cum aliis pœnis arbitrio Sacræ Congregationis Episcoporum infligendis; idque ex decreto Sacræ ejusdem Congregationis a nobis relato *sup. c. 2. sect. 1. qu. 5. ex Quaranta;*

per quod decretum item declaratur irritum quidquid contra ipsius dispositionem fuerit effectum.

Quæres 38. Quas pœnas ultra excommunicationem relaiam quasi. 18. incurrant Moniales, si alienent indebite de bonis Monasterii.

52. *Resp.* Incurrere ipso facto privationem officiorum, ac dignitatum, & quidem absque ulla declaratione; præterquamquod contractus sic irriti sunt nullius valoris. Habetur expresse in *extravag. Pauli II. Ambitiose*, patetque ex dictis, si monero ex *Sanch. l. 6. mor. c. 15. n. 66.* nomine dignitatum, ac officiorum hic, & in aliis Constitutionibus, seu decretis Pontificiis, aut Sac. Congregationis Cardinalium intelligi solum dignitates, ac officia habentia conjunctam aliquam superioritatem (cujusmodi inter Moniales est officium Abbatissæ, seu Priorissæ, imo, & munus Superiorissæ, ac Magistræ novitiarum, non item Sacristæ, Janitricis, & similia; quæ, sicut notat *Suar. to. 4. de Relig. tr. 10. l. 6. c. 7. n. 14.* in materia non dissimili, magis sunt oneris, quam honoris.)

Quæres 39. Quas pœnas incurrant Moniales faciendo donationes contra decreta Clementis VIII. de largit. muner.

53. *Resp.* Incurrere illas omnes, quæ in dicto decreto exprimuntur per verbis. *Quod si quis ex prædictis Regularibus utriusque sexus, cujuscumque gradus, ordinis, ac dignitatis, ac ubilibet locorum existentibus, conjunctim cum ceteris, seu disjunctim nostrarum hujusmodi prohibitionum statutorum, ordinationum, jussionum, decretorum, mandatorum transgressor fuerit, statuimus, ut omnibus, & singulis per eum obtentis dignitatibus, gradibus, muneribus, & officiis eo ipso privatus, ac ad illa, & alia similia, vel dissimilia in futurum obtinenda inhabilis perpetuo, & incapax, ac perpetua infamia, & ignominia notatus existat. Et præterea privationem vocis activæ, & passivæ absque ullo Superioris decreto, aut ministerio ipso facto incurrat, nec non ultra hujusmodi pœnas etiam tamquam*

quam contra furti, & simonia criminum reum tam per viam denuntiationis, accusationis, aut querela, quam etiam ex officio procedi, & inquiri, condignique supplicii affici debeat. Circa quæ notat Nald. v. Religiosus n. 37. tales pœnas non obligare in conscientia ante sententiam, saltem declarationem delicti, cum merus etiam detentor, ac prædo manuteneri debeat in possessione, dum de principali cognoscitur. Quamquam hæc doctrina non procedat quoad illam pœnam, quæ in iisdem decretis statuitur contra recipientes dona a Regularibus in casu non permissio (nimirum, quod si vel ab aliquo particulari Religioso, vel a Superiore quopiam Generali, Provinciali, aut aliquo quocumque officio fungente, aut a Conventu, Capitulo, vel Congregatione, sive ab universo Ordine, & Religione quidquam receperint, id, quod acceperint, suum non faciant, verum ipso facto absque aliqua monitione, decreto, sententia, aut declaratione ad illius restitutionem omnino in utroque foro teneantur, adeo ut, restitutione ipsa realiter non facta, neque etiam in foro conscientia absolvi possint: hoc enim ipso, quod res donatas non faciunt suas, tenentur eas restituere; cum res aliena semper intetpellet pro Domino, & maneat obnoxia restitutioni.

Quæres 40. An, & qua pœna afficiantur Moniales, si omnino volentes vivere absque emissione professionis, & clausura, aliquam aliam in futurum recipiant in suum Ordinem, ac Congregationem.

54. Resp. Ea affici pœna, quod sic receptæ ad taliter vivendum omnino inhabiles redduntur, & illarum quolibet professio, ac receptio irrita est, ac nulla, ita statuente Pio V. in Bulla Circa Pastoralis 8. in ordine.

Quæres 41. Quam pœnam contrahant Moniales, si contra prohibitionem Pii V. factam in Bulla modo citata recipiant Conversas professas.

55. Resp. Quod, cum juxta dicta hic cap. 7. qu. 19. ejusmodi prohibitio per contrariam consuetudinem legitime abrogata sit: consequenter pœna dictæ prohibitio-

nis transgressoribus imposita (videlicet quod dictarum Conversarum receptio esset nulla, irrita, & inanis) etiam ipsa abrogata est; sicque Moniales in præsentia recipientes Conversas nulli pœnæ subjiciuntur, stando in jure communi.

Quæres 42. Quæ pœna statuta sit contra Moniales, si Abbatissam eligant, non servata forma ad talem effectum præscripta in cap. quia propter de elect. in 6.

56. Resp. Quamvis in citato cap. quia propter dicatur Qui vero contra præscriptas formas eligere attentaverint, eligendi ea vice potestate priventur; Nihilominus quia ignorantia juris excusat mulieres l. regula ff. de jur. & fact. igno. si Moniales ignoranter eligant, non servata illa forma; non ideo in pœnam debent privari per Superiorem jure eligendi pro ea vice, sed debent manuteneri in possessione talis juris, excusante eas conditione sexus, ac ignorantia. Ita Tambur. d. 28. de jure Abbatiss. qu. 5. n. 8. ex Menochio conf. 67. n. 27. qui proinde, consequenter differendo, dicerent Moniales subiacere præfatæ pœnæ, si scierent, & advertenter eligerent Abbatissam, non servata illa forma: sic quippe cessaret ratio illas excusandi, ut patet: puto quidem, quod si Moniales nossent formam illam eligendi, sed eam non advertenter in ipso actu electionis, possent probabiliter excusari a dicta pœna, cum inadvertentia æquiparetur ignorantie, teste Suarez sup. d. 4. sect. 8. n. 11. & disposita de hac procedant etiam quoad illam.

57. Addo, quod, cum hodie præter Superiorem possit Ordinarius interesse electioni Abbatissæ sive per se, sive per alium, ut patet ex Conclit. 18. Greg. XV. debent Regulares significare dicto Ordinario diem electionis Abbatissæ, eumque expectare usque ad tempus præfixitum, si ipse antea expresse declaravit se velle interesse vigore facultatis quoad hoc sibi attributæ; alioqui potest Ordinarius animadvertere in Regulares, qui ante tempus significatum, aut die electionis eidem non prænuntiata ad Abbatissæ electionem procedunt: sic enim declaravit Sacra Con-

Congregatio explicans Bullam præfatam in *resp. ad dubium 15*. Unde quis potest inferre tali casu non dari facultatem puniendi Moniales modo dicto procedentes ad electionem, sed solum Religiosos, quibus Moniales sunt subiectæ: de his quippe loquitur declaratio, non autem de iis, quæ subiacent Ordinario.

Quæres 43. Cui pœne subiciantur Moniales, si contra Constitutionem Greg. XIII. editam 1. Jan. 1583. & ex parte relatum 6. præced. qu. 38. eligant Abbatiſſam ultra triennium.

58. Resp. Subjici huic pœnæ, quod electio, & præfectio hujusmodi, ac omnia, & singula, quæ inde sequuntur, irrita, nulla, & inania, nulliusque roboris, ac momenti sunt: sic namque expresse habetur in dicta Constitutione. Ubi *Tambur. sup. d. 3. q. 1. n. 4.* aliis citatis notat Abbatiſſam electam ultra triennium contra formam istius Conſtit. non posse suum munus exercere, neque per triennium: probatque, tum quia Conſtitutio Pontificia dat formam electionis, ob quam redditur actus individuus; sique procedit regula *utile per inutile viſiatur*: tum quia *Farinac. tom. 1. p. 1. decif. 30.* & alii in simili docent locationem honorum Ecclesiasticorum factam ultra triennium non valere, neque per triennium: est autem par ratio in præſenti casu.

Utrum vero attenda dicta Conſtit. Gregorii XIII. possit eligi Abbatiſſa saltem ad beneplacitum Monialium, saltem valide.

59. Resp. Tambur. n. 9. Non posse, cum officiales non possint eligi ad beneplacitum, quippe qui alias dicerentur perpetui; cum tamen in præfata Constitutione talis perpetuitas omnino reprobetur. Ita *Tamburinus*, aliis citatis, monens *n. 10.* ex Decreto Sacræ Congregationis facto 18. Nov. 1595. per dictam Constitutionem non prohiberi, quin Abbatiſſæ quotannis mutari possint.

Illud etiam hic controverti potest, an, attenda Conſtit. Gregorii XIII. paulo ante relata, possit Abbatiſſa completo triennio sui Abbatiſſatus obtinere munus præſidentis, donec eligatur nova Abba-

tissa: & ratio dubitandi est, quod in ea Constitutione de Abbatiſſis statuitur, ut postmodum, elapso triennio, suis officiis persunctæ præſſe deſinant, omnique prorsus careant auctoritate, ac a regimine, & administratione Monasterii per triennium a die finitæ administrationis inchoandum abſineant.

60. Resp. Videri probabile quod possit; cum id cedat in magnum commodum Monasterii, ut notavit *Miranda qu. 7. de Monial. art. 9.*, & aliàs Conſtitutio citata Gregorii possit benigne interpretari; sicut aliam similem Sixti V. interpretatur idem *Miranda*; nimirum, quod Abbatiſſæ, expleto triennio sui Abbatiſſatus, non possint habere quodcumque aliud officium ad aliud triennium; non vero, quod eligi non possint ad breve tempus in Præſidentem Monasterii modo disposita viri docti a me consulti, & in terminis *Tamb. qu. 3.*, proſe allegans etiam *Lavorium*. Nobiscum sentit *Sanctorius in comment. ad Conſtitut. Minorum c. 11. stat. 7.*, & cum illo *Diana par. 7. tr. 12. ref. 19.*, & hoc non obstante declaratione Sacræ Congregationis adducta a *Gavanto in Manual. v. Monialium Officiales n. 20.* his verbis: *Officium Abbatiſſæ finito triennio expirat, nec Episcopus potest illud prorogare*: quæ declaratio benigne potest explicari, sicut modo explicavimus Constitutionem Gregorii.

61. Monet præterea *Tambur. qu. 2. n. 1.* Constitutionem præfatam Gregorii XIII. non habere locum in Abbatiſſis, quæ sunt per præſentationem, ac institutionem; cum talis institutio, & confirmatio sit perpetua: quod etiam docet *Portell. de dub. regul. v. Abbatiſſa n. 10.* addens, Abbatiſſam primam fundatricem alicujus Monasterii S. Claræ posse continuare in officio Abbatiſſæ per viginti annos in vim statutorum illius Ordinis; quod tamen non video, quo pacto subsistere possit, itante plenissima derogatione quarumcumque consuetudinum, Constitutionum Apostolicarum, statutorum, ac privilegiorum, quæ sit in dicta Constitutione.

Quæres 44. Quæ pœna imposita sit ju-re communi contra moniales, si electæ in Abba-

Abbatissas solitas benedicti intra annum a tempore sua confirmationis, munus benedictionis non suscipiant.

62. *Resp.* Illas cadere jure suo; non quidem ipso facto, sed per illos, ad quos pertinet providere Monasterium de Abbatissa. Habetur expresse in *Clem. attendentes de statu Monach. §. Statuimus*, ubi dicitur: *Statuimus insuper, ut quævis ad regimen Abbatiarum assumpta in Monasteriis, in quibus Abbatissa sunt solita benedicti, intra annum a sua confirmationis tempore computandum munus benedictionis suscipiant, alioquin a jure suo, nisi subsit causa rationalis, prorsus se noverint cecidisse per illos, ad quos id pertinet, provisione de Abbatissa Monasteriis ipsis canonice facienda.* Ubi notanda sunt verba illa: *se noverint cecidisse per illos &c.*, quæ indicant ejusmodi pœnam esse ferendam, utpote requirentem alterius actionem, ad hoc, ut incurratur, quod est signum censuræ ferendæ, ut bene observavit *Bonac. d.1. de censur. in comm. qu.1. p.1. n.6.*

Quæres 45. Qua pœna puniantur Moniales, si post emissam religiosam Professionem permittant se violari.

63. *Resp.* Puniri pœna perpetui carceris, ex *cap. impudicas 77. qu.1.*, cum alioqui violator longe graviori supplicio plectatur, ut ostendimus *cap.4. sect.3. qu.3. §. Notat*, ubi de hac re ex proposito egimus.

Quæres 46. Quam pœnam incurrant Moniales, si permittant se eligi in Abbatissas, aut Priorissas contra formam eligendi præscriptam in Concil. Trid. sess.25. c.6. de Regul.

64. *Resp.* Talem electionem esse irri-

tam ipso facto; & taliter electam manere inhabilem ad quælibet officia Conventus obtinenda; idque sive permittant se eligi per suffragia non secreta, sive constituent Abbatissas, Priorissas, aut alias quascunque titulares ad effectum electionis obtinendæ, sive supplicant voces, ac suffragia absentium: habetur expresse in Concil. Tridentino *loc. cit.*, si monuero irritationem quidem electionis sequi etiam ante Judicis sententiam declaratoriam, sive pœnæ, sive delicti, & hoc ob ea, quæ habet *Suar. lib.5. de leg. c.32. n.1.* non item inhabilitatem ad officia Conventus; quæ utique requirit sententiam Judicis, juxta doctrinam traditam a *Sanchez l.9. de matr. d.3. num.1.*

Quæres 47. Qualiter puniri possint Moniales, si non recitent in Choro hymnos jussu Urbani VIII. correctos.

65. *Resp.* Posse puniri ab Ordinario, tamquam Sedis Apostolicæ delegato censuris, ac pœnis Ecclesiasticis, aliisque opportunis juris, ac facti remediis, & quidem appellatione postposita; idque ex Constitutione ipsius Urbani VIII. *Cum alias supremi*, edita 27. Aprilis 1643.

Quæres 48. Qualiter puniantur Moniales incorrigibiles.

66. *Resp.* De jure communi debere tradi in arctius Monasterium, juxta *c. Si qua Monachorum 27. qu.1.*, quamquam, ut notat *Tambur. sup. d.21. qu.4. n.5.* melius esset illas includere in Monasterii carcere, ne alioqui sint aliis offendiculo, & ut tanto citius resipiscant, vexatione dante intellectu: sed de hoc plura superius *cap.3. sect.1. qu.13. & 14.*



CAPUT IX.

De Privilegiis, quæ Monialibus competunt sive per se ;
sive per viam communicationis.

1. **M**oniales, etiam non exemptæ, gaudent privilegiis sui Ordinis.
2. Communicant item de privilegiis aliorum Ordinum.
3. Viri Religiosi communicant de privilegiis Monialium.
4. Moniales non exemptæ fruuntur privilegiis, ad quorum usum petitur ministerium Prælati regularis ex tenore concessionis.
5. Moniales exemptæ ab Ordinario, sed non omnes.
6. Eximuntur a foro seculari.
7. Idque procedit etiam quoad Tertiarias viventes extra Communitatem.
8. Quod si hæc vivant in communi, certior est assertio.
9. Eximuntur a foro seculari viri laici, qui assumpto habitu religioso serviunt Monialibus.
10. Non item Puella degentes intra Clausuram in educatione.
11. Dicta tamen Puella gaudent Immunitate Ecclesiæ, sicut & ipsæ Moniales; non tamen intra Monasterium.
12. Moniales gaudent privilegio Canonis (et si Novitia a Monialibus senioribus ad correctionem possint percuti) hoc privilegio gaudent sœmina seculares degentes sub Clausura, mutato habitu cum velo albo, & obligatione recitandi certas preces: quæ sœmina licite admittuntur in aliquo loco ad servitia Conventus, & gaudent privilegio fori.
13. Eodem privilegio fruuntur Tertiaria, si servant aliqua.
14. Eo fruuntur sœmali in habitu religioso Monialibus servientes, et si seculares.
15. Eximuntur Moniales a jure Parochia.
16. Item a gabellis, & a quavis contributione.
17. Item a decimis, & a Seminarii contributione.
18. In articulo mortis profitentur solemniter, etiam anno probationis non absoluto: idque si admissa ante ingressum letaliter decumbant, & extra Conventum de licentia Superioris incipiant novitiatum. Conventus lucratur dotem Novitia profitentis in morte, in scio Ordinario, sed si nito anno novitiatus, cum professo facta in morte teneat; imo succedit Novitia ab intestato, et si dicat hæc se id nolle.
19. An absolvantur a quinque casibus Clem. VIII. per Confessarios Regulares.
20. Tempore Jubilæi non eligunt Confessarium, æque ac alia sœmina laica.
21. Et conformiter praxi plura hic notantur de Jubilæo.
22. Non utuntur Bulla Cruciatæ, aut alio simili indulto concedente reservata.
23. Bis, aut ter in anno iis assignandus Confessarius extraordinarius.
24. Absolvantur a reservatis juxta indulta Regulariam, si confitentur,

teantur Sacerdoti Regulari, & subsint Prælati Ordinis: secus si constentur Sacerdoti seculari, & subsint Ordinario; quod tamen interdum fallit: non subsunt reservatis ab Episcopo nisi quoad Clausuram.

25. Si subsint Ordinario, per eum absolventur a reservatis vigore indulti petentis ad sui usum. Prælati Regularis ministerium.
26. A casibus Bulla Cæna quomodo absolventur per Prælatus Regularem, aut Ordinarium, quibus respective subdantur.
27. Adjungitur alia limitatio.
28. Absolvuntur a reservatis, etiam invito Prælato, si Confessarius petat facultatem, & non obtineat.
29. Idque etsi subsint Ordinario, ac proinde earum Prælatus sit ipse Ordinarius.
30. Et hoc procedit, etiam quoad reservatos, quorum facultas competit Prælati ex delegatione, aut ratione necessitatis: etsi aliis quadam indulta ad absolutionem reservatorum data fuerint revocata.

Quæres 1. An Moniales gaudeant privilegiis sui Ordinis, si sint exemptæ a potestate Ordinarii, si non.

1. Resp. **G** Audere loquendo de illis privilegiis, quorum ipsæ sunt capaces ex conditione proprii status, ac sexus, ita Rodriq. tom. 1. qu. 13. art. 22. Suar. l. 8. de leg. c. 19. n. 3. Castrus Pal. tr. 3. d. 4. p. 12. n. 1. Tambur. d. 17. de jure Abbatis, qu. 1. n. 1. alii contra Barbosa l. 1. de jur. eccl. c. 41. n. 117. Sanch. l. 6. mor. c. 7. n. 116. Probat autem responsio tum ex variis privilegiis ad talem effectum concessis Monialibus diversorum Ordinum, quæ videri possunt apud Tamb. n. 3. & seq. tum, quia in concessione privilegiorum non attenditur sexus, sed qualitas,

idest talis status Religiosus, qui æqualiter adest in Monialibus, ac in viris Religiosis uniuscujusque Religionis, tum quia in materia favorabili fœmininum comprehenditur sub masculino in iis, quæ possunt accommodari fœminis, nisi forte in ipsa concessione privilegii expresse dicatur factum viris Religiosis: quo casu privilegium non extenderetur ad Moniales, intellige de jure communi: nam secus dicendum, posito privilegio bullato Leonis X. concessio Monialibus, & relato a Casarub. in comp. v. commun. privil. n. 18.

Hæ porro rationes suadent intentum, siue Moniales immediate subdantur proprio Ordini, siue sint subditæ Ordinario loci, aut Sedi Apostolicæ: & probatur, tum quia ubi est eadem ratio, debet adesse eadem juris dispositio, l. illud, ff. ad leg. Aquil., l. a Titio ff. de verb. oblig.: est autem eadem ratio quoad usum privilegiorum sui Ordinis tam de Monialibus exemptis, quam non exemptis: cum non deceat Moniales, quæ tanquam exemptæ gaudebant privilegiis sui Ordinis, modo privati usu dictorum privilegiorum, & simul favore exemptionis aliis ipsis competente: præsertim cum privilegium tollens unum non tollat aliud, l. si domus tua ff. de servitut. præd. urban., & cap. pastoralis de privil., tum quia Sixtus IV., teste Casarub. sup. §. 2. concessit Monialibus S. Dominici, & S. Francisci privilegia suorum Ordinum; nec distinxit, vivane sub cura, ac regimine dictorum Ordinum, nec ne: tum quia Bonifacius VIII., teste Rodriq. in suo Bullario Bulla §. dicti Bonifacii, concessit Monialibus S. Claræ, ut gaudere possint omnibus privilegiis, ac indulgentiis Fratrum Minorum; & quidem non solum concessis, sed etiam concedendis in posterum: & tamen tempore talis concessionis præfata Moniales non erant sub cura, ac regimine Fratrum Minorum, ut advertit Portell. p. 2. resp. mor. casu 14. n. 3.; quod est signum non esse denegandum usum dictæ concessionis Bonifacii VIII. Monialibus S. Claræ, etsi postea commissæ regimini, ac curæ Fratrum Minorum ab Eugenio IV. iterum

K k

subtra-

subtraheantur sint ab eorum gubernatione, ac subiectæ Ordinariis (quod item competet Monialibus aliorum Ordinum per viam communicationis privilegiorum), tum quia Leo X., & Sixtus IV., qui in contrario allegantur, utpote statuentes, privilegia Fratrum Minorum suffragari solum Monialibus S. Claræ sub obedientia illorum degentibus, interpretari possunt, concessisse quidem præfata privilegia in specie Monialibus S. Claræ viventibus sub obedientia Fratrum Minorum, (eo quod forte de illis in specie interrogati fuerunt) sed non ideo negasse, quin dicta privilegia item suffragari possint iisdem Monialibus, quantumvis non existentibus sub regimine dictorum Fratrum; qua de re *Tambur. sup. qu. 2.*, *Portell. ubi sup.*, & *Pasqualig. decis. 179. n. 4.* nobiscum sentiens.

Dixi sub initium responsionis: *quorum ipsæ sunt capaces*; ut indicarem dari aliqua privilegia, quæ non suffragantur Monialibus, eo quod hæc illorum sint incapaces ratione sexus. Quamquam si resp. tu hujus, aut illius Monialis cesset talis incapacitas, iis possint suffragari talia privilegia: v. gr. privilegium legendi libros prohibitos, quod detur competere Regularibus, (sicut de facto aliàs competeat) non suffragatur in actu secundo Monialibus, eo quod sint conscripti idiomate latino, aut alio ipsis ignoto, vel quod contineant materias doctrinales, quæ non intelliguntur a Monialibus: si tamen de facto aliqua Monialis ita profecit in studiis, ut bene intelligat dictos libros, ea vigore dicti privilegii possit illos legere: quod idem dicendum est de libris idiomate Italico compositis, qui sint prohibiti, hos scilicet posse legi a Monialibus, si privilegium illos legendi adhuc duraret respectu Regularium virorum. Moveor, quod juxta dicta, privilegia concessa viris Religiosis competunt etiam Monialibus, si ex sint illorum capaces; ergo cum de facto ex in casu proposito sint capaces legendi libros prohibitos, privilegium illos legendi iis suffragabi-

tur, quippe quod competit Monialibus per se, & solum per accidens cessat iis suffragari, idest ratione incapacitatis, quæ potest tolli, imò & de facto tollitur in casu proposito.

Quæres 2. An, & quomodo Moniales diversorum Ordinum simul communicent de privilegiis concessis unicuique illorum.

2. *Resp.* Communicare; & probatur ex eo, quod juxta dicenda *qu. seq.*, viri Religiosi per viam communicationis participant de privilegiis Monialium sui Ordinis; & vigore talis participationis dicta privilegia sunt propria præfatorum virorum Religiosorum; perinde ac si ipsis fuissent per se primo concessa, ut recte notavit *Portel. de dub. regul. v. Privilegia n. 12.*, nosque alibi probabimus: ex alia parte Moniales ipsæ gaudent omnibus privilegiis sui Ordinis, quorum sunt capaces, ut probatum est *qu. præc.*; sicque Moniales unius Ordinis fruuntur privilegiis Monialium etiam aliorum Ordinum, si non per immediatam communicationem, saltem per mediatam, quam scilicet habent a Religiosis sui Ordinis: quamquam probabile est, id ipsis Monialibus competere etiam per immediatam communicationem; quatenus ea concessa viris Religionis alicujus, hoc ipso censentur concessa Monialibus illius ob rationes adductas *qu. præc.*: ita docti viri a me consulti, & novissime *Pasqualig. decis. 178. n. 3.*

Quæres 3. An, sicut Moniales gaudent privilegiis virorum Religiosorum, sic & hi gaudeant privilegiis Monialium.

3. *Resp.* Gaudere: & probatur, tum quia equum est, ut, sicut Moniales fruuntur privilegiis concessis viris Religiosis, sic & hi fruuntur privilegiis, quæ sunt concessa Monialibus, debita tamen servata proportionem: tum quia hæc est natura dispositionis favorabilis, ut sub masculino comprehendat femininum, & masculinum sub feminino; siquidem favores debent ampliari. Ita *Peyrin. tom. 2. privileg. Constit. 8. Pil V. §. 2. n. 3.*, ex *Peregrino*, & bene.

Quæres 4. An, & quomodo Moniales imme-

Immediate subiectæ Ordinario uti possint privilegiis, ad quorum usum ex tenore concessionis requiritur ministerium Prælati Regularis, cui aliàs deberent esse subdita, cujusmodi v. gr. est privilegium dispensandi &c.

4. *Resp.* Posse uti, si in tenore concessionis habeatur præfata privilegia suffragari Regularibus per ministerium proprii Prælati, abstrahendo, quod Prælatus sit Regularis, aut non Regularis; cum enim Ordinarius sit proprius Prælatus Monialium non exemptarum, in dicto tenore concessionis venit nomine Prælati: secus si in tenore concessionis supponatur privilegia suffragari Religiosis per ministerium Prælati Regularis; sic quippe Ordinarius respectu Monialium non exemptarum dici non potest venire nomine Prælati Regularis, cum vere non sit Regularis.

Quæres 5. An, & qualiter Moniales gaudeant privilegio exemptionis ab Ordinario loci.

5. *Resp.* Quod, cum non possit in specie determinari, quæ Moniales tali gaudeant privilegio, & quæ non (cum hæc sit quæstio facti, non juris, & de facto non respondeat Jurisconsultus, l. eum quem §. 7. ff. de judic.) illud solum hic generaliter dici potest, solutionem præsentis quæstionis desumendam esse ex tenore privilegiorum uniuscujusque Monasterii, juxta cap. porro de privil. sicque dicere possumus illas omnes Moniales esse exemptas ab Ordinario jurisdictione, quæ vel immediate subsunt Sedi Apostolicæ, vel subduntur gubernationi Prælatorum Regularium, etsi aliàs illæ subsint Ordinario quoad Clausuram ex Concil. Trident. sess. 25. de regul. c. 5., hæc vero saltem de facto, ut innuit c. 5. sess. 1. qu. 5. Ordinarii id sibi arrogantis forte ex consuetudine legitime præscripta, & decreto Sacre Congregationis relato a Naldo v. Monialis n. 3., & a nobis indicato c. seqq. num. 22.

Quæres 6. An, & quo jure Moniales fruuntur privilegio exemptionis a potestate fori secularis.

6. *Resp.* Frui illo eodem jure, quo

fruantur viri Religiosi, nimirum jure Pontificio fundato in jure Divino: Ita Molin. tom. 1. d. 31., alique plures Canonistæ, ac Theologi apud Castrum Palatum tract. 12. d. un. p. 1. n. 4. Probatur ex eo, quod Moniales revera sunt personæ Ecclesiasticæ: personæ autem Ecclesiasticæ gaudent privilegio fori, ut constat ex tota 11. qu. 1. cap. Non minus de immunit. Eccl., & aliis juribus; sicque Moniales omnes sunt exemptæ a solutione tributorum, quæ imponuntur a potestate seculari, ab obligatione legum civilium, ac punitione delictorum, quæ fiat a Judice non Ecclesiastico: hæc omnia sequuntur ad talem exemptionem.

An autem isto privilegio gaudeant etiam Moniales Tertiariæ.

7. *Resp.* Gaudere, etsi non vivant in communitate; & probatur, tum quia personæ annexæ Ordini confirmato a Sede Apostolica sunt, & dici possunt personæ Ecclesiasticæ, ac Religiosæ, teste Rodrig. tom. 2. qu. 65. art. 5., sicque gaudebunt privilegio fori competente omnibus personis Ecclesiasticis; tum quia omnes Conventus dicuntur personæ Ecclesiasticæ, ac devoti Deo, ut habetur in cap. quisquis 17. qu. 4.: tales autem sunt Tertiariæ, cum ad Deum sint conversæ, mutent habitum, ac statum, & traditam sibi regulam observent; sicque frui poterunt privilegio fori, personis Ecclesiasticis competente: tum quia, quod de aliquibus participat, censetur esse de natura illius extremi, cui plus assimilatur: at Tertiariæ magis assimilantur sœminis Religiosis, ut constat ex modo dictis; ergo censi debent personæ Ecclesiasticæ, ac Religiosæ; sicque dicendæ sunt frui privilegio fori. Ita Rodrig., Tuscus litt. E. concl. 470., alique penes ipsos, & non improbabiler, nisi forte obstat praxis.

8. Dixi, *etsi non vivant in communitate*; si enim vivant in communitate, Mol. to. 4. d. 50. n. 4., Grassi lib. 2. decis. c. 49. n. 27., Suar. d. 21. de censur. sess. 1. n. 20., Barbosa de offic. Ep. alleg. 12. n. 41., alique fere communiter supponunt tamquam certum, illas gaudere privilegio fori;

K k 2 cum

cum sic vel sint Religiosæ, vel æquiparentur Religiosis, vitam religiosam imitantes, ut indicat *Castr. Pal. sup. p. 2. n. 10.*, quoad hoc nobiseum sentiens; alioqui sustinens, Tertiarias viventes in propriis domibus carere tali privilegio, ideoque ut laicas posse judicari, ac puniri.

9. Imo *Bonac. d. 1. de censur. in partic. qu. 16. sect. 1. p. 3. n. 18.*, & cum eo *Diana p. 4. tr. 1. resol. 31.*, alique, & non improbabiliiter sustinent, homines laicos, qui assumpto habitu religioso adhibentur ad obsequia Monialium, & ad petendam pro ipsis elemosynam, gaudere hoc eodem privilegio fori: quippe in materia favorabili censentur quasi Religiosi, utpote intimius pertinentes ad personas Religiosas, & speciali quadam ratione Deo devoti: quod, juxta superius dicta, videtur sufficere ad hoc, ut quis dicatur gaudere privilegio fori, quamvis aliis sit laicus.

Dubitari hic etiam posset, an puella causa educationis degentes in Monasteriis Monialium fruuntur privilegio fori, quamdiu ibi commorantur.

10. *Resp.* Non frui; cum ex non sint personæ Ecclesiasticæ; neque formaliter, ut patet; neque per æquiparationem; cum non mutant habitum, nec possint dici specialiter Deo devotæ juxta *cap. quisquis 17. qu. 4.* quare non apparet quo titulo dicendæ sint gaudere privilegio fori, nisi forte ratione familiaritatis, seu commensalitatatis, aut educationis: quæ non videntur sufficere ad participandum de privilegio fori: ita docti Neoterici a me consulti.

Quod si hac occasione obiter quæras an præfate puella casu, quo intra Monasterium committerent grave aliquod delictum (v. gr. homicidium) possint inde extrahi, non obstante beneficio immunitatis Ecclesiastica concessæ Ecclesiis, ac Monasteriis omnium Religiosorum utriusque sexus.

11. *Resp.* Quod, eum Doctores in quæstione, qua quærun, an Clerici, ac Religiosi in propriis Ecclesiis, ac Monasteriis gaudeant immunitate respectu suorum Superiorum, alii partem affirmantem susci-
neant cum Innocentio Deciano, aliis-

que Canonistis, & alii negantem cum *Covarr. Sylv. Nav. Suar.* & aliis pluribus; ut videre est apud *Bonac. sup. d. 2. qu. 3. p. 16. §. 5. n. 5.* qui utramque partem censet esse probabilem, ad hærens tamen neganti tamquam probabiliori, consequenter in præfenti casu dicendum est puellas præfatas intra Monialium Monasteria dici posse frui beneficio immunitatis, si velimus amplecti partem affirmantem; secus, si adhæreamus parti neganti, quam plures amplectuntur tanquandiu probabiliorum; siquidem in utroque casu procedit par ratio; ut constabit bene perpendenti rationes utriusque partis propositæ; ubi autem militat eadem ratio, militat & eadem juris dispositio: ita recentiores sane docti a me consulti, & probabiliter; quamquam (ut ingenuè fatear quod sentio in hoc) mihi non displicet sententia *Bordoni resol. 1. n. 8.* sustinentis Religiosos gaudere immunitate tam intra proprias Ecclesias, quam in Monasteriis aliorum Regularium, non autem intra proprium Conventum: idque ne aliis impunita remaneant delicta Religiosorum: quod regulariter eveniret, eum si semper habitent in proprio Monasterio. Et quidem quod gaudeant immunitate in propria Ecclesia, imo & in Monasteriis aliorum Ordinum patet, tum quia sic cessat absurdum modo adductum; tum quia indultum immunitatis concessum fuit locis Ecclesiasticis, ut debitus honor Dei in iis conservetur, abstrahendo ab hoc, vel illo genere personarum: locus autem Ecclesiasticus injuria afficitur, si ve extrahatur Religiosus, si ve Sæcularis. Unde inferri potest, etiam Moniales, & puellas, quæ apud ipsas educantur, gaudere immunitate in propria Ecclesia, non item intra suum Monasterium.

Quæres 7. *An Moniales gaudeant privilegio Canonis, & quæ.*

12. *Resp.* Gaudere, si ve ex sint professe, si ve Conversæ (ut vocant) si ve etiam novitiæ: est communis DD. & patet, quia in *cap. si quis suadente 17. q. 4.* ubi tale privilegium conceditur personis Ecclesiasticis, etiam Moniales comprehenduntur sub nomine Monachi in illis ver-
bis:

bis: *Si quis, suadente diabolo, manus violentas in Clericum, vel Monachum injecerit*: Siquidem in materia favorabili, (qualis est hæc) sub masculino comprehenditur femininum, ut sæpius dictum est: & certe, quod spectat ad novitias, inde probatur responsio, quod novitii in favorabilibus veniunt nomine Religiosi. Quin etiam docet *Fillius. tr. 15. n. 14.* Oblatas Monasterii Speculorum de Urbe frui hoc eodem privilegio: & tamen ex vere non sunt Religiosæ: quippe quæ ex vi status, & modi vivendi, quem assumunt, vel nulla vota emittunt, vel ad summum non emittunt nisi duo, nempe stabilitatem, & conversionem morum, ac obedientiam juxta consuetudinem Congregationis, ut constat ex tenore oblationis, quam faciunt, & ad me rescriptit P. Baldellus, addens tamen illas gaudere privilegio Canonis, eo quod vere sint Oblatæ Ordinis Olivetani, & illarum oblatio sit approbata a Sede Apostolica: ex alia vero parte *cap. quisquis 17. q. 4.* dicatur facere sacrilegium, qui facit injuriam Clericis, vel Monachis, vel etiam personis Deo devotis. Unde fit, ut Ursulinæ degentes Parmæ, & Virginis Castilione habitantes dici possint item gaudere privilegio Canonis, si revera dici possint personæ Deo devotæ, & vita ipsarum communis sit approbata saltem ab Episcopo; ut advertit idem P. Baldellus a me consultus.

Addo privilegium Canonis competente feminis, quæ mutato habitu sub Clausura cum velo albo, ac obligatione recitandi quotidie certas preces admittuntur ad famulatam Monasterii: absque emissionem votorum substantialium Religionis: Idque ob doctrinam traditam supra *c. 9. n. 3.* quæ juxta dicta *ibidem n. 9.* probat dictas feminas gaudere etiam privilegio fori. Tales autem feminas cognovi admitti Forilivii in Monasterio Monialium S. Claræ, & S. Catharinæ de licentia solius Ordinarii ex antiqua consuetudine, ac putata immemorabili, quæ utique talem admissionem reddere potest licitam; cum consuetudo det ordinariam jurisdictionem, l. *inspeximus in gloss. v. consuetudine de man-*

cip., & consuetudo, cujus initii memoria non extat, vim habeat privilegii, etiam in quæstibilibus solo privilegio, *cap. super quibusdam de verb. significat.* Sic ego in specie interrogatus, respondi; addens, quod cum nemini debeat abstrahi jus suum, *Instit. de his, quæ sunt sui, s. fin.* talis consuetudo potest continuari, cum non sit abrogata (ut suppono), Idque non obstante Bulla Pii V. relata *sup. c. 7. n. 26.* in qua expresse derogatur consuetudinibus etiam immemorabilibus: nam derogatio cadit supra consuetudines tunc indutas, easque contrarias observantiz clausuræ, cujus restitutio in dicta Bulla principaliter intenditur, ut colligitur ex verbis illis Bullæ *s. 9.* *positis, præmissis constitutionibus, & ordinationibus Apostolicis statutis, & consuetudinibus, etiam immemorabilibus:* quæ referuntur ad *s. 1.* ubi solum est sermo de consuetudine contraria observantiz clausuræ, ut constat ex illis verbis; *nec unquam in earum Monasteriis, seu domibus etiam ab immemorabili tempore ea servata non fuerit* (id est clausura) quod repetitur etiam *s. 2.* a diversis autem non fit illatio, & aliàs dicunt plures Juristæ, hoc ipso, quod consuetudo est immemoralis, præsumi honestam, & censeri debere habuisse ortum ex privilegio; vel ex quocumque alio meliori principio.

Quod si ejusmodi feminæ essent admittendæ ad novitiatum, tunc puto non solum debere explorari earum voluntatem juxta dicta *cap. 2. sect. 1. qu. 4.* cum respectu illarum militet finis exploratio- nis, sed etiam debere admitti cum dote debite deponenda juxta dicta; & de consensu capitulari Conventus; enim consensus capituli præmitti solitus, quando admittuntur modo dicto ad famulatam Monasterii, non sufficiat ad hoc, ut ex- dicantur admittæ ad novitiatum: hæc enim admissio plura supponit, quam admissio ad simplicem famulatam Monasterii: a diversis autem non fit illatio.

Utrum vero Moniales, quæ vulgo dicuntur Tertiariæ, gaudeant privilegio Canonis, etiam si seorsum habitent in propriis domibus.

13. *Resp.* Filiucius supra, gaudere, si virginalem aut cœlibem, vel castam vidualem sub voto expresso vitam degant, deferendo habitum suum religiosum; probatque tum ex quadam declaratione Sacre Congregationis Concilii, qua decisum fuit dictas Tertiarias gaudere privilegiis Religiosorum, & esse exemptas a jurisdictione Ordinarii; tum quia, ut recte notavit Suarez d. 22. de censur. sect. 1. n. 20. juxta intentionem, ac interpretationem juris hujusmodi Tertiariæ comprehenduntur in citato cap. si quis suadente; quippe quod accipitur non pro solis Religiosis vere professis, sed etiam pro omnibus, qui secundum aliquem modum participant illum statum; ita ut vi talis participationis sint peculiariter Deo dedicati, & devoti juxta formam loquendi adhibitam in cap. quisquis 17. q. 4. ubi dicitur sacrilegium committere cum, qui injuriam facit Clericis, vel Monachis, sive Deo devotis: unde, cum præfatæ Tertiariæ sint Deo dicatæ secundum quandam participationem status Religiosi approbatam ab Ecclesia; etsi non sint proprie Religiosæ, nihilominus comprehenduntur sub latitudine personarum Ecclesiasticarum, & per consequens in dicto cap. si qui veniunt nomine Monachi.

Monaco hic unum, quod dicunt Suarez d. 22. de censur. sect. 1. n. 48. & alii Doctores; senioribus Clericis, qui zelo devotionis percutiunt juniores Clericos, solum permitti, ut possint id facere erga pueros, aut juvenes in minoribus constitutos turbantes divinum Officium: posse extendi ad Moniales seniores respectu Monialium novitiarum, quippe quæ æquiparantur Clericis in minoribus constitutis: ideoque licite has posse percuti a Monialibus senioribus causa correctionis, ut bene advertit P. Zannettus a me de hoc interrogatus; addens, quod, cum in c. cum voluntate de sent. excomm. 5. si quis vero dicatur: Quod de his dicendum est, qui aliquos de familia sua, vel propinquos inferiorum graduum simili modo, ut cobi-beantur a suis insolentis, & scientia, bonisque moribus informantur, duxerint cor-

rigendos. Hinc colligitur limitationem illam, quod possint percuti Clerici in minoribus constituti solum in casu, quo inturbant divina Officia, non videri necessariam, cum textus loquatur absolute, & non solum in ordine ad delictumurbationis divinatorum Officiorum: unde fit, ut Moniales seniores ad correctionem possint leviter percutere Moniales novitias quocumque genere delicti delinquant: non item Moniales Professæ, etsi juniores: cum hæc comparentur Clericis in maioribus ordinibus constitutis, de quibus non loquitur textus citatus. Quare si Monialis senior in aliquo casu judicet ejusmodi correctionem esse necessariam respectu Monialis Professæ, talem facultatem obtineat ab Abbatisa, aut a proprio Prælato, etsi regulariter id non expediat.

14. Quin etiam docet Bonac. d. 2. de censur. in com. q. 4. p. 1. n. 9. homines illos, qui, assumpto habitu religioso, adhibentur ad servitia, ac obsequia Monialium, & ad petendas pro ipsis elemosynas, frui privilegio canonis; & hoc maxime ob rationem paulo ante allatam ex Suarez.

Quæres 8. An, & quomodo Moniales fruantur privilegio exemptionis a juribus parochiæ, intra quam habent Monasterium.

15. *Resp.* Frui, non quidem de jure communi, vi cuius Moniales subji-ciuntur Juribus parochiæ, intra quam degunt; sicut etiam olim subdicebantur Monasteria Monachorum Episcopo Diocesis, in qua debebant: sed ex privilegio concessio omnibus Religiosis utriusque sexus, & consequenter etiam Monialibus: quibus proinde solet deputari Sacerdos, qui fungens munere Capellani ministret eis Sacramenta, etiam in articulo mortis, sicque eis deserviat instar proprii Parochi. Ita Tamb. d. 33. de jure Abbatiss. q. 4.

Quæres 9. An, & quo jure Moniales sint exempta ab onere solvendi gabellas, & quasumque contributiones, & hospitandi milites.

16. *Resp.* Esse ex concessione Pii V. bullata 29. Junii 1566. facta Religiosis Ordinum Mendicantium utriusque sexus, & per

& per viam communicationis privilegiorum extensam ad Religiosos utriusque sexus, etiam Ordinum non Mendicantium: in qua Pontifex non minus re, quam nomine vere Pius declarat Fratres, Monachos, Moniales, ac pias regulares personas, eorumque Monasteria, Cœnobيا, Conventus, Ecclesias, Capellas, Oratoria, & alia loca, ac terras, possessiones, prædia, agros, & bona, necnon laboratores, colonos, arrendatarios locatarios; affectuarios, ac gestores, esse libera, immunia, ac exempta ab omnibus præfatis oneribus: prohibetque in virtute sanctæ obedientiæ, ac excommunicationis majoris latæ sententiæ, nec non duorum millium ducatorum auri de Camera, ne Fratres, Monachos, Moniales, & alias Religiosas personas, aliosque supradictos super præmissis quomodolibet molestent, & perturbent, neque permittant per quoscumque quomodolibet molestari. Quæ concessio est amplissima, eaque dicit *Tamb. sup. d. 17. qu. 5. n. 14.* ex Barbosa, Gratiano, Gutier., & Rodriguez gaudere etiam Moniales Tertiarias, si gestent habitum Religiosum, & collegialiter vivant, ac habitent.

Quæres 10. *An, & quo jure Moniales sint exempta ab onere solvendi decimas, aut contribuendi seminario, aut solvendi quartam funeralem.*

17. *Resp.* Esse, quo ad contribuendum quidem seminario ex declaratione Sacræ Congregationis Episcoporum facta anno 1593. & relata a Gavanto in manu. v. *Monialium cura in temporalibus n. 9.* quo ad solutionem vero decimarum ex Bulla Pii V. edita 3. Aprilis 1566. in qua sub pœna excommunicationis latæ sententiæ districtius inhibet ne Abbatissas, Priorissas, Ministras, Moniales, & Sorores, domos, & Monasteria, & loca prædicta, etiam vigore quarumcumque licentiarum a Sede Apostolica emanatarum, etiam si in eisdem contineatur, quod ad quævis exempta, & non exempta, domos, Monasteria, & loca se extendant, vel alterius cuiuscumque tenoris exsistant &c. ad solvendum decimas, seu subsidia, aut onera huiusmodi quovis modo cogere, aut com-

pellere, seu alias præmissorum occasione eas molestare, seu inquietare præsumant. Præterquamquod extant varia alia privilegia apud *Portellum de dub. regul. v. decima n. 3.* quibus Moniales, sive per se, sive per viam communicationis privilegiorum eximuntur a solutione decimarum: sed de his plura alibi in *tratt. de privilegiis*. Quod deinde Moniales sint exemptæ a solutione quartæ funeralis, expressè advertit *Portellus de dub. regul. v. canonica portio n. 8.* probatque tum quia Pius V. in Bulla hac de re edita generaliter dicit, Monasteria non teneriolvere quartam funeralem (intellige juxta dispositionem *Concil. Trid. sess. 25. cap. 13.*) Conventus autem Monialium vere sunt Monasteria: tum quia Pius V. in Bulla citata expressam mentionem facit de Monialibus dicens: *Non autem de Missis, vel aliis Fratribus ipsis, seu Monialibus relictis*: qua de re plura *Rodriguez to. 1. qu. 39. per totum*.

Quæres 11. *An, quando, & quo jure possint Moniales facere solemnem professionem ante absolutum tempus probationis, non obstante decreto Concilii Tridentini in contrarium edito sess. 25. de regul. c. 15.*

18. *Resp.* Possè, quando aliqua ex illis nondum professæ de alicujus medici consilio de hoc sæculo transitura conspiciuntur; si tamen alias sit in ætate legitima ad professionem dictam emittendam, idque ex indulto bullato Pii V. edito 23. Aug. 1570. & relato a Rodriguez in suo bullario constit. Pii V. in ordine 11. quæ sic habet: *Eisdem Monialibus Novitiis nunc, & pro tempore existentibus, & earum singulis, ut quando, & quoties aliqua ex eis nondum professæ, de alicujus medici consilio, de hoc sæculo transitura conspiciuntur, ipsa pro consolatione animæ suæ professionem prædictam ante tempus requisitum, quatenus tamen in ætate legitima constituta sit ad illam emittendam, in manibus Abbatissæ, seu Priorissæ, vel alterius Superioris Novitiarum ipsius Monasterii, seu domus: ita tamen quod ipsa Moniales Novitæ sic decedentes indulgentiam, & alias gratias, quas Moniales vere professæ decedentes consequuntur, consequi possint, emittere in articulo mortis libere,*

bere, & licite valeant, Apostolica auctoritate tenore præsentium perpetuo concedimus, & indulgemus: necnon eisdem Monialibus Novitiis, ita tunc professis decedentibus plenariam peccatorum suorum indulgentiam, & remissionem in forma Jubilæi misericorditer in Domino eisdem auctoritate, & tenore elargimur. Ita concessit Pius V. Monialibus S. Dominici, & per viam communicationis privilegiorum Monialibus etiam aliorum Ordinum, ut bene advertit Tam. sup. d. 4. q. 6. n. 14., & nos ostendimus in tract. de profess. c. 2. q. 3. ubi etiam probamus hujusmodi concessionem non fuisse a Gregorio XIII. revocatam in bulla, quæ incipit. *In tanta rerum*; nec esse opus, ut Novitia sic profitens, si postea convalescat, iterum profiteatur; neque pro foro externo, neque pro interno: denique non esse improbable, quod Monasterium succedat in bonis Monialis taliter professæ decedentis; quamvis alii dissentiant, ut videre est apud Tamburinum citata quæ. ubi hæc omnia tractat.

Difficultas esse potest, an casu, quo Novitia in casu proposito profitens ante professionem protelletur Monialibus se non intendere, quod vi suæ professionis ullum jus supra ipsius bona acquirat conventus, nullam tamen faciat dispositionem de suis bonis: nihilominus conventus succedat in dictis bonis tanquam ab intestato.

Resp. Videri succedere; & probatur, quia stante etiam ea protestatione, Novitia vere ante professionem non disponit de suis bonis, & aliqui per eam protestationem non potest derogare juri, quod conventus capax bonorum (ut suppono) habet ad succedendum in bonis suæ Religiosæ tanquam ab intestato, eique competit etiam per professionem in isto casu factam juxta non solum probabilem, sed etiam communissimam DD. sententiam, ut loquitur doctissimus Ciarlinus p. 2. c. 192. n. 23. unde cum conventus habeat jus succedendi in bonis suæ Religiosæ, quæ ante professionem de iis non disponat, succedet & in bona hujus Novitiæ profitentis, quæ revera non disposuit de suis bonis, nec illa sua potestate juri illius potuit præjudi-

care; Siquidem corrui actus, qui non innititur debitæ potestati, l. nolle ff. de acquir. hæred., & l. 2. C. communia de lege: sic ego respondi in contingencia facti.

Adde Novitiam in hoc casu profitentem acquirere jus præcedentiæ, ac si profiteretur post elapsum annum Novitiatus: qui enim vult consequens, & vult omne necessarium antecedens; & e contra volens antecedens necesse est ut velit omne necessarium consequens l. 2. gloss. doctores ff. de jurisd. com. judic.: Unde cum jus præcedentiæ sequatur ad professionem, hoc ipso, quod Papa concedit indultum profitendi in proposito casu, & non retrahit effectus professionis, censetur item concedere jus præcedentiæ: nec in hoc derogat iuri alterius; cum præcedens in profitendo præcedat in sedendo, & aliis actibus præcedentiam concernentibus.

Moneo hic posse frui dicto indulto Pii V. puellam, quæ admissa ad Religionem, ante ingressum Monasterii in domo paterna corripere in morbo periculoso; si alias decimum sexum ætatis annum explevit, & de consensu Superioris Novitium inchoet in ipsamet domo paterna; quod posse fieri constat ex dictis hic c. 2. n. 49.: & ratio responsionis hujus est, quod sic puella vere est Novitia, ideoque juri potest indulto Pii V. utpote concessio veris Novitiis. Nec obstat, quod in tenore indulti dicitur, *professio fiat in manibus Abbatisse, seu Priorissæ* (quæ verba in præfenti casu non videntur posse verificari) siquidem in ipso indulto subditur, *vel alterius Superioris Novitiarum ipsius Monasterii*: sicque indicatur professionem in proposito casu posse admitti a proprio Prælato Novitiæ, ut bene advertit Bordonus hac de re a me consultus, addens, quod si extet statutum negans viris dictam admissionem, tunc Abbatisa posset committere ejusmodi munus honestæ alicui fœminæ: cum talis admissio non sit actus jurisdictionis, sed Superioritatis, & consequenter delegabilis fœminæ, ut diximus sup. c. 3. n. 7. ita consultus respondi, & postea responsionem meam approbarunt Bordonus, Pollacc., Baldell., Zannett., Stepha-

AMS

a S. Gregorio, alique viri doctissimi a me consulti.

Dices, quid si Novitia ex præfato indulto Pii V. profiteatur ante annum Novitiatus expletum; potest ne ante emissionem professionis testari de dote ipsius intuitu deposita penes campforem, aut in alio loco tuto?

Resp. Non posse; & probatur, quia nemo potest testari de re non sua: dos autem in præfati casu non acquiritur puellæ Novitiæ, quamdiu non proficitur, ut constat ex dictis c.3. sect.2. qu.6. quippe ob illam eandem rationem, ob quam dos non acquiritur Monasterio, nec acquiritur puellæ Novitiæ, & quidem neque quo ad legitimam, quæ non est debita, nisi post mortem parentum, respective ad legitimam paternam, aut maternam; unde fit, ut puella in nostro casu præmoriens parentibus, ipsa non acquirat jus ad illam, sicut ab ea dos transferri nequeat in alium.

Quod si hac occasione quæras, an Monasterium acquirat jus supra dotem Novitiæ proficentis in articulo mortis infcio Ordinario (cui Monasterium immediate subest) post expletum tamen probationis annum superabundanter.

Resp. Videri acquirere: & ratio est, quod tale jus acquiritur ex professione valida Novitiæ in eo probatæ, ut constat: in nostro autem casu professio fuit valida; cum ad ejus valorem nihil defuerit, neque ex parte proficentis (cum integrum Novitiatus annum peregerit, & ex parte illius concurrerint omnia, quæ spectant ad substantiam professionis, ut suppono) neque ex parte admittentis professionem; cum Superiorissa etiam se sola valide recipiat professionem, ut ostendi sup. c.3. n.7., & licentia Ordinarii, quo ad hoc non sit de substantia, ut indicavi loc. cit. n.3. Nec obstat, quod professio facta in articulo mortis conferre videtur solum ad lucrandas indulgentias: nam id procedit ad summum de professione facta vigore indulti Pii V. paulo ante relati; non autem de professione facta in præfati casu, in quo facta est, prout de jure communi, cum

facta sit post annum novitiatus expletum. Non obstat item, quod professio facta sit in articulo mortis: hoc enim non impedit valorem professionis, ut colligitur ex Sanch. l.3. mor. c.4. n.51., & ex eo, quod etiam matrimonium carnale (cui æquiparatur professio religiosa, quæ est matrimonium quoddam spirituale) valide contrahitur in articulo mortis, ut tradunt DD. communiter: ita ego respondi in contingentia facti interrogatus.

Quæres 12. An Moniales per suos Confessarios ordinarios absolvi possint a quinque casibus specialiter reservatis a Clemente VIII. in decreto edito 9. Januarii 1691.

Resp. Videri non posse, attento citato decreto Clementis; nihilominus si admittatur declaratio illa Sacræ Congregationis, quam de facto admittunt Naldus in edit. Bonon. Summa v. reservato, Vecchius d.9. de Novitiatu d.7., & Bordonus resolut. n.17. (et si Confessarii aliàs sint privilegiati) decretum scilicet præfatum prohibens absolutionem a reservatis esse contra Confessarios respectu sæcularium penitentium, non regularium; quod est dicere, Confessarios regulares modo non posse ab illis quinque casibus absolvere penitentes sæculares; posse tamen absolvere penitentes regulares: & consequenter Moniales, cum & ipsæ sint penitentes regulares, poterunt Moniales absolvi a dictis quinque casibus reservatis a Clemente VIII.: Dixi, si Confessarii aliàs sint privilegiati: si enim sint simplices Confessarii, Moniales non possunt absolvi a dictis quinque casibus, qui annexam habent reservationem, etiam seculo decreto Clementis VIII. supra relato; qualis est percussio Clerici, simonia realis &c., qui in jure sint reservati, ab iis absolvi nequeunt Moniales per Confessarios sæculares: quæ est causa, cur Moniales per hos ab iis non possint absolvi; quamvis aliàs demus, præfatum decretum Clementis illas non afficere: quod est dicere, illud non obstat, quin Moniales ab iis possint absolvi per quemcumque Confessarium, etiam sæcularem: intellige, si aliàs illi non sint reservati; si enim sint, L 1 simplex

simplex Confessarius Moniales ab iis nequit absolvere: non quidem, quod reservetur in præfato decreto Clementis, (quod illas non afficit, ut jam dictum est) sed quod aliunde reserventur, ut diximus. Unde non licet sic argumentari: Sacra Congregatio declaravit, reservationem præfatorum quinque casuum non afficere Regulares, & consequenter nec Moniales; ergo quilibet Confessarius illas absolvere poterit ab iis, ac si ii simpliciter non essent reservati, cum reservatio illa respectu Monialium perinde habeat, ac si non esset facta simpliciter: constat autem, quod si non esset facta simpliciter, quilibet Confessarius posset Moniales absolvere a dictis quinque casibus: non licet, inquam, sic argumentari: cum Sacra Congregatio in ea declaratione solum locuta sit de reservatione, quæ illis quinque casibus inerat ex vi decreti Clementis VIII. (nam de hac sola controvertebatur, ut colligitur ex *Naldo loc. cit.*) non autem generaliter de quacunque reservatione aliunde afficiente præfatos quinque casus.

Quæres 13. *An Moniales tempore Jubilæi possint eligere in Confessarium Sacerdotem non approbatum in specie ad audiendas Monialium confessiones.*

20. Huic quæstioni respondent *Diana p. 5. tr. 12. resol. 12.*, *Bonacina d. 5. de Sacram. qu. 7. p. 4. §. 1. n. 25.*, *Bossius tract. de tripl. Jubil. sect. 3. cas. 2. n. 2.*, & *Peyrin. tom. 3. privil. c. 4. n. 4.*, quamvis plures Doctores censeant, partem negantem in hac quæstione amplectendam esse; partem affirmantem videri probabilem, nempe Moniales tempore Jubilæi concedenti omnibus fidelibus utriusque sexus, etiam Regularibus, generalem facultatem eligendi Confessarium approbatum ab Ordinario, posse eligere sibi in Confessarium Sacerdotem a solo Prælato regulari approbatum, si electus sit Regularis, aut certe ab Episcopo, si electus sit secularis: & hoc, sive Monialis eligens sit subiecta Ordinario, sive Prælato regulari: probant, tum quia Jubilæum est favor amplissimus Supremi Principis; privilegium autem Principis debet quammaxime am-

pliari: tum quia ubi lex non distinguit, nec nos distinguere debemus, præsertim in materia favorabili animæ: tum quia Constitutio Gregorii XV., quæ incipit *Inscrutabili*, (& posset adduci in contrarium) loquitur de casibus ordinariis, non vero de casu adeo speciali, & cum exorbitet a jure communi, quam strictissime debet interpretari: tum quia declaratio Sacre Congregationis (quam aliqui allegant contra præsentem doctrinam) est minus certa, & minus strictè constat de illa: tum denique, quia Urbanus VIII. in Bulla generalis Jubilæi concessi anno 1625, de gravia Monialibus omnibus expresse indulgit, ut Confessarium sæcularem, aut cujusvis Ordinis regularem ab Ordinariis locorum approbatum eligere possent: unde inferit Peyrin., præsentem punctum non habere amplius difficultatem.

21. Verum nunc ista sententia non potest ullo modo ad praxim deduci, nec potest dici probabilis, sed omnino sequenda est opinio contraria, quam sequuntur Molf., Alph. de Leone, Bartol. a S. Fausto, Jor. Franc. Suarez, & Georg. Pollach. relati a *Diana resol. cit.*: ducor, tum quia talis est praxis fere communis, contra quam prudenter procedi non potest; præsertim cum agatur de re ad forum externum facile deducibili, in quo Ordinarius sustineret minus, & iudicis, & partis, possetque judicare, immo & judicaret juxta opinionem sibi magis favorabilem: tum quia non potest Sacerdos approbatus ad confessiones accedere ad Monialium Monasteria absque licentia Ordinarii loci, simpliciter loquendo, & consequenter neque ad audiendam confessionem Monialis, quæ forte illum eligit vigore Jubilæi; sicque non potest præsumi, Papam intendere jurisdictionem conferre Sacerdoti aliàs habenti aliquod impedimentum; & hoc juxta regulam: *Non veniunt in generali confessione, qua quis non esset verosimiliter concessurus, si in specie peterentur*: quæ regula in præfati casu videtur omnino procedere ad vitanda plura, ac gravia inconvenientia, quæ seque-

sequerentur, si quælibet Monialis vi Jubilæi eligere posset in Confessarium quemcumque Sacerdotem approbatum mallet: tum demum quia ex Constitutione *Su-perna* Clementis X. edita 1670. habemus, quod approbatus ad audiendas confessiones generaliter, non est eatenus approbatus ad audiendas Monialium confessiones. Unde sicut juxta sententiam communem, & in praxi sequendam, approbatus tantum limitate ad certum locum, tempus, aut personas, censetur reprobatus saltem negative, relate ad alia loca, tempora, aut personas, nec est universaliter eligibilis ab omnibus tempore Jubilæi: sic quia approbatus tantum generaliter, est ex dicta Constitutione Clementis X. limitate approbatus, hoc est non in ordine ad Moniales; propterea non potest eligi a Monialibus virtute Jubilæi, sed est necessarium, quod sit pro ipsis, & determinate pro illo Monasterio approbatus, & quidem ab Episcopo, seu loci Ordinario, juxta dicenda inferius c. 10. *sect. 3. subfl. l. qu. 11. n. 163.* Quare tempore Jubilæi solent Moniales congregari ab Abbatisa, & interrogari, quos Confessarios libentius acceptarent; sicque nominant duos, aut tres, qui postea proponuntur ab Ordinario, & approbantur. Neque ex eo, quod Urbanus VIII. in anno Jubilæi universalis dictam fecit concessionem; bene inferitur, id esse supponendum etiam in Jubilæis ordinariis: cum concessio Jubilæi Anni Sancti (qualis fuit concessio Urbani VIII.) sit longe favorabilior, ideoque requirat majorem ampliationem.

Unum hic obiter moneo, quod sicut Ordinarii debent esse valde circumspècti in deputandis Monialium Confessariis; sic non debent esse valde difficiles in concedendo Confessario a Monialibus electo vigore Jubilæi, si aliàs ipsis constat de idoneitate, ac integritate Confessarii modo dicto electi.

Cum autem hic incidit sermo de Confessario extraordinario Monialium, ipsis concedendo pro tempore Jubilæi; &

occasione ipsius Jubilæi plura, ac gravia dubia occurrere possint Monialibus, placeat hic aliqua ex illis summatim explicare; sicque.

Moneo primo: juxta *Filiuicium* tr. 8. n. 267., alioque Doctores a *Filiuccio* allegatos tacito nomine, ad hoc ut Moniales consequi possint Jubilæum, sufficere, in rigore loquendo, quod sciant certo illud fuisse publicatum Romæ; requiri tamen, ut ab Ordinario loci designetur Ecclesia ab iis visitanda (sicut juxta citatos Doctores requiritur etiam quoad seculares:) idque etsi Monialibus unica sit Ecclesia; adeoque illa sola ad illum effectum designari possit ab Ordinario; nam ex tenore Bullæ Jubilæi ad ipsum consequendum requiritur visitatio Ecclesiarum designatarum ab Ordinario; quod non verificaretur, si Moniales ad illum effectum visitarent Ecclesiam ab Ordinario non designatam.

An autem Ordinarius quoad Moniales possit paulotardius publicare Jubilæum ad effectum, ut commodius, ac utilius uti possint beneficium Confessarii extraordinarii; stante quod, teste experientia, Sacerdotes, qui tunc deputari solent in extraordinarios Monialium, difficile possunt vacare confessionibus earum audiendis pro eo tempore, quo Jubilæum sumunt incolæ loci, in quo sunt Moniales.

Resp. Videri posse ex interpretativo consensu Papæ Jubilæum concedentis; & inde suadet, quod, sicut in aliquibus Diocesisbus Jubilæum non publicatur eodem tempore pro incolis Civitatis, & pro degentibus in Oppidis, ac Villis, sed pro his solum publicatur post elapsam unam hebdomadam a die, qua fuit publicatum pro incolis Civitatis; (idque etsi eodem tempore posset commode publicari tam pro Civitate, quam pro Oppidis, ac Villis illius) & aliàs in Bulla Jubilæi dici solet, ut Ordinarii statim absque ulla mora, retardatione, aut impedimento per suas Ecclesias, Dioceses, Civitates, Oppida, Terras, & loca publicent, & publicari faciant Jubilæum: & hæc ex aliqua justa causa occurrente dictis Ordinariis, præ-

bente iustam rationem interpretandi clausulam illam *statim* cum aliqua latitudine; sic & in casu nostro ex interpretativo consensu ejusdem Papæ poterunt Ordinarii differre publicationem Jubilæi quoad Moniales per quindecim dies ob causam si perius indicatam, utpote valde rationabilem; maxime cum clausula illa *statim* &c. in literis Jubilæi excludat negligentiam Ordinariorum, non autem dilationem temporis ex causa, ut notavit Bordonus a me de hoc consultus; qui nobiscum sentit una cum Baldello, Pollarco, Steph. a S. Gregorio, & aliis doctis recentioribus a me item consultis; & hanc doctrinam scio interduin fuisse practicantem in aliqua Diœcesi.

Monco secundo: ad hoc, ut Moniales lucrentur Jubilæum, non esse opus, quod intersint Processionibus tunc temporis fieri solitis in Monasterio: idque ex doctrina Filiucci. *sup. n. 263.*

Monco tertio: Orationem, quæ præscribitur ad consecutionem Jubilæi, debere quidem fieri in Ecclesiis deputatis, cum id expresse solet præscribi in Bulla Jubilæi: posse tamen fieri siue vocalem, siue mentalem, ut notat Diana p. 5. *traçt. 12. resol. 44.*, nec requiri, ut fiat tanto temporis spatio, si in Bulla Jubilæi solum dicitur, *ibique* (id est in Ecclesia deputata) *Deum oraverint*: quæ verba verificantur, etsi oratio sit brevior; cum conditio orationis indefinite præscripta per quamlibet orationem implicatur, juxta illud *Aristot. lib. perhiermentai, ad propositionis indefinitæ veritatem, sufficit qualibet singularis* ita Diana *sup. ref. 33.* ex Suar., Filiucci, Pollacco, Bosio, Conincho, & aliis.

Monco quarto: Monialem, si non habeat conscientiam peccati mortalis, non teneri sacramentaliter confiteri ad Jubilæum comparandum, nisi in ejus Bulla præscribatur confessio, tamquam opus injunctum: hæc enim tunc præscribitur non absolute, sed ex hypothefi, quod quis habeat conscientiam peccati mortalis, cum Ecclesia regulariter solum præscribere solet confessionem de mortalibus: Filiucci. *sup. n. 14.*, Regim. *sup. n. 147.*,

Laym. l. 5. *tr. 7. c. 6. n. 7.*, & c. 8. n. 6., *Conincho. d. 12. de Sacram. n. 38.* Quid si Monialis confessio sacramentaliter post sumptam Eucharistiam in aliquo mortale incurrat, consultus faciet, si iterum confiteatur ad lucrandum Jubilæum, etsi nondum impleverit omnia requisita ad ejus consecutionem; licet enim juxta aliquos ad lucrandum Jubilæum sufficiat esse in gratia, & hoc ipsum haberi possit per solum actum contritionis elicitum, ut notantur *Granadus, Jo. Præpositus, & Nungus* apud Dianam *sup. ref. 1.* cum ipsis sentientem; tamen sententia contraria Suarez *disp. 52. de penit. sect. 3. n. 7.* tutior est, & probabilior, quia ex vi verborum concessionis indulgentiæ requiritur confessio omnium peccatorum, quæ usque ad tempus indulgentiæ commissæ sunt.

Monco quinto: Ad hoc ut Moniales consequantur Jubilæum, non esse opus, ut ipsæ in particulari ex peculo sibi concessio faciant elemosynam, sed sufficere, quod pro omnibus illis fiat ab Abbatisa ex communibus bonis Monasterii: talisque est consuetudo in multis Ordinibus, etiam Observantibus; & si Abbatisa nollet facere in præsentī casu ullam elemosynam, tunc ex bonis Conventus possent facere elemosynam, etiam inscia Abbatisa, utpote irrationabiliter invita; vel certe, (quod tutius esset) possent ptere commutationem elemosynæ in aliud opus bonum, ut bene notavit Diana ubi supra.

Monco sexto: Moniales, ut consequantur Jubilæum, teneri visitare propriam Ecclesiam, & aliud etiam Oratorium forte existens intra Monasterium, si utriusque visitatio præscribatur ab Ordinario, & in Bulla Jubilæi requiratur plurius Ecclesiarum visitatio. Colligitur ex Diana *sup. resol. 55.* ubi addit ex Bosio in casu, quo Papa plurius Ecclesiarum visitationem præscribat, si Ordinarius unam tantum deputaret, ut sit in aliquibus locis parvis, tunc sufficere, quod illa una visitetur.

Monco septimo: Ad consecutionem Jubilæi implenda esse jejunia præscripta in

in bulla: quamvis, si ea commutentur in aliud opus bonum, non sit necesse tale opus impleri ea ipsa die, qua jejunandum esset. Ita *Alph. de Leone p.2. de jubil. n.14. Diana sup. resol.25. ex Polacco, Bosso, ac Henriq. Sanchez l.4. mor. c.54. num.28. & aliis.*

Monco octavo: Confessarium a Monialibus electum posse commutare omnia, & singula requisita ad consecutionem jubilæi, si confessionem excipias: non enim dari potest causa illam commutandi, sed solum differendi extra Statutum tempus; quamvis melius esset, quod sicut confessio prorogatur, sic & prorogarentur jejunia &c. ut docet *Fillius. sup. n.271.*

Monco nono: commutationem hanc fieri posse quoad Moniales etiam a Confessario ipsarum Ordinario, etsi extraordinarium eligant ad confitenda sua peccata, ut expresse docent *Sanchez sup. n.17., Henriquez l.7. c.to. num.4.* alique penes *Dianam resol. 50.* qui notat *resol. 36.* ex indulto Jubilæi commutationem, ac dispensationem fieri posse extra Sacramentum Pœnitentiæ.

Monco decimo: Quod licet ad lucrandum Jubilæum consultius, ac tutius sit omnia opera impleri una, ac eadem hebdomada, probabile tamen putant *Jo: Præpositus, Laym. & Nald. adducti a Diana par.5. tract.12. resol.24.* ea impleri posse partim in una hebdomada ex duabus deputatis, & partim in alia: sicque respondisse Patres Sacræ Romanæ Pœnitentiariæ testatur *Diana supra ex N.110.*

Monco undecimo: Quod si Monialis aliqua ægrotet tempore Jubilæi, potest Confessarius ab ea electus, si brevi sit convalescentia, ei differre consecutionem Jubilæi ad aliud tempus proximum (idque ob verba illa Bullæ Jubilæi: *In quibus ad proximum tamen tempus differre valeant*) vel durante tempore Jubilæi opera præscripta, quæ a Moniali ratione ægritudinis impleri nequeunt, commutare in aliud opus pium: sic enim statuitur regulariter in literis Jubilæi: commutata visitatione Ecclesiarum in recitationem alicujus bre-

vis orationis coram aliqua imagine, & commutatis jejuniis in aliquas breves preces: aut etiam in ipsam sufferentiam infirmitatis; hæc enim duo solum communiter egere possunt commutatione: cum communio Eucharistica, & confessio Sacramentalis regulariter fieri possint ab infirmis: quod si communio fieri non possit, commutari posset in communionem spirituales faciendam eo modo, quo dicemus infra *cap.10. sect.3. subf.2. qu.25. sub initium.*

Monco duodecimo: Monialem, quæ comparat Jubilæum in priori hebdomada, si velit illud item lucrari in hebdomada posteriori, posse iterum illud acquirere, si iterum impleat requisita ad ejus consecutionem: idque etsi in Bulla Jubilæi dicatur *hæc vice tantum*; hæc enim verba non important Jubilæum semel tantum posse comparari; sed illud non posse acquiri, nisi quamdiu duraverit tempus talis concessionis: ita ut *ly hæc vice tantum* non referatur ad Jubilæum, sed ad tempus, aut locum Jubilæi; ut notavit *Alph. de Leone p.2. de Jubilæo n.196.* quem pro hac sententia adducit *Diana sup. resol.28. una cum Naldo Benconio, Zorolla, Santarell., Lætorio Fernand., & Florono.*

Monco decimotertio: Ad lucrandum Jubilæum sufficere quod Monialis præstet opera ad ejus consecutionem præscripta, etsi ea alio ex titulo sint debita v.g. aut præcepto Ecclesiæ, vel Confessarii: eum non repugnet uno, ac eodem actu satisfieri pluribus obligationibus, modo materia talium obligationum id patiatur. Ita *Pollachius, Sancti., Fern., Comi. & Laym. apud Dianam resol.54.*

Monco decimoquarto: Quod, licet Confessarius non possit annuere Moniali petenti commutationem operum, aut dilationem consecutionis Jubilæi ob id solum, quod non vult tempore deputato illud comparare, cum alias commodè posset; ea enim non est capax talis commutationis; cum voluntarie omittens non dicatur impeditus *cap. fin. de elect. & cap. commissa eod. in 6.* si tamen Monialis ex malitia tempore deputato renueret implere

plere opera Jubilæi, & ultima die facti pœnitens statuat lucrari Jubilæum, ideoque vere contrita accedat ad Confessarium, is poterit ei vel injuncta opera commutare, vel concedere dilationem ad illa implenda : sic quippe Moniales vere est involuntarie impedita, & impedimentum est necessarium ex suppositione : ita *Filliuc. tract. 8. num. 268. & 273. Alph. de Leone sup. num. 168. Pollach. de Jubil. sect. 42. n. 65. & 66. alique docti recentiores.*

Monco decimoquinto : Quod si Monialis tempore Jubilæi non petiit commutationem alicujus voti, aut absolutionem alicujus reservati, eo quod excederint e memoria; post elapsum tempus Jubilæi potest obtinere eam commutationem, & absolutionem, si vere implevit omnia præscripta ad consecutionem Jubilæi; sic enim vigore Jubilæi comparati jus acquisivit ad utramque; ut bene notavit *Diana sup. resol. 40. ex Sanchez, Portello, Bosio, Santarelli, & Alph. de Leone* : qui *Diana resol. 41.* aliis citatis docet vota commutata tempore Jubilæi non reviviscere, esto vovens, mutata voluntate, postea non impleverit omnia requisita ad Jubilæum, & consequenter illud non obtinuerit : non tamen vigore Jubilæi posse ei postea commutari vota, quæ antea non fuerunt commutata; quod tamen non procedit de reservatorum absolutione : si enim quis tempore Jubilæi habens intentionem illud comparandi absolutus est a reservatis, & tunc ex oblivione non est confessus aliquid reservatum, nihilominus potest ab eo absolvi per quemcumque Confessarium; ut expresse docet *Diana resol. cit. ex Portello, & Philippo de la Cruz.* qui *Diana p. 3. tract. 1. resol. 147. ex Bartol. a S. Fausto, Santarelli, & Alph. de Leone* sustinet pœnitentem accedentem ad Confessarium ultima die Jubilæi, si præ temporis angustia non possit ei integre confiteri, post elapsum tempus Jubilæi posse absolvi etiam a reservatis, in quæ incidit post elapsum Jubilæum : Papa enim per talem dilationem intendit inducere pœnitentes ad lucrandum Jubilæum, quod utique nequit comparari sine absolutione

reservatorum; & aliàs concessio Jubilæi est gratia Principis nulli præjudicialis, quæ restringi non debet absque sufficienti textu, aut ratione.

Monco decimosexto : Ad lucrandum Jubilæum sufficere fieri in gratia ultimum opus, quod impletur ad ejus consecutionem; & hoc est ita verum, ut *Diana sup. resol. 148. ex Henrici, Fernand., & Barthol. a S. Fausto* sustineat suscipientem Eucharistiam in mortali, aut facientem sacrilegam confessionem, si nihilominus in ultimo periodo Jubilæi per actum contritionis redeat in gratiam, & tunc opus ultimum ex præscriptis (Ecclesiæ visitationem) impleat, vere lucratur Jubilæum : quod tamen negant alii penes *Diana.*

An autem Moniales possint sibi eligere Confessarium, & absolvi a reservatis vi Bullæ Cruciatæ, aut similis alterius indulti particularis.

22. Resp. Non posse ob varia decreta Pontificia, etiam Bullata, quæ refert *Lezana tom. 1. c. 19.*, & præsertim ob Constitutionem Clementis VIII. relata *sup. cap. 7. qu. 3.* quam postea Urbanus VIII. die 19. Jun. 1630. innovavit; prout videre est in *Bullario tom. 4. Bulla ejus 105.* quæ sic habet : *Quantum ad articulum eligendi Confessarium, & absolvendi a casibus reservatis, etiam in Bulla Cane Domini contentis, cum Fratribus, & Monialibus prædictis Fratrum Prædicatorum, ac aliorum quorumcumque Ordinum, Congregationum, Societatisque, & Instituti Mendicantium tam Provincia Hispaniæ, quam extra eam ubilibet constitutorum, locum minime habuisse, neque habere, nec illis ullo modo suffragari potuisse, neque posse; sed nostra intentionis fuisse, & esse, quod iidem Fratres, & Moniales quantum ad Sacramenti pœnitentiæ, seu Confessionis administrationem ordinariæ dispositionis suorum Prælatorum, & Sedi Apostolicæ quo ad sibi reservatæ subiecti sint, tenore præsentium perpetuo declaramus.* Ubi noto ex eo, quod hic dicitur, Bullam Cruciatæ non potuisse suffragari Regularibus, non sequi absolutiones reservatorum antea vi illius collatas fuisse irritas : siquidem, stante

stante probabilitate opinionis; quod Regulares possent uti beneficio Bullæ Cruciatæ, quæ antea supponebatur, ejusmodi absolutiones fuerunt validæ probabiliter opinionis suppletente jurisdictionem, ut in simili notat *Diana p.3. tr.41. resol.153.* qui cum *p.1. tract.11. resol.14.* aliquantulum propendisset in sententiam aliquorum Doctorum sustinentium Regulares sine licentia suorum Prælatorum posse frui beneficio Bullæ Cruciatæ, postea in *3. p. in addit. secund. resol.9.* visa hac Constitutione Urbani rejicit dictam sententiam.

Quæres 14. *Quoties in anno debeat assignari Monialibus Confessarius extraordinarius ex decreto Concilii Trid. sess.25. de regul. c.10.*

23. Resp. Debere deputari bis, aut ter in anno: sic enim præcipit Concilium his verbis: *Præter Ordinarium autem Confessorem alius extraordinarius ab Episcopo, & aliis Superioribus bis, aut ter in anno offeratur, qui omnium confessiones audire debeat: sed de hoc cap. seq. sess.3. subs.2.*

Moneo hic ex Decreto Sacræ Congregationis specialiter deputatæ ab Innocentio XIII. quod Decretum servari præcipit BENEDICTUS XIV. in sua Constitutione *Pastoralis curæ* super designatione Confessariorum pro Monialibus: tene-ri Prælatos Regulares quoad Monasteria Monialium ipsius subiecta saltem semel in anno ad id munus eligere Sacerdotem Sæcularem, aut Regularem alterius diversi Ordinis Professorem: quod si facere omiserint, ad Episcopos Diocesanos omni appellatione remota devolvatur jus supplendi eorundem Prælatorum defectum, & deputandi Confessarium Extraordinarium aut e Clero Sæculari, aut ex alio Regulari Ordine.

Quæres 15. *Quæ privilegia concessa sint Monialibus quo ad absolutionem reservatorum.*

24. Resp. Cum distinctione; vel Moniales subsunt immediate jurisdictioni Prælatorum Regularium Ordinis; & possunt absolvi ab omnibus iis reservatis, a quibus possunt absolvi viri Religiosi ejusdem Or-

dinis vigore suorum privilegiorum, si quidem utique consteantur Sacerdoti Regulari, & facultas absolvendi tenore concessionis restricta sit ad Confessarios Ordinis (quod propterea diligenter observandum est illud colligendo ex verbis concessionum,) & ratio est, quod dicta privilegia concessa sunt Religiosis Ordinis; tales autem sunt etiam Moniales illius, sicque non apparet, quo titulo ex debeat excludi ab usu præfatorum privilegiorum. Vel Moniales sunt exemptæ a potestate Prælatorum Regularium Ordinis, & immediate subiectæ Ordinario, & constituentur apud Sacerdotes non regulares; & sic, si quidem tenor concessionis est, ut Religiosi Ordinis possint absolvi ab his, vel illis reservatis, nulla restrictione appositâ, possunt Moniales ab iis absolvi, etiam per Sacerdotes non Regulares, qui sint deputati ad earum confessiones; secus si tenor concessionis est, ut a prædictis absolvi possint per Confessarios Ordinis, aut cum aliqua alia simili limitatione: tunc enim Moniales non poterunt a præfatis absolvi; cum sic facultas censeatur concessa non penitenti, sed Confessario Regulari, qualis utique non est Sacerdos Sæcularis deputatus ad Monialium confessiones: unde patet in usu talium privilegiorum attendendum esse tenorem ipsarum concessionum, perpendendo num concessio sit facta Regularibus tanquam penitentibus, an vero tanquam Confessariis, ut paulo ante dictum est. A quibus autem possint Moniales vi suorum privilegiorum absolvi, constat ex iis, quæ dicimus in *tract. de privil. c.2. sess.1. subs.2.* ubi ex professo agimus hac de re adductis variis indultis, quæ refert *Rodriguez tom.1. qm.20. art.22.*

Quod vero spectat ad casus Episcopales; puto Moniales exemptas iis non subiacere, nisi in Ordine ad clausuram: moveor, tum quia reservatio est actus jurisdictionis, quæ solum exerceri potest in subditos; Moniales autem exemptæ non sunt subditæ Episcopo; tum quia locis exemptus æquiparatur loco extra territorium, ut constat ex dictis *c.5. n.190.*: adeoque sicut

sicut Episcopus nequit facere reservationem extra territorium; sic nec potest in loco exempto: Monasterium autem Monialium exemptatum utique est locus exemptus, ut patet. Dixi, *nisi in ordine ad Clausuram*: si enim fiat aliqua reservatio in hac materia; tunc procedit doctrina tradita supra c. 6. n. 5., & 6., quam brevitatis causa hic non repeto.

Difficultas est, an Moniales immediate subiecta Ordinario possint vi suorum privilegiorum absolvi a reservatis per ipsum Ordinarium casu, quo tenor privilegii habeat, ut Religiosi Ordinis possint ab illis absolvi per proprium Prælatum, sive immediatum, sive mediatum.

25. *Resp.* Videri posse, si tenor privilegii habeat indefinitum, quod Religiosi Ordinis possint absolvi a proprio Prælato; non item, si habeat, quod possint absolvi a proprio Prælato Regulari, seu Ordinis; & ratio diversitatis est, quod Ordinarius respectu dictorum Monialium est quidem, & dici potest proprius Prælatus earum, non tamen dici potest Prælatus Regularis, seu Ordinis: sique mirum non est, ipsum venire nomine proprii Prælati Monialium quoad privilegia prioris generis, non item quoad privilegia posterioris generis, cum alias privilegium non suffragetur ultra intentionem concedentis verbis sufficienter expressam.

Illud etiam hic potest controversi, per quem superiorem debeant Moniales absolvi ab iis, quæ specialiter reservantur Papa, ut a casibus bullæ Cane v. gr.

26. *Resp.* Quod cum perpetuo impediti, ac impotentes juxta communem DD. sensum possint per proprium Ordinarium loci etiam extra articulum mortis absolvi a quibuscumque casibus, ac censuris Apostolicæ Sedi reservatis, si sint seculares per proprios vero Prælatos Regulares, si sint Religiosi; & ex alia parte Moniales Ordinario immediate subiectæ quoad hoc æquiparentur personis secularibus; consequenter dicendum est Moniales debere absolvi a præfatis reservatis, per Ordinarium quidem loci, si immediate subsunt illius jurisdictioni (cum jure communi per se id

ei competat) per Prælatum vero Regularem proprium, si sint exemptæ ab Ordinarii jurisdictione; idque præsertim ex concessione Pii V. bullata facta fratribus Ordinis prædicatorum, & relata a Rodriquez in bullario constitutione Pii V. in ordine 13. per quam Priori Dominicano, & consequenter etiam prælatis aliorum Ordinum indulgetur, ut erga Religiosos suos subditos pro foro conscientie (per se ipsos tamen tantum) omnem illam potestatem absolvendi, ac dispensandi exerceant, quam Episcopi exercere possunt erga proprios subditos. Colligitur ex Tamburino sup. d. 16. qu. 8. n. 7. 8. & 9. ubi addit ex Navarro, ac Ugolino taliter impeditos, & consequenter Moniales sic excusari ab obligatione adeundi Papam per absolutionem dictorum reservatorum, ut neque teneantur id facere per alium (mittendo v. gr. procuratorem, aut nuncium ad talem effectum), etiamsi commode id facere possent; quod negat Bonacin. d. 1. de censur. in comm. qu. 3. p. 2. n. 4., & alii: inter quos *Thesaurus de penis par. 1. c. 24. resp. 2. ampl. 3.* dicens: *Horum sententiam esse veriore, & eam servari in Praxi habendo recursum ad Sacram Pœnitentiarum*; De quo Thesauri testimonio non; est dubitandum: fuit enim ad plures annos Pœnitentiarius Apostolicus in Basilica S. Petri, & in praxi S. Pœnitentiariæ versatissimus. Sed quamvis demus priorem sententiam esse præfate probabilem, limitanda tamen ea certe est, ita ut ea non valeat pro casibus, qui reservantur Papæ specialiter; & expresse respectu Monialium, quas minime ignorat summus Pontifex non posse Romam accedere, uti nec ignorat Episcoporum facultates. Ab istis ergo casibus modo dicto Papæ reservatis, non possunt Moniales per proprium Prælatum absolvi, sed eo, quo possunt, modo tenentur ad S. Sedem, seu Sacram Pœnitentiarum recurrere utique per litteras. Hujusmodi est casus violationis Clausuræ quoad egressum Monialis, ut constat ex Bulla S. Pii V., quæ incipit *Decorati*, & aliis juriß directæ ipsas Mo-

niales

niales afficientibus; ita Donatus, quem citat, & sequitur Felix Potestas tom. 1. par. 4. cap. 5. n. 3512. Confirmatur hæc responsio ex rescripto Sac. Congregationis, quod refert Fagnanus ad c. dilectus de temp. ordinat. n. 33. Interrogata enim Sac. Congregatio Concilii: *An si Monialis alicujus Monasterii jurisdictioni Regularium subiecti secreto deliquerit in materia Clausura, in foro conscientie absolvi possit vigore decreti in cap. 6. sess. 24. de reformatione ab Episcopo, cui tamquam delegato in illis, que ad Clausuram pertinent, autoritas tributa est, decreto c. 5. sess. 25. de regularibus, stante prædicta Bulla B. Pii V. Decorii respondit: Non posse.*

27. Limitanda est secundo illa prior sententia affirmativa, itaut præscindendo a specialibus privilegiis, & concessionibus, ea non sit extendenda ad absolutionem hæresis externæ occultæ, & ad alios casus ad S. Officium pertinentes; ab istis enim casibus Moniales nequeunt absolvi, neque ab Episcopis, neque a Prælati Regularibus. Non ab Episcopis; licet enim plures graves DD. existiment Episcopos in vigore Tridentini habere facultatem absolvendi ab hæresi externa occultæ; tamen alii, nec numero, nec autoritate inferiores, ut advertit Mendo in Epirome, verbo Episcopus n. 10. hanc facultatem Episcopis negant, & horum sententia sine dubio tenenda est post declarationes Inquisitionis Romanæ, & Pontificum S. Pii V., Gregorii XIII. Clementis VIII., & Innocentii X., de quibus cit. Mendo, & Viva in prop. 3. damnata ab Alexandro VII. n. 4., & post damnationem prædictæ tertie propositionis, per quam damnationem sententia affirmativa multum decidit a sua probabilitate, quam antea habebat, quæcumque ea esset. Non a Prælati Regularibus, siquidem juxta declarationem Sac. Congregationis die 17. Novembris 1528. de qua Mendo in epitome, v. Prælatus Regularis n. 1., & juxta damnationem supradictæ propof. 3. Prælati Regulares nequeunt

absolvere subditos ab hæresi externa occultæ. Neque dicas ista fundamenta non habere locum in casu præsentis, in quo est sermo de facultate absolvendi illos, qui ratione alicujus impedimenti sive perpetui, sive diuturni, nequeunt adire Pontificem; nam certe videtur dicendum prædicta fundamenta habere locum tum in casibus specialiter reservatis, & expresse respectu Monialium, propter rationes supradictas; tum in casu hæresis externæ licet occultæ, & in aliis ad S. Officium pertinentibus propter praxim, quam dixi ex Thesuro esse in contrarium.

Quæres 19. *An, quo jure, & quando Moniales possint absolvi a reservatis, etiam non obtenta facultate a proprio earum Prælato.*

28. Resp. Videri posse in casu, quo illarum Confessarius petat facultatem reservatorum, sive ab Ordinario loci, si Monialis absolvenda sit ei immediate subiectæ; sive a Prælati Regulari, si illa sit exempta ab Ordinario. Idque ex Indulto Clementis VIII. facto Regularibus, quod postea innovavit Urbanus VIII. in sua Bulla 26. in ordine his verbis: *Quod si Regularium Confessariis casus alicujus reservati facultatem petentibus Superior dare noluerit, possint nihilominus Confessarii illa vice penitentes Regulares absolvere, etiam non obtenta a Superiore facultate.* Circa cujus indulti intelligentiam illud in primis occurrat notandum, quod dum in eo dicitur illa vice, non est sensus, unumquemque Regularem vi illius non posse modo dicto absolvi, nisi semel tantum; sed sensus est, Confessarium pro unaquaque vice, qua petit facultatem reservatorum, & non obtinet, vi talis petitionis semel tantum posse absolvere a reservatis suum penitentem: cum quo tamen stat, ut si iterum petat dictam facultatem, & non obtineat, iterum possit absolvere, & sic deinceps. Quæ doctrina maxime nitiatur illa alia doctrina, quam tradunt Alph. de Leone de Jubilæo p. 3. q. 27. n. 197. Naldus c. indulg. n. 4. Diana p. 3. tract. 4. resol. 151., & alii, nimis vigore Jubilæi posse aliquem absolvi a reservatis,

M m

in po-

in posteriori hebdomada, etiam eo obtento in priori hebdomada, si repetat præscripta ad consecutionem illius: & hoc, quamvis in concessione Jubilæi sit apposta Clausula taxativa *hac vice tantum*: siquidem talis doctrina a fortiori habebit locum in præfenti casu, quo solum dicitur *hac vice* omissa dictione *tantum*: sed de hoc plura in nostro tract. de privil. c.2. sect. 1. subf.2. q.4.13.

29. Dixi in responsione *sive ab Ordinario loci, si Monialis absolvenda sit ei immediate subiecta*, ut innerem quod quamvis concessio hic proposita per se primo videatur loqui de Prælato Regulari denegante facultatem reservatorum, & Ordinario non sit Prælatus Regularis, neque respectu Monialium sibi subditarum: nihilominus probabile est sub illa comprehendit etiam Ordinarium quoad Moniales ipsi subiectas: utpote qui vere est illarum Superior, idque venit sub iis verbis concessionis: *Quod si Superior dare nolueris*, præsertim cum simus in materia favorabili animæ (quæ maximam admittit ampliacionem) & ratio præfatæ concessionis potiori ratione militet in Monialibus ex conditione sexus fragilioribus, aliasque certum sit eas comprehendi sub dicta concessione; quippe quæ indefinite loquitur de Regularibus; sub quorum nomine sine dubio veniunt etiam Moniales, ut patet.

Utrum vero præfata concessio procedat non solum quoad casus superioribus Monialium peculiariter reservatos, sed etiam quoad illos, quorum facultas ipsis competit jure delegationis, aut ratione necessitatis.

30. Resp. Videri procedere; cum loquatur generaliter, ac indefinite, sicut constat ex verbis illis: *quod si confessoriis casus alienius reservati facultatem petentibus*: sicque currat regula: *lex generaliter loquens, generaliter debet intelligi*: & illa alia: *beneficium Principis late interpretandum est*; quæ regulæ maxime suffragantur in bonum spirituale animæ. Ita docti Neoterici a me consulti, & valde probabiliter.

Addit Quintanad. tr.3. sig.26. n.6. ex decreto Clementis VIII. & Urbani VIII.

revocata fuisse privilegia concessa a Sixto IV. Carthusianis, ad hoc ut semel in anno, & a Leone X. Monialibus S. Claræ, ut quater in anno ab omnibus reservatis absolventur sine licentia suorum Prælatorum (ut notat Rodriguez tom.1. qu.26. art.10.) idemque esse judicandum de similibus privilegiis cuicumque alii Ordini antea concessis: quæ decreta adducit Quintanad. singul. citato.

31. **D**ispensari possunt Moniales in iis, in quibus dispensantur viri Religiosi (idque sive ab Ordinario, sive a Prælato regulari, prout iis respective subsunt) & in præceptis Regula.
32. Gaudent variis privilegiis pro tempore Interdicti, ac cessationis a Divinis.
33. Afferuntur alia Privilegia, etiam majora, ad eundem effectum illis concessa.
34. Puellæ, quæ educantur apud Moniales, gaudent variis Indultis pro dicto tempore.
35. Non tamen tenentur illis uti.
36. Monialium famuli tempore Interdicti admittuntur ad Divina in earum Templis.
37. De rigore Juris Moniales eligere possunt Conservatorem; at obstat Praxis.
38. Si subsint Prælatis regularibus, bñ benedicunt, & reconciliant illarum Tempia, benedicunt Paramenta, & consecrant Calices &c. ad earum usum.
39. Prælati iidem, si aliàs habeant usum Baldaebini, illud erigunt in earum Templis.
40. Moniales gaudent Indulgentiis concessis viris Religiosis in communi, ac in specie; idque etsi immediate subsint Ordinario: quod non procedit de iis, quæ concessa sunt Ecclesiis Ordinis: r:se-

runtur Indulgentia a Paulo V. concessa Monialibus: & hac occasione plura solvantur dubia practica de Indulgentiis: & refertur Indulgentia Adriani VI. concessa recitantibus Vespere ad tria signa Campana Ave Maria: de qua Indulgentia, si cut & de Indulgentiis in communi plura notantur.

41. Tertiaria fruuntur Indulgentiis Ordinis, sed non omnes.
42. Ecclesia consulit libertati Monialium quoad susceptionem habitus Religiosi.
43. Monasteria eorumdem refarcienda fidelium expensis.
44. Ecclesia opportune succurrit illarum egestati per quamdam Bullam Gregorii XIII.
45. Qualiter talis Bulla obliget in presentia.
46. Bona violentis Monialem applicantur Conventui Monialis violata.
47. Legatum relictum feminae maritandae, debetur ei etiam ingrediti Religione.
48. Siquidem legatum relictum sit femina determinata: legatum item relictum pro Monachatu debetur Tertiaria: praeterea legatum factum pro dote Puella Monachanda ei debetur, si ingreditur Monasterium, nullam recipiens dotem: immo statim pro habitu religioso, & similibus: item debetur, si maneat caelebs in saeculo: nec videtur ob stare Rota Romana: item Puella, cui relictum est legatum 1500. aureorum in dotem dandum ab haerede Testatoris, quando intret Religionem; si Testatore vivente, intret cum dote minori: soluta ex bonis

ipfius Testatoris absentis, potest pretendere residuum legatum legatum pro monachandis feminis corruptis, si haec desint, implicari potest in maritanda puella periculosa: legatum certa puella, ut fiat Monialis, si emoriatur, antequam fiat Monialis, non semper fit caducum.

49. Moniales Mendicantes veniunt sub dispositionibus factis de Mendicantibus.
50. Tertiaria, etiam seorsim habitantes, fruuntur Privilegiis Ordinis, si servant aliquas conditiones.

Quæres 17. An, & per quos possint Moniales dispensari tum in impedimentis obstantibus praelationi, tum in inhabilitatibus per modum pœna contractis, tum in præceptis Ecclesiæ, v. gr. in jejuniis, recitatione Officii &c.

31. Resp. **P**osse eo modo, quo possunt viri Religiosi ejusdem Ordinis, & quidem per Ordinarium, si Moniales ei immediate subjaceant, uti diximus sup. qu. 4. sive per proprios Prælatos Regulares, si sint exemptæ ab Ordinario loci, idque juxta Privilegia concessa Ordini, quorum usus sicut non debet denegari Monialibus etiam subiectis Ordinario, ut ostendimus qu. 1. sic nec debet concedi nisi cum limitationibus appositis qu. 15. quæ servata proportionem procedunt etiam in præsentia materia. Quare occurrente casu alicujus dispensationis, attendantur privilegia Religionis concessa ad talem effectum, & juxta tenorem uniuscujusque illorum usurpentur ea vero proponemus, ac exponemus in tract. de gubern. c. 3. sect. 4. Qui vult consulat Casarubium in comp. v. Moniales, & v. dispensare, memor magnæ illius concessionis, quam fecit Pius V. Ordini Prædicatorum, & nos retulimus hic qu. 15.

§. Illud etiam.

Puto autem Prælatos posse modo
M m 2 . dicto

dicto dispensare in præceptis regulæ obligantibus sub mortali: idque colligo ex *Sanchez l.6. mor. cap.3. num.8.*, ubi supponens Prælatos Regulares posse dispensare in præceptis Regulæ, loquitur generaliter, nec excipit præcepta obligantia sub mortali.

Quæres 18. *Quibus privilegiis gaudeant Moniales pro tempore interdicti, aut cessationis a Divinis.*

32. *Resp.* Gaudere illis omnibus Privilegiis, quibus gaudent viri Religiosi sui Ordinis (loquendo de iis, quorum ipsæ, habita ratione sexus, sunt capaces) siquæ non obstant Decreto Concilii Tridentini *sess. 23. c. 12. de Regul.* possunt Moniales tempore interdicti generalis in suis Templis dicere divina Officia submissa voce, Janis clausis, non pulsatis campanis, ac exclusis excommunicatis, & interdictis, facere celebrare Missas (cum præfatis tamen limitationibus) recipere Sacramenta, sepeliri Ecclesiastica sepultura, & recipere ad Missas, ac Horas Canonicas audiendas, nec non ad sumenda Sacramenta in suis Templis certum numerum Personarum, quemcumque possunt admittere viri Religiosi in propriis Ecclesiis juxta ipsorum privilegia a *Casuarubio* relata in *comp. v. interdictum* id enim inquit *Tambur. sup. d. 15. qu. 8. num. 3.* operatur communicatio privilegiorum, ut quod conceditur Prælati virorum Religiosorum, idem & concedatur Monialium Abbatissis, seu Priorissis, dummodo ea non repugnent illarum statui, & alioqui excludantur nominatim interdicti, ac excommunicati.

Quod autem dixi, posse Moniales facere celebrare Missas, intellige per Sacerdotes tam Sæculares, quam Regulares; cum de utrisque sit par ratio, concedente Bonifacio VIII. in *cap. Alma Mater de Sent. excommun. in 6.* omnibus Sacerdotibus indiscriminatim, ut possint tempore interdicti localis generalis celebrare in Ecclesiis quibuscumque, ac Monasteriis, modo servantur limitationes superius propositæ. Cæterum quod diximus de tempore interdicti, proportionaliter militat etiam pro tempore cessationis a Divinis.

33. Quin etiam possunt Moniales pro tempore interdicti localis generalis recitare divina Officia, & facere celebrare Missas, januis apertis, pulsatis campanis, & interdictis etiam admissis, (qui tamen non fuerint causa interdicti) non solum in festivitatis Nativitatis Domini, Paschæ, Pentecostes, & Assumptionis Beate Virginis (sicut conceditur in citato *Cap. Alma Mater*) sed etiam in festo Sanctissimi Sacramenti, ejusque tota Octava vigore Extravagantis Martini V. immo ex specialibus privilegiis Regularium, etiam in festo Conceptionis, Visitationis, ac Nativitatis Beate Virginis, in Nativitate Sancti Joannis Baptistæ, in festis Sanctorum respective uniuscujusque Ordinis, necnon aliorum Sanctorum, & Sanctarum, sub quorum invocationibus earum templa erecta sunt, aut quorum Corpora in iis reposita sunt; in hebdomada Sancta, ac Resurrectionis Dominicæ, & per octavas earumdem omnium festivitatum: denique quoties aliqua ex Monialibus Monasterii professionem emittit, aut in Ecclesia sepelitur. Quæ utique sunt magna privilegia, & referuntur a *Casuarubio* in *compend. privileg. v. interdictum* cum pluribus aliis ad similem effectum concessis.

Difficultas esse posset, an Puella in Monasteriis Monialium degentes causa educationis possint tempore interdicti, ac cessationis a Divinis interesse divinis Officiis, audire Missam, ac recipere Sacramenta, immo & sepeliri Ecclesiastica sepultura, si tunc temporis decedant.

34. *Resp.* Videri posse; & patet tum ex dictis *sup. c. 5. num. 192.*, tum ex privilegio bullato Eugenii IV. concessio Cisterciensibus, & relato a *Sayro l. 5. de censur. cap. 7. num. 22.* sub his verbis: *Quod si contingat civitates, terras, vel loca, in quibus Monasteria, sive loca dictæ Congregationis existunt, Ecclesiastico esse supposita interdicto; ipsi tamen dictæ Congregationis Prælati, Monachi, Conversi, Commissarii, ac Cappellani, necnon Laici, qui intra septa ipsorum locorum pro tempore habitaverint, a præfata Congregationis*

Ma-

Monachis ad id deputatis, jannis clausis, interdictis exclusis, & submissa voce Missas, & alia divina Officia audire, & celebrare, ac Ecclesiastica Sacramenta licite ministrare, & suscipere valeant: quale privilegium est illud, quod refertur in Comp. Societatis nostra v. Interdictum §. 2. concessum pro nostris pueris, seu familiaribus, procuratoribus, & operariis: quodque refertur §. 4. sub his verbis. Possunt nostri quoscunque Familiars &c. ad divina admittere, & Sacramenta illis ministrare, eorumque corpora tumulare, vel tumulari facere &c. præterquamquod Sayrus, ubi supra notat, quod cum plures DD. testentur Religiosos multis ab hinc annis præfata præstare consuevisse, vi talis consuetudinis, secluso etiam quovis privilegio præstari poterunt a viris Religiosis, & consequenter a Monialibus, quantum patitur conditio sexus illarum: nec obstat, quod cap. licet 11. de privilegiis. in 6. dicitur, familiares Conventuum, ut tales non possent assistere Divinis Officiis tempore interdicti, nisi speciale ad id habeant privilegium: ibi enim est sermo de familiaribus extraneis, & non de commensalibus; & præterea puellæ, de quibus hic, habent ad id speciale privilegium, ut jam vidimus: ita Baldellus, Naldus, Bordonus, & alii a me consulti.

An autem dicta puella teneantur uti præfatis privilegiis, audiendo Missam, v. g. tempore Interdicti in die festo.

35. *Resp.* Probabile esse non teneri; & probatur, tum quia nemo obligatur uti privilegio sibi concessio; alioqui gratia non esset gratia, sed onus, & libera facultas in obligationem verteretur: & tamen concessa in alicujus gratiam non debent retorqueri in illius odium: tum quia est juxta intentionem Ecclesiæ, quod omnes se component ad abstinendum a divinis Officiis pro tempore Interdicti vetitis, ut sic censuræ Ecclesiasticæ suum vigorem non perdant: ita *Avila p. 5. de censur. d. 4. sect. 2. d. 6. ex Victorio, Cano, & aliis viris doctis: aliique citati a Fagund. præc. 1. eccl. l. 2. c. 7. num. 4.* qui ta-

men num. 5. cum aliis DD. oppositam sustinent sententiam tamquam probabilior; eamque probant variis rationibus.

Adde ea, quæ diximus de puellis degentibus in Monasteriis Monialium causa educationis, procedere etiam in aliis faminis, ibidem cum debita licentia degentibus titulo famularum, aut ex alia justa causa.

36. Accedit quod cum Eugenius IV. teste *Casarnbio v. Interdictum 3. num. 11.* per Bullam concessit Monachis S. Benedicti Congregationis Hispaniæ, quod tempore Interdicti generalis, aut specialis a jure, vel ab homine quomodocunque lati possint recipere ad audiendam Missam, & alia Divina Officia, quoscunque familiares, officiales, & servitores quorumlibet Monasteriorum hujusmodi, ac eis Eucharistiam, & alia Ecclesiastica Sacramenta ministrare, eorumque corpora tumulare, seu tumulari facere: dum tamen nullus illorum dederit causam Interdicto; secreto tamen modo, jannis clausis & campanis non pulsatis: hoc eodem privilegio gaudebunt Moniales tum Ordinis Sancti Benedicti, tum aliorum Ordinum, juxta dicta hic *qu. 1. 2. & 3.* sique tempore interdicti in propriis Ecclesiis quoscunque suos famulos, ac officiales admittere poterunt ad Missam, & alia Divina Officia, & si contingat eos mori, iis concedere Ecclesiasticam sepulturam juxta limitationes positas *cap. 7. qu. 7. nu. 10.*, quod est frui privilegio quantum patitur conditio sexus sæminci. Dixi quoscunque suos famulos, aut officiales, ut indicarem quod cum sumus in materia favorabili, quæ debet ampliari, nomine famulorum, seu Servitorum veniunt deputati ad quotidiana obsequia tam Ecclesiæ, quam Conventus sive Masculi, sive Fæminæ; factores Urbani, Villici, Ordinarii cultores horti existentis intra Clausuram aliique similes, qui juxta communem loquendi modum vere dici possunt famuli: non item Medici, Chirurgi, fabri, bajuli, aliique artifices (qui licet inserviant Monialibus, unusquisque in suo genere, non ideo tamen juxta communem

nam

nem loquendi modum dici possunt famuli Monialium) non denique Syndici (quavis alias hi dici possint venire nomine Officialium Conventus, adeoque comprehensi in relato Privilegio).

Quæres 19. *An Moniales possint sibi eligere Conservatorem, eo modo, quo possunt viri Religiosi, juxta privilegia sui Ordinis.*

37. *Resp.* De rigore juris posse, etsi oblit consuetudo in contrarium inducta; & quidem quod de rigore juris possint, probatur, tum quia gaudent Privilegiis concessis proprio Ordini, accomodatis ipsarum conditioni, ac statui, ut ostendimus qu. 1. & consequenter fruuntur indulto eligendi Conservatorem concessio viris Religiosis, ut pote illarum statui non repugnante: tum quia Pius V. in sua Constitut. 41. in ordine tale indultum expresse concessit Monialibus Sancti Dominici, ut constat ex tenore dictæ Constitutionis, in qua pluries fit mentio expressa de dictis Monialibus; quod indultum sine dubio per viam communicationis etiam Monialibus aliorum Ordinum est communic ex dictis qu. 2. Quod si consuetudo est in contrarium, forte id inde provenit, quod cum plurima Monasteria Monialium subiaceant Ordinario, & per consequens Ordinario habeant pro Judice, non est cur eligant Conservatorem in multis fungentem Officio Judicis.

Quæres 20. *An Prælati Regulares possint vi suorum privilegiorum benedicere Ecclesias Monialium sibi subjeclarum, immo & eas reconciliare si polluantur, necnon benedicere Paramenta, ac consecrare Calices, & Altaria, aliisque id genus præstare ad usum dictarum Monialium; si alias ad hac extendatur facultas illorum.*

38. *Resp.* Videri posse: idque etiam si demus eorum facultatem ad Ecclesias, & res proprii Monasterii, ac Ordinis esse restrictam: movet ex Indulto Leonis X. bullato, quod refert *Casarius in comp. v. benedicere num. 14.* his verbis: *Leo X. concessit Generalibus, & Provincialibus, ac Custodibus, nec non & Guardianis Fra-*

trum Minorum Observ. pro tempore existentibus, ut omnia & singula ejusdem Ordinis, & Observantia Ecclesiarum, paramenta, & ornamenta, & alia quæcumque ad divinum cultum, & usum Fratrum necessaria solemniter benedictione valeant benedicere: ac quod similiter possint reconciliare Ecclesias, que quomodolibet sanguinis, vel feminis effusione polluta fuerint &c. Ubi noto quod, cum facultas hujus Indulti extendatur ad omnes ac singulas Ecclesias, ac res Ordinis, & Ecclesiarum, ac res Monialium vere sint, ac dici possint Ecclesiarum, & res Ordinis, cui subsumunt; dicta facultas dici debet extendi etiam ad has: idque etsi dicatur *ad usum Fratrum* siquidem in favorabilibus sub masculino comprehenditur femininum; & consequenter nomine Fratrum veniunt etiam Sorores, seu Moniales Ordinis: quæ ratio procedit etiam de consecratione Altarium, Calicum, & Patenarum, juxta tenorem aliorum privilegiorum. Dixi *Ecclesias Monialium ipsis subjeclarum*: ut innuerem secus dicendum de Ecclesiis, ac rebus Monialium subjeclarum Ordinario; quippe quæ non amplius dici possunt Ecclesiarum, ac res Ordinis, ut patet. Ita Naldus, Baldellus, Bordonus, & alii a me consulti.

Quæres 21. *An Abbates alias habentes usum Baldachini, & Pontificalium, possint erigere Baldachinum, & exercere Pontificalia in templis Monialium ipsis subjeclarum: non secus ac possunt intra Ecclesiam Monasterii, cui præsent.*

39. *Resp.* Videri posse: & colligitur ex tenore decreti Sacræ Congregationis relati a Barboza de Officio Episcoporum allegat. 80. num. 18. quod decretum, cum præscribens modum exercendi Pontificalia dicat, *quando solemniter in propriis eorum Ecclesiis celebrant*, utique comprehendit etiam Ecclesias Monialium dictis Abbati-bus subjeclarum, quippe quæ revera sunt Ecclesiarum Ordinis, adeoque dici possunt *proprie eorum*, id est dictorum Abbatum. Ita Naldus, Baldellus, Bordonus, aliique a me consulti, & probabiliter: nisi adit consuetudo in contrarium, cui contravenire

nire 'eservit ad excitandas tricas, quas regulariter expedit evitare.

Quæres 22. Quæ Indulgentia concessa sint Monialibus.

40. *Resp.* Concessas esse illas omnes Indulgentias, quæ concessæ sunt tam Religiosis in communi juxta Pauli V. Constitutionem editam 23. Maji 1606. a nobis late explicatam in *tratt. de privil. cap. 5. sect. 5. subf. 1. per totum* (qua, revocatis omnibus & singulis Indulgentiis alias concessis Regularibus, alias plures de novo concedit) quam in specie Religiosis sui Ordinis: his enim omnibus Indulgentiis frui possunt Moniales, si impleant ea, quæ præscribuntur ad eas consequendas; illis quidem vigore citatæ Constitutionis Pauli V. quæ §. 18. loquens de Monialibus, sic habet, *volumus autem, ut omnes supradicta Indulgentia, & gratia Religiosis Regularibus cujusvis Ordinis tam Monastici, quam Mendicantis dumtaxat concessæ, etiam omnibus Monialibus cujusvis regule approbatæ, & intra claustra cum tribus votis solemnibus viventibus, & perpetuam claustrum servantibus tam Ordinariis locorum, quam etiam Regularibus cujuscunque Ordinis, Regula, & Instituti subiectis suffragentur*: illis vero ex vi communicationis privilegiorum, & gratiarum sui Ordinis, de quibus ex participant tamquam vera membra illius, ut pote profitentes eandem Regulam, ac Institutum: idque stando in jure communi, etsi aliqui subjaceant immediatæ Jurisdictioni Sedis Apostolicæ, aut Ordinarii Loci: non enim æquum est ex eo quod fuerunt privatæ privilegio exemptionis ab Ordinario Loci, eas privari etiam gratiis, ac privilegiis, quibus antea fruebantur, dum essent modo dicto exemptæ; sicut ostendimus *sup. qu. 1. qua de re Portell. p. 2. resp. mor. casu 14.*

Quod si quæras, quas Indulgentias lucrantur Moniales vi Bullæ Pauli V. superius relata.

Resp. Lucrari Indulgentiam plenariam, in susceptione habitus Religiosi, in emissionem professionis, in festo principali Ordinis (quod est Festum Sancti Fun-

datoris, aut aliud simile universaliter celebrari solitum, ut festum Circumcisionis D. N. in Societate Jesu) & in articulo mortis; item si confessæ communicent, audita prima Missa alicujus Sacerdotis Regularis, sive ejusdem, sive alterius Ordinis: item si per decem dies faciunt exercitia spiritualia juxta formam præscriptam in ipsa Bulla Pauli; item si confessæ & Sacra Communione refectæ saltem per duas horas orent in expositione quadraginta horarum facta a Superiore pro generali visitatione Monasterii. Lucrantur verò omnes Indulgentias Stationum Urbis, si devote visitent propriam Ecclesiam, ibique orent, item lucrantur quinque annos Indulgentiæ, & totidem quadragenas, si singulis diebus ante Altare propriæ Ecclesiæ quinquies recitent orationem Dominicam, & salutationem Angelicam; nec non decem annos, & totidem Quadragenas, si per Mensem vacent Orationi mentali singulis diebus per mediam horam, & præterea in ultima Dominica dicti mensis confessæ sacram recipiant Communionem: item lucrantur annos tres, & totidem Quadragenas, si pie, ac religiose in capitulo se accuset de commissis defectibus.

Addo hic obiter Moniales, & quocumque alios fideles, sive Sæculares sive Regulares quotidie lucrari Indulgentiam ab Adriano VI. concessam, si ad tria signa Campanæ post Solis occasum dari soluta recitent *Ave Maria* cum versu *Angelus Domini &c. Ecce Ancilla Domini &c. Et Verbum Caro factum est &c.* hæc enim Indulgentia non fuit a Paulo V. revocata in generali revocatione Indulgentiarum Regularibus concessarum: cum in ea comprehensæ fuerint tantum Indulgentiæ concessæ solis Regularibus, & hæc concessa fuerit pro universis fidelibus, teste *Rodriquez in comp. qu. 77. n. 51.* juncto *n. 17.* Quod volui hic adnotare, ut Monialium Confessarii ipsis talem ac tantum thesaurum detegant, curentque ut ex fruantur gratia adeo singulari.

Ad cujus Indulgentiæ explicationem placet aliqua notare, & quidem primo illam

illam solum acquiri ad tria signa, quæ post Solis occasum dantur Campana, non item ad ea, quæ dantur primo mane, aut in meridie, eum in tenore Indulgentiæ exprimitur, quo tempore obtineatur hæc Indulgentia, & alioqui concessio Indulgentiæ extendi non debeat ultra mentem concedentis expressam verbis.

Noto secundo: ad lucranda hanc Indulgentiam non videri necessarium, ut post Trium Salutationum Angelicarum recitationem dicatur *Oratio Gratiæ tuam quesumus*, licet soleat: de hac enim non fit mentio, neque in tenore concessionis, neque a Doctoribus illam referentibus; & alias sine sufficienti fundamento multiplicari non debent obligationes.

Noto tertio: hanc Indulgentiam non acquiri, si recitatio precum præscriptarum notabiliter anticipetur, aut postponatur, ea quippe est affixa certo tempori in ejus reverentiam, adeoque servari debet circumstantia temporis, ut pote substantialis, quod non procederet, si levis esset antepositio, aut postpositio; cum de minimis non curet Prætor, & quod parum distat, nihil distare videatur.

Præterea adverto Benedictum XIII. ampliasse prædictam Indulgentiam. Anno enim 1724. Pontificatus sui primo concessit Indulgentiam Plemariam perpetuam omnibus Christianis, qui genuflexi devote recitaverint ad sonitum Campanæ, mane, aut meridie, aut vespere consuectam orationem *Angelus Domini &c.* & vere contriti, & peccata Sacramentali confessione in una die cujuslibet mensis, eorum arbitrio eligenda, Sacram Eucharistiam sumserint. Ita constat ex edicto Cardinalis Fabricii Paulucci edito eodem anno primo, & impresso in Tom. XII. Bullarii Romani novissime typis vulgato Romæ anno 1736.

Cum autem occasione Indulgentiarum, quæ interdum proponuntur Monialibus obtinendæ, varia ipsæ occurrere dubia soleant de illis, quorum resolutionem petunt a suis Confessariis, in horum gratiam aliqua de Indulgentiis magis practica hic placet proponere; ut horum solutio-

ne illi habeant, unde facilius propoſita & Monialibus dubia resolvant.

Aſſero ergo 1. Indulgentiam plenariam dici illam, per quam omnis pœna pro peccatis luenda in Purgatorio remittitur, Indulgentiam vero 7. annorum v. g. diei illam, per quam remittitur tanta pœna peccatis debita, quanta deleteretur per pœnitentiam septem annorum factam juxta Canones antiquos Ecclesiæ *Laym. l. 5. tract. 7. cap. 3. num. 1.*

Aſſero 2. Ad hoc, ut Monialis consequatur totum effectum Indulgentiæ plenariæ, requiri ut prius ei sit remissa omnis culpa, etiam venialis; unde fit, ut, si maneat Monialis affecta erga aliquod peccatum veniale, non consequatur totum effectum plenariæ Indulgentiæ, cum non obtineat remissionem pœnæ respondentis illi peccato veniali, ut bene notat *Laym. cap. 6. num. 3.*

Aſſero 3. Quod si operis injuncti ad obtinendam Indulgentiam pars tantum minima omittatur; probabile putat *Filliuc. tom. 3. par. 3. num. 154.* non impediri effectum Indulgentiæ, eum in moralibus parum pro nihilo reputetur; quod tamen non procedit, si pars omiſſa, quæ in se est levis, sit gravis respectu ad alias, ut si semel omittatur *Pater & Ave* in quinque dñis recitandis.

Aſſero 4. Ad obtinendam Indulgentiam sufficere, si fiat opus, uti est secundum substantiam, sive ex objecto bonum; et si vitiosum sit ratione alicujus circumstantiæ; eo quod sit factum v. g. ex vana gloria *Suar. d. 52. de pœnit. sect. 6. num. 2.* contra alios, quorum opinio in praxi amplectenda videtur.

Aſſero 5. Absolute non requiri, ut opus injunctum pro Indulgentia impleatur in statu gratiæ, sed sufficere quod Monialis sit in Dei gratia, quando opus consumatur in tempore, quo obtinenda est Indulgentia: tunc enim necessaria est gratia non quidem propter opus, sed propter fructum, id est ad consecutionem Indulgentiæ. *Laym. sup. ex Soto S. Anton. & Navarr.* monens esse valde consultum, ac expediens totum opus in gratia implere.

Aſſe-

Aſſero 6. Ad obtinendam Indulgentiam ſufficere intentionem habitualement, ac interpretativam; qua Monialis præſumitur valde ſibi in ſpiritualibus conſulere eo meliori modo, quo poteſt, non autem requiri actualement intentionem illam lucrandi, cum id non exiſcat natura Indulgentiæ, & in conſeſſione illius ſolum dicatur Indulgentiam talem conſequendam fore ab iſis, qui talem Eccleſiam tali die viſitaverint: quod totum præſtare poteſt Monialis, etſi ignoret, aut non advertat illa die conſeſſam fuiſſe illam Indulgentiam, ideoque non habeat actualement intentionem lucrandi illam. *Laym. ſup. n. 5.* alique, quos citat, & ſequitur *Diana par. 4. traſt. 12. reſol. 6.*

Aſſero 7. Quod quando conceditur Indulgentia *Pœnitentibus, & conſeſſis: ſeu contritis, & conſeſſis*, non neceſſario requiritur conſeſſio, ſed ſufficit contritio perfecta: cum verba illa juxta ſubjectam materiam poſſint intelligi diſtributive; ut per ea Papa intendat concedere Indulgentiam Fidelibus, dum præmittant contritionem, aut conſeſſionem *Card. de Lugo d. 7. de pœnit. n. 94. ex Suarez, alique apud Dianam ſup. reſol. 30.*

Aſſero 8. In caſu, quo conſeſſio Sacramentalis vere requiratur ad conſecutionem Indulgentiæ, non ideo teneri conſiteri illam, qui habet ſolum venialia: cum Eccleſia non ſoleat præcipere conſeſſionem venialium, & conſeſſio abſolute ſumpta intelligatur tantum de conſeſſione mortalium. *Fillinecius tr. 8. par. 3. n. 145. ex communi DD. ſententia monet contrariam in rigore eſſe tutiorem.*

Aſſero 9. Videri probabile, quod eodem opere poſſit qui lucrari diverſas Indulgentias viis diverſis conſeſſas; ut ſi quis dicat Roſarium habens plures benedictiones, & ſecundum quamlibet illarum ſint conſeſſi mille anni Indulgentiæ: ſimpliciter enim ſit, quod unaquæque benedictio poſtulat, nempe recitatio Roſarii, & alias non apparet, cur Indulgentia obtineatur potius una via, quam alia. *Fillinecius ſup. num. 167. Card. de Lugo num. 92. Laym. ſ. c. 6. n. 6. Mald. v. Indulgentia n. 4.*

alique apud *Dianam p. 5. tr. 12. reſol. 11.* qui tamen oppoſitam ſententiam dicunt eſſe probabiliorē, requiri ſcilicet plura opera ad conſeſſendas plures illas Indulgentias: cum opus bonum plerumque adjungi ſoleat in conſeſſione Indulgentiarum ad ſupplendam cauſam illarum: qui ſinis utique non obtinetur ita bene, ſi uno opere exhibitio plures Indulgentias ſimilibus rebus promiſſas lucrari liceat: excipe, niſi opus præſcriptum ſit tale; quod eodem die non poſſit, aut non ſoleat repeti, ut jejunium, Communio Sacramentalis &c.

Aſſero 10. Poſſe Monialem, ſi quo tempore audit Miſſam, ſimul recitet Horas Canonicas, lucrari Indulgentias conſeſſas audientibus Miſſam, & conſeſſas recitantibus horas: nam ſic vere implentur opera præſcripta ad plures Indulgentias: & alioqui circumſtantia ejuſdem temporis non impedit illarum conſecutionem, cum ſit extrinſeca actibus, qui ſunt, & teſte *Sanch. l. 1. mor. c. 14. n. 12.* eodem tempore audiri poſſint plures Miſſæ debita ex variis titulis v. g. ex præcepto Eccleſiæ, & ex voto *Bonac. d. 6. de leg. q. 1. pag. 5. num. 31.*

Aſſero 11. Quod licet Angelus Roſella, Villalobos, & alii relati a *Diana par. 2. tr. 11. reſol. 104.* ſuſtineant Indulgentiam conſeſſam pro tali die alicui Eccleſiæ poſſe ſæpius obtineri, ſi Eccleſia pluries viſitetur, viſitatione multiplici moraliter (qualis non fieret, ſi quis millies ingrediendo, & egrediendo intraret eandem Eccleſiam) id tamen negat *Card. de Lugo ſup. n. 96. ex Suar. & Bonacina*, alioqui concedens *n. 65.* Indulgentiam perpetuam conſeſſam viſitantibus aliquam Eccleſiam abſque temporis determinatione (dicendo v. g. *Quicumque viſitaverit talem Eccleſiam, Indulgentiam conſequatur*) acquiri pluries eadem die, ſi pluries illa Eccleſia viſitetur modo ſupradicto. Quod admittit Cardinalis etiam in caſu quo Indulgentia concedatur pro pluribus diebus ad commoditatem fidelium, qui nequeunt eadem die concurrere, vel ad fovendum concuſum, ac celebritatem in ea Eccleſia

N n

(qualis

(qualis est Indulgentia concessa nostris Ecclesiis in ultimo Triduo Bacchanalium) immo hoc idem admittunt de Indulgentiis Stationum *Trullench. in Bullam Cruc. l. 1. §. 6. d. 4. n. 2. & Diana p. 1. traß. 11. resol. 20.*

Affero 12. Effectum Indulgentiæ obtineri in primo instanti, in quo impleta est conditio præscripta ad illam obtinendam: hoc autem instans est illud, in quo totum opus requisitum ad Indulgentiam omnino consummatum est, & est primum instans, in quo impleta est conditio prædicta, etsi alias sit primum instans non esse præcedentis operis, quatenus sit successive *Filliuc. sup. num. 449.* ubi affert alium modum explicandi tale instans.

Affero 13. Indulgentiam plenariam Religiosis concessam in morte non esse solum pro illo instanti, quod est primum non esse vitæ humanæ, in quo potest haberi effectus Indulgentiæ, etsi anima sit separata; sed etiam pro illo instanti, quod est tam propinquum illi, ut mors jam sit naturaliter inevitabilis; quod autem ex his sit, incertum est *Filliucius traß. 8. p. 3. num. 139.* Notat autem *Bonacina sup. p. 8. num. 12.* quod quando ad obtinendam hanc Indulgentiam requiritur Confessarii Ministerium, ea obtinetur non solum in vero mortis articulo (sicut revera obtinetur, quando in eius concessione nullum tale præscribitur ministerium) sed etiam in quomodolibet præsumpto, ac probabili mortis periculo, quando scilicet Medicorum judicio infirmus debet confiteri ad recipiendum Viaticum, alias inanis sæpe redderetur talis concessio, cum non raro mors superveniat, prius quam possit constare de vero mortis articulo. Quod idem docet *Suarez tom. 4. de Relig. tr. 8. l. 2. cap. 19. n. 13.* addens, quod si infirmus in hoc posteriori eventu consequatur Indulgentiam, & non moriatur, potest illam obtinere iterum in quolibet simili eventu usque ad verum mortis articulum, idque ex præsumpta voluntate concedentis, in quo non dissentit *Bonac. sup. n. 1.* citans pro se Cordubam, idque probans duabus rationibus, quæ apud ipsum videri possunt.

Affero 14. Quod quamvis *Filliucius sup. n. 140.* ex Paludano Heringuez, & Silvestro *Bonac. sup. par. 5. n. 13.*, & *Diana par. 15. traß. 2. resol. 4.* ex Granado, alique putent probabile esse effectum Indulgentiæ, qui tempore debito impeditur ex defectu gratiæ, recedente postea fisione obtineri, proportionaliter, ut dicunt Doctores de satisfactione Sacramentali facta in peccato mortali, idque ob plures rationes adductas a *Filliucio*: probabilius tamen, ac tutius est Indulgentiam, recedente fisione, non habere effectum. Ductor, quod Indulgentiæ tantum valent quantum sonant; cum ergo communiter Indulgentia soleat concedi confessis, aut contritis; non comprehendit eum, qui tempore debito non est contritus: siquidem ad obtinendam Indulgentiam contritio impleri debet intra tempus definitum in concessione *Suarez d. 52. de penit. sect. 2. n. 12.*, & *seqq. Cardin. de Lugo d. 27. de penitent. n. 84. Bonac. sup.*, & alii.

Affero 15. Lucrantem Indulgentiam Plenariam simpliciter, & absolute liberari ab obligatione implendi penitentias a Confessario sibi impositas; cum hæc imponantur ut pœna ad satisfaciendum pro peccato, ac proinde sublati debito totius pœnæ (prout fit per consecutionem Indulgentiæ Plenariæ) cesset fundamentum præfatæ obligationis *Cardin. de Lugo n. 22.* ex communi doctorum, hinc inferens Confessarium, si reperiat penitentem non implevisse multas penitentias ex ante actis confessionibus, posse, non auditis prioribus peccatis, illas commutare in aliquam Indulgentiam Plenariam acquirendam ab ipso penitente, immo penitentem ipsum, si sit doctus, posse ex se facere talem commutationem, cum id fiat per meram subtractionem materiæ, ut jam diximus, quamvis alias consulendum sit semper penitenti, ut penitentias impositas, quoad potest adimpleat. Quin etiam ille tenetur omnino implere penitentias sibi injectas in remedium, ac præservationem, non obstante quod obtineat Indulgentiam plenariam; cum hæc proxime non deserviat ad illum præservandum a peccato; ut bene

nota-

notavit *Bonacina d. 5. de Sacramento. qu. 5. sect. 3. p. 4. n. 9.*

Quod autem dixi lucrantem Indulgentias posse liberari ab obligatione implendi poenitentiam sacramentalem injunctam a Confessario, videtur procedere etiam in casu, quo Indulgentia hic, & nunc concessa sit partialis: dummodo prudenter (etsi non certo) judicari possit æqualis satisfactio debita peccatis, pro quibus dicta poenitentia imponitur: ut si sit Indulgentia mille annorum v. gr. sic enim procedit doctrina data §. *præced.*

Affero 16. Translato festo, non transferri Indulgentiam in honorem illius concessam; quippe quæ ex intentione concessa est affixa certo diei: ideoque sine speciali indulto nequit transferri: *Fagund. præc. 2. Eccl. l. 1. c. 2. n. 10.*, & ante illum *Azor p. 2. l. 1. c. 28. qu. 8.*

Adverto 17. Indulgentias a Papa concessas fidelibus vivis non posse applicari defunctis, nisi id in specie concedatur ab ipso Papa: Indulgentia enim pendet non minus a voluntate, quam ab auctoritate concedentis *Laym. l. 5. rr. 7. c. 7. n. 2.*

Affero 18. Existentem in peccato mortali posse lucrari Indulgentiam pro defunctis; cum ratio satisfactionis, quæ præstatur per Indulgentiam, non sit opus illius, qui existit in peccato, sed thesaurus meritorum Christi, ac Sanctorum: & opus particulare, per quod applicatur Indulgentia, fiat nomine Ecclesiæ, in qua non deest gratia. *Filliuc. tract. 8. p. 13. n. 313. Porcell. de dub. Regul. v. Indulgentia pro Jubilæo n. 24. Nald. v. Indulgentia n. 7.*, & alii, quos citat, & sequitur *Diana p. 5. tract. 12. resol. 38.* monens in tali casu non dici malum satisfacere pro alio, sed solum facere opus, ob quod Papa impertitur satisfactionem Christi, & Sanctorum.

Affero 19. In materia Indulgentiæ sequendam esse opinionem tutiorem; siquidem opinio probabilis, & bona fides non operantur, quod Papa in hoc, aut illo eventu concesserit Indulgentiam, si ipse revera id non intendit, quod indicat *Diana p. 3. rr. 4. resol. 153.* & est bene advertendum.

Affero 20. (Loquendo de Indulgentiis,

quæ obtinentur ex vi Numismatis, Rosarii, aut Imaginis habentium Indulgentias, v. gr. S. Caroli) non videri simpliciter necessarium, quod obtinens Indulgentiam habeat Numisma, aut Rosarium apud se, itaut actu illa penes propriam personam habeat in eo loco, in quo lucraturus est Indulgentiam, v. gr. in templo, ubi communicat: sed sufficere, quod illa habeat domi: proportionaliter, ut dicit *Bonac. de censur. in particul. d. 1. q. 22. p. 7. n. 2.* obligationem detinendi apud se Bullam in Cœna Domini, contentam in tenore ipsius Bullæ, impleri sufficienter ab iis, quos adstringit, si illam habeant in propria Domino: res enim dicitur penes me esse, quæ est in domo *l. Titia cum testam. §. Cajus de legat. 3.* sicque in re præfenti sentire Cardinale de Lugo audiui a viro fide digno: etsi juxta dicta §. *præcedenti* tutius sit illa habere apud propriam personam.

Affero 21. Non videri repugnare, quod idem Numisma, aut Rosarium habeat Indulgentias, seu benedictiones diversæ generis, ut Indulgentias S. Caroli v. gr. & Indulgentias quinque Sanctorum institutas a Gregorio XV. Idque satis aperte insinuat *Filliucius sup. n. 167.* dum ait: *Ut si quis dicat Rosarium, quod habeat plures benedictiones;* nec appareat ex quo capite id repugnet: sicque docti recentiores nobiscum in hoc sentiunt, immo & in praxim deducunt hanc doctrinam.

Affero 22. Casu, quo Rosarium habens Indulgentias amittatur, & loco illius subrogetur aliud cum eisdem Indulgentiis juxta facultatem ad id concessam a Papa, si postea inveniatur prius Rosarium, hoc non retinebit amplius Indulgentias, sed has habebit Rosarium subrogatum; cum sic verificata fuerit conditio, ut posset aliquod Rosarium subrogari (nempe, quod prius fuerit amissum) & aliud legitime fuerit subrogatum, sicque in priori Rosario cessaverit Indulgentia *Card. de Lugo sup. n. 151.* monens tamen in isto casu tutius esse retinere utrumque Rosarium.

Affero 23. Quod si cui Moniali concedantur plures benedictiones Indulgentiarum de more applicandæ Rosariis, gravis

N n 2. nis,

nis, Imaginibus &c. & ea moriatur dictis benedictionibus nondum applicatis, nec delegata alteri facultate applicandi illas, neque Superioriſſa talis Monialis, nec alius, quibus confet de hoc, poterunt facere poſtea talem applicationem; cum conceſſio dictarum benedictionum ſit privilegium perſonale, adeoque deſinat cum ipſa perſona. Ita Baldellus, Bordonus, Zannettus, & alii docti viri a me conſulti, alias concedentes præſatam Monialem ante mortem potuiſſe delegare facultatem applicandi illas benedictiones: etſi delegaſſet, tunc delegatos valide illas applicatuſque poſt mortem illius; quod idem docet *Pasqualig. to. 1. deciſ. 492.*, & 493. Quam tamen aſſertionem puto non procedere in caſu, quo ea ſubdelegatio ante mortem a delegato fieret alicui abſenti per ſcriptum, qui proinde illam non poſſet acceptare, niſi poſt mortem ſubdelegantis, cum juridiſſio delegata ſit acceſſoria gratiæ factæ; & ſicut gratia facta non perit morte concedentis, ſic nec pereat dicta potestas acceſſoria, ut pote ſequens naturam gratiæ principalis; ut notat *Sanchez l. 8. de matr. d. 28. n. 43.* aliis citatis, hoc idem expreſſe *n. 36.* docens etiam de morte ſubdelegantis.

Aſſero 24. Benedictionem Indulgentiarum applicatam Coronæ Virginis non ceſſare in caſu, quo Corona convertatur in Tertiam partem Roſarii; cum adhuc maneat materia capax talis Indulgentiæ, quam ſuppono eſſe applicabilem, & Coronis, & Roſariis: Idque cenſeo procedere in eventu, quo benedictio fuiſſet applicata tertiæ parti Roſarii, & hæc convertatur in coronam integram Virginis; cum per talem conversionem parva fiat additio, & alioqui principale trahat acceſſorium. Idque puto procedere, in caſu, quo benedictio applicata ſit Cruci Caravaccæ v. gr. & haſta illius Superior tranſverſalis frangatur: nam benedictio fuit applicata Cruci, non quatenus eſt Crux Caravaccæ, ſed quatenus eſt Crux, qualis manet etiam poſt dictam fractionem. Quod ſi mihi ſurripiatur Roſarium habens benedictionem, & ego putans me illud amiſſiſſe benedictionem applicem juxta conceſſionem

Papæ alteri Roſario, vi Roſarii ſurrepti non acquirerentur Indulgentiæ, cum, facta hac poſteriori applicatione, benedictio ceſſet in priori Roſario.

Aſſero 25. Quod, ſi concedatur Indulgentia confeſſis, & ſacra Communionem reſectis, qui Deſunctorum Officium v. gr. recitaverint: ſi quis Officium hoc recitat ante Communionem (v. gr. per horam) probabile eſt hunc non lucrari Indulgentiam: cum tenor conceſſionis ſupponat præmitti communionem dictæ recitationi, & Indulgentia tantum valeat, quantum ſonat, etſi alii oppoſitum putent eſſe probabile ex *Sd v. Indulg. n. 13.* dicente, cum dicitur in Jubilæo ut quiſque ante omnia confeſſetur, ſufficere intra tempus Jubilæi conſiteri.

Aſſero 26. Quod ſi concedatur Indulgentia iis, qui confeſſi, & Communionem reſecti Officium B. Virginis recitaverint: & tu Matutinum dicti Officii recitares veſpere diei præcedentis diem confeſſionis, & Communionis faciendæ, in præſenti caſu probabile eſt te conſecuturum eſſe talem Indulgentiam, dato uſu in Eccleſia legitime inducto, quod Matutini recitatio modo dicto anticipetur, & admiſſa doctrina *Sanct. l. 4. mor. c. 2. n. 31.* quod quando non conſtat de ſpeciali alia intentione voventis, votum non aliter obligat in quavis materia, quam ſi lex eſſet a Deo, vel ab Eccleſia de ea re: quæ doctrina proportionaliter videtur procedere in præſenti caſu, maxime cum præſcriptio officii recitandi ſit veluti quædam lex lata ab Eccleſia ad lucrandam Indulgentiam, iſdeſt a Papa, qui eſt caput ipſius Eccleſiæ, adeoque præſumi poſſit eum in caſu hoc non intendere aliter obligare ad Officium Beatæ Virginis, quam in aliis caſibus obliget Eccleſia ad Officium.

Dubium majus eſt, an Moniales immediate ſubjectæ Sedi Apoſtolice, aut Ordinario poſſint in ſuis Templis exponere Indulgentias Eccleſiis Ordinis conceſſas pro ſecularibus, v. gr. Indulgentiam Portiuncula loquendo de Monialibus Ordinis Minorum.

Reſp. Poſſe, ut conſtat ex praxi communis ubique admiſſa.

An autem Moniales Tertiarie frui possint Indulgentiis, quæ concessæ sunt Religiosis sui Ordinis per peculiaria indulta.

41. *Resp.* Possè, si juxta dicta qu. 7. virginalem, seu cœlibem vitam sub expresso voto ducant, & alias impleant præscripta ad distarum Indulgentiarum consecutionem: constat ex concessione bullatæ Sixti IV. relata a *Lezana tom. 2. c. 14. num. 26.* in qua indulgetur Tertiariis Ordinis Carmelitarum, ut gaudere possint, & debeant tam exemptionis privilegio, quam omnibus libertatibus, immunitatibus, indulgentiis, & aliis privilegiis quibuscumque præfato Ordini concessis, & in posterum concedendis. Ubi notandum, quod, cum ista concessio indefinite loquatur de Tertiariis, comprehendit etiam Moniales Tertiaris: & cum in specie exprimat indulgentias, non est dubitandum quin illæ etiam in ea includantur; quamvis alias sub generali Privilegiorum communicatione non veniant Indulgentiæ. Dixi *si Virginalem seu cœlibem vitam sub expresso voto ducant*, quia Leo X. in Concilio Lateranen. statuit ejusmodi indultum non suffragari Tertiariis non viventibus collegialiter, aut non habitantibus cum claustralibus, si sint viri, vel certe vitam virginalem, seu cœlibem non ducentibus sub expresso voto, si sint Fœminæ.

Quæres 23. *Qualiter consulat Ecclesia libertati Monialium quoad suspensionem status Religiosi.*

42. *Resp.* Consulere prohibendo sub pœna excommunicationis majoris ipso facto incurrendæ, quæ lata est in *Concilio Trident. sess. 25. de regul. cap. 18.* ne quis quomodocumque cogat quancumque mulierem invitam, præter quam in casibus in jure expressis, ad ingrediendum Monasterium, vel ad suscipiendum habitum cujuscumque Religionis, vel ad emittendam professionem: imo & eidem pœnæ subsciendo eos, qui consilium, auxilium, aut favorem hac in re dederint, quique scientes eam non sponte ingredi Monasterium, aut habitum suscipere, aut professionem emittere, quoquo modo ei actui, vel

præsentiam, vel consensum, vel auctoritatem interposuerint: sed de hoc plura *cap. 3. sect. 1. qu. 15.*

Quæres 24. *Quorum expensis refarci debeant Monialium Monasteria, si redditus, aut elemosynæ ipsarum ad id non sufficiant.*

43. *Resp.* Debere refarci fideliū elemosynis, aut certe his deficientibus, sumptibus Consanguineorum ipsarummet Monialium, qui utique ad id poterunt compelli ab Ordinario, durante in iis vinculo consanguinitatis, & consequenter obligatione, quam habent illas conservandi in debita honestate juxta *c. si quis dereliquerit d. 30.* quod si Consanguineorum facultates non sufficiant, utpote inopia laborantium, tunc ad talem reparationem adstringi debet is, cujus auctoritate, aut potius voluntate Monasterium extructum est: siquidem prævidere potuit talem casum, & præsumitur tacite voluisse se ad id obligare; ut bene notavit *Barbosa alleg. 102. de Offic. Ep. nn. 10.* quem sequuntur *Tambur. d. 18. de jure Abbatis. qu. 1. num. 10. & alii.*

Quæres 25. *An, & qualiter Ecclesia soleat succurrere indigentia Monialium, quo ad bona temporalia.*

44. *Resp.* Succurrere, prout hic, & nunc censetur magis expedire juxta occurrentes circumstantias; quomodo Gregorius XIII. die 30. Januarii 1572. ad occurrendum præsentibus necessitatibus Monialium in sua Constitutione *Deo Sacris*, quæ est 8. in ordine, statuit, ut quicumque solebant pauperibus Christi aliquas elemosynas singulis annis, mensibus, Hebdomadis, aut diebus facere ex fructibus, redditibus, ac proventibus Ecclesiasticis, vel etiam tenebantur ex Testamento, ultima voluntate, vel alia dispositione etiam inter vivos, aliquales hujusmodi Elemosynas facere, dimidiam partem talium Elemosynarum, ac elargitionum, quocumque tempore, & modo distribui solitarum, etiam si speciali nota dignæ, & secundum pias defunctorum, aut aliorum voluntates sub certa forma ab eis in Testamento, vel alia quacumque dispositione

ne di-

ne distribuendæ essent, tenerentur dare, ac distribuere Monialibus etiam Tertiariis sub solemnî Religionis voto, & perpetua Clausura de cætero viventibus in terris, & locis, quorum pauperibus tales eleemosynæ alias erant distribuendæ: & quidem absque ulla earum petitione, exactione, ac confiscatione, aliave Sedis Apostolicæ iussione (dummodo tamen præfatæ eleemosynæ in certas personas, nec ad certos usus pios, alios, quam victus, ac alimenta pauperum non forent distribuendæ), idque donec numerus Monialium prædictarum (qui per ipsos locorum Ordinarios etiam in Monasteriis ab illorum cura, ac regimine quomodo-cumque exemptis cum illarum Superiorum interventu, stabiliri, & ordinari jubebatur, nunquam postea excedendus) ita esset imminutus, ut reliquæ Moniales, ac Tertiariæ propriis redditibus Monasteriorum ipsorum, aut consuetis eleemosynis commode possent sustentari, ita tamen, ut decedentibus singulis ex tribus earundem Monialium partibus, tertiz quoque earundem eleemosynarum partis distributio, & sic successive in totum extingatur, atque in pristinum statum sub debitibus, aut solitis oneribus revertantur, & remaneant. Ita Gregorius XIII.

Ubi quis querere posset, an obligatio præsentis Constitutionis etiam hodie urgeat, si dentur aliqua Monasteria Monialium, quibus desint necessaria ad sustentationem ratione paupertatis, qua etiam modo premantur.

45. *Resp.* Non urgere, si ista indigentia suborta est, postquam juxta citatæ Constitutionis tenorem Monasteria reducta sunt ad illum numerum Monialium, ut, quæ superessent, commode sustentari possent ex redditibus, aut eleemosynis ipsorum Monasteriorum: moveor ex verbis illis, *ita tamen, ut decedentibus singulis &c.*, quæ adduximus ex præfata Constitutione, sic enim jam extincta est dicta obligatio: quod si semel extincta est, non apparet, unde possit reviviscere: maxime cum in materia obligationis stricta semper fieri debeat interpretatio,

sicut bene notavit *Sa. v. interpretatio n.e.* & constat ex c.1. de *jurejur.* in 6. consentit item praxis fere communis satis aperte indicans Constitutionem illam Gregorii XIII. non esse amplius in usu, esto plura Monialium Monasteria gravi paupertate laborent; quod est signum ejus obligationem cessasse; alias Ordinarii locorum, ad quos maxime spectat cura Monialium, magis insisterent ejus executioni, alioqui optime agnoscences gravem illam paupertatem: quod tamen non faciunt.

Addit *Barbosa lib.1. Jur. Ecclesiast. cap.44. num.66.* Sacram Congregationem 15. Aprilis 1592. declarasse ad succurrendum indigentiz Monialium tempore penuriz recipiendas esse puellas ad Religionem cum dote duplicata, applicandam illis tertiam partem eleemosynarum, quæ applicantur Locis Piiis cum extensione citatæ Bullæ Gregorii XIII., mittendas denique Moniales ipsas ab quaestuatione, necnon earum Consanguineos cogendos esse ut illis subveniant.

Quæres 26. Quo casu Monasterio Monialium applicari debeant bona illius, qui Moniale illius carnaliter cognoscit.

46. *Resp.* *Tambur. d.11. de jure Abbat. qu.2. num.6.*, ex *Farin. de delict. carnal. qu.146. §. Sacrilgium num.10.*, & *Homob. p.2. cas. res. c.4. sect.1.* debere applicari, si in casu proposito interveniat vis, aut raptus; idque ex l. *raptores C. de raptu Virginum Auth. de raptis mul. colat.9.* aliisque juribus relatis ab *Azorio par.3. l.3. c.15.* generaliter addicentibus bona omnia raptaris mulieri raptæ, dummodo rapta non consentiat in matrimonio cum raptore. Quæ jura utique possunt suffragari Monialibus; etsi sint juris civilis; cum Personæ Ecclesiasticæ, alias exemptæ a dispositionibus juris civilis, possint illis uti in materia sibi favorabili, ut tradunt communiter DD., & alibi nosetiam ostendimus. Constat autem in casu nostro, quod si Monialis consentiat in raptum, bona raptoris non debentur Parentibus Monialis raptæ, cum ea illis per professionem demortua sit civiliter; sed

Monas

Monasterio, in quo degit, ut pote succedenti loco Parentum; præsertim cum præfata (etiam Moniali non consentiente in raptum) non debeantur ipsi Moniali, quæ vi voti paupertatis non potest non acquirere Monasterio, quidquid acquirit, juxta illud vulgare: *Quidquid acquirit Monachus, acquirit Monasterio*.

Quæres 27. An legatum relictum Fæminæ maritandæ, debeatur Novitiæ ingredienti Religionem.

47. *Resp.* Deberi, si relinquatur Fæminæ determinatæ, sicut supponitur in præfenti casu: ita *Mol. tract. 2. d. 207.* dicens esse omnium, *Sanchez l. 1. de matr. d. 33. num. 29.*, alique plures Canonistæ penes ipsum: & probatur ex eo, quod, ubi testator oppositum non declaravit, præsumit jus fore, ut idem disponeret, si meminisset casum, quo Personæ jussu inire Matrimonium Religionem ingrederetur: de favore Religionis, ex quo infert *Sanchez num. 30.*, quod si præfentes conjecturæ in eventu proposito suadeant testatorem intellexisse de nuptiis carnalibus; tunc Fæminæ legataria non obtineret legatum, si Religionem intraret; cum sic cesset dicta præsumptio, & alioqui ultimæ voluntatis testatorum impleri debeant instar legis.

48. *Dixi si relinquatur Fæminæ determinatæ*; si enim legatum relinqueretur indefinitæ puellis maritandis; tunc putat *Sanchez n. 32.* contra aliquos oppositum sustinentes ex *Auth. Sanctiss. Episc. §. Sed & hoc præfenti collat.* legatum non posse tradi puellis ingredientibus Religionem, probatque, tum quia dispositio illa citatæ Authentice statuentis conditionem nuptiarum esse invalidam, & haberi pro non scripta, quoties aliquis sub illarum conditione donaverit, vel reliquerit liberis, vel cuicumq; Personæ hæreditatem, vel legatum, & talis persona intret Religionem, est exorbitans a jure petente conditiones impleri in vera, ac specifica forma, & non ficta *l. Mevius, & l. qui hæredi ff. de condit. & demonstrat.* Sicque ad alios casus non debet trahi: *reg. 28. de reg. jur. in 6.*, tum quia in præfenti casu

militat longe dispar ratio, ac in casu *§. præcedenti* proposito: siquidem quando legatum relinquitur certæ personæ, testator habuit specialem affectionem ad subveniendum illi fæminæ, adeoque jux præsumit ipsum voluisse ei legare etiam casu, quo ingrederetur Religionem: secus si legaretur Incertis fæminis maritandis; tunc quippe non censetur habuisse specialem affectum ad eam, quæ modo dicto intraret Religionem, & alias legatum potest impleri in vera, & propria forma, si detur aliis fæminis matrimonium carnale contrahentibus, quod non eveniebat in alio casu: contrarium tamen sustinet *Diana par. 5. tract. 14. resol. 35.* citans pro se Nattam, Boerium, Ochagaviam & Pontium, monensque ex Pontio hanc opinionem fuisse inter Salamanticenses Theologos communem, & ex Ochagavia illam servari in foris contentiosis, adeoque executores testamentorum non debere timere illam deducere in praxim.

Addit *Diana p. 1. tract. 2. resol. 84.* mulieres Tertiarias, si habeant conditiones recensitas hic *num. 50.* posse consequi legatum relictum pro puellis Monachandis: idque colligit ex *§. Sed hoc præfenti Authent. de Sanctiss. Episc.* paulo ante adducta, notans sic sæpe fuisse decisum; etsi Franciscus de Castillo, & Riccius a Diana relati oppositum sustineant: pro quibus utique non facit Bartolus in *l. commodissime ff. de fil. & posthum.* cum ipse loquatur de ingressu Monasterii, non autem de simplici Monachatu, sicut nos loquimur.

An autem si 500. aurei legentur alicui puella ad constituendam ipsi dotem, in casu, quo Monialis fiat, ejusmodi legatum ei debeatur, si eligat ingredi Monasterium Monialium nullam exigentium dotem, & solum recipientium necessaria ad vestitum Religiosum; aliaque levioris momenti; ut faciunt Moniales Capuccinae Fervaria.

Resp. Deberi, & quidem non solum quoad portionem necessariam emptioni habitus Religiosi, & aliorum similibus (quippe quæ succedant loco dotis, & sunt

sunt particula quædam alimentorum, pro quibus dos tradi solet Monialibus, censentur cadere sub mentem, ac dispositionem Testatoris, & sunt consentanea æquitate), sed etiam quoad totam summam, idque qb doctrinam *Lessii l.2. c.8. n.124.* nimirum quod quando aliquis donat ob certum finem, si non intendat obligare ad talem finem, sed solum allicere animum Donatarii, aut præbere media ad finem illum obtinendum, si placuerit; non est irrita donatio, etsi finis non sequatur: ut si Petrus leget puellæ 100. ut nubat, nec aliud exprimat, illa vero ante nuptias moritur; legatum non est restitutum, sed transit ad hæreses puellæ: immo etsi manens in vita coleret cœlibatum in sæculo, aut ingrederetur Religionem, non teneretur restituere, ut docet *Molina tom.1. de just. d.208.* cui doctrinæ subscribunt *Rebell. p.2. l.10. qu.13. num.5. & 6., Rodrig. tom.2. qu.127. ar.2., Menoch. de præsumpt. præf.146. n.27., Diana in addit. p.2. resol.28., & alii.* Hæc enim doctrina præsentis casui mire adaptari potest: ut facile constabit consideranti propositionem ipsam casus: & juxta illam Ferrariz judicavit Reverendissimus Leoncillus tunc Vicarius Generalis, mihiq; amicissimus.

Dissentit Rota Romana *tom.1. de tit.450.* statuens legatum dotis esse conditionale, adeoque non deberi, nisi purificata conditione (idest nisi legataria nupserit, aut Monasterium ingressa fuerit), & consequenter legatum non posse cedi alteri *l. unica §. Sin autem aliquid sub conditione C. de caduci. tollen. Berojus consil.78. num.5. l.1., Mantica de conjest. ult. volunt. l.11. tit.22. num.48. & seqq.* quamquam dici possit Rotam non facere contra casum hic propositum; cum in eo Legataria vere ingressa sit Monasterium, hæcque purificata sit conditio.

Quod si quæras, an puella, cui relictum est legatum 1500. aureorum in dotem tradendam ab hæredibus Testatoris, quando ea nupserit, aut Religionem ingressa fuerit; si hæc vivente Testatore facta sit Monialis cum dote 800. aureorum, so-

luta ex bonis ipsius Testatoris absentis, possit prætendere residuum legati ab hæredibus Testatoris defuncti.

Resp. Ciarlinus p.2. cap.142. nu.12. posse; & probat, quia quod est factum in favorem legatariz, non debet retorqueri in odium; & cum Testator scierit eam ingressam fuisse Religionem, & statim non mutaverit Testamentum (sicut potuit) supponitur perstitisse in eadem voluntate, ut puella post ejus mortem posset petere residuum legati; ut in terminis dicit *Gulielm. de Cunn. in l. cum is §. si mulier ff. de condit. indeb. per l. Publius in princ. de condit. & demonst.* Quin etiam addit *Ciarlinus num.19.*, quod si in isto casu non accepit dotem ex bonis Testatoris, ipsa post ejus mortem integrum legatum consequetur; ex *l. Publius supra citata*: monetque *num.16.* responsonem non procedere, si ex conjecturis constet de contraria voluntate Testatoris: tota enim hæc materia est conjecturalis *Bart. & Doctores in l. Lucius la 1. ff. de leg. 2. Rota apud Farinac. decis.499. n.5. part.2. recent.*

Concedo quidem, quod, cum Monialium dos tradi non debeat Monasterio ante professionem, sed deponi interim debeat apud Personam idoneam, juxta superius dicta in præsentis casu legatum suspenditur usque ad professionem puellæ Legatariz. Quod tamen non procedit quoad habitum Religiosum, & alia cubiculi mobilia ministrari solita Monialibus succedentia loco dotis, quæ utique non suspenduntur modo dicto, sed juxta locorum consuetudinem dantur initio Novitiatu.

Addo, quod si puella in casu hic proposito velit manere in sæculo, frui poterit legato ipsi relicto, non tamen de eo disponere nisi in morte: & hoc ob doctrinam superius datam ex *Molina*, & aliis: si vero ingrediatur Monasterium recipiens dotem, & ipsa aliunde sit provisa de dote, ea nihilominus legatum hoc acquirat; cum jam ipsi acquisitum sit jus, ad quod tunc erat habilis, & alias non appareat, cur eo privari debeat.

Pute

Puto item legatum relictum pro Monachandis foemina corruptis posse implicari, si desint tales foeminae, in mari-
tanda puella, cujus pudicitia sit periculi-
tata, si in hoc Episcopi consensus inter-
veniat. Moveor, quod juxta Genuensem,
Vasq. Grassium, Comitolum, Pennam, Fer-
nandez, Armillam, Tabienam, & alios re-
latos a Diana part. 3. tract. 17. resol. 26.
potest Episcopus, & si non adsit impedi-
mentum juris aut facti, commutare le-
gatum in æquale, aut melius, maxime de
consensu hæredum; cum in hoc non con-
fringatur voluntas Testatorum, sed po-
tius explicetur, servando non explicitam,
ac formalem, sed virtualem, & interpre-
tativam dispositionem Testatoris. Quod
si Concilium sess. 22. c. 6. de reformat. in
talibus commutationibus petit justam, &
necessariam causam, non ideo petit co-
pulative quod causa sit justa, ac necessa-
ria, sed disjunctive, ita ut particula,
&, habeat vim disjungendi, & sumatur
pro particula, vel; ut in lib. 2. Physic.
text. 3. dicitur naturam esse principium
movendi, & quiescendi, sumpta parti-
cula, &, pro vel; quare cum verba Con-
cilii accipi debeant disjunctive, potest
Episcopus commutare legata, vel ex cau-
sa necessaria, vel ex justa; ut advertit
Comitulus in resp. mor. lib. 7. qu. 9. n. 2.,
& cum eo Diana loco citato.

Quod si Testator certæ Puellæ, v. g.
Mariæ, leget, ut fieret Monialis, & ea-
prius quam fieret Monialis, mortua est,
hoc legatum, si fuit relictum in contempla-
tione personæ, & non piæ causæ (quod
colligi debet ex concurrentibus conjectu-
ris, ut si Puella diu servierat) sit cadu-
um, & pertinet ad hæredem, si vero
Testator respexit ad animam, & ad piam
causam (quod in dubio præsumitur) le-
gatum debet converti in alium usum pium.
Ita Sanchez l. 4. conf. cap. 2. dist. 5. num. 7.
ex Abb. Anan. Anchar. Bart. & Mantica
in simili. Ducor, quod in posteriori casu

Testator principaliter consulere voluit
animæ suæ, expendendo legatum in opus
pium, & secundario in illud, quod signa-
vit; adeoque si nequit expendi in illo;
debet expendi in alio, ut habetur expresse
cap. Nos de Testament. l. legatum ff. de
usufructu legato, & in Tridentino sess. 5.
cap. 8. de reformat. in priori vero casu Te-
stator principaliter intendit favere puel-
læ; ideoque ea mortua, cessat finis legati,
& consequenter corrumpit ipsum legatum
juxta l. final. ff. de adult. l. si Maritus, feri-
psit c. de prescript. long. temporis l. final.
ff. de jure patron. l. adigere §. quamvis.
Tiraquel. tract. cessante causa, & de jure
primogenit. qu. 40. n. 770. Anchar. conf. 47.
num. 4.

Quæres 28. An Moniales Ordinum
Mendicantium veniant sub dispositionibus
favorabilibus, loquentibus in specie de
Mendicantibus.

49. Resp. Barbosa l. 1. jur. Eccl. c. 41.
n. 217. quod licet aliqui DD. ab ipso relati
partem affirmantem sustinere videantur;
pars tamen negans videtur prior: pro-
batque, quia alias dictæ Moniales non adeo
sollicite corarent admitti ad partici-
pationem privilegiorum Mendicantium, sicut
curarunt Moniales S. Claræ teste Rodriq.
tom. 1. quest. 55. art. 1. & 13.

Quod si hic obiter quæras, an Monia-
les Tertiaria fruantur privilegiis Ordinis,
sub cujus tertiæ regulæ habitu incedunt, si
seorsim habitent in propriis domibus con-
sanguineorum suorum, aut affinium.

50. Resp. Frui si vitam virginalem,
aut celibem simpliciter traducant sub ex-
presso voto, tertiæ regulæ habitum de-
ferendo: sic enim cavetur in Constitutio-
ne Concilii Lateranensis sub Leone X.
sess. 21. ut inter alios advertit Barbosa in
collect. v. Tertiaria, addens ex declaratio-
ne Særæ Congregationis 20. Dec. 1616.
spectare ad Ordinarium loci indicare,
num in ejusmodi Tertiariis concurrant
dictæ qualitates, necne.

CAPUT X.

De Guberatione Monialium .

UM gubernatio Monialium , de qua acturi sumus in isto Capite , considerari possit , tam in ordine ad potestatem jurisdictionis , quam in illas habent Ordinarius loci , aut Prælati regularis Ordinis , prout ~~et~~ alterutri illorum immediate subjiçuntur ; tum in ordine ad potestatem civilem , seu politicam , per quam subduntur propriæ Abbatiæ , seu Prioriæ ; tum in ordine ad potestatem fori pœnitentialis , per quam subfunt Sacerdoti ipsi deputato in Confessarium five ordinarium , five extraordinarium ; ad majorem distinctionem præfens Caput dividemus in tres Sectiones ; in quarum prima agemus de gubernatione Monialium quoad Ordinarium loci , seu Prælatum regularem Ordinis respectivè ; in secunda quoad Abbatiæ ; in tertia quoad Confessarium tam ordinarium , quam extraordinarium . Quæ autem dicentur in hoc Capite , erunt non parum utilia , cum regimen Monialium sit difficillimum ; ut proinde Joannes Mantellus tractatum de regimine Monialium a se editum hoc titulo prudenter inscripserit : *Ars artium , sive de Regimine Monialium* : In hoc forte alludens ad id , quod habet S. Gregorius Nazianzenus *Orat. I.* , quod scilicet ars quædam artium , & scientia scientiarum esse videtur hominem regere , animal omnium maxime varium , & multiplex . Unde idem S. Gregorius , cum ad regimen animarum abriperetur , suspirans *orat. cit.* dicit hæc : *Medullas etiam meas eliquant , & carnes conficiunt , nec me audacem esse sinunt , ac sublata facie incedere : hæc animum meum dejiciunt , & mentem contrahunt , & lingua vinculum injiciunt , faciuntque , ut non de præfectura , nec de corrigendis , aut gubernandis aliis cogitem (id quod exuberantis facultatis est) sed quomodo ipse venientem iram effugere , atque a vitii rubigine non nihil me ipsum abstrahere primum queam ; purgarique prius , deinde purgare , sapientia instrui , atque ita demum instruere , lux fieri , & alios illuminare , ad Deum appropinquare , & alios adducere , sanctificari , & postea sanctificare , cum manibus ducere , cum prudentia consilium dare .*

SECTION I.

*De gubernatione Monialium quoad
Ordinarium loci , aut Prælatum
Regularem Ordinis .*

QUoniam in aliquibus Moniales omnes tam exemptæ , quam non exemptæ , subjacent jurisdictioni Ordinarii ; in aliis vero non omnes ei subjiçuntur , sed solum non exemptæ , exemptis quoad illa manentibus sub potestate proprii Prælati regularis ; hinc loquuturi in præfenti Sectione de potesta-

te Ordinarii , & Prælati regularis in Moniales respectivè sibi subditas . Sectionem dividemus in tres Subsectiones ; in quarum prima ostendemus , quænam sint ea , in quibus Moniales tam exemptæ , quam non exemptæ subduntur potestati Ordinarii loci ; in secunda proponemus ea , in quibus Moniales subjiçuntur sive Ordinario loci , sive Prælato regulari Ordinis , prout sunt vel exemptæ , vel non exemptæ ; in tertia differemus de actu Visitationis , qui est inter actus potissimos præfatæ potestatis , & respe-

respectu diverforum competit tam Ordinario, quam Prælato regulari, juxta diverfam rationem subjectionis, quam Moniales respective retinent circa illos.

SUBSECTIO I.

De potestate Ordinarii in omnes Moniales, five exemptas, five non exemptas.

1. **M**oniales omnes jure communi subjunt Ordinario.
2. Ex privilegio tamen aliqua ab eo exempta, sed non omnes.
3. In tali exemptione adest magna varietas pro varietate Monialium.
4. In quibus subjunt Ordinario, subjunt & ejus Vicario Generali, immo & Capitulo, Sede vacante.
5. Idque etiam quoad potestatem competentem Ordinario, ut Sedis Apostolica delegato.
6. Quod procedit etiam quoad Capitulum, Sede vacante.
7. Moniales exempta Ordinario se subjiunt de licentia sui Prælati in favorabilibus.
8. Regulares juxta aliquos non possunt subjicere Ordinario suas Moniales.
9. Moniales melius reguntur, juxta Portellum, per Prælatos regulares.
10. Controverti potest, an expediat bono Regularium quod curam gerant Monialium.
11. Moniales etiam exempta subjunt Ordinario quoad Novitiarum receptionem.
12. Item quoad emissionem Professionis.
13. Item quoad Confessariorum approbationem.
14. Item quoad observantiam Festorum, Censurarum, ac Interdictorum.
15. Item quoad Clausuram.

16. Possunt ab eo prohiberi, ne ostio Conventus aperto colloquantur cum laicis.
17. Cura Clausuræ dicitur ei commissæ etiam quoad for...e.
18. Unde potest Ordinarius sub censuris vetare accessum ad Moniales exemptas.
19. Ex decreto Gregorii XV. Ordinarius punit quoscunque delinquentes circa Monialium Clausuram.
20. De licentia Ordinarii Regulares interdum accedunt ad Moniales, idque ex Decreto Urbani VIII., vi cujus Ordinarius potest, sed non tenetur dare dictam licentiam: quæ peti debet etiam a Prælato regulari, si Monialis sit exempta: est autem nulla, si in ejus usu non serventur substantialia præscripta in Decreto: juvat pro alia die, si die destinata deferre nequeat: illicite concessa non tenet: vi illius accedens ad unam Monialium non agit cum aliis accedentibus. Quid de accedenti in habitu incognito, si aliàs servat servanda.
21. Sine ejus licentia non possunt Moniales conveniri, aut visitari.
22. Illa subjunt Ordinario quoad observantiam Clausuræ, etsi sint exempta.
23. Immo etsi sint immediate subiecta Sedi Apostolica.
24. Visitat Ordinarius exercentes Parochiam annexam Conventibus Monialium.
25. Si impediatur a Monialium Visitatione, vim vi repellit.
26. Punit Moniales exemptas delinquentes circa Clausuram, & spiritualia.
27. Non item in aliis casibus, etsi possit puni-

punire Monialem delinquentem extra Monasterium.

28. *Potest punire Monialem delinquentem scandalese extra Clausuram, licet aliàs degeret in Conventu.*

29. *Moniales subsunt Ordinario quoad electionem Abbatisa, etsi sint exemptæ.*

30. *Item ei subsunt quoad bonorum temporalium administrationem ex Bulla Gregorii XV., quæ tamen non comprehendit Monialium Prælatos earum bona interdum administrantes; hæ rationes non reiudicanda sponte; ad eas vocandi etiam Prælati regulares, quibus seorsim reddi debent, etsi redditæ sint Episcopo coram illis; etsi sibi non possint cogi, ut redditioni præfata interveniant.*

31. *Item quoad Monasteriorum constructionem: idque ex decreto Sacre Congregationis; vi cuius tamen non requiritur consensus Abbatisæ aliorum Conventuum, ut novum Monasterium Monialium fiat.*

32. *Item & subsunt quoad exendum & Clausura, & quoad recipiendum intra illam.*

33. *Concionaturi Monialibus petunt benedictionem ab Ordinario.*

34. *Celebraturi in Ecclesia Monialium non petunt licentiam ab Ordinario loci.*

Quæres 1. An, & qualiter Moniales de iure communi subiciantur potestati Ordinariorum.

1. Resp. **Q**uod, cum omnes personæ Religiosæ, seclusis peculiaribus privilegiis de iure communi debeant esse sub cura, ac potestate Episcopi, in cuius Territorio degunt, iuxta *c. contra morem d. 100.* ubi dicitur om-

nes Ecclesias, & loca Sacra in unaquaque Diocesi constituta esse Episcopo talis Diocesis subiecta: quo modo Suarez *to. 4. de Relig. tract. 8. l. 2. c. 1. n. 11.* dicit exemptionem Religiosorum ab Episcoporum iurisdictione, non solum non esse de iure Divino, sed potius esse quædam quasi dispensationem ipsius juris Divini, quod de se erat indifferens: eadem ratione dicendum est etiam Moniales iure communi esse subiectas Ordinariis, quippe quæ nec habent ullum indultum speciale, vi cuius dicantur exemptæ a potestate Episcopi; & alioqui ut Religiosæ non gaudent Privilegio exemptionis; cum potius tamquam accessorix Religionibus virorum debeant esse subiectæ Ordinariis, sicut sunt & viri Religiosi, accessorio sequente naturam principalis.

2. Dixi, seclusis peculiaribus Privilegiis: cum enim modo viri Religiosi fere omnes communiter indultis Pontificis eximantur ab Ordinariorum iurisdictione; & alias Moniales fruuntur omnibus Privilegiis sui Ordinis (quorum ipsæ sunt capaces) etiam ipsæ censeantur exemptæ a dicta iurisdictione, nisi aliunde iterum ex legitima potestate iis subiciantur, sive in totum (quo pacto in præsentia plura Monialium Monasteria subiciuntur Episcopo Diocesano in omnibus, & per omnia) sive ex parte; sicut de factis Moniales subiectæ Sedi Apostolicæ vigore Concilii Trid. *sess. 25. de reg. c. 5.* subiciuntur Ordinario loci quoad observantiam Clausuræ, immo & omnes aliæ modo superius explicato; nec non quoad plures alios casus infra proponendos.

Quæres 2. *Quæ Moniales de facto subiciantur Ordinario loci, & quæ sint exemptæ ab illius iurisdictione.*

3. Resp. Quod, cum iuxta dicta *c. præced. qu. 5.* huiusmodi quæstio sit facti, & de facto Jurisconsultus non respondeat *l. cum quem §. 7. ff. de Indic.* ideo ejus resolutio peti debet necessario ex tenore privilegiorum uniuscujusque Monasterii, iuxta *c. porro de privil.* quippe aliqua Monialium Monasteria sunt immediate subiecta Sedi Apostolicæ (quod tamen est ra-

rum

rum, cum raro expediat) alia subsunt gubernationi Prælatorum Regularium sui Ordinis; alia denique plene subsacent Ordinariis Jurisdictioni, & quoad Personas, & quoad bona temporalia. Notat autem *Suar. sup. tract. 9. l. 1. c. 12. n. 6.*, quod quando Papa Monasterium aliquod Monasticum subijcit soli Sedi Apostolicæ (quod utique potest facere cum pendeat ex ipsius voluntate, ac privilegio) tunc necessum est, ut alicui vices suas committat, qui in rebus necessariis exerceat jurisdictionem circa Moniales, maxime in foro interiori, ut pote magis necessario: quare in *Concil. Tridentin. sup. c. 8.* hæc habentur. *Monasteria Sanctimonialium Sedi Apostolicæ immediate subiecta, etiam sub nomine capitulorum S. Petri, vel S. Joannis, vel alias quomodoque nuncupentur, ab Episcopis tamquam districtæ Sedis delegatis gubernentur non obstantibus quibuscumque*; intellige gubernatione spirituali, non temporali: sic enim declaravit Sacra Congregatio teste *Tamb. d. 17. de jur. Abbatiss. qu. 3. n. 5.* & *Barbosa l. 2. de jure Eccl. c. 12. n. 58.*

Quæres 3. An Moniales in iis in quibus subijciuntur Ordinario loci, subijciuntur etiam ejus Vicario generali, immo & Capitulo, Sede vacante.

4. *Resp.* Subijci, & Vicario generali, ut pote constituti unum, ac idem tribunal cum suo Episcopo; & Capitulo, Sede vacante, tanquam succedenti in ea omnia, quæ concernunt jurisdictionem Episcopalem, inter quæ sine dubio est etiam potestas in Moniales subiectas: colligitur ex *Barbosa alleg. 102. de offic. Ep. n. 28.*, & est communis doctorum.

Difficultas major est, an Vicarius Generalis possit exercere in Moniales jurisdictionem competentem Ordinario tanquam Sedi Apostolicæ delegato.

5. *Resp.* Possit; & probatur, tum quia delegatus Principis potest sublegare; sicque de eo non procedit, quod delegatus nequit sublegare; tum quia Jurisdictio ex Principis privilegio competens, non personæ, sed perpetuo dignitati, aut officio, non est delegata, sed ordinaria; potestas autem ordinaria utique potest dele-

gari, defumitur ex *Sanchez. l. 2. de matr. d. 40. n. 14.* ubi late, aliis pluribus citatis, hanc quæstionem prosequitur.

6. Illud etiam hic placet addere, quod, cum Capitulum, Sede vacante, possit illa omnia exercere, quæ jure communi pertinent ad ordinariam jurisdictionem Episcopi, exceptis nonnullis in jure specialiter prohibitis, sicut fatentur Doctores ex *cap. cum olim de major. & obed.* & ex alia parte Jurisdictio in perpetuum commissa muneris Episcopali ex delegatione Sedis Apostolicæ non in bonum Episcopi, sed subditorum, in quos ea exerceri debet tamquam ex officio, non sit delegata, sed potius ordinaria, ea consequenter transit in Capitulum, sicque Capitulum tempore Sedis vacantis exercere poterit in Moniales ea omnia, quæ præstare possent Episcopus tamquam Sedis Apostolicæ delegatus.

Quæres 4. An Moniales exemptæ ab Ordinarii jurisdictione possint ei se subijcere, saltem de consensu suorum Superiorum.

7. *Resp.* Probabile esse, quod possint, si id cedat in bonum ipsarum, sicut re vera potest cedere in non paucis casibus: ita *Sanchez. l. 4. mor. cap. 39. num. 32.* aliis citatis; & probatur, tum quia quod ob gratiam alicujus conceditur, non est in ejus dispendium retorquendum *reg. 61. in 6.* sicque cum exemptio Religiosorum inducitur sit in favorem Religionis (ut scilicet Religiosi Deo quietius famulentur in iis, quæ quietem, ac favorem Religionis concernunt) non debent esse Religiosi deterioris conditionis, quam alii de Diocesi non exempti; tum quia volenti, & consentienti non fit injuria: in casu autem, quo necessaria sit, aut admodum utilis cessio exemptionis, per Episcopum censetur tota Religio consentire. Quæ rationes intentum probare videntur tam de renuntiatione exemptionis absolute facta (ut si aliqua Religio subijciat Ordinarii locorum Moniales sibi immediate subditas censens prudenter id expedire ab bonum Ordinis) quam de renuntiatione solum facta pro aliquo casu particulari, v. g. ad obtinen-

nendam aliquam absolutionem, aut dispensationem.

8. Oppositum tamen sentit, aliis relatis *Tamb. sup. qu. 4. num. 2.* dicens probabilius esse, quod non possint Regulares dimittere Moniales, neque Moniales se subijcere Ordinario: cum, dato privilegio exemptionis, Papa se constituat veluti immediatum Superiorem Religiosorum exemptorum, sicque non possit absque ejus præjudicio cedi dicto privilegio: sicut nec potest Clericus unius Diocesis se subijcere Ordinario alterius Diocesis, sine licentia proprii Episcopi, ejus iurisdictionem prorogando, ut satis clare habetur in *cap. significasti de foro compet.*

Quæres 5. *An expediat bono spirituali Monialium, ut potius regantur per Ordinarium loci, quam per Prælatos Ordinis vel e contra.*

9. *Resp. Tortel. p. 2. resp. mor. casu 13. n. 2.* non expedire, sed interdum melius esse, ut regantur a Prælati Regularibus Ordinis: probat tum ex eo, quod Eugenius IV. Moniales S. Claræ, ex primaria sua institutione subjectas gubernationi unius Cardinalis, progressu temporis commisit regimini Fratrum Minorum, sentiens illas melius ab his gubernandas, quam a præfato Cardinale, idque cessurum in majus bonum spirituale ipsarum; tum quia Prælati Regulares majori studio, ac vigilantia insistent utilitati spirituali Monialium, ut pote agnoscentes illas tamquam membra sui Ordinis, sicque bonum illarum reputantes veluti proprium: quo modo Urbanus IV. auctor secundæ regulæ S. Claræ in ejus confirmatione dicit se earum regimen committere Cardinali Protectori Ordinis Minorum, qui ordinarie eas visitaret per ipsos Fratres Minores: idque ne aliâs ipsæ essent differentes in diversis modis vivendi (quod tamen eveniret, si eas regerentur ab eo, qui ignoraret vitam, & mores Fratrum Minorum) tum quia Prælati Regulares, cum sciant se, peracto regimine, subijciendos esse rigidissimo syndicatui, cautius procedunt in gubernatione, stidentque pro viribus quam optime satisfacere muneri suo, abdicatis

a se quibuscumque aliis curis extraneis: id quod haud potest ita bene præstari, aut sperari de Episcopis, quippe qui distinentur tot aliis occupationibus extraneis, & alias ex metu syndicatus excitari non possunt ad munus suum rite explendum: hæc Portel. quam probabiliter, viderit ipse, & colligatur ex quotidiana experientia. Illud certe posset hic addi, Moniales opera Confessariorum Regularium cæteris paribus melius, ac utilius posse dirigi ad religiosam perfectionem comparandam, quippe qui plerumque vacant acquisitioni illius, aut saltem indicare possunt media ad illam comparandam utiliora; idque ratione status, quem proficuntur.

10. An autem expediat bono spirituali ipsorum Religiosorum, quod ipsi exercent Monialium gubernationem, judicent ii, qui tot annorum experientia discere potuerunt quid boni, malive in hoc insit. Certe Alexander IV. insigni beneficium se conferre credidit Ordini Minorum, dum teste *Casarub. in comp. v. Moniales num. 1.* per Bullam ei concessit, quod ejus Fratres non teneantur suscipere curam quarumcumque Monialium prætextu quarumcumque litterarum Apostolicarum, quæ de præfenti Indulto plenam, & expressam mentionem non faciant, nisi Romanæ Ecclesiæ essent immediate subiectæ. Sic enim S. P. N. Ignatius *par. 6. constit. cap. 3. num. 5.* existimavit consulum fore Religiosis Societatis, ut non susciperent curam animarum, neque mulierum Religiosarum, vel aliarum quarumcumque, ut ordinarie illarum Confessiones audiant, vel ipsas regant: sic mihi constat viros Religiosos, graves, doctos, ac zelantes, quam maxime optare a se abdicare curam quamcumque etiam Monialium proprii Ordinis, forte censentes illam esse minus expedientem bono spirituali Religionis: sic denique Summi Pontifices ducti bono spirituali, sive ipsorum Religiosorum, sive Monialium, sive utrorumque, plura Monialium Cænobia subtraxerunt administrationi Regularium, eaque commiserunt Ordinariis locorum, & plura iu dicit identidem subtrahunt: quod

quod non facerent, si putarent id ipsis Religiosis, ac Monialibus non esse expediens, utile, inmo & necessarium. Ut proinde non abs re futurum sit referre, quæ habet Sanctus Bonaventura de puritate conscientie cap. 14. ex Sancto Augustino: *Sermo*, inquit, *brevis, & rigidus cum Mulieribus est habendus: nec tamen quia sanctiores fuerint, ideo minus cavendæ: quæ enim sanctiores fuerint, eo magis alligantur, & sub prætextu blandi sermonis immiscent se vitiis impiissimæ libidinis. Crede mihi, Episcopus sum, in Christo loquor, non mentior: cedros libani, idest contemplationis altissima homines, & gregum ardetes, idest magnos Prelatos Ecclesiæ sub hac spe corruisse reperi, de quorum casu non magis præsumebam, quam Hieronymi, & Ambrosii.* Hæc S. Bonaventura, quæ utinam interdum ipsa experientia non confirmarentur; usu ipso docente amicitiam, ac familiaritatem Monialium, quæ ex spiritu videtur incipere, tandem desinere in carnem, cum gravissimo dedecore status Religiosi, juxta illud Apostoli Galat. 3. *Sic stulti estis, ut, cum spiritu cœperitis, nunc carne consummeimini.* Quo circa S. Franciscus, teste eodem Sancto Bonaventura, suos studiose admonebat, ut caverent a Fœminis. *Quia*, inquit, *colloquium cum fœmina extra Confessionem, eamque brevem, inutile est, & periculosum: quod confirmabat S. Xaverius his paucis verbis: Majori periculo, quam fructu aditur fœmina.* Ad quod item facit, quod Seraphicus Franciscus sæpe animo turbato dicere solebat, *Timeo, ne, dum Deus nobis abstulerit uxores, Diabolus nobis procuraverit sorores*; ut refert Wadingus ad annum 1229. num. 44. narrans, quod cum Fr. quidam Stephanus de licentia Visitatoris ad Moniales accessisset contra præceptum ipsius S. Francisci, & ab eo veniam peteret de hac culpa; S. Pater illum graviter increpavit, jussitque Mense Decembris suis indutum vestibus in frigidissimum amnem immergi, dicens: *Extingue hæc aqua scintillas, quas in te lenis, & mitis, sed periculosus ignis accendit: lava, & absterge his undis secretas sordes, quæ, te*

infecto, tibi forte hæserunt. Cujus rei causa est ratio, quod Fœminæ, ut monet Sanctus Antiochus Abas hom. 18. in ipso aditu primæ conversationis multa cum lenitate loquuntur, & prono in terram vultu continenter illacrimantur, reverenter admodum habitum, motumque corporis emittuntur; suspiria attollunt amarulentia plena; de sanctimonia, aut castitate, etiamnum interrogant; magna cum voluptate auscultant discentem: alter, atque alter mox congressus superiora illa sensim repellit, ac repudiat: audaciores dehinc factæ sermones texunt, qui præ molli quodam lenocinio demulceant, & quamvis ipsæ nolint, ad turpitudinis affectionem invitent.

Quæres 6. *Qualiter Moniales subjiciantur Ordinario quoad receptionem ipsarum Monialium.*

11. *Resp.* Subjici tum quoad taxationem dotis, eo modo, quo diximus c. 3. sect. 2. qu. 3. tum quoad explorationem voluntatis puellæ recipiendæ; eo tamen modo, quo diximus hic cap. 2. sect. 1. qu. 4. tum etiam quoad definiendum ipsum numerum Monialium recipiendarum juxta dicta ibi qu. 6.

Quæres 7. *In quibus subjiciantur Moniales Ordinario loci quoad emittendam professionem religiosam.*

12. *Resp.* Subjici quoad explorationem voluntatis ante professionis emissionem præmittendam, uti docuimus sup. c. 3. sect. 1. qu. 2. & quoad bonorum renuntiationem juxta Decretum Concilii Tridentini sess. 25. de regul. c. 16. a nobis relatum, ac explicatum sup. c. 2. sect. 3. per totum.

Moneo hic obiter, quod, quamvis plures DD. apud Sanch. l. 7. mor. cap. 8. n. 91. dicant in bona Novitii decedentis absque renuntiatione, aut Testamento succedere Monasterium, exclusis hæredibus ab intestato; oppositum tamen omnino sustinendum putat Caslr. Palaut tr. 16. d. 1. p. 16. n. 1. aliis pluribus citatis; & probat, quia Novitius non est Religiosus cum effectu, nec boni sui Monasterio dicavit per ingressum, siquæ nulla adest ratio,

tio, ob quam Monasterium ei succedat ab intestato: qua de re *Sanch. loco citato*, & *Suar. 10.3. de Relig. l.5. c.15. n.9.*

Quæres 8. Quo jure Moniales subji-
ciantur Ordinario loci quoad approbationem Confessari, tam ordinarii, quam extraordinarii.

13. Resp. Subjici ex Constitutione Gregorii XV., quæ incipit *Inscrutabili*; & quidem eo modo, quo dicemus infra *sest.3.* de hoc ex processu agentes.

Quæres 9. Quo jure Moniales subji-
ciantur proprio Ordinario quoad observantiam fessorum ab ipso legitime institutorum; nec non censurarum, atque interdictionum, quæ forte ab eo ferantur.

14. Resp. Subjici ex decreto Concilii Tridentini *sest.25. de regul. cap.12.* a nobis adducto supra *cap.6. q.13.* quod sine dubio afficit etiam Moniales exemptas.

Quæres 10. In quibus subji-
ciantur Ordinario quoad Clausuram, et si alias sint exemptæ.

15. Resp. Subjici quoad custodiam, quidem Clausuræ Monasterii eo modo, quo diximus *cap.5. sest.1. q.4.5.*; quoad egrediendum vero ex ipsa Clausura in casibus permissis ea ratione, qua explicavimus citato *cap.5. sest.2. q.9.*; item quoad recipiendas intra Clausuram Personas extraneas in casibus necessariis, aut alias concessis, ut constat ex dictis allegato *cap.5. sest.3. q.32.*

Quod si hac occasione quæras, an Ordinarium possit prohibere Monialibus, etiam exemptis, sub pena excommunicationis, ne accedant ad loquendum cum Personis extraneis ad ipsas accurrentibus, vel ne diutius loquantur cum dictis Personis, ostio Monasterii aperto, aut ad fenestellas carentes cratibus.

16. Resp. Possit, non dubitans custodiam Clausuræ Monialium fuisse commissam a Concilio Trident. Ordinariis locorum, non solum quoad materiale ipsius, sed etiam quoad formale; uti declaravimus supra *cap.5. sest.1. quest.6.* Moveor, quod dictum Concilium *sest.25. de regul. cap.5.* præcipiens Ordinariis, ut in omnibus Monialium Monasteriis sibi subiectis

ordinaria, in aliis vero Sedis Apostolicæ auctoritate Clausuram Sanctimonialium, ubi violata fuerit, diligenter restitui, & ubi inviolata est, conservari maxime procurarent, hæc addit: *inobedientes, atque contraditores per censuras Ecclesiasticas, aliasque penas, quacunque appellatione postposita, compescentes, invocato etiam ad hoc, si opus fuerit, auxilio brachii secularis*: quod est concedere Ordinariis, ut Clausuræ observantiam procurare possint, etiam per censuras Ecclesiasticas, & quidem etiam in Monasteriis Monialium exemptarum, tamquam Sedis Apostolicæ delegati; unde sit, ut in tali casu præfatis Monialibus non præstet privilegium exemptionis, quippe quod solum operatur, ut Ordinarii non possint potestate ordinaria procedere contra dictas Moniales per censuras Ecclesiasticas: quod non evenit in præsentis casu.

17. Quod si Moniales etiam exemptæ subjacent censuris latis ab Ordinario in materia concernente Clausuram formaliter sumptam modo supradicto; a fortiori poterit Ordinarius ferre censuras contra indebite accedentes ad Monasteria dictarum Monialium exemptarum; cum sic ille operetur tamquam Sedis Apostolicæ delegatus, sique ejus potestati obviare non possit favor exemptionis competens præfatis Monasteriis: quod non procederet, si Ordinarius operaretur ex sua potestate ordinaria: cum paria sint, locum esse extra Diocesim, ac esse exemptionem; & alioqui extra territorium Jus dicenti non pareatur impune: sed de hoc alibi: interim qui vult, consulat *Tamb. sup. d.2.5. quest.7.*

18. Accedit quod vi Constitutionis Gregorii XV. editæ 5. Febr. 1622., quæ incipit *Inscrutabili*, possunt Ordinarii quoties, & quando opus fuerit, punire, & corrigere quascunque personas, tam Regulares, quam Sæculares, quæ forte delinquant circa personas intra septa degentes, aut circa Clausuram, vel circa bonorum administrationem Monasteriorum Monialium, etiam Regularibus subiectarum: & hoc tamquam ad id Sedis Apo-

Apostolicæ delegati. Puto autem per verbum illud *delinquant circa Personas* intelligi solum delictum contra castitatem: quippe quod potest frequentius intendi ab iis, qui accedunt ad Monasteria Monialium, ideoque opus erat, ut efficaciori aliquo remedio caveretur; proportionatiter, ut diximus *in tract. de prohib. c.2. qu.14.* probabile esse violationem Clausuræ Monialium ob malum finem specialiter reservatam a Clemente VIII. in suo illo decreto derogatorio, intelligi tantum de malo fine contra Castitatem: ita docti viri consulti, & satis probabiliter; maxime attenta doctrina generali, quod ubi agitur de pœnis, stricta facienda est interpretatio: & quod in legum interpretatione potius sequenda est mens Legislatoris, quam verba; sicut pluribus iuribus citatis ostendit *Laym. l.1. tract.4. c.18. num.3.*

19. Illud etiam hic placet meminisse, sacram Cardinalium Congregationem de mandato Urbani VIII. die 29. Nov. 1623. concessisse Ordinariis locorum, ut quatenus sibi visum fuerit in Domino expedire, licentiam concedere possint per 4. vices ad summum quolibet anno cuiusque Regulari, ut Moniales sibi in primo, & secundo tantum consanguinitatis gradu conjunctas convenire, & alloqui possint; id vero non aliter, quam servata ad unguem forma inferius scripta &c. qua de re late in nostra *tractat. de prohib. c.6. per totum.*

20. Caterum pro intelligentia decreti Sacr. Congregationis jussu Urban. VIII. editi, & paulo ante allegati aliqua breviter advertenda sunt, & quidem 1. Ordinarios vigore illius non teneri dare licentiam Regularibus, ut possint adire Moniales modo dicto consanguineas; sed solum posse, si attentis presentibus circumstantiis judicent id expedire. Colligo ex verbis illis decreti *Quatenus sibi* (idest Ordinario) *visum fuerit in Domino expedire.*

Adverto 2. Quod si Monialis invi-
senda a Regulari sit exempta, licentia
peti debet tam ab Ordinario, quam a Præ-

lato Regulari Monialis: nam in relato decreto dicitur, *prædictæque licentia obven-
ta ab Ordinario, & ab alio, ad quem spe-
ctet eam concedere*; et si evenire possit ali-
cubi inductam esse consuetudinem peten-
di dictam licentiam solum ab Ordinario.

Adverto 3. Quod si præfata licentia
detur non servatis omnibus iis, quæ præ-
scribuntur in Decreto, de rigore juris
censeri debet invalida: cum in Decreto
dicatur: si locorum Ordinarii per plures
vices, vel in ulteriori gradu conjunctis,
aut aliter quam super dicta forma licen-
tias concesserint; Regulares pœnis supra-
dicto Decreto contentis, *ac si nullam li-
centiam obtinuissent, eo ipso se noverint
addictos*; & præterea addatur in eodem
Decreto, Ordinarios non posse dare talem
licentiam aliter, quam servata ad unguem
forma inscripta. Concedo tamen, quod
cum in eo decreto extent aliquæ condi-
tiones levioris momenti (qualis est, quod
præscribatur certa hora accedendi ad Mo-
nasterium, quod assistant Moniales Au-
sculatrices, quod Confessarius Monialium
interfuit & assistat) quas constat experien-
tia non ubique observari, consequenter
si qua talium conditionum omittatur, non
ideo irrita debet censeri licentia; idque ob
doctrinam, quam tradit ex Decio, ac Fe-
lino Naldus *v. actus. num.33.* actum sci-
licet non vitari ex omissione formæ, si
forma sit modici momenti, præterquam-
quod non est novum, legem aliquam acce-
ptari secundum unam partem, & non se-
cundum aliam, ut erudite ostendit Bal-
dell. *l.5. d.18. num.25.* consentit ex par-
te Sanctorum in *cap.11. Const. min. stat.7
quæst.1.*

Quod autem dixi *tract.6. c.6. nu.38.*
Bordonum docere Episcopos posse in præ-
sentia dare Regularibus licentiam acce-
dendi ad Moniales in die Mercurii 4. tem-
porum (quod item docet *Lezana v. Mo-
niales num.13.*) rejicit Diana *par.9. tr.7.
resol.35.* ex eo quod, licet 4. Tempora in
ordine ad rubricas differant a Vigiliis, in
ordine tamen ad finem intentum a Papa
prohibente, ne in Vigiliis Regulares ac-
cedant ad Moniales, non differunt; cum

in 4. temporibus militet finis quoad hoc intentus respectu Vigiliarum; qui est ut Moniales in diebus jejunii non distrahan- tur ab oratione: unde hic procedit regula Juristarum; ubi est eadem ratio, est eadem Juris dispositio: *l. illud ff. ad leg. Aquil.*, & quod ratio legis magis, quam verba, spectari debet *l. scire §. aliud ff. de excusat. tutor.*

Adverto 4. Quod si contingat Religiosum habentem licentiam accedendi ad aliquam Monialem non posse accedere die statuta, aliqui viri docti putant non esse improbable illi-*m* vi dictæ licentiæ posse accedere alia die, si parum temporis intercedat, nullum subfit periculum scandali, & dies, qua acceditur, alias non sit vetita; probantque ex eo, quod Superior in tali casu quoad mutationem diei non censetur invitus, cum statim fieri censetur, quod sit paulo post, & parum distans nihil distare censetur: vel certe, si est invitus, est solum invitus quoad modum; quod non sufficit, ut utens licentia dicat re peccare mortaliter quo modo DD. apud *Lessium lib. 2. cap. 12. num. 49.* dicunt non peccare mortaliter illum, qui occulte accipit aliquid ab eo, qui est invitus solum quoad modum: sic illi; quam probabiliter, viderint ipsi.

Adverto 5. Quod si Religiosus accedat ad Moniales cum licentia ab Ordinario inique obtenta, eo quod is illam deb.isset denegare, non est tutus in conscientia: siquidem ubi requiritur licentia, intelligitur legitima, idest iuste, ac rationabiliter concessa; cum idem sit non esse, vel esse minus competens, ut notat *Nald. ex Butrio v. licentia num. 1.*, & verbum licentia importet voluntatem, non liberam, sed prudentiæ arbitrio consonam, adeoque facere aliquid cum licentia invalida idem sit, ac facere sine ulla licentia: constat autem licentiam datam a non potente dare, sive absolute, sive in tali casu esse nullam.

Adverto 6. Non esse tutum in conscientia Religiosum, qui habens licentiam accedendi ad unam Monialem loquitur cum alia; & ratio est, quod licentia non

operatur ultra intentionem concedentis sufficienter expressam; licentia autem accedendi ad Moniales ex intentione concedentis extenditur solum ad consanguineas in primo, & secundo gradu; ut constat ex Decreto supra relato: intellige, nisi parvitas materiæ excuset (ut si urbanitatis causa aliquam aliam Monialem salutet, aut patetis alloquatur: quod si usus est in contrarium, omnino videtur extirpandus, cum sit abusus, & corruptela.

Adverto 7. Religiosum, qui associat alium Religiosum cum debita licentia accedentem ad aliquam Monialem, non posse & ipsum loqui cum illa. Ita me citato *Diana p. 9. tract. 7. resol. 33.*, & *Pasqual. p. 2. qu. 158. num. 2.* probans licentiam alloquendi Moniales non extendi ad Regularem socium, tum quia, ut Religiosus obtineat licentiam loquendi cum Monialibus, requiritur iusta causa *cap. opericulo de statu Monach.* talis autem causa non est associatio ut sic; tum quia quod dicitur, de connexis esse idem iudicium, verificatur solum, quando ea sunt inseparabilia, non item quando unum stare potest sine alio (quo casu non sumus in connexis, sed in separatis. *Covar. qu. pract. c. 34. Craveta Conf. 232. nu. 1.*) Regularis autem, & socius in locutione cum Monialibus non sunt connexi; cum habens licentiam loquendi possit æque bene loqui, absque eo quod socius loquatur.

Adverto 8. Quod si contingat Religiosum habere necessitatem accedendi ad aliquam Monialem in loco, ubi ille ex iusta causa incedit incognitus, mutato habitu (quod interdum potest evenire, & de facto evenit) potest talis Religiosus vi præsentis concessionis Urbani VIII. invisere præfatam Monialem de licentia Ordinarii illius loci; servatis tamen omnibus conditionibus præscriptis in dicto decreto æque, ac si accederet in proprio habitu.

Quæritur 11. An Moniales subiaceant Ordinario quoad hoc, ut absque ejus licentia conveniri non possint, ac visitari.

11. *Resp.* Subjacere, etiam si alias sint exemptæ, si quidem talis sit consuetudo loci, ut absque licentia Ordinarii non audeantur Monasteria Monialium, quantumvis exemptarum: sic quippe statuit Sacra Congregatio teste *Tamburino* *supr.* d. 26. q. 2. n. 3., nimirum hac in re servandam esse uniuscujusque loci consuetudinem, ut vidimus *c. 5. sess. 5. q. 7. & quod si querat.*

Addit Monachus *par. 5. instrum. Monial.*, ex *Barbosa* in *Collectan. v. Monialium Clausuræ*, in licentis, quæ post Ordinarii subscriptionem subscribuntur a Prælati Regularibus ad adeunda Monasteria Monialium ipsis subiectarum, ex declaratione Sacræ Congregationis non posse quidquam addi, aut tolli per ipsos Prælatos Regulares ex iis, quæ in præfatis licentiis apposita sunt ab Ordinario ad accuratiorem Clausuræ observantiam.

Quæres 12. *An, & qualiter Moniales subiaceant visitationi, ac correctioni Ordinarii.*

12. *Resp.* Subjacere quoad observantiam Clausuræ, etiam si sint exemptæ, ideoque eas posse quoad Clausuram visitari ab Episcopo, ejusve Vicario Generali, quoties ipsis id videbitur expedire: idque ex decreto Sacræ Congregationis, quod allegat *Nald. v. Monialis* num. 3. addens ejusmodi facultatem non debere extendi ad inquirendum occulte de erratis earumdem Monialium: si quidem hoc est quid diversum ab observantia Clausuræ, cujus inquisitio, ac cura solum committitur a *Concil. Trident. sess. 25. de regul. c. 5.* a diversis autem non sit illatio. Quin etiam notat *Nald. nu. 4.* Moniales degentes in civitate, sed subiectas alteri Ordinario, visitari posse ab Episcopo illius Diocesis, in qua degunt; æque, ac possunt visitari Moniales subiectæ Regularibus: istas vero posse visitari quoad observantiam Clausuræ per præfatum Ordinarium, etiam absque interventu dictorum Regularium.

23. Quod vero spectat ad Moniales Sedi Apostolicæ immediate subiectas no-

tat *Tambur. supr. d. 17. q. 3. n. 5.*, quod licet eas sint exemptæ ab Ordinarii jurisdictione, possunt tamen ab eo visitari, tamquam a delegato Sedis Apostolicæ, & quidem non solum quoad Clausuram, sed etiam quoad alia; æque ac possunt visitari Moniales immediate subiectæ ipsimet Ordinario; idque ex Decreto Concilii Trident. *sess. 24. de regul. c. 9.* relato hic *quæst. 2.*

24. Addit *Tambur. num. 3. ex Barbosa alleg. 74. de offic. Ep. num. 20. & alii*, posse Episcopum visitare personas Sæculares, sive Regulares exercentes curam animarum personarum secularium annexarum ipsarum Monialium Monasteriis: in iis tamen solum, quæ spectant ad curam animarum: idque ex Decreto Concilii *supra cit. tit. 11.* quod etiam notant alii Doctores.

An autem Ordinarius possit vim inferre, ostia Monasterii Monialium frangendo in casu, quo juxta dicta habeat jus illas visitandi, & impediatur.

25. *Resp.* *Barbosa* num. 22. ex *Innoc. Abb. Fusco, Campan.*, ac *Genuesi*, quos sequitur *Tambur. nu. 4.* Ordinarium posse in casu proposito vim inferre, & quidem etiam excommunicando impediennes, etiam non adhibitis solitis monitionibus; in ipso tamen actu violentiæ sibi illatæ, & consequenter titulo iustæ defensionis: id quippe non solum tacite censetur concessum Ordinariis a Papa supremo omnium Monialium Prælato, sed etiam est de jure naturæ, vi cuius potest quilibet servare propria jura contra invasorem, ut colligitur ex *cap. si vero alicujus, de sent. excomm. & cap. significasti 2. de homic. servatis tamen servandis*, de quibus optime *Bonac. d. 2. de contr. q. ult. sess. 1. p. 8. num. 1.*, quæ doctrina est vera, etiam in eventu, quo Ordinarius procedat tamquam Sedis Apostolicæ delegatus: quod in specie advertit *Barbosa n. 23.*

Quæres 13. *Utrum possit Ordinarius coercere, ac punire Moniales etiam exemptas delinquentes.*

26. *Resp.* De facto punire in materia Clausuræ; idque juxta aliquos ex Concilio

Tridentino *sup. cap. 5.* talem potestatem quoad hoc tribuente Episcopis per ea verba: *inobedientes, atque contraditores per censuras Ecclesiasticas, aliasque penas, quacumque appellatione postposita, compescerentes;* & hoc (inquiunt illi) ne aliis inanis prorsus, ac frustra sit iurisdicção Ordinarii supra Moniales, etiam exemptas, quoad Clausuram: præterquam quod cui datur iurisdicção, ea quoque concessa videntur, sine quibus iurisdicção exerceri nequit; sicut in re non dissimili notavit Sanchez *l. 7. de Matr. d. 33. n. 22. ex l. 2. ff. de iurisd. omni. iudic. sed de hoc sup. c. 9. q. 5.* Immo dicit Barbosa *sup. allegat. 102. n. 4. ex Nav. & Armendar.* dictum fuisse Episcopum in Moniales, aliqui exemptas, habere iurisdictionem, etiam in iis, quæ pertinent ad rerum spiritualium curam: sicque consequenter concedit huiusmodi Moniales posse puniri ab Ordinario, si delinquant in materia rerum spiritualium.

27. Unde infero, quod cum ex dictis supra: Episcopi iurisdictionem habeant in Moniales etiam exemptas quoad observantiam Clausuræ, & in iis, quæ pertinent ad spiritualium rerum curam, stante tali decisione, sequitur Moniales dictas non posse puniri ab Ordinario in quacumque alia materia delinquant: nam exceptio firmat Regulam in casibus non exceptis. Quod tamen non facit, quominus Ordinarius possit punire Monialem exemptam, quæ forte delinqueret extra Monasterium: cum certum videatur, etiam Moniales exemptas comprehendi sub Decreto illo Concilii Trid. *sess. 6. de reform. cap. 3.* quod sic habet: *Nemo Regularis extra Monasterium degenet etiam sui Ordinis privilegii prætextu tutus censeatur, quo minus, si delinquerit, ab Ordinario loci tanquam super hoc a Sede Apostolica delegato secundum Canonicas Sanctiones visitari, puniri, & corrigi valeat.*

An autem Moniales, etiam exemptas subjaceant dispositioni Concilii Tridentini, quæ extat in *sess. 25. de regul. cap. 14. his verbis* Regularis non subditus Episcopo, qui intra Monasterii claustra degit, & ex-

tra ea ita notorie deliquerit, ut populo scandalo sit, Episcopo instante, a suo Superiore, infra tempus ab Episcopo præfixendum, severe puniatur, ac de punitione certiorum Episcopum faciat: si minus, a suo Superiore officio privetur, & delinquens ab Episcopo puniri possit.

28. *Resp.* Subjacere, & probatur ex eo quod tale Decretum loquitur generaliter de Regulari non subdito Episcopis; lex autem generaliter loquens, generaliter debet intelligi; & ubi jus non distinguit, nec nos distinguere debemus: nec obstat quod textus loquitur de Regularibus masculis, ut constat ex iis verbis *Regularis non subditus Episcopo: siquidem Masculinum*, ut diximus, concipit *Fæmininum*, quantum ad mentem Legislatoris, ut notat *Glossa lib. 1. ff. de verb. signific. & notant DD.* Quare si Monialis exempta, sine debita licentia exiens e Monasterio committeret extra illud delictum aliquod scandalosum, posset Ordinarius etiam vigore huius Decreti illam punire, si Prælati Regularis ab ipso legitime admonitus in eam indebite non animadvertet: quamquam, etiam secluso isto Decreto, posset Ordinarius procedere adversus dictam Monialem taliter delinquentem tanquam ream fractionis Clausuræ; idque ex potestate ipsi cooptente circa custodiam Clausuræ Monialium, etiam exemptarum, eo modo, quo superius explicavimus.

Quæres 14. *Qualiter subjiciantur Moniales Ordinariis, quoad electionem Abbatissæ, seu Priorissæ.*

29. *Resp.* Subjici ex Constitutione Gregorii XV. cuius initium est *Inscrutabili edita 5. Februarii 1622.* quæ sic habet: *Ac similiter possit Episcopus una cum Superioribus Regularibus quarumcumque Abbatissarum, Priorissarum, Præfatarum, vel Præpositarum eorundem Monasteriorum electionibus per se, vel per alium interesse, ac præsidere, absque tamen ulla ipsorum Monasteriorum impensa.* Quæ de re *sup. c. 8. q. 42.*

Quæres 15. *In quibus Moniales subjaceant Ordinario loci quoad bonorum suo-*

rum administrationem etiam si alias sint exemptæ.

30. *Resp.* Subjacere tum in eo, quod potest Ordinarius ex causa rationabili monere Prælatos Regulares, ut amoveant ab administrandis bonis Monialium eos, qui ad tale munus deputati sunt: ipsiſq. e Prælatiſ id facere detreſcantibus, aut negligentibus, ipſemet Ordinarius amovere poteſt dictos adminiſtratores, quoties, & quando opus eſſe judicaverit: tum in eo, quod Ordinarius ſingulis annis, adhibitis etiam Prælatiſ Regularibus, poteſt a præſatis adminiſtratoribus, tam ſæcularibus, quam Regularibus, exigere rationes adminiſtrationis, & ad id eos compellere juris remediis. Conſtat ex citata Bulla Gregorii XV. *Inferutabili*, ubi hæc expreſſe ſtatuantur, attributa etiam Ordinariis facultate, ut ii tamquam Sedis Apoſtolicæ delegati poſſint punire dictos adminiſtratores, ſive ſæculares, ſive Regulares, qui forte delinquant circa præſatam adminiſtrationem. Ubi obiter notandum, vigore præſatæ Bullæ non concedi locorum Ordinariis jus diſſignandi, aut approbandi dictos adminiſtratores, cum de hoc ibi nulla fiat mentio, & alioqui a diverſis non ſit illatio; præſertim quando agit de præjudicio tertii, ſicut de factis agit in præſenti caſu; conſtat autem quod habere jus amovendi adminiſtratores bonorum, ut ſic, non eſt formaliter habere jus illos eligendi, aut approbandi illos, ſed quid longe diverſum.

Cum autem plura dubia poſſint occurrere circa præctam intelligentiam præſatæ Bullæ Gregorii XV. placet ad eorum reſolutionem aliqua hic notare ex *Sanctore in Conſtit. Min. cap. 11. ſtat. 7. qu. 3. ſicq. 10.*

Noto 1. Prælatum Regularem Monialium, qui earum contractibus intereſt, & conſentit, multaſque ſuæ jubet circa Eccleſiam, & conventum illarum, non debere ut adminiſtorem ſiſſi coram Epicoſcopo ad rationes reddendas; cum Prælatiſ non ſit adminiſtrator, ſed Superior adminiſtratores deputans, & collega Epicoſcopi quoad rationes reddendas; ut

conſtat ex verbis illiſ Bullæ Gregorii, *adhibitis etiam Superioribus Regularibus*.

Noto 2. Adminiſtratores Monialium non teneri reddere tales rationes ſponte, aut ad id ſe offerre; cum verbum reddere ſit relativum verbi petere, ubi aliud lege non cavetur, ac jure divino aliud non diſponitur (ut in furto commodato &c.) quomodo uxor tenetur reddere debitum, ſed petenti, & ſervus tenetur ad officia, ſed juſſus ex *L. 4. §. Titius ſiſſe fidei comm. libert.*

Noto 3. Epicoſcopum non poſſe exigere has rationes, niſi vocato Præſato Monialium; idque ex verbis Bullæ Gregorianæ ſuprà citatæ *adhibitis etiam Superioribus Regularibus*: particula enim etiam ex implicativa, ac exprimit majora expreſſis; & alias ſumus in materia odioſa, quæ præripit ordinariam juridiſctionem Prælatiſ Regularibus competentem quoad exigendas præſatas rationes: unde ii non adhibentur ut teſtes, ſed ut collegæ; adeoque adminiſtratores non tenentur reddere rationes Epicoſcopo, ſi is non vocet dictos Prælatos; nec ſi poteſt contra adminiſtratores procedere remediis juris.

Noto 4. Adminiſtratores, ubi rationes reddiderunt Epicoſcopo, teneri eas iterum reddere Prælatiſ Regularibus; cum Epicoſcopi ſuæctio non tollat jus ordinarium; & per Bullam Gregorii novum onus ſit impoſitum adminiſtratoribus, non autem adempta facultas Prælatiſ Regularibus, ipſiſ alias competens.

Noto 5. Prælatos Regulares non adſtringi ad audiendas ejuſmodi rationes coram Epicoſcopo, adeoque ad id non poſſe ab Epicoſcopo cogi per cenſuras: nam Bulla non dicit *juſſus*, ſed *adhibitis Superioribus Regularibus*: quo modo dicimus *adhibitis teſtibus*, quos conſtat non poſſe cogi, ſed rogari, præterquamquod cum hoc ſit favorable Prælatiſ Regularibus, ac odioſum Epicoſcopiſ; illi poſſunt renunciare juri ſuo, maxime ſi jam præſatas rationes viderunt.

Quæres 16. *Quo modo Moniales exemptæ ſubjiciantur Ordinario loci, quoad conſtructionem ſuorum Monaſteriorum.*

31. *Reſp.*

31. *Resp.* Subjici eo modo, quo statutum fuit in Concilio Tridentino *sess. 25. de regul. c. 3.*, in Constitutione Clementis VIII., quæ incipit *Ad institutam*, & est 99. in ordine; necnon in decretis Sacræ Congregationis de mandato Gregorii XV. editis 17. Augusti 1622., & in Constitutione Urbani VIII. edita 28. Augusti 1624., c. jus initium est: *Romanus Pontifex*, per quam in virtute sanctæ obedientiæ, ac sub privatione vocis activæ, & passivæ, necnon officiorum quorumcumque, ac inhabilitatis ad illa, & alia in futurum obinenda; necnon etiam excommunicationis ipso facto incurrendis penis præcipitur, ne licentiarum, seu facultatum a summis Pontificibus (quas omnes ipse ibi revocat) sive alio quovis prætextu, vel causa, etiam quantumvis privilegiata, nova Monasteria, & alia loca regularia, nisi de expressa Ordinarii licentia, ac servata in omnibus, & per omnia Sacrorum Canonum, & Concilii Trident., necnon Constitutionum Clementis VIII., ac decretorum de mandato ejusdem Clementis, necnon Gregorii XV. forma recipere, exigere, fundare, seu alia quomodolibet instituire, seu incepta finire, & absolvere audeant, seu præsumant. In Concilio autem Trid. præcipitur, ne Regulares nova loca recipiant, sine Episcopis, in cujus Diocæsi erigenda sunt, licentia prius obtenta: In Constitutione item Clementis VIII. prohibetur Ordinariis ne præfatam licentiam ad novos Conventus cujusque Mendicantium Ordinis in civitatibus, & locis eorum Ordinariæ jurisdictioni subiectis erigendis impertiantur; nisi vocatis, & auditis aliorum in eisdem Civitatibus & locis Conventuum Superioribus, cognoscant, novos hujusmodi erigendos Conventus sine aliorum detrimento commode sustentari posse. Denique in decretis Sacræ Congregationis jussu Gregorii XV. editis statuitur ne in posterum nova Monasteria erigantur, nisi in eis saltem duodecim Fratres, aut Monachi, seu Religiosi inhabitare, ac ex redditibus, & consuetis Eleemosynis sustentari valeant; ac Priores, seu Procuratores aliorum Mo-

nasteriorum quarumcumque aliarum Religionum non solum in Civitatibus, ac locis, in quibus erigendum est novum Monasterium, sed etiam in illis per quatuor millia passuum circumvicinis locis ad id vocatis, & auditi fuerint, ac tali erectioni consenserint, vel alias locorum Ordinariis constituerit Religiosos Monasterii sic erigendi sine damno Religiosorum in Monasteriis antea ibi erectis in numero duodecim commode, & congrue manu teneri, & alii posse: quod si, ubi novum Monasterium erigendum est, nulli alii Regulares reperiantur; nihilominus Ordinarii locorum diligenter debent inquirere, an locorum incolæ, & habitatores, quorum consensum venienter requirere, & adhibere, hujusmodi duodecim Religiosos in Conventibus instituendis commode alere, & manutenere valeant. Sed de hoc plura in *tract. de privil. c. 7. sect. 2. qu. 2.* interim qui vult consulat *Peyrinum tom. 2. privileg. constit. Gregorii XV. Tamburinum d. 34. de jure Abbatiss. qu. 1. Portellum de dub. regn. v. Monasteria, Gavantium in manu v. Monasterium Monasteria, Barbosa l. 2. de jure Eccles. c. 12. Naldum v. Monasteria, & alios.*

Notat autem *Tambur. n. 4. ex Barbosa*, Sacram Congregationem 19. Decembris 1620. declarasse, Constitutionem Clementis VIII. superius allegatam habere locum etiam circa Monasteria Monialium construenda; ideoque in his instituendis debere servari easdem solemnitates, quæ servandæ sunt in ædificandis Monasteriis aliorum Regularium. Quod si demus, jam videndum est, qualiter observari possit, & debeat præfata Constitutio quoad illam partem, quæ præcipit, in casu, quo alicubi erigendum sit novum aliquod Monasterium, vocandos esse, & audiendos aliorum Conventuum Priores, seu Procuratores, & alios interesse habentes; num scilicet ad talem effectum vocari debeant, & audiri Abbatissæ, seu Priorissæ aliorum Monasteriorum Monialium existentium in loco, ubi construendum est novum Monasterium Monialium, vel certe Prælati Regulares earum, si sint exemptæ, aut ipsarum Monialium Syndici. Puto autem

neutros illorum debere vel vocari, vel audiri. Moveor, tum quia allegata Constitutio Clementis VIII. non loquitur de Abbatissis, sed tantum de Prioribus, seu Procuratoribus, aliisque interesse habentibus; ideoque cum exorbitet a jure communi, & sit valde odiosa, non debet ampliari: tum quia talis est praxis fere communis, cui omnino standum est, quamvis contrarium expresse non statuitur.

Quæres 17. *An, & quomodo Moniales aliis exemptæ subiaceant Ordinario, tam quoad egrediendum e Clausura, tam quoad recipiendum intra Clausuram, sive causa educationis, sive alias.*

32. *Resp.* Subjicere ut constat ex dictis c. 9. de egressu quidem e Clausura *sect. 2. qu. 9. §. ut dices:* de receptione vero intra Clausuram causa educationis *sect. 4. qu. 3.* de receptione denique intra ipsam Clausuram ex alia causa *sect. 3. qu. 32.*

Quæres 18. *An Regulares concionaturi Monialibus teneantur petere benedictionem ab Ordinario, si ea ab ipso sint exemptæ.*

33. *Resp.* „Teneri; ita enim declaravit, & statuit Clemens X. in Constit. „quæ incipit, *Superna*, ubi sic: Et hujusmodi benedictionem teneri etiam Regulares petere, si in quibuscumque Oratorii sui Ordinis sermonem coram populo, vel in Ecclesiis, aut ad crates Monasteriorum Sanctimonialium eorum jurisdictioni subiectarum, licet clausis januis, & nullis secularis ibi inter sit, habere voluerint.

34. Quod autem spectat ad celebrandum in Ecclesia Monialium exemptarum; regulariter videtur sufficere licentia Prælati Regularis, cui illæ sub sunt: idque si ve celebrant: sint Sacerdotes seculares, si ve Regulares: sic enim habet praxis communis (ut puto) nec apparet fundamentum sufficiens, cur ea licentia peti debeat etiam ab Ordinario loci; nisi forte alicubi adsit in contrarium legitima consuetudo (de qua mihi non constat) vel loquendo in specie de Clericis secularibus, id ipsis expresse prohibeatur; sicut revera potest ipsis prohiberi ab Ordinario, cum sint ejus subditi, ut patet.

Qualiter autem subdantur Moniales Ordinario quoad canendos in choro Hymnos Urbani VIII. jussu correctos, constat ex dictis *sup. c. 8. qu. 46.*

SUBSECTIO II.

De potestate Ordinarii, aut Prælati Regularis in Moniales ipsas respective subiectas.

35. **P** Prælati regulares habent in Moniales subditos potestatem ordinariam, & consequenter delegabilem.
36. Potestas competens Prælato locali in Moniales est delegata.
37. Sicque non potest eam subdelegare.
38. Potestas Prælati regularis in Moniales est ampla, aequæ ac potestas Prælati regularis in Religiosos subditos.
39. Prælati regulares indicit Monialibus novas leges.
40. Ordinarius loci, & Prælati regularis precipiunt in virtute obedientie Monialibus respective subditis.
41. Possunt iis indicare reformationem Regula: immo & ejus moderationem.
42. Exercent in eas potestatem directivam, coactivam, & judicalem.
43. Illas absolviunt a reservatis.
44. Deputant iis Confessarium tam ordinarium, quam extraordinarium.
45. Alias approbant earum Confessarios; non item modo, loquendo de Prælato regulari.
46. Reservant censuras, & casus quoad illas.
47. Sed juxta decretum Clementis VIII. loquendo de Prælato regulari.
48. Ordinarius loci potest reservare etiam pro Monialibus exemptis casus concernentes materiam Clausuræ (quod negant alii) nec ab illis ea possunt absolvi per

per Confessarios regulares privilegiatos.

49. *Proponitur, & solvitur obiectio.*

50. *Moniales non exemptæ subsunt reservationi Ordinarii.*

51. *Si sint exemptæ subsunt Prælati regulari quoad receptionem Novitiarum.*

52. *Item quoad emissionem Professionis.*

53. *Item quoad recipiendas Puellas in educationem.*

54. *Item quoad egrediendum e Clausura.*

55. *Item quoad secularium accessum ad ipsas, nisi obstat consuetudo.*

56. *Item quoad canonicam Visitationem.*

57. *Item quoad electionem Abbatissæ, sicut & subsunt Ordinario.*

58. *Item quoad bonorum temporalium administrationem.*

59. *Prælati regulares in variis casibus non ingreditur Clausuram.*

60. *Modo non subsistit Indultum quoad hoc concessum ab Urbano IV.*

61. *Non disponit libere de bonis Monialium.*

62. *Ex causa suspendis Abbatissas ex officio.*

Quæres 1. Quam potestatem habeat Ordinarius loci, aut Prælati Regularis in Moniales sibi respectivè subditas.

85. *Resp.* **H**abere ordinariam, & consequenter posse illam etiam aliis delegare; sicut in terminis notavit *Rodriguez tom. 1. qu. 17. art. 10.* loquens de potestate Provincialium in Moniales proprii Ordinis; & ratio est, quod, cum ejusmodi potestas competat Ordinario, ac Prælati Regulari ex officio, & sit perpetua, non potest non esse ordinaria, juxta ea, quæ tradunt communiter Doctores de potestate ordinaria, ac delegata: quod ita est verum, ut *subsect. præced.* 5. *difficultas*, dixerimus illam eandem potestatem, quæ in aliquibus casibus tribui-

tur Ordinariis locorum in Moniales exemptas, tanquam Sedis Apostolicæ delegatis, non esse delegatam, sed ordinariam, adeoque illam posse committi, etiam aliis per delegationem proprie dictam.

Quod si quæras, an potestas, quæ competit Prælati Regulari locali in Moniales sibi subditas, sit ordinaria, an delegata.

36. *Resp.* Esse, & communiter existimari delegatam: quippe ex officio competit Provincialibus, aut Generali Ordinibus, & per delegationem postea committitur Superioribus localibus, ut possint in casibus ordinariis, aut frequentius contingentibus præsto esse Monialibus sibi subditis: ita docti Religiosi variorum Ordinum a me consulti.

Majus dubium est, an Prælati ipsæ localis possint subdelegare dictam potestatem in casu hic, & nunc occurrenti.

37. *Resp.* Non posse, nisi habeat potestatem expressam subdelegandi; & ratio est quod regulariter Prælati Ordinarii Monialium exemptarum est Provincialis, ideoque Superior immediatus Monasterii est Superior earundem Monialium delegatus: delegatus autem non potest subdelegare, ut patet.

Quæres 2. Ad quæ se extendat potestas Ordinarii, seu Prælati Regularis in Moniales respectivè subditas.

38. *Resp.* Extendi ad ea omnia, ad quæ se extendit potestas Prælati Regularis in viros Religiosos sibi subditos: quantum tamen patitur conditio sexus Fæminei; & quantum ad ea, quæ statui Monialium possunt esse proportionata: constabit autem responsio ex quæstionibus inferius solvendis.

Quæres 3. An Ordinarius, seu Prælati Regularis possint Monialibus sibi respectivè subditis, indicare novas leges, tam per modum statuti, quam per modum præcepti.

39. *Resp.* Posse, cum habeant veram, & simpliciter dictam jurisdictionem, eamque publicam, & vim cogendi; quæ requiruntur ad condendas veras leges, & sufficiunt ad imponenda vera præcepta; ut tradunt communiter Doctores cum *Baldo in l. 1.*

in l. 1. ff. de just. & jure, & S. Thomas 1. 2. q. 90. art. 3.

An autem Ordinarius loci, ac Prælatus Regularis possint Moniales sibi respective subditas obligare ex voto obedientie, ipsi precipiendo in virtute Sanctæ Obedientie, eo modo, quo Prælati Regulares possunt precipere, & aliquando precipiunt viris Religiosis propriæ jurisdictioni subiectis.

40. Resp. Posse; & inde probatur, quod juxta communem, ac veram doctrinam, quicumque est legitimus superior Religiosorum, & habet spirituales jurisdictionem in illos, is potest iis precipere in virtute obedientie: idque ex vi voti obedientie, per quod Religiosus se totum tradit Religioni, ejusque legitimis Prælatis; ut recte indicat Suarez tom. 3. de relig. lib. 10. cap. 3. num. 3., & notant communiter Doctores tractantes de voto obedientie: at hæc duo verificantur de Ordinario loci, ac Prælato Regulari quoad Moniales ipsi respective subditas, ut facile constabit consideranti: ergo illi iis poterunt precipere in virtute obedientie, eoque ex vi voti obedientie tenentur illis obedire; quod non procedit de Abbatis, eo quod non sit capax jurisdictionis spiritualis, licet alias sit legitima superiorissima suarum Monialium; unde & hæc ex voto obedientie tenentur ei parere.

Quæres 4. An Ordinarius loci, aut Prælatus Regularis Monialibus subditis indicare possint reformationem disciplinæ Regularis, eaque teneantur illam acceptare.

41. Resp. Posse, & Moniales teneri illam acceptare in iis casibus, in quibus Prælati Regulares possunt dictam reformationem indicare viris Religiosis subditis, & hi tenerentur eam amplecti; siquidem quoad hoc par ratio procedit in Monialibus, ac viris Religiosis, ut constat ex iis, quæ habet Sanchez lib. 6. mor. c. 2. n. 35. probans Superiorem Regularem cum majori parte Capituli generalis posse regulam jam fere collapsam, ac relaxatam ad pristinum statum restituere; itaut cæteri Religiosi jam professi teneantur observare regulam taliter reformatam: sed de hoc

plura in nostro tract. de statu Religioso in communi, ubi de reformatione Religionum.

Majus dubium est, an casu, quo regula Monialium alicujus Monasterii progressu temporis cognoscatur esse nimis rigida; itant certo plurimum annorum experimento constet illam non posse in eo rigore observari absque notabili dispendio sanitatis Monialium talem regulam profitentium, an, inquam, Prælatus possit sua auctoritate moderari ejusmodi regulam, & Monialibus subditis precipere in virtute sanctæ Obedientie, ut in posterum regulam illam observent cum dicta moderatione, & non aliter; eaque teneantur obedire acceptando præfatam moderationem.

Resp. Quod, cum Prælatus Monialium possit facere dictam moderationem, sic & Moniales tenentur in casu proposito illam admittere. Moveor, quod licet Moniales ex dictis c. 4. q. 19. ex voto obedientie non teneantur parere in iis, quæ sint contra regulam (cujusmodi est moderatio, de qua hic loquimur) ea tamen doctrina fallit in casu, quo Prælatus potest in regula dispensare; ut loco citato notavi cum Cajetano 2. 2. q. 104. art. 5.; quare cum Prælati Monialium tam regulares, quam seculares possint dispensare cum Monialibus respective subditis super observantia regularum, ut constat ex dictis sup. cap. 9. q. 17., & colligitur ex Rodriguez tom. 1. q. 26. art. 1., sequitur, Moniales teneri acceptare moderationem illam regulæ, licet sit contra ipsam regulam, si iis modo dicto precipiatur.

Quæres 5. An Ordinarius loci, aut Prælatus regularis habeant in Moniales respective subditas potestatem non solum directivam, sed etiam coactivam, ac judicalem.

42. Resp. Habere: patetque tum ex eo, quod potestas directiva sine aliqua coercitione fere infirma, ac inutilis est: cum absque timore, ac disciplina non possit in officio contineri communitas humana, quantumvis bona videatur in hac mortali vita, sicut bene notavit Suarez tom. 4. de relig. tr. 8. l. 2. c. 9. n. 1. docens

Qq

potestas,

postea, quod, quamvis Prælati Religiosis ex vi talis status habeat solum potestatem coercendi modo paterno, & juxta limites regulæ, ratione tamen jurisdictionis Ecclesiasticæ habet potestatem coercitivam Episcopalem: idque ex usu, ac privilegiis omnium Religionum exemptarum: & quidem merito, cum ea sit ordinarie, & regulariter necessaria, illamque ex alia parte Papa sibi non reservaverit: quod tamen non habet locum in Monialibus immediate subjectis Ordinariis: hæc enim cum non sint exemptæ, subjacent jurisdictioni Ordinarii eadem ratione, quæ subiacerent etiam viri Religiosi si non essent exempti. Colligitur ex Suarez n. 3., qui bene notat ex Navarro comm. 2. de regul. n. 63. ejusmodi jurisdictionem magna ex parte introductam, vel auctam esse ex consuetudine, quæ vim habet dandi jurisdictionem c. duo simul de offic. ordin. unde infert Suar. hæc in re habendam esse rationem consuetudinum: cum vi illarum evenire possit, quod tota jurisdictio sit in Prælato Religioso quoad omnia delicta, vel quod aliqua sint Episcopo reservata, vel quod in utrisque sit cumulative; quæ licet a Suarez non sint probata in specie de Monialibus, in iis tamen possint verificari, & quidem etiam in exemptis.

Quæres 6. *An Moniales subiciantur Ordinatio loci, aut prælato Regulari quoad absolutionem reservatorum, ac dispensationes, prout alterutri illorum respective subdantur.*

43. *Resp.* Quod quamvis Nald. v. Monialis n. 9. & Tambur. d. 16. de jure Abbatis. qu. 3. n. 5. ex quadam decisione Rotæ Romanæ dicant Moniales etiam ob enormem excessum debere absolvi ab Episcopo, eo quod exire non possint extra claustrum; & Episcopum etiam in exemptas fungi auctoritate Papæ; & licet habeant Generalem, ob reverentiam Ordinis Episcopalis hoc Episcopis indulgeri: nihilominus cum cap. 9. qu. 1. 5. illud etiam ostenderimus ex concessione Bullæ Pii V. Prælatos Regulares in Religiosos subditos (sub quibus etique comprehenduntur Moniales exemptæ ab Ordinarii jurisdictione)

posse exercere per se ipsos illam omnem potestatem absolvendi, ac dispensandi, quam Episcopi possunt exercere in suos subditos; non apparet, quo pacto dicti auctores sustineant, Moniales exemptas teneri adire proprium Ordinarium, ut absolvantur a reservatis, ac dispensentur: cum id potius cedat in præjudicium exemptionis, ac injuriam proprii Prælati Regularis; qui cum per se hæc possit præstare in Moniales subditas, non censetur consentire, quod ex ad talem effectum recurrant ad Ordinarium. Nec obstat decisio Rotæ adducta; siquidem Suarez l. 7. de leg. c. 11. Vasquez l. 2. d. 177. cap. ult. n. 75. Sanchez l. 9. de Matrim. d. 2. n. 10. Salas d. 19. de leg. sect. 19. num. 509. & Castrus Pal. tract. 3. d. 3. par. 2. §. 3. n. 7. docent, quod quamvis decisiones Rotæ sint maximæ auctoritatis, adeoque non sit recedendum ab illis, nisi urgentissima ratio obitet in contrarium; absolute tamen non sunt necessario habendæ pro legis, cum non procedant a Judicibus habentibus auctoritatem condendi leges: unde cum in præsentī tali urgentissima ratio obitet contra decisionem Rotæ Romanæ allegatam (nempe concessio illa Bullæ Pii V. & violatio juris alterius) probabiliter colligi potest non necessario ipsi standum esse. Quod a fortiori procedit de statutis provincialibus Ecclesiarum particularium Neapolitanæ v. gr. aut Mediolanensis, quæ interdum a Doctoribus adducuntur: hæc enim non obligant extra proprium Territorium, juxta illud: Extra territorium jus dicenti non paretur impune; quod est bene advertendum, & hic circa declarationes Sacre Congregationis notanda est insignis illa declaratio, quam eadem Sacra Congregatio jussu Urbani VIII. die 11. Augusti 1632. fecit, & refert Lexana v. Sacra Congregatio n. c. his verbis: *Sacra Congregatio precipit, declarationibus ejusdem Sacre Congregationis tam impressis, quam imprimendis, ac etiam manuscriptis nullam fidem in judicio, vel extra esse adhibendam; sed tantum illis, quæ in authentica forma, solito sigillo, & subscriptione kminentissimi Cardinalis Præfati, ac Se-*

ac Secretarii ejusdem Sacre Congregationis pro tempore existentium munitæ fuerint. Quamquam verba illa, nullam fidem in judicio, vel extra adhibendam, intelligi possint, ac debeant de fide certa, indubitata, & ex vi auctoritatis Sacre Congregationis: ita ut dans fidem dictis declarationibus, non tanquam ex necessitate, sed libere, eo quod ipsi occurrant rationes probabiles tuentes assertionem in iis contentam, non possit dici contravenire mandato Santissimi factò in presenti declaratione: præterquamquod de plurimis ejusmodi declarationibus, de quibus non constat authentice, sperari potest, quod, si a Secretario Sacre Congregationis quaereretur copia authentica, inveniretur, ac obtineretur: ideoque sub hac spe probabili videtur iis posse probabiliter præstari fides extra judicium; nec debent damnari Doct. qui suas opiniones identidem fuleiunt aliqua dictarum declarationum.

Quæres 7. Qualiter Moniales subsint Ordinario, aut Prælato Regulari quoad deputationem Confessarii tam ordinarii, quam extraordinarii.

44. Resp. Ita subesse alterutri illorum, prout respective ipsis subduntur, ut tamen Ordinarius, si velit, etiam Monialibus exemptis possit libere deputare in Confessarium extraordinarium quemcumque Sacerdotem, sive secularem, sive Regularem maluerit: idque ex Sacre Congregationis declaratione sæpius facta, & præsertim 20. Decemb. 1631. sicut testatur Naldus v. Moniales n.2. nobiseum sentiens ex Barbosa, Armend., Ricc., & aliis sustentibus, deputationem præfatam in totum committi arbitrio Ordinarii, etiam quoad Moniales exemptas. Dissentit Tamburin. supra d.19. qu.3. num.3. ex Zipzo, & Pollacco dicens, hujusmodi doctrinam non posse sustinere, ut pote repugnantem declarationi Sacre Congregationis factæ 1609. Confessarium videlicet extraordinarium quoad Moniales exemptas non debere offerri ab Ordinario Locii, sed a Prælati Regularibus, quibus ex subsunt: sed cum declaratio,

quam allegat Naldus, sit tempore posterior, præferri debet antiquiori, juxta doctrinam ejusdem Naldi v. Doct. num.8. asserentis decisiones Rotæ, si sint inter se variaz, nec possint reduci ad concordiam, posteriores potius attendendas esse; siquidem eaz posteriores communiter dicuntur esse meliores, sicut notant scribentes in cap.1. de Constitut. in 6. & in prælud. Extravag. 10. 22. Attentis ergo præfatis declarationibus Sacre Congregationis, ex diametro oppositis, media via incedendum videtur, nimirum quod tunc demum Ordinarius Monialibus exemptis deputet Confessarium extraordinarium, quando ipsæ Moniales illum ab eo efflagitant: non item si ex sint paratæ confiteri cuicumque Confessario accedenti: idque ex æquitate; esse de rigore juris practeari possit sententia Naldi ob rationem superius adductam: nam multa licent, quæ non expediunt.

Quæres 8. An Ordinarius loci, aut Prælatus Regularis possint, & debeant approbare Confessarios Monialium respective subditarum.

45. Resp. De jure antiquo debere, ut notavit Tamburin. supra n.1. aliis citatis: non item de jure novo inducto per Constitutionem Gregorii XV. inferius afferendam, & latius explicandam, quando agemus de Confessariis Monialium; hi enim modo etiam quoad Moniales Prælati Regularibus subiectas, debent approbari a solo Ordinario, alias præsentandi, ac proponendi a Prælato Regulari Monialium: sed de hoc infra.

Quæres 9. An Ordinarius loci, aut Prælatus Regularis possint pro Monialibus sibi respective subditis reservare casus, & censuras.

46. Resp. Posse, & patet tum ex usu communi, tum quia potestas reservandi casus, & censuras competit iis omnibus, qui habent jurisdictionem ordinariam respectu illorum, quibus eam possunt delegare: tales autem sunt Ordinarius loci, ac Prælatus Regularis quoad Confessarios Monialium sibi respective subiectarum: colligitur ex Suar. d.29. de pœnitent.

nitent. *sess. 1. num. 1.* & est communis Doctorum.

Solum hic queri posset, an Ordinarius Regularis, stante Decreto Clementis VIII. relato a Quarant. in Bullar. v. cas. reserv. (per quod prohibentur Prælatis Regulares reservare propria auctoritate casus quoad Religiosos subditos) adhuc possint sibi libere reservare casus quoad Moniales respectuive subjeclas.

47. *Resp.* Ordinarium quidem posse, non autem Prælatum Regularem: patetque tum ex praxi communi, qua constat Ordinarios libere casus, ac censuras reservare respectu Monialium sibi subditarum; non item Prælatos Regulares quoad Moniales ipsi subjeclas; tum quia id satis clare colligitur ex allegato Decreto Clementis, quatenus concedit Prælati Regularibus facultatem reservandi novos casus, dummodo id faciant una cum Capitulo, sive generali, sive provinciali, juxta rationem casuum respective reservandorum: quod est signum, sub eo decreto non comprehendendi Ordinarios respectu Monialium sibi subjeclarum (quippe non habent usum Capituli regularis) sed solum Prælatos Regulares respectu Monialium ipsi subditarum; ut pote usum capituli habentes: ita ego sentio, sicque mecum senserunt alii valde docti.

An autem Ordinarius possit reservare sibi, etiam respectu Monialium exemptarum, casus aliquos concernentes materiam clausuræ, vigore potestatis ipsi tamquam Sedis Apostolicæ delegato competentis circa custodiam clausuræ dictarum Monialium (v.g. ne prolixius loquantur cum extraneis ostio Monasterii aperto &c.

48. *Resp.* Posse; nam juxta dicta *subsess. præced. qu. 10. §. quod hac occasione*, Ordinarii locorum commissa fuit cura clausuræ Monialium, etiam exemptarum; non solum quoad ejus materiale, sed etiam quoad formale: ducor, quod in Concilio Tridentino *sess. 24. de regul. cap. 5.* Ordinariis datur facultas compescendi censuris, & aliis pœnis inobedientes, & contradiatores circa clausuram Monialium: ex alia parte hujusmodi facultas quoad Mo-

niales exemptas competere potest Ordinariis solum ut delegatis Sedis Apostolicæ, adeoque extendi etiam ad illas eo modo, quo explicavimus *supra c. 5. sess. 1. qu. 5.* & iterum *cap. 10. qu. 5.* cum vi talia delegationis quoad hoc cesset favor exemptionis, sicque dictæ Moniales sub sint Ordinario loci tamquam proprio Prælato; constat autem quod quilibet Prælatus potest jure suo reservare casus, ac censuras (si has ferre potest) prout tradunt DD. communiter. Quod si demus Ordinarium sibi casum aliquem, aut censuram modo dicto reservare, etiam pro Monialibus exemptis; certum est quod neque Regulares, quantumvis privilegiati, poterunt ab iis illas absolvere; immo neque Prælati Regulares ipsarum Monialium, idque ex decreto Clementis VIII. edito 9. Jan. 1601. expresse prohibente omnibus Regularibus ne absolvant vi cujuscumque privilegii ipsis concessi, a casibus Ordinario specialiter reservatis: & postea ampliato a Paulo V. etiam ad excommunicationes eidem Ordinario reservatas: quod decretum cum loquatur indefinite de casibus, ac excommunicationibus Ordinario reservatis; utique comprehendit etiam reservata Monialibus juxta Regulam generalem, *lex generaliter loquens, generaliter debet intelligi.*

Hanc meam assertionem, me citato, impugnât Pasqual. p. 2. qu. 161. dicens tenendam esse negativam sententiam, Episcopum scilicet non posse sibi reservare aliquem casum concernentem violationem clausuræ respectu Monialium exemptarum; & probat, tum quia delegatio a Tridentino Episcopis concessa in ordine ad Clausuram Monialium exemptarum est solum pro foro externo. (ut constat ex iis verbis Concilii *sess. 25. c. 5. de Regul.* Quacumque appellatione postposita competentes, invocato etiam ad hoc, si opus fuerit, auxilio brachii secularis, cum ibi immediate ante dicatur clausuram sanctimonialium, ubi violata fuerit, diligenter restitui, & ubi inviolata est, conservari maxime procurant.) reservatio vero casuum spectat ad jurisdictionem fori interni; quippe

quippe quæ licet sit actus superioritatis exercitus in foro externo, tamen est circa jurisdictionem exercendam in foro interno, & circa iudicium conscientie; sicque fundatur in jurisdictione fori interni, non autem in sola delegatione fori interni: tunc quia reservatio est restrictio jurisdictionis in ordine ad absolutionem Sacramentalem (ut notant communiter DD.) adeoque supponit jurisdictionem in eos, quibus retringitur jurisdictionis pro foro interno, & quod jurisdictionis restricta pendeat a jurisdictione restringentis; cum tamen per præfatam delegationem Concilii non tribuatur ulla jurisdictionis supra Prælatos Ordinarios Monialium, ideoque Episcopi non possint, reservando sibi casus, eorum auctoritatem restringere; tum quia violatio Clausuræ quoad Moniales est reservata Papæ, ac proinde, cum Episcopi non possint sibi reservare casus jam Papæ reservatos, nec poterunt hunc casum sibi reservare, & maxime respectu Monialium exemptarum.

Sed non subsistunt argumenta Passqualigi; primum quidem, & secundum, eo quod supponant Episcopos non habere jurisdictionem pro foro interno in Moniales exemptas, ac earum Prælatos, quoad faciendam præfatam reservationem; quod negandum est ex supradictis; tertium vero, eo quod Episcopi possint sub censuris sibi reservare accessum ad Moniales factum sine licentia, aut locutionem cum iis de rebus obsecnis, aut ad portam apertam, vel alia id genus, quæ non reservantur de facto Papæ: sicque eorum reservatio non concurret cum reservatione quoad Clausuram Monialium, facta de facto a Papa, & tamen eorum reservatio versabitur circa materiam Clausuræ.

Addo ex dictis *sup. cap. 9. nu. 9.* non sequi Moniales poss. absolvi ab excommunicatione lata per Ordinarium in materia Clausuræ, eique reservata; ut putabat quidam Regularis admodum doctus in literis hac de re ad me transmissis sic differens: Confessarii Regularis privilegiati satenus in præsentia non possunt absolve-

re ab excommunicatione Episcopo specialiter reservata, quatenus Paulus V. amplians Clementis VIII. decretum restrictivum facultatis Regularibus olim competentis super reservata, illud extendit ad excommunicationes Episcopo specialiter reservatas; ita ut ab iis modo non possint absolvi, cum antea possent; at tale decretum non afficit Regulares, ut pœnitentes, & consequenter nec Moniales, ex dictis eo *nu. 19.* ergo Moniales in præsentia poterunt absolvi ab excommunicationibus Episcopo reservatis, quæ in præfato decreto continentur, æque ac ante poterant absolvi; cum dictum decretum respectu Monialium, perinde se habeat, ac si non fuisset editum; quippe quod eas non afficit: unde sicut ante ejus promulgationem Moniales potuissent absolvi per quemcumque Confessarium Regularem ab excommunicatione Episcopo specialiter reservata in materia Clausuræ; ita & modo poterunt absolvi per quemcumque Confessarium Regularem.

Sic differabat Regularis ille pro sua opinione: sed meo iudicio ejus argumentum non probat intentum: & si probat, probat item Moniales posse absolvi per quemcumque Regularem Confessarium a reservatis in Bulla Cœnæ: quod sic probat. Decretum Clem. VIII. super facultate reservatorum, quod postea ampliavit Paulus V., non afficit Moniales, adeoque hæc, eo non obstante, modo poterunt absolvi per Regulares privilegiatos a reservatis, quæ continentur in præfato decreto; cum ergo in eo contineantur casus reservati in Bulla Cœnæ, poterunt & ab iis absolvi libere, & generaliter; quod utique non admittit ille Regularis. Quod si hoc non admittit, omnino debet concedere declarationem illam Sacre Congregationis (quod Decretum Clem. VIII. super facultate reservatorum non afficit Regulares, ut pœnitentes, & consequenter nec Moniales) non intelligi de omnibus reservatis in Decreto dicto contentis, sed solum de aliquibus, videlicet de quinque casibus in eo specialiter reservatis a Clemente, etiam respectu privilegiato-

rum, ut clare colligitur ex *Nald. v. reservatio in edit. Bon.* qui primus attulit præfatam declarationem: cum enim quæret an Regulares per Religiosum privilegiatum possent absolvi a dictis quinque casibus, & partem affirmantem sustineret; illam probavit ex dicta declaratione: quod est signum, eam procedere solum de præfatis quinque casibus, non autem de omnibus reservatis in citato decreto contentis, & consequenter eam non extendi ad casus Bullæ Cœnæ, neque ad excommunicationes, quas Episcopus in casu præmissio possit ferre, ac specialiter reservare, etiam respectu Regularium exemptorum; cujusmodi est illa, de qua hic agimus. Quare dicendum videtur Moniales exemptas nec a Regularibus privilegiatis posse absolvi a præfata excommunicatione; idque ex vi supradicti Decreti, in quo Regularibus ablata est per Paulum V. facultas absolviendi ab excommunicationibus Episcopo specialiter reservatis, nec postea a Sacra Congregatione restituta est, ut Regularis ille existimabat.

In cujus confirmationem facit, quod teste *Ciarlino to. 2. controuv. forens. c. 147. num. 17.* Sacra Congregatio Concilii in Viterbien. 26 Junii 1627. censuit ex Concilio Trident. sess. 25. de Regul. c. 5., & Bulla Gregorii XV. de exemptorum privilegiis, posse Episcopum circa aperitionem ostii Clausuræ extra casus indigentiz, nec non circa accessus, & colloquia cum Monialibus ferre excommunicationem sibi reservatam, eaque ligare necdum Regulares accedentes, sed etiam Moniales (facta de eis mentione) adeo ut Superior Regularis ab ea absolvere nequeat.

Notat autem *Ciarlinus num. 18.* esto detur requiri specialem, seu expressam mentionem de Monasteriis exemptis (stantibus illis verbis *facti de eis mentione*) quod cum talis mentio solum requiri possit, ut constet, an Episcopus in suo generali edicto velit comprehendere dicta Monasteria, adeoque sit questio voluntatis, non potestatis; & alias expressio voluntatis plus fiat factis, quam ver-

bis; satisque expressum censetur, quod verbis generalibus exprimitur, ac si specialiter, & in individuo fuisset expressum *Bart. in l. principio ff. de vulgar.* ubi *Ripa num. 49. 67. 75., Oldrad. conf. 322. num. 2., Monach. conf. 287. n. 7. & seqq., Surd. conf. 358. nu. 2.* hoc ipso quod Episcopus v. gr. suum edictum prohibens accessum ad Moniales affigi jubet etiam ad Monasteria exempta, & punit transgressores illius, clare indicat se velle suam prohibitionem extendere etiam ad dicta Monasteria; cum leges non debeant intelligi ex verbis, sed ex mente, & ratione: *Rota divers. decis. 208. n. 5. p. 5.*

49. Neque ex eo, quod juxta dicta c. præced. qu. 15. §. *illud etiam* Pius V. per Bullam specialem indulgit Prælati Regularibus, ut, quod possunt Episcopi in Clericos, & laicos subditos quoad absolvendum, ac dispensandum, & usum aliarum similium facultatum, ii pro foro conscientiz per se ipsos præstare possint in Religiosos, ac Moniales ipsorum jurisdictioni subjacentes; sequitur quod sicut Episcopi possunt proprios subditos absolvere ab iis, quæ ipsi specialiter sibi reservant, sic & ab iisdem possint Prælati Regulares absolvere Religiosos sibi subditos; siquidem concessio Pii V. loquitur de reservatis Papæ, ut constat ex verbis illis Bullæ citatæ: *Et insuper quia Sacrum Oecumenicum Concilium Trident. concessit Episcopis, ut absolvere possint in foro animæ, seu conscientie ab omnibus &c.* quæ verba non possunt intelligi, nisi de casibus Papalibus, de quibus tantum ibi loquitur Concilium; ideoque non debent extendi ad ea, quæ specialiter reservantur Ordinariis, & alias sunt Regularibus sublata per allegatum Decretum Clem. VIII.

Quod si denique quæras, an Moniales subjecti Ordinario subjaceant casibus, ac censuris, quæ ipse Ordinarius generaliter reservat pro sua Diocesi, etiam si de iis non fiat expressa mentio in edicto reservationis.

50. Resp. Videri subjacere: & ratio est, quod, cum edicta loquantur generaliter, adeoque comprehendant quoscumque

que subditos Ordinarii reservantis; & alias lex generaliter loquens, generaliter debeat intelligi; non apparet ex quo capite Moniales subiectæ Ordinario debeant eximi a præfatis edictis: ita docti recentiores, & talem puto esse praxim.

Quæres 10. *An, & qualiter Moniales subjiçiantur Ordinario, aut Prælato Regulari quoad receptionem Novitiarum.*

51. Resp. Subjici alterutri illorum, prout ipsorum jurisdictioni respective subduntur: & quidem non solum quoad taxandum numerum Monialium recipiendarum (quod videtur spectare ad proprium Prælatum Monialium, quippe cui in Constitut. Pii V. *Circa Pastoralis* districtè prohibetur ne recipiat plures Moniales, quam possint commode sustentari), sed etiam quoad taxationem dotis, cum talis taxatio item spectet ad proprium Prælatum Monialium, ut pote cui incumbit ex officio procurare bonum Monialium subditarum, tum spirituale, tum temporale: non item quoad explorationem voluntatis novitiæ recipiendæ: hæc enim de rigore juris spectat generaliter ad Ordinarium loci quoad omnes Moniales etiam exemptas; ut clare colligitur ex Concilio Tridentin. *sess. 25. de regul. c. 17.* talem explorationem committente Episcopo, aut in ejus defectum ipsius Vicario generali, adeoque non includente Prælatum Regularem quoad Moniales sibi subiectas: quamquam (ut audiui) in aliquibus locis etiam Prælati Regulares dictam facere soleant explorationem, quoad Moniales subditas, ultra eam, quæ sit ab Ordinario (idque sciente, & non dissentiente ipso Ordinario) non quidem ex necessitate; sed ex superabundantia, & ad bene esse.

Quæres 11. *Qualiter Moniales subjiçeantur Ordinario, aut Prælato Regulari quoad emissionem Professionis Religiosæ.*

52. Resp. Subjacere in eo, quod illæ non solent profiteri, nisi coram Ordinario, aut proprio Prælato Regulari, prout iis respective subduntur; & hoc eo modo, quo diximus hic *c. 3. sess. 1. quæst. 4.*, ubi ostendimus de rigore professionem

debere acceptari ab Abbatisa, seu Priorissa Monasterii, adeoque assententiam Ordinarii, aut Prælati Regularis non esse de valore illius, sed potius ad bene esse, & ad majorem solennitatem.

Quæres 12. *In quibus subsint Moniales Ordinario, aut Prælato Regulari quoad recipiendas puellas intra Monasterium causa educationis.*

53. Resp. Subesse in eo, quod non possunt recipere dictas puellas nisi obtenta in scriptis licentia, sive ab Ordinario, sive a Prælato Regulari; prout alterutri illorum Moniales immediate subduntur: idque ex Decreto Sacre Congregationis relato *supr. c. 5. sess. 4. qu. 3.* & juxta ibi dicta num. 179.

Quæres 13. *An Moniales subdantur Ordinario loci, aut Prælato Regulari, tam quoad egrediendum e Clausura, in casibus permixtis, tam quoad recipiendum intra Clausuram personas extraneas legitime intrantes.*

54. Resp. Subdi quoad utrumque Ordinario, & etiam Prælato Regulari, si illi subsint: quoad egrediendum quidem e Clausura ob dicta *cap. 5. sess. 2. quæst. 9. §. 1. at dicens* quoad recipiendos vero extraneos intra Clausuram ob dicta ibi *sess. 3. qu. 30. & 32.*

Quæres 14. *An Moniales subdantur Ordinario, aut Prælato Regulari quoad hoc, ut non possint visitari ab extraneis ad ipsas accedentibus absque licentia illorum.*

55. Resp. Subdi, si talis sit consuetudo loci, ut Monasteria Monialium exemptarum adiri non possint absque licentia non solum Ordinarii, sed etiam Prælati Regularis, ut vidimus loco superius citato *sess. 5. qu. 7. §. quod si quaras.*

Quæres 15. *An Moniales subjiçeantur Ordinario, aut Prælato Regulari quoad visitationem, prout alterutri illorum subduntur.*

56. Resp. Subjacere, ut videbimus *subst. seqq.*

Quæres 16. *Qualiter Moniales subsint Ordinario, aut Prælato Regulari quoad electionem Abbatisæ, seu Priorissæ.*

57. Resp.

57. *Resp.* Subesse; cum hoc tamen discrimine, quod si Moniales sint exemptæ ab Ordinario, electioni Abbatissæ non solum debet intervenire Prælatus Regularis, sed præterea potest ei assistere etiam Ordinarius, ut vidimus *subsect. præced. qu. 14.* si vero Moniales immediate sint subiectæ Ordinario, solus Ordinarius debet interesse dictæ electioni: sed de hoc infra, ubi agemus de electione Abbatissæ.

Quæres 17. Qualiter Moniales subdantur Ordinario, aut Prælato Regulari, quoad bonorum temporalium administrationem.

58. *Resp.* Subdi, soli quidem Ordinario, si ei immediate subsint, Prælato autem Regulari, & simul etiam Ordinario, si alias sint exemptæ ab Ordinario jurisdictione: eo tamen modo, quo indicavimus *subf. præced. qu. 15.* ratio autem responsionis est, quod, cum bonorum temporalium administratio ex officio incumbat Prælato uniuscujusque Monasterii respective, ut bene ostendit *Suarez tom. 4. de relig. tract. 8. l. 2. c. 26. nu. 1.* hoc ipso quod Ordinarius est proprius Prælatus Monialium sibi subiectarum, & Superior Regularis Monialium sui Ordinis, aut exemptarum, sequitur Ordinario, aut Prælato Regulari incumbere administrationem bonorum earundem Monialium ad illos respective attinentium, sive hujusmodi administrationem per se exerceant, sive per alios: & hæc de jure communi, circa quod facta est aliqua immutatio a Gregorio XV., ut vidimus *subsect. præced. qu. 15. jam citata.*

Quæres 18. An, & quibus in casibus Ordinarius, aut Prælatus Regularis possint ingredi Monasteria Monialium sibi respective subditarum.

59. *Resp.* Possè, & quidem non solum in casu visitationis, sed etiam in quocunque alio casu magnæ necessitatis, aut utilitatis: dummodo ingrediantur in casu tantæ necessitatis, aut utilitatis, ut in eo dare possent aliis facultatem intrandi: ita *Barbosa de offic. Ep. alleg. 102. n. 43.* pluribus aliis citatis; & habetur expresse in

Bulla Gregorii XIII. edita 23. Decembris 1581., quæ incipit *Dubiis*, & declarat Prælatos omnes tam Sæculares, quam Regulares, quibus cura, & regimen Monasteriorum Monialium quovis modo incumbit, facultate sibi ex officio attribuita ingrediendi Monasteria prædicta, ita demum uti posse, si id faciant in casibus necessariis, & a paucis, iisque senioribus, & Religiosis personis comitati: idque sub variis pœnis a nobis supra explicatis *cap. 5. sect. 3. qu. 3. & 21.*

Quod si quæras an Prælatus regularis Monialium possit ingredi Clausuram Monialium sibi subditarum ad administrandam Eucharistiam Moniali infirmæ, ad conferendam illi extremam unctionem, ad assistendum ejus morti, aut exequiis; interrim excluso Confessario illarum, qui ex officio hæc omnia præstare solet.

Resp. Vitum est olim mihi quod posset, si Moniales vere ei subsint, sive tamquam Superiori delegato, sive tamquam Ordinario, & quidem illimitate. Ducebar, quod data hypothesi ille est Ordinarius, aut supremus Parochus Monialium (qua ratione Episcopus dicitur esse supremus Parochus totius suæ Diocesis, utpote habens totam Diocesim in Parochiam, sicut notavit *Barbosa de offic. Episc. alleg. 80. n. 1.*) ac proinde habet in Moniales totam illam potestatem, quam habet earum Confessarius (excepta tamen facultate audiendi illarum Confessiones, quæ fuit absoluta a Gregorio XV. in sua Bulla *Inferutabili*): sicut ergo quilibet Episcopus potest cum quolibet suorum subditorum præstare, quicquid potest proprius illorum Parochus (& quidem eo excluso) sic & Prælatus Regularis præstare poterit cum Monialibus sibi subditis, quicquid cum illis præstare potest ipsarum Confessarius (excepta auditione Confessionum) tamquam immediatus earum Parochus: siquidem par ratio procedit in utroque casu. Unde fit, ut, sicut Confessarius ingredi potest ad ea omnia præstanda ratione officii, ita & possit ingredi Prælatus ad eadem præstanda tamquam Ordinarius, aut supremus Parochus Monialium,

Quum: quod si detur, jam necessario faciendum est, quod, sicut Confessarius in propositis casibus ingredi potest; sic & ingredi poterit Prælatas ad præfata Ministeria obeunda: quod esset illum ingredi non ut Prælatum Monialium (quomodo non esset necessarius ingressus illius in talibus casibus), sed ut Parochum; & consequenter non incurrere penas latas contra Prælatos Monialium in casibus non permixtis ingredientibus: neque ex eo, quod Confessarius Monialium potest prædicta omnia ex se præstare, sequitur Prælatum ingredi in casu non necessario: cum hic necessitas sumatur, non ex parte ministerii, sed ministerii exercendi cum Monialibus, quod sine dubio in additis casibus est necessarium.

„ Sed huic doctrinæ obstat nunc
„ Constitutio 153. Alexand. VII., quæ inci-
„ pit *Felici*, & quam retuli c. 5. *sess.* 3. n. 3.
„ in ea enim restringitur facultas Superi-
„ orum Regularium ingrediendi in Mo-
„ nasteria Monialium sibi subiectarum,
„ & ita determinatur quomodo, & quan-
„ to liceat illis talis ingressus, ut jam di-
„ cta doctrina videatur exclusa.

Addo, quod cum juxta dicenda c. 10. qu. 39. Confessarius Monialium, maxime Regularis, ingrediens Clausuram eo ipso secum possit ducere socium, etiam Prælatas Regularis Monialium, si velit in casibus permixtis, ingredi poterit cum Confessario, præcisè ut socius; æque ac posset ingredi quicumque alius Religiosus Ordinis: idque est alias ibi non extaret consuetudo ducendi socium: cum enim talis consuetudo sit laudabilis, licite posset induci, esse Prælatum ad id moveretur ex curiositate: secus, si socius non ingrederetur præcisè ad associandum Confessarium, sed soleret ei inservire in ministerio ibi exercendo, & Prælatas tale servitium non præstaret: tunc enim illicitus esset ingressus, ut pote factus absque sufficienti titulo (siquidem titulus socii jam non subsisteret), & in fraudem legis talem ingressum prohibentis: idque ob doctrinam Sanchez l. 6. mor. c. 16. n. 49., quæ proportionaliter in hoc casu procedit.

60. Cæterum quod olim concessit Urbanus IV. Monialibus S. Claræ teste *Miranda qu. 2. de Monial. art. 15.*, nimirum quod Generalis Minister Ordinis Minorum posset ingredi Monasteria dictarum Monialium cum 4., aut 5. Fratribus ejusdem Ordinis ad celebrandum ibi, aut faciendam exhortationem, si quando id ei videretur expedire; non apparet quomodo in præsentia subsistat, attendita Bulla Gregorii XIII. citata: in qua quibuscumque Superioribus Regularibus mandatur, ne facultate ingrediendi dicta Monasteria, siquam habent, utantur, nisi in casibus necessariis; & quidem derogando quibuscumque privilegiis: unde cum celebratio Missæ, aut prædicatio Verbi Dei audiri possint a Monialibus per fenestellas Ecclesiæ, non potest dici, quod comprehendatur inter casus necessarios, de quibus loquitur Bulla Gregorii XIII. Ita *Barbosa sup. num. 44.* contra Mirandam putantem Ministrum Generalem sui Ordinis, ac ejus Provinciales posse vi præfate concessionis, etiam hodie, ingredi dicta Monasteria ad effectum ibi celebrandi, vel prædicandi, quod non rejicit *Tamb. d. 24. de jure Abbatis. qu. 10. num. 1.* dicens, *an autem hodie in praxi supradicti Minister Generalis, & Provincialis hanc facultatem ingrediendi exerceant, dubitat Barbosa*: nullo alio verbo appposito, per quod indicet se non approbare, aut rejicere ejusmodi doctrinam: quæ tamen non debet admitti ob modo dicta.

Quæres 19. *An Ordinarius, aut Prælatas Regularis de bonis Monialium sibi respectivè subditarum possint disponere in casibus alias permixtis, etiam contradicentibus ipsi Monialibus.*

61. *Resp.* Non posse, loquendo de contractibus gravioris momenti; & inde probatur, quod neque Abbatissa, seu Priorissa, cui incumbit tota administratio bonorum Monasterii immediate, ac proxime, similes contractus regulariter potest facere propria auctoritate, absque consensu proprii Capituli: ergo neque Ordinarius, aut Prælatas Regularis, quibus minus proxime, ac immediate in-

R r cum-

cumbit administratio dictorum bonorum quoad Monasteria sibi respective subiecta, poterunt præfatos contractus facere, sine consensu Capituli; unde existimo talem esse praxim, sique communiter observari.

Quæres 20. *An Ordinarius, aut Prælati regularis possint deponere, aut suspendere ab Officio Abbatissas, seu Priorissas Monialium sibi respectively subditarum.*

62. *Resp.* Possit, si occurrat iusta causa id faciendi: & ratio est, quod supradicti in Moniales subditas habent potestatem coercitivam etiam pro foro externo; hæc autem sufficit, ut possint eas punire in foro externo poena iusta; qualis utique esse potest etiam depositio, & suspensio ab officio; unde ea non solum identidem imponitur in Religionibus virorum, sed etiam ipsis Monialibus comminatorie indicitur, illis aliqua prohibendo, aut præcipiendo sub poena privationis, aut suspensionis ab officio.

SUBSECTIO III.

De Canonica Monialium Visitatione.

63. *V*isitatio Canonica quid sit.

64. *Alia est generalis, alia particularis.*

65. *Prælati Monialium tenentur eas visitare.*

66. *Moniales subditæ Ordinario loci, aut Sedi Apostolicæ visitantur ab Ordinario; exemptæ vero a Prælato regulari.*

67. *Capitulum, Sede vacante, visitat Moniales non minus, quam Ordinarius.*

68. *Illas item visitat Vicarius generalis.*

69. *Quis visitandi potest delegari.*

70. *Visitatio facienda singulis annis.*

71. *Proponitur materia Visitationis.*

72. *Præmonenda Moniales de materia Visitationis.*

73. *Prælati tempore Visitationis ingreditur Clausuram.*

74. *Ducit secum aliquos socios.*

75. *Si ingreditur ob fabricæ constructionem, ducit secum socios solitos ultra Archiepiscopatum.*

76. *In tales socios assumi possunt Regulares, etiam ex Indulto Leonis X.*

77. *Et hoc indultum, licet factum viva vocis oraculo, juxta aliquos hodie datat.*

78. *Visitatio, quæ fit in casu particulari, facienda judicialiter.*

79. *Moniales exemptæ nequeunt obstare Ordinario, ne earum visitet Clausuram.*

80. *Et si obstant, incurrunt excommunicationem.*

81. *Ad hoc tamen requiritur, ut, apposito impedimento, Moniales moneantur, ut desistant.*

82. *Monitio ista sufficit quod sit generalis.*

83. *Ea facienda ab ipso Visitatore.*

84. *Dicta excommunicatio incurritur etiam in casu, quo impediatur Visitatio intentata a Prælato regulari.*

Quæres 1. *Quid intelligatur hic nomine Visitationis Canonica.*

63. *Resp.* **I**ntelligi actum, quo legitimus Prælati Monialium, juxta Sacros Canones, aut constitutiones Religionum inquirat statum, & mores Monialium sibi subditarum ad effectum debite corrigendi excessus, qui forte deprehendantur, ac opportunis mediis promovendi bonum ipsarum tam spirituale, quam temporale; idque ex jurisdictione sibi competente ad executionem sui Pastoralis officii.

Quæres 2. *Quotplex sit hujusmodi Visitatio.*

64. *Resp.* Esse duplicem; generalem scilicet, & particularem: generalis est, quam Prælati ordinarie faciunt, ex debito sui pastoralis officii (& de hac potissimum nobis in præsentia agendum est) particularis

laris est, quam Prælati facit ex zelo, & charitate, & ex causa hic & nunc movente animum suum; de qua loquitur *Clem.2. §. nos igitur de censib.*

Quæres 3. Quo jure obligentur Prælati Monialium ad Canonicam earum Visitationem.

65. Resp. Obligari tum ex *Clem.2. attendentes, de stat. Monac.* statuente Monasteria Monialium Papæ immediate subiectarum visitari debere ab Ordinario loci Apostolica auctoritate; non exempta vero ab eodem Ordinario, sed propria potestate; exempta denique a propriis Prælati Regularibus: tum ex Concilio Trid. *sess.25. de regul. c.1.* ubi præcipitur, ut omnes Regulares, tam viri, quam mulieres ad regulæ, quam professi sunt, præscriptum, vitam instruant, & componant, atque in primis quæ ad suæ professionis perfectionem, ut obedientiæ, paupertatis, & castitatis, ac si quæ alia sunt aliquarum regulæ, & Ordinis peculiaria vota, & præcepta, ad eorum respectivè essentialia, nec non ad communem vitam, vestitum, & vestitum conservanda, pertinentia, fideliter observent; omnisque cura, & diligentia a superioribus adhibeatur, tam in capitulis generalibus, & provincialibus, quam in eorum visitationibus, quæ suis temporibus facere non prætermittant, ut ab illis non recedatur. Ubi ad rem nostram maxime faciunt verba illa, *quam in eorum visitationibus &c.*, quæ sine dubio inducunt Prælati Monialium obligationem illas visitandi, eamque gravissimam, ut colligitur ex gravitate materiæ, circa quam versatur talis obligatio.

Quæres 4. Quinam Prælati possunt, & debeant visitare Moniales.

66. Resp. Distinguendo; vel Moniales sunt immediate subiectæ Sedi Apostolicæ, aut Ordinario loci & hæc possunt, & debent visitari ab ipso Ordinario, auctoritate quidem propria, si sint ipsi immediate subiectæ; auctoritate vero Apostolica, si Moniales immediate subint Sedi Apostolicæ: vel Moniales subjacent jurisdictioni Prælati Regularis; & hæc debent, & possunt visitari a Prælati Regularibus;

quamquam, quod spectat ad observantiam Clausuræ Moniales quæcumque, sive exemptæ, sive non exemptæ, visitari soleant ab Ordinario loci, eo modo quo diximus *sup. c.5. sess.1. qu.5.* patet responsio ex *Clem.2. citata qu. præcedenti*si monuero eum *Tamburino d.14. de jure Abbatiss. qu.3. n.4.* ad illos eosdem Prælatos, ad quos spectat visitatio Monialium, spectare etiam earum correctionem, ac punitionem, si deliquisse reperiantur.

An autem Capitulum Sede vacante possit absolute visitare Moniales Ordinario subiectas, immo & exemptas, quoad observantiam Clausuræ.

67. Resp. Videri posse, & colligitur ex dictis *c.5. sess.1. qu.5.* quæ inde confirmari possunt, quod non est credendum Ecclesiam velle Moniales manere toto tempore Sedis vacantis omnino destitutas canonica visitatione, sive absolute, si sint non exemptæ, sive quoad observantiam Clausuræ, si sint exemptæ; cum alioqui posset contringere casus, in quo tunc temporis maxime necessaria sit visitatio. Dissentiunt tamen *Azor. p.3. l.3. c.37. qu.14.* & alii apud *Tamburinum sup. qu.5. n.3.* putantes Capitulum Sede vacante non posse visitare cœnobia Monialium exempta, quæ alias posset Ordinarius, ut delegatus Sedis Apostolicæ; sicque fuisse decisum a Rota testatur *Barbosa sup. alleg.73. n.25.* idemque sentit *Diana p.7. tract.12. resol.28. ex Bannio.*

*68. Addo etiam, Vicarium generalem posse visitare modo dicto Moniales, & quidem non solum subiectas Ordinario, sed etiam exemptas; non tamen quoad omnia (sicut potest visitare Moniales non exemptas) sed tantum quoad observantiam Clausuræ, juxta dicta supra cap.5. sess.1. qu.5. : constat autem, jus visitandi non competere Vicario Generali, nisi specialiter id ei committatur: quod aliis citatis notavit *Barbosa n.28.**

Quod si quæras, an Prælati Monialium possint alteri delegare munus visitandi, & quidem etiam in iis, quæ ipsis competunt solum ex delegatione Sedis Apostolicæ.

69. *Resp.* Posse: & constat tum ex usu, tum ex dictis *subf. preced. qu. 1.*

Quæres 5. Quam frequens debeat esse visitatio Monialium.

70. *Resp.* Regulariter debere fieri singulis annis juxta *Clementinam 2. attendentes de stat. Monac.* ubi id expresse statuitur: & quidem merito, eum maxime conducatur ad bonum gregis, quod pastor agnoscat pecoris sui vultum, suumque gregem consideret: sicut bene notavit *Fuscus l. 1. de visitat. c. 3. n. 10.* hinc inferens frequentes debere esse visitationes; quod utique etiam præcedit in Monialibus.

Quæres 6. De quibus institui debeat visitatio Monialium.

71. *Resp.* Debere institui non solum circa ea, quæ præscribit Concilium Trid. *sup. c. 9.* nimirum circa vota substantialia Religionis, victum ac vestitum; sed etiam circa frequentia, videlicet, quot sint Moniales, an professio fiat tempore debito, an habitus Novitiarum, ac professorum sit distinctus, an Moniales ultra vota substantialia observent regulam proprii Ordinis, sejunia in ea præscripta, silentium, aliasque Regulares observantias: an deferant vestes debitas, an suo tempore celebrent divina officia, & an omnes convenient: an servant debitam Clausuram, & tempore congruo claudantur portæ: an admittant conversationes suspectas, periculosas, & scandalosas: qualiter in suo munere se gerant, Abbatisa, Vicaria, & aliæ Officiales Monasterii: quam diligenter munus suum obeant Confessarii tam ordinarii, quam extraordinarii: qualis sit educatio Novitiarum, ac puellarum ibi commorantium causa educationis: qualiter expendantur bona Monasterii, ac implicentur dotes Monialium, quæ admittuntur: & alia id genus, quorum longum textus Catalogum Gavantus in tract. de visitatione.

Quæres 7. An Moniales possint, & debeant præmoneri de tempore visitationis.

72. *Resp.* Communiter posse, & debere præmoneri, ut illæ possint tanto melius se disponere ad visitationem, & hæc majori cum fructu ipsarum peragatur; non

repugnare tamen, absolute loquendo, immo interdum expedire, aut etiam necessarium esse, ut Prælatus ex improvviso accedat ad visitationem, præsertim particularem; v. gr. ut inveniat Monialem in flagranti delicto, ut reperiat suppellectilem alienius Monialis vanam, ac omnino indecentem statui Religioso, quæ alias occultaretur; ut majori cum sinceritate explorare possit statum Monasterii absque periculo subornationis: sic quippe de filio hominis scriptum est *Matth. 24. Estote parati, quia quæ nescitis hora, filius hominis venturus est*: sic, & *Marci 13. dicitur. Vigilate, nescitis enim, quando Dominus domus veniat, sero, an media nocte, an Galli cantu, an mane: ne, cum venerit repente, inveniat vos dormientes.*

Quæres 8. An Prælatus Monialium possit tempore visitationis ingredi Monasterium, & quo modo.

73. *Resp.* Posse dummodo alias observet, quæ præscripsit Gregorius XIII. in sua constitut., quæ incipit: *Dubius, quæ emergunt*: & sic habet: *Auctoritate Apostolica declaramus Prælatos omnes tam seculares, quam Regulares, quibus cura, & regimen Monasteriorum Monialium quovis modo incumbit, facultate sibi ex officio attributa ingrediendi Monasteria prædicta, ita demum uti posse, si id faciant in casibus necessariis, & a paucis, iisque senioribus, ac Religiosis personis comitati.* Cum enim Prælatus instituitur visitationem Monialium debeat illis proponere edicta visitationis, illam denuntiare, habere ad ipsas exhortationem, & hæc fieri debeant secreto, ac exclusis Novitiis, conversis, & aliis feminis in Monasterio forte commorantibus; constat in tali eventu adesse necessitatem ingrediendi, adeoque facultatem Prælati Monialium ad id concessam extendi ad talem casum, præsertim cum in ipsa visitatione debeant visitari officinæ Conventus, cellæ Monialium, ac suppellex, dormitorii decentia, aliquid adificium, quod forte construitur, aut construendum est, aut minatur ruinam: præter quamquod, finita visitatione, ingrediendum est Capitulum conventuale ad publican-

blicandam ipsam visitationem, ac imponendam correctionem culpam inde resultantium, quæ sine dubio non possunt fieri absque eo, quod Prælatus visitans ingrediatur Monasterium; ut recte advertit Sanchez lib. 6. mor. c. 16. n. 54. ex Llamas monens ad omnia prædicta debere ingredi etiam Notarium, qui eorum omnium detestimonium, & actus faciat iudiciales.

Difficilis est, quot socios secum debeat Prælatus introducere in Monasterium, attento quod Gregorius XIII. non exprimit in citata constit. , quot illi esse debeant, sed solum dicit a paucis, iisque senioribus, ac Religiosis personis comitati.

74. R. sp. Tambur. d. 24. de jure Abbatiss. qu. 10. n. 3. ex Miranda qu. 2. de Monial. art. 15. posse tuta conscientia introduci tres socios; ita illud in ore duorum, vel trium testium stat omne verbum; immo, & 4. & 5. secundum Victorellum, ac Bonacinam: verum in hoc standum est unicuiqueque loci consuetudini, quæ habet vim legis, & est optimus legum interpres; dummodo salvetur, quod Prælatus ingrediatur comitatus a paucis, sicut requirit Gregorius. „ Ubi est advertendum, quod hæc dicta procedunt de „ Episcopis, non autem de Superioribus „ Regularibus: ii enim tenentur servare „ formam præscriptam ab Alexandro VII. „ in Constit. quæ incipit *Falci*, edita „ anno 1664, & est in Bullario 153. ubi „ sic habetur. *Visitet autem Superior Regularis* „ *interiorem Clausuram per se ipsam,* „ *non autem per alium, etiamsi* „ *fuerit legitime impeditus, quo casu differet* „ *visitatio in aliud tempus, quo cessaverit impedimentum, & visitationem* „ *celeriter, & unica die, debita tamen cum* „ *diligentia absolvat, nec ante ortum* „ *Solis eam incipiat, nec post occasum* „ *protrahat, neque ipse visitator, neque* „ *ejus socii ullam sumant in Monasterio* „ *refectionem.* Porro si visitet Generalis, „ possit secum habere duos socios sui „ Ordinis; si alius a Generali, unum tantum, „ exclusis omnibus aliis, etiam ratione officii. „ Qui quidem socii assistantur exemplares, „ & maturæ ætatis, & in actu visi-

„ *tationis a visitatore nunquam separandi,* „ *nur, sed eum aspicere, & ab ipso aspicere* „ *semper possint.*

75. Cæterum monet Tambur. num. 6. quod si ratione ædificii construendi Episcopus, aut Superior Monialium ingrediantur Monasterium cum aliquo Architecto, vel alio artifice, nihilominus debent secum coassumere suos ordinarios comites; prout statuitur in allegata Constitutione Gregorii XIII. siquidem Architectus ille, aut Artifex non ingrediantur tanquam comites, sed ut operarii, ac artifices.

An autem Ordinarius, ingressurus Monasterium Monialium ad illud visitandum possit, ac teneatur sibi assumere in comites visitationis viros religiosos.

76. R. sp. Possit, saltem de jure communi; cum nullum extet jus id generaliter prohibens Regularibus; Immo potius id in specie vivæ vocis oraculo fuerit concessum Fratribus, ut videre est apud Casarubium in comp. v. ingredi Monasteria n. 32. & consequenter Religiosis aliorum Ordinum per viam communicationis; non tamen teneri, esto Gregorius XIII. loquens de comitatu Episcopi ingredientis Monasteria Monialium dicat a paucis, iisque senioribus, & religiosis personis comitatus. Siquidem hic nomine religiosi, non significatur homo adstrictus tribus votis substantialibus Religionis, sed vir pius, ac timoratus, sicut bene notat Tamburinus sup. n. 4. ex Victorello.

Cæterum illud hoc in loco bene advertendum est, quod cum concessio illa relata a Casarubio fuerit facta a Leone X. vivæ vocis oraculo, post generalem revocationem vivæ vocis oraculorum a Gregorio XV. & Urbano VIII. factam non amplius subsistit, nisi quis velit juxta doctrinam Peyrini tom. 3. priviil. cap. 12. ad Constit. 18. Urbani VIII. num. 1. sustinere illud non fuisse comprehensum sub præfata generali revocatione, ut pote quod transit in privilegium bullarum vi Constitutionis Gregorii XIII. confirmantis, & ex certa scientia innovantis omnia privilegia ab ipso, aliisque suis Prædecessoribus

con-

concessa Fratribus Minimis, etiam vivæ vocis oraculo: quæ constitutio refertur a Peyrino tom. 2. priviil. Constit. 1. Greg. XIII. & sic habet: Omnia, & singula privilegia, immunitates, exemptiones, libertates, prerogativas, favores, conservationes, declarationes, facultates, dispensationes, gratias, concessionem, indulgentias, & indulta spiritualia, & temporalia, etiam per modum communicationis, & extensionis inter se, & cum aliis Ordinibus Mendicantibus, & non Mendicantibus, eisdem Correctori Generali, & Zelosis, ac aliis fratribus, Ecclesiis, Domibus, Conventibus, & locis eorum quibuscumque in genere, & specie, etiam per solam signaturam, etiam vivæ vocis oraculo, ut præfertur, aut alias, tam per præfatos, & alios quoscumque Romanos Pontifices Prædecessores nostros, ac nos, & Sedem præfatam, quam Imperatores, Reges, & alios Principes sub quacumque forma, & expressione verborum concessa, &c. quatenus sint in usu, & sacris Canonibus, & decretis Sacri Concilii Tridentini non adversentur; approbamus, confirmamus, & innovamus, perpetuamque roboris firmitatem obtinere, & firmiter observari mandamus: quod item prius fecerat Pius V. hisdem Fratribus Minimis per Bullam adductam ab eodem Peyrino sup. Constit. Pii V. in ordine 7. §. 31. Quæ concessio utique per communicationem suffragatur etiam Religiosis aliorum Ordinum.

77. Adde ex Rodriguez tom. 1. qu. 47. art. 8. & Miranda sup. art. 16. præfatam concessionem Leonis X. si detur modo dicto transiisse in Indultum bullarum, non videri revocatam a Gregorio XIII. in bulla *Ubi gratia* superius non semel allegata, ac revocant omnes, & quascumque licentias concessas quibuscumque viris ingrediendi Monasteria Monialium: ea quippe loquitur de facultatibus, ac licentiis personalibus; ut inde constat, quod ea solum loquitur de facultatibus concessis Marchionissis, & Ducissis, & aliis quibuscumque personis (qui modus loquendi indicat privilegium esse personale, tamquam concessum, si minus certæ perso-

næ, certo generi personarum; sicut colligitur ex l. qui tale 24. ff. soluto matrim. cum tamen allata concessio Leonis X. non sit personalis, sed realis, ut pote facta toti Ordini Minorum, qui fictione juris nunquam videtur perire, sicut advertit Rodriguez generaliter docens privilegium factum certo generi personarum, quæ per fictionem juris nunquam percutit, censendum esse reale, ac perpetuum, non autem personale.

Quæres 9. An, & quando visitatio Monialium fieri debeat in forma judiciali.

78. Resp. Debere fieri, si fiat in casu particulari, v.g. occasione alicujus gravis excessus perpetrati in Monasterio; si fiat generaliter, prout fit communiter, constat ex ipsa praxi.

Quæres 10. An Moniales exemptæ possint impedire Ordinarium, quominus eas libere visitet circa custodiam Clausuræ.

79. Resp. Non posse, attentis decretis Sacri Concilii Tridentini, & aliis Sacræ Congregationis Concilii, de quibus dixi cap. 5. sect. 1. n. 6. ex quibus constat, Ordinarium posse visitare Moniales exemptas quoad Clausuram, quoties judicaverit id expedire, nec posse ipsi Regulares, quibus subsumuntur, impedire, quominus ille id præstet; & hoc, licet alias nunquam visitaverit illud Monasterium: quod declaravit Sacra Congregatio 24. Novemb. 1617. apud Gavantium in man. v. Monialium Clausura n. 57. addentem n. 60. ex decreto ejusdem Sacræ Congregat. factò 25. Febr. 1583. posse Ordinarium interrogare Moniales Regularibus subiectas de pertinentibus ad Clausuram. Immo docet Fufcus l. 2. de Visitat. cap. 19. (quod nos etiam supra adnotavimus) Monialibus recusantibus visitari, posse Episcopum eis resistere frangendo portas Monasterii, vim vi repellendo.

Quæres 11. Quam penam incurrant Moniales, & alii quicumque impediunt visitationem Canonicam Monialium.

80. Resp. Incurrere excommunicationem majorem latam in Clem. attendentes de stat. Monac. & a nobis propositam sup. c. 8.

e. 8. qu. 11. lateque a Bonac. d. 2. de censur. partic. qu. 2. part. 4. explicatam, qui bene ait n. 2. quod cum materia istius excommunicationis sit impedire Visitatorem in iis, quæ pertinent ad reformationem Monialium circa vitam voluptuosam, & ad debitum famulatum Deo præstandum, ut habetur in ipso textu: & ex alia parte talis impedio fieri possit multis modis; sequitur tot modis contrahi præsentem censuram, quot modis sit dicta impedio: dummodo tamen præcedat admonitio ad eam incurrendam vi textus requisita iis verbis, *nisi moniti respiciant*.

81. Notat autem Bonac. num. 4. ad contrahendam istam censuram non sufficere quod præfata admonitio fiat, antequam apponatur impedimentum visitationi, sed eam debere subsequi appositionem ipsam impediendi, ita ut Prælati visitans impediendum moneat, ut desistat ab impediendo: cuius rei ea est ratio, quod in textu dicitur, *nisi moniti respiciant*: non dicitur autem respicere is, qui non delinquit (v. g. impediendo in præfata materia) quod etiam notarunt Suarez d. 23. de censur. sect. 5. n. 9. Sayr. l. 3. de censur. cap. 35. num. 14. Navar. cap. 27. n. 140. & alii.

82. Ista tamen monitio non est opus, quod sit specialis, & particularis, sed sufficit illam esse generalem; siquidem textus simpliciter, ac indistincte loquitur dicens, *nisi moniti respiciant*; adeoque non debet restringi ad monitionem specialem, cum jure non disting. ente nec nos distinguere debeamus. Ita Suarez Sayr. Navarr. & alii locis modo citatis, quos sequitur Bonac. n. 5. monens num. 6. in præfati eventu requiri ad incurrendam istam censuram vel triplicem monitionem, vel unam pro triplici, probatque ex Suarez supra, ac Filliuc. tract. 14. n. 73. quia ubi jus petit juridicam monitionem, semper loquitur de monitione Canonica; monitio autem Canonica est trina, aut certe una pro trina, nisi aliud necessitas suadeat:

83. Præterea ista monitio, ut sit legitima, debet fieri ab ipso Visitatore Monialium, qui impeditur; aut certe ab ejus

Superiore in causa visitationis: patet, quia ista monitio debet esse juridica, non est autem juridica nisi fiat a legitimo Superiore, qui in causa visitationis est vel ipse Visitator, vel Superior illius in jurisdictione. Ita Bonac. num. 7. ex Aug. Suar. & Filliuc. addens num. 8. ad incurrendam istam excommunicationem præsupponi præsumptionem; cum in textu adhibeatur verbum *presumpserint*, adeoque illam posse evitari ex quacumque ignorantia, præterquam ex affectata cum ingenti temeritate conjuncta.

84. Et certe quod ista excommunicatio incurrat etiam in casu quo impediatur visitatio intentata a Prælato Regulari, colligitur ex tenore ipsiusmet textus; qui cum dicat *singula Monialium Monasteria per Ordinarios, exempta videlicet, quæ ita Sedi Apostolica, quod nulli alii subiecta noscuntur, Apostolica; non exempta vero ordinaria auctoritate*; ac *exempta alia per alios, quibus subsunt, annis singulis debeant visitari*; utique comprehendit etiam Prælatos Regulares expressos in his postremis verbis, *per alios, quibus subsunt*.

SECTIO II.

De Gubernatione Monialium quoad subjectionem erga propriam Abbatissam.

Acturi in ista Sectione de gubernatione Monialium, prout se tenet ex parte Abbatissæ, seu Priorissæ, cui legitime subduntur; necesse est, ut aliqua prius explicemus de ejus electione: sicque Sectionem dividemus in duas Subsectiones; in quarum prima agemus de canonica electione Abbatissæ; in secunda de ejus potestate in Moniales subditas.

SUBSECTIO I.

De Canonica Electione Abbatissæ.

85. **E**lectio Canonica quæ sit.
86. Quot modis fieri possit.
87. De jure communi spectat ad Monasterium, cui sit.
88. Ad eam concurrant solum Moniales Professæ Choristæ, nisi sine inhabiles.
89. Conversa ad eam admitti possent: de factio tamen non admittuntur.
90. Monialis eligenda in Abbatissam debet habere varias conditiones.
91. Est opus, quod expleverit annum quadragesimum.
92. Electio facta sine dictis conditionibus est ipso facto irrita; quod alii negant.
93. In electione ex concurrentibus ad Abbatissatum pro arbitrio præferri potest atas in jure præscripta antiquitati professionis; vel e contra.
94. Regulariter Abbatissa eligitur eodem Monasterio.
95. Soror Abbatissa presentis potest eligi, ut ei succedat in officio.
96. Qui debeant præsidere electioni, & qualiter vocandi ad electionem.
97. In quo loco fiat electio.
98. Qua forma, & quibus ritibus, qualiterque recipienda suffragia.
99. Electio Abbatissæ fit per suffragia secreta.
100. In eam debet consentire major pars Capituli eligentis, immo & sanior.
101. Putant alii sufficere duas partes suffragiorum ex tribus.
102. Quid agendum, si quæ scheda sit vitiosa;
103. Monialis in aliquo casu eligit se ipsam.
104. Votum Monialis infirmæ non requiritur: at requiri potest.
105. Electio fit non solum per viam scrutinii, sed etiam aliis modis.
106. Prælatus assistens electioni Abbatissæ non potest ferre suffragium; quod alii negant.
107. Interdum tamen potest illam nominare.
108. Electio qualiter publicanda.
109. Quid, si facta publicatione opponatur?
110. Publicata debet confirmari.
111. Quid si opponatur contra electionem factam per compromissum?
112. Quid si per scrutinium facta sit electio?
113. Officium Abbatissæ durat solum ad tres annos, & postea debet vacare per tres annos completos.
114. Electa potest renunciare electioni, si adsit alia digna.
115. Renunciat in favorem tertie, si Abbatissatum habeat in titulum.
116. Moniales indebite eligentes non semper amittunt jus eligendi.

Quæres I. Quid intelligatur hic nomine Canonica electionis.

85. Resp. **I**ntelligi vocationem personarum idonearum ad munus Abbatissæ, factam juxta sacros Canones, ac statuta uniuscujusque Ordinis: dixi ad munus Abbatissæ, ut indicarem, quod, cum Abbatissa non habeat ordinariam jurisdictionem, sed quasi ex commissione; & jurisdictio ordinaria sit de ratione Prælati proprie dicti: consequenter Abbatissa, proprie loquendo non potest dici Prælata: quod in specie notarunt S. Thom. in 4. d. 25. qu. 2. art. 2. quæst. 1. ad 2. Syl. v. Abbatissa, num. 1. Tabiena ibidem n. 5. aliique.

Quæres

Quæres 2. *Quot modis eligi possit Abbatissa.*

86. *Resp.* Possè eligi pluribus modis a nobis explicatis in *trakt. de gubernat. c.2. sect.1.* sed potissimum tribus, qui sunt usitatores, & habentur in *c. quia propter de electione*: nimirum per scrutinium (qui est omnium usitatissimus) per compromissum, & per communem inspirationem.

Quæres 3. *Ad quem spectet electio Abbatissæ de jure communi.*

87. *Resp.* Spectare ad Monasterium, cui ea præxi debet; & patet tum ex *cap. indemnitate de elect. in 6.*, ubi id satis clare indicatur, dum præcipitur, ut ad eligendum cum aliis nulla admittatur Monialis, nisi 12. ætatis suæ annum peregerit: sic enim supponitur Monialis debere concurrere ad electionem Abbatissæ: tum ex Concilio Triden. *sess. 25. de regul. cap. 6. & 7.*, quod cum præcipiat electiones Monialium fieri per vota secreta, ita ut singulorum eligentium nomina numquam publicentur: & quod is, qui præest electioni, sive Episcopus, sive alius Superior, claustra Monasterii non ingrediat, sed ante cancellorum fenestellam vota singulorum audiat, vel accipiat; aperte ostendit electionem Abbatissæ spectare ad Monasterium: & quidem merito, ut sic ea a Monialibus recipiatur majori cum amore, ac fiducia, tamquam ab ipsis electa, & digna tanto munere æstimata: quod non ita facile eveniret, si ea eligeretur ad arbitrium Ordinarii, aut Prælati Regularis: ita *Rodrig. tom. 2. qu. 54. art. 1.*, *Miranda quest. 7. de Monial. art. 1.*, *Lezana to. 1. cap. 26. n. 2.*, *Tambur. d. 26. de jure Abbatissæ. qu. 1. nu. 2.* alique communiter cum *Sylv. v. elect. 3. qu. 6.* asserentes de jure communi electionem Præfectæ Monialium spectare ad ipsas Moniales; dico de *jure communi*: modo enim post *Cocil. Trid. sup. cap. 7.* hac in re servari debent singulorum Ordinum, seu Monasteriorum Constitutiones, sicut advertit *Tamb. num. 3.*

Quæres 4. *Quæ requirantur in Monialibus, ut possint concurrere ad electionem,*

Abbatissæ activam, stando præcise in jure communi.

88. *Resp.* Requiri, ut sint professæ, saltem tacite, & quod expleverint 12: ætatis annum: habetur expresse in citato *cap. indemnitate*, quamquam cum hodie major ætas petatur ad professionem emittendam, major item ætas requiritur ad faciendam hujusmodi electionem, nempe 16. annorum expletorum: quod bene advertit *Suarez tom. 4. de relig. tract. 8. l. 2. cap. 5. num. 18.* addens jure communi majorem ætatem non desiderari, nec peti, ut post professionem aliquod tempus intercedat ante electionem; ideoque non esse necessarium, quod Professio antecesserit diem electionis, sed sufficere ut ea ante electionem legitime facta sit. Dixi de *jure communi*, quia attentis Juribus particularibus Religionum (quibus diximus standum esse ex Decreto Concil. Trident.) in aliqua Religione requiritur, ut Monialis concurrens ad electionem Abbatissæ fuerit professæ aliquot annis; ut in Ordine Prædicatorum, in quo teste *Cassellino c. 17. de elect. num. 15.* non potest Monialis habere vocem activam in electione Abbatissæ, nisi post annos 12. ab emissæ professione.

Cæterum ab electione activa Abbatissæ excludi debent Moniales inhabiles: quales sunt 1. excommunicatæ excommunicatione majori: 2. suspensæ ab officio: 3. interdictæ: 4. prohibitiæ eligere sine licentia Superioris: 5. quæ scienter indignam elegerunt in aliqua vocatione, aut certe peccarunt in postulando (si tamen secuta est postulatio vel electio): 6. quæ per laicalem abusum elegerunt: 7. quæ non elegerunt intra tempus præscriptum: 8. quæ sunt irregulares: & hæc ex variis iuribus, quæ adducuntur in nostro *trakt. de gubernatione*, & hic brevitas causa omittimus.

Quod si quæras, an Moniales, quæ dicuntur Conversæ, possint, & debeant admitti ad electionem Abbatissæ.

89. *Resp.* *Suarez sup. nu. 18.*, quod cum ex sint vere Religiosæ professæ, ut supponitur; nullum exeat jus, quo ex-

S s clu-

cludantur a dicta electione. Regulariter tamen non solent admitti, sive ex consuetudine, sive ex jure speciali Religionum, esse simpliciter id non repugnet.

Quæres 5. *Quæ requirantur in Monialibus ad hoc, ut eligi possint in Abbatissas, ac Præfectas Monasterii.*

90. *Resp.* Requiritur non solum, ut Monialis eligenda sit professæ expresse, sed etiam, ut non sit minor annis 40., & 8. annos post professionem laudabiliter vixerit in Monasterio: sic decidit Concilium Trident. sess. 25. de regul. cap. 7. sub his verbis: *Abbatissa, & Priorissa, & quocumque alio nomine Præfecta, vel Præposita appellatur, eligatur non minor quadragesima annis, & quæ octo annis post expressam professionem laudabiliter vixerit.* Quamquam in casu, quo inter Moniales Monasterii nulla adesse sit qualitatibus prædita; & aliqui superior præsidens electioni judicaret non expedire, quod eligeretur Præfecta ex alio Monasterio ejusdem Ordinis; tunc posset eligi aliqua ex illis, quæ in eodem Monasterio annum trigessimum exceperit, & quæ quinque saltem annis post professionem recte vixerit, Episcopo tamen, aut Superiore Monialium consentiente; idque ex Decreto Concilii Trident. ubi supra.

Quod si quæras, an opus sit ut Monialis eligenda in Abbatissam expleverit quadragesimum annum, vel sufficiat illum inchoasse.

91. *Resp.* Portel. 1. p. resp. mor. casu 13. num. 1. sufficere quod inchoaverit, probatque ex Clem. 1. §. *Ceterum de statu Monach.* quæ statuens ætatem petitam ad hoc, ut aliquis sit Prælatu alicujus Conventus, debere esse annorum viginti quinque ait, *nisi vigesimum quintum annum attigerit*: ergo idem dicendum est isto etiam casu, ut jura juri consentent, præsertim cum teste ipso Portello, Navarrus dicat ex duobus sensibus, in quibus lex explicari potest, accipiendum esse eum, qui benignior est. Oppositum sustinent alii cum Garcia de beneficiis p. 7. cap. 4. n. 71. ex eo quod cum Sacra Congregatio Concilii 24. Septem. 1593. declaraverit ver-

ba illa Concilii Trident. sess. 24. de reform. cap. 14. *Ad ceteras autem dignitates, vel personatus, quibus animarum cura nulla subest, Clerici, alioqui idonei, & viginti duobus annis non minores assumantur*, debere intelligi de anno vigesimo secundo completo: eadem ratione etiam verba ejusdem Concilii sess. 25. de regul. cap. 7. *Non minor annis quadragesima* (supple, si sit Monialis eligenda in Abbatissam) debent intelligi, ut Monialis præfata habeat quadragesima annos completos. Si enim non complevit annum quadragesimum, est minor quadragesima annis. Etsi Henric. lib. 14. c. 8. num. 10. in glossa lit. X. §a v. *beneficium* num. 31, & alii loquentes de Decreto Concilii sess. 24. de reform. cap. 14. asserant quoad dignitates, & personatus sine cura sufficere viginti duo annos inceptos. Unde infert Diana part. 7. tract. 12. resol. 9. se extimaturum probabilem tam sententiam Portelli, quam opinionem Garcie superius adductas, nisi obstat declaratio Sac. Congregationis supra allegata. Sed Portelli doctrinæ obstat 1. textus in l. 3. §. *minore ff. de Minor*: ubi deciditur, hæc verba: *Minor viginti quinque annis*, importare, ut annus supremus sit completus, & comparatio fiat de momento in momentum, ut cum Joanne Andrea notat Fagnanus in cap. Cum in cunctis de elect. num. 123. Obstat 2. duplex responsio Sacre Congregationis declarantis, illa verba Concilii Tridentini sess. 24. cap. 12. de reform. *Ad ceteras autem Dignitates, vel Personatus, quibus animarum cura nulla subest, Clerici, alioquin idonei, & viginti duobus annis non minores adfiscantur* esse intelligenda de anno vigesimo secundo completo: de quarum responsionum authenticitate non potest dubitari; cum illarum tenorem recitet Garcia de beneficio. par. 7. cap. 4. num. 70., addens, se habere secundam ex illis apud se in forma authentica; & est illa, de qua supra mentionem feci. Obstat 3. alia specifica declaratio Sacre Congregationis in una Neapolitana 24. Septem. 1678.,

» & ha-

90. & habetur *lib. 10. Decretorum*, ut refert *Matthæus in Officiali Curie c. 1. num. 4.* in qua dicitur, quod annus quadragesimus Monialis eligendæ in Abbatiâ debet esse completus.

Difficultas est an præfixæ duæ conditiones requirantur ad electionem tamquam substantiales, ita ut aliqui electio sit eo ipso irrita, ac nulla.

92. *Resp. Tamburinus sup. qu. 2. n. 7.* esse eo ipso irritam, ac nullam, probatque, tum ex quadam declaratione Sacræ Congregationis sub die 16. Maii an. 1623. relata a *Barbosa lib. 1. de jur. Eccl. c. 45. num. 19.*, tum quia, ubi verba dant formam actui, si actus fiat non servata illa forma, ipso jure est nullus, ut docent *Bartol. in l. Gallus, ff. de liber. & posth., & Gomez in cap. fin. 9. Si vero de judic. l. 6. num. 19.* Verum dissentit *Suarez n. 8.* dicens: *hæ autem duæ conditiones (quæ scilicet superius explicatæ sunt) non declarantur a Concilio tamquam substantiales, nec irritatur electio aliter facta, sed simplex prohibitio ponitur, ut non eligatur &c.* ideoque si aliqui electio facta sit juxta commune jus, licet illæ duæ conditiones non servantur, non erit electio irrita ipso jure, sed ad summum irritanda. Ita *Suarez*, & meo judicio satis probabiliter; patetque, tum ex dictis, tum quia multa prohibentur, quæ tamen facta tenent: tum quia in dubio interpretatio facienda est pro valore actus, ut valeat potius, quam corrumpat *l. quoties ff. de reb. dub.*, tum quia actus sine debita forma factus tunc solum est nullus, quando forma ponitur tamquam substantialis; negamus autem id evenire in præsentî casu.

Dices: quid si duæ Moniales concurrant ad Abbatissatum, quarum utraq; sit digna; altera tamen sit quadragenaria, nondum habens quinque annos professionis; altera vero habens illos completos, aut etiam octo, alias nondum attingens quadagesimum ætatis annum, licet triginta excedat; debet ne in tali casu præferri hæc posterior; an potius altera prior?

93. *Resp.* Quod, quavis ex una

parte videri possit præferenda posterior, eo quod habeat aliquo modo completam conditionem petitam a Concilio (cum alias priori Moniali omnino desit una dictarum conditionum) ex alia vero parte præferenda videri possit prior Monialis, eo quod in illa reperiat ætas quadraginta annorum per se primo requisita a Concilio, quæ non requiritur in Moniali posteriori; & aliunde conditio ætatis magis desideretur, ut recte advertit *Suarez sup. num. 10.*, nihilominus absolute loquendo negotium istud videtur arbitrarium, cum præfixæ duæ Moniales se habeant, ut excedens ad excessum; sicque præferenda videtur in præsentî casu illa, quæ ob alias condiciones reputatur dignior; quod si ambæ fuerint æque dignæ, ex genere suo præferri debet excellentior ætatis, ut pote in jure magis considerabilis; si autem excessus ætatis esset parvus, & antiquitas in Religione esset magna, ac præponderans: tunc Superioris esset prudenter judicare, quænam ex illis præferenda esset: ita *Suarez num. 10.* addens, quod si nulla adsit Monialis habens integras illas duas condiciones quadraginta annorum ætatis, & octo professionis; illa, cæteris paribus, præferri debet, quæ judicabitur plus de iis participare.

Quæres 6. An, & qualiter necesse sit, ut Abbatissa eligatur ex Monialibus ejusdem Monasterii.

94. *Resp.* Debere eligi, si in Monasterio extet aliqua Monialis prædita debitis conditionibus, idque juxta Concil. Trident. *sess. 25. cap. 7. de regul.* secus si ibi nulla ex iis, quæ alias eligi possunt, habeat triginta annos completos: tunc enim simpliciter necessarium est illam eligi ex alio Monasterio ejusdem Ordinis; non item, si aliqua illarum habeat triginta annos completos: nam tunc in aliis conditionibus requisitis ad munus Abbatissæ facilius posset admitti benigna interpretatio, attentâ aliqua incommoditate in eligendo ex extraneis: ita *Suarez num. 11.* monens sufficientem causam eligendi ex alio Monasterio esse, quod in eodem Cænobio non inveniatur aliqua

habens simul dictas duas conditiones : cum sic intelligi debeant verba illa Concilii : *quod si his qualitatibus non reperiantur in eodem Monasterio*. Nisi enim utramque habeat, dici non potest affecta illis qualitatibus. Quod autem dicit Concilium, ad hoc ut eligi possit in Abbatissam Monialis carens præfatis qualitatibus, oportere, ut non possit commode eligi ex alio ejusdem Ordinis Conventu, quod committitur iudicio Superioris; putat Suarez num. 10. procedere in distantia loci, in quo foret eligenda Abbatissa ex alio Monasterio, si iudicio Superioris distantia sit tanta, ut electio censeatur non posse fieri commode ex alio Monasterio; ad quod facit declaratio Sacræ Congregationis, quam adducit Suar. num. 8. his verbis : *Abbatissa triginta annorum, & quæ per quinque annos solum sit professa, eligi non potest, si in Monasterio est aliqua Monialis quadraginta annorum, & quæ jam per octo annos sit professa: aut in aliquo Monasterio ejusdem Ordinis vicino istius qualitatibus inventiatur*.

An autem, & quomodo Moniales, quæ sunt vel illegitimæ, vel bigamæ, vel non virgines, vel ex genere maculato, vel insane, eligi possint in Abbatissas, colligi potest ex dictis c. 8.

95. Adde hic obiter sororem Abbatissæ non prohiberi de jure succedere sorori in Abbatissatum, dummodo aliunde non prohibeatur. Ita Sacra Congregatio 19. Aprilis 1619., apud Barbosa in collect. v. Abbatissa.

Quæres 7. *Quinam debeant præsidere electioni Abbatissæ.*

96. Resp. Debere præsidere Ordinarium, si Monasterium sit ipsi immediate subiectum, aut Sedi Apostolicæ; Prælatum vero Regularem, si Monasterium sit exemptum, idque ex jure antiquo lato in Concil. Trid. supra his verbis: *Is, qui electioni præest, Episcopus, sive alius Superior, clausuram Monasterii non ingrediatur, sed ante cancellorum fenestellam vota singularum audiat, vel accipiat*. Dixi ex jure antiquo, ut indicarem in præsentia ex bulla Gregorii XV. Insuperabili sæpius allega-

ta, Ordinarium per se, vel per alium posse interesse electioni Abbatissæ faciendæ etiam a Monialibus exemptis; quamvis ad id non teneatur: præterea tali electioni debent interesse cum Ordinario, aut Prælato Regulari saltem duo testes, qui munus disquisitorum exercent; alioqui electio facta esset nulla ex c. quia propter de elect. in 6. iique debent esse in loco patenti: ita ut, si commode fieri possit, ab omnibus videantur: non est tamen opus, ut audiantur a Monialibus vocalibus capitulariter congregatis. Quare tenentur Regulares significare Ordinario diem electionis, illumque expectare usque ad tempus præfinitum, uti diximus sup. c. 8. qu. 42. afferentes ad id decretum Sacræ Congregationis.

Notat autem Sanctiorum in const. Minor. c. 11. stat. 7. qu. 7. d. 4. quod, quamvis in citata bulla Gregorii dicatur de Ordinario, illum posse electioni superiorissæ Monialium interesse, ac præsidere: & præses in jure antiquo summam jurisdictionem importet in provincia ex l. 1. ff. de offic. præsidis, in præsentia tamen casu verbum præsidere non inducit jurisdictionem, ac superioritatem in Moniales, earumque electiones, sed solum ordinationem, ac directionem; ita ut electio fiat quiete, ac pacate, nullaque violentia, aut defectus in ea committatur; sique ordinarius nequit recipere Monialium suffragia, sed solum ea audire, & cognoscere, quando recipiuntur a Prælato Regulari; quippe cui solum privative quoad Episcopum incumbit excipere suffragia, ut declaravit Sac. Cong. Concilii 10. Sept. 1639. in Urbanien. ad instantiam Patris Commissarii curiæ pro Monialibus S. Bernardini, illius Civitatis Episcopum in electione Abbatissæ Monialium Regularibus subiectarum non posse exquirere, seu recipere vota Monialium, sed illa exquiri, & recipi debere a Superiore Regulari, sciente tamen, & audiente eodem Episcopo.

Addit Sanctiorum sup. d. 3. non esse opus in præsentia casu significare Episcopo horam præcisam, qua fieri debet electio, sed sufficere, quod dicatur illam faciendam esse post

post vesp̄as, aut Missa celebrata; tuncque expectandum esse aliquantum post illam horam (v. gr. per unam horam circiter), & si interim non veniat Episcopus, posse procedi ad electionem: siquidem in hoc casu non debet attendi præcise commoditas Episcopi, sed tempus opportunum electioni; nec ad ipsum spectat præfigere tempus, sed ad Prælatum Regularem, Episcopo se accommodante tempori, ac electioni: quæ utique cum sit actio gravissima, non debet pendere ab effectibus, ac resolutionibus Episcopi: alias, si expectari deberet Episcopus per totam diem, vel non posset celebrari electio die designata, vel celebranda esset de nocte, quod respectu Monialium grave esset inconueniens. Vide circa hæc responsum Sacerdotis Congreg., quæ ultimo loco habetur in Bullarij tom. 3. post const. 18. Gregorij XV.

Quæres 8. In quo loco fieri debeat electio Abbatisse.

97. Resp. Regulariter debere fieri in tali loco, ut is, qui debet præsidere, non adstringatur ingredi claustra Monasterii: id quippe satis clare indicat Concilium Tridentinum ubi sup. dum ait: *Claustra Monasterii non ingrediatur, sed ante cancellorum fenestellam vota singularum audiat, vel recipiat*: quamquam si præsidens electioni prudenter iudicet non posse fieri electionem canonicè, nisi ipso ingrediente cum suis coassumptis ob inquietudinem Monialium, ac probabilem suspicionem subordinationis, aliamve similem causam; tunc illicite possent ingredi. Ita in terminis Rodrig. tom. 1. qu. 46. art. 5. Miranda qu. 2. de Monial. art. 15. Barb. alleg. 102. de off. Ep. n. 46. Jo. de la Cruz l. 1. de stat. relig. c. 5. d. 2. aliique; & inde probant, quod, cum Prælatus Monialium possit in casu necessitatis dare facultatem, ut alii ingrediantur Clausuram, sic & poterit sibi hanc eandem facultatem dare; sicut concessit Gregorius XIII. in sua constit. *Dubii* dicens Prælatos omnes tam sæculares, quam Regulares, quibus cura, & regimen Monasteriorum Monialium quovis modo incumbit, facultate sibi ex officio attributa in-

grediendi Monasteria prædicta ita demum uti posse, si id faciant in casibus necessariis &c.

Quæres 9. Quo modo, & forma, quibusve caeremoniis fieri debeat electio Abbatisse.

98. Resp. In hoc servari debere statuta, aut consuetudines uniuscujusque Ordinis, ac Monasterii; videri tamen valde commendabilem formam illam eligendi, quam describit Rainerius in rituali Monasterij. 3. rubr. 1. *caeremon.* his verbis: *Opportuno tempore procedat præsidens electioni Abbatisse, saltem cum Notario, vel Cancellario ad fenestellam sanctissimæ Communionis, ad quam ex parte interiori convocari faciet more solito ad sonum campanula capitularis omnes Moniales, ipsasque sic congregatas, & coadunatas alloquatur, hujusmodi evocationis certiores reddat, & ad digniorem personam, quam in conscientia judicaverint, in Abbatisam eligendam hortetur; quo facto Cancellarius nomina omnium Monialium ibi congregatarum accipiet, quod ut facilius, & citius præstare possit, paginam cum nominibus omnium Monialium vocalium sibi antea procurabit, quam manibus tenens, & juxta fenestellam se disponens, singulis Monialibus ibi presentibus ordinatim ad fenestellam pro faciendâ præsidenti reverentia accedentibus, suumque nomen, & cognomen dicentibus, ipsum in pagina descriptum obsignabit; omnibusque tandem notatis, presentibus, & in sufficienti numero congregatis, procedatur ad electionem. Unde Abbatisse officio eedens, genuflexa manibus ante pectus junctis, coram præsidente ad fenestellam sedente, pro commissis negligentis, & erroribus in administratione sui Officii, & pro cæteris Monialibus omnibus pariter genuflexis dicet culpam, & faciet generalem confessionem dicendo Confiteor &c. quæ completa ipsam, & cæteras omnes præsidens ad effectum electionem valide celebrandi, a censuris, & postea etiam a negligentis more solito generaliter absolvet; ac postea Monialibus prosequentibus incipiet hymnum Veni Creator Spiritus &c. ipsoque completo stans subdet versum, & orationem de Spiritu Sancto.*

Ello; deinde sedebit, Monialibus etiam interius suis locis remotius a fenestella, quam possit, sedentibus: ipse vero tenens præ manibus paginam, in qua Cancellarius nomina, & cognomina omnium Monialium vocalium ibi præsentium in principio descripsit, ipsas omnes propriis nominibus ordinate unam post aliam, incipiendo a senioribus, ad fenestellam vocabit, singulasque accedentes interrogabit, quamnam Monialem in Abbatissam eligant; ipsarum vero quælibet respondeat: Eligo in Abbatissam hujus Monasterii M. D. N. de talibus; hujusmodi tamen votum præstabit submissa voce, ita ut a cæteris Monialibus interius nequaquam, bene tamen a præsidente, & Cancellario exterius audiri possit; antea, & postea præsidenti exhibita reverentia. Pro quibus votis recipiendis præsident, & Cancellarius quisque de se in quadam pagina describat nomina, & cognomina Monialium in Abbatissam successivæ petitarum, & ab unoquoque nomine usque ad pagine extremitatem lineam recte ducat, quam tot vicibus parvis apiculis interfecabit, quot Monialis illius nominis in Abbatissam nominata fuerit: unde qui hujusmodi vota excipere, & adnotare debent, intentas aures habeant, Monialiumque vota, juxta quod ab ipsis prolata fuerint, fideliter notent, apiculis formando: & tandem per omnes Moniales præstito suffragio, sue quisque pagine apiculos votorum enumerabit, & si sibi invicem, & Monialium congregatarum numero correspondere reperierit, electionem habebunt Canonicam; secus autem, si deficiente, vel excedente: in quo casu repetenda esset electio. Postmodum observabunt vota & quam plura ultra medietatem, vel duas, ex tribus partibus habuisse videbunt, illam Præsidentem uti legitime, & canonice electam Abbatissam per triennium promulgabit, statimque ad se accedenti hujusmodi munus commendabit: ad quod acceptandum ipsam se subtrahentem eoget, nisi iustas admodum, & rationabiles causas sue renitentis deducere: tunc enim ejus renunciationem debet admittere, & ad alterius electionem devenire: si vero officium acceptaverit, completa erit electio, pro qua

tunc pulsari debent omnes campane solenni, & letabundo modulo. Præsidentem vero Episcopum, vel ejus Vicarium, aut alium deputatum, si electioni interfuerit, mox discedentem, ut decet, comitabitur, ac postmodum tunc, vel alio opportuniore tempore ad confirmandam Abbatissam, & benedicendam revertetur. Præsidentem item, & Cancellarium, vel quicumque alius vota recipiens, completa electione, supradictas paginas apiculas in frustra scindant, ignique tradant.

Quæres 10. An, & qualiter electio Abbatissæ fieri debeat per vota secreta.

99. Resp. Debere fieri ex decreto Concilii Tridentini sess. 25. de regul. c. 6. quod sic habet: In electione quorumcumque Superiorum, Abbatum temporalium, & aliorum Officialium, ac Generalium, & Abbatissarum, aliarumque Prepositarum, quo omnia recte, & sine ulla fraude fiant, in primis Sancta Synodus districte præcipit omnes supradictos eligi debere per vota secreta, ita ut singulorum eligentium nomina nunquam publicentur. Quod tamen non facit, quin Ordinarius cum suo Vicario, seu Secretario, aut alio coassumpto, vel Prælatus Regularis, præsidentes electioni possint vota singularum Monialium excipere oretenus expressa; sicut declaravit Sacra Congregatio, teste Garcia p. 5. de benefic. c. 4. n. 190. addente, prædicta vota modo dicto oretenus excipi posse a Præsidente electionis, etiam si ea sciuntur a quatuor, vel quinque assistantibus, nec propterea desinere esse secreta, si juxta formam Statutorum Religionis ea manifestatio facienda sit. Est autem ita necessarium, quod ejusmodi electio fiat per vota secreta, ut alioqui sit nulla, etiam si id contingat ex ignorantia juris, & quidem ita, ut neque ex Episcopi dispensatione possit valere, dari, sic declarante sacra Congregatio apud Samuelium to. 1. de elect. can. disp. 5. contro. 2. n. 18.

Quæres 11. Qui numerus suffragiorum requiratur ad canonicam electionem Abbatissæ.

100. Resp. Requiritur, quod electa habeat majorem numerum suffragiorum, non

non quidem respectu minoris numeri, sed totius Capituli ferentis suffragium; sicque non sufficere, quod electa habeat plura suffragia, quam reliquæ Moniales; sed opus esse, ut numerus suffragiorum contineat maiorem partem totius Capituli: ita ut, si Moniales de facto concurrentes ad electionem sint quadraginta, saltem 21. per suum suffragium concurrerint in personam Monialis electæ. Ita Sylv. v. electio 2. qn. 9. Miranda sup. qu. 7. art. 4. Suar. 10. 4. de Relig. tract. 8. l. 2. c. 5. n. 22. addens maiorem numerum, etsi sit necessarius ad electionem, non tamen sufficere, nisi etiam sit sanior; hincque inferens, quod si contingat maiorem partem, quæ in unam consentit, non esse saniores, & partem saniores, quæ vult alteram, non esse maiorem, utriusque electio per se loquendo est nulla, cum neutra pars eligentium sit copulativa & maior, & sanior, sicut statuitur in c. quia propter de elect. quamquam semper maior pars præsumatur sanior, si persona electa non sit indigna, ut advertit Suar. n. 23. Sanior autem illa pars censetur, quæ est iustior, & maiori ratione nitiur, & æquitate, ut notat Glossa c. in Genesi de elect. v. ad zelum, & cum ea Portel. de dub. regul. v. electio in addit. num. 2.

101. Dissentiunt Barbosa l. 1. de iure Eccl. c. 45. num. 27. & Tambur. sup. qu. 9. n. 3. sustinentes ad canonicam electionem Abbatissæ requiri numerum duarum partium votorum ex tribus, nisi aliud petat loci consuetudo; & probant ex quadam declaratione Sacræ Congregationis sub 20. Novemb. 1585.

Querit hic Tamburinus n. 4. quid agendum in casu, quo Præsident electioni Abbatissæ ex schedulis receptis inveniat aliquam scissam, aut signatam, vel certe plures, aut pauciores.

102. Resp. In tali casu debere frangi, ac comburi omnes schedulas receptas, facta nova electione cum maiori circumspectione: ita Tamburinus sup. n. 4. ex Navarro, Rodriguez, & Venero.

Quæres 12. An possit dari casus, in quo Monialis possit se ipsam eligere in Abbatissam, & quando.

103. Resp. Posse dari, si consuetudo permittat, quod ante electionis decretum suffragantes possint variare, addendo proprium suffragium illi Moniali, in quam plures suffragantes consenserint: tunc enim Monialis intelligens se electam per medietatem suffragiorum, si alioqui habeat jus eligendi, poterit consentire in sui electionem, ac veluti coeligere: ita L. ym. in qq. canon. cap. ult. qu. 233. & cum eo Tambur. sup. patetque, tum quia sic cessat suspicio ambitionis, quæ est potissima causa, cur quis non possit eligere se ipsum (cum potius talis coelectio ordinetur ad bonum commune, cui maxime confert electio legitima Superioris) tum quia sic tolluntur dissidia, & discordiæ inter eligentes; quod etiam cedit in favorem boni communis Monasterii.

Quæres 13. An casu, quo tempore electionis ægrotet aliqua Monialis, ideoque non possit convenire ad locum electionis, possit, & debeat Prælatus præsidens electioni ingredi Monasterium ad recipiendum suffragium dictæ infirmæ.

104. Resp. Non posse: cum id expresse prohibuerit Sac. Congregat. 21. Junii 1595. teste Gavanto in manu. v. Monialium Officiales num. 18; & talis casus non comprehendatur in Constitutione Gregorii XIII. Prælati Monialium concedente facultatem ingrediendi in casibus necessariis: cuiusmodi sine dubio non est casus præsens, stante quod Monialis infirma potest cedere pro tunc iuri, quod habet, eligendi absque eo, quod impediatur electio, ut per se patet.

Concedo tamen esse satis æquum, ut in proposito casu requiratur votum dictæ Monialis; maxime, si ea sit gravis, prudens, discretæ, ac zelans: ea enim habetur moraliter pro præfenti; & alias ab omnibus Monialibus capitularibus præsentibus votum debet peti: quamquam iu hoc inspicit debet consuetudo uniuscuiusque Ordinis, ac Monasterii, eaque servanda est.

Quæres 14. An etiam modo, post Concilium Trident. electio Abbatissæ fieri possit tribus modis relatis qu. 2.

105. Resp.

105. *Resp.* Videri probabile, quod possit fieri: idque ob doctrinam, quam tradit *Miranda tom. 2. manu. qu. 23. art. 4.* dicens non ob stare Conc. Trident. *sess. 25. de regul. cap. 6.* quippe non intendit derogare citato *cap. quia propter*: sed, eo præsupposito, dat ibi formam servandam in ferendis suffragiis pro electione facienda per viam scrutinii: ita expresse *Miranda contra Tamburinum sup. qu. 4. num. 6.* docentem in Concil. Trident. admitti solum electionem per modum scrutinii; cum tamen eadem disput. *qu. 8. nu. 1.* disertis verbis concedat Moniales unanimi consensu posse compromittere electionem Abbatissæ idoneæ in Episcopum, aut alium Prælatum juxta *cap. causam de elect.*, immo & in confirmatore secundum Patrum normitanum, & Lavorium: addens Episcopum, si in casu proposito eligat Abbatissam non idoneam, non posse amplius eligere aliam, cum jam functus sit suo officio, sive bene, sive male: nobiscum sentit *Layman, sup. qu. 131.*

Quæres 15. An, & quando Prælatus Monialium præfident electioni Abbatissæ habeat jus illam eligendi, aut ferendi suum votum.

106. *Resp.* Non posse quidem unquam ferre votum, neque in casu discordiæ ortæ inter Moniales circa electionem: cum id expresse prohibuerit Sacra Congregatio 23. Maii 1621. teste *Tamburino sup. qu. 6. num. 6.* habere tamen jus nominandi eam, quam magis idoneam judicaverit, si Moniales inter se discordent circa electionem Abbatissæ; ita tamen, ut prius designent Monialibus tempus competens ad concordandum; sic quippe statuit eadem Sacra Congregatio 12. Octobris 1592. apud *Piascum p. 2. praxis c. 3. num. 57.* ita *Tambur. sup. num. 5.* aliquæ communiter; & talis videtur praxis fere communis, ut proinde dicat *Tamburinus* non videri subsistere, quod ait *Portell. de dub. regul. v. Abbatissa num. 9.* in electione Abbatissæ Prælatum Ordinarium præsidem ipsius electionis posse dare suum suffragium; cum sit caput illius communis, & cum ipsis Monialibus constituat unum corpus morale ad eligendum.

Dissentit *Sanctorius in Constitut. Min. c. 11. stat. 7. d. 4. cum Portello v. Abbatissa nu. 9.*, dicens posse Prælatum adfidentem electioni Abbatissæ ferre suum votum: probat, tum ex eo, quod ille est Superior Ordinarius; tum quia id fit a multis Episcopis in Portugallia; tum quia Generales Minorum ferunt suffragium in electionibus Tertiariorum, qui sunt alterius Religionis; tum quia in Carthusianorum Constitutionibus *part. 3. c. 24. n. 1.* dicitur; in electione Priorissæ Monialium Vicarius primam vocem habeat.

107. Et quidem quod Prælatus præfident Monialium electioni possit in aliquo casu nominare aliquam Abbatissam, habetur etiam in concessione bullata Gregorii XIII. facta 16. Aprilis 1574. Visitatoribus, atque Abbatibus, seu Prælatibus Monialium Ordinis S. Benedicti, nimirum quod toties, quoties faciendarum electionum Abbatissarum pro tempore casus evenierit, Moniales per duo scrutinia non convenire in faciendis ipsarum Abbatissarum electionibus, possint, & debeant ipsorum Monasteriorum Monialibus proponere duas, vel tres ejusdem Monasterii Moniales, quas ad regimen, & gubernationem aptiores esse judicaverint; quod illa ex dictis duabus, vel tribus Monialibus sic propositis, quæ plura Monialium vota in sui favorem habuerit, sit, & censetur esse legitime, & canonice electa in Abbatissam ipsius Monasterii, & tamquam talis in Abbatissam Monasterii hujusmodi per eos, ad quos spectat, omnino institui, seu confirmari debeat. Habetur in Bulla Gregorii XIII. in ordine 15. & cum sit valde favorabilis bono Monasteriorum provenienti ex pace, & concordia Religiosorum, utique cadit in generale communicationem privilegiorum: siquæ ejus beneficio uti poterunt Prælati Monialium, etiam aliorum Ordinum, in casu, quo eligatur Abbatissa Monasterii sibi respective subiecti; sive ii sint Regulares (de quo nemo dubitat), sive sint Episcopi, seu Ordinarii locorum, quos putò comprehendi in dicta Bulla sub nomine Prælatorum, dum ait: *Visitatores,*

ac Abbates, seu Prælati respectiue, quibus Moniales ipsorum recommendata, seu sub quorum regimine, gubernio, & cura existunt: præsertim cum ista concessio dici possit facta potius Monialibus, quam Prælatibus illarum, ut pote eedens in maximum bonum ipsarum.

Quærit 16. An, & qualiter publicari debeat electio Abbatissæ.

108. Resp. Debere publicari, ubi Prælatus præsidens illi repererit eam esse legitimam, ac Canonicam: & quidem sub hac, aut alia simili forma, nimirum dicendo: *Hæc est electio Canonica N. facta in hoc Conventu N. tali die, mense, & anno, in qua N. habuit tot suffragia, & N. tot*: incipiendo tamen semper a paucioribus. Ubi autem publicata fuerit electio, siue per Notarium assistentem, siue per ipsum Prælatum Monialium præsidentem (prout feret consuetudo, aut statutum uniuscuiusque Monasterii) eam confirmabit idemmet Prælatus: quæ duo communiter, & ubique observantur. Quod si alieubi in tali eventu adest aliqua alia rationabilis consuetudo (v.gr. quod Moniales accedant ad osculandam manum Abbatissæ electæ) ea omnino observari debet, cum iuxta superius dicta Concilium Tridentinum dicat, *in reliquis seruari debere singulorum Ordinum, vel Monasteriorum consuetudinem*. Cæterum notat Suarez *supr. num. 15.* suffragia debere publicari sine ulla morali interruptione, ut constet ex verbis, quæ habentur *cap. quia propter de elect.*, videlicet mox publicentur.

Dices, quid si facta publicatione Abbatissæ, Moniales statim opponant, se electisse non illam, quæ fuit publicata, sed aliam?

109. Resp. Tamburin. *sup. qu. 10. n. 3.* ex Litorio Sacram Congregationem declarasse, in tali casu Moniales omnes iterum audiri debere per personam non suspectam; ut sic de veritate constet, & electio censeatur Canonica.

Quærit 17. An, & a quo debeat confirmari Abbatissæ electæ.

110. Resp. Siquidem Monasterium sit

immediate subiectum Sedi Apostolicæ, Abbatissam recens electam debere petere confirmationem a Papa, idque per Procuratorem: sin autem Monasterium subdit Prælato Regulari, confirmationem spectare ad ipsum Prælatum: sin vero subiectum sit Ordinario loci, recurrendum esse ad ipsum pro confirmatione: Ita Laym. *sup. qu. 234.*, Tambur. *sup. qu. 1.* aliique penes ipsum.

Et certe, quod electio Abbatissæ confirmari debeat a Prælato, ut certum supponitur in *Clemen. de statu Monach.*, dum ibi dicitur Abbatissam debere benedici intra annum a suæ confirmationis tempore computandum iuxta *Azorium tom. 1. l. 13. c. 10. q. 3.*, & quidem merito, cum per confirmationem electionis conferatur iurisdicctio; sicut notavit *Tamb. n. 2.* hinc inferens Monialem exemptam non posse confirmari ab Ordinario, quamvis alias ex Bulla Gregorii XV. *Inferstabili* habeat jus assistendi electioni: unde & Sacra Congregatio declaravit per tale jus non fuisse Episcopis attributam facultatem confirmandi Abbatissas electas. Confirmatio autem debet fieri in eo ipso loco, in quo electio habita, & publicata est. Ita *Tambur. num. 4.* quamvis *Miranda qu. 2. de Monial. art. 15.* putet in eo saltem casu fore licitum Prælato Monialium ingredi Monasterium ad confirmandam Abbatissam electam, si probabile aliquod scandalum, aut periculum aliqui immineret ob Monialium inquietudinem resistentium electioni, & reuentium obedire, idque ob doctrinam in simili traditam *qu. 8.*

Quod si alieubi (ut Romæ) extat contraria consuetudo, ne scilicet confirmetur electio Superiorissæ Monialium; dicendum est illam confirmari per tacitum consensum, hoc ipso, quod ei non contravenitur.

111. Notat autem *Rodriguez tom. 2. q. 54. art. 7.*, & post illum *Layman q. 232.* quod si Abbatissa electa sit per compromissum, & postea Moniales aliquæ se opponant, tunc vel minor pars Conventus se opponit, & electa debet a Superiore

confirmari, ac benedici, (si extet consuetudo benedicendi, quæ utique non extat ubique), vel major pars se opponit; & tunc confirmatio, ac benedictio differri debet, donec oppositionis causa cognoscatur. Quamquam electa possit interim administrare, nisi opponentium pars duplo major existat; in quo casu non possit administrare, sed expectandus esset eventus litis, ut colligitur ex *cap. indemnitatibus §. porro de elect. in 6.*

112. Quod si electio facta sit per scrutinium, & votis in diversa divisiss, plures electiones factæ sint; ea per Superiorem confirmari debet, quæ a duabus partibus numero fuerit celebrata, & non obstante quacumque exceptione, seu contradictione, aut appellatione, sicut diximus *qu. 11.* (intellige nisi forte opponatur aliquid votum eligentium fuisse nullum, ita ut in electione non supersint dux partes votorum) quamquam Superior in tali casu debeat præmittere aliquas diligentias ad videndum num alioqui talis electio sit Canonica. Si autem nulla dictarum electionum facta fuerit a duabus partibus eligentium; tunc non obstante, quod sit publicatum scrutinium, ac processum fuerit ad electionem, possunt Moniales, quæ in aliam, seu alias sua vota direxerant, priusquam ad actus extraneos diverterantur, accedere ad illam, quæ a majori parte numero totius Capituli electa est; & si per hoc deveniatur ad duas partes, electa debet confirmari; æque, ac si ab initio habuisset duas partes votorum. Quod si denique ad illam, quæ electa est a majori parte, nolint accedere aliæ Moniales, aut non tot, quæ constituent duas partes; tunc Superior, ante confirmationem Abbatisæ taliter electæ, plane, ac sine strepitu iudicii debet inquirere super objectis, quæ opposuerit major pars diversa, necnon super aliis, quæ ex officio debent inquiri in tali negotio: electa tamen interim administrante in temporalibus, ac spiritualibus; præter quam in alienatione rerum Monasterii, ac receptione Monialium: ita *Miranda sup. qu. 7. art. 10.*, *Rodríquez loco supra citato*, &

alii; clareque habetur in *cap. indemnitatibus de elect. in 6. superius relato.*

Quæres 18. *Ad quantum tempus fieri debeat electio Abbatisæ.*

113. *Resp.* Debere fieri solum ad triennium ex decreto Gregorii XIII. edito in Constitutione sua a nobis relata superius *cap. 8. qu. 38.*, quæ tamen non habet locum in Abbatisis creati solitis per præsentationem, ac institutionem, cum talis institutio, ac confirmatio sit perpetua. Ita *Tamburinus sup. d. 30. qu. 2.* alique communiter; inter quos bene notat idem *Tambur. qu. 1. num. 12.* præfatam Constitutionem non obligare extra Italiam; ideoque Abbatisas extra Italiam electas posse iterum eligi; in Ordine vero Fratrum Prædicatorum non posse electam in Abbatisia post triennium sui Abbatisatus iterum eligi, nisi vacet ad minus per quatuor annos: excipe, nisi forte Monasterium esset novum, aut de novo reformatum.

Notat autem *Lezana v. annus num. 5.* quod, cum Gregorius in citata Constitutione statuat Abbatisas in Italia a die suæ administrationis finitæ debere vacare per triennium; & quando assignatur tempus in accusativo cum propositione *per*, requirantur anni completi ex *l. non putabam, & l. si annos ff. de condition. & demonstrat.* Abbatisæ debent vacare per tres annos completos. Quamvis idem *Lezana v. Abbatisa num. 12.* ex *Miranda*, & *Lavorio* dicat illas pro parvo tempore posse exercere Vicariæ munus, donec eligatur Abbatisa; quod etiam nos diximus *cap. 8. num. 10.*

Quæres 19. *An, & quomodo Monialis Canonice electa in Abbatisiam possit renunciare electionem Abbatisatus.*

114. *Resp.* Posse, nisi constet deesse aliam dignam, quæ eligatur: tunc enim præferendum esset bonum commune Monasterii propriæ quieti, & acceptandum onus, si electa alioqui videat se esse dignam: & quidem quod in priori casu possit renunciare, constat tum exemplo plurimum Sanctorum, qui dignitates præsentis sæculi quam maxime averfati sunt, &

eas pro viribus refugerunt, tum quia non debet quis de facili se dignum putare ex *Glossa in cap. in scripturis v. maxime 8. qu. 1.*, & *cap. si electio v. renunciat. de elect. in 6. ita Tambur. sup. d. 31. q. 1. monens num. 4.*, quod si sponte renunciatur electioni, renunciatus non debet amplius audiri, cum per renunciationem spontaneam amiserit omne jus acquisitum per electionem; ut notarunt Innoc. & Abb. relati ab ipso Tamburino.

An autem Abbatissa possit renunciare Abbatissatum in favorem alicujus particularis Monialis.

115. *Resp. Tambur. sup. qu. 2. ex Crescentio, Parisio, & Lavario posse, si Abbatissa renunciata, Abbatissatus dignitatem habeat in titulum, aut administrationem a Papa: patetque ex iis, quæ proportionaliter procedunt in præsentī materia, secus si non habeat in titulum &c.*

Quæres 10. An Moniales eligentes Abbatissam, non servata forma cap. quia propter, priventur jure eligendi.

116. *Resp. Non privari, si id faciant ex ignorantia juris, quæ excusat Mulieres l. regula ff. de jur. & fact. ignor. ita Samuellius tract. 1. de elect. can. contr. v. 8. num. 5. ex Castro, Boerio, Menochio, & alii; quæ de re sup. cap. 8. qu. 43.*

Plura alia, quæ hic controverti possent de electione Abbatissæ, seu Priorissæ Monialium, examinantur in nostro tract. de gubern. cap. 2. sect. 1., ideoque non est, cur ea hoc loco repetamus.

SUBSECTIO II.

De potestate Abbatissæ in Moniales subditas.

117. **A**bbatissa in Moniales subditas habet potestatem civilem, ac domesticam.

118. *Est capax jurisdictionis spiritualis delegata, sicut est & homo non baptizatus.*

119. *Proprie loquendo, non est Prælata Conventus, cui præest.*

120. *Quando incipiat exercere suum munus.*

121. *Interdum illud exercet ante confirmationem.*

122. *Ex potestate delegata ferre potest leges.*

123. *Imponit præcepta obligantia in conscientia, non tamen spiritualia; quod alii rejiciunt.*

124. *Imponit præcepta spiritualia ex potestate delegata.*

125. *Ex delegatione Papa potest precipere in virtute obedientie.*

126. *Non præcipit sub censura Ecclesiastica, nisi ex delegatione Papa.*

127. *Hoc autem pluribus modis facere potest.*

128. *Præcepta Abbatissæ non obligant in conscientia ex eo, quod confirmantur, aut innovantur a Prælato.*

129. *Abbatissa punit subditas, easque corrigit, sed cum limitatione.*

130. *Obligat in conscientia ad detegendum delictum, de quo inquirat.*

131. *Interdum confert Beneficia Ecclesiastica, iisque privat.*

132. *Quæ portio reddituum annuorum assignari debeat Vicario Beneficii uniti Monasterio Monialium.*

133. *Non dispensat in legibus Ecclesiasticis, saltem ex potestate ordinaria.*

134. *Non commutat, nec dispensat in votis Monialium subditarum.*

135. *Ea tamen irritat, sed non votum transeundi ad altiore; quod tamen potest commutari in votum perseverandi in Ordine laxiori, etiam ab ipsa vovente. Papa non irritat Vota Regulæ, quæ alii Prælati non irritant.*

136. *Et quidem absque causa, si non sint facta de ejus licentia.*

T t 2 137. Irri-

137. *Irritans vota propria subdita sine causa peccat solum venialiter.*
138. *Proprie non dispensat in regulis observantiis.*
139. *Non pradicat, nec benedicit suis subditis.*
140. *Recipit puellas ad educationem, sed servatis servandis.*
141. *Non dat facultatem ingrediendi Clausuram.*
142. *Nisi in casu, quo adsit periculum in mora.*
143. *Applicat aliis bona opera subditarum.*
144. *Indicit iis certas preces, & quidem etiam sub peccato.*
145. *Non precipit in spiritualibus, ita ut obliget graviter.*
146. *Bona Monasterii libere administrat.*
147. *Contrahit de illis, sed de consensu Capituli, immo & Superioris, & quidem ad valide; etsi is in administrationem bonorum spectantium ad suas Moniales se ingerat jure, non dispositivo, sed solum directivo.*
148. *Dat facultatem accipiendi, dandi, possidendi &c.*
149. *Donationes aliquas facit, etiam de bonis communibus, moderatas tamen.*
150. *Idque inconsulto suo Capitulo, stando in jure communi; non item in casu speciali, qui refertur.*
151. *Ex causa impedit, ne subdita utatur concessione facta a Prelato.*
152. *Regulariter non moderatur penas inflictas suis subditis a Prelato.*

Quæres 1. *Quam potestatem habeat Abbatissa in Moniales subditas.*

117. *Resp.* **H**abere potestatem domesticam, ac civilem, qualem habet Materfamilias in filios, & magistratus in cives: non autem potestatem spiritualis jurisdictionis ordinariæ: est fere communis Doctorum sententia apud Tamburinum d.32. de jure Abbatiss. qu.2. n.2. contra Panormitanum in c. dilecti, de majoris. & obed. & alios oppositum sustinentes, (& quidem probabiliter judicio Azorii tom.1. l.13. c.10. qu.5.) id inde probantes, quod, sicut femina ratione dignitatis, aut muneris, est capax jurisdictionis temporalis, seu civilis, cum possit esse Regina, Ducissa, aut Gubernatrix alicujus Provinciæ; sic Abbatissa ratione muneris ac publici officii potest habere jus instituenti Clericos in Ecclesiis suo Monasterio subjectis, & beneficia conferendi juxta cap. dilecta citatum: quæ utique præstari nequeunt absque usu spiritualis jurisdictionis. Probatur autem nostra responsio, tum quia Religiosi profecti laici non debent censeretur deterioris conditionis, ac sint Moniales; at illi non possunt habere jurisdictionem spiritualem; ergo nec Moniales: tum quia habens jurisdictionem spiritualem potest ferre censuras, & absolvere ab illis; neutrum autem horum conceditur Abbatissis: tum quia, quod dicunt adversarii feminam ratione publici muneris esse capax jurisdictionis temporalis, non probat etiam Monialem elecam in Abbatissam esse capax jurisdictionis spiritualis, sed solum indicat aliquam illi potestatem tribuendam esse, nimirum civilem, ac domesticam, quam de facto nos illi attribuimus.

Difficultas modo est, an Abbatissa saltem sit capax jurisdictionis spiritualis delegatæ, & quasi ex commissione.

118. *Resp.* Esse capacem, non quidem ex commissione, quæ illi fiat ab Ordinario, vel a Prelato Regulari, prout alterutri illorum respectu subjicitur (sicut docent Layman. in qq. canon. q.255. Henriquez l.6. de penit. c.2. n.3. Sotus in 4. d.20. qu.1. art.4. & alii adducti a Sanchez l.6.

l.6. mor. c.1. n.23.) sed tantum ex commissione, quæ illi fiat a Papa: ita in terminis Sanchez. & alii apud *Tambur. d.32. de jure Abbatiss. c.4.* patetque ex eo, quod cum femina sit incapax spiritualis jurisdictionis, non jure Divino, sed humano, nempe jure canonico, & aliis inferiores Papa non possint dispensare in jure canonico, sed solus Papa; poterit quidem Papa committere aliquam jurisdictionem spirituales Abbatissæ, sic dispensando in jure communis id tamen præstare non poterunt neque Ordinarius, neque Prælatus regularis, utpote qui nihil efficere possunt contra jus canonicum, ac communem Ecclesiæ utum: quamvis Bartholomæus de Ledesma relatus a Sanchez neget, talem commissionem fieri posse a Papa, eo quod putet feminam esse incapacem jurisdictionis spiritualis de jure Divino, in quo constat, Papam non posse dispensare.

Addo, non esse omnino improbabile, facultatem ferendi censuras ecclesiasticas posse committi homini non baptizato: & probatur, tum quia in hoc casu delegatus non operatur, nisi nomine, ac virtute delegantis, id est Papæ (is enim solum potest facere talem delegationem); tum quia non baptizatus jure divino est capax jurisdictionis spiritualis necessariæ ad baptizandum, si intendat facere, quod facit Ecclesia c. *a quodam Judæo de consecrat. dist.4.* ergo a fortiori jure divino erit capax jurisdictionis spiritualis ex privilegio Papali. Ita *Vgol. de censur. sub.1. c.2. §.9. alterius de censur. 10.1. d.7. l.3. c.5. & 6.* a quibus non omnino dissentit *Fragosus p.1. introd. præm. §.2. n.20.* et si dicat opinionem negentem sibi magis placere, quidquid contra sentiat *Sotus in 4. dist.20. qu.1. art.4.*

Quod si obiter queras, an, attentis supradictis, Abbatissæ dici possit Prælata Monasterii, cui præest.

119. Resp. Quod, eum ad rationem Prælati proprie dicti supponatur spiritualis jurisdictio, ut tradunt DD. communiter ex *S. Thoma in 4. d.19. qu.1. art.1. quæst.unc.3. ad.4.* hoc ipso, quod Abbatissa caret jurisdictione spirituali ordinaria, &

solum gaudet potestate civili, ac domestica; eo ipso, proprie loquendo, non potest dici Prælata: quod tamen non facit, quin improprie dici possit Prælata; quatenus in Moniales subditas ipsi competit potestas domestica, ac civilis: qua de re *Tambur. n.5.*

Quæres 2. Ex quo tempore possit Abbatissæ inchoare usum suæ potestatis in Moniales subditas.

120. Resp. Regulariter non posse inchoare, nisi ab eo tempore, quo post canonicam electionem confirmatur a legitimo superiore; sique irritum esse, quidquid agitur ab ea ante confirmationem est communis DD. apud *Marese. l.2. variat. c.35. n.44.* & probatur tum ex c. *nostri, c. qualiter de elect. c. si jamdudum de præbend. aliisque juris, in quibus id satis aperte insinuat; tum quia juxta Glossam in c. quanto d.63. electio dat habitum, confirmatio exercitium; quamquam diei possit hæc regula fallere in casu, quo non sit in usu talis confirmatio, & resistat contraria consuetudo.*

*121. Dixi regulariter, quia doctrina in præsentis responsione tradita non procedit. Primo si Monialis electa ita longe distet a confirmante, ut non sine gravi dispendio differri possit administratio cap. nihil §. fin. de elect. Seeundo, quo ad conservationem rerum, quæ tempore diuturniori servari non possunt (quamvis melius sit abstinere, si aliz Moniales illas administrare possint). Tertio si sit electa a majori parte, & pendat cognitio oppositionum, quæ contra illam fuerunt factæ, cap. indemnitas de elect. in 6. Denique si sit electa per modum compromissi, & opposcentes non sint duplo majori numero, quam consentientes cap. cit. indemnitas: in his enim casibus potest Monialis electa in Abbatissam administrare, etiam ante confirmationem; ita *Tambur. sup. d.30. qu.3. n.4.**

Quæres 3. An, & qualiter possit delegari Abbatissæ potestas condendi leges Ecclesiasticas, ac Spirituales.

122. Resp. Quod, quamvis ordinarie non expedit hujusmodi potestatem concedi

cedi feminis; cum de illis 1. Cor. 14. scriptum sit *Mulieres in Ecclesiis taceant; non enim permittitur eis loqui, sed subditas esse: si quid autem volunt discere, domi viros suos interrogent; turpe est enim mulieri loqui in Ecclesiis*: nihilominus probabile putat Bonacina d. 1. de leg. qu. 1. par. 3. n. 35. & non improbabiler, de potentia Papæ absoluta posse dictam potestatem committi feminis; probatque, tum quia nulla adest ratio sufficiens implicantiz, nec ullum jus divinum afferri potest, ex quo oppositum suadeatur: tum quia non pauci Doctores, iique graves, ac docti apud eundem Bonacinam sustinent Papam ex suprema sua potestate posse conferre mulieri jurisdictionem ad ferendas censuras; ergo & poterit conferre facultatem ferendi leges; cum in utroque casu par ratio militet. Dato autem, quod possit feminæ conferri potestas ferendi leges, poterit & conferri Abbatissæ respectu Monialium sibi subiectarum; quod est contra *Tamburinum* d. 23. qu. 3. n. 1. & alios absolute id negantes ob verba illa a nobis allegata ex 1. Cor. 14. quæ tamen solum probant regulariter non expedire, quod dicta facultas conferatur Mulieri: non item, quod absolute ea non possit conferri a Papa, ut notavit Bonacina afferens exemplum S. Catharinæ Senensis, quæ sæpius fuit admissa ad concionandum coram Papa, ac cætu Cardinalium.

Quæres 4. An, & quomodo Abbatissa possit Monialibus subditis imponere præcepta obligantia in conscientia, & qua.

123. *Resp.* Posse imponere præcepta, non quidem spiritualia, sed supponunt in præcipiente spiritualem Jurisdictionem, cujus est incapax Abbatissa; sed temporalia, ad quæ requiritur, & sufficit potestas civilis, ac domesticæ, cujus sine dubio est capax Abbatissa: ita *Rodrig. tom. 1. qu. 15. art. 1. Sanch. sup. n. 19. Suar. tom. 4. de Relig. tract. 9. l. 1. cap. 12. num. 8. Lezana tom. 1. cap. 26. n. 8.* alique communiter contra aliquos tacito nomine relatos a *Suarez* n. 7. docentes potestatem imponendi præcepta, etiam spiritualia competere Abbatissæ cum proprietate, ac rigo-

re Jurisdictionis (quippe quæ est capax jurisdictionis saltem per delegationem, & alias censetur eam recipere a Prælato Religionis, aut Episcopo, vel a Papa, ut pote valde necessariam ad regimen Monasterii, cui præest ipsa Abbatissa) necnon contra alios ex *Scoto* in 4. d. 20. quæst. 1. art. 5. sustinentes Abbatissam non posse imponere præceptum obligans in conscientia, cum ad hoc imponendum requiratur potestas spiritualis, cujus est incapax Abbatissa. Et certe, quod tribui debeat Abbatissæ potestas imponendi præcepta obligantia in conscientia, & ad culpam, etiam mortalem, data gravitate materiæ præceptæ, facile suadetur; tum quia talis potestas est omnino necessaria ad bonum regimen Monasterii, ut patet, & nos jam indicavimus; tum quia Abbatissa se habet ad Moniales sibi subiectas, sicut materfamilias ad filios: at hæc potest imponere præcepta obligantia ad culpam, ergo & illa. In eo autem differunt præcepta spiritualia, ac temporalia, quod illa ordinantur ad finem spiritualem subditorum; hæc vero ad finem temporalem, nimirum ad bonum regimen Monasterii, Monialium tranquillitatem, ac pacem, &c. ut superius dictum est.

124. Porro quod diximus Abbatissam non posse imponere præcepta spiritualia, non procedit in casu, quod illa præcipiat ex jurisdictione spirituali ipsi delegata; nam tunc non apparet, cur non possit imponere præcepta spiritualia, cum habeat jurisdictionem spirituales, quæ requiritur, & sufficit ad imponenda talia præcepta; & in hoc sensu convenimus cum iis, qui dicunt Abbatissam posse imponere præcepta spiritualia, si solum loquantur in casu a nobis proposito. Ad quod utique facit doctrina, quam tradit *Sanchez* n. 25. & bene, quod si Prælatus Monialium ipsis præcipiat sub mortali, ut obediant Abbatissæ jubenti hanc, vel illam rem concernentem finem spirituales, & quidem in materia gravi, Moniales tunc tenentur sub mortali implere præceptum illius rei ab Abbatissa impostum; cum hujusmodi præceptum sic obligans non proveniat ab

Abba.

Abbatissa, sed a Prælato, & ipsa Abbatissa in tali eventu sit velut conditio determinans illud Prælatis præceptum, ut sine qua illud non obligaret. Immo *Cass. Pal. tract. 16. d. 4. p. 2. n. 3* cum *Suarez tom. 3. de Relig. l. 10. cap. 11. num. 20.* putat Abbatissam posse præcipere Monialibus suis, quidquid exp-dire judicaverit, etiam prout ea conducit ad profectum earum spiritualem: quod est bene advertendum.

Quæres 5. *An Abbatissa Monialibus subditis præcipere possit in virtute sanctæ obedientiæ aut Spiritus Sancti, saltem ex delegatione.*

125. Resp. Non posse, nisi ex delegatione Papæ; idque etiam si demus Moniales in Religiosa Professione promittere obedientiam Abbatissæ Monasterii. Ita *Sanch. sup. n. 22.* & *23. Rodriq. sup.* alii-que penes *Sanchez contra Azorium tom. 1. l. 13. r. 10. qu. 7.* & *Lezanam num. 10.* oppositum sustinent: patetque ex dictis *sup. cap. 4. sect. 3. qu. 14.* si hic monuero, quod cum Abbatissa solum jure canonico sit capax jurisdictionis spiritualis, & consequenter præcipiendi in virtute sanctæ obedientiæ; & alias Papa possit dispensare in dicto jure; consequenter poterit per dispensationem committere Abbatissæ jurisdictionem spiritualem, & per consequens etiam potestatem præcipiendi in virtute sanctæ obedientiæ: sicut innui in responsione per illa verba, *non posse nisi ex delegatione Papæ*, ex quo quis bene inferat, quod cum nullus inferior Papa possit dispensare in jure canonico, neque ullus poterit delegare Abbatissæ facultatem præcipiendi modo dicto.

Quæres 6. *An Abbatissa possit aliquid præcipere Monialibus subditis sub pena excommunicationis, aut alterius censure.*

126. Resp. Juxta dicta *qu. præced.* non posse, nisi ex delegatione Papæ: cum facultas ferendi censuras supponat jurisdictionem spirituales, quæ feminæ non potest delegari, nisi a Papa, ut constat ex dictis. Et certe, quod Papa absolute possit committere Abbatissæ talem facultatem, constat ex eo, quod tradunt *Palud. Navar. Ugolin. & Suarez. apud Bonacinam*

d. 1. de censur. in com. qu. 1. p. 2. n. 4. non esse improbabile, feminam de absoluta potestate Papæ posse ferre censuras; cum hoc sit solum contra jus canonicum, in quo Papa potest dispensare: qua de re *Fragosus de regimine introducti. proamialis, §. 2. num. 20.*

127. Notat autem *Suar. tom. 4. de Relig. tract. 8. l. 2. c. 9. n. 15.* præfatam facultatem pluribus modis concedi posse feminis, nimirum vel ut directe, & per se id faciant; vel designando personam, quam Papa statim liget ad declarationem, seu voluntatem feminæ habentis dictam facultatem; vel iis concedendo, ut per suos Officiales possint censurare (quod est accipere potestatem censurandi, non a feminâ, sed a Papa ad mandatum, seu designationem feminæ) qui modi ligandi censuris utique concedi possunt Abbatissæ, ut patet.

Quæres 7. *An Abbatissa possit Moniales subditas obligare in conscientia ex eo præcise, quod ejus præcepta confirmantur, aut innoventur a Prælato ipsarum Monialium.*

128. Resp. Non posse; cum innovatio, aut confirmatio nullum jus novum tribuant, sed antiquum conservent; ut tradit *Glossa in cap. cum dilecti v. non videremus de confirmat. utilis*; & latissime ostendit *Felin. c. inter dilecti. num. 14. de fide instrumenti.*

Quæres 8. *An, & quo jure possit Abbatissa cogere Moniales subditas ad observantiam regularum, possitque punire illarum transgressiones, nec non inquirere Moniales de excessibus commissis.*

129. Resp. Possit; & hoc tum vigore potestatis dominativæ, quam acquirit Abbatissa in Moniales subditas ex voto obedientiæ ab ipsâ emissis; tum vigore auctoritatis, quam eadem Abbatissa habet a Papa confirmante regulam, aut a Prælatis ipsarum Monialium, sicut indicat *Sanchez n. 27. ex Visq. l. 2. d. 168. cap. 2. num. 28.* Quamquam, cum Abbatissa regulariter careat jurisdictione propriè dicta in Moniales subiectas, non possit adhibere nisi eam correctionem, quæ locum habere potest

potest intra latitudinem familiaris domus, ac providentiæ, sicque non possit imponere pœnam gravem, neque spiritualem, ut vidimus *qu. 6.*, neque corporalem: unde, si occasione alicujus gravioris excessus infligenda sit pœna gravior, debet Abbatissa recurrere ad Prælatum proprium; si ve is sit Ordinarius, si ve Prælatus Regularis; quod in specie advertit *Suar. sup. n. 2.* monens, qualis, & quanta pœna possit infligi ab Abbatissa, judicio prudentis arbitrii relinquendum esse, spectato usu, & communi more hominum.

130. Monet autem *Sanchez num. 28.* ex Barthol. Ledesma, quod sicut quilibet iudex legitime inquirens de delicto obligat suo præcepto sub mortali ad detegendam veritatem in rebus magni momenti, etiam secluso juramento; sic, & Abbatissa inquirens de delicto Monialis subditæ potest imponere præceptum obligans ad mortale, ut Moniales subiectæ detegant veritatem: cujus rei est ratio, quod cum illa potestatem habeat puniendi tale delictum, debet habere & potestatem illud inquirendi juxta illud: *Qui dat finem, dat & media ad finem.*

Quæres 9. An, & qualiter Abbatissa possit conferre beneficia Ecclesiastica, & Clericis instituire.

131. Resp. Possit de consensu sui Capituli, si ipsius Monasterio annexum sit aliquod beneficium curatum, aut simplex; idque præsentando, seu designando Clericum, cui beneficium conferatur (quod est instituire institutione dante possessionem, & titulum) non autem conferendo beneficium quoad jus spirituale in eo inclusum, conferens usum clavium, idest potestatem exercendi curam animarum, nec non ligandi, ac solvendi; quod est instituire institutione authorizabili, ut loquuntur in subiecta materia *Rodrig. tom. 1. qu. 18. art. 11.*, *Miranda qu. 6. de Monial. art. 5.*, & *Tambur. d. 32. de jure Abbatiss. qu. 11. num. 1.* a quibus non dissentit *Suar. nu. 14.* monens, quod, sicut præfata præsentatio fieri potest ab Abbatissa interdum homini (v; gr. Episcopo), ut ipse faciat collationem, ac institutionem; interdum

vero per simplicem designationem, & quasi electionem, ut ipso facto beneficium, ac jus spirituale conferatur a Papa; sic etiam interdum potest Abbatissa dare possessionem beneficii; cum talis datio non sit actus propriæ jurisdictionis spiritualis in executore; sed in præcipiente, & alioqui Abbatissa in hoc se habeat præcise tamquam is, cui delegatur executio: unde & eodem modo potest dare titulum, idest testimonium beneficii alteri collati, non a se, sed a Papa ad suam nominationem. Quin & eadem ratione poterit Abbatissa privare beneficiis, aut eorum possessione in pœnam, si id ei speciali privilegio concedatur: siquidem in tali casu non exercet propriæ jurisdictionem spirituales, sed ad ejus voluntatem ipsemet Papa aufert jurisdictionem spirituales,

132. Cæterum monet *Tambur. n. 2.* portionem reddituum annuorum assignandam Vicario, si ve perpetuo, si ve amovibili, ab Abbatissa præsentando ad beneficia unita Monasterio non debere excedere centum aureos, nec minorem esse quadraginta, idque ex Pii V. Bulla quadragesima septima in ordine, ubi expresse statuitur Patriarchas, Archiepiscopos, & Episcopos in assignatione portionis ipsis Vicariis perpetuis (qui scilicet deputantur ad Beneficia unita Monasterio) ex prædicto Concilio (idest Tridentino) ipsorum Prælatorum arbitrio faciendam ita se continere, & arbitrari debere, ut non major centum, nec minor quinquaginta aureorum summa, computatis omnibus incertis emolumentis, & aliis obventionibus communiter percipi solitis, eis omnino assignetur &c.

Quæres 10. An Abbatissa possit cum Monialibus subditis dispensare in legibus Ecclesiæ; ut in jejuniis, usu carnis, recitatione divini Officii.

133. Resp. Videri non posse, cum dispensare in legibus Ecclesiæ manifeste pertineat ad solam potestatem spirituales; & alias fœmina quæcumque jure Ecclesiastico sit incapax jurisdictionis spiritualis; quidquid contradicat *Henriq. l. 6. de penit.*

uit. c.2. num.3. (quem citat, & non rejicit *Lezana tom.1. c.26. nu.16.*) sustinens Abbatissam habere ex commissione Prælati, ut dispenfet cum suis Monialibus in jejuniis, & quibuscumque legibus Ecclesiasticis, urgente casu necessitatis; idque pro bona Monialium gubernatione, ad quam talis facultas videtur necessaria. Nobiscum sentit *Sanchez sup. num.24.*, & cum eo in terminis *Tambur. qu.8. n.1.* addens *nu.2.* Paulum III. vivæ vocis oraculo concessisse Abbatissæ Monialium S. Claræ de observantia, quod possit cum Monialibus suis dispensare circa jejunium præscriptum in regula, & circa esum carni, & lactinorum, sive ovorum, quando cognoverit Moniales subditas propter debilitatem, aut aliam legitimam causam non posse ita commodè servare hujusmodi jejunia, & abtinentias. Verum ista concessio non extenditur ad jejunia, ac abtinentias universales Ecclesiæ, ut constat ex tenore textus; & cum facta fuerit vivæ vocis oraculo, non amplius subsistit, ut pote sublata generali revocatione vivæ vocis oraculorum, de qua supra; intellige, nisi admittatur doctrina tradita ex *Peyrino* in hoc ipso cap. num.76.

Quæres 11. An Abbatissa possit commutare vota Monialium subditarum, aut irritare, aut etiam in iis dispensare.

134. Resp. Quod cum actus commutandi, ac dispensandi in votis pertineat ad spiritualem jurisdictionem (cujus est incapax Abbatissa juxta sæpius dicta) & contra vero actus irritandi vota suorum subditorum spectet ad potestatem dominativam, quæ competit Abbatissæ in Moniales subiectas, poterit quidem Abbatissa irritare vota Monialium subditarum, non item ea commutare, aut in illis dispensare; ita *Rodrigu. tom.1. qu.25. art.7.*, *Sanchez l.4. mor. cap.39. num.7.*, *Lezana sup. num.15.* aliique, quos refert, & sequitur *Tambur. qu.6. & 7. monens qu.7. num.3.*, quod cum Prælati Monialium vi sui muneris instituuntur, ut gerant curam spiritualem ipsarum, & ad id habeant sufficientem jurisdictionem, illorum est

commutare, aut dispensare vota Monialium sibi respective subditarum.

135. Addit *Tambur. qu.6. n.2.* aliis citatis, Abbatissam posse irritare omnia vota suorum Monialium; idque, etsi ea emisserint de ipsis licentia; & quidem ita, ut ea sic irritata non amplius reviviscant; excepto tamen voto transeundi ad Ordinem arctiorem, quod non cadit sub potestatem dominativam superiorum Regularium; quippe quod etiam ipsis invitis impleri potest, ut inter alios rectè advertit *Less. sup. n.74.* sustinens ex Angelo, *Sylv. Soto, Nav.*, & S. Tho. Prælatum Regularem, & consequenter Abbatissam posse irritare vota suorum subditorum, etiam si non sint emissæ super materiam supererogationis; idque ex dispositione juris, sicut bene ostendit ipsemet Lessius loco citato.

Unum hic placet obiter monere, puellam, quæ vovit ingredi Monasterium Ordinis strictioris, posse ingredi laxiorem; eo voto commutato in votum perseverandi in ordine laxiori, quod in specie advertit *Sanchez l.4. mor. c.16. n.18.* ex Palud. S. Anton., & Sylv. id inde probans, quod puella ex priori voto tenebatur solum ingredi Religionem; ex posteriori vero teneatur etiam profiteri; plus autem est teneri perseverare in Ordine laxiori, quam ingredi strictiorem cum libertate non perseverandi; sicque posterius votum habes pro objecto bonum majus, & ac longe excellentius, ideoque prius votum potest commutari in hoc, etiam ab ipsa puella vovente. Quamquam teste eodem *Sanchez l.6. mor. c.7. n.23.* ad adjudicandum qui Ordo sit strictior, non solum primæ regulæ, ac constitutionum institutio spectari debeat, sed præsens observantia. Unde fit, ut, si ex regula, & constitutionibus laxius sit alicujus Ordinis institutum, sed arctior præsens vivendi modus, eo quod alia Religio ex se strictior collapsa sit, ac relaxata, illa Religio dicatur strictior, quam hæc jam collapsa; quæ sunt bene advertenda.

Ut autem obiter id hoc loco adnotem, censet *Sanchez sup. lib.4. c.33. n.13.* Papam regulariter non posse irritare vota emissæ a Religiosis, quæ ab aliis Prælati-

Regularibus irritari non possunt: adeoque illum non posse irritare votum transitus ad strictiorem ordinem, & vota annexa peculiari instituto cuiuslibet Religionis, sicut nec possunt alii Prælati Regulares: probat Sanchez, quia Papa non potitur facultate irritandi vota; quatenus Papa est, ac supremum Ecclesiæ caput (alias posset irritare & vota laicorum, quorum item est caput) sed potest id præstare, quatenus est Prælati Religionis, cui una cum aliis ejusdem Prælati emittitur votum obedientiæ; at ut sic non est supra jus Pontificium, sed solum quatenus est Papa.

135. Adde ego, quod, quamvis Abbatissa non peccet irritando vota supererogationis facta a suis Monialibus, licet id faciat sine causa (sicut nec peccat Monialis, quæ fecit votum, si absque causa petat eius irrationem, cum illud emissum sit sub hac conditione tacita, nisi Abbatissa irritet) non excusetur tamen a peccato Abbatissa, si votum de ejus licentia emissum sine causa irritaret; idque ob rationem, quam assert. Less. l. 2. c. 2. n. 76. alias concedens successorem Prælati Regularis, qui non consentit in votum, posse illud postea irritare, etiam absque ulla causa; cum ipse in illud non consenserit, & ejus prædecessor consentiendo non derogaverit juri alias ipsi quoad hoc competenti.

Utrum vero peccet mortaliter Abbatissa irritando sine causa votum de ipsius consensu emissum a Moniali subdita.

137. Resp. Videri probabile, quod peccet solum venialiter; cum sic non peccet neque contra iustitiam, utpote utens jure suo, quod non censetur voluisse renunciare consentiendo in dictum votum; neque contra Religionem, stante quod ipsa non vovit, ita ut dici debeat violare votum; nec est causa violationis voti, cum votum, facta irratione, non amplius obliget: ita Rosella v. votum 3. n. 2. Suar. tom. 2. de Relig. tract. de voto l. 6. c. 4. n. 22. dicens raro contingendi in præsentem casu culpam mortalem, scilicet scandalo, aut gravi contemptu, Sanchez lib. 4. mor. c. 27. n. 31. (quamvis oppositam sententiam sequatur ut probabiliorem) Bonac. d. 4. de leg. qu. 2. p. 7. §. 2.

n. 29. contra alios apud eundem Sanchez, & Bonac. adductos.

Quæres 12. *An Abbatissa possit cum suis Monialibus dispensare in observantiis Regularibus, & quomodo.*

138. Resp. Non posse, nisi per modum quasi declarationis, hic, & nunc Religiosam subditam non teneri hac, vel illa Regulari observantia; quæ declaratio licet posset fieri a quacumque alia persona prudenti, immo & ab ipsamet Religiosa, cuius interest; a fortiori tamen fieri poterit ab Abbatissa, attenta superioritate, quam habet in Moniale subditam, sicque poterit Monialis tuta conscientia stare tali declarationi, nisi alias ei constet eam sine sufficienti ratione fuisse factam: constat ex dictis qu. 10.

Quæres 13. *An Abbatissa possit prædicare Monialibus subditi, eisque benedicere, ut faciant Prælati Regulares erga Religiosos subditos.*

139. Resp. Non posse, neque prædicare, nisi forte exhortando Moniales in capitulo, aut in clauistro; neque eis publice benedicere, sed solum eo modo, quo parentes solent benedicere propriis filiis; cum munus benedicendi proveniat ex potestate clavium, quæ non potest cadere in feminam: ita Miranda sup., Tambur. qu. 10. & 11. alique; & patet ex dictis tum hic, tum qu. 3.

Quæres 14. *An, & quomodo Abbatissa possit recipere puellas ad probationem, immo & novitias ad legitimam professionem.*

140. Resp. Posse, eo tamen modo, quo diximus, de receptione quidem ad probationem, c. 2. sect. 1. qu. 20. de admissione vero ad professionem, c. 3. sect. 1. qu. 4.

Quæres 15. *An, & quomodo Abbatissa possit concedere extraneis facultatem ingrediendi Clausuram sui Monasterii.*

141. Resp. Quod, quamvis aliqui tanto nomine relati a Sanchez infra cum Navarro sustineant partem affirmantem, ea ducti ratione, quod tam Concilium Trident. sess. 25. de regul. c. 5. quam c. periculoso de statu regul. in 6. decidunt superioris esse eam licentiam concedere; & Abbatissa

batiffa vere fit superior fui Monasterii ; *e. dilecta de excessib. pralat. Clem. attendentes, §. statimur de statu Monach. nihilominus opposita sententia sustinenda est ob dicta sup. c. 5. sect. 3. qu. 32.* quam de facto sustinent Navarrus sibi contrarius comm. 4. de regul. n. 59. Rodriq. tom. 1. qu. 46. art. 2. Azor. tom. 1. l. 13. c. 8. qu. 6., & alii, quos refert, & sequitur Sanch. l. 6. mor. c. 16. n. 22. addens n. 23. ex Rodriq. Nav., & Grassi superiores Monialium posse concedere Abbatissis licentiam generalem concedendi præfatam licentiam in casibus frequenter occurrentibus ; idque ne aliqui Episcopus, aut Prælatus Regularis, qui non ita facile præ manibus habentur, passim adiri debeant.

Verum, cum modo, saltem in multis locis, non sit in usu, quod detur Abbatissis facultas illa generalis concedendi ingressum in casibus frequenter occurrentibus, difficultas esse potest, an casu, quo Abbatissa non habeat facultatem illam generalem ; nihilominus, existente periculo in mora petendæ licentiæ a Prælato Monialium, ea possit concedi ab ipsa Abbatissa, atque adeo debeat peti ab illa.

142. *Resp.* In tali casu licentiam dari posse ab Abbatissa, ex præsupposita proprii Prælati voluntate, ut bene docent Rodriq. sup., & Sanchez n. 37., ac proinde illam ab ea peti debere, & expectari ; non secus, ac quando adest periculum in mora consulendi Papam ad dispensationem rei reservatæ, necessario debet expectari dispensatio ab Episcopo ; quippe qui ex præsumpta voluntate Papæ potest in eo casu dispensare ratione urgentis necessitatis : ita Sanch. loc. cit. monens in proposito eventu sufficere consensum Abbatissæ, & non requiri necessario consensum discretarum, nisi aliter dicatur in constitutionibus Ordinis, aut petat legitima Monasterii consuetudo.

Quæres 16. An Abbatissa jure suo possit applicare bona opera Monialium subditarum personis extraneis, iis tribuendo litteras communicationis, (ut vocant).

143. *Resp.* Possit ; & probatur quia eo ipso quod habet curam Congregationis, ha-

bet auctoritatem dispensativam bonorum communium ejusdem Congregationis, juxta c. quanto de translat. colligitur ex Nav. de jubileo not. 3. n. 18., quem citat, & sequitur Lezana tom. 1. c. 18. n. 67. una cum S. Thom. & aliis ; quibus consentit Sorbus in comp. v. indulg. quoad seculares 4. in annot. sed de hoc plura in nostro tractatu de gubernat. c. 3. sect. 6. qu. 4.

Quæres 17. An Abbatissæ possit indicare suis Monialibus certas preces recitandas pro amicis, benefactoribus &c.

144. *Resp.* Possit, & quidem etiam sub peccato, si occurrat justa causa (v. gr. ad implendam obligationem impositam Monasterio ex justitia) aut alias quo ad hoc se sufficienter declaret ; idque ratione obedientiæ, quam vovent in manibus Abbatissæ, se obligando ad obediendum illi in omnibus rebus licitis, pertinentibus ad ejus Superioritatem, & aliqui non excedentibus regulam propriæ professionis : unde cum injunctio talium precum sit res licita, & non excedens regulam, sine dubio poterit indici ab Abbatissa, & debet impleri a Monialibus modo supradicto.

Quæres 18. An Abbatissa suo jure ordinario possit præcipere Monialibus subditis, ut frequentius confiteantur, aut communiceant, audiant Missam, aut concionem, & alia id genus.

145. *Resp.* Quod cum Abbatissa non possit juxta dicta qu. 4. facere præcepta spiritualia suis Monialibus, ut pote carens jurisdictione spirituali, quæ omnino requiritur ad imponenda ejusmodi præcepta, & alias præcepta hic proposita sint spiritualia ratione finis, ad quem ordinantur ; ea quidem poterunt imponi ab Abbatissa ; non tamen adstringent Moniales eo rigore obligationis, quo adstringerent, si imponerentur a Prælati Regularibus : unde fit, ut omisso audiendi Missam ex præcepto Abbatissæ in tali die determinato non sit mortalis ; qualis vere esset, si auditio Missæ fuisset a Prælato Regulari præscripta animo obligandi ad mortale, ut vidimus c. 3. sect. 3. qu. 13.

Quæres 19. Quam potestatem habeat
V v 3 Abba-

Abbatissa circa administrationem bonorum temporalium sui Monasterii.

146. *Resp.* Habere liberam administrationem omnium bonorum sui Monasterii, non minus, quam habeat Abbas circa bona proprii Conventus; ideoque posse esse Procuratricem sui Monasterii; ut proinde *Panormitanus* in c.2. n.4. de his, quæ sunt a Prælati, generaliter dicat, non obstante fœmineo sexu, res Monasterii disponi per Abbatissam, ac Moniales; sicut disponuntur per Abbatem, ac ejus Religiosos: quod etiam admittunt *Nov. comm.* 3. de regul. n.4. *Cardin. cons.* 13. n.25. *Sanch. l.7. mor. cap. 19. n.44.* & alii ex cap. dilecta juxta Glossam v. jurisdictioni de majori. & obed. docentes universalem administrationem tam temporalem, quam spirituale Monasterii pertinere ad Abbatissam quo ad omnia, quorum fœmina est capax. Quamquam ut recte advertit *Tambur. d.32. de jure Abbatiss. qu. 13. n.3.* hodie dicta administratio non videatur absoluta, ac independens, sed fere in omnibus Monasteriis habeat relationem ad alias Moniales; immo, & ad Episcopum, aut Prælatum Monialium, in rebus majoris momenti, cum alias standum sit legitimæ consuetudini, ut pote vim legis habenti.

Quæres 20. An, & qualiter possit Abbatissa contrahere de bonis Monasterii, cui præest.

147. *Resp.* Posse, de consensu tamen proprii Capituli, immo, & Superioris Monasterii, loquendo de contractibus majoris momenti; si tamen aliud non ferat consuetudo, aut præscribant pecuniaria statuta Ordinis, quæ omnino servari debent: patet responsio, tum ex dictis *quæ precedenti*, tum ex generali ratione administrationis necessario exigentis potestatem contrahendi de bonis, quæ administrantur.

Unde infert *Sanctorus* in *Constit. Minor. c.11. stat. 7. qu.2.* contractum factum a Monialibus circa bona immobilia sine consensu Superioris esse nullum; idque ex defectu debiti consensus, eo quod Moniales subjacent suis Superioribus, sique non

habent velle, nec nolle. Consentient *Portell. v. alienatio bonorum n.1.*, & *v. Moniales n.18. Rodriq. tom.1. qu.27. art.8.* referens *ar.2.* concessionem Leonis X. & Gregorii XIII. factam Monialibus S. Augustini, & S. Dominici, ut possint bona mobilia permutare, vendere, & alienare, converso pretio in utilitatem Conventus, de consensu tamen Ministrorum Provincialium, ac majoris partis Conventuum. Unde infert *Sanctorus sup.* quod, cum hæc sit solemnitas requisita, tamquam forma contractus, si ea deficiat, contractus erit nullus; etsi in præsentia ultra consensum Superiorum requiratur licentia expressa Sacræ Congregationis Concilii ex ejusdem Sacræ Congregationis decreto facto 7. Septemb. 1624. & approbato ab Urbano VIII. sub pœnis contentis in Paulina *Ambrosiose*, & sub pœna privationis voti, ac inhabilitatis in posterum.

Addit *Sanctorus sup.* Provinciales posse se ingerere in administrationem bonorum Monialium, non ex jure dispositivo, ac proprietario, (cum illi non sint pars Conventus Monialium, apud quem residet proprietas in communi) sed solum ex jure directivo; quatenus Moniales subduntur Provinciali, iisque earum curam suscipit: unde contractus sunt nomine Monasterii, ac Monialium, non autem nomine Provincialis, ac Ordinis; sique Moniales ipsæ obligantur, non item Provincialis: quo pacto in contractibus mulierum, ac minorum intervenit consensus Judicis, & consanguineorum, ac tutoris, qui non habent jus in bona illorum, nisi qualificativum, ac legitimativum contractus, nec non prospectivum, ne fiat in damnum mulierum, & pupillorum.

Quæres 21. An Abbatissa Monialibus subditis possit concedere facultatem largiendi, possidendi, arciendi, aut aliter disponendi de bonis ipsarum usui concessis; non secus ac Prælatus Regularis eam concedere potest Religiosis sibi subiectis.

148. *Resp.* Posse; cum juxta dicta *qu.19.* liberam habeat administrationem bonorum sui Monasterii ad instar Abbatis, & hæc sufficiat ad concedendam dictam facultatem.

facultatem: ita Sanchez ubi sup. ex Corduba, Nav., Lopez, & Sorbo, quos sequitur Tambur. sup. d.9. qu.3. n.9. patetque ex dictis cap.4. n.67. & cap.6. n.32. Adde hic quod, cum apud Azorium to.1. l.12. c.12. qu.4. aliqui Doctores Superiorem Regularem dicant posse dare Religioso subdito licentiam expendendi singulis mensibus summam duorum, aut trium aureorum; & alii sentiant dictam licentiam pro singulis annis extendi posse ad decem, aut duodecim, aut quindecim aureos: & alioqui Sanchez, ubi supra, putet quoad hoc posse Superiorissimam Monialium concedere illis licentiam, quam potest Prælati, nisi ex consuetudine, aut Constitutionibus Ordinis, vel præcepto Superioris Prælati adata sit ejus facultas; probabiliter dici potest Superiorissimam Monasterii divitis regulariter posse dare licentiam Moniali subditæ, ut extra Monasterium donare possit duodecim aureos in singulos annos.

Quæres 22. An, & quas donationes possit facere Abbatisa de bonis Monasterii, non obstante Bulla Clementis VIII. de largit. mun.

149. Resp. Posse, si donationes sint remuneratoriæ; & alias, habita ratione reddituum, aut eleemosynarum, quæ annuatim obveniunt Monasterio, judicio prudentis non sint nimis excedentes. Colligitur ex Suar. to.4. de Relig. tract.8. l.2. c.26. n.11. & 12. qui bene monet, quantum in genere largitionis possit Prælati Monasterii, non posse certam regulam præscribi, sed prudenti arbitrio relinquendum esse, consideratis Monasterii facultatibus, & aliis occurrentibus circumstantiis: quæ doctrina sine dubio proportionaliter militat etiam in Abbatisa respectu Monialium sibi subiectarum: generalis autem ratio responsionis est, quod hujusmodi donationes, (quas Juris periti vocant antidorales, ut pote non omnino liberales, sed ex aliqua naturali obligatione exortas, licet inefficaci ad agendum l. sed & si §. consuluit. ff. de petit. heredit.) necessariæ sunt ad perfectam bonorum temporalium administrationem, maxime

decet statum religiosum (cum sint solutio alicujus debiti moralis) & multum pertinent ad utilitatem Monasterii, ut pote aliorum benevolentiam, ac amicitiam conservantes; unde sit, ut Prælati Regularis possit per donationes competentes remunerari beneficia jam recepta; immo & prævenire, gratis aliquando erogando; ut sic se benevolum ostendat, aliorumque benevolentiam proprio conciliet Monasterio, respiciendo semper ad majorem proximorum ædificationem, atque ad Monasterii utilitatem. Ad quod facit cap. nullam 18. qu.2. innuens Prælatum posse solum expendere bona Monasterii in Dei cultum, & proprii Monasterii utilitatem. Ex quo quis bene inferat, ipsum non posse donare de bonis Monasterii solo titulo liberalitatis, cum non sit dominus, sed dispensator fidelis, ac prudens, cujus non est liberales donationes ex alienis facere.

Dubium est, an Abbatisa possit facere ejusmodi donationes, etiam inconsulto suo Capitulo.

150. Resp. Seclusis peculiari statuto Ordinis, aut consuetudine Monasterii, posse, etsi alias demus, negotia Monasterii, quæ sint majoris momenti, debere tractari capitulariter, aut saltem cum discretis Monasterii: moveor, quod tales donationes regulariter non solent esse adeo excedentes, ut dicendum sit tales non venire sub generali facultate administrandi bona Monasterii: ex alia parte ad servandum debitum ordinem decet committi Abbatisæ potius, quam aliis munus faciendi tales donationes, cum sit caput Monasterii, & pleniorum notitiam habeat eorum, quibus titulo gratitudinis dictæ donationes debentur. Non nego tamen, quod si donatio hic, & nunc facienda esset judicio viri prudentis extraordinaria, ob merita extrordinaria illius, cui ea facienda est; ea tunc debeat fieri de consensu Capituli, aut discretarum: cum donatio sit species contractus, & contractus majoris momenti in Monasterio Monialium non fiant inconsulto Capitulo.

Adde, quod, cum remissio debiti contracti

tracti cum Monasterio sit quædam virtualis donatio; & juxta dicta Abbatisa possit etiam sine consensu Capituli facere competentes donationes: poterit Abbatisa propria auctoritate, & independenter a discretis remittere pecuniam debitam Monasterio, sive ex contractu, sive ex delicto; dummodo talis pecunia judicio prudentis non sit nimis excedens, ac immoderata; in cuius rei confirmationem facit, quod in declaratione Bullæ de largit. muncr. editæ a Clemente VIII. facta de mandato Urbani VIII. solum excipitur, si in hoc, aut illo Monasterio sit constitutio requirens majorem partem Conventus consentientem tali donationi; quod est dicere rem hanc alias esse commissam potestati Abbatisæ.

Quod si hac occasione quæras, an Abbatisa ex pecunia Monialis defunctæ propria auctoritate possit expendere centum aureos in Missis celebrandis pro ipsa defuncta, si alioqui in Conventu non extet consuetudo expendendi tantam summam in Missis celebrandis pro Monialibus defunctis.

Resp. Videri non posse; cum Abbatisa sit solum administratrix bonorum Conventus, cui præest, & ut talis debeat administrare bona præfata juxta rationabilem voluntatem ipsius Conventus; qui cum habeat jus supra peculium Monialis defunctæ, dato, quod non extet usus expendendi in Missis summam adeo notabilem (ut suppono) præsumitur in præfati casu nolle expendi dictos centum aureos in Missis, & quidem rationabiliter; adeoque si Abbatisa id faciat, male faciet, utpote administrans bona aliena contra voluntatem Domini: ita respondi in contingentia facti, & responsio fuit approbata.

Quæres 23. An Abbatisa possit impedire quo minus Monialis subdita utatur concessione ipsi facta a Prælato Monasterii, aut etiam Privilegio aliquo concessio Ordini.

151. Resp. Videri posse, si interveniat justa causa, & alioqui in concessione gratiæ factæ a Prælato Moniali particulari, aut privilegii collati universo Ordini non denegatur Prælati potestas ea coarctandi

sive in totum, sive ex parte; secus si vel non adsit justa causa, vel modo dicto denegetur facultas ea coarctandi: tunc enim non posset Abbatisa impedire: colligitur ex Sanchez l.6. mor. c.3. n.9. Corduba in regul. S. Franc. c.14. q.2. par.6. ac Peyrino de R.S. quest.1. cap.8. §.6. & patet, quia in priori casu coarctatio non censetur fieri absque consensu concedentis, saltem tacito, ac interpretativo; in posteriori vero procedit reg.17. in 6. Indultum a jure beneficium non est alicui auferendum.

Quæres 24. An Abbatisa possit remittere, aut saltem moderari penam impositam Moniali subdita a Prælato Monasterii.

152. Resp. Non posse, nisi forte in aliquo casu ex epicheja hic, & nunc ex concurrentibus circumstantiis rationabiliter concepta: patet, quia remissio, ac moderatio pænæ legitime injunctæ, cum sit actus potestatis, non potest fieri, nisi ab eo, qui illam injunxit, ejus successore, aut illius Superiore; Abbatisa autem in proposito casu neque est successor, neque Superior Prælati, qui penam imposuit, immo est ejus subdita, ac inferior; ergo,

SECTIO III.

Explicatis iis, quæ spectant ad Monialium gubernationem, tam ex parte Ordinarii, aut Prælati Regularis, quam ex parte Abbatisæ, seu Prioris; superest modo, ut in præfata Sectione agamus de Monialium gubernatione, quoad ipsarum Confessariorum; quidem cum præter Confessarium ordinarium quotannis soleat aliquoties assignari etiam extraordinarius, & in hoc peculiari aliquæ difficultates possint suboriri, Sectionem dividimus in tres Subsectiones; in quarum prima agemus de Confessario ordinario; in secunda de extraordinario; in tertia referuntur varia monita, quibus Confessarius ordinarius, ac extraordinarius dirigant Moniales ad profectum spiritualem.

SUBSECTIO I.

De Confessario Monialium ordinario.

153. **C**onfessarius idoneus est maxime utilis Monialibus.

154. An magis expediat illum esse Regularem.

155. Qualis esse debeat.

156. Quae potestas in eo requiratur.

157. Quae scientia.

158. Qualis bonitas.

159. Quae prudentia, maxime cum Moniali patiente divina, & praesertim, si ea dicat se vivere ex sola Eucharistia.

160. Qualis zelus animarum.

161. Quanta dexteritas, maxime in inducendis novitibus.

162. Quae patientia.

163. Approbandus ab Ordinario loci etiam pro Monialibus exemptis.

164. In eo requiritur peculiaris approbatio Episcopi, non item Ordinarii, qui non sit Episcopus; idque ex Bulla Gregorii XVI., & declarationibus Sac. Congreg. super ea factis, qua non omnes efficiunt Confessarios saculares, nec fuerunt solemniter edita.

165. Confessarius Monialium exemptarum praesentatur a Praelato regulari.

166. Praelati ipsi Monialium non audiunt eorum Confessiones, sine approbatione Ordinarii.

167. An puella, aliaque femina degentes in Monasterio de rigore confiteantur a generaliter approbato.

168. Confessarius Monialium approbatur toties quoties; & quidem id procedit etiam de Confessario ordinario, etsi non sit expressum in jure.

169. Approbatus ad confessiones unius Monialis non audit alias.

170. Moniales tempore Jubilai de facto eligunt solum approbatum ab Ordinario loci.

171. Confessarius ordinarius potest esse Regularis, aut Parochus in casu necessitatis.

172. Eligitur ad tres annos, & ex causa amovetur ab Ordinario, siue sit ordinarius, siue extraordinarius: in aliquibus tamen casibus durat ultra triennium.

173. Ex quo loco debeat audire Confessiones.

174. Qualiter audiat Confessionem Monialis infirmae.

175. Ex decreto Sacrae Congregationis non alloquitur libere Moniales.

176. Quale stipendium ei detur.

177. In domo contigua Monasterio non pernoctat.

178. Quam frequentiam Sacramentorum concedat.

179. Non sit facilis in permittendis confessionibus generalibus non necessariis.

Quaeres 1. Quantum conferat ad spirituales profectum Monialium, quod habeant prudentem, doctum, ac discretum Confessarium.

153. Resp. **I**ta conferre, ut vere dici possit inde potissimum, pendere totus spiritualis Monialium profectus; idque ex multis & variis capitibus, quae hic breviter subjiciam: nimirum 1. ex generali ratione Religiosae perfectionis, quae sine idoneo instructore comparari non potest, juxta illud Jeremiae 6. State super vias, & interrogate de semitis antiquis, quae sit via bona, ambulata in ea, & invenietis refrigerium animabus vestris: 2. quia feminae sunt naturaliter minus prudentes, ideoque in vita spirituali manent expositae variis, ac periculosissimis illusionibus, quas ordinarie non possunt evadere absque directione prudentis, ac discreti Confessarii, aut alterius Patris Spiritualis: 3. quia mulieres sunt

sunt ex proprii sexus conditione fragiles, ac inconstantes, ideoque facile, ac cito desistent a bene cæptis, si opportunis consiliis, ac efficacioribus suasionibus non confirmetur, & ad ulteriora excitentur: quod erga Moniales præstare non potest nisi Confessarius: 4. quia fœmina ex natura sua est valde verecunda, ideoque facile retrahi potest a detegendis pravis suis affectibus, ac interioribus infirmitatibus animæ, nisi habeat peritum Medicum spiritualem, qui summa dexteritate, ac solertia detegat dictas infirmitates, iisque salutaria applicet remedia (quod sine dubio est munus Confessarii): 5. quia ingenium mulieris est valde varium, ac lubricum, facileque afficitur iis, quibuscum agit, sicque periculosum est, ne talis affectus, qui prius se exhibet sub specie spiritualis amoris, paulatim desinat in carnalem; hoc autem in primis timendum est de Moniali erga Confessarium, nisi is sit admodum prudens, timoratus, ac circumspectus: 6. Moniales, cum vacant vitæ spiritualis acquisitioni, subjacent variis, ac gravibus tentationibus; quas certe non poterunt superare, nisi a prudenti, ac perito doctore doceantur, qualiter in iis se gerere possint, & debeant: 7. quia in progressu vitæ spiritualis plura occurrunt obstacula, ac difficultates, quæ detertere possunt etiam viros perfectiores, ac prudentiores; ea autem facilius, & gravius deterrebunt Moniales, nisi habeant Confessarium discretum, ac sagacem, qui eas doceat, qualiter amovere debeant illa obstacula, & illas evincere difficultates; quod certe non poterit præstare Confessarius, nisi sit valde peritus, ac versatus in vita spirituali: si enim cæcus cæcum ducat, ambo in foveam cadunt. Ex his ergo capitibus, aliisque similibus, quæ unicuique possunt facile occurrere, summopere confert spirituali Monialium profectui, quod ipsis assignetur pius, prudens, ac discretus Confessarius: ideoque Prælati illarum in hoc quam maxime debent insistere, omni studio, ac diligentia iis procurando idoneum Confessarium. **Ad hoc certe facit, quod habet S. Hiero-**

nymus l. 2. Epist. 12. Non confundant opera tua sermonem tuum; ne, cum in Ecclesia loqueris, tacita Sanctimonialis respondeat; cur ergo hæc, quæ dicis, ipse non facis? delicatus Magister est, qui pleno ventre de jejuniis disputat; accusare avaritiam, & affectum proprii & laici potest: Sacerdotis Christi os, mens, manusque concordent.

Quæres 2. *An expediat bono spirituali Monialium, quod iis in Confessarium deputetur Sacerdos potius Regularis, quam Sæcularis.*

154. Resp. Expedire, si alioqui Sacerdos Regularis sit præditus illis dotibus, quas quæ sequenti dicemus desiderari in idoneo Monialium Confessario: patet responsio ex dictis in hoc cap. sect. 1. sub sect. 1. quæ utique possunt applicari ad præsentem quæstionem.

Quæres 3. *Quæ potissimum dotes requirantur in eo, qui debet deputari in Confessarium Monialium.*

155. Resp. Requiritur potestatem, scientiam, bonitatem, prudentiam, zelum animarum, dexteritatem, & summam patientiam: potestatem, qua legitime possit audire confessiones Monialium: scientiam, qua sciat discernere inter lepram, ac lepram, & opportuna applicare remedia: bonitatem, qua possit etiam bono exemplo, inducere Moniales ad percurrandam viam christianæ perfectionis: prudentiam, qua opportunas faciat interrogaciones, & iuxta spirituales uniuscujusque Monialis necessitates salutaria præbeat consilia: zelum, quo omnia omnibus fiat, ut omnes Christo lucrifaciat: nihil aliud intendens, nisi spirituales profectum suarum pœnitentium, illumque omni studio, ac diligentia procurans: dexteritatem, qua trahat pœnitentem ad manifestandam propriam turpitudinem, ac evincendam naturalem illam erubescen-tiam, quæ adeo solet dominari in fœminis, & non raro est in causa, ut plures, ac plures confessiones faciant nullas, & sacrilegas: patientiam denique, qua non solum compatiatur importunis Monialium scrupulorum deliriis, sed etiam fra-

fragilitati recidivarum, ac infirmitati sexus feminei, juxta illud *Hebr. 4. non enim habemus Pontificem, qui non possit compati infirmitatibus nostris.*

Quæres 4. Qualis potestas requiratur in Confessario Monialium.

156. *Resp.* Requiritur tum potestatem Ordinis, quæ confurgit ex Ordine Sacerdotali, per quem ex institutione divina Sacerdos deputatur, ut possit esse judex in foro pœnitentiæ; tum potestatem jurisdictionis (quam Sacerdotes Regulares ratione suorum privilegiorum recipiunt a Papa, Sæculares vero ab Ordinario approbante modo inferius explicando) camque non impeditam quoad usum, neque ratione reservationis aliquorum peccatorum (quo casu Confessarius debet petere facultatem absolviendi ab eo, cum Monialis ad talem effectum non possit se præsentare Ordinario), neque ratione Ecclesiasticæ censuræ, per quam Sacerdos sit excommunicatus, aut suspensus vitandus, neque ratione peccati mortalis, per quod impeditur Sacerdos eo irretitus, quo minus licite administret Sacramentum Pœnitentiæ.

Quæres 5. Qualis scientia requiratur in Confessario Monialium.

157. *Resp.* Requiritur triplicem scientiam, nimirum Judicis, Medici, ac Doctoris; Judicis quidem, ita ut sciat formam absolutionis, ac distinctionem peccati mortalis a veniali, saltem in genere (quæ duo sunt necessaria ad valorem Sacramenti), & præterea agnoscat tum differenciam peccati mortalis a veniali, etiam in particulari in singulis præceptis, modo saltem communi, ac ordinario; tum species peccatorum, numerum, ac circumstantias, dispositionem necessario requisitam in pœnitente; tum quæ peccata sint reservata, quæ habeant annexam censuram, aut obligationem restituendi (quæ sunt necessaria solum ad licitam Sacramenti administrationem); scientia vero, quæ requiritur in Confessario, quatenus est Medicus, in eo consistit, quod sciat tam regulas communes, quibus pœnitens excusari potest a præcepto, ac peccato mor-

tali (cujusmodi sunt ignorantia probabilis, inadvertentia, impotentia, levitas materiæ, & metus gravis, quoad quædam præcepta, præsertim de jure positivo humano) quam quæ remedia cuique peccato adhiberi debeant, & qualiter Monialis instrui debeat in via spiritali. Scientia denique, quæ requiritur in Confessario, quatenus est Doctor, eo tendit, ut de Sacramentis sciat quid sint, quæ sit illorum materia, quæ forma, quæ effectus, quæ sint partes Sacramenti Pœnitentiæ, quæ ratio contractuum, ad quod obligent singula vota Religionis, quibus regulis, ac constitutionibus adstringantur Moniales, quibus prohibitionibus peculiariter teneantur, quæ pœnæ in specie latæ sint contra ipsas; & similia, quæ facile colligi possunt ex præfenti tractatu.

Quæres 6. Qualis bonitas requiratur in Confessario Monialium.

158. *Resp.* Requirit, ut sit bonus non solum sibi ipsi (idest instructus virtutibus necessariis ad munus suum digne obeundum) sed etiam in ordine ad pœnitentes, ita ut habeat & zelum justitiæ, & compassionem proximi, & discretionem, & modestiam in increpando, & copiam in exhortando, & efficaciam in persuadendo, & alias similes dotes, sine quibus non potest utiliter exerceri munus Confessarii. Illud tamen in primis maxime conferret ad officium Confessarii rite obeundum, ut deputatus in Confessarium Monialium esset vir in vita spiritali versatissimus; ita ut eas edocere posset ex propria experientia, sicque de eo dici posset, *capit facere, & docere.* Quo enim modo tradet regulas orandi mentaliter, qui de oratione mentali neque novit quid nominis? quo pacto docebit rationem abnegandi se ipsum, qui nunquam vacavit sui ipsius abnegationi? qua ratione inducet alios ad opera supererogationis, qui in se ipso vix implet præcepta? qualiter instruet pœnitentes ad Religiosam perfectionem, qui nec vacat Christianæ perfectioni? quomodo proponet subtilitates spiritus, qui nec prima spiritus didicit rudimenta?

Quæres 7. *Qualis prudentia requiratur in Confessario Monialium.*

150. *Resp.* Requiri, ut sit admodum prudens, ac circumspexus, tum in faciendis opportunis interrogationibus, tum in applicandis debitis remediis; tum in modo procedendi cum ipsis Monialibus, tam intra forum penitentiae, quam extra; tum in removendis occasionibus delinquendi; tum in salutaribus monitis suggerendis; tum in extirpandis pravis habitibus penitentium; tum in vitanda suspicione nimis familiaritatis, aut aliqualis acceptationis personarum; tum in penitentiis imponendis; tum denique in procuranda emendatione suarum penitentiarum, ad quam unam ordinatur frequentia, ac usus Sacramentorum.

Quod si quæras ex quibus regulis Confessarius Monialium cognoscere possit, an Monialis, quæ dicit se pati divina, nempe cælestes illustrationes, & alia Dei dona extraordinaria, ducatur bono spiritu, vel certe sit illusa, ac exposita periculo illusionis.

Resp. Possè, ac debere dignoscere ex sequentibus regulis, quarum aliquæ desumptæ sunt ex aureo libello Sancti Patris Nostri Ignatii, aliz vero ex ipsa experientia, & praxi. Prima autem regula, ex qua colligitur Monialem duci bono spiritu, est, si Monialis sit religiosus virtutibus conspicua, & in primis charitate, humilitate, patientia, sui ipsius abnegatione, ac zelo animarum, omnique studio insiluit observantiz tam votorum substantialium Religionis, quam regularum, statutorum, ac consuetudinum proprii Monasterii: secunda regula est, si Monialis sit omnino parata acquiescere consiliis, ac directioni sui Confessarii, sinatque omnino se regi ab eo cum omnimoda subjectione: tertia est, si ex occasione illustrationum, aut alterius similis gratiz sibi concessæ nihil occurrat, quod ex se malum sit, aut avocet a bono, aut impellat ad minus bonum, quam anima prius querendo sequi statuerat, aut quod ipsi animus defatiget, angat, ac perturbet, sublata priori animi tranquillitate: quarta est, si

ex dictis illustrationibus immisissis, aliisque talibus gratiis sentiat se non ferri in elationem animi, sed in maiorem sui ipsius submissionem, & propriæ indignitatis conscia dicere possit cum Regio Psaltes: *Quid est homo, quod memor es ejus, aut filius hominis, quia visitas eum?* quinta est, si inde concipiat inusitatum animi quietem, ac tranquillitatem, sentiatque se magis, & magis incitari ad proficiendum in Religiosa perfectione: sexta si ex præfatis illustrationibus experiat se, nulla præcedente causa consolationis, mirifice recreari, ita ut neque sensibus, neque intellectui, neque voluntati quidquam propositum sit, quod hujusmodi consolationem causare possit: proprium enim est Dei creatoris suam ingredi creaturam, & illam in sui amorem totam convertere, trahere, ac mutare. Has, inquam, regulas, & alias similes, quas Spiritus Sanctus, hic, & nunc suggeret, proponere debet prudens Confessarius Moniali in proposito casu; illum monens per talia dona supernaturalia Dei famulos non reddi ipsi gratiores, eaque omnia Patri spirituali candidè, & sincere detegenda esse: præterea illam exerceat in sui ipsius abnegatione, modo ei prohibendo usum Sacræ Communionis, ita ut Deum propter Deum deferat, & quidem etiam interdum occasione sumpta ex actu aliquo magna cum laude ab ea exercito, modo ei injungendo, ut aliquas mortificationes coram aliis Monialibus publice obeat; v. gr. incedendo absque velo nigro professionis, jubendo, ut aliquos defectus, interdum etiam antea vitæ publice revelet; et si in hoc magna cum prudentia, ac circumspeditione procedendum sit.

Verum vero Confessarius Moniali penitenti afferenti se vivere absque reflectione corporali ex sola sumptione Eucharistia possit præbere in communione Hostiam non consecratam pro consecrata ad explorandam veritatem hujus facti, & ad dignoscendum, num sit illusa, nec ne; sicut vere esset, si sumpta Hostia non consecrata, adhuc distineret se vivere ex sola sumptione Eucharistia.

Resp.

Resp. Non posse, cum Doctores ex J. Thoma 3. p. qu. 80. art. 6. ad secundum communiter negent licere in nullo casu præbere Hostiam non consecratam pro consecrata; cum hoc sit præbere altantibus occasionem proximam Idololatriæ, Docet id ipsum magis per extensum S. Doctor in quodlib. 5. art. 12. corp. per hæc verba: Sacerdos, quantum in se est, potest fieri idololatrandi occasio, qui quamvis peccatum idololatriæ non incurret, estimans probabiliter Hostiam esse consecratam, tamen Sacerdos in hoc, quod Hostiam non consecratam populo exhiberet adorandam, idololatriæ crimen incurreret. Unde hoc in nullo casu esse faciendum, ut Hostia non consecrata exhibeatur uni, vel pluribus tamquam consecrata. Præmittit autem huic rationi alteram Angelicus Præceptor, eamque petit ex natura fictionis exercendæ, & simulationis, quæ committeretur in proposito experimento. En ejus verba: Dicendum, quod veritati non est aliqua fictio adiungenda, quia nulla est conventio lucis ad tenebras, ut Apostolus dicit 2. ad Corint. 6., & propter hoc Augustinus probat lib. 83. questionum, quod Corpus Christi non fuit phantasticum, quia veritas, quæ est Christus, non potuit fallere, & ideo in Sacramentis Ecclesiæ, nihil est per fictionem agendum, & præcipue in Sacramento Altaris, in quo totus Christus continetur. Effet autem quadam fictio si hostia non consecrata loco consecratæ daretur. Inferri etiam potest veritas datæ responsionis ex prop. 29. inter damnatas ab Innocentio XI. Vigens metus gravis esse causa iuxta Sacramentorum administrationem simulandi, ut videret esse apud Cardenas dissertat. 20. cap. 3.

„ Sed quoniam rationes supradictæ generales sunt, & aliqua possunt afferri argumenta pro licita administratione hostiæ non consecratæ in speciali casu proposito experimenti faciendi placet hic illa proponere. Primum fundamentum est, quod sicut Saneb. l. 2. de

„ matr. d. 38. n. 6. & 7. docet permitten-
dam esse copulam solum materialiter for-
„ nicariam inter conjuges, quibus post ma-
„ trimonium contractum detegitur impe-
„ dimentum dirimens, si Confessarius vi-
„ deat illos esse in bona fide, & non spe-
„ rat fructum ex admonitione: ergo &
„ in præsentī casu licitum erit ex gravi-
„ sima causa (quæ de facto adest) per-
„ mittere idololatriam illam, ut pote me-
„ re materiale: meti Castrus Palanus tr. 21.
„ d. un. p. 8. n. 5. dicat in simili casu actum
„ adorationis ex bona existimatione, ac
„ intentione procedentem esse actum Re-
„ ligionis; cum Religio non exposculet
„ necessario versari circa objectum practi-
„ ce verum (sed satis est, quod iuxta pru-
„ dentiz regulas iudicetur dignum vera
„ adoratione, & cultu, quamvis ex acci-
„ denti non sit) sub ratione formali ado-
„ rationis vera. Secundum fundamentum
„ est, quod Casarius l. 9. hist. c. 47. refert
„ simile factum fuisse re ipsa practicum;
„ idque non improbat Thiepolus in suis
„ considerat. Euchar. l. 4. c. 10. etiam Cle-
„ ricatus in decisionibus de Sacram. Eucha-
„ ristie decis. 50. n. 36. affirmat id factum
„ fuisse cum Ursula Benincasa Romæ an-
„ no 1582. sub Gregorio XIII. de consilio
„ virorum prudentum, inter quos fuit
„ S. Philippus Neri tunc Romæ vivens;
„ & sequutus opinionem aliquorum recen-
„ tiorum, quos allegat n. 34. tandem in
„ fine decisionis sic concludit. Cum con-
„ silio piorum, ac prudentum virorum,
„ & cum Superiorum assensu, caute ad
„ evitandum scandalum in populo crede-
„ rem fictionem prædictam non esse illi-
„ citam, juxta exemplum Venerabilis Vir-
„ sulæ Benincasæ. Sic dicti recentiores, :
„ quam probabiliter, iudicent viri docti:
„ non enim ego cum illis sentire possum; cum
„ DD. communiter dissentiant.

Qua occasione placet hic indicare id, quod refert Martinon. d. 35. de Eucharist. sect. 5. n. 64., nimirum Paulum V. permis-
sisse, ut honesta quædam Matrona Lemo-
vicensis, (quæ adhuc vivit) quotidie post
cibum communicet, ad compescendum to-
tius corporis tremorem horribilem, ac mi-
scra-

ferabilem, quo post sanctionem cibi corripitur, quove in certum vitæ periculum adducitur, nisi ei statim detur communio Eucharistica; quod unicuique remedium, omnibus aliis frustra tentatis, huic malo, seu maleficio tandem repertum est, sed promptum semper ac efficax: eo enim adhibito tremor eodem momento sistitur infallibiliter, nisi forte in casu (quod interdum experimenti causa factum est) Hostia non consecrata loco consecratæ ad communicandum ei exhibeatur.

Quæres 8. Qualis zelus animarum requiratur in Confessario Monialium.

160. *Resp.* Quod, cum munus audiendi confessiones Monialium sit valde laboriosum, arduum, ac difficile, ut quis illud cum debita alacritate obeat, ita zelo animarum debet teneri, ut non quærat, quæ sua sunt, sed quæ Jesu Christi; sicque spirituali animarum lucro inhæret, ut merito dicere possit: *Da mihi animas, cetera tolle tibi*, Gen. 14. & illud Pauli 2. cor. 12. *non enim quæro, quæ vestra sunt, sed vos* non ergo Confessarius Monialium hoc munus adeo sublime, ac excelsum exerceat ad proprium lucrum temporale, ad conciliandam benevolentiam hujus, aut illius Monialis, ad percipiendam multa dona, ad privatam sui ipsius satisfactionem; sed potius ad spiritualem profectum Monialium sibi commissarum, ad perfectionem Religiosam in ipsis promovendam, ad divinum amorem in iis magis, & magis excitandum, ad veram satisfactionem in ipsas modis omnibus inducendam.

Quæres 9. Qualis dexteritas requiratur in Confessario Monialium.

161. *Resp.* Requiritur quam maximam, & quidem non solum in extorquenda confessione peccatorum atrociorum, quæ aliqui feminæ ex naturali verecundia, ac inordinato timore, nonnisi cum maxima difficultate solent manifestare, sed etiam in privatis rancoribus, ac odiis avellendis, in refecandis amicitiiis minus bonis, ac perniciosis, in removendis occasionibus proximis peccatorum, in indicendo affectu vitæ communis, in moderanda conversatione externorum, in persuadenda sui ip-

sius abnegatione tum interna, tum externa, in iis denique confirmandis ad Religiosæ perfectionis acquisitionem: hæc enim omnia, cum sint valde aliena a communi propensione appetitus sensitivi, maxime in feminis ratione sexus, ac naturalis complexionis proclivioribus ad malum, obtinere non poterit Confessarius a propriis penitentibus, nisi cum iis utatur summa dexteritate, illis paulatim sese insinuans, omnia omnibus factus, ut omnes Christo sacrificare, gaudente cum gaudentibus, & flens cum flentibus.

Unum hic præ cæteris moneo, ne Confessarius facile, aut subito immutet quidquam de iis, quæ longiori consuetudine facta sunt propria Conventus, neve novas indicat consuetudines; & si quid tale præstare opus sit, aut expediat, id non faciat sine consilio, ac voluntate Prælatæ, ac melioris partis Monasterii Monialium sententiam exquirens, non quasi consilii indigus, sed quod necesse sit habere approbantes illius, quod ordinatum fuerit; ut earum autoritate veluti filum acu introducatur, aliæque Moniales jam factum potius sciant, quam faciendum metuant. Quare quæ non adversantur votis essentialibus Religionis, aut regulæ Ordinis, Monialium voluntati, ac electioni expedit relinquere: non enim, ut ait Cicero l. 2. de officiis, attinet naturæ repugnare, nec quidquam sequi, quod assequi nequeas.

Quæres 10. Qualis patientia requiratur in Confessario Monialium.

162. *Resp.* Summam requirit; ut proinde dixerit quidam, non immerito Sacerdotes singulis diebus sub sinem Primæ recitare verba illa: *Dominus autem dirigat corda nostra in charitate Dei, & patientia Christi.* Quæ enim patientia necessaria est Sacerdoti confessiones feminarum audienti, ut audiat nugæ, quæ solent ab illis admisceri in ipsa confessione, ut expiscetur veritatem eorum, quæ dicunt, modo agentes, modo negantes, ut suadeat non expedit, quod ita crebro repetant confessiones generales, ut sinat protrahi confessionem ad diffusos discursus, quæ verbis valde compendiosis posset peragi, ut
ferat

ferat idem peccatum in eadem confessione iterum; ac iterum exprimi, & quidem sine ulla omnino necessitate, ut insurgentium scrupulorum nubes disjiciat, ut pusillanimes in spem salutis aeternae erigat, ut remissionem injuriarum animo tenacius inhaerentium suadeat, ut inducat ad fugam occasionum proximarum, ut privatas amicitias statui Religioso minus convenientes eradicet, ut denique sustineat muliebrem levitatem, inlicitiam, ac inconstantiam?

Quæres II. A quo debeant approbari Confessarii Monialium.

163. *Resp.* Quod, quamvis ante constitutionem Gregorii XV. editam 5. Februarii. 1622., quæ incipit *infrutabili*, Confessarii quidem Monialium locorum Ordinarii subiectarum deberent approbari ab ipsis Ordinariis; Confessarii vero Monialium subiectarum Regularibus a Prælatiis propriæ Religionis tamquam Ordinariis ipsarum Monialium, in præsentia tamen omnium Confessarii tam ordinarii, quam extraordinarii quarumcumque Monialium, etiam Regularibus subiectarum, debent approbari ab Ordinario loci: idque ex citata Constitutione Gregorii XV., quæ quo ad hoc sic habet: *Confessores vero, sive Regulares, sive seculares, quomodocumque exempti, tam ordinarii, quam extraordinarii, ad Confessiones Monialium, etiam Regularibus subiectarum audiendas nullatenus deputari valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant.*

164. Ubi notandum, ad audiendas confessiones Monialium modo non sufficere, quod Sacerdos sive Regularis, sive secularis, sit generaliter approbatus ab Episcopo ad confessiones personarum secularium audiendas, sed egere quoad hoc speciali approbatione: idque ex declaratione Sacræ Congregationis Concilii; quæ etiam declaravit, Regularem approbatum ab Episcopo ad audiendas Confessiones Monialium unius Monasterii nequaquam censi approbatum ad audiendas confessiones Monialium alterius Monasterii, ut videre est *tom. 4. Bullarii post. consl. 18. Gregorii XV.*

Notat *Sanctorum in constitut. Minor. c. 11. stat. 7. qu. 3.* Confessarios Monasterii exempti existentis in loco nullius Diocesis non debere approbari ab Abbate, aut alio Superiore dicti loci: cum in Bulla citata Gregorii XV. dicatur *ab Episcopo Diocesano idonei judicentur*, & Superior præfati loci vere non sit Episcopus; aliasque dispositio illa Gregorii, ut odiosa, ac exorbitans a jure communi, non debeat extendi ultra proprietatem verborum. Verum in hoc standum est consuetudini uniuscujusque loci; sicque in præsentia Moniales Carpi existentes quoad approbationem Confessariorum sub sunt Episcopo Mutinensi; cum alias dictio Carpenfis sit nullius Diocesis, & habeat in proprium Ordinarium Archiepiscyterum.

Addit *Sanctorum in Constitut. Minor. c. 11. stat. 7. qu. 3.* quod cum declarationes Sacræ Congregationis factæ super relata bulla Gregorii XV. loquantur solum de Confessariis Regularibus, non autem de secularibus, & de his nunquam fuerit quæsitum, aut dubitatum, dictæ restrictiones non extenduntur ad Confessarios seculares, nisi quo ad hoc, quod ii non possunt audire Monialium confessiones sine Episcopi approbatione; cum aliqui ipsa Bulla comprehendat Confessarios tam seculares, quam Regulares. Probat Sanctorum suam assertionem ex regula juris: exceptio firmat regulam in contrarium, l. nam quod liquide §. fin. ff. de pen. legata, l. quæsitum §. idem respondit ff. de furt. instrum. & cap. 2. de conjug. leprosi. notatque in *tom. 4. Bullarii Cherubini* apparere dictam Bullam Gregorii fuisse solemniter promulgatam, non autem præfatas declarationes, quæ ibidem apponuntur.

165. Verum tamen est, quod Confessarii Monialium exemptarum tam ordinarii, quam extraordinarii præfentari debent a propriis Prælatiis Regularibus ad effectum, ut modo dicto approbentur ab Ordinario; unde infert *Tamburinus d. 16. de jure Abbatis. qu. 3. n. 3.* non subsistere, quod ait *Nald. v. Moniales n. 2.* Monialibus etiam exemptis assignandum esse Confessarium extraordinarium ab Episcopo

po loci; si quidem teste *Ziparo l. 3. de jure Pontificio novo n. 3.* extat in contrarium quædam declaratio Sacre Congregationis, qua decisum est, hujusmodi assignationem faciendam a Prælo Regulari, cujus jurisdictioni subsunt dictæ Moniales, licet alias indigeant approbati ab Ordinario, ut jam dictum est.

166. *Quin vigore citatæ Constitutionis Gregorii XV. neque ipsi Prælati Regulares absque Ordinarii approbatione audire possunt confessiones Monialium sibi respective subjectarum: cum olim possent & ipsi illas audire, & alios approbare ad illas audiendas. Ita declaravit Sacra Congregatio Concilii, ubi supra, addens confessiones a dictis Prælatibus auditas sine præfata approbatione esse nullas, & irritas.*

At difficultas est, an sub citata Bulla Gregorii XV. comprehendantur etiam puella in Monasterio educata, & femina quæcumque ibi forte commorantes; ita ut hæc non possint confiteri cuicumque approbato generaliter ad Confessiones in Diœcesi.

167. *Resp.* Videri probabile non comprehendendi, adeoque omnes illas posse, & licite, & valide confiteri cuicumque Sacerdoti approbato generaliter ad audiendas Confessiones in Diœcesi, si alias licite possit ad eas accedere (v. g. ad aliquam illarum legitime invensendam.) Moveor, quod Gregorius XV. dum requirit specialem approbationem ad audiendas Monialium confessiones, loquitur expresse de Monialibus tantum, ut constat ex verbis textus relatis *sup. n. 163.* „Est tamen ad-
„vertendum in litteris patentibus, quæ
„conceduntur Confessariis, solere excipi
„non solum Moniales, sed etiam obla-
„tas, puellas, aliasque in Monasteriis,
„aut Conservatoriis degentes.

An autem semel approbatus ad confessiones Monialium alicujus Monasterii, vi talis approbationis pluries deputari possit in Confessarium earundem Monialium tam ordinarium, quam extraordinarium.

168. *Resp.* Quod, quamvis approbatus ad audiendas Confessiones secularium maneat semper approbatus usque

dum approbatio revocetur ab Episcopo approbante, ejusve successore (idque juxta communem Doctorum sententiam, loquendo de approbatione facta absque ulla limitatione temporis) secus tamen evenit de approbato ad audiendas confessiones Monialium alicujus Monasterii: is enim vi talis approbationis non potest audire confessiones dictarum Monialium, nisi pro eo tempore determinato, pro quo eligitur; unde fit, ut si quis approbetur in Confessarium ordinarium ad triennium, eo elapso, non possit audire postea confessiones earundem Monialium, nisi iterum ad talem effectum approbetur ab Ordinario, & sic deinceps: patet id ex citata Constitutione Gregorii XV. quæ cum expresse loquatur de Confessariis Monialium tam ordinariis, quam extraordinariis, de utrisque æqualiter procedit, & de facto talis est praxis. Nec obstat, quod Sacra Congregatio in responsione dubiorum, quæ fuerunt proposita circa dictam Constitutionem *dub. 11.* expresse solum de Confessariis extraordinariis Monialium dicit, illos semel deputatos ad audiendas confessiones Monialium pro una vice non posse pluries vi talis approbationis earum confessiones audire: ideo namque id dicit, quia solum fuerat interrogata de Confessariis extraordinariis; cum alioqui par ratio militet in Confessariis Monialium ordinariis: sicque procedat doctrina Sanchez *l. 5. mor. c. 4. n. 19.* nimirum quod, quamvis lex generalis posterior non intelligatur regulariter derogare legi speciali priori, id tamen fallit, quando contrarium constat ex legis generalis intentione.

Ex dictis tamen non sequitur, Sacerdotem approbatum ad confessiones Monialium per triennium, si interim moriatur Episcopus approbans (v. g. post elapsum primum bimestre dicti triennii) indigere de novo approbati a successore Episcopi defuncti, ut reliquo triennio possit earum confessiones excipere: siquidem approbatio illa ad triennium non desinit, durante illo triennio, nisi revocetur, idque etiam post Bullam Gregorii XV. *In-*

seruitur

scrutabili: quippe in qua solum statuitur, approbatum ad confessiones Monialium per triennium, elapso eo triennio, non posse amplius earum confessiones audire, nisi iterum approbatur: quæ doctrina proportionaliter procedit de Confessario extraordinario; cum sit eadem ratio de illo, ac de Confessario ordinario.

Illud etiam hic controverti potest, an Sacerdos maxime Regularis ab Ordinario approbatus ad audiendam confessionem duarum, aut trium Monialium ex aliqua peculiari occasione possit audire confessiones etiam aliarum Monialium ejusdem Monasterii accedentium ad ipsum.

169. *Resp.* Non posse, & probatur quia ex una parte generalis approbatio Ordinarii ad confessiones secularium non sufficit ad audiendas confessiones Monialium, ut jam dictum est: ex alia parte approbatio limitata ad certum numerum personarum non suffragatur, nisi ad audiendas confessiones dictarum personarum, juxta regulam communem, *causa limitata non producit nisi effectum limitatum*: cum ergo in proposito casu approbatio sit limitata ad illas duas, aut tres Moniales, non potest prodesset ad audiendas confessiones etiam aliarum Monialium; cum in ordine ad has approbatus se habeat perinde, ac si non esset approbatus: unde fit, ut, sicut Confessarius ab Episcopo approbatus ad audiendam Confessionem unius, aut alterius fœminæ, vi talis approbationis non potest audire confessionem ullius alterius fœminæ; sic nec possit approbatus ad confessionem duarum Monialium audire confessionem cujuscunque alterius Monialis: & hoc quavis Sacerdos approbatus sit Regularis; licet enim is vi suorum privilegiorum habeat a Papa generale jurisdictionem in omnes fideles accedentes, & consequenter etiam in Moniales; non ideo tamen hoc ipso potest audire confessiones quarumcumque Monialium; esto alias ipsi concedatur accessus ad illas, sive ad audiendam confessionem aliquarum ex iis, sive alia de causa: siquidem ad validam administrationem Sacramenti pœnitentiæ non sufficit jurisdictio

illimitata; sed præterea requiritur, ut Sacerdos administraturus sit illimitate approbatus: quod non evenit in præsentis casu, ut patet.

Majus dubium est, an Moniales tempore Jubilai possint conscribi Sacerdoti approbato ad confessiones secularium, etsi in specie non sit approbatus ab Ordinario ad audiendas confessiones Monialium.

170. *Resp.* Hanc quæstionem solutam a nobis jam fuisse *supra cap. 9. n. 20. & 21.*

Quæres 12. An Episcopi possint deputare in Confessarios Monialium sibi subjezarum etiam Sacerdotes Parochos, aut regulares.

171. *Resp.* *Tambur. sup. n. 4. & 5. ex Barbosa l. 1. de jure Eccl. c. 44. num. 127. & Gavanto in manu. v. Monialium cura spiritalis n. 10.* non posse deputare Parochos in Confessarios ordinarios Monialium, neque Regulares eligere in Confessarios eorundem Monialium, sive ordinarios sive extraordinarios, nisi in casu necessitatis; idque ex declaratione Sacræ Congregationis relata a citatis Doctoribus; quæ tamen parum videtur esse in usu, cum multis in locis Parochi fungantur munere Confessarii ordinarii Monialium, & Regulares sæpissime destinentur in Confessarios extraordinarios illarum: forte, quia alioqui desunt personæ idoneæ ad tale munus, sicque concurrat ratio necessitatis, quæ caret lege; sicque eadem Sacra Congregatio concessit postea Patriarchæ Veneto, ut pro penuria Sacerdotum secularium Regulares eligere possit in Confessarios Monialium, etiam ordinarios, sicut testatur ipsemet *Tamb. sup.*

Quæres 13. Ad quot annos eligi debeant Confessarii Monialium ordinarii, siveculares, sive regulares.

172. *Resp.* Debere eligi ad tres annos tantum ex declaratione Sacræ Congregationis relata a *Gavanto sup. n. 7.* & edita die 4. Julii (quæ tamen non est ubique in usu) & quidem, quod spectat ad Regulares deputatos in Confessario Monialium exceptarum, Gregorius XV. in sua Constitutione *Inscrutabili* Ratuit licere Episcopo ex *rationabili causa Superiores*
Regu-

Regulares admonere, ut ejusmodi Confessores (idest Monialium) amoveant, iisque Superioribus id facere detestantibus, aut negligentibus, habere Episcopum facultatem prædictos Confessores amovendi, quoties, & quando opus esse judicaverit; idque non significata causa Superioribus Regularibus, ut declaravit Sacra Congregatio Concilii in declarationibus factis super citata Constitutione, dicens hoc relinquere arbitrio, & prudentiæ Episcoporum, oneransque serio eorum conscientiam, ne facultate sibi in hac parte attributa, quoquo modo abutantur, ejus rei in districto Dei judicio rationem reddituri. Ubi notandum dispositionem præfatæ Constitutionis, ac hujus declarationis æque locum habere in Confessariis Monialium, tam ordinariis, quam extraordinariis, ut constet ex verbis illis, quæ habentur in citata Constitutione ejusmodi Confessores, quæ referuntur ad illa alia verba præcedentia Confessores vero, sive Regulares, sive seculares quomodocumque exempti, tam ordinarii, quam extraordinarii &c. adeoque æqualiter comprehendunt Confessarios Monialium tam extraordinarios, quam ordinarios.

An autem electus ab Ordinario in Confessarium ordinarium Monialium, & post elapsum triennium ex peculiari indulto Sacræ Congregationis ad idem munus per aliud triennium immediate sequens confirmatus, hoc alio triennio absoluto, statim ad aliud triennium ab Ordinario jure proprio eligi possit ad idem munus, æque ac posset, si modo dicto non fuisset confirmatus ex indulto Sacræ Congregationis, ita ut in eo munere duret per novem annos continuos.

Resp. Dixi olim, videri posse: ita Diana, Naldus alique docti viri a me consulti, contra Cardinalem de Lugo, Baldellum, & alios item a me consultos; ita etiam sentit Bordonus a me consultus: probatque, tum quia concessum alicui ob gratiam non est in ejus dispendium retorquendum *reg. 61. de regul. jur. in 6.* neque enim idem contrarios effectus operari debet, *l. legatum ff. de adim. leg.*, tum quia interstitium vacationis intelligen-

dum est via ordinaria, sicut jure ordinario præscriptum est: nam statuta, & leges non comprehendunt ea, quæ raro, & per accidenz eveniunt, *l. nam ad ea ff. de legib.* sicque privilegium in præfenti casu intereipiens vacationem non est spectandum, sed vacatio fingitur habere suum effectum: tum quia in Religionibus extat consuetudo, quod quis ultra præfixum tempus maneat in officio secundum rem, licet non secundum nomen: Prior namque Conventus fit, & vocatur Præsidens, Vicarius &c., & postea tempore debito iterum eligitur in Priorem, ac si vere antecessenter vacasset ab officio: tum quia inducta ad augmentum non debent operari diminutionem, ut notavi Mandosius de privileg. ad instar *quest. 102 gloss. 8. num. 8.* „Nihilominus adverto, quod possunt ob stare huic doctrinæ ea, quæ in simili diximus supra *cap. 7. q. 38, §. Majus dubium n. 47.* „

Addo, quod si quis ex casu fortuito deputaretur in Confessarium ordinarium Monialium ad aliquot menses per modum supplementis nihilominus in generali deputatione Confessariorum, quæ postea fieret pro Monialibus, posset ab Ordinario eligi in Confessarium ordinarium ejusdem Monasterii ad integrum triennium; quomodo ultra triennium exerceret munus Confessarii ordinarii: & ratio est, quod prohibitio Sacræ Congregationis de non eligendo Monialium Confessario ultra triennium, eum sit odiosa, benigne interpretanda est, & in mitiorem partem: ita ut intelligatur de electione Confessarii ordinarii, non autem de ea, quæ fiat per modum supplementi, ut in casu nostro: ita docti recentiores a me consulti; sicque ego jam consului in facti contingentia.

Illud demum hic advertendum, ex quadam epicheja Ordinarios in aliquibus locis sinere Confessarios aliquorum Monasteriorum, & maxime Capuceinarum durare ultra triennium, & quidem ad plures annos: eo quod sit valde difficile reperire Confessarios idoneos pro talibus Monasteriis: quod est dicere, ex defectu materiæ.

Quæ-

Quæres 14. *Ex quo loco debeant Confessarii Monialium audire illarum Confessiones.*

173. *Resp.* Regulariter debere audire ex Sede Confessionali collocata, non quidem in Sacristia, aut alio simili loco, sed in ipsa Ecclesia exteriori; sic quippe decrevit Sacra Congregat. 7. Martii 1617. apud *Barbosam* sup. num. 135. his verbis: *Confessionalia Monialium & Sacristiis, & locis occultis amoveantur, ac exterioribus Ecclesiis collocentur: quod si Moniales in hoc remittentes extiterint, interdicantur.* Quamquam si aliud deponat necessitas (eo quod in Ecclesia extet unica Sedes Confessionalis, & eodem tempore vacare debeant Confessionibus audiendis Confessarius ordinarius, & extraordinarius) in tali casu ex. sante necessitate, licitum erit audire Confessiones ex alio loco, ita tamen disposito, ut mutuus vitetur aspectus Confessarii, ac Monialis consistentis.

174. Quod si Confessarius ingrediat-ur ad audiendam Confessionem Monialis infirmæ, Cellæ janua remaneat aperta, & ambæ comitatrices ad ejusdem Cellæ januam morentur; ita ut Confessarius ab eisdem commodè cerni possit. Ita statuit Sacra Congregatio 13. Septembris 1583. apud *Barbosam* in collect. v. Confess. Monial. §. 4. addens §. 5. ex decreto Sacræ Congregationis Confessarium Monialium clausuram ingressum ad ministranda sanctissima Sacramenta, debere recta via, & absque diverticulo ire, ac redire, nec in alia Monasterii parte divagari, etiam occasione visitandi alias infirmas, quibus Sacramentorum administratio non sit necessaria.

Quæres 15. *An Confessarii Monialium etiam Regulares, eorumque socii possint libere alloqui Moniales sibi commissas, etiam extra casus necessarios.*

175. *Resp.* *Barbosa* in collectan. sup. §. 2. non posse ex declaratione Sacræ Congregationis 21. Febr. 1617. edita his verbis: *Confessarius Regularis Monialium, ejusque socius, Confessionis, ac Sacramen-*

torum administrationis casibus exceptis, eisdem Moniales absque Sacræ Congregationis licentia alloqui non possunt. Ubi notandum, quod cum Sacra Congregatio loquatur in specie de Confessariis Regularibus tantum, sub sua declaratione non comprehendit Confessarios Monialium seculares, juxta communem juris regulam: *Odia restringi oportet*; immo talis declaratio non videtur usu recepta, neque quoad Confessarios Regulares, qui, quamvis alias timorati, absque ullo scrupulo loquuntur cum suis Monialibus, etiam extra casus necessarios; & quidem scientibus, & non dissentientibus Prælati ipsarum Monialium. Certe Confessarii Regulares Monialium non videntur incurtere pœnas latas in Decreto Sacræ Congregationis de mandato Sixti V. edito anno 1590. de accessu Regularium ad Moniales; si quidem, ut facile constabit consideranti tenorem textus, ibi non prohibetur Regularibus Confessariis Monialium, ne ullo quæsito colore eas alloqui possint: quomodo id prohibetur Regularibus missis ad Moniales, sive ad prædicandum, sive ad celebrandum: quod est signum locutionem cum Monialibus non prohiberi eodem modo Regularibus destinatis in Confessarios illarum, ac prohibetur Regularibus missis ad prædicandum, aut celebrandum; & quidem merito, cum extet major ratio amplius indulgendi quoad hoc Regularibus deputatis in Confessarios Monialium, quam iis, qui ad eas mittuntur, sive ad prædicandum, sive ad celebrandum, ut facile constabit consideranti.

Consultum tamen est, ut sermo cum Monialibus sit valde moderatus, & qui necessitatem magis indicet loquendi, quam voluntatem; siquidem, teste experientia, omnis amor nascitur, & fovetur colloquio; immo sicut splendorem lucernæ oleum, sic longum Mulieris colloquium, sæpiusque iteratum, ignem voluptatis reaccendit, teste *S. Antiocho Abb. hom. 17.* Ut proinde *Novar. manual. cap. 14. §. 10.* dicat fœminas in congressibus virorum de-

Y bere

bere benedictionem petere : qua sanctum aliis bene precandi desiderium inhoneſtum amorem cohibeat , & refrænet .

Quæres 16. Quale ſtipendium tradi debeat Confessariorum Monialium .

176. Reſp. Debere tradi illud , quod juxta morem , & qualitatẽ regionis cenſeatur ſufficiens ad victum illorum : ſic enim declaravit Sac. Congregatio 29. Novembris 1605. penes *Barboſam ſup. §. 11.* in hæc verba : Confessariorum Monialium certa annua merces conſtitui debet , qua juxta morem , & qualitatem regionis victui illis ſufficiat , eademque merces Monasterio , in quo degit idem Confessarius , ſi Regularis ſit , perſolvatur . Cæterum Ordinarii locorum prohibeant Monialibus aliquibus pœnis (non tamen cenſurarum) ne ultra mercedem illam aliquod communiter , vel privatim eidem Confessori , vel aliis quibuſcumque Fratribus tribuant , eiſdemque Fratribus , ne a Monialibus etiam ſponte oblatum , aut donatum recipiant , ſub iſſem pœnis inhiſcant : quamvis ejuſmodi declaratio non videatur eſſe in uſu , neque quatenus præſcribit Confessario Monialium tradendam eſſe mercedem , juxta morem regionis ſufficientem ad ejuſ victum : cum ſtipendium , quod alicubi in præſentia dari ſolet Confessariorum Monialium non exemptarum , regulariter non ſufficiat , nec ad dimidium victus ; neque quatenus prohibet Monialibus , ne ultra assignatum ſtipendium quidquam tribuant ſuis Confessariorum ; & iſtis , ne quid tale recipiant ; ſi quidem , & praxiſ eſt in contrarium , & Scortia , Barth. a S. Faſto , ac Bertius , quos citat , & ſequitur *Diana par. 1. tract. 6. reſol. 17.* opoſitum ſuſtinent ; ea ratione ducti , quod talis donatio non eſt proprie donatio , ſed potius remuneratio : immo (dixerim ego) eſt quædam compenſatio reſidui mercedis , quæ alias tribuenda eſſet Confessario ex præſenti decreto Sacræ Congregationis , & de facto non tribuitur . Addit autem *Gavant. ſup. num. 8.* aliam declarationem Sacræ Congregationis ſub die 22. Auguſti 1605. , qua deſiſum eſt Confessario Or-

dinario non eſſe a Monialibus ſubminiſtrandum victum dietim , ſed conſtituendam certam pecuniæ ſummam quotannis ſolvendam .

Quæres 17. An , & quomodo Confessarii Monialium habitare poſſint in domo contigua Monasterio .

187. Reſp. Poſſe , dummodo ibi non habeantur lecti : idque ex decreto Sacræ Congregationis edito 7. Martii 1617. , & in dicta habitatione non ſint rotæ , neque Januæ , quibus pateat aditus in Eccleſiam : ſic enim ſtatuit eadem Sacra Congregatio 13. Septemb. 1683. , apud *Gavantum ſup. num. 26.* monens *num. 25.* dictos Confessarios ex decreto Concilii Mediolanenſis I. non poſſe commorari in domibus Monialium cauſa cibi capienti , niſi quo tempore vacant Confessionibus audiendis , idque ad vitandam nimiam familiaritatem , quæ ex uſu contrario facile poteſt ſuboriri inter Confessarios Monialium , ac ipſas Moniales . „ Propterea Alexander VII. „ in ſua Conſtitutione , quæ incipit *ſolici* „ edita anno 1664. §. 6. generaliter ſtatuit , ut Confessarii Regulares Monialium , eorum Socii , eorum Concionatores Regulares , alique Regulares pernoctare debeant in proprio ipſorum Regularium Conventu ; & deinde in §. 7. ſic habet . Verumtamen ſi Monasterium „ Sanctimonialium ſit extra mœnia Urbis , vel Oppidi , & Monasterium Regularium virorum , quibus Moniales ſunt ſubjectæ , ſit intra dicta mœnia , vel c. converſo habeantur , vel conducantur , ſi commode fieri poſſit , manſiones „ ad uſum Confessorum , quæ non ſint conjunctæ , ſeu contiguæ ipſi Monasterio „ Monialium , ſed ab eo penitus diſjunctæ non ſolum per parietes , ſed etiam „ per tectâ : ſi autem utrumque Monasterium ſit intra mœnia , & unum ab altero , Episcopi judicio multum diſtans tunc habeantur , vel conducantur hujusmodi manſiones , ut ſupra , diſtinctæ , & ſeparatæ a Monasterio Monialium diſtantiâ ab ipſo Episcopo recognoſcenda , & approbata : ita tamen „ in „ man-

„ mansionibus Confessoris sive intra,
 „ sive extra monia constitutis, exce-
 „ pto ipso Confessore cum suo socio,
 „ alii Regulares, etiam si Superiores
 „ sint, minime pernoctent.

Quæres 18. *Quam frequentiam, ac usum Sacramentorum possint, & debeant concedere Monialium Confessarii Monialibus sibi commissis.*

178. *Resp.* Quod, cum frequens usus Sacramentorum sit maxime utilis omnibus fidelibus, & præsertim Religiosis, in quibus major animi puritas deposcit, consultum esset Monialibus, ut Sacramentum Confessionis, ac Communionis susciperent, sin minus octavo quoque die (quod esset valde commendabile) saltem unoquoque vigesimo quinto die; quamvis alioqui jure communi, juxta dicta *cap. 6. qn. 3.* illis non præscribatur, nisi inenstrua Confessio, ac Communion. Cæterum regulariter haud passim concedenda est etiam Monialibus frequentior sumptio Eucharistiæ ea, quæ sit octavo quoque die: cum *S. Bonav. l. 2. de profectu relig. cap. 77.* dicat vix inveniri aliquem Religiosum non Sacerdotem adeo sanctum, cui non sufficiat semel in hebdomada communicare, nisi ex speciali causa, vel in aliqua Solemnitate, vel extraordinaria devotione; quod tamen non facit, quin, si constet Confessario Monialem aliquam multum proficere ex frequentia Communionis, etiam majori, eam possit illi concedere: cum in moralibus non possint assignari certæ regulæ, quæ nullam omnino patiantur exceptionem: ideoque nos usi sumus particula *regulariter.*

Certe Episcopus, nunc *S. Franciscus de Sales p. 2. Philoth. cap. 21.* asserit, duobus hominum generibus frequenter communicandum esse: perfectis, quia, cum sint bene dispositi, debent ad illum perfectionis fontem, & anthropem accedere; imperfectis. ut apte va-

leant ad perfectionem aspirare fortibus, ne debiliores fiant: debilibus, ut fortiores evadant: infirmis, ut sanitatem recipiant: sanis, ne in morbum incendant. Sic *S. Bonaventura l. 2. de profectu Religiosorum. cap. 77.* ait: Sicut agrosantibus non potest una forma servari in dandis medicinis corporis propter diversitates complexionum, aut loci, aut temporis, aut diætæ, vel aliarum considerationum; pro quibus aut variis, aut sapius, aut majori, aut minori quantitate eadem medicina datur: ita de medicina spiritali, quæ est Corpus Christi, intelligendum. Sic *S. Ambrosius l. 4. de Sacram. c. 6.* ait: Grave est, quod ad Mensam tuam, Domine, mundo corde, & manibus innocentibus non venimus: sed gravius est, si de peccatis mentuentes, sacrificium non reddamus. Sanctus item Augustinus *ep. 118. relatus cap. 15. de consecrat. dist. 2.* ait: Si non sint tanta peccata, ut excommunicetur quis, non se debet a medicina Corporis, & Sanguinis Domini separare. Sic *Calhian. collat. 23. c. 21.* dicit: Nec tamen ex eo debemus nos a Dominica communionem suspendere, quia nos agnoscimus peccatores, sed ad eam magis, ac magis est propter animæ medicinam, & purificationem spiritus avidè festinandum: & infra: Alioqui nec anniversaria quidem digne est præsumenda Communio; ut quidam faciunt, qui in Monasteriis consistentes ita Sacramentorum celestium dignitatem, & significationem, ac meritum metuntur, ut astiment ea non nisi sanctos, atque immaculatos debere præsumere, & non potius sanctos, mundosque non sua participatione perficiant. Qui profectio majorem arrogantiam præsumptionem, quam declinare sibi videntur, incurrunt; quia vel tunc, cum ea percipiunt, dignos eorum perceptione dijudicant. Multo enim iustius est, ut cum hac cordis humilitate, qua credi-

mus, & fatemur, illa sacrosancta mysteria nunquam pro merito nos posse contingere, singulis ea Dominicis diebus ob remedium nostrarum agnitudinum præsquamus, quam, ut vana persuasione cordis elati, vel post annum dignos nos eorum participatione credamus. Sic S. Ambrosius sup. addit: Si quotiescumque effunditur Sanguis Christi, in remissionem peccatorum effunditur; debeo semper accipere, qui semper pecco: de beo semper habere medicinam. Quo modo Luc. 5. ait Christus: Non egent, qui sani sunt, Medico, sed qui male habent. Medicus autem, & medicina simul est Cælestis, ac Venerabile Sacramentum, teste Augst. serm. 28. de verb. Domini. Sic Chrysost. in Psal. 22. ad ea verba: Paraſti in conspectu meo mensam, adversus eos, qui tribulant me; dicit, mensam illam esse S. Eucharistiam paratam contra suggestiones inimici, agitationes animi, cupiditates, voluptates, honores sæculi &c., additque hom. 51. in Matth. ut exemplo Hemorrhœis accedamus ad Christum in Eucharistia, obtinendæ sanitatis causa.

„ Hæc dicta sint ad directionem
 „ Confessarii Monialium in concedendo
 „ Monialibus iisdem usu Sacræ Com-
 „ munionis, rarius, aut frequentius,
 „ quam semel in hebdomada. Si autem
 „ aliqua sit Monialis tali fervore de-
 „ votionis prædita, ut postulet acce-
 „ dere quotidie ad Sacram Christi Men-
 „ sam, Confessarius antequam quid-
 „ quam deliberet, diligenter perpen-
 „ dat. Primo, in quo statu, & habitua-
 „ litate fervoris, caritatis, aliarumque
 „ virtutum sit Monialis, quæ ad Com-
 „ munionem quotidianam petit admit-
 „ ti. Secundo, an adit ex parte Mo-
 „ nasterii aliqua circumstantia, propter
 „ quam quotidiana communio possit
 „ Moniali petenti concedi, vel debeat
 „ denegari. Tertio, demum, bene pen-

„ satis omnibus, quæ pro utraque par-
 „ te occurrent; si Monialis ita purita-
 „ te mentis enituerit, & fervore spiri-
 „ tus ita incaluerit, ut digna quotidia-
 „ na Sanctissimi Sacramenti perceptio-
 „ ne videri possit, id illi poterit per-
 „ mittere, ut dicitur in decreto de
 „ Communione quotidiana, edito cum
 „ approbatione, & mandato Pontifi-
 „ cis 12. Februarii 1679., quod hic
 „ appono.

D E C R E T U M

SACRÆ CONGREGATIONIS CONCILII

Circa Communionem quotidianam.

CUM ad aures S. S. D. N. fide di-
 gnorum testimonio pervenerit, in
 quibusdam Diœcesibus vigere usum quo-
 tidiana Communionis, etiam in Peria
 sexta Pasceves, & simul affirmari,
 eandem quotidianam Communionem,
 præceptam esse a jure Divino, quin
 etiam in illius administratione aliquos
 abusus inolevisse; videlicet, quod ali-
 qui non in Ecclesia, sed in privatis Ora-
 toriis, & domi, imo cubantes in le-
 cto, & non laborantes ulla gravis in-
 firmitatis nota, sumant Sacrosanctam
 Eucharistiam, quam argentea theca in-
 clusam in crumena, aut secreto illis de-
 ferunt Sacerdotes seculares, aut regu-
 lares, alique in Communione accipiant
 plures formas, ac particulas, vel gran-
 diores solito; ac tandem quis confitea-
 tur peccata venialia simplici Sacerdoti,
 non approbato ab Episcopo, aut Ordina-
 rio. Cum autem hac Sanctissimus con-
 sideranda commiserit Sac. Congreg. Car-
 dinal. Concil. Trid. interpretum, ea-
 dem Sac. Congregatio prævia matura
 discussione super prædictis unanimi sen-
 tentia ita censuit: Est frequens, quoti-
 dianusque Sacrosanctæ Eucharistiæ usus
 a S. S. Patribus fuerit semper in Eccle-
 sia

sua probatus, numquam tamen aut sapius illam percipiendi, aut ab ea abstinendi certos singulis mensibus, aut hebdomadis dies statuerant, quos nec Concilium Tridentinum præscripsit, sed quasi humanam infirmitatem secum reputaret, nihil precipiens, quid cuperet, tantum indicavit, cum inquit: Optaret quidem Sacrosancta Synodus, ut in singulis Missis fideles adstantes Sacramentali Eucharistia perceptione communicarent, idque non immerito; multiplices enim sunt conscientiarum recessus, varia ob negotia spiritus alienationes, multæ contra gratiæ, & Dei dona parvis concessa, quæ cum humanis oculis scrutari non possint, nihil certi de cuiusque dignitate, atque integritate, & consequenter de frequentiori, aut quotidiano vitalis Panis usu potest constitui; & propterea quod ad negotiatores ipsos attinet, frequens ad Sacram alimoniam percipiendam accessus Confessariorum secreta cordis explorantium iudicio est relinquendus, qui ex conscientiarum puritate, & frequentia fructu, & ad pietatem processu laicis negotiatoribus, & conjugatis, quod prospicient eorum saluti profuturum, id illis præscribere debebunt. In conjugatis autem hoc amplius animadvertant, cum B. Apostolus nolit eos invicem fraudari, nisi forte ex consensu ad tempus, ut vacent orationi, eos serio admoneant, tanto magis ob Sacratissima Eucharistia reverentiam continentia vacandum, puriorque mente ad celestium epularum Communionem esse conveniendum. In hoc igitur Pastorum diligentia potissimum invigilabit, non ut a frequentia, aut quotidiana Sacra Communionis sumptione unica præcepti formula aliqui deterreantur, aut sumendi dies generatim constituantur; sed magis quid singulis permittendum per se, aut Parochos, seu Confessarios sibi decernendum

putet, illudque omnino provideat, ut nemo a Sacro Convivio seu frequenter, seu quotidie accesserit, repellatur; & nihilominus det operam, ut unusquisque digne pro devotionis, & præparationis modo rarius, aut crebrius Domini Corporis suavitatem degustet. Itidem Moniales quotidie Sacram Communionem petentes, admonenda erunt, ut in diebus ex earum Ordinis instituto præstitutis communicent; si quæ vero puritate mentis enticeant, & fervore spiritus ita incaluerint, ut dignæ frequentiori, aut quotidiana Sanctissimi Sacramenti perceptione videri possint, id illis a Superioribus permittatur. Proderit etiam præter Parochorum, & Confessariorum diligentiam opera quoque Concionatorum uti, & cum eis constitutum habere, ut cum fideles ad Sanctissimi Sacramenti frequentiam (quod facere debent) accesserint, statim ad illud sumendum de magna præparatione Orationem habeant, generatimque ostendant, eos, qui ad frequentiore, aut quotidianam salutiferi cibi sumptionem devoto studio excitantur, debere, siquæ laici negotiatores sint, sive conjugati, sive quicumque alii suam agnoscere infirmitatem, ut dignitate Sacramenti, ac Divini Iudicii formidine discant Celestem mensam, in qua Christus est, revereri; & si quando se minus paratos senserint, ab eo abstinere, sequæ ad majorem præparationem accingere. Episcopi autem, in quorum Diocesisbus viget huiusmodi devotio erga Sanctissimum Sacramentum, pro illa gratias Deo agant; eamque ipsi adhibito prudentia, & iudicii temperamento alere debebunt, & ab eorum officio postulari sibi maxime persuadebunt, nulli labori, aut diligentia parcendum, ne omnis irreverentia, & scandali suspicio in veri, & immaculati Agni perceptione tolleretur, virtutesque, ac dona in sumen-

tibus augeantur. Quod abunde continget, si ii, qui devoto hujusmodi studio, Divina praestante gratia, veniant, seque Sacratissimo Pane frequentius resisti cupiunt, suas vires expendere, seque probare, cum timore, & charitate asueverint: quibus Christum Dominum, qui se fidelibus manducandum, & se pretium in morte tradidit, atque in caelesti Regno in praeium est daturus, precatur Sacra Congregatio, ut suam opem ad dignam preparationem, & assumptionem largiatur.

Porro Episcopi, & Parochi, seu Confessarii redarguant asserentes, Communionem quotidianam esse de jure Divino; doceant in Ecclesiis, seu Oratoriis privatis ex dispensatione, seu privilegio Pontificis de manu Sacerdotis sumendam Sanctissimam Eucharistiam; nec eam ullo modo deferendam in crumena, aut secreto ad existentes domi, vel cubantes in lecto, praeterquam ad infirmos, qui ad illam suscipiendam ad loca praedicta accedere non valeant, & ad eos, si ab Ecclesia deferatur publice, & cum pompa, juxta formam Ritualis Romani; si vero ab Oratorio privilegiato, cum forma decenti. Curent etiam, ut circa Communionem in Feria sexta Parasceves, Missalis, Rubrica, & Ecclesiae Romanae usus serventur. Insuper admoneant, nulli tradendas plures Eucharisticae formas, seu particulas, neque grandiores, sed consuetas. Non permittant, ut venialium Confessio fiat simplici Sacerdoti, non approbato ab Episcopo, aut Ordinario. Si Parochi, & Confessarii, etiam Regulares, aut quicumque alii Sacerdotes secus egerint, sciant Deo Opt. Max. rationem reddituros esse, neque defatigam Episcoporum, & Ordinariorum justam, & rigorosam animadversionem in contrasacientes, etiam Regulares, etiam Societatis Jesu, facultate ipsi Episcopis, &

Ordinariis per hoc Decretum per Sedem Apostolicam specialiter attributa. Et facta de praemissis omnibus, ac de verbo ad verbum relatione, Sanctitas Sua approbavit, ac praesens Decretum typis mandari, ac publicari voluit.

Datum Romae 12. Februarii 1679.

Quaerit 19. An, & quibus in casibus Confessarii Monialium possint, & debeant eas admittere ad faciendas generales Confessiones.

179. Resp. Quod, cum usus Confessionum sit valde utilis profectui spirituali contentis, & consequenter multum laudabilis, si ordinetur ad majorem sui confusionem, ac scelerum commissorum detestationem, aut etiam ad tollendos defectus, qui forte intervenire in praeteritis Confessionibus: e contra vero sit admodum perniciosus iis, qui suas repetunt Confessiones vi ingruentium scrupulorum, ac perplexitatum adacti, hinc prudens Confessarius Monialium potest quidem, & debet permittere suis Monialibus, ut Confessionem generalem suorum peccatorum instituunt, sive totius anteaet vitae (si numquam alias illam fecerunt) sive annuam, aut semestrem (uti sit communiter in Societate Jesu), sive alterius certi, ac determinati temporis, si eas vel necessarias, vel utiles judicet: non item, si ad tales generales Confessiones inducantur, eo quod importunis scrupulis agitatae intendunt se liberare ab eorum molestia, & supplere defectus, quos timent a se fuisse commissos in transactis Confessionibus, trepidantes timore, ubi non est timor, sique consequi veram animi pacem, ac quietem; cum potius magis, ac magis ex hujusmodi Confessionum iteratione perturbentur, inquietentur, & gravius scrupulis, ac perplexitatibus, teste experientia, replentur; non secus, ac aqua agitata, si vas, in quo continetur, saepius

sæpius loco dimoveas, non inde tranquillatur, sed magis agitur, ut proinde dicat *Regin.* l. 2. n. 129. eum, qui semel bene confessus est iudicia prudentis, ac docti Confessarii, quiescere debere, neque per frequentes eorumdem peccatorum confessiones vulnera sua refricare, ac renovare, neque quod bene sanatum est, vulnus amplius attingere; sed posteriorum oblitum ad anteriora se convertere, & de misericordia Dei benigne sperare, neque eam securitatem querere, quæ in hac vita haberi non potest, nisi ex peculiari aliqua revelatione.

180. **Q**ua observare debeat Confessarius Monialium in suo munere obeundo.
181. Quæ facultas circa reservata ei competat. Episcopus generaliter concedens sua reservata, concedit etiam reservata quoad Moniales.
182. Qualiter procedi debeat cum infirma, quæ post delatam ipsi Eucharistiam, indicat se pluries confessam fuisse invalide, immo & cum peccatore publico.
183. Qualiter cum ea, quæ accedens ad fenestellam Communionis communicatura idem indicat; quidque ipsa debeat facere.
184. Absolvitur Monialis sensibus destituta, quæ nullo modo potius Confessionem.
185. Confessarius indirecte absolvit a reservatis ad vitandum scandalum, aut infamiam pœnitentis.
186. Eodem modo absolvit a reservatis Monialem agrotantem.
187. Qualiter se gerat cum Moniali existente in proxima occasione peccandi.
188. An, & quando cogere debeat ma-

mentem in occasione proxima ad illam relinquentiam.

189. Et quare.
190. An absolvat eam, quæ sæpe promissit dimittere occasionem, & non dimisit; modo speret fructum.
191. An absolvat moventem in occasione proxima bona fide, si ex efficaciori monitione non speret fructum.
192. Potest, & tenetur regulariter auferre ignorantiam invincibilem a pœnitente, præterquam in casu, quo inutilem putet fore admonitionem.
193. Quid, si ei non constat monitionem esse profuturam, immo nec esse nocituram.
194. Proponuntur varia media ad excitandum verum dolorem peccatorum.
195. Proponuntur media inducentia Monialem pœnitentem ad confitendum peccatum, quod præ verecundia erubescit confiteri.
196. Non absolvenda Monialis, quam certo constat tacere peccatum, quod commisit.
197. Qualiter suppleri debeat defectus a pœnitente factus in præteritis confessionibus.
198. Qualiter interroganda Monialis in confessione.

Quæres 10. Quænam Confessarii Monialium debeant observare, ut munus suum utiliter, ac laudabiliter peragant.

180. Resp. **D**ebere in primis observare sequentia; nimirum Primo ne peculiari propensione affectum uni Moniali magis ostendant, quam alteri, illam apud alios enixius commendando de dotibus, sive naturalibus, sive supernaturalibus ipsi a Deo concessis; Secundo

eundo regulariter curent non retinere diutius in confessione facienda unam potius Monialem, quam aliam (seclusa tamen particulari aliqua indigentia) sed se Patres communes omnibus exhibeant; Tercio in audiendis Confessionibus, ne signo aliquo exteriori ostendant se sthomachari ex auditione alicujus particularis peccati (v. gr. alius suspirando, expundo &c.) Quarto in faciendis interrogationibus maxime circa votum castitatis sint valde cauti, ita ut, nec sibi, nec penitenti injiciant laqueum perditionis: Quinto Moniali accedenti ad Confessionem magnam exhibeant confidentiam: eam adhortantes, ut cor suum effundat sicut aquam, candide, ac sincere confitendo omnes, ac singulos suos excessus: Sexto opportuna suggerant remedia unicuique penitenti, juxta qualitatem proprii morbi spiritualis: Septimo, quantum fieri potest, non interrumpant penitentem inter confitendum, nisi forte in quærendis circumstantiis peccatorum, quæ identidem a confitente manifestantur: idque ne aliqui penitens perturbetur, & sic excidat a memoria reliqua peccata: Octavo si quid occurrat acriori reprehensione dignum, differant reprehendere, usque dum absoluta sit confessio omnium peccatorum; ne alias penitens deterreatur a manifestandis aliis gravioribus excessibus a se patratiss: Nono in confessionibus audiendis severos se potius præsentent, quam familiares; & sicut non debent incutere timorem ei, quam consolari oportet; sic videre debent, ne nimia clementia utantur erga illam, quam acriter inerepare convenit: Decimo caveant, ne se impatientes aut tædio affectos ostendant in progressu confessionis, quam audiunt; sinantque penitentem pro sua voluntate exponere, quæ meminit, ac confiteri statuit, quantumcumque rudi, & crassa Minerva; nulloque modo interrumpant ad effectum se citius expediendi (oppositum quippe potius eveniet, penitente eorumdem peccatorum confessionem, juxta suum ingenium, non semel iterante ad pleniorum propriæ conscientie (ut putat) satisfactionem: Un-

decimo si quam advertant non audere peccatum aliquod confiteri ex superveniente erubescencia, illam benignius solito excipiant, ipsi viscera paternæ compassionis exhibeant, eam animent ad confidentiam, curentque omni studio dicti peccati Confessionem extorquere per varias interrogationes a longe factas circa materiam præfati peccati: Duodecimo in fine Confessionis tradant unicuique penitenti opportuna remedia juxta spirituales cujusque infirmitates, ostendantque quantum dedecet excessus illi manifestati Sponsas Christi per professionem Religiosam Deo peculiariter dicatas; ut sic confundantur ab iniquitatibus suis.

Quæres 21. Quam facultatem habeant Confessarii Monialium circa absolutionem reservatorum.

181. *Resp.* Non habere, nisi illam, quam *sup. c. 8. qu. 15.* diximus illis competere, ut proinde in præsentia nihil novi occurrat, quod hic addamus.

Quod si obiter quæras, an Episcopus concedens Regulari facultatem generalem absolvendi a suis casibus reservatis censetur concedere etiam casus in specie reservatos pro Monialibus subjeclis.

Resp. Videri concedere, nisi ex verbis concessionis, aut aliis circumstantiis concurrentibus prudenter colligatur dictam facultatem ex intentione concedentis fuisse restrictam ad casus reservatos pro sæcularibus; & probatur, tum quia sumus in materia favorabili, quæ latam recipit interpretationem *l. beneficium ff. de constitut. princip.*, tum quia non apparet cur casus reservati pro Monialibus specialem notam requirant, ut non veniant sub generali concessione.

Quæres 22. Qualiter procedere debeat Confessarius cum Moniali infirma, si delata ei communione, antequam communiqueet, dicat se velle confiteri: & in ipsa Confessione indicet se plures Confessiones nullas fecisse, ac irritas.

182. *Resp.* Cum distinctione: vel infirmitas est periculosa, ita ut merito timeri possit Monialem morituram sine confessione,

ne, si ea differatur in aliud tempus; & tunc confitetur cunctis, ut Monialis pro ratione presentis temporis confiteatur eo meliori modo, quo potest, manifestando peccata mortalia, si minus omnia, saltem graviora, quæ ipsi tunc temporis occurrunt (& quidem animo postea revocandi Confessarium ad perficiendam confessionem, minus complete, ac integre factam ob temporis angustiam) nec non generaliter se accusando de omnibus peccatis a se commissis, ac eliciendo actum veræ contritionis, aut saltem attritionis: vel infirmitas non est adeo periculosa; & tunc, si non credatur Moniale expeditum confessionem brevi temporis spatio (v. gr. per dimidiam horam) curet Confessarius, ut illa eliciat verum actum contritionis, animo postea accersendi ipsum Confessarium ad faciendam integram confessionem suorum peccatorum. Ita *Diana par. 1. tract. 3. resolut. 75.* ex Zambrano, & Granada, bene monens ad evitandum huiusmodi inconveniens, consultum esse, ut Confessarii Eucharisticam communionem non deferant infirmo, aut infirmæ, nisi prius explorent, si per se, si per alios, num ante communionem velint confiteri, nec ne. Ratio autem responsionis est, quod in priori casu præmittitur confessio possibilis pro temporis illius opportunitate, confertur infirmæ absolutio Sacramentalis, administratur Eucharistia indigenti, & provide occurrit, tum periculo scandali, tum mortis, quam alias Monialis infirma incurret, si Moniales, quæ comirata sunt augustissimum Eucharistiæ Sacramentum, adfringerentur expectare, usque dum perficereetur exacta confessio: in posteriori vero casu cavetur scandalum, quod gigneretur, si infirma tunc non communicaret; & ex alia parte minus inconveniens est communicare absque præmissa Sacramentali confessione, cum actu veræ contritionis, quam facere illam præpropere, & sine debita præparatione.

183. Quæ doctrina posset applicari proportionaliter ad casum, in quo Monialis ad fenestellam communionis communicatura peteret a Confessario copiam con-

ferendi ipsi quædam sua peccata ante communionem; & Confessarius interim agnosceret Moniale teneri repetere plures confessiones nulliter, ac invalide factas: si enim id fieri non posset absque gravi nota Monialis (sicut revera fieri non posset regulariter), posset Confessarius curare, ut eliceret actum contritionis sub se comprehendentis omnia peccata a se patrata, animo postea commodius reficiendi illas Confessiones nullas, sicque satisfaciendi defectibus commissis in præteritis Confessionibus. Quamquam forte melius esset Moniale in tali casu confiteri aliqua peccata in specie, & alia omnia in genere, eliciendo actum, si minus contritionis, saltem attritionis cadentis super omnia omnino peccata a se commissis eum proposito ea confitendi postea distinctius: sic namque ex attrita posset fieri contrita, & consequenter obtineret remissionem etiam peccatorum distincte non confessorum indirectam: eum alioqui non posset esse certa a se elici actum veræ contritionis, & per consequens vi illius sibi remitti omnia sua peccata.

Quod si hac occasione quæras, an Monialis, quæ præmisit confessionem omnium suorum peccatorum memorie tunc occurrentium, teneatur adire Confessarium, ut ipsi confiteatur peccatum aliquod mortale, cuius recordatur adstans Altari cum aliis Monialibus parata ad communicandum, audiensque Missam, idque, etsi absque scandalo, ac infamie nota possit recedere, & commode, eo quod recordetur peccati, statim post Evangelium v.g.

Resp. Non teneri, sed posse communicare, si communio fiat publice, & coram aliis; præsertim quando Sacerdos jam cæpit actionem sacram, ut si ad effectum communicandi Moniales formulas consecravit, aut pyxidem e Tabernaculo eduxit: ita *Perseus l. 1. de præcipuo Sacerdot. officio cap. 2. n. 94.* citans *n. 94.* pro sua sententia Victoriam, Sotum, Cordubam, Valentiam, Henriquez, & Reginaldum, hanc opinionem expresse docentes contra Scotum, & plures alios ab eodem Perseico relatos; probatque ex eo, quod dict.

Z z

recessit

recessus adiunctam habet aliquam indecentiam (qualis esset, si quis sedens ad mensam Principis recederet, convivio nondum finito) & moraliter in tali casu nunquam deest aliqua nota, aut obmurmuratio: præter quam quod Monialis in præsen- ti casu accedit iusta, & probata per confessionem modo supradicto. Quamvis autem Doctores adducti pro nostra sententia loquantur in specie de laico ad lin- teum Altaris adstante, & parato ad commu- nicandum cum aliis, non autem de Mo- nialibus, quæ communicaturæ non solent adstare ad linteum Altaris, tamen puto idem dicendum esse de Monialibus, quan- do Moniales assistentes Missæ ad commu- nicandum in fine Missæ sunt communica- turæ, nec habent copiam Confessarii, & perinde se habent, ac si adstarent ad lin- teum Altaris, & alias æquiparatorum idem sit iudicium:

Nobiscum sentit *Tamburinus de com- mun. c. 1. §. 8. n. 63.* ex Henriquez, & Vi- ctoria relatis a *Fagund. præc. 3. Eccl. l. 3. c. 9. n. 14.* et si *n. 62.* addat, quod, quam- vis primo aspectu dicendum videatur, eum, qui confessus est ad communican- dum, si ante communionem recorderetur peccati alicujus mortalis obliti, posse eo communicare absque eo, quod tunc illud confiteatur, illud postea confessurus (id- que et si non actu celebret, nec ad lin- teum communicaturus expectet) siqui- dem per confessionem præmissam obtinuit ornatum gratiæ, ad quem obtinendum præscribitur confessio communicaturis in peccato mortali existentibus, & implevit ejusmodi præceptum de præmittenda confessione ante communionem (ut suppo- no) quia tamen praxis fidelium (qui in tali casu solent iterum confiteri, antequam communicent) ostendit præceptum de præmittenda confessione ante communio- nem non esse solum de præmittenda confessione integra formaliter, sed etiam materialiter (ut notat *Card. de Lugo d. 14. de Euchar. a. n. 126.*) propterea in casu proposito sustinendum est, poenitentem teneri confiteri ante communionem pecca- tum, cujus de novo meminit, nisi forte

illius recorderetur, dum actu celebrat, aut communicaturus ad linteum expectat: in quo casu dicit *Tamburinus n. 63.* illum non teneri recedere ad effectum confitendi, et si brevi sit reverfus, nullumque subit infamiz periculum; cum jam sit iustus, at bene dispositus per absolutionem indirec- tam talis peccati obtentam. Immo addit *Tamburinus* eum nec teneri elicere tunc actum contritionis, cum jam sit iustus; sic- que sufficit ipsum habere voluntatem, peccatum dictum confitendi debito tem- pore.

Quæres 23. An Confessarius Monia- lium possit absolvere Sacramentaliter Mo- nialem ex repentino morbo sensibus omnino destitutam, qua nec potius confessionem, nec ullum dedit signum contritionis.

184. Resp. Videri posse, adhibita con- ditione: ita non pauci DD. apud *Dianam par. 3. tract. 2. resol. 8.* quorum sententiam testantur viri fide digni privatim docuisse *Suarez*, immo & practicasse, novissime edidit *Romæ Lezana in summa v. confessio n. 11.*, & nos ipsi fusius probabimus in *tractatu nostro de privilegiis cap. 3. sect. 2. subsect. 2. qu. 15.* & quidem probabiliter, tam ob autoritatem Doctorum eam sus- tinentium, tum etiam ob rationes, quas adducunt, quæ licet patiantur difficulta- tes, ex tamen sunt, ut in præsen- ti casu locum habere possit doctrina, quam tradi- dit *Vivus in appendice ad propositiones dam- natas §. ultimo dubit. 4. ex Ursing. tract. 6. disp. 6. qu. 4. n. 146.* scilicet; „ Quando- cumque datur saltem tenuis probabili- tas, quod Sacramentum non ministra- tur invalide, & simul datur summa ne- cessitas talis Sacramenti, tunc Sacra- mentum licite administratur (saltem sub conditione); nulla enim tunc ir- rogatur Sacramento, seu potius insti- tutori Sacramentorum irreverentia, eo quod non administretur temere, ac irrationabiliter, sed juxta voluntatem Institutoris. Præter quam quod satis pro- babile est id, quod docet *Diana supra*, & *Cardenas tom. 1. Crisis Theologicæ par. 2. disp. 48. cap. 1. §. 3.* cum sequentibus, ubi citat Doctores triginta octo pro- hac

„ hac sententia, quibus adde *Viva loco*
 „ cit. 6.11. *La Croix lib.6. par.2. n.1162.*
 „ *Reinssuetuel in Theologia morali tract.14.*
 „ *dist.7. qu.6. n.70.* dicentem in proposito
 „ casu adesse materiam proximam sensibili-
 „ tem Sacramenti, saltem dubiam, quæ per
 „ ratificationem, & famam publicam effi-
 „ ciatur præfens, quatenus vir probus,
 „ & Christiano more vivens supponitur
 „ frequenter, & præsertim in tali casu
 „ conteri, & dolere de suis peccatis, &
 „ quatenus crebra respiratio, & creber
 „ anhelitus, & alii similes actus, qui sunt
 „ ordinaria signa doloris corporalis, &
 „ naturæ patientis, esse possunt in homi-
 „ ne Catholico, præsertim Religioso, &
 „ moribundo confessio aliqua sensibilibus
 „ peccatorum, saltem dubia, ordinata ad
 „ Sacramentalem confessionem; cum pos-
 „ sit prudenter dubitari, quod ille mori-
 „ bundus interne a Deo illuminatus, &
 „ dispositus conetur edere illos actus ex
 „ desiderio absolutionis, sicut se fecisse,
 „ & sibi accidisse testatur Marchantius,
 „ in simili casu apud citatum Cardenas.

Sic *Jos. Prepositus qu.4. citata d.5.*
 sustinet licitum esse impendere absolutio-
 nem Sacramentalem ægroto periculose la-
 beranti, qui vocavit Sacerdotem, ut con-
 fiteretur, aut dedit signa contritionis, &
 antequam veniat Sacerdos privatur usu
 rationis, nec ullum signum coram eo ede-
 re potest: idque etiam post decretum Cle-
 mentis VIII. Sed in his non vacat diu-
 tius immorari.

Quæres 24. Quid debeat facere Confes-
sarius, si quam Monialem reperiat incidisse
in casum aliquem reservatum; & alias ipsi
insister necessitas communicandi, ita ut abs-
que nota infamia, ac gravi periculo scan-
dali omittere nequeat communionem.

185. *Resp.* Quod, cum in isto casu
 concurrat iusta causa absolvendi a refer-
 vatis, nempe vitatio scandalii, ac infam-
 iæ proximi, & alias non possit commo-
 de adiri Superior, neque a Moniali; ut
 patet, neque a Confessario, ut suppono,
 poterit Confessarius, immo & debet ab-
 solvere hujusmodi Monialem; directe qui-
 dem a non reservatis, indirecte vero a re-

servatis: idque sive reservatam habeant
 annexam excommunicationem, sive non.
 Patet ex doctrina, quam tradunt *Suarez*
d.30. de penitent. sect.3. num.3., Filliuc.
tract.7. n.303. & plures alii penes ipsos
 generaliter docentes Confessarium infe-
 riorum posse absolvere a reservatis, quo-
 tiescumque adest iusta causa id faciendi,
 & non potest conveniri Superior. Cujus
 doctrinæ ea est ratio, quod integritas for-
 malis sufficit ad valorem Sacramenti: hæc
 autem adest in præfenti casu, ut patet.
 Dixi idque sive reservatam habeat an-
 nexam excommunicationem: tunc enim præ-
 sens questio apud DD. majorem habet
 difficultatem: nihilominus etiam in tali
 eventu placet pars affirmans, quam esse
 communiorum testatur *Suarez*: & proba-
 tur, quia excommunicatio non reddit po-
 nitentem simpliciter incapacem absolutio-
 nis, si interveniat bona fides; sed tan-
 tum facit, ut non possit licite absolvi a
 peccatis, quin prius absolvatur ab excom-
 municatione: quando autem urget neces-
 sitas, sicut licitum est tunc communicare,
 ita & licitum erit confiteri; cum eodem
 præcepto utrumque æqualiter sit prohibi-
 tum, nec major addit ratio de uno, quam
 de alio. Interim tamen debet Confessa-
 rius procurare facultatem reservatorum a
 legitimo Superiore, ut vigore illius Mo-
 nialium modo dicto absolutam a reservatis
 directe absolvat.

Quæres 25. An Confessarius Monia-
lium casu, quo ingreditur ad audiendam
confessionem Monialis infirmæ, non existen-
tis tamen in probabili periculo mortis,
possit illam modo supradicto absolovere in-
directe, etiam a reservatis, si quibus illam
forte inveniat irretitam.

186. *Resp.* Videri non improbabile,
 quod possit; & hoc ob doctrinam tradi-
 tam a *Layman l.5. tract.6. cap.12. qu.5.*
n.12. his verbis: *si penitens bona fide ad*
confessionem venerit, vel quia nescivit tale
peccatum Superiori reservatum esse, vel
si sciverit, existimavit tamen legitime se
ab inferiori Sacerdote absolvi posse, cum
obligatione postea tempore opportuno se
presentandi Prælato, in hoc casu arbitror

plerumque absolutionem dari posse, modo penitens, præter reservatum, aliud peccatum absolutioni subiciat; ratio est partim, quia aliqualis necessitas urget; siquidem penitens agro animo discedet absque absolutione, cum ex sua parte bene dispositus sit; partim, quia graves doctores absolute docent, quod Sacerdos penitentem, qui peccata reservata habet, absolvere possit, cum onere, ut ea sola Superiori postea consiteatur, & ab illis directe absolvatur: excipe, nisi excommunicatio annexa sit: hæc Layman, & bene, quæ satis congrue videntur posse adaptari ad præsentem casum, & quidem a fortiori, ob peculiarias circumstantias penitentis, quæ est Monialis adstrictæ lege clausuræ, adeoque non potest habere copiam Confessarii, sicut habent fœminæ seculares, & est infirma, ac persona religiosa, sique valde ægre ferret se inabsolutum dimitti a Confessario. Quod autem dicit Layman. excipe nisi excommunicatio sit annexa, non videtur obstat doctrinæ traditæ quæ præcedenti, nimirum in casu necessitatis urgentis inferiorem posse absolvere a reservatis, etiam si annexam habeant excommunicationem: siquidem, cum ipsemet Laym. hoc idem concedat n. 16. in casu magnæ necessitatis (v.g. ad vitandam infamiam) eatenus id negat in præsentis eventu, quatenus in eo non videtur subesse magna necessitas: veluti subest in casu, quo agitur de vitanda infamia penitentis, aut alio simili: quare & mihi probatur exceptio ista appositæ a Layman, cum sit valde rationabilis.

Quæres 26. *Qualiter debeat procedere Confessarius cum Moniali penitente existente in occasione proxima peccandi, sive domesticæ, sive externæ.*

187. *Resp.* Quod, cum regula communis sit, manentem in occasione proxima peccandi teneri eam derelinquere, nec posse absolvi, si potens illam derelinquere vere non statuat eam deferere; Confessarius in isto casu non potest, nec debet Monialem absolvere, si ex concurrentibus circumstantiis videat illam posse dimittere talem occasionem absque scan-

dalo, gravi infamia, aut damno magno, sive spirituali, sive temporali, & tamen nolle: patet, quia volens manere in periculo morali labendi in peccatum non præsumitur habere propositum efficax non peccandi; cum ex obligatione vitandi peccatum exurgat obligatio vitandi ea, quæ morali necessitate secum trahunt peccatum, saltem quando moraliter vitari possunt: est communis Doctorum.

Quod si quæras, an Confessarius debeat cogere Monialem ad vitandam occasionem proximam ei per aliquod tempus præmissam ob grave damnum, quod ei provenire poterat ex remotione dictæ occasionis, si progressu temporis videat illam semper eodem modo relabi, nec in ea reperiri ullam emendationem: idque etiam si idem damnum in præsentia ipsi imminet.

188. „ Respondeo debere cogere, „ quando occasio est voluntaria, & libera, juxta damnationem propos. 60. inter damnatas ab Innoc. XI. Penitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio, „ dummodo ore præferat se dolere, & proponere emendationem: & propos. 62. Proxima occasio peccandi non est fugienda, quando causa aliqua utilis, aut honesta non fugiendi occurrit.

189. „ Ratio est, quia ex præfata experientia argui potest Monialem in præsentia carere vero dolore, ac proposito requisito: qui enim efficaciter proponit, & serio rem aliquam, quam aliunde moraliter implere potest, non adeo facile obliviscitur statim sui propositi, sed saltem per aliquod tempus perseverat, & difficilius, vel rarius cadit.

An autem Confessarius possit per aliquos dies differre absolutionem Moniali, quæ sæpe promissit dimittere occasionem proximam peccandi, & nunquam dimisit; si possit probabiliter credere ei dicenti se hic, & nunc habere dolorem, ac verum propositum; idque ad eam melius probandam.

199. *Resp.* Videri posse; & ratio est, quod,

quod, quamvis pœnitens debite dispositus, facta Confessione, habeat jus ad sententiam, & ad absolutionem, non tamen habet jus ad hoc, ut statim proferatur sententia; siquidem potest iudex arbitrari, quomodo, & quando debeat utilis proferri sententia; sique potest præmittere exhortationem spirituales, aut etiam præcipere, ut prius impleat hanc, vel illam pœnitentiam per modum medicinæ injunctam, si id iudicet expedire bono spirituali ipsius pœnitentis: hæc *Jo. de Lugo* ex communi sensu Theologorum, *sup. num. 168. 169., & 170.* addens ex Palatio, apud Græcos neminem ante expletam pœnitentiam sacramentaliter absolvi; hincque inferens non esse contra jus pœnitentis, si in ejus utilitatem interdum absolutio differatur; quidquid in contrarium sentiat *Sanctius in selectis d. 9. n. 6., & seqq.*

Oritur hic dubium, an Confessarius possit absolvere Monialem pertinaciter existentem in proxima occasione peccandi, si ex concurrentibus circumstantiis probabiliter conjiciat illam quoad hoc esse in bona fide (quod invincibiliter credit permanentiam in dicta occasione sibi non esse peccaminosam, nec putat se teneri sub novo peccato illam dimittere), & alias idem Confessarius moraliter certus sit, præfatam Monialem ex propria fragilitate non recesuram a dicta occasione, si id ei præcipiat, sique se nullum emendationis fructum consecuturum ex tali admonitione, imo ei potius injecurum laqueum novi peccati.

191. Resp., Valde difficile esse generalem tradere responsionem in hac questione in terminis universalibus proposita; regula enim, quæ militat in una materia, in una occasione proxima, in aliquibus circumstantiis, & cum aliquibus personis, non militat in alia materia, in diversa occasione proxima, cum aliis personis, & in aliis circumstantiis; & non semper, & eodem modo potest Confessarius firmare iudicium prudens, quod vitabile Monialis per media illi præscribenda periculum formale proximum peccandi. Propterea in hac re ni-

hil volo determinare. Observabo tamen aliqua, quæ poterunt Confessario in hoc puncto prodesse, ne cum magno suæ, & alienæ salutis periculo erret. *Observo 1. cum de Lugo disp. 22. de pœnit. sect. 2. num. 24., Sanchez lib. 2. de matrim. disp. 38., & aliis, quod, ut ut in sequenti numero fusius explicabo, si Confessarius comperiat pœnitentem laborare aliqua ignorantia invincibili, non tenetur, per se loquendo, mone- re pœnitentem, si ea monitio plus sit nocitura, quam profectura. Observo 2. cum Cardenas part. 1. Crisis tractat. 1. disp. 18. cap. 14. num. 234. cum sequentibus usque ad finem, hanc doctrinam generalem periculosissime applicari circa obligationem expellendi occasionem proximam: primo, quia peccatori occasionario probabilissime plus nocetis taciturnitas Confessarii, quam monitio: etenim, ut dicit citat. Cardenas, monitio, & absolutionis negatio maxime deterret pœnitentes a continuatione occasionis, & pœnitens, qui si non moneatur, perseverabit in occasione proxima, si moneatur, & absolutione privetur, punctus conscientia, stimulis, si non statim, aliquando saltem emendabitur. Unde genus pietatis est in hac re esse crudelem. Secundo, quia, ea doctrina admissa in hac materia occasionis proxima, aperitur via Confessariis timidis, ut sibi facile persuadeant peccatores occasionarios, qui ad eorum genus provolvuntur, invincibiliter ignorare propriam obligationem. Observo tertio non posse facile hanc ignorantiam præsumi in peccatore occasionario: est enim ignorantia de re notissima, & quæ passim a Concionatoribus reprehenditur.*

Quæres 27. An Confessarius possit, & teneatur auferre Moniali pœnitenti ignorantiam circa peccata, quæ committit.

192. Resp. Posse, & teneri, si ignorantia, seu conscientia erronea sit contra ipsam Monialem, eo quod ex conscientia erronea putet esse peccatum id, quod revera non est: aut certe quod ignorantia sit

sit vincibilis, & culpabilis: in his quippe casibus, quamdiu perseverat ignorantia, pœnitens est indisposita ad absolutionem, & non vitat, sed causat peccatum, ac ejus perseverantiam. Secus, si ignorantia sit invincibilis, sive facti, sive juris, tam humani, quam divini, aut naturalis, & Confessarius ex concurrentibus circumstantiis pœnitentis prudenter conjiciat suam monitionem vere nihil profuturam, immo potius infesturam laqueos pœnitenti, itaut incipiat facere cum peccato, quod prius licite faciebat: tunc enim debet omittere admonitionem: ideoque esto pœnitens interdum dubitaverit; si tamen postea ex aliorum consilio, aut alia de causa dubium deposuerit, & jam nunc in bona fide invincibiliter reperitur, & aliqui Confessarius speret pœnitentem libenter suscepturam monitionem, interim videns remedium esse difficillimum. Ratio responsionis est, quod, sicut officium docendi competens Confessario non ligat cum gravissimo damno ipsius Confessarii, sic nec obligat cum gravi detrimento pœnitentis, si alias is excusetur a peccato formali ratione ignorantix invincibilis: cum enim doctrina ordinetur ad bonum pœnitentis, considerandum est, tum malum violationis legis Dei materialis, & absque peccato, tum malum temporale, quod incurreretur ex monitione, & oblatione ignorantix; hoc siquidem potest ei praponderare, & tunc monitio omitti debet: ita Sanchez l.2. de matr. d.38. num.6., & 10., alique plurimi ab ipso relati, quos sequitur Jo. de Lugo sup. d.22. num.23., 24., & 27. monens num.29. minus consequenter videri dictum, quod habet Sanchez num. 14. Confessarium scilicet, si a pœnitente, non cum dubio, sed ex scrupulo interrogetur de re, cujus habet ignorantiam, posse tacere, aut etiam respondere, quod deponat scrupulum: nam scrupulus non impedit bonam fidem, nec ignorantiam invincibilem, quæ ipsum excusat; quamquam alias concedi possit: Confessarium in isto casu posse dissimulare, & non respondere, ut sic pœnitens remaneat in bona fide, quam prius habebat.

Dices, quid si Confessarius nec sciat admonitionem in casu proposito esse obfuturam, nec etiam sciat esse profuturam: teneatur ne in tali dubio monere pœnitentem laborantem ignorantia invincibili.

193. Resp. Jo. de Lugo nu.31. distinguendo; vel Confessarius ita dubitat de profectu pœnitentis, ut non timeat damnum; & tenetur illum monere, tum ex charitate, tum ex officio magistri, ac Pastoris, ut in simili docet Granado 2. 2. controv.3. tract.12. d.1. num.6. de dubitante, num correctio sit profutura, necne; vel dubitat an monitio sit profutura, aut obfutura, & tunc facta comparatione utilitatis, ac damni, & gradus timoris, ac spei, omnibus bene pensatis, eligendum est illud, quod judicabitur praponderare: cum enim finis admonitionis, aut silentii sit bonum pœnitentis, aut etiam publicum, quando illud intervenit, in eam partem inclinandum est, quæ juxta prapresentem statum creditur eligibilior.

Quæres 28. Quo pacto debeat Confessarius se gerere cum Moniali non habente verum dolorem suorum peccatorum, ac propositum non peccandi.

194. Resp. Debere pro viribus conari, ut ipsam excitet ad veram detestationem suorum peccatorum, & firmum propositum non peccandi de cætero: idque ei gravitatem dictorum peccatorum ostendendo, sive in genere, sive in specie, prout hic, & nunc judicabitur fore utilius, proponendo damna innumera peccantibus provenientia, tam spiritualia, quam temporalia, atrocissima tormenta, quæ manent damnatis ferenda in inferno, & supplicia gravissima, quæ a Deo etiam in præsentem vitam non raro solent infligi delinquentibus, exaggerando atrocitatem cruciatuum, ac dolorum, quos filius Dei sustinuit ad humani generis redemptionem, mortis certitudinem, ac incertitudinem in memoriam revocando; recensendo plurima, & maxima beneficia, quæ Deus large confert etiam iis, qui ipsum offendunt: alique id genus referendo, quæ hic, & nunc opportuniora censeantur ad verum dolorem, ac propositum pœnitenti

nitenti insinuandum : quod si ea nihilominus indicet se carere debito dolore , ac proposito , nullo modo debet absolvi , ut pote non habens sufficientem dispositionem . Illud tamen in presenti casu bene advertendum est , quod , si constet pœnitentem difficilius propositorum non peccare amplius in certo genere peccati , prudens Confessarius non debet ei proponere in specie , num firmiter statuatur abstinere ab illo genere peccati , sed solum in communi , num , Deo adjuvante , proponatur abstinere a quacumque Dei offensa mortali : sic enim facilius , & securius extorquetur Confessarius verum dolorem , ac propositum de cetero non peccandi a pœnitente .

Quæres 29. Quibus mediis possit , ac debeat Confessarius juvare Monialem non audentem confiteri peccatum aliquod ex nimia erubescenzia .

195. *Resp.* Possit , & debere juvare sequentibus mediis , aut aliis similibus , quæ hic , & nunc Spiritus Sancti unctio edocebit : 1. Monialem adhortando , ut si quid habet , quod præ verecundia erubescat dicere , saltem in genere fateatur se conscientiam habere oneratam gravi quodam peccato , quod nullo modo audeat dicere : sic enim Confessarius ex tali noticia paulatim summa cum dextertate expressam dicti peccati confessionem extorquetur , & quidem minori cum erubescenzia pœnitentis : 2. proponendo , ut peccatum , quod erubescit fateri verbis , saltem conficatur ex scripto , illud in pagella describendo , eamque tradendo presenti Confessario , nec non aperte ei significando se veniam humiliter petere peccati eo modo manifestati quo casu Confessarius interrogabit de circumstantiis præfati peccati , si quæ minus sufficienter expresse sunt , & postea pagellam comburet , aut reddet ipsi pœnitenti (quam doctrinam in specie tradit . *Jo. Præpositus* in 3. qu. 4. de pœnit. d. 1. num. 71.) : 3. monendo ante Confessionem , ut si quid habet pœnitens , quod fateri erubescat , primo loco aperiat offerens Deo in suorum criminum satisfactionem erubescenziam , ac confusionem ex

tali confessione sentiendam (quod quantum sit meriti eorum Deo suadet usus confessionum generalium non necessariarum , quæ a viris piis interdum sunt ad maiorem sui humilitatem , ac confusionem) : 4. ostendendo Moniali ipsam maiorem sensuram esse confusionem in die iudicii , quando non uni tantum , sed universo Orbi , ac omnibus Angelis , & hominibus a supremo Iudice manifestabitur peccatum illud , quod ipsam adeo pudet aperire soli Confessario , & quidem cum strictissima obligatione sigilli : 5. suggerendo exemplum aliquod formidabile supplicii a Deo infligti ob reticentiam peccati alicujus factam ex verecundia in Sacramentali confessione : 6. significando , quod , sicut ad recuperandam corporis sanitatem habens plura vulnera , ea detegit Chirurgus , nullo prorsus ei occultato , varioque , ac gravissimos dolores suffert ; sic pœnitens ad acquirendam animæ salutem debet aperire Confessario ulcera sua spiritualia , nempe peccata a se commissa , quantumvis turpissima , cum hinc pendeat æterna salus , aut sempiterna damnatio : 7. pœnitentem certiores reddendo Confessarios nequaquam scandalizari ex confessione peccatorum , licet turpissimorum ; nec ideo deponere bonam opinionem , quam prius habebant de pœnitente , immo potius magis affici ipsi , ac suspicere quam maxime singularem sui ipsius victoriam obtentam in manifestatione peccati adeo atrocis ; præter quamquod communiter Confessarius in excipiendis Confessionibus non audit a pœnitentibus peccata ita enormia , ut longe enormiora antea non audierit , aut in posterum auditurus non sit : 8. in memoriam revocando pœnitenti , quod , si tanta laborat verecundia in detegendo peccato illo turpi proprio Confessario ; longe maiorem sentiet erubescenziam postea , quando cogetur aperire non solum peccatum illud , sed etiam sacrilegia commissa in repetitis Confessionibus ex ejus reticenzia : sic enim est error peior priore : 9. indicando , quod cum dicere uni , præsertim viro prudenti , ac taciturno , perinde sit , ac dicere nulli ; &

alio-

alioqui Confessarius ita stricte teneatur servare sigillum confessionis, ut illud violare non possit, neque ad servandam propriam vitam: non est, cur timeat pœnitens peccata sua fore aliis manifestanda, ideoque suam famam apud alios periclitandam esse: his, inquam, aut aliis similibus mediis juvare poterit prudens, pius, ac discretus Confessarius Monialem pœnitentem, si quam forte inveniat minus paratam ad manifestanda omnia sua peccata; idque ex maxima verecundia, quæ illam adco urgeat, ut omnino desperet se adductum iri ad faciendam confessionem omnino integram.

Placet hic proponere, & solvere difficultatem, quæ olim fuit mihi proposita, his verbis: Monialis recenter incurrit quoddam peccatum turpe, quod ipsa erubescit confiteri tamquam de novo commissum: queritur, an licite, petita a Confessario facultate faciendi ipsi confessionem generalem antea hæc vita, eaque obtenta, cum aliis suis peccatis alias rite confessi possit fateri etiam peccatum recens commissum, sicque satisfaciat sua obligationi.

Resp. Diana part. 3. tract. 4. resol. 62. ex Sanchez, Conincho, & Bonacina id posse fieri: & probat, tum quia juxta Doctores allegatos probabile est pœnitentem in confessione non teneri dicere se tale peccatum commississe post ultimam confessionem (nisi forte ob aliquam peculiarem circumstantiam mutantem speciem, quæ necessario exprimi debeat) sicque sciens, aut dubitans se tale peccatum jam fuisse confessum, non tenetur dicere, se alias fuisse confessum, vel de hoc dubitare (quæ doctrina utique procedit etiam in casu hic proposito, ut consideranti constabit), tum quia in isto casu valde parum variatur judicium Confessarii; ideoque ex hoc capite damnari non debet talis modus confitendi. Nec obstat, quod in tali casu Confessarius non potest dignoscere an peccatum illud, quod de novo commissum est, cadat sub ejus potestate; cum possit contingere illud modo esse reservatum, & Confessarius prudenter cre-

dere possit illud alias fuisse & confessum, & remissum, adeoque non esse amplius reservatum: nam Monialis per tertiam personam potest petere a Superiore facultatem reservatorum pro una Moniali non nominata: sicque Confessarius poterit absolvere ab illo reservato, etsi ignoret facultatem fuisse recens obtentam a Moniali pœnitente. Non obstat item, quod forte peccatum de novo commissum includat novam malitiam, v. gr. Sacrilegii contra votum castitatis, quam Confessarius non percipiet, forte supponens illud peccatum fuisse commissum ante Professionem Religiosam: Monialis enim, ut id manifestet Confessario, poterit in confessione dicti peccati exprimere se illud commississe, dum esset adstricta voto castitatis, non declarando se tunc fuisse professam.

„ Duo tamen observare debet prudens Confessarius, ne erret, prædictam audiens generalem confessionem. Primum est, ut cum primum in actu confessionis aperuerit Monialis peccatum reservatum, eam prudenter, & per hæc verba generalia interroget: an reservatio ablata sit, quia si sic interroget, fiet certus de sua jurisdictione, & nullam causabit in Moniali prædicta erubescitiam, necessitando illam ad confitendum suum peccatum, tamquam de novo commissum. Alterum est, ut si audiat peccatum concernens occasionem proximam, opportunas pariter interrogationes adhibeat, ut sciat, an ea occasio proxima sit ablata, vel per fugam circumstantiæ externæ, vel per ablationem periculi formalis proximi peccandi, ne alias Monialem relinquat sine necessaria medicina. Sine istis autem cautelis nunquam antea hæc vitæ confessionem confuso illo modo faciendam permittere poterit Confessarius. Addo insuper, in casu prædicto munus Confessarii esse ita se gerere in injungenda pœnitentia, ut ea esset: possit proportionata peccatis auditis, etiam pro casu, quod illorum aliqua fuissent de novo commissæ post ultimam confessionem.

Quod

Quod si hac occasione quæras, quid debeat facere Confessarius, si sciat Monialem penitentem comisisse aliquod peccatum, quod nec ex se, nec interrogata confiteatur ..

Resp. Confessarium in tali casu, si certo sciat Monialem comisisse aliquod peccatum, & etiam evidenter sciat illam non fuisse illud confessam, cum alias nullam habeat iustam causam illud reticendi, nec posse, nec debere illam absolvere: patet, quia non licet absolvere penitentem indispositam: talis autem est Monialis in præsentis casu: ita Suarez d. 32. de pœnit. sect. 3. num. 9., Henrici lib. 6. c. 20. num. 6., Fagundez præc. 2. Eccl. lib. 6. c. 4. num. 38., Jo. de Lugo d. 22. de pœnit. n. 21., aliique communiter contra Megalam 1. p. lib. 1. cap. 2. num. 12. sustinentem, quod, cum possit contingere penitentem habere causam rationabilem (saltem in apprehensione) reticendi aliquod peccatum, potest Confessarius sæpe exiimare penitentem negantem peccatum a se commissum, id negare ex causa rationabili, saltem putata, ideoque non intervenire defectum integritatis requisitæ formalem, sed solum materiale: quamquam hoc ipsum non negarent citati Doctores; sicque quo ad hoc non dissentit Megala, ut notavit Jo. de Lugo.

Quæres 30. Quid debeat facere Confessarius, si Monialem reperiat in præteritis Confessionibus minus integre confessam fuisse, sive ex propria, sive ex aliorum Confessariorum incuria; v. gr. non exprimendo numerum peccatorum mortalium, aut circumstantias mutantes speciem.

197. *Resp.* Distinguen-do; vel Monialis est prudens, ac vividioris ingenii, ita ut credi possit probabiliter ipsam, præmissis diligentiori examine, exactius confessuram esse propria peccata, ac suppleturam defectus commissos in præcedentibus confessionibus; & sic Confessarius debet illam dimittere, ut propriam conscientiam disciat, postea reditura ad debitam confessionem faciendam (si quidem confessio differri possit absque nota infamiae, ac periculo scandali; alias facere debet Confes-

sarius, quod diximus *sup. qu. 24.*) vel Monialis est rudioris, ac hebetioris ingenii, ita ut, quamquam millies remittatur ad examinandam conscientiam, non ideo melius sit se examinatura, aut exactius confessura, quam si statim a Confessario prudenti debite interrogetur; & tunc communiter non debet dimitti, ut se examinet, ac redeat; sed statim debet interrogari a Confessario, cujus auxilio ea exactius supplebit defectus commissos, quam si millies se examinaret; unde notat Cardinalis de Lugo *sup. d. 16. n. 593.* excusari Confessarios, qui inventientes penitentem minus sufficienter præparatum, illum tamen non dimittunt, ut se præparet, ac diligenter præmissis examine redeat; sed potius illum statim interrogant, & quidem circa aliqua peccata, quorum penitens non meminerat ex improvviso, interrogant numerum, qui alias absque aliqua recognitione, non nisi temere, aut cum magna confusione videtur posse ex improvviso dici a penitente. Immo addit Jo. de Lugo posse evenire, quod Confessarius inveniat penitentem indigere generali confessione ob confessiones irritas præcedentes, & tamen persona sit talis, ut possit statim examinari, & audiri de tota vita; cum non sit spes illam sibi relictam melius examen facturam esse, quam illud, quod, juvante Confessario, ibi facere poterit. Quod etiam approbat Vasquez 3. p. qu. 93. art. 3. d. 7. n. 5. dicens rusticos, licet inveniantur negligenter examinati, non esse communiter dimittendos, ut se examinent, & redeant; quia de iis præsumitur, licet millies se examinent, non fore magis aptos, quam si a Confessario breviter interrogentur, ac examinentur.

198. Et certe (ut id obiter dicam) examen, ac interrogatio Confessarii debet fieri juxta regulam prudentiæ, & quidem non metaphysice, sed moraliter, & humano modo, ita ut Sacramento non reddatur onerosum, sed sit facile remedium, & debili hominum conditioni accommodatum, prout a Christo fuit institutum. Quare Confessarius debet se accommodare penitenti, & notitiam peccatorum a

singulis exquirere juxta ipsorum capacitate, subtiliorem a subtilioribus, crassiorē a crassioribus, breviorē ab infirmioribus, & minus exactam ab eo, qui plura habet peccata, quam, qui pauciora: & ratio est, quod, cum Sacramentum poenitentiae requirat solum diligentiam moralem, ac examen humanum, & hoc sit illud, quod non gignit ex se fastidium, & tedium ipsius Sacramenti, sequitur minus distinctam notitiam requirendam esse ab illo, qui ratione incapacitatis, aut morbi, aut multitudinis peccatorum, aut alia de causa difficilius potest exactiorem reddere notitiam. Ita Card. de Lugo sup. n. 594. qui in Epistola ad Lectorem posita in tomo citat. de poenit. sequentem tradit doctrinam perpetuo Confessarii retinendam; *Ceterum in hac potissimum materia* (id est in administrando poenitentiae Sacramento) *si in qua alia, Lectoris prudentia desideratur, ut non statim terreatur regulis quibusdam generalibus, quae tradi solent; sed meminerit non omnia, quae juxta metaphysicam, & scholasticam disputationem vera significantur, debere eo ipso, aut posse in unumquemque ad praxim applicari: nam ad praxim hujus Sacramenti considerandum non solum est, quid utcumque verum quasi in abstracto sit, sed quid etiam moraliter, humano modo fieri possit, & debeat: ita ut remedium hoc suavitatem, ac dulcedinem plenum non fiat sua difficultate impossibile, vel horrorem nimium ingeneret humana fragilitati.*

199. **Q**uo pacto Confessarius debeat supplere defectum a se commissum in Confessione audita.
200. Tenetur monere poenitentem de dicto defectu, si ad ipsum redeat confitendi causa, servatis tamen servandis: quod non concedit Filliucius.
201. Poenitens, etsi credatur bene examinatus, interrogandus de iis, quae omittit.
202. Putat Sancius, poenitentem non debere interrogari de consuetu-

dine peccandi; sed rejicitur communiter, & merito.

203. Confessio Mivialis Jurda, aut Jurdastra qualiter audienda.
204. Afferuntur aliqua remedia contra scrupulos: ostenditur item non esse iterum confitendum peccatum confessum cum circumstantiis necessariis, quod, cum vere sit mortale, a Confessario creditur esse solum veniale, & hoc ipsam sequitur a poenitente.
205. Traduntur remedia generalia contra peccata.
206. Confessiones invalidae, qualiter revalidanda.
207. Quid, si poenitens sciat se fuisse confessum Confessario dormienti, aut distracto.
208. Poenitentia Sacramentalis praevidenter imponenda.
209. Notantur aliqua de impositione poenitentiae Sacramentalis.
210. Abstinencia a communione Eucharistica injungi potest per modum poenitentiae.
211. Item imponi possunt opera facienda pro defunctis.
212. Qualis poenitentia imponenda in mortis articulo: qualis summa restitutio: & qualis retractatio doctrinae falsae: quid si hac irrepsit in libro impresso.
213. Opera aliunde debita imponi possunt titulo poenitentiae.
214. Item & opera per alium praestanda.
215. Poenitentia Sacramentalis potest imponi etiam post absolutionem, immo & mutari post longum tempus.
216. Confessarius in aliquibus casibus loquitur cum poenitente de auditis in confessione.

Quæres 31. *Qualiter debeat Confessarius supplere defectum ab ipso commissum in Confessione penitentis.*

199. Resp. CUM distinctione vel defectus fuit commissus circa substantiam, & valorem Sacramenti, eo quod absolutio collata sit absque debita jurisdictione, aut necessaria dispositione penitentis; & sic Confessarius debet monere penitentem de commissio defectu (petita tamen prius facultate loquendi de auditis in Confessione), & quidem etiam cum suo gravi damno, si cum culpa gravi, ac mortali defectum illum commisit; constat quippe in aliis materiis, & præsertim in materia iustitiæ damnum illatum proximo culpabiliter strictiori obligatione debere reparari, quam illud, quod inculpabiliter illatum est: vel defectus commissus est in damnum tertii, eo quod non fuit præscripta penitenti debita restitutio, aut certe præscripta est indebita; & tunc Confessarius tenetur monere penitentem; sive defectum commiserit positive, dicendo penitenti ipsum non teneri restituere; sive negative, non præscribendo debitam restitutionem, non tamen cum magno incommodo, si absque gravi culpa talem defectum modis prædictis commisit: quod si commisit cum gravi culpa, tenetur, etiam cum magno incommodo, & quidem etiam de damno, sive positive, sive negative in illud influxerit; cum quilibet culpabiliter proximum damnificans teneatur de damno, sive positive, sive negative illud intulerit. Quod non procedit in casu, quo damnum inferatur absque gravi culpa; cum tunc obligatio reparandi damnum illatum sit minor, utpote proveniens sine injusta læsione, ac proinde non adstringat cum novo incommodo: vel denique defectus commissus est solum contra integritatem Confessionis, non examinando, aut non interrogando sufficientem numerum, aut species, aut alias circumstantias necessario explicandas; & tunc, si quidem Confessarius in tali defectu se habuit negative, seu pure omisive, non tenetur monere penitentem extra Confessionem; cum præceptum integritatis Confessionis directe

non obliget Confessarium, sed ipsum penitentem; & alioqui Confessarius J. dicis officio fungens, ubi protulit sententiam absolutionis, jam functus sit munere suo, & amplius non teneatur interrogare, ac examinare penitentem; idque sive culpabiliter, sive inculpabiliter omiserit interrogare: quod si Confessarius positive fuit causa talis defectus, & quidem cum culpa gravi (eo quod docuit v. gr. non esse opus exprimere numerum peccatorum) tunc tenetur monere penitentem, si absque scandalo, aut gravi detrimento id facere possit; & magis strictè, quam quando sine culpa fuit in causa præfati defectus: qui enim est alteri causa violandi præceptum aliquod grave, violatione etiam materiali, debet, si commode potest, monere de errore, ut ille præceptum non violet; immo etiam cum majori incommodo, ut jam dictum est, si cum culpa gravi Confessarius fuit in causa dicti defectus: Jo. de Lugo sup. d. 22. sect. 3. per totam, aliis citatis. Non dissentiunt Filliucius tr. 3. c. 12. qu. 7. & Diana par. 2. tr. 15. ref. 7. pro se adducens Nugnum, & Reginaldum addentes Confessarium non teneri in casu proposito monere penitentem de restitutione facienda, quando positive in confessione ei non dixit, restitutionem non esse faciendam, sed solum tacuit; quod ego adverti in Manuali tr. 5. c. 12. n. 65.

An autem Confessarius monere debeat penitentem in ipsa Confessione de defectu commissio in præcedenti Confessione, si redeat ad confitendum.

200. Resp. Jo. de Lugo sup. n. 77. teneri; cum iterum fiat iudex, & ut iudex ad sententiam legitime profereendam debeat penitentem interrogare de iis, quæ videt a penitente omitti ex oblivione, aut ignorantia: quare, cum sciat omitti ea, de quibus in præcedenti Confessione debebat interrogare, consequenter & debet interrogare de iis, non tam ad supplendum defectum præcedentis Confessionis, quam ad procurandam integritatem præsentis Confessionis, & præmittendum examen requisitum ante absolutionem. Ita Jo. de Lugo; cum alioqui Filliucius tr. 11. 7. n. 374. absolute

solute dicat, si ex defectu commissio in confessione non pendeat damnium tertii, Confessarius regulariter ad nihil teneri, nisi ad pœnitentiam sui defectus, siquidem fuit culpabilis.

Quæres 32. *An Confessarius teneatur interrogare Monialem, si putet probabiliter illam satis diligenter examinasse suam conscientiam, & tamen omitat aliquid confessario exprimendum.*

201. *Resp.* Quod quamvis Medina *c. de confess. qu. de confess. dimidiat. iteranda* in hoc sustineat partem negantem, & *Vasquez ipse sup. d. 7. n. 2.* dicat hujusmodi sententiam non facile convinci posse falsitatis, immo indicet illam esse probabilem, cum contrariam solum probabiliorum esse dicat; nihilominus communis doctorum sententia est, quam sequitur *Suar. d. 32. de pœnit. scilicet. 3. n. 7.* ex Magistro, S. Thom., Sylv., S. Amon., Aug., Nav., & Cano, videlicet Confessarium teneri interrogare pœnitentem circa peccata, quæ non confitetur, si rationabiliter credat, eum omittere aliquod peccatum ex oblivione, aut inadvertentia; idque etiam alias probabiliter putet eum propriam examinasse conscientiam ea diligentia, qua tenebatur. Ratio responsionis est, quod Confessarius in foro Sacramentali est Judex, & ut talis debet proferre sententiam absolutoriam: ad quod utique opus est, ut plene cognoscatur totus status conscientie pœnitentis, cum sententiam ferre debeat, non solum circa peccata, quæ audit, sed circa personam pœnitentis, quam absolvens Sacramentaliter indicat debere reconciliari cum Deo; sicque necessario cognoscere debeat, num pœnitens in se habeat aliquod id, quod obstat dictæ reconciliationi: unde dicitur in *cap. omnis utriusque sexus de pœnit. & remiss.* *Sit Sacerdos discretus, & cautus more periti Medici diligenter inquirens peccatorum circumstantias;* iudicium namque prudens semper prærequirit plenam informationem, & examen testium circa ea, quæ spectant ad sententiam proferendam.

Verum vero Monialis interrogata a Confessario de consuetudine peccandi præ-

rita, teneatur respondere, manifestando se in aliis confessionibus idem peccatum fuisse confessum, sed absque ulla emendatione.

202. *Resp.* Sancius in *selektis d. 9.* non teneri, immo posse licite equivocando negare se habuisse talem consuetudinem; probatque quia nemo tenetur bis idem peccatum confiteri, saltem quando non est reservatum; teneretur autem Monialis idem peccatum bis confiteri, si interrogata de præterita consuetudine peccandi, teneretur respondere, ut patet. Verum dissentiunt communiter Doctores apud *Joannem de Lugo supra d. 14. n. 172.* dicentem, doctrinam istam Sancii esse contra omnes Theologos, & contrariam tum praxi Ecclesiæ, tum fini, ad quem institutum est Sacramentum pœnitentie; & ratio est, quod, cum Confessarius sit Judex, & medicus, habet jus requirendi illa, quorum notitia necessaria est ad utilem correctionem pœnitentis, aut certe ad imponendam debitam pœnitentiam; huiusmodi vero est præterita consuetudo peccandi; ut inde cognoscat Confessarius, quæ medicina pœnitenti debeat hic, & nunc applicari, & an egeat dilatione absolutionis, ut hoc tandem modo ceteretur. Præterquamquod hoc non est cogere pœnitentem ad confitenda bis eadem peccata; cum in posteriori confessione non subiciat pro materia confessionis consuetudinem præteritam, nec de ea se accuset; sed illam solum explicet indirecte ad explicandum proprium statum, ac præsentem indigentiam; quo pacto non est novum, pœnitentem interdum obligari ad declaranda iterum peccata, quæ prius erat confessus; ut constat in viro conjugato, qui petens debitum a propria uxore, postquam carnaliter cognovit consanguineam ejusdem suæ uxoris, peccat, & ad tale peccatum confitendum debet explicare suum incestum præteritum, quem jam fuerat confessus. „Addo Doctrinam Sancti cii esse jam damnatam ab Innoc. XI. in propositione 58. *Non tenemur Confessario interroganti fateri alienius peccati consuetudinem.*

Quæres 33. *Qualiter debeat se gerere Confess-*

Confessarius in audienda confessione Monialis surda, aut surdastra.

203. *Resp.* Debere illius confessionem audire in loco aliquo remotiori, eam praece interrogando de pure necessariis in peccatis mortalibus; idque sive interrogando altiori voce, si solum sit surdastra; sive interrogando nuius, aut gestibus, si sit simpliciter surda; nisi forte Monialis sponte eligeret confiteri ex scripto; ad quod non tenetur iuxta *Diana p. 5. tract. 6. resol. 4.*

Quaer. 34. Qua ratione procedere debeat Confessarius cum Moniali vehementer vexata a scrupulis.

204. *Resp.* Debere procedere ea ratione, qua ostendimus in *tr. de obligat. cap. 3. sect. 1. q. 35.* Hic aliqua principaliora, ac efficaciora remedia breviter indicabimus. Primo ergo assuescat Monialis scrupulosa ex consilio Confessarii animose repellere surgentes scrupulos, sibi certo persuadens eos immitti a diabolo ad spirituales ipsius perniciem; secundo consilanter agat contra ipsos scrupulos certa, quod, sicut timens transire super aliqua trabe, aut saxo pendente, aliis absque ullo timore transeuntibus, ubi semel, iterum, ac tertio transit, metum omnem deponit; sic agens audacter contra scrupulos, si saepius id faciat, percipit se tandem nullo modo moveri iis, quibus antea terrebatur: tertio curet in suis dubiis ea practice deponere, tutiorem etiam partem omitendo, & amplectendo partem sibi magis favorabilem; idque saltem per principia generalia, dicendo v.g. si certo scire non hoc esse peccatum mortale, non facerem: si mihi constaret me conscientiam habere onerata peccato aliquo mortali, non communicarem, &c. quarto sibi persuadeat, quod, si de consilio Confessarii omittat confiteri aliqua, quae dubitat esse peccata, ea vere ipsi remittuntur indirecte per absolutionem Sacramentalem, etiamsi vere essent peccata gravia, dimodo generaliter de illis doleat; ideoque non esse opus, ut ea iterum confiteatur; non secus, ac per absolutionem remittuntur peccata inculpabiliter oblata quin-

to credat certo, quod si det aditum scrupulis, se exponit periculo committendi ex conscientia erronea peccata longe graviora, quam sint ea, de quibus hic, & nunc insurgunt scrupuli: sexto existimet se non consensisse in peccatum, nec omisisse in confessione hoc, aut illud peccatum, nisi juraret, rem ita se habere; & quidem statim absque ulla indagatione: qui vult, consulat *Reginaldum l. 2. cap. 9. Layman l. 1. tract. 1. cap. 6. num. 2. Filliucium tract. 21. cap. 4. quest. 15. Sanchez l. 1. mor. cap. 10. n. 82. & seqq. Bonacinum d. 2. de legibus quest. 4. p. 8., & Azorium to. 1. l. 2. c. 20. quest. ult.* ubi docet Confessarium non debere admittere poenitentem scrupulosum frequenter, & in plurimum; immo potius illum repellere, ac verbis asperioribus exterrere: alias enim nunquam scrupulorum fontes exhauret.

Quod si quaeras, an Monialis confitens suum peccatum cum omnibus circumstantiis necessariis teneatur illud iterum confiteri, si ei constet Confessarium ex falsa apprehensione fundata in natura scrupulosa ipsius Monialis putasse peccatum illud non esse mortale, cum vere esset, & id certo sciat etiam Monialis.

Resp. Non teneri; & probatur ex doctrina, quam in simili casu tradit *Sanchez l. 1. moral. cap. 10. n. 69.* ex *Cordeba*; nimirum, non esse iterum confitendum peccatum, quod quis integre confessus est, dubitans tamen una cum Confessario, an illud esset mortale: cum enim in confessione jam facta peccatum plene fuerit detectum, nec nova circumstantia explicanda occurrat; & alioqui non sit necessarium poenitentem, aut Confessarium scire determinate peccatum detectum esse mortale (si quidem in omnibus id scire est impossibile) non apparet quod titulo reperi debeat ista confessio: quae ratio utique probat intentum in casu hic proposito, ut facile constabit consideranti; „ ex responsione autem hac data in „ hoc casu particulari non sequitur generaliter poenitentem, qui confessus est „ aliquod peccatum grave, ut dubium, „ non teneri postea illud confiteri etiam „ quam

nam certum, si deprehendat esse
talem.

Dices, quid, si Monialis extreme scrupulosa, quæ, quidquid facit, loquitur, aut cogitat, ex conscientia erronea apprehendit plerumque esse peccatum mortale, post plures confessiones generaliter factas cum extrema & sui, & Confessariorum defatigatione protestetur Confessario certo scire, se omnino indigere plures confessiones invalidas repetere; potestne Confessarius ei prohibere ne dictas confessiones repetat; etsi probabiliter possit dubitare illas vere fuisse invalidas ex conscientia erronea?

Resp. Videri posse, ipsi persuadendo non esse ullo modo necessariam talem repetitionem, eique præcipiendo, ut omnino acquiescat ipsius consilio. Moveor, quod juxta *Coninchum d.7. de Sacramentum. 67. & Layman l.1. tract.1. cap.6. n.2.* fideles excusantur ab integritate materiali confessionis, ob difficultates minores iis, quibus se exponit Monialis in præsentis casu; cuiusmodi est periculum hærendi perpetuo in suis scrupulis, & anxietatibus, ac incurrendi alia plura, & gravissima mala, tam animæ, quam corporis. Unde sic arguuntur: eatenus Monialis tenetur in casu repetere dictas confessiones, quatenus tenetur ad integritatem materiale confessionis; at non tenetur ad talem integritatem juxta doctrinam *Coninchi*, & *Laymani* (quam sustinent etiam alii graves doctores) cum inde ei imminant gravissima mala; ergo non tenetur repetere dictas confessiones: præterquamquod repetitio hæc respectu Confessarii esset onus omnino intolerabile. In hoc ergo casu curandum est, ut Monialis, elicto actu contritionis de omnibus iis peccatis, quorum confessiones putat se teneri repetere, de illis coram Confessario se accuset in genere, & confidens infinitæ Dei misericordiæ acquiescat, certo sibi persuadens se non teneri quo ad hoc ad quidquam aliud: ita ego sentio, & meum sensum approbavit *P. Zanettus* vir doctissimus, immo & hanc doctrinam non semel prædicavi.

Quæres 35. Quæ remedia possit, & debeat Confessarius tradere Monialibus penitentibus ad vitanda peccata, quibus ea magis sunt obnoxia.

205. Resp. Posse, & debere tradere sequentia, prout ex confessione uniuscujusque illarum cognoscit eas indigere; nimirum contra superbiam, ut sæpius attendant ad propriam vilitatem, ac defectus animæ, & corporis, ac exteriores: ut observent meliores se, & maxime Christum dicentem: *Disce a me, quia mitis sum, & humilis corde*: ut considerent superbiorum servitutem, & ignominiam eorum, qui per superbiam decidunt a dignitate filiorum Dei, & sunt dæmonis mancipia. Ut versentur cum humilibus, ac modestis: ut in vestitu, habitatione, aliisque externis operationibus sese, quantum fert decentia status cujusque, demittant.

Contra vanam gloriæ, ut suas doctes naturales quam maxime occultent: ut reflectant ad proprios defectus: ut de se ipsis humillime sentiant, & loquantur: ut honorem, & laudem oblatam statim Deo offerant, extenuando verbis ea, quæ in ipsis commendantur, ac suspiciuntur.

Contra Avaritiam, ut affectu relinquunt omnia, cum per votum paupertatis omnia effectu reliquerint: ut sapius meminerint eo molestiorem, ac gravio-rem esse mortem iis, qui plura habent relinquenda, ideoque expedire, ut ante mortem præsentis sæculi bonis omnino emoriamur: ut cogitent, quanta fuerit paupertas Christi, qui non habebat, ubi caput suum reclinaret: ut se totas committant Deo memores vel ipsos passerulos ab eo copiosissime alii: ut suspiciant bona cælestia, eorumque acquisitioni inhiant.

Contra Luxuriam, ut fugiant conspectum, & multo magis familiaritatem eam, quæ ad libidinem accendit: ut recedant a convictu eorum, qui suo pravo exemplo excitant ad turpia: ut vitent otium, & semper vacent honestis exercitiis: ut non nutriendum corpus delicate, sed potius ament abstinentiam: ut statim repel-

repellant malas cogitationes, & sensus custodiant: ut carnem doment flagris, ciliciis, & aliis macerationibus, præsertim urgente carnis tentatione; ut invalescente carnis tentatione occulte muniant se signo Crucis, inclament devote nomen Jesu, & Mariæ, renouent votum religiosæ castitatis, Deique opem enixe implorent, adhibita pia aliqua oratione: qualis est, *Deus in adiutorium meum intende: Cor mundum crea in me Deus: Domine vim patior, responde pro me: & similes.*

Contra Iram, ut parent se ad toleranda ea omnia, quæ solent incitare ad iram: ut intelligant injuriam non nocere patienti, sed potius inferenti: ut recolant, quam patienter, ac benigne Deus sustinuerit ipsarum gravissima peccata: ut saltem linguam comprimant, iramque in pectore accensam extinguant: ut mentem vertant ab injuria accepta, & se convertant ad aliud quippiam agendum: ut meminerint majorem molestiam se alias percipisse ex verbis offensivis contra alias sorores prolatis, quam si injuriam sibi illatam patienter dissimulassent.

Contra Invidiam, ut non ament terrena, ut attentius recogitent ex eo, quod alia Soror careret bono, quod ipsæ ei invident, non ideo illas melius habituras, & consequenter nullam omnino utilitatem percipi ex invidia: ut considerent ea, quæ possunt juvare, & accendere ad charitatem fovendam.

Contra odium alterius, ut beneficianz iis, in quos naturalem sentiunt aversionem, illique libenter inserviant, ut illis sese spontanee submittant: ut exurgente motu interioris aversionis Deum positive pro illis orent, fausta quæque ipsi deprecantes: ut majori affabilitate cum iis tractent, curentque eorum benevolentiam sibi conciliare.

Contra gulam, ut vitent ciborum suavitatem, varietatem, ac condimenta, ut bene percipiant delectationem confurgentem ex gula non esse propriam hominum, sed bestiarum rationis expertium: ut diligentius perpendant damna, tum

spiritualia, tum corporalia provenientia ex inordinato appetitu gulæ.

Contra Acidiam, ut crebro recordatione se excitent ad illum amandum, eique quam studiosissime inserviendum: ut frequenter meminerint propinquare mortis tempus bene merendi omnino auferentis: ut eligant certum aliquod genus exercitiorum, quibus vacent: ut sæpe recordentur, quantum ipsimet sæculares laborarent pro acquirendis, & conservandis temporalibus bonis, quæ per mortem prorsus relinquere debent: ut assidue meditentur quot, & quantos labores perpessi sint Sancti ad comparandam cælestem gloriam.

Hæc, aut alia similia remedia tradere potest, & debet prudens, ac sollicitus Confessarius Monialibus pœnitentibus juxta spirituales uniuscujusque illarum indigentiam ex ipsarum confessione perspectam.

Quæres 36. *Quomodo procedere debeat Confessarius cum Moniali pœnitente, quæ forte indigeat repetere nonnullas confessiones.*

306. *Resp.* Cum distinctione: vel Confessarius, coram quo repeti debent confessiones, est ille idem, cui factæ sunt dictæ confessiones nullæ, & recordatur status pœnitentis, saltem in confuso, & in genere; vel est alius; aut certe, si est idem, nullo modo recordatur status pœnitentis, neque in confuso. Si primum, debet Confessarius curare, ut Monialis distincte confiteatur peccata, quæ forte omisit confiteri ex verecundia, reliqua in genere confitendo sub his, aut aliis similibus verbis: *Confiteor tibi etiam omnia peccata, quæ tibi ipsi confessi sum his duobus ultimis mensibus*, v.gr. Sic enim Confessarius acquirit sufficientem notitiam status pœnitentis, ita ut possit de ipsa judicare: quod certe non procederet, si ille, neque in confuso recordaretur status pœnitentis: unde tunc teneretur Monialis singula peccata, etiam præcedentium illarum confessionum invalidarum explicare, cum tales confessiones perinde se habeant, ac si non

si non essent factæ. Si secundum debet Confessarius adstringere Monialem ad repetenda distincte omnia peccata explicata in præteritis illis confessionibus; idque ob rationem modo adductam, quæ proportionaliter militat etiam in præsentis casu. Ita Suarez d.22. de pœnitent. sect.6., Coninc. d.7. de Sacrament. num.109., & 10. num.102., Reginald. l.8. num.33. alique, quos citat, & sequitur Bonacina d.5. de Sacram. quasi.5. sect.2. par.3. num.16. contra Medinam qu.24. de Confess., & alios asserentes in casu, quo pœnitens confiteatur eidem Sacerdoti, non esse opus, ut distincte explicet singula peccata expressa in confessionibus, quas modo repetit, etiamsi Confessarius, neque in genere recorderetur status illius. Addo ex Jo. de Lugo d.16. de pœnit. num.599., & aliis, quos refert, & sequitur Diana part.3. tract.4. resol.108. quod, si quis ante annos 10. v. gr. tacuit culpabiliter peccatum mortale, & postea in aliis Confessionibus intermediis illius oblitus est, quando deinde Confessarius reperit vitium illius confessionis præteritæ, non debet obligare pœnitentem ad repetendas omnes Confessiones intermedias bona fide factas, sed illam solam, in qua commissus fuit ille defectus: siquidem aliæ omnes confessiones potuerunt esse validæ, ac fructuosæ, dum pœnitens non recordaretur sacrilegii commissi. Quod idem ait Jo. de Lugo num.611. procedere etiam in eventu, quo pœnitens omisit confiteri aliquod peccatum mortale ex ignorantia culpabili solum venialiter; cum talis culpa venialis impedire non poterit valorem, ac effectum præteritæ absolutionis, quæ sunt bene notanda Confessariis.

207. Quod si Monialis post absolutionem sibi a Confessario datam advertat ipsum Confessarium aliquod, aut aliqua peccata non intellexisse ob somnum, vel distractionem; nescit tamen, quod fuerit illud peccatum; siquidem constat illum ita dormisse, ut prudenter dubitari possit de singulis peccatis, an hoc peccatum audierit, debet tota Confessio reiterari: si vero de singulis non possit ita dubitari,

sed ad summum de aliquo in communi; non est obligatio reiterandi totam confessionem, sed solum confitendi peccatum illud in communi: sic Jo. de Lugo n.607. addens num.609. quod, si pœnitens sciat se aliquando in vita fecisse Confessionem mensuram irritam ex defectu potestatis in Confessario, non ideo reiterare debet omnes confessiones totius vitæ, cum vere non adsit dubium morale de singulis in particulari; sed sufficit ipsum se accusare de peccatis in ea confessione manifestatis, non quidam distincte, sed in communi; si ea non potest determinare. Quæ doctrina locum proportionaliter haberet in casu, quo pœnitens sciret in sua generali confessione unum peccatum non fuisse a Confessario auditum propter somnum; nesciens tamen, quod esset illud peccatum: tunc enim non debet repetere omnia peccata: cum in tanta multitudine de singulis nequeat prudenter dubitare. Secus si evenisset id in confessione brevi: nam tunc teneretur iterum confiteri singula peccata tunc confessa; cum de illis singulis prudenter dubitari possit, an fuerint audita a Confessario.

Quæres 37. Qualiter debeat se gerere Confessarius Monialium in imponenda pœnitentia Sacramentali.

208. Resp. Quod, quamvis in Concilio Trident. sess.14. cap.8. dicatur debere Sacerdotes Domini, quantum spiritus, & prudentia suggesserit, pro qualitate criminum, & pœnitentium facultate salutaris, & convenientes satisfactiones injungere, ne, si forte peccatis conniveant, & indulgentius quam pœnitentibus agent levissimum quædam opera pro gravissimis delictis injungendo, alienorum peccatorum participes efficiantur; Confessariis tamen debet diligenter cavere, ne imponat pœnitentiam adeo gravem, ut pœnitens illam omittat cum animæ suæ præjudicio; sicque ejus gravitatem debet temperare cum lenitate, ut neque nimis rigida, neque nimis facilis videatur: unde monet Reginald. l.37. ex Henric. lib.5. cap.20. §.5. lit. Q. quod si pœnitens propriam imbecillitatem exponat Confessario, & præsumas

flumatur ob debilitatem corporis, aut animi spiritusque teporem non impleturus poenitentiam congruam; debet ea illi iungi, quam libenter admittit, addito, quod alia bona, quæ fecerit, aut mala, quæ pertulerit patienter, offerat Deo in debitum suorum peccatorum satisfactiorem.

Placet hoc loco advertere, quod notat *Diana par. 9. tract. 7. ref. 54.* ex Leandro, & Amico, vi verborum illorum, & adduntur in absolutione Sacramentali: *Quidquid boni feceris, & mali sustinueris, &c.* fieri ut omnia, quæ poenitens postea faciet, & mala, quæ patienter sustinebit, operentur ex opere operato ipsi poenitenti: quippe quæ virtute clavium elevantur ad operandum ex meritis Christi ultra id, quod operantur ex sola ipsorum intrinseca bonitate: idque ex intentione Confessarii absolventis, qui cum virtute clavium possit elevare omnia bona poenitentis ad hoc, ut operentur ex meritis Christi supra proprium valorem ipsorum; verbis illis intentione hac prolatis omnia bona opera poenitentis elevent ad operandum effectum ultra proprium valorem ex opere operato meritorum Christi, & hoc licet Confessarius expresse id non dicat poenitenti: dummodo præfatam habeat intentionem; cum in hac re non requiratur notitia, ac expressa acceptatio poenitentis, sed sufficiat sola intentio Confessarii, ut dicta bona opera operentur tamquam pars Sacramenti ex Christi meritis.

209. Accedit, quod poenitenti disposito ad majorem poenitentiam recipiendam major potest imponi juxta qualitatem peccatorum confessorum: cum hoc sit magis conforme menti Concilii Trid. superius allegati, & alias satisfactio Sacramentalis sit longe majoris meriti: præterea concedi potest poenitenti, ut poenitentiam adjunctam redimat aliqua alia, (v.g. jejunio, elemosinis) quædam etiam relinquere possunt ejus arbitrio, ut eligat in satisfactionem suorum peccatorum, quæ maluerit: denique levior poenitentia imponi potest ei, qui ostendit signa magnæ

contritionis, aut certe est lucraturus aliquam indulgentiam, maxime plenariam, qua de plura *Regin. sup. cap. 4. & 5.* qui bene notat, ad imponendam, justam, seu quantam, & qualem oportet poenitentiam, requiri tum impulsus Spiritus Sancti; tum considerationem peccatoris, peccati, & finis, qui est salus animæ.

Dubium modo est, an Confessarius possit imponere Moniali in poenitentiam, ut aliquot diebus abstineat a Communione.

210. *Resp.* Quod, cum frequens usus Communionis non sit res ita determinate bona, & non possit interdum, & in aliquibus circumstantiis melius esse abstinere, quam accedere, esto quis non habeat conscientiam peccati mortalis, ut erudito probat *Jo. de Lugo d. 17. de Euchar. sect. 3.* & aliqui Confessarius imponere possit in poenitentiam opera honesta, ac virtutum, absolute loquendo, non repugnat Confessarium præcipere poenitenti, ut abstineat tali die a Communione: quando scilicet consistit ex præsentis statu poenitentis melius esse abstinere, quam accedere; dummodo tamen talis omnisio Communionis non sit aliis occasio judicandi: quod a Confessario adjuncta fuerit in poenitentiam: ita *Jo. de Lugo d. 25. de poenit. num. 65.* contra *Sancium in selectis d. 33.*, monens tamen regulariter non expedire ejusmodi poenitentiam imponere; addensque *n. 66.* contra eundem *Sancium sup. d. 30.* non solum Confessarium posse imponere in poenitentiam sumptionem Eucharistie, sed etiam poenitentem teneri illam acceptare: cum falsum sit, quod supponit Saneius, poenitentem non posse obligari ad acceptandum opus, quod impleri debeat in statu gratiæ; nihil enim magis commune est, quam imponere pro poenitentia frequentiam Confessionis mensitruæ, v.g. cum tamen sit certum non posse Sacramentum poenitentiae recipi, nisi in statu gratiæ, saltem in ultimo instanti, in quo complete suscipitur Sacramentum.

An autem liceat imponere in poenitentiam Sacramentalem opera facienda pro Animabus Purgatorii.

211. *Resp.* Non apparere, cur id non

B b b

li-

liceat: quamvis enim pœnitentia imponatur pœnitenti ad ipsum puniendum, id tamen vere consequitur in præsentī casu; cum non minus puniatur pœnitens pro defectu jejuniis, aut dāns elemosynam, immo magis: quippe sic non solum privatur cibo, aut pecunia, sed etiam satisfactione sibi respondente ex opere operantis; interim sibi retenta satisfactione respondente ex opere operato: ita *Jo. de Lugo supra num. 64. contra Vegam tom. 2. sum. c. 64. casu 4., & Sancium supr. d. 16. num. 1.* addens *num. 59.* quod, cum Confessarius imponat pœnitentiam in persona Dei, & juxta institutionem Sacramenti pœnitentiæ, cujus vim non potest ipse Minister temperare; non potest Confessarius pœnitenti imponere gravem pœnitentiam sub veniali, sed juxta capacitatem materiæ, quæ conjungitur in pœnitentiam. Nobiscum sentit *Diana par. 3. tr. 7. resol. 57.* cum Marchantio, Amico, & Casiro Palao, id inde probans, quod, licet Sacramentum pœnitentiæ institutum sit ad delenda peccata pœnitentis, tam quoad culpam, quam quoad penam, non ideo inde infertur, orationes pro Animabus Purgatorii applicandas non posse habere effectum in ipso pœnitente: in eo enim habent effectum ex opere operato, ac virtute Sacramenti, qui effectus communicari nequit a pœnitente animabus Purgatorii; esto illis communicet satisfactionem dictis orationibus respondentem, quatenus ab eo procedunt; qui effectus satisfactionis est distinctus, ac separabilis ab effectu satisfactionis, quem dictæ orationes habent, quatenus sunt junctæ a Confessario, & fiunt pars Sacramenti pœnitentiæ.

Quod si quæras, an, & qualis pœnitentia imponi debeat pœnitenti constituto in articulo mortis.

. 212. *Resp.* Non debere imponi pœnitentiam magnam, externam, & mox implendam, sed potius in tali casu excusandum esse pœnitentem ad interiorē contritionem, quam fieri potest, maximam, ei proponendo non tam pœnem inferri, quam spem misericordiæ Christi

pro ipso Crucifixi: nec non monendum esse, ut jubeat fieri de bonis suis congruas elemosynas, & Missas celebrari, rogetque amicos, si quos præstito habet, ut precibus, & aliis bonis operibus ipsi ferant opem ad dignam pœnitentiam pro suis peccatis peragendam: ita *Regin. sup. num. 41. ex Nav. Palud., & S. Antonino*, monens cum Hostiensis, pœnitenti in articulo mortis posito significandum esse, quæ pœnitentia ei imponi deberet, si bene videret, quamque teneatur implere, si convalescat, quod satis aperte significatur in *e. ab infirmis 26. q. 7.* his verbis: *Et quo periculo si divinitus ereptus convalesceret, impositum sibi a Sacerdote pœnitentia modum diligenter observet.*

Qualiter autem debeat se gerere Confessarius cum Moniali proxima mortis, quam invenit teneri restituere famam proximis gravissime laesam, aut retractare doctrinam falsam ad mores spectantem apud aliquos sæculares.

Resp. Debere Monialem adstringere, ut convenienti modo famam ablatam restituat per ipsum Confessarium, aut aliam idoneam personam, & ad aliud non teneandemque procedere de retractione doctrinæ illius falsæ, si scienter, aut ex ignorantia graviter culpabili doctrinam illam docuit: secus, si bona fide, aut inadvertenter: tunc enim, cum teneatur ex sola charitate, puto Monialem de rigore non teneri retractare per Confessarium modo dicto doctrinam illam.

Addo obiter ex dictis *tract. 12. c. 12. num. 63.*, quod si in codice aliquo impresso inadvertenter irrepit aliquis error, qui debeat corrigi; si brevi codex est reimprimendus, sufficit anthorem illius corrigere præfatum errorem in nova editione mox futura, nec teneri illum corrigere in exemplaribus prioris editionis apud ipsum, aut alios ipsi notos existentibus; & hoc, licet ipsum commodè præstare possit. Moveor, quod, cum præfatus author in hoc casu non peccaverit, non tenetur ad diligentiam extraordinariam non levia incommoda secum afferentem; & aliqui charitas proximis non obli-

obligat eum tanto incommodo. Confirmatur ex ipso usu authorum libros edentium, qui in casu proposito non adhibent diligentiam illam extraordinariam, & si qui adhibent, id faciunt ad bene esse, non autem ex necessitate.

Dubitari hic etiam potest, an Confessarius possit imponere in pœnitentiam opera alia debita ex præcepto.

213. *Resp.* Possit, immo & interdu expedire, ut id faciat attenta infirmitate, ac dispositione pœnitentis: cum enim opus præcepti sit satisfactorium, adeoque per illud possit perfici Sacramentum, vi cuius dictum opus elevetur, ut satisfactio evadat Sacramentalis; non apparet, cur vigore clavium dictum opus non possitungi in pœnitentiam, quamvis regulariter non fiat, immo nec fieri debeat: unde fit, ut, Confessario imponente aliqua jejunia in pœnitentiam, non satisfiat regulariter per jejunia aliunde debita, sed per jejunia supererogationis; nisi ex occurrentibus circumstantiis oppositu colligatur de mente ipsius Confessarii; ita *Laym. l.6. tract.6. cap.19. n.10.*, *Figund. præcep.2. Eccles. l.6. cap.5. n.8.*, *Turrian. d.37. de pœnit. d.2.*, *Jo. de Lugo d.25. de pœnit. num.67.* alique, quos citat, & sequitur *Diana par.3. tract.4. resol.84.*, & *part.4. tract.4. resol.241.* ubi notat ex Mercero, quod sicut implens opus alias debitum (v. gr. ex præcepto Ecclesie), & a Confessario injunctum in pœnitentiam, duplicem reportat fructum, unum ratione operis præcise considerati, ac præcepti; alterum ratione virtutis, quam opus trahit ex vi potestatis clavium; sic præstatum opus omittens facit duplex peccatum, siquidem (ut bene advertit *Jo. de Lugo*) præceptum Ecclesie illud opus, v. gr. jejunium, constituit in specie temperantiz: præceptum vero Confessarii intendit virtutem pœnitentiz; sicque peccata dictis virtutibus opposita erunt diversa.

214. Addit *Diana citata resol.241.* aliis citatis, quod sicut Confessarius in pœnitentiam Sacramentalem imponere, potest opus internum; quippe quod est

sensibile, sin minus per se, per accidens, quatenus imponitur, & acceptatur cum opere externo: sic & potest injungere opera implenda per alium: cum unus possit satisfacere pro alio quoad partem temporalem relictam post remissionem peccati, & alias obligatio implendi pœnitentiam Sacramentalem oriatur ex voluntate ipsius Confessarii.

Utrum vero Confessarius imponere possit pœnitentiam Moniali pœnitenti, etiam post absolutionem impetratam.

215. *Resp.* Possit; quamvis usus obtinuerit, ut id fiat ante absolutionem, sicque regulariter faciendum videatur. Ita *Diana par.3. tract.4. resol.136.*, & *par.5. tract.13. resol.36.*, patetque tum ex *cap. fin. de censib. in 6.* tum quia, si quid obstat, maxime obstat obligatio sigilli Sacramentalis: at hæc non obstat, cum in hoc nulla interveniat violatio sigilli; siquidem moraliter non censetur fieri extra Sacramentum, quod statim fit post absolutionem Sacramentalem.

Quæst. 38. An, & quibus casibus possit Confessarius loqui cum Monialibus de auditu in Confessione.

216. *Resp.* Possit in aliquibus casibus, & quidem primo, de licentia pœnitentis formali, ac expressa, nec non libera, ac spontanea: secundo, si in præsentia Confessione Monialis subiciat peccatum aliquod, etiam in præterita Confessione manifestatum: Confessarius enim ad bene curandum pœnitentem debet attendere peccata, etiam præterita, quæ vel sunt circumstantiz præsentium, vel indicant passionem vehementem, aut aliquid aliud consideratione dignum ad statum pœnitentis melius cognoscendum: tercio, si statim finita confessione Confessarius aliquid addat, aut advertat Moniali, quod oblitus fuerat: idque ob rationem *5. præced.* adductam sub finem: & inde confirmari potest, quod in tali casu moraliter censetur ducere idem judicium quoad actus, qui debuissent præcedere absolutionem. Ita *Jo. de Lugo sup. d.23. sect.5.* addens num.140. ex communi doctrina, non posse Confessarium, pœnitente renuen-

te, petita, & non obtenta licentia, lo-
qui cum eo de auditis in Confessione;
quamvis contrarium sustineant Suarez,
Filice., Nugnus, Diana allegati ab ipso
Jo. de Lugo *supra* num. 140. contra ipsum
Dianam *par. 5. tr. 11. resol. 18.*

217. **I**ngreditur Confessarius Clau-
suram in casibus necessariis.

218. *Et quidem cum socio, si sit Regu-
laris.*

219. *Decreta Sacra Congregationis
circa hunc ingressum.*

220. *Sapienter ingreditur ad audiendam
Confessionem Monialis infirmæ;
item precise ad monendam Mo-
nialem de periculo mortis pro-
ximo, sed non semper.*

221. *Item ad ministrandum Eucharis-
tiam, & quidem sæpe, immo
& quotidie interdum.*

222. *Comitantes tamen Eucharistiam
in tali casu non possunt ingredi.*

223. *Communicans mane, vespere ejus-
dem diei iterum communicat per
modum Viatici. Ostenditur in
quibus casibus violetur jeju-
nium naturale, & in quibus
non.*

224. *Pluries ingredi potest Confessa-
rius ad ministrandum Viaticum,
servatis alias servandis; & si
Monialis aegrotata sit novitia, cu-
gat, ut faciat Professionem; ad
hanc autem non requiritur con-
sensus Capituli; idque etsi no-
vitia absolverit annum novi-
tialis: quod si hæc convalescat,
juxta aliquos resilire potest a
Religione, necnon renuciare
bonis, si antea non renunciavit:
juxta nostram sententiam non
tenetur complere novitiatum.*

225. *Item pluries ingreditur ad mini-
strandam extremam Unctionem,
si aliis ea repeti possit.*

226. *Quod temporis intervallum re-
quiratur ad repetendam extre-
mam Unctionem.*

227. *Ingreditur ad assistendum Moniali
in extremis laboranti.*

228. *Et quidem pluries, ac pro longiori
tempore.*

229. *Non tamen sine socio, si Confessa-
rius sit Regularis.*

230. *Ostenditur, qualiter juvari de-
beat Monialis pro tempore aga-
nia: eam ut absolvat sacramen-
taliter, coram astantibus illam
de levioribus defectibus in spe-
cie interrogat.*

231. *Non ingreditur ad faciendas exco-
municas Monialis defunctæ.*

232. *Parochus ministrat Sacramento
suo Parochiano morienti in Ec-
clesia exteriori Monialium, vel
intra Monasterium.*

233. *At mulieri ingressæ Monasterium
animo ibi degendi perpetuo dat
in morte ultima Sacramenta,
& sepulturam Confessarius Mo-
nialium, ubicumque illa sepe-
liatur: quod dici potest etiam de
puella degente in educatione
apud Moniales (quod alii ne-
gant) non item de muliere in-
gressæ animo ibi perpetuo habi-
tandi conditione suspensæ: &
in casibus propositis Confessarius
lucratu Quartam, & ordinat
funus.*

234. *Non ingreditur Confessarius, ut
coram infirmis, & convalescen-
tibus celebret.*

235. *Non item ad deferendam Monia-
li infirmæ Sacram Reliquiam,
seclusa consuetudine.*

236. *Non ad impertiendam benedictio-
nem Episcopalem, aut indulgen-
tiam Moniali morienti.*

237. *Non ad exorcizandam Monialem
energumenam.*

238. *Non*

338. *Non ad benedicendum Monasterium, nisi in casu, quo infestaretur a Demone.*
339. *Non ad sumendam Hostiam intra Clausuram lapsam e manu Sacerdotis.*
340. *Proponitur, & solvitur obiectio.*
341. *Qualiter se gerat Confessarius, si hostia cadat super vestes Monialis.*
342. *Ingreditur ad consolandam Monialem extreme desolatam, si aliter ei nequeat succurri.*
343. *Non item ad baptizandum puerum intra Clausuram natum.*
344. *An ingressus ex justo titulo facis intra Clausuram id, ad quod non potuisses ingredi.*
345. *Ingrediens in casu permissio non incurrit penas latus contra violantes Clausuram, etsi ingreditur ex pravo fine.*
346. *Ingrediens in casu rationabili, non expresso in generali facultate, eget speciali licentia.*

Quæstio 39. *An, & in quibus casibus possit Confessarius Monialium ingredi Clausuram ad exercendos actus concernentes suum munus.*

317. **Resp.** **P**osse ex licentia Ordinarii, & Prælati Regularis Monialium, prout ipsæ alterutri illorum respective subiunguntur: & quidem etiam noctu, si occurrat casus urgentis necessitatis: idque in omnibus casibus inferiorum proponendis, aliisque similibus, qui forte eveniant: patet, tum ex communi Ecclesiæ praxi, tum quia aliqui status Monialium esset miserrimus, si occurrente casu necessitatis non possent Confessarii ingredi Clausuram tum ad ministranda Sacramenta tempore infirmitatis, tum ad assistendum morientibus, tum ad alios similes effectus, qui progressu temporis evenire possunt: tum quia id satis aperte deciditur, tam in Constitutione Gregorii XIII., quæ incipit *Gratia*, & est superius adducta, qua-

tenus statuit licentiam ingrediendi Clausuram Monialium non esse dandam, neque adhibendam, nisi in casibus urgentibus tantum; quam in Concilio Trid. sess. 23. c. 5. de Regul. per ea verba *in casibus necessariis, & in cap. periculoso de stat. regul.* sub istis verbis, *nisi rationabilis, & manifesta causa existat*: ex quibus textibus ego infero, quod cum plures casus evenire possint, in quibus urgeat necessitas Monialium, ut Confessarius ipsarum ingrediatur Clausuram ad exercendum aliquem ex actibus concernentibus ipsius munus; in iis casibus ingredi poterit Confessarius, obtentâ debita licentia; prout exposuimus sup. c. 5. sess. 3. qu. 32.

Quod si quæras, an Confessarius Monialium ingrediens Clausuram ad exercendum suum munus in casu necessario, & cum legitima licentia (quæ scilicet specialis sit, & in scriptis) possit secum ducere socium, absque eo, quod hic exprimitur in licentia.

218. **Resp.** Posse, immo & id maxime decere; præsertim, si Confessarius sit Regularis. Ita Sanchez. l. 6. mor. c. 16. n. 46. Mir. qu. 2. de Monial. art. 17. Barbosa alleg. 102. n. 50. Diana par. 3. traç. 2. resol. 51. Tambur. d. 24. de iure Abbatis. qu. 3. & ex parte Bonac. qu. 4. de claus. pag. 4. n. 4. nobiscum sentiens in iis casibus, in quibus Confessarius ingrediens Clausuram indiget ope, ac ministerio socii; non autem in casu, quo excepturus sit confessionem alicujus infirmæ ibi existentis. Moventur, tum quia decentia videtur requirere, ut Confessarius habeat testem omnium suarum actionum, & ex ejus præsentia tanto majori cum circumspectione procedat (quod præsertim observari debet, si Confessarius sit Regularis, quem nunquam decet incedere absque socio) tum quia hoc ipsum non obscure significavit Gregorius XIII. in sua Constitutione *Dubii*, dum Prælati in casibus necessariis ingredientibus Monasteria Monialium jubet, ut comitati ingrediantur: tum quia talis est praxis fere communis (loquendo de Confessariis Regularibus) eaque approbata a Sacra Congregatione, quæ teste Barbo. in Collect. v. conf. sess. Monial. 2. decrevit Confessarium ex anti-

antiqua consuetudine absque socio ingredi non posse Monasteria Monialium ad audiendam ibi confessionem alicujus infirmæ, sed debere ei assignari socium, qui ipsi assistat, & sit ætatis excedentis annos quinquaginta, vitæque exemplaris.

219. „Addo hic primo ex *Pignattello to.6. consult.85. n.231* Sac. Congregationem 13. Septembris 1583. hæc inter alia statuisse, scilicet ut *Confessarii Monialium ingredientes Sacramentum pœnitentiæ ministraturi absque socio ingrediantur, idemque faciant in administratione Eucharistiæ, & extremæ unctionis. Dum vero confessiones audiunt infirmarum, cellæ janua remanere debet aperta, & ambæ Comitatrices ad eandem Cellam januam, ita ut ibi manentes Confessarium, & infirmam commode cernere possint, audire tamen non possint.* Sed de Confessario Regulari contrarium statuit Alexander VII. in supracitat. constit. *felici*, per hæc verba: *Nunquam ingrediatur, nisi cum socio, qui sit probata vita, & matura ætatis, semperque maneat in ea parte Monasterii, qua Confessorem videre, & ab eo videri semper possit.*

Quæres 40. In quibus casibus possit Confessarius Monialium Ingredi Clausuram ad audiendas confessiones Monialis infirmæ, & an possit ingredi præcise ad monendam Monialem de periculo mortis proxime imminentis.

220. *Resp.* Possit, quotiescumque Monialis ita laboret, ut non possit commode accedere ad sedem Confessionalem, hoc est sine dispendio sanitatis, idque non solum sub initium morbi, sed etiam quoties urget præceptum Ecclesiæ, aut regulæ, aut etiam propria devotio; immo etiam quoties Monialis dicat se indigere Sacramento pœnitentiæ: ita *Rodrig. tom.1. q.47. art.4. Portel. de dub. reg. v. Clausura n.9. Villalob. tom.1. sum. tract.35. diff.47. n.4. Diana sup. resol.67. Tambur. sup. q.2. n.1.* & alii; pariterque ex eo, quod juxta dicta licitus est ingressus intra Clausuram in casibus necessariis; usus autem Sacramenti pœnitentiæ est necessarius, & qui-

dem necessitate, quæ per se est nota soli pœnitentis ut proinde mirum non sit, Doctores permittere Confessario Monialium, ut ingrediatur ad excipiendam confessionem Monialis infirmæ, aut aliter sic impeditur, ut non possit ipsa ad illum accedere absque notabili dispendio sanitatis, quoties illa dicat se indigere Confessione; cum alias obligatio Clausuræ ab ipsis Doctoribus dicatur esse strictæ interpretationis: quæ enim sunt favorabilia animæ, latam admittunt explicationem.

Addo Confessarium posse ingredi præcise ad monendam Monialem de periculo mortis proxime imminentis, si attentis concurrentibus circumstantiis probabiliter judicetur, talem monitionem minus utiliter faciendam esse a Medico, aut a Monialibus: moveor, quod, data suppositione, sumus in casu necessitatis urgentis; cum hic agatur de spirituali salute Monialis: secus dicendum, si dicta monitio æque bene posset fieri a Medico, aut a Monialibus: sic enim cessaret ratio necessitatis: quamvis in præsentī casu, aliisque similibus standum sit consuetudini, cujusque regionis, ac Diocesis.

Quæres 41. In quibus casibus Confessarius Monialium possit ingredi ad ministrandum Moniali infirmæ, aut aliter impeditæ Sacram Communionem.

221. *Resp.* Possit ingredi non solum ad ministrandam Eucharistiā Moniali in probabili periculo mortis constitutæ (de quo nemo dubitat; cum in tali periculo quilibet fidelis teneatur communicare per modum Viatici) sed etiam quoties aliæ Moniales communicant ex præcepto, sive Ecclesiæ, aut regulæ, sive etiam ex alia pia, & rationabili causa. Ita *Portellus supra, & ante illum Rodrig. tom.1. q.47. art.4. Miranda tract. de Monial. quæst.2. art.7. & Sanchez n.45.* addens se credere Confessarium posse ingredi ad ministrandum Sacramentum Pœnitentiæ, ac Eucharistiæ Moniali infirmæ, quotiescumque ista solebat uti his Sacramentis: patetque tum ex dictis *quæst. præced.* tum quia rationi consonum est infirmis hoc solatio non destitui, ne alioqui addatur afflictio

Assio afflicto; immo iustum est tristitiam infirmæ levare tam salutaribus medicinis unde infert Sanchez, quando dicunt Doctores posse Confessarium ingredi ad audiendam confessionem Monialis infirmæ, aut aliter impediri, quoties ipsa ait se indigere hoc Sacramento, haud stricte interpretandum esse huiusmodi indigentiam, ideoque posse ingredi etiam in casu, quo illa cupiat confiteri solum ad meram consolationem spirituales.

Confirmari potest hæc responsio declaratione Sacræ Congregationis, quam refert Pignatellus supra citatus: Sic autem n. 232. Cumque Sanctiss. D. N. Bella cautum sit, ne quis Monasteria Monialium sine urgentibus necessitatibus ingrediatur, quaesitum fuit, an Sacerdotibus in Monasterium sæpius introire liceat, ut iis Monialibus, quæ perpetuo, aut diuturno aliquo morbo laborant, Pœnitentiæ, & Eucharistiæ Sacramenta sæpius administrent, licet alias, cum ægrotare cœperunt Sacram Eucharistiæ sumperint; Sacra Congregatio Concilii die 18. Martii censuit licere.

Addit Quintanad. tr. 3. sing. 3. n. 10. quod si Monialis ægrota solita sit quotidie communicare, ad eam posset deferri Communio; cum huius sumptio iudicio viri prudentis necessaria videri possit ad profectum, & consolationem spirituales. Ad quod faciunt, quæ habentur in Constitutionibus S. Dominici cap. 13. nimirum, quod quanto præstantior est anima corpore, tanto diligentius procuranda est salus anima supra salutem corporis; & si ob corporis necessitates introire in Monasteria licet, multo magis id licebit Confessariis, qui curæ animæ Monialium deputati sunt. Quæ confirmat Sanctiss. in selectis d. 22. n. 22. dicens: si ob necessitatem temporalem Conventus v. g. ob delinendum parietem, aut solium, permixtum est fabricis claustra introire; quare ob utilitatem spirituales Monialium id negandum erit Ministris servantibus requisita? Confirmat & Quintanad. sup. num. 13. his verbis: Quod si corporalis Medicus quotidie

ingreditur, etiam si ita necessarium non sit, ut cum nulla Monialis graviter laborat, sed solum sunt leves alicujus curandi præservandique morbi; cur ad animæ morbos sanandos, & ægrotantis profectum, & consolationem augendam Medicus spiritualis ad spirituale medicamentum non ingredietur? Quibus consentit Sanchez l. 6. mor. c. 16. num. 45. Hæc tamen relata hic a me, velim, ut Superiores, ad quos spectat, prædictum ingressum ad quotidianam Communionem permittere possint, nisi ipsi aliter judicaverint, non ut Confessarii ex suo tantum arbitrio, & iudicio id faciant.

223. Decreto supra relato n. 221., in quo cavetur, ut Confessarii ministraturi Eucharistiæ ingrediantur soli, conformis est doctrina, quam tradit Sanchez n. 46., dicens non subesse iustam causam, quod comitantes Eucharistiæ ingrediantur clausuram; cum ipsæ Moniales satis decenter cereis accensis comitari possit Eucharistiæ, statim ac ad clausuræ fores accedit. Quamquam quo ad hoc mihi magis placeat consuetudo inducta in civitate Ferrariensi; nimirum, ut Confessarius Monialium in casu, quo administranda sit Moniali infirmæ Eucharistia, particulam consecratam in decenti vase ponat super fenestella, ex qua Moniales solent communicare; etque sic posita, ingrediatur cum debita modestia, ac devotione, ibique indutus superpelliceo, & stola procedat ad chorum, indeque sumptam particulam consecratam deferat ad Monialem infirmam, cæteris Monialibus ipsam comitantibus cereis accensis.

Quæri hic posset, an Monialis, quæ mane communicavit, possit eodem die iterum communicare per modum Viatici, si sub vespere ejusdem diei contingat, cum incurere periculum mortis, cum antea bene videretur, nec extaret ulla suspicio talis periculi.

223. Resp. Licet DD. communiter apud Dianam p. 5. tract. 3. ref. 33. sustineant partem negativam; nihilominus non videtur improbabilis pars affirmans, quam sustinet idem Diana ex Hurtado. ite Men-

Mendoza, Turriano, Ochagavia, ac Kelsonio: & suadet, tum quia jura prohibentia, ne quis communicet bis in die, non comprehendunt casum istum adeo specialem; tum quia fideles debent in articulo mortis communicare ex præcepto divino, cui non satisfit per anticipatam communionem (sicut nec satisfit præcepto audiendæ Missæ per anticipatam auditionem) præceptum autem hoc divinum, ut fortius, prævaleat prohibitioni Ecclesiasticæ de non communicando bis eadem die ex *Sanch. l.1. mor. c.10. n.17.*

Cum autem jejuniū naturale, quod ordinariè requiritur ad Communionem Eucharisticam, violetur per sumptionem cibi, ac potus: cibis vero, & potus sit ille, qui in stomacho alteratur, seu digeritur, aut ad digestionem pertinet, idque per actionem, quæ sit comestio, aut potatio: qualis non est, nisi ex cibo, & potu assumatur, ac in stomachum trajiciatur: sequitur hujusmodi jejuniū violari ex receptione grani anisi consulto deglutiti. *Card. de Lugo d.15. de Euchar. sect.2. num.22. & 28. Hurtad. d.9. de Euchar. diffc.15.* item ex sumptione tabaci per os assumpti, ac pilulæ medicinalis. *Præpositus 3.p. qu.80. art.8. d.1. n.39.* item ex receptione papyri, seu chartæ, ac filii ex lino (quippe quæ habent originem ex herbis, & in substantia sunt herbæ, quæ digeruntur) imo, & ex sumptione muscæ, culicis, ac vermiculi. *Cardin. de Lugo sup. num.32.* item ex receptione cretæ, quam foemina comedit ob delectationem, aut ad diminuendum colorem *Tamburin. de commun. cap.2. §.6. num.19.* idem asserens de Lapide Bezzuar, & terra Cypria; item ex receptione ceræ, ut pote aliquibus partibus mellis immixtæ *Tambur. num.20.* (et si dissentiant *Summa Diana v. communionis dispositio n.33.* male citans pro se Cardinalem de Lugo) non item ex sumptione osculi fructuum, aut alterius generis fructu ligni solidi, monetæ aureæ, globuli plumbei, frusti unguis, filii ex ferro, serico, aut lana; quippe quæ in stomacho non alterantur, sed integra a stomacho etiam valido ege-

runtur. *Cardin. de Lugo sup. & cum eod. Tambur. n.18.*

Sic violatur jejuniū naturale ex sumptione unius guttæ aquæ, ex receptione potionis medicinalis, auri potabilis, & sanguinis, quem quis exugat e proprio digito. *De Lugo sup. Tamburin. num.22.* monens baurientem aquam, imo, & quodlibet aliud non esse jejuniū, et si statim e stomacho ejiciat rem sumptam; cum semper aliquid illius remaneat in stomacho: item si ex proposito deglutiantur reliquæ cibi manentes in dentibus *de Lugo n.36. Vesp. d.211. de Euchar. cap.3. n.30. Hurtad. d.9. de Euchar. diffc.15.* (quod negant Tabiena, Henricus, Jo: a Cruce, Diana, Suarez, Rodriguez, & Coninch. apud Tamburinum *num.25.* nec improbabiler.) E contra jejuniū naturale non violatur, si per modum salivæ sumas guttam aquæ, aut jusculi, vel sanguinem e capite fluentem in os, ac immixtum salivæ. *De Lugo sup. num.23.* item si trajicias culicem, muscam, aut pulverem in os casu volitantes, vel etiam sanguinem, aut humorem e capite, aut gingivis descendentem, etiam in magna copia, etiam non immixtum salivæ; *De Lugo sup.* item si sumas tabacum per nares, sive in folio, sive in pulvere, sive in fumo, vel etiam aliquantulum aquæ per nares attrahas. *Granad. in 3. par. contr.6. tract.10. d.8. num.4. Suarez d.68. de sacr. sect.4. §. quares rursus.* item si per narium afflationem sumas odorem. *Granad. sup.* item si aromata teneas in ore, immo & conteras dentibus, sed non deglutita. *Tamb. n.26.* ex Bonacina addens ex *Tan- uero tom.4. d.5. qu.8. art.8. not.1.* si quid ex dictis aromatibus cum saliva descendat in stomachum, non violare jejuniū; cum talis descensus sit solum per modum salivæ, quæ cohiberi nequit, ne descendat affecta dictis aromatibus: quod non admittit Tamburinus in casu, quo volvens aromata in ore granum aliquod ex illis in stomachum involuntarie trajiciat: cum hic interveniat vera comestio, et si non volita; nec sit eadem ratio de musca in os volitante, & casu deglutita; si quidem

hem hæc actio nullo modo est comestio, sed respiratio, cum granum aromatis in ore contritum, volutatum, & trajectum in stomachum (etsi contra voluntatem) sit comestio: quomodo decedens in flumen, & aquam involuntarie deglutiens, vere dicitur potare: ita Tamburin.

Addit *Pasqualig. par. 2. decis. 426.* ex Paludano, & Persico, non solvi jejuniū naturale, si quid cibi, aut potus intret in conductum respirationis; cum talis deglutitio non pertineat ad manducationem, ut pote non ordinata ad nutritionem, sed potius ad suffocationem: dum enim sit descensus non in stomachum, sed in canalem respirationis, non completur manducatio, aut potatio; cum non sit in termino, nisi fiat transmissio in stomachum, ita ut descensus cibi, aut potus in stomachum sit pars manducationis, adeoque ea sublata, jejuniū non frangatur; quippe quod solum violatur per completam manducationem, aut potationem. Quod si in hoc casu conans ejicere, quod ingressum est in canalem respirationis, aliquid modicum illius in stomachum degluriat, non solvitur jejuniū naturale; quippe quod ingreditur præter intentionem, & vi actionis egestivæ, quæ opponitur manducativæ, aut potativæ, sicque ingredi nequit per modum manducationis, aut potationis, & consequenter non solvit jejuniū naturale.

Dubium majus est, an censeri debeat jejuniū jejuniū naturali, qui casu deglutit, & trajectit in stomachum aqua quantitate notabilem, ut si cadat in flumen.

Resp. Pasqualigus sup. decis. 425. quod licet *Tabiena v. communicare qu. 45. num. 51.* sustineat debere censeri jejuniū, dummodo id contingat præter voluntatem, siquidem, ut aliquid sumatur per modum cibi, debet sumi ex intentione, non casu; Doctores tamen communiter oppositum sustinent cum *Sylv. v. Euchar. 5. qu. 6. num. 8. Soto in 4. d. 12. qu. 1. ar. 8. ad 4. S. v. Euchar. num. 17. Nav. cap. 21. num. 53.* & probant, tum quia actio deglutienti magnam quantitatem aquæ nequit inducere rationem alterius actionis, quam

potationis, licet violentæ, ac præter intentionem; cum sit motus, quo per se primo aqua trajectitur in stomachum: tum quia dici non potest in hoc casu intervenire solum respirationem, aut deglutitionem salivæ; cum in his actionibus id, quod per se primo descendit in stomachum, non sit materia potabilis, sed aer, aut saliva; si autem hic intervenit actio potativa, solvitur jejuniū, ut patet.

Quod si aqua sic hausta ejiciatur e stomacho, dicit *Pasqualig. n. 4.* posse censeri adesse jejuniū naturale, si probabiliter judicetur totam aquam fuisse ejectam: nam jejuniū violatur solum per cibum, ac potum; & alioqui in hoc casu aqua, cum intret in stomachum præter intentionem, & ab eo ejiciatur, non habet rationem potus, sed cujusdam lavationis, qua stomachus lavetur: haustio enim illa aquæ eatenus haberet rationem potationis, quatenus conjungeretur cum termino ipsius potationis (cum omnis motus sit talis per conjunctionem cum suo termino) & alias in hoc casu haustio non conjungitur cum termino potationis, qui est permanentia liquoris recepti in stomacho, ut possit alterari, & digeri: sic *Pasqualig. etsi n. 5.* subdat in hoc caute procedi debere, & ex concurrentibus circumstantiis videndum esse, an totus liquor sit ejectus: si enim aliquo tempore mansit in stomacho, vel sit facile alterabilis, nequit censeri totus ejectus, sed præsumi debet aliquam ejus partem fuisse alteratam: præterquam quod, etsi probabiliter censeri possit totum liquorem fuisse ejectum, satius est abstinere a communione Eucharistica ob reverentiam Sacramenti.

Utrum vero Confessarius possit sapius ingredi ad ministrandam Moniali infirmæ Eucharistiam per modum Viaticæ.

224. *Resp.* Possit, si inter unam, & aliam communionem detur conveniens interval- lum temporis; v. gr. octo, aut decem die- rum juxta *Suar. d. 68. de Euchar. sect. 5.*, & *Henric. l. 8. c. 5. n. 1.*, aut etiam solum sex dierum, juxta *Furnum v. Communio 5. 18.*, & *Majorem in 4. d. 9. qu. 3. ad 5.* Ducor, quod, cum juxta citatos Doctores, quos

C c c sequit

sequitur *Fag. praecep. 3. Ecclesiae l. 3. c. 5. n. 20.* licitum sit fidelibus infirmis communicare per modum Viatici non semel, sed iterum, atque iterum, & quidem secundum *Laym. l. 5. tract. 4. c. 6. n. 20.* altero statim die in aliquo casu, licitum erit Confessario Monialium ingredi ad talem effectum, ne aliqui Monialis infirma destituatur tam salutaris remedio, & quidem valde necessario; ut proinde dici possit comprehendere sub regula generali a nobis assignata superioribus, quod potest Confessarius Monialium ingredi in casibus necessariis.

Quod si Monialis, cui administranda est Eucharistia per modum Viatici, sit Novitia, curet Confessarius, ut illa ante communionem faciat Religiosam Professionem juxta Pii V. indultum relatum *c. 9. n. 18.* pro ejus intelligentia unum tantum placeat hic adnotare; nimirum ad essentiam Professionis factae vi talis indulti non videri necessariam, quod ea fiat de consensu capitulari Monialium illius Monasterii, adeoque illam sine dicto consensu esse validam. Moveor, tum quia Pius V. si voluisset ad Professionem in isto casu faciendam requiri consensum capitularem Monasterii modo dicto, id expressisset in tenore indulti; sicut de facto expressit requiri, ut Novitia vigore praefati indulti professura annum etatis decimum sextum expleverit: cum ergo non expresserit circumstantiam consensus capitularis, signum est, quod illam noluit, juxta illud: *Si voluisset, expressisset: non expressit, ergo noluit.* Tum quia versamur in materia valde favorabili animae, quae proinde non debet restringi ultra id, quod restringitur in concessione indulti: tum quia usus talis indulti posset impediri a Monialibus Monasterii talem consensum denegando; ut bene notavit P. Bordonus a me consultus, qui nobiscum sentit.

Et hanc doctrinam puto procedere etiam in casu, quo professura vigore indulti Pii V. jam explevisset integrum annum probationis: hanc scilicet valide, ac licite profiteri in morte absque consensu capitulari Monialium. Ducor, quod videlicet indulti dispensat Papa non solum in in-

tegritate anni probationis, (cujus in praesenti casu nulla est necessitas) sed etiam in exploratione Puellae, & consensu capitulari Monialium alias praemittendis (quae duo etiam in praesenti casu deservire possunt): cum ergo in casu hic proposito indultum possit iussurari quo ad haec duo posteriora, non apparet, cur usus ejus denegari debeat ex eo, quod non suffragetur etiam quoad supplendam integritatem anni probationis: maxime attenda regula juris: *enī licet, quod majus, non debet, quod minus est, non licere l. non debet ff. de regulis juris*, & attenda natura privilegii favorabilis animae, quod debet ampliari: sic ego respondi novissime in contingentia facti, & responsionem approbarunt viri docti.

An autem Novitia virtute praefati indulti professi, possit resilire a statu Religioso, & redire ad saeculum, si supervivat, data doctrina Hieronymi Rodriguez, & Pechii apud Dianam p. 5. tract. 3. resol. 139. sustentium Novitiam hanc egere nova professione, & consequenter professionem in morte factam esse nullam (quod tamen negat ipse Diana cum Lezana, & nos negabimus in tract. de profess. c. 2. qu. 3.).

Resp. Data illa doctrina, possit resilire Novitiam a statu Religioso; cum juxta illam doctrinam ipsa perinde se habeat, ac si nullam fecisset professionem; & non entis nulle sint partes, seu qualitates *l. ejus, qui insulam ff. si eer. pet.* Verum tamen est, quod, licet dicta professio non habeat vim voti simplicis Religionis ex doctrina Sanchez lib. 7. de matrimonio d. 34. a. n. 8. habet tamen vim voti simplicis castitatis ob rationis identitatem expressae in *eap. quidam de convers. conjugat.* ut indicat idem Sanchez l. 7. d. 27. n. 13. cum declaratione ac praesumptione juris, quas ille habet d. 34. n. 3.

Addo Novitiam in morte profitentem modo dicto, inherendo doctrinae Rodriguez supra relatae, posse, si antea non renunciavit bonis, postea renuntiare (servatis alias servandis) idque ob rationem 5. praecedenti adductam, quae procedit aequè in re praesenti, ut consideranti patebit.

Quam-

Quamquam in foro externo talis bonorum renunciatio posset esse admodum contraversa, stante nostra sententia sustinente professionem factam in morte vigore indulti Pii V. esse veram, ac validam professionem: quam sententiam amplectuntur plures, & graves doctores apud *Dianam* par. 3. tract. 2. resol. 17.

Accedit, quod, licet *Rodriguez* consequenter ad illam suam doctrinam cum aliis sustineat Novitiam in casu proposito profitentem, si convalescat, teneri absolvere residuum anni integri probationis, in nostra tamen sententia oppositum sustinendum est; cum sic cesset finis probationis, quæ ordinatur ad professionis emissionem tamquam via ad terminum, & dispositio ad formam; quæ omnia cessant hoc ipso, quod vera, ac legitima professio facta est (sic ut vere facta est in presenti casu) unde procedit juris regula: *Cessante legis ratione, cessat lex, l. final. ff. de adul.*

Quæres 43. An, & quoties Confessarius ingredi possit Monasteria Monialium ad ministrandam extremam unctionem Moniali infirmæ.

225. *Resp.* Quod, cum Sacramentum extremæ unctionis non respiciat solum infirmitatem, sed etiam statum infirmitatis, quo juxta humanam æstimationem infirmus appropinquat morti; & alioqui durante eodem morbo (v. gr. hydropico) possit sæpius incurri periculum mortis, potest infirmus licite inungi sæpius, etiam in eadem infirmitate; si occurrente uno periculo mortis semel inunctus incurrat postea aliud periculum; quod potest non raro evenire: ita *Diana* part. 5. tractat. 3. resol. 36. aliquo communiter, & patet ex Concil. Trident. sess. 14. cap. 3. de extr. unct., ubi dicitur: *Quod si infirmi post susceptam hanc unctionem convalescerint* (intellige, si veletudine omnino recuperata, si ve, quod evadant periculum mortis) iterum hujus Sacramenti subsidio juvari poterunt, cum in aliud simile discrimen inciderint. Constat autem ex dictis quæ. præced. quod si Monialis modo dicto potest sæpius inungi, poterit Confessarius sæpius ingredi ad talem effectum:

cum talis inunctio recenseri probabiliter possit inter casus necessarios, in quibus conceditur ingressus.

226. Porro intervallum temporis, quod requiritur, & sufficit ad reiterandum Sacramentum extremæ unctionis, recurrente novo periculo mortis, censet *Fagund. sup. lib. 1. cap. 1. num. 7.* prudentia viri judicio definiri debere, & videri sufficere 15. aut 20. dies: mensura integrum requirit *Henric. lib. 3. c. 9. num. 4.* *Mancinus* vero in pract. 9. d. 21. censet sufficere octo dies post præcedentem unctionem, ita ut probabiliter præsumi possit infirmum peccasse saltem venialiter: inter hæc opiniones ego consulo opinionem *Fagundez* tamquam probabilior.

Quæres 43. An, & quoties Confessarius Monialium ingredi possit ad assistendum infirmæ laboranti in extremis.

227. *Resp.* Possit: ita in terminis *Sanchez* sup. nu. 48. ex *Llamas*, *Peyrin.* to. 2. privil. constitut. 6., *Pii V.* num. 3., *Victorel.* citatus a *Tambur. sup. quæ. 2. num. 6.*, & alii communiter. Moveor, quod, cum talis assistentia sit non solum utilis, sed valde necessaria Moniali in tali statu constitutæ, enumerari potest inter casus necessarios, in quibus jura concedunt ingressum intra septa Monialium: munus quippe assistendi Moniali in tali eventu, illamque confirmandi piis verbis, est proprium Sacerdotis; eo vel maxime, quod tunc potest occurrere aliqua animi perturbatio, aut scrupulus, ad quæ sedanda sit opus consilio Confessarii; ut propterea non parum suspicer esse minus authenticam declarationem illam, quam assert *Gavanti. in manu. v. Claus. Monial. num. 43.*, ut factam a Sacra Congregatione; nimirum Confessarium Monialium, administrato extremæ unctionis Sacramento, debere relinquere Monialem infirmam morientem, eam commendando aliis Monialibus, ut eam juvent ad bene moriendum, & e Monasterio egredi: quod certe videtur admodum durum, præsertim scemini, quæ morientibus sibi cognatis vellent semper assistere aliquem Sacerdotem ipsis in tanta necessitate spiritali opulentem.

Difficultas est, an Confessarius non semel, sed iterum, atque iterum ingredi possit ad talem effectum, immo & longiori tempore continuato assistere Moniali animam agentis, etiam per noctem integram.

228. *Resp.* Posse, & sæpius ingredi, & diuturniori tempore assistere, si iudicio prudentis viri Monialis censeatur brevi moritura, ideoque indigere assistentia Confessarii, qui piis verbis eam consoletur, & opportunis mediis adjuvet ad bene moriendum. Ducor, quod Confessarius licite potest ingredi ad assistendum Moniali; cum juxta dicta a jure concedatur ingressus in tali casu, ut potè comprehensus inter casus necessarios: at potest evenire quod Monialis agonizans indigeat assistentia Confessarii, sive pro longiori tempore continuato, & quod variis, & gravibus tentationibus tunc temporis vexetur, & iudicio Medici credatur brevi moritura; sive quod sæpius ad eundem effectum ingrediatur, eo quod Moniali superveniant plura symptomata, per quæ probabiliter creditur mox moritura, cum tamen, iis cessantibus, tempus agonizæ ulterius protrahatur: ergo in hoc utroque casu poterit Confessarius, & ingredi Clausuram sæpius, & longiori etiam tempore permanere in Monasterio; maxime cum præcepta Ecclesiæ (cuiusmodi est præceptum Clausuræ Monialium) non obligent in eventu tantæ dispendii, & aliqui simus in materia adeo favorabili animæ, in qua melius est abundare, quam deficere. Unde Ordinarii locorum, ac Prælati Regulares Monialibus sibi respective subiectis quoad hoc deberent non parum indulgere, memores ex brevissimo mortis momento pendere totius æternitatis progressum, plurimumque conducere cuicumque morienti, ut assistentem habeat Sacerdotem, qui in tanta necessitate, & tam gravi periculo opportunum præstet auxilium.

Quod si quæras, an Confessarius Monialium in casu, quo cogeretur longiori tempore commorari in Monasterio ad assistendum Moniali morienti, & quidem no-

lla, aliâsque magnam haberet necessitatem aliquantulum requiescendi, posset ad ali- quod tempus secedere in cubiculum aliquod intra ipsum Monasterium, ibique parumper requiescere.

Resp. Quod in tali eventu consultum esset potius secedere in Domum Factoris Monialium proximam Monasterio, ibique requiescere, prælo adfuturum Moniali morienti, ubi primum advocabitur: sic ego consului in contingentia facti, & consilium postea approbarunt viri valde docti: q. in etiam postea reperi Fratres Carmelitas Discalceatos *part. 3. stat. cap. 30. num. 3.* statuisse, quod si Monialis aliqua sit morti proxima, non liceat Sacerdoti Confessario intra Clausuram pernoctare, nisi ægeta sit in eo periculo, ut eo pietatis officio egeat, quod in morientes exerceri solet: ac ea defuncta, statim cum socio exeat; quod statutum fuit confirmatum ab Urbano VIII. & ostendit rationabilem esse nostram assertionem.

An autem Confessarius in presenti casu ducere possit, & debeat socium intra Clausuram, vel certe debeat ingredi solus.

229. *Resp.* Posse, & debere ingredi cum socio, si Confessarius sit Regularis: idque ob dicta *qu. 39. §. Quod si quæras*: si vero sit secularis, non est quidem regulariter in usu, quod secum ducat socium (forte, quia hic, & nunc illum habere non potest in promptu, qualis in tali eventu requireretur, virum scilicet pium, & non minus ætate, quam moribus gravem): esset tamen multum laudabile, ac expediens, quod Confessarius Monialium secularis in ingressu Clausuræ secum haberet socium, qualem modo indicavimus. Verum in hoc serventur consuetudo uniuscujusque Diocesis, Religionis regula, & præcipue Sacræ Congregationis decreta, a quibus nefas est recedere in re tanti momenti.

Quæres 44. Quibus mediis possint, & debeant Confessarii Monialium juvare illas ab bene moriendum tempore agonis.

230. *Resp.* Posse, & debere juvare sequentibus mediis, aut aliis similibus quæ sug-

suggeret Spiritus Sanctus, videlicet illas excitando ad varios Actus fidei, spei, & charitatis, sicque illas muniendo adversus tentationes, quæ tunc temporis immissæ solent a Diabolo, & hoc brevi aliqua oratione desumpta & sacris scripturis; cuiusmodi essent, pro Actibus quidem fidei recitatio symboli Apostolici, & verba illa. *Adjuva incredulitatem meam*, vel *adauge nobis fidem*, vel *Credo quod Redemptor meus vivit*, & *in novissimo die de terra surrecturus sum* &c. pro Actibus spei verba illa: *Apud Dominum misericordia*, & *copiosa apud eum redemptio*; vel *Pone me iuxta te*, & *cuiusvis manus pugnet contra me*; vel *non in arcu meo sperabo*, neque *gladius meus salvabit me*, sed *dextera tua*; vel *Deus meus misericordia mea*; vel *In te Domine speravi*, non confundar in æternum; vel *Quoniam tu es Domine spes mea*; vel *In te eripiar a tentatore*, & *in Deo meo transgrediar murum*; vel *Dominus illuminatio mea*, & *salus mea*, quem timebo? pro Actibus charitatis verba illa: *Cupio dissolvi*, & *esse cum Christo*; vel *Quando veniam*, & *apparebo autem faciem Dei*? vel *Quid mihi est in cælo*, & *a te quid volui super terram*? vel *Mihi autem adherere Deo bonum est*, ponere in Domino Deo meo spem meam; vel *Deus meus*, & *omnia*: pro Actibus contritionis, verba illa: *Delicta juventutis meæ*, & *ignorantias meas ne memineris Domine*; vel *Sana Domine, sana animam meam*, quia peccavi tibi; vel; *Ubi me abscondam a vultu iræ tue*? vel, *Parce mihi Domine*, nihil enim sunt dies mei: vel, *Non intres in iudicium cum servo tuo*; Domine; vel *Tropicius esto mihi peccatori*; vel *Sacrificium Deo spiritus contribulatus*, cor contritum, & humilatum Deus non despicies; vel *Propter nomen tuum Domine propitiaberis peccato meo*: multum est enim. Curet item Confessarius ut Monialis infirma opportuno tempore debitas faciat protestationes, videlicet se velle mori in fide catholica, firmiterque credere, quicquid credit, ac docet S. Mater Ecclesia: se quam maxime dolere de omnibus offensis Deo factis, esseque paratam

n illis potius mori, quam ipsum amplius offendere, ut pote super omnia amabilem: se æternam salutem sperare, non ex propriis meritis, sed Christi, ejusque sacratissimæ passionis: se nolle consentire ulli suggestioni dæmonis, quæ tempore agonizæ ab eo immittatur: se commendare animam suam Deo, B. Virgini, Angelis Custodi, Sanctis, & maxime sui Ordinis, ac tutelaribus. Denique Confessarius assistens Moniali agonizanti non solum ipsam juvet identidem ei suggerendo voce moderata aliquam ex orationibus jaculatoriis superius relatis, sed etiam piam Christi crucifixi imaginem exhibeat sæpius osculandam in cicatricibus: lectulum sæpius aspergat aqua benedicta: curet appendi collo Monialis benedictum aliquod numisma habens indulgentias: sæpiusque ei revocet in memoriam, ut in extremo mortis articulo curet obtinere plenariam indulgentiam concessam dicto numismate: coram ipsa recitet devotas preces, sive solus (v. gr. Officium S. Crucis, passionem Christi desertam a S. Joanne, commendationem animæ), sive cum aliis Monialibus assistentibus (v. gr. Litanias) curetque ut Moniales, quæ modo dicto assistunt infirmæ, singule seorsim dicant, sive Rosarium B. Virginis, sive Psalmos Pœnitentiales, sive alias orationes: ponat etiam super lecto aliquas Sanctorum reliquias ad expugnandos demones, illorumque tentationes, & novendas: curet etiam affigi lecto aliquam imaginem Beatæ Virginis, & alicujus Sancti, aut Sanctæ, quos Monialis agonizans speciali devotionis affectu prosequeretur, v. gr. Sancti Joseph, Sancti Fundatoris Ordinis, Sancti tutelaris, aut alterius similis: illam item, quamdiu est capax, faciat confiteri identidem aliqua peccata, saltem alias confessæ, & absolvat Sacramentaliter ad majus gratiæ incrementum.

Moneo hic unum, quod si Confessarius ad majus augmentum gratiæ, ac meriti velit identidem absolovere Sacramentaliter Monialem morientem, quæ non potest loqui, sed bene audit, potest absol-
 voce

voce dicere, ut se accuset de verbis otiosis, aliisque similibus defectibus in specie expressis; & hoc, ut detur materia absolutionis in particulari: probatur tum ex praxi usitata etiam apud viros doctos, ac timoratos, quæ sine dubio non debet condemnari: tum quia confessio Sacramentalis publica non est prohibita, nisi per accidens, videlicet ratione scandali, quod posset suboriri, si in casu proposito de- tegeretur aliquid grave, ac infamatorium, quod aliqui erat assistantibus ignotum: tum quia in præfenti casu nulla intervenit violatio sigilli Sacramentalis; cum non Confessarius detegat peccata Monialis penitentis, sed ipsa Monialis, cedens juri suo. Quamquam in tali eventu Confessarius abstinere debeat, ne pronat Moniali culpas graves, de quibus modo dicto se accuset; cum debeat solum proponere defectus leves, aut certe peccata in communi.

Quæres 45. *An Confessarius Monialium ingredi possit ad exequias demortuæ Monialis peragendas.*

231. *Resp.* Quod *Gavantus in manu. v. Monial. claus. num. 40.* dicit Sacram Congregationem sub 13. Septemb. 1583. statuisse, ne Monialium Confessarii clausuram ingrediantur prætextu sepeliendæ Monialis, aut Officium funerale peragendi.

„ Hanc eandem declarationem re-
 „ fert *Pignattellus tom. 6. consult. 85.*
 „ *num. 234.* per hæc verba: *Non liceat*
 „ *ei, nec aliis Regularibus ingredi Mona-*
 „ *sterium sub prætextu sepulture tradendi*
 „ *cadaver alienjuss Monialis, aut officia*
 „ *funeralia peragendi, sed hoc officii, si*
 „ *intra clausuram sepelienda est, ab aliis*
 „ *Monialibus, vel a duobus operariis ab*
 „ *Ordinario approbandis peragatur; vel*
 „ *si in Ecclesia exteriori humanda, cadaver*
 „ *ad portam clausuræ deferatur, rece-*
 „ *ptumque a Regularibus ibi sepeliatur.*
 „ Alia etiam extant decreta hujusmo-
 „ di ingressum generaliter prohiben-
 „ tia, quæ videri possunt apud *Nico-*
 „ *lium in flosculis verbo Sepultura, n. 6.*

Quod si contingat aliquem defun-

ctum laicum asportari ex speciali privilegio intra Monasterium Monialium ibi sepeliendum (quod tamen hodie vix potest evenire, attenta declaratione Sacræ Congregationis relata a *Tamburino sup. d. 34. qu. 1. num. 2.* id expresse prohibentis) Confessarius Monialium poterit, & debet comitari cadaver usque ad locum sepulture; cum in tali casu ingressus sit necessarius, ne aliqui defunctus sepeliatur sine precibus, ac excremoniis ordinariis Ecclesiæ: & ex alia parte, gaudent Monasterio Monialium privilegio exemptionis, Parochus proprius defuncti sepeliendi non habeat jus supra cadaver existens intra dictum Monasterium; quippe quod ibi incipit esse subjectum dicto Confessario, tamquam Parocho proprio Monasterii, sicut indicat *Tamb. sup. d. 24. qu. 5. n. 4.* docens, quod si vir secularis, aut femina jubeant se sepeliri intra Monasterium Monialium, & a secularibus nobilibus deportetur cadaver, hi nequitiam ingredi possunt; sed iis in hoc munere succedere debent Fratres ad id deputati; intellige, si Monasterium sit subjectum Prælati Regularibus: alioqui puto posse intrare præfatos portitores; cum sic illorum ingressus sit necessarius, & consequenter exceptus a communi prohibitione ingrediendi clausuram Monialium: quæ de re *Portell. sup. & Rodriq. to. 1. qu. 17. art. 4.*

232. Addo hic obiter, quod si contingat aliquem in Ecclesia Monialium exteriori ex improvise incurrere periculum mortis, extrema Sacramenta ei conferri debent, non a Confessario Monialium, sed a proprio Parocho illius: cum in tali casu jurisdictioni dici possit ipsi collata a jure, etiam in illo loco exempto, & alias Parochus habeat jus in suum subditum ubicumque existentem, quamdiu non mutat domicilium: ita Pollachus, Baldellus, Bordonus, Stephanus a S. Gregorio, Zannettus, & alii a me consulti; quamvis Bordonus ex dictis a *se to. 1. resolut. resolut. 20. num. 18. §. Viaticum* putet probabile Confessarium Monialium in proposito casu posse Sacramenta ministrare; & Baldellus

consecra

cenſeat Parochus in tali eventu teneri petere ab Abbatiſſa Monafterii facultatem miniſtrandi Sacramenta: quod tamen de rigore Juris non puto neceſſarium.

Et hanc doctrinam cenſeo procedere, etiam in caſu, quo quis intra Monafterium Monialium ex inopinato caſu incurreret periculum mortis: hunc enim puto debere recipere Viaticum, ac extremam Unctionem, non a Confeſſario Monialium, ſed a proprio Parocho, per ſe loquendo; niſi ſcilicet periculum ſit in mora: tunc enim ratione extremæ neceſſitatis id præſtari poſſet, & deberet a quocumque Sacerdote, qui primo occurreret. Moveor, quod Parochianus ille ex eo, quod eſt in Monafterio Monialium, non deſinit eſſe ſubditus proprii Parochi, & alias adminiſtratio dictorum Sacramentorum non eſt actio, quæ reſpiciat locum, ſed reſpicit ſolum perſonam, quæ in noſtro caſu remanet ſubjecta proprio Parocho. In caſu autem propoſito poſſet Parochus ingredi clauſuram ſine licentia ſuperioris, ſi eſſet periculum in mora, & commode adiri non poſſet Superior: ſecus, ſi non eſſet periculum in mora, & Superior commode adiri poſſet.

Quod ſi hac occasione quaras, an caſu, quo ſecularis ſæmina ingreſſa Monafterium animo ibi perpetuo degendi moriatur, ſpectet ad Confeſſarium Monialium ei miniſtrare ultima Sacramenta, & aſſociare cadaver, quod forte ſepeliendum ſit extra Eccleſiam Monialium, & lucrari quartam funeralem cum aliis juriſbus Parocho obvenientibus intuitu ſepulturæ.

233. Reſp. Spectare omnia ſupra dicta ad Confeſſarium Monialium, cum Monafterio Monialium competat non ſolum exemptio perſonalis, ſed etiam localis; & ſæmina illa ſæcularis illud ſibi eligendo in domicilium, effecta ſit de ovibus Confeſſarii præſati Monafterii; qui proinde tanquam Parochus illius erga ipſam poterit exercere Parochialia modo dicto: præterquamquod a quo viventes recipimus Sacramenta, ab eodem poſt mortem debemus recipere & ſepulturam; & conſequenter ipſe a nobis recipit jura Paro-

chialia, ſeu effectus dictorum Jurum: ſicut ergo ſæmina illa vivens recepit Sacramenta a Confeſſario Monialium, tamquam ejus Parochiana; ſic poſt mortem debet ab eo recipere ſepulturam; & ille lucrari ab ea jura Parochialia, cum vere ſit ejus Parochus, habeatque ut talis in illam juſdiſdictionem ordinariam, non autem ſolum delegatam. Quæ doctrina a fortiori procederet in caſu, quo ſæmina ſepelienda eſſet in ipſa Eccleſia Monialium, ſive interiori, ſive exteriori; idque ratione acquiſiti domicilii, ut jam dictum eſt: quæ acquiſitio domicilii non adeſt in caſu propoſito *ſ. præcedenti*; ideoque aliter de eo diſſerimus: nobiſcum ſentit Bordonus a me conſultus, id inde probans, quod ad acquirendum juſ paſſivum Parochiæ, vel quaſi Parochiæ, & conſequenter ad Sacramenta, ac ſonus ſufficit ſola habitatio majore anni parte, etiam ſine domicilio, teſte Innocentio in *cap. Omnis 12. de panit.* cum jura in ordine ad prædicta ponderet habitationem, non autem domicilium: talis autem habitatio verificatur de præſatis puellis.

Immo puto doctrinam hic traditam de ſæmina ſæculari poſſe probabiliter ſuſtineri de puellis in Monafterio degentibus cauſa educationis; quippe quæ ibi acquirunt quaſi domicilium, adeoque ſunt Parochianæ dicti Monafterii juxta probabilem doctrinam traditam a Sanchez *l. 3. de Matr. d. 23. d. n. 9.* unde, ſi ibi moriantur, Confeſſarius Monialium exercebit cum illis omnia jura Parochialia, tam quo ad Sacramentorum miniſtrationem, quam quoad ſepulturam, ut dictum eſt de ſæmina ſæculari: quamvis de dictis puellis ſuſtineri poſſit etiam opinio oppoſita, quam Sanchez cenſet eſſe probabilem.

Quod ſi ſæmina illa ſæcularis ingreditur, non animo determinato degendi perpetuo in Monafterio, ſed ut eripiantur, aut ibi commode poſſit habitare, & ſi viderit ita futurum, habeat animum ibi perpetuo degendi; tunc non videtur ibi acquirere domicilium; cum non habeat animum abſol. te ibi perpetuo habitandi, ſed ſolum conditionatum, qui non ſufficit ad

ad acquirendum domicilium (si sit conditionatus conditione suspensiva) siquidem Doctores apud Sanchez l.3. de Matr. d.13. num.1. ad acquirendum domicilium exigunt absolute animum perpetuo ibi habitandi - Dixi *si sit conditionatus conditione suspensiva*; qualis est, si talis inhabitatio mihi placuerit; ut indicarem secus dicendum, si dicta conditio sit resolutiva, qualis est, nisi talis ibi inhabitatio mihi displicuerit: cum enim, eveniente eo casu, resolvatur ille animus ibi inhabitandi; signum est illum absolute, & simpliciter præcessisse, & non fuisse suspensum quoad perpetuitatem, sicut esset in priori casu: qua de re consulatur in simili Sanchez l.7. mor. c.5. a num.59.

Et quidem quod acquiratur domicilium in casu proposito, si addit animus perpetuo ibi inhabitandi, constat ex eo, quod Sanchez l.3. de Matr. d.13. num.1. ex communi Doctorum sensu docet ad acquirendum domicilium requiri, & sufficere animum perpetuo ibi habitandi: ex alia parte Monasterium Monialium est locus exemptus a jurisdictione Parochi, intra cujus Parochiam existit; ac proinde, cum in dicto Monasterio exerceatur cura animarum a Confessario Monialium, dicendum est feminam illud ingressam animo perpetuo ibi inhabitandi, per acquisitionem novi domicilii factam esse de jurisdictione præfati Confessarii.

Quod vero Quarta in casibus propositis debeat Confessario Monialium, suadet, tum quia ea debetur propter onus, quod sustinetur in administratione Sacramentorum. Cap.1. cap. relatum cap. de his sepult. Confessarius autem Monialium in casu præfati non minus sustinet onus administrandi Sacramenta Monialibus, & aliis feminis existentibus intra clausuram, quam si esset Parochus respectu suarum ovium: tum quia esso Quarta dicatur deberi Ecclesiæ Parochiali, quando Parochianus extra eligit sepulturam (quo nomine non videtur venire Ecclesiæ Monialium, sicut nec Confessarius earum dicitur Parochus respectu illarum): is tamen habet jus ad Quartam; cum ratio

militans pro Parocho item militet pro Monialium Confessario; quippe qui, licet non vocetur Parochus, in re tamen est Parochus; cum ex Officio curam habeat animarum æque, ac si esset Parochus respectu secularium: ita Bordonus a me consultus, addens, quod si Ecclesiæ Monialium habeat jus Parochiale in secularibus annexum Monasterio (sicut alicubi habet) & habeat proprium Rectorem, in tali casu is intra Ecclesiam perficiet officium ceptum a Confessario; cum Rector, non autem Confessarius ibi habeat regimen Ecclesiæ.

E contra si Ecclesiæ Monialium non sit Parochialis, & ibi debeat sepeliri aliquis Parochianus, ordo funeris fieri debet non a Parocho defuncti, sed a Confessario Monialium, huicque debetur Quarta funeralis; cum ipse sit, & dici possit Parochus Ecclesiæ Monialium sibi commissarum, ideoque gaudeat omnibus juribus Parochorum.

Advertit idem Bordonus in litteris ad me rescriptis, quod si forte Monialis ex privilegio eligat sepulturam extra Clausuram, finis inchoatum ducetur a Confessario Monialium; quippe qui per talem electionem non amittit jus alias ipsi competens super cadaver Monialis: atque id esse certissimum, cum Parochus, non obstante electione sepulture facta a suo Parochiano in aliena Ecclesiâ, finis levando cadaver inceptum prosequatur ad Ecclesiam, in qua electa fuit sepultura.

Quæres 46. An Confessarius Monialium possit ingredi Clausuram ad effectum ibi Missam celebrandi coram infirmis, aut convalescentibus.

234. „ Resp. Non possit sic enim pluries declaravit Sacra Congregatio, vide licet in una Pistoriensi 16. Julii 1585. „ Intra Clausuram nemo celebrat, nec servat monizet: apud Pignattellum tom6. cons. 85. num. 156. in una Bononicensi 2. Januarii 1601. intra eandem Clausuram non potest Missa celebrari, non obstante qualibet contraria consuetudine: „ apud eundem num. 245.

Quæ

Quæres 47. *An Confessarius Monialium ingredi possit Clausuram ad deferendam Moniali infirmæ insignem Reliquiam alicujus Sancti, quam ipsa summopere cupiat venerari, & alias summa devotione profectur.*

231. Resp. *Peyrin. tom. 3. privil. Constitut. 6. Pii V. num. 30.* posse, idque frequenter fieri Genuæ, ubi maxima in veneratione habetur caputinum S. Francisci de Paula. Verum cum in tali casu non appareat sufficiens necessitas ingrediendi Clausuram; non audeo approbare hujusmodi doctrinam, seculæ legitima consuetudine, quæ alicubi quoad hoc extet in contrarium (quo modo forte extat Genuæ respectu præfati caputii S. Francisci de Paula) ut proinde non immerito *Tambur. sup. qu. 2. num. 7.* referens istam doctrinam Peyrini dicat se ignorare, in re adeo singulari quid dicat: usus certe communiter videtur esse in contrarium, ideoque opinio Peyrini non ita facile admitenda; cum jura ad ingrediendam Clausuram Monialium requirant causam necessariam, urgentem, rationabilem, ac manifestam, ut non semel superius dictum est.

Quæres 48. *An Confessarius ingredi possit Clausuram Monialium ad impertiendam Moniali morienti benedictionem Episcopalem, aut Indulgentiam illi concessam a Papa, Legato de latere, aut ab Episcopo.*

236. Resp. Non posse, nisi in specie id ei concedatur a Papa; patetque, quia ad talem effectum non est necessarius ingressus; cum præfata indulgentia, ac benedictio possit concedi Moniali absque hujusmodi ingressu, per alias Moniales dictæ Moniali significando talem concessionem: sique iste casus non videtur exceptus a communi prohibitione ingrediendi Clausuram.

Quæres 49. *An Confessarius Monialium ingredi possit Clausuram ad effectum exorcizandi Monialem emergentem.*

237. Resp. Non posse ex decreto Sacerz Congregationis relato a *Barbosa in collect. v. Monial. Claus. quoad egressum*

9. 5., & a nobis adducto sup. c. 5. sect. 2. quæst. 30.

Quæres 50. *An Confessarius Monialium ingredi possit ad benedicendum Monasterium in Sabbato Sancto, aut aliqua alia occasione: ut si Monasterium infestetur a spiritibus immundis.*

238. Resp. Non posse quidem ingredi ad benedicendum in Sabbato Sancto: cum in tali casu vere non sit necessarius ingressus: adeoque Sacra Congregatio sub 4. Septembris 1596. teste *Gavanto in manu. v. Claus. Monial. num. 37.* declaravit Confessarium non habere justam causam ingrediendi Clausuram ad aspergendum Monasterium in Sabbato Sancto; videri tamen posse ingredi ad talem effectum in casu, quo Monasterium graviter infestetur a spiritibus immundis cum magna perturbatione, ac inquietudine Monialium: sic enim ingressus censetur necessarius, cum benedictio Sacerdotis in simili eventu multum prodesse soleat, multumque levamen afferat fidelibus; ut propterea Prælati Monialium justam habeat causam concedendi ingressum in tali casu, ut pote judicio viri prudentis comprehenso inter casus exceptos: ita docti viri a me consulti, & ita de facto fuit practicum Ferrariz sub Eminentissimo Domino Cardinali Magalotto Pastore piissimo, ac ze-
lantissimo felices recordationis.

Quæres 51. *An Confessarius Monialium ingredi possit ad sumendam Hostiam consecratam ipsi in Ecclesiam interiorem e manibus lapsam in præbenda comunione Monialibus.*

239. Resp. Videri non posse; cum ingressus Confessarii in tali eventu non sit necessarius; & alias juxta sæpius dicta non liceat ingredi Clausuram Monialium absque causa necessaria, urgenti, rationabili, & manifesta, ut non semel jam diximus: patet responsio ex dictis, si ostendero ingressum Confessarii in tali eventu non esse necessarium: id autem inde suadet, quod Moniales ipsæ decenter possunt elevare a terra particulam illam consecratam media patena, eamque postea

D d d præ:

præbere Sacerdotis e fenestella communionis, cum in tali casu permitti possit Moniali, ut tangat patenam, excusante necessitate: præterquam quod dictam particulam consecratam possit lingua ipsa sumere Monialis, cui præbeatur, quando decidit: mandando postea locum, super quem ceciderat, illum aliquantulum abradendo, & pulverem, seu abrasionem in sacrum projiciendo, juxta communem rubricam Missalis: quæ item observanda esset in casu, quo particula consecrata attolleretur e terra media patena, uti paulo ante diximus. Et certe cum rubrica Missalis simpliciter, & absolute dicat. *Si Hostia consecrata, vel aliqua ejus particula dilabatur in terram, reverenter accipiat, & locus, ubi cecidit, mundetur, & aliquantulum abradatur, & pulvis, seu abrasio hujusmodi in sacrum projiciatur*, non exprimendo, num hæc præstari debeant a Sacerdote, an a quocunque alio, etiam laico: non apparet, cur id non possit fieri etiam a Moniali: ita Cardinalis de Lugo, Diana, Aversa, & alii docti viri a me per litteras consulti contra Naldum, Baldellum, & alios item consultos oppositum sustinentes.

240. Nec obitat dictis, quod laici, vel non Diaconi non possunt, deficiente Ministro, sibi ministrare Eucharistiam, saltem extra articulum mortis, & quod Monialis quoad hoc comprehendatur inter personas laicas: id enim non videtur procedere in presenti casu, in quo adest rationalis causa secus faciendi, & ipsa Eucharistia non sumitur manibus (de qua sumptione loquuntur DD., quando negant laicos posse sibi ipsis ministrare Eucharistiam) sed lingua ipsa particulam consecratam lambendo: in quo utique minor adest irreverentia, præsertim urgente necessitate.

Quod si hic obiter quæras, an casu, quo particula consecrata labatur super vestem Monialis communicantis, aut super aliquam aliam rem, vel etiam super manibus ipsiusmet Monialis, observari debeat rubrica Missalis, quæ ita habet: *Si ceciderit (hostia scilicet consecrata) extra corporale in map-*

pam, seu alio quovis modo in aliquod lin-teum; mappa, vel linteam hujusmodi diligenter lavetur, & lotio ipsa in sacrum effundatur.

241. *Resp.* Quod cum ista rubrica loquatur expresse de mappis, seu linteis, non videtur extendenda ad alios similes casus, & consequenter neque ad eos, qui hic proponuntur; idque juxta communem regulam, quod, ubi agitur de obligatione imponenda, stricta interpretatio facienda est: præterquam quod observantia istius rubricæ esset valde onerosa in casibus hic propositis, ut facile consideranti constabit: verum tamen est, quod in simili eventu diligenter inspiciendum est, num in loco, super quo cadit hostia consecrata, addit aliquod illius fragmentum; & si quod est, aliquo ex modis indicatis attollendum est reverenter: quin etiam esset valde decens, ut Moniales ipsæ abluerent rem illam, super quam cadit particula consecrata: idque ad majorem reverentiam Sacramenti: quæ omnia confirmari maxime possunt ex doctrina, quam tradit *Suar. d. 85. de Euchar. sect. 1.* nimirum ea, quæ in Missali proponuntur sub titulo *de defectibus*, solum esse instructiones quasdam doctrinales (non vero speciales constitutiones inducentes novam obligationem) & quidem datas juxta doctrinam probabilem; non tamen magis obligare, quam res ipsas, aut doctrinam, in qua ex fundantur: ita docti viri a me consulti, & præsertim P. Zanettus alibi citatus.

Addo, quod si fragmentum hostiæ inter comunicandum decidat super vestem comunicantis, & forte supra pavimentum: si quidem fragmentum sit parvum, non teneatur Sacerdos ministrans communionem adhibere solitam diligentiam ad illud reperiendum; cum id sit admodum incertum, & non parum tumultuosum, cedatque in gravamen Sacerdotis non leve. Secus, si fragmentum sit de magnis: sic enim cessat ratio allegata saltem magna ex parte: cum probabiliter credi possit ejusmodi fragmentum facile posse reperiri, ut patet: sic docti viri consulti.

Quæ-

Quæres 52. *An Confessarius Monialium ingredi possit Clausuram in casu, quo Monialis non posset accedere ad ipsum, & alioqui ex gravissima tristitia, aut alia urgentissima tentatione conferretur exposita periculo desperationis, cui opportune posset consulere ipse Confessarius, salutaria consilia, ac monita suggerendo.*

242. *Resp.* Videri posse; de licentia tamen proprii Prælati Monialium, qui sine dubio haberet iustam causam illam concedendi; cum in tali casu interveniat necessitas spiritualis adeo gravis, acurgens; & in similibus casibus licitus reddatur ingressus in Monialium Monasteria, ut jam diximus.

Quæres 53. *An Confessarius Monialium ingredi possit Monasterium, si contingat infantem recens natum ex fœmina conjugata ibi cum legitima licentia habitante ita periclitari de vita, ut probabiliter timere possit ipsum moriturum sine baptismo, nisi ipse baptizetur statim ab illo, aut certe ab aliqua Moniali, & ideo infans non possit absque gravi periculo deferri ad locum, in quo extra Clausuram possit baptizari.*

243. *Resp.* Videri non posse; cum in præsentis casu non adsit urgens necessitas, per quam licitus reddatur ingressus Confessarii; ut inde patet, quod per aliquam Monialium scientem materiam, & formam baptismi succurri potest spirituali indigentie infantis; sicque non est opus, quod Confessarius ad talem effectum ingrediatur, videlicet ad illum baptizandum; cum id æque bene præstari possit ab aliqua Moniali; ut jam innui, & hic suppono nec obstat, quod in ministrando baptismo, etiam tempore necessitatis, servari debeat aliquis ordo, ita ut, præsentem viro, maxime Sacerdote, fœmina non baptizet, ut tradunt Suarez d. 31. de Sacra. sect. 4. Sæ v. baptismus n. 7. Tol. l. 2. r. 20. n. 8. aliique plurimi apud Bonac d. 2. de Sacra. qu. 2. p. 5. n. 11. si quidem in casu proposito non potest dici præsentem Sacerdos hoc ipso, quod Confessarius Monialium non potest ingredi, & alias absque periculo gravi infantis ipse non potest ad illum deferri, ut ipsum baptizet: sic ergo sentio, & ut puto, valde probabiliter.

Quæres 54. *An dato, quod Confessarius Monialium ingrediatur Monasterium in casu permissio, v. gr. ad extirpandam confessionem Monialis infirmæ, ea occasione possit consequenter ibi præstare aliquod munus, ad quod prætere exercendum non potuisset ingredi; v. gr. benedicere aliquod ædificium recens constructum.*

244. *Resp.* Hanc quæstionem resolvendam esse juxta dicta c. 5. sect. 3. n. 166.

Quæres 55. *An Confessarius Monialium in casu permissio ingrediens Monasterium incurrat penas latas contra violantes Clausuram Monialium ob malum suum, si in ipso ingressu simul habeat intentionem pravam v. gr. fornicandi cum aliqua Moniali.*

245. *Resp.* Videri probabile, quod non incurrat; & patet, quia hujusmodi ingressus est quidem peccaminosus ratione prave intentionis adjunctæ; non tamen habet malitiam secundum esse extrinsecum requisitam ad incurrendas dictas penas; mirum quod ingressus fiat sine debita licentia: poenæ autem Ecclesiasticæ feruntur solum contra actus externos absque respectu ad actus internos; ut in simili notat Diana p. 5. tract. 5. resol. 45. ex Sanch. & Portello.

Quæres 56. *An ad hoc, ut Confessarius Monialium ingredi possit Clausuram in casu rationabili, non tamen comprehenso in generali facultate ingrediendi ipsi data, egeat speciali licentia, eaque in scriptis.*

246. *Resp.* Egere, patetque ex dictis sup. c. 5. sect. 3. qu. 33.

SUBSECTIO II.

De Confessario Monialium extraordinario.

247. *Confessarius extraordinarius bis, aut ter in anno deputandus pro Monialibus.*

248. *Et quidem etiam pro Monialibus infirmis.*

249. *Pro his tamen requiritur specialis licentia ad ingrediendum: immo Ordinarius Moniali moritura potest concedere extraordinarium.*

D d d 2

dina-

- dinarium, qui ei in omnibus expleat munus Confessarii Ordinarium.*
250. *Concedendus his, aut ter in anno; potest vero concedi etiam saepius.*
251. *Potest saepius peti ab ipsis Monialibus.*
252. *Concedendus praescriptis vicibus, licet ex alio titulo fuerit concessus alia vice.*
253. *Si injuste denegetur, Moniales illum non eligunt, quod alii negant.*
254. *Ordinarium Monialibus exemptis concedit Confessarium extraordinarium a regulari Praelato injuste negatum.*
255. *Ordinarium extraordinarium Confessarium nequit denegare in poenam.*
256. *Is concedendus, etiam non interjectis debitis intervallis inter vices praescriptas.*
257. *Deputandus a proprio Praelato Monialium.*
258. *Approbandus ab Ordinario loci.*
259. *De rigore eligi potest a Praelato Monialium pro arbitrio.*
260. *Deputandus quolibet quadrimestri, aut alio tempore ad arbitrium Praelati.*
261. *Magis expedit illum deputare, ipsi non limitando tempus.*
262. *Facultas data his verbis (valeat pro octo diebus) qualiter intelligi debeat.*
263. *Finito tempore praescripto, non potest de rigore confessiones audire ulterius.*
264. *Idque probabile videtur quoad ingrediendam Clausuram in casu, quo Confessarius esset deputatus ad audiendam Confessionem Monialis infirmæ.*
265. *Ingressus ad audiendam Confessionem unius infirmæ, potest item audire aliam infirmam, si generaliter deputatus sit ad Confessiones totius Monasterii.*
266. *Deputatio hæc facienda in communi, non autem pro voluntate cuiusvis Monialis.*
267. *Qualis esse debeat Confessarius extraordinarius Monialium.*
268. *Decet ei concedi quam maximam potestatem quoad absolvendum a reservatis.*
269. *Ad quos fines fiat deputatio Confessarii extraordinarii.*
270. *Quomodo Moniales teneantur accedere ad Confessarium extraordinarium.*
271. *Si accedant, audienda omnes.*
272. *Concedendus pro Moniali, quæ agrotabat, quo tempore deputatus est pro toto Monasterio, & postea convalescit.*
273. *Confessarius extraordinarius sine licentia non celebrat in Templo Monialium, pro quibus deputatur.*
274. *Non potest illis publice concionari.*
275. *An possit cum Monialibus differere de rebus non pertinentibus ad Confessionem.*
276. *An Ordinarius possit mittere Regularem ad aliquod Monasterium ad aliquod opus pietatis.*
277. *Tutus est in conscientia deputatus in Confessarium Monialium, si, nullius earum Confessione audita, det iis consilia bona, conciliet dissidia &c.*
278. *Electus in extraordinarium ad decem dies, si octo diebus absolvat Confessiones Monialium, reliquo tempore potest ad eas accedere, stando in rigore juris: idque a fortiori procedit, si deputatio*

tatio facta sit sine temporis limitatione.

279. Si, auditis Monialium confessionibus, iis concionetur, caute se gerat in earum defectibus arguendis.
280. Interrogatus, an audierit Confessionem Monialis, quam dimisit inabsolutam, debet affirmare se audivisse.
281. Peccat, si Moniali non nominata aliquid dicat, ex quo reddatur odiosa Confessio.
282. Quid si manifestet consilii causa.
283. Indigens facultate reservatorum, caute illam petat. Eucharistiam non potest negare Moniali, quam ex Confessione scit indignam: non violat scillicet si dicat illam Monialem esse scrupulosam: de peccato noto ex Confessione complicitis interrogat alium complicitam, sed caute non violat sigillum, qui revelat virtutem penitentis, aut loquitur cum penitente de peccatis auditis statim finita Confessione ex iusta causa, aut post absolutionem dat penitentiam, aut manifestat aliis, quam dederit penitentiam, si haec sit levis.
284. Plura debes observare Confessarius, ut suum munus bene expleat.

Quæres 1. An, & quo jure Prælati Monialium teneantur aliquoties in anno illis assignare Confessarium extraordinarium.

247. Resp. T Eneri assignare ex decreto Concilii Tridentini sess. 25. de regul. c. 10., quod sic habet: Præter ordinarium autem Confessarium alius extraordinarius ab Episcopo, & aliis superioribus bis, aut ter in anno offeratur, qui omnium Confessiones audire debeat. Ubi notandum, quod, cum Concilium utatur

verbo offeratur; & verbum offerre juxta suam proprietatem importet spontaneam exhibitionem, vi hujus decreti tenentur Prælati Monialium non solum iis concedere Confessarium extraordinarium duabus, aut tribus vicibus in anno, si ipsæ illum eslagitent, sed etiam eum illis offerre motu proprio, etiam si ipsum non eslagitent: propterea reprobandus est usus illorum Prælatorum, qui non sponte assignant Monialibus Confessarium extraordinarium, sed solum ab iis requisiti: forte quia Moniales sunt diligentiores in petendo Confessario extraordinario suis temporibus, sicque præveniunt exhibitionem illius, alias faciendam ab Ordinario; & quidem sub mortali, ut constat ex gravitate materiæ, circa quam versatur hæc obligatio; & ex doctrina, quam tradit Sanch. l. 6. mor. c. 4. n. 31. modum scilicet imperativum (cujusmodi est verbum offeratur) importare in re gravi (qualis est ea, de qua hic agitur) gravem obligationem, & consequenter sub mortali.

„ Addo Summum Pontificem BENEDICTUM XIV. ad supplendam Ordinarium negligentiam statuisse in sua Constitutione quæ incipit Pastoralis curæ edita quinta Augusti 1748. Cardinalem Majorem Penitentiarium statim, ac pro parte Monialium requisitus fuisse, debere earum Monasterio extraordinarium Confessarium, ex eorum tamen numero, qui ad excipiendas Monialium Confessiones ab ipso Ordinario loci approbati fuerint, cum omnibus necessariis, & opportunis facultatibus concedere, & deputare. Voluit insuper præfatus Pontifex Ordinarios locorum eodem modo supplere debere negligentiam Superiorum Regularium circa Monasteria ipsis subiecta in deputando Confessario extraordinario.

Dubium hic esse posset, an Confessarius extraordinarius concedi debeat non solum Monialibus bene valentibus, sed etiam infirmis, & quidem toties, quoties debet concedi bene valentibus.

248. Resp. Debere concedi; cum decretum Concilii loquatur generaliter, ut con-

constat ex illis verbis: *qui omnium confessiones audire debeat*; & alioqui lex generaliter loquens generaliter debeat intelligi, præsertim in materia adeo favorabili animæ: præterquamquod finis intentus in concessione Confessarii extraordinarii potiori ratione militat in Monialibus infirmis; quippe quibus magis proxime imminet mors, ideoque magis necessaria sunt media opportuna, quibus ad pie, sancteque moriendum se disponat. Quare, sicut *sest. præced. qu. 40.* diximus Confessarium ordinarium posse ingredi clausuram ad audiendas confessiones Monialium ægrotantium, quotiescumque alix Moniales confitentur ex præcepto, aut regula, vel consuetudine; immo etiam quoties asserunt se indigere confessione: sic & Confessario extraordinario, iustum est, ut detur facultas ingrediendi ad eundem effectum, quoties deputatur pro Monialibus bene valentibus, sique Prælati Monialium debent esse faciles in concedendo Monialibus infirmis Confessario extraordinario. Unde Cardinalis Petrus Aldobrandinus Archiepisc. Ravennatenfis in Constitutionibus editis pro Monialibus c. 12. statuit extraordinarium posse concedi Monialibus in periculo mortis existentibus. „ Imo annuendum facile esse „ Moniali graviter ægrotanti, si Confessarium extraordinarium petat, pluries „ approbavit Sacra Congregatio Concilii „ suis Decretis, quæ refert, approbat, „ & confirmat Summus Pontifex BENE- „ DICTUS XIV. in supra citata Constitutione, in qua statuit, ut idipsum præstent Episcopi erga Moniales Regularibus Prælatie subiectas, cum aliqua ex „ illis a suo Superiore Regulari huiusmodi gratiam impetrare non potuerit. „ 249. Ut tamen extraordinarius intret ad hunc effectum, petitur licentia specialis; cum facultas ingrediendi clausuram etiam ad Sacramenta ministranda non veniat sub generali facultate audiendi confessiones Monialium huius, aut illius Monasterii juxta regulam 81. in 6. non veniunt in generali concessione ea, quæ quis non esset verisimiliter concessurus in specie:

quare hoc ipso quod Sacerdos deputatur in Confessarium extraordinarium alicuius Monasterii Monialium, non ideo censetur ei concessum, ut possit etiam ingredi Monasterium ad expediendas confessiones Monialium infirmarum; sed eget ad talem effectum licentia speciali, & in scriptis; ea ratione, qua indiget quicumque alius in Monasteria Monialium ingressurus est.

Quod si hac occasione quæras, an Prælati Ordinarii Moniali moritura autoritate propria concedere possint in Confessarium Regularem aliquem, qui loco Confessarii ordinarii ei tunc conferat omnia Sacramenta, & assistat tempore agonie, idque ad præcisam Monialis spirituales consolationem; seclusa peculiari necessitate.

Resp. Videri, sique a me de hoc in specie interrogati responderunt Pollacæus, Baldell., Bordonus, Zannettus, Stephanus a S. Greg. aliique viri docti, inter quos P. Baldellus vir doctissimus, & Urbis, ac Orbi ob egregia sua volumina edita, atque edenda notissimus, his verbis ex Italico idiomate in Latinum fideliter conversis sic rescripsit: *Nulla mihi occurrat ratio dubitandi, quod Ordinarius Moniali moritura concedere non possit Sacerdotem aliquem, sive secularem, sive Regularem, qui loco Confessarii ordinarii ipsi conferat extrema Sacramenta, & assistat tempore agonie: idque ad præcisam Monialis consolationem spirituales. Certe Romæ Cardin. Bellarm. s. mem. cum esset Protector Monasterii S. Martha, & post illum alii Cardinales ejusdem Monasterii Protectores, quo ad hoc Monialibus facillime alias indulserunt, & in præsentia etiam indulgent, si requirantur. Quin etiam Card. Vicarius Urbis, qui præest rebus Monialium Conventibus, me ipso presente, cum scivisset a quodam suo Ministro ad Monialium administrationem deputato, Moniali cuidam moritura id pertinacius denegatum fuisse, illum acriter reprehendit dicens in articulo mortis ea omnia debere concedi, quæ ad animæ salutem conferre possunt. Sic Baldellus; & inde probat responsum, tum quod Confessarius*

rius ordinarius Monialium est delegatus, & aliqui Ordinarius suam jurisdictionem delegare potest tam uni, quam alii, tam pro una Moniali tantum, quam pro multis simul, & tam pro una vice, quam pro multis vicibus, prout ipsi magis placuerit: tum quia Ordinarius Moniali bene valenti concedere potest Confessarium extraordinarium, quoties judicaverit expedire: ergo & illum concedere potest Moniali morienti, cum in tali casu sola lex clausuræ difficultiorem reddere possit concessionem; quæ tamen dispensari potest ratione necessitatis, ac utilitatis se tenentis ex parte Monialis, ut patet: tum quia parum refert quod talis confessio trahi facile possit in exemplum: nam tale exemplum in casu mortis non est timendum.

Quæres 2. Quot vicibus in anno debeant Prælati Monialium ipsis concedere Confessarium extraordinarium.

250. *Resp.* Vigore citati decreti Tridentini debere illum concedere duabus, aut tribus vicibus in anno; ut constet ex illis verbis, *bis, aut ter in anno offeratur*; per hoc tamen non tolli: quin, si velint concedere etiam sæpius, id facere possint: & ratio est quod, cum decretum Concilii Tridentini adhibeat verbum *offeratur*, & verbum *offeratur* sit diversum a verbo *concedi potest*, inclusio unius non est exclusio alterius; sicque Prælati Monialium non tenentur quidem offerre ipsis Confessarium extraordinarium in anno pluries, quam bis, aut ter: possunt tamen, si volunt, illum concedere etiam crebrius: cum talis potestas ipsis ex munere suo competat, & per Concilium non sit diminuta: ita in terminis *Bordon. resol. 5. n. 11.* ex Galletto referente sic fuisse decisum, & aliis, beneque: cum possit accidere, quod Moniales interdum egeant Confessario extraordinario frequentius, quam duabus, aut tribus vicibus in anno: ergo cum Confessarii deputatio pendeat a Prælato Monialium, necesse est, ut habeat potestatem illum deputandi: alioqui ejus potestas esset valde diminuta, & manca in necessariis. Nec obstat, quod in præfato decreto Concilii videtur quo ad hoc re-

stringi facultas Episcoporum; cum in eo adhibeantur termini numerales habentes rationem dictionis taxativæ, quæ impedit, ac excludit extensionem, & continet negationem omnium aliorum casuum non expressorum l. *Julian. sitem tantum ff. de neg. gest.* nam limitatio illa restricta ad tertiam vicem refertur ad obligationem, quam habent Episcopi quo ad offerendum Monialibus Confessarium extraordinarium ter in anno, non autem ad potestatem ulterius illum offerendi; adeoque Prælati Monialium pluries, quam ter in anno, possunt etiam modo iis offerre extraordinarium.

Quod si aliqui Episcopi in hoc nimis scrupulose procedunt nixi dicto decreto Concilii; contra illos facit, quod habetur in c. *consuluit 2. qu. 4. Quod Patrum testimonii decretum non est, superstitiosa inventione non est præsumendum*: præsertim cum censetur concessum, quod non est expresse prohibitum cap. *sunt nonnulli 16. qu. 1. c. jam nunc 28. qu. 1.* quod maxime procedit in permissivis teste *Naldo v. concessio n. 37.* & locum habet in casu nostro. Præterquamquod decretum Concilii est summe favorabile animæ (ut colligitur ex fine, ad quem factum est) sicque magnam admittit ampliationem. Unde fit, ut plures Episcopi pietate, prudentia, doctrina, ac muneris Episcopalis peritia conspicui in concedendo Monialibus Confessario extraordinario se admodum faciles, ac liberales exhibeant; dummodo ipsis in extraordinarios proponantur viri graves, pii, docti, ac prudentes; cum, teste experientia, videant id plurimum conferre tum ad promovendum profectum spiritualem Monialium, tum ad evitandas plurimas confessiones facillegas, quæ alias identidem fierent in Monialibus peccatorum suorum maculas detegere formidantibus Confessario ordinario. Illustrissimi ergo Episcopi, me auctore, non sint difficiles in concedendo Monialibus subditis extraordinario: qui enim nimis emungit, elicit sanguinem: videant, ne nimio hoc rigore animas illarum in damnationis æternæ barathrum præcipites detru-

dant,

dant, sique reos in hoc se constituent juxta illud *Ezech. 3. Sanguinem ejus de manu tua requiram*: noverint majora esse mala, quæ proveniunt ex nimia difficultate concedendi extraordinarium Monialibus, quam quæ gigni possunt ex nimia facilitate, quæ in hoc ostenditur; sique procedere commune axioma ex duobus malis minus eligendum: quamvis si electi in extraordinarios sint, quales supponuntur, vix ullum possit occurrere malum: meminerint Prælatos, qui se minus difficiles exhibent in concedendo Monialibus Confessario extraordinario, nequamquam recedere a pia mente Concilii Tridentini, sed operari juxta mentem ipsius, ut jam ostendimus: compatiuntur infirmitati sexus feminei valde verecundi, ac meticulosi; sique ipsi pro viribus subtrahant æternæ salutis offendicula; ad quod multum conferet facilis concessio Confessarii extraordinarii.

251. Quin etiam docet *Bordonus resol. 5. num. 11.* quod, sicut Prælati Monialium possunt ultra tres vices ipsi offerre Confessarium extraordinarium, ut nos ipsi jam ostendimus, sic & illæ ultra tres vices possunt illum petere; cum sit eadem ratio de illis, ac de Prælati; adeoque procedat regula juris: *Ubi militat eadem ratio, militat & eadem juris dispositio.*

Major difficultas est, an casu, quo Moniales ex occasione alienjus Jubilæi, aut ex indulto bullæ Cruciatæ habeant Confessarium extraordinarium, nihilominus Prælati teneatur illo ipso anno eum illis concedere, etiam ipsis tribus vicibus præscriptis in Concilio Trident.

252. Resp. Teneri: & probatur ex eo, quod Decretum illud Concilii continet privilegium factum Monialibus: verba autem privilegii ita debent accipi, ut aliquid ultra jus commune operentur, sicut notavit *Leyman lib. 5. tract. 5. cap. 4. n. 3. ex Suar. d. 80. de Sacram. sect. 4.* unde fit, ut eligens Confessarium vigore Jubilæi, aut bullæ Cruciatæ, si aliunde etiam habeat facultatem illum eligendi, possit eum eligere etiam tot vicibus, quot de facto conceditur in dicta facultate: siquidem

unum privilegium per se non tollit aliud, & alias indultum cedens in favorem animæ late explicandum est; cum summum jus sit, quod facit pro religione *l. sunt persona. ff. de Religios. & sumpt. funerum.*

Quæres 3. An casu, quo Prælati Monialium ipsis irrationabiliter, ac injuste denegat Confessarium extraordinarium vicibus præscriptis in citato Decreto Concilii, eæ nihilominus possint illum eligere licite, & valide.

253. Resp. Non posse, neque valide, neque licite; & ratio est, quod post Constitutionem Gregorii XV. quæ incipit *Inscrutabili*, non potest ullus Sacerdos, sive Sæcularis, sive Regularis audire Confessiones quarumcumque Monialium, etiam exemptarum, nisi sit approbatus ab Ordinario in specie pro ipsis: quod si Episcopus denegat Monialibus Confessarium extraordinarium, utique non illum approbat; quod tamen est necessarium ad hoc, ut valida, & licita sit electio Confessarii extraordinarii, Quæ etiam possunt inde confirmari, quod communiter DD. teste *Jode Lugo d. 21. de peniten. num. 52.* contra *Navarrum cap. 27. num. 264., & 265.* aliosque relatos a *Diana par. 3. tract. 2. resol. 24.* solum Regulares sine causa sufficiente non approbatos ad confessiones audiendas, aut rejectos ab examine non posse, neque valide, neque licite audire Confessiones sæcularium (inmo doctrina contraria reprobata est ab Alexandro VII. in damnatione prop. 13. *Satisfacit præcepto annuæ confessionis, qui constitetur Regulari Episcopo presentato, sed ab eo injuste reprobato*) esse Ordinarios illos injuste reciens peccet, & faciat ipsis injuriam, ut pote vi suorum privilegiorum jus habentibus ad audiendas Confessiones: sic ergo in præsentī peccat quidem Ordinarius denegando Monialibus Confessarium extraordinarium ipsis concessum a Concilio Tridentino, at, hoc posito, non possunt Moniales illum valide eligere, & consequenter nec licite; cum approbatio Ordinarii sit de valore talis electionis, quæ proinde absque illa non subsistit. Unde si talis casus eveniret, possunt Moniales,

les, quarum interest, recurrere ad Sacram Congregationem Regularium, ac Episcoporum, ut, qua potestate fungitur, illas maneat in possessione indulti quoad hoc ipsis concessi a Concilio Tridentino, vel ad Cardinalem maiorem Penitentiarium iuxta Constitutionem BENEDICTI XIV. supra allegatam n. 247.

Quod si quæras, an loquendo de Monialibus exemptis Episcopus loci deputare illis possit Confessarium extraordinarium, ipsis iniuste denegatum a Prælato proprio Regulari.

254. *Resp.* Possè; & probatur, tum quia ex decreto Sacre Congregationis relato a Naldo v. Episcopus num. 13. Episcopus dat Confessarium extraordinarium Monialibus etiam exemptis; tum quia ex Bulla Greg. XV. *Inferntabili* potest Episcopus amovere Confessarium Monialium, etiam exemptarum, si Prælatus Regularis ab ipso monitus renuat id facere: ergo & poterit eum deputare, eodem Prælato iniuste invito; eum contrariorum eadem sit disciplina: tum demum ex citata Constitutione BENEDICTI XIV.

Quæres 4. An possit Episcopus saltem in panam excessus graviorem commissi a Monialibus alicujus Monasterii illis denegare Confessarium, etiam pro illis vicibus, quibus tenetur eum concedere vigore Concilii Tridentini.

255. *Resp.* Videri non posse; & probatur, tum quia non potest inferior tollere, aut diminuire privilegium concessum a Superiore absque ejus consensu, saltem interpretativo, qui certe in præsentia non videtur adesse respectu Concilii; præsertim cum non desint alia genera poenarum, quibus puniantur excessus Monialium absque spirituali illarum dispendio: tum quia denegatio Confessarii extraordinarii nocet omnibus, & singulis Monialibus; cum alias probabile sit non omnes semper fore reas excessus, qui sic puniuntur; ubi autem non adest culpa, nec debet infligi poena, saltem communiter.

Quæres 5. An Episcopus, aliusve Prælatus iuste denegare possint Monialibus sibi respective subditis Confessarium extraordi-

narium, si ea illum petant absque certis temporis intervallis pro illis vicibus, quibus ipsis conceditur a Concilio Tri-d., & gr. primis tribus mensibus anni.

256. *Resp.* Quod quamvis communiter deputatio Confessarii extraordinarii non solet fieri, nisi per certa temporis intervalla (& regulariter unoquoque quadrimestri anni) & hoc ipsum censeferi possit fuisse intentum a Concilio Tridentino in allegato decreto, ut sic deputatio tanto magis redundet in bonum spirituale Monialium; nihilominus absolute loquendo, si Moniales Monasterii alienius unanimes convenirent in eo, quod primis tribus mensibus anni ipsis deputaretur Confessarius extraordinarius præfatis tribus vicibus a Concilio concessis, deberet Prælatus cui ex subsunt, illum ipsis deputare (nisi prudens aliquod motivum habeat Episcopus ad denegandum). Moveor, quod ubi jus non distinguimus, nec nos distinguere debemus *l. præses ff. de offic. præsid.* cum ergo in citato decreto Concilii deputatio Confessarii extraordinarii non limitetur ad certa intervalla temporis, sed absolute præscribatur his verbis: *alius extraordinarius ab Episcopo, & aliis Superioribus his, aut ter in anno offeratur*; non debemus nos illam restringere ad certa temporis intervalla: præsertim cum juxta dicta ex præfato decreto Concilii Moniales habeant jus petendi Confessarium extraordinarium, idque non restrictum ad certa temporis intervalla.

Quæres 6. Per quem debeat deputari Confessarius extraordinarius Monialium, sive illum efflagitent, sive non.

257. *Resp.* Debere deputari a proprio Prælato, cui respective subjiciuntur; eum hæc tamen differentia, quod si Moniales sint exemptæ ab Ordinario, Confessarius extraordinarius præsentari debet a Prælato Regulari, & approbari ab Ordinario juxta inferius dicenda; si vero sint subiectæ Ordinario, ab isto debet Confessarius extraordinarius offerri, & approbari: patet tum ex Decreto Conc. Tridentini adducto qu. 1., tum ex Constitut. Gregorii XV. citata qu. 3., quæ sic habet:

E c c

Con-

Confessores vero, five Regulares, five Sæculares, quomodocumque exempti, tam ordinarii, quam extraordinarii ad Confessiones Monialium etiam Regularibus subjectionem audiendas nullatenus deputari valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant.

Quæres 7. Ad quem spectet approbare Confessarios Monialium extraordinarios, stando in jure novo.

258. *Resp.* Spectare ad Ordinarium loci, idque ex relata Constitutione Gregorii XV. cum jure antiquo id spectaret ad Prælatos proprios Monialium, nempe ad Prælatum Regularem, si ex erant exemptæ; ad Ordinarium vero, si immediate subiacebant illius jurisdictioni; sicut notavit Tambur. d. 16. de jure Abbatis. qu. 2. num. 3. ex Armendaro, & aliis. Ubi notandum ex declaratione Sacræ Congregationis, quæ refertur in Bullar. to. 4. Constitut. Gregor. XV. in ordine 18. Confessarios extraordinarios semel ab Episcopo deputatos, & approbatos ad audiendas Monialium confessiones pro una vice infra annum ad præscriptum sacri Concilii Tridentini non posse pluries in vim talis approbationis illarum confessiones audire; sed ab Episcopo toties esse approbandos, quoties casus deputationis contigerit.

Quæres 8. An Prælati Monialium teneantur deputare in Confessarium extraordinarium illarum Sacerdotem ab ipsis Monialibus electum, vel certe possint deputare illum, quem ipsi maluerint.

259. *Resp.* Quod, licet regulariter Prælati Monialium soleant illis concedere in Confessarium extraordinarium illum, quem ex unanimiter proponunt, ac petunt, absolute tamen dicendum videtur eorum posse ex proprio arbitrio deputare illum, quem ipsi maluerint. Moveor tum quia Concilium Tridentinum in allegato decreto solum præcipit Prælati Monialium, ut Confessarium extraordinarium illis offerant bis, aut ter in anno, non autem ut concedant illum, quem ipsæ Moniales deponunt: ideoque cum a diver-

sis non fiat illatio (maxime ubi agitur de obligatione, quæ est stricti juris) præceptum Concilii non debet ampliari ab uno casu expresso ad alium non expressum; tum quia non expedit, ut designatio Confessarii extraordinarii fiat a Monialibus; quippe quæ interdum possent eligere virum minus idoneum, sive minus quoad sufficientiam doctrinæ, quoad mores; sicque potestas data in ædificationem cederet in destructionem: tum quia communis, & certa sententia Doctorum confirmata pluribus Decretis Sacræ Congregationis, & Pontificum habet Moniales neque tempore J. bilæi posse vigore illius confiteri cuivis Sacerdoti approbato ab Ordinario, sed solum ei, qui de facto fuerit approbatus ab ipso Ordinario in specie pro Monialibus; & consequenter negat Ordinarium tempore Jubilæi tenei deputare Monialibus in Confessarium illum, quem in specie illæ efflagitant; at in præsentī casu par ratio militat, ut consideranti patebit.

Quæres 9. Quibus temporibus, & ad quantum tempus teneantur Prælati Monialium ipsis deputare Confessarium extraordinarium.

260. *Resp.* Quod, cum Concilium Tridentinum non determinet expresse, quibus temporibus fieri debeat talis deputationis, ut constat ex tenore illius, id relinquatur arbitrio ipsorummet Prælatorum, qui proinde debent facere talem deputationem, prout suadent circumstantiæ hic, & nunc concurrentes: praxis tamen fere communis est, ut dicta deputationis fiat unoquoque quadrimestri, & quidem in præcipuis solemnitatibus sive proprii Ordinis, sive totius Ecclesiæ: quare in hoc servanda est consuetudo cujusque Diocesis, aut Ordinis, cum consuetudo habeat vim legis.

261. Quod vero spectat ad tempus concedendum Confessariis extraordinariis pro audiendis Monialium Confessionibus varia est Diocesana consuetudo: alicubi enim determinatur tempus certum, v. gr. spatium 15. aut 16. dierum (ut Ferrariæ) alibi nulla sit temporis determinatio: quod mihi

mibi magis probatur, & omnino confu-
lendum Prælati Monialium; cum sic Con-
fessarius minori sollicitudine suum munus
obeat, & majori cum utilitate spirituali
ipsarum; ad quam solam ordinatur depu-
tatio Confessariorum extraordinariorum,
& quam Prælati earum tenentur procurare
omni studio, ac diligentia.

*Difficultas est, qualiter intelligi de-
beat facultas data Confessario extraordina-
rio ad audiendas confessiones Monialium
alicujus Monasterii sub his, aut si-nilibus
verbis, (quæ facultas valeat pro 10. die-
bus) an scilicet vi talis facultatis possit ac-
cedere ad audiendas confessiones octo diebus,
etiam interpolatis; vel certe quod possit a
die concessæ facultatis per 10. dies conti-
nuos accedere ad audiendas Monialium con-
fessiones, ita ut, elapsis dictis 10. diebus
non possit amplius accedere.*

262. *Resp.* Tenorem hujusmodi fa-
cultatis intelligi in hoc posteriori sensu,
nisi aliter constet de mente concedentis;
idque ne alias nimis facilis reddatur acces-
sus ad Moniales, & aperiatur ostium va-
riis inconvenientibus, quæ inde possent
consequi: etsi forte non omnino impro-
babilius posset quis dicere ex rationabili
epicheia dictam facultatem posse pie in-
telligi de octo diebus utilis.

Addo facultatem audiendi confes-
siones Monialium datam pro octo diebus
extendi ad decem dies; idque juxta regu-
lam juris communiter receptam: *Dies
termini non computantur in termino*; quæ
sine dubio maxime admittenda est in præ-
senti materia, ut pote in primis favora-
bili animæ. Sic respondit Reverendissimus
Ciarlinus Vicarius Regensis Ecclesiæ
vir doctissimus P. Dominico Zanetto So-
cietatis Jesu, responsum approbanti.

*Illud paulo majorem habet difficulta-
tem, an Confessarius absque nova licentia
possit accedere ad Moniales, etiam post
elapsos illos decem dies, si ultima die re-
periat Monialem indigere absolutione ali-
cujus reservati, ad quod non extenditur
ejus facultas; aut teneri instituire confes-
sionem aliquam longiorem, qua non possit
expediri tempore adeo brevi.*

263. *Resp.* Quod, quamvis de rigore
non possit, obstante l. boves, §. hoc ser-
mone, ff. de verb. significat. ex qua sermo
simpliciter prolatus intelligitur de prima
vice, nihilominus attento fine, ob quem
conceditur Confessarius extraordinarius,
improbabile non est Confessarium in pro-
posito casu, etiam post absolutos decem
dies, posse accedere ad Monialem in-
digentem absolutione illius reservati, aut
confessione generali, ut illam absolvat,
ejusque confessionem generalem, sive in-
choatam, sive inchoandam audiat: ita do-
cti, ac ingeniosi recentiores a me con-
sulti; sicque in facti contingentia interro-
gatus consului, ea ductus ratione, quod
in tali eventu adeit justa causa faciendi
epicheiam, & procedit regula communis:
*Qui vult faciem, vult media necessaria ad
faciem*: quamquam hac in re opus sit ma-
gna cautela, ne offendantur Ordina-
rii, &c.

264. Immo (ut id quoque obiter di-
cam) probabile puto, quod si Confessa-
rius ingressus Monasterium ad audiendam
confessionem Monialis infirmæ inveniret
eam esse irretitam aliquo reservato, aut
velle facere confessionem generalem,
quæ non posset expediri una die; absque
alia licentia posset iterum ingredi ad ab-
solvendum a reservato, obtenta facultate
a Superiore, & ad excipiendam confes-
sionem generalem; idque ob rationem,
§. præced. adductam. Quod item puto di-
cendum, si in casu proposito Monialis jam
confessa, & absoluta statim revocaret
Confessarium jam egressum e Clausura
ad manifestandum ei peccatum oblitum:
cum enim id fiat incontinenti, antequam
Confessarius divertat ad alios extraneos
(ut suppono) moraliter unicus repu-
tatur ingressus, etsi physice multiplex:
ea proportionaliter ratione, qua uni-
cus censetur ingressus, si in præsentem Con-
fessarium, ubi cepit audire confessionem
Monialis, ex gravissima causa revoca-
retur extra Monasterium, prius quam
perficeretur confessio: tunc quippe pe-
racto negotio, ad quod fuisset evocatus,
sine nova licentia posset iterum ingredi ad

perficiendam illam confessionem; sicut & posset, si ingressus ad audiendam confessionem Monialis infirmæ, illam ex improviso reperiret morbi vehementia ita correptam, ut nunc non posset ullo modo confiteri: quæ sunt bene notanda, quia facile occurrere possunt, & (quod ego sciam) non sunt ab aliis decisa, faciuntque etiam pro Confessario ordinario.

Sic puto Monialem, si confitens Regulari tamquam Confessario extraordinario obliviscatur alicujus peccati, quod erubescit confiteri ordinario Confessario, sub alio prætextu posse Regularem advocare, eique cum legitima facultate accedenti peccatum illud confiteri, & absolvi: idque, licet approbatio Confessarii extraordinarii toties quoties debeat renovari. Ducor, quod coram eo iudice debet causa definiri, coram quo cæpta est ejus cognitio; ibique finiendum iudicium, ubi est ceptum, & ipsa inchoatio iudicii prorogatur jurisdictionem: quæ omnia procedunt in casu præsentij.

265. Addo, quod, si Confessarius ingressus ad audiendam confessionem unius Monialis infirmæ inveniat aliquam aliam item infirmam, quæ petat confiteri, utique potest illam audire, quantumvis confessio ad longum tempus esset duratura; & hoc est facultas ingrediendi concessa fuisset expresse ad audiendam confessionem determinatæ Monialis: hoc enim non obstante, locum habet epicheja; & Confessarius, cum sit deputatus in extraordinarium totius Monasterii, est approbatus pro omnibus Monialibus, & consequenter pro illa alia infirmæ.

Quæres 10. *An Confessarius extraordinarius Monialium deputari debeat in communi, vel etiam in particulari.*

266. *Resp.* Debere deputari solum in communi, regulariter loquendo; idque ex decreto Sacræ Congregat. sub 15. Februarii 1593. relato a Tamburino d. 16. de jure Abbatiss. qu. 1. n. 7. quamquam in casu, quo deputandus sit Confessarius extraordinarius, consultus est, ut Abbatissa congreget Moniales subditas, interroget-

que quem velint in Confessarium extra ordinarium: ut sic constet, in quem plures Moniales conveniant, sicque deputatio illis sit gravior, & consequenter utilior. Dixi *regulariter loquendo*, ut innueret posse contingere, quod, concessio Confessario extraordinario Monialibus alicujus Monasterii modo dicto in communi, expediret ad bonum spirituale particularis Monialis ut alius ei Confessarius designaretur, cui majori confidentia, ac sinceritate propriam conscientiam detegeret, & a quo opportuniora reciperet remedia pro spirituali sua infirmitate.

„ Tres casus assignat BENEDICTUS
„ XIV. in supracitata Constitutione, in
„ quibus annuendum facile esse Moniali
„ extraordinarium petenti docet, & ad sic
„ faciendum hortatur Episcopus. Primo
„ quando Monialis in mortis periculo pos-
„ tulat alium Sacerdotem, qui tunc non
„ sit ordinarius Monasterii Confessor, su-
„ prema sibi Ecclesiasticæ pietatis officia,
„ & pœnitentiæ Sacramentum ministrare,
„ ut pluries decrevit Sacra Congregatio
„ Concilii, cujus decreta approbantur, &
„ confirmantur a BENEDICTO XIV.:
„ Secundo quando aliquæ Moniales, licet
„ non sint infirmæ recusant confiteri propter
„ animi debilitatem ordinario Con-
„ fessario, quibus Confessarium extra ordi-
„ nem semel, vel pluries deputandum
„ esse vel sæcularem, vel Regularem al-
„ terius Ordinis diversi ab illo cujus Præ-
„ lato Moniales sub sunt; ut pariter ex
„ decretis Sacræ Congregationis Concilii
„ decernit idem BENEDICTUS XIV.:
„ Tertio annuendum eodem modo benig-
„ ne esse peculiaribus Monialibus, quæ
„ licet non sint infirmæ, nec reculent or-
„ dinarium pœnitentiæ ministrum, tamen
„ pro majori animi sui quiete, atque ul-
„ teriori in via Dei progressu facultatem
„ petunt confitendi aliquoties alteri Sa-
„ cerdoti ad excipiendâ Monialium Con-
„ fessiones jam approbato, nisi aut Mo-
„ nialis postulantis, aut Confessarii requi-
„ siti qualitas aliter faciendum suadeant.
„ Ita citatus BENEDICTUS in supra cita-
„ ta Constitutione adducens exemplum,
„ & præ-

» & praxim S. Caroli Boromæi, & Vene-
 » rabilis Cardinalis Gregorii Barbadici
 » Episcopi Patavini.

Quæres 11. *Qualis debeat esse Confessarius extraordinarius Monialium.*

267. *Resp.* Debere esse, qualem nos ipsi descripsimus Confessarium ordinarium *fest. preced. qu. 3. 4. 5. 6. 7. 8. 9., & 10.* Hic solum addo, quod etiam adverti *citata fest. preced. qu. 12.* decretum Sac. Congreg. relatum a *Tambur. sup. qu. 3. n. 4.* quo prohibetur Ordinarius, ne utantur opera Regularium, etiam pro Confessariis extraordinariis, communiter non observari ex defectu materis; eo quod scilicet desint Sacerdotes sæculares, qui æque bene hoc munus præstent; unde & ipsa Sacra Congregatio caute addit, *nisi in casu necessitatis.*

Quæres 12. *Cum quanta potestate debeat Confessarius extraordinarius Monialium accedere ad earum confessiones audiendas.*

268. *Resp.* Quod, cum juxta dicenda *qu. sequenti* Confessarius extraordinarius deputetur Monialibus ad extricandas ipsarum conscientias, omnino decet, ut ad illas accedat cum ea majori potestate, quam habere potest, sique consultum esset, ut Ordinarii Monialium sive sæculares, sive Regulares Sacerdotibus deputatis in Confessarium extraordinarium concederent non solum casus, & censuras sibi reservatas, sed etiam quamcumque aliam facultatem, quam ipsi possunt Jelegare, & putant posse Monialibus deservire pro foro pœnitentiali. Quamquam alias Confessarius non debeat uti dicta potestate, nisi cum grano salis, idest cum magna prudentia, ac circumspectione; interdum etiam dissimulans sibi concessam fuisse facultatem absolvendi ab hoc, vel illo reservato: ne nimia facilitas absolvendi nimiam inducat facilitatem delinquendi, sicque reservatio frustretur suo fine. Ratio responsionis est, quod Prælatus deputans Monialibus Confessarium extraordinarium utique intendit illum plene absolvere Moniales contentes a quibuscumque etiam reservatis: alias non esset, cur fieret talis deputatio: quo modo autem absolvet plene, si non habeat

facultatem etiam reservatorum. Quod si dicas illum posse convenire Prælatum, ut dictam facultatem obtineat; jam onus reservationis afficiet, non pœnitentem (sicut intendit reservans) sed Confessarium, qui sic duplicem cogetur sustinere laborem, & audiendi confessiones Monialium, & accedendi toties, quoties ad Prælatum causa petendi facultatem reservatorum: quod certe est minus conforme æquitati; præsertim si Confessarius deputatus sit Regularis, adeoque non habeat libertatem discurrendi huc, atque illuc, nec copiam vagandi: præterquam quod in casu, quo Confessarius audiat confessiones in Monasterio parum numerofo, posset interdum periclitari sigillum confessionis; quatenus Prælatus Monialium audiens facultatem aliqujus reservati hic, & nunc a se peti, & alias agnoscens conditionem cujusque Monialis dicti Monasterii, potest saltem dubitare facultatem dicti reservati efflagitari pro hac, vel illa Moniali: quod omnino cavendum est, ut patet.

Quæres 13. *Ad quem finem fiat deputatio Confessarii extraordinarii pro Monialibus.*

69. *Resp.* Fieri ob varios fines, nimirum primo, ut consulatur libertati Monialium contentium; quippe quæ interdum ex naturali erubescencia non audent manifestare Confessario ordinario peccatum aliquod ab ipsis perpetratum, sicque exponuntur periculo multiplicandi confessiones invalidas; cum aliqui extraordinario Confessario peccatum illud confidentius detegant, & repetendo confessiones invalide factas propriæ obligationi satisfaciunt: secundo in tanta varietate Confessariorum extraordinariorum tandem inveniant virum secundum cor suum, cui ipsæ sincere, ac confidenter manifestent omnia sua interiora, sicque tanto melius dirigi possint in via Religiosæ perfectionis: tertio ut vacante Confessario extraordinario confessionibus Monialium audiendis majori otio, ut pote temporis angustia minus adstricto, eas possint commodius proponere sua dubia, petere necessariam instructionem, recipere salutaria documenta, & effici-

faciori exhortatione magis excitari ad proprium spirituale profectum: sicque Prælati Monialium deberent quam maxime curare, ut qui deputantur in Confessarios ipsarum extraordinarios, essent non minus scientia, ac prudentia, quam dexteritate, ac pietate conspicui, & ita munus ipsis commissum salutare possent pro dignitate, & cum magna Monialium utilitate.

Quæres 14. An Moniales omnes teneantur confiteri Sacerdoti ipsis legitime deputato in Confessarium extraordinarium.

270. *Resp.* De rigore non teneri. Ducor, quod exhibitio Confessarii extraordinarii est favor factus Monialibus; quilibet autem potest renunciare favori sibi concessio, quo modo Concilium Tridentinum supra citatum loquens de præfata exhibitione caute adhibuit verbum *offeratur*. Expedit tamen, ut omnes ad illum accedant, sin minus ut confiteantur, saltem ut ei proponant dubia, quæ habent circa proprium statum Religiosum, recipiant salutarem aliquod monitum, exercent actum illum submissionis, & ab eo obtineant benedictionem. Ut proinde in quadam Synodo Florentina, teste *Tamb. sup.* statutum sit Moniales omnes, exceptis infirmis, sub pœna amissionis vocis activæ & passivæ per triennium ipso facto incurrenda, teneri comparere coram Confessario extraordinario: ideoque quamdiu is vacat confessionibus Monialium excipiendis, Confessarium ordinarium quam rarissime debere ad eas accedere, sive ad illas alloquendas, sive ad illarum confessiones audiendas.

Quin etiam in eadem Synodo Confessarii ordinarii, qui ausu temerario impedire præsumpserint Confessarii extraordinarii petitionem, electionem, concessionem, vel accessum ad Monasteria causa audiendi confessiones, sunt ipso facto excommunicati: & si quocumque tempore, vel modo significaverint Monialibus sibi displicere Confessarii extraordinarii adventum, vel non libere, & integre, sed perfundorie tantum, & per

transennam eidem esse confitendum, in aures Monialium, aut aliorum insusurrare tentaverint, debent in perpetuum suspendi ab audiendis confessionibus Monialium in iis Monasteriis, in quibus taliter deliquerint: hæc Synodus Florentina. Quæ licet non obligent extra Diocesim Florentinam, consultum tamen esset, ut etiam in aliis Diocesisbus a propriis Ordinariis inducerentur, ut pote spirituali Monialium utilitati in primis proficua.

„Inhærens proinde hujus Synodi
„vestigiis Eminentissimus Urbis Vicarius,
„approbante Clemente XI. edictum publicavit sub die 12. Decembris 1708.,
„jubens, ut Moniales Urbis ita saltem
„extraordinarium acceptent, ut eidem
„se præsentent monita salutis accepturæ,
„subiectionis actum exercendo, imposita pœna Abbatissis privationis officii, & cæteris Monialibus privationis
„vocis activæ, & passivæ ad annum.
„Allegat hoc decretum Mattheucius in
„Officiali Curiz cap. 13. n. 9., addens sub
„iisdem pœnis prohiberi tempore depurationis Confessarii extraordinarii confiteri ordinario; in quem pœna suspensionis ab audiendis Monialium Confessionibus infligitur, si pro eo tempore
„ad Monasterium, & Ecclesiam accedat.
„Meminit etiam ejusdem Decreti, illudque commendat, & approbat BENE-
„CTUS XIV. in supracitata Constitutione.

Quæres 15. An Confessarius ipse extraordinarius teneatur audire confessionem omnium, & singularum Monialium ad quas deputatur, idque ex præcepto Concilii Tridentini sect. 25. de Regularibus c. 10. ibi lato his verbis: Qui omnium confessiones audire debeat.

271. *Resp.* Teneri; cum verbum *debeat* ex natura sua importet vim præcepti, ut notavit Baldell. l. 5. d. 21. num. 5. ex Clavi regia l. 3. c. 7. num. 26. & Concilium Tridentinum tale præceptum imponere potuerit cuicumque Sacerdoti, sive seculari, sive Regulari; quod tamen loquitur de Monialibus volentibus confiteri: si enim hæc confiteri nolint, utique,

neq

nec ille tenebitur eas audire, nec propterea sit ulla injuria Sacerdoti deputato in extraordinarium: quippe qui hoc ipso, quod subit munus Confessarii, subit etiam quameumque obligationem dicto muneri annexam; & alias procedit regula juris: *Volenti, & consentienti non fit injuria.*

Quæres 16. *An casu, quo aliqua Moniales ex præsentis infirmitate non possint accedere ad Confessarium extraordinarium, ubi convalescerint, possint jure suo petere pro se ipsi Confessarium extraordinarium, & Prælati teneatur illum ipsis concedere.*

272. *Resp.* Et Moniales posse petere, & Prælatus teneri concedere Confessarium extraordinarium in tali casu: moveor, quod Concilium Tridentinum in decreto relato qu. 1. statuit Confessarium extraordinarium ab Episcopo, & aliis Superioribus, a tunc in anno Monialibus offerendum esse, qui omnium confessiones audiat; sicque intendit omnes omnino Moniales gaudere tali beneficio; non gaudent autem omnes, si in proposito casu non deberet concedi Confessarius extraordinarius pro iis Monialibus, quæ ex infirmitate, aut alio legitimo impedimento non potuerunt accedere ad Confessarium extraordinarium in communi antea concessum toti Monasterio: præterquam quod alias adderetur afflictio afflictio, si præfatæ Moniales ultra molestationem morbi, quem perpessæ sunt, cogerentur etiam carere eo solatio, quod solet sequi ex accessu ad Confessarium extraordinarium: ita docti Neoterici a me consulti, & bene, præsertim P. Stephanus a S. Gregorio mihi amiceissimus.

Quæres 17. *An Confessarius extraordinarius possit absque speciali licentia celebrare in Ecclesia Monialium, ad quarum confessiones audiendas deputatus est, immo & iis ministrare Eucharistiam, quamdiu vacat earum confessionibus excipiendis.*

273. *Resp.* De rigore non posse, nisi de præsumpta voluntate Prælati Monialium ex concurrentibus circumstantiis oppositum hic, & nunc suadet. Colligo ex doctrina, quam tradunt *Fillius. tract. 4.*

num. 263. & alii contra *Cajetanum v. excommunic. c. 63.* nimirum concessa alicui facultate ministrandi Sacramentum confessionis, non censi concessam facultatem ministrandi Eucharistiam (addo ego, loquendo de Monialibus neque celebrandi in earum Ecclesia), eum enim istæ actiones sint diversæ, & a diversis non fiat illatio: concessio unius non importat consequenter concessionem alterius, nisi vel id elare exprimat, vel certe ex concurrentibus circumstantiis probabiliter presumatur de voluntate concedentis: quæ præsumptio voluntatis in præsentis materia absque dubio sufficeret, eum ad ministrationem Eucharistiæ non requiratur expressa, & formalis concessio, sicut requiritur ad ministrandum Sacramentum Pœnitentiæ, ut pote ad sui valorem præsupponens jurisdictionem, quæ non requiritur ad validam ministrationem Eucharistiæ: sicut bene adnotavit in simili Card. de Lugo d. 18. de *Euchar. num. 19.*

Quæres 18. *An deputatus in Confessarium extraordinarium pro Monialibus alicujus Monasterii possit sine speciali licentia coram illis concionari, publicamque habere exhortationem.*

274. *Resp.* Simpliciter loquendo videri non posse: & hæc tum ob rationem adductam qu. præced. tum quia actus concionandi, aut exhortandi publice, & actus audiendi confessiones non sunt ita connexi inter se, ut unus dependeat ab alio: ideoque ex concessione unius non potest inferri concessio alterius, juxta regulam juris: *Cui licet, quod majus est, non debet, quod minus est, non licet: l. non debet ff. de reg. jur.* tum quia talis de facto est praxis fere communis; maxime cum regulariter non expedit Confessarios Monialium, sive ordinarios, sive extraordinarios, habere propriis Monialibus publicas conciones, aut exhortationes, ne forte ex reprehensione alicujus defectus facta inter concionandum, aut exhortandum, alicui Moniali minus prudenti, & plus æquo suspicaci ingerat suspicionem se loqui ex notitia habita in confessione: quod omnino vitandum est, præsertim cum privata exhor-

exhortatio unicuique Moniali seorsim facta in audienda ejus confessione magis prodesse possit; quippe quæ est ex propriis, & tota accomodata Spirituali ipsius necessitati.

Quæres 19. *An deputatus in extraordinarium Confessarium alicujus Monasterii Monialium possit differere cum Monialibus, etiam de rebus nullo modo pertinentibus ad confessionem (v.g. de aliquo negotio domestico) & quidem etiam cum Moniali, quæ nullo modo vult ei confiteri.*

275. „ *Resp.* Videri posse, dummodo
„ talis colloquutio fiat conformiter ad de-
„ cretum supra memoratum editum Romæ
„ a Cardinali Vicario, videlicet ut Mo-
„ nialis, quæ confiteri non vult, se præ-
„ sentet Confessario ad exercendam hu-
„ militatem, & subiectionem, & nego-
„ tium suum domesticum eidem propo-
„ nat, non ad consumendum tempus inu-
„ tili, & vana confabulatione, sed ut a
„ Confessario monita salutis recipiat, &
„ directionem, secundum quam pruden-
„ ter in illo negotio se gerat, & prout
„ requirit obligatio, decencia, & per-
„ fectio status Religiosi. Si enim Confes-
„ sarius hoc modo se gerat, non con-
„ traveniet Constitutioni Sacrosancti edi-
„ ctæ ab Alexandro VII. ubi inter alia sic
„ habetur. *Præterea interdiciamus omni-
„ bus & singulis prædictis (tam ordina-
„ riis, quam extraordinariis Confessa-
„ riis) sub eisdem pariter panis (uti-
„ que gravis, & Summo Pontifici reser-
„ vatis) colloquia quæcumque cum Sa-
„ crimonialibus prædictorum Monasterio-
„ rum, comprehensis etiam Abbatissis,
„ Priorissis, & Officialibus extra actum
„ confessionum.*

Quod si hac occasione quæras, an ordinarium possit mittere Religiosum ad aliquod Monasterium Monialium causa ibi exercendi aliquod opus pietatis v.g. ad componendam aliquam seditionem exortam inter Moniales, ad consolandam Monialem gravissimam tristitiam affectam, ad consulendum in re gravi concernente bonum Monasterii, & ad alios similes effectus.

376. *Resp.* Id posse facere. Nec ob-

stat, quod Sacra Congregatio in decreto jussu Sixti V. edito anno 1590. expresse statuit nulli Religioso cujuscumque Ordinis, gradus, qualitatibus, ac dignitatis (exceptis Superiore, ac Visitatoribus respectu Monialium subiectarum, nec non Confessario tam ordinario, quam extraordinario) licere absque licentia expressa ejusdem Sacre Congregationis accedere ad Monasteria quarumcumque Monialium ad colloquendum, sive tractandum cum eis; siquidem Sacra Congregatio per hoc non intendit limitare auctoritatem Episcoporum pro simili casu pietatis, & charitatis, qui regulariter non præsumitur comprehensus sub generali prohibitione, juxta regulam: *Non veniunt sub generali prohibitione; quæ quis non esset verisimiliter prohibitorius, si in specie exprimerentur.*

377. Unde si Episcopus mittat Religiosum ad Monasterium aliquod Monialium, ut tamquam Confessarius extraordinarius excipiat earum confessiones; & talis Religiosus revera ibi nullam excipiat confessionem, sed solum vacet componendis dissidiis, præbendis salutaribus consiliis, & instruendis Monialibus in vita Spirituali, iste erit tutus in conscientia, etiam si sciat de facto nullam Monialem ex eo Monasterio accessuram ad ipsum causa confitendi, sed solum ob aliquem alium finem, pium tamen, ac bonum; dummodo ipse ex sua parte sit paratus excipere etiam confessiones: patet autem responsio ex dictis sup. §. quod si hac occasione.

Quæres 20. *An Religiosus destinatus in extraordinarium Confessarium alicujus Monasterii Monialium ad decem dies v.g. possit tuta conscientia accedere ad ipsas causas tractandi cum aliqua illarum de re pertinente ad bonum spirituale ejusdem etiam illis diebus, qui supersunt post exceptas confessiones omnium, & singularum Monialium.*

278. *Resp.* De rigore juris posse; cum adhuc maneat Confessarius illarum Monialium, & quidem non solum in actu primo (quod etiam sufficeret) sed etiam in actu secundo; & maxime, si accedat ex sua parte paratus ad audiendas item con-
fessio-

cessionones Monialium, quæ forte iterum accedant.

Quæres 21. *An Confessarius extraordinarius Monialium, auditus illarum confessionibus, possit absque violatione sigilli confessionis postea carpere aliquos defectus illarum auditus in confessione, si tunc concionetur, aut etiam monere Prælatum illarum, vel Abbatissam Monasterii, ut circa hoc, vel illud invigilent, loquendo tamen in communi.*

279. *Resp.* Quod quamvis prædicta fieri possint, si inde non possit deveniri in notitiam personæ particularis eo defectu laborantis, præsertim si Monasterium sit valde numerosum, ideoque ex notitia illa generali difficultius constare possit de persona particulari; nihilominus quia semper consulendum est integritati sigilli confessionis, & quam maxime curandum est, ut tollatur omnis suspicio, etiam remota violationis illius, ne aliqui odiosum nimis reddatur Sacramentum poenitentiae, præsertim fœminis natura sua valde suspicacibus; propterea puto Confessarium Monialium, sive ordinarium, sive extraordinarium, debere in hoc uti magna circumspectione, ac proinde regulariter debere cavere, ne defectus magis particulares Monialium reprehendat inter concionandum, aut eos delegat Monialium Superioribus ad illos in posterum præcavendos. Colligitur ex *Diana par. 5. tr. 11. ref. 36.* & *Maldero*, ac *Beja* ab ipso allegatis; qui *Diana p. 2. tr. 15. ref. 13.* ex *Nugno*, & *Fagundez* monet peccare peccato revelationis sigilli illum, qui etsi non nominet personam detegendo defectum illius auditum in confessione, nominat tamen religionem, ex qua est poenitens; cum sic ignominia redundet in Religionem, & consequenter in ipsum poenitentem tamquam in membrum illius; quod etiam advertit *Jo. de Lugo d. 23. de poen. num. 63.*

Quæres 22. *An peccet contra sigillum Confessarius, qui interrogatus ab Abbatissa Monasterii, num audiverit confessionem hujus, aut illius Monialis, dicit se non audivisse, cum revera audiverit, non tamen*

absolverit, eo quod careret debita dispositione.

280. *Resp.* Peccare, si constet Abbatissæ hanc, vel illam Monialem, de qua interrogat Confessarium, ei revera fuisse confessam, verb. gr. ex assertionem illarum ipsarum Monialium. Moveor, quod Confessarius in talibus circumstantiis negasse se audivisse confessionem dictarum Monialium indirecte negat se illas absolvisse; & quidem ex ipsarum indispositione; cum nullam asserat causam dilatæ absolutionis oppositum suadentem (qualis esset, si Confessarius diceret illam inchoasse confessionem generalem, sed non absolvisse, rediturum postea ad illam perficiendam, vel certe se fuisse vocatum alio, & regressum non invenisse illam &c.) Constat autem, quod Confessarius non potest sine violatione sigilli dicere se non absolvisse poenitentem ipsi confessum, quando ex occurrentibus circumstantiis negatio absolutionis probabiliter præsumitur provenisse ex indispositione ipsius poenitentis; sicut bene notavit *Jo. de Lugo sup. num. 83.* ex *Navar. Soto, Suarez*, & aliis contra *Cajetanum v. Confessio* dicentem non revelari indirecte confessionem dicendo *non absolvi illum*;

281. Addo, quod si Confessarius Monialium dicat aliquam ex suis Monialibus violasse Clausuram, non nominata Moniali, utique peccaret; cum sic odiosa reddi possit confessio.

Ex quo infero, quod si Confessarius Monialium consilii causa cogatur aperire alicui tertio excessum auditum in confessione Monialis sibi auditæ, illum proponere debet in genere, & quasi in abstracto; vel certe dubium, cujus petit solutionem, ut ab alio sibi propositum, solerti adhibita æquivocatione referre, ne ullo modo indicet illum a se fuisse auditum in confessione: sic quippe consultit, & proprix ignorantia, & secreto sigilli Sacramentalis, quod omni studio, ac diligentia servandum est.

282. Puto autem, quod si Confessarius Monialium consilii causa, vel alia de causa manifestet delictum Monialis sibi

commisſæ in pœnitentem, non manifeſta-
to nomine, nec violat ſigillum, nec mor-
taliter peccat, ſi delictum non ſit infama-
tori-um; & hoc licet indiciet ſe illud au-
diſſe in confeſſione Monialium: & ra-
tio eſt, quod ex una parte non manife-
ſtatur perſona, ideoque non læditur ſigil-
lum, ex alia parte communitas ipſa Mo-
nialium non offenditur, cum delictum il-
lud non cedat in dedecus, ac infamiam
Monafterii, & conſequenter non peccatur
mortaliter.

Sic cenſeo non poſſe, nec deberi
condemnari Confeſſarium Monialium, qui
amico dicit ſe nolle amplius vacare con-
feſſionibus Monialium illarum audiendis,
eo quod aliquæ illarum ſint ſcandaloſæ,
ideoque nolit ſe exponere periculo ater-
næ damnationis; ſi alias notorium ſit Mo-
niales illas eſſe ſcandaloſas, & Confeſſa-
rius ſe loquatur ex notitia publica.

Quæres 23. *Qualiter poſſit, & debeat
procedere Confeſſarius extraordinarius Mo-
nialium in petenda facultate abſolvendi ali-
quam Monialem a reſervatis, ſi probabili-
ter putet Prælatum, a quo petitur talis
facultas, ex tali petitione deveniendum in
ſuſpicionem non improbabilem dictam fa-
cultatem peti pro hac, vel illa Moniali par-
ticulari; idque ex variis circumſtantiis ipſi
Prælato notis.*

183. *Reſp.* Poſſe ſubmittere tertiam
aliquam perſonam ad petendam illam fa-
cultatem a Prælato pro quadam Moniali,
non manifeſtando cuius ea ſit Monaste-
rii; vel certe, ſi hoc non juvat, poſſet,
& deberet illam abſolvere indirecte a
præſatis reſervatis, monendo Monialem,
ut curet poſtea directe abſolvi ab illis per
Confeſſarium Monafterii ordinarium, ob-
tenta debita facultate modo convenienti.
Ex quo colligant Prælati Monialium, con-
ſultum eſſe, ut deputatus in Confeſſarium
extraordinarium non accedat ad illas ſine
reſervatorum facultate, ſicut advertimus
ſup. qu. 12.

Quod ſi hac occasione quæras, an ci-
tra violationem ſigilli Sacramentalis poſſit
Confeſſarius denegare communionem Mo-
niali, quam ex confeſſione ſcit eſſe in-
dignam.

Reſp. Non poſſe, ſive communio pe-
tatur in publico; nam hoc eſſet indirecte
manifeſtare peccatum pœnitentis: ſive pe-
tatur in occulto, & aliqui ex negatione
oriatur aliqua vel revelatio, vel expo-
ſitio indirecta peccati occultit: quin etiam
hoc procedit, etſi ea non ſequatur: id
enim redderet confeſſionem odioſam, ac
difficiliorem, ſi ſciret pœnitens poſſe Con-
feſſarium ipſi poſtea negare petita, & re-
ſiſtere propter notitiam habitam in con-
feſſione: ita Cardinalis de Lugo d. 23. de
pœnitent. num. 126., Sanchez l. 3. de ma-
trim. d. 16., alique plures apud Bonacinum
d. 5. de Sacram. qu. 6. ſect. 5. part. 4. n. 17.
a quibus nec diſſentient ii, qui dicunt Sa-
cerdotem, qui non tenetur ex officio mi-
niſtrare Sacramenta, poſſe, & teneri ne-
gare Sacramenta occulte petita ei, quæ
ex confeſſione ſcit eſſe indignum, ſi ceſ-
ſet periculum fractionis ſigilli; ſiquidem
Confeſſarius Monialium ex officio tenetur
iis miniſtrare Sacramenta, ſicque in eo ne-
quit habere locum hæc doctrina.

Adverto hic ex Sa v. Confeſſio n. 32.,
Henriquez l. 6. cap. 21., & aliis non vio-
lari ſigillum, ſi manifeſtentur virtutes,
revelationes, & ſimiles gratiæ pœnitentis
cognitæ ex confeſſione; quippe quæ non
ſunt peccata, nec materia confeſſionis: ex-
cipe cum Cardinali de Lugo ſup. num. 58.
niſi prædicta in confeſſione manifeſtentur
ad magis declarandam propriam ingrati-
tudinem erga Deum: ſic enim ſaltem in
obliquo ſunt materia confeſſionis.

Sic Diana par. 6. traſt. 11. reſolut. 50.
ex Granado, & communi ſenſu Docto-
rum putat non violari ſigillum, ſi Con-
feſſarius dicat Monialem hanc, vel il-
lam pœnitentem ſuam ſuis minutiffimis
peccatis, ac ſcrupulis caput ſibi obtunde-
re; cum in tali caſu non manifeſtetur ul-
lum peccatum in particulari, & nomen
ſcrupuloſus communiter ſignificet homi-
nem timoratum, & volentem abſtinere
etiam ab iis, quæ licita ſunt, ſed aliquod
periculum inducunt: idem ſentit Conin-
chus ſup. d. 1. num. 11. monens, etſi in tali
caſu directe non violetur ſigillum, male
tamen, ac periculoſe id fieri, ideo-
que

que abstinendum esse a tali modo loquendi.

Illud etiam hic obiter moneo, quod si Confessarius peccatum alicujus Monialis novit ex confessione complicit, & Monialis illa de eo non se accuset, potest quidem hanc interrogare generatim, an habeat aliud peccatum, quod ejus gravet conscientiam, immo & speciatim, si peccatum illud sit, de quo Moniales solent interrogari, non item, si sit peccatum inter Moniales non usitatum: tunc enim si Monialis neget se illud commississe, absolvi debet; cum poenitenti credendum sit tam pro se, quam contra se, & non sit ratio, cur uni potius credatur, quam alii: ita Diana *supra* resol. 21. ex Tolet, & Fagund. cum quibus sentit Læm. n. 24. monens, quod si complex dedit facultatem loquendi cum alio, potest Confessarius speciatim examinare alium complicitem, si sic expedire judicetur: & absit scandalum.

Addit Cardinalis de Lugo num. 119. ex Henriquez lib. 6. cap. 23. n. 2. probabile esse non violari sigillum, si Confessarius statim, finita confessione, aliquid circa illam advertat poenitentem, quod oblitus fuerat: nam moraliter non intelligitur fieri extra Confessionem, quod sit incontinenti, & falsum est, quod supponit Fagund. præcep. 2. Eccles. lib. 5. cap. 4. num. 33. a nobis dissentiens, finita confessione, statim censeri finitum Sacramentum, & judicium; cum aliquando poenitentia imponatur ex oblivione post datam absolutionem, & alias impositio poenitentiae gravis satis significet confessionem gravium peccatorum: quod est signum, non adversari sigillo loqui de peccatis post absolutionem; cum censetur adhuc durare idem judicium Sacramentale, cujus actus sunt absolvere, puerire, consulere, mone-re, corrigere, & similia: cum Cardinali de Lugo sentiant Tannerus, & Jo. Prepositus relati a Diana par. 5. tract. 11. resol. 10. qui resol. 31. ex Granado monet sine violatione sigilli non posse manifestari poenitentiam inunctam poenitentiam in confessione, si ea sit talis, ut sit si-

gnum culpe mortalis certæ, aut dubiæ: vel certe peccatorum venialium specialium quoad numerum, aut speciem: si scilicet, si ea sit levis, ita ut ex ea solum colligi possit, poenitentem confessum fuisse peccata tantum venialia: quod certum, & commune est, ut patet.

Quæres 24. *Quenam in primis observari debeant a Confessario Monialium extraordinario, ad hoc, ut utiliter fungatur suo munere.*

284. Resp. Debere observare sequentia; nimirum primo ut, antequam incipiat audire Confessiones, curet videre regulas, ac Constitutiones Ordinis, cujus sunt Moniales, quibus deputatus est in Confessarium: secundo ut accedens ad Monasterium primo alloquatur Abbatissam, eamque interroget, num ei occurrant aliqua in bonum spirituale Monasterii, ac Monialium subditarum manifestanda, quæ præsentiori indigeant remedio: tertio ut semper laudabiliter loquatur de Confessario ordinario, illum etiam excusans in iis, quæ forte illi obijciuntur a Monialibus: quarto ut non permittat Confessiones generales minus necessarias, ex quibus proveniat major inquietudo, ac perturbatio interioris pacis: quinto ne se minus sustinamtem ostendat in audiendis Confessionibus, sed patienter, ac benigne sinat unamquamque Monialium aperire cor suum, eas non interrompendo, nisi in casu necessario, neque insinuando, ut quam citissime se expediant: sexto ut juxta rationem, & naturam defectuum, quibus unamquamque Monialium vidit esse affectam, opportuna tradat remedia, salutaria det consilia, & fructuosam adhibeat exhortationem: septimo ne inter confessiones audiendas sinat permisceri discursus extraneos, & ad rem non pertinentes, quibus Monialis poenitens distrahatur a principali proposito: octavo ne admittat negotia temporalia ullius Monialis tractanda, sive cum aliis Monialibus, sive etiam cum secularibus, & si de hoc requiratur, cum prudenti dexteritate ab iis omnino se subtrahat: nono ne ullam Monialium interroget de nomine, cognomine, patria, & similibus ad Sacramenta-

lem confessionem non spectantibus; nisi forte occurrentes circumstantiæ hic, & nunc suaderent oppositum. Moniales enim regulariter nollent cognosci a Confessario, maxime si sint ætate juniores, & incidere in aliquem excessum turpiorem, cujus vel sola recordatione summo opere confundantur: decimo ut cum omnibus æqualiter agat, omnem suspicionem acceptionis personarum devitans: quod bene monet S. Bonavent. lib. de 6. alis, cap. 6. his verbis: *Licet meliores in effectu praeferenda sint* (loquitur de sœminis) *& omnes propter spem salutis in Christo amplectenda sint, in actu tamen exhibitionis exterioris taliter superior se gerat ad omnes, ut nulla se ab eo contemni propter alias suspicietur, sed qualibet ab eo se diligere præsumat, & fiducialiter ei, quasi singulari amico confidat, ne alicui indignatio, & invidia in alias nutriatur: sicut fratres Joseph, qui oderant eum, quod a patre singularis amaretur.*

SUBSECTIO III.

Referuntur varia, ac utilia monita, quibus Moniales dirigantur ad profectum spirituales per Confessarium tam ordinarium, quam extraordinarium.

QUoniam in audiendis Monialium Confessionibus identidem expedit, immo & oportet iis tradere opportuna monita juxta spirituales necessitates, quæ in iis ex ipsarum Confessione deteguntur; & alioqui non omnes, qui ad earum Confessiones deputantur, sive ut ordinarii, sive ut extraordinarii, ejusmodi monita habent in promptu, ut par esset: proinde in gratiam illorum, & in bonum spirituale ipsarum Monialium, ad complementum hujus tractationis placet in hac Subseptione asserre varia monita, eaque efficacia, ac valde utilia ex sacris litteris, Sanctis Patribus, Magistris vitæ spiritualis, & ex ipsa experientia deprompta; quæ deserviant ad consulendum variis indigentis spi-

ritualibus Monialium ab ipsis in Confessione manifestatis. Hæc autem monita sæpius lætentur Confessarii, eaque sibi sic faciant familiaria, ut in audiendis Monialium Confessionibus ea parata habeant, iisque illa opportune suggerere valeant juxta necessitatem spirituales ipsarum hic, & nunc cognitam.

285. **R** *Eferuntur monita pro Monialibus ad comparandam perfectionem.*
286. *Item pro Superiorissis ad gubernationem rectam.*
287. *Item pro Officialibus Conventus ad suum officium recte obeundum.*
288. *Item pro Monialibus vulgo dictis Conversis ad suum munus bene explendum.*
289. *Item pro Novitiis ad vitam Religiosam rite instituendam.*
290. *Item pro puellis causa educationis manentibus intra Monasterium ad bonam ipsarum educationem.*
291. *Item ad Orationem fructuose faciendam.*
292. *Item ad Horas canonicas devote recitandas.*
293. *Item ad examen tum generale, tum particulare utiliter faciendum.*
294. *Item ad Confessionem peccatorum fructuose faciendam.*
295. *Item ad Communionem Eucharisticam digne recipiendam.*
296. *Item ad Missam reverenter audiendam.*
297. *Item ad Conciones cum fructu spirituali audiendas, ac pios libros utiliter legendos.*
298. *Item ad timorem mortis corporalis moderandum.*
299. *Item ad infirmitates corporis patienter sufferendas.*

300. *Item*

300. *Item ad arumnas, ac infortunia presentis vitæ fortiter sustinenda.*
 301. *Item ad superandas tentationes.*
 302. *Item ad confirmandum animum in vocatione Religiosa vacillantem.*
 303. *Item ad fovendam charitatem fraternam.*
 304. *Item ad ablegandam spiritualem tepiditatem.*
 305. *Item ad promovendam regularem observantiam.*
 306. *Item ad perfectam Religiosæ paupertatis observantiam.*
 307. *Item ad votum Religiosæ Castitatis exacte custodiendum.*
 308. *Item ad perfectam obedientiam in Religione servandam.*
 309. *Item ad vitandam secularium personarum conversationem.*
 310. *Item ad averfandum quodcumque peccatum mortale.*
 311. *Item ad vitanda peccata venialia.*
 312. *Item ad abigendos conscientia scrupulos.*

Quæres 1. *Quæ monita tradi possint, ac debeant Monialibus, ut ea facilius, ac expeditius Religiosum perfectionem consequantur.*

285. Resp. **P**osse, & debere tradi sequentia, videlicet.

1. Sacramenta frequentent, & facram Communionem regulariter octavo quoque die recipiant; sicut de facto in Ordinibus virorum Religiosorum observantioribus fieri solet: at id faciant cum debita præparatione, juxta dicenda inferius; curentque ex frequenti Communione in dies magis, ac magis proficere in via Dei, ita ut de qualibet earum veraciter dici possit illud Prov. 32. *Panem otiosæ non comedis.*

2. Certum tempus habeant deputatum orationi mentali, & in ea quotidie se exerceant, eam semper dirigentes ad proprium spirituale profectum: quod omnino consequentur, si juxta inferius dicenda, omni studio curabunt, ut ipsarum oratio non sit mere intellectualis, & speculativa, sed practica, & effectiva, videlicet ordinata ad emendationem defectuum, & acquisitionem virtutum, quibus maxime indigent.

3. Certis temporibus sive privatis, sive publicis (ut sit in Societate Jesu) vota suæ Professionis, præmissa aliqua præparatione, magno animi sensu renovent.

4. Pios libellos attente, ac devote legant, eosque de consilio proprii Confessarii.

5. Saltem semel in die faciant conscientie examen, non solum generale, sed etiam particulare, juxta formam inferius qn. 9. tradendam.

6. Omni studio curent singularum Regularum, etiam minimarum, observantiam; ne inodica spernentes paulatim decidant, & in excessus graviores paulatim labantur cum gravi salutis spiritualis discrimine.

7. De defectibus commissis debitam pœnitentiam a Superioriffa deprecant, vel certe ab ea impositam, prompte, ac humiliter impleant; idque etsi contingat illam imponi ob defectum vere non culpabilem; cum in tali casu majus acquiratur meritum, juxta illa verba Sancti Petri 2. c. 2. : *Quæ vobis est gloria, si peccantes; & colaphizati sustinetis; sed si bene facientes patienter sustinetis, hæc est gratia apud Deum.*

8. Monasteria Conventus, ad quæ juxta consuetudinem Monasterii deputantur, obeant diligenter, fideliter, ac prompte; memores se obire ea propter, unum Deum, & ab eo solo debitam mercedem esse obtinendam.

9. In omni loco Divinæ meminerint presentiae, scientes *ex 23. Eccl. Quod oculi Domini multo plus lucidiores sunt super Solem, circumspicientes omnes vias hominum, & profundum abyssi, & hominum corda intuentes in absconditas partes*; sicque juxta monitum Sancti Bernardi in *Psalm. Qui habitat: Ne audeant illo presente, quod vidente homine non audent.*

10. In exercitio bonorum operum, juxta consilium S. Bernardi in *Spec. Monach.* identidem sibimetipsis dicant: *Si modo moritura esses, faceres istud?* adeoque siue confiteantur, siue communicent, siue Officium Divinum recitent, siue Missæ assistant; hæc omnia eo faciant modo, quo facerent, si certæ essent se tunc ultimo confiteri, communicare &c. Constat autem, quod, si id certo nossent, prædicta facerent cum commoda perfectione ipsis possibili: quo pacto S. Basilii in *Instructione ad filium spiritualement*, ait: *Semper ante oculos tuos versetur ultimus dies, ut facilius te possis refrenare ab omnibus vitiis*: quod monet etiam Horatius l. 1. ep. 4. *Omne crede diem tibi diluxisse supremum.*

11. In omnibus curent majorem sui abnegationem tam animi, quam corporis, ita ut cum *Paulo Gal.* veraciter dicere possint: *Mibi mundus crucifixus est, & ego mundo*: ad hoc enim vocantur Religiosi a vita communi ad religiosam, ut per continuam sui abnegationem mundo moriantur, uni Deo viventes.

12. Otium quam maxime averfentur, ideoque ab exercitiis mentalibus ad corporalia transeant, juxta monitam, quod dedit Deus S. Antonio his verbis. *Antoni, quæris Deo placere? pro, & dum orare non poteris, manibus labora, & semper aliquid facito.*

13. Totam suam conscientiam candide, ac sincere suo Confessario ape-

riant, ipsi manifestantes tam defectus, ac depravatas animi propensiones, quam virtutes, corporis afflictiones, tentationes, Divinas illustrationes, & quæcumque ipsis occurrunt in vita spiritali: *Tandem enim, inquit Cassianus collat. 2. Abb. Moy. c. 10., suggestiones ejus noxiæ (id est dæmonis) dominantur in nobis, quamdiu celantur in corde: illico enim, ut patefacta fueris cogitatio maligna, marcescit.*

14. Mutuam inter se unionem, & charitatem servant, se invicem sustinentes, & defectus Sororum, quibuscum vivunt, ingeniosa, ac sedula charitate dissimulantes: siquidem, ut loquitur S. Hieronymus in *regul. Monach.*: *Sine charitate Canobæ sunt tartara, habitatores sunt dæmones: cum hac vero sunt Paradisus in terris, & in eo degentes sunt Angeli.*

15. Attendant non mala exempla, (si quæ forte viderint) sed bona (quæ Deo dante, non desunt in quolibet Monasterio); hincque sumant rationem proficiendi magis, ac magis in virtutibus religiosus.

16. Maxime abstineant a sæcularium conversatione; sicque valde raro accedant ad colloquia, & non nisi cum assistentia auctoritativam, ac præmissa brevi aliqua oratione, qua Deum exorent, ne ipsum ullo modo offendant in tali accessu, ac colloquutione: ad quod possent deservire verba in *Psalm. 140. Pone Domine custodiam ori meo, & ostium circumstantiæ labiis meis.*

17. Proponantur iis monita, quæ Beatus Ægidius per modum Paradoxorum docuit, ut ab iis sedulo in praxim deducantur, videlicet: Si vis bene videre, erue oculos tuos, & esto cæcus: si vis bene audire, esto surdus: si bene loqui, esto mutus: si bene ambulare, abscinde tibi pedes: si bene operari, mutila tibi manus: si bene amare, habeas te odio.

te odio : si bene vivere, te mortifica : si bene lucrari, discipe perdere : si vis esse dives, esto pauper : si vis esse in deliciis, afflige te : si vis esse securus, esto semper in timore : si vis exaltari, humilia te : si vis honorari, despice te, & honora te despicientes : si vis habere bonum, susline malum : si vis esse in quiete, labora : si vis benedici, desidera maledici. O quam magna sapientia scire hæc facere ; & quia magna sunt, non omnibus data sunt.

18. Paupertatem diligant tamquam matrem, Castitatem æmulentur angelicam, Obedientiam servant perfectissimam ; in omnibus propriam abnegantes voluntatem, eamque subicientes Superiorum nutibus, ne dicam præceptis ; idque ex amore Christi, qui factus est obediens usque ad mortem, mortem autem Crucis.

Quæres 2. *Quibus monitis juvari possint Superiorissa Monialium ad rectam Monasterii gubernationem.*

286. *Resp.* Posse juvari sequenti- bus monitis, videlicet :

1. Cultum Dei, & bonum spiritua- le subditarum in primis omni studio, ac diligentia promoveant, juxta illud Chri- sti monitum : *Quærite primum regnum Dei* : cultum quidem Dei curando, ut horæ Canonice in Choro statutis tem- poribus frequenter, ac devote reciten- tur ; Missæ in Templo celebrentur, ejus- que Altaria sint munda, ac bene præpa- rata : bonum vero spirituale subditarum, fovendo in ipsis exercitium orationis mentalis, ac frequentiam Sacramento- rum ; necnon curando, ut Confessarium habeant prudentem, pium, doctum, ac zelantem ; & bonos Concionatores, qui identidem illas ad perfectam Regularum observantiam, plenam sui abnegatio- nem, & religiosarum omnium virtutum acquisitionem efficaci exhortatione im- pellant.

2. Omnimodam Regularum obser- vantiam procurent, etiam in minimis ; scientes, modica spernentem paulatim decidere : sicque prudenter, ac discrete illas transgressiones puniant salutaribus pœnitentiis, interdum tamen dissimulan- tes, juxta illud : *Nescit regnare, qui nescit dissimulare* : & interdum monen- tes prius materno affectu Monialem, transgredientem, comminando pœnam ei instigendam, nisi resipiscat ; ut si non amore virtutis, saltem formidine pœnæ a delinquendo impostum deterreatur.

3. Quam maxime invigilent circa mores Monialium juniorum, sollicite observantes, a quibus advocentur ad collocutorium, quas litteras accipiant, & scribant, & a quibus ; quos libros le- gant ; quas habeant conversationes ; an mittant, & a quibus recipiant, aliaque id genus ; memores, adolescentem juxta viam suam, etiam cum senuerit, non re- cedere ab ea. *Prov. 22.*

4. In regimine Monasterii non du- cantur respectibus humanis, nec omit- tant implere munus suum ex metu in- currendi offensionem subditarum ; quin potius dicant cum Apostolo *Galath. 1.* *An quæro hominibus placere ? si homini- bus placerem, Christi servus non essem.*

5. Identidem inspiciant, an Officia- les Monasterii recte, ac fideliter munus suum exerceant ; & , si quam illarum forte minus bene se gerere reperiant in munere ipsi commissio, illam admoneant ; & , si opus fuerit, non puniant solum, sed etiam amoveant.

6. Invigilent super famulos utrius- que sexus ad Monasterii servitia depu- tatos, num deferant Monialibus nuncia, aut epistolas, quæ cedant in præ- judicium boni spiritualis earum, boni nominis Monasterii, honoris Dei, ac bonæ ædificationis.

7. Facilem, ac benignum accessum exhibeant unicuique suarum subdita- rum ;

rum; sicque hæc erga ipsas magnam concipiant confidentiam, cognoscentes se habere matrem, quæ possit compati omnibus infirmitatibus ipsarum.

8. Confessariis Monasterii ea solum conferant, quæ possunt prodesse bono spirituali, ac communi quieti Monasterii; non item quæ spectant ad distributionem officiorum, aut negotia temporalia Conventus; aliâs Moniales suscipiari possunt identidem hoc, vel illud factum fuisse a Superiorissâ ex consilio, ac suggestione Confessarii, & se ab illo offensas existimantes, debitam in illum confidentiam amitterent; quæ tamen adeo est necessaria in tribunali Sacramentalis confessionis, maxime in fœminis.

9. Etiam personaliter visitent identidem ostium Clausuræ, collocutorium, & alia similia loca, ut subditæ ex metu ne deprehendantur in flagranti delicto a propria Superiorissâ, magis sibi caveant; ad quem effectum forte consultum esset, ut Abbatissâ existente in Choro tempore Divinorum Officiorum, aut in Refectorio, vel alio loco publico, ejus Vicaria, seu Priorissâ ipsi subordinata maneat extra; ita ut, occurrente necessitate, possit accurrere ad hunc, vel illum locum; sicque Moniales numquam esse possint tutæ, quin ab aliqua ex Superiorissis deprehendi possint in delicto, quod forte meditentur: sælix enim necessitas, quæ ad meliora compellit.

10. Moniales magis modestas, & melius morigeratas suavius tractent, iis facilis petita concedant, illas ad officia digniora promoveant, & in ipsas majorem ostendant confidentiam: e contra pro viribus infringentes audaciam, ac libertatem Monialium pervacuum, ac regularem disciplinam subvertentium: siquidem de Deo ipso dicitur: *Deposuit potentes de sede, & exaltavit humiles. Luca 2.*

11. Venerentur, ac honorent Mo-

niales antiquiores, eas præsertim, quæ jam fuerunt Abbatissæ; ab iis consilium petant in negotiis gravioribus Monasterii, & erga ipsas magnam ostendant confidentiam; non ita tamen, ut de ulla ipsarum dici possit: hæc regit, ac moderatur vobis, & nostram Abbatissam; idque cum gravi offensione, ac perturbatione Conventus.

12. Non ducantur suis sensibus, sed in rebus arduis petant consilium a suis Discretis, illas libenter audiant, & si consilium suggerant opportunius, illud sequantur, memores, *ubi sunt multo consilia, ibi esse salutem. Prov. 11.*

13. Non sint faciles in præstanda fide subditis referentibus hunc, vel illum excessum fuisse ab hac, vel illa Moniali commissum; sed prudentes, & caute disquirant, vera ne sint, an falsa, quæ referunt: nec umquam manifestent a quibus id scierint.

14. Si quam noverint discordiam exortam fuisse inter subditas, statim per se, aut aliquam ex aliis Monialibus gravioribus, aut etiam per Confessarium illam componere studeant, juxta illud *Ephef. 4. Sol non occidat super iracundiam vestram.*

15. Monialibus ægrotantibus maximam exhibeant charitatem, iis non solum suppeditando omnia necessaria ad sanitatem recuperandam, sed etiam illas sæpe visitando, ac recreando tum per se, tum per alias Moniales, & procurando eis tempestive remedia spiritusalia juxta occurrentem indigentiam.

16. Ne subditis committant officia Conventus supra vires ipsarum: & si ex suorum consanguineorum inopia non habeant, unde faciant ordinarias expensas in officio commissio; aut aliud ipsis non committant, aut ex bonis communibus Monasterii necessarias subministrent expensas.

17. Nec se ostendant magis amicas, ac fa-

ac familiares uni, quam alii, sed se matrem communem omnibus exhibeant. inmemores apud Deum non esse exceptionem personarum; sicque curent cuilibet subditarum materni affectus viscera ostendere, ut quælibet putare possit se præ aliis esse dilectam.

18. Ne sinant induci novas consuetudines regularis disciplinæ relaxativas intra Monasterium, sed eas quam citissime eradicent, implorato etiam, si opus sit, auxilio proprii Prælati.

19. Bono exemplo in omnibus præeant Monialibus subditis, certo sibi suadentes, quod agitur a Prælati, facile trahi a subditis in exemplum, *c. magna de voto*: salutaria item consilia, ac monita illis tradant, prout hic, & nunc necessarium judicaverint; immo & acrius reprehendant, si opus fuerit, dicente ipsis Domino Deo *Ser. 1. Ne formides a facie eorum: nec enim timere te faciam vultum eorum.*

20. Monialibus subditis necessaria ad victum, & vestitum, habitationem, ac recreationem, si ferant annui redditus Monasterii, abunde potius, quam parce subministrent; animo recolentes, ubi est abundantia, ibi esse observantiam; & quod, *si non fuerint saturati, & murmurabunt. Psal. 58.*

21. Caveant pro viribus, ne Monasterium gravent novis debitis; si tamen necessitas exigat, ut aliqua contrahantur, ea ne detrescent facere, servatis servandis; cum sit consultius Monasterii bona gravare ære alieno, quam Monasterium implere querimoniis, ac murmurationibus contra Superiorissas, ac Officiales Conventus.

22. Illam propriæ Vicariæ, seu Priorissæ conferant potestatem, ut inde conijciant Moniales subditæ in quanta æstimatione, ac veneratione ipsa haberi debeat, sicque inducantur ad promptius exequenda ejus jussa, licet aliàs non de-

ceat illam passim se ingerere in reprehendendis subditis, aut concedendis licentiis majoris momenti.

23. Quotidie se, & omnes suas subditas Deo, Sancto Fundatori Ordinis, Sancto Tutelari Ecclesiæ, proprio, & Angelo suo Custodi enixe commendent: necnon identidem reflectant super necessitatibus tum spiritualibus, tum temporalibus singularum subditarum, iisque omni studio conentur asferre opportuna remedia.

24. Ne subditas suas permittant vacare certis speciebus negotiationis muliebri, quæ impediant regularem observantiam, animum distrahant a spiritualibus exercitiis, corporis obfunt sanitati, & præbeant ansam tractandi cum secularibus.

25. Sint constantes in decretis, ac suis deliberationibus, nec ita facile mutant consilium ob humanos respectus; quamquam consultum sit, interdum mutare consilium, sed semper in melius, si occurrant justæ rationes id faciendi.

26. Puellarum educationis causa, degentium in Conventu peculiarem habeant curam, accurate dispicientes, quibus moribus sint præditæ, a quibus vocentur ad crates collocutorii (ad quas numquam accedant sine propria Magistra) an, quas, & quibus personis epistolæ scribant, aut accipiant; an secedant in loca Monasterii secretiora, & ad quem effectum; an frequentent Sacramenta; an debitam servant modestiam in vestitu, incessu, ac sermone; aliaque id genus.

27. Meminerint durissimum esse iudicium his, qui præsent, eosque teneri reddere rationem de animabus subditorum; ideoque studeant exercere munus suum coram Deo, ac hominibus, ut decet, ac oportet: sic enim a Deo condignam referent remunerationem, majoremque meritum cumulum obtinebunt.

Quæres 3. *Qua documenta a Confessariis Monialium suggeri possint, & debeant Monialibus ad officia Conventus acputatis, ut ea laudabiliter exercent.*

287. *Resp.* Possè, & debere suggeri sequentia, videlicet:

1. Munus sibi commissum fideliter, ac exactè, semoto quocumque humano resp. tu, exercent, juxta regulam, statuta, & consuetudines proprii Monasterii, in omnibus unum Deum, ejusque gloriam, & bonum commune Religionis intendentes, ac omni diligentia procurantes.

2. Sint omnino subordinatæ Superiorissæ Monasterii in capite; ejus sensibus omnino acquiescant (quod tamen non facit, quin ei significare possint modestè proprium sensum circa res concernentes officium illis commissum, se aliàs ejus arbitrio, ac judicio in totum subijcentes) ei fideliter referant, si quid in suo officio occurrerit, quod judicent ei referendum esse ob commune bonum Monasterii, sive spirituale, sive temporale, ne postea cum *1. Petri 6. cap.* cogantur dicere: *Va mihi, quia sacri.*

3. Curent in exercitio proprii muneris placere non hominibus, sed Deo; sicque ad captandam aliarum Sororum benevolentiam non faciant contra propriam conscientiam, permittentes, ac dissimulantes ea, quæ cedere possunt in Dei offensam, ac præjudicium grave spiritualis boni Conventus: non formident incurrere odium, ac offensionem Monialium minus observantium, quarum excessus impedire satagunt; memoria retinentes, quod habetur *1. Petri 2. Si quid patiamini propter justitiam, beati.*

4. Crebro meminerint, si ex ipsarum incuria, ac negligentia gravis excessus committatur ab aliqua Monia-

lium, illius rationem ab iis exigendam esse; quippe quæ ex officio tenebantur illum impedire, & facile impedivissent, si tempestive Superiorissam admonuissent, ut sua prudentia, ac vigilantia, probabili periculo, ac proximæ occassioni commissi excessus ohstaret, juxta illud: *Principiis obsta; sero medicina paratur.*

5. Suum munus prompto, ac hilari animo exequantur; scientes, hilarem datorem diligi a Deo: si enim ægre, & quasi invite illud impleant, eundem laborem subibunt, nihil meriti coram Deo inde comparantes; sicque in fine cogentur dicere: *Per totam noctem laborantes nihil cepimus.*

6. Sicut non debent recusare, aut negligenter obire communia Monasterii officia ob studium propriæ quietis, & ut commodius vacent Deo, & sibi metipsis, si ad ea deputentur a Superiorissa; sic cavere debent quamaxime, ne iis ita se immergant, ut non supersit tempus vacandi consuets exercitiis pietatis, vel certe, si ea obeant, incuriose, ac negligenter ea præstent cum gravi damno proprii profectus spiritualis.

7. Si ex officio commissio curam habeant bonorum temporalium Monasterii, ea curent conservare diligenter; nec de iis dissonant, nisi juxta mentem Superiorissæ, sive expressam, sive tacitam, ac interpretativam; quippe quæ sunt de Christi patrimonio, adeoque tractari debent tamquam res sacræ.

8. Si re ipsa nequeant satisfacere Sorori petenti aliquam ex rebus pertinentibus ad officium ipsarum respectivè, curent ei satisfacere saltem verbis humanioribus, magno animi sensu significantes, sibi maxime displicere, quod ei in re proposita gratificari non valeant; sic quippe magis fovebitur fraterna charitas, & minus tristabitur Soror, cui res illa petita denegatur.

9. Si

9. Si ratione officii demandati occasionem habent agendi cum secularibus, agant semper magna cum ædificatione; ita ut vere possint dicere cum Paulo 2. Cor. 2. *Christi bonus odor sumus*: quod facile assequuntur, si se ostendant graves, modestas, patientes, humiles, ac devotas, & cum secularibus non nisi spirituales, aut saltem necessarios admisceant sermones, hosque breves.

10. Caveant, ne sumptus immoderatos faciant non necessarios in proprio officio; & si quos coguntur facere, ne faciant ad pompam, ac vanam ostentationem: alias de iis diceretur, *receperunt mercedem suam*, Matth. 6. præterquam quod hac ratione exercitium officiorum communium inter Moniales efficitur intollerabile respectu illarum, quibus non suppetunt facultates ad faciendas expensas adeo excedentes: unde sit, ut ex ab aliis negligantur, inquietæ vivant, & interdum etiam cogantur indigna præstare, ut parent necessarias expensas; idque cum gravi læsura proprii profectus spiritualis, ac bonæ existimationis Conventus.

Quæres 4. *Quibus mediis juvari possint, & debeant a Confessariis Monialium Moniales vulgo dictæ Conversæ, ad hoc ut bene se gerant in exercendis ministeriis temporalibus Monasterii.*

288. Resp. Possè, & debere juvari sequentibus mediis; nempe.

1. Ut contentæ sorte Marthæ tota animi promptitudine in vilioribus officiis Conventus se occupent, non ad oculum servientes, quasi hominibus placentes, sed ut famulæ Christi facientes voluntatem Dei ex animo: sic enim condignam remunerationem recipient ab eo, qui dicit Gen. 15. *Protektor tuus sum, & merces tua magna nimis.*

2. Meminerint sæpius fœminas similis conditionis longe majores labores sustinere, & graviores ærumnas perpeti ad victum, & vestitum præcisè comparandum; quin & ipsas idem facturas fuisse, si ad statum religiosum non fuissent vocatæ: cum in præsentia pari labore, vel etiam minori, non solum victum, ac vesti-

tum sibi acquirant, sed præterea cælestis beatitudinis thesaurum lucrentur: siquæ se excitent ad labores Monasterii subeundos majori cum alacritate, gratias Deo identidem de hac ipsa re agentes.

3. Sibi persuadeant se servire Christo in Monialibus juxta illud Matth. 23. *Quamdiu fecistis uni ex his fratribus meis minimis, mihi fecistis*; ideoque sua ministeria ea animi alacritate præstent, qua præstarent, si ea Christo corporaliter præsentì exhiberent.

4. Se promptas Superiorissæ exhibeant ad quodcunque genus ministerii, ac servitii, nec se ostendant addictas uni potius, quam aliis; quin potius se offerant ad exercenda ea, quæ sunt viliora, & ab aliis communiter refigi solent, scientes se hac ratione majora meritorum incrementa acquiraturas esse, & rem Deo longe gratiorem facturæ.

5. Otium quam maxime evitent, ac proinde, si, expleto proprio munere supersit tempus, ubi solita devotionis exercitia impleverunt, adjuvent socias, si forte earum opera indigent in suo ministerio obeundo, vel certe quærant a Superiorissâ, an ipsi occurrat aliquid, quod faciant: idque juxta consilium Salomonis Ecclesiast. 9. *Quodcunque facere potest manus tua, instanter operare.*

6. Numquam conquerantur de Superiorissâ, aut alia quacunque Moniali, quod illas nimis gravent: quin potius, si coram Deo re vera sentiant se esse nimis gravatas, confidenter adeant Superiorissam, eique proponant suas difficultates; interim paratæ ad faciendâ quæcumque illa in Domino judicaverit.

7. Moniales ad usum chori destinatas debito honore, ac reverentia prosequantur tum verbis, tum factis; cum iis magna animi submissione tractent; suam illis operam in omnibus exhibeant; Deoque agant gratias se factas fuisse sorores illarum in Religione, a quibus in sæculo nec forte in famulas admittæ fuissent.

8. Ex rebus Monasterii ipsas ratione officii commissis ne unquam audeant sibi quidquam usurpare sine debita licentia, &

de iis omnino disponant juxta præscriptum Superiorissæ, caveantque ne in iis distribucendis sint personarum acceptatriciæ, meliora dantes fororibus magis amicis, & quibus ex gratificari cupiunt: alias in die judicii audient contra se proferri quod habetur *Luca 16. Redde rationem villicationis tuæ: jam enim non poteris villicare.*

9. Bona Monasterii ipsarum curæ commendata custodiant diligenter, ac si essent propria; meminerintque sibi de iis reddendam esse rationem non solum Superiorissæ, sed etiam Deo, si ipsarum culpa ea pereant, vel deteriorescentur.

10. Non ita se dedant proprii officii exercitiis, ut consuetas orationes, examina conscientiæ, & alia pietatis opera vel omnino omittant, vel magna cum negligentia impleant, oblitæ moniti Evangelici: *Querite primum regnum Dei, & justitiam ejus.*

11. Dum occupantur in exercitio proprii officii, sæpius recordentur divinæ præsentis; recitent frequenter orationes jaculatorias; identidem offerant Deo quod agunt, aut patiuntur in suorum peccatorum remissionem; studeant ad Dei honorem, ac gloriam dirigere omnes suas operationes, habeantque in omnibus debitam rectitudinis intentionem: quo modo ostendent se non esse famulas mercenarias, sed ancillas Christi, sed servas Dei, sed religiosas christiane perfectionis studiosas.

12. Sint fortes in sustinendis laboribus proprii officii, humiles in tolerandis reprehensionibus Superiorissæ, & patientes in audiendis querimoniis contra ipsas justis, aut injustis excitatis; memoris acquisitionem religiosæ perfectionis potissimum pendere ex continua sui abnegatione, juxta illa verba Christi: *Luca 9. Si quis vult post me venire, abneget semetipsum, & tollat crucem suam quotidie, & sequatur me.*

13. Non contristentur, nec ægre ferant labores suos esse minus acceptos Superiorissæ, ac Monialibus: non enim propter ipsas, sed propter Deum debent la-

borare; nec par est, ut Christi famulæ intendant placere hominibus; cum potius conari debeant, ut placeant Deo, verba illa Pauli sæpe repetentes: *Si hominibus placerem, Christi servus non essem;* & animo recolentes non eum probatum esse, qui seipsum commendat, sed quem Deus commendat, ut habetur *2. Corinth. 10.*

14. In exequendo proprio officio sint diligentes, ac sollicitæ, ita ut omnia temporibus debitis, quantum ad ipsas spectat, sint parata; sicque ex illarum culpa in Monasterio non excitentur querimoniæ, & obrectationes, quæ charitati fraternæ maxime adversantur, ac communem pacem perturbant.

15. Munditiam omni studio curent in propriis officinis, & in rebus omnibus ad ipsarum officium spectantibus; quippe quæ maxime decet religiosos homines, & omnibus esse solet acceptissima.

Quæres 5. Quæ documenta a Monialium Confessariis tradi possint, ac debeant Monialibus Novitiis ad vitam religiosam rite in iis instituendam.

289. Resp. Possè, & debere tradi sequentia; nimirum.

1. Intelligent beneficium vocationis religiosæ esse singulare; de eo quotidie gratias Deo agant quam maximas, & perseverantiam toto animi affectu deprecantur; memores non cum, qui incœperit, sed qui perseveraverit usque in finem, salvum futurum esse.

2. Animo sæpe recolant religiosos in religione vivere purius, cadere rarius, surgere velocius, incedere cautius, irrogari frequentius, quiescere securius, mori confidentius, purgari citius, remunerari copiosius, ad æternam gloriam pervenire facilius.

3. Frequenter meditentur, unde eruat, quo vocat, quæ mala evaserint, quæ bona acceperint; ad quid religiosum statum susceperint; quibus mediis finem intentum assequi possint; quas, & quantas obligationes susceperint in ipso Religiosis ingressu.

4. Meminerint frequentet, quod lo-

cut

eum sanctificat, & nos, teste *S. Augustino* in *serm. 27. ad Fratres in Eremito*: peccavit enim Angelus in cælo, peccavit Adam in Paradiso; & tamen nullus locus sanctior illis erat: si habitatorum loca beate possent, nec homo, nec Angelus: a dignitate corruissent.

5. Recogitent assidue, quales fuerint prima die, quando exierunt de sæculo, & receptæ sunt intra Monasterium; talesque semper curent permānere, ut pie dicebat Agatho: quin etiam semper in dies debent crescere in spiritu, ac fervore dicentes cum David *Psal. 76. Dixi, nunc capi*.

6. Insistant sedulo abnegationi sui ipsius tam quo ad intellectum, quam quo ad voluntatem; carnem discredet, ac moderata castigatione juxta Confessarii consilium edomēt, corporis sensus mortificent, & inordinatos animi affectus fræno rationis coerceant: ut dicere merito possint cum Paulo *Rom. 8. propter te mortificamur tota die, assimilati sumus sicut oves occisionis*.

7. Quammaxime afficiantur exercitiis spiritualibus, orationi, meditationi, examini conscientie, lectioni piorum librorum, frequentie Sacramentorum; & hæc assuecant facere omni studio, ac diligentia, illorum usum præferentes cuicumque alii occupationi temporali juxta consilium Sapientis: *Ecclesi. 12. Deum time, & mandata ejus observa: hoc est enim omnis homo*.

8. Quasi a facie colubri fugiant peccatum mortale, & a venialibus, præsertim magis voluntariis, pro viribus abstinere; quippe quæ paulatim disponunt ad mortale, minuunt divini amoris fervorem, animæ potentias debilitant, ejus pulchritudinem aliqua labe inficiunt, & non parum impediunt divinæ gratiæ augmentum; ut communiter docent Theologi.

9. Magni faciant intentionis puritatem in omnibus, etiam particularibus; unicum Deum intendant, & querant, magnam cum illo familiaritatem contrahant per frequentem piorum actuum, ac ora-

tionum jaculatoriarum usum: proprium spiritualem profectum præferant universis vitæ hujus bonis, & quæcumque illum possunt retardare, omnino amoveant, scientes nihil proficere homini, si universum mundum lucretur, animæ propriæ detrimentum patiens, ut habetur *Matthæi 16*.

10. Sincere, ac fideliter proprio Patri spirituali totam suam conscientiam manifestent: ipsi aperiant non solum proprios defectus, pravæ inclinationes, ac tentationes, sed etiam penitèntias voluntarias, actus bonos, & divinos favores; sibi certo persuadentes in vitæ spiritualis curriculo nullum medium dari utilius, efficacius, & magis necessarium, quam sit fidelis, clara, ac sincera manifestatio conscientie.

11. Paupertatem diligant ut matrem; castitatem æmulentur Angelicam; Christi obedientiam perfectissimam imitentur; fraternam charitatem puram propter solum Deum absque nota singularitatis custodiant; simplicitatem, & animi candorem sequantur, ab omni artificio, duplicitate, & quacumque politica procedendi ratione prorsus abhorrentes; regularum, etiam minimarum exactam curent observantiam; modestas denique, humiles, patientes, ac devotas in omnibus se exhibeant.

12. Bonorum temporalium, quibus renunciarunt amplectentes statum religiosum, penitus obliviscantur: nullam mentionem faciant de bonis parentum, nobilitate familiæ, & consanguineorum amplitudine, ac dignitate: non ostendent præclaras animi, & corporis dotes, quibus forte insignitæ sunt; memores religiosi in Deo solo gloriamur.

13. Curent compositionem non solum internam animi, coercendo inordinatos animi affectus, & pravæ propensiones corrigendo, sed etiam externam ita ut caput non leviter huc, illuc dimoveant; oculos ut plurimum demissos teneant; rugas in fronte, & multo magis in naso evitent; labia nec nimis comprimant, nec nimium deducant; in facie non præferant

tristitiam

tristitiam, nec alium minus moderatum affectum; manus, si non occupentur in detinenda veste, decenter quietas detineant, incedant passu moderato, sine notabili festinatione, nisi urgeat necessitas: omnes denique gestus, ac motus ipsarum ii sint, ut apud omnes pariant ædificationem.

14. Parce loquantur, maxime coram Superioribus, & Monialibus antiquioribus, juxta *Proverb. 11. In medio seniorum ne adjicias loqui*: & si loquendum fuerit, meminerint modestiæ, ac ædificationis tum in verbis, tum in ratione, ac modo loquendi: *si quis enim putat se religiosum esse, non refrænat linguam suam, hujus vana est religio*, inquit *S. Jacobus capit. 1.*

15. Modum recitandi divinum Officium, & varias Chori cæremonias bene percipiant; assuescant illas exacte observare; accurate considerent regulas, ac constitutiones Ordinis, sedulo examinent obligationes vitæ religiosæ, & ex proposito sæpe recogitent, num ipsis suppetant vires sufficientes ad illas perfecte implendas; ne postea de iis dici possit, quod habetur *Lucæ 14. Caput ædificare, & non potuit consummare.*

16. Caveant quammaxime a sceminarum sæcularium vanitatibus: abstineant a quocumque corporis ornatu, simplicitatis religiosæ limites excedente: fuci, cincinini, & similia vanæ pulchritudinis fomenta in iis nec nominentur: speculi usum aut nullum, aut brevissimum habeant: unam denique animæ pulchritudinem affectent, & curent juxta verba *Pauli 1. Corinth. 7. Mulier innupta, & virgo cogitat quæ Domini sunt, ut sit sancta corpore, & spiritu: quæ autem nupta est, cogitat, quæ sunt mundi, quo modo placeat viro: quippe omnino decet vanam corporis pulchritudinem affectari a sponsis illius, cui testis *Isaia c. 53. non est species, neque decorem; qui est despectus, & novissimus virorum, vir dolorum, & sciens infirmitatem, & quasi absconditus vultus ejus, & despectus, unde nec reputavimus eum.**

17. Attendant bona exempla, quæ

Deo dante in quolibet Monialium Monasterio non desunt; & si in Moniali aliqua antiquiori aliquid inspiciant redolens aliqualem regularis disciplinæ relaxationem, non ideo illud sibi etiam permittendum existant: æquitas enim petit, ut aliqua permittantur religiosi senioribus, quæ in ipso religionis ingressu non deest permitti junioribus; aliàs si junioribus permittantur quæcumque permittuntur antiquioribus religiosi, ubi ii sient ex antiquioribus, si quoad hoc consequenter procedant, ad omnimodam religiosæ observantiæ dissolutionem devenient: unde fit, ut, si quæ exempla minus bona animadvertant in aliqua Moniali, debeant compati fragilitati humanæ, ac excusare intentionem, interrim tamen ab iis abstinere.

18. Ad colloquia vel numquam, vel valde raro accedant; & si ex causa justa accedant, in omnibus procedant cum religiosa ædificatione, & quam citissime se expediant, memores in multiloquio non deesse peccatum *Prov. 10. Jesumque inveniri, non inter cognatos, & notos, sed in templo, & quidem non statim, sed post triduum.*

19. Litteras neque recipiant, neque scribant, nisi de licentia Superioris, aut propriæ Magistræ juxta Monasterii consuetudinem; & si quas scribunt, ex sint, quæ deceant sponsam Christi, ac novitiam religiosam: fabulas seculares scire non curent: libros denique minus honestos omnino avertentur, sicut & sermones minus pios; scientes corrumpere bonos mores colloquia prava.

20. Idemdem se excitent ad novum fervorem, & amore Dei: erubescant conversæ ad Dominum minori affectu sectari justitiam, quam iniquitatem antea sectarentur: *Pudeat negligentius nunc in vitam, quam prius in mortem ire, & minori studio salutis acquirere, quam perditionis augmentum*; ut loquitur *S. Bernardus Epistol. 140. considereni quanto labore ac studio sponsa carnalis curet placere proprio sponso; & erubescant se ita parum laborare, ut placeant Christo qui eas elegit in sponsas.*

Quæ

Quæres 6. Quibus monitis possint, & debeant Confessarii Monialium instruere Puellas intra Monialium Monasteria degentes in educatione, ad hoc, ut educatio cedat in majus bonum ipsarum Puellarum.

290. *Resp.* Possè, & debere instruere sequentibus monitis; nempe,

1. Intelligent se intra Monasterium admittas in educationem primo, & principaliter ut instruantur in Christianis moribus, & actibus pietatis; ideoque ut finem intentum consequantur, ad studia pietatis maxime incumbant, suas preces quotidie recitent, Missam audiant devote singulis diebus: unoquoque mense confiteantur sua peccata, immo & communicent, si jam ad communionem admittuntur; pios libellos ipsarum statui, ac ætati proportionatos legant; interdum jejument, sin mirus jejunio rigoroso (ad quod tenentur solum post annum 21. expletum) saltem per modum aliqualis abstinentiæ, ut sic paulatim assuescant jejuniis Ecclesiæ observandis: conciones, ac pios sermones, qui habentur ad Moniales, attente audiant: reliqua denique pietatis opera exerceant juxta conditionem ipsarum ætatis, ac status.

2. Debitam servant modestiam in omnibus, in vestitu, incessu, corporis ornatu, ac locutione: cantiones prophanas nullo modo canere permittantur, sed solum pias, ac spirituales: non scribant, nec accipiant litteras, nisi de consensu propriæ Magistræ: ad collocutoria non sinantur accedere sine assensu ipsiusmet Magistræ: & quidem regulariter solum in casu, quo ex vocentur a consanguineis; quod si interdum vocentur ab extraneis personis, in puellis dimittendis cautius procedat Magistræ, & majori vigilantia assistat: ne alias innocens ovicula commissa fidei lupi alicujus infernalis misere disperpatur.

3. Debitam reverentiam, ac obedientiam propriæ Magistræ præstent: ejus consilia libenter audiant; patienter ferant illius reprehensiones, immo & punitiones: de ea minime conquærantur, sive apud puellas socias, sine apud Moniales, illam

speciali affectu diligant, habeantque in magna æstimatione, æqui, bonique consulant quidquid de ipsis dicat, agat, aut disponat, certo existimantes ab ea totum dirigi ad bonum ipsarum sive spirituale, sive temporale: Moniales omnes Conventus, & maxime antiquiores venerentur.

4. Nullam ex puellis sociis habeant præ aliis magis familiarem; caveant maxime, ne cum aliqua illarum secedant in loca secretiora; nullo modo se tangent invicem, neque in facie, neque in manibus; ne inter se misceant colloquia virginali pudicitie minus conformia, ne sibi mutuas largitiones faciant, quibus foveatur inter ipsas amor inordinatus, aut concilietur.

5. Abstineant a mendaciis, etiam jocosis, a quocumque genere juramenti, ab imprecationibus, detractionibus, conviciis, & aliis quibuscvis linguæ defectibus.

6. Se diligant invicem tamquam sorores; nullæ inter ipsas rixæ, contentiones, ac dissensiones permittantur; non se offendant verbis, & multo minus factis; & si interdum se offendant, curent Magistræ, quarum curæ commissæ sint, ut quam primum reconcilientur.

7. Otium omnium malorum originem in primis evitent, ac proinde semper in aliqua re occupentur; somno ne sint nimis deditæ: gulam fræno temperantiæ cum debita moderatione contineant, sicque caveant, ne comestibilia occulte surripiant a propriâ Magistrâ, aut ab aliis Monialibus: in ordinariis recreationibus modum non excedant, seque in iis ita gerant, ut impleant consilium Apostoli. *Philip. 1. Gaudete in Domino semper; iterum dico gaudete; modestia vestra nota sit omnibus hominibus.*

8. Magnam concipiant confidentiam erga Confessarium: & si forte ex humana fragilitate aliquid cogitarunt, aut commiserunt, naturalem erubescantiam omnino evincant, ne aliqui pluribus confessionibus sacrilegis se implicant; & fiat error pejor priore: graviore tentatione, cujuscumque generis ex sint, illi

fin.

sincere manifestent, ab illo opportuna remedia exposcant, eaque suis temporibus cum Dei gratia usurpent.

9. Propriam pudicitiam tam animæ, quam corporis Deo, Beatæ Virgini Mariæ, Angelo suo Custodi, & Sanctis Tutelaribus assidue commendent: diabolicas tentationes adversus illam quomodocumque insurgentes statim repellant, quæcumque ejus nitorem labefactare possunt, sollicitè effugiant; ad hunc etiam effectum sensus corporis, visum, auditum, gustum, tactum, & olfactum accurate custodiant: animæ affectus, ac potentias imperio rationis subjiciant; & carnem ipsam, si opus sit, corporali aliqua afflictione castigant.

10. Bonam, & salutarem electionem status a Deo in suis orationibus cõsiliagent quotidie: nec ad statum religiosum amplectendum sinant se temere induci, sive ex suggestione parentum, sive ex importuna suasionem Monialium, cum quibus degunt, sive ex consilio propriæ Magistræ: sicque prius quam in re adeo gravi deliberent, consulant Deum, Patrem suum spiritualem, vel alium prudentem, pium, ac discretum virum: alioqui, si incaute, ac imprudenter, & ob humanos respectus consentiant in susceptionem status religiosi; temporis progressu ipsas pœnitent promissionis, & (quod pejus est) ex puerili erubescencia non audentes revocare consensum, invitæ religionem ingrediuntur, & in ea inquiete viventes veraciter de se ipsis dicere possunt, quod ex plâ animi submissione, ac modestia dicebat S. Bernardus ep. 2. 49. *Clamut ad vos mea monstruosa vita, mea erumnosa conscientia: ego quedam chimæra sæculi sum: nec Clericum gero, nec Laicum: nam Monachi jam dudum exui conversationem, non habitum.*

Hinc enim in Concilio Trident. sess. 25. de Regul. cap. 17. præscribitur, ut puellæ admittendæ ad novitiatum voluntas accurate exploretur ab Ordinario, & quidem eo modo, quo diximus: cap. 2. sess. 1. qu. 4. per totum: quamvis talis exploratio non videatur necessaria, neque in casu,

quo Monialis novitia profiteatur vigore indulti Pii V. relati cap. 9. num. 18. (idque ob rationem adductam in hoc ipso cap. num. 224. §. Quod si) neque in casu, quo novitia transiret ad suscipiendum habitum alterius Ordinis, in quo nulla major difficultas appareret in regulari observantia, quam esset in priori Monasterio: intellige, si aliunde sufficienter constet Ordinario novitiam voluntarie, ac libere transire ad illum alium Ordinem; si enim de hoc non constet, iterum explorari debet illius voluntas quoad hoc particulare, utpote principaliter intentum a Concilio; non item quo ad alia; cum de iis sufficienter constet exploratione factâ in ingressu prioria Monasterii: & alioqui cessante sine legis cesset lex l. 1. ff. de act. emp. & vend. & c. cum qui, ff. de reg. jur. lib. 6.

Quæres 7. *Qualem modum orandi mentaliter facilem, ac utilem possint Confessarii Monialium illis tradere, ut in eo se exercere valeant majori incremento proprii profectus spiritualis.*

291. Resp. Possit tradere sequentem; quem majoris claritatis gratia in §§. sequentibus distinctis subijcio; videlicet.

1. Oratio mentalis, ut utiliter, ac fructuose fiat, aliqua requirit ante ipsam orationem, aliqua in ipsa oratione, & aliqua post illam.

2. Ante orationem ex consilio Sapientis Eccl. 18. *Ante orationem præpara animam tuam, & noli esse quasi homo, qui tentat Deum;* duplex requiritur præparatio: altera in eo consistit, quod ex libello ad id destinato opportuno tempore meditationis puncta colligantur: idque ne ipso orationis tempore mens distrahatur ad quærendam materiam meditationis: altera consistit in eo, quod Deum præsentem vivaciter concipiamus per fidem, eumque profundissima corporis, & animæ reverentia adoremus, adhibitis verbis illis Abraham Genes. 18. *Loquar ad Dominum meum, cum sim pulvis, & cinis:* tum enim petamus a Deo, ut quæcumque ea die cogitaturi, locuturi, facturi, ac passuri sumus, omnia cedant ad majorem ipsius honorem, ac gloriam: denique cogite-

gitemus, quid tunc temporis sumus a Deo peturi.

4. In ipsa oratione curandum in primis, ut mysterium, quod sumus meditaturi, bene intelligamus, & firmiter credamus; tum considerandæ attentius causæ, ac rationes illius, tum indagandi veri fines, ob quos peractum est mysterium; tum inquirendi effectus illius, fructus scilicet, & damna inde provenientia; denique perpendendæ circumstantiæ, ac proprietates dicto mysterio annexæ: v.g. meditatura est Monialis mysterium Incarnationis: primo debet bene intelligere per tale mysterium Filium Dei in unitate personæ naturam humanam sibi copulasse; ita ut Deus diei possit homo, & homo diei possit Deus: secundo indagare debet causam hujus mysterii, quæ fuit divina bonitas: tertio debet investigare fines dicti mysterii, qui fuerunt redemptio generis humani, & divinæ charitatis manifestatio. Inspecere debet fructus ex præfato mysterio provenientes, qui sunt remissio peccatorum, mortis destructio, aditus ad cælum, & similes: quinto considerare debet circumstantias talis mysterii, locum scilicet, tempus, & modum, nec non proprietates animæ, & corporis, quæ Verbum Divinum modo dicto sibi copulavit.

5. In consideratione autem cujuslibet harum rerum immorari debet intellectus Monialis meditantis, quamdiu in iis devotionem invenit, ac gustum spirituales absque anxietate transeundi ulterius: & curandum est, ut voluntas ipsa inde excitetur ad varios affectus (eum ad hos potissimum ordinetur oratio mentalis) & fiant variz petitiones, & colloquia juxta materiz propositz exigentiam: ubi vero Monialis unam ex dictis rebus hoc modo perpenderit, ac ponderaverit, eadem pace, & animi quiete ad aliam progredietur eodem modo, & sic deinceps, usque dum totam perfecit meditationem.

6. Affectus, qui in progressu meditationis excitari debent, esse possunt ex iis, qui comprehenduntur in præfenti alphabeto, videlicet Adoratio, admiratio,

aspiratio, amor, sui ipsius æcussatio: Benedictio, beneficentia: Confessio, cognitio Dei, & sui, compunctio, congratulatio: Devotio, desiderium, delectatio, detestatio, donatio: Exultatio, electio, eleemosyna: Fides, fiducia, fructio: Glorificatio, gaudium, gratiarum actio, gratitudo, Humiliatio, honoratio, holocaustatio: Imitatio, invocatio, interrogatio, indifferencia: Laudatio: Mortificatio, mansuetudo, mendicitas spiritualis, magnanimitas: Nitor intentionis in operando: Obedientia, oblatio, obsecratio, odium peccati: Prostratio, propositum, petitio: Quærelæ adversus se ipsum, diabolum, & alios humanæ salutis hostes: Reverentia, resignatio, religio: Spes, submissio: supplicatio: Timor, tristitia, Unio eum Deo: Zelus honoris Dei, & salutis animarum.

7. In proposito igitur mysterio Incarnationis elici poterunt, & debebunt affectus amoris in Deum, fiduciæ in divinam bonitatem, gratitudinis, gratiarum actionis, odii, ac detestationis peccati, propositi de extero non peccandi &c.

8. Admiseri possunt, & debent etiam in meditatione petitiones, & colloquia pro conditione materiz, quam meditatur: petitiones quidem, quibus imploremus Dei auxilium, petamus gratias necessarias, aut postulemus liberari a malis tam spiritualibus, quam temporalibus: colloquia vero modo eum Deo (& quidem etiam eum unaquaque ex tribus divinis personis seorsim) modo cum Christo, modo cum B. V. Maria, modo cum Angelis, modo eum Sancto aliquo, modo nobiseum ipsis, prout exigit materia meditationis, suggeret affectus, & Spiritus Sancti illustratio insinuat.

9. Quamvis ad actum orationis mentalis potissimum concurrant intellectus, memoria, & voluntas; ad illam tamen non parum conferunt etiam aliæ potentiz animæ inferiores, & maxime imaginatio; qua Monialis meditatura mysterium v.g. Nativitatis Christi, sibi efformet imaginem porticus undequaque frigori expositæ, ibique parvulum pannis involutum:

H h h

I i

sic enim imaginativa, quæ alias tempore meditationis vagatur, & discurret, manebit certo loco affixa, & multum juvabit ad mysterium propositum attente meditandum.

10. Juvabit etiam ad meditationem locutio ipsa corporalis, Moniali in decursu meditationis prorumpente in orationem aliquam vocalem, per quam illa excitetur ad majorem attentionem, ac devotionem: & hoc, sive recitando aliquam orationem compositam ab Ecclesia, aut ab aliquo Sancto, sive illam hic, & nunc ex se concinnando juxta præsentem devotionem, ac necessitatem spiritualementem.

11. Præterea juvari potest meditatio etiam per usum sensuum, & per ipsum situm corporis; sed de his non potest tradita certa regula: alii quippe melius, ac fructuosius meditantur detinendo oculos clausos; alii aspiciendo cælum, vel devotam aliquam imaginem, alii audiendo cantus musicales, alii recedendo a quocunque strepitu, alii crebris ictibus pectus percutiendo, alii frequentes genuflexiones iterando, alii brachia extendendo in modum crucis, alii se prosternendo super terram, alii in certo loco firmis pedibus se sistendo, alii leniter deambulando, alii sedendo ex humili aliquo loco. Quare quo ad hoc eligat Monialis, quod experitur sibi magis conferre ad devotionem cordis, attentionem, & quietem, habita ratione tam propriæ infirmitatis corporalis, quam ædificationis astantium, si meditatio fiat in loco publico.

12. Finita meditatione cogitare debet Monialis qualiter in ea se gesserit: an ante orationem se præparaverit, materiam ad meditandum prævenierit, fructum ex ea eliciendum præviderit; an statuto tempore inchoaverit statim meditationem; an distractiones passa sit, & quas, qualiterque in iis abigendis se gesserit, an dormituriert aliquantulum, & cur; quid fuerit meditata; an intellectui plus æquo laxaverit habenas discurrendi; quos affectus in se excitaverit; quid a Deo postulaverit, quæ bona proposita elicerit, quæ reverentia ac humilitate apud Deum alli-

terit, an aliquem alium defectum in meditatione commiserit.

13. Quod si Monialis velit meditari aliquod ex novissimis, mortem v.g. aut turpitudinem peccati mortalis, aut aliquam ex regulis sui Ordinis, vel aliud simile; debet proportionaliter servare regulas hæcenus traditas: sicut in casu, quo ope meditationis vellet se disponere ad gravem mortificationem fortiter sufferendam, ad implendam aliquam obedientiam admodum difficilem, ad sustinendam magnam injuriam sibi extrinsecus illatam, ad prompte excipiendum e manu Dei infortunium aliquod grande sibi imminens, ad molestiam, ac longam infirmitatem patienter ferendam, & in aliis similibus casibus: in his enim omnibus considerari debent natura rei propositæ, ejus causæ, seu rationes, fines illius, effectus, seu fructus, & reliquæ circumstantiæ, quæ rem illam comitantur: tum excitandi varii affectus, & faciendæ varix petitiones juxta exigentiam rei cadentis sub meditationem, & indigentiam Monialis meditantis.

14. Cavendum, ne Monialis desistat ab oratione mentali ex eo, quod in ea nesciat diutius differere de re proposita ad meditandum, & statim arescat, nulla bona cogitatione ei recurrente, qua puncta meditationis extendat: siquidem vigor mentalis orationis plus consistit in iis affectibus, ac bonis desideriis voluntatis, quam in disfluxis discursibus, ac speculationibus intellectus: unde sit, ut sæpe homines rudiores melius, ac fructuosius orent mentaliter, quam viri sapientes, ac docti, eo quod illi per simplicem aliquam cogitationem statim transiant ad pios affectus, & in his se diutius detineant, qui utique in oratione mentali principaliter intenduntur: quo pacto Philosophus quidam apud Gersonem super magnificat alph. 86. lit. D, dicere solebat; *Inquiramus, quid sit virtus, non ut sciamus, sed ut boni efficiamur.*

15. Cum finis orationis mentalis sit emendatio nostrorum defectuum, & remedium nostrarum infirmitatum spirituum; propterea Monialis accessura ad

oran-

orandum debet præmeditari, ac prævidere non solum puncta meditationis, ut jam diximus, sed etiam fructum, quem determinate intendit percipere ex illa, ad illum ordinando totam meditationem, & omnes pias cogitationes in ea recurrentes tanquam media ad illum consequendum.

16. Ut fructuosior sit oratio mentalis, confert non solum post illam in aliquo libello adnotare breviter fructum illius, & bona proposita in ea elicit, sed etiam ipso tempore orationis determinare fructum aliquem in ea die practicandum: ut, si ope meditationis tibi proposuisti patienter sustinere injurias, & molestias a socio inferendas; debes determinare aliquid particulare, in quo patientiam exerceas illa die: v. g. in casu, quo injusto tibi contradicatur in iis, quæ dicis, aut certe honor debitus denegetur.

17. Oratio mentalis curandum semper est ut si practica, adeoque descendat ad casus particulares; non autem sistat in generali voluntate, ac desiderio alicujus virtutis: quare non sufficit, quod Monialis in oratione mentali afficiatur circa virtutem obedientiæ in genere, sed debet determinare casus particulares, in quibus exerceat obedientiam, & in quibus majorem sentiat repugnantiam.

18. Quod si Monialis inter orandum frequentes patitur distractiones, quibus Dæmon conatur impedire orationis fructum; contra illas pugnandum est tum humilitate, per quam orans suam infirmitatem agnoscat, & confundatur se Deo altare adeo irreverenter, tum fortitudine, qua firmiter statuat pro viribus repellere quæcumque cogitationem alienam a materia orationis, quantumvis ea fuerit de re sibi grata, utili, ac necessaria; tum oratione ipsa, qua Deum deprecetur, ut regat potentiam suam imaginativam, & colligat cogitationes suas dissipatas; tum fiducia in Deum elicit, qua confidat, sicut dat velle orare, daturum & posse; tum denique sua industria, ac diligentia, qua ante orationem illa omnia a mente sua amoveat, quæ cupit non irrepere sibi in

ipsa oratione, ut monet *Cassianus collat. 9. cap. 2.*

19. Si quando Monialis ex propria infirmitate, aut iusto Dei judicio in oratione omnimodam patitur ariditatem, ita ut se habeat per modum sippiis, tunc consultum est, ut vel aliquem pium librum legat non festinanter, ponderando verba, & ex iis eliciendo varios actus pios, vel ut recitet aliquas orationes vocales, offerens Deo in suorum peccatorum remissionem illius ariditatis molestiam.

20. Non turbetur Monialis ex eo, quod in actu orationis mentalis plures, & graviores solito patitur tentationes; siquidem, ut bene advertit B. Egidius S. Francisci Socius, id facit diabolus, ne obtineamus per orationem a Deo vires necessarias ad illum profligandum: *Ut si listem ageres, ait B. Egidius, & regem adires, ut auxilium ab eo deposceres, nonne adversarius tuus pro viribus contenderet, ut iter tuum impediret? Cum igitur in oratione contra Satana astutias auxilium deposcamus, versus ille omnibus viis studet hoc sanctum exercitium nobis impedire.* Verum non est cur hac in re multum timeamus; quin potius dicere debemus, si *Christus pro nobis, quis contra nos?* tantoque ardentius ad Deum debemus confugere.

21. Fructus porro orationis mentalis sunt reformatio morum, evitatio cuiuscunque peccati, etiam minimi, fuga occasionum illius, edomatio passionum, coercitio sensuum, mortificatio pravarum inclinationum, victoria difficultatum a Dei servitio retardantium, fortitudo contra quascunque tentationes, generosa sufficientia molestiarum, prompta executio divinæ voluntatis, consecutio christianarum virtutum, & maxime charitatis, humilitatis, obedientiæ, patientiæ, & mortificationis.

Quæres 8. *Quibus monitis induci possint Moniales per suos Confessarios ad Horas Canonicas, aliasque orationes vocales attente, devote, ac reverenter recitandas.*

292. *Resp.* Posse induci sequentibus, videlicet.

1. Cogitent homines orationis tempore curiam intrare cœlestem; illam, inquam, curiam, in qua Rex regum stellato sedet folio, circumdante innumerabili, & inefabili beatorum spirituum exercitu; ut notavit S. Bernard. de 4. modis orandi, inde inferens: *Quanta ergo cum reverentia, quanto timore, quanta illius humilitate accedere debet a palude sua procedens, & repens rannuncula vilis? quam tremebundus, quam supplex, quam denique humilis, & sollicitus, & totus intentus animo majestati gloria in prasentia Angelorum, in consilio ipsorum, & congregatione assistere poterit miser homuncio?*

2. Considerent cum eodem S. Bernardo *serm.* 8. in Cant. Angelos Sanctos altare orantibus, offerre Deo preces, & vota hominum, ubi tamen sine ira, & disceptatione levare puras manus perspexerint. Doleo proinde, subdit S. Bernardus, aliquos vestrum gravi in sacris vigiliis deprimi somno, nec Celsi cives revereri, sed in prasentia principum tanquam mortuos apparere; cum nostra ipsi alacritate permoti nostris interesse solemnibus delectentur. *Vereor, ne vestram desidiam quandoque abominantes cum indignatione recedant: at si se a nobis boni spiritus elongaverint, impetus malignorum quis sustinebit?*

3. Caveant, ne Regi Deo assistere, & colloqui proficiscentes, imparatæ hunc cursum faciant, ne forte eas absque armis, & stola regia digna conspectu a longe conspiciens, ministris, & famulis jubeat, ut virtutes illas longe a facie sua in exilium mittant, negligentesque, & interruptas ipsarum orationes in faciem iis exprobrent, ut loquitur Climacus *Grad.* 28.

4. Meminerint frequenter, quæ habet S. Cyprian. de orat. dom. his verbis: *Quo modo te audiri a Deo postulas, cum te ipsum non audias? vis Deum memorem esse tui, cum rogas, quando tu ipse memor tui non sis? hoc plane est vigilare oculis, & corde dormire; cum debeat Christianus, cum dormit oculis, corde vigilare, sicut scriptum est, Ego dormio, & cor meum vigilat. Quæ*

omnia confirmat S. Bernard. lib. acani. c. 8. his verbis: *Loquitur mihi Deus in Psalmo, & ego illi: nec tamen cum Psalms dico, attendo cujus Psalms sit: ideo magnam injuriam Deo facio, cum illum precor, ut meam precem exaudiat, quam ego, qui fundo, non audio: deprecor illum, ut mihi intendat, ego vero nec illi, nec mihi intendo. Sic etiam S. Cyprianus in Ps. 37. ait: Quo modo nos audit Deus, cum nos ipsum non audiamus? quo modo faciet ille, quod volumus; cum nos, quod ille vult, non faciamus: vult nos tamen esse Deum, ut quasi dii cum Deo loquamur.*

5. Bene perpendant, quod homines quidem aliquos allocuturi, qui sunt nobis superiores, & habitum, & incedum, & amictum, & omnia componimus, inquit S. Chrysostomus in Ps. 4. ad Deum autem accedentes biamus, fricamus, nos buæ, & illuc versamus, negligentes, & socordes sumus: humi genibus flexis per forum oberramus.

6. Attendant in actu orationis Christianos elevare manus in cœlum, non solum quod hic habitus est supplicis, ac petentis, & sperantis auxilium ab alio (sicut submergendus extendit manus tanquam auxilium petens) sed quod manuum elevatio significet, ac excitet elevationem mentis in Deum, ut notavit Clemens Alex. l. 7. Strommat. Quamquam dici posset cum Tertullian. apolog. 30. *Orantes extensione manuum se Deo offerre, & quasi in manu ejus dedere; vel certe magnam affectus vehementiam designare, quasi manus elevando vim Deo inferant, & magna fiducia velint manu prehendere quod petunt; vel denique ostendere se nolle torpentes rem petitam obtinere, sed velle manus simul ad opus admovere, & hoc juxta Psal. 118. Levavi manus meas ad mandata tua, quæ dilexi.*

7. Meminerint placere Deo latinas preces, quas ipse recitant, etsi illas non intelligant: nam Abbas Paſſor in vitis Patrum, cum quidam ei conquerendo diceret: *Ecce oro, & non est compunctio in corde meo, quia nescio virtutem* (id est significationem verborum), respondit: *Et tu tamen orare perge, quoniam sicut incantator, licet virtutum verborum, quæ dicit, ne-*
ficiat,

fiat, serpens tamen audit, & intelligat ea, iisque subicitur incantanti, & humiliatur; sic & nos, quamvis ignoremus virtutem eorum, quæ loquimur, demones tamen audientes ea intelligunt, terrentur, atque discedunt.

8. Si voluntarie distrahantur in recitandis orationibus vocalibus, putent sibi exprobrari a Christo verba illa, quæ habentur *Matth. 26. Sic non potuisti una hora vigilare mecum?* quæ verba sic expendit Drogo: quis autem est, Domine, qui tecum una hora vigilet? etiam in Cælo non est factum silentium, nisi quasi dimidia hora; quanto minus in terra una hora vigilabimus tecum? hæc ille: ex quibus colligitur humanam mentem difficillime quietam silere in oratione: ut proinde Christus ei opposuerit vallum spinarum, quibus redimtum fuit illius caput, quem minime transilire possit: quod his verbis expressit *S. Athanasius*: Spineam coronam gessit Dominus, ut omnes in securitatem assereret, quæ in precibus mentem inconcussam possideret: tanto opus fuit vallo, ut mens humana se quæta in precibus contineret.

9. Ut attente horas 7. canonicas recitent, meminerint illas institutas fuisse ab Ecclesia ad conservandam memoriam humanæ redemptionis; quippe his horis principalia mysteria illius completa sunt: hora enim vespertina (unde Officium Ecclesiasticum sumit initium) Christus cœnavit cum discipulis: hora completorii captus est in hortis: matutina initum est consilium perdendi Christum: prima ductus est ad Pilatum, ac Herodem: tertia crucifixus vocibus Hebræorum, flagellatus, & coronatus spinis: sexta crucifixus se ipsa: zona spiritum emisit.

10. Accedentes ad orandum vocaliter perinde se gerant, ac si eo die nihil aliud ipsis faciendum foret; sicque cogitationem omnem extraneam, & alienam ab oratione diligentissime abigant, sive ea sit de officio, quod exercent, sive de negotio, quod tractant, sive de injuria illata a sociis, sive de malo ipsis imminente, sive de qualibet re impertinente ad materiam meditationis: siquidem omnia tempus habent.

Ecc. 3. & sufficit diei malitia sua. Matth. 6. Quin etiam consultum est, ut servi Dei, quandocumque accedunt ad orandum, omnes suas cogitationes temporales jubent manere extra locum orationis, verba illa Abrahami *Gen. 22.* usurpantes: *Expeilate hic cum asino; ego, & puer illuc usque properantes, postquam adoraverimus, revertemur ad vos:* ac identidem sibi inculcent verba illa: *Hoc age, hoc age,* quæ Sacerdoti ethnico diis sacrificanti per tibicinem altiori voce inculebantur ad insinuandam reverentiam diis debitam.

11. Ad attente orandum summopere conferet elicere firmiter propositum attendendi non solum ad initium orandi, sed etiam renovare propositum in principio cujuslibet Psalmi, & si is sit longior, etiam in progressu illius; maximeque quando majores, ac molestiores ingruunt distractiones; & quidem iterum, atque iterum implorato ad talem effectum Dei auxilio.

12. Conferet item ad attente orandum reminiscere de quacumque distractione admissa voluntarie reddendam esse Deo rationem: ac proinde, sicut orans conaretur attente orare, si nosset cogitationes ipsi tunc occurrentes ab astantibus clare cognosci, aut ipsum cogendum esse eas manifestare proprio Superiori; sic omni studio procuranda est attentio; cum nobis constet Deo notas esse omnes nostras distractiones, de iis reddendam a nobis esse rationem; immo & subeundam esse debitam poenam, si fuerint culpabiles; quod est contrahere reatum poenæ, ubi acquirendum esset incrementum meriti: quo modo dici potest, quod habetur *Luc. 11. Vide, ne lumen, quod in te est, tenebrae sint.*

13. Cum autem varia possit esse attentio in oratione vocali, videlicet una ad verba (quæ dicitur materialis) alia ad sensum literalem verborum (quæ dicitur literalis) & alia, qua cogitatur ad Deum, & ad rem, pro qua oratur (quæ dicitur spiritualis) (quæcumque ex his attentionibus habetur, sufficit ad satisfaciendum propriæ obligationi).

Quæres 9. *Quibus modis Confessarius instruere possit moniales ad utiliter instituendum*

tuendum examen conscientie tam generale, quam particulare.

293. *Resp.* Possè instruere sequentibus monitis, nimirum.

1. Examen generale conscientie sic instituendum, ut in primis commemoremus Dei beneficia nobis collata, de iis debitas ipsi reddentes gratias; tum petamus gratiam cognoscendi omnes, & singulos defectus a nobis commissos: postea diligenter nos ipsos discutiamus modo infra explicando: denique doleamus quammaxime de defectibus commissis, & aliquam de iis pœnam spontanee subeamus.

2. Discussio conscientie versari debet circa cogitationes, verba, ac operationes sive ex objecto bonas (cujusmodi est oratio tam mentalis, quam vocalis, auditio Missæ, Confessio, Communio, &c.) sive malas ex natura sua: item circa inspirationes divinitus immissas, sancta desideria concepta, occasiones bene merendi exhibitas, bona proposita elicita, aliaque id genus, quæ ab ultimo examine habito usque ad illud tempus occurrerunt, sive bona, sive mala.

3. Quod principaliter intenditur in generali examine conscientie, non est cognitio defectuum commissorum, sed vera pœnitentia de illis, & firmum propositum abstinendi posterum ab illis: ideoque in his duobus punctis insumi debet major pars temporis assignati pro examine conscientie. Quo dato, non possunt Moniales conqueri tempus examinis generalis videri nimis prolixum, eo quod citissime se expediant in inquisitione defectuum commissorum, utpote statim memorie occurrentium, sique non habeant, in quo infumant reliquum temporis, quod superest: possunt enim utiliter se occupare in concipiendo vero dolore de defectibus factis, & firmo proposito abstinendi in posterum ab illis; quæ duo principaliter intenduntur in generali examine conscientie.

4. Plures, & magnæ sunt utilitates, quæ proveniunt ex generali examine conscientie: nimirum facilius, & celerius emendatio morum; cum Monialis suos

defectus ex habito examine quotidie intuens magis de iis confundatur, & firmitus propositum concipiat de iis vitandis, faciliusque ex proposito frequentius iterato emendetur, juxta illud, *Gutta cavat lapidem, non bis, sed sæpe cadendo*: præterea examen generale conscientie confert tum ad confessionem peccatorum facilius faciendam; cum per illud sine alio labore commissi excessus in memoriam promptissime recurrant; tum ad minuendam pœnam alias in Purgatorio pro delictis patratissis sufferendam; cum juxta formam examinis superius propositam eo pacto quotidie voluntariam aliquam subeamus pœnitentiam de defectibus ea die commissis: denique illud beneficium provenit ex generali examine, quod existens in peccato mortali, si vespere, antequam petat dormitum, examinet conscientiam, & in fine examinis eliciat actum contritionis, ut sit; in casu, quo nocte moretur ex improvviso; absque confessione (quod interdum evenit) æternæ damnationis periculum evaderet, alias illud incursum.

5. Examen conscientie saltem semel qualibet die instituendum, id est vespere: imo consultum est illud sæpius facere qualibet die, & maxime in fine cujuslibet nostræ operationis, quæ sit majoris momenti: quin etiam expediret illud facere qualibet hora.

6. Quod autem spectat ad examen particulare, illud fit de aliquo vitio particulari, quod sit velut capitale, ac radicale, a quo alia vitia quasi rami suppullulant, & quo eradicato, illa pariter eradicantur: fit autem hoc modo; mane resolute proponas vitium illud tota die heroice suppressere; assidue per diem in illud intendas, illudque jugiter cohibas; si quando in illud labaris, mox inoleas, fortiorque resurgas; vespere memoreris quoties, quomodo, & qua occasione per diem in illud lapsus sis, & per novum, ac fortius propositum cavendi, aut superandi occasiones illius, opportuni remediis emendare satagas; demum notes quot vitibus in vitium illud secideris; & hoc totum

tum facias qualibet die hebdomadæ: die vero Dominica lustras, & videas quid elapsa hebdomada profeceris, aut defeceris, illudque sequenti septimana, compensare, imo & augere serio constituas.

7. Meminerint Moniales expedire quidem, ut examen particulare prius fiat de iis defectibus externis, quibus summopere offenduntur ii, quibuscumque vivimus: at curandum, ut quam citissime ab his nos expediamus vacaturi sedulæ acquisitioni virtutum internarum, in quibus potissimum consistit religiosa perfectio; sique eniti debemus, ut ope examinis particularis quam primum ea omnia corrigamus, quæ extrinsecus in Proximis gignere possunt offensionem, & scandalum.

8. Examen item particulare debet trahi ad unum quid, idest ad illud vitium, per quod credimus magis impediri profectum nostrum spirituale: siquidem pluribus intentus minor est ad singula sensus; & Exodi 3. dicitur *Dominus Deus tuus consumet nationes has in conspectu tuo paulatim, & per partes non poteris eas delere pariter*. Verum tamen est, quod cum vitium illud dividi possit in plures partes, seu gradus, examen particulare trahi debet prius ad unam partem, postea ad aliam, & sic deinceps: v. gr. vult quis adipisci perfectam humilitatem ope examinis particularis: is illud debet institueri hoc ordine; primo ne proferat verba eedentia in propriam laudem, ac honorem; tum ne deleatur laudari ab aliis, hinc potius sumens occasionem se magis humiliandi; tum ne quid faciat ad conciliandum sibi bonam existimationem apud homines; tpm ne reprehensus de aliquo defectu se excuset, defectum alteri imputans; tum ut statim refectet cogitationes vanas, ac superbas, quæ forte insurgant; tum ut practice existimet omnes tamquam suos Superiores, eosque ut tales revereatur; tum ut libenter amplectatur omnes occasiones se exercendi in humilitate; & sic deinceps.

9. Materia particularis examinis variari non debet, nisi vitium, ad cuius

extirpationem sit examen; perfecte evicerimus, aut virtutem, quam intendimus obtinere, re vera obtinuerimus; idque juxta illud *Psal. 17. Persequar inimicos meos, & comprehendam illos, & non convertar, donec deficiant*. Quamquam non sit necesse, ut omnino vitium illud extirpaverimus, ita ut nec minimus sensus illius in nobis insurgat: nam, teste Seneca, *contra vitia pugnamus, non ut penitus vincamus, sed ne vincamur*; sique sufficit, ut motus vitii, aut passionis insurgentes facillime repellamus.

Quæres 10. *Quibus monitis possint Moniales excitari ad confessionem peccatorum cum spirituali fructu faciendam*.

294. Resp. Possent excitari sequentibus monitis; nimirum.

1. Cum frequens usus confessionis Sacramentalis maxime conferat ad profectum spirituales, si confessio fiat non perfunctorie, & quasi ex consuetudine, sed studiose, & diligenter; curent, quoties constituntur, ea animi præparatione, ac sensu id facere, ac si tunc ultimo essent confessuræ.

2. Si certo sibi persuadeant se majori studio teneri in se excitare verum dolorem de defectibus, quos confessuræ sunt, ac firmum propositum in eos amplius non relabendi, quam suam examinare conscientiam (quamvis id ipsum fieri debeat diligenter) atque omni conatu eniti debent, ut dolorem maximum concipiant de propriis defectibus (præsertim, si sint graviores) & firmissimum propositum eos de cætero non committendi.

3. Ad hoc autem multum juvabit se excitare pia aliqua consideratione, eaque varia; pro ut unctio Spiritus Sancti edocuebit, & exigit præsens poenitentis dispositio. Hinc modo se fiant coram Deo instar servi illius Evangelici, qui cum Domino suo deberet decem mille talenta, & non haberet, unde redderet, procidens coram illo oravit eum dicens, *patientiam habe in me; & omnia reddam tibi*, *Matthæi 18.* modo cum filio prodigo dicant: *Surgam, & ibo ad patrem meum, & dicam ei, Pater peccavi in celum, & coram*

te; jam non sum dignus vocari filius tuus: fac me sicut unum de mercenariis tuis, Lucæ 15. modo cum publicano a longe stantes pectus suum percutiant, & dicant, Deus propitius esto mihi peccatori, sibi que putent dici a Christo: Descendis hic iustificatus in domum suam, Lucæ 18. modo putent sibi a Christo ingeminari verba, quæ Joseph fratribus suis dixit, quando illis se manifestavit: Ego sum frater vester, quem vendidistis in Ægypto: nolite pavere; neque durum vobis esse videatur, quod vendidistis me in his regionibus: pro salute enim vestra misit me Deus in Ægyptum, Gen. 45. modo imaginentur sibi exprobari innumera beneficia a Deo accepta (sicut olim exprobrata fuerunt Davidi a Nathan. 2. Reg. 12.) additis iis verbis: Quare ergo contempsisti verbum Domini, ut faceres malum? Et dicant cum ipso Davide peccavi Domino: ut sic mereantur audire verba illa jucundissima, Dominus quoque transulit peccatum tuum: modo existiment sibi inculcari verba illa Isaie 5. Quid est, quod debui ultra facere vinea mea, & non feci ei? an quod expectavi, ut faceret uvas, & fecit labruscas? Sicque propriam agnoscentes ingratitudinem, eam quam maxime detestentur.

4. Caveant, ne ex erubescencia omitant confiteri aliqua pudenda sub prætextu, quod ea non sint peccata, aut saltem non sint mortalia: id enim est valde periculosum, maxime feminis, quæ ex defectu doctrinæ, ac prudentiæ falso, & quidem etiam culpabiliter, existimare possunt aliqua non esse peccata, vel certe non mortalia, quæ vere sint talia; sicque exponunt se periculo faciendi confessiones sacrilegas: quod item procedit de iis Monialibus, quæ similia quidem confitentur, sed verbis ambiguis, & modo palliato; ita ut Confessarius minus bene, ac distincte percipiat rationem defectus manifestati, aut saltem non attingat sufficienter ejus gravitatem: cum potius in simili casu penitens sincere, ac simpliciter debeat confiteri suum peccatum, in remissionem illius asserendo verecundiam, quam sentit in eo manifestando.

5. Quod si clare agnoscant peccatum, quod erubescunt confiteri, esse mortale, omnino enitantur illud confiteri, memores vulnera clausa plus cruciare; cum e contra, teste Sancto Gregorio 1. 7. moral. cap. ult. quando putredo, quæ intrinsecus fervet, ejicitur ad salutem, dolor aperitur: attente perpendant verba illa Osee 13. Colligata est iniquitas Ephraim, absconditum peccatum ejus: dolores parturientis veniunt ei recolant item, quæ habet Isaïas cap. 37. Venerunt filii usque ad partum, & virtus non est parturiendi: eis denique ad talem effectum proponantur a Confessario quæ dicimus in hoc cap. num. 195.

6. Ut minus sentiant repugnantiam, ac difficultatem, quæ sentiri solet in confessione peccatorum, existiment sibi dici ab Angelo Custode ea verba, quæ olim Naam Syro dicta fuerunt a servis, dum renueret juxta consilium Elisæi descendere in Jordanem ad se lavandum in remedium lepræ: Etsi rem grandem precepisset tibi Propheta, certe facere debueras, quanto magis, quia nunc dixit tibi, lavare, & mundaberis: re vera enim Sacramentalis confessio, habita ratione bonorum, quæ ex ea consequuntur (quorum principale est remissio cuiuscumque peccati, quantuncunque atrocissimi) non est onus adeo grave, ut non prompto, ac lubenti animo non debeat suscipi, ac suscipi.

7. Curent, ut confessio ipsarum habeat sexdecim illas conditiones, quæ a Doctoribus verbis comprehenduntur.

Sit simplex, humilis confessio, pura, fidelis,

Atque frequens, nuda, & discreta, libens, verecunda,

Integra, secreta, & lacrymabilis, accelerata,

Fortis, & accusans, & sit parere parata.

8. Ut minimum constentur decimoquinto quoque die: immo consultum est, ut id faciant qualibet hebdomada; cum frequens usus confessionis majus odium peccati inducat, uberior auxilium conferat ad illud vitandum, ac tum ipsum confitendi

tendi faciliorem reddat, aliaque plura, & magna bona spiritualia tribuat.

9. Confessiones generales totius anteaſſe vitæ non repant ſine juſta cauſa; ut offendi in hoc cap. num. 179. præſertim ſi angantur ſcrupulis: expedit quidem, ut generaliter confiteantur in fine cujuſlibet anni ab ultima generali inchoando: ſicque *Sanctus Bonaventura in regula novitiorum cap. 3.* monet religioſum, ut annuatim generaliter confiteatur: & *Benedictus XI. in extravag.* Inter cunctas q. cæterum de priviſ. dicit licet hoc non ſit neceſſarium, eſſe tamen ſalubre, ſaltem propter cruciſcientiam, quæ magna eſt penitentia pars.

10. Quod ſi velint generalem totius anteaſſe vitæ confessionem iſſuere; id faciant apud illum Sacerdotem, qui illarum futurus eſt Confellarius ordinarius: ſic enim illas melius dirigere poterit in via ſpirituali, & ſalubriora iis remedia tradere ad ſpirituales morbos ipſarum curandos, quo plenior notitiam habebit ipſarum conficientiæ non ſolum præſentis, ſed etiam præteritæ: quod eſt bene advertendum.

11. Si ex ſint confeſſuræ ſolum leviores aliquos defectus, eoſque frequentiffimos; ita ut non improbabilem rationem habeant dubitandi, num habeant ſufficientem dolorem, ac neceſſarium propoſitum illos de cætero non committendi: conſultum eſt, ut præſatos defectus confeſſæ ante abſolutionem ſe accuſent de aliquo peccato graviore anteaſſe vitæ alias remiſſo, de quo ſint certiores moraliter ſe habere neceſſarium dolorem, ac ſufficiens propoſitum; cujuſmodi peccatum eſſe poſſent detractiones graves, perjury, imprecationes voluntariæ, & ſimilia, a quibus in præſentia, Deo dante, abſinent.

12. Peccata, quæ frequentius committi poſſunt a Monialibus, revocari poſſunt ad quatuor claſſes ſequentes; videlicet contra Deum, contra Religionem, contra ſe ipſas, & contra Proximum; ſicque hunc ordinem ſervare poterunt in faciendæ examine ſcientiæ ante confessionem: nimirum.

Contra Deum.

An divinis inspirationibus reſpondeant, & bona propoſita cœleſtis immiſſa adimpleverint.

An debita præparatione, ac fructu ſuſceperint Sacramenta confessionis, ac communionis.

An horas canonicas debita attentione recitaverint, vel certe eas omiſerint.

An, & quas diſtractiones admiferint in oratione mentali, aut vocali voluntarie habita.

An vota aliqua particularia emiſſa violaverint.

An blaſphemiz tentationes paſſæ ſint, & qualiter in iſis repellendis ſe geſſerint.

An Miſſam omiſerint, maxime in die feſto.

An emiſerint juramenta falſa, aut non neceſſaria.

An commiſerint aliquam ſuperſtitionem.

An diſſiderint de divina miſericordia, vel certe de ea nimis præſumpſerint, hinc ſumentes anſam liberius, ac gravius delinquendi.

An indevote, ac irreverenter ſe geſſerint in Eccleſia.

An laboraverint ſerviliter in die feſto.

An fidem dederint ſomniis.

An Deum debite amaverint, ei convenienter ſervierint, ipſique de beneficiis acceptis gratias egerint.

Contra Religionem.

An aliquam ex regulis, ſtatutis, aut conſuetudinibus violaverint, & quas.

An debite frequentaverint chorum.

An deliquerint contra votum religioſæ paupertatis, ſive dando, ſive accipiendo abſque legitima licentia, & maxime ad fines illicitos: ſive uſurpando aliquid de bonis communibus Conventus, aut ea diſtribuendo contra voluntatem Superioriſſe, aut ea negligenter cultodiendo, & conſervando; præſertim ſi ad hoc tenentur ex officio.

An peccaverint contra votum Caſtitaſis aliquo ex modis recensitis c. 4. n. 83.

434 DE MONITIS DANDIS MON. AD PROF. SPIRIT.

An votum obedientię violaverint, contraveniendo præceptis Superiorum, pertinaciter detrectando illorum mandata, officia Monasterii negligentissime obeundo.

An irreverenter egerint cum propriis Superioribus, de iis detraxerint, ac graviter conquestę sint, nec non contra illos odium subditarum concitaverint.

An ex affectu inordinato suum suffragium dederint, aut denegaverint, sive in eligendis Superioribus, sive in recipiendis puellis ad novitiatum, sive in admit-tendis novitiis ad professionem, &c. aut aliquam Sororum in his subornaverint.

An voluntarie contristatę sint de statu religioso assumpto, & de hoc ipso illas pœniterit.

An clausuram violaverint, quo modo, & ad quem finem.

Contra se ipsas.

An vanas, otiosas, ac impertinentes cogitationes admiserint, & in iis voluntarie se detinuerint.

An, & qualiter negligentes fuerint in procuranda propria salute spirituali.

An se, & sua indebite ostentaverint.

An gloriatę sint de rebus malis, & de quibus.

An verba otiosa protulerint, ac mendacia jocosa.

An sibi complacuerint de peccatis alias remissis.

An se exposuerint scienter probabili periculo peccandi, & quo genere peccati. An sibi metipsis ex animo gravia mala imprecatę sint.

An impatientes fuerint in sufferendis præsentis vitę ærumnis, & calamitatibus.

An, & qualiter excesserint in edendo, bibendo, ac dormiendo.

An nimis alte de se ipsis senserint.

An tempus otiosę insumpserint.

An nimis indulserint propriis sensibus corporis.

Contra Proximum.

An illum oderint voluntarie, ejusque bono inviderint.

An temere de eo in re gravi judicaverint, falsasque suspensiones conceperint, immo & alijs manifestaverint.

An de eo graviter detraxerint, & cum præjudicio famę, aut alios excitaverint ad detrahendum, eosve audierint.

An verba contumeliosa contra illum protulerint.

An dederint prava consilia, & quidem interdum etiam cedentia in grave damnum Proximi.

An ex corde gravia mala Proximo imprecatę sint.

An discordias graves disseminaverint inter Sorores Monasterii.

An rixas, contentiones, ac litigia excitaverint, sive referendo quę viderunt, aut audierunt, sive alia ratione.

An, & qualiter iracundas, ac impatientes se ostenderint,

An malum exemplum dederint, & in quo.

An debitam reverentiam gravioribus Monialibus denegaverint.

An grave malum Proximo exoptaverint deliberate.

An deliberate gavisę sint de malo gravi illius, & e contra tristatę de bono gravi.

An aliquid ei surripuerint, aut quoquo modo personam illius offenderint, & qualiter.

An ipsum, & res ipsius libere despexerint, illum deridendo, illudendo, aut aliter contemnendo.

An secretum naturale in re graviori violaverint.

13. Meminerint in confessione peccatorum mortalium aperiendum esse numerum, immo & circumstantias speciem mutantes (quod maxime procedit in peccatis contra castitatem commissis) ne expectent se de his interrogari a Confessario; cum sponte exprimi debeant a pœnitentibus.

14. Pœnitentiam a Confessario injunctam quam primum impleant, curentque eam peragere in statu gratię: si enim fiat in peccato mortali, non prodest ad remissionem pœnæ, durante statu peccati mortalis; etsi, obice sublato, suum postea sortiaturs effectum.

Quæres 11. Quæ monita dari possint Moniæ

Monialibus a Confessario ad communionem Eucharisticam digne sumendam.

295. Resp. Possè dari sequentia; nimirum.

1. Caveant, ne ad Eucharistiam accedere præsumant cum conscientia peccati mortalis: sicque antequam accedant, probent se ipsas juxta præceptum Pauli 1. Corinth. 11. se examinando, num sint digne dispositæ ad tanta mysteria, memores quod qui manducat, & bibit indigne, iudicium sibi manducat, & bibit, idest damnationem animæ: præterquamquod notat Sanctus Anselmus super hæc verba, hodie multos post Pascha variis morbis corripi, eo quod indigne corpus Domini acceperunt; addens per illa alia verba, & dormiunt multi, aliquos plures præmature mori, vel potius mortuos esse ob indigne sumptam Eucharistiam.

2. Videant, ne communicent ex consuetudine absque ulla præparatione, ac ullo sensu devotionis (id enim maxime impedit fructum Eucharisticæ communionis) meminerintque consultius esse non communicare; quam communicare absque debita præparatione; cum nimia familiaritas pariat contemptum, aut saltem multum minuat reverentiam alias debitam; unde fit, ut sic communicanti non imperiantur dona illa cælestia, quæ digne communicantibus copiose solent concedi.

3. Cum S. Thomas p. 3. qu. 24. alias 83. art. 5. ad 1. ex S. Dionysio cap. 2. de Eccl. Hierarch. dicat ablutionem extremitatis manuum, quæ fit a Sacerdote in Missa, significare emundationem, etiam a minimis, & requiri in iis, qui accedunt ad Eucharistiam, juxta illud Jo. 3. Qui lotus est, non indiget, nisi ut pedes lavet: quis non videt summa diligentia curandum esse Monialibus, ut accedant ad communionem conscientia purgata a mortalibus culpis, immo etiam a venialibus, quantum patitur humana fragilitas? ut proinde fidelibus communicaturis olim ante communionem clamare solet præco, Sancta Sanctis.

4. Conferet autem ad debitam præparationem faciendam ante communionem

uti aliqua pia consideratione, & ea varia pro varietate festivitatis, in qua facienda est communio: v.g. Monialis communicatura in Nativitate Domini pie imagnetur sibi a B.V. Maria infantulum Jesum tradi in manus: modo exultimet se a Christo invitatum ad coenaculum, in quo instituta est Eucharistia: modo putet sibi dici a Christo ex altari, quod olim dictum fuit Zachæo. Luca 19. Festinans descende, quia in domo tua oportet me manere: modo sibi persuadeat se admitti ad sugendum pretiosissimum Christi sanguinem c sacratissimo ipsius latere: modo dicat cum Regina Esther: Cras cum rege pransura sum, & singularem Christi benignitatem suspiciat.

5. Conferet item ad debitam præparationem faciendam ante communionem, ut varios actus diversarum virtutum eliciamus; & maxime fidei; reverentiz, humilitatis, confidentiz, charitatis, admirationis, & similibus; pro ut hic, & nunc Spiritus Sancti unctio suggeret: in his enim actibus consistit actualis devotio; quam Magistri vitæ spiritualis requirunt ad fructuose communicandum.

6. Quod si Monialis judicet se non habere actualem illam devotionem, quam cupit, procurat, & a Deo exire petit, non ideo angatur, sed summo opere recreetur; memor de Deo dici, Psal. 38. Desiderium pauperum exaudivit Dominus: præparationem cordis eorum audivit auris tua. Quo modo sancta Gertruda, cum quadam die cupida digne se præparanda ad sacram communionem, Virginem Mariam, & omnes Sanctos exorasset, ut pro ipsa offerre dignarentur Deo omnem illam præparationem, qua quilibet illorum aliqua die se ad communionem præparaverat; dixit ei Dominus: Jam vere omnibus cælis civibus appares in eo ornatu, quem tibi petisti.

7. Post sumptam communionem gratiz Deo agendæ de tanto beneficio, immo & habendæ: ad quod utique multum proderit agnoscere recepti beneficii magnitudinem; quam Sanctus Chrysostomus homil. 60. ad pop. Antioch. commendat his verbis: Quos nunc dicunt, vellem illius

(idest Christi) formam aspicere, figuram, vestimenta, calcamenta: ecce enim videri, ipsum tangis, ipsum manducas; & tu quidem vestimenta cupis videre; ipse tibi concedit non tantum videre, iterum & manducare, & tangere, & intra te sumere.

8. Hæc autem gratiarum actio consistit in variis actibus, & quidem in primis adorationis, qua Deum Creatorem, ac Redemptorem nostrum intra cor nostrum receptum veneremur toto animi affectu: confusionis, qua confundamur nos adeo ingratos in Deum tanta gratia dignatos fuisse, sique dicamus Christo cum Petro: *Exi a me, quia homo peccator sum, Domine, Luc. 5.* Amoris Dei, per quem feramur in ipsum dicentes cum Sponsa, *Cant. 3.* *Inveni, quem diligit anima mea, tenui eum, nec dimittam, aut cum David Ps. 17.* *diligam te Domine, fortitudo mea:* displicentia de peccatis commissis, qua illa ex animo detestemur, firmiter statuantes in posterum ab iis omnino abstinere. Præterea peti debent a Christo variaz gratiaz, ac dona juxta nostras spirituales indigentias, videlicet peccatorum nostrorum plena remissio, fortitudo contra tentationes, patientia in adversitatibus, perseverantia in bene cæptis, edonatio pravarum affectionum, humilitas, obedientia, mortificatio, & aliaz virtutes nobis magis necessariz: item debemus concipere multa bona proposita, & quidem non solum in generali, sed etiam in particulari, v.g. remittendi injuriam acceptam, & procurandi reconciliationem erga illum, qui eam intulit; exequendi aliquam obedientiam impositam a Superiore, sensui valde contrariam, nostri appetitus abrogandi in h.c. vel illa re particulari: debemus item Christo offerre nos ipsos, & omnia nostra, dicentes cum David Ps. 117. *quid retribuam Domino pro omnibus, quæ retribuit mihi?* vel etiam devote recitantes orationem illam, quam S. P. N. Ignatius proponit in exercitiis spiritualibus his verbis: *Suscipe Domine universam meam libertatem, accipe memoriam, intellectum, atque voluntatem omnem: quidquid habeo, vel possideo, mihi largitus es; id*

tibi totum restituo, ac tua prorsus voluntati trado gubernandum: amorem tui solum cum tua gratia mihi dones, & dives sum satis, nec aliud quidquam ultra posco. Denique orare debemus pro necessitatibus tam spiritualibus, quam corporalibus tum totius Ecclesiæ, tum parentum, consanguineorum, ac amicorum; nec non comparare indulgentias tum pro nobis ipsis, tum pro defunctis, quas lucrari possumus, si ve ex numismate aliquo benedictio, si ve aliunde.

9. Qua die communicant Moniales, majori diligentia caveant ab iis omnibus, quæ Christum offendere possunt, si ve loquendo, si ve cogitando, si ve operando: e contra vero majori studio, ac devotione vacent exercitiis spiritualibus, quo modo P. Suarez dicit linguam Sacerdoti, & communicaturo maxime custodiendam esse; quippe quæ est primum membrum, quod Christum excipit. Ad quod faciunt, quæ habet S. Chrysost. hom. 61. ad pop. Antioch. his verbis: *Cum nos ab ira corripi viderimus, vel ab alio vitio, cogitemus quibus facti sumus digni, & sit irrationabilium nobis motuum correctio talis cogitatio.*

10. Caveant Moniales, ne statim, sumpta Eucharistia, ab Ecclesia transeant ad negotia temporalia absque debita gratiarum actione: id enim magnæ irreverentia, ac inurbanitatis indicium est; non secus ac inurbanus censeretur, qui Principem domi suæ exceptum statim deferret, domesticis negotiis vacaturus: caveant, inquam; alias assimilabuntur cani, qui, accepta de manu Domini buccella panis, statim ab ejus conspectu recedunt.

11. Fructus principalis Eucharisticæ communionis in eo consistit, ut corrigamus vitia, acquiramus virtutes, & vitam commutemus in melius; ita ut de nobis dici possit: *Consideravit semitas domus suæ, & panem otiosum non comedit, Prov. 31.* & nos ipsi de nobis dicere possimus cum Paulo Galat. 2. *Vivo ego, jam non ego, vivis vero in me Christus.*

12. Quod si ex frequenti communione non sentimus in nobis illos effectus, qui

quæ alias ex ea solent oriri: id provenit tum ex defectu debite præparationis, eo quod communicemus quasi per consuetudinem, & ob humanos respectus, tum ex nimia facilitate, qua consentimus in peccata venialia magis deliberata, ac voluntaria, Dum sic ad aliqualem iracundiam provocantes, & nos magna ex parte privantes effectibus divinis Eucharistiæ cum magno præjudicio nostri profectus spiritualis. Quamquam ex iusto Dei iudicio interdum communicans sibi videatur nullum percipere fructum ex communione; cum vere magnum, ac multiplicem capiat: quo modo infirmus cibo sumpto nutritur, & iuratur, etsi in eo sumendo nullum sentiat gustum.

13. Non ergo fideles debent omittere communionem ex eo, quod sibi videntur communicare absque ullo fructu: non exigui fructus communionis est in via Dei non retrocedere labendo in defectus graviores, in quos forte communicans incideret, si frequenter non communicaret: quo modo *Concil. Trident. sess. 13. cap. 2.* Eucharistiam dicit esse antidotum, quo liberamur a culpis quotidianis, & a peccatis mortalibus præservamur.

14. Cum de Eucharistia dicatur *Psal. 22. Parasiti in conspectu meo mensam adversus eos, qui tribulant me*; fideles quo magis vexantur huius vitæ malis, ac tentationibus, eo frequentius debent communicare; memores Eliam, dum fugeret ab ira Jezebelis, non ambulante cibi in fortitudine cibi ab Angelo ei præstiti usque ad montem Dei Horeb. *Reg. 17.* nisi postquam bis comedit: siquidem, *Rabano teste*, Elias bis pastus exiprimit nostræ naturæ infirmitatem, quibus non sufficit simplex pastus, quatenus ad superna valeat ascendere.

15. Quam frequenter Moniales debeant communicare, constat ex dictis in *hoc cap. num. 178.* nimirum consultum esse, & valde commendabile, ut ex regulariter octavo quoque die communicent: quod non facit, quin aliquæ illarum etiam frequentius communicare possint, si earum Confessarius id iudicaverit ipsis expedire.

Quæres 12. Quibus monitis iuvare possint Moniales ad Missam debita cum devotione, ac fructu audiendam.

296. *Resp.* Possent iuvare sequentibus, & quidem.

1. Meminerint Angelos Sanctos sacrificium Eucharistiæ adeo venerari, ut ad illud propius accedere non audeant: sicque viros Sanctos, & in primis S. Joan. Chrysostomum, & Sanctum Gregorium Papam Angelos in terram pronos, dum Missam celebrarent, conspexisse: ut vel hinc colligatur, quanta reverentia homo debeat assistere augustissimo huic Sacrificio.

2. Quoties assistunt Sacrificiæ Missæ, pie sibi persuadeant se in monte Calvariæ interesse crucifixioni Christi: siquidem una, eademque est hostia, idemque nunc offerens Sacerdote ministerio, qui se ipsum tunc in Cruce obtulit; sola offerendi ratione diversa, ut loquitur *Concil. Trident. sess. 22. cap. 2.* ac proinde eo sensu animi, ac devotionis affectu Missæ assistant, quo tunc assistunt crucifixioni.

3. Advertant fideles Missæ Sacrificio assistant omnes una cum Sacerdote celebrante concurrere ad illud Deo offerendum; ideoque Sacerdotem in ipsa Missa dicere fidelibus assistentibus: *Orate fratres, ut meum, & vestrum Sacrificium acceptabile fiat apud Deum Patrem omnipotentem*; idemque repetere in canone iis verbis: *Pro quibus tibi offerimus, vel qui tibi offerunt*: hincque colligitur, quod, sicut Sacerdos celebrans summa devotione, reverentia, & attentione debet Sacrificium Missæ peragere; sic, & ex pro sua parte ad illud debent concurrere ea majori devotione, ac reverentia, quapossunt.

4. Proderit multum ad audiendam Missam debito devotionis affectu imaginari in Sacerdote celebrante Christum ipsum patientem (qui revera in Sacrificio Missæ est principalis minister, ideoque verba consecrationis a Sacerdote proferuntur in persona ipsius: *Hoc est enim corpus meum*; & in vestibus Sacerdotalibus agnoscere varia mytheria Dominicæ passionis, nimirum in amictu velum, quo vultus Christi a Judæis velatus est; in alba vestem, qua ille

ille indutus est ab Herode ad illum illudendum; in cingulo funes, quibus confectus est in captura; in manipulo ligamina, quibus alligatus est columnæ flagellandus; in stola funes ejus collo appositas, dum Crucem bajulaturus esset ad Calvarie locum; in planeta denique vestem purpuream, qua ipsum ludibrii causa induerunt, vel certe vestem inconfutilem, qua crucifigendus exutus est.

5. Proderit item ad audiendam Missam devote, ac religiose in singulis actionibus Missæ agnoscere mysteria vitæ, ac passionis, quæ in iis significantur; videlicet in introitu Missæ, quæ canitur a Choro, dum Sacerdos celebraturus accedit ad altare, ardentissima Sanctorum Patrum desideria, quibus divini Verbi incarnationem expetebant; & quidem frequenter, unde & a Choro introitus Missæ repetitur: in confessione, quam facit Sacerdos initio Missæ, Christi humilitatem, qua non est dedignatus subire formam peccatoris, ut peccatores redimeret: in repetitione *Kyrie eleyson* (quæ verba idem significant, ac, *Domine misericordia*) abyssum innumerarum miserationum, quibus homo detinebatur: in variis signis, ac crucibus, quæ formantur a Sacerdote super hostiam, & calice, varios cruciatus, ac dolores a Christo in Cruce toleratos; in elevatione hostiæ, & calicis elevationem Crucis a Judæis factam, ut Christus in ea clavis confixus ab omnibus conspiceretur: denique in consumptione hostiæ Christi sepulchram. Hæc ergo mysteria vel omnia; vel aliqua tantum, prout suggeret præsens devotio, considerent Moniales, dum audiunt Missam, & juxta conditionem mysteriorum eliciant varios actus, amoris Dei, odii peccati, confusionis sui ipsius, gratiarum actionis, & similium: sic enim devote, & cum fructu audient Missam.

6. Cum Sacerdos in Missæ celebratione pluries invitet fideles adstantes ad orandum, dicendo: *Oremus*, & *Orate fratres*; consultum est, ut quicumque Missæ Sacrificio interfunt, quo tempore Sacerdos facit *Memento vivorum* (ut vocant) etiam ipsi idem præstent, & quidem di-

scurrendo per quinque Christi vulnera (ut faciebat S. P. Borgia) commendantes Deo in vulnere manus dexteræ Papam, Cardinales, Episcopos, & reliquos omnes Ecclesiasticos; in lævæ manus vulnere Imperatorem, Reges, Principes, & alios Ministros laicæ potestatis; in vulnere pedis dexteri omnes Religiosos; in vulnere vero lævi pedis parentes, consanguineos, amicos, benefactores, & quoscunque ipsorum precibus commendatos: latus ipsum Christi sibi metipsis reservantes, ut ibi securi requiescant. Faciant item *Memento mortuorum* (ut vocant) dum facit Sacerdos, orentque pro parentibus, ac consanguineis, pro amicis, ac benefactoribus, pro iis, qui nullum habent ipsis suffragantem, aut graviores cruciatus patiuntur, aut præ aliis citius exituri sunt e pœnis Purgatorii.

7. Conferet item ad Missam devote audiendam; si in eius progressu se studiose disponant ad spiritualem communionem, ea die non communicaturæ sacramentaliter: se disponant autem concipiendo ardentissimum desiderium communicandi, ac usurpando verba illa, *Jobi 31. Quis det de carnis ejus, ut saturemur?* immo quando Sacerdos aperit os ad recipiendam, & consumendam hostiam, oſ animæ ipsæ aperiant, existimentque se illam accipere, & de illius sumptione invisibili delectentur, dicentes: *Invent, quem diligit anima mea, tenni eum, nec dimittam Cant. 3.* præmittentes tamen verba illa Ceutorionis: *Domine non sum dignus, ut intres sub testum meum, sed tantum die verbo, & sanabitur anima mea. Matth. 8.* eliciant etiam varios actus ex iis, quos diximus supra elici debere post communionem sacramentalem; sic enim fructuosa, ac devota erit auditio Missæ.

Quæres 13. *Qua monita suggeri possint, & debeant Monialibus, ad hoc ut magno cum fructu spiritali audiant conciones, & legant pios libros.*

297. Resp. Possit, & debere suggeri sequentia; nempe.

1. Meminerint Deum ipsum loqui in Ministris verbi Dei, juxta illud *Matth. 10.*

Ne

Non estis vos, qui loquimini, sed spiritus patris vestri, qui loquitur in vobis; & libros pios esse veluti epistolas nobis a Deo missas e Cælo, dicente Sancto Augustino in Psal. 90. tom. 2. De illa civitate, unde peregrinamur, literæ nobis venerunt; ipsæ sunt scripturæ, quæ nos hortantur, ut bene vivamus: quod etiam confirmat Sanctus Gregorius lib. 4. epistolarum ep. 84. his verbis: Quid est Scriptura sacra, nisi quædam epistola omnipotentis Dei ad creaturam suam? si quis scripta terreni Imperatoris acciperet, non cessaret, nec quiesceret, somnum oculis non daret, nisi prius, quid sibi Imperator terrenus scripsisset, agnovisset. Imperator Cæli Dominus hominum, & Angelorum pro vita tua tibi epistolas suas transmissit, & tu gloriose fili easdem epistolas ardentem legere negligis? quæ verba belle faciunt contra illos, qui vel detrectant audire conciones, & legere libros pios, vel utrumque faciunt perfunctorie, ac sine ullo fructu spirituali.

2. Ea reverentia, ac devotione audiendum est verbum Dei in concionibus, aut legendum in libris piis, qua ipse Christus audiretur, si præsens loqueretur: sic enim habet Sanctus Augustinus tract. 30. in Jo. Nos itaque, inquit, sic audiamus Evangelium, quasi præsentem Dominum: propterea namque, quando legitur Evangelium, omnes ei assurgunt, quasi Christum in eo venerantes, simulque ad cælum, quod in eo promittitur, anhelantes; idque ex Apostolorum sanctione, teste S. Clemente lib. 2. Constit. Apostol. cap. 61.

3. Quantam timendi de propria salute rationem habeant qui divini verbi auditioni, aut lectioni sunt minus affecti, conciant ex eo, quod dicit Sanctus Bernardus serm. 1. in Septuages. illum, scilicet, qui verbum Dei cum fructu audit, legit, meditatur, signum habere, & tesseram suæ prædestinationis: qui enim ex Deo est, verba Dei audit, Jo. 8. unde de iis inferri potest, propterea vos non auditis, quia ex Deo non estis.

4. Notent fideles ex Sancto Basilio in Monasticis Constit. cap. 2. omnem sermonem

Christi excolendæ pietatis, virtutisque obeundæ esse regulam: propter hoc enim humanam naturam suscepit, ut in se, velut in tabula quadam, veram nobis pietatem, ac virtutem depingeret, eamque omnibus nobis ante oculos statutam unicuique pro viribus imitandam, ceu archetypum proponeret. Unde fit, ut, sicut studiosus addiscendi artem pingendi fixo obtutu inspicit archetypum ipsi propositum a Magistro ad imitandum, ita fideles quammaxima attentione in sermone Dei, sive a Concionatoribus audito, sive in piis libris lecto, inspiciant, qualiter vitam suam pie, ac religiose instituere debeant.

5. Hæc porro multum conferat ad verbum Dei fructuose legendum, vel audiendum: nimirum ne auditio, vel lectio divini verbi non fiat ex consuetudine, sed ex desiderio inde percipiendi magnum fructum spiritualem: ut non fiat ex vana, ac inutili curiositate addiscendi res novas: ut nobis ipsis applicemus, quæ audimus, aut legimus, & pro nobis dictum, aut scriptum putemus, juxta illud Eccl. 21. Verbum sapiens quodcumque audieritis, laudabit, & ad se adjiciet: audivit luxuriosus, & displicebit illi, & projiciet illud post dorsum suum.

6. Præterea, ut auditio, aut lectio divini verbi multum conferat ad nostrum profectum spiritualem; eam debent comitari invocatio Sanctorum, attentio, diligentia, ruminatio, oratio ante, & post, desiderium proficiendi, nulla celeritas, ponderatio rerum, motio affectuum, assiduitas, moderatio in legendo, executio, rara piorum librorum mutatio: siquidem fortuita lectio, & quasi casu reperta non ædificat, sed reddit animum instabilem.

7. Ad rem præsentem etiam facit monitum, quod tradit S. Augustinus Ep. 143. ad Demetriadem his verbis: Optime uteris lectione divina, si eam tibi adhibeas speculi vice; ut ibi velut ad imaginem suam anima respiciat, & vel scdâ quæque corrigat, vel pulchra pl'us ornet: curandum tamen, ut simus factores verbi, & non auditores tantum fallentes nosmetipsos:

los : quia, si quis auditor est verbi, & non factor, hic comparabitur viro consideranti vultum natiuitatis suae in speculo; consideravit enim se, & abiit, & oblitus est statim, qualis fuit, ut loquitur S. Iacobus cap. 1. huic certe verbi divini auditio, aut lectio non est utilis; cum teste Paulo Rom. 2. Non auditores legis iusti sint apud Deum, sed factores legis iustificentur.

8. Optimum est item monitum, quod tradit S. Bernardus tract. ad fratres de monte Dei, dicens: Hauriendus est saepe de lectionis serie affectus, & formanda oratio, qua lectionem interrumpat, & non tam impediatur interrumpendo, quam puriorum continuo animum ad intelligentiam lectionis restituat. Quare qui audit concionem, aut legit pium librum, & inde ipsi proponitur salutare aliquod documentum, quod putet posse multum conferre ad profectum sui spiritualem, debet in ejus consideratione aliquantulum insistere, & conari non solum ut illud bene percipiat intellectu, sed etiam affectu amplectatur.

9. Fructus lectionis spiritualis non consistit in eo, quod legantur plures paginae, & percurrantur plures libri; sed ut ponderetur, quod legitur, immo & deducatur in praxim: quo pacto bona corporis nutritio provenit non ex multa commestione, sed ex bona digestionem illius, quod comeditur; & hoc est bene advertendum.

10. Ut lectio spiritualis sit fructuosa, ac utilis profectui nostro spirituali, non legantur libri curiosi, ac difficiles, sed simplices, ac faciles: illi enim mentem defatigant, & curiositate pascunt; hi vero pietatem excitant, & fervent devotionem, juxta illud Prov. 3. Cum simplicibus sermocinatio ejus.

Quæres 14. Quibus monitis juvari possint Moniales ad moderandum metum mortis corporalis.

198. Resp. Posse juvari sequentibus; videlicet.

1. Meminerint vitam hanc corporalem esse vitalem quamdam, longam, &

lentam mortem: cum e contra mors juvenum sit finis laborum, & principium quietis; fuga tristitiae, & adventus lætitiæ; sedatio tempestatis, & initium tranquillitatis; consummatio exilii, & reditus in patriam.

2. Considerent ex S. Cypriano lib. de mortalitate, & identidem cogitent se renunciassse mundo, & tamquam hospites, & peregrinas hic interim degere: amplectantur diem, qui assignat singulos domicilio suo, qui nos hinc ereptos, & à laqueis secularibus exsolutos Paradiso restituit, & regno cælesti: Magnus illic nos charorum numerus expectat, parentum, fratrum, filiorum frequens nos, & copiosa turba desiderat jam de sua immortalitate secura, & adhuc de nostra salute sollicita: ad horum conspectum, & complexum venire quanta & illis, & nobis in communi lætitia est? ita S. Cyprianus.

3. Si vere amas Deum, dicebat Thomas Morus, certe nihil adeo grave esse potest, atque summam illius majestatem etiam in minimis offendere; nec quicquam tantopere expetere, atque remedium aliquod, quod securus esse possis te nunquam de cætero Deum amplius offensurum: quod cum in hac vita haberi non possit, continue clamabis cum Psalmista: Heu mihi, quia intolatus meus prolongatus est.

4. Refert Possidonius in vita S. Augustini cap. 27. ex S. Cypriano Sacerdoti cuidam infirmitate defesso, & de appropinquante morte sollicito, commeatumque sibi precanti assistisse Angelum, qui non sine quadam animi, ac vocis indignatione infremuit, ac dixit: Tati timetis, exire non vultis; quid faciam vobis?

5. De S. Tiburtio M. referunt ejus acta, illum Torquato judici dixisse; Applica equuleos, suspende Christianos, damna, percutite, incende, universa denique supplicia adhibe: si exilium minaris, hoc philosophantibus est totus mundus; si mortis supplicium, evadimus mundi carcerem; si ignes, majora his in cupiditatibus incendia vincimus: decerne quidquid libet; omnia nobis vilis est pœna, ubi pura comes est conscientia.

6. Consideret homo se a Deo conditum esse, ut aliquando ex hac vita migret, & quæcumque habet mundus, ipsi pro viatico data esse, ne quid deesset ad hoc iter consiciendum; sicut ergo peregrinus remans ad suam patriam, quidquid in itinere obvium occurrit, etsi jucundum, ac delectabile, avertis oculis prætergreditur, videntem eminus Civitatem propriam, Deo gratias agit: sic homo hoc iter ingressus animo in cælum defixo eocurrat, quo tendit, mortemque appropinquante non doleat, sed gaudeat se ad metam propositam pervenisse, dicatque cum David Psal. 121. *Latatus sum in his, quæ dicta sunt mihi, in domum Domini latantes ibimus.*

7. Ne gravis sit separatio a parentibus, consanguineis, & aliis præsentis vitæ bonis per mortem, curandum ut, dum vivimus, paulatim animum ab iis deducamus, iisque moriamur quo ad effectum; quippe qui, velimus, nolimus, tandem relinquere debent, & quidem brevi; cum breves sint dies hominis.

8. Si mortem corporis non metuere, sed desiderare volumus, curandum nobis est, ut mundi mala, & incommoda sentiamus, mortificationem Jesu Christi in corpore nostro semper circumferentes: sicut enim proficiscenti per loca sylvestria, aspera, ac latrociniiis infesta unicum solatium est brevis via, si celerem sequatur quies: sic tendens ad æternam beatitudinem mala præsentis vitæ sentiat, ipsique jucunda erit mors, per quam via beatitudinis cælestis quasi brevior redditur.

9. Cum mors sit gravis, ac molesta homini etiam ex eo, quod anima egressa e corpore sola, ac inermis incedere debet inter sævissimas hostium cohortes; curandum est, ut statim a morte socios, & amicos illic inveniamus, qui solitudinis illius tadium sublevent, nosque tutos per hostium agmina ducant: hi autem erunt Sancti nostri tutelares, Angelus custos, & animæ parentum, & aliorum defunctorum suffragiis Ecclesiæ a nobis educæ ex Purgatorio: hi omnes, inspecto de cælo

nostro periculo, accurrent nobis, associabunt, defendent, ac recreabunt.

10. Terribilis item est mors hominis ex severitate æterni Judicis, coram quo sisti debet anima egressa a corpore, ut reddat rationem boni, & mali, quod homo gessit in vita: proinde multum minuetur mortis metus, si ante judicii tempus Judicem placemus, ipsum piis officiis promerendo, eique debitam satisfactionem exhibendo pro peccatis.

11. *S. Birgitta l. 4. revelat. c. 7.* scribit in Purgatorio esse locum, in quo nulla alia adeit pœna, nisi desiderium perveniendi ad Deum, ejusque visionem beatificam: ibique hoc desiderio torqueri illos, qui in hac vita non habuerunt perfectum desiderium perveniendi ad Dei præsentiam, ejusque visione fruendi: tales autem sunt ii, qui adeo mortem timent, ut, si possent, nunquam vellent mori: quod est quasi vilipendere visionem Dei, & gloriam Dei.

Quæres 15. *Quibus monitis excitari possint Moniales ad infirmitates corporis patienter sufferendas.*

199. *Resp.* Possent excitari sequentibus monitis, nimirum.

1. Meminerint infirmitatem nullam homini advenire absque iusto Dei consilio; qui cum nobis sit pater, & amet nos, utique infirmitates corporis immittit ad nostrum bonum: ut proinde, teste *S. Hieronymo in vitis Patrum* Abbas Joannes Monacho cupienti liberari gravissima febre, dixerit: *Rem tibi necessariam cupis abjicere: ut enim corpora nitro, vel hujusmodi aliis linimentis abluuntur a sordibus; ita anime languoribus, aliisque hujusmodi castigationibus purificantur: par ergo est, ut infirmi dicamus cum Job. Sicut Domino placuit, ita factum est, sic nomen Domini benedictum.*

2. Infirmitas corporis est magnum Dei beneficium; cum per eam patienter toleratam solvere possimus gravissima debita cum Deo contracta, alias solvenda in Purgatorio: faciamus ergo de necessitate virtutem, & patienti sufficientia infirmita-

K k k tum,

tum, quas patimur, luamus in hac vita poenam peccatis nostris debitam.

3. Attendamus admirabilem patientiam Sanctorum in sufferendis morbis gravissimis, ac longissimis, & in primis S. Linduinæ V. quæ 38. annis passa est continuas infirmitates, easque graves, ac extraordinarias atrocissimis doloribus conjunctas, & his talibus, ut 30. annorum spatio nunquam e lectulo, in quo jacebat, assurgere potuerit, aut pedibus terram attingere. S. item Clara 28. annorum intervallo graves sustinuit infirmitates ea patientia, ut ex ejus ore nulla querimoniarum vox eruperit, immo gratias Deo ageret: attendamus, inquam, singularem patientiam Sanctorum, & confundamur de nostra impatientia, ac ignavia.

4. Dum corripimur molesta aliqua infirmitate, ea non adeo gravis videbitur, si meminerimus nos peccando pluries factos esse reos æternæ damnationis; ac proinde magni beneficii loco ducendum esse, quod Deus ex singulari sua bonitate poenas æternas inferni a nobis promeritis commutarit in temporalem corporis infirmitatem: sicque, ea super veniente, dicere debemus cum Fratribus Joseph, Gen. 42. *Merito hæc patimur, quia peccavimus.*

5. Infirmitas a Deo immissa, velimus, nolimus, insinenda nobis est, usque dum statuerit Deus: vidcamus ergo, ne amittamus nostra impatientia meritum sufficientiæ; ideoque sine lucro laboremus, quod per patientiam acquirere possumus juxta illud Petri: *Per totam noctem laborantes nihil cepimus, Luc. 5.*

6. Correeti aliqua gravi infirmitate, recolamus animo, quæ habet S. Augustinus serm. 2. de festo omnium SS. his verbis: *Si quotidie oportet nos tormenta perferre; si gehennam ipsam parvo tempore tolerare, ut Christum videre digni essemus venientem in gloria, & Sanctorum ejus numero sociari; non ne erat dignum pati omne, quod triste est, ut tanti boni, tamæque gloriæ participes haberemur.* Recolamus item, quod agebat S. Franciscus: *Tanta est gloria, quam expello, ut omnis me poena de-*

lectet, omnis morbus, humiliatio omnis; persecutio omnis, mortificatio omnis.

7. Si viri Sancti, ac insignes famuli Dei gravissimas ac longissimas infirmitates passi sunt, Deo ipso ita disponente; qua ratione ab iis eximi prætendent illi, qui toties, & tam graviter peccaverunt? audiant, quæ dicit Dominus Jerem. 49. *Eccæ, quibus non erat judicium, ubi biberent calicem, bibentes bibent; & tu quasi innocens relinqueris? non eris innocent, sed bibens bibes.*

8. Mens in corpore afflicta ad cælum, ac resurrectionem anhelat; aspernatur quidquid fluxum est, turbulentum, interituique obnoxium, nec præsentem, sed futuro ævo vivit, mortisque moderationem (ut agebat Plato) hanc vitam existimat: denique totam se Deo, & cælestibus addicit: anima enim morbo affecta Deo propinqua est; ut dicit Nazianzenus. *orat. ad cives Nazianzenos.*

9. De SS. Aquilino, & Audomaro refert Surinus in eorum vita, quod cum essent cæci, & per miraculum a Deo visus ipsis fuisset restitutus, iterum ab eo petierunt sibi oculos adimi, seseque reddi cæcitati, ut carerent distractionibus, concupiscentiis, & temptationibus, quas erant oculi: ut quid ergo nos ita affligimur, si qua interdum corripimur infirmitate, quamvis non adeo gravi?

10. De S. Clemente Ancyrano, qui passus est sub Diocletiano Imperatore, refertur, cum omnis generis tormentis cruciaretur, corpore contracto, animo in dies factum robustiorem nova semper appetitisse tormenta, & ad ea excipienda vitam sibi quam diutissime prorogari petiisse, ac obtinuisse; ita ut 28. annis tortus, & excarnificatus fuerit: cumque a Diocletiano, & Præsidibus rogatus fuisset, qualiter tot, & adeo gravia tormenta tolerare posset, respondit: *Licet is, qui foris est, noster homo corruptatur, tamen is, qui intus est, renovatur de die in diem.*

11. Non doleat homo de corporali ægitudine, eo quod per eam impediatur, ne munus sibi injectum a Superioribus

exc-

exequi possit, & vacet exercitio bonorum operum, quæ præstare consueverat: nam, teste S. Bonaventura de grad. virt. c. 24. *perfectius est adversa tolerare pati-endo, quam bonis operibus insudare*. An non servus tenetur inservire domino: sicut juxta voluntatem illius? si ergo Deus vult ei modo inserviamus detenti gravi morbo, & lectulo affixi; non est æquum, ut ei velimus inservire magna operando: committe te ipsius voluntati; ipsius hic negotium agitur: ipse scit, quid conveniat, quid opus sit.

12. De S. Clara legitur, quod, cum per viginti octo annos fuerit infirma, cili-
cium e setis porcinis semper gestavit; ut hinc colligamus infirmum non debere solum sufferre infirmitatem a Deo immis-
sam, sed etiam quæcunque alia incommo-
da occurrunt occasione infirmitatis: ac-
cessorium enim trahitur a principali; &
qui vult antecedens, debet velle & con-
sequens.

Quæres 16. *Quæ morita tradi possint*
humilibus ad arumnas, ac incommoda
præsentis vite fortiter sustinenda.

300. R^{esp}. Posse sequentia, nempe.

1. Meminerint ex Chrysostomo in 2.
Timoth. 3. *Impossibile esse, ut qui malis*
bellum indixerit, pressuris careat; nefas
esse pugilem Dei vacare deliciis; non licere
epulari luctantem: luctamen enim sunt præ-
sentia omnia, certamen, bellum pressu-
ra, angustia, stadium, aliud est quietis
tempus, hoc arumnis deputatum est, atque
sudoribus; nullus, ubi ad certamen se exuit,
unctusque est, requiem querit: si enim re-
quiem quæris, cur te exuisti? cur libidi-
nibus, & naturæ bellum indixisti?

2. Si putas te non habere persecutio-
nes, nondum cœpisti esse Christianus, ait
S. Augustinus in Ps. 55. monens in 127.
Ps. *Quod si mortuus est diabolus, mortua*
sunt persecutiones: si autem ille adversa-
rius noster vivit, unde non tentationes sug-
gerit? unde non sevit? unde non minas,
& scandala procurat?

3. Videmus aliquando homines (ait
Sanctus Anselmus exponens verba illa Pau-
li Hebr. 12. *Flagellat Deus omnem filium,*

quem recipit) desperatos filios suos di-
mittere, quod ad hæreditatem suam ad-
mittere nolunt, nec eos ut filios habere;
quem autem flagellat filium, huic & hæ-
reditatem servat; tanquam filiis ergo se
nobis offert Deus; det disciplinam, dum
non auferat hæreditatem.

4. S. Franciscus rogatus, in quo con-
sisteret perfectio religiosa, cum lætitia
respondit, non in magna scientia, vel
sapientia, non in gratia miraculorum,
non etiam in magno sanctitatis, & ædifi-
cationis exemplo, non denique in con-
versione omnium infidelium; sed si fame,
frigore, nuditate afflicti, innocentes,
convitiis, injuriis, verberibus exagite-
mur, illaque cum gaudio, amore Christi,
toleremus: ibi perfecta est lætitia, quia
præ omnibus donis maximè est propter
Deum opprobria sustinere: nam in cate-
ris mirabilibus nos gloriarì non possumus,
quia non sunt nostra, sed Dei; sed in cruce
tribulationis, & afflictionis gloriarì
possumus, quia est nostrum. Sic etiam
S. P. N. Ignatius rogatus, quænam esset
via ad perfectionem, respondit: *Si multa,*
& magna pro Christo patiamini.

5. Cum Soror Maria Vela gravissimis
tentationibus, ac tribulationibus vexata
quadam die cum Christo amice conquere-
retur, ducta est ab illo in spiritu in mon-
tem excelsum, ibique vidit virtute Solis
omnes lapides in eo monte existentes in
gemmas pretiosas mirabiliter converti:
visionem porro declaravit illi Christus di-
cens, sic virtute divinæ gratiæ lapides ten-
tationum, quas patiuntur Servi Dei, con-
verti in lapides pretiosos meritorum. Ue
proinde B. Junipet^{us}, teste Pontio in ejus
vita, sic probra exciperet quasi gemmas
Christi, & exprobranti sibi aliquando di-
xerit *Proice has gemmas in sinum meum:*
vellem utique talibus gemmis lapidari Ro-
mam usque.

6. Refert S. Chrysostomus homil. 16.
in 1. ad Cor. quendam ex Philosophis ex-
ternis, cum malam haberet uxorem, & nu-
gatricem, & convitiatricem, rogantibus
cur eam sustineret dixisse, ut domi ha-
beret gymnasium, & palestram philoso-
phicæ

K k k 2

phix: *ero enim, inquit, ceteris mitior, si in ea quotidie erudiar.*

7. Cum Christus S. Catharinæ Senecæ duas coronas obtulisset, unam spineam, & alteram gemmeam, dans ei optionem eligendi utram mallet; sed ea lege, ut si unam eligeret in hac vita, alteram in futura ejus vice reciperet: mox illa accipiens coronam spineam de manu Christi, illam capiti suo inflixit adeo valide, ut per plures dies capitis dolorem senseret. Sic etiam Sanctus Agapitus, cum esset 15. annorum, & capiti ejus. prunæ ardentes imponebantur, exultans agebat: *Parum est in terra caput aduri coronandum celo; quam decore corona gloriæ oruabit caput afflictum pro Christo.*

8. Numquam in re quapiam dicas, perdidisti hoc, sed reddidisti, ait *Epictetus in Enchirid. cap. 14. puer obiit, redditus est; ager ereptus, redditus est. Quomodo etiam Job. cap. 1. dicebat, Dominus dedit, Dominus abstulit, &c.*

9. Sic Seneca epist. 24. de tribulatione loquens ait: *Levis est, si ferre possim; brevis est, si ferre non possim: quod repetit epist. 70. his verbis, Summi doloris intentio invenit finem: nemo potest valde dolere, & diu: sic nos amantissima nostri natura disposuit, ut dolorem aut tolerabilem, aut brevem faceret.*

10. Seneca, Item epist. 24. loquens de amissione bonorum temporalium sic habet: *Si illud diu habuisti, perdis postquam satiatus es; si non diu, perdis, antequam assuescas pecuniam minorem habebis? nempe & molestiam: gratiam minorem? nempe & invidiam.* Ad hoc item facit, quod habet idem Seneca ep. 26 dicens, *Age gratias senectuti, quod me seculo affixerit: quid ni gratias illi hoc nomine agam? quidquid debebam nolle, non possum.*

11. Vir pius, & tribulatio sunt duo aut sores, qui simul currunt; sed cum

ille tribulationi non cedit, quasi victor antecedit, præcurrit, tribulatione à tergo illius subsequente, & post eum currente: sicque persecutio dicitur, non autem consecutio, quia persequitur virum pium, sed non assequitur: nam Sancti per patientiam velocissime currunt ad bravium gloriæ, & in persecutionibus maxime elucet illorum vigor, ac fortitudo in currento; ut bene notat Sanctus Gregorius Nissenus lib. de Beatitudinibus.

12. Quam gloriosum sit pati pro Christo, ostendit Chrysost. in hom. 8. in 3. Epist. ad verba illa: *Ego Paulus vincit, ubi sic ait: Vincit esse propter Christum illustrius est, quam si Apostolum, sive Doctorem, sive Evangelistam esse: magna dignitas hac, & Regno quovis, ac Consulatu major: qui diligit, & ardet Christum, eligit potius vincula ferre propter Christum, quam Calos inhabitare: non ita Beatam dico Paulum, quod in Paradisum raptus, atque quod vincula sustinuit; potius mihi habetur male affici pro Christo, quam honorari a Christo. Si mihi quisquam dixisset: elige utrum velis; vis esse Angelus Petrum solvens, aut Petrus vincit? Petrus utique esse malissem: majus hoc vinculorum donum est, quam Solem sistere, aut Mundum movere, aut dominari demonibus, eosque expellere.*

13. Patientiam homini in hac vita omnino necessariam esse docuerunt tum Dion, dicens, teste Laertio lib. 4. cap. 7. magnum malum esse non posse ferre malum: absque hoc enim nulli potest esse vita suavis; tum Antisthenes, qui, teste eodem Laertio l. 6. c. 1. dicebat, virtutem sibi sufficere ad felicitatem; nec ulla re opus habere, nisi robore Socratico: Socrates autem ad rerum omnium patientiam obdurerat.

14. Quam fortes se debeant exhibere fideles in sufferendis vitæ hujus infortu-

fortuniis, ostendit *B. Prosper in Epigr. de dilect. Crispi*, ubi dicit:

Carcere si cæco claudar, nectarque catenis,

Liber in excessu mentis adibo Deum.

Si mucrone paret cervicem absceindere lictor,

Impavidum inveniet mors cita, pœna brevis.

Non metuo exilium, mundus domus omnibus una,

Sperno famem, Domini sit mibi sermo cibus.

Sic *Salvianus lib. 1. de vero iudicio, ac provid.* ostensurus, neminem esse miserum, qui sua miseria est contentus, sic habet: *Nemo aliorum sensu est miser, sed suus; & ideo non possunt esse falso iudicio miseri, qui sunt vere sua conscientia beati: nulli, ut opinor, beatiores sunt, quam qui ex sententia sua, atque voto agunt. Humiles sunt Religiosi, hoc volunt; pauperes sunt, pauperie delectantur; siue ambitione sunt, ambitum respiciunt; inbonorati sunt, bonorem respiciunt; ingent, lugere gestiunt; infirmi sunt, infirmitate latantur. Itaque quidquid acciderit iis, quicumque vere Religiosi sunt, beati esse dicendi sunt, quia inter quantumlibet aspera nulli latiores sunt, quam qui hoc sunt, quod volunt.*

15. Cum tot, & tanta bona tum temporalia, tum spiritualia a Deo acceperimus; quare ita conquerimur de malo non tam gravi nobis inflicto? non ne potius deberemus verba illa *Job. 2.* usurpare: *Si bona suscepimus de manu Dei, mala quare non suscipiamus?* maxime cum mala, quæ ipsi patimur, forte sint longe minora iis, quæ plurimi alii patiuntur, ut proinde id ipsum summi beneficii loco existimare debeamus, juxta illud: *Aliena mala sunt beneficia nostra.*

Quæres 17. *Quibus monitis juvari possint Moniales ad tentationes quas-cumque fortiter repellendas.*

301. *Resp.* Posse juvari sequentibus monitis, nimirum:

1. Meminerint sibi dici, quod habetur *Eccles. 8.*: *Fili accedens ad servitutem Dei sta in iustitia, & timore, & prapara animam tuam ad tentationem:* siquidem *Job. 7.* *Militia est vita hominis super terram:* nec ideo diffidant, aut animum despondeant: quin potius bono sint animo, memores, nullum certius argumentum, teste *Climaco*, esse, quod demones victi a nobis sint, quam si nos acerrime oppugnant: *Eos enim*, inquit Sanctus Gregorius *lib. 15. Mor. cap. 12.* loquens de diabolo, *pulsare negligit, quos quieto jure possidere se sentit:* quod confirmat *S. Aug. de verb. Dom. serm. 43. in Joannem*, explicans verba illa Apostoli, *Caro concupiscit adversus spiritum*, his verbis: *In bonis concupiscit adversus spiritum; nam in malis non habet contra quem concupiscere: praterquam quod originationum in nobis est, juxta verba illa Jacobi 4. Unde bella, & lites? nonne hinc ex concupiscentiis vestris, quæ militat in membris vestris?*

2. Notant Patres passim per tentationem hominem maxime progredi in virtutibus, & per virtutes augeri, ac roborari: nam tentationibus resisti non potest, nisi per actus virtutum contrarios, & hos fortes, ac intensos; quos dum elicit tentatus, per eos magis corroboret illarum habitus: & hoc insinuat Paulus *1. Corinth. 10.* his verbis: *Sed faciet cum tentatione proquentum, ut possitis sustinere.*

3. Quod Deus non patiatür nos tentari supra id, quod possumus, docet Paulus loco citato, & explicat Sanctus Ephrem *tractat. de patientia*, similitudine jumentorum, & vasorum figuli:

scilicet enim,

si enim, inquit, homines suis iumentis non plus oneris imponunt, quam ferre queunt; multo minus hominibus plus tentationum imponet Deus, quam ferre queant. Rursus, si singula vasa sua igne excoquit eo usque, dum rite coquantur, & fiant solida, nec ulterius ea finit in igne, ne adurantur, fiantque inutilia; multo magis idem faciet Deus, ut igne tentationum eo usque nos coquat, dum percoquat, & perficiat; ulterius vero tentatione aduri, & consumi nos non finet.

4. Dæmoniæ, ait S. Gregorius p. 1. pastoral. cap. 11. maligna tentatione vinci, & peccare ex malitia; Angelicam eam non sentire; humanam sentire, & vincere.

5. Necessè est, inquit S. Bernardus serm. 64. in Cant. ut veniant tentationes; quia non coronabitur, nisi qui legitime certaverit: at quomodo certabant, si desit, qui impugnet: sic etiam Jacobi 1. dicitur: Beatus vir, qui suffert tentationem; quoniam cum probatus fuerit, accipiet coronam vitæ: & Tobie 12. dicitur: Quia acceptus eras Deo, necesse fuit, ut tentatio probaret te.

6. Tentatio maxime confert ad humilitatem comparandam; & sic de se dicit Paulus 2. Cor. 12. Et ne magnitudo revelationum extollat me, datus est mihi stimulus carnis meæ, Angelus Sathana, qui me colapbizet. Quare S. Hieronymus ep. 25. ad Paulam dicit: Paulo datus est ad premendam superbiam, uti in curru triumphali triumphanti datur monitor suggerens, hominem te esse memento.

7. Vasa figuli probat fornax, dicitur Eccl. 27. & homines justos tentatio tribulationis: & Sap. 3. habetur: Deus tentavit eos, & invenit illos dignos se: quod confirmabat B. Nilus his verbis: Plantas enutrit ventus, &

tentatio confirmat animæ fortitudinem.

8. Cato olim suavit Romano Senatui, Carthaginem non delendam, ne Romani otio, & torpore languerent; dixitque: vix Romæ, si Carthago non steterit: sic Deus, teste Chrysost. hom. 14. ad Pop. Antioch. Cum nos ad torporem declinantes viderit, & ab ipsius familiaritate resiliens, & spiritualium nullam rationem facientes, paululum nos dereliquit, ut ita castigati ad ipsum redeamus. Quod confirmat Gerson. do Myst. Theologia præf. considerat. 6. dicens: Quod sicut mater filium ad horam relinquit, quo instantius ille clamat, accuratius quærat, arctius stringat, & illa vicissim blandiatur suavius; ita nos Deus permittit a diabolo terribi variis tentationibus, ut ad Deum ipsum confugiamus celerius.

9. Expetendas esse tentationes docet S. Jacobus c. 1. dicens: Omne gaudium existimate, fratres mei, cum in tentationes varias incidieritis; sicque de sancto quodam Monacho refert Dorothæus doct. 13. quod, cum Deus ipsum liberasset molesta quadam tentatione, summo opere indoluit; & ad Deum conversus sic confidenter ipsum allocutus est: Siccine ergo, Domine, indignum me existimasti, qui tantillum patiar pro te?

Caveant Dei famuli, ne Deo conqueantur, quod finat ipsos vexari quibusdam tentationibus eorum voluntati plane contrariis; cum alias majori animi alacritate pugnaturi essent adversus tentationes alterius generis: non enim hominum est dare leges Deo, & statuere, quid ipsis expediat: quin potius repelli quo ad hoc possunt iis verbis: Nescitis quid petatis: quomodo Nilus c. 29. de orat. dicit: Non ores, ut fiant, quæ fieri velis, sed potius ora, ut fiat voluntas Dei.

11. Sciens Dæmon, quantum conferat

ferat oratio ad profectum nostrum spirituale, ut hunc pro viribus impediatur, nobis orantibus graviore, ac molestiores tentationes nobis immittit; ita ut tempus deputatum orationi videri possit tempus tentationis: unde fit, ut ex institutione Ecclesie singulae horum Canonice incipiant ab illis verbis: *Deus in adiutorium meum intende; Domine ad adjuvandum me festina*: quia tunc majori auxilio Dei egemus, ut strenue, ac fortiter possimus repellere tentationes, quibus tunc temporis iuvamur.

12. Ut autem facilius resistamus tentationibus demonum, initio ipso tentationis invictum animi robur adversus illas ostendere debemus, juxta monitum S. Jacobi 4. *Resistite diabolo, & fugiet a vobis*: si enim videat nos trepidare ad primos illius impetus sustinendos, & quasi univium despondere; nulla bestia est super terram ipso effertior, acrior, & pertinacior in hominem, ut cum pernicie nostra maligne, ac obstinate mentis sue desiderium adimpleat.

13. Cum S. Antonius demoni conquerenti omnes homines sibi maledicere, dixisset, id merito, & culpa ipsius fieri, eo quod omnes vexet, ac turbet: ei respondit demon: *Ego nihil officio, quia in volentem nihil possum; sed ipsi seipso ad invicem perturbant; ipsi suo in suggestionem meam consensu sibi mali sunt auctores*. Quod confirmat S. Augustinus l. 20. de Civit. cap. 8., dicens de diabolo: *Larrare potest, sollicitare potest; mordere omnino non potest, nisi volentem*. Sic etiam S. Hieronymus in 4. Matth., expendens verba illa: *Mitte te deorsum*, ait: *Vox diaboli est, qui semper omnes cadere deorsum desiderat; persuadere potest, precipitare non potest*.

14. Si is, qui vexatur a tentationibus, dicere potest cum Hieremia 30. *Dominus mecum est quasi bellator for-*

tis; idcirco qui persequuntur me, cadent, & infirmi erunt, confundentur vehementer: ipsique dicenti cum Giezi 4. Reg. 6.: *Heu, heu, heu; Domine mi, quid faciemus?* respondet Deus: *Noli timere: plures enim nobiscum sunt, quam cum illis*: utique bono debet esse animo, & dicere modo cum Job. 17. *Pone me juxta te, & cujusvis manus pugnet contra me*; modo cum Paulo Rom. 8. *Si Deus pro nobis, quis contra nos?* modo cum Davide Psal. 15. *Providebam Dominum in conspectu meo semper, quoniam a dextris est mihi, ne commovear; & Psal. 93. Si dicebam, motus est pes meus, misericordia tua, Domine, adjuvabat me*.

15. Cum diabolus hominem urgeat tentationibus in odium non solum ipsius hominis, sed etiam Dei, cupiens iram suam explere adversus hominem ad imaginem Dei conditum (cum explere eam non possit contra Deum ipsum) etiam ex hoc capite certiores sumus nobis tempore tentationis non defuturum Dei auxilium; quippe qui sic dici potest agere causam suam, ut proinde ei dicere possimus cum Davide Psal. 71. *Exurge Deus, judica causam tuam*; & Ps. 34. *Apprehende arma, & scutum, & exurge in adiutorium mihi*.

16. Neque ex eo, quod Deus non ita cito videtur ferre auxilium homini tentato; propterea debet diffidere, cum dicat Hiezech. cap. 2. *Si moram feceris, expecta illum, quia veniens veniet, & non tardabit*; & Matth. 8. dicatur Christus dormisse, dum navicula, in qua ipse erat cum suis discipulis, ex magna procella in mari suborta operiretur fluctibus, ejusque discipuli viderentur periclitari, adeoque dicent: *Salva nos, perimus*. Confidat ergo quicumque vexatur tentationibus, fretus iis verbis, quae Isaia 43. habentur: *Noli timere, quia redemi te, & vocavi te nomine tuo,*

meus

mens es tu; cum transferis per aquas, tecum ero, & flumina non operient te: cum ambulaveris in igne, non comburens, & flamma non ardebit in te, quia ego Dominus Deus tuus, Sanctus Israel, Salvator tuus.

17. Cum David dicat *Pf. 16. Qui salvos facis sperantes in te; & Deus ipse Pf. 90. dicat: Quoniam in me speravit, liberabo eum*: constat ad evincendas tentationes maxime conferre, ut magnam in Deum concipiamus confidentiam, nobis ipsis omnino diffisi; itaut veraciter dicere possimus cum Davide *Pf. 56. Miserere mei Deus, miserere mei, quoniam in te confidis anima mea, & in umbra alarum tuarum sperabo; & Pf. 90. Protegam eum, quoniam cognovit nomen meum*; ubi S. Bernardus sic habet: *Si tamen cognoverit nomen meum, ne sibi tribuat, quod liberatus est, sed nomini meo det gloriam.*

18. Conferet iterum summopere ad evincendas tentationes usus orationum jaculatoriarum, cujusmodi sunt hæc: *Oculi mei semper ad Dominum, quoniam ipse evellet de laqueo pedes meos, Psal. 24. Domine vim patior, responde pro me; Isa. 38. Exurge, & ne repellas in finem: quare faciem tuam avertis, oblivisceris inopia nostra, & tribulationis nostra? Psal. 43. Usquequo, Domine, oblivisceris me in finem? Usquequo avertis faciem tuam a me? Usquequo exaltabitur inimicus meus super me? Respice, & exaudi me, Domine Deus meus: illumina oculos meos, ne unquam obdormiam in morte, ne quando dicat inimicus meus, prævalui adversus eum, Psal. 12. In umbra alarum tuarum sperabo, Psal. 65. Sub umbra alarum tuarum protege me, Psal. 16. Exurgat Deus, & dissipentur inimici ejus, & fugiant, qui oderunt eum, a facie ejus, Psal. 67.*

19. Quia a scintilla una augetur

ignis, Eccles. 11. Et optimum est consilium Ovidii: Principiis obsta; sero medicina paratur, cum mala per longas invaluere moras: proinde fortiter resistendum tentationi in ipso ejus principio: quod monet etiam David, *Pf. 136. Beatus qui tenebit, & allidet parvulos suos ad petram; & Salomon Cant. 2. iis verbis: Capite nobis vulpes parvulas, quæ demoliuntur vineas.*

20. Vitandæ item pro viribus occasionēs peccandi, ex quibus proxime proveniunt tentationes: qui enim amat periculum, peribit in illo: & hoc ipso quod quis se exponit periculo tentationis, se facit indignum iis auxiliis, sine quibus non evincitur tentatio, etsi possit evinci. Ut proinde Innocentius Papa in *Pf. 37. dicat: Quid insipientius peccatore, qui & cognoscit facinus, & committit, præcipitans se scienter in mortem? Certe brutum animal, si videret foveam, declinat ab ea, ne labatur in illam: etsi forsitan alicubi difficultatem incurrit, non potest illuc sine difficultate reduci: homo vero ab illicito semper illicitur, & in deliciis jugiter delectatur.*

21. Cum Angelus custos a Deo nobis deputetur in custodiam, tum ut pericula animæ, ac corporis avertat, tum ut nos illuminet, instruat, & impellat ad bona opera, tum ut coerceat demonem, ne pravas nobis cogitationes suggerat, vel saltem non prævaleat; statim ac nos invadit tentatio, ad eundem Angelum debemus confugere, eique dicere cum juniore Tobia *cap. 6. Domine, invadit me; nec abs re erit illum devote, ac reverenter compellare iis verbis: Angele Dei, qui castos es mei, me tibi commissum pietate superna hodie illumina, custodi, rege, & gubernas. Amen.*

22. Optimum contra cujuscumque generis tentationes remedium est, quod tentat-

tentatio manifestetur Patri spirituali candide, & sincere: *Omnis enim, qui male agit, odit lucem, Jo. 3.* &, ut dicit *Cassian. col. 2. Abb. Mosi cap. 10.* loquens de diabolo: *Antequam iudicium discretionis proferatur, serpens determinus velut e tenebroso, ac subterraneo specu virtute confessionis pertractus ad lucem, & traductus quodammodo, ac debonestatus abscedit.* Quod confirmat *Sapiens Eccl. 27.* dicens: *Si denudaveris abscondita illius, non persequeris post eum:* cum e contra perniciosissimus sit morsus illatus a serpente in silentio, juxta illud *Eccl. 10.* *Si mordeat serpens in silentio.* Sic de leprosis refert *S. Lucas c. 17.*, quod cum irent ad Sacerdotes juxta Christi præceptum: *Ite, & ostendite vos Sacerdotibus; dum irent, mundati sunt.*

23. Cavendum quammaxime, ne tempore tentationis ex tædio vitæ spiritualis omittamus solita exercitia spiritualia, & præsertim orationem, ac meditationem: quin potius ea debemus obire majori applicatione, & augere: alias, si nobis sinamus subtrahi arma, quibus nos defendamus, & hostes offendamus, facillime ab inimicis debellabimur.

24. Cavendum item, ne, durante tentatione, quidquam deliberemus, aut innovemus circa propositum animi, aut vitæ statum: sicut enim vigente consolatione spirituali non nostro proprio, sed boni spiritus instinctu regimur; ita durante tentatione agimur a malo spiritu, cujus instigatione nihil umquam recte conficitur.

25. Tempore tentationis non solum frequentandæ sunt orationes jaculatoriæ, ut jam dixi; sed constanter insistendum orationi, juxta illud Christi *Matth. 26.* *Vigilate, & orate, ut non intretis in tentationem:* idque tum ut audiamus Dei monita ad præsentem ne-

cessitatem opportuna; tum ut obtineamus auxilium necessarium ad superandam tentationem.

Quæres 18. *Quibus monitis confirmari possint Moniales in vocatione religiosa, si forte in ea titubent, sive ante, sive post Professionem.*

302. *Resp.* Possent confirmari sequentibus monitis, nimirum:

1. Meminerint non esse magnum inchoare, quod bonum est (ut loquitur *S. Augustinus ser. 8. ad Fratres in Eremito*) sed consummare hoc solum perfectum esse: nam in Christianis non quaruntur initia, sed finis (inquit *S. Hieronymus ep. ad Furium Virg.*) *Paulus male cepit, sed bene finivit: Iuda laudantur exordia, sed finis proditionis damnatur.* Quæ confirmat *S. Bernardus ep. 253. ad Abb. Guar.* his verbis: *Quid prodest Christum sequi, si non contingat consequi? Paulus agebat; sic currite, ut comprehendatis: ibi, Christiane, fige tui cursus, profectusque metam, ubi Christus posuit suam: factus est, inquit, obediens usque ad mortem; quantumlibet ergo cucurreris, si usque ad mortem non perveneris, bravium non apprehendes: confirmat Christus, Luc. 9.* dicens: *Nemo mittens manum suam ad aratrum, & respiciens retro, aptus est regno Dei:* confirmat & *Paulus Galat. 3.* iis verbis: *Sic stulti estis, ut, cum spiritu ceperitis, carne consumemini.*

2. Meminerint conjugium a *S. Basilio cap. 1. Constit. monast.* vocari curarum abyssum, & *lib. de Sancta Virginit.* dolorum officinam: idque jure, ac merito; cum conjugium comitentur onera uteri, partus dolores, liberorum educatio, curæ, timores, zelotypia, rixæ, familiæ apparatus, opum, affinitatum, statuum curandarum, & augendorum sollicitudo, mariti dominatio, cholera, ebrietas, prodigalitas, paupertas, orbitates, & ex his perpetua animi distra-

L 11 Etio,

etio, & circa hæc occupatio. Ut proinde 1. Cor. 7. loquens Paulus de conjugatis dicat: *Tribulationes carnis habebunt hujusmodi*; nomine *tribulationis* intelligens præfata incommoda conjugii; eamque opponat voluptati carnis annexæ matrimonio, quæ per dictam tribulationem, utpote longe graviolem, ita opprimitur, ac eliditur, ut vix sentiatur. Ab his autem incommodis, ac oneribus liberantur Moniales per statum religiosum; de quo propterea debent sibi maxime complacere, gaudentes se cum Maria optimam partem elegerisse, Deumque exorare, ut non aufertur ab iis.

3. Cum S. Paulus 1. Cor. 7. dixisset: *Unusquisque in qua vocatione vocatus est, in ea permaneat*; paulo post subdit: *De Virginibus præceptum Domini non habeo, consilium autem do*; & quidem merito, cum cælibatus det otium cogitandi, quomodo Virgo placeat Deo, quomodo se paret ad iter Cæli, quomodo rationes suas ad iudicium futurum componat, & adæquet: quomodo se sistat Deo; & alia innumera commoda secum adferat, quibus de facto potiuntur Moniales: ut quid ergo invidentur sæminis conjugatis, quæ sunt expositæ incommodis §. *præcedenti* relatis; iisque talibus, ut, teste Possidonio *in vita S. Augustini cap. 27.* is secutus S. Ambrosium, nulli unquam conjugem, aut conjugium suadere voluerit: *Ne* (inquit ille) *dum inter se conjugati iurantur, eum maledicant, per quem conjuncti sunt.*

4. Cogitent Moniales sibi imminere mortem, sed ad illam currere velocissimo cursu, instare iudicium, instare æternitatem, arctari se, & cogi a Deo, ut ad illam festinent: meminerintque quid dicat Paulus 1. Cor. 7. *Tempus breve est: reliquum est, ut qui habent uxores, tamquam non habentes sint: præterit enim*

figura hujus mundi: quod si hæc dicit Paulus conjugatis, quid diceret Monialibus Christo desponsatis, quæ forte invidentur sæminis conjugatis, earumque statum, vitæ religiosæ pertæse, exoptent.

5. Cum plures sæminæ conjugatæ, contracto jam matrimonio, cogantur manere, & quidem usque ad mortem, cum viro sæpe ignoto, molesto, importuno, ac omnino ingrato; a quo resiliissent, si annum probationis haberent conjuges, ut eo se invicem probarent ante matrimonium (sicut de facto habent religiosi utriusque sexus, antequam faciant religiosam professionem) Moniales, quæ solemnī promissione Deo facta professæ sunt castitatem (quam prius experiri potuerunt, & debuerunt) æquum ne est, ut ab assumpto statu resiliant, Deoque, cui sunt desponsatæ, renuncient?

6. Nec adeo difficilis est observantia Castitatis: cum illam in ipso conjugio servaverint Pulcheria, & Martianus Imperator; Basilissa, & Julianus; Eduardus, & Editha; Cæcilia, ac Valerianus; Cunegunda, & Henricus Imperator: hi omnes in ipso conjugio non caste solum vixerunt, sed etiam perpetuam virginitatem servaverunt: cum S. Bernardus *serm. 65. in Cant.* dicat: *Cum femina semper esse, & non cognoscere feminam, plus esse, quam mortuum suscitare.* Quod si sæminæ nobilissimæ, ac pulchritudine insignes illibatam virginitatis candorem in ipso conjugio conservare potuerunt; hoc idem præstare non poterant Moniales a Christo electæ in sponas in Monasterio? poterunt utique, si voluerint: sicque sibi inietipis dicant, quæ S. Augustinus initio suæ conversionis sibi (ut constat *ex lib. 8. confess. cap. 11.*) dicebat: *Tu non poteris quod isti, & ista? an vero & isti, & ista in semetipsis possunt, an non*
in De-

in Domino Deo suo Dominus Deus eorum me dedit eis: quid in te stas, & non stas? projice te in eum, noli metueri, non se subtrahet, ut cadas: projice te securus, excipiet te, & sanabit te.

7. Cum S. Hieronymus ep. 34. ad *Julianum*, dicat difficile, immo & impossibile esse, ut presentibus quis, & futuris fruatur bonis, ut hic ventrem, & ibi mentem expleat, ut de deliciis transeat ad delicias, ut in utroque saculo primus sit, ut in cælo, & in terra appareat gloriosus: omnino orandum, ut via salutis, quæ est arcta, incedamus, & regnum cælorum, quod vim patitur, & violenti rapiunt, nobis comparemus, magna agendo, & fortia patiendo. An non Simeon Stylites 49., aut etiam 80. annis, juxta Baronium, sub dio per diu, & pernox stetit in columna, ibique per annos 28. quotannis quadragesimam totam transegit absque ullo cibo, ac potu, teste Theodoro in *Pbilosopheo* cap. 26. quis quæso non admiretur?

8. Audiant fideles quid dicat Christus *Lucæ* 13. *Contendite intrare per angustam portam: ubi pro contendite græce est agonizate, & quasi in agone, & agonia contendite; extremas, & summas vires velut agonizantes exerite, quasi pro vita, si vincitis, vel morte, si vincimini, luctaturi, juxta illud Pauli 1. Cor. 9. Omnis, qui in agone contendit, ab omnibus se abstinere, & illi quidem, ut corruptibilem coronam accipiant.* Sic etiam S. Perpetua vidit scalam auream, sed undique circumseptam gladiis, & cultris, per quam scandendum erat in cælum; & inferne draconem horribilem, qui scandentes impediret: hæcque visione cognovit sibi, & suis portendi martyrium. Audiant hæc & religiosi, & lætentur se Dei gratia a via lata perditionis ad viam arctam salutis evocatos esse, & strenue ambulent per eam.

9. Multi sunt vocati, pauci vero electi, *Matth. 20.* dicit Christus: & confirmat S. Chrysostomus *bom. 40. ad populum*, censens etiam ex fidelibus vix quemque millesimum salvari: ait enim loquens de Antiochenis, qui erant fideles: *Quot esse putatis, qui in Civitate nostra (Antiochia) salvantur? infestum quidem est, quod dicturus sum; dicam tamen, non posse in tot millibus (facile Antiochiæ erant centum millia, & plura) centum inveniri, qui salvantur; quin & de his dubio. Quanta enim in juvenibus est malitia? quantas in senibus torporum celo zelum habet &c.* ita Chrysostomus. Ex his autem sequitur, standum esse consilio Pauli *1. Cor. 9. Sic currite, ut comprehendatis.* Et velocissime currentem, cum ii, qui in stadio currunt, omnes quidem currant, sed unus accipiat bravium: non ergo desistendum est a cursu, si curris; sed currendum strenue usque ad mortem: *Sic enim, Christo corrente, tu gradum sistis, inquit S. Bernardus epist. 252. ad Guarin., non Christo appropias, sed te magis elongas; timendumque tibi est, quod ait David: Ecce qui elongant se a te, Domine, peribunt.*

10. Totum mundum esse plenum laqueis, in quos incident animæ & terra in cælum avolantes, iisque capiantur veluti aves, vidit S. Antonius Abbas, teste S. Athanasio in *ejus vita*, & ingemiscens exclamavit: *Domine quis evadet hos laqueos?* vidit S. Antonius, & in se ipso expertus est, qui dicebat: *In via hac, qua ambulabam, absconderunt superbi laqueum mihi, Ps. 141. Quot enim vitia, tot retia, inquit S. Ambrosius in Psal. 118. ser. 6. quot peccata, tot laquei.* Quomodo ergo Religiosus, qui ex Dei auxilio ingrediens Religionem dicere potuit: *Anima nostra sicut passer erepta est de laqueo venantium; laqueus contritus est, & nos liberati sumus,*

L l l a sumus,

sumus, Psalm. 123. Sin minus effectus, saltem affectu cupit se iterum exponere laqueis, quos jam evasit?

11. Caveat Religiosus, ne ex inordinato affectu parentum, & consanguineorum ipsi tædæ vitæ religiosæ suscipiæ, & per affectum revertatur ad sæculum; cum *Lucæ 14.* dicatur: *Si quis venit ad me, & non odit patrem suum, & matrem, uxorem, & filios, & fratres, & sorores, adhuc autem & animam suam, non potest meus esse discipulus:* meminerit neque Christum inter cognatos, & notos fuisse inventum, *Lucæ 2.* recolat, quod habet S. Hieronymus ad *Heliodorum*, dicens: *Licet parvulus ex collo pendeat nepos; licet sparsa crine, & scissis vestibus ubera, quibus te nutrierat, mater ostendat: licet in limine pater jaceat: per calcatam perge patrem, sicis oculis ad vexillum Crucis evola: solum pietatis genus est in hac re esse cradelem: facile rampit hac vincula amor Dei, & gebenna timor.*

12. Caveat Monialis, ne ex tædio Clausuræ aversetur statum religiosum susceptum: meminerit, quid acciderit Sponsæ *Cant. 3.*, quæ de se ipsa sic ait: *Per vias, & plateas quarum, quem diligit anima mea; quaesivi illum, & non inveni:* audiat, & attente meditetur, quod ait S. Bernardus *ser. 40. in Cant.* *Sola esto, ut soli omnium serves te ipsam, quem ex omnibus tibi elegisti; fuge publicum, fuge & ipsos domesticos, secede ab amicis, & intimis, etiam ab illo, qui tibi ministrat. An nescis te verecundum habere sponsum, ut nequaquam suam velis tibi indulgere presentiam, presentibus ceteris? audiat & quod dicit Hieronymus *hom. 22. ad Eustoch.* de custodia Virginit. *Audies ab Sponso, tortus conclusus, soror mea sponsa; tortus conclusus, fons signatus: cave, ne domum exeat, & velis videre**

filias regionis alienæ; Dina egressa corrumptitur: nolo te sponsum quærere per plateas; nolo te circumire angulos Civitatis: foris vagentur Virgines stultæ: tu intrinsecus esto cum sponso: zelotypus est Jesus; non vult ab aliis videri faciem tuam.

13. Caveat item Monialis, ne ex amore divitiarum, affectu redeat ad sæculum; memineritque, quod, teste Sancto Gregorio *homil. 32. in Evang.* *Nudi cum nudis* (dæmonibus scilicet) *luctari debemus: nam si vestitus quisquam cum nudo luctatur, citius ad terram dejicitur, quia habet unde teneatur: quid enim sunt terrena omnia, nisi quædam corporis indumenta? qui ergo contra diabolum ad certamen properat, vestimenta abjiciat, ne succumbat.* Cum ergo in hac vitâ sit nobis colluctatio non adversus carnem, & sanguinem, sed adversus Principes, & Potestates; & Religiosus per votum Paupertatis deposuerit indumenta bonorum temporalium; ut quid ea modo tam studiose affectat, non advertens se inde ab hoste, cum quo luctatur, facile deici posse in terram, & turpiter superari?

14. Status religiosus spem adeo certam, & signum adeo expressum continet Divinæ prædestinationis, ut sine ulla dubitatione (citra revelationem quidem) nullum expressus, ac certius haberi possit. Quomodo Beatus Laurentius Justinianus de *perfect. Mon. con.* loquens de Religioso, ait: *Secure speret post hanc peregrinationem ad illam supernam intrare Hierusalem, quicumque in justorum congregationem fuerit vocatus: magnam quippe electionis indicium est hujus fraternitatis habere consortium, facileque ab illa excluditur, qui ab hac fuerit segregatus.* Et hoc est ita verum, ut Pius V. electus in Papam expalluerit, & pæne in deliquium inciderit; rogatusque causam, præ singulari

gulari sua humilitate dixerit: *Cum essem religiosus, bene sperabam de mea salute; creatus vero Episcopus cæpi de ea formidare; nunc vero electus in Pontificem jam pæne de ea despero.*

Quæres 19. *Quibus monitis incitari possint Moniales ad mutuam charitatem inter ipsas conservandam.*

303. *Resp.* Posse incitari sequentibus monitis, videlicet:

1. Sicut initio nascentis Ecclesiæ multitudinis credentium erat cor unum, & anima una, Act. 4., sic Christus Joan. 15. ait de fidelibus, & maxime de Religiosis: *Hoc est præceptum meum, ut diligatis invicem; & Joan. 13. In hoc cognoscent omnes, quia discipuli mei estis, si dilectionem habueritis ad invicem.* Moniales ergo, & quicumque alii Religiosi omni studio, ac diligentia mutuam inter se charitatem servant, ut dicere possint: *Ecce quam bonum, & quam jucundum habitare fratres in unum, Psalm. 132., ubi Sanctus Hieronymus: Vere bonum, vere jucundum: unum fratrem dimisimus, & ecce quantos invenimus: frater meus secularis non tantum me amat, quantum substantiam meam: ceterum fratres spirituales, qui sua utique negligunt, aliena non quarunt.*

2. Quod si charitas ex 1. Cor. 13. *patiens est, benigna est, non emulatur, non agit perperam, non inflatur, non est ambitiosa, non quarit quæ sua sunt, ut charitas servetur inter Moniales, cæ debent esse patientes, benigne, non procaces, seu protervæ, non invidæ, non ambitiosæ, non quærentes quæ sua sunt.* Quod bene exponit Sanctus Gregorius lib. 10. mor. cap. 8. dicens: *Charitas patiens est, quia illata mala equanimiter tolerat; benigna est, quia pro malis bona largiter ministrat; non emulatur, quia per hoc, quod in presenti mundo nihil appetit, invidere terrenis*

successibus nescit; non inflatur, quia cum interna retributionis anxia desiderat, de bonis se exterioribus non exultat; non agit perperam, quia quæ se in solum Dei, ac Proximi amorem dilatat, quidquid a rectitudine discrepat, ignorat; non est ambitiosa, quia quæ ardentius intus ad sua satagit, foris nullatenus aliena concupiscit; non quarit quæ sua sunt, quia cuncta, quæ hic transitorie possides, velat aliena negligit &c.

3. Monialis suarum Sororum defectus patienter sustineat, sicut proprios defectus ab aliis patienter sustineri cupit: sustineat, ut sustineatur; dissimulet alienos leves defectus, ut dissimulentur graviore ab ea commissi; taceat alienas miseras, ut taceantur suæ: sic enim monet Paulus Galat. 3. dicens: *Alterius onera portate, & sic adimplebitis legem Christi.*

4. Tu, inquit Sanctus Bernardus serm. 29. in Cant. accepta forte injuria, non continuo more seculari obliqua referre fratrem responsione festines: commotio tua ibi moriatur, ubi oritur; nec permittatur exire, ut dicere possis; turbatus sum, & non sum locutus: sic Bernardus adhortans Religiosum sui Ordinis Monachum.

5. *Quemadmodum* (ait S. Chrysostomus hom. 3. de Davide, & Saule, explicans verba illa Prov. 15. *Responsio mollis frangit iram, sermo durus suscitatur furem;* si infles in scintillam ignis, excitas incendium; si in spem, extinguis: idem fit & in inimicitia Proximi; si inflatos, ac vecordes ingeras sermones, excitas ignem; si mites, ac moderatos, iram omnem extinxeris. Sic etiam Salomon Prov. 25. ait: *Patentia lenietur Princeps, & lingua mollis confringet duritiam.* Vertit autem Chaldaeus pro, *patientia lenietur Princeps: In patientia spiritus laetatur Princeps: quasi patientia respondentis iratum Principem*

pem reddat non minus placidum, quam infantulum lactaneum: &, sicut infans epoto lacte consopitur, ita Princeps, audito molli responso, a furore detumescat.

6. Sint Religiosi faciles in condonandis mutuis injuriis; juxta monitum S. Pauli *Ephef. 4. Donantes invicem*: si enim Thomas Morus dicebat, Christianum debere inculpere beneficia marmori, & maleficia pulveri (cum Ethnici, & ingrati beneficia pulveri, &, si quid mali patiantur, marmori inculpant) multo magis id tenentur facere Religiosi: præterquam quod dolor de injuria accepta melius curatur oblivione, quam locutione, cum locutione potius ægrefcat, ac recrudescat, oblivione sensum extenuetur, & aboleatur: &, si talis oblivis temporis processu paulatim inducitur sine mercede; cur non patiemur per legem Divinam citius induci cum mercede? ut monet S. Chrysostomus *hom. 52. ad pop. Antioch.*, dicens: *Quod tempus facit, hoc per legem Dei ante tempus facere non sustinetis: & sine mercede potius, quam cum mercede vis tibi vitium extinguere?*

7. Cum quotidie dicamus Deo, *dimitte nobis debita nostra, sicut & nos dimittimus debitoribus nostris*; apparet hanc quasi conditionem nobis præscribi ad obtinendam a Deo remissionem nostrorum peccatorum; ut scilicet etiam nos facile condonemus Proximo injurias nobis illatas: *si enim*, inquit Christus *Luca 11. dimiseritis hominibus peccata eorum, dimittet & vobis Pater vester Cælestis delicta vestra*: si autem non dimiseritis, non dimittet. Unde infert Sanctus Augustinus *Enchir. 73.* hoc esse quasi pactum Dei cum peccatore: *Si dimiseris, dimitto; si non dimiseris, non dimitto*: & Glossa explicans illud *Matth. 6. Si autem non dimiseritis hominibus, nec Pater vester dimittet pec-*

cata vestra, ait Deum in nostra potestate posuisse, qua conscientia judicium Dei provocemus erga nos, & sententiam temperemus, non aliud exigit Juxta, quam, ut, qualem cum volumus erga nos, tales nos præstemus fratribus.

8. De Sancto Joanne Eleemosynario refert Leontius *cap. 38. vita illius*, quod cum Principem iram servantem ad reconciliationem vellet inducere, Missam coram eo celebrans, & dicens: *Dimitte nobis debita nostra*, illico siluit, idque consulto: & cum Princeps profectus fuisset, *sicut & nos dimittimus debitoribus nostris*, Joannes ad illum conversus: *Vide*, ait, *in quali terribili hora quid dicas Deo; quoniam sicut ego dimitto, ita & tu dimitte mihi*: qua voce quasi fulmine istus Princeps: *Quæcumque jasseris, Domine*, inquit, *faciet servus tuus*; & illico reconciliatus est inimico. E contra de Sapritio narrat Surius in *vita Nicephori die 9. Februarii*, quod, cum in fide constans jam capite plecti deberet, & juberetur genua flectere, abnegavit; eo quod Nicephoro petenti veniam nollet offensam condonare: qui proinde in ejus locum se substituens, martyrii palmam ei eripuit, ac obtinuit.

9. S. Elzearius Arriani Comes meditatione, ac imitatione passionis Christi omnes injurias sibi illatas ita superabat, ut videretur esse apatos, ac insensibilis: ut ergo nos patienter sustinere velimus injurias nobis factas, attente consideremus Christum sicut ovem ad occisionem ductum, & quasi agnum coram torquente se obtinuisse; consideremus probra, calumnias, injurias, ac tormenta ipsi irrogata; nec a tali consideratione cessemus, donec mens nostra in imitatione patientiæ Christi tranquille quiescat.

10. Si Religiosum contingat pro fragilitate naturæ concitari ad iram, & subito

subito irasci; ne iræ per voluntatem, & rationem confectant, ut illi inhæreat, vindictam machinando, ac perficiendo; sed quam citissime per dominium rationis, & Dei metum iram compefcant, itaut Sol non occidat super iracundiam ipsius, juxta monitum Pauli *Ephef. 4.* Quomodo in aliquibus Religionibus hæc pia lex statuta est, ut si quis alium per diem offendat, nocturnæ quieti non se det, nisi prius veniam ab eo, quem offendit, petat, ipsique reconcilietur. Quod, teste Leontio *sup.*, præstitit S. Joannes Eleemosynarius, dum justa ira commotus contra Nicetam Patritium, ut ante vesperam ei se reconciliaret, ad illum misit Presbyterum suum, qui ipsi diceret: *Sol jam est in occasu, vir maxime venerande: & sic compunctus Nicetas ad Joannem accurrit, & uterque ante Solis occasum in mutuos ruerunt amplexus.*

11. Vindicare se non est actus fortitudinis, sed abjectionis, & timiditatis, inquit Sanctus Ambrosius *lib. 2. offic. cap. 36.* *Vincitur ab inimico, non vincis, qui se vindicat.* Aristoteles item *lib. 4. Ethic. cap. 3.* docet, quod sicut debilis stomachi est cibum duriores non posse concoquere; ita pusillanimi est, verbum duriusculum non posse sustinere.

12. Christiana Virgo sanctitate illustis, cum moriens rogaretur quomodo ad tantam sanctitatem pervenisset, sic respondit: *Afflictiones meas nulli, nisi Deo, quæstæ sum: erga omnes liberalis fui, saltem animo; iis, a quibus læsa fui, beneficium singulare rependi: quod non fecissem, nisi ab eis læsa fuisset.*

13. Monet Plintarchus, ut iratus se, & suos mores contempletur in speculo: videns enim faciem, ac gestus furibundum, & phrenetico similes, detestabitur, & cavebit iram. Cato autem Senior

dicebat, iratum ab infano non distinguere, nisi mora: iram enim esse brevem insaniam.

14. *Angelorum est nullatenus litigare, sed in omnimoda, & perpetua pace consistere,* ait Leontius in *vita S. Joan. Eleemosynarii c. 14.* *hominum vero est altercare quidem, sed statim reconciliari: dæmonum autem est totum diem litigare, & totum diem transire irreconciliatos.*

15. *Relinque munus tuum ante Altare,* ait Christus *c. 5. Matth. Vade reconciliari fratri tuo, & tunc veniens offeres munus tuum:* sicque olim in Misra usus fuit, ut ante sanctam Communionem Christiani darent sibi osculum pacis, quasi reconciliationis, ac unionis symbolum: cujus loco jam datur osculanda tabella pacis, quam vocant. Unde patet, quam cito debeant Religiosi inter se reconciliari, si qua forte offensio inter ipsos intercedat.

16. Si ergo aliqua offensio oritur inter duos Religiosos, uterque eorum studeat quam primum reconciliari fratri suo, illumque in hoc præveniat, ut nemo accipiat coronam suam *Apoc. 3.*; idque licet ipse sit majoris autoritatis, aut etiam passus sit injuriam: eique dicat *ex Gen. 13. Ne queso sit jurgium inter me, & te; fratres enim sumus &c.* Sic hortatur Sanctus Gregorius *hom. 32. in Evang.* dicens: *Ecce inter nos, & Deum discordiam peccando fecimus: & tamen ad nos Deus suos legatos prior misit, ut nos ipsi, qui peccavimus, ad pacem Dei rogati veniamus. Erubescat ergo humana superbia; confundatur quisque, si non satisfaciatur prior Proximo, quando post culpam nostram, ut ei reconciliari deberemus, & ipse, qui offensus est, legatis intervenientibus obsecrat Deus.*

17. *Non vides,* inquit S. Chrysostomus *hom. 11. in 1. Thessal. in ædibus,*

bus, quando ex aduerso, & directe steterint dua janua, sitque ventus uehemens; si alteram claueris, nihil potest ventus, sed magna pars virium ejus praeciditur: ita nunc quoque dua sunt janua, os tuum, & ejus, qui te contumeliis affecit, & conuictis; si tuum claueris, extinguis totum spiritum; sin autem aperueris, non potest cohiberi. Sic S. Basil. hom. 9. de ira ait. Contumeliam tibi imposuit iratus, sile silentio malum, & ne ventos imiteris, qui per reflatum id, quod appulsum est, repellunt: sic Basilus, & merito; ut enim silet tempestas, si venti ventis non aduersentur; ita plane tollitur jurgium, si ex altera parte sileatur. Idem confirmat Beatus Laurentius in ligo vita de timore cap. 3. dicens: Sicut nihil est deformius, quam respondere furiosis: ita nihil est utilius, quam tacere, dum provocamur, quia nullus est finis inimicitii, nisi ad tempus obtineatur iratus.

18. Memorabile est, quod habet Tertull. lib. de patientia cap. 8. his verbis: Idcirco quis te ladic, ut doleas, quia fructus cadentis in dolore laesi est: ergo, cum euerteris fructum ejus non dolens, ipse doleat necesse est amissione fructus sui:

19. Caveant omnino Religiosi a qualibet contentione juxta monitum Sapientis Eccl. 11. De ea re, qua te non malestat, ne ceteris, & Pauli 1. Timoth. 2. Noli contendere verbis: ad nihil enim utile est, nisi ad subuersionem audientia: nam seruum Domini non oportet litigare (subdit Paulus) sed mansuetam esse, ad omnes docibilem, patientem: & alioqui Sapiens, Prov. 20. ait, Honor est homini, qui separat se a contentionibus. Videat ergo Religiosus, ne ulla in re fratri suo contradicat; & si alter ipsi contradicat, ne se pertinacem ostendat in suo sensu: sed, ubi modeste illum increpauerit ex amore veritatis, cedat,

memor de Christo dici Matth. 12. Non contendet, neque clamabit, neque audiet aliquis in plateis vocem ejus: & 2. Tim. 2. dici Seruum Domini non oportet litigare: quo pacto sanctus Ephrem moriens in suo testamento glorietur, quod numquam cum ullo Christiano verbis contenderit, aut litigavit.

20. Videant item Religiosi, ne alteri referant, quae ab alio aduersus ipsum dicta, aut gesta sunt: nam sex sunt, quae odit Dominus (dicitur Prov. 6.) & septimum detestatur anima ejus; cum, qui seminat inter fratres discordias; & de hoc habetur Eccl. 21. In furo coinquabit animam suam, & ab omnibus odietur, & qui cum eo manserit, odiosus erit: idque jure optimo, cum sanctus Basilus hom. 9. de ira ostendat, deterio-rem esse referentem, quam inferentem contumelias.

21. Ad seruandam charitatem inter Religiosos iuvat plurimum, ut quilibet illorum cuiunque in omnibus se postponat, seque exterius ita gerat, ut id ipsum opere demonstret, juxta consilium Pauli; & Philip. 3. In humilitate superiores sibi inuicem arbitantes. Quod satis aperte indicat Sanctus Chrysostomus hom. 13. ad pop. Antioch. ponderans verba illa Matth. 7. Omnia quaecumque vultis, ut faciant vobis homines, & vos facite illis: ait enim: Vis beneficia capere, confer beneficium alteri: vis laudari, lauda alium: vis amari, ama: vis partibus primis potiri, cede illas prius alteri: quod S. P. N. Ignatius 3. p. const. cap. 1. x. 4. nobis proponit dicens: In omnibus procurando, atque optando potiores partes aliis deferre: ad quod facit illud Pauli Rom. 12. bonore inuicem pra-uenientes.

22. Iuvat item ad fovendam mutuum charitatem, quod Religiosi inuicem se inuent, & mutua sibi praestent obsequia; cum teste Paulo 1. Cor. 12. non possit

possit oculus dicere manus operata tua non indigeo; aut iterum caput pedibus, non estis mihi necessarii; sed multo magis quæ videntur membra corporis infirmiora, necessaria sunt. Quare idem Paulus Galath. 5. ait *Per charitatem spiritus servite invicem*: qui enim vera charitate flagrat, ad infima, ac servilia obsequia quibuslibet, maxime afflictis, ægrotis, ac pauperibus exhibenda se demittit; sicque fratris voluntatem sibi promeretur: *Sicut enim*, inquit Chrysostomus ibi, *ignis admotus ceræ, facile mollescit eam*; sic & amoris calor omnem fastum, & arrogantiam vebementius, quam ignis solvit. Sic etiam Christus Jo. 13. cum lavisset pedes Discipulorum, dixit: *Si ergo lavi pedes vestros Dominus & Magister*; & vos debetis alter alterius lavare pedes: exemplum enim dedi vobis, ut quemadmodum ego feci vobis, ita & vos faciatis.

23. *Sicut verbum dulce multiplicat amicos*, & mitigat inimicos, Eccl. 5. sic sermo durus suscitatur furor Prov. 15. proinde in Communitate Religiosorum cavendum est, ne ii invicem se offendant verbis asperioribus; cum per hæc facile violari possit fraterna charitas, maxime si alias frater sit perturbatus, ac naturaliter morosus: *sicut enim* (ait Chrysostomus hom. 1. de Anna) *acerba vulnera ne levem quidem contactum ferunt*; sic & animus perturbatus difficilis est, ac morosus, & ad omnia indignatur, quousque mordeatur, & offendatur. Quod si frater sit modestus, ac patiens, non ideo verbis male tractandus est: cum ipse possit dicere ex Matth. 20. *An oculus tuus nequam est, quia ego bonus sum?*

25. Multum charitati inter Religiosos nocet, quod se invicem indebite reprehendant, videlicet non expectata opportunitate temporis, loci, & aliarum circumstantiarum, quæ hac in re atten-

di debent: unde fit, ut qui reprehenditur, reprehendentem repellat iis verbis: *Quis te constituit Principem*, & *Judicem super nos?* Exodi 2. immodica quippe objurgatio nec prodest objurgato, nec decet objurgantem: quæ vero ex amore, ac rigore rata proportionem conditur, & digna est obijurgante, & obijurgato.

26. In communitate Religiosorum maxime vitari debent amicitie particulares, contra quas acriter invehitur sanctus Basiliius *serm. de institut. Monach.* his verbis: *Quod si quis inventus fuerit, huiusmodi quadam animi propensione Monachum, Fratrem, vel propinquum, vel alium quemvis quavis de causa videatur diligere, hunc castigare oportebit ut injuriam publicæ charitati*; qui enim unum aliquem magis, quam ceteros diligit, is quod non perfecte ceteros diligit, de se ipso iudicio est.

Quæres 20. *Quibus monitis excitari possint Moniales ad cavendam tepiditatem in Dei servitio, ac Religiosæ perfectionis acquisitione.*

304. *Resp.* Possent excitari sequentibus monitis, & quidem.

1. Meminerint tepiditatem ita a Deo improbari, ut Deus de tepido dicat: *Apol. 3. Utinam frigidus esses, aut calidus esses; sed quia tepidus es, & nec frigidus, nec calidus, incipiam te vomere ex ore meo*: & *Jeremia 48. de eo dicitur, maledictus qui opus Dei facit negligenter.*

2. Noverint indicia hominum tepidorum ex S. Bernardo *serm. de Ascens. Dom. esse*, quod sunt pusillanimes, & remissi, deficientes sub onere, virga, & calcaribus indigentes; quorum remissa lætitia est; quorum brevis, & rara compunctio, animalis cogitatio, tepida conversatio; quorum obedientia sine devotione, sermo sine circumspectione, oratio sine cordis intentione, lectio sine ædi-

M m m fica-

ficatione; quos vix gehennæ metus cohibet, vix pudor inhibet, vix frænat ratio, vix disciplina coercet.

3. Tepiditas e diametro pugnat cum statu hominis Religiosi, quippe qui ratione status tenetur tendere ad perfectionem, ideoque magis in dies proficere in eacujus oppositum facit homo tepidus, quem propterea S. August. in *Psal.* 56. sic compellat: *Quantumcumque hic profecerimus, nemo dicat, sufficit mihi, justus sum: qui dixerit, remansit in via, non novit pervenire: ubi dixit, sufficit, ibi basit: attende Apostolum, cui non sufficit; Fratres, inquit, ego me non arbitror comprehendisse: ille ergo currit, tu basisti: ille dicit nondum se perfectum, & tu jam de perfectione gloriaris? confundantur qui dicunt tibi euge, euge: confundaris & tu, qui dicis, euge euge.*

4. Religiosus tepidus est expositus tribus magnis periculis; videlicet amittendi peculium meritorum jam acquiritorum, juxta illud *Prov.* 18. *Qui molis, & dissolutus in opere fuerit, Frater est sua opera dissipans;* dandi occasionem graviori ruinæ spirituali, juxta *Prov.* 16. *Ante contritionem præcedit ruina, & ante ruinam mala cogitatio;* & nunquam emergendi ex tepiditate juxta illud Cassiani *roll.* 4. c. 19. *Frequenter vidimus de frigidis, atque carnalibus, id est de secularibus, atque paganis ad spiritualem pervenisse fervorem, de tepidis, atque animalibus omnino non vidimus.*

5. Fervor spiritus, teste sancto Basilio in *regulis brevioribus respons.* 259. *in tribus consistit: nimirum, ut in eo, quod agimus, adsit tota intentio; ut adsit inexplebilis cupiditas bene operandi; ut accedat assiduitas, & continuatio, quæ nullum varietatis erga Proximum, aut virtutis officium recusemus: sicut enim olla, quæ servet, non quiescit, sed sem-*

per bullit, in altum se egerit, atque ignitas bullas sursum ejaculatur; sic charitas otiosa esse non debet, nec potest, sed oportet, ut continuo ad majora semper proficiat, & exiliat.

6. *Videte, inquit Paulus Ephef.* 5. *Quo modo caute ambuletis, non quasi insipientes, sed ut sapientes redimentes tempus: est enim vita nostra (ait Nazianzenus in sententiis) quasi mercatus, cujus dies cum abierit, tempus amplius non erit emendi quæ velis: sit ergo vivamus, & tanta faciamus, quanta voluerimus fecisse, cum hoc tempus elapsum erit: quod enim hic facimus, per totam æternitatem nobis proderit; & quod nunc negligimus, irreparabiliter amittimus: vivamus uti in hora mortis optabimus nos vixisse: sic enim tempus redimemus.*

7. Religiosus tepidus, ait Thomas de Kempis *l. 1. de imitat. Coristi* c. 25. *n. 7. habet tribulationem super tribulationem, & ex omni parte patitur angustiam, quia interiori consolatione caret, & exteriorem querere prohibetur.*

8. *Si omni anno, inquit idem Thomas supra cap. 11. n. 5. Vnum vitium extirpemus, cito viri perfecti efficeremur: sed modo e contrario sentimus, ut meliores, & puriores in initio conversionis nos fuisse inveniamur, quam post multos annos professionis: fervor, & profectus nosster quotidie deberet crescere; sed nunc pro magno videtur, si quis primi fervoris partem possit retinere: si modicam violentiam faceremus in principio, tunc postea cuncta possemus facere cum lenitate, & gaudio.*

9. *Vox multorum est, (dicit Gerson, de Myst. Theol. præf. considerat. 4.) sufficit mihi vita communis: si cum imis salvari potero, satis est; nolo merito Apostolorum; nolo volare per summa, incedere per planiora contentus sum. At hæc vox indigna est Dei famulo, indigna est Religioso, cui dicitur; Ambula coram*

me,

me, & esto perfectus, Gen. 17. hæc est vox hominum imperfectorum, de quibus Matt. 20. dicitur: *Multi sunt vocati, pauci vero electi*. Audiant Religiosi, quod dicit Sapiens Eccl. 9. *Quodcumque facere potest manus tua, instanter operari; quia nec opes, nec ratio, nec sapientia, nec scientia erunt apud inferos, quo tu properas*.

10. Si tanto studio, & sollicitudine quæretur conscientia, inquit S. Bernardus de inter. domo cap. 21. quanto queritur secularis, & vana scientia; & citius apprehenderetur, & utilius retineretur. Quod confirmat S. Doroth. doc. 10. loquens secum ipso his verbis: *Si tantus labor, tantusque fervor fuit tibi in adipiscenda eloquentia, quanto major tibi nunc adhibenda est cura, ut veras virtutes acquirere valeas?*

11. Dicebat olim quidam ex SS. Patribus, ut refertur in vitis Patrum, virum perfectionis studiosum debere imitari canes venaticos: ut enim hi leporem velocissime, & toto conatu persequuntur, non respectantes, quæ in via sunt, aut offeruntur, sed omnibus oculis, sensibus, & viribus etiam per saxa, sentes, & vepres in leporem feruntur, nec quiescunt, donec eum ceperint: sic virtutis studiosus idem circa virtutem facere debet: quomodo S. Marciarius Anachoreta, teste Theodoro in Philotheo, rogatus a venatore, quid solus, ac otiosus ageret in eremo, respondit: *Ego Deum meum hic venor, nec ab hac pulchra venatione cessabo, donec eum apprehendero*.

12. Religiosus ita se gerat in via virtutis, ut de eo dici possit veraciter: *Consummatus in brevi explevit tempora multa*, Sapient. 4. Quo pacto Eusebius Emisenus homil. 9. ad Monachos dicit: *Non te fallat, quicumque ille est, numerus dierum, quos hic, relicto corporali ter saculo, consumpsisti: illum tantum*

diem vixisse te computa, in quo malis desideris resististi, quem sine ulla regula transgressione duxisti; illum diem vixisse te computa, qui puritatis, & sanctæ meditationis habuisti lucem.

Quæres 21. Quibus monitis incitari debeant Moniales ad perfectam suarum regularum observantiam.

305. Resp. Debere incitari sequentibus monitis, videlicet:

1. Cum Religiosi dicantur Regulares a regula; utique necesse est, ut regulam sui Ordinis observent; alias essent Religiosi æquivoce eo modo, quo hominipictus dicitur homo; & indigne ferrent nomen Regularium: sicque is dici posset, quod olim Magnus Alexander dixit militi illi ignavo: *Aut muta nomen, aut muta mores*.

2. Custodi legem, atque consilium, dicit Sapiens Prov. 3., & erit vita animæ tuæ, & gratia faucibus tuis: sicque docet, perfectionem religiosam, quæ est vera vita Religiosorum, consistere in perfecta regularum observantia, itaut Religioso suæ regulæ transgressor adaptari possit illud Apoc. 3. *Nomen habes, quod vivas, & mortuus es*. Quare sanctus Bernardus epist. 24. ad fratres de S. Anastasio sic scribit: *Rogo vos, fratres, & multum obsecro, sic agite, & sic stete in Domino, dilectissimi, solliciti semper circa custodiam Ordinis, ut Ordo custodiat vos*.

3. De religiosi regulam Ordinis neglectibus dicit S. Prosper lib. de vita contemplat. cap. 4. non mente mutatos esse, sed veste; non actu, sed habitu: quippe qui sermone tantum, non opere seculo renuntiassent contenti seculariter vivunt, & vitia sua inani professione vitæ melioris abscondunt; ac religionis imaginaria nomine palliati, opinionem virtutis pro virtute suscipiunt; prædicant magna, nec faciunt; accensunt vitia, nec deponunt; publice sibi displice-

reſimulant, quod occulte committunt; magni ſtudent videri, non fieri. Quapropter de ſe dicere poſſunt, quod habet S. Bernardus ep. 149. Clamat ad vos mea monſtruoſa vita, mea ærumnoſa conſcientia: ego enim quadam chimera mei ſeculi, nec clericum gero, nec laicum: nam Monachi jamdudum exui converſationem, non habitum.

4. Regulas Ordinum religioſorum vocat alii vincula, quibus tria vota ſubſtantialia colligata conſerventur; alii ſepimenta, quibus lex Dei monita circumſepitur; alii nervos, & oſſa Religionis, ſine quibus myſticum corpus religionis non conſiſtit; alii ſcalam, quæ tot gradibus diſtincta, quot ſunt particulares regulæ, Religioſum obſervantem ad perfectionis culmen attollit; alii aphoriſmos ſpirituales, in quibus continentur præceptiones curandi ſpirituales morbos; alii fulera, quibus ædificium religioſæ perfectionis ſulcitur; alii denique ſpeculum, in quo Religioſus inſpicere poteſt, qualis ſit, ſive pulcher, ſive ſædus, ſive juſtus, ſive injuſtus; utrum proficiat, an deſiciat; utrum Deo placeat, an diſpliceat. Quid autem erit de Religioſo, qui hæc vincula diſſolvat; hæc ſepimenta deſtruat, hæc oſſa contemnat, hanc ſcalam projiciat in terram, hos aphoriſmos præctice ignoret, hæc fulera deſiciat, hoc ſpeculum in minutiffimas partes frangat?

5. Regula religioſa neceſſitatem moralem bene vivendi aſſert: at felix neceſſitas, quæ ad meliora compellit; præterquam quod ejuſmodi neceſſitas progreſſu temporis efficitur voluntaria, juxta illud Hieronymi *epiſt. 4. ad Ruſticum*: Tibi, inquit, cum in Monafterio fueris, hæc facere non licebit, & inoleſcente paulatim conſuetudine quod primum cogoraris, velle incipies, & delectabit te labor tuus, obliſque præſeritorum ſemper prævia ſeſilaberis.

6. De S. Pachomio legimus ei ab Angelo allatam regulam univerſam ipſi, ejuſque Fratribus ſervandam tabulis deſcriptam, in qua ſingillatim omnia explicabantur, quis habitus, quæ munera diſtributio, quæ in viſtu, quæ etiam in accubitu ſervanda eſſet ratio: immo S. Birgitta l. 7. *revelat. cap. 20.* teſtatur, ſibi revelatum fuiſſe a Chriſto, omnes, & ſingulas regulas Ordinum religioſorum divinitus fuiſſe dictatas, & ex aſpiratione Sancti Spiritus. Qua ergo reverentia, ac devotione juſſum Dei implemus, quod nomine ejus ab Angelo indiceretur; eadem debemus obſervare regulas noſtri Ordinis, utpote a Deo ipſo cæliſtis dictatas ex ſpeciali Spiritus Sancti illuſtratione, ac aſſiſtentia.

7. Ex eo autem, quod regula non obliget ad culpam, non ideo facilius violanda eſt; cum non timor culpæ, ſed Dei amor trahere debeat nos ad implendam divinam ejus voluntatem in regula expreſſam, juxta illud *Jo. 14. Si diligitis me, mandata mea ſervate*: & religioſo viro adaptari poſſit, quod in alio ſenſu ait S. Gregorius l. 3. *dial. c. 16. Si ſervus Dei es, non te teneat catena ferrea, ſed catena Chriſti*: quod S. P. N. Ignatius indicavit *par. 6. Conſtitution. cap. 6.* dicens: *Loco timoris offenſa ſuccedat amor, & deſiderium omnis perfectionis; & ut major gloria, & laus Chriſti Salvatoris conſequatur.*

8. Cavendum, ne aliqua regula violetur, eo quod judicetur eſſe de re minima: nam *Lucæ 16.* dicitur: *Qui fidelis eſt in minimo, & in majori fidelis eſt; & qui in modico iniquus eſt, & in majori iniquus eſt*: & 19. *Eccleſ. dicitur: Qui ſpernit modica, paulatim decidet*: Quare S. Bonaventura in *ſpecul. diſcipl. ad novit. in prologo* dicit: *Minima neglecta eo turpius moribus maculam ingerunt, quo vitari facilius cognita poſuerunt*; quod confirmat S. Auguſtinus l. 14.

h. 14. de Civit. Dei cap. 15. dicens de Adami inobedientia: *In Paradiso tanto major inobedientia fuit, quanto id, quod præceptum est, nullius difficultatis fuit.*

9. Cum Luca 22. dicatur de viris tendentibus ad perfectionem: *Qui major est in vobis, fiat sicut minor; & qui præcessor est, sicut ministrator;* hinc conijciant Religiosi ex eo, quod sint antiquiores ætate, ac professione, immo & bene meriti de religione; non ideo ipsis concedi, ut violent regulas; quin potius, quo sunt antiquiores, eo se debent offendere observantiores, providentes bona non tantum coram Deo, sed etiam coram hominibus: iis enim in primis dicitur: *Sic luceat lux vestra coram hominibus, ut videant opera vestra bona, & glorificent Patrem vestrum, qui in Calis est. Matth. 5.*

10. Caveat Religiosus, ne quam ex regulis violet, ut non reputetur scrupulosus; cum potius ex studio regularis observantiæ dicere deberet cum Paulo: *Non erubescio Evangelium.* Christus certe Luca 9. ait: *Qui me erubuerit, & meos sermones, hunc filius hominis erubescet, cum venerit in maiestate sua, & Patris, & Sanctorum Angelorum.* Non scrupulosus, sed observans reputatur Religiosus, qui omni studio abstinet a violanda quacumque regula, etsi minima; & inter Religiosos, qui est exactior in observanda propria regula, eo perfectior, & sanctior existimatur: non est ergo, cur Religiosus de hoc erubescat, quin potius gloriari debet in Domino, neglecto quocumque respectu humano.

11. Ut autem Religiosi perfectius suam observent regulam, confert plurimum, ut illam sibi faciant familiarem; ac bene intelligant, memoriam illius sæpe renovantes illam sive audiendo, sive legendo, immo & attentius medi-

tando. Quomodo S. Augustinus in regula cap. ult. dicit: *Ne per oblivionem aliquid negligatis, semel in septimana vobis legatur* (loquitur de regula); & S. Benedictus mandat suam regulam sæpe legi, *ne quis fratrum se de ignorantia excuset.* Porro ille dicitur habere regulam familiarem, qui cognitionem illius habebit quasi habitualement, ita ut totam habeat in promptu, sicque iudicio practico illam huic, vel illi rei applicare possit, definiendo illam fieri, aut non fieri posse.

12. Cæterum, quia, teste S. Bernardo *tract. de dispensat.*, & *præcepto, pars regula est regularis correctio, & regula transgressio corrigitur per pœnitentiam;* propterea Religiosi non solum prompte, ac humiliter debent implere pœnitentias ipsis a Superiore injunctas pro transgressionibus regulæ, sed etiam debent illas sponte petere a Superiore, & libenter implere: ut hæc cura indicium sit illius, quam de suo profectu spirituali in via Dei quisque habet, ut dicitur *Reg. 51. summarii Constitut. nostra Societatis.* Sic quippe regula conservatur in viridi observantia, ut notat S. Bonaventura *tract. de 6. alis Seraphim ala 2.*, & in hac vita satisfaciennes pro commissis defectibus evadimus pœnam alias in Purgatorio subeundam pro dictis defectibus.

Quæres 22. *Quibus monitis induci debeant Moniales ad perfectam religiosam paupertatis observantiam.*

306. *Resp.* Debere induci sequentibus monitis.

1. Meminerint paupertatem religiosam esse fundamentum Evangelicæ perfectionis; ideoque Christum *Matth. 19.* adolescenti provehendo ad perfectionem dixisse: *Si vis perfectus esse, vade, & vende quæ habes, & da pauperibus;* & merito, cum paupertas primo succidat divitias, honores, ac delicias, quæ
sunt

sunt materia, ac fomes omnium vitorum; pariat humilitatem, quæ est fundamentum sanctitatis; nosque relinquat liberos ab omni cura rerum temporalium, ad effectum vacandi Deo soli, ac virtutum omnium acquisitioni.

2. Paupertas est abdicatio sollicitudinum sæculi, iter ad Deum sine impedimento, expulsio omnis tristitiæ, fundamentum pacis, munditia vitæ, quæ nos liberat curis omnibus vitæ transeuntis, & facit, ut Dei mandata perfecte exequamur, ut notat *Climacus grad. 17.*

3. Cum Christus *Matth. 5.* aliis ferme virtutibus remunerationem polliceatur post hanc vitam, paupertati in præfenti cælorum regnum decernit, dicens: *Beati pauperes spiritu, quoniam ipsorum est regnum cælorum:* sive quia paupertas adeo remota est ab omnibus periculis amittendi gloriam cælestem, ut eam quasi manibus teneat; sive quia ita omnibus curis secularibus expers est, ut etiam in hac vita felicitatis futuræ dulcedinem etiam modo prægustet.

4. Cassianus *collat. ult. cap. ult.* aljudens ad centuplum Religiosis a Christo promissum *Matth. 19.* his verbis: *Omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit,* sic ait: *Quisquis patris unius, vel matris, seu filii pro Christi nomine charitate contempta in omnium, qui Christo serviunt, dilectionem sincerissimam transit, pro uno scilicet tot patres, fratresque habebit ferventiores, ac præstantiores affectu devinctos; multiplicata etiam domorum, atque agrorum possessione ditabitur, quisquis, una domo pro Christi dilectione rejecta, innumera Monasteriorum habitacula tamquam propria possidebit in quacunque orbis parte, velut in sua domus ju-*

re succedens. Quomodo enim non centuplum, & si Domini nostri sententia supra adjici aliquid fas est, plusquam centuplum recipiet, qui decem, vel viginti servorum ministeria infida, & coactitia derelinquens, tot ingeniorum, atque nobilium spontaneo fulcitur obsequio.

5. *Divitias, & paupertatem ne dederis mihi, sed tantum vitæ meo tribue necessaria:* hoc olim efflagitavit Salomon a Deo *Prov. 30.*, & hoc omnino concessum est Religiosis, qui, cum necessaria habeant alimenta aliorum laboribus curata, & Dei benignitate provisa, propria sorte contenti dicunt cum Paulo *1. Tim. 6. Habentes alimenta, & quibus tegamur, his contenti sumus;* & merito, cum habeant proprii victus quasi æconomum, & procuratorem, Deum ipsum, qui dat omnibus affluenter, sicque eos ab omni cura, ac sollicitudine liberet.

6. *Beatum dixerunt populum, cui hæc sunt* (bona scilicet temporalia) inquit David *Psal. 143.*, qui tamen rejicit, ac sugillat sic loquentes, dicens: *Beatus populus, cujus Dominus Deus ejus* (cujusmodi sine dubio in primis sunt Religiosi) non enim bona temporalia beatum efficere possunt hominem, cum sint falsa, vana, & apparentia, ut ostendit S. Chrysostomus, dicens in *1. Tim. 6. Candore lucentis margarita attraheris? cogita maris esse aquam, & in ejus finibus ante jacuisse dejectam: rapit animam auri fulgor, & nitor argenti? cogita terram, ac cinerem ea prius fuisse, ac modo esset: placet pretiosa, & serica vestis? at verminis ille contextus est, opinio est, & humana præsumptio.*

7. *Qui volunt divites fieri, testa Paulo 1. Tim. 6, incidunt in tentationem, & in laqueum diaboli, & desideria multa, inutilia, & nociva, qua mergunt*

gunt hominem in interitum, & perditionem. Quod confirmavit Christus c. 19. *Matth.* iis verbis: *Facilius est camelum per foramen acus transire, quam divitem intrare in regnum celorum.* At Religiosos a periculo salutis adeo gravi liberat religiosa paupertas; quippe qui carnis affectibus exuti, & a terrenis bonis expediti (ut ita dixerim) filo gracili similes per foramen illius mysticæ acus transeunt, spirituales effecti, ut loquitur Gaudentius Brixienfis *serm.* 5. *tom. 2. Biblioth. veterum Patrum.*

8. Cum triplex sit paupertas, alia censu, alia sensu, seu spiritu, & alia censu simul, ac sensu; paupertas Religiosorum, ut sit perfecta, debet esse paupertas & censu, & sensu; quomodo Christus *Matth.* 5. dixit: *Beati pauperes spiritu.* Ea ergo debet esse non necessaria, non coacta, non ex vana gloria, aut alio fine humano; sed voluntaria, libera, & ex Spiritu Sancto. Quamquam, ut bene advertit S. Gregorius *hom.* 10. *in Evang.*, in hoc affectus debeat potius pensari, quam census: *Cum multum relinquit, qui sibi nihil retinet, multum relinquit, qui quantumlibet parum, totum deserit.*

9. Cavendum Religiosis, ne effectum relinquentes quæcumque bona in sæculo possidebant, & quidem magna, in Religione immoderatum retineant affectum erga regulas quasdam parvas, v. g. erga cubiculum, vestem, librum, imaginem, & similia: sic enim vere non essent pauperes; quippe qui, ut loquitur Cassianus *collat.* 4. *Abb. Danielis* c. 21. *vitium cupiditatis, & avaritiæ, quod erga species pretiosas exercere non possunt, circa viliores materias retinentes, non abscidisse, sed immutasse probant pristinam passionem; quasi vero differentia tantummodo metallorum, & non ipsa passio cupiditatis habeatur innoxia: sed idcirco (concludit Cassianus) pratiofo-*

ret abjecimus materias, ut facilius disceremus viliores contemnere. Quod confirmat S. Bernardus *ad Monach. S. Bert.* dicens: *Miserabiliores sumus omnibus hominibus nos Monachi, si pro tam exiguis tanta patimur detrimenta: quid enim insipientia, immo quid insaniam est, ut, qui majora reliquimus, minora cum tanto discrimine teneamus.* Confirmavit & S. Antonius, dum cuidam sæculum renunciare volenti aliquibus in tempus necessitatis sibi reservatis, iussit, ut nudo corpori suo carnes a se emptas imponeret: quod cum fecisset, certatim canes, & aves ad carnem illam rapiendam accurrentes, totum ejus corpus lacerarunt: tunc Antonius: *Qui non renunciant omnibus, sic (inquit) lacerantur a demonibus.*

10. Si quando Religiosis occurrit occasio sentiendi effectum aliquem paupertatis, etiam circa necessaria, illum prompto animo sustinere debent: quomodo in *Constitutionibus nostræ Societatis par.* 3. *cap.* 1. §. 25. dicitur: *Diligant omnes paupertatem ut matrem, & juxta mensuram sanctæ discretionis suis temporibus ejus effectus aliquos experiantur.* Sic etiam S. Basilii *in regulis fustis dispensatis interrogat.* 22. notat 1. *Tim.* 6. dici: *alimenta, & quibus tegamur; non autem dici: oblectamenta, & quibus ornemur;* ut indicet, Religiosum vere non posse dici pauperem, nisi animo sit paratus sentire effectus aliquos paupertatis, eosque occurrente occasione libenter, & prompte sustineat; alias est pauper solo nomine, ac æquivoce. Idque potissimum procedit de iis Religiosis, qui cum in sæculo paupertate premerentur, in religione nullum omnino paupertatis effectum volunt experiri: contra quos invehitur S. Bernardus *super Missus est*, dicens: *Quodque perversum est, plerique in domo Dei non patiuntur haberi contem-*

ptus, qui in sua non nisi contemptibiles esse poterant.

11. *Nolite solliciti esse, dicentes: quid manducabimus, aut quid bibemus, aut quo operiemur, ait Christus fidelibus, & maxime Religiosis Matth. 6. Scit enim Pater vester, quia his omnibus indigetis: nolite solliciti esse in crastinum: crastinus enim dies sollicitus erit sibi ipsi: sufficit diei malitia sua. Quod explicans S. Chrysostomus ibi ait: Nequaquam ulterioris diei cura te conterat; cum ejus enim diei spatium te visurum nescias, quam ob causam illius sollicitudine torqueris? & certe quid prodest sollicitum esse de futuris contingentibus, quæ forte numquam erunt? Religiosi ergo, cum sciant Deum scire, velle, & posse subvenire eorum indigentibus; si sint solliciti circa temporalia, sed omnem sollicitudinem in ipsum devolvant, juxta illud Ps. 154. *Facta super Dominum curam tuam, & ipse te enutriet; se totos dedant ejus servitio, nec sint anxii circa vestitum, ac victum; memores inter ipsos, & Deum initum fuisse hoc quasi pactum, ac sœdus, ut ipsi ex una parte omnia relinquunt (sicut dicebat S. Franciscus) ille vero pro sua parte ipsos sustentet, & alat, non solum ut herus famulos, sed ut pater filios, hœque dilectissimos.**

Quæres 23. *Quibus monitis suaderi debeat Monialibus perfecta Castitatis religiose observantia.*

307. *Resp.* Debere suaderi monitis sequentibus, & quidem:

1. Meminerint ipsis dici, quod habet Paulus 1. *Thessal. 4. Hac est voluntas Dei sanctificatio vestra, ut abstineatis vos ab omni fornicatione: non enim vocavit vos Deus in immunditiam, sed in sanctificationem: cum ergo illi pluries in die recitent orationem dominicam, & dicant, fiat voluntas tua; quo studio debent curare, ut hac in re omnino impleatur Dei voluntas?*

2. Meminerint se esse sponsas Christi, juxta illud Apostoli 2. *Cor. 11. Respondi vos uni viro virginem castam exhibere Christo quomodo Tertullianus de velandis Virginibus c. 16. ait: Nupsisti Christo, illi tradidisti carnem tuam, illi dispensasti maturitatem tuam, incede secundum Sponsi tui voluntatem.* Sicut ergo Sponsa carnalis fidem suam obligat Sponso, cavetque maxime, ne datam fidem violet; ita Monialis per votum castitatis fidem dat Christo, sicque cavere debet, ne eam ullo modo frangat; memor in nulla parte oportere virginem adulteram esse; non lingua, non auribus, non oculo, non alio omnino sensu, immo neque cogitatione, ut loquitur S. Basilus de vera Virg.

3. Dei altare vocat S. Hieronymus ep. 8. Virginem Demetriadem, dicens se intermisisse tractationem de templo Ezechielis, & de altari thymiatis, quam cœperat, ut ad illam Virginem scriberet, *Ut de altari, inquit, transfirer ad altare.* Sicut ergo atrox, execrabilis, & sacrilega omnium judicio reputatur altaris violatio; sic atrox, execrabilis, & sacrilega est violatio virginis Deo per votum promissæ, adeoque omni modo cavenda.

4. Item meminerint, si quam turpitudinem contra castitatem committunt, illam in die judicii a Christo iudice manifestandam esse ad sonitum tubæ non solum Prælati ipsarum, ac Sororibus proprii Conventus, sed etiam parentibus, fratribus, sororibus, aliisque consanguineis, ac amicis: & quidem cum ea ipsarum confusione, quam inde possunt conjicere, quod interdum similes excessus ex nimia verecundia neque Confessario audent aperire, etsi sciant illum sub nullo prætextu posse eos cuiquam aperire, neque ad salvandam propriam vitam.

5. *Sicut voluptatem vicisse magna est*

est voluptas, teste Cypriano lib. de discipl. & bono pudicitia, cum nulla maior sit victoria, quam qua a cupiditate refertur; sic fructus carnis, & concupiscentiæ est dolor, & tristitia; siquidem, ut docet S. Chrysostomus hom. 13. in acta Apost. Impura voluptas similis est voluptati, qua afficiuntur scabiosi, cum se scalpunt: huic enim voluptati, quæ brevis est, succedit longior dolor, & molestia.

6. Cum violatio castitatis magnam post se reliquat confusionem in delinquente, juxta illud Pauli Rom. 6. *Quem ergo fructum habuistis tunc in illis, in quibus nunc erubescitis?* utique omni conatu debet Monialis resistere tentationi impuræ, ut se eximat a tali confusione, quam sensura est tum in die judicii juxta dicta hic n. 4. tum in manifestanda violatione castitatis Confessorio: quæ aliquando est talis, ut dicere possit poenitens cum Davide: *Circumdederunt me dolores mortis, & torrentes iniquitatis conturbaverunt me; dolores inferni circumdederunt me* ut proinde urgens tentatio repelli posset iis verbis: *Non emolanti poenitere.*

7. Caveat Religiosus, ne semel finat se præcipientem agi in foveam carnalis voluptatis, memor impossibilem moraliter ipsi postea futurum egressum ex illa, juxta illud Osee 5. *Non dabunt cogitationes suas, ut revertantur ad Deum suum, quia spiritus fornicationum in medio eorum;* quod confirmat Paulus Eph. 2. dicens: *Spiritus, qui nunc operatur in filiis dissidentie,* intelligens juxta Hieron. nomine spiritus, fornicationis spiritum, qui operari dicitur in filiis dissidentie, idest in iis, qui desperant de sua salute: nec dissentit Sapiens Prov. 2. dum ait de meretrice: *omnes, qui ingrediuntur ad eam, non revertentur:* nec mirum, cum Sapiens vers. præced. dicat *Inclinata est ad mortem domus ejus, & ad inferos semita illius.*

8. Cavendum item est a fornicatione; eo quod illa in corpore hominis defigat stimulos veneris, qui etiam post peccatum, cum vult poenitere, ad pristina illum titillent: quod notavit Sanctus Hieronymus ep. ad Amandum dicens: *Libido etiam in ipso tempore poenitendi præteritos stimulos patitur, & titillationem carnis, & incentiva peccati, ut per hæc, quæ corrigi cupimus, cogitantes sit materia peccandi:* imino & experta est Maria Aegyptiaca, quæ, Sophronio teste in ejus vita, totidem annos, quot veveri servierat (scilicet 17.) hos stimulos poenitens passa est.

9. Insurgente tentatione venerea, meminerit Religiosus momentaneum esse, quod delectat, sempiternum quod cruciat: meminerit quod si consentiat, Deo moritur, seque exponit periculo æternæ damnationis, & si in eo statu moreretur, præceps rueret in infernum, ubi suam deplorans infelicitatem dicere cogeretur cum Ionatha 1. Reg. 14. *Gustans gustavi in summitate virgæ, quæ erat in manu mea, paululum mellis, & ecce morior:* meminerit, quod ait Satyrus: *Ubi voluptas regnat, ibi virtus exulat, brevis voluptas, longa poenitentia est: vix voluptas est, qua abit, venisque more fulminis.*

10. Curet porro Monialis, ut juxta monitum Pauli 1. Cor. 7. sit sancta & corpore, & spiritu: castitas enim corporis sine castitate spiritus Deo non placeat, & nihili apud ipsum æstimatur: sicut nec ab eo æstimatæ sunt virgines fatuæ, sed potius rejectæ verbo illo, *Nescio vos;* quod ipsa gehenna gravius fuit: quem enim nescit Deus, hunc nescit cælum, nesciunt Angeli, nesciunt Beati; sed scit diabolus, scit mors, scit gehenna ad eum jugiter cruciandum. Et quidem quod castitas vera debeat esse tam mentis, quam corporis, indicat Cassianus l. 6. cap. 15. dicens: *Et mulierem ignoro, & virgo*

N a a non

non sum; & Sanctus Hieronymus *ep. ad Paulum* dicens: *Perit & mente Virginitas.*

11. Illius præcepti jugiter meminisse debemus (ait Cassianus *l. 6. instit. c. 13*) *omni custodia serva cor tuum, & secundum Dei principale mandatum sollicite serpentis observa noxium caput, idest cogitationum malorum principia, quibus serpere in animam nostram diabolus tentat: ne, si caput ejus per negligentiam penetraveris cor nostrum, reliquam ejus corpus idest oblectationis assensus illabatur: qui procul si fuerit intromissus, morsu virulentum mentem interimit captivam.* Sic Sanctus Cyprianus *serm. de jejuniis* dicit: *Diaboli primis sitillationibus obviandum est, nec coluber foveri debet, donec in serpentem formetur.*

12. *Si virginitatem animæ integram servare desideras* (inquit Sanctus Augustinus *l. 50. homil. hom. 35.*) *quantum potes, observa blandimenta draconis, ne forte, si incautus fueris, quinque seufus, qui in te sunt, quasi quinque virgines permittas a serpente corrumpi.* Hinc Paulus *1. Cor. 6.* ait, *fugite fornicationem*: alia enim vitia pugnando, sola libido fugiendo vincitur; scilicet fugiendo fœminas, objectas occasiones libidinis, divertendo oculos, & mentem, ut alia videat, & cogitet: nam si turpi cogitationi te opponas, & cogitationi repugnes cogitando, magis commoves imaginationem eorundem, indeque carnem, & concupiscentiam inpatam, ac libidinem profusam magis accendis.

13. Ad profigandas tentationes carnis confert inspicere exempla Sanctorum quo ad hoc nobis relicta; ut sancti Benedicti, qui abjectis vestibus ad hunc effectum se abiecit in urticas, ac spinas, iisque se tamdiu volutavit, donec per cutis vulnera eduxisset vulnus mentis:

Sancti Bernardi, qui ad eundem effectum in vicinum lacum tempestate præfrigida defiliit, in eoque immerfus collo tenuis usque eo constitit, dum exanguis omnem libidinis calorem extingueret; & Sancti Francisci, qui ad talem finem chorda se atrociter verberavit dicens: *Eja frater asine, sic te decet manere, & sic subire flagella*; posteaque in medias nives se abiecit: qua pœna sic ardorem extinxit libidinis, ait S. Bona Ventura *cap. 5. vitæ illius*, ut deinceps tale aliquid minime senserit: quod item in se ipsis experti sunt Sanctus Benedictus, teste S. Gregorio *l. 2. dial. cap. 1.*, & Sanctus Bernardus, teste Surio *in ejus vita.*

14. Cum in vita, & martyrio sanctarum Virginum pulcherrimas Virgines ab impurissimis Tyrannibus promissis, meto, & vi ad struprum sollicitatas, immo publico judicio damnatas sepiissime legamus, nullam tamen violatam, sed omnes Deo, & Angelis tutoribus virginitatem conservasse; merito sperare possunt Moniales, quod, si pro sua virili parte tentationibus veneris resisterint, Deus earum virginitatem proteget, nec sinet eas a teterrimo hoste subjugari.

15. Cum S. Hieronymus *ep. 22. ad Eustochium* de se dicat: *Ille ego, qui obgebena metum tali me carcere ipse damnaveram* (idest Sylvestri eremo) *scorpionum tantum socius, & ferarum sæpe choris intereram puellarum: pallebant ora jejuniis, & mens desideriis aestuabat in frigido corpore, & ante hominem suum jam carne præmorta sola libidinum incendia bulliebant*: quis sibi non timeat, quis non perhorrescat, quis non contremiscat? *Gravem enim, ait Sanctus Augustinus lib. de honest. mul. sortita est castitas inimicum, cui quotidie resistitur, & semper timetur.*

16. Quod ait Sanctus Leo *serm. 1. de nat. Domini*: *Agnosce, o Christiane, dignitatem tuam, & divina consors fa-*

elix

Et ut natura noli in veterem vilitatem degenerare conversatione redire: memento cujus capitis, & corporis sis membrum: reminiscere, quod erutus de potestate tenebrarum translatus es in Dei lumen, & gloriam: potiori ratione dici potest Religio mox consensuro in violationem castitatis: qui sibi item exprobare potest illud Pauli 1. Cor. 6. Tolleus ergo membra Christi faciam membra meretricis? absit. Certe Arnobius lib. 4. congentes Jovem in cygnum, & taurum conversum ad explendas suas libidines sic irridet: O egregia merces culpa; o digna, & pretiosa dulcedo, propter quam superius maximus cygnus fieret, & taurus: quid queso magis infame, ac ignominiosum?

17. De Sancta Gorgonia sorore sua dicit S. Gregorius Naz. *orat. de laudibus illius: Unus illi rubor placebat, quem gignit pudor; unus candor, quem parit abstinentia: nam picturas, & oculorum fucus illis relinquebat, quibus pudori, & probro est erubescere. Caveant ergo Moniales a fucis, pigmentis, aliisque similibus vanitatibus; immo nec coominentur in iis: cum teste Sancto Hieronymo epist. 47. nitens cutis sordidum ostendat animum: & juxta consilium Tertulliani lib. de habitu fœminarum, mulieres honeste, etiam conjugata sumere debeant de simplicitate candorem, de pudicitia roborem, depictos oculos verecundia, & os taciturnitate, inferentes in aures sermonem Dei, annexentes cervicibus jugum Christi: post quæ concludit Tertullianus: Taliter pigmentata Deum habebitis amatorem.*

18. Caveat Monialis, ne suo aspectu iniiciat iis, quibus cum agit, offensionis scandalum: memineritque quod ait Sanctus Bernardus de Grad. humilis. loquens de Dina egressa, ut videret mulieres regionis illius, Gen. 34. O Dina, inquit, quid necesse est, ut videas

mulieres alienigenas? qua utilitate? an sola curiositate? & si tu otiose vides, sed non otiose videris; tu curiose spectas, sed curiosus spectaris: quis crederet tunc illam tuam curiosam otiositatem, vel otiosam curiositatem fore post non sic otiosam, sed sibi, tuis, hostibusque tam perniciosam? in quam facile a curiosis aspectibus in perniciosos deciduntur; sicque cavendum a curioso, ne decidatur in perniciosos.

19. Confert plurimum ad evincendas carnis tentationes meditatio Passionis Christi: ideoque Sanctus Augustinus in manu. cap. 32. ait nullum tam potens esse, & tam efficacem medicamentum contra ardorem libidinis, sicut est mors Redemptoris. Quod confirmat Hugo S. Victor. l. 3. de ani. cap. 23. dicens: Quoties te sentis turpibus cogitationibus pulsari, & ad illicitam delectationem affici, toties pone ante mentis oculos, quo modo Christus in Cruce est Crucifixus pro te: intueri, quomodo a Juda Judæis traditur, & quam viliter pertrahatur, blasphemetur, & colaphizetur, judicetur, & condemnetur, expoliatur, & flagelletur: ad ultimum vero contumeliis affectus inter duos latrones suspenditur, clavibus Cruci affixus, spatii derisus, spinis coronatur, lancea perforatur: ex omnibus partibus sanguis emanat, & inclinato capite emittit spiritum. Ita Redemptor tuus moritur pro te, & tu uescis cujusmodi sordida cogitatione sordidaris in mente? Idem confirmat & Sanctus Bernardus in formula honeste vite his verbis: Deus meus peudet in patibulo, & ego voluptati operam dabo.

20. Confert item ad profligandas carnis tentationes meminisse novissima hominis, mortem, judicium, infernum, ac Paradisum juxta illud Eccl. 7. In omnibus operibus tuis memorare novissima tua, & in aeternum non peccabis. Sicut

enim (inquit Sanctus Iſidorus *lib. de sum. mo bono*) *clavus clavum expellit, ita ſepe recordatio ardoris gebennæ ardorem excludit luxuria*. Sic etiam dicit Sanctus Gregorius *lib. 26. mor. cap. 31. Nihil ſic ad edomandum deſiderium carnalium appetituum valet, quam ut unusquisque hoc, quod vivum diligit, quale ſit mortuum, penſet*. Quo modo pius Eremita Scythiæ ad extinguendam recordationem fœminæ defunctæ, cujus memoria ſæpe ipſi recurrebat, ingreſſus ejus ſepulchrum partem putridi cadaveris inde abſtulit, eamque pannis involutam ſervavit, ad ſenſum quemcumque libidinis fœctorem illum applicans naribus non minori victoria ſui, quam ſenſus moleſtia.

21. Invaſcente carnis tentatione Religioſus fe ipſum ſic compellat: *Si mon eſſem moriturus, conſentirem ne huic tentationi?* minime vero: cur ergo non facis modo, quod tunc faceres; cum mors ſit certiſſima, & ejus hora incerta? De quodam Sancto ſene dicitur in *vitis Patrum*, quod, cum vidiffet quendam ridentem, ei dixit: *Coram cæli, & terræ Domino rationem totius vite noſtræ reddituri ſumus, & tu rides?*

22. Si Religioſus videat ſe eſſe in periculo ſuccumbendi tentationi, bene ponderet hæc tria verba, *Nunc, Statim, Nunquam*: nunc poſſum mori; ſtatim deſcendere in infernum; nunquam inde exire: ſicque reprimet vehementem impetum tentationis, Deo dante.

23. Conſert etiam ad evincendas tentationes carnis, quod Religioſus cor ſuum munit ſigno Crucis, devote imploret Sanctiſſimum nomen Jeſu, ſe commendet B. Virg. Mariæ, Angelo Cuſtodi, Sanctis tutelariſus; attente inſpiciat imaginem Crucifixi; renovet votum Caſtſitatis jam emiſſum, & aliquam brevem recitet orationem; qualis maxime eſt ea, qua utebatur Sanctus Au-

guſtinus *l. 10. confeſſ. cap. 29. Continentiam jubes; da quod vis, & illa Iſai. 38. Domine, vim patior, reſponde pro me, & ſimiles*.

24. Conferet denique ad carnis tentationes proſternendas fuga otii: nam multam malitiam docuit otioſitas, ait Sapiens *Eccl. cap. 36.*, & teſte Ovidio, *Otia ſi tollas, periere Cupidinis arcus*; quare ait Sanctus Hieronymus *ep. 4. facito aliquid operis, ut te ſemper diabolus inveniat occupatum*.

Quæres 24. *Quibus monitis incitari debeant Moniales ad perfectam Religioſæ obedientiæ obſervantiam?*

308. *Reſp.* Debere incitari ſequentibus monitis; videlicet.

1. Meminerint, quod ait Sanctus Bernardus *de præcep. & diſpenſ. ſive Deus, ſive homo Dei Vicarius aliquid juſſerit, quodcumque illud fuerit, pari obſequendum cura, pari reverentia deſerendum eſſe; ubi tamen Deo contraria non præcipit homo*. Sicut ergo prompte, & libenter implemus præceptum, quod forte Chriſtus imponeret nobis in ſpecie viſibili apparens; ſic prompto, & alacri animo implere debemus præcepta Superioris; cum is Chriſti perſonam repræſentet, & Chriſtus ipſe *Luca 10. de eo dicat: Qui vos audit, me audit. Quid enim intereſt*, addit S. Bernardus loquens de Deo, *utrum ipſe, aut per ſuos miniſtros, ſive homines, ſive Angelos hominibus innotefcat ſuum beneplacitum*.

2. Quod dicit Paulus 6. *Epheſ. Servi obedite dominis carnalibus cum timore, & tremore in ſimplicitate cordis veſtri, ſicut Chriſto; non ad oculum ſervientes, quaſi hominibus placentes, ſed ut ſervi Chriſti facientes voluntatem Dei ex animo cum bona voluntate ſervientes, ſicut Domino, & non hominibus*; potiori ratione convenit Religioſis, qui proinde non levem Deo inferrent injuriam, ſi ejus juſſa per Superiorem mani-

manifestata ægre, ac negligenter imple-
rent perinde ac si simpliciter obedirent
homini; seque singulari merito obedi-
entiæ privarent, si Superiori parerent ad
ejus favorem aucupandum, & concilian-
dam benevolentiam; ita ut & de iis di-
ci posset: *Receperunt mercedem suam*,
Matth. 6.

3. Religiosa obedientia maxime de-
bet elucere in Religioso; quippe quæ,
teste S. Gregorio *lib. 35. mor. c. 10. Sola*
virtus est, quæ virtutes cæteras menti
inserit, insertasque custodit. Quo mo-
do in aliquibus Ordinibus in professione
expresse promittitur sola obedientia ju-
xta regulam sub voto obedientiæ com-
prehendendo etiam votum paupertatis,
& castitatis: ita ut Religiosus sine ob-
edientia non sit vere Religiosus. Immo
scapulare ipsum, quod Religiosi collo-
injiunt, ipsos admonet obedientiæ, ut-
pote representans jugum Christi, quod
subit Religiosus per votum obedientiæ.

4. Obedientia facit aurea, & valde
meritoria quæcumque agit Religiosus:
sicque S. Franciscus cedens Generalis of-
ficio petiit Guardianum, cujus volunta-
ti per omnia subjaceret: aiebat enim tam
uberem esse fructum obedientiæ, ut eis,
qui jugo ipsius colla submitterent, nihil
temporis sine lucro transiret: unde &
fratri, cum quo solitus erat itinerari sem-
per obedientiam promittere solebat, &
servare, ut refert S. Bonaventura *in ejus*
vita cap. 6. Quare cibum sumere, cura-
re corpus, ambulare etiam causa recrea-
tionis, & alia opera ejusmodi sive natu-
ralia, sive etiam necessaria, si ex obe-
dientia fiant, magnam apud Deum acqui-
runt gratiam, suntque valde meritoria.

5. Obedientia, ait Climacus *gradu 4.*
est perfecta abnegatio propriæ animæ,
*& proprii corporis, mors voluntaria, vi-
ta sine sollicitudine, navigatio sine dam-
no, sepultura voluntatis, vita humili-
tatis, & quasi si quis dormiendo iter fa-*

ciat. Vivere in obedientia nihil aliud
est, quam suam onus aliorum numeris
imponere; natare super aliorum vlnas,
& sustentari in aquis, ne mergamur, sed
sine periculo hoc grande pelagus hujus
vite transeamus, & quidem brevissima
navigatione. Quod si tot, & tanta bona
proveniunt ex obedientia, an non illam
toto affectu prosequi debemus?

6. Religiosum teneri obedire, etiam
in rebus spiritualibus, & in iis, quæ per
se bona sunt, docent S. Bernardus *serm. 1.*
de convers. Pauli, dicens: Grande ma-
lum propria voluntas, qua fit, ut bona
tua tibi bona non sint; & S. Basilii *in*
exhort. ad vitam monasticam his verbis:
Hoc apud te constanter teneto, ut nihil
omnino quidquam præter illius (idei Super-
ioris) sententiam facias: quidquid
enim, eo insciente, facis, id furtum, &
sacrilegium est, tibi que exitium, non au-
tem utilitatem ullam apportat, esto tu id
bonum judices. Ut proinde Religiosi ex
propria voluntate bona operantes cog-
antur dicere cum *Isaia cap. 58. Quare*
jejunavimus, & non aspexisti; humili-
avimus animas nostras, & nescisti? ecce
in die jejunii vestri invenitur voluntas
vestra. Caveat ergo Religiosus, ne con-
tra Superioris voluntatem oret, jeju-
net, corpus flagellet, & alia pia opera
exerceat: hæc enim Deo non erunt ac-
cepta, sed diabolo, cui ea censentur ob-
lata tanquam sacrificia absque ullo me-
rito operantis.

7. Obediendum est non solum Supe-
rioribus in capite, sed etiam illorum Of-
ficialibus subordinatis in rebus omnibus
ad ipsum munus pertinentibus: si enim
his non præstetur integra obedientia,
neq; ulli Superiorum præstaretur; quan-
doquidem vera obedientia non conside-
rat personam, cui fit, sed propter quem
fiat; & si propter solum Creatorem,
& Dominum Christum fiat, eidem om-
nium Domino obeditur. Unde nulla ra-
tione

tione considerandum est, an sit coquus, vel Superior domus; an hic, vel ille sit, qui jubet: quandoquidem non illis, nec propter illos (sane intelligendo) ulla obedientia prestat, sed soli Deo, & propter solum Deum.

8. Caveat Religiosus, ne Superioris voluntatem ad proprios sensus trahat: nam *quisquis vel aperte, vel occulte fasagit, ut, quod habet involuntate, hoc ei spiritualis Pater injungat, ipse se seducit, si sibi quasi de obedientia blandiatur: neque enim in ea re ipse Pralato, sed magis ei Pralatus obedit*, ut loquitur S. Bernardus *serm. de 3: ordinibus Eccl. ad Patres in capitulo*, addens religiosum, qui modo dicto inducit Superiorem ad præcipiendam ei, quæ sunt grata, & accepta, similem esse cæco illi, cui Christus *Marci 10. dixit: Quid tibi vis faciam? qui verò cæcus*, inquit S. Bernardus, *quia non consideravit, non expavit, non exclamavit: Absit hoc, Domine, tu magis dic, quid me facere velis: sic enim decet, sic omnino dignum est non meam a te, sed a me tuam quæri, & fieri voluntatem.*

9. Quam prompta debeat esse obedientia, ostendit S. Bernardus *serm. de obedientia*, dum ait: *Fidelis obediens nescit moras, fugit crastinum, ignorat tarditatem, prævenit præcipientem, parat oculos visui, aures auditui, linguam voci, manum operi, itinere pedes, totum se colligit, ut imperantis colligat voluntatem.* Sic p.6. *Constit. Societatis nostræ c.1. §.1. dicitur: Omnibus in rebus ad ejus vocem* (id est Superiori) *quam promptissimi sumus, re quavis, atque adeo litera a nobis inchoata, nec dum perfecta relicta.* Unde, dato signo adeundi chorum, aut refectorium, vel faciendi aliquam aliam obedientiam, dicere deberet obediens religiosus cum sanctis Magis: *Hoc fi-*

gnum magni Regis est, eamus, & offeramus ei munera. Sic etiam Albertus Magnus *lib. de virt. cap.3. ait: Verus obediens nunquam præceptum expectat, sed solum voluntatem Pralati sciens, vel credens ferventer exequitur pro præcepto.*

10. Verus obediens semper debet optare, ut sibi præcipiantur res ingratae, difficiles, ac sensui repugnantes; quod indicat S. Gregorius *l. 35. mor. cap.13. dicens: Debet obedientia in adversis aliquid ex suo habere, & in prosperis ex suo aliquid omnino non habere.*

11. In eo consistit perfecta obedientia, quod Religiosi non solum in executione externa eorum, quæ injunguntur, integre, prompte, ac fortiter pareant, & quidem cum humilitate debita, sine excusationibus, & obmurmurationibus, licet difficilia, & secundum sensusualitatem repugnantia jubeantur; verum etiam contentur interius reificationem, & veram abnegationem propriæ voluntatis; & judicii habere; voluntatem, ac judicium suum cum eo, quod Superior vult, & sentit in omnibus rebus (ubi peccatum non cerneretur) omnino conformantes, proposita sibi voluntate, ac judicio Superioris pro regula suæ voluntatis, & judicii; ut dicitur *par.3. Con. cit. Societatis c.1. n.23.*

12. Non repugnat perfectioni obedientiæ, quod Religiosus agnoscens aliquid sibi nocere, vel quid aliud necessarium sibi esse circa victum, vestitum, habitationem, officium, aut exercitationem, ea de re Superiorem moneat, duobus interim observatis; nimirum ut religiosus prius se recipiat ad orandum, & si post orationem putet rem debere deferri ad Superiorem, deferat; ubi verò detulerit, sive verbo, sive scripto, ei totam curam rei delatæ relinquat; quidquid ille statuerit, optimum ducens,

cens, nec contendens, aut urgens per se, vel per alium; siue res petita concedatur, siue non, ut habetur *par. 3. Constit. Societatis nostræ cap. 2. num. 1.* In isto autem casu non est orandum obiter & perfunctorie, sed coram Deo attente considerandum est, an ad maiorem Dei gloriam expediat rem illam proponere, nec ne; & res ipsa debet proponi cum debita indifferentia, absque animo trahendi voluntatem Superioris ad sensum Religiosi petentis; qualis petitio fuit facta à Maria V. in nuptiis Canæ Gallilææ, dum dixit: *Vinum non habent Jo. 2. & à Sororibus Lazari, Jo. 11. Ecce quam amas, infirmatur.*

13. Religiosus ex eo, quod Superior ei aliquid præcipit voluntati ipsius repugnans, non ideo debet contristari, aut de eo conqueri, aut obloqui, memor facta Superiorum oris gladio ferienda non esse, quamvis reprehendenda videantur; alias Superior non audebit præcipere utilia subdito, sed ei solum proponet, quod ei est gratius, ac iucundius; siquæ subditus non solum obedientiæ merito privabitur, sed etiam periculo æternæ salutis exponetur: Quod insinuat Paulus *Hebr. 13.* iis verbis: *Obedite Præpositis vestris, & subiacete eis: ipsi enim pervigilant quasi rationem pro animabus vestris reddituri; ut cum gaudio hoc faciant, & non gementes: hoc enim non expedit vobis.*

Quod ait Seneca *ep. 94.* *Legem brevem esse oportet, quo facilius ab imperiis tenentur, velut emissæ divinitus vox sit: jubeat, non disputet, nihil videtur mihi frigidius, nihil ineptius, quam lex cum prologo: mone, dic quid me velis fecisse; non disce, sed parco: quod, inquam, ait Seneca, sæpe inculcandum Religiosis, qui iussu Superiorum non implent, nisi longo persuasione inducantur: ita ut Superior cenferi possit cum iis potius disputare, quam iis præcipe-*

re. Quo modo S. P. Ignatius, cum dixisset se non dubitaturum absque velo, ac remis turbulento mari se se committere, si ei id præciperet Superior; & sciolus nescitis quis dixisset: *Quæ hæc prudentia foret? respondit: Viacris id, qui imperat: nec enim ad subditum spectat Prælati sui iussa discutere, &c.*

Quæres 25. *Quibus monitis incitari debeant Moniales ad vitanda commercia secularium.*

309. *Resp.* Incitari debere sequentibus, & quidem.

1. Meminerint quod, teste S. Ambrosio in exhortat. ad Virgines, decet solitudo verecundiam, & gymnasium pudoris secretum est. Quod est dicere scientias quidem in publicis scholis excolendas esse, castitatem in secretis. Quo pacto quæ in Latina editio dicuntur *Virgines* in Scripturis sacris, in Hebræa nominantur *Abcondite*: quasi latebræ sint ita propriæ virginum, ut non aliunde melius, quam ab illis nomen sortiantur.

2. Audiant, quod dicit S. Hieronymus *ep. ad Eustoch. de custodienda virginis. Tu semel sæculi onere profecto, ait, sede ad pedes Domini, & dic: Inveni eum, quem quærebat anima mea; tenebo eum, & non dimittam. Semper te cubilis tui secreta custodiant; semper tecum sponsus ludat intrinsecus: oras, loqueris ad sponsum: legis, ille tibi loquitur: ab eo audies: Hortus conclusus, soror mea sponsa, fons signatus: cave, ne domo exeas, & velis videre filias regionis alienæ: Dina sponsa corrumpitur: nolo te sponsum quærere per plateas, &c.*

3. Dixit quidam (ait Thomas de Kempis *l. 1. de Imitat. Christi cop. 20. num. 2.*) quoties inter homines fui, minor homo redii: hoc sæpius experimur, quando diu confabulamur: facilius est omnino tacere, quàm verbo non excedere; facilius est domi latere, quam for-

ris

ris se posse sufficienter custodire: qui igitur intendit ad interiora, & spiritualia pervenire, oportet eum cum Jesu a turba declinare: nemo secum apparet, nisi qui libenter latet.

4. *Caveas tumultum hominum, quantum potes* (ait idem *Thomas sup. cap. 10.*) *Multum enim impedit tractatus secularium gestorum, etiamsi simpliciter intentione proferantur: cito enim inquinamur vanitate, & captivamur. Vellem me pluries tacuisse, & inter homines non fuisse; sic ille, & bene; nam, ut ait Plato lib. 5. de leg. Qui se improbis immisceat, necesse est eadem pati, & agere, quæ tales agere, & loqui inter se didicerunt.*

5. Periculosa est conversatio Monialis cum secularibus: quod enim dicebat Senior ille apud *Moschum in Prælo spirituali cap. 217.* *Sal ex aqua est, & si appropinquaveris aqua, continuo solvitur, & deficit. Monachus similiter ex muliere est; itaque si appropinquaveris mulieri, solvitur & ipse, atque in id desinit, ut jam Monachus non sit:* hoc idem procedit de Moniali conversante cum viro; & est eadem ratio de utroque. Certe *S. Ephraimus heresi 26.* censet Christum *Jo 20.* prohibuisse Magdalene, ne ipsum tangeret, ut nobis daret exemplum perfectissimæ castitatis, qua cautela agendum sit cum sœmiis, nimirum coram aliis, & non seorsim: nam qui noluit tangi à Magdalena, cum esset sola, paulo post permisit se tangi in præsentia aliarum mulierum: ut hinc videant Moniales, quam exacte debeant curare, ut absque assistentia Auscultatricum non agant cum secularibus, & maxime cum viris.

6. Monialis dum sæculares ad ipsam accedentes alloquitur, ea circumspèctione loquatur, ac si Christus ex improviso appropinquans iis dicturus esset, quod dixit *Discipulis euntibus in*

Emmaus: Qui sunt hi sermones, quos confertis ad invicem? ideoque non nisi pios, ac Sanctos sermones misceat, qui deceant personam religiosam, memor in die iudicii reddendam esse rationem de quocumque verbo otioso, *Matth. 12.* quod si de verbo otioso, an non reddenda erit de detractionibus, & aliis peccatis, etiam gravioribus, quæ committantur à Monialibus in collocutoriis?

7. *Nemo vestrum parvi aestimet tempus, quod in verbis consumitur otiosis* (ait *S. Bernardus serm. de triplici custodia*) *siquidem tempus acceptabile est, & dies salutis: volat verbum irrevocabile, volat tempus irremediabile, nec advertit insipiens, quid amittat. Libet confabulari, ajunt, donec hora pertransit: donec prætereat hora, donec pertransit tempus, donec prætereat hora, quæ tibi ad agendam penitentiam, ad obtinendam veniam, ad acquirendam gratiam, ad gloriam promerendam miseratio Creatoris indulget: donec transsit tempus, quo divinam tibi repropitiare debueras pietatem, properare ad Angelicam societatem, suspirare ad amissam hereditatem, aspirare ad promissam felicitatem.* &c. hæc Bernardus, quæ utinam attentius meditentur Moniales, quæ adeo sunt adiectæ sæcularium conversationi, & ita frequentant collocutoria. Certe Paulus *1. Cor. 7.* ait: *Tempus breve est, reliquum est, ut, & qui uxores habent, tanquam non habentes sint, & qui emunt, tanquam non possidentes, & qui utuntur hoc mundo, tanquam non utantur.*

8. O si bene cogitaremus, quam breve tempus sit agonis, & cursus nostri, quam volet irrevocabile tempus, quam ab hoc momento pendeat æternitas; quam fervidi, & assidui essemus in omni bono opere: quod enim modo negligimus, per totam æternitatem reu-

peraq

perari nequibit ; quia brevi finiatur omne tempus vivendi , agendi , merendi : *juravis Angelus* , ait *Jo. Apoc. 10.* *quia tempus non eris amplius* . Quod si de Tito Vespasiani filio refertur , cum quadam nocte sero meminisset se nihil boni ea die fecisse , amicis dixisse : *Hodie diem perdidisti* ; nos non putamus perire nobis horam , diem , momentum , tempus , ætates , cum otiosum verbum loquimur , pro quo redditori sumus rationem ?

9. Nec solitudo monasterii religiosi est adeo gravis , atque molesta , ut ad declinandam illius molestiam debeant se convertere ad conversationes secularium : nam *Sanctus Hieronymus Ep. 4. ad Rusticum Monachum* dicit : *Videant alii , quid sentiant : unusquisque enim suo sensu ducitur : mihi oppidum carcer , & solitudo Paradisus* . Quod confirmat *S. Bernardus Ep. ad Fratres de Monte Dei* , dicens : *Nunquam minus solus , quam cum solus* . Confirmat & *Thomas de Kempis sup. c. 20. n. 5.* his verbis : *Cella continuata dulcescit , & male custodita tedium generat : si in principio conversationis tue bene eam incolueris , erit tibi postea dilecta , & gratissimum solatium* .

10. Solitudo amplectenda a Religioso , si attente , ac fructuose velit vacare orationi , ac meditationi : ex conversatione enim habita cum secularibus multa audiuntur , ac videntur , quæ tempore orationis recurrunt , & animum innumeris distractionibus replent . Ut proinde *Thomas de Kempis sup. cap. 20. num. 8.* dicat : *Claude super te ostium tuum , & voca ad te Jesum dilectum tuum : mane cum eo in cella , quia non invenies alibi tantam pacem : si non exisses , nec quidquam de re moribus audisses , melius in bona pace permanisses* . Certe de quodam Eremita refert *Cassianus in monast. instit. l. 3. c. 32.* quod cum missum ad se literarum fasciculum ex Patria accepisset , illud ne resignare quidem voluit , sed in ignem coniecit di-

cens : *Ite cogitationes patriæ , pariter concremami , ne me ulterius ad illa , quæ fugi , revocare tentetis* .

Quæres 26. *Quibus monitis excitari possint Moniales ad averfandum peccatum quodcunque mortale* .

3 10. *Resp.* Posse excitari sequentibus monitis ; nimirum .

3. Considerent ex unico Adæ peccato quot millionum hominum morbi , fames , ærumnæ , neceque proveniant ; quam multi , & parvuli , & adulti propter illud damnentur ; quod Dei Filius ad illud expiandum mori debuerit ; & ubi voluptas ad peccandum sollicitaverit , dicant : *Ego tantillo pretio mortem , & æternum pœnitere non emo* .

2. Considerent per unicum peccatum mortale hominem e Dei gratia , amicitia , ac familiaritate exturbari , spoliari participatione meritum Christi usque dum pœnitentiam agat ; exui donis Spiritus Sancti , ac virtutibus infusus , amittere pacem , ac serenitatem conscientie , privari consolatione Spiritus Sancti , participatione bonorum Ecclesiæ , merito , ac fructu bonorum operum , ac denique vita æterna . Rursus homo per unicum mortale peccatum fit capitalis Dei inimicus , diaboli mancipium , peccati servus , reus æternæ damnationis , insipiens , crudelis , sordidus , fœtens , & spiritualiter mortuus .

3. Si quis cum Symeone Stylite annos 49. vel certè 50. ut vult *Baronius* , stetit per diem , & pernox sub dio in columna faciendæ pœnitentie causa : cum Romualdo asperrime annos 100. vixisset in Brema : per annos 38 summa patientia cum Virgine Liduina sustinisset molestissimas , ac gravissimas infirmitates cujusvis generis , & maximum peculium meritum tam operando quam patiando lucratus fuisset ; totum hoc meritum per unicum mortale peccatum ipsi perit , nisi redeat in gratiam & perinde est , ac si nihil boni unquam feci set .

4. Si confensus in peccatum mortale certo sciret se, eo commissio, statim projiciendum esse in fornacem ardentem, ibique detinendum per horam; certe pro viribus resisteret tentationi, nec ullatenus consentiret: idque etsi solum per horam in pœnam commissi peccati esset detinendus in olei ebullientis dolio: & consentit homo in peccatum mortale sciens se sic exponi periculo arrendi per totam æternitatem in fornace ignis infernalis: ubi est consilium? ubi prudentia? ubi sapientia? Certe S. Edmundus Cantuariensis dicebat se malle insilire in rogum ardentem, quam peccatum ullum scienter admittere in Deum.

5. Cum Aloysia uxor Thomæ Mori ad ipsum Thomam ab Henrico VIII. Angliæ Rege submissa fuisset in carcerem ad tentandum ejus animum, ut Regis libidini assentiretur, eique ad hunc finem, suam, mariti, ac familiæ miseram sortem proponeret, alia ex parte ipsi ostendens magnas opes, ac honores a Rege promitti, si consentiret: *Quandiu* (inquit Thomas) *o Aloysia, bisce epibus fruemur?* ea respondente, *facile adhuc ad 20. annos, marite mi;* mox increpans, & indignans ille subjunxit: *Vade, o stulta mercatrix: ego ne pro 20. annis modicæ felicitatis vendam annos æternos felicitatis celestis? non ita desipio; quin vero malo carcerem, hunc tota vita, bonorum confiscationem, opprobria, mortemque ipsam pati, quam æternitatem meam beatam prodigere.* Quod dixit Thomas Aloysiæ, dicere debet homo propriæ carni, quoties incitatur ad mortale peccatum.

6. Peccatum mortale formidandum magis est, quam ipse infernus: sicque Eleazarus 2. Macc. 6. dicebat se malle præmitti in infernum, quam in peccatum: & S. Anselmus teste *Elينو in ejus vita lib. 2.* dicere solebat, si hinc peccati horrorem, hinc inferni dolorem corporaliter cerneret, & necessario uni

eorum immergi deberet, se prius infernum, quam peccatum appetiturum. Quod idem S. Anselmus repetit *lib. de Beatit. c. 19.* his verbis *malle purus a peccato gehennam intrare, quam peccati sorde pollutus calorum regna tenere.*

7. Peccatum mortale merito vocatur deicidium, & chrislicidium; cum homo peccans mortaliter, quantum est in se, iterum Christum crucifigat, juxta illud Pauli *Rom. 6. Rursum crucifigentes sibi metipsos Filium Dei.* Quæ major impietas, ac ingratitudo? Sicut ergo summe averfamur impietatem Judæorum, qui Christum mortalem crucifixerunt in Calvariæ monte, & iis pro viribus resistimus, si licuisset; cur modo toto animi conatu non resistimus peccato, per quod Christus iterum crucifigitur? cum id facere possimus, & teneamur.

8. Peccatum mortale inde etiam summopere averfandum, quod S. Augustinus *lib. 5. contra Julian. cap. 5.* docet peccata sequentia esse pœnas peccatorum præcedentium (quod est dicere esse peccatorum inter se colligationem, & velut catenam, in qua alia sint causa sequentium peccatorum, alia pœnæ præcedentium) sicque dicit: *Crimina criminibus vindicantur, & supplicia peccantibus non tantum sunt tormenta, sed & victorum incrementa.* Quo modo *Psal. 80.* dicit Deus: *Dimissi eos secundum desideria cordis eorum; ibant in adinventionibus suis.*

9. Peccatum mortale est injuria Deo facta ita gravis, ut licet omnes homines, & Angeli universi sponte sua omnia tormenta gehennæ per totam æternitatem paterentur, unquam pro uno peccato mortali dignam pœnitentiam, & satisfactionem Deo præstarent: sicque solus Christus id facere potuit, ut, pote Dei Filius, ac verus Deus, ejus satisfactio ratione personæ, quæ est dignitatis infinite, est infinita & æqualis, atque condigna injuriæ infinite factæ Deo infiniti.

finito: tanta est malitia peccati mortalis.

10. *S. Anselmus lib. de similitudinibus cap. 189.* ostenditur, quam difficile corrigatur peccator habitualis, illum assimilat aviculæ filo diaboli ligatæ, & ait: *Inftar hujus pueri jocatur diabolus cum peccatoribus, quos irretitos suis laqueis pro sua voluntate in diversa vitiorum impedimenta pertrahit. Sunt enim multi avari, ebriosi, luxuriosi, qui proponunt avaritiam, gulam, libidinem deserere, & putant inftar avis se libere avolaturos: sed quia pravo usu irretiti ab hoste tenentur, nolentes in eadem vitia dejiciuntur, fitque hoc sapiens, nec omnimode liberatur, nisi magno conatu, & gratia Dei suis rumpatur pravæ consuetudinis.*

11. Porro ad vitandum peccatum mortale omnino necessarium est vitare occasionem proximam illius: qui enim amat periculum, peribit in illo, ait Sapiens Eccl. 3. hinc ait Innocentius in Psal. 37. *Fuge personam suspectam, locum idoneum, tempus aptum, & quidquid est opportunum ad faciendum peccatum: quia, sicut difficile est in igne esse, & non ardere, ita difficile habere opportunitatem peccandi, & non peccare.* Quod confirmat Seneca Epist. 117. ad Lucillum, dicens: *Quantum possumus a lubrico recedamus: in sicco quoque parum firmiter stamus.*

Quæres 27. *Quibus monitis incitari debeant Mortales ad averfanda peccata etiam venialia.*

311. *Resp.* Incitari debere monitis frequentibus, videlicet.

1. Cavendum a peccatis venialibus, ne ruamus in mortalia: nam, ut ait S. Chrysost. hom. 87. in Matth. *Nemo repente ad extremam improbitatem infiliit: habet quippe insitum quemdam animæ pudorem, atque innatum, quem subito calcare, atque projicere non potest, sed sensim, & paulatim ex negligentia*

parit. Sic ille, & merito: quia vultus sequitur cogitatio, cogitationem delectatio, delectationem consensus, consensum opus, opus consuetudo, consuetudinem necessitas, necessitatem desperatio, desperationem damnatio, ut notavit Glos. in c. 31. Jobi.

2. *Mirabile quiddam, atque inauditum dicere audeo, (inquit S. Chrysostomus, ubi supra,) solet mihi nonnunquam non tanto studio magna videri peccata esse vitanda quam parva, et vilicilla cum ut averfemur, ipsa peccati natura efficit: hæc autem hæc ipsa res, quia parva sunt, desides reddunt, & dum contemnuntur, non potest ad expulsionem eorum animus generose insurgere: unde cito ex parvis magna fiunt negligentia nostra.*

3. *Sane nescio (ait S. Hieron. Ep. 14. ad Celant.) an possimus leve aliquod peccatum dicere, quod in Dei contemptum admittitur: estque ille prudentissimus, qui non tam considerat, quid sit, quam illum, qui jusserit: nec quantitatem inperli, sed imperantis cogitat dignitatem.*

4. *Tu, qui dicis (loquitur S. Augustinus serm. 244. de tempore de negligente peccata levla) quia parvum peccatum est: velim scire, quoties tale peccatum admittis, si tot parvulas plagas in corpore, & tot maculas, aut scissuras in vestibus tuis fieri velis? cum ergo nec in corpore tuo plagas, nec in veste tua scissuras, vel maculas fieri acquiescis, qua conscientia hoc facere in anima tua non metuis? æsi quicunque hoc fecerit, plus amet vestem suam, & carnem suam, quam animam.*

5. In eandem sententiam idem S. Augustinus lib. de 10. ebordis cap. 11. sic habet: *Attendite, minuta sunt, non sunt magna (loquitur de peccatis venialibus) non est bestia quasi Leo, ut uno morsu guttur frangat: sed bestiarumque minuta necant: si projiciatur quisquam in locum pulcibus plenum, numquid non moritur ibi? non sunt*

quidem majores; sed infirma est natura humana, qua etiam minutissimis bestiis interimipoteſt. Sic & modica peccata attendite, quia modica ſunt, & cavete, quia multa ſunt.

6. *Quando parvam animi perturbationem ſuſceperis, ne eam neglexeris, quod parva ſit; ſed conſidera, quanta mala parias: nam ſi in domo parvum aliquid ſtuppa accenſum viderimus, conturbamur, & tumultum movemus: non enim attendimus initium, ſed ex initio ſinem conſiderantes movemur, & concurrimus, ut totum caminum extinguiamus: hoc igne vebementius exedit animam peccatum: ita Sanctus Chryſoſtomus in Pſal. 6. Nec diſſentit S. Auguſtinus Ep. 108. ad Seleucianum ait: Illa peccata, qua humana fragilitati quamvis parva, tamen crebra ſubrepunt, qua ſi collecta contra nos fuerint, ita nos gravabunt, & opprimunt, ſicut unum aliquod grave peccatum. Quid enim intereſt ad naufragium, utrum uno grandi ſuſu navis operiatur, & obruat, an paulatim ſubrepens aqua in ſentinam, & per negligentiam dereliſta, atq; contempta impleat navim, atque ſubmergat? Intellige, nō quod multa venialia, ut talia exequari poſſint uni mortali; ſed quod neglecta diſponant ad mortale; ſicut vulnus curabile, ſi negligatur, fit incurabile, &c.*

7. Idem S. Auguſtinus ſer. 41. de Sanctis, loquens de peccatis venialibus ait: *Quibus peccatis licet occidi animam non credamus; ita tamen eam veluti quibuſdam puſtulis, & quaſi vorrenda ſcabie replentes deformem faciunt, ut eam ad amplexus Sponſi celeſtis aut vix, aut cum grandi conſuſione venire permittant.* Hoc bene conſiderent Moniales; hincque intelligant, quod, ſicut toto conatu abſtinerent a venialibus, ſi certo ſcirent ſe ex iis ſcandam contraſturas ſcabiem in corpore; ita multo magis ea debent averſari, ne

in anima inſiciantur ſcabie illa ſpirituali; de qua S. Auguſtinus hic loquitur.

8. *Conſiderentur mali effectus, qui ex peccato veniali oriuntur, & ſunt: 1. obligare ad pœnam illius luendam, ſive in hac vita, ſive in purgatorio; 2. animam fordidiorem reddere: 3. imminuere charitatis fervorem: 4. animi vires debilitare: 5. retardare gloriam æternam: 6. minuere meritum, & gloriam vitæ æternæ: 7. diſponere ad peccatum mortale: 8. impedire augmentum gratiæ: 9. ponere obſtaculum devotioni in orando, & progreſſui in vita ſpirituali: 10. diſplicere Deo, & Angelis: 11. placere dæmoni, qui inde arripit occaſionem nos perdendi.*

9. *Quando parum deliquimus, aut etiam pigri, aut ſocordes fuerimus, ne illud parum negligamus: cito enim neglectum ſit magnum: ita etiam veſtimentum ab initio ruptum, & neglectum per totum producitur ſciſſuram: & teſtum, ſi cum pauca regula deciderint, fuerit neglectum, totam domum deſicit: nos ergo hæc conſiderantes, parva nunquam deſpiciamus, ne in magna incidamus: ita S. Chryſoſt. hom. 8. in 1. Cor. idem confirmans hom. 19. ad pop. Antioch.*

10. *Diabolus non pugnat cito contra aliquem per grandia vitia (ait S. Hieron. in Pſal. 140.) ſed per parva, ut poſſit quomodocumque intrare, et dominari homini, & poſtea eum in majora vitia impellat: non per fornicationem, non per avaritiam, ſed per minor vitia ingreditur.*

11. *Qua diligentia vitare debeamus peccata venialia, offendit S. Chryſoſtomus ho. 60. ſuper Genef. dicens: Scitis, quod boſtem habemus perpetuum. & faderis neſcium: unde nobis magna vigilantia opus eſt: non aliter autem, eum vincemus, quam ſi per vitam optimam ſupernum nobis auxilium conciliemus. Quod confirmat S. Baſilius in Conſtit. monaſt. cap. 2. his verbis: Qui a Deo ſe optat juvari, is nunquam deſi-*

fituitur: quapropter danda in eo opera est, ne ulla in re conscientia nostra nos condemnet. Ita Sancti Doctores: & bene; cum juxta Theologos homo per peccata venialia se indignum reddat auxiliis illis specialibus, sine quibus de facto non resistit tentationi, nec respondet divinæ inspirationi, adeoque peccat, & omittit bonum opus ipsi propositum: etsi vi gratiæ sufficientis, quæ ei non deest, simpliciter possit resistere tentationi, & respondere divinæ inspirationi: ut ergo Deus se nobis liberaliorem ostendat in conferendis dictis auxiliis, simus & nos liberales in ipsum abstinentes pro viribus non solum ab offensione ejus gravi, sed etiam levi.

12. *Mens Christo dedita æque, et in majoribus et in minoribus* (idest peccatis) *sciens etiam pro otioso verbo reddendam esse rationem*: ita S. Hieron. ep. 3. ad Heliodorum. Præterquam quod etiam de venialibus lucta debita pœna in Purgatorio, nisi in hac vita pro iis satisfiat.

Quæres 28. *Quibus monitis juvari possint Moniales ad abigendos scrupulos.*

312. *Resp.* Possè juvari sequentibus monitis; & quidem.

1. Iis proponendo aliquod ex illis remediis, quæ in hoc ipso cap. num. 204. proponimus, eruntque valde salutaria.

2. Consideretur cum Chrysost. bo. 6. in 2. Rom. quam benignum, ac longanimitem se Deus ostendat in trahendis peccatoribus ad pœnitentiam: *Aversati sumus vocantem* (ait S. Doct.) *& undequaque illestantem; ac ne sic quidem de nobis ille pœnas sumpsit, sed accurrit ipse, ac resistentes, fugitantesque inhibuit: ipsi tamen ab illius manibus excussi ad Diabolum transfugimus; ac ne sic quidem desistit ille, sed & sexcentos vursus, qui nos hortarentur, misit Prophetas, Angelos, Patriarchas: at nos legationem non solum non admisimus, sed & legatos nobiscum agentes injuria affecimus: ille autem ne per hac quidem res respuit, sed quod facere ii solent, qui*

vel vebementissime, per quem amant, negligantur, tamen circūveniens ad omnes adiit tum in cælo, tum in terra sese manifestans congressusque nunc cum Hieremia, nunc cum Michea, non ut gravaret, sed ut defensionem ateretur, vel super iis, quæ in ipsum a nobis commissa fuerant: quin & una cum Propetis ad illos accessit, qui ipsum averfarentur, paratus etiam, ac postulans ad rationis reddendam calculos descendere; tum autem ad omnia surdos ad colloquium secum trabens, popule misit, inquit, quid feci tibi, aut quid te attristavi, responde mihi? hæc Chrysostomus; ex quibus ad solatiū Monialis scrupulosæ sic licet differere: Si Deus per tot annos in sæculo tanto affectu nos secutus est, dum peccando illum fugiebamus, & averfabamur, ac modo in religione nos fugiet, ac deferet, dum totis viribus studemus illum sequi, bene operando juxta ejus præcepta, & consilia: spage; nefas est hoc credere, utpote contrarium summæ ejus bonitati, ac desiderio, quod habet homines salvandi.

3. Cum quidam anxius inter spem, & metum fluctuaret frequenter (inquit Thomas de Kempis l. 1. de Imitat. Christi c. 25. n. 2.) *& quadam vice merore confectus in Ecclesia ante quoddam altare se in oratione prostravisset; hac intro ferevoluit dicens: O si scire quod adhuc perseveraturus essem: statimque audivit divinum intus responsum: Quid si hoc scires, quid facere velles? fac nunc, quod tunc facere velles; & bene securus eris: moxque consolatus, & confortatus divina se commisit voluntati, & cessavit anxia fluctuatio. Quod autem isti tunc dictum fuit nomine Dei, inculcari debet Moniali scrupulosæ, ut timorem deponat divinæ bonitati confidens.*

4. At Dominum jam conversos non nimium cruciet præteritorum conscientia delictorum (dicit S. Bernard. ser. 3. de SS. Petro, & Paulo) sed tantum humiliet vos; sicut & Paulum. Monialis

nialis ergo scrupulosa, ubi debita diligentia confessi est sua peccata, non sit anxio circa illa, sed studeat dignos poenitentiae fructus facere; & si anxietatem deponere nequit, coram Deo se humiliet dicens, modo cum Davide *Ps. 118. Bonum mihi quia humiliasti me*; modo cum Iosephi Fratribus, *Gen. 12. Merito hac patimur, quia peccavimus*; modo cum bono Latrone prope Christum crucifixo, *Luca 23. Nos quidem iuste: nam digna factis recipimus*.

5. Meminerit Monialis scrupulosa, quam sit bonus Israel Deus his, qui restituti sunt corde, *Psal. 7. & quod Ezechiel. 18. ait: Si impius egerit poenitentiam ab omnibus peccatis suis, quae operatus est, & custodierit omnia praecepta mea, omnium iniquitatum ejus, quas operatus est, non recordabor amplius*: non enim vult mortem peccatoris, sed magis, ut convertatur, & vivat; quippe qui non venit vocare iustos, sed peccatores.

6. Monialis scrupulosa sibi persuadeat scrupulos plerumque immitti à Diabolo: & quidem eo fine, ut quos nequit inducere ad peccata manifesta, saltem peccare faciat ex conscientia erronea; ut perplexitatem, quam identidem iis suboriuntur; sicut de facto peccare facit non raro.

7. Bene intelligat non posse quid imputari ad peccatum, quod non sit voluntarium; voluntarium vero non consistere in sensu, sed in consensu: unde fit, ut delectatio possit esse in sensu, & tamen non sit culpabilis, eo quod desit consensus. Quare haec duo bene debent distingui, sensus, & consensus: certo qui credendum est solum sensum non sufficere ad peccatum, cum non sit liber, nisi accedat consensus: qui tamen in scrupuloso timorato non ita facile debet praesumi.

8. Ingentem molestiam, quam patitur ex scrupulis, patienter sustineat, Deoque offerat in debitam praeterito-

rum peccatorum satisfactionem, memoret sic tanto minorem poenam ipsi fore solvendam in Purgatorio; ac proinde dicat cum S. Augustino: *Hic ure, hic seca, ut in aeternum parcas*.

9. Meminerit certa constare experientia eos, qui in vita adeo vexantur scrupulis, Dei misericordia in morte summam animi tranquillitatem, ac pacem obtinere: quo modo Albertus Magnus glossans verba illa *Matth. 26. Tristis est anima mea usque ad mortem*, hoc verbo *exclusive tantum*, dicit Christum nobis tristitia illa, quam passus est in horto Gethsemani, promeruisse ut tristitia, quam fideles patiuntur ex scrupulis, duret usque ad mortem exclusive, iis in morte summam animi tranquillitatem consequentibus.

10. Consideret, quod, si Deus voluisset ipsam perdere in gehennam, & excludere ab aeterna salute, illam non vocasset ad religionem, nec tot auxilia contulisset ad comparandam caelestem gloriam; sed eam e terra viventium abstraxisset, & in locum damnationis aeternae deturbasset, dum vivebat in peccato mortali; quod atque facere potuisset iuste: non fecit tamen; sed patiens, & misericors expectavit ad poenitentiam: quod est signum nolle ipsum ejus mortem, sed ut convertatur, & vivat, volens omnes salvos fieri.

11. Quia ratione dubitare quis potest, num Deus velit ipsum salvare, si ille, teste Sancto Dionysio *Areopagita ep. ad Demophilum cum iis etiam, qui ipsum deserunt, amanter haret, contendit, & rogat, ne indigni habeantur, & repellantur; deliciis diffundentes, & temere eos accusantes fert, atque ipse defendit, aut potius curationem pollicetur; eis, cum procul absunt, tamen accedentibus occurrat, & prodit obviam, totosque complexus osculatur, nec superiora maleficia exprobrat, sed ea bona, quae adsunt, diligit, festum diem agit*

agit, convocat amicos, idest bonos, ut sit omnium latantium habitatio: hæc Sanctus Doctor; & ex his quis non videat sentiendum de Domino in bonitate Sap. 1.? Consentit *Sanctus Bernardus ep. 107.* his verbis: *Nemo se amari diffidat, si jam amat: lubenter enim amor Dei, quem prævenit, amorem sequitur: nam quo pacto redamare pigeat, quos amavit nec amantes?* Consentit *Blosius in consolat. pusillanim. cap. 17. §. 2.* dicens: *Quantumcumque peccaveris, semper Dei misericordia in infinitum excedit tuas iniquitates: quantumcumque infirmus sis, semper illius benignitas a juvare parata est tuam fragilitatem; & c. 7.* dicit: *Tanta ejus misericordia est, ut stipula aliqua, sive lignum in immenso igne positum non tam cito incendi possit, quam ipse peccator veraciter dolenti peccata omnia condonare paratus est.*

12. Cum salus æterna hominis pendeat ex voluntate tum Dei, tum hominis; & alias nobis certo constat de voluntate Dei ex certissimo testimonio Pauli 1. *Tim. 2. Qui omnes homines vult salvos fieri*: si ipsi velimus salvari, jam sumus certi de salute; quippe quæ jam pendet ex voluntate nostra, quæ velimus cooperari gratiæ Dei, quæ nobis non deest, immo in religione superabundanter confertur; ut proinde dicatur *Osee 13. Perditio tua ex te Israel; tantummodo in me auxilium tuum.*

13. Moniali scrupuloso prohibeatur lectio librorum, qui solent renovare scrupulos; & ne agat cum iis, de quibus dubitari potest, quod eam confirmet in perplexitatibus: item ei suadeatur, ut de peccatis præteritis rite confessus non amplius cogitet, nisi in communi, memor consilii a Pinusio Abbate dati cuidam scrupuloso, quod refert *Cassianus colat. 10. cap. 9.* his verbis: *Quod dixisti te etiam de industria præteritorum peccatorum memoriam retrahere, hoc fieri penitus non oportet; quin immo, etiam si*

violenter irrepseris, protinus extrudatur.

14. Confugiat Monialis scrupulosa, ad pia opera, dum urgetur scrupulis, memor hominis scrupulosi figuram in Evangelio gessisse lunaticum a spiritu malo obfessum, qui nunc in ignem, nunc in aquam se jactabat [scrupuloso se jactante de una cogitatione tristi in aliam]; ideoque sicut ille non potuit curari, nisi in oratione, ac jejunio, ex *Matth. 17.* sic scrupulosum difficile posse curari, nisi per orationem, jejunium, & alia pia opera, in quibus se exerceat.

15. Si non juverint hæc monita, disertis verbis dicatur Moniali scrupuloso infirmitas scrupulorum oriri ex occulta ipsius superbia, eaque graviore omnibus peccatis per scrupulos in memoriam refricari, nec posse eam curari, nisi sensum suum omnino abneget, se totam simpliciter submittendo judicio Confessorii; sibi certo persuadens illum a Deo regi, adeoque ipsam teneri stare consiliis illius, cum non sit ipse, qui loquitur, sed spiritus Dei, qui loquitur in ipso. Unde fit, ut sicut acquiesceret Angelo ipsi nomine Dei significanti, ut bono esset animo; sic & debeat acquiescere Confessorio id ei attestanti nomine ipsius Dei; dicente Christo *Lucæ 10. Qui vos audit, me audit*; cum re vera uterque nomine Dei loquatur, & ut Dei nuncius.

16. Meminerit se alias non semel vehementis alicujus imaginationis ipsius animo irrepentis falso apprehendisse aliquid esse grave peccatum, quod posita, defervescente falsa illa apprehensione, clare cognovit non esse peccatum, adeoque trepidasse timore, ubi non erat timor; hincque in simili casu colligat, quod, sicut alias modo dicto fuit decepta, sic etiam hic, & nunc similiter decipitur; ac proinde intrepida deponat timorem, immo & interdum operetur contra scrupulum, memor, quod, sicut volens lignum distortum facere rectum, illud in contrariam partem inflectit; sic habens

con-

conscientiam per scrupulos distortā debet se inflectere in contrariā, ut debitam consequatur conscientie rectitudinem : ut advertit *Gerson. in tract. de reg. mor.*

17. Recolat sapē, quod dicit *Blossius in consolat. psillan. c. 1. §. 6. ex Taulero eorum* scilicet, qui confessiones recipiunt, potestati, & auctoritati fidem addibendam esse, sicut verbis Domini, quibus ait: *Quorū remiseritis peccata, remittantur eis; & quacumque solveritis super terrā, erunt soluta et in calis: in veritate dico, ebarissimi, ubi quis peccata sua rite confessus adhuc remorsus ex iisdem in conscientia patitur, multo melius fecerit, si in hac parte Deo confidendo, & fidem virtuti confessionis addibendo eadem de novo non confiteatur, quam si iteret confessionem.* Ad quod faciunt, quæ habentur *Matth. 23. Super cathedram Moysi sederunt Scribae, & Pharisei: omnia ergo, quacumque dixerint vobis, servate, & facite* : si enim id servandum a quibuslibet, multo magis a scrupulosis; & si erga Scribas, & Phariseos, multo magis erga viros probos, ac doctos, ut advertit *Bresserus de conscientia lib. 7. c. 5. n. 38.* referens ex *Antonino* quemdam scrupulosum divinitus fuisse monitum, ut consuleret discretos, & acquiesceret illis; addensque *S. P. N. Ignatium*, cum valde scrupulis vexaretur, nec precibus, jejunii, aliisque poenitentis ab iis liberari posset, tandem summam conscientie quietem consecutum fuisse acquiescendo consilio, ac mandato Confessarii, ut deinceps quietus esset. Et hanc regulam inquit *Bresserus n. 40.* esse indubitam, certissimam, & securissimam, eamque scrupulosos sequi posse, & credere certissimam, quasi articulum fidei, absque omni peccandi periculo; imo cum magno merito (quidquid sibi videatur) cæco quodam modo captivando intellectum, ac iudicium suum, acquiescendo dictis iudicioque aliorum; & hoc, licet alii errarent: hic enim sibi errarent, non scrupulosi. Ita *Bresserus,*

18. Scrupulosus non debet secum disputare an certissime aliquid sit, vel non sit peccatum; hoc enim ei est perniciosum: sed, si primo intuitu non videatur id ita certum, libere, ac fortiter rejiciat tanquam scrupulum; idemque faciat si dubitet, an jurare audeat: nam eo ipso id ei non est certissimum: ita *Bresserus sup. n. 49.* addens, etsi scrupulosus putet tam certo aliquid esse peccatum, ut auderet jurare, posse nihilominus, imo debere Confessario contrarium dicenti credere.

19. Avertat scrupulosus fortiter, & constanter cogitationem; ac imaginationem ab omnibus spectantibus ad suum scrupulum eo fere modo, quo averteretur ab impuris objectis: & ad hoc conferet continua aliqua occupatio, ac distractio intellectus ad objecta læta, & aliena a scrupulis: & ratio est, quod cessatione actuum, quæ fit per dictam occupationem, habitus, & species scrupulose remittuntur, & tandem omnino pereunt; cum e contra intenduntur cogitationibus, & disputationibus scrupulosi scrupuli, ut habitus exercitio suorum actuum, visque imaginativa lædatur forti, ac frequenti imaginatione prævia ad dictas cogitationes scrupulosas.

20. Confessarius cum Moniali scrupulosa nunquam agat dubie, ac obscure, sed resolute, & clare; ne augeat scrupulos, dum vult curare: ne desperet, aut diffidat ob molestā curam Monialis scrupulose, sed confidat in Domino, qui illuminat omnem hominem; eamque pergat curare in omni patientia, ac doctrina non solum remediis propositis, sed suis precibus, aliisque medicamentis, quæ unctio Spiritus Sancti edocebit: illam nunc reprehendat, jubeatque sibi obedire, si est importuna: nunc eam soletur, jubeatque bono animo esse, si est nimis pusillanimitas: nunc totam ejus periculum in se suscipiat, spondeatque se pro ea respondurum in die iudicii.

APPENDIX

CONSTITUTIONUM

SS. D. N. BENEDICTI PP. XIV.

AD MONIALES PERTINENTIUM.

Constitutio Sanctissimi Domini Nostri BENEDICTI PP. XIV. super Clausura Monialium.

Est XL. tom. 1. Bullar. pag. 106.

BENEDICTUS PAPA XIV.

Ad perpetuam rei memoriam.

Salutare in Catholica Ecclesia institutum ab ipsa antiquitate susceptum, ac tanta cum sollicitudine & pastoralis zelo custoditum, ut slos ille Ecclesiastici gemitus, decus atque ornamentum gratiae spiritalis, laeta insoles, laudis & honoris opus integrum atque incorruptum, Dei imago respondens ad sanctimoniam Domini, illustrior portio gregis Christi, Sacrae Virgines, quarum, quo sublimior gloria est, major & cura est, intra Monasteriorum septa & claustra vigili sollicitaque custodia fervarentur, tam ante, quam post Tridentinae Synodi Decreta Romani Pontifices Praedecessores nostri tot sanctissimis Legibus, & initis Apostolicis providentiae charitatisque consiliis communicare & confirmare studuerunt; ut, quae se Christo dicaverint, & a carnali concupiscentia recedentes, tam carne, quam mente se Deo voverint, consumment opus suum magno praemio destinatum. Quoniam autem, etsi provisae hujusmodi Sanctiones Constitutionesque; si ea, qua decet, regularis disciplinae observantia custodirentur, satis esse scimus, ut Virgines ea, quae Coelestis earundem Sponsi Jesu Christi sunt, cogitantes, sint sanctae & corpore & spiritu; longa tamen experientia edocti, & assiduis Venerabilium Fratrum

aliarum Ecclesiarum Antistitem querelis admoniti, supremas Apostolicae auctoritatis providentiaeque partes requiri, ut abusus quamplurimis ex nimia quorumcumque, aut sibi quocumque pacto arrogantium, aut praetendentium, aut obtinentium facultatem alias sibi quomodolibet sive a jure, sive ab homine concessam, vel demandatorum munerum ratione debitam esse, ut sive ipsi, sive alii ingredi clausuram Monialium, aut ipse Moniales e clausura ob quasumque etiam non legitimas causas egredi, & extra clausuram hujusmodi commorari possint, licentiam concedendi indulgentiae sensum investis opportune occurratur: Hinc est, quod Nos pro suprema omnium Christianorum procuratore imbecillitati nostrae in universalis Orthodoxae Ecclesiae regimine divinitus imposita opportunum abusus hujusmodi remedium, quantum cum Domino possumus, adhibere satagentes, Auctoritate Apostolica, tenore praesentium omnes, & singulas Constitutiones a Romanis Pontificibus Praedecessoribus nostris tam ante, quam post Concilii Tridentini Decreta super clausura Monialium editas renovamus, & confirmamus, necnon in posterum ab omnibus & singulis, ad quos spectat, & in futurum spectabit, subisdem penis in Constitutionibus eorumdem Praedecessorum nostrorum Romanorum Pontificum, & Decretis Concilii Tridentini praefati contentis inviolabiliter observandas esse statuimus, decernimus, praecipimus, atque mandamus. Praeterea motu proprio & ex certa scientia, ac matura deliberatione nostris, deque Apostolicae potestatis plenitudine earundem

P p p

praesen-

præsentium tenore omnia & singula indulta, privilegia, prærogativas, facultates, licentias, & quocumque alio pacto nuncupatas concessiones omnibus & singulis quibuscumque Ecclesiasticis personis, quacumque auctoritate, dignitate, honore, præminencia, ac jurisdictione fungentibus, etiam Venerabilibus Fratribus nostris Sanctæ Romanæ Ecclesiæ Cardinalibus, sive singulis, sive eorumdem Cardinalium Congregationibus, etiam de Latere Legatis, sive qui Provinciis & Legationibus Status nostri Ecclesiastici pro tempore præsent, sive quos ad Carissimos in Christo Filios nostros Romanorum Regem in Imperatorem pro tempore eligendum, vel electum, Reges & Reginas illustres, aliasque Summas Potestates, prout rerum conditio postulaverit, mitti & ablegari contigerit; sive qui, licet aliarum insignium Ecclesiarum Antistites, tamen tamquam Apostolicæ hujus S. Sedis Legati de Latere alias nuncupati & habiti sunt, & fortasse habentur, aut haberi, & esse prætendunt, & in posterum habendi sunt; sive Ordinarii, sive Extraordinarii nostri, & ejusdem Apostolicæ Sedis ubicumque, etiam apud ipsos Imperatorem & Reges ac Summas Potestates Nuntii, sive Inter-Nuntii resident (exceptis dumtaxat locorum Ordinariis, iisque omnibus Superioribus, quibus tamquam Ordinariis & ordinaria jurisdictione utentibus Monialium Monasteria subjecta, & addicta sunt, in casibus tamen necessariis, & servatis aliis de jure servandis, & non aliter omnino), ac demum quibuscumque aliis quocumque nomine & expressione nuncupatis personis quocumque tempore a quibusvis, etiam ab ipsis Romanis Pontificibus Prædecessoribus nostris quacumque de causa, occasione, titulo, colore & prætextu per quasque Apostolicas sive in simili forma Brevis, sive sub Plumbo expeditas Litteras sub quibuscumque verborum formis facta, data, concessa, & impertita, sive factas, datas, concessas & impertitas super hujusmodi ingressu revocamus, abolemus, annullamus atque irritamus; necnon a datarum earumdem

præsentium die revocata, abolita, annullata & irrita, ac nullius prorsus momenti, ac vigoris esse & fore, neminique cui-libet quocumque tempore suffragari; ac quemlibet omnium antecessorum, etiam speciali mentione dignorum quacumque facultate hujusmodi sive pro se, sive pro aliis temere uti audentem, ipso facto absque ulla alia declaratione pœnas & Ecclesiasticas censuras contra Violantes Clausuram Monialium inflictas, a quibus, præterquam a Nobis, & pro tempore existente Romano Pontifice, nisi in mortis articulo, absolvi possit, incurrere & incursum esse; licentiamque hujusmodi concessam nullo modo suffragari, atque nullius momenti perinde ac, si minime concessa fuisset, ipso facto fore, & haberi, ac pœnas, & censuras Ecclesiasticas ipso etiam facto, ut præmittitur per contrasacientem incurrere, & incursum esse statuimus, decernimus, ac declaramus. Decernentes easdem præsentis Litteras, & in eis contenta quacumque, etiam ex eo, quod quicumque in præmissis interesse habentes, seu habere quomodolibet prætendentes cujusvis status, gradus, ordinis, præminentiæ, & dignitatis existant, seu alia specifica, & individua mentione & expressione digni illis non consenserint, nec ad ea vocati, citati & auditi, causæque, propter quas præsentis emanarint, sufficienter adductæ, verificatæ & justificatæ non fuerint; aut ex alia qualibet; etiam quantumvis juridica, & privilegiata causa, colore, prætextu & capite, etiam in corpore juris clauso: etiam enormis enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, aut intentionis nostræ, vel interesse habentium consensu, aliove quomodolibet, etiam quantumvis magno, & substantiali, ac incogitato, & inexcogitabili individuatæque expressionem requirente defectu notari, impugnari, infringi, retractari, in controversiam vocari, aut ad terminos juris reduci, seu adversus illas aperi-tionis oris, restitutionis in integrum, aliudve quodcumque juris, facti, vel gra-

tiz

tiz remedium intentari, vel impetrari, aut impetrato, seu etiam motu, scientia & potestatis plenitudine paribus concessio vel emanato quempiam in iudicio, vel extra illud uti, seu se juvare ullo modo posse; sed ipsas præsentis Litteras semper firmas, validas & efficaces existere, & fore, suosque plenarios, & integros effectus sortiri & continere, ac ab illis, ad quos spectat, & pro tempore quodcumque spectabit, inviolabiliter & inconcussè observari: sique, & non aliter in præmissis per quoscumque Iudices Ordinarios, & Delegatos, etiam Causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, & Sedis prædictæ Nuntios, aliosve quoslibet quacumque præminencia, & potestate fungentes, & functiones, sublata eis eorum cuilibet quavis aliter iudicandi, & interpretandi facultate, & auctoritate, judicari & definiri debere, ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus præmissis, ac, quatenus opus sit nostra & Cancellariæ Apostolicæ Regula *de jure quæsito non tollendo*, aliisque Constitutionibus Apostolicis, necnon quibuscvis etiam juramento, confirmatione Apostolica, vel quavis firmitate alia roboratis Statutis & consuetudinibus, ac usibus & styli, etiam immemorabilibus; privilegiis quoque indultis & Litteris Apostolicis prædictis, aliisque quibuslibet personis etiam quacumque ecclesiastica vel mundana dignitate fulgentibus, & alias quomodolibet qualificatis, ac speciale expressionem requirentibus sub quibuscumque verborum tenoribus & formis, ac cum quibusvis etiam derogatoriis derogatoriis, aliisque efficacioribus efficacissimis, & insolitis clausulis, ac irritantibus, & aliis decretis, etiam motu, scientia & potestatis plenitudine similibus, ac consistorialiter, & alias quomodolibet in contrarium præmissorum concessis, editis, factis ac pluries iteratis, & quantiscumque vicibus approbatis, confirmatis, & innovatis. Quibus omni-

bus & singulis, etiamsi pro illorum sufficienti derogatione de illis, eorumque totis tenoribus specialis, specifica, expressa & individua, ac de verbo ad verbum, non autem per clausulas generales idem importantes mentio, seu quævis alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & in illis tradita, observata, exprimerentur & infererentur, præsentibus pro plene & sufficienter expressis, & insertis habentes, illis alias in suo robore permanens, ad præmissorum effectum hac vice dumtaxat specialiter & expresse derogamus, ac derogatum esse volumus, cæterisque contrariis quibuscumque. Volumus autem ut earundem præsentium Litterarum transumptis seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem proferas fides in iudicio, & extra illud ubique locorum habeatur, quæ haberetur ipsis præsentibus, si forent exhibitæ vel ostense.

Datum Romæ apud Sanctam Mariam Majorem sub Annulo Piscatoris die tertia Januarii millesimo septingentesimo quadragésimo secundo Pontificatus Nostri Anno secundo.

De Clausura Monialium, & admissione Familiarum in Monasteria. Venerabili Fratri Josepho Maria Episcopo Portugalienensi.

En XXVI. Bullarii tom. 1. pag. 177.

BENEDICTUS PAPA XIV.

Venerabilis Frater Salutem & Apostolicam Benedictionem.

PER binas alias nostras in simili forma Brevis literas, quarum unæ quidem datæ fuerunt die 1. mensis Junii anno MDCCXLI. incipientes: *Cum Sacrarum Virginum*; alteræ vero die 3. mensis Januarii anno MDCCXLII. idem incipientes: *Salutare in Catholica Ecclesiâ institutum*; ea opportuna adhibere curavimus Apostolicæ providentiæ supremæque au-

Aoritatís nostræ remedia, quæ ad instaurandam regularem quoad clausuram Monialium observantiam, a primæva disciplina per Prædecessores nostros Romanos Pontifices, & Sacros Canones confirmata sensim dilabentem, satis esse in Domino duximus. Quoniam autem non sine gravissimo animi nostri angore accepimus novas artes, ac nova inventa, etsi antiqua sint, ac toties proscripta, sub variis exquisitisque causis, & rationibus in dies excogitari, quæ non solum per præscriptas leges prohibentur, sed quamplurimis etiam inordinationibus, & offendiculis aditum patefaciunt: Ac primum quidem eo pervenit famularum ad Monialium ministerium in Monasteria admittendarum abusus, ut indultum, quod ab Apostolica hac Sancta Sede sub tot salutaribus conditionibus concedi solet, etsi pro prima vice servatis iisdem conditionibus executioni demandetur, deinceps tamen quoties admissam famulam, aut e Monasterio egredi, aut viam universæ carnis ingredi contingat, toties, nulli indulti huiusmodi habita ratione, ad libitum Monialium, sine alia Antistitum Ordinariorum locorum, ad quos spectat, scientia & licentia, sed de Superiorum Regularium eorundem Monasteriorum dumtaxat aliquando consensu, aliz, atque aliz in Monasterium inducantur famulæ, de quarum moribus, fama, vitiis, ac virtutibus nulla præcesserit legitima cognitio; unde fit, ut sub Famularum nomine ac prætextu, femine quæcumque in Clausuras, non sine Clausuræ violatione admittantur: Illud præterea in more positum esse dolentes audivimus, ostia nimirum Monasteriorum, quæ semper clausa esse, nec nisi ad necessaria eorundem Monasteriorum commoda recludi debent, ita assidue pateferi, ut Moniales, & quæcumque aliz in Monasteriis degentes Virgines in propatulo sedentes, sive stantes, cum quibusvis utriusque sexus hominibus illuc accedentibus indiscriminatim colloqui, & jocari etiam non erubescant, ut sæpe quamlibet feminam in quacumque ætate constitutam sive consanguineam,

sive affinem, sive tamquam famulam cuiuslibet earumdem Monialium in ipsam Clausuram accerfant; & quamvis ipsæ Moniales impellant, sponte tamen ingressam deinde afferant; nec Religioni ducant censuras, ac pœnas canonicas, quibus expropter obnoxiz sunt: Nos sane, qui pro imposita Nobis divinitus suprema Apostolicæ servitutis procuratione saluberrime occurrere debemus hisce abusibus, & inordinationibus, etsi abusus, & inordinationes huiusmodi in ista Fraternitatis Tux Diocesi neque unquam irrepsisse, neque unquam irrepturos esse in Domino confidimus; Fraternitati tamen Tux notum esse volumus, quod Nos non solum omnes, & singulas Constitutiones tam ab iisdem Prædecessoribus Nostriis Romanis Pontificibus, quam a Nobis ipsis super clausura Monialium editas, verum etiam omnia & singula decreta tam a Concilio Tridentino, quam a Congregationibus Venerabilium Fratrum Nostrorum Sanctæ Romanæ Ecclesiæ Cardinalium super eadem clausura, & admissione, & receptione Educandarum puellarum, & famularum, sive quarumcumque feminarum promulgata, quatenus opus sit, tenore præsentium auctoritate Apostolica confirmamus, & sub pœnis etiam per easdem Constitutiones, & Decreta contra inobedientes inflictiis, servari mandamus, ac præcipimus. Insuper tenore, & auctoritate paribus statuimus, ac declaramus, admissionem receptionemque quarumcumque feminarum, sive puellarum Educandarum, sive Famularum in Monasteria, quacumque ex causa, sine legitima authenticæ ejusdem Apostolicæ Sedis licentia toties, quoties opus fuerit, impetranda, & prævio examine super moribus, fama, habilitate, & necessitate ipsarum Educandarum puellarum, vel Famularum, per Antistites locorum Ordinarios tantummodo, & non alios quoscumque Superiores toties itidem, quoties necessitas postulaverit, habendo, non obstante quacumque consuetudine etiam longi temporis, fieri non debere. Quod si secus factum, ac fieri

in po-

in posterum contingat, statuimus pariter ac declaramus, tam Moniales, & quascunque in Monasteriis degentes, quæ feminas quascunque in eadem Monasteria quomodocunque admiserint, receperintque, quam ipsas feminas admissas & receptas, canonicis censuris, & pœnis obstrictas esse, ac fore, a quibus easdem Moniales, & feminas hujusmodi ejusdem tuz Diocesis, si fortasse hac in parte deliquisse contigerit, de præterito tantum absolvendi facultatem Fraternitati Tuz, cum facultate etiam alios subdelegandi, tribuimus & impertimur. Cæterum Fraternitati Tuz injungimus, ac præcipimus, ut omnium, & singularum ordinationum per laudatum Concilium Tridentinum, & Apostolicas Constitutiones, & dictarum Congregationum decreta, super clausura Monialium, & delegata Antistitibus locorum Ordinariis Visitatione tam interna, quam externa præscriptarum memor, easdem ordinationes sub pœnis desuper inflictis debitz executioni mandare satagas, & studeas, nec non mandari facias, cures, & adnitaris. Interim, ad prosperi successus auspiciis, Tibi, Venerabilis Frater, Apostolicam benedictionem peramanter impertimur.

Datum Romæ apud Sanctam Mariam Majorem die XXIV. Jan. MDCCXLVII. Pontificatus Nostri Anno Septimo.

Constitutio qua certus ordo præscribitur, pro Causis super nullitate Professionis Regularis mature discutiendis, & valide definiendis.

Est XLVII. tom.2. Bullar. pag.393.

BENEDICTUS EPISCOPUS
SERVUS SERVORUM DEI

Ad perpetuam rei memoriam.

SI datam hominibus fidem frangere, conventionesque eas, quæ ab humanis legibus robur accipiunt, abrumperè, ac violare non licet; multo magis necesse est obligatum Deo mentis propositum immutabiliter servari, Nosque præsertim, utpote sacrarum Legum custodes a Deo

constitutos, oportet earum pactionum, quæ Divino, & Ecclesiastico jure indissolubiles sunt, perpetuam firmitatem, & observantiam asserere. Eam ob rem jam usque ab anno Incarnationis Dominicæ MDCCXLI. Pontificatus Nostri II., Apostolicas Literas dedimus, incipientes: *Dei miseratione*, in Bullario Nostro deinde editas Tom.1. num.33., quibus certum præscriptum ordinem, in Tribunalibus Ecclesiasticis servandum, quum in ipsis discuti & definiri deberent Causæ, in quibus de nullitate alicujus matrimonii contracti ageretur; non eo quidem consilio, ut si quod forte matrimonium cum impedimento aliquo dirimente initum fuisset, de illius nullitate judicium postulari, aut fieri prohiberemus; sed ut in hoc gravissimo judicii genere, in quo de sacro Connubiorum fœdere agitur, pleniori veritatis elucidationi consuleremus; utque Judices, non sine certissima cognitione omnium, quæ ad rem maxime conducunt, hujusmodi vinculum ex tot rationibus insolubile sententis suis, tamquam irritum ab initio, dissolverent. Cujus quidem Constitutionis utilitas, Deo favente, ad hunc diem aperte comprobatur: quum ex eo tempore, neque tot Causæ super prætenfa Matrimoniorum nullitate in Tribunalibus pendeant; nec tam frequenter, ut antea, Nobis exhibeantur preces pro obtinendis dispensationibus super Matrimonio rato & non consummato, dum scilicet ante omnium oculos propositæ sunt difficultates paulo quidem majores, sed omnino iustæ, quæ, ex novo ordine a Nobis statuto, cuilibet superandæ se offerent, antequam optatum finem assequatur.

Quemadmodum itaque pro Matimoniis carnalibus a Nobis provissum fuit, ita nunc de spiritualibus animarum nexibus, de Religiosis videlicet utriusque sexus Regularium Professionibus, pari ratione statuere decrevimus: nimirum certam normam, ac methodum tradere, quam observare debeant Judices Ecclesiastici, quoties judicia super nullitate Professionum in aliquo Ordine Regulari a Sede Apo-

Apostolica approbato factarum, coram ipsis agitari contingat; neque id quidem ad hunc finem, ut aditus intercludatur iis, qui iustis de causis huiusmodi actiones intentare velint, ac possulent, Professionem a se factam ex capite nullitatis irritam declarari; sed ut ipsi Iudices rerum veritatem in specie dignoscere, suasque sententias indubiis fundamentis innixas proferre valeant; ac ne unquam, ex ignorantia factorum, aliquem decernat solum vinculo, dum is forte, valide solemnium votorum professione emissâ, Religioso Ordini, cui nomen dedit, re ipsa maneat adstrictus. Quæ ex methodo a Nobis tradenda hunc fructum similiter obventurum speramus, ut & rariores in posterum in Tribunalibus futuræ sint Causæ super prætenso Professionum nullitate; & qui deinceps huiusmodi nullitatis declarationem in foro externo obtinuerint, & consequenter a Religione discesserint, non amplius anxia aut male tuta, conscientia vivant, ac propterea ad Nos, aut ad Officium Pœnitentiariæ Nostræ Apostolicæ, ut non semel evenisse novimus, confugere cogantur, occultato; ut moris est, in precibus nomine, fatentes sententiam super Professionis nullitate pravis artibus extortam a se fuisse, decepto iudice, vel per mendacia in facti expositione adhibita, vel per corruptos Testes; ideoque flagitantes, ut ex gratia & dispensatione Apostolica, facultas manendi in sæculo ipsis indulgeatur.

Ut autem ordinate procedamus, distinguendum initio est inter Regulares illos, qui intra quinquennium a die factæ Professionis, de illius nullitate actionem promovent; & eos, qui post elapsum quinquennium reclamant. Quod ad priores attinet, celebre est de illis decretum Sacræ Tridentinæ Synodi sess. 25. de Regular. cap. 19. in hæc verba: *Quicumque Regularis prætendat, se per vim & metum ingressum esse Religionem, aut etiam dicat, ante atatem debitam professum fuisse, aut quid simile, velitique habitum dimittere quacumque de causa, aut etiam cum habitu discedere, sine licentia Super-*

riorum; non audiat, nisi intra quinquennium tantum a die Professionis, & tunc non aliter, nisi causas, quas prætenderit, deduxerit coram Superiore suo & Ordinario. In quo sane decreto licet in littera Virorum Regularium dumtaxat mentio fiat, nihilominus etiam fœminæ Religionem professæ comprehenduntur; quum, ex regulis juris, masculinum genus etiam fœmininum includat, ubi una eademque causa pro fœminis æque, ac pro masculis militat. Quamvis autem Decreti verba satis clara sint, varix tamen quæstiones circa eorum sensum ac vim excitatæ fuerunt.

Quum etenim ibi sermo dumtaxat sit de Regulari Professo, qui suam Professionem nullam fuisse contendat: *Quicumque Regularis prætendat se per vim & metum ingressum esse Religionem &c.*, nihil vero expresse statuatur de ipsa Religione, cuius aliquando interest alicujus Alumni sui Professionem irritam declarari; ut si quis, exempli causa, comperiatur occultum aliquod impedimentum non revelasse, de quo interrogatus fuerat, adjectâ declaratione, quod, eo forsitan existente, & non patefacto, ipsius admissio a Religione minime rata habenda foret; hinc dubitatum fuit, an in huiusmodi casu solus Superior Regularis sine Ordinario procedere posset, an vero etiam in hac facti specie discutienda esset Causa coram Regulari Superiore simul & Ordinario Loci. Super quo Congregatio S. R. E. Cardinalium ad ipsius Concilii Tridentini Interpretationem ab Apostolica Sede deputatorum constanter decrevit, Causas huiusmodi super nullitate Professionis, tam a Regulari Professo, quam a Religione, intra quinquennium in iudicium deducas, & a Superiore Regulari, & ab Ordinario Loci simul cognoscendas esse.

Quum item quinquennium, intra quod admittitur reclamatio adversus Professionem, Sancta Synodus computandum voluerit a die professionis; cumque potior, atque communior causa, quæ pro nullitate Professionis adduci solet, in metu consistat; metus autem per totum quinquennium,

nium, atque etiam ulterius, aliquando perseveret; quæsitum fuit, an, ubi de metu agitur, initium quinquennii desumendum sit ab ipso die Professionis emissæ, an vero a die, quo Professus liberam reclamandi facultatem habere cæpit. Eadem vero Congregatio declaravit, in utroque pariter casu, concessum quinquennii tempus a die emissæ Professionis esse computandum.

Ad idem pariter quinquennium pertinet alia agitata quæstio, an scilicet prædicti Ordinarius & Superior Regularis cognoscere possint Causas nullitatis Professionis etiam post ipsum quinquennium, ubi nempe Professus intra illius decursum reclamaverit, sed iudicium prosequi deinde neglexerit aut nequiverit. Decretum est autem ab eadem Congregatione, coram præfatis Iudicibus a Concilio memoratis agendam esse Causam, etiam post elapsam quinquennium, dummodo satis constet, eam intra præscriptum tempus a reclamante serio intentatam fuisse.

De ipsis autem Iudiciis pro huiusmodi Causarum cognitione a Sancta Synodo designatis, per ea verba *coram Superiore suo, & Ordinario*; complures similiter motæ sunt quæstiones, quæ majori eorundem verborum elucidationi causam dederunt. Et primo quæsitum fuit, quisnam censendus esset Superior Regularis in casu, & ad effectum, de quo agitur; utrum scilicet Provinciæ Rector, an Generalis Ordinis Moderator; Congregatio autem ejusdem Concilii Interpretes definivit esse Superiorem localem, nimirum Abbatem, vel Guardianum, sive Priorem, aut alio quocumque nomine nuncupatum Præpositum, seu Rectorem illius Monasterii, aut Cœnobii, in quo reclamans Professionem emisit; eum nempe, qui huiusmodi Monasterii aut Cœnobii regimen exercet, quo tempore Causa super nullitate Professionis in iudicium deducitur. Quæsitum item fuit, quisnam Monialium proprius Superior dicendus sit, ad effectum iudicandi una cum Ordinario de earum Professionis nullitate. Respondum fuit, quod, si agatur de Monialibus Ordinario Loci

immediate subiectis, tunc, quum nullus sit earum Superior Regularis, solus Ordinarius iudicat de Professione reclamantium intra quinquennium: Si vero Moniales Regularium regimini sub sint, tunc huiusmodi Causæ iudicandæ sunt ab Ordinario loci simul, & a Superiore Regulari; ab eo nimirum, cui concreditum est universum Monasterii regimen, non autem a Confessario Regulari Monialium. Dubitatum est etiam, utrum Superior Regularis ius suum cedere possit Ordinario Loci, eique permittere, ut in huiusmodi Causis solus procedat, & iudicet; Id autem prædicta Congregatio fieri posse negavit; permisit tamen Superiori Regulari, ut si iudicium assumere nolit, aut non possit, alium subrogare valeat vel Regularem, vel etiam Ecclesiasticum Sæcularem juris Canonici peritum, qui una cum Ordinario iudicis partes exerceat. Denique quæsitum fuit, si forte Ordinarii & Superioris Regularis iudicia inter se discrepantia extiterint, quodnam ex ipsis alteri prævalere debeat. At in hoc casu responsum fuit, Causam ipsam ad Apostolicæ Sedis iudicium devolutam censeri.

Quum vero inter capita nullitatis Professionem Regularem irritantia, unum etiam adnumeretur, si nempe aliquis Professionem emisit in Cœnobio ad Novitiorum institutionem minime destinato, in iis tamen locis, in quibus rec. mem. Prædecessor Noster Clemens Papa VIII. Decreta de Regularibus a se edita vim habere mandavit; si quis ex hoc capite Professionem a se factam intra quinquennium impugnare voluerit, aut etiam si Religio intra idem quinquennium postulaverit alicujus Professionem ex huiusmodi capite irritam declarari; decretum extat a fel. record. Urbano Papa VIII. altero Prædecessore Nostro iustis gravibusque de causis, ac de consilio præfatz Congregationis Conc. Trident. Interpretis, editum die v. Januarii anni MDCXXXVI., incipien. *ad occurrendum*, quo statutum fuit, huiusmodi Causas ad eandem Congregationem privative pertinere. Hæc sunt

sunt potiora in hoc genere Decreta ex Regellis prælaudatæ Congregationis excerpta, quæ licet alias a Prædecessoribus Nostriæ Romanis Pontificibus Apostolica Auctoritate non semel approbata fuerint, & confirmata; Nos tamen eadem, præsentium Litterarum tenore, atque Auctoritate simili, novo approbationis & confirmationis Nostre robore communimus, atque ab omnibus, ad quos spectat, seu respective spectabit, in posterum pro regula haberi, ac plenarie executioni demandari præcipimus.

Quibus ita constitutis, firmataque pertinentia Causarum, quæ intra quinquennium a die Professionis emissæ adversus illius validitatem introducuntur; consequens est, ut & ea indicemus, quæ de ordine ac methodo in huiusmodi iudiciis servanda, a Majoribus sapienter constituta sunt, tum ea proferamus, quæ Nos ipsi opportune addenda censuimus, quæque pari auctoritate, ac præsentium litterarum vigore, perpetuis futuris temporibus servari volumus & mandamus. Jam de ipsa huiusmodi Causarum introductione notum est decretum ejusdem Concilii Tridentini cit. *Sess. 25. cap. 19. de Regular.*, ut si quis antea habitum sponte dimiserit, nullatenus ad allegandum quamcumque causam admittatur, sed ad Monasterium redire cogatur, & tamquam Apostata puniatur; interim vero nullo privilegio suæ Religionis juvetur. Ex quo sequitur Regularem postulante iudicium fieri de suæ Professionis nullitate, ab ipso iudicii limine repelli, nisi constet eum in Religionis suæ Claustro morari, & Habitum Regularem resumpsisse, si ipsum antea deposuerit.

De probationibus vero, licet non ignoremus, apud Superiores Regulares, Ordinariosque Locorum usu receptum, fuisse, in re tanti momenti, iudicia sua fundare in extrajudicialibus attestationibus, quantumvis Juramento firmatis, quæ ad perpetuam dicuntur; hoc tamen de cætero usurpari prohibemus; volentes, atque districte mandantes, ut ad adstruendas probationes in huiusmodi Causis ne-

cessarias; verus & judicialis Processus omnino conficiatur, in quo & Articuli exhibeantur ex parte illius, qui adversus Professionem agit; & Interrogatoria dentur ab ea parte, quæ stat pro ipsius Professionis validitate; & Testes tam super Articulis, quam juxta huiusmodi Interrogatoria examinentur; utque, hac forma non servata, Processus ipse, & Sententia dependenter ab eo prolata, insanabili nullitatis vitio corrumpere censeantur; salva etiam dispositione juris communis, quoad alia nullitatis capita, si quæ forte in ipsa Processus compilatione intervenerint.

Sub eadem poena nullitatis, decernimus atque statuimus, ut in hoc iudicio citari, & audiri debeant tum Defensores Monasterii, seu Cœnobii, in quo Processus Vota Religiosa suscepit, tum ipsius Professi Consanguinei, sive propinqui; sive alii, quibus bona sua donavit, aut cessit; uno verbo omnes, quorum interest illius Professionem sustineri; in primis autem ii citentur (si superstites fuerint) qui indicati erunt tanquam Auctores aut complices metus eidem incussi, ut Votis invitus se obstringeret. Quemadmodum vero in citata Constitutione Nostra, quæ incipit *Dei miseratione*, decrevimus, ut in singulis Diocesis ab Ordinario deputari deberet aliquis probitate ac doctrina commendatus, cuius officium esset in Causis Matrimonialibus in iudicio stare pro validitate Matrimonii; ita nunc omnibus & singulis Locorum Ordinariis committimus & mandamus, ut personam aliquam similibus qualitatibus præditam in suis respective Diocesis eligant, cui *Defensoris Professionum* munus imponant; utque huic omnia demandata, injuncta, & respective applicata esse censeantur, quæcumque Nos in præcitatis Litteris de Matrimonii Defensore statuimus. Nos enim eadem omnia, præsentium tenore; ad huiusmodi Professionum Defensores expresse extendimus, & respective applicamus, & quoad istos pari modo locum habere decernimus. Id solum peculiariter pro Defensore Professionis in præsentibus statuantes, ut scilicet quidquid pro ipsius

ipſius honorario, aut mercede, ſive pro expenſis in deſenſione Cauſe occurrentibus, eidem præſtandum eſſe Judex prudenter arbitratus fuerit, id omne ab illis exſolvi debeat, quibus a Profeſſo renunciata fuerunt bona in Religionis ingreſſu dimiſſa; Si vere hi non exiſtant, aut ſi Profeſſus nihil renunciandum habuerit, ipſa Religio, quatenus ex illis ſit, quæ temporalia bona poſſident, ad huiusmodi ſolutiones teneatur; Si autem nec adſint bona renunciata, nec Ordo Regularis de quo agitur, quidquam poſſideat, tunc Deſenſori Profeſſionis ſatiſſiat ex pecuniis mulctarum illius Tribunalis, in quo Cauſa agitata fuerit, ſive alterius, prout in alijs prædictis Litteris Noſtris de Matrimonii Deſenſore ſtatuimus.

Lata demum Sententia a Superiore Regulari, & ab Ordinario Loci, ſi ea pro validitate Profeſſionis pronuntiata fuerit, neque Profeſſus appellationem interponat, Cauſam finitam eſſe non dubitatur, Si vero Profeſſus ad Judicem ſecundæ inſtantix appellaverit, vel etiam ulterius eadem Cauſa retractanda fuerit; in omnibus hiſce judicijs volumus ſimiliter Deſenſorem Profeſſionis ex Officio deputatum intervenire, eodem proſus modo, quo in citata Conſtitutione decrevimus, Deſenſorem Matrimonii, in ſecunda & ulteriori inſtantia, iudicio ſemper adeſſe. Ac ſicuti præterea ſtatuimus, huiusmodi Deſenſoris partes eſſe a Sententia iudicis primæ inſtantix pro Matrimonii nullitate lata ad ulterioriſ inſtantix Judicem provocare; & formam proſequendi iudicium in ulterioriſ huiusmodi inſtantijs præſcripſimus; ita porro volumus ut Deſenſor Profeſſionis a Sententia in prima inſtantia pro nullitate Profeſſionis edita appellare omnino debeat; atque in ſecunda ſeu ulteriori huiusmodi Cauſarum reſiſſione, eadem omnia volumus obſervari, quæ pro Cauſis Matrimonialibus in eadem Conſtitutione mandavimus.

Quemadmodum denique legitimas poenas ibidem conſtituimus adverſus eos, qui poſt unicam obtentam Sententiam pro prioris Matrimonii nullitate, ſive pen-

dente appellatione, ſive ea per incuriam aut fraudem Deſenſoris non interpoſita, auſi fuiſſent novas Nuptias contrahere; atque decrevimus nemini licere ad altera Vota tranſire, niſi duz ſaltem Sententiæ conformes pro nullitate prioris Matrimonii emanaverint; ita, ſi quis in Ordine Regulari Profeſſus, poſt unicam Sententiam favore Nullitatis Profeſſionis pronuntiata, ſive pendente, ſive omiſſa culpabiliter appellatione, e Clauſtris exire, a Religione diſcedere, quodque magis eſt, Habitum Regularem abjicere præſumerit; volumus, atque ſtatuimus, omnibus eum poenis atque cenſuris a Saceris Canonibus, & a Conſtitutionibus Apoſtolicis contra Apoſtatas latis atque ſancitis, ſubjacere, & obnoxium eſſe; decernentes pariter, in huiusmodi Cauſis de Profeſſionis nullitate, liberum Profeſſo non eſſe a Religione migrare, niſi duas ſaltem obtinuerit Sententias conformes, quibus ab eo emiſſa Profeſſio nulla & irrita declarata fuerit.

Et primæ quidem Inſtantix Judices ſuper validitate Profeſſionum, quæ intra quinquennium judicialiter impugnantur, ut ſupra dictum eſt, Superior Regularis, ſimulque Ordinarius Loci eſſe debent. Si vero eadem Cauſæ in ſecunda, aut ulteriori inſtantia ſint diſcutiendæ, ſtatuimus, inhærentes antiquis quibuſdam ſæpèdictæ Congregationis Cardinalium Concilii Tridentini Interpretum Decretis, quæ pariter tenore præſentium approbamus, & confirmamus, ut Cauſæ huiusmodi ad eos Indices devolvantur, ad quos de jure alix omnes Cauſæ Eccleſiaſticæ, poſt Sententiam Ordinarii, in gradu appellationis reſpectively devolvuntur; ita tamen, ut hi quoque Judices, ſicuti Ordinarius in prima inſtantia una cum Superiore Regulari proceſſit, & ipſi procedere & judicare debeant una cum Superiore Regulari, non quidem illius Monafterii, in quo reclamans profeſſus eſt, ſed alterius Monafterii ejuſdem Ordinis in eorum Civitate aut Dioceſi exiſtentis, vel eo non extante, cum Superiore viciniſſimi Monafterii ejuſdem pariter ordinis, ſeu cum alia per-

sona Ecclesiastica, cui juxta præmissa, Superior ille ad quem pertinet, suas vices ad hunc effectum delegaverit. Si autem hujusmodi Causæ in secunda aut ulteriori instantia ad eandem Apostolicam devolvantur, & a prædicta Congregatione Concilii, sive ab altera super Consultationibus Episcoporum, & Regularium, aut denique ab Auditorio Rotæ, ut respective assolet, discutiendæ fuerint; nullus erit locus ad judicandum Superiori Regulari; qui neque tunc ad ferendam Sententiam admittitur, quum ab eadem Congregatione Concilii, juxta relatum superius Urbani Prædecessoris Decretum, examinanda fuerit, etiam in quinquennium, validitas Professionis ex eo capite impugnata, quod facta fuisse asseratur in Monasterio, aut Cœnobio Religiosis Tyronibus instituendis minime addicto.

Hactenus de judiciis super nullitate Professionis, quæ intra quinquennium a die ipsius Professionis emissæ introducuntur; de quibus hoc etiam declarando decernimus, ut quæcunque in superioribus statuta sunt, & omnia locum habere, & observari debeant etiam in Curia S. R. E. Cardinalis, Nostri & Romani Pontificis pro tempore in Urbe ejusque Districtu Vicarii in Spiritualibus Generalis; quoties hujusmodi Causas intra idem quinquennium in ipsius Tribunali Ordinario judicandas esse contingat. Jam vero videndum est de ejusdem generis Causis, quæ post elapsum quinquennium hujusmodi, in judicium adducuntur.

Porroquum Sancta Tridentina Synodus, post quinque annos ab emissâ Professione transactos, omnem aditum ad reclamandum Professis interclusum esse sanxisset, per ea aperta verba superius relata: *Non audiat, nisi intra quinquennium a die Professionis*: adeo in hærendum hujusmodi sanctionis litteræ duxerunt Majores Nostri, ut sub pix mem. Prædecessore Nostro Gregorio Papa XIII. decretum fuerit, ac veluti pro regula statutum, nullius Causæ introductionem super nullitate Professionis, elapso quinquennio, admittendam esse; etiam si Pro-

fessio per vim & metum facta diceretur, atque probari vellet, hujusmodi vim & metum toto quinquennii tempore permanuisse. Verba Decreti die v. Martii anni MDXCVIII. editi, quæ habentur *Decretorum Congregationis Concilii Tomo 9. fol. 55.*, hæc sunt: *Gregorius XIII. ex Sententia Congregationis Concilii declaravit, eos, qui per vim & metum se Religionem professos prætenderent, nisi intra quinquennium reclamaverint, eo elapso, non esse audiendos, tametsi allegarent, vim & metum semper durasse.*

At vero procedentibus temporibus; non sine iustis gravibusq; e Causis, ut plane persuasum habemus, inductum fuit, ut admitterentur instantiæ pro restitutione in integrum adversus lapsum quinquennii.

De quibus tamen Judicium facere ad Apostolicam Sedem semper privative pertinet, sive ex parte Professi, sive ex parte Religionis instantiæ hujusmodi proponerentur, ac licet ipsa reclamatio ob impedimentum per totum quinquennium, perseverans dilata fuisse diceretur. Hoc enim remedium restitutionis in integrum, extraordinarium in jure vocatum, cujus concedendi facultas Judicibus inferioribus competere nequit, non obstante quacunque contraria consuetudine, etiam immemorabili, aut quolibet asserto privilegio; ut patet ex compluribus in eandem sententiam decretis ejusdem Congregationis Tridentini Concilii Interpretis, quæ recensita fuerunt in Decreto edito die xxiv. Septembris anni MDCCXL. in Causa *Sicula Restitutionis in Integrum*, quod a Nobismet ipsis die xxviii. ejusdem mensis, & anni approbatum & confirmatum fuit, quodque iterum præsentium tenore approbamus & confirmamus; reservato Nobis & successoribus Nostriis Romanis Pontificibus jure concedendi Ordinariis, & Superioribus Localibus, in quibusdam peculiaribus casibus, facultatem examinandi etiam Causas restitutionis in integrum, ac super ipsis pronunciandi, antequam ad sententiam ferendam super Professionis validitate, aut nullitate deveniant;

niant; ut non semel ex Apostolicæ Sedis dispensatione factum fuisse non ignoramus.

Hujus autem judicii methodus diversa quondam fuit ad ea, quæ in præfenti observatur. Antiquis enim temporibus, visa probabili ratione, seu fumo, ut ajunt, causarum restitutionis in integrum, ea ab Apostolica Sede concedebatur, nimirum facultas indulgebatur reclamantibus adversus Professionem, ut licet elapsum esset quinquennium, nihilominus de illius nullitate coram Judicibus competentibus actionem promovere possent; pro cuius judicii instructione, deinceps a Superiore Regulari, & ab Ordinario Loci legitimus conficiebatur Processus, atque sententia super validitate, aut nullitate ferebatur. Quæ sane methodus si hoc etiam tempore in usu esset, oporteret Nos eorum præcipue, quæ ad hujusmodi iudicium consequentia sunt, rationem habere; ac providere, ne unius tantum sententiæ vigore Professiones Regulares dissolverentur. Sed alius hodiernum tempore est ordo, qui in præfatis Congregationibus, seu Tribunalibus Urbis, pro concedenda restitutione in integrum adversus lapsum quinquennii, observatur. Nam priusquam super eo quidquam decernatur, committitur Ordinario Loci, & Superiori Regulari, ut Processum conficiant; eoque demum transmissio, proponitur dubium super concessione restitutionis in integrum, idque non minus accurate ac severe examinatur, ac si dubium propositum esset super ipsa validitate, aut nullitate Professionis. Si autem petita in integrum restitutio concedatur, tunc Ordinario & Superiori Locali committitur, ut sententiam proferant super controversa Professionis validitate. Sed quavis in hujusmodi Commissionibus plena ipsi relinquatur facultas judicandi sive pro validitate, sive pro nullitate Professionis, prout ipsi iustum visum fuerit; usu tamen compertum est, quod, quum iidem satis noverint quam diligenti, & gravi iudicio apud Sedem Apostolicam discussæ fuerint Causæ, propter quas re-

stitutio in integrum concessa fuit; visumtaxat hujusmodi concessionis rescripto, nec ulteriori instituto examine, ad ferendam pro nullitate Professionis sententiam, ut plurimum sine dubitatione procedunt.

Accuratam hujusmodi examen Causarum restitutionis in integrum apud Romanæ Curie Judices in more positum, non modo non immutare intendimus, verum etiam approbatione Nostra singulis, ad quos pertinet, magnopere commendatum, ab ipsis in posterum observari volumus ac jubemus; hoc tamen addito, ut in Commissionibus, quæ diriguntur Superioribus Regularibus, & Ordinariis Locorum pro conscribendis Processibus, iisdem sub pena nullitatis actum injungatur, ut in omnibus procedere debeant cum interventu Defensoris Professionis; ad quem nimirum pertinebit Interrogatoria dare, juxta quæ examinari debebunt Testes, aliæque ad Officium sibi impostum pertinentia diligentissime præstare. Item volumus, ut in ipsa propositione dubii super concessione restitutionis in integrum, tam in præfatis Cardinalium Congregationibus, Concilii Tridentini interpretationi, & Episcoporum ac Regularium consultationibus præpositis, quam in Auditorio Rotæ, aut quacumque Congregatione peculiariter forsan deputata, sub simili nullitatis pena, Defensor Professionis, ab eo, qui Tribunalis caput est, deputatus, expensis eorum, de quibus supra, semper & in omnibus actibus in iudicio stare debeat; neque solum in prima hujusmodi dubii propositione, sed etiam in ulterioribus, quatenus reclamans in prima reiectus, ad novam audientiam admittatur. Denique, ut pro fruendo beneficio restitutionis in integrum, unica favoribilis resolutio nequaquam sufficiat, nisi ea per secundam conformem, iterato Causæ examine, auditoque semper Defensore Professionis, confirmata fuerit; quemadmodum in altera Constitutione Nostra, præfatis initio allegata, de Causis super nullitate Matrimonii constitimus; Nos enim præfatum tenore decernimus,

ac sub pœnis adversus Apostatas saneitis districtè prohibemus, ne quis sub clypeo unicæ resolutionis pro concessione restitutionis in integrum obtineat, e Religiosis Claustris migrare, multoque minus Habitum Regularem deponere audeat, seu præsumat: quum ad prædictas pœnas declinandas, & altera resolutio super restitutione in integrum priori consentanea, & sententia super nullitate Professionis a Superiore Regulari, & ab Ordinario ferenda, expectari omnino debeant; nec nisi per hujusmodi sententiam, a prædictis Judicibus, præviis duabus resolutionibus pro concessione restitutionis in integrum, legitime latam, Judicium absolutum censeri queat.

Quæ omnia si ita observabuntur, ut a Nobis constituta sunt, utque omnibus, ad quos pertinet, ac pertinebit in posterum, sedulo observanda & implenda a Nobis præscribuntur, & enixe inculcantur; profecto non dubitamus, quin multo rariores in posterum futuræ sint instantiæ & contentiones eorum, qui vel intra quinquennium a die Professionis emisit, vel etiam eo elapso, susceptum Religiosæ vitæ Institutum relinquere aditantur. Ad hoc autem certius obtinendum magnopere contulerit, si a Superioribus quoque Regularium Ordinum in Novitiorum admissionibus ea observabuntur, quæ & in eorum Constitutionibus, & in Decretis fel. recordat. Clementis Papæ VIII. Prædecessoris Nostri statuta sunt quæque omnia ab ipsis plenissime observari & impleri, Nos pariter ipsis præcipimus ac jubemus; tum etiam si ipsi minus facile consensum suum præbebunt, ut admittantur ad Professionem Tyrones, sive qui ætatem quidem a Concilio præscriptam compleverint, at non ad eam pertigerint, quæ a Constitutionibus Ordinis statuta est, sive illi, qui licet annum Novitatus expleverint ad normam Concilii, adhuc tamen ulterius in eo manere deberent, juxta præscriptum suarum peculiarium Constitutionum; multoque magis ii, qui nec per integrum annum, sed per octo, aut sex menses dumtaxat

Tyrocinium posuerunt; ac demum si ipsi Superiores haud se interponent, neque curabunt, ut Professi ante legitimam ætatem ad Ordines Sacros promoveantur. Quæcumque enim sive in Sacris Canonibus, aut Pontificiis Constitutionibus, sive in peculiaribus Ordinum statutis, circa præmissa provide constituta sunt, non parum habent momenti ad religiosam vocationem in hominum cordibus stabilendam, & ad cohibendam versatilem animorum mobilitatem, quæ ut plurimum aut sola, aut potissima causa est, qua Professi adducuntur, ut vota, quibus obstricti sunt, irrita declarari eupiant. Neque vero Apostolica Sedes illas unquam dispensationes in præmissis concedere consuevit, nisi prævio assensu, aut etiam accedentibus precibus Superiorum Regularium; quibus nempe æquum & necessarium est fidem adhiberi in expositione Causarum, quas urgere asserunt pro concedendis dispensationibus, quæ petuntur. Illud autem nullo modo ferri, aut probari potest, quod tamen apud plerosque invaluisse constat, ut scilicet reclamantibus adversus Professionem sive intra quinquennium, sive post ejus decursum, Superiores ipsi contradictores sese non exhibeant, aut etiam aperte suffragentur; ex falsu nimirum opinione, quod Religiosorum Virorum societate Indignus censendus sit, quicumque ab ea discedere exoptat; quodque ex inutiles Monacho, utilis fortasse Clericus Sæcularis existere possit. Nunquam enim licitum est justitiam deserere aut: procedere, quæ jubet omni ratione sustineri actum adeo solemnem, & naturæ sua irrevocabilem, in quo perscificiendo, una eum Professo, ipsa quoque Religio intervenit.

Ad prædictum finem præterea quammaxime proderit, si & Ecclesiastici Præsules, & Judices, debitas officii sui partes explere non prætermittunt. Ecclesiarum quidem Præsules, si anathemati subjectos declarabunt omnes & singulos, cujuscumque qualitatibus, conditionis, & dignitatis fuerint, qui Virgines, aut Viduas, seu alias quascumque Mulieres in-

vitas,

vitas, præterquam in casibus in jure expressis, coegerint ad ingrediendum Monasterium, vel ad suscipiendum Habitum cujuscumque Religionis, vel ad emittendam Professionem; juxta sanctionem Sacre Tridentinæ Synodi *Sess. xxv. cap. 18. de Regular.*, ubi etiam pares censuræ statuuntur adversus eos, qui in hujusmodi factis consilium, auxilium, vel favorem dederint; ac si omnes similiter, quotquot ausi fuerint compellere viros ad ingediendam Religionem, & ad Vota profitenda, justis gravibusque pœnis afficient. Judices vero, si falso ante omnia deposito præjudicio, quo nonnulli arbitrantur latissimam viam, quoad fieri potest, aperiendam esse iis, qui inde migrare cupiunt, ubi invito animo commorantur ad exactam justitiæ lancem expendent, & numerum, & qualitatem Testium, qui ad comprobandam nullitatem Professionis inducuntur; & vim majorem a minori, metum gravem a levi, debilem a constantiori sexu, interclusam a permissa reclamandi facultate discedunt; aliasque omnes circumstantias sedulo animadvertent, quæ in hoc toto rerum genere ab Auctoribus considerari solent.

Itaque prædictis omnibus & singulis gravissime denunciamus, districtèque præcipimus, ut in cunctis, quæ ad eorum officia pertinent, a justitiæ tramite, & a præscriptis sibi legibus ne minimum quidem discedant; ac meminerint, omnium, quæcumque gesserint, severissimam sibi rationem tum apud Divinum Judicem, tum apud homines reddendam fore. Nos vero, si Deo placuerit, valetudinem Nobis cum vita servare, non parum operæ conferre intendimus, quo planius atque facilius de Causis hujus generis ab ipsis in posterum judicari valeat. Siquidem Nobis propositum est cum consilio delectorum Virorum in Theologica & Canonica facultate præstantium, nonnullas quæstiones accurate examinare, ac dirimere, quæ variis Scriptorum opinionibus jactatæ, & varias species induentes, juxta diversas occurrentium casuum circumstantias, accipites atque sollicitos detinere

solent Judicantium animos; ut Nobismet ipsis in minoribus olim constitutis non semel evenisse meminimus, quum pro munere Secretarii præfatæ Congregationis Cardinalium Concilii Tridentini Interpretum, hujusmodi Causas ad regulam Juris exigendas præ manibus haberemus. Ejusmodi sunt, exempli causa, quæstiones: Utrum Professio quamvis initio nulla fuerit, per subsequentes tamen actus convalidetur; quinam sint actus, ex quibus hujusmodi convalidatio, seu ratificatio inducatur; & quid momenti habeat ad hunc effectum susceptio Sacrorum Ordinum *ad titulum Religiosæ paupertatis*. Præterea, si quis forte ante legitimam ætatem ignorans Professionem emisit, & in ea ignorantia per plures annos in Religione permanserit, sequæ valide Professum existimans, ea omnia, quæ Professorum sunt, una cum Sociis præstiterit, an hic deinde intelligens quæ ætate Vota emisit, non obstantibus actibus veri Professû a se gestis, adhuc, præfatæ ignorantie præsidio, actionem habeat ad reclamandum adversus Professionem a se factam; an vero talis ignorantia nihil eidem suffragetur, quo minus Professionem initio nullam per subsequentes actus ratam habuisse censeatur. Item, an Professus, qui in Professionis actu impedimentum aliquod, siue defectum, occultavit, de quo interrogatus fuit, addita declaratione ad formam Constitutionum, quod scilicet Religio ipsum cum hujusmodi defectu aut impedimento forsitan occultato admittere non intendebat; an, inquam, talis Professus, qui Religioni dolum struxit, ejusmodi commodum ex propria fraude defumere possit, ut validitatem suæ Professionis ex eo capite impugnare valeat. Denique, an ullam vim habere debeat in foro externo ad suadendam Judici nullitatem Professionis, quod reclamantes Professû asserere sæpe non dubitant, se in proferendis Religiosis Votis, mentem servasse alienam a proposito se obligandi. Hæc omnia, aliaque similia in hujusmodi judicii frequenter occurrentia, & in utramque partem hæctenus disputata, tum

No-

Nostro, tum aliorum, quos, ut supra diximus, in consilium advocaturi sumus, diligenti studio, Deo adjuvante, explanare deliberavimus.

Interim præsentēs Literas, cum omnibus & singulis in ipsis decretis atque statutis, firmas, validas, & efficaces existere ac perpetuo fore, suosque plenarios & integros effectus sortiri & obtinere, ac ab illis, ad quos spectat, & pro tempore quodcumque spectabit, & omnibus & per omnia plenissime & inviolabiliter observari volumus & decernimus. Sicque & non aliter per quoscumque Judices Ordinarios, & Delegatos, etiam Causarum Palatii Apostolici Auditores: prædictasque S. R. E. Cardinalium Congregationes Generales & Particulares, aliosque ejusdem S. R. E. Cardinales, etiam de Latere Legatos, & Sanctæ Sedis Nuncios, aliosve quoslibet quacumque præeminentia, auctoritate, & potestate fungentes & functuros, sublata eis, & eorum cuilibet, quavis aliter judicandi, & interpretandi facultate, ubique judicari & definiri debere; ac nullum, irritum, & inane si secus super his a quoquam quavis auctoritate scienter vel ignoranter contigerit attentari.

Non obstantibus, tam Causarum forsan ad hunc diem introductarum pendentia, quas quidem causas, in quibuscumque statibus & terminis de præsentī repariantur, juxta superius præscripta omnino tractari, judicari, & definiri debere expresse decernimus; quam Nostra & Cancellariæ Apostolicæ Regula de Jure quæsito non tollendo, aliisque Apostolicis, ac Universalibus, Provincialibus, & Synodalibus Conciliis editis, generalibus vel specialibus Constitutionibus, & Ordinationibus, Decretis quoque, & Resolutionibus a præfatis Cardinalium Congregationibus, sive ab Auditorio Rotæ prædicto, aut aliis quibuscumque Judiciis, & Tribunalibus, alias forsan, & aliter factis, conditis, & emanatis, nec non quibuscumque etiam juramento, confirmatione Apostolica, vel quavis firmitate alia roboratis Statutis, Privilegiis, Excep-

tionibus, & Indulis, etiam in corpore juris clausis, aut Literis Apostolicis quibuscumque Personis, Collegiis, Locis, Ordinibus, etiam Militaribus, Congregationibus, Societatibus, & Institutis, etiam Societatis Jesu, & S. Joannis Hierosolymitani, aliisque quibuscumque specificis & individua mentione dignis, etiam sub quibuscumque verborum tenoribus & formis, & cum quibuscumque etiam clausulis, & decretis, etiam derogatoriarum derogatoriis, & irritantibus in genere, vel in specie, etiam motu simili, & de Apostolicæ potestatis plenitudine, seu consistorialiter, ac alias quomolibet in contrarium præmissorum concessis, ac pluries confirmatis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & individua mentio, seu quævis alia expressio ad id servanda foret, illorum tenores, formas, causas, & occasionēs præsentibus pro plene & sufficienter expressis, & exactissime servatis, & specificatis respective habentes, illis alias in suo robore permanfuris, hac vice dumtaxat, & ad præmissorum effectum, plenissime & amplissime motu pari derogamus, & derogatum esse volumus, cæterisque contrariis quibuscumque.

Volumus insuper, & eadem Auctoritate prædicta mandamus, ut eadem præsentēs, & in eis contenta quæcumque ad omnium notitiam facilius deducantur, nec quisquam de eis ignorantiam prætereendere valeat, ipsas præsentēs, seu earum transumpta, ad valvas Ecclesiæ S. Joannis in Laterano, & Basilicæ Principis Apostolorum de Urbe, nec non Cancellariæ Apostolicæ, Curiaque Generalis Innocentianæ in Monte Citatorio, & in Acie Campi Floræ per aliquem ex Curforibus Nostris, ut moris est, publicari, & affigi, sicque publicatas & affixas, omnes, & singulos, quos concernent in futurum, perinde efficere & actare, ac si unicuique illorum personaliter intimatæ, & notificatæ fuissent.

Utque earundem præsentium transumpta

sumptis, seu exemplis, etiam impressis, manu alicujus Notarii publici subscriptis, ac sigillo Personæ in Ecclesiastica Dignitate constitutæ munitis, eadem prorsus fides tam in judicio, quam extra illud ubique locorum habeatur, quæ ipsi præsentibus haberetur, si forent exhibitæ, vel ostensæ.

Nulli ergo omnino hominum liceat paginam hanc Nostrarum Confirmationis, Approbationis, Voluntatis, Mandatorum, Statutorum, Decretorum, & Declarationum infringere, vel ei ausu temerario contraire. Si quis autem hoc attentare præsumperit, indignationem, Omnipotentis Dei, & Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ Millesimo septingentesimo quadagesimo septimo, quarto Nonas Martii, Pontificatus Nostri Anno Octavo.

Constitutio super designatione Confessarium extraordinariorum pro Monialibus.

Est LVI. tom. 2. Bullar. pag. 471.

**BENEDICTUS EPISCOPUS
SERVUS SERVORUM DEI**

Ad perpetuam rei memoriam.

Pastoralis curæ Nobis impositæ munus hanc inter alias sollicitudinem a Nobis exposcit, ut pusillorum animis in afflictione & angustia constitutis opportuna solatia ac remedia asferre non negligamus, quorum ope interiorum conscientiarum tranquillitatem recuperare aut conservare valeant, sine qua impossibile est debitam Omnipotenti Deo servitutem alacri & promptæ affectione exhibere; hujusmodi angoribus & afflictionibus confectis constat Religiosas Mulieres in Claustris degentes, quibus certus & unicus Sacramenti Pœnitentiæ Minister a Monasterii Præfato ad tres ut minimum annos designari solet; cui si aliquando, præ pudore, vel alia quapiam de causa, non omnes conscientiarum suarum recessus aperire

audeant, atque ideo Confessionis integritati detrudere incipiant, in barathrum perditionis æternæ se ipsas misere conjiciunt. Quod sane haud raro evenire, satis Nobis exploratum atque compertum est, tum ex iis, quæ in Apostolicæ Pœnitentiariæ Officio tractari vidimus, dum olim in minoribus constituti plurimum annorum spatio munus Doctoris in Decretis in eodem Officio sustinimus; tum etiam ex iis, quæ in Episcopalis Anconitanæ primum, deinde in Metropolitana Bononiensis Ecclesiæ regimine, frequenti usu cognovimus; tum demum ex his, quæ sæpius ad Nos in Petri Cathedra octavum jam annum Dei miseratione residentes, deferri contingit, sive ex parte diversarum hujusmodi Monialium, quæ animarum suarum angustias paternis oculis Nostris identidem subjicere coguntur, sive ex parte Venerabilium Fratrum Nostrarum Ecclesiarum Antistitem, qui Nobis earumdem Monialium in suis diocesisbus existentium calamitates, ex præallegata causa ortas, aut viva voce, aut per Litteras non semel repræsentarunt, ac super ea re Apostolicæ providentiæ opem postularunt. Hinc est, quod Nos earum spiritualibus indigentis per hanc Nostram perpetuo valituram Constitutionem opportune prospicere volentes; non quidem intendimus consultissimam illam, & veteris disciplinæ auctoritate roboratam Legem tollere, aut abrogare, qua generaliter statutum esse dignoscitur, ut pro singulis Moniali Monasteriis unus dumtaxat Confessarius deputetur, qui Sacramentales Confessiones universæ earum Communitatis excipiat, neque liceat unicuique Moniali peculiarem Confessarium prohibito sibi deligere; sed hoc dumtaxat Nobis propositum est constituere, ut si quando generalis hujusmodi Legis rigor, in peculiaribus casibus, non sine animarum detrimento aut periculo, servari posse videatur; in promptu sit opportunitate dispensationis & indulgentiæ remedia occurrentibus necessitatibus admoveere.

Sane jamdudum S. Thomas Aquinas

nas

nas Scholarum Princeps, Ecclesiæque Doctor, in *Supplemento tertia Partis, qu. 8. art. 4. ad sextum*, sive in *quantum sententiarum*; ex quo Commentario desumptum est huiusmodi *Supplementum*, hoc Superioribus monitum dedit, ut Subditis suis, quibus certum & unicum Confessarium designare solent, haud difficulter licentiam concedant confitendi peccata sua alteri Sacerdoti; propterea quod multi infirmi & imbecilles animo reperiuntur, qui potius eligerent sine sacramentali expiatione ex hac vita migrare, quam ipsa peccata certo alicui Sacerdoti a Superiore designato aperire. Jam vero Sacrosancti Concilii Tridentini Patres, hanc legem districte sanxerunt, *sess. 25. cap. 10. de Regular.*, ut Episcopi, alique Monasteriorum Prælati, subiectis sibi Monialibus Confessarium extraordinarium, duabus, aut tribus vicibus in singulos annos, exhibere debeant; per hæc verba: *Præter ordinarium autem Confessorem, alius extraordinarius ab Episcopo, aut aliis Superioribus, bis, aut ter in anno offeratur, qui omnium Confessiones audire debeat.* Quod quidem non alia de causa præscriptum fuit, quam quia satis constabat nonnullas aliquando Moniales esse, quæ nulla ratione adduci possunt, ut aliquod peccatum suum ordinario Confessario confiteantur; adeo ut necesse omnino sit, alterius Confessarii copiam ipsis suppeteret, ut apud hunc de peccatis suis integre, rite, atque utiliter confiteri possint. Id ipsum probe animadvertit Magnus Ecclesiæ Dei Sacerdos S. Carolus Borromæus, qui prædicti Concilii Tridentini absolutionem ope sua plurimum iuvit, ejusque executionem & observantiam in sua Mediolanensi Civitate & Provincia non sine immanis laboribus & curis innoxit; is enim hac de re ita decrevit; *Præterea Superiores, ex decreto Sacri Tridentini Concilii, quotannis idoneum Confessorem extraordinarium Monialibus sibi subiectis exhibeant, cui curent, ut universa confiteantur, ut quæ huiusmodi indigent medicina, propter aliquem occultum animæ morbum, neque ipsæ eam postulare,*

aut accipere ab usitato Confessore unquam auderent, liberius mereri suis malis possint, ac Diaboli laqueos evadere, una cum reliquis Confessario novo sua peccata confitendo, uti legere est in Actis Ecclesiæ Mediolanensis. impress. anno 1599. pag. 53. in Editione autem Lugdunensi tom. 1. pag. 46.

Porro quicumque Conciliaris Decreti sensus penitus introspexerit, non modo salutarem illius providentiam facile agnosceret; sed & circumspèctam ejusdem æquitatem mirari deberet. Superioribus enim tantummodo injungitur, ut duabus tribusve vicibus infra annum, Confessarium extraordinarium Monialibus exhibeant; *bis, aut ter in anno offeratur.* Huiusmodi autem Confessarius jubetur eorum omnium Confessiones excipere, quotquot eidem confiteri velint: *Quæ omnium Confessiones audire debeat.* Neque tamen omnibus & singulis Monialibus præcipitur, ut peccata sua extraordinario Sacerdoti confiteantur. Nihil aliud enim requiritur ab omnibus in Monasterio degentibus, tam scilicet a Superiorissa, cæterisque Monialibus Professis, atque Novitiis, quam a Sæcularibus, quæ vel educationis causa, vel alio titulo in eodem Monasterio cum debitis facultatibus commorantur, nisi ut extraordinario Confessario singule se stant, sive ad Sacramentalem Confessionem apud ipsum, si placuerit, peragendam, sive ad salutaria monita, etiam extra Sacramentalem Confessionem, ab ipso accipiendo. Atque ita prudentissime consultum est, ne, si Moniales aliquæ extraordinarium Confessarium adirent, aliz autem coram ipso non comparerent, suspiciones atque oblocutiones excitarentur; & illæ quidem censerent necessarias habuisse causas, ob quas ad extraordinarium opem confugere coactæ essent, aliz vero ab huiusmodi necessitatibus & causis immunes judicaretur. Quam agendi rationem communi Doctorum calculo comprobata, san. mem. Prædecessor Noster Clemens Papa XI. Edicto suo, (quod est *XP. in secunda parte ipsius Bullarii*) inviolabiliter servari mandavit, eandemque o maium Diœcesum

sum consuetudo recepit. Nec aliud Nobis hac in re addendum superest, nisi, ut Venerabiles Fratres Nostros Ecclesiarum Antistites enixe hortemur, ut, quamvis Tridentina Synodus de solis claustralibus Monialibus in præmissis decreto loquatur: nihilominus eandem disciplinæ formam observent, tam cum aliis Monialibus, quæ licet Clausuræ legibus minime adstrictæ sint, in communitate tamen vivunt; quam cum aliarum quarumcumque Mulierum, aut Puellarum Cœtibus, seu Conservatoriis, quoties tum illæ, quam istæ, unicum Ordinarium Pœnitentiæ Ministrum a Superioribus designatum habeant. Quæcumque enim circa Moniales in rigorosa clausura viventes cavenda sunt, eadem in aliis quibuscumque Mulieribus, sive Regularibus, sive Secularibus, in Communitate, aut Collegio degentibus, locum habere possunt; ideoque pari providentia, iisdemque remediis arceri, aut emendari debent. Et nos quidem, quum hanc consuetudinem offerendi Confessarios extraordinarios bis, aut ter in anno singulis tam Monialium non Claustralium Communitatibus, quam piis aliarum Puellarum & Mulierum Cœtibus & Communitatibus in nostra Civitate & Diocesi Bononiensi induxerimus; (qua de re extat Editum Nostrum *num. LXXI* inter Pastoralis Institutiones Italico primum sermone a Nobis vulgatas, deindeque in latinum conversas) omnibus testari possumus, vel potius debemus, uberem spiritualium utilitatum Messum Nos inde evidenter collegisse.

Quum vero super relati Conciliaris Textus intelligentia nonnullæ quæstiones aliàs excitatæ, eademque jam pridem per opportuna Sedis Apostolicæ decreta definitæ fuerint, operæ pretium ducimus huiusmodi definitiones ab omnibus, ad quos spectat, omnino tenendas, atque servandas, his nostris Apostolicis Litteris complecti, & auctoritatis quoque nostræ robore communitas, in prædictorum omnium noticiam deducere. Et primo quæsitum fuit, ad quem Superiorem perti-

neat extraordinarium Confessorem Monialibus deputare, atque offerre: sed facilis fuit responsio, quam Nos quoque decreto nostro ratam habemus, huiusmodi scilicet deputationem ad eum regulariter spectare, ad quem pertinet Confessarii Ordinarii electio & deputatio; ideoque Episcopus, sive Ordinarius Loci, qui Monialibus sibi subjectis Confessarium Ordinarium dare consuevit, idem Confessarium extraordinarium bis aut ter in anno, ad normam Tridentinæ sanctionis, eisdem offerre tenetur; Prælati vero Regularis, ad quem pertinet Ordinarium Confessarium subditis suis Monialibus, servata Apostolicarum Constitutionum forma, designare & constituere: ipse etiam eisdem extraordinarium Confessarium in vim præfati decreti, & juxta easdem Constitutiones, duobus aut tribus per annum temporibus exhibere potest, ac debet. Quæ tamen ideo *regulariter* obtinere diximus; quia si Episcopus aliquis (quod Deus avertat) adeo hac in re negligens esset, ut Monialibus suis, bis terve in anno, extraordinarii Confessarii copiam facere prætermitteret; obtinens, ut moris est, nullem hac de re Monialibus ipsis sollicitudinem, aut curam esse; tunc volumus Dil. Fil. Nostram S.R.E. Cardinalem modernum & pro tempore existentem Majorem Pœnitentiarum, statim ac pro parte Monialium huiusmodi requisitus fuerit, Ordinarii Pastoris negligentiam supplere debere, earumque Monasterio extraordinarium Confessarium, ex eorum tamen numero, qui ad excipiendas Monialium Confessiones ab ipso Ordinario Locj approbati fuerint, cum omnibus necessariis, & opportunis facultatibus, concedere, & deputare. Quod si Prælati Regularis eandem Concilii legem de Confessore extraordinario bis aut ter in anno Monialibus sibi subjectis exhibendo, similiter implere neglexerit; tunc locus fiet Decreto Congregationis S.R.E. Cardinalium ad ipsius Concilii interpretationem, & executionem auctoritate Apostolica quo scilicet eandem Congregatio ad quæ-

R r r *finis*

sionem ab Episcopo Vercellensi propositam die 25. Augusti anni MDCXXXI. rescripti, ut infra: *Episcopus Vercellensis supplicat sibi responderi, an deputatio Confessarii extraordinarii Monialium Regularibus subiectarum spectet ad Ordinarium Locum: Sacra Congregatio censuit, ad Episcopum non pertinere, nisi in casu negligentiae eorumdem Regularium*, ut videre licet *Decretor. Lib. XIV. pag. 493.* Nec aliter respondit quaestionibus ab Episcopis Belgii exhibitis, die 6. Aprilis anni MDCXLVII., ut legitur *Decretor. Lib. XVIII. pag. 327.* Quae quidem rescripta & Decreta Nos etiam praesentium tenore, & Apostolica auctoritate, in omnibus & per omnia approbamus, & confirmamus.

Quam autem Tridentina Synodus de universa quidem Monialium Communitate, ut supra, decreverit, sed nihil de singulis Monialibus statuerit, ut patet legenti Textum citati Capituli X. utque etiam jam usque ab anno MDLXXXV. judicatum fuit ab ipsa Congregatione Cardinalium Concilii Interpretem, quod subsequens Rescriptum, quod extat *Decr. Lib. IV. pag. 90. Sacra &c. censuit, extraordinarium Confessorem offrendum non alicui Moniali singulariter, sed omnibus Monialibus universae, ut omnium Confessiones audire debeat; in arbitrio tamen cujusque Monialis esse, ut Confessario extraordinario velit confiteri.* Hinc ortum habuit alterum controversiae, seu dubitationis caput; an scilicet, ubi jam universae Communitati bis terve infra annum Confessarii extraordinarii copia facta est, & nihilominus aliqua Monialis Confessarium peculiarem extra ordinem sibi concedi petit, an, inquam, hujusmodi petitioni sit indulgendum. Id autem primo loco quaesitum fuit, proposito casu Monialis graviter aegrotantis, quae in mortis periculo, pro spiritali consolatione, postulet, alium Sacerdotem, qui tunc non est Ordinarius Monasterii Confessor, supremam sibi Ecclesiasticae pietatis officia, & Pœnitentiae Sacramentum ministrare. Huic annuendum facile esse, praedicta Congregatio plurimum judicavit, ut

videre est ipsius *Decret. Lib. XVIII. pag. 322. a tergo, sub die 6. Aprilis anni MDCXLVII. & eodem Libro pag. 586. die 22. Februarii anni MDCXLIX.* quae pariter Decreta a Nobis praesentium tenore approbantur, & confirmantur; ut scilicet Episcopi subiectis sibi Monialibus in gravi infirmitate constitutis, & id expetentibus, peculiarem Confessarium concedere debeant; iidemque etiam id ipsum praesent erga Moniales Regularibus Praelatis subiectas, quum aliqua ex illis a suo Superiore Regulari hujusmodi gratiam impetrare non potuerit. In hoc autem casu nihil statuitur de Cardinali Majore Pœnitentario, nod ideo, quia nequeat is pro singulis Monialibus idem facere, quod supra diximus eundem pro toto Monasterio facere posse; sed quia tunc, ob temporis angustias, interclusa praesumitur via recurrendi ad ipsius Officium. Quod si nihilominus ipsius adeundi tempus & modus superpetat; ad eum pertinebit, eadem prorsus ratione peculiaribus supplicantiis necessitatibus providere, quae dictum est superius, universae Religiosae Communitati ab ipso consulendum esse.

Actum deinde fuit de peculiaribus quibusdam Monialibus, quae nec corpore infirmæ, nec morti proximæ, Ordinario tamen Ministro confiteri obfirmate recusant. Illarum quoque animi debilitas commiseranda est, & sublevanda; adeoque, ubi earum reluctancia superari nequeat, Confessarius extra ordinem deputandus est, qui earum Confessiones peculiariter excipiat. Id vero, circa Moniales Episcopo, seu Ordinario Locum subiectas, ab ipso Ordinario praestari debet. Quod autem ad illas pertinet, quae Regularium Regimini subiant, ad Regularem Praelatum pertinet, servatis servandis, peculiarem ipsis destinare Confessarium ex approbatis ab Ordinario ad Confessiones Monialium; vel si Sacerdos ille, cui ejusmodi Monialis confiteri cupit, pro illis non sit approbatus, cum ipso Ordinario agendum erit, ut pro excipienda saltem illius Monialis Confessione, & pro tot vici-

vicibus, quot expedire iudicabitur, eundem approbet. Sin autem contingat (neque id adeo rarum est) ut Regularis Superior ad concedendum huiusmodi Confessarium extraordinarium Moniali communem Confessarium recusanti nullo pacto adduci possit; jam huic casui provisum est per Decretum anno MDLXXIII. a prædicta Congregatione Concilii editum, & a fel. record. Gregorio Papa XIII. tunc Apostolicum Thronum obrintente approbatum, & confirmatum, quod nunc iterum confirmationis Nostræ auctoritate roboramus. Decreti verba relata *Libro 1. Decretorum ipsius Congregationis pag. 66. a tergo*, hæc sunt: *Monialis per aliquod tempus noluit confiteri Confessariis Regularibus. Dubitatum fuit, an Episcopus Regiis possit dare dictæ Moniali Confessorem alterius Ordinis Regularem, vel Sæcularem, cui illa semel, vel pluries confiteatur peccata sua, & a quo absolvi possit. Sanctissimus Dominus Noster, etiam ex sententia Congregationis Concilii, declaravit, dictum Caput decimum ita esse intelligendum, ut etiam possit Episcopus concedere Confessarium alterius Ordinis, vel Sæcularem: Præterea nihil obstat, quo minus ipsa Monialis recursum habeat ad Cardinalem Majorem Pœnitentiarum, a quo ipsi providendum erit, ut supra dictum est, per deputationem Confessarii ex approbatis ad Moniales, apud quem illa confiteatur.*

Quæstio denique fuit de Monialibus illis, quæ neque ægrotant, neque recusant Ordinarium Pœnitentiæ Ministrum a Monasterii Prælato pro universa Communitate deputatum; verum pro majore animi sui quiete, atque ulteriori in via Dei progressu, facultatem petunt confitendi aliquoties Sacerdoti ad excipiendas Monialium Confessiones jam approbato. Qua de re non semel Nobis in minori statu degentibus accidit, ut cum aliquibus Episcopis, aut Regularibus Monialium Superioribus agere debuerimus. Porro in aliquos ex iis incidimus plus nimio severos; qui aspera quadam verborum brevitate

respondebant, quod quum Moniali postulanti libera fuisset facultas confitendi extraordinario Sacerdoti, qui universæ Communitati non semel eo anno jam datus fuerat, tunc oportebat eam conscientię suæ consuluisse: Quod si oblata commoditate uti noluerat, id sibi imputaret, neque pergeret Superiori molestiam asserere, ut peculiarem Confessarium extra ordinem ipsi concederet. Nobis autem obicientibus, Monialeni huiusmodi ad Apostolicæ Pœnitentiariæ Officium facile recursum habituram, ibique haud ægre impetraturam id, quod ab ipsis Superioribus ei denegatum fuisset; iterum constanter respondebant, extraordinarium huiusmodi Confessarium, post impletam ab ipsis erga universum Monasterium Tridentini Concilii legem, ab alio quidem concedi posse, sed a se nunquam concessum iri.

At vero, neque tunc Nobis ardebat, neque profecto nunc Nobis placet rigida isthæc agendi ratio: Persuasum enim habebamus, adeoque habemus, non solum integræ Communitati, sed singulis etiam Monialibus indulgendum esse in iis rebus, quæ iuste & rationabiliter petuntur, maxime quum illæ ad earum conscientię quietem & securitatem conferre dignoscuntur. Neque sane huiusmodi postulationes aut temere exaudiri, aut sine causa rejici debere censuimus, sed inquirendum in primis esse de qualitatibus tum Monialis, quæ Confessarium extra ordinem petit, tum Confessarii, qui ab ea requiritur; ut utriusque diligenter inspectis, deliberari possit, an illius votis annuendum sit, an non. Si enim Monialis ex una parte nullum det adversæ suspitioni locum, ex altera vero Confessarius non modo legitimam Ordinarii approbationem, sed etiam commune probitatis testimonium pro se habeat, nullo modo probare possumus tam firmum huiusmodi Prælatorum in renuendo propositum; nec intelligimus, cur post Confessarium extraordinarium integræ Communitati, juxta legem Concilii Tridentini, oblatum, nulla omnino Monialibus singulis spes re-

linquatur obtinendi peculiarem Confessarium, cujus consilio, & opera, iustis fortasse de causis, indigere se arbitrentur. Non ita sane hac de re sentiebat sapientissimus ille Animarum Rector S. Franciscus Salesius, cujus doctrinæ summam ex illius Operibus, tum editis, tum manuscriptis, collectam, bon. mem. Joannes Petrus le Camus Episcopus Bellecensis iusto volumine complexus est, cui Titulum fecit: *Spiritus Sancti Francisci Salesii*. In hujus compendio, quod ex Gallico in Italicum sermonem conversum Venetiis anno MDCCXLV. pro quarta vice Typis editum est, *parte XVII. cap. 6.* aperte legitur, quod, quum Beatus Episcopus non ita intelligeret præmissum Concilii Tridentini Decretum, ut vetitum existimaret, Confessarium extraordinarium, pluribus etiam quam tribus vicibus in anno, Religiosæ Communitati offerre; quæ quidem sententia plures habet suffragatores, quos refert *Diana in Editione coordinata Tom. 7. Tract. 1. res. 348.*; non solum solebat suis Monialibus Visitationis Beatæ Mariæ Virginis quater in anno, videlicet in singulis Hebdomadis Quatuor Temporum, Confessarium extraordinarium deputare; verum etiam earum respectivis Superioribus commendatum reliquit, ut singulis Monialibus, quæ non ex animi levitate, neque ex indiscreta affectionis singularitate, Confessarium extraordinarium peculiariter peterent, haud se difficiles in eo concedendo præberent. Nec aliter se gerere consuevit Ven. mem. Gregorius Cardinalis Barbadicus Episcopus Patavinus; Is enim, ut testatur illius quondam Vicarius Generalis Joannes Clericus in *Tractatu de Penitentia, decis. 41. num. 7.*, & Patrum Tridentinorum decretum quoad omnia Monialium Monasteria in sua Civitate & Diocesi existentia quotannis reipsa exequiebatur, & nihilominus exorari se patiebatur a Monialibus, quæ aliquando rationabilibus de causis peculiarem pro se Confessarium expeterent. Hujusmodi regulis & exemplis nostram quoque agendi rationem in spirituali Mo-

nialium regimine conformare curavimus; maximumque utilitatis & quietis fructum Nos inde percepisse cognovimus. Quapropter Venerabiles Fratres Ecclesiarum Antistites, atque Dilectos Filios quarumcumque Religiosarum Mulierum Rectores hortamur in Domino, & enixe monemus, ut eandem viam, quoad fieri potest, insistere non recusent, & non adeo difficiles se præbeant peculiaribus Monialibus extraordinarium Confessarium aliquando expetentibus; quin potius, nisi aut Monialis postulantis, aut Confessarii requisiti qualitas aliter faciendum fudeant, earum iustis precibus obsecundare studeant: illud cogitantes, quod etsi liberum sit cui-libet Moniali Cardinalem Majorem Penitentiarium adire, cui ea in re facultas cumulativa cum omnibus locorum Ordinariis a Romano Pontifice tribuitur; nihilominus ea est aliquando necessitatis urgentia, ut remedium, quod de longinquo petendum est, non satis tempestive adveniat: Et quamvis etiam quorumlibet negotiorum expeditionis, quæ in Officio Penitentiariorum Apostolicæ sunt, ab omni vel minima pecunie solutione inviolabiliter sint immunes; non omnibus tamen Monialibus facile est invenire, qui earum negocia in Urbe procurare velit & possit.

Jam vero postrema superest questio, nimirum de qualitatibus Confessarii extraordinarii, qui vel pro universa Monialium Communitate, vel pro aliqua Moniali peculiariter deputari debeat. Porro nullo unquam tempore dubitatum fuit, an in hujusmodi Sacerdote ætatis maturitas, morum integritas, prudentia lumen requiratur; quas quidem doctes in eo, qui ad hujusmodi munus adhibetur, necessarias esse, omnes fatentur. Sicut etiam minime dubitatur, quin idem ab Ordinario Loci specialiter pro Monialibus approbatus esse debeat, quum hujusmodi approbatio, ex Apostolicarum Constitutionum lege, omnino requiratur non solum in omnibus tam ordinariis, quam extraordinariis Confessariis, qui Monialibus, etiam Regularibus subiectis, ab earum

refe

respective Superioribus deputantur; sed etiam in iis, qui a Cardinali Majori Penitentiario conceduntur, etiam Apostolica Sede vacante, quo nimirum tempore amplioribus is pollet facultatibus; ut videre est in Nostra Constitutione super illius facultatibus edita, quæ est XCIV. in Tomo 1. Bullarii Nostri, ubi paragrafo 54. eidem conceditur, ut, vacante Sede, *Monialibus Confessarios extra ordinem valeat deputare, si eos ex aliqua rationabili causa petierint, pro earum libitu, inter approbatos ab Ordinario ad audiendas Monialium Confessiones, eligendos.* Quamobrem ad id dumtaxat redacta est controversia, an scilicet e Clero Sæculari, an vero e Regulari, eligendus sit huiusmodi Confessarius; tum inter Regulares, an assumi possit ex quolibet Ordine alias permissio, an vero semper deputari debeat ex ipso Ordine Prælati Regularis, ad quem Monasterii regumen spectat.

Sane pro Monialibus Episcopo immediate subiectis, regula est, ut Ordinarius earum Confessor sit Sacerdos Sæcularis. Extraordinarium vero ex Ordinibus Regularibus sæpissime assumi apud plerosque Episcopos usu receptum esse constat; deficiente forsan per singulas Dioceses Sæcularium Presbyterorum ad id muneris idoneorum copia. Regulares autem Prælati Monialibus sibi subiectis Confessarium Ordinarium designant e suo ipsorum Ordine; extraordinarium autem etiam ex alio Ordine Regulari deputare possunt, iuxta Decretum a sæpedita Congregatione Concilii editum die 26. Septembris anni MDXCV. ac relatum in Libro VIII. Decretorum pag. 149. a tergo, ubi sic legitur: *Sacra &c. respondit, Superiores Regulares teneri offerre Confessarium extraordinarium ejusdem Ordinis, alterius vero Ordinis posse quidem, sed non teneri.* Nunquam tamen, quod meminimus, ullum Sacerdotem Sæcularem, aut diversis Ordinis Regularem, vidimus a Regulari Prælato Monialibus sibi subiectis extraordinarium Confessorem deputari. Denique quum aliquando evenire possit, ut in casu

negligentiæ Superioris Regularis, ad Episcopum, ut supra dictum est, pertineat deputatio Confessarii extraordinarii etiam pro Monialibus Regularium regimini subiectis; nulla ipse lege tenetur ad huiusmodi Confessarium eligendum ex eo Ordine, cujus est Monasterii Prælati; sed tali casu liberum est illi quemlibet idoneum Presbyterum Sæcularem, aut alterius Ordinis Regularem, ad audiendas earum Monialium Confessiones deputare.

At quum superioribus aonis Apostolicæ Sedi expositum fuisset, pluribus de causis, iisque gravissimis, quas hic referre opus non est, non tam opportunum, quam plane necessarium videri, ut Monialium Monasteria Regularium regimini subiecta, semel saltem in anno Confessarium extraordinarium diversis Ordinis Regularem, aut e Sæculari Clero Presbyterum haberent; hujus rei examen, jubente fel. recordat. Prædecessore Nostro Innocentio Papa XIII., assumptum fuit a peculiari Congregatione ex quinque tunc existentibus S.R.E. Cardinalibus composita, cui Nos tunc in Minoribus constituti in Secretarii munere operam præstabamus; quæque, per annum & ultra, singulis Hebdomadis cogebatur, ad discutienda, & definienda complura Ecclesiasticarum quæstionum capita, quæ deinde inserta sunt in Apostolicis Literis ab eodem Innocentio Prædecessore editis die xlii. Maji anni MDCCXXIII., quarum initium est: *Apostolici Ministerii*; quæ etiam a san. mem. Prædecessore quoque Nostro Benedicto Papa XIII. in forma specifica confirmatæ fuerunt, per alias similes Literas datas die xxiii. Septembris anni MDCCXXIV.

Cum autem negocia, quæ in ea Congregatione tractabantur, nullius privatas rationes attingerent, sed de restitutione potissimum Tridentini Concilii observantia in quibusdam Catholici Orbis Regionibus, ut ferebatur, non parum labefacta, unice ageretur; necessarium minime judicatum fuit, aliquem velut in iudicium vocare, ad deducenda jura, siquæ sibi

sibi adversus illa, quæ decernenda viderentur, competere forsan putaret. Sed Nostra peculiaris cura erat, ad singula proposita capita totidem Dissertationes, unicuique ex præfatis Cardinalibus exhibendas, elucubrare; ad demonstranda videlicet fundamenta illius disciplinæ, quæ in usum revocanda censebatur. Nec aliter se res habuit, quum in eadem Congregatione, ut præfertur, in deliberationem venit, an decernendum foret, ut Regulares Monasteriorum Prælati, una saltem ex tribus vicibus, quibus extraordinarium Confessarium Monialibus sibi subiectis in annos singulos exhibere debent, aliquem Regularem, aut alterius Ordinis Regularem Presbyterum ad id deputare tenerentur, utque ipsi hac in re deficientibus, liberum esset Episcopis Locorum Ordinariis eorum defectum supplere & emendare.

Verum quum Regularibus innotuisset, a prædicta Congregatione conditum esse Decretum eorum intentioni contrarium, utpote qui minime adstringi volebant ad huiusmodi annuam deputationem Confessorum extraordinariorum e Clero Sæculari, vel ex aliis Ordinibus; nonnullarum Religionum Procuratores Generales petierunt admitti ad deducendas rationes, quas huiusmodi Decreto obstatere putabant; cumque id facile impetrassent, ac suam, totiusque Cætus Regularium causam per eximios illius temporis in Romana Curia Advocatos defendi curassent; sed nihilominus prædicta Cardinalium Congregatio in priori sententia permansisset; placuit præfato Prædecessori Innocentio, antequam Decretum huiusmodi approbatione sua confirmaret, aliorum Cardinalium sententias audire. Itaque exclusis illis omnibus, qui ex ipsius Pontificis deputatione, in præcedentibus Sessionibus per annum integrum negocia discusserant, aliisque advocatis Cardinalibus, quibus exhiberi secreto fecerat conscriptarum allegationum exempla; Nobis etiam adesse iussit, qui rationum momenta a priori Congregatione præocu-

lis habita, si opus esset, exponere possemus; novam Cardinalium Congregationem ex improvviso coram se convocavit, in qua iterum proposita quæstio diligenter ac mature discussa fuit; ac demum ipse Pontifex de ipsius Congregationis consilio & assensu, super hac re decrevit, ut sequitur: *Cumque ex eodem Concilio Tridentino Confessor extraordinarius sit, aut ter in anno offerri Monialibus debeat, qui omnium confessiones audiat; si in posterum Superiores Regulares, quoad Monasteria ipsi subiecta, toties prædictum extraordinarium Confessorem deputare neglexerint, vel si etiam ex proprio eodem Ordine semper deputaverint, nec saltem semel in anno ad id munus elegerint Sacerdotem aut Sæcularem, aut Regularem alterius divise Ordinis profissorem, in his casibus Episcopi, pro sui arbitrio & conscientia, deputationem huiusmodi facere possint, nec illa quovis titulo, aut prætextu, a Superioribus Regularibus valeat impediri.*

Perscriptum fane fuit huiusmodi Decretum ea occasione quæ agebatur de restituenda in certis quibusdam Regionibus Ecclesiastica disciplina ad formam Concilii Tridentini; Verum ipsius Decreti vigor ad eas dumtaxat Regiones minime restrictus fuit; quum & animarum pericula, quæ ex perpetuo Confessorum ejusdem Ordinis deputatione timebatur, in omnibus Monasteriis Regularium regimini subiectis locum habere possint; & quæcumque adversus Decretum ipsum adducta fuerunt, ex generalibus Ordinum Statutis, & ex Constitutionibus Monialium Regularibus subiectarum, fuerint desumpta. Cumque judicatum fuerit, ea omnia nequaquam obstatere, quo minus ita decerneretur; sequitur, ut quamvis eidem Decreto causam dederint peculiarium quarundam Regionum necessitates Apostolicæ Sedi eo tempore expositæ, illud tamen generale sit, & universos per Orbem Regulares Monasteriorum Monialium Prælatos afficere debeat. Cum vero deinde alter laudatus Prædecessor Benedictus XIII. Innocentii Litteras in forma
spe-

specifica confirmari, Nobis constat, illius mentem fuisse, ut hujusmodi Decretum universalis, & inviolabilis legis vim obtineret. Super quo nihilominus ne ulla apud aliquos superstit dubitatio; Nos ipsi, presentium Litterarum vigore, ac Motu proprio, & certa scientia, deque Apostolicæ potestatis plenitudine, ipsum reatum Innocentii Prædecessoris Decretum, statutum, mandatum, atque præceptum, ad omnia per Orbem ubique existentia, & Regularium regimini subiecta Monialium Monasteria, quatenus opus sit, expresse extendentes & ampliantes; decernimus atque statuimus, ut singulis annis, incipiendo a proximo millesimo septingentesimo quadagesimo nono a Nativitate Domini decurrendo, Regulares Monasteriorum Prælati teneantur bis, aut ter in anno Confessarium extraordinarium universis Monialibus in iis degentibus offerre; si vero ipsi forsan hujusmodi Confessarii extraordinarii deputationes intra præscripta tempora omiserint, vel semper proprii Ordinis Regularem Sacerdotem ad hunc effectum deputaverint; itaut præfatæ Moniales semel saltem in anno Confessarium extraordinarium e Clero Sæculari, aut ex alio Ordine Regulari non habeant; ad Episcopos Diocesanos, omni appellatione remota, devolvatur jus supplendi eorundem Prælatorum defectum (si nempe pensatis rerum circumstantiis, ita expediens esse judicaverint) per deputationem Confessarii extraordinarii; quem tam in uno, quam in altero casu, aut e Clero Sæculari, aut ex alio Regulari Ordine, pro ipsorum arbitrio, deligere possint, & valeant.

Quo circa delicto Filio Nostro Sanctæ Romanæ Ecclesiæ Cardinali, moderno Nostro, & pro tempore existenti Romani Pontificis in Urbe ejusque Districtu Vicario in Spiritualibus Generali, earundem presentium tenore committimus, & mandamus, ut hæc nostra Decreta, atque Statuta, tam in omnibus ejusdem Urbis Monasteriis, quæ Regularium re-

gimini subsunt, quam in aliis quibusque Regularium, aut Sæcularium Mulierum, aut Puellarum Domibus, seu Collegiis, atque Conservatoriis, quibus unicus ordinarius Confessor a Superioribus deputari solet, in omnibus & per omnia, juxta earundem Litterarum præscriptum, exactissime observari, & adimpleri faciat; ne forte audiri contingat, quod cum magna animi nostri molestia didicimus aliquando esse cognovimus, Apostolicas Constitutiones Romæ quidem ferri, & publicari, sed eas minime in ipsa Urbe ad effectum perducere.

Eandem porro curam, & sollicitudinem injungimus, & demandamus Venerabilibus Fratribus Patriarchis, Primatibus, Archiepiscopis, & Episcopis per omnes universi Orbis Ecclesias constitutis; quibus, ut satis perspectum putamus voluntatis nostræ studium, tam in eorum rationabilibus quærelis, justisque petitionibus suscipiendis, quam in corruptelis, quas irrepsisse indicaverint, eliminandis; idque non ex ingenio nostro quidquam statuendo, nec peregrinas novitates inducendo; sed veteres ut plurimum leges, & regulas, vigili Prædecessorum nostrorum providentia jam pridem constitutas, in pristinum debitumque vigorem, & usum revocando; Ita eosdem meminisse volumus, proprium zeli Pastoralis officium non in eo situm esse, ut adversus ea, quæ contra leges sunt, inutiliter deplorando declament; sed ut illa de medio tollere curent, adhibitis opportunis remediis in eum finem jam præstitutis, implorato etiam Apostolicæ Sedis auxilio, ubi impedimentum aliquod eorum auctoritati, & legum executioni, asserri contingat, omnesque diligentias, & curas, quas in corrigendis abusibus ipsi fideliter impenderint, in irritum cedere videant.

Quoniam vero tam in s. perius allegato Clementis XI. Edicto, quam in Synodalibus plurium Episcoporum Constitutionibus statutum esse conspiciamus, ut quo tempore extraordinarius Confessor ali-

alicui Communitati deputatus ministerio suo fungitur, ordinarius Confessor nulum ipsi impedimentum asserere audeat, multoque minus præsumat per id temporis alicujus Monialis, sive Superioris, sive Novitæ, sive Conversæ, neque demum alterius cujuscumque Personæ intra septa Monasterii, aut piz Domus commorantis, Sacramentalem Confessionem audire; Nos id quoque approbatione nostra roborantes, & confirmantes, statuimus, & mandamus, ut Episcopi quidem, si de Monasterii, aut Domibus eorum regimini subiectis agatur, Regulares autem Superiores, quod ad illas Communitates attinet, quibus ipsi præsent, pro hujusmodi Legis implemento advigilent, & contravenientes meritis pœnis coerceant, & afficiant.

Ac demum quibuscumque Confessoris extraordinariis, qui vel alicui Communitati generaliter, vel peculiariter alicui personæ in Monasterio degenti concessi, ac deputati fuerint, districte inhibemus, sub pœnis adversus accedentes ad Monasteria Monialium, & cum ipsis conversantes, præsertim Regulares, a Prædecessoribus nostris quodcumque statutis (quas etiam præsentium vigore confirmamus, & innovamus) ne, postquam suum officium impleverint, ad idem Monasterium ulterius accedere, aut ullius generis commercium intra ipsum quodcumque continuare, & fovere, etiam sub spiritualis causæ, aut necessitatis obtentu, & colore, audeant, aut præsumant.

Decernentes, ipsas præsentis Litteras, atque omnia, & singula in eis statuta, atque præscripta, etiam si quicumque in iisdem interesse habentes, seu habere prætendentes, ad id vocati, & auditi non fuerint, nec præmissis consenserint, aut alterius cujuscumque generis defectus forsan adversus eas obijciatur, semper & perpetuo valida, & efficacia esse & fore, & ab omnibus, ad quos spectat, atque in futurum spectabit, inviolabiliter etiam perpetuo observari. Sicque & non aliter

in præmissis per quoscumque Judices Ordinarios, & Delegatos, etiam Causarum Palatii Apostolici Auditores, & Sanctæ Romanz Ecclesiæ Cardinales, Congregationes ordinarias, aut peculiariter deputatas, aliosque Cardinales, etiam de Latere Legatos, ac Vice-Legatos, & Apostolicæ Sedis Nuncios, Judicari, & definiri debere; sublata eis, & eorum cuilibet, aliter judicandi, definiendi, ac interpretandi facultate, & auctoritate; atque irritum, & inane decernentes, quidquid secus a quoquam scienter, vel ignoranter contigerit attentari.

Non obstantibus quibuscumque etiam Apostolicis, ac in Universalibus, Provincialibus, & Synodalibus Conciliis editis generalibus, vel specialibus Constitutionibus, & Ordinationibus, nec non quarumcumque Ecclesiarum, & Ordinum Regularium, seu Congregationum, aut Societatum, & Institutorum, etiam S. Joannis Hierosolymitani, aliorumque Militarum Ordinum, seu Monasteriorum Virorum, aut Monialium, aliarumque piarum Domuum, etiam juramento, confirmatione Apostolica, vel quavis firmitate alia roboratis statutis, usibus, & consuetudinibus etiam immemorabilibus; Privilegiis quoque, exemptionibus, & Indultis, etiam in corpore juris clausis, aut Litteris Apostolicis, cuilibet præmissorum, sub quibuscumque verborum tenoribus, & formis, etiam hic de necessitate exprinendis, ac cum quibusvis clausulis, & decretis, etiam irritantibus in genere, vel in specie, & derogatoriis derogatoriis, quomodolibet in contrarium concessis, ac pluries confirmatis, approbatis, & innovatis; quibus omnibus, & singulis, hac vice dumtaxat, & ad præmissorum effectum, illis alias in suo robore permansuris, de Apostolicæ potestatis plenitudine derogamus, cæterisque contrariis quibuscumque.

¶ Volumus demum, ut earundem præsentium Transumptis, seu exemplis, etiam

impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides, tam in judicio, quam extra illud, ubique locorum habeatur, quæ ipsis presentibus haberetur, si forent exhibitæ vel ostensæ.

Nulli ergo omnino Hominum liceat paginam hanc nostrarum confirmationis, approbationis, innovationis, voluntatis, mandati, statuti, decreti, & declarationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum.

Datum Romæ apud Sanctam Mariam Majorem Anno Incarnationis Dominicæ MDCCXLVIII. Nonis Augusti Pontificatus Nostri Anno Octavo.

Ad Monasteria Monialium ne quis etiam exemptus, & Ecclesiastica Dignitate præfulgens, accedat, siue Ordinarii Locales permisso. Ad Archiepiscopos, Episcopos, aliosque Locorum Ordinarios per Ecclesiasticam Ditionem constitutos.

Est XII. tom.3. Bullarii pag.98.

BENEDICTUS PAPA XIV.

Venerabilis Frater, Salutem & Apostolicam Benedictionem.

GRavissimo animi mœnore affecti fuimus, dum a certis viris renuntiatum Nobis est, aliquos esse Præfules, qui regimen Civitatum Ditionis Nostræ obtinentes, nec habita, immo nec petita quidem ab Episcopis, Locorumque Ordinariis facultate, ad Monialium Monasteria se conferunt, & libere cum iis colloquuntur; Synodorum decreta, & Episcoporum Constitutiones omnino infringentes, in quibus hujusmodi licentia dignis poenis prohibetur: Sed non solum in iis Civitatibus, in quibus sunt cum imperio, eos ita se gerere audivimus; verum in cæteris quoque, per quas casu transeunt, ea ratione innixi, quod a pe-

culiaribus Episcoporum, aliorumque Ordinariorum Constitutionibus sese exceptos esse contendunt. Hæc, quæ ad Nos delata sunt, excipere, ac credere non dubitavimus; quum id Nobis etiam Anconitanam, & Bononiensem Ecclesiæ regentibus coram contingerit, quamvis ægre id ferentes, acriter, sed frustra, quos decebat, admonere non prætermiserimus.

Nihil, aut parum negotii res facesseret, si ante oculos ponerent Tribunalium Urbis decreta confirmata a Prædecessoribus Nostri, qui res omnes præteritis temporibus non providerunt solum, verum etiam in iis sapientissime consuluerunt. Sed quoniam aut illa ignorant, aut si sciunt, arbitratu suo vivere contendunt, ad eum, qui Ecclesiæ præest, omnino spectat illa ad memoriam revocare, tum jubere eadem observari.

Præteritis temporibus Sacræ Congregationes, annuentibus Summis Pontificibus Prædecessoribus Nostri, opportune statuerunt quæ sibi necessaria visa sunt, quoad Regulares, qui suis fulti legibus, siue immunitatibus, putabant injussu Episcopi libere se adire posse sibi addicta Monialium claustra, ut videre licet in nostro Tractatu de Synodo lib.7. cap.41. num.7., ubi eadem decreta indicantur; sed providentes etiam non tam Gubernatoribus, quam Episcopis, qui aut in Civitates, aut Oppida alterius Episcopi juri subiecta veniunt, aut inibi commorantur, sanxerunt, ne quis in seio Ordinario Monasteria adiret, aut Moniales alloqueretur; cujusmodi decreta a recentioribus auctoribus indicantur, ut legitur apud Pellizarium de Monialibus cap.5. sect.5. n.210., apud Gratianum discept.392. num.1., apud Tamburrinum de Jure Abbatissarum disput.25. quest.2., & apud Ferrar. in sua Bibliotheca, in verbo Moniales artic.4. num.34.

Canonicis sanctionibus Monialium custodia juri Ordinario Episcopi, si Monasteria ejus potestati subiecta fuerint, delegato, si exempta, committitur; quemadmodum statutum fuit a Pontifice Prædecessore nostro Bonifacio VIII. in

cap. Periculoso, de Statu Monachor. in sexto, atque a Sacro Tridentino Concilio renovatum in cap. 5. sess. 25. de Regularibus & Monialibus. Hinc porro omnino sequitur, Monasteria adire, Monialesque invadere sine Custodis jussu licere nemini; ac propterea debere omnes hujusce rei veniam ab Episcopo impetrare, omnes demum si esse directivæ interdicti auctoritati, sicut probant citati auctores, & argui facile potest ex præteritis Congregationum decretis.

Quæ quidem confirmata omnino volumus, ac si opus sit, quod non putamus, nova lege fancimus, imperamusque, ne Episcopi alienæ Diocesis Monasteria conveniant, atque cum Monialibus colloquantur infæto Ordinario Loci; eademque omnia firma, rataque esse jubemus, etiam quoad Vicelegatos, & Gubernatores licet Præfules, quibus ad Monasteria accessum sine debita venia, in iis quoque Civitatibus, in quibus cum imperio fuerint, interdiciamus.

Jam dictum est hosce omnes directivæ Episcoporum auctoritati, eorumque Constitutionibus subjacere, quæ omnino accessum vetant ad Monialium Claustra sine debita facilitate. Cum vero iidem Ordinariæ Episcoporum jurisdictioni minime subsint; ideo sunt immunes a vi coactiva, idest a pœnis contra transgressores statutis, uti ex responso patet Clementis III. Prædecessoris nostri in cap. *A Nobis 21. de sententia excommunicationis.* Ne vero ab hujusmodi immunitate aliquid mali exoriat, volumus, & mandamus, ut si aliquando contigerit, quod futurum non credimus, ut eorum aliqui, quos supra memoravimus, ad Monasteria Monialium se conferant; & cum iis Episcopi injussu agant, infringentes Synodorum sanctiones, atque Episcoporum edita; volumus, inquam, & imperamus, ut Episcopi Nos, aut Congregationem Episcoporum & Regularium certiorum faciant, ut aliqua ratione contempta Episcopalis auctoritas vindicetur; eoque libentius hujusmodi consilium amplectimur, quod idem a Prædecessoribus no-

stris decretum novimus, quoties ab Ordinariis adversus personas immunes, & Sedi Apostolicæ immediate subjectas, procedendum sit; Joannes XXII. in cap. *Cum Matthæus, de hæreticis in Extravag. com.*, Eugenius IV. in cap. *Divina, de Privileg. in Extravag. com.*

Hæc sunt, quæ a Nobis facienda esse duximus. Tuum nunc est Venerabilis Frater, hanc Epistolam nostram in Cancellaria tua diligenter servare, eamque meliori, qua decet, forma promulgare, iisque, ad quos pertinet, indicare, ejusque executionem procurare; ac Fraternitatem tuam in Domino amplectentes, Tibi & gregi tibi credito Apostolicam Benedictionem impertimur.

Datum Romæ apud Sanctam Mariam Majorem die trigesima prima Octobris, Anno Domini millesimo septingentesimo quadragesimo nono, Pontificatus Nostri Anno Decimo.

Sunt Constitutiones aliz SS. D. N. ad peculiares Monialium Ordines, sive Monasteria pertinentes.

I. Constitutio Sæpe Romanorum data die 5. April. ann. 1741. num. XV. tom. 1. Bullar. pag. 42. qua Canonici & Moniales Ordinis Hospitalarii S. Spiritus in Hispaniarum & Poloniæ Regnis commorantes a jurisdictione Præceptoris Generalis eximuntur, & Locorum Ordinariis subji-

ciantur. Moniales ejusdem Ordinis S. Spiritus in prædictis Hispaniarum Regnis & Poloniæ Regno existentes, tam in spiritualibus, quam temporalibus curæ & regimini & omnimodæ Ordinariorum prædictorum, in quorum Diocesi ipsarum Monasteria sita reperiuntur, jurisdictioni pariter perpetuo eadem Apostolica auctoritate subijcimus, & subjectas esse volumus, easque propterea a quacumque Fratrum Hospitaliarium Ordinis prædicti subjectione, & regimine penitus, & omnino dicta auctoritate similiter perpetuo tenore earamdem præsentium eximimus & liberamus; eisdemque Fratribus, ne
ipsi

ipsi in iis, quæ Monasteriorum prædictorum gubernium & regimen quomodolibet pertinent, in posterum, sub excommunicationis ac privationis utriusque vocis, aliisque arbitrio nostro imponendis poenis se ullatenus inferere audeant, Apostolica auctoritate prædicta eorumdem præsentium tenore etiam perpetuo inhibemus, penitusque prohibemus.

II. *Epistola Antistitibus Regnorum Portugallie & Algarbiorum* Cum Sacrarum Virginum, data die 1. Junii anni 1741. num. XXI. tom. 1. Bull. pag. 54. qua Monialibus in Portugallia, & Algarbiorum Monasteriis rigorosam clausuram professis, & extra illa degentibus injungitur reditus ad claustra & egressus in posterum prohibetur.

Quoniam autem sicut accepimus quamplurimæ Moniales variarum Diocesium Regnorum hujusmodi, quæ Regularem in Monasteriis quorumcumque Ordinum rigorosæ & perfectæ clausuræ emisserunt professionem variis & in speciem quæsitis coloribus & simulationibus, ac præsertim prætextis curandarum infirmitatum causis, non solum e Monasteriis exeunt, nec ad breve tempus, nec ad Civitatis oppida, ubi cujuslibet Monialis Monasterium reperitur, divertunt, verum etiam per integrum unius ac plurium annorum spatium, & in locis a proprio uniuscujusque Monasterio longissime distans moram ducunt &c. Illico notum faciatis & nuntietis omnibus & singulis Monialibus Monasteriorum, sive vestrarum respective, sive aliarum Diocesium in uniuscujusque vestrum Diocesi, quacumque auctoritate, facultate, licentia, Indultis ac privilegiis, sive per hanc Sanctam Sedem, sive per Congregationem Venerabilium fratrum nostrorum S. R. E. Cardinalium negotiis Episcoporum & Regularium præpositam, sive per vos ipsos aut Prædecessores vestros Antistites, sive per Ordinarios nostros & ejusdem Sanctæ Sedis pro tempore Nuntios quomodolibet concessis, extra Claustra suorum Monasteriorum, quacumque etiam infirmitatis causa commorantibus, in virtute san-

ctæ obedientiæ præcipiatis, ut intra 15. aut 20. dies & non amplius, ab eorumdem præsentium nostrarum litterarum publicatione & affixione ad proprium Monasterium, in quo Regularem Professionem emisserunt, redeant, ibique permaneant &c. tum fraternitatibus vestris, vestrisque successoribus, tum Ordinariis ejusdem Apostolicæ Sedis pro tempore isthæc Nuntiis, tum denique ipsi Congregationi Cardinalium Episcoporum & Regularium, quancumque facultatem tribuendi, expediendique Indulta hujusmodi, quacumque auctoritate, potestate, privilegiis, & indultis, quibus omnibus, quoad hanc partem, eorumdem præsentium tenore derogamus, attributam, omnino inhibemus, & inhibitam esse volumus, & declaramus.

III. *Constitutio Singularis data die 1. Septemb. anni 1741. num. xxxi. Tom. 1. Bullar. pag. 74. In ea confirmans Synodum Nationalem habitam in Monte Libano anno 1736. confirmat expresse Canonem quoad cohabitationem prohibitam Monialium, seu Mulierum cum Monachis, quem Sacra Congregatio de Propaganda Fide jam probaverat.*

IV. *Constitutio Demandata data die 24. Decembris anni 1743. num. LXXXVII. Tom. 1. Bull. pag. 290. Monasterium Monialium in Kesruano erectum a Græco-Melchitis, eidem Græco-Melchitarum nationi jure proprietatis acquisitum esse declarat, ejusque gubernationem ad Monachos Congregationis S. Joannis de Soairo spectare, cum immediata subjectione Episcopo Ordinario & mediata Patriarchæ Græco-Melchitarum Antiocheno, itaut Confessarius Ordinarius sit Monachus professus dictæ Congregationis, ab ipsius Abate Generali electus & præsentatus, ab Episcopo vero Diocesano probatus, non aliam vero Regulam profiteantur quam genuinam S. Basilii Monachis in eadem Constitutione præscriptam.*

V. *Constitutio Pastor bonus, data die 13. Aprilis anni 1744. num. XCV. Tom. 1. Bull. pag. 319. Inter ceteras facultates Majori Penitentiario, & Officio Penitentiariæ*

concessas, hæ præcipue sunt quæ ad Moniales pertinent.

Concedere itidem possit transitum ab uno Monasterio ad aliud Monialibus tantum ultra Montes existentibus, legitima concurrente causa, in signatura discutienda & approbanda; committendo tamen facultatem hujusmodi transitus admittendi & exequendi arbitrio Ordinarii cum clausulis opportunis pro casuum varietate. Quo vero ad censuras seu poenas in quas Moniales incurrere, & peccata reservata, quæ ab eisdem committi contingerit, etiam in casibus violatæ clausuræ, qui tamen casus occulti fuerint, vel ubi agatur de aliquo occulto defectu dispensando, possit idem Major Pœnitentiarius præfatis Monialibus Confessarium cum opportunis facultatibus concedere. In casibus vero publicis clausuræ a Monia-

libus prædictis, vel ab aliis quibuscumque personis ad malum finem violatæ delinquentes non absolvat, nec absolvi mandet, nisi pro ipsis Episcopi seu Ordinarii supplicaverint, & casus ad Congregationem S.R.E. Cardinalium negotiis & consultationibus Episcoporum & Regularium præpositam deducti non fuerint. „ Concedimus, ut dicta Sede vacante pro „ Foro externo facere & expedire valeant quæ ad Regularium & præsertim „ Apostatarum & fugitivorum remedium „ in superioribus facultatibus concessa „ sunt. Nec non ut Monialibus Confessarios extra ordinem valeant deputare, si eos ex aliqua rationabili causa „ petierint, pro earum libitu inter approbatos ab ordinario ad audiendas Monialium confessiones eligendos.

F I N I S.



INDEX RERUM MAGIS NOTABILIMUM,

QUÆ IN HAC TRACTATIONE CONTINENTUR.

*Prior numerus designat Caput, posterior vero
numerus Capituli.*

A

ABBATISSA.



Aus suffragium non est de-
terminate necessarium ad
hoc, ut novitia admittatur
ad professionem. 3.5
Ea debet præmonere Ordina-
rium de professione fa-
cienda a Novitia. 3.2
Valide recipit ad professionem. 3.7
Maxime si Monialis professura sit conver-
sa. *ibid.*
Abbatissæ promittunt Moniales subditæ
obedientiam per professionem. 4.95
Vi voti eæ tenentur ipsi obedire. 4.99
In aliquibus ei potius debent parere, quem
Ordinarius. 4.104
Illa non imponit præcepta spiritualia, sed
solum temporalia. 4.106
Etsi interdum imponere possit spiritualia
indirecte. 4.108
Non præcipit in virtute Obedientiæ. 4.109
Si tamen sic præcipiat, ei parendum sub
mortali. 4.111
Imponit præcepta obligantia sub morta-
li. 4.112, 113
Non facit leges perpetuas. 4.114
Non præcipit subditis Monialibus quidquid
Prælati Regularis præcipit viris subdi-
tis. 4.116
Exit de clausura ad præstandum fidelitatis
juramentum pro pseudo annexo Conven-
tui. 5.63
Nequit admittere extraneos intra Clausu-
ram. 5.85, 102
Consensum debet dare, ut extranei ingre-
diantur Clausuram. 5.150
In odiosis non semper venit appellatione
Monialis. 5.208
At venit aliquando. *ibid.*

Jure ordinario non dat licentiam ingredien-
di clausuram. 5.152
Etsi id posset facere ex potestate delega-
ta. *ibid.*
Posset item, si periculum esset in mo-
ra. 10.143
Injurius est ei accessus indebite factus ad
Moniales ipsi subiectas. 5.202
Dispensat super frequentia Chori, sed non
cum toto Conventu. 6.13
Ad ea proprie non appellant Moniales sub-
ditæ. 7.33
Durat ejus munus solum ad triennium. 7.46, 10.113.
Debet vacare per 3. annos completos. 10.114
Post triennium immediate confirmata ex
indulto Papæ ad aliud triennium statim
potest iterum eligi. 7.47
Punitur, si sinat se eligi indebite. 8.64
Canonice eligenda. 10.85
Indicatur cujus ætatis esse debeat. 10.90
Renunciat interdum electioni. 10.114
Resignat Abbatissatum in favorem alterius,
si illum habeat in titulum. 10.115
Ostenditur, quam potestatem habeat in
Moniales subditas. 10.117
Applicat extraneis bona opera monialium
subditarum. 10.148
Est incapax jurisdictionis spiritualis ordi-
nariæ. 10.117
Est tamen capax delegatæ. 10.118
Proprie non est Prælata. 10.119
Quando incipiat exercere solum munus. 10.120
Interdum exercet, antequam confirmetur
ejus electio. 10.121
Facit leges Ecclesiasticas ex potestate dele-
gatæ. 10.122
Imponit item præcepta spiritualia ex po-
testate delegatæ. 10.124
Item præcipit in virtute obedientiæ ex po-
testate delegatæ. 10.126
Qualiter ferre possit censuras. *ibid.*
Id fa-

510 INDEX RERUM NOTABILUM.

Id facit pluribus modis .	10.127	Secus , si descendat ex genere maculaw to .	8.48
Ejus præcepta non obligant in conscientia ex eo præcise quod confirmantur a Præ- lato .	10.128	Ejus electio præsignificanda Ordinario .	8.57
Punit religioſas ſubditas , cum moderatio- ne tamen .	10.129	Invalide eligitur ultra triennium .	8.58
Obligat eas iâ conscientia ad detegendum delictum alterius .	10.130	Item ad arbitrium Monialium .	8.59
Conferit beneficia Eccleſiaſtica .	10.131	Poteſt , expleto triennio , eligi in præſi- dentem uſque ad electionem .	8.60
Auſert item illa .	10.131	Cadit ſuo jure , ſi data conſuetudine negli- gat benedicti .	8.62
Non diſpenſat in legibus Eccleſiaſticis , ſal- tem poteſtate ordinaria .	10.133	Ejus electioni præſt Prælatuſ regulariſ , ſi ſit exempta .	10.57
Non poteſtate in juriſdictione .	10.133	Aſſeruntur monita , quibus ea bene re- gat .	10.57.10.136
Non diſpenſat , nec commutat vota ſuarum ſubditarum .	10.134	ABORTUS .	
Ea tamen irritat .	10.135	Procurantes proprium abortum excommu- nicantur .	8.15
Et quidem etiam ſine cauſa .	10.136	ABSOLUTIO .	
Irritas ſine cauſa interdum peccat venia- liter .	10.137	Absolutio non reſervatorum indirecſe tollit etiam reſervata .	10.18
Proprie non diſpenſat in regularibus obſer- vantiaſ .	10.138	Monialiſ inſirma , etiam ſecluſo mortis pe- riculo , abſolvitur indirecſe a reſerva- tiſ .	10.186
Non prædicat , nec benedicit ſolemniter ſuiſ ſubditiſ .	10.139	Absolutio deneganda ei , quem conſtat cul- pabiliter non conſtiteri integre .	10.196
Recipit puellas in educationem , ſervatiſ ſervandiſ .	10.140	Ex delegatione Ordinarii ſimplex Confeſſa- riuſ abſolvit Monialem ab hæreſi exter- na .	9.16
Applicat aliis bona opera Monialium ſubdi- tarum .	10.143	Item & a caſibus Bullæ Cœnæ .	10.181
Indicit illiſ certas preceſ interdum etiam ſub mortali .	10.144	Idem facit , & cuſ Prælatuſ .	10.16
Bona monaſterii adminiſtrat .	10.146	Abſolvuntur Moniales a quaque cœſiſ Clementiſ VIII. per Confeſſariuſ Regula- reſ .	1.19
Conſtituit de illiſ .	10.147	Moniales exemptæ non abſolvuntur a reſer- vatiſ vi Bullæ Cruciatæ , aut alteriſ ſi- milis indulti .	9.13
Imo de conſenſu Superioriſ ; idque vali- de .	ibid.	Quando poſſunt abſolvi vi privilegii .	9.14
Etiſ iſ ad contractum concurrat jure non diſ- poſitivo , ſed directive .	ibid.	Si ſubſint Ordinario , poſſunt abſolvi ab eo vi privilegiorum Ordiniſ , quavis ea ad id petant miniſterium Prælati regula- riſ .	9.15
Dat licentiam recipiendi ; dandi &c .	10.148	A proprio Prælato abſolvuntur a quibuſ- cumque Papaliſ etiam pro foro exte- rno .	9.17
Facit donationeſ moderataſ ex boniſ con- ventuſ .	10.149	Poſſunt item a proprio Confeſſario abſolvi a reſervatiſ , etiam Prælato ei denegante facultateſ .	9.18
Et quidem etiam inſcio Capitulo .	10.150	Idque eſto Prælatuſ denegant facultateſ ſit Ordinariuſ loci .	9.19
Ex cauſa auert Moniali ſubditiſ uſum pri- vilegiiſ .	10.157	Immo & in caſu , quo facultat Prælato com- petat ex delegatione aut ratione neceſſi- tariſ .	9.20
Non conſtitetur generaliter approbato in diocœſi .	10.164	Abſolvitur Monialiſ exempta complex etiſ Epiſcopuſ generaliter vetet abſolutionem compliciſ .	10.170
Regulariter non moderatur poenâſ inſlictaſ a Prælato .	10.152	Absol-	
Suſpendi poteſt ab officio per proprium Præ- latum .	10.62.8.36		
Non concedit alteri ad tempuſ bona Mona- ſteriiſ .	12.37		
Illegitima non poteſt eligi , licet alii diſſen- tiant .	8.42.44		
Item , ſi ſit vidua , aut aliter corrupta .	8.45		
Item ſi ſit bigama .	8.46		
Item ſi ſit inſaniſ .	8.47		

Abfolvitur Monialis fenfibus deftituta, quæ nullo modo petit confeffionem. 10.184
Item quæ petit confeffionem folum in abfentia Confeffarii. *ibid.*

In bonum pœnitentis ei poteft differri abfolutio, licet alias ad eam fit difpofitus. 10.190

Bene abfolvitur qui confitetur Sacerdoti poft accessum ejus incipienti dormire, ac dormienti ufque ad finem confeffionis. *sup.* 10.107.

Verba, quæ dicuntur in fine abfolutionis: *Quidquid boni feceris*, elevat quolibet opus bonum pœnitentis ad operandum ex meritis Chrifii. 10.208

ACCESSUS AD MONIALES.

Prohibitur ex variis juribus. 5.194

Etiâ quo ad Regulares. 5.194

Cum moderatione tamen facta noviffime ab Urbano VIII. 5.194

Cujus decretum latius explicatur. *ibid.*

Prohibetur accessus, non materialis, fed formalis. 5.195

Sive fit simplex, five frequens. 5.196

Quinam accessus dicatur frequens. 5.197

Jure communi interdicitur omnibus fidelibus. 5.198.

Et quidem sub mortali ex genere fuo. 5.199

Idque etiâ quo ad Regulares. 5.200

Excufat parvitas materiæ. 5.201

Indebite factus est injuriofus Abbatisfæ. 5.202

Prohibitur sub variis pœnis. 5.203

Ex pluribus titulis justificatur. 5.204

Non permittitur fine licentia Ordinarii, aut Prælati regularis, quibus Moniales refpectivè fubfunt, aut etiâ utriufque juxta ufum. 5.206.7.39.10.21

Quo ad Regulares petitur licentia utriufque, fi Monialis fit exempta. 5.207

Licentia ad accessum *con le fue donne* loco fuæ famulæ fubftituit mulierem extraneam. *ibid.*

De jure communi non est vetitus accessus ad Abbatisfâ, ac novitias, aliasque fœminas cum Monialibus degentes. 5.208

Parentes, & filii fine licentia accedunt ad filias, & matrem Moniales. 5.209

Prohibitio hæc afficit etiâ Epifcopos extra fuam diœceffim, ftando in rigore juris. 5.210

Item peregrinos. 5.211

Non item pauperes emendicantes. 5.212

Non famulos deferentes dona, & brevi fe expedientes. 5.213

Iftam prohibitionem violat alloquens Monialem de domo vicina. 5.214

Alloquens per interpretem, & loquens numtibus. 5.215

Non alloquens idiomate ignoto Monialem. 5.216

Non audiens Monialem loquentem, nihil ipfe dicens, fecus loquens cum Moniali non rcfpondente. 5.217

Non fcribens ei epiftolam. 5.218

Violat vero accedens cum licentia ad unam Monialem, fi loquatur cum alia diverfa. 5.219

Secus, fi loquatur cum Aufcultatrici-bus. 5.219

Accedens ad Monialem exemptam effugit pœnas Ordinarii loci. 5.220

Ifta prohibitio non efficit impuberes. 5.221

Non funt Magiftri muficæ accedere ad Moniales. 5.222

Accessus ad Moniales, etiâ exemptas, vetari poteft ab Ordinario fub cenfuris, fi dicatur ei commiffa cura claufuræ, etiâ formalis. 10.16

Quo ad Regulares requiritur licentia, etiâ Prælati regularis, fi Monialis fit exempta. 5.207

ADVERSITATES.

Afferuntur media ad illas patienter ferendæ. 10.300

ÆTAS.

Quæ requiratur in eligenda ad abbatisfatum. 10.90

In tali electione præferri ne debeat ætas antiquitatis profeflionis, vel e contra. 10.90.92.

Quæ requiratur in puella a Monialibus recipienda in educationem. 5.182

Quæ petatur in puella recipienda ad religionem. 2.17

Quæ requiratur ad profeflionem. 3.8

Quæ petatur in Moniali confecranda. 3.64

ALIENATIO.

Bona Monialium non alienantur fine folemnitate. 7.29

Monasteria item illarum non alienantur fine licentia Papæ. 8.25

At alienantur bibliotheca librorum latinorum iis legata, vel alia res inutilis. *ibid.*

Moniales non recipiunt pecuniam ad cambium nec mutuum cum pacto folvendi interefle. *ibid.*

Alienatio bonorum monasterii vetita fub excommunicatione. 8.27

Immo

C

CAPITULUM MONIALIUM.

- C**oncurrit ad receptionem novitiæ. 2.2
Item ad ejus professionem. 3.4
Secundum in casu, quo professio fiat ex Pii V. indulto. 10.303
Item ad contractus. 10.146
Item ad donationes extraordinarias faciendas a Conventu. 10.150
Tertia, & quarta soror admissa in idem monasterium caret in eo voce activa, ac passiva. 3.31
Nominè Conventus veniunt Moniales capitulariter unitæ. 5.87
Capitulum Monialium, si pro novitiæ professione aliquid recipit, suspenditur ab omni actu capitulari. 8.35
Concurrit ad recipiendam puellam in educationem. 5.178
Item ad hoc, ut fœmina alias licentiata ad prandendum, & conversandum ingredi possit clausuram. 5.172
Item ad electionem Abbatiſſæ. 10.100

CAPITULUM SEDE VACANTE.

- Dat licentiam ad ingressum clausuræ. 5.148
Visitat Moniales subditas. 10.67
Et competunt quæcumque jure communi pertinent ad jurisdictionem, exceptis casibus expressis. 6.6
Et subduntur Moniales etiam quo ad ea, quæ competunt tanquam Sedis Apostolicæ delegato. 10.6

CARCER.

- Prælati regulares includunt carcere quovis illicite intrantes ad suas Moniales. 5.12
Monialis fugiens e carcere clausuram violat, sed non semper. 5.58
Sineas se violari perpetuo carceri additur. 4.78

CASTITAS.

- Qualem voveant Moniales. 4.76
Ad quid obliget. 4.77
Ejus violatio varie puniuntur. 4.78. & 79
Est mixti fori. 4.80
Quot malitias contineat. 4.82
In quibus casibus contingat. 4.83
Non includit malitias ignoratas, vel quæ non advertuntur. *ibid.*
At si quam earum violans constituitur bona fide, bene constituitur. *ibid.*
Violatio voti castitatis aperiri potest sine peccato luxuriæ, cui annexa est. *ibid.*

Indicantur media ad castitatem servandam.

10.307

- Ad castitatem multum confert clausura. 4.84
Ad ejus conservationem juvat fuga conversationis sæcularium personarum. 4.86
Confert fuga vani ornatus. 4.87
Confert fuga occasionum. 4.88

CASUS RESERVATI.

- Reservatio casuum Ordinarii non afficit Moniales exemptas. 9.19
Nisi forte quo ad clausuram. 10.16
Afficit tamen Moniales subditas. 10.50
Reservatur Papæ violatio clausuræ Monialium ob malum finem. 5.20
Reservatio quinque casuum Clem. VIII. facta in decreto derogatorio non includit Moniales. 10.181
Reservatur excommunicatio, lata a Gregorio XIII. contra ingredientem clausuram Monialium. 5.96
Prælati regulares Monialium iis reservat casus, & censuras. 10.46
Non tamen pro arbitrio. 10.47
Si sint subditæ Ordinario, subsunt reservationi casuum generaliter ab eo factæ. 10.50
Et a reservatis non absolvuntur per Bullam Cruciatæ. 9.12
Absolvuntur tamen per privilegia Ordinis, & a proprio Confessario. 9.14
Et quidem etiam pro foro externo. 9.17
Etiam Prælato negante facultatem. 9.18
Idque, etsi Prælati negans sit Ordinarius loci. 9.19
Item, etsi facultas reservatorum ei competat ex delegatione; aut necessitate. 9.30
Absolvuntur & a casibus Bullæ Cœnæ per proprium Prælatum, sive per alium ex ejus commissione. 9.27. 10.43
Moniales absolvuntur a casibus Episcopalibus, qui pro iis in specie reservantur, per eum qui habet generalem facultatem absolvendi a reservatis Episcopalibus. 10.181
Indirecte item aliquando absolvuntur a reservatis per Confessarium. 10.185
Facultas reservatorum concedenda Confessario extraordinario. 10.186
Caute petenda. 10.183
Puellæ degentes in monasterio exempto non subsunt reservationi casuum Ordinarii. 5.191.

Vide v. Absolutio.

CAUSA.

- Petitur ad concedendum ingressum intra clausuram Monialium. 5.156. & 157

T t t

Q 126

514 INDEX RERUM NOTABILIVM.

Quæ dicatur manifesta .	5.157	Ejus violatio facta ad malum finem reserva-	
CENSURA ECCLESIASTICA.		tur Papæ .	5.20.174
Lata ab Ordinario contra accedentes ad Mon-		Solus Papa in ea dispensat .	1.21
iales , non afficit Regulares indebite ac-		Contra illam præscribitur .	5.22
cedentes .	5.204.8.6	Visitatur ab Ordinario .	10.22.23. & 79
Censuræ , & interdicta lata ab Ordinario ,		Ordinarius punit quoscumque delinquentes	
ipso iubente , servanda etiam a Moniali-		circa clausuram .	10.19
bus .	6.27	Moniales renuentes vivere sub clausura in-	
Abbatissa ferre potest censuras ex delega-		valide recipiant alias foeminas ad pro-	
tione .	10.126	fessionem .	8.52
Idque ex pluribus modis .	10.127	Quid veniat nomine clausuræ .	5.2
Ordinarius ut delegatus Sedis Apostolicæ		Non obligat puellas manentes in educatio-	
fert legitime censuras contra Moniales .		ne .	5.187
8.6.10.17		CLAUSURA Q'UO AD EGRESSUM .	
Obstant tamen privilegia , quæ illæ habent		Indicitur pluribus iuribus .	5.23
in contrarium .	8.6	Ejus violatio plures includit malitias specie	
Quæ tamen non profunt , si Ordinario in		diversis .	5.24
specie concedatur ut contra Regulares		Est prohibita ab excommunicatione refer-	
procedat etiam censuris .	5.204	vata .	5.25
CHARITAS.		Immo & sub aliis pœnis .	5.26
Fovenda inter Moniales variis remediis .		Hæ non incurruntur ante sententiam .	5.27
10.202.		Quis absolvat ab illis .	5.28
CLAUSURA MONIALIVM IN COMMUNI .		Ex qua causa Monialis licentiarum possit ad	
Non est de essentia status religiosi Monia-		egressum .	5.29
lium .	1.12	Quando in casu incendii .	5.30
Non obligat Monialem transeuntem ad Or-		Quando in casu lepræ .	5.31
dinem arctiorem .	3.19	Quando in casu epidemiæ .	5.32
Conferat ad castitatem .	4.84	Juxta aliquos clausura non obligat etiam in	
Qualiter procurata ab Ecclesia .	4.48	aliis morbis incurabilibus .	5.33
Ejus custodiæ vacat Ordinarius etiam quo		Dari possunt similes casus , in quibus non	
ad Moniales exemptas .	5.6	obliget .	5.35
Et quidem etiam quo ad formale clausuræ		Dato casu aliquo ex permissis adhuc petitur	
est id ex jure non ita certo colligatur .		licentia Prælati .	5.36. & 37
10.16. & 17.		Licentia debet esse specialis .	5.38
Variis iuribus inducitur .	5.2	Immo & scriptis (quod alii negant .)	5.39
Potuit induci de novo .	5.3	Clausura non obligat in casu belli , inundationis ,	
Est juris solum positivi .	5.4	aut ruinæ monasterii .	5.45
Ad quem finem inducitur .	5.5	Non in casu , quo Monialis eligatur in Ab-	
Quibus mediis procuranda .	5.7	batissem alterius conventus .	5.46
Ejus custodiæ debet cooperari etiam pote-		Id tamen modo non fit sine consensu Papæ .	
stas laica .	5.8.9	5.47.	
Quo pacto custodienda .	5.12	Monialis ad hoc licentiata , finito munere ,	
Servanda ab omnibus Monialibus .	1.13	debet statim redire .	5.48
Non tamen a Moniali , quæ sinecretur sim-		Non obligat item in casu , quo fundandum	
pliciter degere in domo privata .	5.11	fit novum monasterium .	5.49
Moniales Conversæ alicubi ab ea eximuntur .	5.15	Non in casu , quo Monialis transferatur	
Clausura non obligat in quibusdam casibus .	5.16	alio causa correctionis .	5.52
Ejus violatio Monialibus vetita sub excom-		Non in casu , quo ejici possit ut incorrigibilis .	5.53
municatione reservata , & aliis pœnis .	5.17	Non in casu , quo legitime transeat ad Ordinem arctiorem .	5.54
Variis modis violatur .	5.18	Exiens cum licentia , potest divertere aliquantulum .	5.55
In ejus violatione datur materiæ parvitas .		Immo , si plus æquo divertat , non ideo	
5.19		incurrit pœnas .	5.56
		Non	

Non licet transire a proprio Conventu ad alienum contiguum. §.57
 Et si transeat, duo sunt peccata, & duæ censuræ incurruntur. *ibid.*
 Fugiens e carcere iusto violat clausuram. §.58
 Secus, si iniuste damnetur carceri perpetuo. §.58
 Non egreditur ad vitandam mortem, aut mutilationem iudice inferendam. §.59
 At ad evadendam mortem de manu invasoris. §.60
 Non ad consulendum suæ famæ. §.61
 Non ad vocandum Medicum, aut Confessarium in casu extraordinario. §.62
 At ad præstandum iuramentum fidelitatis debitum ex feudo. §.63
 Non item ad sublevandam parentum indigentiam. §.65
 Sicut nec nepotum. §.66
 Egreditur, ut exorcizetur. §.67
 Non ut reclamet contra nullitatem professionis a se emissæ. §.68
 Illicitus est egressus ad spatium positum inter ostium clausuræ, & januam exterioriorem patentem externis. §.69
 Monialis non dicitur violare clausuram, si loco compulsâ prætergrediatur ostium ipsius clausuræ. §.70
 At si toto corpore insitit in liminari ostii clausuræ. §.73
 Et si ascendat supra tectum respiciens intra clausuram. §.74
 Et si intra rotam se volvat ad partem patentem externis. §.72
 Et si insideat muro clausuræ in modum equitantis. §.75
 Non, si licite degens in domo privata inde exeat. §.82
 Non, si licentiata ad egrediendum id faciat ex fine malo. §.83
 Violat vero, si ludat ludo navis in liminari ostii clausuræ. §.71
 Item, si a tecto Conventus prætergrediatur ad porticum sitam supra viam publicam. §.75
 Item, si toto corpore se suspendat e fenestra versus viam publicam. §.77
 Item, si sistat super ramo arboris extra clausuræ murum prominentis. §.78
 Item, si prævidens se in somnis egressuram non impediat. §.80
 Item, si equum ferociorem ascendens extra clausuram feratur, hoc præviso, §.81

Item, si arte magica feratur per aerem intra spatium clausuræ. §.79
 Moniales exemptæ non exeunt sine licentia Ordinarii. §.37

CLAUSURA QUO AD INGRESSUM.

Variis iuribus externi prohibentur ingredi clausuram Monialium. §.84
 Prohibentur & Moniales eos admittere immo & facere, aut permittere illos ingredi sine licentia. §.85
 Prohibetur talis ingressus sub variis, & gravibus pœnis. §.86
 Quis dicatur ingredi facere, aut permittere. §.88
 Ad incurrendas tales pœnas requiritur prætextus privilegiorum; item sufficit mandatum, ac consilium, sed non semper. §.90
 In Bulla Greg.XIII. comprehenduntur ingredientiæ vi licentiæ ab Episcopo habitæ ante ipsam Bullam. §.91
 Non item ingredientiæ sine ulla licentia, quoad pœnis; quamvis alii id negent. §.92
 Non item ingredientiæ cum licentia vere nulla, ac invalida. §.93
 Non item ingredientiæ prætextu privilegiorum, sed bona fide. §.94
 Diæ pœnæ supponunt præsumptionem. §.95
 Ex iis reservatur sola excommunicatio. §.96
 Moniales non incurrunt eas, comitando indebite ingressos. §.97
 Item non incurrunt, si eos jam ingressos non expellant: idque etsi præfint clausuræ. *ibid.*
 Sive etiam aliter eos detineant. §.98
 Fœminæ item prohibentur ingredi. §.100
 Pœnis præfatis non subijciuntur viri laici cooperantes ingressui illicito. §.101
 Quilibet fidelis prohibetur ingredi. §.102
 Etiam infantes. §.103
 Amentes non admittendi. §.106
 Admittuntur puellæ recipiendæ ad Religionem. §.108
 Item recipiendæ in educationem. §.109
 Item fœminæ conjugatæ, aut aliæ accedentes securitatis causa. §.110
 Item Moniales alterius monasterii, aut Ordinis, sed non semper. §.107
 Item Prælati Monialium in casibus necessariis. §.111
 At nequit morari plus quam opus est. §.114
 Sacerdos in casu repentino vocatus ingredi

- non prohibetur ad absolvendam morientem. §. 115
 Non Medicus in casu necessario. §. 116. & 119
 Non obiter. §. 116
 Non pharmacopola, ut doceat componere medicinam. §. 117
 Non minor sanguinis. §. 118
 Non œconomus, syndicus &c. §. 120
 Non notarius in casu necessario. §. 121
 Non operarii, & artifices. §. 122
 Non bajuli ad ferenda necessaria usibus conventus. *ibid.*
 Secus, si deferant res extraneorum contra Prælati prohibitionem. *ibid.*
 Licentia generalis utendi opera bajulorum non cogit eos variari. §. 123
 Famulus artificis licentiatus ad ingrediendum cum illo, etiam solus intrat, & ingressus ibi solus commoratur. §. 124
 Loco bajuli licentiati non sufficitur alius. §. 125
 Possunt plures rustici ingredi ad ferendum triticum, esto pauciores sufficere possint. §. 126.
 Ferre possunt singulis vicibus minora pondera, ut pluries intrent. §. 127
 Ingredi potest pictor ad pingendam scenam jam ante constructam. *ibid.*
 Possunt ingredi & fœminæ laicæ ad obsequia Monialium necessaria, cum licentia tamen Superioris. §. 128
 Hæ ingressæ non tenentur ad clausuram proprie loquendo. §. 130
 Recipiendæ in novitiis conversas per aliquot menses recipi possunt ante receptionem habitus regularis. §. 129
 Famuli Monialium deputati ingrediuntur in casibus necessariis. §. 131
 Non potest recipi reus ad evadendam vim satellitum. §. 132
 Immo potest ingressus ejici. §. 133
 Ponendus tamen in loco tuto. §. 134
 Fœminæ de licentia Papæ ingrediuntur ad convivium. §. 135
 Sed associatæ a 3. fœminis gravibus, ac nobilibus, & non aliter. §. 136
 Quæ semel electæ variari nequeunt citra casum mortis, quod alii limitant. §. 137
 Hæ semper associant fœminam privilegiatam. §. 138
 Explicantur verba indulti papalis (3. vicibus in totum, non eorum singula quolibet anno) idque sive in Brevi numerentur 4. monasteria, sive 1. tantum. §. 139
- Ad talem ingressum ultra consensum capituli petitur licentia Prælati. §. 140
 Licentiata ad ingressum non libere vagatur per conventum. §. 141
 Eligit diem, qua fiat comœdia a Monialibus. §. 142
 Consensus capitularis debet esse majoris partis illarum semel dandus, ac simul quo ad fœminam privilegiatam, & 3. matronas. §. 143
 Licentiata non ingreditur iterum, si ingressa ex accidenti frustretur ex parte suo finis: secus si statim cogatur exire. §. 144
 In casibus tamen propostis requiritur licentia Superioris. §. 146
 Ingrediens cum licentia, finito negotio, aliquantulum immoratur. §. 166
 Ingrediens ex pravo fine alias licentiatus non violat clausuram. §. 167
 Violat volvens se in rota ad partem interioris monasterii. §. 168
 Insidens utroque pede super muro clausuræ versus clausuram. §. 169
 Statuens se in ostio clausuræ. §. 170
 Confessarius ingreditur in casibus necessariis. 10. 217. usque ad 243
 Prælati astiturus electioni Abbatisæ non ingreditur. 10. 97
 Ad ingressum fœminæ petitur consensus Monialium, si ingrediatur causa convivii. §. 172
 Non item ad ingressum virorum. §. 173
 Non ad ingressum fœminæ privilegiatæ, aut alias licentiatæ ad alium effectum, quam ad convivium &c. §. 173
 Prælati regularis item ingreditur monasterium subditum in casibus necessariis. 10. 69
 Idque præsertim in Visitatione. 10. 79
 Tuncque secum ducit socios. 10. 74
 Et hos, esto item ducat architectum causæ fabricæ, v.g. §. 75
 Tales focii possunt esse Regulares. §. 76
 Abbatisa non dat licentiam ad ingressum. §. 141
 Nisi sit periculum in mora. §. 151
 Posset dare ex delegatione. §. 152
- COACTIO.
 Cogentes ad ingressum religionis puellam excommunicantur. 2. 29. & 8. 20
 Quæ coactio ad hoc petatur. 2. 30
 In aliquibus casibus fœmina ad id cogi potest licite. 2. 33
 Cogentes fœminam ad religiosam professionem excommunicantur. 2. 14
 CON-

CONCIONARI.

Vide *Prædicare*.

CONDITIO.

Si sit contraria religioni, & apponatur legato, habetur pro non adjecta. 3.37

CONFESSARIUS ORDINARIUS.

Si sollicitet poenitentem ad turpia, denunciandus. 6.30

Maxime utilis Monialibus, si sit idoneus. 10.153

Cæteris paribus expedit, quod, sit regularis non secularis. 10.154

Qualis debeat esse. 10.155

Quæ potestas ei conferenda. 10.156

Quæ scientia in eo peccatur. 10.157

Quæ bonitas. 10.158

Quæ prudentia, maxime cum Moniali patiente divina. 10.159

Qui zelus animarum. 10.160

Quæ dexteritas. 10.161

Quæ patientia. 10.162

Ab Ordinario approbandus. 10.163

Peculiariter approbandus pro Monialibus. 10.164.168

Præferendus tamen a proprio Prælato, si deputetur pro Monialibus exemptis. 10.165

Approbandus ab Ordinario, & Prælatus ipse Monialium: sed non is, qui assignatur in Patrem spiritualem extra sacramentum. 10.166

Semel approbatus pro Monialibus non est semper approbatus. 10.168

Approbatus ad confessionem unius, aut alterius Monialis non audit alias. 10.169

In Confessarium eligi potest etiam Parochus, etiam Regularis. 10.171

Deputatur ad triennium. 10.172

In aliquibus tamen casibus, qui referuntur, finitur durare ultra triennium. *ibid.*

Ex quo loco audiat confessiones. 10.173

Qualiter audiat confessionem Monialis infirmæ. 10.174

Ex decreto S. Congregat. extra confessionem non alloquitur Moniales, etsi praxis sit in contrarium. 10.175

Quale stipendium ei dandum. 10.176

Non pernoscatur in domo contigua monasterio. 10.177

Quam sacramentorum frequentiam indulgeat Monialibus. 10.178

Non sit facilis in permittendis confessionibus generalibus. 10.179

Qualiter debeat se gerere in munere suo præstando. 10.180

Quæ facultas reservatorum ei competat ordinaria. 10.181

Qualiter procedat cum Moniali infirma communicata, indiga repetendi aliquas confessiones. 10.182

Qualiter cum communicata ad fenestellam communionis, item indiga repetendi quoddam confessiones. 10.183

Absolvit Monialem sensibus destitutum quæ non petit confessionem. 10.184

Indirecte absolvit a reservatis, occurrente iusta causa. 10.185

Qualiter procedat cum existente in occasione peccandi. 10.187

Quid, si occasio sit inevitabilis. 10.188

Quid, si Monialis sæpe promisit eam vitare, & non vitavit. 10.190

Quid si bona fide maneat in ea. 10.191

Confessarius aufert ignorantiam invincibilem Moniali si sperat fructum. 10.192

Quid si ei non confitet monitionem esse prouturam, nec nocituram. 10.193

Opportunis mediis excitat poenitentem ad dolorem peccatorum. 10.194

Animat ad satenda peccata, non obstante erubescencia. 1.195

Negat absolutionem ei, quam scit tacere culpabiliter peccatum. 10.196

Qualiter suppleat defectus a poenitente factos in aliis confessionibus. 10.197

Interrogationes facit opportunas juxta conditionem poenitentis. 10.198

In hoc non sit nimis anxius. 10.198

Supplet defectus a se commissos in confessione audienda. 10.199

Juxta aliquos debet monere de hoc poenitentem. 10.200

Interrogat Monialem de iis, quæ omittit confiteri, esto credat illam sufficiens examen præmisisse. 10.201

Interrogat de consuetudine peccandi, & est ei aperienda. 10.202

Qualiter audiat confessionem Monialis surdæ, aut surdasuræ. 10.203

Consultat Moniali scrupulose. 10.204

Tradit varia remedia contra varias peccatorum species. 10.205

Prudenter imponat poenitentiam sacramentalem. 10.206

Plura advertenda in hoc. 10.208

Imponit abstinencia a communione eucharistica, sed raro. 10.210

Imponit item opera bona facienda pro deinceps. 10.212

In ali-

- I**a aliquibus casibus loquitur libere cum poenitente de auditis in confessione. 10.216
Ingreditur clausuram in casibus necessariis. 10.217
Ingrediens secum ducit socium sine alia licentia si sit Regularis. 10.218
Ingreditur pluries ad audiendam confessionem infirmarum: item præcise ad inonendum Monialem de periculo mortis proximo, sed non semper. 10.220
Ingreditur ad ministrandam Eucharistiam ægrotantibus. 10.221
 Sed solus, si non sit Regularis. 10.222
 Illam ministrat per modum viatici ei, quæ eadem die communicavit. 10.223
 Pluries ingreditur ad eam ministrandam per modum Viatici. 10.224
 Item ad ministrandam extremam Unctionem. 10.225
 Ingreditur, ut assistat morienti. 10.227
 Et quidem pluries, & pro longiori tempore. 10.228
 Ducit socium, etsi non sit Regularis. 10.229
 Qualiter iuvet morientes. 10.230
 Non ingreditur ad faciendas exequias Moniali defunctæ. 10.231
 Ingreditur, quando sepeliendum est corpus defuncti alicujus secularis. 10.233
 Item ad celebrandum coram infirmis, & quidem cum socio, si alias talis celebratio sit concessa. 10.234
 Non item ingreditur ad reliquam deferendam infirmæ, nisi extet usus, aut alias advocetur prætextu confitendi. 10.235
 Non ad impertiendum benedictionem, aut indulgentiam, sive papalem, sive episcopalem. 10.239
 Non ad exorcizandam energumenam Monialem. 10.237
 Non ad benedicendum monasterium. 10.238
 Non ad elevandam hostiam consecratam lapsum inter communicandum. 10.239
 Ingreditur ad consolandam Monialem extreme desolatam, cui aliter nequit consuli. 10.242
 Non item ad baptizandum infantem ibi recens natum. 10.243
 Ingressus legitime potest ibi facere ea, ad quæ præcise non potuisset concedi ingressus. 10.244
 Intrans in casu permissio non incurrit pœnas latas contra violantes clausuram, esto ex pravo fine intret. 10.245
 Absolvit ab hæresi, etiam externa ex delegatione proprii Prælati. 9.27
- E**get speciali licentia ad ingrediendum, etiam in casibus permissis. 10.246
Ex causa amovetur ab Ordinario, licet sit exemptus. 10.272
 CONFESSARIUS EXTRAORDINARIUS.
 Deputandus ex Concil. Trid. 10.247
 Immo, & ultro offerendus. 10.247
 Et quidem etiam pro Monialibus, non graviter ægrotantibus. 10.248
 Ad audiendas tamen infirmas speciali eget licentia, ut intret. 10.249
 Conceditur bis, aut ter in anno. 10.250
 immo & sæpius. *Ibid.*
 Potest item sæpius peti. 10.251
 Non eligitur vi Bullæ Cruciatæ, ac aliterius similis indulti. 7.3
 Secus si sit subiecta Ordinario. 7.4
 Concedendus prædictis vicibus, esto ex alio titulo fuerit concessus. 10.252
 Non eligitur, si denegetur ab Ordinario, quamvis injuste. 10.253
 Conceditur ab Ordinario Monialibus exemptis, Prælato earum ipsi illum injuste denegante. 10.254
 Non denegatur in pœnam. 10.255
 Concedendus, etiam non interfectis debitis intervallis inter vices præscriptas, si concorditer petatur. 10.256
 Deputatur a Prælato Monialium. 10.257
 Approbandus ab Ordinario, etiam pro Monialibus exemptis. 10.258
 Non deputandus ad arbitrium Monialium, sed Prælati deputantis. 10.259
 Deputandus quovis quadrimestri. 10.260
 Expediret illum deputare absque præfixione temporis. 10.261
 Elapso tempore præfixo, posset interdum audire confessionem alicujus Monialis ex epycheja. 10.262
 Ingressus ad audiendam confessionem infirmæ iterum intrat eam absoluturus a reservatis. 10.264
 Ingrediens ad audiendam confessionem Monialis infirmæ audit & aliam. 10.265
 Deputandus pro toto conventu. 10.266
 Qualis esse debet. 10.267
 Maxima potestas ei danda. 10.268
 Ad quos fines deputetur. 10.269
 Non deputatur, invitis Monialibus. 10.270
 Moniales non coguntur eum audire. 10.271
 At, si adeant, ille tenetur omnes audire. *Ibid.*
 Concedendus Moniali ægrotanti, quæ non potuit accedere, quando concessus fuit pro toto Conventu. 10.272

De rigore non celebrat in Monialium Ecclesia absque licentia. 10. 173

Non publice prædicat illis. 10. 174

Difertur cum Monialibus, etiam de rebus non spectantibus ad confessionem. 10. 175

Quin & deputari possit in Confessarium extraordinarium alicujus Monialis ad talem effectum pium. 10. 176

Potest non audire ullam confessionem, modo det salutaria monita &c. 10. 178

Deputatus ad 10. dies, si Monialium confessiones absolvit 8. diebus, potest adhuc adire illas. 10. 179

Confabulatur etiam cum iis, quæ nolunt ipsi confiteri. 10. 180

Prædicans illis post auditas confessiones caute loquatur. 10. 181

Rogatus, an audierit confessionem Monialis ab eo non absolutæ, quo modo debeat respondere. 10. 182

Indignas facultate reservatorum caute illam petat. 1. 183

Libere eligitur vi Jabilæi juxta aliquos (quod alii negant). 9. 10. & 11

Plura debet observare, ut munus suum recte expleat. 2. 184

Potest ex causa amoveri ab Ordinario, etiam quoad Moniales exemptas. 10. 173

CONFESSIO.

In aliquo casu fit ex scripto. 10. 195

Irrita quæ iter revalidanda. 10. 106

Confessiones intermedia post confessionem irritam non repetuntur, si factæ bona fide. 10. 106

Quando repeti debeat confessio facta Sacerdoti dormienti, aut dormituri. 10. 107

Confessio peccati facta cum omnibus circumstantiis non repetenda, etsi Confessarius tunc crediderit peccatum aliquid esse veniale, quod vere erat mortale. 10. 104

Confessio menstrua Monialibus jure communi indicta solum ex consilio. 6. 9

Annua solum confessio iis imposita sub mortali. 6. 8

Confessiones generales non permittendæ Monialibus, sine causa. 10. 179

Confessio peccati recens facti fieri potest tanquam de peccato alias confessio, sed cum certis limitationibus. 10. 195

Peccatum confessum ut dubium, non iterum confitendum, si postea constet fuisse certum. 10. 198

Assignantur monita ad confessionem utiliter faciendam. 01. 394

CONFIRMATIONIS SACRAMENTUM.

Ante ejus susceptionem non recipiendæ puellæ ad Religionem. 2. 160

Item nec consecrandæ Moniales. 3. 75

CONFIRMATIO ABBATISSÆ.

Confirmanda electio Abbatissæ. 10. 110

Per quem confirmanda. 10. 110

Quid si opponatur contra electionem factam per compromissum. 10. 112

Quid si facta electio per scrutinium. 10. 112

Ante confirmationem Abbatissæ in aliquibus exerceret munus. 10. 111

CONSECRATIO MONIALIVM.

Qualiter fiat. 3. 89

Non potest reiterari. 3. 90

Cujus sit munus consecrandi. 3. 92

Quo tempore, & loco faciendæ. 3. 92

Per eam confertur gratia, & remittuntur venialia. 3. 93

Quæ ætas ad eam petatur. 3. 77

Ad eam requiritur virginitas. ibid.

Non potest consecrari juxta aliquos femina occulte corrupta (quod alii negant). 3. 65. 66.

Non quæ per vim est corrupta. 3. 67

Non cognita in somnis, aut amentia, vel ebrietate. 3. 84

Consecratur cognita a viro in vase præpollero, aut sodomitice a iæmina. 3. 86

Item polluta in somno voluntarie. 3. 87

Potest vero consecrari quæ contraxit, sed non consummavit matrimonium. 3. 81

Item polluta per voluntariam effusionem seminis, integro clauistro. 3. 82

Item quæ ante annos discretionis commisit turpia. 3. 83

Item ea, cui ex arte medicinae fractum est claustrum. 3. 83

Non confirmata potest consecrari, etsi non deat. 3. 88

CONSERVATOR.

De rigore eligi potest a Monialibus, etsi obstat praxis. 2. 37

CONSUETUDO.

In moralibus multum valet. 3. 12

Præscribit contra clausuram. 1. 11

Confert jurisdictionem. 7. 8

Derogat legi. 7. 48

Habet vim legis. 10. 121.

Ex 4. conditionibus colligitur, quæ sit obligatoria. 6. 30.

Si sit immemorialis, vim habet privilegii. 10. 308.

CONTRACTUS.

Qualiter Moniales se obligent contrahendo sine licentia Prælati. 4. 129

Quid, si cum licentia. *ibid.*

Contractus factus a Religioso de consensu Prælati non potest irritari a superiore nec valide, nec licite. 4. 130

Prælati Monialium irritat contractum a Moniali factum de licentia Abbatisse ini- que data. 4. 131

CONVERSATIO.

Secularium conversatio vitanda a Moniali- bus. 5. 5. 7. 39. 10. 309

Ejus fuga juvat castitatem. 4. 86.

Conversatio fœminarum, etiam Religiosa- rum periculosa. 10. 10

CONVERSÆ.

Modo recipi possunt a Monialibus, non obste- te Pii V. decreto edito in *contrarium*. 7. 48

Non debent excedere tertiam partem Monia- lium Conventus. 1. 10

Monialis chorista transit ad Conversas, non e contra. 1. 8

In aliquibus locis Conversæ eximuntur ab obligatione clausuræ. 5. 15

Invisunt suos. *ibid.*

Reiciuntur ab electione Abbatisse, esto pos- sent admitti. 10. 89

In earum receptione non semper petenda est dos. 3. 46

Loco horarum canonicarum recitant certas preces, non tamen sub peccato mortali. 6. 15. & 16.

Olim non poterant recipi sub pœna nullita- tis actus. 8. 55

Iuvantur variis monitis, ut bene se gerant. 10. 188.

COPULA.

Habita cum muliere dormiente est raptus, si antea non consensit. 4. 83

At si habeatur cum muliere mortua, est be- nialitas. *ibid.*

CORREPTIO.

Facienda a Monialibus, maxime si sint Su- periorisse. 6. 31

D

DEBITA.

Solvenda a Monialibus sine facta ante pro- fessionem, sine post, nisi excuset impo- tentia. 6. 31

DECIMÆ.

Decimarum usurpatio indebita Monialibus prohibita sub excommunicatione. 8. 12

Moniales exemptæ a decimis. 9. 17

DECISIONES ROTÆ.

Non obligant inquit legis universalis. 10. 43.

Si de eadem causa varient, posterior ample- cienda. 10. 44

DECLARAT. SAC. CONGREG.

Non obligant inquit legis universalis. 10. 43

Nullam faciunt fidem, si non habeant certa requisita. *ibid.*

Variant in casibus, etiam similibus. 10. 11 & 44.

Posterior amplectenda. 10. 44

DEFUNCTI.

Defunctorum officia pro benefactoribus reci- tati solita in choro, non tenentur Monia- les recitare extra. 6. 19

Defuncti laici non sepeliuntur intra Clausu- ram Monialium. 7. 10

Moniales omittentes in die Commemorati- defunctorum Officium de octava omnium SS. & Officium defunctorum unicum ta- ciunt peccatum. 6. 17

DEGRADATIO.

Cadere potest in Moniales. 8. 8

DISPENSATIO.

Abbatissa non dispensat super Regula. 10. 178.

At Prælati Regularis dispensat super præ- ceptis Regule. 9. 33

Abbatissa non dispensat in legibus Ecclesia- sticis, saltem potestate ordinaria. 10. 133

Non dispensat in jejuniis. 10. 133

Non in votis. 10. 134

Non in regularibus observantiis. 10. 138

Monialis illegitima a proprio Prælati dis- pensatur ab Abbatisse factum. 8. 44

Dispensantur Moniales a proprio Prælati in iis omnibus, in quibus viri Regularis dis- pensantur a suo. 9. 31

Dispensatio non semper finitur unico actu. 8. 45

DONATIO.

Donantes Monasterio de bonis Novitiæ com- municantur. 3. 44

Moniales faciunt donationes moderatas. 4. 19.

Abbatissa item donat de bonis Monasterii communibus, sed moderate. 10. 149

Et quidem sine consensu Capituli. 10. 150

Moniales non faciunt libere donationes ex Clem. VIII. decreto. 7. 20

Prohibitio hæc sub pœna privationis officio- rum, & alijs lata est. 8. 53

DOS MONIALIUM.

Quid sit. 3. 39

Lili-

Licite recipitur. [3.40](#)
Et quidem etiam a Conventu divite. [3.41](#)
Taxanda a Superiore. [3.42](#)
Modo taxatur a Sacra Congreg. Regularium.

[3.43](#)
Ejus quantitas quæ. [3.44](#)
Dupla item pro tertia Sorore, & tripla pro quarta. [3.44](#)
Non recipitur major taxata. [3.45](#)
Et si datur major ad vitanda officia conventus pro Moniali hæc adhuc ad ea cogi potest. [ibid.](#)

Exigenda a quacunque forma ingrediente Religionem. [3.46](#)
Cujus sit eam dare. [3.47-49](#)
Ex quibus modis danda. [3.48](#)

Legatum relictum puellæ Monachandæ in dotem debetur intranti Monasterium non exigens dotem. [ibid.](#)

Et quidem in ingressu quo ad vestes, & similia. [ibid.](#)

Item debetur, si celebs maneat in sæculo. [ibid.](#)

Danda filiæ ingredienti Religionem, invito parente. [3.50](#)

Solvenda in ipsa professione. [3.51](#)

Apud quem deponenda pro tempore novitatus. [3.52](#)

Ejus interesse peti potest a Monasterio. [3.59](#)

Solvenda in ære. [3.60](#)

Implicanda in bonis stabilibus, si solvatur pro supranumeraria, secus, si pro aliis. [3.62](#)

Data pro supranumeraria implicari potest in ædificio necessario. [3.64](#)

Non item in solvendis debitis interesse solvendis, nec in extinguendo censu annuo; et si alii negent. [3.65](#)

Item in alimentis necessariis. [3.66](#)

Loco dotis non potest recipi remissio debiti gravantis Conventum. [3.67](#)

Dos non transierit cum Moniali ad alium Ordinem transeunte. [3.69](#)

Perpetuo acquiritur Monasterio. [3.71](#)

Alienari potest sine solemnitate juris. [3.01](#)

Ea non soluta, Monialis nihilominus alenda a Conventu. [3.73](#)

Secus, si ea juste rapiatur a Fisco, & Monialis degat extra claustra. [3.73](#)

Dos profertentis in morte, incio Ordinario, acquiritur Conventui. [3.18](#)

DUBIUM.

In dubio obediendum est, sed non semper. [4.123](#)

E

ECCLESIA.

Ecclesiæ Monialium benedicti, & reconci-
liari possunt a propriis Prælati. [9.37](#)

EDUCATIO.

Vide *V. Puellæ per totum*.

ELECTIO.

Electio canonica quæ. [10.85](#)

Sit pluribus modis. [10.86](#)

Electio Abbatisse jure communi spectat ad Conventum, [10.88](#)

Quæ Moniales ad eam concurrant. [10.88](#)

Quæ ab ea excludantur. [ibid.](#)

Conversæ ab ea rejiciuntur. [10.89](#)

Quæ Monialis eligi possit in Abbatissam. [10.90](#)

Si eligatur carens debitis qualitatibus, electio non est irrita, sed irritari potest. [10.92](#)

Electio facienda ex eodem Monasterio. [10.94](#)

Quid si in eo non adsit idonea. [ibid.](#)

Eligi potest soror Abbatissæ præsentis. [10.95](#)

Electio præsidet Prælati Monialium. [10.96](#)

Præesse potest & Ordinarius, etiam in Monasterio exempto. [ibid.](#)

Sicque debet vocari. [ibid.](#)

At præesse potest per alium. [10.30](#)

In quo loco facienda electio. [10.97](#)

Qua forma, & quibus ritibus. [10.98](#)

In ea a quo, & qualiter recipi debeat vota. [ibid.](#)

Vota debent esse secreta. [10.99](#)

Alias electio est nulla. [ibid.](#)

Major pars Monasterii debet in eam consentire. [10.100](#)

Quid si schedula vitiosa reperiatur. [10.102](#)

In aliquo casu potest Monialis eligere se ipsam. [10.103](#)

Electio Abbatisse, etiam post Concilium Tridentinum fieri potest per scrutinium, compromissum, ac communem inspirationem. [10.105](#)

Qualiter publicanda. [10.106](#)

Quid si, ea publicata, fiat oppositio. [10.109](#)

Publicata debet confirmari. [10.110](#)

Quid si opponatur contra electionem factam per compromissum. [10.111](#)

Quid si fiat oppositio contra electionem factam per scrutinium. [10.112](#)

Electio potest renunciare electioni de se factæ. [10.114.115](#)

Nulla est electio facta ultra triennium, aut ad libitum Monialium. [8.58](#)

Puniantur Prælati regulares ab Ordinario, [V v v](#) si ad

522 INDEX RERUM NOTABILIVM.

- si ad electionem procedant ante diem ei indicatum. [8.57](#)
- Non item puniuntur Moniales in hoc delinquentes, stando in Bulla Gregorii XV. de exemptis. *ibid.*
- In electione Moniales sub excommunicatione tenentur abstinere ab iis, quæ gignere possunt discordiam. [8.38](#)
- Eligentes indebite privantur jure eligendi. [7.56.10.116](#)
- Excusat tamen ignorantia. [10.116](#)
- In electione non exigitur votum Monialis infirmæ. [10.104](#)
- Electa in Abbatissam cadit jure suo, si non curet benedici, existente de hoc consuetudine. [8.61](#)
- Prælati assensu electioni non fert votum. [10.106](#)
- E L E E M O S Y N A.**
- A Monialibus facienda ex bonis communibus Monasterii, sed non semper. [6.33](#)
- At Monialibus particularibus non necessario facienda etsi fieri possit de licentia Superiorissæ. *ibid.*
- Sed moderata moderatione desumenda ex concurrentibus circumstantiis. *ibid.*
- Juxta aliquos eadem fieri potest de licentia Superiorissæ, ac de licentia Prælati. *ibid.*
- Monialis auctoritate elemosynam facit eisdem pauperi, si ad hoc petat licentiam tum ab Abbatissa, tum a Præfato proprio. *ibid.*
- E P Y C H E S I A.**
- Interdum habet locum in materia religiose paupertatis. [4.69 & 70](#)
- In aliquo casu sufficit, ut Monialis exeat a Clausura. [5.40](#)
- Tunc tamen id postea significandum Præfato, licet non semper. [5.44](#)
- Aliquando præsumitur in cessione exemptionis. [6.7](#)
- E P Y D I M I A.**
- Quid sit, declaratur. [5.22](#)
- Ea grassante Moniales excutunt. *ibid.*
- E P I S C O P I.**
- Si extra suam Diocesim accedant ad Moniales, non ideo possunt excommunicari ab Ordinario. [5.210](#)
- E U C H A R I S T I A.**
- Non sumitur a Monialibus feria 6. Parasceve. [6.9](#)
- Nec in Missa, quæ mediâ nocte dicitur in Nativitate D. N. *ibid.*
- Non assertur ab iis in Ecclesiâ [interiori. 7.6](#)
- Clavis tabernaculi illius semper servanda in Confessario. *ibid.*
- Sumenda Eucharistia a Monialibus quovis mense, non tamen de præcepto, sed de consilio. [6.8](#)
- An Hostia non consecrata pro consecrata dari possit in aliquo casu. [10.159](#)
- Quæ frequentia Eucharistiæ concedi possit Monialibus. [10.178](#)
- Imponi potest in pœnitentiam abstinencia ab illa, sed raro. [10.213](#)
- Confessarius ingreditur ad eam ministrandam Monialibus infirmis. [10.221](#)
- Et quidem sine comitatu. [10.222](#)
- Monialis, quæ mane communicat, vespere ejusdem diei sumit viaticum. [10.223](#)
- Item communicans per modum Viatici paulo ante mediam noctem, jejuna iterum communicat paulo post mediam noctem. *ibid.*
- In Vigilia Nativitatis Domini quilibet communicare non potest statim post mediam noctem. [6.9](#)
- Pluries intrat Confessarius ad ministrandam Eucharistiam Moniali, etiam per modum Viatici. [10.224](#)
- Interdictio tamen certo temporis spatio. [10.226](#)
- Confessarius non intrat ad elevandam hostiam interius elapsam inter communicandum Moniales. [10.229](#)
- Quid faciendum, si Hostia consecrata cadat super vestem Monialis. [10.241](#)
- Eucharistia negari nequit pœnitenti ex confessione cognitæ indigne. [10.283](#)
- Afferuntur monita ad digne communicandum. [10.295](#)
- EXAMEN CONSCIENTIÆ.**
- Est duplex, generale, & particulare. [10.293](#)
- Affertur modus faciendi utrumque. *ibid.*
- EXCOMMUNICATIO.**
- Excommunicantur obstantes ingressui religionis fœminarum. [3.26.27.18](#)
- Item cogentes ad ingressum. [3.29](#)
- Item cogentes ad professionem. [3.33](#)
- Item illam impediētes. [3.16](#)
- Item dantes, recipientes, aut exigentes de bonis Novitiæ. [3.57](#)
- Item Moniales violantes clausuram. [5.17.](#)
- [25.27.](#)
- Item Magistratus non conjuvantes ad conservationem illius. [5.7](#)
- Item Prælati illarum ingredientis in casu non necessario. [5.12](#)

Item

Item ingredientes clausuram Monialium
prætextu privilegiorum. [1.86](#)

Item Moniales apostatantes a Religione. [1.10.](#)

Item Moniales appellantes ad iudices incompetentes, aut etiam ad competentes in casu non permisso. [8.11](#)

Item procurantes abortum. [8.14](#)

Item inducentes externam personam ad promittendam electionem sepulture in ipsarum Ecclesia. [8.16](#)

Item Moniales dantes, petentes, aut recipientes aliquid in Novitiarum receptione. [8.17.](#)

Item Moniales impediētes visitationem canonicam sui Prælati. [8.18.& 19](#)

Item Moniales temere dimittentes Religiosum habitum. [8.21](#)

Item Moniales violantes interdictum aut cessationem a divinis. [8.22](#)

Item Moniales indebite usurpantes decimas. [8.23](#)

Item Moniales de sacro nubentes post Professionem. [8.24](#)

Item Moniales sine Papæ licentia recipientes, aut alienantes Monasteria. [8.25](#)

Item Moniales indebite alienantes bona Monasterii. [8.27](#)

Item Moniales non abstinētes in electione ab iis, quæ gignere possunt discordias. [8.28](#)

Item Moniales facientes privata domicilia ad excipiēdos hospites. [8.29](#)

Item Moniales vacantes negotiationi illicitæ. [8.31](#)

Item percutientes Monialem. [ibid.](#)

Item Moniales interessētes agitationi taurorum (quod alii negant). [8.34](#)

Item ii, qui obitant visitationi canonicæ Monialium. [10.28](#)

EXORCISMUS.

Monialis energumena exorcizanda in Ecclesia exteriori ipsarum Monialium. [10.27](#)

EXPLORATIO.

Exploranda voluntas puellæ recipiendæ ad Religionem. [2.4](#)

Et quidem summa cum diligentia. [2.5](#)

Proponitur modus faciendæ talem explorationem. [ibid.](#)

Communiter exploratio fit ante professionis emissionem. [3.2](#)

Id tamen non est de essentia. [3.3](#)

Ordinarius præmoneri potest de professione faciendâ per mensem ante, aut post tempus statutum. [ibid.](#)

Facta exploratione, ille potest inhibere ne fiat professio. [ibid.](#)

At non potest præscribere tempus profectendi. [ibid.](#)

Sufficit talem explorationem fieri, vel ante receptionem, vel ante ipsam professionem. [3.4.](#)

Quando utilius sit eam fieri. [3.7](#)

Debet fieri ab Episcopo, si potest. [3.9](#)

Omitti potest, si professio fiat in morte ex Pii V indulto; secus, si transeat Novitia ad alium Ordinem. [10.302](#)

F

FAMULI.

Servientes Monialibus in habitu Religioso gaudent privilegio fori. [9.2](#)

Item privilegio Canonis. [9.14](#)

Deputati ad obsequia Monialium ingreditur in casibus necessariis. [9.13.2](#)

In necessitate permittuntur Monialibus famulæ, etiam sæculares, & ex causa mutantur. [9.12.8](#)

Non item puellis degentibus intra Clausuram in educatione. [9.12.1](#)

Famuli etiam sine licentia deferunt Monialibus dona, paucis se expēdientes. [9.12.3](#)

Tempore interdicti Monialium famuli gaudent variis privilegiis. [9.16](#)

FESTUM.

Festa indicia ab Ordinario servanda a Monialibus. [6.28](#)

Ex in die festo possunt se exercere in recamaturis faciendis. [6.29](#)

FEUDUM.

Abbatissa egredi potest ad præstandum iuramentum fidelitatis debitum pro feudo annexo Conventui. [7.63](#)

FEMINÆ.

Regulariter sunt minus prudentes. [3.43](#)

Fugienda fornicarum conversatio, etiam religiosarum. [10.10](#)

Degentes intra Monasteria Monialium, fruuntur aliquibus privilegiis pro tempore interdicti. [9.16](#)

Possunt concedi ad obsequia Monialium, etiam in habitu sæculari. [9.12.8](#)

Sine licentia non intrant Clausuram. [9.100](#)

Ad ingressum illarum petitur consensus Capituli Monialium, si fiat causa coactiva &c. [9.12.2](#)

Idque juxta tenorem Indulti, quod explicatur. [6.136. usque ad 144.](#)

V v v a

Famili-

For nix conjugata non semper finuntur ingredi, neque causa securitatis. [5.110](#)

Non admittendæ puellæ in educationem, nisi in certa ætate. [5.182](#)

For ninarum libertati consulitur quoad suspensionem status religiosi. [2.26.29.3.13](#)
[14.9.43](#)

Ad scrutinium Monialium intra Clausuram recipiuntur fœminæ laicæ in habitu religioso, non professuræ, ibique gaudent privilegio Canonis, & fori; non item aliis privilegiis, si non sint oblatæ. [9.12.103](#)

G

GABELLA.

Moniales exemptæ a gabellis, aliisque similibus oneribus. [9.16](#)

Exemptionem hanc perdunt, si illicitam exercent negotiationem. [8.22](#)

GUBERNATIO.

Moniales regulariter videntur melius gubernari a Regularibus. [10.9](#)

Illarum tamen gubernatio minus expedit ad bonum ipsorum Regularium. [10.10](#)

H

HABITATIO.

Qualis designanda pro novitiis. [2.43](#)

Moniales non possunt habere singulares habitationes. [7.22](#)

Dormiunt sole.

Non habitant in eodem monasterio simul cum viris Religiosis Ordinis. [7.38](#)

Sub excommunicatione prohibentur facere domicilia privata ad excipiendos hospites. [7.29](#)

Puellæ apud illas manentes in educatione seorsim habitant. [5.186](#)

Confessarius non pernoctat in domo continua Monasterio Monialium. [10.117](#)

HABITUS RELIGIOSUS.

In eo faciendus Novitiatu, non tamen totus de rigore juri. [2.49](#)

Novitiatu non necessario incipit a delatione habitus regularis. [2.50](#)

Habitus Novitiæ recedenti non restituitur. [2.50.](#)

Diciendus a Monialibus sub culpa mortali. [6.21](#)

Monialibus prohibita sub excommunicatione dimissio illius temeraria. [8.21](#)

Illis item interdicta assumptio habitus visorum. [7.45](#)

Puellæ habitu modoito debeat proficisci ad Monasterium, quo die recipiuntur ad Novitiatum. [2.37](#)

Puellæ item manentes in educatione modoito habitu incedunt. [5.188](#)

HEREDITAS.

Novitia profectante in mortis articulo Conventus ei succedit in hereditate, etsi illa dicat se nolle. [9.18](#)

HERESIS.

An Moniales a suo Prelato, aut Confessario ex delegatione Prelati absolvantur ab hæresi, etiam externa. [9.16](#)

Et quidem etiam pro foro externo. [9.27](#)

HORÆ CANONICÆ.

Recitandæ a Monialibus in Choro, & quidem sub mortali. [6.12](#)

Ita tamen obligatio non afficit singulas Moniales, sed totum Conventum. *ibid.*

Abbatissa in hoc dispensat quoad singulas Moniales: item quoad tempus recitandæ in Choro. [6.13](#)

Recitandæ horæ privatim a Monialibus professis deputatis Choro, si ibi eas non recitent, & quidem sub peccato mortali. [6.14](#)

Moniales deputatæ ad Chorum, si sint tardioris ingenii, loco horarum canonicarum dispensari possunt, ut recitent Officium Conventuum. [6.16](#)

Tempore infirmitatis pro divino officio possunt Moniales dicere alias preces breviores. *ibid.*

Ex indulto Innocentii IV. Choristæ recitant ex rationabili occasione officium laicarum Sororum: & hoc indultum competit etiam viris religiosi. *ibid.*

An ad illius recitationem sufficiat attentio externa. [6.17](#)

An recitans officium pro officio peccet mortaliter. *ibid.*

Non peccat mortaliter illud interruptum etiam sine causa. *ibid.*

Idem est de invertente ordinem horarum ejusdem diei. *ibid.*

Recitans Horas lingua vulgari juxta aliquos peccat mortaliter. *ibid.*

Imo & de invertente ordinem officii diei sequentis cum præsentem. *ibid.*

Item de syncopante horas in ipsa recitatione. *ibid.*

Dubius, an recitaverit, non tenetur iterum recitare. *ibid.*

Recitans cum alio satisfacit, ab eo audiendo omnes lectiones. *ibid.*

Defectus commissi in recitatione remittuntur

tur recitanti Leonis X. orationem *Sacro-*
sanctæ. *ibid.*
Idque etſi ſingulæ Horæ ſenſim recitentur,
modo in fine cuſuſvis Horæ recitetur dicta
oratio. *ibid.*
At ad talem remiſſionem plura petuntur. *ib.*
Illam operatur dicta oratio per modum Sa-
cramentalis. *ibid.*
Indultum hoc adhuc durat. *ibid.*
Dicta procedunt de ſimili indulto Grego-
rii XV. factio numiſmatis quinquæ San-
ctorum (ut vocant.) *ibid.*
Omittens plures horas ejuſdem diei unicum
facit peccatum, & juxta aliquos non ten-
etur dicere quot horas omiſerit. *ibid.*
Referuntur monita ad horas recitandas de-
votæ. *10.292*
Dicere debent Officia Sanctorum Ordinis,
ſi ſint exemptæ; poſſunt vero, ſed non
tenentur, ſi ſubſint Ordinario loci. *6.12*
Extra chorum non recitant officia defun-
ctorum, & ſimilia. *6.19*
Non admittunt laicos ad recitanda divina
Officia in ſuis templis. *7.9*
Non utuntur cantu figurato. *ibid.*
In choro tenentur recitare hymnos corre-
ctos Urbani VIII. juffu. *8.59*

J E J U N I U M.

Moniales jure communi tenentur ſolum
ad jejunia communia fidelibus. *6.23*
Regulariter ad jejunia Adventus non tenen-
tur ſub peccato. *6.24*
Quinquagenariæ an excuſentur a jejniis
communibus Eccleſiæ, & regulæ. *6.25*
Vovens jejunare in perpetuum poſt annum
60. ætatis tenetur jejunare. *ibid.*
Non tenentur ad jejunia indiſta ab Ordina-
rio, aut ex voto populi. *6.26*
Ex privilegio præveniunt horam prandii per
horam cum di-midia ante meridiem. *6.27*
Aſſignatur quantitas reſectiunculæ vesperti-
næ, & quidem major in vigilia Nativita-
tis Domini. *ibid.*
In ea absolute ſumi poteſt juſculum. *ibid.*
Inſerviturus menſe in die jejunii ſumit ali-
quid cibi, poſteaſque abſolvit prandium.
ibid.
Et hoc etiam poſt longum tempus. *ibid.*
Idque in variis caſibus. *ibid.*
Accumbens menſe poteſt edere, etſi plica-
to linteolo propoſuerit non amplius ede-
re. *ibid.*

Et hoc interdum, etſi ſinitum ſit prandium.
ibid.
Quod a ſortiori procedit, ſi prandium non
eſt ſinitum. *ibid.*
Extra prandium aliquid cibi poteſt a jeju-
nante ſumi, ne potus noceat. *ibid.*
In Nativitate D. amplior reſectiuncula ſici-
ta, etſi ſumatur loco prandii. *ibid.*
Sumi poteſt hora prandii reſectiuncula vef-
pertina. *ibid.*
In reſectiuncula ſumi nequit cibis coctus
cum juſculo in quantitate, in qua ſume-
retur crudus. *ibid.*
Uva ſumpta per modum cibi, ſecleſa par-
vitate materiæ, violat jejunium. *ibid.*
Abbatiffa cum Monialibus non diſpenſat in
jejunio. *10.133*
Violans jejunium præſcriptum tum a regu-
la, tum ab Eccleſia unicum facit pecca-
tum. *4.138*
Aſſignatur per quid violeatur jejunium natu-
rale. *10.133*
Aſſignantur caſus in quibus violatur, &
quibus non. *ibid.*
Non violatur per cibum, aut potum traju-
ctum in canalem reſpirationis. *ibid.*
At violatur ſi notabilis aqua glutietur caſu.
ibid.

Etſi jejunus cenſeri poſſet qui dictam totam
aquam poſtea ejiceret. *ibid.*

I G N O R A N T I A.

Excufat a malitia annexa peccato, ſi igno-
retur, aut non advertatur. *4.82*
Excufat a pœnis incurrendis. *8.55*
Aufrenda a pœnitente, ſi fructus ex moni-
tione ſperatur. *10.192*

I M M U N I T A S E C C L E S I A E.

Ea gaudent Moniales in ſua Eccleſia, non
item intra Conventum. *9.11*
Gaudent & puellæ apud ipſas manentes in
educatione. *9.11*

I N C O R R I G I B I L I S.

Monialis vere incorrigibilis poteſt eſci,
ſervatis ſervandis. *3.53*
Tradenda in ardens monaſterium. *8.66*

I N D U L G E N T I A.

Conceſſa viris religioſis acquiritur etiam a
Monialibus. *9.40*
Idque, licet ex ſubſint Ordinario. *ibid.*
Referuntur indulgentiæ conceſſæ a Paulo V.
Monialibus. *ibid.*
Aſſertur diſcrimen inter indulgentiam plu-
nariam, & particularem. *ibid.*
Indulgentia plenaria ſupponit ablataſſe
omnem culpam. *ibid.*
Non

Non impeditur, si pars minima operis præscripti omittatur. *ibid.*

Exigit juxta aliquod solum opus bonum ex objecto. *ibid.*

Supponit gratiam solum ad fructum ipsius. *ibid.*

Ad illam sufficit habitualis intentio illam lucrandi. *ibid.*

Sufficit item perfecta contritio, etsi præscribat confessionem. *ibid.*

Si præscribat confessionem, non obligat habentem solum venialia. *ibid.*

Eodem opere acquiritur multiplex ex variis titulis. *ibid.*

Item multiplex acquiritur faciendo eodem tempore varia opera præscripta ad varias indulgentias. *ibid.*

Pluries eodem die acquiritur, sed non omnino. *ibid.*

Assignatur in quo instanti acquiritur. *ibid.*

Concessa pro articulo mortis non semper acquiritur in præsumpto periculo mortis: at acquiritur interdum, & quidem etiam pluries. *ibid.*

Idque etiam solo corde invocando nomen Jesu, & Mariæ. *ibid.*

Etiam per §. 4. dies ante exhalationem animæ. *ibid.*

Non item si ea nomina commutentur in nomen Christi, & matris Dei. *ibid.*

Indulgentia concessa moribundo, etsi ab eo ignoretur, aut non advertatur, obtinetur, si non petat, certum opus ad certum finem. *ibid.*

Sicque potest applicari sensibus destituto, aut amenti. *ibid.*

Ab lato obice, reviviscit juxta aliquos; quod alii negant. *ibid.*

Libera a poenitentis sacramentalibus. *ibid.*

Translato festo, non transferitur. *ibid.*

Non semper applicatur defunctis. *ibid.*

Pro his tamen acquiritur ab existentibus in mortali. *ibid.*

De ea sequenda opinio tutior. *ibid.*

Acquiritur ab habente domi numisma benedictum, si alibi præstet opus impossibile ad illam lucrandum. *ibid.*

Idem rosarium potest habere varias benedictiones indulgentiarum. *ibid.*

Si loco rosarii prædicti subrogetur aliud, & postea prius inveniat, indulgentias habet solum, quod fuit subrogatum. *ibid.*

Benedictiones diæ non applicatæ ante mortem habentis pereunt. *ibid.*

Secus, si subdelegatio illa acceptetur solum post mortem subdelegantis. *ibid.*

Explicatur in quo instanti obtineatur indulgentia. *ibid.*

Si 100. anni indulgentiæ concedantur dicenti Rosarium Virginis, & 100. offerenti eum pro animabus Purgatorii, omnes 100. anni acquiruntur offerenti. *ibid.*

Concessa indulgentia veneranti imaginem Christi, quoties coram ea transitur, eam acquirit deambulans per locum, in quo est imago, si hanc veneratur quoties transit coram ea. *ibid.*

Indulgentiæ Ordinis acquiruntur a Monialibus Tertiariis, sed non ab omnibus. *ibid.*

9.41.

IN FIRMITAS.

Non obstat, quin extra conventum inchoetur novitiatus. *ibid.*

Non irritat professionem, etsi duret toto tempore novitiatus. *ibid.*

Cogit interdum ad serviendum infirmæ cum periculo vitæ. *ibid.*

Non omnis sufficit ad egressum a clausura. *ibid.*

5.31.32.33. & 34.

Facit illicitum ingressum cujusvis Sacerdotis ad audiendam confessionem Monialis, sed raro. *ibid.*

Facit licitum & Medicis, ac minoribus sanguinis. *ibid.*

Interdum & Notario. *ibid.*

Dispensat super horis canonicis, imponendo breviores preces. *ibid.*

Dat Moniali exemptæ Confessarium non approbatum ab Ordinario loci, sed non semper. *ibid.*

Dat jus profitendi ante finem novitiatus, si sit periculosa. *ibid.*

Idque, etsi novitiatus inchoetur extra clausuram. *ibid.*

Infirmæ suffragium potest peti, sed non debet. *ibid.*

Ejus confessio caute audienda. *ibid.*

Si ante communionem delatam egeat repetere confessiones aliquas, prudenter procedendum. *ibid.*

A reservatis indirecte absolvitur, etsi morbus non sit periculosus. *ibid.*

Iu illius bonum spirituale pluries intrat Confessarius. *ibid.*

Communicat per modum viatici, etsi mane illius diei communicaverit. *ibid.*

Pluries interdum recipit Viaticum. *ibid.*

Item & extremam unctionem, sed non semper. *ibid.*

Ei morienti assistit Confessarius. 10.227
Et ad hoc pluries intrat. 10.228
Etiam cum socio, si religiosus sit. 10.229
Coram iurista celebrat, si alias id licet.

10.234.
Non intrat, ut dederat sacram Reliquiam
iussu. 10.235
Non ut ei det Episcopalem benedictionem.

10.236
Extraordinarius concedendus Monialibus
infirmis. 10.248. & 272
Intr. ns ad audiendam confessionem unius
infirmæ audit alias, sed non semper.

10.264
Aferuntur monita ad infirmitates patienter
sufferend. s. 10.299

INFORTUNIA.

Quibus monitis fortiter sustineantur. 10.300

INTERDICTUM.

Ejus violatio Monialibus prohibita sub ex-
communicatione. 8.12
Gaudent Moniales variis indulg. pro tem-
pore interdicti. 9.22. & 23.

Servant interdicta lata ab Ordinario, si
ipse id eis mandat. 6.27

Interdicuntur ab ingressu Ecclesiæ, si vi-
lent generale interdictum locale. 8.49

Eodem modo interdicuntur, si ad officia
divina recipiant publice excommunica-
tos, aut interdictos. 8.41

Interdicenda, si renuant confiteri ad confes-
sionale positum in Ecclesia exteriori. 8.43

Interdictum generale locale afficit Monia-
les. 8.40

Puellæ apud ipsas educatæ tempore inter-
dicti gaudent variis privilegiis. 7.192.

9.24.
Non tamen tenentur iis uti. 9.24

IRREGULARITAS.

Cadit in Moniales, sed improprie. 8.9

Irregularis quo ad Abbatissatum est iuxta
aliquos scemina illegitima (quod tamen
alii negant.) 8.43

Item vidua, aut aliter corrupta. 8.44

Item bigama. 8.45

Item infamis. 8.46

Non item descendens ex genere maculato.
8.47

JURILEUM.

Tempore Jubilæi Moniales non eligunt in
Confessarium, nisi approbatum ab Ordi-
nario. 10.170

Ordinarii tamen non negent electum. 9.21

Ad obtinendum Jubilæum, sufficit publica-
tum fuisse Romæ. *ibid.*

Ejus publicatio pro Monialibus posset ali-
quantum differri. *ibid.*

Ut obtineatur, non est opus assistere pro-
cessionibus. *ibid.*

Non confiteri, si non a consensu culpa-
re mortalis. *ibid.*

Sufficit elemosyna facta nomine totius Con-
ventus. *ibid.*

Visitanda a Monialibus propria Ecclesia. *ib.*

Si j-junia prescripta commutentur in aliud
opus, hoc fieri potest quovis die hebdom-
ade. *ibid.*

Confessio prescripta nequit regulariter com-
mutari. *ibid.*

Communitio hæc non necessario facienda ab
electio pro confessione peccatorum. *ibid.*

Tutius est una hebdomada facere omnia
requisita. *ibid.*

Consecutio Jubilæi pro infirmis ulterius
protrahitur. *ibid.*

Opera injuncta possunt esse ex alias debitis.
ibid.

Jubilæum his potest obtineri, si opera præ-
scripta repetantur. *ibid.*

Ultima die temporis deputati ad Jubilæum
potest se accingere ad illud lucrandum,
qui illud neglexit usque ad illud tem-
pus. *ibid.*

Elapso tempore Jubilæi, commutari pos-
sunt vota Monialis, quæ illud obtinuit,
etque potest absolvi a reservatis oblitis.
ibid.

Obtenturus Jubilæum debet esse in gratia,
quando implet ultimum opus ex injun-
ctis. *ibid.*

JURISDICTIONIO.

Triplex exercetur a Prælato regulari in Mo-
niales. 10.42

Quæ censetur ordinaria. 6.5

Quæ possit delegari. 6.5. & 6

Jurisdictio Prælati regularis in Moniales est
ordinaria, ac proinde delegabilis. 10.28

Delegata vero, quæ in eisdem competit
Prælato locali, sicque non potest dele-
gari. 10.37

Jurisdictio Prælati regularis in Moniales
extenditur ad ea omnia, ad quæ exten-
ditur jurisdictio Prælati regularis in re-
ligiosos subditos. 10.32

Consuetudo dat jurisdictionem. 10.43

Jurisdictionis spiritualis ordinariæ incapax
est Abbatissa. 1.128

Est tamen capax delegatæ. 10.119

In Moniales subditas Abbatissa non habet
juri-

iurisdictionem, sed potestatem dominativam, ac civilem. [10.118](#)

Non baptizato conierri potest iurisdictiono spiritualis a Papa. [10.119](#)

L

LEGATUM.

Concesso Moniali a legitimo Prelato promittente se illud non revocaturum, auferri non potest. [4.10](#)

Legatum majus relictiū puellæ, si nubat, debetur ei ingredienti religionem. [3.50](#)

Legatum concessum Moniali cum promissione illud auferendi sub pœna amissionis, amittitur, si auferatur. [4.14](#)

Legatum relictiū pro Moniali, & ejus iāmula qualiter subsistat. [4.16](#)

Legatum relictiū fœminæ maritandæ dandum novitiæ religionem intranti. [2.47](#)

Si tamen legatum relinquatur fœminæ determinatæ. [2.48](#)

Relictum pro monachatu lucratur Tertia. [ibid.](#)

Relictum pro dote puellæ monachandæ debetur ingredienti monasterium non exigens dotem; immo etiam in sæculo maneat innupta. [ibid.](#)

Puella, cui relictiū est legatum 1500. aureorum in dotem dandam ab herede Testatoris, quando intret Religionem; si Testatore vivente intret cum minori dote soluta ex bonis Testatoris absentis, prætere de potest residuum legati. [ibid.](#)

Legatum pro monachandis mulieribus corruptis, si hæ desint, implicatur in maritanda puella periculosa. [ibid.](#)

Legatum ceræ puellæ, ut fiat Monialis, si ea moriatur, priusquam fiat Monialis, non semper fit caducum. [ibid.](#)

LEGATUS DE LATERE.

Non concedit ingressum intra Monialium clausuram extra casus necessarios. [5.157](#)

L E X .

Abbatissa non fert leges. [4.114](#)

Fert tamen ex potestate delegata, & quidem etiam spirituales. [10.123](#)

Non dispensat in legibus Ecclesiasticis. [10.134](#)

Lex interpretans intelligenda juxta eam quæ interpretatur. [5.6](#)

Lex posterior derogat priori. [10.168](#)

In legum dispositione fœmininum includitur sub masculino. [5.100.7.1.8.1](#)

Lex odiosa, quæ est animæ favorabilis, qualiter amplianda. [5.92](#)

Per legem generalem non semper abrogantur statuta particularia. [5.149](#)

Lex non ligat peregrinos. [5.111.](#)

Lex generalis interdum non ligat Moniales unius conventus. [6.7](#)

Pœnalis stricte applicatur. [4.12](#)

Legis interpretatio faciendi juxta mentem legislatoris. [6.20](#)

Interpretanda lex mitiorem in partem. [10.91](#)

Prelatus regularis leges novas indicit Monialibus subditis. [10.132](#)

L I B R I .

Non imprimuntur a Monialibus sine debita approbatione, ac licentia. [7.42](#)

Afferuntur monita ad legendos pios libros. [10.127](#)

L I C E N T I A .

Requiritur, & sufficit, ut Monialis faciat moderatas donationes, ac elemosynas. [4.19. & 20](#)

Requiritur ad hoc ut exeat e clausura in casu alias permisso. [5.16](#)

Qualis esse debeat in hoc casu. [5.18. & 19](#)

Interdum sufficit tacita, ac interpretativa. [5.40.4.63](#)

Injuste data non liberat a culpa egressionem. [5.41](#)

Liberat tamen a pœna. [5.42](#)

Qualiter differat a dispensatione. [5.43](#)

A quo Superiore obtinenda. [5.42](#)

Data cum causa interdum non juvat, & contra. [5.157](#)

Data ad accessum Monialium sub his verbis *con le sue donne*, ad fœminas extraneas extenditur. [5.107](#)

Data ad accessum semel in quolibet mense non necessario integer mensis requiritur inter unum accessum, & alterum. [ibid.](#)

Concessa Confessario ingressu ad audiendam Confessionem Monialis iasram extenditur ad socium. [10.131](#)

Data sub his verbis *valeat pro 10. diebus* qualiter explicanda. [10.162](#)

Paulus V. in revocatione facultatum ingrediendi clausuram Monialium solum revocavit licentias conversandi, ac prandendi intra ipsam clausuram. [5.99](#)

Sine licentia Ordinarii puellæ non recipiuntur ad religionem. [5.109](#)

Licentia data a Papa ad ingrediendam clausuram causa prandendi intra illam qualiter debeat interpretari. [5.125](#)

Q

Quo ad numerum viciniam, pro quibus conceditur ingressus, stricte interpretanda. [§.171](#)

Ad ingrediendum clausuram requiritur licentia proprii Prælati Monialium respective. [§.146](#)

Quo ad Moniales non exemptas datur etiam a Vicario generali. [§.147](#)

Item a Capitulo, Sede vacante. [§.148](#)

Quo ad Moniales vero exemptas datur a Provinciali. [§.149](#)

Facultas dandi talem licentiam committitur solum Superiori Conventus in capite. [§.151](#)

Allicubi datur a solo Ordinario, etiam quo ad Moniales exemptas. [§.153](#)

Quo ad aliqua monasteria datur solum a Papa. [§.155](#)

Non potest dari sine iusta, ac manifesta causa. [§.156. & 157](#)

Debet esse specialis, imo & in scriptis, saltem pro foro externo. [§.158. & 163](#)

Extenditur ad socium. [§.159](#)

Non finitur primo actu, nisi id exprimitur. [§.160](#)

Pro medico, & aliis Officialibus [Monialium](#) renovatur quolibet trimestri. [§.161](#)

Qualiter esse debeat specialis. [§.162](#)

Qualiter in scriptis. [§.139](#)

Non est opus, quod sit in scriptis respectu illius, qui ingreditur cum proprio Prælato Monialium. [§.162](#)

Concessio dandi talem licentiam non debet esse in scriptis. [§.163](#)

Non requiritur licentia in casibus repentinis. [§.164](#)

Licentiæ competentes formis privilegiatis ad ingrediendum clausuram non fuerunt a Gregor. XIII. & Paulo V. revocatæ. [§.165](#)

Ordinarii licentia requiritur, ut quis accedat ad Moniales. [§.10.21](#)

Abbatissa dar Monialibus licentiam dandi, recipiendi &c. [§.10.148](#)

Vide *v. paupertas religiosa*, & *v. religiosa*.

L I T T E R E.

Non possunt scribi a Monialibus sine licentia. [§.7.40](#)

Scribens literas Moniali non dicitur accedere ad eam, [§.1.31](#)

M

MONIALIUM.

NON obitat, quin conjugata fieri possit Monialis. [§.2.15](#)

Idque maxime procedit de conjugata matrimonio solum raro. *ibid.*

Imo & de consummato coacte. *ibid.*

Cogens consummare in primo bimestri non peccat juxta aliquos, si alter conjux non cogitat de religionis ingressu. *ibid.*

Elapso dicto bimestri, si alter conjux velit statim ingredi religionem, coji nequit consummare matrimonium. *ibid.*

Jure Ecclesiastico matrimonium vetitum Monialibus. [§.4.39](#)

In aliquo casu potest eis præcipi. *ibid.*

Mulier cojugata non admittitur semper intra clausuram securitatis causa. [§.1.10](#)

Punitur nobens cum Moniali. [§.4.81](#)

Matrimonium spirituale, est æque favorabile, ac carnale. [§.3.36](#)

Non potest attentari a Monialibus sub excommunicatione. [§.1.4](#)

M E D I C U S :

Ingreditur solum in casibus necessariis. [§.116. & 119](#)

Extraordinarius non semper vocatur loco ordinarii. [§.1.19](#)

Licentia ingrediendi ei renovanda quolibet trimestri. [§.161](#)

M I S S A.

Missam non tenentur Moniales audire frequentius, quam alii fideles, stando præcise in jure communi. [§.6.10](#)

Decet tamen, ut quotidie illam audiant. [§.6.10](#)

Ad implendum Missæ præceptum an sufficiat attentio externa. *ibid.*

Sufficit & moralis præsentia, quæ explicatur. *ibid.*

Admittit parvitatem materiæ, quæ varie assignatur. *ibid.*

Obligatio Missæ interdum præveniendi. *ibid.*

Impletur audiendo mediam Missam ab uno, & aliam mediam ab alio. *ibid.*

An Missæ plures ex diverso titulo debite simul audiantur. *ibid.*

Audiens Missam simul recitat Horas debitas ex præcepto; imo constituitur Sacramentaliter juxta aliquos. *ibid.*

Afferuntur monita ad illam devote audientiam. [§.10.196](#)

Missæ Conventualis dicenda in Templis Monialium quotidie. 6.11

Eæ non admittunt ad celebrandum in suis Templis Sacerdotes extraneos sine licentia Episcopi. 7.7

Earum Capellani dicunt Missam conformem Officio ab iis dicto. 7.8

Confessarius ingreditur clausuram ad celebrandum pro infirmis. 10.234

Confessarius extraordinarius non celebrat in Ecclesia Monialium sine licentia. 10.233

Tempore interdicii coram iis celebratur, servatis tamen servandis. 9.32. & 33

Eæ ad audiendam Missam item ducunt puellas manentes in educatione, & alias feminas commorantes intra clausuram. 9.34. & 36

Celebraturi in Ecclesia Monialium exemptarum non petunt licentiam ab Ordinario loci. 10.34

MONASTERIVM.

Non recipit de bonis novitiæ. 3.40

Alit Monialiem, etiam dote insoluta. 3.59

Non potest contrahi sine Ordinarii consensu, aliiqve servatis. 10.37.7.19.3.38

Idque ex decreto S. Congreg. ibid.

Non requiritur tamen consensus Abbatisæ aliorum Conventuum Monialium. ibid.

Jure communi non potest recipi, nec alienari sub excommunicatione. 8.25

Non potest fieri, nisi in locis muratis. 7.18

Obligari potest, ut solvat Moniali certam pensionem annuam. 4.13

Bona illius ab Officialibus debent dispensari juxta voluntatem Superioris. 4.23

Bona illius administrat Abbatisa. 10.146

De iis item contrahit. 10.147

Quorum sumptibus monasterium sit refarciendum. 9.43

Ejus egestas sublevatur ab Ecclesia. 9.44. & 45

Ei applicantur bona violentis Monialem. 2.45

MONIALES.

Unde dicantur. 1.3

Qualis earum origo. 1.3

Qualis status ab initio. 1.3

Id quo consistat essentia status religiosi istarum. 1.4

Debent Moniales vivere sub regula approbati. 1.5

Inter eas adest diversitas. 1.6

Aliæ dicuntur clericales, aliæ laicales, & aliæ tertiarie. 1.7. & 9

Proficuntur vitam contemplativam. 1.10

Quando fuerint primo approbatæ in Ecclesia. 1.11

De essentia status illarum non est clausura. 1.13

Illarum status est decorus Ecclesiæ, ac utilis ipsis Monialibus. 1.13

Puellæ allici possunt ad statum religiosum Monialium. 1.14

Monialium violator punitur. 4.41

Earum violatio est mixti fori. 3.43

Non sunt commatres. 7.37

Interdum utuntur larvis, & choreis. 7.44

Non parant cibos externis, nec vendunt. 7.43

Moniales Mendicantes juxta aliquos veniunt in dispositionibus loquentibus in specie de Mendicantibus. 4.49

Jure communi omnes subduntur Ordinario loci. 10.1

Ex privilegio tamen aliquæ sunt exemptæ ab ejus potestate. 10.2

Sed non omnes. 10.3

Quæ sunt immediate subiectæ Sedi Apostolicæ, subjacent Ordinario solum quo ad spirituales gubernationem. 10.3

In iis, in quibus subduntur Ordinario, subduntur & ejus Vicario generali. 10.4

Et quidem etiam quo ad ea, quæ competunt Ordinario tanquam delegato Sedi Apostolicæ. 10.5

Melius videntur gubernari a Prælati regulariis. 10.10

Etiam exemptæ subsunt Ordinario quo ad visitationem clausuræ. 10.12

Impedientes ejus canonicam visitationem excommunicantur. 8.18

Si vi impediunt, vi repelluntur ab Ordinario. 10.25

Etiam exemptæ, si delinquant circa clausuram, puniuntur ab Ordinario, sicut & in materia rerum spiritualium. 10.26

Subsunt Ordinario etiam exemptæ quo ad electionem Abbatisæ. 10.39

Item quo ad bonorum administrationem. 10.30

Item quo ad novitiarum receptionem. 10.51

Item quo ad professionem. 10.52

Item quo ad recipiendas puellas in educationem. 10.53

Item quo ad exeundum e clausura. 10.32. & 54

Item ad hoc ut visitari possint ab externis. 10.55

Item quo ad admittendos extraneos intra clausuram, si subsint Ordinario. 1.146

Item

Item quo ad approbationem Confessario-
rum. [10.173. & 258](#)

Item quo ad observantiam festorum, ac
cenfurarum. [6.27](#)

MONIALES CONVERTITÆ.

Juxta Tamburium profiteri possunt, non
præmissis anno novitiatus, sed obstat
praxis. [3.46](#)

MORIBUNDA.

Valide proficitur. [9.18](#)

Admissa ad Religionem, si ante ingressum
sit moritura, & extra incipiat novitia-
tum, ibi profiteri potest. [9.18](#)

Moniali morituræ ab Ordinario concedi po-
test Confessarius extraordinarius, qui in
omnibus expleat munus Ordinarii. 10.
[3.49](#)

Ea si sit moribunda interdum potest absol-
vi, etsi nullo modo confessionem pete-
rit. [10.184](#)

Si sit exempta, eligit Confessarium ab Or-
dinario non approbatum. [10.170](#)

Assignatur poenitentia imponenda Moniali
in mortis articulo. [10.313](#)

Præponitur modus assistendi Moniali mori-
entis. [10.220](#)

Mulier seculari ingressæ animo ibi morien-
di Confessarius Monialium in morte dat
Sacramenta: secus, si ingreditur animo
conditionato quo ad perpetuo ibi ha-
bitandum. [10.223](#)

Puellæ item in educatione ibi degenti idem
Confessarius in morte dat Sacramenta.

Asseruntur monita ad moderandum metum
mortis. [10.298](#)

N

NECESSITAS.

Requiritur moralis ad concedendum in-
gressum in claustrum. [5.156](#)

Non debet esse semper ex parte monaste-
rii. [5.156](#)

NEGOTIATIO.

Prohibita Monialibus. [7.21](#)

Et quidem sub excommunicatione. [8.21](#)

Immo & sub amissione exemptionis a gabel-
lis. [8.22](#)

NOVITIA.

Capitulariter admissa repellitur, & repulsa
admittitur. [2.11](#)

Non statim post admissionem recipienda ad
habitum. [2.36](#)

Deducenda ad monasterium sine pompa.
[8.27](#)

Cur ei tondantur Capilli. [2.28](#)

Cur immutetur nomen. [2.32](#)

Initianda Sacramento Confirmationis, an-
tequam induatur habitu religioso. [2.40](#)

Quæ expensæ ei permittantur. [2.41](#)

Qualis ejus habitatio. [2.42](#)

Qualis ejus instructio. [2.43](#)

Ex quibus bonis alenda. [2.44](#)

Sine licentia Papæ ingreditur. [2.52](#)

Non item, si habitu religioso recepto, ru-
giat, & postea redeat. [2.54](#)

Novitiæ recedenti e religione omnia sua re-
stituenda. [2.56](#)

De ejus bonis monasterium non recipit quid-
quam; quod alii negant. [2.52.54. & 59](#)

Ipsa novitia nihil ei dare potest de suis bo-
nis. [2.58](#)

Sub poena suspensionis non recipitur ad pro-
fessionem autem expletum annum novitia-
tus. [8.28](#)

Novitiæ recipiendæ non datur expectativa
sub certis poenis. [8.51](#)

Consalitur ejus Libertati quo ad ingressum
religiosis. [9.42](#)

Non potest recipi in monasterio exempto si-
ne consensu Prælati regularis. [10.51](#)

Constitutur Sacerdoti generaliter approba-
to. [10.167](#)

Varis monitis juratur ad vitam religiose
instituentam. [10.289](#)

Proficitur in morte, novitiatu non finito.
[9.18](#)

Nec requiritur consensus Capitularis Mo-
nialium. [10.224](#)

Idque etsi fuerit annum novitiatus. [10.224](#)

Si ea convalescat, resiliere potest a religione
juxta aliquos. [ibid.](#)

Item & renunciare bonis, si antea non re-
nunciavit. [ibid.](#)

At juxta nos non tenetur complere novitia-
tum. [ibid.](#)

Proficitur ante ingressum monasterii, si ex-
tra inchoatum novitiatum. [9.18](#)

NOVITIATUS.

A quo ætatis anno inchoandus. [2.42](#)

Durat per annum integrum. [2.46.2.9](#)

Debet esse completus, & continuus. [2.48](#)

Non necessario fit totus in habitu religioso,
nec intra monasterium. [2.49](#)

A quo tempore formaliter incipiat. [2.50](#)

Qualiter interruptatur. [2.51.2.52](#)

Non protrahitur ultra annum. [2.53](#)

Eo etiam non completo, fieri potest professio
in articulo mortis ex Pii V. indulto. [9.18](#)

O

O B E D I E N T I A.

- C**UI voveatur a Monialibus, [4.90](#)
 Ad quid, obliget. [4.91](#)
 Ex uſa religionum votum obedientie non obligat ſub mortali, ſecluſo formali præcepto. [4.92](#)
 Ex voto obedientie quibus parere debeant Moniales. [4.93](#)
 Qualiter teneantur parere Papæ. [4.94](#)
 Qualiter Ordinario. [4.95](#)
 Præſertim quo ad clauſuram. [4.96](#)
 Non obediunt, niſi in iſis, quæ ſunt juxta regulam. [4.97](#)
 Obediunt Prælato regulari, ſi ſint exemptæ. [4.98](#)
 Obediunt Abbatiffæ ſub mortali, & quidem etiam ſine præcepto formali. [4.100](#)
 Non item Vicariæ. [4.101](#)
 Non Vicariis ad earum regimen deputatis ut ſic. [4.103](#)
 In aliquibus debent potius obedire Prælato regulari, quam Ordinario, in aliquibus e contra. [4.104](#)
 In quibus teneantur obedire. [4.104](#)
 Interdum obediunt ſpiritali præcepto Abbatiffæ. [4.106](#)
 Abbatiffa non præcipit in virtute obedientie. [4.109. 110.](#)
 Si tamen ſic præcipiat, ipſi obediendum ſub mortali. [4.3](#)
 Votum obedientie non extenditur ad ea, quæ ſunt contra regulam, niſi in certo caſu. [4.117.](#)
 In dubio obedientium, ſed non ſemper. [4.123](#)
 Monialis non peccat omittendo preces injunctas ab Abbatiffa pro benefactoribus. [6.20.](#)
 Prælatus Regularis, ac Ordinarius præcipiunt in virtute obedientie Monialibus reſpectu ſubjectis. [10.40](#)
 Abbatiffa ipſa ex Papæ delegatione præcipit in virtute obedientie. [10.135](#)
 Inducantur media ad obedientiam ſervandam perſectius. [10.308](#)
- O C C A S I O P E C C A N D I.**
 Vitanda. [4.83](#)
 Qualiter procedendum cum poenitente in ea exiſtente. [10.187](#)
 Quid ſi ea ſit moraliter incurabilis. [10.188](#)
 Quid, ſi poenitens ſæpe promiſit vitare, & non vitavit. [10.189](#)
 Quid, ſi bona fide maneat in illa. [10.191](#)

O F F I C I A L E S.

Juvantur utilibus monitis ad ſuum officium bene explendum. [10.187](#)

O P I N I O.

Si ſit comuniſſima, raro ab ea recedendum. [6.14](#)
 Non omnis opinio, quæ habet aliquos DD. pro ſe, cenſeri debet probabilis. [ibid.](#)
 Non eſt tutum recedere in re morali a comuniſſima opinione. [ibid.](#)
 Interdum opinio Doctorem antiquiorum poteſt eſſe ſuſpecta. [ibid.](#)
 Referens, & non improbens Doctores ſtat pro illorum opinione. [8.15](#)
 Opinio relata ultimo loco cenſetur teneri a referente. [ibid.](#)
 Interdum amplectenda opinio apparenter ſolum probabilis. [10.184](#)

O R A T I O.

Præ omnibus æſtimata a Suarez. [6.18](#)
 Assignantur monita ad illam utiliter faciendam. [10.391](#)

O R D I N A R I U S.

Ei parent Moniales ex voto obedientie, ſi non ſint exemptæ. [4.90](#)
 In iſis tamen, quæ ſunt juxta regulam. [4.97](#)
 In aliquibus parent potius Prælato regulari, quam Ordinario. [4.103](#)
 Interdum item ei potius obediunt, quam Abbatiffæ. [4.104](#)
 Conſecrat Moniales. [3.78](#)
 Ei commiſſa cuſtodia Clauſuræ. [3.6](#)
 Præſidet electioni Abbatiffæ, etiam quoad Moniales exemptas, ſi velit, ideoque præmonendus. [10.96](#)
 Poteſt præſidere per alium. [10.30](#)
 Approbat Conſeſſarios Monialium exemptarum. [10.164](#)
 Et quidem etiam ipſarum Prælatos, ſi velint audire ipſarum conſeſſiones. [10.166](#)
 Deputat Conſeſſarium extraordinarium. [10.147.](#)
 Eumque item pro Monialibus infirmis. [10.148](#)
 Ipſo invito, non poteſt eligi Conſeſſarius extraordinarius. [10.133](#)
 Conceditur tamen ab Ordinario Monialibus exemptis, invito earum Prælato. [10.154](#)
 Non negatur in pœnam. [10.155](#)
 Præmonetur Ordinarius de Profeſſione faciendi a Novitia. [3.2](#)
 Idque, ut ejus exploret voluntatem, & quidem per ſe, ſi poteſt. [ibid.](#)
 Debet id facere intra 15. dies. [ibid.](#)
 Punit contravenientes in hoc. [1.3](#)

Licen-

Licentia ejus non requiritur ad ingredien-
dum Ordinem arciorum. [3.19](#)
Amovet Confessarios Monialium, etiam
exemptarum. [10.22](#)
An delegat facultatem absolvendi Monia-
lem ab hæresi, etiam externa. [9.37](#)
Licentiat ad ingressum Clausuræ Monialium
sibi subjectarum. [1.146](#)
Immo alicubi etiam exemptarum. [1.153](#)
Non dispensat, ut Puella ultra annum [35](#)
maneat intra Clausuram in educatione.
[1.184](#)
Censuræ latæ ab eo contra accedentes ad
Moniales non ligant Religiosos exem-
ptos. [1.204](#)
Ei subsunt Moniales immediate subjectæ
Sedi Apostolicæ solum quoad gubernationem
spiritualem. [6.3](#)
Absolvit Monialem subditam a reservatis vi
privilegiis Ordinis aliis requiritum
ministerium proprii Prælati. [9.15](#)
Eo negante facultate reservatorum, adhuc
absolvit Monialis. [9.28](#)
Et hoc, esto facultas reservatorum compræ-
rat illi ex delegatione, aut titulo neces-
sarius. [9.30](#)
Illi jure communi subduntur Moniales o-
mnes. [10.1](#)
Ex privilegio tamen aliquæ eximuntur ab
ejus potestate. [10.2.3](#)
Possunt ei subdere in favorabilibus de li-
centia proprii Prælati. [10.7](#)
Alii Doctores id negant. [10.8](#)
Ei subsunt quoad receptionem Novitiarum.
[10.11](#)
Item quoad Professionem. [10.13](#)
Item quoad Confessoriorum approbationem.
[10.13](#)
Item quoad Festorum observantiam. [10.14](#)
Item quoad Clausuram. [10.15](#)
Et quidem, etsi aliis sint exemptæ. [10.16](#)
Ei commissæ est cura Clausuræ, etiam for-
malis. [10.16. & 17](#)
Punit quoscunque delinquentes circa Mo-
nialium Clausuram. [10.19](#)
Licentiat regulares, ut accedant ad Mo-
niales. [10.20](#)
Licentiat ad hoc & sæculares. [10.21](#)
Moniales subsunt ei quoad visitationem
Clausuræ, etsi exemptæ. [10.22](#)
Item, etsi sint immediate subjectæ Papæ.
[10.23](#)
Si Ordinarius impediatur a visitatione, vim
vi repellit. [10.25](#)

Punit Moniales, etiam exemptas, delin-
quentes circa Clausuram. [10.26](#)
Item, si delinquant in spiritualibus. *ibid.*
Non item in aliis casibus. [10.27](#)
Posset tamen punire Monialem exemptam,
quæ degens extra Monasterium delinque-
ret. [10.27](#)
Immo & degentem in Monasterio, si extra
scandalose delinqueret. [10.29](#)
Moniales ei subsunt quoad bonorum admini-
strationem. [10.30](#)
Item quoad constructionem Monasteriorum.
[10.31](#)
Idque ex decreto Sac. Congreg. *ibid.*
Item quoad egressum e Clausura. [10.32. & 34](#)
Reservat casus, & censuras contra Monia-
les, etiam exemptas, in materia concer-
nente Clausuram. [10.48](#)
Et ab his ex non possunt absolvi, neque per
proprium Prælatum. [10.48.49](#)
Moniales non exemptæ subsunt reservationi
casuum Ordinarii. [10.50](#)
Ordinarius visitat canonicæ Moniales subje-
ctas tum sibi, tum Sedi Apostolicæ. [10.66](#)
Eo tempore ingreditur Clausuram. [10.73](#)
Ducit secum aliquos socios. [10.74](#)
Nec hos omittit, esto tunc temporis ducat
archidæum causa fabricæ. [10.75](#)
Hi possunt esse viri regulares. [10.76](#)

ORNATUS CORPORIS.

Vitandus a Monialibus. [4.87](#)
Ideo iis venduntur capilli. [2.28](#)
Non nutriunt comam, nec vestiunt super-
be. [7.43](#)
Non utuntur lineis. [7.43](#)
Puella recipienda ad Novitiatum deducitur
ad Conventum sine pompa. [2.37](#)
Puellæ intra Clausuram educandæ incedunt
modesto habitu. [1.188](#)

P A P A .

Approbat Religiones. [2.2](#)
Ei parent Monialis ex voto. [4.93](#)
Non tamen in omnibus. [4.94. & 132](#)
Solut dispensat super Clausura Monialium.
[1.21](#)

Vide *V. Clausura, V. Puella.*

P A R O C H I S .

Non ingreditur Clausuram Monialium, si
ibi usus Parochianos sepelitur. [10.232](#)
Exercens curam animarum in Ecclesia Mo-
nialium, etiam exemptarum, visitatur
ab Ordinario. [10.34](#)

In Ecclesia Monialium ministrat Sacramenta
Parochiano ibi moriati. 4.0.233

Imo etiam si is forte sit intra Clausuram.
ibid.

PAUPERATIS VOTUM.

Quæ paupertas sit accommodatior Moniali-
bus. 4.1

Ad quid obliget paupertas. 4.2

Moniales possunt retinere annuos redditus
moderatos. 4.3

Quid de hoc statutum sit in Conc. Trid. 4.4

Non possunt habere quid ad usum irrevoca-
bilem. 4.9

Eis non possunt licite auferri, quæ concessa
sunt cum promissione illa non auferendi.
4.10.

Et quidem nec a successore. 4.11

Recipiunt ab extraneis rem ea lege, ut ipsæ
solæ ea utantur. *ibid.*

Acquirunt de novo. 4.12

Possunt obligare Monasterium ad solvendam
eis certam pensionem annuam ex bonis,
quæ eis donant. 4.13

Relinqui potest eis legatum non auferibile.
4.14

Succedunt ab intestato, si sint Ordinis capa-
citas bonorum. 4.15

Non retinent superflua. 4.17

Non expendant in usus illicitis peculium
absolute concessum. 4.18

Faciunt moderatas donationes, ac eleemo-
synas. 4.19

Donant propriam pitantiam. 4.20

Faciunt eleemosynas ex bonis Monasterii,
moderatas tamen, si sint Officiales. 4.21

Non dispensant autem bona communia Con-
ventus pro arbitrio. 4.22

In morte non disponunt de bonis concessis
ipsarum usui. 4.23

Non possunt testari de u. 4.24

Immo nec de bonis alicujus extranei, acce-
dente ejus consensu. 4.25

Testamentum factum ante professionem de-
clarant, si opus sit. 4.26

Faciunt extraneo insignem recamaturam, sed
de licentia Superioris. 4.27. & 28

Occultant Prælo concessa ad usum ex eru-
bescentia &c. 4.29

Ad nutum Superioris abdicare debent sibi
concessa. 4.30. & 31

Non remittunt consanguineis annuam pen-
sionem ipsis debitam. 4.32

Item non remittunt Moniali Conventus pec-
uniam mutuatam, nisi de consensu Su-
perioris. *ibid.*

Procurant alteri pecuniam ipsis oblatam,
sed non semper. 4.33

At remittunt pretium fornicationis concessam
etiam promissum. *ibid.*

Concessa ad unum usum non expendant ad
aliud. 4.34

Sine licentia non acquirunt res pretio ali-
mabiles. 4.35

Quæ licentia ad hoc petatur. 4.36

Non sunt proprietaria, si absque licentia re-
cipiant in bonum solius Monasterii. 15.37

Libere recipiunt ab externis alias danda a
Conventu. 4.38

Necessaria ex bonis communibus sibi ca-
piunt, si injuste negentur. 4.39

Ex bonis Conventus interdum sibi usurpant
comestibilia, & alia, quæ usu non consu-
muntur, sed non semper. 4.40

Surripiunt ex bonis communibus in com-
pensationem justam. *ibid.*

Qualiter peccent sibi ex loco communi ali-
quid usurpando. 4.41

Non recipiunt rem ad usum, ejus dominio
penes dantem relicto. 4.42

Curant depōni pecunias apud tertium, ut illa
postea utantur de licentia Superioris. 4.43

Petunt rem ab alio, animo eam non acce-
ptandi sine consensu Prælati. 4.44

Recipiunt sine licentia Prælati immediati &
animo iis non utendi sine licentia Prælati
mediati, brevi obtinenda. 4.45

Recipiunt sub conditione, si Superior det li-
centiam. 4.46

Peccant interdum minima paulatim reci-
piendo indebite, si deveniant ad quantita-
tem notabilem. 4.47

Sine licentia non distrahant bona conventus,
aut data ad usum proprium. 4.48

Licentia distrahendi data a priori Abbatis-
sæ juvat, etsi præfens Superiori illam non
concederet. 4.49

Idque, etsi Monialis sic licentia statuis-
et ea licentia non uti. 4.50

Moniales invicem sibi non commodant, non
mutuant sine licentia. 4.51

Non capiunt ab externis commodatum, aut
mutuum sine licentia. 4.52

Non permutant concessa ipsis ad usum sine
licentia, saltem præsumpta. 4.53

Non peccant contra pauperatatem, si sine cau-
sa recusent oblata. 4.54

Sine licentia acceptant pecuniam pauperibus
per ipsas eligendis distribuendam. 4.55

Non peccat contra paupertatem recipiendo in depositum alienam pecuniam. [4.56](#)

Licentia dandi juxta aliquos juvat recipientes, etsi alii id negent. [4.57](#)

Extenditur ad vendendum; data tamen ad dandam rem unam, non extenditur ad aliam &c. *ibid.*

Deputatæ ad aliquod officium eo ipso ab externis recipiunt necessariam pecuniam ad illud obeundum. [4.58](#)

A pluribus Superioribus petunt facultatem recipiendi ad colligendam majorem summam. [4.59](#)

Unde colligatur violatio paupertatis, & ejus gravitas. [4.60](#)

Violantæ votum paupertatis non incurrunt poenæ ante sententiam. [4.61](#)

Quæ licentia excuset a violatione dicti voti. [4.62](#)

Licentia tacita quæ dicatur. [4.63](#)

Sufficit ea, quæ dicitur præsumpta. [4.64](#)

Unde colligatur licentia præsumpta. [4.65](#)

Licentia debita, sed negata non semper excuset. [4.66](#)

Abbatissa dat licentiam accipiendi, retinendi, ac di tribuendi. [4.67](#)

Cujus Superioris sit dare Monialibus dictam licentiam. [4.68](#)

Epycheja qualiter excuset a vitio proprietatis. [4.69](#)

Si quid accipiant, aut di trahant ex epicheja, non semper id postea aperiunt Superiorissæ. [4.70](#)

Qualiter consuetudo excuset a vitio proprietatis. [4.71](#)

Accepta a Monialibus indebite, per se loquendo, non possunt retineri. [4.72](#)

Secus in aliquo casu, qui refertur. [4.73](#)

An licentia generaliter data ad expendendum pro libito, extendatur ad usus illicitos. *ibid.*

Non restituit, qui Moniali tantundem refundit, quantum ab ea indebite accepit. [4.74](#)

Qualiter Moniales teneantur restituere, si bona conventus indebite di trahant. [4.75](#)

Rem indebite acceptam interdum restituant dñti, sed non semper. [4.76](#)

Indicatur media ad paupertatem conservandam. [10.206](#)

PECCATA.

Indicantur media ad vitanda mortalia. [10.210](#)

Item ad vitanda venialia. [10.211](#)

PECULIUM.

Monialibus permittum. [7.28](#)

PENNA.

Sub quibus poenis prohibita violatio Clausuræ Monialibus. [5.17](#)

Sub quibus iis vetetur egressus è clausura. [5.25.26. & 17](#)

Sub quibus vetetur ingressus extraneorum. [5.86](#)

Pœnam a Prælo indictam Abbatissa non moderatur. [10.159](#)

Pœna stricte interpretanda. [6.10](#)

Lata jure communi contra Regulares, aut Ecclesiasticos afficit Moniales. [8.1](#)

Lata in specie contra Religiosos Ordinis comprehendit Moniales, si sint exemptæ ab Ordinario. [8.3](#)

Secus, si sint ei subiectæ. [8.4](#)

Lata ab Ordinario tanquam Sedis Apostolicæ delegato non semper afficit Moniales exemptas. [8.5. & 6](#)

Multiplex pœna in jure lata contra Moniales. [8.9](#)

Non omnis pœna obligat ante sententiam. [8.9.1](#)

Ignorantia excusat a pœna. [8.99](#)

Puiri possunt ab Ordinario quicunque delinquant circa Clausuram Monialium. [10.192](#)

Et quidem etiam Moniales exemptæ; sicut & in casu, quo delinquant in materia spirituali. [10.136](#)

Vide v. *Ordinaria*.

PENITENTIA SACRAMENTALIS.

Prudenter imponenda. [10.208](#)

In ejus impositione plura advertenda. [10.209](#)

Quæ imponi possint in penitentiam. [10.201](#)

211., & 213.

Qualis penitentia imponenda in articulo mortis. [10.212](#)

Qualis imponenda Moniali furdæ aut furdastræ. [10](#)

Imponi possunt opera aliunde debita. [10.214](#)

Inimici & implenda per alium. [10.214](#)

Penitentia imponi potest statim post datam absolutionem. [10.215](#)

Ab ipso penitente commutatur in melius. *ibid.*

Revelari potest aliis a Confessario, si ea sit levis. [10.213](#)

PERCUSSIO.

Percutiens Monialem afficitur excommunicatione. [9.13](#)

Ipse

Ipsæ Moniales, si se invicem percutiant, eadem afficiantur excommunicatione. **3.34**
 Non item juxta Cajetanum, si percutiant se ipsas. *ibid.*

Eadem excommunicatio incurritur, si percutiant ad correctionem, cum non sint Superiores. **10.303**

Seniores tamen sic licite percutiunt novitias. *ibid.*

Item incurritur a percutiente viros in habitum religioso Monialibus servientes. **9.9**

Item, si percutiatur femina laica in religioso habitu dicata intra clausuram obsequiis Monialium. **12.9**

PERFECTIO RELIGIOSA.

Acquirenda a Monialibus. **6.3**

At non teneantur esse perfectæ. **6.3**

Obligationem acquirendæ perfectionis implendo observando vota, & præcepta. **6.3**

Proponuntur media ad acquirendam perfectionem. **10.185**

PIGNUS.

Mobilia pretiosa Monialium non possunt oppignorari nisi in gravi necessitate. **7.39**

PRECEDENTIA.

Offenditur, unde inter Moniales debeat desumi. **3.10**

PRÆCEPTUM.

Præcepta spiritalia, & temporalia qualiter differant. **4.107.10.134**

Per se imponit non possunt præcepta spiritalia ab Abbatisa. **4.106.10.133**

Possunt tamen imponi ex potestate delegata. **10.134**

Præcepta Abbatisæ ex eo quod confirmetur a Prælato, non obligant in conscientia. **10.138**

Abbatisa non præcipit in virtute obedientiæ. **4.109. & 110**

Sic tamen præcipit ex delegatione Papæ. **10.135**

Ex eadem delegatione præcipit etiam sub censuris. **10.136**

PREDICARE.

Prædicaturi Monialibus petunt benedictionem ab Ordinario. **10.33**

Abbatisa non prædicat Monialibus. **10.39**

Confessarius extraordinarius non expedit, quod prædicet suis Monialibus. **10.381**

Prædicantibus Monialibus non possunt libere alloqui. **10.375**

Prædicatores qualiter audiendi utiliter. **10.397**

PRÆLATUS REGULARIS.

Ei parant Moniales subditæ ex voto obedientiæ. **4.98**

In aliquibus ei potius parent, quam Ordinario; in aliis vero e contra. **4.103**

Affinit electioni Abbatisæ. **10.129**

Punitur, si indebite cooperetur Moniali exeunti e clausura. **5.26**

Non ingreditur clausuram, ut assistat electioni Abbatisæ. **10.97**

Non ad recipiendum votum Monialis ægro-
 tantis. **10.104**

Tunc non dat suum votum. **10.10**

Pœnas ab eo inflictas Abbatisa non moderatur. **10.152**

Præstat Ordinario Monialium Confessarios deputandos. **10.166**

Non audit confessiones Monialium sine Ordinarium approbatione. **10.106**

Ex privilegio consecrat Moniales sibi subditas. **3.64**

Absolvit illas, etiam a casibus bullæ Cœ-
 næ. **10.183**

Subjacet pœnis latis contra facientes, aut permittentes ingredi clausuram Monialium. **5.89. & 113**

Ingrediens item in casu non permisso incurrit pœnas quacumque vice sic ingreditur (quod alii negant.) **5.114**

Dat licentiam ingrediendi. **3.140**

Ejus consensus requiritur ad recipiendam puellam in educationem. **1.179**

Debet monere Moniales, ut frequentent sacramenta singulis mensibus. **6.8**

Dispensat cum illegitima, ut eligatur in Abbatisam. **8.44**

Ipsa negante facultatem reservatorum, Monialis adhuc absolvitur. **9.18**

Idque, licet talis facultas ei competat ex delegatione, aut titulo necessitatis. **9.30**

Dispensat cum Monialibus in iis, in quibus dispensat cum suis religiosis. **7.38**

Habet in Moniales potestatem ordinariam, adeoque delegabilem. **10.35**

Si quidem sit Prælatus provincialis; non item, si localis. **10.36. & 37**

Potestas illius in Moniales extenditur ad ea omnia, ad quæ extenditur potestas, quam habet in suos religiosis. **10.38**

Indicit Monialibus leges novas. **10.39**

Præcipit eis in virtute obedientiæ. **10.40**

Indicit illis reformationem. **10.45**

Multiplicem potestatem in eas exercet. Valide recipit novitias ad professionem. **3.4**

Reservat casus pro Monialibus. **10.46**

Non tamen pro arbitrio. **10.47**

Moniales subditæ ei subsumt quo ad receptionem novitiarum. **10.33**

Item

Item quo ad professionem . 10.52
 Item quo ad receptionem puellarum in educationem . 10.53
 Item quo ad exeundum e claufura . 10.54
 Item ad hoc ut conveniri, ac visitari possint ab externis . 10.55
 Item quo ad bonorum administrationem . 10.58

Ingressus claufuram in casibus necessariis . 10.59

Et quidem obituras Confessarii munia, eo excluso . *ibid.*

Non ingreditur tamen ita frequenter, ut olim vi suorum privilegiorum . 10.60

Non disponit libere de bonis Monialium . 10.61

Suspendit Abbatissas ab officio . 10.63

Visitat Moniales subditas . 10.65

Impediri id hoc non potest a Monialibus aut aliis quibuscvis sub poena excommunicationis . 10.80

Imponit novas austeritates . 10.80

PRESCRIPTIO.

Prescribi potest contra Monialium claufuram . 5.22

PRIVILEGIA MONIALIUM.

Moniales gaudent privilegiis sui Ordinis. Et interdum illis, quorum ex regulariter sunt incapaces . *ibid.*

Idque, etsi ea expresse concessa sint viris regularibus . 9.1

Communicat de privilegiis aliorum Ordinum . 9.3

Eorum privilegiis fruuntur etiam viri religiosi . 9.3

Gaudent privilegiis sui Ordinis, esto sub sint Ordinario . 9.5

Gaudent privilegio fori . 9.6

Item privilegio canonis . 9.13

Item privilegio exemptionis a iuribus parochialis . 9.15

Item privilegio immunitatis a gabellis . 9.16

Hic tamen amittitur, si negotiantur . 9.17

Item privilegio exemptionis a decimis ac Seminarii contributione . 9.17

Proficuntur in articulo mortis, anno novitiatus nondum expleto . 9.18

Non subfunt reservationi casuum Ordinariorum, si sint exemptae . 9.19

Abfolvantur a reservatis, etiam Papalibus vi suorum privilegiorum . 9.24

Idque, licet subfint Ordinario . 9.25

An subfaccant reservationi quinque casuum facta a Clemente VIII. in suo decreto derogatorio . 10.181

An abfolvantur a casibus Bullae Coenae per suum Praelatum, aut alium ex ejus delegatione . 10.181

Et quidem etiam pro foro externo . 9.27

A reservatis autem abfolvi possunt per Coancessarium, si is petat facultatem, & eam denegat Praelatus . 9.28

Gaudent variis privilegiis pro tempore Indulti . 8.23. & 33

Privilegiis Ordinis gaudent etiam Moniales tertiarie, si habeant quaedam requisita . 9.7. & 8

Aliquibus privilegiis gaudent puellae, quae apud Moniales educantur, sed non tenentur uti illis . 9.24

Privilegiorum usus ex causa impeditur Moniali ab Abbatisa . 9.15

PROCESSIO.

Non videtur a Monialibus facienda ex praeccepto in diebus Rogationum . 6.20

PROFESSIO RELIGIOSA.

Est duplex . 3.1

Ante illam exploratur voluntas Novitiae professurae . 3.2

Talis tamen exploratio non est de essentia professionis . 3.3

Ad professionem Novitiae concurrere debet consensus majoris partis Capituli . 3.46

Requiritur item consensus Praelati . 3.4

Qualiter ad ea requiratur consensus Abbatissae . 3.5

Profectio recipitur ab Abbatisa, aut a proprio Praelato . 3.7

Requirunt 16. annos completos . 3.8

In articulo mortis fit, etiam ante finitum annum novitiatus . 3.9. 9.18

Idque, si admissa ante ingressum extra decumbens lethaliter ibi inchoet novitiatum . 9.18

Potest differri . 3.10

Supponit in novitia deputata ad chorum aliquam literaturam . 3.2

Ejus occasione aliquae expensae permittuntur, sed moderatae . 3.13

Cogentes ad illam excommunicantur . 3.13

Item excommunicantur retrahentes ab ea . 3.14

Profectio facta ex metu non semper tenet . 3.24

Ex metu reverentiali interdum irritatur . 3.25

Facta ex errore, ignorantia, vel dolo non tenet semper . 3.26

Item non semper tenet facta ex ira, aut alia animi perturbatione . 3.27

Y y Non

Non tenet facta absque animo se obligandi .

3.28

Tenet facta a reticente aliquod impedimentum, quo detectio non fuisset admissa. 3.28

Tenet facta ab ægrotante toto tempore Novitatus .

3.30

Item recepta ex metu gravi admittentis .

3.31

Non tenet professio hermaphroditi facta inter Moniales, si proficens erumpat postea in virum, etsi antea esset valida .

3.32

Sicque talis hermaphroditus non tenetur transire ad Ordinem virorum .

ibid.

Tenet professio Novitiæ ab Ordinario in exploratione voluntatis repetitæ indignæ, sed non semper .

3.33

Tenet item professio recepta contra Prælati prohibitionem, sed non semper .

3.34

Moniales non possunt cogi recipere ad professionem Novitiæ, si juste reuatur .

3.35

Prælati Monialium se solo interdum recipit professionem, ipsis invitatis .

3.36

Prælati, & Abbatisse interdum possunt cogi recipere professionem Novitiæ capitulariter admittit .

3.37

Moniales nequeunt cogi recipere ad professionem Novitiæ cognitam indignam. *ibid.*

Reclamant contra nullitatem suæ professionis .

3.38

Non potest professio recipi ab iis Monialibus, quæ renunt proferi, & vivere in Clausura .

8.54

P R O F E S S A .

Potest transire ad Ordinem ætatiorem .

3.15

Cujus licentia ad id requiratur .

3.16

Quid de hoc statuerit Sac. Congreg.

3.17

Quæ indulget obstat contra talem transitum .

3.18

Professa ejici potest ratione incorrigibilitatis .

3.20

Neque quoad hoc obstat decretum Urbani IV. de ejebis .

3.21

Au transferri possit ad aliud Monasterium causa correctionis .

3.23

Deputata ad Chorum transferri potest ad statum Conversarum .

1.8

Quando tenet professio hermaphroditi. 3.32

Moniali professa facta vir non transit ad Ordinem virorum .

ibid.

Professio facta in morte tenet .

9.18

Vide P. Novitia .

P R O H I B I T I O .

Prohibitiones jure communi latæ contra regulares, aut Ecclesiasticos afficiunt Moniales .

7.1

P U E L L A .

Allici potest ad Religionem .

1.14

Modo potest recipi a Monialibus in educationem .

5.175

Si tamen habeat condiciones requisitas a sacra Congregatione .

5.176

At id non conceditur omnibus Monialibus .

5.177

Requiritur ad talem receptionem consensus Monialium capitularis, & per vota secretata .

5.178

Item & consensus Superioris Monialium .

5.179

179. 1. 53

Et, si nimis differatur ingressus, interdum requiritur consensus novus Conventus .

5.180

179.

Non potest recipi puella supra numerum taxatum .

5.180

Ei non conceditur ancilla .

5.181

Non debet esse minor 7. annis, nec major 15. annis .

5.182

Ordinarius in hoc non dispensat .

5.184

Expleto anno 7. ætatis, debet egredi e Monasterio, quamvis, si non exeat, nequaquam incurrat excommunicationem. 5.182

Præterea non est opus, quod expleto 25. anno, statim exeat .

5.184

Item de rigore non est opus, quod expleverit annum 7. quamvis obstat praxis. 5.184

Pro ea solvuntur alimenta anticipata quolibet semestri, & quidem in ære .

5.185

Habitat seorsim a Monialibus .

5.186

Non tenetur ad Clausuram .

5.187

Semel egressa non iterum ingreditur sine nova licentia .

ibid.

Præterquam in casu insolito, qui proponitur .

ibid.

Incedit modesto vestitu .

5.188

Cogens illam ad ingrediendum in educationem non excommunicatur .

5.189

Eximitur ab Ordinario, si deget in Monasterio exempto .

5.190

Non subest reservationi casuum ejusdem Ordinarii, si degat apud Moniales exemptas .

5.191

Tempore Interdicti assistit Divinis Officiis, servatis tamen aliquibus .

5.192

Graviter ægrotans, etiam intra Clausuram testatur de suis bonis .

5.193

Tempore Interdicti gaudet ecclesiastica sepultura .

9.14

Non gaudet privilegio fori .

9.10

Gaudet immunitate Ecclesiæ .

9.11

Utilis est talis ejus educatio .

9.175

Con-

Confitetur generaliter approbato ad confessiones. [10.167](#)

Indicatur modus ejus bene educandi. [10.190](#)

Q

QUARTA FUNERALIS.

Non fovenda Monialibus, si precise spectentur earum privilegia. [9.17](#)

R

RECEPTIO MONIALIUM.

Uid sit. [2.1](#)

Qualis esse debeat. [2.2](#)

Facienda suffragiis secretis. [2.3](#)

Puella digna non potest semper excludi a Religione. [10.1](#)

Ut licite excludatur, constare debet de indignitate. [10.1](#)

In examinanda ejus dignitate detegi possunt, & debent eius defectus etiam graviore. [10.1](#)

Juxta Concilium Tridentinum præmittenda exploratio voluntatis puellæ recipiendæ. [2.4](#)

Talis tamen exploratio non est de essentia receptionis. [2.5](#)

Puellæ recipiendæ non datur expectativa loci primo vacaturi. [2.6](#)

Non possunt recipi Novitiz supra numerum taxatum. [2.7. 7.23](#)

Auctis redditibus Conventus probabile videtur posse augeri numerum Monialium, quod tamen moderatur Portellus. [2.9](#)

Conversæ nonnulli in certo numero recipiendæ. [2.10](#)

Admissa capitulariter, si diutius ingressum differat, interdum nova eget admissione. [2.11](#)

Recipi possunt, non obstante Pii V. prohibitione. [2.44. 8.55](#)

Puella capitulariter admissa potest excludi, & e contra. [2.11](#)

Quales puellæ debeant recipi. [2.12](#)

Recipi possunt viduæ. [2.13](#)

Item ræmine illicite corruptæ. [2.14](#)

Item conjugatæ. [2.15](#)

Item hermaphroditæ, si prævalet sexus foemineus. [2.16](#)

Quæ ætas requiratur ad talem receptionem. [2.17. & 18](#)

Puellæ infantes recipi possunt intra Monasterium, admittendæ postea ad religionem. [2.19](#)

Et ad talem effectum offerri possunt a parentibus. [2.20](#)

Expediat eas in tali ætate recipi. [7.25](#)

Intra idem Monasterium recipi non possunt plus quam duæ sorores. [2.22. 7.23](#)

Recipienda brevi ad habitum religiosum expedit, quod extranatur prius a Monasterio, in quo educatur; idque j. iis de causis. [2.23](#)

Brevi admittenda ad novitiatum qualiter se debeat gerere in sæculo. [2.24](#)

Videtur non expedire regulariter, quod puella recipiatur ad religionem in Monasterio, ubi educatur. [2.25](#)

Excommunicantur impediens receptionem puellæ. [2.26](#)

Ad receptionem non requiritur consensus Abbatissæ ut sic. [2.24](#)

Prælati Moniales novitiam non recipiunt sine earum consensu. [2.25](#)

Non possunt Moniales, quæ renunt proferri, vivere in clausura, recipere novitias. [7.26](#)

Pronibitum sub excommunicatione, ne quid detur, petatur, aut accipiat pro receptione. [7.17](#)

RECLAMARE.

Possunt Moniales reclamare contra nullitatem professionis. [3.28](#)

REFORMATIO.

Indici potest Monialibus a Prælato regulari, aut Ordinario, pro ut iis respective subduntur. [10.41](#)

REGULA.

Moniales debent vivere sub certa regula approbata. [2.1](#)

Ex voto obedientiæ parent solum in iis, quæ sunt juxta regulam. [4.27. & 103](#)

Ab Abbatissa adstringi possunt ad observantiam regulæ, & qualiter. [4.115](#)

In aliquo casu parent in iis, quæ sunt contra regulam. [4.117](#)

Ex voto obedientiæ non tenentur ad omnia contenta in regula. [4.124](#)

Violatio regulæ non obligantis ad culpam potest interdum esse actus virtutis. [4.125](#)

Talis violatio raro fit sine culpa. [4.126](#)

Violans talem regulam tenetur ad poenam. [4.127](#)

Violans jejunium præscriptum in regula, & præceptum ab Ecclesia facit duo peccata. [4.128](#)

Moniales tenentur ad suam regulam. [6.4](#)

Sed non sub voto ad omnia contenta in ea etiam vocant regulam. [ibid.](#)

Y y z Qian-

Quando peccent mortaliter, statuendo non fervare illam. 6.5

Peccant venialiter statuentes violare regulam obligantem sub veniali. 6.6

Regulæ moderatio præcipi potest Monialibus. 10.42

In ea proprie non dispensat Abbatisa. 10.128
Afferantur varia media ad regularum observantiam tendendam. 10.105

RELIGIO.

Quæ dicitur strictior. 10.125

Votum ingrediendi Religionem strictiorem *comparatur* in votum perseverandi in Ordine laxiori. *ibid.*

RELIGIOSI.

Sine licentia Prælati donant conciones, & alia manuscripta. 4.28

Non omnes substant censuris ab Ordinario latis contra accedentes indebite ad Moniales. 5.104

Licentia ab Ordinario ad accessum Monasterii, aliquibus tamen servatis. 10.10

Idque ex Urbani VIII. decreto. *ibid.*

Vicarius Ordinarius potest, sed non tenetur dare diuinam licentiam. *ibid.*

Hec autem petenda etiam a Prælato regulari, si Monialis sit exempta. *ibid.*

Etiã nulla, si non ferventur, quæ in præfato decreto præscribuntur ut substantialia. *ibid.*

Prodest pro alia die destinata occurrat impedimentum obstat. *ibid.*

Non iuvat, si inique concessa sit. *ibid.*

Vi illius accedens ad unam Monialem non potest agere cum aliis accedentibus regulariter loquendo. *ibid.*

Nec socius Religiosi licentia agere poterit cum Moniali. *ibid.*

Gaudet privilegiis in specie concessis Monialibus. 9.3

RELIQUIÆ SANCTORUM.

Ex decreto Sacræ Congregationis servandæ a Monialibus in Ecclesia exteriori; at obstat usus in contrarium. 7.4

RENUNCIATIO BONORUM.

Quid de ea decreverit Conc. Trident. 5.57

Quæ donationes, ac obligationes contineantur sub eo decreto. 5.58

Sub eo non comprehenduntur puellæ apud Moniales in educatione degentes, nec admittæ ad religionem, si nondum receptæ ad habitum. 5.59

Idque maxime, si non renuncient intuitu Religionis. 5.60

Sub eo comprehenduntur etiam Novitiæ maiores 16. annis. 5.61

Renunciatio faciendæ de licentia Ordinarii, & quis nec sit. 5.62

Qualiter faciendæ intra bimestre proximum professioni. 5.63

Quid, si Novitia ante ultimum bimestre incurrat morbum periculofum. *ibid.*

Dominiũ rei renunciata in renunciatarium transiit solum post professionem. 5.64

Res tamen renunciata *licitum* tradenda renunciatario. 5.65

Idque, etsi renunciatio fiat in favorem Monasterii. 5.66

Renunciatio hereditatis paternæ, vivente patre, iudic extraneo, non eget consensu Monasterii. 5.67

Fructus rei renunciatae sunt renunciantis a die renunciationis usque ad professionem. 5.68

Renunciatio nequit revocari ante professionem. 5.69

Limita, nisi Novitia testetur de bonis renunciatis. 5.70

Renunciatio non corrumpit per mortem renunciantis secutam ante professionem, etsi alii id negent. 5.71

Corruit vero, si, ea facta, Novitia recedat a Religione, & postea redeat. 5.72

Non firmatur per professionem irritam. 5.72

Juxta aliquos fieri potest post professionem factam in morte ex Pii V. Indulto. 10.215

RESERVATA.

Vide *Absolutio*.

RESTITUTIO.

Qualiter faciendæ a Monialibus in casu, quo ad eam tenentur. 4.75

Non faciendæ interdum ab eo, qui recipit a Moniali ad usus illicitos. 4.73. 6.11

Famæ restitutio a Moniali moribunda fit per Confessarium. 6.11

RETRACTATIO.

A Moniali faciendæ quoad doctrinam falsam a Moniali moribunda per Confessarium. 10.112

Si in codice impresso error irreperit, sufficit eum corrigere in reimpressione brevi faciendæ. *ibid.*

S

SACRAMENTA.

Sacramentorum frequentia quæ permittenda Monialibus. 10.178

Ea tempore Interdicti recipiantur a puellis, quæ educantur apud Moniales. 9.14

SCRU-

SCRUPUL.

Proponunt varia remedia contra illos. 10.

204.212.

Interdum excusant ab integritate materiali confessionis. *ibid.*

SEPULTURA.

Moniales privantur Ecclesiastica sepultura, si sint proprietarie. 8.49

Puellæ, quæ educuntur in Monasteriis gaudent pro tempore Interdicti sepultura ecclesiastica. 9.35

Moniales prohibentur sub excommunicatione inducere alios ad promittendam sepulturæ electionem in ipsarum Ecclesia. 8.16

Laii non possunt sepeliri intra monasteria Monialium. 7.10

Sicque diligentes ibi sepulturam sepeliendi in Ecclesia exteriori ipsarum Monialium. 7.10

Si quis tamen ibi sepeliendus sit portitores cadaveris ingredientur clausuram. 10.233

Ingreditur Confessarius Monialium, si sepeliendus sit Monialis. 10.231

Et quidem secum ducendo socium, si sit religiosus, aut adit usus. 10.132

Dat sepulturam mulieri ingressæ monasterium animo ibi moriendi; ubicumque sepeliatur, immo, & puellæ ibi degenti in educatione. 10.233

Non item, si illa mulier animum ibi moriendi habeat conditionatum. 10.233

SIGILLUM CONFESSIONIS.

Confessarii Monialium illis concionantes quo ad hoc sint circumspiciendi in arguendis earum defectibus. 10.181

Interrogati, an audierint confessionem Monialis dimissæ ex culpa ipsius sine absolutione, qualiter debeant respondere. 10.281

Qualiter petant facultatem reservatorum pro Moniali. 10.283

Sigillum servandum, si Monialis ex sua culpa dimittatur inabsoluta dicendo illam fuisse confessam. 10.283

Non violatur, si Confessarius dicat Monialem fuisse confessam delictum, ea non nominata. *ibid.*

Non negat communionem Moniali cognitæ indignæ ex confessione. *ibid.*

Sigillum non violat manifestans virtutes notas ex confessione, aut dicit suum poenitentem esse scrupulosum, aut rogat poenitentem de delicto noto ex confessione alterius complicitis, si caute id fiat. *ibid.*

Item non violat loquens de peccatis auditis cum poenitente, statim finita confessione,

aut dicens poenitentiam datam, si nec sit levis. *ibid.*

Ut possit moriens absolvi ad augmentum gratiæ potest rogari coram attendantibus ut se accuset de aliquo leviori delicto in ipse die. 10.230

SIMONIA.

Abque nota illius recipi potest dos pro Moniali. 3.27

Et quidem etiam a Conventu divite. 3.28

Quale indultum quo ad hoc Monialibus concessum fuerit. 3.28

SOCIETAS JESU.

Li ea novitatus incuatur in habitu seculari. 3.50

Ejus religiosi ab Ordinariis, neque ut delegatis Papæ, censurantur. 8.6

Si ab ea apostatent, sunt eo ipso excommunicati. 8.10

Illius religiosi prohibentur suscipere curam Monialium. 10.10

Contentur generaliter quolibet anno, immo etiam aliqui quolibet semestri. 10.179

Per horam orant quotidie mentaliter; idque a Suarez præfertur universæ suæ doctrinæ. 6.7

Recitant Litanias quotidie in communi, si eas non tenentur per se recitare. 6.19

SOLICITARE.

Confessarius sollicitans Monialem ad turpia denunciandus. 6.24

Et, si Monialis renuat denunciare, Confessarius modernus potest ipse denunciare. *ibid.*

Denuntiatio non necessario facienda, antequam absolvetur poenitens. *ibid.*

Monialis denunciatur sollicitationem factam in sæculo sub nomine, & cognomine habitis in sæculo. *ibid.*

Sollicitatio facta in uno loco denunciari potest in alio. *ibid.*

SPONSALIA.

Quanta consideratione contrahantur in ordine ad matrimonium carnale. 2.36

STATUS RELIGIOSUS.

Ad illum allici possunt puellæ. 1.14

STATUTUM.

Si sit favorabile animæ, qualiter dicatur ampliandum. 5.23

Moniales servare debent Ordinis statuta, si sint exemptæ. 6.5

Possunt illis indici nova statuta a legitimo Prælato. 10.39

Peregrini non adstringuntur statutis alieni territorii. 5.211

SUB-

SUBROGATUM.

Quando sapiat naturam ejus, pro quo subrogatur. 6.16

SUPFRAGIUM.

Suffragia secreta danda in receptione puellæ ad religionem. 2.3
Item in electione Abbatissæ. 10.99
Item pro admittenda scilicet licentia ad prandendum intra clausuram. 5.173
Item pro admittenda puella intra monasterium in educationem. 5.178
In electione Abbatissæ Prælati assistens non fert suffragium. 10.106
In ea item non requiritur suffragium Monialis infirmæ. 10.104
At potest requiri. *ibid.*
Quid agendum, si unum ex suffragiis latis invenitur vitiosum. 10.102
Ad valorem electionis requiritur major, & senior pars suffragiorum. 10.100
A quo recipienda suffragia. 10.98
Excipi possunt oretenus. 10.99
Et tamen non ideo desinunt esse secreta. 10.99
Si ea non essent secreta, electio esset nulla. 10.99

SUSPENSIO ECCLESIASTICA.

Cadit in Moniales. 8.7
Suspenditur ab officio Abbatissæ, si Ordinarium non præmoneat de professione novitiæ. 8.36
Item in casu, quo bona monasterii concedat ad vitam dantis &c. 7.37
Suspenduntur item Moniales a receptione Monialium in suum Ordinem, si admittant ad professionem novitium, nondum expleto anno probationis. 8.38
Suspenduntur item ab officio, & actu capitulari, si capitulariter aliquid recipiant pro professione novitiæ admittenda. 8.35

T

TENTATIONES.

Indicatur modus eas superandi. 10.301

TEPIDITAS.

Cavenda in servitio Dei variis mediis. 10.304

TERTIARIE.

Aliquæ Moniales sunt terciarie. 1.9
Votum castitatis, quod faciunt, commutari nequit ab habente generalem facultatem commutandi votum castitatis. *ibid.*
Pluribus privilegiis gaudent, si habeant quadam requiſita. 9.7
Gaudent privilegio canonis. 9.3

Fruuntur indulgentiis concessis suo Ordini. 9.41

Gaudent privilegio fori, licet non vivant in communitate. 9.7

Acquirunt legatum reliquum pro monachatu. 9.48

TESTAMENTUM.

Non potest fieri a Monialibus. 4.24
Et quidem nec de bonis alicujus extranei de ejus consensu. 4.25
Potest tamen ab illis declarari factum ante professionem. 4.26
Fieri potest a novitia, aut puella manente in educatione intra monasterium graviter ægrotantibus. 5.193
Monialis esse potest executrix testamentaria. 7.37

TESTIFICATIO.

Testificari possunt Moniales, etiam in criminalibus. 7.36
Et quidem etiam in causis criminalibus personarum secularium. 7.36

TONSURA.

Deferenda a Monialibus. 6.22

TRANSITUS.

Monialis transire potest ad Ordinem strictiorem. 3.15
De licentia tamen sui Superioris. 3.16
Ostenditur quid de hoc statuerit sacra Congregatio. 3.17
Reveruntur indulta obstantia huic transitui. 3.18

Monialis, si fiat vir, non transit ad religionem virorum. 3.33

Transiens facit novum novitiatum, ac professionem. 5.54

Si sit exempta transit ad Ordinem arctiorem sine licentia Ordinarii. 3.19

TRANSLATIO.

Transferri non potest Monialis ad aliud monasterium. 3.21

Translata Moniali juxta aliquos etiam dos transferatur. 3.69. & 71

Monialis chorista transfertur ad statum Conversarum. 1.8

Et tunc non tenetur ad horas. *ibid.*

V

VARIETAS.

Qualis sit inter Moniales. 1.6. & 7

VASA SACRA.

Tangi possunt a Monialibus sine peccato, saltem mortali immo & sine veniali juxta aliquos. 7.12
V2-

VELUM.

- Velum Monialium quatuorplex. 3.61
Ad quid datur. 3.75
Quod genus veli modo sit in usu. 3.76
Quæ requirantur ad recipiendum velum
consecrationis. 3.77
Potest auferri in pœnam. 3.94
Moniales ipsæ possunt se private illo ad
tempus. 3.95
Vide v. Consecratio.

VESTES.

- Moniales non deferunt lineas &c jure com-
muni. 7.41

VIATICUM.

- Vide v. Eucharistia.

VICARIUS EPISCOPALIS.

- Non explorat voluntatem puellæ recipien-
dæ ad religionem, nisi in defectum Epi-
scopi. 3.2
Delegandus ad hoc specialiter. 3.2
Ingrediens clausuram Monialium subditi-
rum in casu non permissio non excommu-
nicatur. 5.118
Licentiat ad ingressum quo ad Moniales sub-
jectas. 5.147
Moniales subduntur Vicario in omnibus iis,
in quibus subduntur Ordinario. 10.4
Idque etiam quoad ea, quæ competunt Or-
dinario ut Sedis Apostolicæ delegato. 10.5
Visitat Moniales subjectas Ordinario, aut
Sedi Apostolicæ. 10.68

VIDUA.

- Admittitur ad novitiatum Monialium, ali-
quibus servatis. 2.13
Non eligitur in Superiorissimam. 8.45
Dispensata ad monachatum si recedat ab
uno monasterio, ingreditur aliud. 8.45

VIOLATIO MONIALIS.

- Violans Monialem punitur. 4.79
Ejus violatio est mixti fori. *ibid.*
Quot malitias continet. 4.82
Monialis sine se violari perpetuo carcere
includitur. 8.63
Bona violentis Monialem applicantur mo-
nasterio. 9.46

VIOLATIO REGULÆ.

- Vide v. Regula v. Obedientia.

VIOLATIO CLAUSURÆ.

- Sub variis pœnis vetita. 5.17
Contingit variis modis. 5.18
Recipit materiam parvitatem. 5.19
Specie lissime r. servatur Papæ, si fiat ad
malum finem. 5.20. & 174
Idque est pœnæ contra illam lata non ef-
fect reservata. 5.20

VISITATIO MONIALIUM.

- Non potest impediri a Monialibus sub ex-
communicatione. 8.18. & 19
Visitat Ordinarius clausuram Monialium,
etiam exemptarum. 10.22
Immo, & Monialium Sedi Apostolicæ im-
mediate subjectarum. 10.23
Visitatio canonica quid sit. 10.63
Alia est generalis, & alia particularis. 10.64
Instituenda a Prælati propriis Monialium.
10.65
Ordinarius visitat Moniales subjectas Sedi
Apostolicæ. 10.66
Visitat item eas Capitulum, Sede vacante.
10.67
Visitat, & Vicarius Generalis. 10.68
Moniales exemptas visitat Prælati regu-
laris. 10.66
Munus visitandi est delegibile. 10.69
Visitatio facienda singulis annis. 10.70
Quæ sit illius materia. 10.71
De ea præmonendæ Moniales. 10.72
Visitans ingreditur clausuram. 10.73
Ingrediens secum ducit socios. 10.74
Et hos etiam Regulares. 10.76
Visitatio fit in forma judiciali, si sit parti-
cularis. 10.78
Vide v. Clausura, v. Moniales, v. Ordina-
rarius v. Prælati Regularis.

VITA COMMUNIS.

- De rigore servanda a Monialibus. 4.5
Ufus tamen est in contrarium. 4.6
Utilissima religiosis. 4.7

VITA CONTEMPLATIVA.

- Eam communiter profitentur Moniales. 1.10
Consulenda Monialibus, 4.8
Illæ ad eam adstringi possunt. 4.8

VIVE VOCIS ORACULA.

- Facta regularibus, & revocata a Gregor. XV.
& ab Urbano VIII. plurima adhuc durant
juxta Peyrium. 10.176

UNCTIO EXTREMA.

- Ad eam ministrandam ingreditur Confessa-
rius Monialium clausuram. 10.225
Et quidem cum socio, si sit Regularis, &
interdum pluries. 10.225
Quod temporis intervallum requiratur ad
conferendam extremam Unctionem. 10.
226

VOCATIO RELIGIOSA.

- Indicatur modus confirmandi Moniales in
ea. 10.302

VOTUM.

- Moniales votantes regulam non tenentur
sub voto ad omnia contenta in illa. 6.4
Abba-

Abbatissa non commutat vota Monialium ,
neque super iis dispensat . 10.134

Ea tamen irritat . 10.135

Papa ea solum voto Regularium potest ir-
ritare , quæ possent irritari ab eorum
Prælati regularibus . *ibid.*

Sicquæ nequit irritare votum transitus ad
Ordinem arctiorem . *ibid.*

Imo nec vota specialia cujusque Ordinis re-
spectiue . *ibid.*

Votum ingrediendi Ordinem strictiorem

commutatur in votum perseverandi in
laxiori , etiam ab ipso vovente . 10.135
Vide v. *Abbatissa* .

U R S U L I N Æ .

Degentes Parmæ non gaudent privilegio ca-
nonis . 9.12

Z

Z E L U S A N I M A R U M .

Necessarius in Monialium Confessariis .
10.160



